


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

# **Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

## **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

## **The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-04-22

## Contents

SAN MATEO . . . . .	1
SAN MARCOS . . . . .	98
SAN LUCAS . . . . .	151
SAN JUAN . . . . .	239
HECHOS . . . . .	302
ROMANOS . . . . .	376
1 CORINTIOS . . . . .	417
2 CORINTIOS . . . . .	454
GÁLATAS . . . . .	478
EFESIOS . . . . .	492
FILIPENSES . . . . .	506
COLOSENSES . . . . .	515
1 TESALONICENSES . . . . .	524
2 TESALONICENSES . . . . .	532
1 TIMOTEO . . . . .	537
2 TIMOTEO . . . . .	548
TITO . . . . .	556
FILEMÓN . . . . .	561
HEBREOS . . . . .	563
SANTIAGO . . . . .	596
1 SAN PEDRO . . . . .	606
2 SAN PEDRO . . . . .	616
1 SAN JUAN . . . . .	622
2 SAN JUAN . . . . .	631
3 SAN JUAN . . . . .	633
SAN JUDAS . . . . .	635
APOCALIPSIS . . . . .	639

## Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi (Lc 3.23-38)*

<sup>1</sup> Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwanapin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwanapin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

<sup>2</sup> Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba. <sup>3</sup> Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi. <sup>4</sup> Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi. <sup>5</sup> Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi. <sup>6</sup> Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urías xeina.

<sup>7</sup> Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi. <sup>8</sup> Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi. <sup>9</sup> Bapon Uzías Jotam paxa tatsi. Bapon Jotam Acaz paxa tatsi. Bapon Acaz Ezequías paxa tatsi. <sup>10</sup> Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi. <sup>11</sup> Bapon Josías Jeconías paxa tatsi, iru Jeconías peweicho jiwi bapontha cae axaba. Bapon Jeconías poxonae israelmonae teicaeya capoinchi Babilonia nacua beya, barapo jinaebotha Jeconías naexana epatotha.

<sup>12</sup> Bapoxonae pirapae Jeconías tanaexanatsi pexanto Babilonia nacuatha. Jeconías Salatiel paxa tatsi. Bapon Salatiel Zorobabel paxa tatsi. <sup>13</sup> Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi. <sup>14</sup> Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi. <sup>15</sup> Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi. <sup>16</sup> Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

<sup>17</sup> Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jeconías naexana. Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wato barapo cae pin nacuathe (Lc 2.1-7)*

<sup>18</sup> Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewan José, poxonae ab̄ cataunxuae jopa per̄u nacoyabiyo, bapoxonae María pexuyo b̄pana taecatsi. Barapo pexuyo Nacom pia Pejumope t̄nax̄u tatsi María tsiper̄u weeca exanatsi. Barapo pexuyo pewan Jesús. <sup>19</sup> José, María pia pebin tatsi tsane, poxonae pichina pon pejunt̄u coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua b̄pana taecatsi xua María aura peexanaenexa tsainchi jiwi peit̄tha tatsi. Bapoxonae José namicha moyiya najunt̄u cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa. <sup>20</sup> Poxonae came cataunxuae baxua yabara nanta xeina, José maituncuataba. Bapoxonae José amachinae tsita nait̄tatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwanapin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope t̄nax̄u tatsi pia pexuyo tatsi. <sup>21</sup> Bapowa tanaexanaeinchi pexanto. Bapon w̄n dutsiname, po w̄n ‘Jesús’, jei. Barapo w̄n, w̄n dutsiname tsipei bapon pijimonaecapanepaena xua abe pia peexanae cuiru coyenein weya tatsi, xua daxota Nacom jopa petsitanexatsi xua barapomonaepexeinaewa penatsicuentsiwa”, jei matatsunpin.

<sup>22</sup> Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiw̄nae muxu duta Nacom nexa, xua jeye:

<sup>23</sup> “Matha taema, yab̄yo pexuyo b̄pana taecatsi powa jopa per̄u nacoyabiyo pebin. Yawa tanaexanatsi pexanto, po pexuyo w̄n dutatsi, po w̄n ‘Emanuel’, jei”, jei Nacom pia peitorobi jume pepaebin. (Barapo w̄n jei: “Nacom naca bar̄u popona”, jei.)

<sup>24</sup> Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi. <sup>25</sup> Bequein cae botha nabar̄u poponabe daichitha jopa came imoxoyo naper̄u cuicuinaeyobe beya poxonae pexanto tanaexanatsi. José pexuyo w̄n duta, po w̄n “Jesús”, jei.

## 2

*Meje yabara poxonae pomonaepitei pecayabara w̄nae yaputaewi barapomonaes Jesús siwa poinchi xua petaenexatsi*

<sup>1</sup> Jesús naexana Belén tomaratha, Judea nacuatha. Barapoxonaer̄u Herodes pon Judea nacuapiwi pia peyanacua ewatsinchi popona barapo Judea nacuatha. Poxonae Jesús naexana pebiwi pata Jerusalén tomaratha. Barapomonaepitei pecayabara w̄nae yaputaewi. Barapomonaepia tomara taj̄u taenatsi ichaxota pocotsiwa xometo weecoina. <sup>2</sup> Barapomonaepichawa beya yayainyaba tsiniya, jeye:

—¿Exota naexana pexuyo, po pexuyo judiomonaepitorobiya pia pepa peewatsinchi exanaeinchi poxonae pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacuatha ichaxota pocotsiwa xometo weecoina. Papatan xua pata w̄nae jainchiwa tsane barapo pexuyo, jei.

<sup>3</sup> Herodes, pon Judea nacuapiwi pia peyanacua ewatsinchi poxonae bapon yabara jume tane xua ich̄n naexana pon jiwi itorobiya pia pepa peewatsinchi, bapoxonae bapon bichocono unth̄th̄u deideijeirur̄u Jerusalén tomarapiwino daxita bichocono unth̄th̄u deideijeipejume taexae baxua. <sup>4</sup> Nexata Herodes waba sacerdotemonaepia pentacaponaewi tatsi xua pia petanacaetutsinexa tsainchi pia botha. Matautano

wabano pomonae jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

<sup>5</sup> Barapomonaе jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaebin caena bayatha tsiwunaeya yabara muxu dutsiya tina xua Mesías yabara, Nacom nexa. Nacom jeye:

<sup>6</sup> Belén tomara bequein po tomariyo tsiqui tomariyo

jiwana tomara xua Judea nacuatha, daichitha

Judea nacula pentacaponae wi yabara nanta xeinaena

xua Belén tomara peainya cui tomariyo tsane.

Baxua nanta xeinaena tsipei barapo

tomariyotha naexanaena, pon jiwi

pia Pecanamataxeinaeinchi tatsi.

Xan Nacom bapon itorobin tamonaetha,

pomonaе Israel nacuapiwixae,

xua bapon barapo israelmonae itorobiya

pia pepa Peewatsinchi tsainchi', jei Nacom,

xua Nacom tatinatsi pon Nacom peitorobi jume

pepaebin, jei sacerdotemonaе iru pomonaе jiwi

pecuidubiwi Moisés pia peitorobi coyenewa tatsi.

<sup>7</sup> Nexata Herodes namicha moyiya waba pomonaе opitei pecayabara wunaе ya-putaewi. Herodes yainyaba barapomonaetha: “¿Eta poxonae yatsicaewa barapo opiteito paca tsita naitata?” jei bapon. <sup>8</sup> Poxonae barapomonaе jume nota bapontha bapoxonae Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajeire barapo pexuyo. Poxonae pataebiname barapo pexuyo, nexata pana netsipaebare, tsipei xan iru ponaein wunaе tajainchinexa tsaneru barapo pexuyo, jei Herodes.

<sup>9</sup> Poxonae Herodes najume weta, barapo pebiwi bara ponarucupa, pomonaе opitei pecayabara wunaе ya-putaewi. Bapoxonae po opiteito bayatha tane pia nacuatha, barapo opiteito jemeicha caewa naitataba. Yawa barapomonaе matacapoinchi. Barapo opiteito ducuaпona beya matapainya matatsun ducuatibica ichaxota barapo pexuyo boca.

<sup>10</sup> Poxonae barapo pebiwi tane barapo opiteito, barapo pebiwi bichocono juntu coyene weiweina. <sup>11</sup> Barapomonaе bo jojoniya ichaxota tane barapo pexuyo xua pena baru ecatsi, barapowa María. Bapoxonae barapo pebiwi pentabocotontha ena xua barapo pexuyo wunaе pejainchinexa tsainchi, tsipei barapoyo pon Pecanamataxeinaein peexanaexae tsainchi poxonae pinyo tsane. Bapoxonae barapomonaе piawan coibo isacapenta xua cajjinca. Barapo pexuyo catsibatsi xuan pocotsiwa pewan oro nain. Catsibatsino xua pocotsiwa pewan incienso xua pocotsiwa tuxusi tuxuei benata poxonae tauta exana. Matautano muxuna catsibatsi icha petuxueiwa pocotsiwa pewan mirra xua pocotsiwa anaincuito. <sup>12</sup> Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonaе pia nacula be-iyiya, icha namto iyiya.

### *Meje yabara poxonae Jesusbaru panenebiya Egipto nacula beya*

<sup>13</sup> Poxonae barapo pebiwi ponarucupa bapoxonae Nacom itoroba matatsunpin Josetha. Matatsunpin tsita naitata poxonae José amachinae. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacula bebaru naetsiri-wiyama. Ecare barapo nacuatha, beya abu poxonae equeicha catsipaebinchi baxota.

Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

<sup>14</sup> Poxonae cataunxuae merawi, José nacosataxuba. José pexuyo pita, yawano José pita yabayo María xua pexuyo pena tatsi. Daxita barapoyobe warapa Egipto nacua beya poxonae cataunxuae quirei tsuncuae. <sup>15</sup> Barapo nacua, Egipto nacua, barapoyobe ecabe beya poxonae juinya Herodes tupa. Baxua José cana exanatsi xua bayatha Nacom pia peitorobi jume pepaebin petsiwanae yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwí Pecanamataxeinaeinchi.

*Mejeyabara poxonae Herodes itoroba, ichamonae itorobatsi xua pejutebinexatsi pexui*

<sup>16</sup> Poxonae Herodes yaputane xua pomonae opitei pecayabara wanae yaputaewi muxujainyabiya tsipaeba bapontha xua itara patapaeba, bapoxonae Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wətixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, iru po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wətixi daxita poxi Belén tomara cuariya beya. Herodes baxua exana yaitama bayatha pomonae opitei pecayabara wanae yaputaewi yopita xua pinae tane pexuyo pia opiteito tatsi barapo dos po weibetha poxonae peputha tapon, opiteito peputha tatsi xua jinaebotha, poxonae Judea nacua beya pona. <sup>17</sup> Baxua Herodes cana cui wetsiya exanatsi, xua bayatha Jeremías pon Nacom pia peitorobi jume pepaebin petsiwanae yabara paebixae, xua jeye:

<sup>18</sup> “Jume tan xua wecoyei Ramá tomaratha,  
po tomara eca imoxoyo Belén tomaratha.  
Powa xua wecoyei, bapowa Raquel,  
powa bayatha tupa.  
Bapowa Raquel pia pemomoxi susatopiwi siwa  
wecoyei, tsipei daxita tajutebatsi.  
Barapowa jopa naitawanae copatsiyo tsipei  
pexui bayatha werapa bequein ichamonae jume  
matawenta”, jei Jeremías.

<sup>19</sup> Herodes bapoxonae pirapae tupa. Bapoxonae matatsunpin pon Nacom itoroba, José tsita naitatatsi poxonae José amachinae Egipto nacua. Matatsunpin jeye Josetha: <sup>20</sup> “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiya. Tsipei bayatha werapa pomonae ichichipa xua barapo pexuyo pebexubiwatsi”, jei matatsunpin.

<sup>21</sup> Bapoxonae José natsixitaba. José pita pexuyo yawa coxiwa. Israel nacua beya caibe nawiya. <sup>22</sup> José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacua daxota José junuwa xua peponaewa barapo nacua. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacua. <sup>23</sup> Poxonae José patopa barapo nacua, bapoxonae popona po tomaratha, po tomara pewan Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwanae muxu dutsiya jeye: “Bapon wan dutinchi po wan jei: ‘Nazaret tomarapin’, jei”, jei barapo Nacom pia peitorobi jume pepaebiwi.

## 3

*Meje yabara poxonae Juan, pon Pebautisabin jiwí, cuiduba ira xuepana susato tsurucuae nacuatha*

*(Mr 1.1-8; Lc 3.1-9, 15-17; Jn 1.19-28)*

<sup>1</sup> Pirapae poxonae ainya wei yapucaewa, poxonae ab<sub>u</sub> cataunxuae Jesús eca Nazaret tomaratha, bapoxonae Juan pon jiwí Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwesi paeba ducuanae-biya. <sup>2</sup> Juan namchi: “¡Icha j<sub>unt</sub><sub>u</sub> coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonae Nacom itorobiya peewatsixae”, jei Juan.

<sup>3</sup> Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume w<sub>u</sub>naeya tina, xua caena bayatha Juan yabara jume w<sub>u</sub>naeya tinatsi. Isaías jeye:

“Jume tan pon wawai ira xuepana

susato tsurucuae nacuatha.

Bapon wawaya jeye: ‘Patsi naj<sub>unt</sub><sub>u</sub> cui

coyene w<sub>u</sub>naere pon jiwí pia pepa

Pecanamataxeinaeinchi pia pepatopae w<sub>u</sub>naeya tsane’,

jei pon wawai”, jei Isaías petinae diwesitha.

<sup>4</sup> Juan jumaina duwein nabocoto, po duwein pew<sub>u</sub>n camello. Coreinya bocoto maraina. Juan xane pocotsiwan yapupuna, pocotsiwan be sure, matautano bana daebano. <sup>5</sup> Jiwí pata Jerusalén tomara weya, ir<sub>u</sub><sub>u</sub> pata xua daxita tomaranpiwí xua Judea nacua weya, ir<sub>u</sub><sub>u</sub> pata po tomaranpiwí xua imoxoyo Jordán mene weya. Barapomonae pata Juan pejume taenexatsi. <sup>6</sup> Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

<sup>7</sup> Ichitha poxonae Juan tane xua nawita pata fariseomonae jiwana ir<sub>u</sub><sub>u</sub> xua saduceomonae jiwana pata ichaxota Juan bautisaba, Juan jeye barapomonaetha: “¡Paxam pomonae pemuxuitorobi jiwí pam! ¡Paxam be bara jomomonae pam, tsipei jomo ba cuitaya d<sub>u</sub>c<sub>u</sub>pa nawa! Bara paichim anoxuae, paichichipame Nacom pacuitaya d<sub>u</sub>c<sub>u</sub>pame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa paj<sub>unt</sub><sub>u</sub> coyene xanepanaem Nacomtha. <sup>8-9</sup> Xaniwaicha pajinompare xain ichamonae paca cui tane, xua icha j<sub>unt</sub><sub>u</sub> coyene painya nexainaewa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cow<sub>u</sub>ntsim Nacom. Daxota Nacom itac<sub>u</sub>pati xua paca cui matawenta pia jopa paca nepaca capanenebiyaenexa tsane. Matautano barichino Nacom itac<sub>u</sub>pati xua jiwí forotsinchi barapo ibotixi weya, po ibotixi xote Jordán mene itapatha bobena. Barapo jiwí naexanaena, po jiwí yatsicaewa Abraham pia pemomoxi susato jiwí tatsi, pomonae pejume cow<sub>u</sub>ntsiwixaetsi Nacom. <sup>10</sup> Poxonae pebin naein <sub>u</sub>ba sipari ba canacui w<sub>u</sub>naeta xua pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca j<sub>u</sub>ta ichiya paca cana exanaena. Nacom paca yabara nacui w<sub>u</sub>naeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem. <sup>11</sup> Xan xaniwaicha paca bautisabatsi meratha painya neauraxae xua abe paexaname xua daxota icha j<sub>unt</sub><sub>u</sub> coyene painya nexainaewa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesías. Bapon paca bautisabina Nacom pia Pejumope t<sub>u</sub>nax<sub>u</sub>tha tatsi poxonae Nacom paca najumope catsibina. Bapon paca jiwana cui copatsinchi xua atene tsane Cristo pejume cow<sub>u</sub>ntsixaetsi xua ichamonae atene exanaena. Bapon



bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Daxota bapon bichocono tsita pin ura xeinan xua tataxu mu isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae baru cui itura jina pia pentacaponae wichi. <sup>12</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabohta. Matapepe jehebapona petautsinexa isotohta, ichaxota po isoto jopa cuinaya itacounayiyo. Bapon bara juta cana ichi tsane jiwitha icha trigo xu cana ichiya ichi. Jiwi Nacom tsana nobina pomonae pejume cowantsixaetsi pia nacuatha nexa. Ichamonae tsana nobinchi pomonae jopa pejume cowantsiwichi, petautsinexa isotohta ichaxota xua jopa itacounayiyo”, jei Juan.

*Meje yabara poxonae Jesús bautisabatsi  
(Mr 1.9-11; Lc 3.21-22)*

<sup>13</sup> Nexata Jesús patopa ichaxota Juan uncu Jordán mentha xua Galilea nacuatha. Jesús patopa xua Juan pebautisabinexa tsane. <sup>14</sup> Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesthath: —Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

<sup>15</sup> Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonae Juan jume jejei xua Jesús bautisabatsi. <sup>16</sup> Nexata poxonae Jesús bautisabatsi, Jesús nainya mene wejuina. Bapoxonae nainya peitaboco nayausanaxuba. Jesús tane xua Nacom pia Pejumope tñaxu tatsi Jesús tapatopeicatsi, be topiboto yaruneica. <sup>17</sup> Bapoxonae Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nejuntu coyene weiweina exana”, jei Nacom.

## 4

*Meje yabara poxonae Jesús juntu coyene jujutatsi caurimonae pia pentacaponaein tatsi xua Jesús abe coyeneya petaexanaenexa tsane  
(Mr 1.12-13; Lc 4.1-13)*

<sup>1</sup> Nexata Nacom pia Pejumope tñaxu tatsi Jesús matakayatsi ira xuepana susato tsurucuae nacua beya. Baxotiya caurimonae pia pentacaponaein tatsi Jesús piraichi juntu coyene jujutatsi xua Jesús abe coyeneya petaexanaenexa tsane.

<sup>2</sup> Jesús jopa nabanaeyo baraxotiya cuarenta po matakabibetha matautano cuarenta po merawibetha. Poxonae barapo matakabin yapucaewaba bapoxonae Jesús bichocono jainpa. <sup>3</sup> Caurimonae pia pentacaponaein tatsi imoxoyo patopa Jesthath. Bapon Jesús piraichi juntu coyene jujutatsi xua Jesús abe coyeneya petaexanaenexa tsane. Bapon Jesús baraichi:

—Icha xam yatsicaya Nacom Pexantom, netsita iture. Barapo iboton itorobare xain pan naexanapenta, jei caurimonae pia pentacaponaein tatsi.

<sup>4</sup> Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara iru yawano Nacom Pejume Diwesi jiwi betiya yajuntu cui coyeneya jantemiya jinompa’, jei Nacom Pejume Diwesitha, jei Jesús.

<sup>5</sup> Nexata caurimonae pia pentacaponaein tatsi Jesús matakapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi. <sup>6</sup> Caurimonae pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha, poxonae wenaxorecame’, jei Nacom Pejume Diwesitha, jei caurimonae pia pentacaponaein tatsi.

<sup>7</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa juntu coyene jajutsiya wñcaeinde Nacom pon jinya Necanamataxeinaein, xua necajume jejeiwa tsane xua necayawenaewa tsane poxonae jopa xapain exanaem’, jei Nacom Pejume Diwesitha, jei Jesús.

<sup>8</sup> Equeicha caurimonae pia pentacaponaein tatsi Jesús matacapoinchi ichaxota po demxuwa bichocono atororo. Baraxotiya Jesús tsita itatatsi daxita nacuan xua barapo cae pin nacuate. Matautano Jesús tsita itatatsi daxita nacuan pia peitapanae coyenewan. <sup>9</sup> Caurimonae pia pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua matautano ichaunxuae newnae jaintsiname xua nenanta xeinaewaxae xua xan jinya tacacanamataxeinaeinchi. Bapoxonae barapo nacuan yawa muxuna nacuan pia peitapanae coyenewan, baxuan cacatsinchi xua jinya necanamataxeinaenexa barapo nacuan, jei caurimonae pia pentacaponaein tatsi.

<sup>10</sup> Nexata Jesús jume nota:

—Xam pon caurimonae pia pentacaponaein, bara nexubiriware. Yaitama Nacom Pejume Diwesitha namchi, jeye: ‘Meisa wñnae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>11</sup> Bapoxonae caurimonae pia pentacaponaein tatsi Jesús pia xainya weya tatsi napitaba. Matatsunpiwi pata Jesustha xua Jesús pecui matateicaenexa tsainchi, matautano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea nacuate (Mr 1.14-15; Lc 4.14-15)*

<sup>12</sup> Poxonae Jesús jume tane xua Juan jiwi pecubi botha eca, bapoxonae Jesús pona Galilea nacua beya. <sup>13</sup> Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepoponaenexa. Barapo tomara eca, Galilea pucua itapatha ichaxota ainya nacuabe nacaquita ecabe po nacuiyo pewñ Zabulón nacuiyo, yawa po nacuiyo iru pewñ Neftalí nacuiyo. <sup>14</sup> Pocotsiwa Jesús exana poxonae Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaías, pecayabara cui wñnae tsiwñnaeya tinaexae poxonae jeye:

<sup>15</sup> “Po ainya nacuabe pewñ Zabulón nacuiyo matautano Neftalí nacuiyo, barapo nacuabe ecabe ichaxota po namtotha pucua imoxoyo caquita ducuiya.

Barapo nacuabe ecabe ichaxota po pin nacua, pewñ Galilea nacua.

Barapo Galilea nacua icha muxunenetha eca xua Jordán mentha.

Barapo Galilea nacua weya jinompa pomona

jopa judiomonae naexanaeyo.

<sup>16</sup> Barapomonae caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae.

Daxita barapomonae be pocotsi jiwimonae poxonae pona pequireiwatha xua poxonae matautano jopa xeinaeyo xua penatsiwana itiyobiwa.

Daichitha daxita barapomonae nama jume cowantsina, xua jume cowantsinchi pon Nacom itoroba.

Bapon barapomonae juntu cui coyene babatsiya xanepanaya jinompaeya exanaeinchi ichi be jiwi ichi xua poxonae pin pecoichatha jinompa”, jei Isaías, pon Nacom pia peitorobi jume pepaebin.

<sup>17</sup> Bapoxonae Capernaum tomaratha Jesús tamropata pitaba xua jiwi cuidubatsi. Jesús namchi, jeye: “Icha juntu coyene paxeinare Nacomtha, painya neauraxae xua abe paexaname. Tsipei Nacom paca waba painya nenaexanaenexa piamonae tatsi pomonae Nacom itorobiya peewatsixae”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi (Mr 1.16-20; Lc 5.1-11)*

<sup>18</sup> Jesús pona Galilea pucua itapatha. Jesús tane ponbe ainya caepipeweichobe. Ichun pewun Simón pon icha wanno Pedro. Ichun pewun Andrés. Baponbe duwei peyamonaeinbe. Baponbe mentha yamonauyabe duwei pocotsiwatha xua peyamaewa.

<sup>19</sup> Nexata Jesús baraibe baponbe, jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>20</sup> Nainya caena baraponbe peyamaewan xubotabe. Napuna ponabe Jesustha.

<sup>21</sup> Bapoxonae pirapae Jesús tane ichunbe, ponbe ainya caepipeweichobe. Ichun pewun Santiago. Ichun pewun Juan. Baponbe Zebedeo pexantobe tatsi. Baponbe jeratha paxa baru ecabe. Baponbe peyamaewan wanaetauyabe. Jesús waba, baponbe wabatsibe. <sup>22</sup> Caena nainya jera xubotabe matautano paxa cuenta ponabe. Baponbe Jesús puna poinchibe.

*Meje yabara poxonae Jesús pin bicheitomonae cuiduba (Lc 6.17-19)*

<sup>23</sup> Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacaetutsi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaenexatsi piamonae pomonae Nacom juntu coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae. <sup>24</sup> Pin bicheitomonae jiwi jume tane xua juinya Jesús exana daxita carepaya Siria nacua. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mabatsi. Jesús axaibi exana daxita barapomonae. <sup>25</sup> Pin bicheitomonae jiwi Jesús puna poinchi pomonae Galilea nacua weya pona. Iruru Jesús puna poinchi pomonae Decápolis nacua tomaran weya pona, iruru pomonae Jerusalén tomara weya pona, iruru pomonae Judea nacua weya pona. Iruru Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajathiya.

## 5

*Meje yabara poxonae Jesús cuiduba jiwi demxuwatheicha*

<sup>1</sup> Poxonae Jesús tane barapo pin bicheitomonaе, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonaе matawacaicha nacaetutarucupatsi pomonaе pia pepuna ponaewichi. <sup>2</sup> Jesús tamropata pitaba xua diwesi cuiduba barapo pin bicheitomonaе.

*Meje poxonae Jesús yabara cuiduba pomonaе pejuntucoyene weiweinae jiwi (Lc 6.20-23)*

<sup>3</sup> Jesús barai barapo pin bicheitomonaе pomonaе pijimonaеxae tatsi, jeye: “Maisa bichocono juntucoyene weiweina pomonaе yaputane xua Nacom pecanantawenonaе-watsi xua xanepanaya pejinompaewa tsane. Tsipei barapomonaе naexanaena Nacom piamonaе pomonaе Nacom juntucoyene itorobiya ewata.

<sup>4</sup> “Maisa bichocono juntucoyene weiweina pomonaе bequein anthatharewe xua siwa wecoyei petaexae xua ichamonaе abe cana exana jiwitha. Daichitha barapomonaе Nacom cui matateicaena, barapomonaе cui matateicaeinchi xua anthatharewe, xua ichamonaе siwa wecoyeichi.

<sup>5</sup> “Maisa bichocono juntucoyene weiweina pomonaе Nacom bichocono pebaru cui itura jinaewatsi xua jopa Nacom yabara ajuntucoyenetsacatsi. Barapomonaе nama patsina pena iratha po ira Nacom bayatha yabara paeba.

<sup>6</sup> “Maisa bichocono juntucoyene weiweina pomonaе ichichipa nawita xua exaneiba xua Nacom ichichipa, pexeinaenexa tsane pejuntucoyene xanepanaewa Nacomtha xua Nacom jopa petsitanexatsi xua barapomonaе pexeinaewa penatsicuentsiwa xua abe peexanaexae bapontha. Barapomonaе yawenatsi, Nacom yawena xua barapomonaе pexeinaenexa tsane barapo coyene.

<sup>7</sup> “Maisa bichocono juntucoyene weiweina pomonaе nantanuweya pecayabara cui cananta xeinaewi xua ichamonaе peyawenaenexatsi. Barapomonaе xuya Nacom nantanuweya cayabara cui nanta xeinaena xua peyawenaenexa tsane.

<sup>8</sup> “Maisa bichocono juntucoyene weiweina pomonaе pejuntucoyene xeicaе jiwi xua pomonaе jopa pecayabara nanta xeinaexae abe peexanaе cuiru coyene. Barapomonaе Nacom necotsinchi.

<sup>9</sup> “Maisa bichocono juntucoyene weiweina pomonaе juntema pejinompaexae xua peyawenaexae xua irucoyene weiweina juntema jinompa peexanaexaetsi pomonaе copiya abe nata exaneiba. Barapomonaе pomonaе juntema pejinompaexae Nacom unuta ‘Tapexui’, jei Nacom.

<sup>10</sup> “Maisa bichocono juntucoyene weiweina pomonaе bequein bara aperutane exainchi matautano bequein bara anthathatane exainchi, xua amsiya xaniwaicha peexanaexae pocotsiwa Nacom itoroba. Barapomonaе nama Nacom pijimonaе tatsi naexanaena pomonaе Nacom juntucoyene itorobiya ewata.

<sup>11</sup> “Maisa bichocono pajuntucoyene weiweiname poxonaе bequein bara ichamonaе abeya paca yabara paeba, poxonaе bequeinno abe pacata exana, matautano poxonaе bequeinno canaerabiya paca yabara paeba tapaneantobemxaem. <sup>12</sup> Pajuntucoyene weiweinare. Matautano juntema painompare tsipei Nacom paca catsina pia pexeinya peitupanaewan pocotsiwan Nacom paca juntana jeba pia nacuatheicha. Icha ichamonaе abe pacata exana payabara nanta xeinare, matha caena barichi poxonaе ichamonaе abe exana pomonaetha pomonaе Nacom pia peitorobi jume pepaebiwi. Barapomonaе caena bayatha jinompa poxonaе paxam cataunxuae jopa pajinompaem”, jei Jesús.

*Meje yabara poxonae Jesús diwesi paeba xua sare yabara yawa xua pecoicha yabarano (Mr 9.50; Lc 14.34-35)*

<sup>13</sup> Equeicha Jesús barai barapo pin bicheitomonaē, pomonaē pijimonaēxae tatsi jeye: “Sare beno bara beno w̄naē. Ichitha icha barapo sare beno jopa abenataeyo bapoxonaē jopa peitac̄paewatsi xua equeicha peabenataewa. Bapoxonaē jiwi barapo sare beno xuba iratha. Matāta beno taxunaunaba iratha. Paxam pomonaē tamonaē pam be bara j̄tiya ichiya pam, icha sare beno cana ichichi. Paxam payawende jiwi pomonaē jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonaē jopa xapain payawenaem tsane, Nacom bara paca bebai tsane. Tsipei jopa w̄naē pam, Nacom bara paca bebai tsane icha jiwi ichi poxonaē bebai sare beno matāta xua beno taxunaunaba, tsipei jopa abenataeyo.

<sup>14</sup> “Icha pecoicha ichi poxonaē pentha xua poxonaē baxota jiwi yawenatsi, paxam bara j̄ta ichiya paichim poxonaē beta painompame. Barapocotsi coyenewatha jiwi payawenama xua beta jinompa. Po tomara ba demxuwatha eca, barapo tomara ba jiwi taj̄ tane. Bara paca yabara j̄ta coyene ichi, jiwi paca tane xua poxonaē beta painya nejinompaewa. <sup>15</sup> Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonaē bom̄x̄tha ena. <sup>16</sup> Bara paca yabara j̄ta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexaname painya neantobemxae Nacom. Bapoxonaē barapo jiwi Nacom w̄naē jainchinchī, pon painya Axa, pon itabocotha eca”, jei Jesús.

*Meje yabara poxonaē Jesús jiwi yabara cuidubatsi Moisés pia peitorobi diwesi jume*

<sup>17</sup> Equeicha Jesús barai barapo pin bicheitomonaē, pomonaē pijimonaēxae tatsi, jeye: “Jopa pananta xeinaēinde xua xan patopeican xua apara Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano ir̄a bara cana ichin tsane pomonaē Nacom pia peitorobi jume pepaēbiwi pia pecuidubiwan tatsi. Jame apara patopeican tanayabara jume cui yabara wetsinexan tsane pocotsiwa caena bayatha neyabara tsiw̄naē paēba po diwesintha Moisés pia peitorobi coyenewa tatsi, ir̄ano Nacom pia peitorobi jume pepaēbiwi pia penacuidubiwan jumeintha. <sup>18</sup> Bara xaniyeya paca tsi-paēbatsi poxonaē cataunxuae barapo itaboco ducue, matātano poxonaē cataunxuae barapo ira ducue, Moisés pia peitorobi diwesi jopa weraweracae tsane. Matātano jopa cae itanetiyo aichurucuae tsane beya poxonaē wetsina pocotsiwa bayatha Nacom tsiw̄naē yabara paēba xua wetapaēba. <sup>19</sup> Pon yabara nanta xeina pecuidubinexa ichamonaētha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuathe-icha cana j̄nt̄a cui ita xexenecaeinchi. Ichitha nama pomonaē cuiduba ichamonaētha Nacom pia peitorobi coyenewan, matātano xua exana pocotsiwa Nacom itoroba, barapomonaē peainya cui jiwi tsane Nacom pia peitorobi nacuatheicha tatsi. <sup>20</sup> Paca tsipaēbatsi jame bewa j̄nt̄a coyene xanepanaya paexaneibiname ichamonaētha be pocotsi coyeneya xua Nacom paca itoroba, beyacaincha poxonaē exana pomonaē pecuidubiwi Moisés pia peitorobi coyenewa tatsi, matātano xua poxonaē beyacaincha jinompa fariseomonaē. Icha jopa yatsicaewa beta j̄nt̄a coyene xanepanaya paexanaem tsane beyacaincha xua poxonaē barapomonaē itara mexeya w̄naēya exana, jopa papatsim tsane Nacom pia peitorobi nacua beicha tatsi”, jei Jesús.

*Meje yabara poxonaē Jesús yabara cuiduba xua peanaepanaē cui coyene (Lc 12.57-59)*

<sup>21</sup> Equeicha Jesús barai barapo pin bicheitomonaē, pomonaē pijimonaēxae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ich̄an anaya bexubinde. Tsipei pon xua ich̄an bexotsi, ichamonaē yabara paēbina xua bapon natsicuenta xua abe peexanaēxae’, jei. <sup>22</sup> Ichitha nama seicaya paca

tsipaebatsi xua pon caseba ichantha ichamonae yabara paebina xua bapon natsicuenta xua abe peexanaexae. Iruru pon biatane ichantha ichamonae yabara paebina xua bapon natsicuenta xua abe peexanaexae. Pomonae pecanamata caitorobi bicheito bapon yabara paebinchi xua bapon natsicuenta tsipei bapon bichocono anthathu anaepana. Matautano iruru pon namchi xua ichan jeichichi: ‘Xam nabene came’, jei pon, bapon xubinchi po nacua beya ichaxota isoto bapana jopa itacounayiyo.

<sup>23-24</sup> “Equeicha paca tsipaebatsi. Ichacuitha ichan duwein becapona ichaxota xua be pexaethopaewa xua tuxusi exana Nacom nexa poxonae tauta. Poxonae cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichantha. Matha be ichi tsane meje xuaje: Bu abu cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichan beya xua pia penaita coxone exanaewa tsanebe. Bapoxonae bapon caibeya bewa ponaena xua duwein petuxusi exanaewa tsane Nacom nexa poxonae tauta.

<sup>25</sup> “Icha ichamonae be paca itoroba paca necacaponanexa pontha pon jiwi peyabara paebin penatsicuentisiwa, nexata patsipaebare barapomonae, poxonae cataunxuae namtotha paca baru pona xua painya nenaita coxone exanaewa tsanebe. Xain bapoxonae barapomonae jopa paca caponaebe tsane pontha pon jiwi peyabara paebin penatsicuentisiwa. Tsipei icha barapomonae bara beya paca caponaetsipa, bapoxonae pon jiwi peyabara paebin penatsicuentisiwa equeicha dabeya policiamonae beya paca itorobichipa. Bapoxonae nama policiamonae jiwi pecubi bo beya paca itorobichipa.

<sup>26</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abu poxonae pana pu matomacaename daxita paratixi cuntha po paratixi xua paxeiname”, jei Jesús.

*Meje yabara poxonae Jesús yabara cuiduba xua jiton pita, powa ichan piowa tatsi, powa bequein piseuri xeina taetha*

<sup>27</sup> Equeicha Jesús barai barapo pin bicheitomona, pomonae pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ichan piowa tatsi, powa piseuri xeina taetham’, jei Moisés.

<sup>28</sup> Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taisa maituncuaewa tsane, bequein bapowa jopa taseuriyo’, jei, bapoxonae barapara abe exana Nacomtha, icha be pocotsi coyene ichi, poxonae pita yabayotha powa jopa bequein piseuriyo tatsi.

<sup>29</sup> “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucua, barapo itamaiqueiton yawa taju beya pabebande. Metha wuna xua painya nebebeiwa tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame wuna yatsicaewa, beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyo. <sup>30</sup> Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa taju beya pabebande. Metha wuna xua cae cobexi painya nebebeiwa tsane, xua cae cobexi painya neyawa patsinexa Nacom pia nacua beicha. Baxua jame wuna beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyo”, jei Jesús.

*Meje yabara poxonae Jesús yabara cuiduba xua jiwi piseurixi pepunapenteibiyainwa (Mt 19.9; Mr 10.11-12; Lc 16.18)*

<sup>31</sup> Equeicha Jesús barai barapo pin bicheitomona, pomonae pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peachaxaibixae xua pocotsiwa bapowa exana, bapon barabu piowa catsina

papera, po paperatha tina xua pexubiwa tsane piseuri', jei barapo Moisés pia peitorobi coyenetha. <sup>32</sup> Ichitha nama seicaya icha coyeneya paca tsipaebatsi. Icha pebin piowa punaxuba xua saya peichaxaibixae poxonae bequein bapowa jopa nasi cui coyene exanaeyo bapoxonae Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae ichan piowa tatsi bequein punaxuba", jei Jesús.

*Meje yabara poxonae Jesús yabara cuiduba xua jiwi xainyeya penacui wɥnae tsiwɥnaeya yabara paebiwa xua peexanaewa pocotsiwa exanapaeba*

<sup>33</sup> Equeicha Jesús barai barapo pin bicheitomona, pomona pijimonaexae tatsi, jeye: "Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: 'Paxam jopa bewa naerabiya pana cui wɥnae tsiwɥnaeya yabara paebim tsane xua painya neexanaewa pocotsiwa paexanapaebeibame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebeibame xua Nacom peitabaratha tatsi', jei Moisés pijimonaetha. <sup>34</sup> Ichitha xan seicaya icha coyeneya paca tsipaebatsi. Poxonae jiwi peitabaratha tatsi pana nacui wɥnae tsiwɥnaeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cowɥntsinea. Jopa yawa muxuna icha jumein papaebinde. Jopa pajande ichantha: 'Bara xaniyan xua exanaein. Nacui wɥnae tsiwɥnaeya xaniyeya yabara paeban Nacom peitabaratha xua exanaein', jopa pajande. Matautano jopa pajande: 'Bara xaniyan. Baraxua paeban po wɥntha xua Nacom pia nacua wɥntheicha tatsi', jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi. <sup>35</sup> Matautano barapocotsi coyenewa jopa bewa pana cui wɥnae tsiwɥnaeya yabara paebim ichantha xua ira yabara. Tsipei barapo ira apara Nacom pia ira. Barapo iratha nataxu yɥyuteca. Barichi matautano barapocotsi coyenewa jopa bewa pana cui wɥnae tsiwɥnaeya yabara paebim ichantha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya pia pepa Pee-watsinchi. <sup>36</sup> Matautano barapocotsi coyene jopa bewa pana nacui wɥnae tsiwɥnaeya yabara paebim ichantha xua painya nentasipa yabara. Saya meisa Nacom paca yabara matasipa yaputane. Pomona pam xua pewowi pam xua pantana tsaebiam jopa paca itacɥpaeyo xua equeicha pantana inyapaname. Matautano pomona pam pomona amomona pam xua pantana inyapaname jopa itacɥpaetsi xua equeicha pantana tsaebiam. Matautano jopa baxua daichiyo xua caentanatoxitha. Saya meisa Nacom itacɥpatsi xua cana exana baxua. <sup>37</sup> Saya meisa barapo jumethabe patsipaebare ichantha ichaxota po jumetha jei 'Je, bara exanaein', jei, matautano ichaxota po jumetha jei 'Jume jopa exanaein tsane', jei. Tsipei poxonae pamuxuna paebame poxonae pana tsiwɥnae yabara paebame ichamonaetha Nacom pia wɥntha tatsi xua painya neexanaewa pocotsiwa paexanapaebeibame baraxua apara caurimona pia pentacaponaein tatsi paca tsimuxu duba xua painya nepaebiwa baxua", jei Jesús.

*Meje yabara poxonae Jesús yabara cuiduba xua penayantomocae coyene (Lc 6.29-30)*

<sup>38</sup> Equeicha Jesús barai barapo pin bicheitomona, pomona pijimonaexae tatsi, jeye: "Paxam pajume taneme xua bayatha Moisés paeba xua jeye: 'Pon itamaiquei esanopa ichan peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ichan wano teranopatsi, bapon xuya wano teranopaeinchi', jei. <sup>39</sup> Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitacueinta, pon peaitabein. Matautano icha ichan paca jumata tsaquinopa pecobetha, moya equeicha icha jumata pana najumata caeware xua painya

necajumata tsaquinopaenexa. <sup>40</sup> Icha ichun paca yabara yopichiya paeba pontha pon jiwi peyabara paebin xua penatsicuentsiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peamatiyu camisa, po camisa xua athawe peruyaewa. <sup>41</sup> Icha soldadomona paca itoroba xua jeye: ‘Painta caponde pocotsiwa arewe xua saya cae kilómetro beya’, jei, bara moya pacaponde pocotsiwa arewe xua equeicha icha cae kilómetrono pantaropatabare. <sup>42</sup> Daxita coyenexi pocotsiwa icha-mona paca waca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan”, jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomona pia peitafaetabi jiwichi*

*(Lc 6.27-28, 32-36)*

<sup>43</sup> Equeicha Jesús barai barapo pin bicheitomona, pomona pijimonaexae tatsi, jeye: “Matautano pajume taneme xua caena bayatha Moisés namchi, xua jeye: ‘Paantobeinde pomona painya jiwi. Matautano pacasebare pomona painya nepaca caaitafaetabi jiwi’, jei xua Moisés paeba. <sup>44</sup> Ichitha icha coyeneya paca tsipaebatsi: Paantobeinde pomona bequein painya nepaca caaitafaetabi jiwi. Matautano Nacomtha patawacare pomona bequein abe pacata exana. <sup>45</sup> Icha paexanaename daxita barapo coyenexi bapoxonae yatsicaewa Nacom piamona tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomona pejuntu coyene xanepanae jiwi nexa iruru pomona peajuntucoyenebe jiwi nexa. Matautano Nacom ema taitorobicano daxita jiwi pomona xaniwaicha pejuntu coyene xeicae jiwi nexa iruru pomona peajuntucoyenebe jiwi nexano. <sup>46</sup> Icha saya meisa paantobem pomona painya nepaca antobexae, Nacom jopa paca cui yabara matomacae tsane. Tsipei iruru barapo coyene exana pomona paratixi pentoma noteibiwi po paratixi jiwi bewa catsibina pon romanomona itorobiya pia pepa peewatsinchi nexa, bequein jiwi yabara nanta xeina xua bapomona peajuntucoyenebewi. Barapomona antobe pomona xua pia peantobewixaetsi. <sup>47</sup> Matautano icha saya meisa painyamonae pajacobame pomona iru pejume cowuntsiwi poxonae paca siwa pona, xuano xua jopa pajacobim ichamona, pomona jopa pejume cowuntsiwi, barapo coyene jopa xanepanaeyo. Tsipei pomona Nacom jopa peyaputae jiwi, barapomona iru ba jacobia piamona. Ichitha nama bewa toxeinchiya pananta xeinaem beyacaincha barapomona poxonae nanta xeina. <sup>48</sup> Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi jata coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa”, jei Jesús.

## 6

*Meje yabara poxonae Jesús jiwi yabara cuidubatsi xua jiwi xanepanaya peexanaewan*

<sup>1</sup> Equeicha Jesús barai barapo pin bicheitomona, pomona pijimonaexae tatsi, jeye: “Poxonae paxam paexaname pocotsiwan xua ichamona tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi u painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacawa tsipei jopa paexanaetsipaem Nacom nexa.

<sup>2</sup> “Daxota poxonae peacopeibiwi xoxi pacatsibeibame jopa ichamona patsipaebinde xua baxua painya neexanaexae. Jopa barapocotsi coyeneya bara paichinde icha be



pomonaē pemuxitorobiwi ichi, poxonaē itara mexeya pomonaē xanepanaya pepae-biwi. Tsipei barapocotsimonaē saya ichawa beya paeba xua pinae yawena nawita peacopeibi jiwitha. Barapomonaē matha jiwi wabeibatsi xua barapomonaē pejume taenexa tsainchi, bapoxonaē judiomonaē pia penacaetutsi botha yawa namtontha baxua yabara paeba nawita xua pinae yawena nawita pomonaetha pomonaē peacopeibi jiwi. Barapomonaē baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonaē betiya exana, xua pejeinexa jiwi. Ichitha xaniwaicha paca tsipaebatsi, barapomonaē xeina pia pecui yabara matomacaewatsi poxonaē jiwi baxua caunuta tsipei jopa moicha exanaeyo Nacom nexa. <sup>3-4</sup> Ichitha poxonaē paxam payawenama peacopeibiwi namicha moicha pacare barapomonaetha xua painya jiwimonaē jopa paca necacui taenexa. Matautano poxonaē Nacom painya Axa paca tane poxonaē namicha moicha paexaname baxua bapoxonaē bapon Nacom paca catsina pocotsiwa pia pecui yabara matomacaewa”, jei Jesús.

*Meje yabara poxonaē Jesús jiwi yabara cuidubatsi po coyene xua Nacom pewucaewatsi (Lc 11.2-4)*

<sup>5</sup> Equeicha Jesús barai barapo pin bicheitomonaē, pomonaē pijimonaexae tatsi, jeye: “Poxonaē Nacom pawucame, jopa barapocotsi coyeneya paexanaeinde icha be pomonaē pemuxitorobiwi ichi, pomonaē itara mexeya beta pepaebiwi. Barapomonaē saya ichichipa xua jiwi pecui taenexa poxonaē barapomonaē Nacom wucatsi. Barapomonaē ichichipa umena pewucaenexa Nacomtha judiomonaē pia penacaetutsi bontha tatsi xua matautano barichino namtontha. Barapomonaē baxua exana xua pecui taenexatsi xua ichamonaē pecui taenexa. Bara xaniyei paca tsipaebatsi. Barapomonaē barompaya xeina pia pecui yabara matomatsiwatsi poxonaē jiwi yabara paeba xua barapomonaē pinae bara xanepanaeya exana. Nama bapoxonaē Nacom jopa catsiyo pia pematomatsiwa barapomonaetha tsipei barapomonaē jopa moicha exanaeyo Nacom nexa. <sup>6</sup> Ichitha poxonaē Nacom pawucame, barompaya painya tutu beya raponde yawa bomuxu tutu pacoibo xatababare. Bapoxonaē painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha paexaname. Bapoxonaē bapon Nacom paca catsina pocotsiwa pia paca yabara cui matomacaewa, xua beta painya neexanaexae poxonaē Nacom patsipaebame.

<sup>7</sup> “Poxonaē Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonaē ichi pomonaē jopa peyaputaewi Nacom. Barapomonaē nanta xeina xua bara Nacom jume tane pocotsiwa barapomonaē tsipaeba xua matowa pepaebixae. <sup>8</sup> Nexata jopa barapocotsi coyeneya bara paichinde icha be poxonaē barapomonaē icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonaē pawucame Nacom. <sup>9</sup> Daxota Nacom patsipaebare, paichinde:

‘Pata Taxam, xam ponxaem peitabocotha  
athabeicha neecaein.

Barabu daxita jiwi cabaru cui itura  
jina nejuntu coyene xanepanaeinxae.

<sup>10</sup> Barabu jopaena matabi, po matabitha  
poxonaē xam jiwi itorobiya ewatsiname  
barapo cae pin nacuathe.

Barabu jiwi exanaena pocotsiwa  
jinya neichichipae coyenewa xua barapo  
cae pin nacuathe tsique.

Barabu jiwi exanaena icha peitabocotha ichi xua  
exana pocotsiwa jinya neichichipae coyenewa.

<sup>11</sup> Daxita matakabin pexaewa pana catsibeibare xua po pexaewa daxita matakabin pata canantawenonaewa tsaibi tsane.

<sup>12</sup> Pana neyabara cui cana j̄ntemainare xua abe pata catsita exanaewatsi.

Bapoxonae pana neyabara cui cana exaname xua jopa equeicha pata catsita natsicuentiwatsi xua abe pata catsita exanaexaetsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamonae jopa pana netsita natsicuentiyo xua abe pata tanetsita exanaexae.

<sup>13</sup> Jopa pana copatsinde xua abe pata exanaewa tsane poxonae jiwi pana nej̄nt̄a coyene j̄j̄uta, xua abe pata exanaewa tsane.

Ichitha pana necapanenebiya exande barapo abe peexanae coyene weya', pajande poxonae Nacomtha patsipaebame", jei Jesús.

<sup>14</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Tsipei icha paxam pacui yabara j̄ntemainame pocotsiwa ichamonae pacata abe exana, nexata xuya painya Axa Nacom pon peitabocotha peecaexae, xuya paca cui yabara j̄ntemainana pocotsiwa abe paexaname. <sup>15</sup> Ichitha icha paxam jopa pacui yabara j̄ntemainam pocotsiwa ichamonae abe pacata exana, nexata xuya painya Axa Nacom jopa paca cui yabara j̄ntemainae tsane pocotsiwa abe paexaname", jei Jesús barapo pin bicheitomonaetha pomonae pijimonaexae tatsi.

*Meje yabara poxonae Jesús yabara cuiduba po coyene peyabara nainbotsi cui coyenewa*

<sup>16</sup> Equeicha Jesús barai barapo pin bicheitomonae pomonae pijimonaexae tatsi, jeye: "Poxonae paxam payabara nainbotame xua Nacom beta painya new̄caenexa tsane, jopa bara j̄uta ichiya coyeneya paexanaeinde icha be pomonae ichi pomonae itara mexeya betiya peexanaewi daichitha abe exana. Barapomonae piyain itabara aenaenaca xua poxonae bequein peyabara nainbotiwatha Nacom. Barapomonae jopa nanta cachetsiyo yawa jopa naitabara quiatsiyo. Barapomonae ichipa xua ichamonae yaputane xua barapomonae cou bara nainbota. Bara xainyeya paca tsipaebatsi xua barapomonae bayatha xeina barompaya pia peyabara cui matomacaewatsi xua poxonae jiwi yabara w̄nae jainta xua barapomonae cou bara nainbota. <sup>17</sup> Ichitha paxam poxonae payabara nainbotame, xua Nacom betiya painya new̄caenexa tsane, pana naitabara iquicare yawa beta pananta caichere. <sup>18</sup> Bapoxonae jiwi jopa paca cui yaputae tsane xua paxam bara cou payabara nainbotame. Namicha painya netsita exanaexae Nacom barapo coyene. Meisa saya painya Axa Nacom paca cui yaputane, tsipei daxita yaputane pocotsiwa namicha paexaname. Bapon paca catsina pocotsiwa pia paca yabara cui matomacaewa", jei Jesús.

*Meje yabara poxonae Jesús yabara cuiduba xua pocotsiwa Nacom jiwi pej̄ntana jebiwatsi pia nacuatheicha*

*(Lc 12.33-34)*

<sup>19</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Barapo cae pin nacuathe copei jopa pacaetubinde xua painya nexainaewa tsane nawita barapo cae pin nacuathe. Tsipei bocobocowaton abe exanaena poxonae xane pocotsiwan xua paxeiname. Ichacuitha abe exanaena poxonae painyawan axumainbatsi. Ichacuitha painyawan pocotsiwa paxeiname baxuan pomonae pecaibiwi paca caibina. <sup>20</sup> Ichitha jame paexande barapo pej̄nt̄a coyene xanepanaewa po pej̄nt̄a

coyene xanepanaewa Nacom ichichipa. Bapoxonae Nacom paca catsibina pocotsiwa painya nepaca j̄ntana jebiwa pia nacuatheicha. Baraxoteicha bapocotsiwa bocobocowaton jopa xaeyo. Yawa jopa axumainbichi. Matautano pomonae pecaibiwi jopa paca caibiyo baxuan xuan Nacom paca necayabara cui matomacaewan. <sup>21</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

*Meje yabara poxonae Jesús yabara cuiduba jiwí po coyene xanepanaeya peexanaewa pej̄nt̄a coyene wetsina*

*(Lc 11.34-36)*

<sup>22</sup> Equeicha Jesús barai barapo pin bicheitomonaе, pomonae pijimonaexae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton w̄nae, bara beta pataneme. <sup>23</sup> Ichitha icha painya itamaiqueiton abe, jopa beta pataetsipaem. Barichir̄ painya j̄nt̄a coyenewan xua painya nenanta xeinaewan. Icha painya j̄nt̄a coyenewan xanepanaetsipa bara beta Nacom payabara naj̄nt̄a coyene xeinaetsipame. Ichitha icha painya j̄nt̄a coyenewan jopa xanepanaetsipae jopa beta Nacom payabara naj̄nt̄a coyene xeinaetsipaem. Painya j̄nt̄a coyenewan paca cana exanaetsipa xua bichocono abe paexanaetsipame”, jei Jesús.

*Meje yabara poxonae Jesús yabara cuiduba jiwí, xua pon nantāta ainya pia pecanamataxeinaeinchibe tatsi*

*(Lc 16.13)*

<sup>24</sup> Equeicha Jesús barai barapo pin bicheitomonaе, pomonae pijimonaexae tatsi, jeye: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaeya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom jopa itac̄paetsi xua bichocono peantobewa paratixi poxonae yawa bichocono antobetsi Nacom”, jei Jesús barapo pin bicheitomonaetha, pomonae pijimonaexae tatsi.

*Meje yabara poxonae Jesús yabara cuiduba po coyene xua Nacom eena pijimonaе*

*(Lc 12.22-31)*

<sup>25</sup> Equeicha Jesús barai barapo pin bicheitomonaе, pomonae pijimonaexae tatsi, jeye: “Paca tsipaebatsi, jopa bichocono payabara naj̄nt̄a coyene exabinde pexaewa xua painya neuna jinompaewa tsane yawano xua painya neapaewanno tsane. Barichi jopa bichocono payabara naj̄nt̄a coyene exabinde papab̄r̄ xua painya pepon nexa. Po coyene xua as̄ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui ir̄, beyacaincha papab̄r̄ xua pepon nexa. <sup>26</sup> Pataema peyapupunaewi. Barapoxi jopa ubiyo pabitha. Yawa xua penawetsiwa jopa notsiyo. Yawa jopa xeinaeyo bot̄x̄n xua pejebinexa pexaewan. Ichitha Nacom apata peyapupunaewi pexaewa. ¡Paxam nama bichocono Nacom patsita ainya cuim, beyacaincha peyapupunaewi xua Nacom tsita ainya cuichi, po Nacom painya Axa pon itabocotha eca! <sup>27</sup> Dapon aibi pon paxam jiwana pon itac̄patsi xua xeinaena icha matabi xua po matabitha pepoponaewa tsane poxonae t̄paena. Bequein bapon bichocono nayabara naj̄nt̄a exaba baxua, ichitha jopa itac̄paetsi xua xeinaena caentacabi equeicha.

<sup>28</sup> “Paxam bichocono payabara naj̄nt̄a exabame papab̄r̄. Jame pacayabara nanta xeinare pentonon, po pentonon wexotha xuwa, xua matono it̄pana. Pentonon jopa

nacuichiyo yawa jopa natsiexanaeyo papaburu penama xatabinexa. <sup>29</sup> Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tupa. <sup>30</sup> Pentonon po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wunaae bara bequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae, be conotha pajume cowantame Nacom! <sup>31</sup> Jopa paunthuthu deideijeya jinompaende xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde. <sup>32</sup> Tsipei barapo cae pin nacuathe jiwi saya u baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantautame. Barapon Nacom pon peitabocopin, pon yaputane daxita pocotsiwa xua xoxi panantawenoname. <sup>33</sup> Saya meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiwi itorobiya pia pepa peewatsinchi. Matautano jame bichocono payabara nanta xeinare painya nexeiaenexa pejuntu coyene xanepanaewa Nacomtha. Icha paexanaename barapo coyenewan nexata bapoxonae Nacom paca catsibina xua daxita pocotsiwa panantawenoname. <sup>34</sup> Jopa payabara muxuna najuntu exabinde anoxuae pocotsiwa baya tsane pocotsiwa painya neexanaewa tsane, tsipei barapo maticabi nama xeina pocotsiwa bichocono pacata ayapube. Daxita maticabi tsoponeibi pocotsiwa xua pacata ayapube xua pocotsiwa painya neexanaewan”, jei Jesús.

## 7

*Meje yabara poxonae Jesús cuiduba xua jiwi jopa bewa yabara paebi xua ichamonae penatsicuentisiwa*

*(Lc 6.37-38, 41-42)*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya neexanaexae. <sup>2</sup> Nacom pia coya paca yabara paebina xua painya nenatsicuentisiwa xua abe painya neexanaewa icha po coyeneya paichim poxonae ichamonae payabara paebame xua penatsicuentisiwa xua abe peexanaexae. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús. <sup>3</sup> Equeicha Jesús paeba caeintha pomonae pijimona jiwana pecayabara juta pepaebi diwesiyo jeye: “Xam ba jinya jiton itata taneme poxonae itata jopiyatsi naepatiyo, ichitha jopa taem xua iruru xam nama pin naepato neitamaiqueitha ducua. Barapocotsi juta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam baraichim nama bichocono abe exaname. <sup>4</sup> Icha jopa taem pin naepato xua neitamaiqueitha ducua jopa caitacupaeyo xua nejeiwa jinya jitontha: ‘Tajiton, cata jutinchi naepatiyo xua ducua neitamaiqueitha’, xua nejeiwa. <sup>5</sup> Xam nepaebim xua ichan exana xua baxua neexanaewatha iru. Xam copiya nata jure barapo pin naepato xua neitamaiqueitha ducua. Bapoxonae beta taename nejutsinexa tsane naepatiyo xua jinya jiton peitamaiqueitha tarucuatsi.

<sup>6</sup> “Jopa patsipaebinde Nacom Pejume Diwesi pomonae anaya paca aeba, xuano anaya aeba Nacom Pejume Diwesi pomonae jopa pejume cowantsiwi Nacom. Tsipei

barapomonae peajuntucoyenebe jiwi bichocono. Barapomonae bara abe exana be barapocotsi juta coyeneya ichiya exana icha be auri ichi xua poxonae anaepanaya nawano webaba pocotsiwa pacatame. Matautano barapomonae bara abe exana be barapocotsi juta coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

*Meje yabara poxonae Jesús yabara paeba xua jiwi bewa matowa wñqueibi Nacomtha (Lc 11.9-13; 6.31)*

<sup>7</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Matowa Nacom pawñcare, bapoxonae paca catsibina pocotsiwa xua pawñcame. Baraxua matowa paexande icha paichim poxonae matowa pajeiteibame beya poxonae pataebame yawa icha paichim poxonae matowa pawawam bomñxutha beya poxonae ichan paca jume nota. <sup>8</sup> Tsipei pon matowa wñca ichan bara catatsi. Tsipei pon matowa necoba, bara taeba. Tsipei pon bomñxu pecoibotha matowa wawai, bara tacoibo sarana xorenatsi, matauta jume notatsino.

<sup>9</sup> “Paxam pomonae pexui paxeiname paca muxuwetatsi. Poxonae painya pexui paca wñca pan, ¿pacatsipame iboto? ¡Jume! <sup>10</sup> Ichacuitha tsipae, poxonae painya pexui paca wñca duwei, ¿pacatsipame jomo wito? ¡Jume! Jopa baxua paraichim tsane. <sup>11</sup> Bara bequein peajuntucoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha peecaein bichocono jopa juniya paca catsiyo pejuntucoyene xanepanaewan poxonae pawñcame beyacaincha poxonae painya pexui pacatsibeibame poxonae paca wñqueiba.

<sup>12</sup> “Paexande ichamonaetha xua po coyene painya neichichipaewa xua barapomonae beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwi bayatha paca cui itoroba”, jei Jesús.

*Meje yabara poxonae Jesús yabara cuiduba po boupayo tsica boupayo dena (Lc 13.24)*

<sup>13-14</sup> Nexata equeicha Jesús barai barapo pin bicheitomonae, pomonae pijimonaexae tatsi, jeye: “Poxonae jiwi pona tomara beya, pomonae itapeta pin namto iya pona, barapo jiwi pinmonae, tsipei barapo tomara namto boupa iya xua jopa ayapubeyo. Pomonae nama itapeta, po namto tsica namtiyo iya pona, barapo jiwi tsiquimonaeyo tsipei barapo tsica boupayo ayapube iya. Barichi poxonae jiwi patsina Nacom pia nacua beicha saya tsiquimonaeyo patsina tsipei ichamonaeyo jopa tsita juntucui coyene xanepanaetsi xua xanepanaeya pejinompaewa Nacomtha. Daxota pomonae Satanás pia nacua beya patsina pinmonae tsane tsipei jopa taayapubetsi xua barapo Satanás pia juntucoyenyatha tatsi jinompa. Nama itapeta pacananta xeinaeya jinompare Nacom pia juntucoyenewa tatsi xua icha jiwi ichi poxonae seicaya irñ barompaya pona tomara tsica namtiyo boupayo iya”, jei Jesús.

*Meje yabara poxonae Jesús yabara cuiduba xua jiwi yaputane nae, penacoichixae (Lc 6.43-44)*

<sup>15</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Dota pam, dota pomonae penaerabiwi, pomonae xua jeye: ‘Paxan papaeban Nacom nexa’, jei. Barapomonae painya xainya beya pata itara mexeya jopa juntucoyene anaepanaeyo icha be ichi pomonae xua Nacom pejume jejei jiwichi xua peexanaewa pocotsiwa Nacom itoroba xua matautano icha be ovejamonae ichi xua pia cui coyene xeina xua jopa anaepanaeyo. Daichitha barapomonae bichocono antucicoyenyapube xua anaepana, icha be neñthuchi poxonae bichocono anaepana.

<sup>16</sup> Ichitha paxam pacayabara ita coxoname barapomonae poxonae pataneme pocotsiwa barapomonae exana, icha be jiwi ichi xua poxonae yaputane nae, po nae penacoichixae. Matautano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Matautano jiwi jopa bapana teracae higo thei naexitha, tsipei apara higo thei xuwa higo naetha. <sup>17</sup> Tsipei daxita naein, po naein pexeinya naein bara nacoita po pethei pexeinya thei. Matautano daxita naein, po naein camatsa naein bara nacoita po pethei camatsa thei. <sup>18</sup> Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei. <sup>19</sup> Daxita naein, po naein jopa nacoichiyo po pethei pexeinya thei, jiwi barapo naein uncata. Bapoxonae jiwi barapo naein tauta isototha. <sup>20</sup> Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantu cui coyene yaputaneme poxonae pataneme pocotsiwa barapomonae exana”, jei Jesús.

*Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha*  
(Lc 13.25-27)

<sup>21</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsicamonaeyo patsina Nacom pia peitorobi nacua beicha. Saya meisa patsina pomonaе exana xua pocotsiwa Taxa ichichipa. Barapomonae patsina ichaxota Taxa po nacuatheicha ewatsiya itorobeibeca. <sup>22</sup> Poxonae barapo matabi jopaena, po matabitha poxonae Nacom yabara paebina xua jiwi penatsicuentsiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Matautano cauri paitawetan newantha. Matautano jinya newantha papaeban poxonae pexeinya petsita itutsi coyenewa paexanan’, nejei tsane. <sup>23</sup> Daichitha barapomonae jume notsin. Jan tsane: ‘Bu canta bapana jopa paca yaitaetsi. ¡Taxainya weya pana natsixibarucupare pomonaе abe painya neexanae jiwi pamxaem!’ jan tsane”, jei Jesús.

*Meje yabara poxonae Jesús ainya bomuxube yabara paeba*  
(Mr 1.22; Lc 6.47-49)

<sup>24</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Pon nejume naitomata pocotsiwa paeban matautano exanano pocotsiwa ichichipan barapon beta popona Nacom nexa. Bara barapon barapocotsi juta coyeneya nacana exana icha be pocotsin peyaputaein ichi, pon bo acabanota peira matatsucaewatha xua ichaxota ira daunwei. Meje jeye: Copiya muthun tajux exanareca pecuaranobinexa bomuxu naeton. <sup>25</sup> Poxonae ema duneica yawa mene matabaewaxuba yawa joibo bomuxu daunweya capubabanota, barapo bomuxu jopa joparenaeyo, poxoru naeton tajux umenareca xuano poxoru barapo bomuxu peira matatsucaewatha uncua ichaxota ira daunwei. <sup>26</sup> Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi juta coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafatsana xuano naeton jopa tajux umenarecaeyo poxoru taetowa. Baraxota mene pateiba poxonae awubo tsaibi. <sup>27</sup> Poxonae ema duneica, yawa mene matabaewaxuba, yawa pin joibo capubabanota barapo bo, bapoxonae barapo bomuxu joparena poxoru naeton jopa tajux umenarecaeyo xuano poxoru bomuxu uncua ichaxota ira matafatsana. ¡Maisa bomuxu bichocono abe!” jei Jesús barapo pin bicheitomonae, pomonaе pijimonaexae tatsi.

<sup>28</sup> Poxonae Jesús barapo diwesin najume weta, pomonae Jesús jume tainchi, barapomonae yabara najunt<sub>u</sub> coyene cabenaeca xua Jesús pia pecuidubiwani tatsi. <sup>29</sup> Tsipei Jesús ba cuiduba be peyaputaen pia peayapus<sub>u</sub> itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

## 8

### *Meje yabara poxonae Jesús axaibi exana pon peper<sub>u</sub> sawinchi* (Mr 1.40-45; Lc 5.12-16)

<sup>1</sup> Poxonae Jesús peitapatororo wejuinca, pin bicheitomonae Jesús puna poinchi. <sup>2</sup> Jesús imoxoyo caquita poinchi pebin, pon peper<sub>u</sub> sawinchi. Bapon pentabocototha uncua Jesús peitabaratha tatsi xua Jesús pebar<sub>u</sub> cui itura jinaexaetsi. Bapon namchi Jesús beya, jeye:

—Pon Necanamataxeinaem jiwi, icha bara ichichipame bara caitac<sub>u</sub>pa xua axaibi tana neexanaewam, tsipei jinya neayapus<sub>u</sub> itorobi coyenewa nexeiinaem, jei bapon.

<sup>3</sup> Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaper<sub>u</sub>xaibi exanatsi! jei Jesús.

Bapoxonae bapon nainya taaichurucuaetsi xua peper<sub>u</sub> sawiwatsi. <sup>4</sup> Nexata Jesús barai peper<sub>u</sub> sawinchi:

—Taema, jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenait<sub>u</sub>tsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua per<sub>u</sub> w<sub>u</sub>naem, jei Jesús.

### *Meje yabara poxonae Jesús axaibi exana pon soldadomonaen romanomonaen pia pentacaponaein tatsi tanacuitatsi* (Lc 7.1-10)

<sup>5</sup> Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomonaen soldadomonaen pia pentacaponaein tatsi. Bapon nanta<sub>u</sub>ta pon tanacuiteibatsi pia botha. <sup>6</sup> Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabo<sub>u</sub>tha. Bapon m<sub>u</sub>batsi yawa bichocono atene, jei barapo pentacaponaein.

<sup>7</sup> Jesús namchi:

—Bara beya tha ponaetsi taaxaibi exanaenexa bapon, jei Jesús.

<sup>8</sup> Barapo soldadomonaen pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabo<sub>u</sub>tha tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba. <sup>9</sup> Xan barichi xeinan tanecanamataxeinaen pon neitoroba. Barichir<sub>u</sub> xeinan soldadomonaen pomonaen itorobeiban. Poxonae ich<sub>u</sub>n itoroban: ‘ponde’, jan, bara bapon pona. Poxonae ich<sub>u</sub>n waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

<sup>10</sup> Poxonae Jesús baxua jume taeba, jume cui yabara cananth<sub>u</sub>th<sub>u</sub> nanta xeinanaya cabenaeca, beta pepaebixae romanomonaen soldadomonaen pia pentacaponaein tatsi. Jesús necotaba pomonaen puna poinchi, barai, jeye:

—Xaniyeya paca tsipaebatsi, Israel nacuatha ir<sub>u</sub> dapocotsin jopa caxinaeinyo pocotsin icha pon iche pon tana necui yabara jume cow<sub>u</sub>nts<sub>u</sub>n xua bara neitac<sub>u</sub>pa xua axaibi taexanaewa jiwi. <sup>11</sup> Paca tsipaebatsi, pinmonaen patsina Nacom pia peitorobi nacuatha

penabanaenexa tsane. Ichamonae pomonae ichaxota xometo ecoina, barapomonae piwi patsinano. Ichamonae pomonae ichaxota xometo jopeica, barapomonae piwi patsinano. Daxita carepaya barapomonae Abraham bar<sub>u</sub> equiyaena, ir<sub>u</sub> Isaac bar<sub>u</sub> equiyaena ir<sub>u</sub> Jacob bar<sub>u</sub> equiyaena. Daxita carepaya barapo nacuanmonae piwi bar<sub>u</sub> nabanaeinchi peitaboco beicha. Abraham, bar<sub>u</sub> nabanaena barapomonae ichaxote-icha Nacom itorobiya ewateiba jiwi. <sup>12</sup> Ichamonae nanta xeina xua bepa pinae patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonae bebai tsainchi ichawatha waxainya weya ichaxota pequirei-watha. Baraxota barapomonae bichocono wecoyei tsane yawa nantanuweya nant<sub>u</sub> jayabina, jei Jesús.

<sup>13</sup> Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonae barapo pentacaponaein pia petanacuichin tatsi bara caena taaxaibi exanatsi.

*Meje yabara poxonae Jesús axaibi exana Pedro pamiyo tatsi  
(Mr 1.29-31; Lc 4.38-39)*

<sup>14</sup> Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi. <sup>15</sup> Jesús cobe pita, barapowa cobe pitatsi. Domae taaichurucuaetsi bapowa. Nainya barapowa nanta cotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae  
(Mr 1.32-34; Lc 4.40-41)*

<sup>16</sup> Poxonae tabopiya tsanaicha, ichamonae pomonae cauri xeina barapomonae Jesús becarendenatsi. Jesús pia jumetha itaweta caurimonae. Barichi Jesús axaibi exana daxita pomonae peatenewi. <sup>17</sup> Poxonae Jesús barapo coyenein exana, bara nayabara jume cui weta exana caena bayatha Isaías peyabara cui tsiw<sub>u</sub>naeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota waj<sub>u</sub>nt<sub>u</sub> coyene bojeiwa. Mata<sub>u</sub>tano bapon naca wenota waatene coyenewan”, jei Isaías pejume diwesitha.

*Meje yabara poxonae Jesús yabara paeba pomonae ichichipa xua pepuna ponaewatsi  
(Lc 9.57-62)*

<sup>18</sup> Poxonae Jesús tane xua pin bicheitomonae nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epata<sub>u</sub>ta iya. <sup>19</sup> Poxonae cataunxuae Jesusbar<sub>u</sub> jopa torobabiyaeyo xua icha muxunene beya nexa, bapoxonae Jesús imoxoyo caquita uncuatab<sub>u</sub>tsi pon jiwi pecuidubin Moisés pia peitorobi coyene. Jesús baraichi:

—Pon jiwi Necuidubim, capuna ponaeinchi daxita j<sub>u</sub>paeyantha xua ichaxotan neponaewa tsane, jei.

<sup>20</sup> Jesús jume nota:

—Namomonae ba pia m<sub>u</sub>th<sub>u</sub>n xeina ichaxota pemaitathopeibiwa. Ir<sub>u</sub> peya-pupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafifinacaecan, jei Jesús.

<sup>21</sup> Bapoxonae ich<sub>u</sub>n pon ir<sub>u</sub> Jesús pijimonae jiwana bapon Jesth<sub>u</sub>tha namchi, jeye:

—Tanecanamataxeinaem, bara nepu copare tha taxa matha m<sub>u</sub>th<sub>u</sub>tha xubichi copiya xua bapoxonae tacapuna ponaewatsi tsainchi, jei.

<sup>22</sup> Jesús jume nota:



—Maisa jame nepuna ponde. Bara copare xua petɔpaewi bara mɔthɔcaeinchi, pomonae be pewerapaewi, jopa be tana nejume cowɔntsiwixae, barapomonae mɔthɔcaena, jei Jesús.

*Meje yabara poxonae Jesús xainya ducuanaya exana joibo yawa maratsacano xainya mene ducuanaya exanano*

*(Mr 4.35-41; Lc 8.22-25)*

<sup>23</sup> Nexata Jesús jeratha nontabiya. Jesús pijimonae barɔ pona jeratha. <sup>24</sup> Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua. <sup>25</sup> Bapoxonae Jesús pijimonae yaɔbaxotsi, jeichichi Jesús:

—¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

<sup>26</sup> Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cowɔntsim xua bara tana neitacɔpaewa xua tapaca yawenaewatsi? jei Jesús.

Nexata Jesús asiya uncua. Bapoxonae Jesús itawetaxuba joibo, maratsacano. Daxita caewanaya joibo yawa maratsacano. <sup>27</sup> Bapoxonae barapo pebiwi yabara najɔntɔ coyene cabenaecarɔcɔpa xua pocotsiwa Jesús peexanaexae. Barapomonae najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

*Meje yabara poxonae pebinbe ponbe caurimonae pexeinaeinbe, ponbe Gadara nacuap-inbe*

*(Mr 5.1-20; Lc 8.26-39)*

<sup>28</sup> Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatabɔtsibe. Baponbe ibo wountha poponeibabe. Caena bayatha baponbe xeinabe caurimonae. Barapo caurimonae baponbe anaepana cana exanatsibe daxota daxita jiwi junuwa xua peponaewa barapo namtotha ichaxota baponbe poponabe. <sup>29</sup> Bapoxonae jemeicha caurimonae baponbe wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pewɔnaeya xua po matabitha xua poxonae Nacom atene pana exanaena xua abe pata exanaexae? jei baponbe xua caurimonae wawaya exana.

<sup>30</sup> Tsiwiyo tajɔyo beya pin marrano duweimonae xayompa. <sup>31</sup> Caurimonae Jesús jeichi:

—Icha pana itawetame, moya pana nepu copabare marrano duweimonaetha, jei caurimonae.

<sup>32</sup> Nexata Jesús jume nota caurimonaetha, jeye:

—Moya pataema, jei.

Nexata caurimonae pebinbe wepu ponatsibe, yawa marrano duweimonaetha pata. Barapo marrano duweimonae dɔcɔpa, pin pitapatororo othopareca. Pucuatha bunothopa. Caurimonae cabunothopatsi.

<sup>33</sup> Pomonae yapu eena barapo marrano duweimonae, junuwiya cuinaenouta peyabara paebinexa tomarapiwitha. Barapomonae yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe. <sup>34</sup> Bapoxonae daxita tomarapiwi pona ichaxota Jesús eca. Poxonae Jesús tainchi, barapomonae Jesús jeichichi: “Maisa bewa warapae-name Gadara nacua weya, po nacua pata nacua weya”, jei daxita barapomonae.

## 9

*Meje yabara poxonae Jesús axaibi exana pon pecuenobinchi  
(Mr 2.1-12; Lc 5.17-26)*

<sup>1</sup> Nexata Jesús jeratha nontabiya. Jeratha pona icha muxunene beya xua pucua epatauta iya. Jesús pia tomara beya patopa, barapo tomara icha muxunenetha eca.

<sup>2</sup> Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonaе barapocotsiwatha pecuenobinchi carendenatsi. Poxonaе Jesús tane xua barapomonaе yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonaе Jesús barai pecuenobinchi:

—Tajiton, najanta coyene tsacatabare. Cacui yabara jantemainaya janta puxana exanatsiba jinya abe neexanae cuiru coyenein, jei Jesús.

<sup>3</sup> Bapoxonaе pomonaе jiwi pecuidubiwi Moisés pia peitorobi coyenewa tatsi, barapomonaе daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya janta puxana exanatsi abe pia peexanae cuiru coyenein tatsi”, najei barapomonaе. <sup>4</sup> Daichitha Jesús yaputane xua barapomonaе pijanta coyeneintha natsipaeba. Jesús barai barapomonaе, jeye:

—¿Eta xua metha baxua abeya pana neyabara cananta xeiname? <sup>5</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jantemainatsi’, jan tsane? Ichacuitha ¿metha jan tsane: ‘Nontaponare, yawa bara ponare’, jan tsane? <sup>6</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusa itorobi coyenewa xua bara tana neitacupaewa xua jiwi tayabara cacui jantemainaya janta puxana exanaewa abe pia peexanae cuiru coyenein tatsi pomonaе jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

<sup>7</sup> Bapoxonaе pon pecuenobinchi caena nainya nontapona barapomonaе peitatha tatsi, yawa pita xua pemaituncuaewa. Bapoxonaе pia bo be-iya. <sup>8</sup> Poxonaе jiwi tane baxua, barapomonaе yabara najanta coyene cabenaeca yawa Nacom wanae jaintatsi. Barapomonaе nabarai:

—Anoxuae waxainchi tainchi pocotsiwa pewanaewa pocotsiwa jopa yaputaetsi, yawa wanae jaintatsi xua Nacom barapo jiontha pecatsixae pia peayapusa itorobi coyenewa, jei barapomonaе.

*Meje yabara poxonaе Mateo wabatsi, Jesús waba  
(Mr 2.13-17; Lc 5.27-32)*

<sup>9</sup> Jesús bara weya pontaba ichaxota axaibi exana pon pecuenobinchi. Bapoxonaе Jesús tane pebin pon pewan Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonaе itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonaе Mateo caena nainya nontapona yawa napuna pona Jesthatha.

<sup>10</sup> Pirapaeyo Jesús baru ecatsi, Mateo baru eca pia botha pexaethopeibiwatha xua Jesús pebaru xaenexatsi. Barichi Jesús baru eca pinmonae barapo pexaethopeibi-watha pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa. Iruru Jesús baru eca ichamonae pomonaе abe peexanae cuiru coyenein peexanaewi. Daxita barapomonaе Jesús baru eca pexaethopeibiwatha yawa Jesús pijimonae baru ecano penabanaenexa. <sup>11</sup> Ichitha

poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

<sup>12</sup> Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene barapomonae jame canantawenona pon jiwi peyawubin. Bara juta coyene ichi barapomonae pomonae nebaru xane. Barapomonae nenantawenona xua tayabara cui jantemainaenexa abe pia peexanae cuiru coyenein tatsi. <sup>13</sup> Panacuidubaponde xua Nacom Pejume Diwesi paeba. Meje xua Nacom namchi, jeye: ‘Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa’, jei Nacom. Barichinno xan patopan apara tha jopa tawabinexa tsane pomonae pejuntu coyene xanepanaewi. Apara jame patopan tha meisa tawabinexa tsane pomonae peajuntucoyenebe jiwi, xua barapomonae icha juntu coyene pexeinaenexa tsane peauraxae xua abe exana, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mr 2.18-22; Lc 5.33-39)*

<sup>14</sup> Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Apara paxan iru fariseomonaeru jopa juniya Nacom payabara nainboteibinyo poxonae Nacom pawunqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

<sup>15</sup> Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamona pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha, bapoxonae jiwi ba peburaya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamona waetaba xua bapon taj u pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

<sup>16</sup> “Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. <sup>17</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabũyo irũ axaibi exanatsi poxonae Jesús pia paparuwa tajayabatsirũ*  
(Mr 5.21-43; Lc 8.40-56)

<sup>18</sup> Poxonae cataunxuae Jesús cueicueijei barapomonaetha, bapoxonae pebin patopa. Bapon judiomonaetha pia penacaetutsi bo pia pecanamataxeinaein tatsi. Bapon pewũn Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jestutha:

—Taxantiyo anoxuaetha inta tũpa. Icha xam ponaename yawa necobetha mata jayabiname, bapoxonae barapowa equeicha asũ tsane xua equeicha nacosatsina, jei Jairo.

<sup>19</sup> Jesús bapoxonae nontapona. Jairo puna poinchi. Irũ Jesús pijimonaetha puna poinchi.

<sup>20</sup> Poxonae Jesús iya irũ yabũyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabũ janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi. <sup>21-22</sup> Baxua exana tsipei bapowa nanta xeina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena jũntabũ jana naruntaba.

Nexata Jesús napatomeicha necota, yawa yabũyo tainchi. Jesús namchi bapowatha:

—Yabũyo, najũntemiya xore. Caaxaibi exanatsi jinya tana neyabara jume cowũntsixaem xua bara tana neitacũpaewa xua tacaaxaibi exanaewatsi, jei Jesús.

<sup>23</sup> Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabũyo bayatha tũpa. Barapo pebiwi pomonaetha pecapu obiwi pewerapebiwi. Mataũtano Jesús tane pomonaetha pesiwa namtsebiya wecoyeyi jiwi. <sup>24</sup> Jesús namchi jiwitha:

—Tutu weya raponde. Yabũyo apara jopa tũpaeyo, maituncua apara, jei Jesús.

Poxonae Jesús baxua paeba, jiwi Jesús jume cui caponatsi. <sup>25</sup> Ichitha Jesús itoroba xua barapomonaetha tutu wejojoniya pesato beya. Bapoxonae Jesús bo tutu joniya. Jesús cobe pita, yabũyo cobe pitatsi yawano asiya cuaranotatsino penacosatsixae. <sup>26</sup> Xua Jesús yabũyo axaibi exanatsi, barapo diwesi daxita jiwi jume taetaepona pomonaetha barapo nacuattha jinompa.

*Meje yabara poxonae Jesús axaibi exana ponbe nantiyabe itata nacũtabe*

<sup>27</sup> Poxonae Jesús bara weya pona ichaxota yabũyo caewa asũ exanatsi, pebinbe Jesús puna poinchi. Baponbe peitata nacũtsinbe. Baponbe wawaya jeibe:

—Xam Jesús, David pia pemomoxi susatopin jiwanam ponxaem Nacom necaitapetsin pana neyabara najũntũ coyene xeinarebe xua pata tana neyawenaenexamebe, jeibe baponbe ponbe peitata nacũtsinbe.

<sup>28</sup> Poxonae Jesús bomũxũ bejoniya, ponbe peitata nacũtsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowũntamebe xua bara tana neitacũpaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowũntatsibe, jeibe.

<sup>29</sup> Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowũntamebe xua bara tana neitacũpaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

<sup>30</sup> Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

<sup>31</sup> Daichitha poxonae Jesús weya ponabe, pejume taewathabe xua Jesús paeba, tsipaebabe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

*Meje yabara poxonae Jesús axaibi exana pon pemuxusipanaein*

<sup>32</sup> Poxonae Jesús bo wejoniya iruru ponbe aitamaiqueixaibi exanatsibe, bapoxonae ichamonae Jestutha pata. Barapomonae capona pebin, pon muxusipana, matautano jopa paebiyo, tsipei cauri xeina. <sup>33</sup> Bapoxonae Jesús itaweta cauri xua barapo pebin muxusipana exainchi. Caena nainya bapon cueicueijei. Nexata pomonae xua tane xua Jesús exana, barapomonae yabara najuntu coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonae.

<sup>34</sup> Ichitha poxonae fariseomonae jume tane baxua, barapomonae namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peayapusu itorobi coyene tatsi, jei fariseomonae.

*Meje yabara poxonae Jesús nantanuweya yabara cui nanta xeina jiwi xua peyawenaewa tsane*

<sup>35</sup> Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaeta judiomonae pia penacaetutsi bontha tatsi. Matautano bapon paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Matauta bapon jiwi axaibi exana ducuaeta pomonae xua atene yawa xua cuenecuenona. <sup>36</sup> Poxonae Jesús jiwi tainchi, Jesús yabara nanta xeina barapomonae xua peyawenaewa tsane. Tsipei barapomonae natsepa matautano jopa itacupaetsi xua pia coutha penayawenaewa. Barapomonae bara be juta coyeneya ichi, icha be ovejamonae ichi xua poxonae iratha bobena tsipei natsepa matautano tsipei dapon aibi, pon pe-eenaen ovejamonae xua peyawenaenexa. <sup>37</sup> Nexata Jesús namchi pijimonaetha:

—Bara xainyeya paca tsipaebatsi. Pabitha ba pocotsiwa peabiwan naweta nawita, daichitha ba penacuichiwi pomonae jota pinmonae aibi. Bara juta ichi barapo cae pin nacuathe. Jiwi pinmonae jinompa pomonae nantawenona xua pejume taewa tsane Nacom pia pexeinya jume diwesi tatsi. Daichitha pomonae Nacom Pejume Diwesi cueicueijei tsurubenanaebiya ichamonaetha, barapomonae pinmonae aibi, saya tsiquimonaeyo. <sup>38</sup> Daxota Nacom pawucare xua pecaitorobinexa tsane ichamonae xua petacamuxu tsipaebinexa tsainchi pia pejume diwesi pomonaetha pomonae barapo cae pin nacuathe pejinompaewi, jei Jesús.

## 10

*Meje yabara poxonae Jesús itapetsiya waba pia peitorobiwi tatsi xua doce poyobe (Mr 3.13-19; Lc 6.12-16)*

<sup>1</sup> Nexata Jesús pijimonae waba. Barapomonae jiwana itapetatsi doce poyobe, pomonae baraichi: “Jesús pia peitorobi jiwi tatsi”, jeichichi. Jesús barapomonae cata pia peayapusu itorobi coyenewa xua cauri ichamonae petaitawetsinexatsi pomonae xua cauri xeina. Matautano Jesús cata pia peayapusu itorobi coyenewa xua pijimonae tatsi axaibi peexanaenexa pomonae xua atene, xuano xua cuenecuenona.

<sup>2</sup> Barapomonae pomonae doce poyobe pomonae peitorobiwichi, ichun pewun Simón, pon icha wunno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho

tatsi. Baponbe Zebedeo pexantobe tatsi. <sup>3-4</sup> Irú ichún pewún Felipe, irú ichún pewún Bartolomé, irú ichún pewún Tomás, irú ichún pewún Mateo. Barapon Mateo pon paratixi pentoma noteibin po paratixi jiwi bewa catsibina pon romanomona e itorobiya pia pepa peewatsinchi nexa. Irú ichún pewún Santiago, pon Alfeo pexanto tatsi. Irú ichún pewún Tadeo. Irú ichún pewún Simón, pon celotemonaepin. Irú ichún pewún Judas Iscariote, pon Jesús caenaetaxubatsi ichamonaetha xua pebexubinexatsi.

*Meje yabara poxona e Jesús itoroba pijimona e xua barapomona e peyabara cueicuei-jeinexa jiwitha po coyene xua Nacom waba jiwi xua petanaexanaenexatsi pijimona e tatsi (Mr 6.7-13; Lc 9.1-6)*

<sup>5</sup> Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomona e jopa judiomona e naexanaeyo. Jopa paponaeinde po tomaran ena Samaria nacuaetha. <sup>6</sup> Meisa saya paponde pomona e Israel nacuamonaepiwitha. Barapomona e payawende tsipei barapomona e Nacom tajú wepu jinompatsi xua pipato jinompa. Icha be pocotsi júta coyeneya ichi oveja, barapo ovejamona e napuxana poxoru wepu pona tajú beya, xua pon pe-eeinaein barapo ovejamona e bapon tajú wepu poinchi icha xua poxona e napuxana. <sup>7</sup> Poxona e papaeba dubenanaebiyame, papaebare barapomonaetha po coyene xua anoxuae Nacom waba jiwi xua petanaexanaenexatsi piamona e pomona e itorobiya peewatsixae. <sup>8</sup> Matautano Nacom pia peayapusú itorobi coyenewatha po coyenewe meje baxua paexande: Axaibi paexande pomona e peatenewi; equeicha asú paexande pomona e werapeibina; axaibi paexande pomona e xua peperú sawichimona e; matautano caurimona e pata taitawere pomona e caurimona e pexeinaewi. Nacom amanaya paca cata barapo pia peayapusú itorobi coyene, daxota poxona e jiwi payawenama Nacom pia peayapusúwatha, jopa jiwi paratixi pawúcaeinde.

<sup>9</sup> “Jopa pacaponaeinde paratixi xua poxona e painya newarapaenexa. <sup>10</sup> Jopa pacaponaeinde cote xua painya nejeyaenexa paparuwán poxona e pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxona e jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

<sup>11</sup> “Poxona e papanenebiyam pin tomaratha, ichacuitha tsiqui tomariyotha, pajeire pon jiwi barú cui itura jina xuano xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxona e barapo tomara weya pawarapaname. <sup>12</sup> Poxona e bomúxútha pajojonyame, barapo bopiwi pajacobare, pajande: ‘Barabú Nacom junte ma jinompa paca cana exanaena’, pajande. <sup>13</sup> Icha baxota jinompa pomona e pomonaetha jiwi barú cui itura jina, bara baxua Nacom barapomona e taexanaeinchi pocotsiwa papaebame. Ichitha icha baxota jinompa pomona e pomonaetha jopa jiwi barú cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata paranaena xua pocotsiwa papaebame. <sup>14</sup> Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitawatsiyo, nexata bapoxona e panatsixibare. Namto beya paponde xua bomúxú weya xua ichacuitha icha tomara weya. Po tsorobo painya taxutha dubena pana nataxu wenúnababare barapo tomaratha. Poxona e baxua paexaname patsita itapeinya xeinaename, apara xua barapomona e abe exana painya xainya berena xua poxona e barapomona e paca jume itaweta. <sup>15</sup> Bara xainyeya paca tsipaebatsi matabi patopaena, po matabitha Nacom yabara paebina jiwi petsita natsicuentisixae xua abe petsita exanaexatsi. Barapo matabitha jopa juniya bichocono atene tsane pomona e paca jume itaweta. Caena bayatha Sodoma tomarapiwi irú Gomorra tomarapiwi bichocono abe exana. Daxota Nacom atene exanaena barapo tomaramonaebe. Bara bequein Sodoma tomarapiwi

atene matauta iru Gomorra tomarapiwi bequein atene tsipei bichocono abe exana barapomona. Ichitha nama pomona barapo tomaratha jinompa, pomona paca jume itaweta, jopa juniya peraxa jubebi tsainchi, beyacaincha poxona Sodoma tomarapiwi yawa Gomorra tomarapiwi peraxa jubebatsi”, jei Jesús.

*Meje yabara poxona Jesús yabara paeba xua ichamona abe exanaena Jesús pijimon-aetha tatsi*

<sup>16</sup> Equeicha Jesús jeye: “Paponde ichaxota paca itorobatsi. Paca caitorobatsi pia xainya beya pomona jopa pejume cowantsiwi, pomona itacupatsi xua abe painya nepaca exanaewa, icha ovejan ichi xua poxona pona ichaxota neuthu jinompa xua itacupatsi xua abe peexanaewatsi. Paxam pananthu cui wunaetsiya tsaquiya jinompare, tsipei ichamona beya paca pepeichipa. Baxua bara paichinde icha jomo ichi xua peita coxonaein poxona waxouto cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua juntea yapoponeca. <sup>17</sup> Paxam dota pam, dota pomona peajuntucoyenebe jiwi. Barapomona paca teicaena pepaca caponaenexa tsane pomonaetha pomona tomaran pentacaponaewi. Bapoxona barapomona paca cuainchina judiomona pia penacaetutsi bontha tatsi. <sup>18</sup> Matauta barapomona paca caponaena pomona peyanacua ewatsi jiwi peitabaratha tatsi. Matauta paca caponaena pomona jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo pentacaponaewi peitabaratha tatsi paca itacupaena xua pata neyabara paebiwani pocotsiwa bayatha tapacata exanaewatsi paxam. Matautano paca itacupaena xua pata neyabara paebiwani pomona jopa judiomona naexanaeyo peitabaratha tatsi. <sup>19</sup> Ichitha poxona paca caponaena pentacaponaewi beya, jopa payabara najuntu coyene exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina po jume xua painya nacaunutsiwam tsane. <sup>20</sup> Tsipei beta jopa papaebimchipae painya coutha, ichitha Nacom pia Pejumope tuxaxu tatsi paca tsimuxu cueicueije tsane. Bapon paca catsina po jumetha xua patsipaebiname.

<sup>21</sup> “Jiwi caenaetsina barompaya peweicho jiwi ichamonaetha xua ichamona pejutebinexa tsane. Iru coxiyeiwi ichamonaetha caenaetsina pia pexui xua ichamona pejutebinexa tsane. Iru pexui paxeiwi caenaetsina ichamonaetha xua ichamona pejutebinexa tsainchi. <sup>22</sup> Daxita nacuanpiwi paca casebina painya tana nejume cowantsixaemxae. Ichitha icha awiya paantuyapusuya nejume cowantsiya jinompaename xua beya payacuiya werapaeya othopaename, poxona bequein abe pacata exana ichamona Nacom napaeba paca cana exanaena. <sup>23</sup> Icha cae tomarapiwi paca abe exanaena, parucupare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abe poxona cataunxuae jopa panacui wetsim tsane xua paponame daxita israelmona pia nacua tomarantha tatsi, xua napaeba dubenanaebiyame Nacom Pejume Diwesi.

<sup>24</sup> “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaen. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi. <sup>25</sup> Pon ba penacuidubin bewa nanta xeinae, bewa najei: ‘Maisa ichamona inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maisa ichamona inta abe exanatsi pon tanecanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxona baxua nayabara nanta xeinabe, bara pocotsi coyeneya paca cana ichiya exana jiwi icha poxona neyabara ichiya namchi. Tsipei jiwi abe neyabara paeba xua jeye: ‘Maisa bapon Beelzebú tsecae pon caurimona pia pentacaponaein tatsi’,

jei. Matauta paca yabara jei tsane: ‘Maisa barapomonae Beelzebú pijimonae tatsi po Beelzebú caurimonae pia pentacaponaein tatsi’, paca yabara jei tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina (Lc 12.2-7)*

<sup>26</sup> Equeicha Jesús jeye: “Jopa jiwi pacunuwinde xua tapana neyabara paebiwam. Tsipei daxita diwesin, xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>27</sup> Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonae mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande. <sup>28</sup> Tamonae pam, paca tsipaebatsi, jopa pacunuwinde pomonae itacupatsi xua paca jutebina xua saya meisa painya pepontha. Ichitha barapomonae jopa itacupaetsi xua equeicha paca jumopein tñaxñ jutebina. Jame paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itacupatsi xua paca bebai pin isototha po pin isototha jopa bapana itacounayiyo xua weraweraca painya nepaca exanaenexa painya pepon yawa painya nejumope tñaxñ.

<sup>29</sup> “Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonae barapo sitobe jiwana iratha yajopeica xua yatupa. <sup>30</sup> Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexenaewa. <sup>31</sup> Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonae peitabaratha tatsi (Lc 12.8-9)*

<sup>32</sup> Equeicha Jesús namchi: “Yabara paca tsipaebatsi pomonae xua nayopita ichamonae aetha pomonae xua najei: ‘Apara paxan Jesús pijimonae tatsi pan’, najei. Barichi xan xuya jan tsane Nacomtha: ‘Barapomonae apara tana nejume cowñtsiwi’, jan tsane xuya barapo Nacom peitabaratha pon Taxa, pon peitabocotha peecaexae. <sup>33</sup> Ichitha pomonae xua neyabara jei ichamonaetha: ‘Jopa bapon yaitaeinyo’, jei, xan xuya barapomonae yabara jan tsane: ‘Apara barapomonae jopa yaitaeinyo’, jan tsane xuya Taxa beicha, pon peitabocotha peecaexae”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowñtsixaetsi xua ichamonae jopa pejume cowñtsixaetsirñ (Lc 12.51-53; 14.26-27)*

<sup>34</sup> Equeicha Jesús namchi: “Jopa pananta xeinaeinde xua patopeican saya meisa xua jiwi jñntema jinompa tacana exanaewa tsane. Jopa baxua tsipatopaeinyo. Apara jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomonae jopa nejume cowñtsiyo ita aenae-aenei pomonaetha pomonae tana nejume cowñtsiwi. <sup>35</sup> Coxiyen pexanto ita aenae-aenei tsainchi. Iru coxiwa pexantiyo ita aenae-aenei tsainchi. Iruñ ichowayo pecopeinyo ita aenae-aenei tsainchi. <sup>36</sup> Daxota pebin barompaya piamonae penaitafaetabi jiwi nacana exanatsi.

<sup>37</sup> “Pon antobe paxa yawa pena beyacaincha xua neantobe bapon jopa naexanae tsane pon tajiwiwimonae jiwanapin. Pon antobe pexanto beyacaincha xua neantobe, bapon jopa naexanae tsane pon tajiwiwimonae jiwanapin. Yawa pon antobe pexantiyo beyacaincha xua neantobe bapon jopa naexanae tsane pon tajiwiwimonae jiwanapin.

<sup>38</sup> Matautano pon jopa awiya exana ducunaebiyaeyo pocotsiwa itoroban, tsipei



jopa be peraxa exanaetsi icha be xua poxonae neichi nexata bapon jopa tajiwi-monaepinyo. <sup>39</sup> Pon naantobeya nata exana pocotsiwa bapon ichichipa bapon jopa xeinaeyo peajuntuyapusawa, po peajuntuyapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan taneantobexae bapon xeinaena peajuntuyapusawa, po peajuntuyapusawa ataya tsiteca xua Nacom pia nacua beicha”, jei Jesús.

*Meje yabara poxonae Jesús yabara paeba xua pocotsiwan peyabara cui matomatsiwa (Mr 9.41)*

<sup>40</sup> Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa papaebiname, barapara bapon yawa neweyatanera. Barapon pon xua neweyatane, barapara matautano weyataenara xua weyatainchi pon xua tana neitorobixae, bapon Nacom. <sup>41</sup> Pon cueicueijejei Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta iru pon xua pejuntu coyene xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntu coyene xeicaein. <sup>42</sup> Pon xua apatsina tajiwimonae jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwimonae jiwana pin yawenatsi”, jei Jesús.

## 11

*Meje yabara poxonae Juan pon jiwi Pebautisabin itoroba pijimonae Jesús beya, peyainyabinexa tsainchi Jesús (Lc 7.18-35)*

<sup>1</sup> Jesús najume weta xua pijimonae muxuwetsiya cuiduba, po jiwimonae tatsi xua doce poyobe tatsi. Bapoxonae Jesús bara weya natsixitaba xua tomarantha pepon-aenexa po tomaran ena barapo nacuatha xua jiwitha pecuidubinexa Nacom pia pex-einya jume diwesi tatsi.

<sup>2</sup> Juan pon jiwi Pebautisabin, bapon jiwi pecubi botha etatsi. Poxonae cataunxuae jiwi pecubi botha eca, bapon jume tane xua juinya Cristo exana. Bapoxonae Juan itorobabe Jesús beya ponbe pia pepuna jinompaewichi jiwana be tatsibe xua petayainyabinexat-sibe Jesús beya. <sup>3</sup> Barapomonae Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichun pawanae ewatan jampa? jei baraponbe xua Juan najume caruta.

<sup>4</sup> Jesús jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno. <sup>5</sup> Matautano patsipaebarebe xua pomona peitata nacutsi jiwi equeicha tane, matauta xua pomona pejayujayujeiwi beta pona equeicha, matautano xua pomona peperu sawichimona equeicha peru wanae, matauta pomona xua pemuxusipanaewi equeicha muxu nasaba, matauta pomona xua pewerapaewi equeicha asu tsane. Matauta pomona xua peacopeibi jiwi jume tane Nacom pia pexeinya pecapanenebiyae diwesi jume. <sup>6</sup> Patsipaebarebe Juan xua xan janje: ‘Juntu coyene weiweinaena pon jopa ainya unthuthunyo, pon xaniwaicha neyabara jume cowanta’, xua jan”, jei Jesús.

<sup>7</sup> Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: “Ira xuepana susato tsurucuae nacuatha paponame. Poxonae bara beya poponame, zeta

xua painyatsi, painya jume taetsi pebin pon ainya unthuthuto cui xeina icha be naepanaewa ichi xua saya joibo ba jubabiya caya tsaibi? Jume apara. <sup>8</sup> Bara paichim. Paponame ¿painya nejumetaenexa pebin pon peitapanae paparuwa nama xatata? Jume apara. Payaputaneme pomonae peitapanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwixaetsi. <sup>9</sup> Jume. Jopa baxua patsiponaem xua jopa painya jume taenexa pebin pon ainya unthuthuto cui xeina, matautano xua jopa painya jume taenexa pebin pon peitapanae paparuwa nama xatata. Apara jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin. <sup>10</sup> Juan bapon apara, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wanaetsina jiwi xua daxita jiwi najuntu cui wanaetsina xam nexa, xua necantenta weyataeya wabinexa poxonae patopaename’, nejei Nacom Pejume Diwesitha.

<sup>11</sup> Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonae jopa ainya cui jiwi.

<sup>12</sup> “Juan pon jiwi Pebautisabin, poxonae bapon tamropata pitaba xua cueicueijeji Nacom Pejume Diwesi xua beya anoxuae pin bicheitomonae nejume cowanta pia penaexanaenexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein ichamonae ayapube taexana barapomonaetha. <sup>13</sup> Daxita po petinae diwesin Nacom peitorobi jume pepaebiwi tina iruru Moisés pia peitorobi coyenewa tatsi barapo naxobe peitorobi coyenewathabe yabara tsiwanae muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom juntu coyene itorobiya canamataxeinaena jiwi. Matapainya Juan patopa. Bapoxonae iru Nacom tamropata pitaba xua exana pocotsiwa bayatha yabara tsiwanae muxu duta.

<sup>14</sup> Icha paxam xaniwaicha paichichipame xua payabara jume cowantame xua pocotsiwa barapomonae bayatha yabara paeba, bapoxonae bara panejume cowantsiname xua paeban, xua jan: ‘Apara Juan bapon Elías pon caena bayatha tupa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena’, jan. <sup>15</sup> Icha pamuxu dubename moya pana nejume naitaeware pocotsiwa tapaca tsipaewatsi.

<sup>16</sup> “¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe jata ichi barapomonae? Barapomonae be pexui, pocotsixi panatha nabaru jinompa. Nabaru wawai tsurubenaebiya. <sup>17</sup> Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichan tatupatsi ichitha jopa pana itanuwe jume notsim xua painya newecoyeinexaru’, jei barapoxi. <sup>18</sup> Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: ‘Apara Juan xeina cauri’, pajam. <sup>19</sup> Bapoxonae xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana

neyabara paebame pajam: ‘Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi, iru pomonae paratixi pentoma noteibiwi, barapomonae pia jiton tatsi’, pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi (Lc 10.13-15)*

<sup>20</sup> Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itutsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peauraxae xua abe exana. <sup>21</sup> Daxota barapo tomaranpiwi beya, jeye: “¡Pai jaibo, Corazín tomarapiwi tsobena! ¡iru Betsaida tomarapiwi tsobena! Po tsita itutsi coyenewan exanan Corazín tomaratha iru Betsaida tomarathano, ichun jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha juntu coyenein Nacom petsita xeinaewatsi peauraxae abe peexanaexae bapontha. <sup>22</sup> Paxam pomonae Corazín tomarapiwi pam iru Betsaida tomarapiwi pam, bara xaniyeya paca tsipaebatsi. Poxonae barapo matabi patopeicaena po mataqueitha Nacom yabara paebina daxita jiwi petsita natsicuentsex- aetsi abe petsita exanaexaetsi, Tiro tomarapiwi iru Sidón tomarapiwi daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. <sup>23</sup> ¡Incane iru Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itutsi coyenewan painya tomaratha exanan icha bayatha barapo petsita itutsi coyenewan exanaetsipa Sodoma tomaratha, bara cataunx- uae barapo tomara ecaetsipa, xua beya anoxuae tsipae. Tsipei barapomonae metha bayatha xeinaetsipa icha juntu coyene xua peauraxae xua abe exana Nacomtha. Metha bapoxonae Nacom jopa jutebichipae barapo tomarapiwi. <sup>24</sup> Ichitha paca tsipaebatsi paxam Capernaum tomarapiwi pam, matabi patopeicaena po mataqueitha Nacom yabara paebina daxita jiwi petsita natsicuentsex- aetsi abe petsita exanaexaetsi. Barapo mataqueitha bichocono paca peraxa jubebina, beyacaincha xua Sodoma tomarapiwi peraxa jubebinchi bichocono”, jei Jesús.

*Meje yabara poxonae Jesús waba jiwi: “Anetha xan berena tapaca yawenaewa tsainchi”, jei (Lc 10.21-22)*

<sup>25</sup> Bara caena bapoxonae Jesús juntu coyene weiweina exanatsi Nacom pia Pejumope tanaxu tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wuna cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame tsita itatame barapo pexainyei coyenewa xua xan yabara pomonaetha pomonae jopa bichocono penacuidubiwi, pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita. <sup>26</sup> Axa, baxua exaname necatsita xanepanaexae baxua”, jei Jesús Paxatha.

<sup>27</sup> Equeicha Jesús namchi pijimonaetha, jeye: “Taxa daxita necata xua pia peitorobi coyenewa tatsi, matautano xua pia peyaputae coyenewa tatsi. Dapon aibi pon xaniwaicha nejuntũ cui coyene yaputane. Jame saya meisa Taxa Nacom, nejuntũ cui coyene yaputane. Dapon aibi pon Taxa juntũ cui coyene yaputainchi. Saya jame meisa Taxaxae juntũ cui coyene yaputan. Matautano barichi Taxa meisa juntũ coyene yaputainchi pon saya bara copatan xua bara Taxa pejuntũ cui coyene yaputaewa tsainchi. <sup>28</sup> Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca juntũ coyene natsepa exana painya abe neexanae cuiru coyene baxua paca juntũ cui coyene canapuxanaeya yabara junteinaeinchi xua painya nenafinacaewatsinexa. Equeicha pena juntũ coyene paca cana exanaeinchi, xua painya nejuntũ coyene weiweinaeya jinompaewa tsane. <sup>29</sup> Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamonae. Baxuan paexande tsipei xan jopa bapana juntũ cui coyene anaepanaeya tacuidubin jiwi. Matauta bapana jopa tajuntũ cui coyene atsacaein. Matautano jopa rajuntũ coyene deideijeya jinompaem tsane. Saya jame xanepanaeya painompaename tsipei paexanaename tacuidubi cui coyenein. <sup>30</sup> Barapo tacuidubi cui coyenewan jopa ayapubeyo painya juntũ cui coyenetha. Bara paca itacupa xua painya neexanaewa tsane barapo tacuidubi cui coyenewan”, jei Jesús.

## 12

*Meje yabara poxonae Jesús pijimonae tatsi yaboto nota trigo xu judiomonaе barompaya pia pentaquei seicae mataqueitha tatsi (Mr 2.23-28; Lc 6.1-5)*

<sup>1</sup> Caentacabi poxonae judiomonaе barompaya pia pentaquei seicae matabitha tatsi barapo mataqueitha Jesús irũ pijimonaе tatsino pabi iyiya. Jesús pijimonaе tatsi jainpa. Barapomonaе tamropata notarũcũpa xua yaboto xunumenapona trigo xu, bapoxonaе pecobetha xu mata pepeta yawa xu xane. <sup>2</sup> Poxonaе fariseomonaе cui tane xua Jesús pijimonaе tatsi exana, bapoxonaе barapomonaе Jesús tsipaebatsi, jeye:

—Jamaisa jinya jiwimonaе nacuita barapo matabithe poxonaе yaboto nota trigo xu. Apra jiwi jopa yabara copatichi xua penacuichiwa po mataqueithe xua judiomonaе barompaya pia pentaquei seicae matabi tatsi, jei fariseomonaе. <sup>3</sup> Jesús jume nota, jeye:

—Barapo tajiwiwimonaе jopa apra abe exanaeyo. Jopa payabara yorobim pocotsiwa bayatha David exana poxonaе jainpa, poxonaе irũ pijimonaе tajainpatsirũ. Bapon David, pon caena bayatha israelmonaе itorobiya pia pepa Peewatsinchi. <sup>4</sup> Bapon David irũ pijimonaе tatsi barapomonaе Nacom pin pia botha tatsi jojoniya. David xane pan, po pan ichamonae cana exana xua Nacomtha pecatsiwatsi. Irũ barapo pan David pijimonaе cata xua pexaenexarũ. Barapomonaе xane bequein bara Nacom pia peitorobi coyenewatha copata xua saya meisa sacerdotemonaе itacũpatsi xua pexaewa tsane barapo pan. <sup>5</sup> Matautano bequein payabara yorobame Moisés pia peitorobi coyenewatha ichaxota jei: ‘Sacerdotemonaepiwi nacuita judiomonaе barompaya pia pentaquei seicae matabitha tatsi poxonaе Nacom pin pia botha tatsi duwei tauta xua petuxusi exanaenexa Nacom nexa’, jei. Apra barapo coyene jopa peabe coyenewiyo. Jiwi bara copata. Jopa cui matawentsiyo bequein bara barapo judiomonaе barompaya pia pentaquei seicae matabitha tatsi exana taetha. <sup>6</sup> Ichitha paca tsipaebatsi xua nama taayapusũ itorobi coyenewa ainya cui beyacaincha Moisés pia peitorobi coyenewan tatsi, xuano beyacaincha barapo coyene po coyene poxonaе Nacom pin pia botha exana. <sup>7</sup> Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xainaе unthato

xua ichamonaē painya neyawenaewa tsane. Baxua jame bichocono ichichipan beya-caincha xua duwei petautsiwa xua petuxusi exanaewa xan nexa', jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxonaē barapo tamonaē jopa abe payabara paebimchipae pomonaē bequein bara jopa abe exanaeyo. <sup>8</sup> Xan ponxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicaē matakabitha, jei Jesús, fariseomonaetha.

*Meje yabara poxonaē Jesús cobe wɥnaē exana pon pecobe mɥbinchi*  
(Mr 3.1-6; Lc 6.6-11)

<sup>9</sup> Poxonaē Jesús najume weta xua fariseomonaē tsipaebatsi, bapoxonaē Jesús bara weya natsixitabiya ponataba trigo pabi weya. Bapoxonaē pona judiomonaē pia pe-nacaetutsi bo tatsi beya, bapoxonaeno joniya barapo botha. <sup>10</sup> Barapo botha pebin eca pon pecobe mɥbinchi. Baxotarɥ fariseomonaē ena. Barapo fariseomonaē ichipa piraichi Jesús yainyabatsi xua icha Jesús jume notsina icha jumetha xua bapoxonaē Jesús pecui yabara paebinxatsi jiwitha xua Jesús abe exana. Barapo fariseomonaē Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicaē mataqueitha jampa? jei.

<sup>11</sup> Jesús jume nota, jeye:

—¿Jintam metha pon paxam jiwana, pon xeina cae oveja, xua poxonaē jopa jutsipae icha barapo oveja mɥthɥtha tajoparecatsi? Apra bara awiya jutsipa pia ovejaxae bara bequein pentaquei seicaē matakabi taetha. <sup>12</sup> Nama apra bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanaē coyene exaneibina, bara bequein xua poxonaē pentaquei seicaē matakabintha taetha, jei Jesús fariseomonaetha.

<sup>13</sup> Nexata Jesús barai pontha pon pecobe mɥbinchi jeye:

—Nacobe doire, jei.

Poxonaē bapon nacobe doita, bapoxonaē nainya cobe wɥnaē tsanaya icha icha cobe ichi. <sup>14</sup> Bapoxonaē fariseomonaē Jesús weya ponarɥɥpa xua Jesús pecui yabara paebinxatsi xua po cui coyenewatha Jesús pebexubiwa tsainchi.

*Meje yabara xua Jesús peyabara tsiwɥnaē cui paebiwatsi*

<sup>15</sup> Poxonaē Jesús yaputane xua yabara cui paebatsi xua abe exana mataɥtano xua bexubapaebatsi, bapoxonaē Jesús bara weya ponataba. Mataɥtano Jesús pinmon-aeno puna poinchi. Jesús axaibi exana ducuaenaēbiya daxita pomonaē peatenewi. <sup>16</sup> Mataɥta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús. <sup>17</sup> Jesús itoroba pomonaē xua axaibi peexanaexae xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaías pejume diwesitha bayatha yabara tsiwɥnaeya tina Nacom nexa pon Nacom peitorobi jume pepaebin. Nacom jeye, Jesús yabara:

<sup>18</sup> “Bapon apra pon inta nacuita, pon itapetan, pon bichocono antobein yawa xua nejɥntɥ coyene weiweina exana pon.

Taitorobicaein tajumope tɥnaxɥ xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonaē jopa judiomonaē naexanaeyo.

Barapon barapo pexeinya jume diwesi caponaena, xua pejume cowɥntsineca tsane pomonaē poxonaē

jume taibina barapo pexeinya jume diwesi xua  
bapoxonae barapomonae tayabara j̄ntemainaenexa  
abe pia peexanae cuiru coyenein tatsi.

<sup>19</sup> Matauta bapon jopa jume matsontsonobeibi tsane.  
Bapon jopa namtsebiya wawai tsaibi tsane namtotha  
xua jiwi bapon pejume taenexa tsaibi tsainchi, xua  
bapon pejume naitaewatsinexa tsaibi tsainchi.

<sup>20</sup> Pomonae jopa peaj̄nt̄ucoyenes̄wi xua tana nejume  
cow̄antsiwa, bapon jopa bebai tsaibi tsane.

Barapomonae capanenebiya tsainchi.  
Matautano pijimonae tatsi poxonae j̄nt̄  
coyene faefaenena, jopa anaya jutebi tsane.

Bara bapon yawenaena barapomonae.

Bapon baxua exanaena xua pijimonae  
yayawenaponaena beya tsane xua cui  
amanayabina pia peaitafaetabi jiwichi.

<sup>21</sup> Matauta daxita nacuanpiwi jiwamonae  
pomonae jopa judiomonae naexanaeyo barapomonae  
bapon w̄nae ewatatsi xua bara bapon  
barapomonae pecapanenebiwa tsainchi Nacom  
beicha”, jei Nacom Jesús yabara Isaías pejume  
diwesitha.

*Meje yabara poxonae Jesús baraichi xua pinae xeina Beelzebú pia peayapus̄ itorobi  
coyewata tatsi*

*(Mr 3.20-30; Lc 11.14-23; 12.10)*

<sup>22</sup> Bapoxonae jiwi Jesús tacapatatsi pebin pon muxusipana exainchi cauri, matautano  
xua itata nacuta exainchino. Bapon Jesús axaibi exana. Bapoxonae pebin muxu nasaba,  
beta necota, matautano paebano. <sup>23</sup> Daxita pomonae cui tane baxua, pocotsiwa Jesús  
exana, daxita barapomonae yabara naj̄nt̄ coyene benaecaeya najei: “Jina, ¿bapon  
apara David pia pemomoxi susato jiwi jiwana pin tatsi jampa, pon Nacom yabara w̄nae  
tsiw̄naeya paeba xua pinae patopeicaena jampa?” jei.

<sup>24</sup> Poxonae baxua fariseomonae jume tane, jeye: “Bapon caurimonae itawetatsi apara  
pexeinaexae Beelzebú pia peayapus̄ itorobi coyewata tatsi pon caurimonae pia pe  
ntacaponaein tatsi”, jei fariseomonae.

<sup>25</sup> Jesús yaputane xua fariseomonae nanta xeina poxonae natsipaeba baxua, daxota  
jei fariseomonaetha: “Icha cae nacuaapiwi nawepu tsatabe matauta nababe, bapoxonae  
jopa xaexaenaecaeyo. Matauta ir̄r̄ icha cae tomarapiwi nababe, bapoxonae jopa xa-  
pain jinompaeyo barapo tomarapiwi. Matauta ir̄r̄ icha cae bo matab̄x̄yomonaebe  
nababe, yawa nawepu tsatajopabe bapoxonae jopa xaexaenaecaeyo. <sup>26</sup> Barichi icha  
Satanás pijimonae tatsi nawepu tsatajopabe, matautano nababe, bapoxonae jopa xaex-  
aenaecaeyo. Satanás jopa itac̄paetsi xua itoroba pijimonae, tsipei amsiya exana.

<sup>27</sup> Paxam pana neyabara jam: ‘Apara bapon itaweta cauri tsipei bapon xeina Beelzebú  
pia peayapus̄ itorobi coyewata tatsi, pon Beelzebú caurimonae pia pentacapon-  
aein tatsi’, pana neyabara jam. Icha baxua bara xainyei, ¿nexata eta po peayapus̄  
itorobi coyeneya tatsi painyamona itaweta cauri? ¿Ir̄r̄ barapomonae itaweta cauri  
Beelzebú pia peayapus̄ itorobi coyewata tatsi? Daxota painyamona paca ya-  
putane xua apara paxam panaerabame. <sup>28</sup> Ichitha nama xan cauri itawetan Nacom pia  
pejumope t̄nax̄ tatsi pia peayapus̄ itorobi coyewata tatsi, xua barapo pejumope  
t̄nax̄ tana necatsixae pia peayapus̄ itorobi coyewata. Baxua apara paca tsipaebatsi  
painya neyaputaenexa xua painya xantha patopan ponxaein Nacom Tananeitapetsin.

<sup>29</sup> “Dapon aibi pon itacupatsi xua botha joniya po botha pon bichocono maxu daunwei pia bo tatsi xua daxita penotsiwa tsane pocotsiwa bapon xeina pon maxu daunwei, icha jopa copiya matha maxu cutanotsiyo. Barapocotsi juta coyeneya ichin. Xan cui amanayaban Satanás daxota neitacupa xua torotsiya itawetan bapon pijimonae tatsi pomonae caurimonae.

<sup>30</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowuntsiwa tsane. Barapomonae jopa yawenaeyo xua ichamonae nenacaetutsina tajiwimonaexae tsane.

<sup>31</sup> “Daxota paca tsipaebatsi xua pocotsiwa jiwi abe peexanae cuiru coyenein exana matautano pocotsiwa xua jiwi abe paeba, barapo coyene Nacom itacupatsi xua yabara juntemainaena daxita barapo coyenein. Pon abe yabara paeba Nacom pia Pejumope tñaxu tatsi Nacom bapana jopa yabara juntemainae tsane xua bapon paeba.

<sup>32</sup> Matautano xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara juntemainawatsi pocotsiwa bapon abe neyabara paeba. Ichitha pon nama bichocono abe yabara paeba Nacom pia Pejumope tñaxu tatsi, Nacom jopa bapana yabara juntemainae tsane bapon, anoxuae matautano xua bexa tsane”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae (Lc 6.43-45)*

<sup>33</sup> Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae. <sup>34</sup> ¡Paxam pomonae bichocono abe peexanaewi pam! Icha jomomonae ichi xua abe exana jiwitha bara paichim, abe paexaname jiwitha. Paxam jopa paca itacupaeyo xua xanepanaeya painya nepaebiwa, tsipei pocotsiwa painya coibototha papaebame barapara baxua painya juntu coyenetha pacayabara nanta xeiname. <sup>35</sup> Pon ba pejuntu coyene xanepanaein bapon ba xua xanepana paeba, tsipei ba pejuntu coyene xeicaein. Pon ba peajuntucoyenebein bapon ba xua abe paeba tsipei ba peajuntucoyenebein. <sup>36</sup> Ichitha paca tsipaebatsi xua matacabi patopeicaena po mataqueitha Nacom yabara paebina daxita jiwi penatsicuentsiwa abe peexanaexae bapontha. Barapo matacabitha daxita jiwi bewa atene tsane pepaebixae po jumein jopa xanepanaeyo. <sup>37</sup> Poxonae Nacom yabara paebina daxita jiwi penatsicuentsiwa abe peexanaexae bapontha, Nacom tsanaya tsabina pia pepaebixae jumeintha tsane. Pomonae paxam xanepanaya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara jei tsane. Paxam pomonae bayatha abe papaebame poxonae cataunxuae pajinompame po irathe Nacom xuya paca yabara jei tsane: ‘Maisa barapomonae abe pepaebiwi’, paca yabara jei tsane”, jei Jesús.

*Meje yabara poxonae pomonae peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa*

*(Mr 8.12; Lc 11.29-32)*

<sup>38</sup> Nexata fariseomonae jiwanamonae iruru pomonae jiwi pecuidubiwi Moisés pia peitorobi coyene tatsi jiwanamonae, daxita barapomonae Jesús cui itorobatsi, jeichichi:

—Pon jiwi Pecuidubim, paichichipan xua pata taewa tsane xua tapana netsita itutswam tsane cae jinya pexeinya netsita itutsi coyenewa pocotsiwa Nacom cacatsina pia peayapusu itorobi coyenewatha. Vapoxonae paca jume cowuntsinchi, jei.

<sup>39</sup> Daxita barapomonaetha Jesús barai, jeye:

—Pomonae peajuntucoyenebe jiwi iruru pomonae jopa tana nejume cowuntsi jiwi barapomonae necui itoroba xua taexanaewa cae coyenewa tapexeinya tsita itutsi coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha juta coyene cana ichichi Jonás pon Nacom peitorobi

jume pepaebin, pon caena bayatha tupa. <sup>40</sup> Nacom Jonás itorobatsi Nínive tomarapiwi beya petsipaebinexa Nacom Pejume Diwesi barapomonaetha. Jonás jopa baxua peexanaexae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acoibi po matacabiyobe, matautano acoibi po merawiyobe, beya poxonae equeicha yacabaxotsi xua asu popona. Barichi tsane xan ponxaein Nacom Tananeitapetsin tupaen. Bapoxonae muthutha nebotsina acoibi po matacabiyobe nexa tsane, matautano acoibi po merawiyobe nexa tsane, beya poxonae equeicha Nacom asu juina neexanaena. <sup>41</sup> Matacabi patopeicaena po matacabitha Nacom yabara paebina daxita jiwí peperaxa exanaenexatsi penatsicuentsexae abe peexanaexae. Barapo mataqueitha Nínive tomarapiwi pomona caena bayatha jinompa barapomona abeya paca yabara paebina poxonae umenaena Nacom peitabaratha. Baxua exanaena tsipei barapo Nínive tomarapiwi icha juntu coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha. <sup>42</sup> Matauta barapo matacabitha tsane petsiriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueije tsane pomona xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomona xua jinompa poxonae Mesías popona po irathe deque, barapomona abe bichocono peexanaewi, tsipei ajuntacoyenefaetabiya jume tane pocotsiwa Mesías cuiduba bequein Mesías bichocono peyaputaen’, jei tsane barapowa. Barapowa baxua paebina tsipei bapowa bayatha taju werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaen Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaein pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxeinchiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

*Meje yabara poxonae Jesús yabara paeba cauri xua caewa nauyata pebintha  
(Lc 11.24-26)*

<sup>43-44</sup> Equeicha Jesús jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxonae caibeya pona cauri caxina, pebin caxinatsi xua xanepanaeya popona. <sup>45</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomona bichocono abe beyacaincha bapon pon copiya. Daxita barapo caurimona pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane caurimona abe cana exanaena pomonaetha pomona anoxuae jinompa, pomonaetha pomona peajuntacoyenebe jiwí, icha barapo caurimona ichi poxonae pebin abe cana exainchi”, jei Jesús.

*Meje yabara xua Jesús pena tatsi iruru peyapin jiwí tatsino  
(Mr 3.31-35; Lc 8.19-21)*



<sup>46</sup> Jesús cataunxuae cueicueijeji tsuncuae poxonae beya iru pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús baru cueicueijeichi canta pin bicheito. <sup>47</sup> Ichun Jesús baraichi, jeye:

—Ena, iruru neyapin jiwino pesato beya umena. Bepara bequein cataei, necatsipae-binexa tsane, jei bapon.

<sup>48</sup> Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonae pia pepuna jinompaewichi.

<sup>49</sup> Nexata Jesús pijimonae cowai yawa jei jiwitha:

—Pomonae xua cowan apara barapomona be taena tsicotan matautano iru be tayapin jiwi tsicotanno. <sup>50</sup> Pomonae xua exana pocotsiwa Taxa Nacom itoroba, pon peitabocotha peecaeinxae, barapomona be tayapin jiwi tsicotan, matautano iru be tayapixi tsicotanno, matautano iru be taena tsicotanno, jei Jesús.

## 13

*Meje yabara poxonae Jesús cuiduba jiwi pecayabara jata pepaebi diwesiyo xua pon peubin yabara*

*(Mr 4.1-9; Lc 8.4-8)*

<sup>1</sup> Barapo mataqueitha caena Jesús bo weya pona, bapoxonae pucua itapatha ecopa.

<sup>2</sup> Tsipei pin bicheito nacaetuta Jesthaxa daxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena. <sup>3</sup> Jesús barapo pin bicheito cuiduba pecayabara jata pepaebi diwesintha.

Cae diwesiyotha Jesús namchi, jeye: “Pebin pon peubin pontaba pia ubichi pabitha.

<sup>4</sup> Poxonae pon peubin abauya, icha xu namtotha xu othopeica. Peyapupunaewi yapata yawa xu xane. <sup>5</sup> Icha xu, xu othopeica ibowantha ichaxota ira itafafana. Barapoxonae barapo xu caena nainya xu xuwa tsipei jopa tajuxu xu xuwarecaeyo. <sup>6</sup> Ichitha poxonae xometo atsa tsina bapoxonae yaboto tsaquiwa yawa tupa tsipei jopa tajuxu tabuxu opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wuxnae. Poxonae barapo xu, xu xuwa, xu nawuxnaeta. Icha xun, xu nanacoitapona cien po xu matabuxuxyobe tsiniya. Icha xun, xu nanacoitapona sesenta po xu matabuxuxyobe tsiniya. Icha xun, xu nanacoitapona treinta po xu matabuxuxyobe tsiniya. <sup>9</sup> Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara jata pepaebi diwesiyo yabara jane, jei*

*(Mr 4.10-12; Lc 8.9-10)*

<sup>10</sup> Nexata Jesús pijimonae imoxoyo caquita umenaruxcupatsi yawa yainyabatsi, je-ichichi:

—¿Eta xua metha jiwitha paebame pecayabara jata pepaebi diwesin? jei Jesús pijimonae tatsi.

<sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawuxn xeinaewa. Barapo moya peyawuxn xeinaewa xua jiwi jopa peyaputaewa apara xua Nacom paca cana exana xua painya nepaca itacupaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae pomonae jopa nejume cowantsiyo jopa daichichi. Nacom jopa copatsiyo xua barapomona peyabara yaputaewa baxua. Daxota barapomona cuiduban pecayabara jata pepaebi

diwesintha xua Nacom peyabara yaputaenexatsi. <sup>12</sup> Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>13</sup> Daxota jiwitha paeban pecayabara juta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. <sup>14</sup> Barapomonaetha baxua exana bayatha petsiwnae cui yabara paebixaetsi, xua bayatha Isaías pon Nacom peitorobi jume pepaebin, petsiwnae cui yabara paebixae pejume diwesintha pocotsiwa barapomonaetha poxonae baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaaputaem tsane xua jopa painya tana nejume cowantsinexam tsane.

Pana necui taename ichitha xaniwaicha jopa bepayaaputaem tsane xua painya tana necui yabara jume cowantsinexam tsane.

<sup>15</sup> Paxam bichocono paainya unthatom, xua jopa painya tana neyaputaexae jiwim.

Matautano jopa xanepanaeya pajume taem tsane, be pomonaetha penamuxujematsi jiwi pam tsane.

Panaichaquetsiname icha be pomonaetha peitata nacutsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowantsinexa tsane.

Yawano matauta, baxua paexanaename tsipei jopa bepainya tana necui taewam tsane xua jopa painya tana nejume cowantsinexam tsane.

Matauta baxua paexanaename tsipei jopa bepainya tana neyaputaewam tsane painya itamaiqueitontha.

Matautano jopa painya neauraxae xua abe paexaname daxota jopa paca juntu coyene xanepana exanaetsi’, jei Isaías barapomonaetha xua Mesías nexa”, jei Jesús.

<sup>16</sup> Nexata Jesús pijimonaetha jeye: “Paxam pajuntu coyene weiweiname tsipei poxonaetha pana necui taneme pocotsiwa exanan baroxonaetha pana necui yaputaneme. Matautano pajuntu coyene weiweiname tsipei poxonaetha pana nejume taneme pocotsiwa paeban baroxonaetha pana nejume cowantame. <sup>17</sup> Xaniwaicha paca tsipaebatsi pin bicheitomonaetha, pomonaetha Nacom peitorobi jume pepaebiwi, matautano iruru pomonaetha pejuntu coyene xeicae jiwi, pomonaetha caena bayatha jinompa barapomonaetha newnae ewata xua tapatopeicaewa. Daxita barapomonaetha bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo”, jei Jesús.

*Meje yabara poxonaetha Jesús pijimonaetha muxu yaputane exana po diwesi xua pecayabara juta pepaebi diwesiyo pon peubin yabara (Mr 4.13-20; Lc 8.11-15)*

<sup>18</sup> Equeicha Jesús jeye: “Pajume taema xua paca tsipaebatsi pecayabara j̄ta pepaebi diwesiyo xua pon pēbin yabara: <sup>19</sup> Pomonae bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomonae daichitha jopa yaputaeyo barapo coyenewa. Daxota barapomonae jopa xanepanaya exanaeyo icha be pocotsi j̄ta coyeneya ichi xua pexuton xua po xuton namto othopeica. Bara j̄ta coyeneya cana ichichi pomonae jopa yaputaeyo tacuidubiwa. Caurimonae pia pentacaponaein tatsi barapomonae omeicha bara j̄nt̄u coyene weichichi tacuidubi coyenewa daxota barapomonae jopa nejume cow̄ntsiyo. <sup>20-21</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano j̄nt̄u coyene weiweinaya Nacom jume cow̄ntatsi. Ichitha bara caeto jume cow̄nta poxoru barapomonae ant̄faetabiya jume jeba Nacom pejume diwesi pej̄nt̄u coyeneintha. Poxonae yaitama barapomonae bichocono peatenexae, matātano poxonae barapomonae yaitama abe petaexanaexaetsi ichamonae xua pejume cow̄ntsixae Nacom, baropxonae caurimonae abe exana barapomonae aetha xua barapomonae j̄nt̄u coyene wej̄ntemaina exanatsi xua Nacom pecayabara j̄ntemainaewatsi. <sup>22</sup> Po xuton xua xu othopa pesoiwantha, barapo xuton caunuta xua pomonae Nacom Pejume Diwesi jume tane ichitha saya barompaya pia j̄nt̄u coyenetha jinompa. Matātano saya u copei cayabara nanta xeina. Matātano saya exana pocotsiwa j̄nt̄u coyene weiweina cana exainchi. Po coyene pebiwi exana baxuan barapocotsi j̄ta coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi j̄ta coyeneya ichi barapo jiwi. Jopa xanepanaya Nacom tsita jinompaetsi. <sup>23</sup> Po xuton xua xu othopeica peira w̄naewatha, bara nacoita. Barapo xuton yabara caunuta pomonae jume tane Nacom Pejume Diwesi, matātano jume cow̄ntano poxoru j̄nt̄u coyene xanepanaeya jume tane. Matātano beta exana dubenanaebiya beya matapainya jiwi cui tane xua barapomonae bara j̄nt̄u coyene xanepana Nacom peitabaratha tatsi. Baropxonae ichamonae barapomonae jiwana beta yawena ichamonaetha icha barapo xuto ichi xua cien po xu matab̄x̄yobe tsiniya tsopona. Matātano ichamonae barapomonae jiwana beta yawena ichamonaetha icha barapo xuto ichi xua sesenta po xu matab̄x̄yobe tsiniya tsopona xua jume cow̄nta. Matātano ichamonae barapomonae jiwana beta yawena ichamonaetha icha barapo xuto ichi xua treinta po xu matab̄x̄yobe tsiniya tsopona”, jei Jesús.

*Meje yabara poxonae Jesús cuiduba pecayabara j̄to pepaebi diwesiyo xua trigo xua yabara xua ir̄u baxoyo xuwina ayabo xu*

<sup>24</sup> Baropxonae Jesús equeicha cuiduba jiwi icha pecayabara j̄ta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobixaetsi. Bapon yabara paebina daxita jiwi penatsicuentsexae abe peexanaexae. Barapo coyenewa j̄pa, icha be pocotsi coyeneya j̄ta ichi poxonae pebin ba ūbarona pabitha pēbi xuton po pēbi xuton pexeinya xuton. <sup>25</sup> Ichitha poxonae cataunxuae jiwi maitumena, baropxonae pon pabi pexeinaein pia peitafaetabi jitonsti tapatopatsi pia pabitha tatsi. Baropxonae bapon ayabo xu tābarecatsi ichaxoyo ūbareca po pexu pexeinya xu. Poxonae nacobe weta xua ūba ayabo xu, baropxonae napitabiya ponataba. <sup>26</sup> Poxonae trigo xu yaothopa baropxonae ir̄u ayabo xuwina. <sup>27</sup> Baropxonae pon pabi pexeinaein baraichi pomonae pia petanacuichixaetsi: ‘Pata Tanecanamataxeinaem, icha bara metha ūbame po xu pexeinya xu, ¿nexata eta werena metha ayabo pona xua xuwa?’ jei. <sup>28</sup> Pon pabi pexeinaein jume nota pomonae pia petanacuichiwiwixaetsi jeye: ‘Apara baxua inta exana pon tana neitafaetabi jiton’, jei. Baropxonae bapon baraichi pomonae pia petanacuichiwichi, jeye: ‘¿Ichichipame xua pata ponaewa tsane bara beya pata xunaenexa barapo ayabo?’ jei. <sup>29</sup> Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu. <sup>30</sup> Bara saya yawa umenaena barapo ayabo beya ab̄u poxonae yawa nawetsina trigo

xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinexa tabotha xua trigo xu matabotha', jei pon pabi pexeinaein", jei Jesús.

*Meje yabara poxonae Jesús cuiduba pecayabara j̄ta pepaebi diwesiyo po peubi xutiyo pew̄n mostaza xutiyo*

*(Mr 4.30-32; Lc 13.18-19)*

<sup>31-32</sup> Equeicha Jesús jiwi cuiduba icha pecayabara j̄ta pepaebi diwesiyo, jeye: "Nacom waba jiwi xua petanaexanaenexatsi pijimonae tatsi, pomonae itorobiya peewatsixae beya pinmonae tsoponae xua pomonae jume cow̄ntapona Nacom. Barapo coyene j̄pa icha be poxonae pebin ichi poxonae ubanota pabitha po peubi xuto tsica xutiyo. Barapo xuto xuwa beya pin nae tsoponae. Barapo nae pepinnaexae daxota siri pemax̄ranantha coton exana", jei Jesús.

*Meje yabara poxonae Jesús cuiduba pecayabara j̄ta pepaebi diwesiyo xua levadura yabara xua pan cotowa exana*

*(Lc 13.20-21)*

<sup>33</sup> Jesús equeicha cuiduba jiwi icha pecayabara j̄ta pepaebi diwesiyo, jeye: "Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomona naenaexanapona. Barapo coyene bara j̄ta ichi, icha levadura mataw̄n ichi pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauyentaba levadura mataw̄n pocotsiwa xua cotowa exana pan. Bapoxonae pent̄ba naexananaya cocotowapona tsipei levadura mataw̄n muxunaxuba", jei Jesús.

*Meje yabara poxonae Jesús cuiduba jiwi pecayabara j̄ta pepaebi diwesixitha*

*(Mr 4.33-34)*

<sup>34</sup> Jesús cuiduba jiwi daxita barapo coyenein xua xuan saya ̄ pecayabara j̄ta pepaebi diwesixitha. Jesús jopa cuidubeibiyo poxonae jopa paebeibiyo pecayabara j̄ta pepaebi diwesixitha. <sup>35</sup> Bara barapo coyeneintha Jesús cueicueijeji xua penayabara jume wetsinexa xua bayatha pon Nacom peitorobi jume pepaebin pecui yabara w̄nae tsiw̄naeya paebixae, xua jeye:

"Jiwitha tsipaebin pecayabara j̄ta pepaebi diwesintha.

Matautano muxuna yabara tsipaebin pocotsiwa

moya yaw̄n xeina xua jiwi jopa peyaputaewa,

po coyene caena bayatha moya yaw̄n xeina xua

poxonae aena Nacom forota po cae pin nacuathe xua

pocotsiwa beya anoxuae tsoponae",

jei bapon xua saya Jesús tapaebatsi.

*Meje yabara poxonae Jesús pijimonae yaputane exana po pecayabara j̄ta pepaebi diwesiyo xua ayabo yabara*

<sup>36</sup> Nexata Jesús napeyaba pin bicheito jiwimonae. Bapoxonae botha joniya. Iru baxota Jesús pijimonae tatsi barapo botha najojoniyar̄. Jesús pijimonae baraichi, jeye:

–Yabara pana neyaputane exande po diwesiyo xua ayabo po ayabo xuwa trigo pabitha, jei.

<sup>37</sup> Nexata Jesús namchi, jeye: "Pon uba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin. <sup>38</sup> Matautano po pabitha ichaxota uba jan, apara jiwi pia j̄nt̄a coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonae xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonae caurimonae pia pentacaponaein tatsi pijimonae tatsi. <sup>39</sup> Pon uba po xuton abe xua ayabo xu jan,

apara bapon caurimonae pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matabitha Nacom yabara paebina jiwi penatsicuentisiwa abe peexanaexae bapontha. Pomonae xua trigo xu, xu siraca jan, apara yabara caunutan matatsunpiwimonae. <sup>40</sup> Copiya matha xuexuetapona ayabo petautsinexa isototha. Jiwi bara jutiya ichainchi po matabitha tsane Nacom daxita yabara paebina jiwi penatsicuentisiwa abe peexanaexae bapontha. Matautano barapo cae pin nacue weraweracaena. <sup>41</sup> Xan ponxaein Nacom Tananeitapetsin itorobin tamatatsunpiwi xua jiwi penotsinexa tsainchi pomonae abe peexanaewi, pomonae xua cana exana ichamonaetha xua ichamonaexua iru abe peexanaenexaru. Barapo matatsunpiwi wenotsina pomonae abe peexanaewi pomonae tajiwimonae baru jinompatsi. Barapo abe peexanaewi jopa tamonaeyo pomonae itorobiya taewatsixae. <sup>42</sup> Daxita barapo jiwi pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wecoyei tsane matauta baxota nantanuweya nantu jayabina, poxoru bichocono atene tsane. <sup>43</sup> Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuatha ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itupana icha be xometo ichi xua poxonae pentha. Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús pecayabara juta pepaebi diwesiyo paeba xua po peitupanaewa pocotsiwa bichocono ainya matoma xua ira buxupanatha boca panatha*

<sup>44</sup> Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejuntu coyene canamataxeinaexae pon jiwi itorobiya pia pepa peewatsinchi. Barapo coyene bara juta ichi, icha be pocotsiwa peitupanaewa ichi pocotsiwa ainya matoma xua ira buxupanatha boca pabitha. Poxonae pebin barapo peitupanaewa jemeicha ira buxupanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonaetha. Bichocono juntu coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi, po pabitha boca barapo peitupanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntu yapusawa, icha poxonae pebin ichi xua pitapeitupanaewatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua po warowa pewan perla*

<sup>45</sup> Equeicha Jesús namchi, jeye: “Barichiru yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wuna. Barapo coyene bara juta icha be ichi poxonae jiton warowan matowa jeita. Barapo warowan xua bapon jeita, pewan perla. Bapon jeita pecomotsinexa tsane barapo warowan, po warowan ainya matoman. <sup>46</sup> Poxonae bapon cae warowaxuto taebota, po warowaxuto perla matawan xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewan perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntu yapusawa po peajuntu yapusawa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pecayamonaewa yabara*

<sup>47</sup> Equeicha Jesús namchi, jeye: “Yabara paca tsipaebatsi po coyene xua Nacom exana pon jiwi ewatsiya peitorobixaetsi xua poxonae yabara paebina jiwi penatsicuentisixae abe peexanaexae. Barapo coyene bara jata ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa. <sup>48</sup> Poxonae bichocono wancaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaabiya tsana pejehebaponaenexa. Po duwei pepa duwei tsana naitaabiya jehebapona corontha. Po duwei pocotsiwa camatsawan bebai tsoponae. <sup>49</sup> Barapocotsi jata coyeneya ichi tsane poxonae matabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentisixae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi. <sup>50</sup> Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounayiyo. Baraxota wecoyei tsane matautano baxota nantanuweya nantay jayabina”, jei Jesús.

*Meje yabara poxonae Jesús cuiduba jiwi pecayabara jata pepaebi diwesiyo xua pena peitaypanaewa yawa xua peru peitaypanaewa yabara*

<sup>51</sup> Nexata Jesús pijimonae yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecana-mataxeinaemxuem, jei barapomonae.

<sup>52</sup> Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonae yabara cuiduba ichamonaetha xua po coyene Nacom exana pon itorobiya peewatsin jiwi. Barapomonae xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara. Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonae paeba jiwitha. Barapomonae bara be jata ichi icha be poxonae pon bo pexeinaein ichi. Poxonae piamonae tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonae nexa, jei Jesús.

*Meje yabara poxonae Jesús Nazaret tomaratha popona*

*(Mr 6.1-6; Lc 4.16-30)*

<sup>53</sup> Poxonae Jesús najume weta xua cuiduba jiwi barapo pecayabara jata pepaebi diwesixi bapoxonae Jesús tomara weya pontaba. <sup>54</sup> Bapoxonae Jesús patopa pia tomaratha, po tomara pewan Nazaret tomara. Baraxota Jesús cuiduba jiwi, judiomonae pia penacaetutsi botha tatsi. Pomonae jinompa Nazaret tomaratha yabara najantu coyene cabenaeca xua pocotsiwa Jesús cuiduba. Barapomonae natsipaeba, najei:

—¿Exota metha bapon nacuiduba jane, xua daxota bapon daxita peyaputaen? ¿Jintam metha pia peayapuswatha tatsi jane, poxonae po petsita itatsi coyene bapon exana?

<sup>55</sup> Apará saya bapon pexanto tatsi pon xua pecobe coxonaein xua naepan pematabobiwa. Apará bapon pena tatsi María. Apará bapon Santiago pentapin tatsi, iray José pentapin tatsi, iray Simón pentapin tatsi, iray Judas pentapin tatsitay iray. <sup>56</sup> Matautano iray pamcho jiwi tatsi apará jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonae.

<sup>57</sup> Daxota barapomonae Jesús casebatsi pecui uwixaetsi. Barapomonae uwa tsipei Jesús bichocono peyaputaen. Jesús namchi jiwitha, xua nayabara paeba, jeye:

—Daxita jiwi ba bar<sub>u</sub> cui itura jina pontha pon Nacom peitorobi jume pepaebin. Nama pia nacuapiwi tatsi ir<sub>u</sub> pia bomonae matab<sub>u</sub>x<sub>u</sub>yomonaepiwi tatsi barapomona ba jopa bapon bar<sub>u</sub> cui itura jinaetsi, jei Jesús, xua nayabara paeba.

<sup>58</sup> Nazaret tomaratha, barapo tomaratha Jesús saya be conotha exana pexeinya petsita it<sub>u</sub>t<sub>u</sub>tsi coyenewan tsipei barapo tomarapiwi Jesús jopa jume cow<sub>u</sub>ntichi.

## 14

*Meje yabara poxona Juan bexotsi*  
(Mr 6.14-29; Lc 9.7-9)

<sup>1</sup> Bapoxonae caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana. <sup>2</sup> Herodes tsipaeba pomonae petanacuichiwiwixatsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Apara bapon Juan, pon jiw i Pebautisabin, pon bequein bayatha t<sub>u</sub>pa, pon equeicha as<sub>u</sub> juina. Tsipei bapon peayapus<sub>u</sub> itorobi coyenewa xeina daxota petsita it<sub>u</sub>t<sub>u</sub>tsi coyenewa exana”, jei Herodes.

<sup>3</sup> Baxua Herodes paeba tsipei caena bayatha Herodes cui itoroba xua Juan pe-waetabinexatsi, mata<sub>u</sub>tano xua pema<sub>u</sub>x<sub>u</sub> c<sub>u</sub>binexatsi, mata<sub>u</sub>tano xua jiwi pec<sub>u</sub>bi botha peetsinexatsi. Baxua Herodes exana tsipei piowa tatsi powa pew<sub>u</sub>n Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yab<sub>u</sub>yo. <sup>4</sup> Juan bayatha paeba Herodestha, jeye: “Nacom pia peitorobi coyenewa jopa copatsiyo xua nexeiaewa bapowa tsipei ich<sub>u</sub>n piowa tatsi”, jei Juan.

<sup>5</sup> Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jiwi cunuwatsi. Tsipei daxita jiwi nanta xeina xua Juan apara pon Nacom pia peitorobi jume pepaebin. <sup>6</sup> Ichitha poxona Herodes yantacabi jopa po matakabitha poxona caena bayatha nowaeuncua, barapo mataqueitha pinmonae nacaetuta xua pexaewa yabara nacaetuta pia xaetsi. Barapo penacaetutsiwi peit<sub>u</sub>tha tatsi Herodías pexantiyo tatsi nawiraba. Herodes baxua bichocono ita cui xanepanatsi. <sup>7</sup> Herodes barapowa beya paeba, jeye:

—Nacom peit<sub>u</sub>tha cata tsiw<sub>u</sub>nae yabara paebatsi xua pocotsiwa tacacatsiwa tsainchi pocotsiwa xua tana new<sub>u</sub>caewam tsane tsipei inta pexeinya penawirabi coyene ex-ame, jei Herodes.

<sup>8</sup> Bapoxonae pocotsiwa pena itorobatsi barapowa Herodes w<sub>u</sub>catsi baxua. Bapowa namchi, jeye:

—Necare Juan pentasipa xua y<sub>u</sub>tabore paratontha, pon jiwi Pebautisabin matasipa, jei Herodías pexantiyo tatsi.

<sup>9</sup> Ichitha baxua Herodes jume taya wecoyei tsanareca poxoru jopa ichipaeyo xua Juan pet<sub>u</sub>paewa tsane. Tsipei mexeya poxoru bayatha Nacom peit<sub>u</sub>tha peyabara tsiw<sub>u</sub>nae paebixae xua bepa pinae catsina xua pocotsiwa pew<sub>u</sub>caewaxae tsainchi, mata<sub>u</sub>tano mexeya poxoru barapo pin bicheit<sub>u</sub>tha peit<sub>u</sub>tha pepaebixae baxua, daxota itoroba xua bapowa bara catinchi baxua. <sup>10</sup> Daxota Herodes pomonae petanacuichiwiwixatsi, barapomona Herodes cui itoroba xua Juan pewisi ucuibinexatsi jiwi pec<sub>u</sub>bi botha iya. <sup>11</sup> Bapoxonae barapomona paratontha matasipa y<sub>u</sub>tabota yawa carendena. Bapoxonae Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha t<sub>u</sub>pa.

<sup>12</sup> Nexata pomonae Juan pia pepuna jinompaewichi, barapomona pata jiwi pec<sub>u</sub>bi botha. Juan pet<sub>u</sub>paein pitatsi. Barapoxonae barapomona Juan m<sub>u</sub>th<sub>u</sub>tha xotsi. Barapoxonae barapomona pona Jesús beya xua baxua Jesús peyabara tsipaebinexatsi.

*Meje yabara poxona Jesús apata pexaewa cinco mil pebiwi*  
(Mr 6.30-44; Lc 9.10-17; Jn 6.1-14)

<sup>13</sup> Poxonae Jesús yaputane xua Juan tupa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecae iya pona, ichaxota Jesús ponaena jeratha.

<sup>14</sup> Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi. <sup>15</sup> Tsipei yaitama bayatha tabopiya tsanaichaba, daxota Jesús imoxoyo caquita umenarucupatsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomuxun ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

<sup>16</sup> Jesús jume nota pijimonae, jeye:

—Apara jopa bewa pona barapomonae, paxam jame maisa paapare pexaewa, jei.

<sup>17</sup> Jesús jume notatsi pijimonae, jeye:

—Xote jopa pexaewa paxeinaeyo. Saya apara cinco po panyobe paxeinan matauta saya ainyobe paxeinan duweiyobe, jei.

<sup>18</sup> Jesús jume nota:

—Painta xawena baxua, jei. <sup>19</sup> Bapoxonae Jesús najume caitoroba xua bepa daxita barapo jiwi iratha taenaetsei. Bapoxonae Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Axa, juntu coyene weiweinan xua pexaewa pata tanecatsiwaxaem”, jei. Poxonae Jesús najume weta xua Paxatha tsipaeba, bapoxonae pan epa janaca, yawano duwei epa janaqueba. Bapoxonae Jesús pijimonae caitoroba pexaewa xua pijimonae tatsi xuya pecapataponaenexa barapo jiwi. <sup>20</sup> Daxita barapo jiwi nabane beya barapo jiwi jain cowantarucupatsi. Bapoxonae Jesús pijimonae tatsi doce po cote matabuxuyobe wunba xua bayatha nacopaba pocotsiwa xua bayatha barapo jiwi jopa xaeyo petonsanaexae. <sup>21</sup> Pomonae xua pexaewa nabane barapomonae cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

*Meje yabara poxonae Jesús mene matatsun jumatha pona*

*(Mr 6.45-52; Jn 6.16-21)*

<sup>22</sup> Nexata bapoxonae Jesús jera beitorobiya pijimonae, xua pijimonae copiya pet-siwana warapaenexa tsainchi icha muxunene beya xua pucua iya. Poxonae barapomonae ponarucupaba bapoxonae Jesús barapo jiwi pu itoroba xua penawibiyaenexa pia tomaran beya. <sup>23</sup> Bapoxonae Jesús demxuwa beicha pona xua baxota compa petsipaebinxua Nacomtha. Poxonae quirei tsuxubi Jesús demxuwatha compa eca.

<sup>24</sup> Poxonae Jesús Paxa tsipaebauya, bapoxonae caena iruru Jesús pijimonae tatsi cataunxuae tuwutha yana pona. Jera maratsaca caewa carena tsaibi tsipei joibo dawerena daunwei. <sup>25</sup> Mataquei wunaeyo Jesús mene matatsun jumatha pona, pijimonae itiya pona. <sup>26</sup> Poxonae Jesús pijimonae taerucupatsi, barapomonae nanthuthu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonae.

<sup>27</sup> Jesús pijimonaetha caena nainya tsipaeba, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

<sup>28</sup> Bapoxonae nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-iyaeenexa nexainya beya, jei Pedro.

<sup>29</sup> Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi.

<sup>30</sup> Daichitha poxonae Pedro yabara nanta xeinanareca pin joibo, bapoxonae bichocono



junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

<sup>31</sup> Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowantame xua bara tana neitacupaewa xua tacayawenaewa tsainchi! ¿Eta xua metha ainya juntu coyeneintha nanta xeiname? jei Jesús.

<sup>32</sup> Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana. <sup>33</sup> Daxita pomonae jeratha ena, barapomonae Jesús wuna jaintatsi. Barapomonae Jesús baraichi, jeye:

—Bara yatsicaya apara xam Nacom Pexantom tatsim, jei barapomonae.

*Meje yabara poxonae Jesús axaibi exana pomonae peatenewi, pomonae Genesaret nacuapiwi*

*(Mr 6.53-56)*

<sup>34</sup> Bapoxonae Jesús iru pijimonae tatsi jeratha yana enapona beya poxonae Genesaret nacua beya pata. <sup>35</sup> Pomonae baxota jinompa, barapomonae Jesús caena yaitainchi. Daxota barapomonae najume caitoroba ichamonaetha daxita barapo Genesaret nacuapiwitha beya, xua Jesús pepatopaexae. Bapoxonae daxita jiwi carendena peatenewi ichaxota Jesús pucua itapatha uncua. <sup>36</sup> Barapomonae pomonae peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonae daxita barapomonae axaibi tsane. Pomonae Jesús pia paparuwa tajayabatsi daxita barapomonae equeicha axaibi exanatsi pocotsiwa bayatha atene.

## 15

*Meje yabara poxonae Jesús yabara paeba xua pebin abe pia peexanae cuiru coyene juntu coyene webocatsi*

*(Mr 7.1-23)*

<sup>1</sup> Fariseomonae iru pomonae jiwi pecuidubiwi Moisés pia peitorobi coyene tatsi, barapomonae jiwana Jerusalén tomara werendena. Barapomonae Jesús imoxoyo caquita umenarucupiya yainyabatsi, jeye:

<sup>2</sup> —¿Eta xua metha jinyamonae jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonae pomonae jinyamonae barapo cui jopa exanaeyo. Barapomonae jopa matha tsiwanaya nacobe quiateibiyo poxonae beya xaiba xua jopa penataxobinexa tsane pia juntu coyenewantha, jei daxita fariseomonae, iruru pomonae jiwi pecuidubiwi Moisés pia peitorobi coyene tatsi.

<sup>3</sup> Nexata Jesús xuya yainyaba, jeye:

—Iru paxamu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba? <sup>4</sup> Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: ‘Axatha baru cui itura jinare, iruru enatha baru cui itura jinare’, jei Nacom. Yawa equeicha Nacom jeye: ‘Pon paxa abe yabara paeba matautano xua pena abe yabara paeba, bapon bewa tupaena’, jei Nacom Pejume Diwesitha. <sup>5-6</sup> Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: ‘Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwuna paeban xua Nacomtha bexa catsin’, xua pejeiwa. Matautano ba pajam: ‘Pon barocotsiwa paeba, jopa nantawenon- aeyo xua paxa yawenaena. Matauta jopa nantawenonaeyo xua pena yawenaena bara

bequein acopeibi taetha', ba pajam. Poxonae baxua pacaunutsiya paebame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene. <sup>7</sup> Itara mexeya pomonae xanepanaeya pepaebi jiwi pam, daichitha apara peajuntucoyenebe jiwi pam! Bara apara Isaías caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonae tina pejume diwesitha:

<sup>8</sup> 'Barapomonae itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonae pia juntucoyenewatha jopa xaniwaicha neyabara baru cui itura jinae tsane.

<sup>9</sup> Bequein barapomonae newunae jainteibina poxonae nacaetuteibina, daichitha baxua jopa yawenae tsaibi tsainchi tsipei barapomonae peajuntucoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane', jei Isaías xua paca yabara paeba, jei Jesús.

<sup>10</sup> Nexata bapoxonae Jesús waba daxita jiwi xua imoxoyo peumendenaenexa. Yawa namchi barapo jiwitha, jeye:

—Pana nejume naitaeware, painya neyaputaenexa pocotsiwa paca tsipaebatsi.

<sup>11</sup> Pocotsiwa ba pebin pecoiboto deca tsijain jojonecatsi pexaewan, bequein jopa tsiwunaeya matha nacobe quiatsiyo poxonae xaiba, barapo coyene apara ba jopa barana pebin juntucoyene taxobichi xua poxonae pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin juntucoyene taxobatsi xua poxonae pecueicueijeixae baxua, jei Jesús.

<sup>12</sup> Nexata Jesús imoxoyo caquita umenarucupatsi pijimonae. Jesús pijimonae yainya-batsi, jeichichi:

—¿Bara yaputaneme xua fariseomonae cayabara muxu coniquiya anaepana, xua nepaebixae baxuan? jei.

<sup>13</sup> Jesús jume nota pijimonae, jeye:

—Taxa pon peitabocotha peecaexae xubina pon jopa pejume cowuntsinchi. Taxa barapocotsi juta coyeneya cana ichi tsane jiwitha icha pebin ichi xua poxonae pabitha pona, matauta poxonae naeyo tabu opina jonta daxita, pexubinexa. <sup>14</sup> Bara barabu neyabara muxuconacaena, fariseomonae. Jopa payabara jume naitaewatsinde pocotsiwa barapomonae paeba. Tsipei barapomonae jopa xanepanaya peyawenae jiwi ichamonaetha. Barapomonae barapocotsi juta coyeneya exana, icha be pon peitata nacutsin ichi, xua poxonae matabapona ichun xua pon peitata nacutsin matabapoinchi. Bapoxonae barapo cae peitata nacutsinbe napuna joparecabe muthutha deca, jei Jesús.

<sup>15</sup> Nexata Pedro Jesús baraichi, jeye:

—Yabara pana yaputane exande po pecayabara juta pepaebi diwesiyo xua pexaewa yabara, jei Pedro.

<sup>16</sup> Jesús biataeya jume nota pijimonae, jeye:

—¿Paxam bara paichimdu icha jiwi ichi? ¿Cataunxuae jopa painya yaputae jiwi pamdu? <sup>17</sup> Bayatha paxam payaputaneme pocotsiwa pebin tsijain jojonecatsi pexaewa pecoiboto deca baraxua jopa juntucoyene taxobichi, tsipei barapo pexaewa jopa ponaeyo pia juntucoyenewatha. Jame barapo pexaewa pecotsorotha pona, bapoxonae

nawexacaeca. <sup>18</sup> Ichitha pocotsiwa pecoiboto tsina caunuta peabe jume, baxua apara seicaya pejuntũ coyene wetsina jume pichapa. Tsipei baxua penanta xeinae coyenewa, daxota pebin abeya paeba. Daxota Nacom tsitatsi xua bapon peajuntũcuicoyenebein Nacomtha. <sup>19</sup> Tsipei pejuntũ coyene wetsina jume pichapa pocotsiwa abeya penanta xeinae coyenewan, pocotsiwe meje: Ichũn anaya pebexotsi coyenewa, irũ ichũn piseuri tatsi pepichi coyene, irũ peita coxanae coyenewatsi coyene xua poxonae penayaputae jiwi naperũ nacoyoba, irũ ichũn piawa tatsi pecaibi coyene, irũ ichũn yabara penaer-abiwatsi coyene, irũ ichũn yabara peabiwatsi coyene. <sup>20</sup> Nacom tsitatsi xua daxita barapocotsi coyenein pebin ajuntũcoyenebe exanatsi xua juntũ coyene taxobatsi xua daxota jopa itacũpaetsi xua beta exana. Ichitha pocotsiwa pebin nabane mataũtano xua poxonae bequein tsiwanaya matha jopa nacobe quiatsiyo, barapocotsi coyenein pebin jopa juntũ coyene taxobichi Nacom peitãtha tatsi, jei Jesús.

*Meje yabara poxonae yabũyo powayo penanapaincha poponaewayo Jesús jume cowũntatsi*  
(Mr 7.24-30)

<sup>21</sup> Nexata bapoxonae Jesús barapo ira weya warapa Genesaret nacua weya. Mataũtano pona icha nacua beya po nacuatha ichaxota Tiro tomara eca yawa Sidón tomara ecano. <sup>22</sup> Yabũyo, powayo barapo cananeamonaewayo patopa Jesús pia xantha tatsi. Bapoxonae barapowa wawaya Jesustha jeye:

—¡Tanecanamataxeinaem, David pia pemomoxi susato jiwi jiwanam! Neyabara najuntũ cui coyene cananta xeinare, xua tana neyawenaenexam tsane. Taxantiyo inta cauri xeina; inta bichocono atene exanatsi, jei bapowa.

<sup>23</sup> Daichitha Jesús jopa jume notsiyo, saya moya uncuca. Nexata bapoxonae Jesús imoxoyo caquita umenarũcupatsi pijimona. Mataũtano jume daunweya baraichichi pijimona, jeye:

—Barapowa itawere, tsipei barapowa waputha jume daunweya wawai, jei.

<sup>24</sup> Nexata Jesús jume nota pijimona, jeye:

—Nacom meisa saya neitoroba Israel piamona susato saineiwitha pomona judiomona xua tayawenaenexa barapomona, tsipei barapomona Nacom tsitatsi xua barapomona nacabeta icha be ovejan ichi xua poxonae pipato napuxanompa, jei.

<sup>25</sup> Ichitha barapowa pentabocotha uncuca yawa irabe taeuncuareca Jesús peitabaratha tatsi tsipei bapowa barũ cui itura jina peuraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

<sup>26</sup> Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxona cataunxuae matha jopa yawenaeyo pepa tamona judiomona. Icha baxua exanaetsipan, bapoxona be pitan pexui pia pexaewa taapatsinexa aurimona, jei.

<sup>27</sup> Barapowa Jesús jume notatsi, jeye:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia pexaewa tatsi, yaitama auri irũ xane pocotsiwa pexui sorobaba barapo peparũwixi pocotsiwa pexaethopaewa pebũxũpana tsica. Daxota bara ichiya neichinde: Neyawende, tsipei bara neayapusũ itorobi coyenewa nawita xeiname jinya axaibi exanaenexa judiomona. Po neayapusũ itorobi coyenewa judiomona jopa canantawenonaeyo barapo neayapusũ itorobi coyenewatha inta axaibi exande taxantiyo, jei.

<sup>28</sup> Nexata Jesús jume nota, jeye:

—¡Yabũyo, maisa bichocono neyabara jume cowantame xua bara tana neitacũpaewa xua tacayawenaewatsi tsainchi! Bara cata exainchi pocotsiwa aunxuae newũcame, jei Jesús.

Poxonae Jesús baxua paeba, bapoxonae nainya barapo yabũyo pexantiyo tatsi taax-aibi tsuxubichi.

*Meje yabara poxonae Jesús axaibi exana pin bicheitomonae peatenewi*

<sup>29</sup> Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa. <sup>30</sup> Ichaxota Jesús eca baxota pin bicheito jiwi ayei pata. Barapo bicheito jiwi carendena pejayujayujeiwi, irũ peitata nacũtsi jiwino, irũ pemuxusipanaewino, mataũta pomonae irũ peacowaebi jiwi xua pomonae jopa xeinaeyo xua xota nacowaeba. Mataũtano irũ icha bicheitomonaeno, pomonae peatenewi. Pomonae peatenewi Jesús pexainya tajebarecatsi. Daxita barapomonae Jesús axaibi exana. <sup>31</sup> Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthũthũ cabenaeca. Bapoxonae Jesús xanepanaya peexanaexae, barapomonae Nacom wũnae jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús equeicha paeba cana exanaeya exana pomonae pemuxusipanaewi. Mataũta tsipei Jesús taduba exana pomonae bayatha jopa xeinaeyo xua xota nacowaeba. Mataũtano tsipei pomonae pejayujayujei jiwi equeicha beta pona. Mataũtano tsipei pomonae peitata nacũtsi jiwi equeicha beta tane.

*Meje yabara poxonae Jesús pexaewa apata cuatro mil pebiwi (Mr 8.1-10)*

<sup>32</sup> Nexata Jesús waba pijimonae, jeye:

—Yabara cui cananta xeinan barapo pin bicheitomonae tayawenaenexa, tsipei barapomonae acoibi po maticabiyobe jinompa taxantha, maisa ajibi xua barapomonae penabanaewa tsane. Jopa jainbotha bepu itorobinyo pia bon beya tatsi, tsipei icha barapomonae jainbotha pu itorobichipan, metha piyain namtotha xuirabathopaetsipa, jei Jesús.

<sup>33</sup> Jesús baraichi pijimonae, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijeitinchi pexaewa barapomonae pomonae pinmonaexae? jei.

<sup>34</sup> Jesús yainyaba pijimonae jeye:

—¿Eta po panyobe paxeiname? jei.

Barapomonae Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

<sup>35</sup> Nexata Jesús pijimonae najume caitoroba xua bepa pinae barapo pin bicheito jiwi iratha taenaetsei. <sup>36</sup> Jesús pecobetha pita barapo siete panyobe yawa duweixino. Bapoxonae Jesús Paxatha tsipaeba: “Axa, jũntũ coyene weiweinan xua pexaewa pata tanecatwaxaem”, jei Jesús. Bapoxonae Jesús pijimonae tsicobe epa nantarũbiya jajanaquiya catsibapona xua xuya pijimonae tatsi pecatsibaponaenexa barapo jiwitha.

<sup>37</sup> Daxita barapomonae nabane, beya barapomonae bichocono jain cowantarũcupatsi. Bapoxonae Jesús pijimonae tatsi siete po cotebe wũnba pocotsiwa xua barapo jiwi jopa xaeyo petonsanaexae. <sup>38</sup> Pomonae xua nabane pexaewa barapomonae cuatro mil pebiwi. Mataũtano irũ yabũxi nanabane mataũtano irũ pexui nanabane, daichitha daxita jopa ununaeyo. <sup>39</sup> Bapoxonae Jesús pu itoroba xua barapo jiwi penawibiyaenexa pia tomaran beya. Bapoxonae Jesús jeratha nontabiya, peponaenexa Magadán nacua beya.

## 16

*Meje yabara poxonaefariseomonaerir saduceomonaef Jesús cui itorobatsi pia pexeinya petsita itatsi coyene xua peitabocotha*

*(Mr 8.11-13; Lc 12.54-56)*

<sup>1</sup> Fariseomonaerir saduceomonaer, barapomonaer pona Jesús beya xua Jesús pejuntu coyene jujatsinexatsi. Barapomonaer Jesús cui itorobatsi pia petsita itatsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonaer pepaebinexa tsane xua deta cou Jesús jopa apara Nacom Pexanto tatsi. <sup>2</sup> Daichitha Jesús jume nota barapomonaetha, jeye: “Poxonaer tabopiya paxam ba pajam: ‘Baya tsane pexeinya matabi tsane tsipei anoxuae quiripitha itaboco tsobia’, ba pajam. <sup>3</sup> Ichacuitha tsipae poxonaer baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. ¡Itara mexeya pomonaer xanepanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunaer yaputaneme. Matautano pexeinya matabino ba payabara wunaer yaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itatsi coyenewan. <sup>4</sup> Barapo peajuntucoyenebe jiwi ir saduceomonaer jopa tana nejume cowantsi jiwi, barapomonaer necui itoroba tapexeinya tsita itatsi coyenewa pocotsi coyene cana exanan itaboco wetsica daichitha jopa baxua beexanaeinyo pocotsiwa barapomonaer necui itoroba. Saya meisa barapo petsita itatsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonaer pin duweintha tsijuntutha eca acoibi po matabibe beya equeicha poxonaer yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoibi po merawithabe.

Bapoxonaer Jesús ponataba, yawa cuenta pona barapomonaer.

*Meje yabara poxonaef Jesús pijimonaer yabara yaputane exana, pocotsiwa pan cotowa exana*

*(Mr 8.14-21)*

<sup>5</sup> Poxonaer Jesús pijimonaer tatsi icha muxunene beya pona jeratha xua pucua iya, barapomonaer jantemaina xua pan capana. <sup>6</sup> Nexata Jesús pewunaeya muxuweta pijimonaer xua jopa pejume cowantsinexa tsane fariseomonaer ir saduceomonaer pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitaewatsinde fariseomonaer pia pecuidubi coyenewa tatsi xua painya nejume cowantsiyainwa. Matauta dota pam xua saduceomonaer pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntucoyeneyapube cana exanapoinchi icha be pocotsi coyene ichi xua levadura matawun xua pan cotowa exanapona beya poxonaer pin pan, jei Jesús.

<sup>7</sup> Poxonaer Jesús yabara paeba pocotsiwa xua pan cotowa exana, bapoxonaer Jesús pijimonaer tatsi catsawiya nanta xeinaeya natsipaeba caemonaer, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonaer.

<sup>8</sup> Jesús yaputane pocotsiwa barapomonaer natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowantsim. <sup>9</sup> ¡Cataunxuae jopa pana necui yabara yaputaem! Paxam pana necui yabara jantemainame poxonaer cinco mil pebiwi apatan pexaewa xua yabara jantemainame poxonaer saya cinco po panbe. Matautano pana necui yabara jantemainame poxonaer equeicha doce po cotebe pawunbaponame pocotsiwa jiwi jopa xaeyo. <sup>10</sup> Matautano paxam pana necui yabara jantemainame xua poxonaer

cuatro mil pebiwi apatan pexaewa xua poxonae saya siete po panbe. Matautano pana necui yabara junte mainame poxonae equeicha siete po cotebe pawawunbapona name pocotsiwa jiwi jopa xaeyo. <sup>11</sup> Matautano jopa payaputaem xua poxonae yabara paca tsi-paebatsi fariseomonae pia pecuidubi coyenewa tatsi, iru saduceomonae pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

<sup>12</sup> Bapoxonae matapainya Jesús jume yaputaerucupatsi pijimonae, xua apara yabara paeba fariseomonae pia pecuidubi coyenewan yainwa tatsi, iruru saduceomonae pia pecuidubi coyenewan yainwa tatsi. Matautano matapainya yaputaerucupa xua apara Jesús jopa yabara paebiyo pocotsiwa pan cotowa exana.

*Meje yabara poxonae Pedro namchi Jesustha jeye: “Xam apara Mesías Nacom caitorobica”, jei*

*(Mr 8.27-30; Lc 9.18-21)*

<sup>13</sup> Bapoxonae pirapae Jesús pona. Poxonae Jesús patopa Cesarea de Filipo tomara pecuariya xua pepa tomaratha, bapoxonae Jesús yainyaba pijimonae, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

<sup>14</sup> Jesús jume notatsi pijimonae, jeye:

—Ichamonaе cayabara jeye: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonaе cayabara jeye: ‘Apara bapon Elías pon equeicha petupaein asu juina’, jei. Iruru ichamonaе cayabara jeye: ‘Apara bapon Jeremías pon equeicha petupaein asu juina’, jei. Iruru ichamonaе cayabara jeye: ‘Apara bapon jiwana pomonaе Nacom peitorobi jume pepaebiwi’, jei, jei Jesús pijimonaе tatsi.

<sup>15</sup> Nexata Jesús pijimonaе barai, jeye:

—¿Incane iru paxamdu? ¿Eta pana neyabara jumichimdu xua xan eta pondun? jei Jesús.

<sup>16</sup> Simón Pedro Jesús jume notatsi, jeye:

—Xam apara Mesías. Nacom caitorobica, pon asu popona. Xam apara Nacom Pexanto tatsim, jei Simón Pedro.

<sup>17</sup> Jesús barai, Simón Pedro baraichi, jeye:

—Simón, Jonás pexantom, maisa Nacom cajuntu coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca. <sup>18</sup> Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawun dutatsi po wan xua jei: ‘Pedro’, jei, po wan caunuta xua jei: ‘iboto’, jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jutiya paebame poxonaе jam: ‘Xam apara Mesías. Nacom caitoroba, pon asu popona. Xam apara Nacom Pexanto tatsim’, jam. Daxita pomonaе xua neyabara jume cowanta barapo pexainyeya jume tana neyabara paebiwathaxaemxae, barapomonaе tajiwiwimonaе exanaein. Tajiwiwimonaе catsin taayapusu itorobi coyenewa xua barapo tajiwiwimonaе jopa peamanayabinexa tsainchi pia peaitafaetabi jiwichi pomonaе petupae cuiru nacua beya ponaena. <sup>19</sup> Xam Pedrom, cacatinchi taayapusu itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiomonaetha matautano caponaename pomonaetha pomonaе jopa judiomonaе naexanaeyo. Matautano xam pon tajitonxaem, pocotsiwa xam jopa copatsim barapo cae pin nacuathe, xua pocotsiwa tamonaе exana, baxuan bara iru Nacom jopa copatsiyo pia peitorobi nacua beicha xua barapomonaе bara peexanaenexa baraxua. Pocotsiwa copatame xua tajiwiwimonaе peexanaenexa barapo cae pin nacuathe, bapocotsiwa iru

Nacom copata pia peitorobi nacua beicha xua barapomonaē bara peexanaenexa baxua, jei Jesús.

<sup>20</sup> Nexata Jesús pijimonaē muxu barai xua pijimonaē jopa peyabara pepaebinxatsi ichamonaetha baxua xua po coyene bapon apara Mesías.

*Meje yabara poxonaē Jesús nayabara diwesi paeba po coyene xua peṭpaewa tsane (Mr 8.31-9.1; Lc 9.22-27)*

<sup>21</sup> Bapoxonaē barapo matakabi weya Jesús tamropata pitaba xua pijimonaetha tsi-paeba pocotsi coyene Jesús cana exanaeinchi ichamonaē, jeye:

—Bewa ponaēin Jerusalén tomara beya ichaxota pitiri jiwi, iṛṛ sacerdotemonaē pia pentacaponae wi tatsi, iṛṛ pomonaē jiwi pecuidubiwi Moisés pia peitorobi coyene tatsi, daxita barapomonaē bichocono neperaxa jubina. Matautano barapomonaē nebexubina. Daichitha poxonaē acoibi po matakabiyobe tsuxubi tsane equeicha Nacom taṭpaēin aṣ neexanaena, jei Jesús.

<sup>22</sup> Ichitha bapoxonaē Pedro, Jesús baṛ natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiwi cata exanaena baxua, jei Pedro.

<sup>23</sup> Nexata Pedro peitabara beya tatsi Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Nejunṭ coyene juḅtame xua jopa xanepanaya taexanaewa tsane neaichaxaibixae xua tatsiṭpaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsiṭpaewa tsane jiwi, jei Jesús.

<sup>24</sup> Nexata Jesús barai pijimonaē, jeye:

—Icha pebin ichichipa xua tajiwiwimonaē jiwanaēin penaexanaewa tsane, bewa bapon yabara naitematsi pocotsiwa xua bapon ichichipa pia peexanaē coyenewan tatsi. Bapoxonaē jame bapon bewa eexanaponaē pocotsiwa itoroban, bequein bara bapon bexotsi ichamonaē, tajiwiwimonaē jitonxae. <sup>25</sup> Pon naantobeya nata exana pocotsiwa bapon ichichipa, bapon jopa xeinaeyo peajunṭyapusaewa, po peajunṭyapusaewa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajunṭyapusaewa, po peajunṭyapusaewa ataya tsiteca xua Nacom pia nacua beicha. <sup>26</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajunṭcoyeneṣewa po peajunṭcoyeneṣewa ataya tsiteca, bapoxonaē bapon jopa itac̣paetsi xua penajunṭ coyene capanepaewa xua jopa peweraweracaewa. Tsipei pebin jopa itac̣paetsi xua barapo copeitha matomatsina Nacomtha xua bapon pecatsinexa tsainchi peajunṭcoyeneṣewa xua barapoxonaē pepatopaewanexa tsane Nacom pia nacua beicha tatsi. <sup>27</sup> Tsipei xan ponxaein Nacom Tananeitapetsin bewa yawa muxuna patopeicaēin Nacom pia peiṭpanaewa tatsi. Matauta matatsunpiwi baṛ patopeicaēin. Daxita carepaya jiwitha catsibin pocotsiwa peyabara cui matomatsiwatsi. Pomonaē jopa xapaēin exanaeyo ichamonaetha xuya barapocotsi coyeneya exanaēin xua antomabeya catsin. Pomonaē xua xanepanaya exana ichamonaetha pocotsiwa cui itoroban xuya barapocotsi coyeneya exanaēin matoma xanepanaya catsibin. <sup>28</sup> Bara xaniwaicha paca tsipaebatsi xua pomonaē xote umene barapomonaē jiwana aḅ, copiya matha yabara yaputaena poxonaē xan ponxaein Nacom Tananeitapetsin tamropata pitabin xua itorobiya taewatsiwa tsane pomonaē tana nejume cowantsiwi, jei Jesús.

## 17

*Meje yabara poxonae Jesús pijimonaе peit̃tha pexeinya it̃panae coicha tsanaya naexana*

*(Mr 9.2-13; Lc 9.28-36)*

<sup>1</sup> Poxonaе seis po matabibe jopa, po matabin weya poxonaе Jesús paeba baxua, bapoxonaе icha matabitha Jesús pona demxuwa beicha. Pedro Jesús bar̃ pona, ir̃no Santiago Jesús bar̃ pona, ir̃no Juan Jesús bar̃ pona, pon Santiago peweicho tatsi. Barapo acoibi poyobe Jesús matabona demxuwatha, po demxuwatha bichocono tãcha ichaxota jiwaibi. <sup>2</sup> Baxoteicha daxita Pedrobar̃ peit̃tha tatsi Jesús pexeinya it̃panae coicha tsanaya. Bichocono itabara daedaena icha be xometo ichi poxonaе pentha. Matãtano pocotsiwa penama xatatsiwa bichocono inyapana tsanaya icha pecoicha ichi. <sup>3</sup> Bapoxonaе Pedrobar̃ taer̃cupa Moisés ir̃ Elías xua baponbe Jesús bar̃ cueicueijeichibe. <sup>4</sup> Bapoxonaе Pedro namchi Jesustha, jeye:

—Pata Tanecanamataxeinaem, maisa w̃nae xua xote pata umenaewa. Icha ichichipame, bapoxonaе pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>5</sup> Poxonaе cataunxuae Pedro cueicueijeji, xua Jesús bar̃ cueicueijeichi, bapoxonaе daxita barapomonaе bematawacaicha taruneicatsi tsaquinaebowa po tsaquinaebowa bichocono pentha. Nexata barapomonaе tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nẽnt̃ coyene weiweina exana. Bapon beta pajume taema pocotsiwa paca tsipaeba”, jei Nacom.

<sup>6</sup> Poxonaе Jesús pijimonaе tatsi jume taer̃cupa baxua, bapoxonaе barapomonaе pia coutha iratha nabebeya, irabe taebobendeca. Barapomonaе bichocono pijunuwi.

<sup>7</sup> Bapoxonaе Jesús pijimonaе imoxoyo caquita uncuataba yawa pijimonaе war̃ba, jeye: —Panonobaponde, painya xoba pajunuwame, jei Jesús.

<sup>8</sup> Poxonaе barapomonaе necobar̃cupa beya meisa Jesús compa uncua, ichamonaе aichurubenaе.

<sup>9</sup> Poxonaе Jesús pijimonaе bar̃ duneica demxuwa wetsica, pijimonaе barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita it̃tatsi, beya ab̃ poxonaе xan ponxaein Nacom Tananeitapetsin equeicha as̃n poponaein tat̃pae coyene weya, jei Jesús.

<sup>10</sup> Nexata Jesús yainyabatsi pijimonaе, jeye:

—Pomonaе jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonaе tatsi.

<sup>11</sup> Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Matãtano bapon cana exana jiwitha xua jiwi cana j̃nt̃ coyene weta exanaya exanatsi xua tana nejume cow̃ntsiwa tsane xua tapatopaewa tsane. <sup>12</sup> Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonaе bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonaе bapon yatsicaya bexotsi. Icha bapon ichichi xua poxonaе cana exanatsi, barapomonaе bara neichi tsane ponxaein Nacom Tananeitapetsin. Barapomonaе ir̃ nebexubina, jei Jesús.

<sup>13</sup> Jesús pijimonaе tatsi matapainya yaputane xua poxonaе Jesús pijimonaе tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonaе Jesús cauri taitaweta xua pewowin xeina*  
*(Mr 9.14-29; Lc 9.37-43)*



<sup>14</sup> Poxonae demxuwa weya pona, bapoxonae Jesús pijimonae baru patopa ichaxota pin bicheito jiwi jinompa. Bapoxonae pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

<sup>15</sup> –Tanecanamataxeinaem, inta taxanto yabara najuntu coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsaibichino. Matautano mentha inta bebai tsaibichino. <sup>16</sup> Bequein barapo taxanto xote caponanje jinyamonaetha yawa janje: ‘Painta taxanto taitawere cauri’, jan, daichitha jopa itacupaetsi xua taxanto petaitawetsinexatsi cauri, jei bapon.

<sup>17</sup> Jesús namchi daxita barapomonaetha, jeye:

–¡Paxam barapomonaetha pam pomonaetha jopa xapain cataunxuae pana nejume cowantsim! ¡Paxam barapomonaetha pam, peajuntucoyenebe jiwi pam! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

<sup>18</sup> Bapoxonae Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

<sup>19</sup> Bapoxonae pirapaeyo Jesús compa tsipaebatsi pijimonae. Jesús jeichichi:

–¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonae tatsi.

<sup>20</sup> Jesús jume barai pijimonae jeye:

–Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo juta ichi xua tsica xutiyo, ichitha bara paca itacupa xua urutotha painya nejeiwa: ‘Uruto bara jincoutha natabu jonde, icha ira beya naxore’, xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiname tapana nejume cowantsiwam xua peya jume cowantsiwiyo. <sup>21</sup> Barapo cauri saya paca itacupa xua painya neitawetsiwa poxonae matha payabara nainbotame matautano poxonae matha Nacomtha matowa pawucame, jei Jesús.

*Meje yabara poxonae equeicha Jesús nayabara paeba xua poxonae tupaena (Mr 9.30-32; Lc 9.43-45)*

<sup>22</sup> Poxonae cataunxuae Jesús pijimonae baru popona Galilea nacuatha, pijimonae tsipaeba, jeye:

–Xan ponxaein Nacom Tananeitapetsin, jiwi necaenaetsina ichamonaetha.

<sup>23</sup> Bapoxonae bequein nebexubina, ichitha poxonae acoibi po matabiyobe yapucaewina Nacom equeicha tatupaen asu neexanaena, jei Jesús.

Bichocono Jesús pijimonae tatsi anthuthutane, xua poxonae Jesús pejume taexaetsi poxonae baxua paeba.

*Meje yabara poxonae Jesús cata paratiyo xua Nacom pin pia bo nexa*

<sup>24</sup> Jesús baru patopa pijimonae Capernaum tomaratha. Bapoxonae pomonaetha paratixi penoteibiwi po paratixi judiomonaetha bewa catsibeibina xua Nacom pin pia bo nexa, barapomonaetha Pedro pexainya beya taponatsi. Barapomonaetha Pedro yainyabatsi, jeichichi:

–¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

<sup>25</sup> Pedro jume nota, jeye:

–Aa, bepa paca catsei, jei Pedro.

Poxonae Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wꞛcatsi paratixi, po paratixi xua jiwi bewa catsibeibina pomonaetha pomonae jiwi itorobiya pia pepa peewatsiwichi poxonae pomonae jiwi itorobiya pia pepa peewatsiwichi wꞛca? ¿Metha bara piamonae matabꞛꞛu wꞛca? Ichacuitha, ¿metha bara ichamonae wꞛcatsi pomonae penanapaincha jinompaewi xua icha nacua werena peponaewi? ¿Eta pomonae cuita wꞛcatsi? jei Jesús.

<sup>26</sup> Pedro Jesús jume notatsi, jeye:

—¡Apara jame wꞛcaetsipa ichamonaetha! jei Pedro.

Equeicha Jesús jume nota, jeye:

—Nexata barapomonae jopa wꞛcaeyo piamonae matabꞛꞛuyo. <sup>27</sup> Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonae jopa wanaca casebinexa, matha mene beya ponde. Curupobo xoyama mentha bapoxonae po duwein copiya wana pichina curupobo, pire barapo duwein. Bapoxonae barapo duwein coiboto tsina paratiyo taename po paratiyo xua naca yajꞛpabe xua wamatomatsiwabe tsane Nacom pin pia bo nexa. Bapoxonae barapo paratiyo caponde pomonae paratixi penoteibiwi beya bara careno, jei Jesús.

## 18

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

*(Mr 9.33-37; Lc 9.46-48)*

<sup>1</sup> Nexata bapoxonae Jesús imoxoyo caquita umenarꞛꞛpatsi pijimonae, yawa pijimonae yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonae Nacom wabina jiwi xua petanaexanaenexatsi pijimonae pomonae itorobiya pecanamataxeinaexae? jei Jesús pijimonae tatsi.

<sup>2</sup> Nexata Jesús waba pexuyo, yawa pijimonae tatsi peitabarayo deca tatsi tacuaranoreca. <sup>3</sup> Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha jꞛntꞛu coyenewa xua jopa pananta xeinaem peainya cui coyenewa yabara. Barapocotsi jꞛntꞛu coyenewa pexui ba xeina xua jopa taayapubetsi poxonae nejume cowꞛnta. Bewa pananta xeinaem icha pexui ichi poxonae nanta xeina, icha paichichipame xua Nacom painya nepaca wabiwa xua pijimonae tatsi painya nepaca exanaewa pomonae pamꞛaem Nacom itorobiya paca ewata. <sup>4</sup> Po jiton pon najꞛntꞛu coyene acaura, xua daxota bichocono Nacom canantawenonatsi xua pejume cowꞛntsiwatsi, bapon jame ainya cui xua pecana exanaewatsi Nacom pijimonae tatsi jiwana pin pomonae pejume cowꞛntsiwichi pomonae Nacom itorobiya peewatsixae. <sup>5</sup> Pon matenta weyataeya waba peyawenaenexa pontha pon tana nejume cowꞛntsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo apara bara irꞛu matenta weyataeya wabatsi pon tana neitorobixae, xua pon bara Nacom, jei Jesús.

*Meje yabara poxonae Jesús paeba xua jiton jopa bewa cana exanae ichꞛntha xua irꞛu abe peexanaewa tsane*

*(Mr 9.42-48; Lc 17.1-2)*

<sup>6</sup> “Nacom tsitatsi xua pebin bichocono abe exana poxonae ichꞛn cana exanatsi xua abe peexanae cuiru coyene exana, po barapo ichꞛn pon cataunxuae aena tana nejume cowꞛntsixae. Metha jame wꞛnae tsipae xua barapo pebin pon abeya cana exanaeya taexana ichꞛntha, barapon pin iboto wisi cutsipatsi yawa xua tuwꞛtha xua pin mar mentha barapo iboto cayawa cabutabachipatsino. Tsipei jopa wꞛnae tsipae xua bapon cana exana xua ichamonae abe peexanae cuiru coyene exana pomonae cataunxuae

aena nejume cowanta. <sup>7</sup> Maisa bichocono jopa xanepanaeyo barapo cae pin nacuathe nexa pomonae abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi pecana exanaexaetsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon abe taexana xua ichan abe exanaeya taexanaetsi.

<sup>8</sup> “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa tajū beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuatha isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa tajū beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuatha isoto jopa itacounayiyo. <sup>9</sup> Matautano icha pocotsiwa pataneme painya itamaiqueittha xua icha baxua paca exana xua abe painya neexanaewa tsane painya netaexae painya itamaiqueittha, maisa pana naitamaiquei jucuare. Yawa tajū beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

*Meje yabara poxonae Jesús tsipaeba pijimonaе pecayabara jūta pepaebi diwesiyo xua oveja yabara pon penapuxanaein*  
(Lc 15.3-7)

<sup>10</sup> Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonae aena pejume cowantsiwi Nacom jopa pacayabara jande: ‘Maisa barapomonae jopa peainya cuimonaeyo’, jopa pajande. Paca tsipaebatsi pomonae Nacom pejume cowantsiwi barapomonae nantauta pia matatsunpiwi po matatsunpiwi barapomonae yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuathe-icha, xua barapo pejume cowantsiwi peyawenaenexa tsaibi tsainchi. <sup>11</sup> Tsipei xan, ponxaein Nacom Tananeitapetsin patopeican tayawenaenexa pomonae jopa pejume cowantsiwi xua barapomonae napaeba tacana exanaewa tsane.

<sup>12</sup> “Pana nejume naitaeware po pecayabara jūta pepaebi diwesiyo xua paca tsipaeb- binchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewenaweneinexa oveja, pon catsawa jopa, beya matapainya taeba. <sup>13</sup> Xaniwaicha paca tsipaebatsi poxonaе jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonaе weiweina poxonaе saya noventa y nueve poyobe po ovejamonaе jopa catsawa othopaeyo. <sup>14</sup> Barichi barapocotsi jūta coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimonaе xua pejume cowantsiwatsi matautano xua bara caeinno irū, pomonae aena pejume cowantsiwixaetsi”, jei Jesús.

*Meje yabara poxonae Jesús yabara paeba xua jiton eta bichi tsane poxonaе cayabara jūntemainaena pontha pon abe petaexanaexaetsi*  
(Lc 17.3)

<sup>15</sup> Equeicha Jesús barai pijimonaē, jeye: “Icha ichan pon iru pejume cowantsindu, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonaē paca itacoxonaena. <sup>16</sup> Ichacuitha icha ichan pon pejume cowantsindu, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinexa bapon xua abe peexanaexae. <sup>17</sup> Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonaē Nacom pejume cowantsiwichi, xua barapomonaē bapon peyabara paebinexatsi. Icha bapon awiya cataunxuae jopa came jume cowantsiya jejeyo barapomonaetha barapoxonaē barapomonaē bewa yabara nanta xeinae xua bapon bara be pocotsi jiton pon jopa bapana pejume cowantsin Nacom. Ichacuitha bewa yabara nanta xeinae xua bapon bara be pocotsi jiton jiwana, pomonaē peajuntacoeyenebewi, pomonaē paratixi pentoma noteibiwi, po paratixi jiwi bewa catsibeibina pon romanomonaē itorobiya pia pepa peewatsinchi nexa.

<sup>18</sup> “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonaē tana nejume cowantsiwi, bapocotsiwa bara iru Nacom jopa copatsiyo pia peitorobi nacua beicha xua barapomonaē peexanaewa tsane baxua. Pocotsiwa pacopatame xua tajiwiwimonaē peexanaenexa barapo cae pin nacuathe bapocotsiwa iru Nacom copata pia peitorobi nacua beicha xua barapomonaē bara peexanaewa tsane baxua.

<sup>19</sup> “Matautano paca tsipaebatsi icha paxam jiwana nacueyatabe barapo cae pin nacuathe icha baponbe peburaya jupaya yabara nanta xeinae xua Nacomtha pewucaewabe, baponbe bara baxua taexanaeinchibe pocotsiwa pewucaexaēbe xua Taxa Nacom bara taexanaena pon peitabocotha eca. <sup>20</sup> Tsipei ichaxota ba nayantabe xua nacueyatabe poyobe, xua poxonaē pewucaenexabe Nacom xua ichacuitha ichaxota acoibi poyobe, xua pomonaē taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.

<sup>21</sup> Nexata Pedro Jesús yainyabatsi, jeye:

—Tanecanamataxeinaem, icha inta abe exana pon iruru jume cowanta, zeta po cuiyobe tsipaebocuaein xua bewa tacui yabara juntemainawa tsane pocotsiwa inta abe exana? ¿Metha saya beya poxonaē siete po jume cuiyobe tsipae? jei Pedro.

<sup>22</sup> Jesús jume nota, jeye:

—Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara juntemainawa tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua jinya necui yabara juntemainawa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

*Meje yabara poxonaē Jesús cuiduba pecayabara juta pepaebi diwesiyo xua pon jopa yabara juntemainawo ichantha*

<sup>23</sup> Equeicha Jesús pijimonaē barai pecayabara juta pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonaē bichocono yabara juntemaino po abe peexanaē coyenein pijimonaē tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon wuca xua caewa equeicha pematomatsinexatsi xua po matoman caena bayatha penacowaebixaetsi. <sup>24</sup> Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaēbe. <sup>25</sup> Barapon pon copiya pon petanacuichinxae pon jiwi itorobiya pia pepa peewatsinchi nexa jopa xeinaeyo paratiximonaē xua pon jiwi itorobiya pia pepa peewatsinchi caewa petacanawichinexa

tsainchi. Daxota pon jiwi itorobiya pia pepa peewatsinchi itoroba ichantha xua barapo petanacuichinchi caenaetaxubinchi ichantha xua ichan pecomotsinexa tsane xua pon pebusi cui taetaeinchi pecanaexanaenexa tsainchi. Barapon pon jiwi itorobiya pia pepa peewatsinchi matauta cui itoroba xua yabuyo pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi. <sup>26</sup> Nexata pon petanacuichin pentabocototha uncua pon jiwi itorobiya pia pepa peewatsinchi itabaratha tatsi matautano jume daunweya namchiya jeye: ‘Tanentacaponae, abu necayabara najuntu coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi’, jei pon petanacuichin. <sup>27</sup> Pon jiwi itorobiya pia pepa peewatsinchi bara yabara najuntu coyene xeina peyawenaenexa, yawa yabara jumentaina barapo paratiximoniae, matautano bara saya pu copata.

<sup>28</sup> “Daichitha bapon pon petanacuichinxae poxoniae pontaba pon jiwi itorobiya pia pepa peewatsinchi weya, jemeicha caxina pia jiton pon penabaru nacuichinxaebe. Pon caxinatsi bapon matoma amanayaba saya cien po paratiximoniaebe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathu waetaba, muxu penaichatabi. Pon pecoibotathu waetabixae bapon jei: ‘Equeicha inta caewa canawire xua bayatha nentoma amanayabame!’ jei. <sup>29</sup> Bapoxoniae pon coibotathu waetabatsi pentabocototha uncua pia jiton itabaratha tatsi, matautano jeye: ‘Abu, neyabara najuntu coyene xeinare, xua jopa bepijawa neaitaconaenexa. Barapara bexa pentoma cacatsinchi’, jei pon coibotathu waetabatsi. <sup>30</sup> Ichitha pon jiwi itorobiya pia pepa peewatsinchi weya pona bapon aichaxaibi xua abu came pentoma ewatsiwa. Daxota bapon pia jiton capona jiwi pecubi bo beya, beya abu poxoniae matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi. <sup>31</sup> Poxoniae ichamoniae pomoniae iruru petanacuichiwi baxua cui tane, barapomoniae unthathu wecoyei, tsipei ichan pon iru petanacuichin jiwi pecubi botha etatsi. Bapoxoniae barapomoniae pon jiwi itorobiya pia pepa peewatsinchi beya pona. Barapomoniae tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichantha pon iruru petanacuichin. <sup>32</sup> Bapoxoniae pon jiwi itorobiya pia pepa peewatsinchi itoroba pijimoniae xua petawabinexa tsainchi pon petanacuichinxaetsi pontha xua pon peyabara jumentainaexae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: ‘Maisa pon inta nacuitame maisa bichocono abem! Xan cayabara jumentainatsi daxita barapo ainya paratiximoniae tsipei tanebaru jumichimxae. <sup>33</sup> Xam bewa bayatha barichim. Bewa yabara najuntu coyene xeinaem jinya jiton xua nejumentainaenexa pocotsiwa bapon cantoma amanayaba, icha xan ichin xua bayatha cayabara najuntu coyene xeinatsi tacayawenaenexa tsainchi’, jei. <sup>34</sup> Pon jiwi itorobiya pia pepa peewatsinchi bichocono anaepana. Daxota bapon cui itoroba ichamoniae, xua barapon pon petanacuichinxaetsi caponiaeinchi jiwi pecubi bo beya. Baraxota peraxa exanaeinchi xua beya abu poxoniae barapon pon petanacuichinxaetsi matoma catsinchi daxita po pentoma bayatha jopa caewa petacanawichixaetsi”, jei Jesús.

<sup>35</sup> Equeicha Jesús jeye:

—Bara juta coyeneya ichi tsane icha be pon jiwi itorobiya pia pepa peewatsinchi ichi. Poxoniae bapon peraxa exana barapo pia petanacuichinxaetsi xua bapon pia jiton jopa pecui yabara jumentainaexae, Nacom pon itaboco peecaein barichi tsane pijiwitha.

Nacom exanaena baxua poxonae barapomonaе jopa xapain yabara juntemainaeyo pomonaetha pomonaе abe petaexanaexaetsi, jei Jesús.

## 19

*Meje yabara poxonaе Jesús cuiduba xua жиwi piseurixi pepunapenteibiyainwa.  
(Mr 10.1-12; Lc 16.18)*

<sup>1</sup> Poxonaе Jesús najume weta xua tsipaeba pijimonaе, bapoxonaе Galilea nacua weya warapa. Bapoxonaе Jordán mene deca bara bereca pona, equeicha dabeya barapo Jordán mene, mene epa uncatabiya xua patopa Judea nacuatha, po nacua eca ichaxota pocotsiwa xometo bejopiya xua po nacua Jordán mene weya eca. <sup>2</sup> Pin bicheitomonaе puna poinchi. Baxotiya Judea nacuatha Jesús axaibi exana peatenewi.

<sup>3</sup> Bapoxonaе fariseomonaе piraichi Jesús imoxoyo caquita umenarucupatsi xua Jesús pejuntu coyene jujutsinexatsi daxota jeye Jesthа:

—¿Moisés pia peitorobi coyenewa copata xua pebin piseuri pepunaxubiwa ichi saya poxonaе ichipa? jei fariseomonaе.

<sup>4</sup> Jesús fariseomonaе jume notatsi, jeye:

—¿Jopa payorobim Nacom Pejume Diwesi? Barapo diwesitha jeye: ‘Poxonaе aena Nacom forota, Nacom forota pebin yawa forota petsiriwa’, jei barapo Nacom Pejume Diwesitha. <sup>5</sup> Matahta jeyeno Nacom Pejume Diwesitha: ‘Daxota baxuaxae pebin paxa wepu natsata yawa pena wepu natsata xua piowabe imoxoyo penaperu nacoynobinexabe. Baraponbe be cae жиwimonaе naexanabe’, jei Nacom Pejume Diwesitha.

<sup>6</sup> Bapoxonaе baponbe xua ainya жиwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

<sup>7</sup> Nexata fariseomonaе Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonaе.

<sup>8</sup> Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi жиwixae Nacom. Apara caena bayatha Nacom jopa baxua copatsiyo poxonaе aena foforatapona жиwi. <sup>9</sup> Nama paca tsipaebatsi pon piowa punaxuba xua poxonaе yabuyo bequein jopa nasi cui exanaeyo ichantha, icha bapon ichowa pita, bapon abe exana Nacom peitatha tatsi tsipei Nacom tsitatsi xua powa copiya baru popona apara bara piowa tatsi, jei Jesús.

<sup>10</sup> Nexata Jesús tsipaebatsi pijimonaе, jeye:

—Icha Nacom jopa copatsiyo xua pebin piowa punaxubina poxonaе barapowa saya u exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonaе.

<sup>11</sup> Jesús barai pijimonaе, jeye:

—Daxita жиwi ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonaе Nacom yabara yaputane exana barapo coyene, barapomonaе itacupatsi xua pecana exanaewa barapo coyenetha xua jopa jitha peenaewa. <sup>12</sup> Barichi acoibi po cui coyenewabe xua pebiwi jopa penotsiwa pecotsiwaxi жиwi. Ichamonaе aichaxaibi xua jitha peenaewa tsipei barapocotsi жиwimonaе bara yacuiya naexana xua jopa penotsiwa yabuxitha. Ichamonaе jopa itacupaetsi xua pecotsiwaxi penotsiwa tsipei bayatha tobu jucuatci, xua ichamonaе tobu jucua. Daxota jopa itacupaetsi xua pexui pecanaexanaewa. Ichamonaе aichaxaibi xua pecotsiwaxi nota, peichichipaexae xua saya u peexanaewa pocotsiwa Nacom itoroba. Pon itacupatsi xua peyabara yaputaewa xua pocotsi coyene jopa

pepichiwa pecotsiwa, bara moya jopa exanae tsane xua pepichiwa tsane pecotsiwa, jei Jesús.

*Meje yabara poxonae Jesús jeye pexuitha: “Barabꝰ Nacom beta paca yawenaena”, jei (Mr 10.13-16; Lc 18.15-17)*

<sup>13</sup> Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewꝰcaenexa barapo pexui nexa xua pejeinexa: “Barabꝰ Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarꝰcꝰpa xua barapomonae cui matawentatsi pomonae pexui carendena tsaibi.

<sup>14</sup> Ichitha Jesús jume barai pijimonae, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejꝰntꝰ coyene xanepanaewi icha pexui ichi. Pexui pia cui xua tayapu xanepanatsi xua pia jꝰntꝰ coyeneintha jume cowꝰnta Nacom, jei Jesús pijimonaetha.

<sup>15</sup> Poxonae Jesús nacobe weta xua pexui jayabatsi yawa xua Nacomtha tawꝰca barapo pexui, xua jeye: “Barabꝰ Nacom beta paca yawenaena”, jei. Bapoxonae Jesús wepu pona barapomonae.

*Meje yabara poxonae pewowin pon copei pexeinaein Jesús tsipaebatsi (Mr 10.17-31; Lc 18.18-30)*

<sup>16</sup> Pewowin pona xua Jesús petaenexatsi. Barapo pewowin jeye Jestutha:

—Ja Tanecuidubim, maisa nejꝰntꝰ coyene xanepanaem. ¿Eta xua copiya matha exanocuaein xua ajꝰntꝰyapusꝰya tapoponaewa tsane xua ataya tsane? jei.

<sup>17</sup> Jesús jume barai, jeye:

—¿Eta xua nebaram: ‘Nejꝰntꝰ coyene xanepanaem’, jam? Apará ichꝰn dapon aibi pon pejꝰntꝰ coyene xanepanaein. Jame meisa apara bapon Nacom compa pejꝰntꝰ coyene xanepanaein. Icha ichichipame xua ajꝰntꝰyapusꝰya nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

<sup>18</sup> Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—‘Jopa ichꝰn bexubinde. Jopa ichowa pichinde ichꝰn piowa tatsi. Jopa caibinde ichꝰn piawan tatsi. Jopa naerabiya cayabara paebinde pocotsiwa ichamonae exana.

<sup>19</sup> Axatha barꝰ jume cui itura jinare. Antobeinde necatsicuarabꝰ enaewi icha ichim xua jincoutha naantobem’, jei Moises, jei Jesús.

<sup>20</sup> Pewowin Jesús jume baraichi, jeye:

—Daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

<sup>21</sup> Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya ne-exanaewa, matha daxita caenaere pocotsiwa xeiname yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajꝰntana botsiwa pocotsiwa bichocono wꝰnae, jei Jesús.

<sup>22</sup> Poxonae barapo pewowin baxua jume taeba bichocono unthꝰthꝰ wecoyeya ponataba tsipei bichocono copei pexeinaein.

<sup>23</sup> Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomonae bichocono copei pexeinaewi naexana Nacom pijimonae tatsi jiwana pomonae Nacom itorobiya peewatsixae. Tsipei barapomonae bichocono antasiwayatane barapo pia copei beyacaincha xua Nacom antobetsi. <sup>24</sup> Equeicha paca tsipaebatsi. Bichocono acuiruyapube xua duwein pon pewan camello xua pejoniyawa acuicheto peetabwan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonae Nacom itorobiya peewatsixae beyacaincha xua poxonae acuiruyapube xua poxonae camello acuicheto peetabwan iya pejoniyawa, jei Jesús.

<sup>25</sup> Poxonae baxua Jesús jume taerucupatsi pijimonae, barapomonae yabara najuntu cui coyene cabenaeca, yawa Jesús jeichichi:

—Bapoxonae ¿jintam metha nexata itacupatsi xua penacapanepaewa pia coutha? jei barapomonae.

<sup>26</sup> Jesús necotsiya jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>27</sup> Nexata Pedro jeye Jesustha:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan ¿eta pocotsiwa metha nexata pana necatsiname? jei.

<sup>28</sup> Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae caecaethopaewa bichocono itupana. Paxam pomonae tapana nepuna jinompaewim doce po itupanae eneibithopeibiwatha pae-naename painya yabara paebinexam tsane pomonae doce po matabanxyobe israelmonae pia penatsicuentiwa abe peexanaexae. <sup>29</sup> Daxita pomonae taneantobe jiwixae xua pecueicueijei tsurubenanaebiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, matauta ichacuitha ichamonae peweicho jiwi pecuenta ponaexae, matautano ichacuitha pamcho jiwi pecuenta ponaexae, matautano ichacuitha paxeiwi pecuenta ponaexae, matautano ichacuitha pena jiwi pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntucoyenyapusuwa, po peajuntucoyenyapusuwa ataya tsiteca. <sup>30</sup> Pomonae xua anoxuae pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

## 20

*Meje yabara poxonae Jesús paeba pecayabara juta pepaebi diwesiyo pomonae uva pabitha petanacuichiwi*

<sup>1</sup> Equeicha Jesús tsipaeba pijimonae pecayabara juta pepaebi diwesiyotha, jeye: “Nacom pijimonae matomatsina pia nacuatheicha xua be pematomatsiwa petaexanaexaetsi pia petanacuichiwa tatsi icha pon pabi pexeinaein ichi xua poxonae matoma catsiba pomonaetha pomonae petanacuichixaetsi. Pon pabi pexeinaein caemambotha



pona xua jeita pomonae pia petanacuichinexa tsainchi pia uva bacabo. <sup>2</sup> Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebinchi pocotsi paratiyo xua caentaqueitha nexa’, jei. Bapoxonae bapon pia petanacuichiwichi itoroba pia uva bacabo beya. <sup>3</sup> Bapoxonae equeicha bapon pona poxonae xometo tajū beequaina xua pejeichinexa ichamonae pomonae petanacuichiwichinexa tsainchi pia uva bacabo. Bapoxonae bapon tane ichamonae, pomonae panatha saya jinompa xua jopa nacuitompaeyo. <sup>4</sup> Bapon barai barapomonae jeye: ‘Paxam iruru painta nacuire ta uva pabi. Nexata beta paca matoma catsibinchi, xua pocotsi paratiyo po horatha panacuitame nexa’, jei. Bapoxonae barapomonae pona pabi beya penacuichinexa. <sup>5</sup> Bapon mateinyaxae equeicha pona xua pejeichinexa ichamonae pomonae pia petanacuichiwichi tsainchi. Barichi equeicha poxonae tabopiya pona xua pejeichinexa ichamonae pomonae pia petanacuichiwichi tsainchi. <sup>6</sup> Bapon equeicha pona pana beya poxonae xometo iriya ducuaaicha xua pejeichinexa ichamonae pomonae pia petanacuichiwichi tsainchi. Bapon equeicha tane ichamonae pomonae xua jopa iru nacuitompaeyo. Bapon barai barapomonaetha, jeye: ‘¿Eta xua metha came saya anoxuae paumenam po panathe, xua jopa panacuitompaem?’ jei pabi pexeinaein. <sup>7</sup> Barapomonae jume nota, jeye: ‘Canta dapon aibi pon pata tana neitorobiwa tsane’, jei. Nexata bapon barai barapomonae, jeye: ‘Paxam paponare, iruru painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane’, jei pon pabi pexeinaein.

<sup>8</sup> “Poxonae quirei tsanaicha pon pabi pexeinaein, bapon itoroba pon pia petayapu-caeaeinchi uva pabi, jeye: ‘Inta wabare pomonae inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonae opi dubena pomonae inta cotacaya nacuita poxonae xometo iriya ducuaaicha, beya poxonae papataponaena pomonae copiya inta nacuita caemambotha’, jei. <sup>9</sup> Nexata copiya pata pomonae cotacaya nacuita poxonae xometo iriya ducuaaicha. Daxita barapoyobe pomonae cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuichiyo. <sup>10</sup> Nexata bara iru bapoxonae pata pomonae tamropata notarucupa xua nacuita poxonae tabopiya, bara barapomonae iru beta matoma catsibatsi pocotsi paratiyo caentaqueitha nexa. Bapoxonae iru pata pomonae tamropata notarucupa xua nacuita poxonae mateinyaxae, bara barapomonae iru beta matoma catsibatsi, pocotsi paratiyo caentaqueitha nexa. Bapoxonae iru pata pomonae tamropata notarucupa xua nacuita poxonae xometo tajū beequaina, bara barapomonae iru beta matoma catsibatsi, pocotsi paratiyo caentaqueitha nexa. Bapoxonae iru nama pata pomonae tamropata notarucupa xua nacuita caemambotha. Barapomonae najei: ‘Metha equeicha mataropeichiya naca catsibina paratixi tsipei nacuitatsi caemambotha’, najei barapomonae. Daumetha barapomonae saya matoma catsibatsi, pocotsi paratiyo caentaqueitha nexa. <sup>11</sup> Ichitha poxonae barapomonae matoma nota, itaconacarucupa pontha pon peitorobixae barapomonaetha. <sup>12</sup> Barapomonae anaya jei bapontha: ‘Pomonae nacuita cotacaya, saya cae horatha nacuita, barapomonae matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan’, jei barapomonae. <sup>13</sup> Ichitha pon pabi pexeinaein jume nota caeintha barapomonae jiwana pintha, jeye: ‘Tajiton, apara jopa bara abe pacata exanaetsi. Canaunxae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi. <sup>14</sup> Bara jinya matoma pire. Bara nawiyama. Xan ichichipan tacoya matoma catsiban pomonae quiripitha nacuita barapocotsi matoma, pocotsi matoma jupa paca catsibatsi. <sup>15</sup> Aparaxan tawaxae itacoxonan xua tantoma exanaewa. Aparaxan pauwame ichamonae xua jopa taasiwaxae xua tantoma exanaewa ichamonaetha’, jei pon pabi pexeinaein.

16 “Nacom barapocotsi jata coyeneya cana ichi tsane jiwitha icha pon pabi pexeinaein ichi poxonae cana exana pomonaetha pomonae pia petanacuichiwichi. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane. Pomonae xua anoxuae pomonae xua jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane”, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mr 10.32-34; Lc 18.31-34)*

17 Bapoxonae pirapae Jesús pona Jerusalén tomara beya. Poxonae cataunxuae Jesús pijimonae baru ecapona namtotha pomonae doce poyobe tatsi, barapo doce poyobe Jesús meisa waba aisowa beya petsipaebinexa.

18 Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonae pia pentacaponae witha tatsi yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae necaenaetsina ichamonaetha xua ichamonae tana nebexubiwa tsane.

19 Bapoxonae daxita barapomonae necaenaetsina pomonaetha pomonae penanapaincha jinompaewi xua icha nacua werena peponaewi xua barapomonae tana necui caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonae acoibi po matakabibe yapu jopaena equeicha Nacom asu neexanaena petupaee cuiru coyene weya, jei Jesús.

*Meje yabara poxonae Jesús wucatsi powa, Santiago pena tatsi xua iru Juan pena tatsi*  
*(Mr 10.35-45)*

20 Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesustha. Barapo petsiriwa pentabocototha uncu Jesús peitabaratha tatsi, xua Jesús pewucaenexa tsainchi. 21 Jesús barai bapowatha, jeye:

—¿Eta pocotsiwa jinya newucaetsi? jei.

Bapowa Jesús jume notatsi, jeye:

—Poxonae matakabi patopaena po mataqueitha itorobiya ewatsiname jiwi barapo mataqueitha cawucaetsi xua bara itorobiname barapo taxantobe, xua nantiyabe peecaewa tsanebe xamtha, xua ichun necoxa weya peecaewa tsane, xua ichun netsocona weya peecaewa tsane, jei.

22 Ichitha Jesús baraipe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonae ichamonae abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonae tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

23 Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame

Taxa Nacom meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

<sup>24</sup> Jesús pijimonaе pomonae umena, pomonae diez poyobe jume tane xua Santiago iru Juan Jesús wuцatsibe. Bapoxonae barapo diez poyobe, Santiago iru Juan yabara anaepa-narucupatsibe. <sup>25</sup> Ichitha Jesús pia xainya berena pijimonaе waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonaе naex-anaeyo. Barapomonaе ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonaе, xua daxota bichocono jiwi taayapubetsi. <sup>26</sup> Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonaе, bapon matha bewa copiya daxita paxam beta amanaya pacata nacuichina. <sup>27</sup> Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonaе, bapon bewa copiya matha daxita paxam amanaya pacata nacuichina pia coya peichichipaexae. <sup>28</sup> Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonaе nexa. Apra jopa baxua tsipatopaeinyo xua icha-monaе inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe  
(Mr 10.46-52; Lc 18.35-43)*

<sup>29</sup> Poxonae Jesús pijimonaе baru pontaba Jericó tomara weya, bapoxonae Jesús puna poinchi pin bicheito. <sup>30</sup> Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—¡Pon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>31</sup> Barapo peitata nacutsinbe jume matawentatsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—¡Pon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>32</sup> Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

<sup>33</sup> Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe. <sup>34</sup> Nexata baponbe Jesús yabara najuntu coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jesustha napuna ponabe.

## 21

*Meje yabara poxonae Jesús Jerusalén tomaratha patopa  
(Mr 11.1-11; Lc 19.28-40; Jn 12.12-19)*

<sup>1</sup> Poxonae bara itiya pona Jerusalén tomara, Jesús bara muxu pebarũ patopae piji-monae Betfagé tomaratha. Barapo Betfagé tomara demxuwa itapatororotha eca po demxuwa pewũn Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwanabe. <sup>2</sup> Jesús baraibe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penũn quetanotatsi pon pebto. Barapo burra paisanaxorebe yawa payama carenandebe coxiwa yawa penũnno. <sup>3</sup> Icha ichũn paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwi Pecanamataxeinaein bepa pata yama cayiyaeinjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

<sup>4</sup> Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

<sup>5</sup> “Patsipaebare Sión tomarapiwi.

Pajande: ‘Pataename pon itorobiya painya pepa paca Ewatsin.

Pacata jũntema patopaena, xua burriyotha equeicaena, penũntha xua burra pesowato coxi tatsi’ pajande”, jei pon Nacom pia peitorobi jume pepaebin, bapon Isaías, xua Mesías yabara paebatsi.

<sup>6</sup> Nexata Jesús pijimonae jitonbe tatsi ponabe. Mataũtano baponbe exanabe pocotsiwa bayatha Jesús itoroba. <sup>7</sup> Baponbe yama carenabe burra pesowato yawa yama carenabe penũn. Baponbe pia paparuwan tsijuma jebicabe po paparuwan matha weruyabe coxiwathano yawa penũnthano. Bapoxonae Jesús equeica penũntha. <sup>8</sup> Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jejabapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jejabapoinya. Daxita barapomonae barapo coyene exana xua Jesús pebarũ cui itura jinaenexa tsainchi. <sup>9</sup> Pomonae, xua Jesús tsiwana enapoinchi irũrũ pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barabũ jiwi barũ cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon jiwi itorobiya pia pepa peewatsinchi, maisa wũnae! ¡Bapon patopa Nacom peitorobixae! ¡Maisa Nacom bichocono wũnae jaintatsi pon athabeicha eca! jei barapomonae.

<sup>10</sup> Poxonae Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomonae nayainyaba, jeye:

—¿Jintam metha bapon jane? najei.

<sup>11</sup> Ichamonae jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuatha, jei ichamonae xua irũ ichamonae jume notatsi.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mr 11.15-19; Lc 19.45-48; Jn 2.13-22)*

<sup>12</sup> Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tabũ tayebiya bebai iratha pocotsiwa pexaethopawan, po pexaethopaewantha nantiya nacatsiba paratixi yawa xua tabũ tayebiya bebai iratha peenaewan po peenaewan ichaxota ena pomonae caenaeta topibo. <sup>13</sup> Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname ichaxota pijunuwi nantsiyabeibathopa tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

<sup>14</sup> Barapo Nacom pin pia botha tatsi, Jesús imoxoyo caquita umenarucupatsi pomonae peitata nacutsiwi. Iruru Jesús imoxoyo caquita umenarucupatsi pomonae pejayujayujeiwi. Jesús axaibi exana daxita barapomonae. <sup>15</sup> Sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itatsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabu jiwi baru cui itura jinaena bapon pon David pia pemomoxi susato jiwanapin tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi anaepana poxonae Jesús cui tainchi yawa xua jume tainchino. <sup>16</sup> Daxita barapomonae jopa ichipaeyo xua pexui paeba, daxota anaya Jesús jeichichi:

—¿Bayatha jume taneme xua baxua pexui cayabara wawaya namchi? jei barapomonae.

Jesús jume nota barapomonae, jeye:

—Aa, bara bayatha jume tan xua pexui newunae jainta. Paxam bayatha payorobame Nacom Pejume Diwesi xua pexui bara cui copatatsi xua bara wunae pejainteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi,  
iru poxi jinompena, xua barapoxi pexeinya  
weixi cayabara caununaya naxuna  
poxonae sawunae jainchina’,  
jei David Nacom Pejume Diwesitha,  
jei Jesús daxita barapomonaetha.

<sup>17</sup> Nexata Jesús daxita barapomonae wepu pona Jerusalén tomara weya. Bapoxonae Betania tomara bewarapiya. Baxota merawi maiteca.

*Meje yabara poxonae Jesús biatane higuera nae xua jopa penacoichixae  
(Mr 11.12-14, 20-26)*

<sup>18</sup> Poxonae Jesús caemambotha equeicha caibe iya Jerusalén tomara beya, bichocono jainpa pona. <sup>19</sup> Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya u noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yununcia. <sup>20</sup> Poxonae Jesús cui tainchi pijimonae baxua barapomonae yabara najuntu coyene cui cabenaeca bichocono. Yawa Jesús yainyabatsi pijimonae, jeye:

—¿Eta xua metha higuera nae nainya yununcia? jeichichi Jesús pijimonae.

<sup>21</sup> Jesús jume nota pijimonae, jeye:

—Bara xaniyeya paca tsipaebatsi. Icha xanepanaya payabara jume cowantame xua Nacom painya nepaca cayawenaewa xuano xua jopa ainya unthuton paxeinaem bara paca itacupaena xua painya nepaebiwa icha ichin xua cana exanan higuera nae. Matautano bara paca itacupaena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane. <sup>22</sup> Daxita xua xuan pocotsiwan Nacom beya rawucame, icha bara xanepanaya pajume cowantsiya wucame, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina  
(Mr 11.27-33; Lc 20.1-8)*

<sup>23</sup> Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenarucupatsi sacerdotemonae pia pentacaponae tatsi iru judiomonae pia pitiri jiwi tatsi. Daxita barapomonae Jesús yainyabatsi, jeye:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa?

<sup>24</sup> Jesús jume nota barapomonae, jeye:

—Xan iruru tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusu itorobi coyeneyatha taexanaewa baxuan. <sup>25</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha tupa.

Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. <sup>26</sup> Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cowantatsi xua bapon apara pon Nacom pia peitorobi jume tatsi pepaebi jiton”, najei barapomonae. <sup>27</sup> Nexata barapomonae Jesús baraichi, jeye:

—Canta jopa payaputaeyino, jei barapomonae.

Nexata Jesús barai barapomonae, jeye:

—Nexata barichin tsane, jopa yabara paca tsipaebi tsainchi po peayapusu itorobi coyeneyatha xua daxita taexanaewan, jei Jesús.

*Meje yabara poxonae Jesús cuiduba pecayabara juta pepaebi diwesiyo xua pebin ainya pexantobe tatsi*

<sup>28</sup> Equeicha Jesús namchi Nacom pin pia botha daxita barapomonaetha, xua sacerdotemonae pia pentacaponae witha tatsi, iru judiomonae pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei. <sup>29</sup> Bapon jume notatsi pexanto jeye: ‘Bara, aichaxaibin’, jeichichi bapon pexanto. Daichitha equeicha bapon pexanto tatsi nanta xeinataba, bapoxonae pona xua penacuichinexa uva pabi, paxa tatsi pia pabi tatsi. <sup>30</sup> Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantotha. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo. <sup>31</sup> Incane yabara paca yainyabinchi xua bapon barapo pexantobe tatsi, ¿eta po pewowinda pon exana pocotsiwa paxa itorobatsi? jei Jesús.

Barapomonae Jesús jume notatsi, jeye:

—Pon copiya paxa itorobatsi, jeichichi Jesús barapomonae.

Nexata Jesús jume barai barapomonae, jeye:

—Bara xaniyan yabara paca tsipaebatsi, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, iruru yabuxi powaxi pesi cui weiweinaewaxi. Bara bequein barapomonae peantucoyenebewi, daichitha barapomonae naexanaena Nacom piamonae tatsi jiwana tatsi, beya poxonae paxam iru panaexaname Nacom piamonae tatsi jiwana tatsi.

<sup>32</sup> Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexainaenexa tsane po juntu coyene pexanepanae juntu

coyene. Daichitha paxam jopa pajume cowantsim pocotsiwa Juan paeba. Ichitha Juan yabara jume cowantatsi pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchichi nexa. Iruru yabaxi powaxi pesi cui weiweinaewaxi Juan yabara jume cowantatsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonae abe paexaname. Daxota icha juntu coyene jopa paxeinaem xua painya nejume cowantsinexa Nacom, jei Jesús.

*Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaenaewi uva pabi*

*(Mr 12.1-12; Lc 20.9-19)*

<sup>33</sup> Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara jata pepaebi diwesiyo. Matha iruru pebin pia pabi xeina. Bapon uba po unbo pewan uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonae barapo pabitha. Yawano baxota ibo fetoto exana, xua barapo ibo fetotha pecubinexa uva cuei. Matautano baxota exananota bo po bo tancha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona. <sup>34</sup> Barapo matacabi tsuxubi po matacabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapetanota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya, pomonae pabi petayapucaenaewichi. <sup>35</sup> Ichitha barapomonae, pomonae pabi petayapucaenaewichi teica, teiquebatsi pomonae itorobatsi, pomonae pabi pexeinaein itoroba uva pabi petayapucaenaewichi tatsi beya. Barapomonae pomonae petayapucaenaewi pabi, cuainta caeintha pomonae penajume carutsi jiwichi jiwana pintha. Ichun bexotsi. Ichun ibotontha cuinbabatsi. <sup>36</sup> Pon pabi pexeinaein barichi equeicha itoroba ichamonae pomonae pia petanacuichiwichi. Equeicha barichi pomonae pabi petayapucaenaewi bara jutiya cana exana barapomonaetha.

<sup>37</sup> “Bara nama matapainya pexanto itoroba. Bapon najei: ‘Barapomonae metha taxanto inta yabara baru cui itura jinaeinchi, daxota itoroban bapon’, najei bapon. <sup>38</sup> Dapo jumetha pomonae pabi petayapucaenaewi poxonae bapon tainchi barapomonae najei: ‘Apara bapon paxa copiniwa pichina. Daxota bapon bu bexotsi xainya xeinatsi barapo uva pabi’, najei barapomonae. <sup>39</sup> Barapo pexanto tatsi uva pabi juma bemaxu cayiyatsi. Baxotiya bexotsi”, jei Jesús.

<sup>40</sup> Nexata Jesús barai barapo jiwi Nacom pin pia botha, jeye: “Poxonae pabi pexeinaein patopaena, zeta be cana ichi tsane pomonaetha pomonae barapo uva pabi pia petayapucaenaewichi?” jei Jesús.

<sup>41</sup> Barapomonae Jesús jume notatsi, jeye:

—Bapon bewa jutebina barapomonae, jopa weyatae tsane barapomonaetha xua peantucoyeneyapube jiwixae. Bapoxonae itorobina ichamonae xua petayapucaenaenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonae tsabina pabi pexeinaein nexa yawa iruru barapomonae nexaru, jei barapo jiwitha pomonae peenaexae Nacom pin pia botha.

<sup>42</sup> Nexata Jesús barai barapomonae xua nayabara paeba, jeye:

—jPaxam bara bayatha payorobameba Nacom Pejume Diwesitha! Barapo diwesitha neyabara caunuta poxonae iboto yabara paeba, xua jeye:  
‘Pebiwi pomonae ibo bon peacabiwi,  
barapo pebiwi xuba po iboto tabu caboca  
po iboto peainya cui iboto.

Ichitha Nacom itapeta barapo iboto xua petabu cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana', jeichichi, jei Nacom Pejume Diwesitha xua neyabara caunuta.

<sup>43</sup> Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonae jiwana tatsi pam. Barapo coyenewa xua Nacom piamonae jiwana tatsi penaexanae coyenewa Nacom pichina painya xainya weya xua ichamonaetha pecatsinexa pomonaetha pomonae petsita juntu coyene xanepanaewichi.

<sup>44</sup> Incane iboto yabara paca tsipaebinchi. Barapo ibototha poxonae ichauyo jopeica peruwixi tsanaya. Matautano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jata coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaein, jei Jesús.

<sup>45</sup> Sacerdotemonae pia pentacaponae wi tatsi iru fariseomonae, poxonae jume tane barapo pecayabara jata pepaebi diwesi, xua Jesús paeba, barapomonae yaputane xua apara bara Jesús yabara paeba barapomonae. <sup>46</sup> Bequein barapomonae Jesús muxu pewaetabichi, ichitha barapomonae junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

## 22

*Meje yabara poxonae Jesús cuiduba pecayabara jata pepaebi diwesiyo xua pin penabanaewa peexanaewa tsane*

*(Lc 14.15-24)*

<sup>1</sup> Equeicha Jesús tsipaeba jiwitha pecayabara jata pepaebi diwesiyo, jeye:

<sup>2</sup> "Nacom cana exana piamonaetha pomonae juntu coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonae wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae. <sup>3</sup> Barapon pon jiwi itorobiya pia pepa peewatsinchi itoroba pomonae pia petanacuichiwichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane. <sup>4</sup> Bapoxonae barapon pon jiwi itorobiya pia pepa peewatsinchi equeicha itoroba ichamonae pomonae pia petanacuichiwichi, jeye barapomonaetha: 'Pomonae bayatha tsiwaban pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui wunaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponnem bara beya xua painya nenabanaenexa pexaewa, yaitama tsipei pinae pexanto tatsi pichina pecotsiwa, pajande', jei barapon pon jiwi itorobiya pia pepa peewatsinchi. <sup>5</sup> Daichitha barapomonae pomonae tsiwabatsi pexaewa, barapomonae jume naitemata, saya meisa u naitomatsiya exana piawan. Barapomonae jiwana pin pia pabitha pona. Iru ichan piawa caenaetauya.

<sup>6</sup> Ichamonaeru teica, pomonae pon jiwi itorobiya pia pepa peewatsinchi itoroba, barapomonae teicatsi. Yawano bichocono abe exainchi beya poxonae nama werapa.

<sup>7</sup> Nexata bapon pon jiwi itorobiya pia pepa peewatsinchi bichocono caseba pomonae petajutebixaetsi pomonae bapon itoroba. Nexata bapon itoroba pia soldadomonae xua barapomonae xuya pejutebinexa tsainchi matauta xua tomara petatautsinexa



tsainchi. <sup>8</sup> Bapon pirapae equeicha barai ichamonaetha pomonae pia petanacuichi-wichi jiwitha, jeye: ‘Bayatha bequein daxita wetan xua penabanaewa tsane, daichitha pomonae waban jopa xanepanaya nejume jejeyo daxota jopa bewa patsi tsane xua penabanaenexa. <sup>9</sup> Daxota paponde tomara namtontha, po namtontha pin namtontha, baxotiya pomonae poxonae pacaxibeibame, barapomonae painta wabare’, jei bapon. <sup>10</sup> Pomonae petanacuichiwi, barapomonae pona namton beya. Bapoxonae barapomonae, daxita pomonae caxiba namtontha, matacayiya pon jiwi itorobiya pia pepa peewatsinchi pia bo tatsi beya. Pomonae abe peexanaewino carendenatsi, pomonae xanepanaya peexanaewino carendenatsi, beya poxonae bo tutu nayacaxuba.

<sup>11</sup> “Nexata pon jiwi itorobiya pia pepa peewatsinchi bo tutu joniya petaenexa tsane pomonae pata. Bapon itabara tane pebin xua irurū pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonaetha, tsipei ichamonaetha pexeinya paparuwa nama xataba xua po paparuwa jiwi ba nama xataba poxonae pona penacaetutsiwatha xua penabanaenexa pexaewa poxonae pebin pecot-siwa pita. <sup>12</sup> Pon jiwi itorobiya pia pepa peewatsinchi barai bapon, jeye: ‘Tajiton, ¿eta xua metha xote naecame xua matauta jopa pexeinya paparuwa nama xatatsim?’ jei bapon. Ichitha bapon saya moya eca. <sup>13</sup> Bapoxonae pon jiwi itorobiya pia pepa peewatsinchi barai pomonaetha pomonae pexaewa carena tsaibi pexaethopaewatha, jeye: ‘Bapon pacobe caecunta cure yawa pataxu caecunta cure, yawa aisowa beya paxore ichaxota quirei. Baxota bapon wecoyei tsane yawa baxota nantanuweya nanta jayabina, bichocono peatenexae tsane’, jei pom jiwi itorobiya pia pepa peewatsinchi. <sup>14</sup> Barapon pon jiwi itorobiya pia pepa peewatsinchi bequein pinmonae waba ichitha saya tsiquimonaeyo pata penabanaewatha. Icha barapon ichi Nacom bara juta coyene ichiya cana ichi tsane jiwi. Nacom bequein waba pin bicheitomonae, daichitha saya tsicamonaeyo itapetatsi, pomonae Nacom pijimonae tatsi penaexanaenexa tsane”, jei Jesús.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi  
(Mr 12.13-17; Lc 20.20-26)*

<sup>15</sup> Nexata fariseomonae pona Jesús weya, caemonae natsipaeba najei: “¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonae waxainchi xain yopitatsi ichamonaetha xua bapon abeya wanaca jume notsiwaxae”, najei fariseomonae. <sup>16</sup> Bapoxonae barapomonae itoroba pia pepuna ponaewichi, matautano barapomonae itorobano pomonae Herodes pia pepuna jinompaewichi. Daxita barapo matabaxuyobe pata Jesthath pomonae fariseomonae itoroba. Barapomonae Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pex-einaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najupa. <sup>17</sup> Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena peponaein? Icha jopa tsipae ¿metha daxua abe tsipae? jeichichi Jesús barapomonae pomonae fariseomonae itoroba.

<sup>18</sup> Daichitha Jesús yaputane xua bichocono barapomonae abeya nanta xeina xua Jesús abe pecanaexanaenexa tsainchi. Jesús barai barapomonae, jeye:

—Paxam pomonae itara mexeya xanepanaya pepaebiwi pam, daichitha abeya pepaebiwi pam. ¿Eta xua metha pana nejuntũ coyene jũjtame poxonae baxua yabara pana neyainyabame? <sup>19</sup> Incane moya painta xawena tha taetsi barapo paratiyo, jei Jesús.

Bapoxonae barapomonae barapo paratiyo Jesús tacapoinchi. <sup>20</sup> Poxonae Jesús tane barapo paratiyo, bapoxonae yainyaba barapomonae, jeye:

—¿Jintam pejumopere? ¿Yawano jintam wũn ducuaire? jei Jesús.

<sup>21</sup> Nexata Jesús jume notatsi barapomonae, jeye:

—Apara romanomonae itorobiya pia pepa peewatsinchi, jei barapomonae.

Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae tatsi. Mataũtano bara Nacom pacare xua baxua irũ piawaxae tatsi, jei Jesús.

<sup>22</sup> Poxonae barapomonae jume tane xua Jesús beta xanepanaya jume nota, bapoxonae barapomonae yabara najũntũ cui coyene cabenaeca. Bapoxonae ponarũcũpa Jesús weya.

*Meje yabara poxonae Jesús yabara yainyabatsi po coyene xua equeicha asũ pomonae pewerapeibiwi*

*(Mr 12.18-27; Lc 20.27-40)*

<sup>23</sup> Bapoxonae caena barapo mataqueitha saduceomonae jiwana pata Jesús pia xantha tatsi xua Jesús piraichi petsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asũ tsaibiyo. Barapo pecuidubi coyenewa jopa jũpaeyo po pecuidubiwa Jesús pia pecuidubiwa tatsi xua pinae jiwi equeicha asũ jinompaena poxonae werapa. Daxota barapo saduceomonae Jesús tsipaebatsi jeye:

<sup>24</sup> —Pon jiwi Necuidubim, Moisés nacata tina, namchi: ‘Icha pebin piowa cuenta tũpa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>25</sup> Barichi, matha irũ cae peweicho caepiwi nabarũ jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonae pentapin pecoutha pexui pexeinaenexa. <sup>26</sup> Bapon irũ cuenta tũpa, irũ jopa xeinaeyo pexui. Bapoxonae ichũn xuyapin xuya barapowa pita xua pentapin coseuri pita. Bapon barichi irũ cuenta tũpa, irũ pexui jopa xeinaeyo. Daxita barapo siete poyobe cuenta nanapentapona bapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>27</sup> Bapoxonae matapainya irũ bapowa tũpa. <sup>28</sup> Xam Jesús, ba paebame, ba jam: Matabi jopaena po matabitha Nacom asũ exanaena, xua jiwi asũ exanaeinchi mũthũn wetsina, ba jam. Poxonae barapo matabi jopaena xua daxita jiwi asũ jujuinaena, barapo matabitha ¿jintam metha bapowa xuya pichinchi, xua ichũn pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>29</sup> Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Mataũtano jopa payaputaem Nacom pia peayapusũ itorobi coyenewa tatsi. <sup>30</sup> Poxonae petũpaewi equeicha asũ jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuatheicha jinompa, xua po matatsunpiwi jopa jitha enaeyo. <sup>31</sup> Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asũ jujuina. Barapo diwesitha Nacom jeye: <sup>32</sup> ‘Xan Abraham pia Nacomũn tatsin, irũ

Isaac pia Nacomun tatsin, iru Jacob pia Nacomun tatsin', jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowantsiwixaetsi Nacom barapomonae jame pia Nacom tatsi, pon itabocotha eca, jei Jesús.

<sup>33</sup> Poxonae jiwi jume tane pocotsiwa Jesús cuiduba, barapomonae yabara najuntu cui coyene cabenaeca.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mr 12.28-34)*

<sup>34</sup> Poxonae fariseomonae yaputane xua saduceomonae moya umena xua Jesús beta pejume notsixa, bapoxonae fariseomonae nacaetuta xua equeicha peyainyabiwanexa tsainchi Jesús. <sup>35</sup> Barapo fariseomonae caein jiwana, pon peyabara yaputaein Moisés pia peitorobi coyene tatsi, bapon ichichipa xua Jesús pejuntu coyene jajutswatsi xua icha bara metha Jesús abeya jume notsina. Bapon jeye Jestusta:

<sup>36</sup> —Ja pon jiwi Necuidubim, ¿eta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

<sup>37</sup> Jesús jume nota bapon, jeye:

—Po peitorobi cui coyenewa pepa ainya cui coyenewa jeye: ‘Antobeinde pon jiwi Pecanamataxeinaein, bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha’, jei. <sup>38</sup> Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba. <sup>39</sup> Po peitorobi coyene cotacaya itoroba ichaxota ba ‘dos’ jei, barapo peitorobi coyene be jume jupa po peitorobi coyene copiya ducua. Iruu barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha naantobem’, jei barapo peitorobi coyenewatha. <sup>40</sup> Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, iru pomonae Nacom peitorobi jume pepaebiwi pia pecuidubi coyenewatha baxua yabara paebaru, jei Jesús.

*Meje yabara poxonae Jesús nayabara jei: “Mesías, ¿jintam pia pemomoxi susato jiwana pin tatsira?” jei*

*(Mr 12.35-37; Lc 20.41-44)*

<sup>41</sup> Poxonae fariseomonae cataunxuae nacaetutompa bapoxonae Jesús yainyaba barapo fariseomonae, jeye:

<sup>42</sup> —¿Eta xua pacayabara nanta xeiname Mesías pon Nacom pia Peitapetsin? ¿jintam pia pemomoxi susato jiwana pin tatsira? jei Jesús.

Barapomonae Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemomoxi susato jiwana pin tatsi, jei fariseomonae.

<sup>43</sup> Bapoxonae Jesús barai barapomonae, jeye:

—David yabara paeba xua Mesías apara pia Pecanamataxeinaeinchi tatsi poxonae David cueicueije exanatsi Nacom pia Pejumope tuxaxu tatsi.

<sup>44</sup> David salmos penaxunae wei diwesitha bayatha jeye:

‘Nacom pon Pecanamataxeinaein jiwi,  
Tanecanamataxeinaein baraichi pon Mesías, jeichichi:  
Tacoza werena ecare, beya abu tsane poxonae  
necaaitafaetabi jiwi pia pecanamataxeinaeinchi

tatsi caexanaeinchi, jei Nacom',  
 jei David salmos penaxnae wei diwesitha.

<sup>45</sup> Icha David Mesías yabara jei: 'Bapon Mesías Tanecanamataxeinaein', jei, zeta xua metha tsipae xua Mesías apara David pia pemomoxi susato jiwana pin tatsi? jei Jesús.

<sup>46</sup> Daxita barapomonaе jopa itacupaetsi xua Jesús pejume notsiwatsi tsainchi, poxonaе pinae David paeba xua pinae jei: 'Bapon Mesías Tanecanamataxeinaein', jei. Bara nama barapo matabitha weya, equeicha nama Jesús jopa bepeyainyabiwatsi barapomonaе.

## 23

*Meje yabara poxonaе Jesús muxuweta jiwi xua pomonaе fariseomonaе iru pomonaе jiwi pecuidubiwi Moisés pia peitorobi coyene tatsi barapomonaе pecuiyainwa tatsi (Mr 12.38-40; Lc 11.37-54; 20.45-47)*

<sup>1</sup> Nexata Jesús barai pin bicheito jiwi iru pijimonaе, jeye: <sup>2</sup> "Pomonaе jiwi pecuidubiwi Moisés pia peitorobi coyene tatsi iru fariseomonaе daxita barapomonaе pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba. <sup>3</sup> Pacui yabara jume cowande pocotsiwa barapomonaе pia pecuidubi coyenewan tatsi. Matautano paexande pocotsiwa barapomonaе paca itoroba. Daichitha jopa paexanaeinde pocotsiwa barapomonaе exana tsipei barapomonaе itara beta pepaebiwi daichitha yabara jume toxeinchiya catsawiya exana, barapo peitorobi coyenewan. <sup>4</sup> Barapomonaе be pocotsimonaе poxonaе ichamonaе itorobatsi xua pecaponaewa pocotsiwa arewe, pocotsiwa jiwi bapana jopa itacupaetsi xua pecaponaewa. Daichitha barapomonaе jopa yawenaeyo pocotsiwa ichamonaе itorobatsi. Matautano barapomonaе jopa tayoichaeyo cae cobesitiyotha. Icha barapomonaе ichi poxonaе ichamonaе itorobatsi xua pecaponaewa pocotsiwa bichocono arewe, barapocotsi jata coyeneya ichi pomonaе jiwi pecuidubiwi Moisés pia peitorobi coyene tatsi, iru fariseomonaе, daxita barapomonaе itoroba pia pecuidubi coyenewatha pocotsiwa paxam painya neexanaenexa. Ichitha barapomonaе jopa exanaeyo baxua. Pocotsiwa barapomonaе paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan. <sup>5</sup> Barapomonaе ichichipa nawita xua jiwi pecui taewa tsane pocotsiwa poxonaе barapomonaе exana xua bapoxonaе jiwi penanta xeinaenexa xua barapomonaе bara pejuntu coyene xanepanaewi. Daxota barapomonaе tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxutha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Matauta barapomonaе nama xataba po paparuwan bichocono apipiya deca, beyacaincha xua poxonaе ichamonaе nama xataba po paparuwan apipiya. <sup>6</sup> Matauta barapomonaе nanta caxunaeneiba ichaxota nanta caxunaeneiba pomonaе peainya cui jiwi penaexanaewi. Matautano barapomonaе judiomonaе pia penacaetutsi bontha ichichipa nawita xua nanta caeneiba ichaxota enathopeiba pomonaе peainya cui jiwi penaexanaewi. <sup>7</sup> Matauta barapomonaе ichichipa xua jiwi pejacobeibiwa tsane namtontha barapomonaetha, xua jiwi pebaru cui itura jineibinexa barapomonaе. Matautano barapomonaе ichichipa nawita xua jiwi ainya cui pecana exanaewa barapomonaе poxonaе jiwi pejei tsaibinexa 'Pomonaе jiwi pecuidubiwi' poxonaе pejei tsaibinexa jiwi.

<sup>8</sup> "Ichitha nama paxam jopa bewa pacopatsim xua bara jiwi jacobiya paca necajei tsaibinexa: 'Pata pecuidubi jiwi pam', paca necajei tsaibinexa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam be caemonaе jiwi pam, saya jame panantautame bara caein pon ainya cui penaexanaein painya itatha. <sup>9</sup> Pomonaе po irathe jinompe jopa bewa wabi pajam

‘Axa’, jopa bewa pajam xua painya baru cui itura jinaexae pomonae jopa bequein barompaya painya axeiwi. Painya xoba jiwi baxua bara pajume copatame, tsipei paxam panantaıtame bara caein painya Axa, pon pabarı cui itura jiname pon peitabocotha eca. <sup>10</sup> Mataıtano jopa bewa pacopatsim xua bara jiwi jacobiya paca necajei tsaibiwa: ‘Pata necanamataxeinaewi pam’, paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam panantaıtame bara caein pon painya Necanamataxeinaein, jame apara bapon meisa Cristo. <sup>11</sup> Icha pon paxam jiwana, icha bapon ichichipa naexana be pocotsin canamataxeina ichamonae bapon matha bewa copiya daxita paxam beta amanaya pacata nacuichina. <sup>12</sup> Pon xua pia coutha peainya cui jiton naexana pejıntı coyenetha, Nacom exanaena xua bapon pecui pawı jiton naexanaena. Ichitha pon xua pecui pawı jiton naexana, pejıntı coyenetha, Nacom exanaena xua bapon peainya cui jiton naexanaena.

<sup>13</sup> “ıPaxam pomonae Moisés pia peitorobi coyene tatsi painya necuidubiwi jiwi pam tsobenaem! ıPaxam ırı pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyeneyapubeya paexaname xua poxonae jiwi bequein ichichipa naexana Nacom piamonae tatsi jiwana. Paxam jopa pajume cowıntsim Nacom yawa jopa pacopatsim xua ichamonae ırı pejume cowıntsiwa Nacom.

<sup>14</sup> “ıPaxam pomonae Moisés pia peitorobi coyene tatsi painya necuidubiwi jiwi pam tsobenaem! ıPaxam ırı pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta werapaewaxichi piseurixi, barapowaxi pacueranta ename pia bon. Naemata Nacom pawıqueibame. Jopa cuinaya pana najume copababeibim poxonae pawıqueibame Nacom tsipei paichichipame nawita xua jiwi xanepanaya paca necayabara paebiwa xua bara cou paxam pejıntı coyene xanepanae jiwi pam. Daxota poxonae po mataqueitha Nacom yabara paebina daxita jiwi penatsicuentsiwa barapo mataqueitha Nacom bichocono paca peraxa jubina, beyacaincha poxonae peraxa jubinchi pomonae pacuidubame.

<sup>15</sup> “ıPaxam pomonae Moisés pia peitorobi coyene tatsi painya necuidubiwi jiwi pam tsobenaem! ıPaxam ırı pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam tajı beya paponame daxita carepayan beya, xua painya cana exanaenexa ichınthı xua bapon pejume cowıntsiwa tsane painya necuidubi coyenewan xua bapoxonae bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyo, icha paca cana ichi tsane poxonae paca bebaı tsane barapo nacuatha.

<sup>16</sup> “ıPaxam abe peexanae jiwi tsobenaem pam! Paxam barapocotsi coyeneya jıta panacana exaname, icha be pon peitata nacıtsin ichi xua poxonae ichın matacapoinchi pon ırııtı peitata nacıtsin. Paxam ichamonae ba pacuidubeibame ba pajam tsaibim: ‘Icha ichın nayabara cui wınae tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wınthaxae tatsi, poxonae jei, baxua ba jopa ainya cuiyiyo poxonae ichın nayabara cui wınae tsimuxu duta bapocotsi wınthı’, ba pajam tsaibim xua ichamonae poxonae pacuidubeibame. Mataıtano ba pajam tsaibim: ‘Icha ichın nayabara cui wınae tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wınthı pocotsiwa daedaena po oro nain coroton Nacom pin pia botha tatsi eca, poxonae jei, baxua ba xua bapon exana bapocotsi wınthı, baxua jame ainya cui poxonae barapon barapo wınthı nayabara cui wınae tsimuxu dubeibina’, ba pajam tsaibim poxonae pacuidubeibame. <sup>17</sup> ıPaxam barapocotsi

coyeneya j̄uta panacana exaname, icha be pomonae matasipa daunwei ichi poxonae jopa beta jume cow̄antsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonae aisowa beequiya Nacom pin pia bo weya jopa ainya cuiyiyo. Jame saya meisa poxonae bo tututha eca bapoxonae ainya cui barapo oro nain, tsipei barapo bo ainya cui cana exanatsi. <sup>18</sup> Matauta ba pajam tsaibim: ‘Icha ich̄un nayabara cui w̄nae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa w̄ntha xua ichaxota duwei tauteiba xua tuxusi exaneiba Nacom nexa, poxonae jei, baxua ba bapon jopa bewa exanae poxoru baraxua xua be pexaethopaewa jopa ainya cuiyiyo poxonae ich̄un nayabara cui w̄nae tsimuxu duta bapocotsi w̄ntha’, ba pajam tsaibim poxonae ichamona pacuidubeibame. Matautano ba pajam tsaibim: ‘Icha ich̄un nayabara cui w̄nae tsimuxu duta xua jeye: Xaniwaicha bara exanaein pocotsiwa xua catsipaebatsi duwei w̄ntha po duwei xua bocopiya ichaxota xua be pexaethopaewa w̄ntha, poxonae jei, baxua ba bapon jame bewa exanae poxoru po duwei xua bocopiya ichaxota xua be pexaethopaewa, baxua jame ainya cui poxonae bapon barapo w̄ntha nayabara cui w̄nae tsimuxu dubeibina’, ba pajam tsaibim poxonae pacuidubeibame. <sup>19</sup> ¡Paxam barapocotsi coyeneya j̄uta pana cana exaname, icha be pomonae matasipa daunwei ichi poxonae jopa beta jume cow̄antsiyo Nacom! Pocotsiwa xua be pexaethopaewa ichaxota duwei tauteiba xua tuxusi exana Nacom nexa, poxonae tauta baraxua xua be pexaethopaewa bichocono ainya cui, beyacaincha ainya cui poxonae duwein aisowatha bexuba xua saya pexaenexa. Tsipei duwei saya ainya cui poxonae pocotsiwa xua be pexaethopaewatha bocopiya poxonae petuxusi exanaewa tsane Nacom nexa. Bapoxonae barapo duwein ainya cui, tsipei baraxua xua be pexaethopaewa ainya cui cana exanatsi. <sup>20</sup> Daxota pon nayabara cui w̄nae tsimuxu duta xua be pexaethopaewa w̄ntha, xua ichaxota duwei tauteiba xua tuxusi exaneiba Nacom nexa, saya meisa jopa barapo w̄nathiyo, matautano jame nayabara cui w̄nae tsimuxu dutsina duwei w̄ntha, po duwein baxota bocopiya. <sup>21</sup> Matautano pon nayabara cui w̄nae tsimuxu duta Nacom pin pia bo w̄ntha tatsi, saya jopa meisa barapo w̄nathiyo, matautano jame nayabara cui w̄nae tsimuxu dutsina Nacom pew̄ntha tatsi. Tsipei bara Nacom pin pia bothaxae eca. <sup>22</sup> Daxota pon nayabara cui w̄nae tsimuxu duta itaboco w̄ntha, saya meisa jopa barapo w̄nathiyo, matautano jame nayabara cui w̄nae tsimuxu dutsina Nacom pia pexeinya peecaethopeibiwa tatsi w̄ntha beicha matauta Nacom pew̄ntha tatsi pon baxoteicha eca.

<sup>23</sup> “¡Paxam pomonae Moisés pia peitorobi coyene painya necuidubi jiwi pam tsobenaem! ¡Paxam pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam ba caewaxi pajiwana wetsabeibame xua painya catsibeibinexa Nacom poxonae diez xoyobe paxeineibame xua pocotsiwa painya nēbiwan. Barichi pacana exaname tsiqui xutixitha po xutoxi pew̄n menta, matautano po pexuno pew̄n anís barichi matautano po pexuno pew̄n comino. Bara bequein barapo coyene paexaneibame, daichitha jopa paexanaem pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara naj̄ant̄u coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cow̄antsinexa Nacom. Daxita barapo coyenein jame maisa paexanare, muxuna pa-eexanaponde po coyene copiya pa-eexanaponame, po coyene poxonae pajiwana nonotaponeibame poxonae pocotsiwan diez xoyobe paxeineibame, xua pocotsiwa painya nēbiwan. <sup>24</sup> ¡Paxam barapocotsi coyeneya j̄uta pana cana exaname, icha be pon peitata nac̄tsin ichi xua poxonae ich̄un matacapoinchi pon ir̄ur̄u peitata

nacutsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi jüta coyeneya paexaname icha jiton ichi poxonae mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

<sup>25</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam jopa ba juniya paexaneibim poxonae meisa panaperu iquicame. Daichitha bupana iya painya juntu coyenetha pecaibi coyene paxename, peuwi coyeneno paxename. Be barapocotsi jiwi pam pocotsimonae coroton saya matawacaicha iquica yawa paratonno, ichitha atutuxuira bichocono. <sup>26</sup> Paxam fariseomonae pam, pocotsi jiwimonae pam pomonae be peitata nacutsi jiwi pam. Copiya matha pana najantu cui coyene barapende barapo painya neajuntucoyenebewan, barapoxonae jame xanepanaya painompaename.

<sup>27</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Jiwi ba inyapana exana xua pocotsiwa jiton petupaein peyamuthu acatabiwatsi. Bequein bara baxua inyapana daichitha xua matha bocareca bichocono ayei xua jiton petupaein. <sup>28</sup> Barapocotsi jüta coyeneya paexaname, icha be pocotsi coyene peayeewa ichi xua jiton petupaein. Bequein panaperu wunaetame, daichitha painya juntu coyene abe bichocono. Bequein jiwi paca yabara nanta xeina poxonae paca cui tane xua paxam deta cou pejuntu coyene xanepanae jiwi pam Nacomtha, daichitha painya juntu coyene bichocono paajuntucoyenebem. Matautano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

<sup>29</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam petupaewi pomonae Nacom pia peitorobi jume pepaebiwi payamuthu acabame boutixi. Matautano pomonae pejuntu coyene xeicae jiwi payamuthu itupana exaname. <sup>30</sup> Matauta naerabiya pana najam: ‘Icha caena bayatha jinompaetsipatsi poxonae wamo susato jiwi jinompa metha jopa cueicha yawenaetsipaetsi poxonae barapo Nacom peitorobi jume pepaebiwi jutebatsi’, pana najam. <sup>31</sup> Barapo jumetha poxonae baxua pacaunutame, barapara barapo cui coyene paexaname, icha painya amo susato jiwi ichi poxonae barapo juntu coyeneya exana poxonae jutebatsi Nacom pia peitorobi jume pepaebiwi. <sup>32</sup> ¡Painya amo susato jiwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jiwi ichi poxonae tamropata notarucupa xua barapo Nacom pia peitorobi jume pepaebiwi jutebatsi.

<sup>33</sup> “¡Maisa paxam pomonae pemuxuitorobi jiwi pam! ¡Daxota be jomomonae pacui jurame poxoru jomo ba cuitaya ducupa nawa! Bara paichim anoxuae bequein paichichipame xua Nacom pacuitaya ducupame xua abe paca exanaeyainwa. Ichitha Nacom paca itorobina ichaxota isoto jopa itacounayiyu. Jopa papanenebiyaem tsane barapo isoto weya. <sup>34</sup> Itorobicaein painya xantha pomonae taitorobi jume pepaebiwi. Matauta itorobicaein pomonae peyaputaewi. Matautano itorobicaein pomonae jiwi pecuidubiwi Moisés pia peitorobi coyene tatsi. Ichitha barapomonae pajiwana jutebiname. Ichamonae naetha pacobe matabobiname painya jutebinexa tsane. Ichamonae judiomonae pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonae taitorobi jiwi. <sup>35</sup> Daxota

Nacom paca cana exanaena xua paca peraxa exanaena xua daxita pomonae pejuntũ coyene xeicae jiwi pejujutebaponaexaetsi painya nacuatha. Painya amo susato jiwi jujutebapona pomonae pejuntũ coyene xeicae jiwi. Copiya matha Abel bexotsi pon pejuntũ coyene xeicaein pon bequein jopa abe exanaeyo, beya poxonae irũũ Zacarías bexotsirũ pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocotsiwa be pexaethopaewa xua ichaxota tuxusi exana Nacom nexa xua irũ baxota uncua pepa Nacom pia boyo tatsi xua naitama taeuncuabe. <sup>36</sup> Bara xaniwaicha paca tsipaebatsi pomonae xua anoxuae pajinompame bichocono paca peraxa jubebina tsipei daxita paxam barapara Nacom tsitatsi xua paxam patsita xeiname penatsicuentsiwa xua painya amo susato jiwi pejujutebaponaexae pomonae pejuntũ coyene xanepanae jiwi xua irũũ paxam painya nejutebaponaexaerũ”, jei Jesús.

*Meje yabara poxonae Jesús Jerusalén tomarapiwi siwa wecoyeichi  
(Lc 13.34-35)*

<sup>37</sup> Bapoxonae Jesús yabara unthuthũ wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam pajutebeibame pomonae Nacom pia peitorobi jume pepaebiwi! ¡Mataũta paxam pajutebeibame ibotontha pomonae Nacom pacata itoroba! ¡Maisa be paca caetucaetuteibinchi, tapaca cayawenaewatsi tsainchi, icha wacara ichi poxonae naxoxi caetucaetuteta pecuarafetha! ¡Maisa be barichocuaein tsane, daichitha jopa paichichipaem! <sup>38</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. <sup>39</sup> Paca tsipaebatsi xua equeicha jopa pana netaem tsane beya abũ poxonae pana neyabara jam tsane: ‘¡Maisa bapon jiwi jũntũ coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 24

*Meje yabara poxonae Jesús yabara paeba xua ichamonae abe exanaena Nacom pin pia bo tatsi  
(Mr 13.1-2; Lc 21.5-6)*

<sup>1</sup> Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarũcupatsi pijimonae. Yawa pijimonae jeichichi:

—Maisa Nacom pin pia bo tatsi bepa wũnae, jei barapomonae.

<sup>2</sup> Daichitha Jesús jume barai barapomonae, jeye:

—¡Moya caepatiyo pataema! Bara xaniyan paca tsipaebatsi. Matacabi jopaena barapo mataqueitha ichamonae pomonae penanapaincha jinompaewi xua icha nacua werena peponaewi abe cana exanaena Nacom pin pia bo tatsi po bo anoxuae pataneme. Apra jopa cae ibotiyo nacopatuncuae tsane icha iboto peũmatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewũnaeya exanaena petsita itũtsi coyenewa poxonae daxita weraweracaenaba  
(Mr 13.3-23; Lc 21.7-24; 17.22-24)*

<sup>3</sup> Bapoxonae Jesús pijimonae barũ pona demxuwatheicha po demxuwa pewũn demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewũnaeya tsita itapeinya xeinaena xua poxonae patopeicaename, mataũtano xua poxonae imoxoyo daxita weraweracaenaba? jei Jesús pijimonae tatsi.

<sup>4</sup> Nexata Jesús barai, jeye:



—Dota pam bu ichamonae naerabiya paca muxu tsipaeba xua daxota abe paexanaetsipame. <sup>5</sup> Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan Mesías’, jei tsane. Poxonae barapomonae muxuitorobiya paebina bapoxonae pinmonae jume cowantsina. <sup>6</sup> Pajume taename xua jiwi juinya nabenoutsina xote yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewnaeya matha copiya tsane. Daichitha cataunxuae dapo matabi aichica tsane xua poxonae daxita weraweracaenaba yatsicaewa. <sup>7</sup> Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichandu pon icha nacua peewatsin, baraponbe iruru nantiya nabenabe. Matautano ainya nacuantha pin jainbo nacua tsane tsipei pin mayayo tsane. Matautano domae tsurucuae tsane ainya nacuantha. Matautano ainya nacuantha ira jijiyatsina. <sup>8</sup> Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

<sup>9</sup> “Bapoxonae jiwi paca teiquebina, paca atene exanaena matautano paca jutebina. Daxita nacuanpiwi paca casebina painya tana nejume cowantsixaemxae. <sup>10</sup> Barapo matabintha jiwi pentsina xua Nacom pejume cowantsiwatsi. Matautano daxita jiwi nacasebina, matauta barapomonae piamonae caenaetsina ichamonaetha. <sup>11</sup> Pinmonae tsana pateibina, pomonae jiwi pemuxuitorobiwi. Tsana jei tsane: ‘Xan Nacom peitorobi jume tapaebin, Nacom yabara paca cuidubinchi’, jei tsane. Barapo pemuxuitorobi diwesi jume pinmonae jume cowantsina barapo diwesi. <sup>12</sup> Pinmonae jopa juniya abe exanaponae tsane daxota jiwi, jopa caemonae nantiya naantobe tsaibi tsane. <sup>13</sup> Ichitha pon awiya xua antuyapusuya nejume cowantsiya poponaena xua beya yacuiya tupaeya jopaena poxonae bequein abe taexanatsi ichamonae, bapon jame Nacom napaeba cana exanaena. <sup>14</sup> Tamonae capanaena tapexeinya jume diwesi po diwesi xua Nacom waba jiwi petanaexanaenexatsi pijimonae pomonae itorobiya peewatsixae. Barapo diwesi tajiwiimonae pomonae tanejume cowantsi jiwi paebinoutsina daxita jiwitha. Poxonae barapo diwesi daxita nacuanpiwi jume taena, bapoxonae daxita barapo jiwi yaputaena xua bara matabi imoxoyo jopaena po mataqueitha poxonae daxita weraweracaenaba.

<sup>15</sup> “Daniel, pon Nacom peitorobi jume pepaebin bapon caena bayatha yabara tsiwanaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichan Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matabi jopaenaba poxonae daxita weraweracaenaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitaewatsina pia peyaputaenexa tsane”, paca jeichi.)

<sup>16</sup> Cataunxuae Jesús cueicueijei, jeye: “Poxonae bara pocotsiwa pataename bapoxonae pomonae Judea nacua jinompa, barapomonae bewa demxuwan berucupaena. <sup>17</sup> Barapo matabitha pon bo matatupatha uncu bapon jopa bewa botha joniya tsane xua penotsiwa tsane pocotsiwa tabobeinchi bomxu tututha. Saya jame bewa nainya benaetsiricuaena. <sup>18</sup> Iruru pon pabitha popona bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricuaena. <sup>19</sup> ¡Pai yabuxi tsobenae powaxi pexui burana taenatsi barapo matabitha! ¡Pai powaxi iru pexui isaina, barapowaxi tsobenaeru! Tsipei acabe tsobenae tsane pexui. <sup>20</sup> Poxonae pewnaeya tsane baxua Nacom rawucare xua jopa painya nerucupaewa tsane poxonae awabo peaquexae bichocono, matautano xua jopa painya nerucupaewa tsane poxonae pentaquei seicae matabitha. <sup>21</sup> Tsipei barapo matabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae

tsane poxonae bichocono jiwi pin peraxa. <sup>22</sup> Icha Nacom jopa be caentacabiyobe exanaetsipae, metha dapomonaе ajibi tsipae pomonaе panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonaе, pomonaе pia peitapetsiwixae tatsi.

<sup>23</sup> “Bapoxonaе icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, baxuan jopa pajume cowantsinde barapo jumein. <sup>24</sup> Tsipei pomonaе pemuxuitorobi jiwi tsana patsina. Barapomonaе natsicotaena icha be xan ichi ponxaein Mesías. Matautano barapomonaе natsicotaena icha be pomonaе Nacom peitorobi jume pepaebiwi ichi tsane. Barapomonaе pexeinya petsita itatsi coyenewan exanaena peitabocotha, po irathe tsaneno xua jiwi pemuxuitorobinexa tsainchi, xua jiwi pejume cowantsinexa pocotsiwa barapomonaе paeba. Barichiru pomonaetha pomonaе Nacom pia peitapetsiwi tatsi pemuxuitorobinexa tsainchi, xua iruru icha metha barapomonaе pejume cowantsinexa tsaneru pocotsiwa barapomonaе paeba. Ichitha jopa itacupaetsi tsainchi xua barapomonaе pemuxuitorobiwa tsainchi. <sup>25</sup> Baxua tsiwanaya yabara paca tsiwanae muxu dutatsi. <sup>26</sup> Daxota icha jiwi paca jei tsane: ‘Pataema bapon Mesías uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesías xote uncue bomuxu tututha’, icha paca jei, jopa baxua pajume cowantsinde. <sup>27</sup> Icha yamuxu ichi poxonaе jemeicha yacoicha uncueica xua coicha nayotaxuba itabocotha, barichi tsane po mat-acabitha patopeicaein jemeicha. Xan ponxaein Nacom Tananeitapetsin tsita naitatsin daxita jiwi. <sup>28</sup> Quequeremonaе ba nacaetuta ichaxota baurin boca. Bara juta paichim tsane. Paxam pomonaе tana nejume cowantsi jiwi pam, pana newanae ewatsiname po mataqueitha patopeicaein. Bara po mataqueitha pana nacaetutsiname”, jei Jesús.

*Meje yabara poxonaе Jesús nayabara paeba xua poxonaе equeicha patopaetsica poxae Nacom pia Peitapetsin*

*(Mr 13.24-37; Lc 21.25-33; 17.26-30, 34-36)*

<sup>29</sup> Equeicha Jesús namchi: “Po maticabin poxonaе nacui wetsina xua jiwi pin peraxa tsane, bapoxonaе xometo nainya naquitabina. Jomocoichato jopa pentha tsane. Opiteiton peitaboco weothopeicaena. Matauta Nacom napuna torobabiyaena xua xuan itabocotha dubena. Bapoxonaе jopa xapain dubenae tsane. <sup>30</sup> Bapoxonaе daxita jiwi taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonaе daxita nacuanpiwi netaena xua patopaein, barapomonaе pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peayapuru itorobi coyenewatha, matautano bichocono pexeinya itupanae coichatha patopeicaein. <sup>31</sup> Matautano itorobin tamatatsunpiwi xua bichocono daunweya peobinexa tsane, po peobiwa pewun trompeta. Poxonaе baxua jume taena tamatatsunpiwi inta caetutsina pomonaе taitapetsiwi. Nacaetutsina daxita nacuanpiwi jiwana, iru ichamonaе pomonaе ichaxota xometo weecoinapiwi jiwana, iru ichamonaе pomonaе ichaxota xometo bejopiyapiwi jiwana, iru ichamonaе pomonaе pocotsiwa werenepiwi jiwana, iru ichamonaе pomonaе pocotsiwa berequepiwi jiwana”, jei Jesús.

<sup>32</sup> Equeicha Jesús jeye: “Pajume taema barapo pecayabara juta pepaebi diwesiyo xua higuera nae xua painya nenacuidubiwa tsane. Poxonaе ba pataneme xua pena noxu xuxuwapona, bapoxonaе ba payaputaneme xua bara imoxoyo wei tsurucuae tsoponaе, xua pentono perubenaenexa. <sup>33</sup> Barapocotsi juta coyeneya ichi tsane poxonaе pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxonaе payaputaename, xua bara imoxoyo tsane xua tapatopae wunaе tsane. <sup>34</sup> Bara xainyeya paca tsipaebatsi daxita judiomonaе naitapataya naexanaponaena beya yacui othopaena poxonaе Nacom exanaena daxita baxuan pocotsiwa xuaunxuae

paca tsipaebatsi. Bapoxonae barapo judiomonae weraweracaena. <sup>35</sup> Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesús.

<sup>36</sup> Equeicha Jesús jeye: “Po matabitha baxua exanaena, matauta po horatha baxua exanaena jiwi jopa baxuan yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matabitha baxua exanaena, matautano yaputane poxonae po horatha daxita exanaena baxua xuaunxuae paca tsipaebatsi”, jei Jesús.

<sup>37</sup> Equeicha Jesús jeye: “Icha matha ichi poxonae Noé caena bayatha popona jiwi jopa tsaqueinaeyo xua Nacom pin awubo exanaena methaunxuae. Saya barompaya icha juntu cuitha jinompa daxota jiwi werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowantsiyoxaetsi. <sup>38</sup> Barapo matabintha poxonae Noé popona poxonae cataunxuae pin ema jopa duneicaeyo, jiwi jopa tsaqueinaeyo xua bexa pin awubo tsane. Barapo jiwi juntea nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxonae po matabitha Noé pin jera naetha joniya. Bapoxonae pin ema mu jopa. Daxita Noé wepu bunothopatsi pomonae jinompa poxonae Noé popona. <sup>39</sup> Barapo jiwi jopa awubo yabara tsaca jinompaeyo. Barapoxonae jemeicha pin ema uncueica. Matauta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein. <sup>40</sup> Barapo mataqueitha ainya pebinbe nacuara nacuitauyaenabe pabitha. Ichun matatsunpin pichina, pejume cowantsixaetsi Nacom. Ichun saya cuenta ponaeinchi jopa pejume cowantsixaetsi Nacom. <sup>41</sup> Iru ainya yabyobe nacuara yacatoyorobauyaenabe. Ichowa matatsunpin pichina, pejume cowantsixaetsi Nacom. Ichowa saya cuenta ponaeinchi, jopa pejume cowantsixaetsi Nacom.

<sup>42</sup> “Tsaca rajinompeibare xua tapatopae wuna tsane, tsipei jopa payaputaem po mataqueitha patopaein ponxaein jiwi Tacanamataxeinaein. <sup>43</sup> Meje pocotsiwe payaputaema. Icha pon bo pexeinaein yaputaetsipa xua poxonae patopaena pon jiwi pecaibin, bapoxonae bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>44</sup> Daxota bara paichinde. Tawanaetha pana nacui wunaere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

*Meje yabara poxonae Jesús yabara diwesi paeba ponbe xua bo peyapucaecaeinbe pon xua beta peexanaein iru xua pon jopa beta peexanaein  
(Lc 12.41-48)*

<sup>45</sup> Equeicha Jesús namchi pijimonaetha pecayabara juta pepaebi diwesiyo xua pepatopaewa tsane, jeye: “Yabara paca tsipaebatsi pon matabapopona pomonae bo pexeinaein tanacuitatsi. Barapon xanepanaya yaputaeya matabapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaecaeinchi, jeye: ‘Inta beta matabapoponde, yawa inta beta pexaewa apare daxita matabi pomonae xua inta nacuita’, jei bo pexeinaein. <sup>46</sup> Pon bo petayapucaecaein bara juntu coyene weiweinaena poxonae patopaena pon bo pexeinaein petaexaetsi xua bara beta tayapucaeca bo, xuano bara beta peexanaexae pocotsiwa xua bo pexeinaein itoroba. <sup>47</sup> Xaniwaicha paca tsipaebatsi. Bo pexeinaein itorobina xua

pon petayapucaeacaetsi bo xua bapon cana exanaeinchi xua equeicha daxita piawan beta petayapuenawatsi xua xuan xeina pon bo pexeinaein. <sup>48</sup> Ichitha ichacuiitha pon bo petayapucaeacaein bapon peantꞩcuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae pon bo petayapucaeacaein. <sup>49</sup> Bapoxonae bapon cueinta pomonae pon bo pexeinaein tanacuitatsi. Mataꞩtano bapon nanabanaetsipa nawita ichamonae yawa cꞩpatsi nanaexanaetsipano. <sup>50</sup> Bapoxonae pon bo pexeinaein jemeicha patopaena poxonae pon bo petayapucaeacaein jopa wꞩnae tsaqueinaeyo. Poxonae bara po hora tsuxubi jopa yaputaeyo yawa poxonae barapo matabi tsuxubi jopa yaputaeyo. <sup>51</sup> Pon bo pexeinaein itoroba ichamonaetha xua pebenexatsi yawa peperaxa jubinexatsi tsainchi pon bo petayapucaeacaeinchi. Mataꞩtano itoroba xua barapomonae bapon pexubinexatsi ichaxota jinompa pomonae itara mexeya wꞩnaeya pepaebiwi ichitha abe peexanaewi. Barapo nacia bereca jiwi bichocono wecoyei pomonae abe peexanaewixae, mataꞩtano nantanuweya nantꞩ jayabina bichocono peatenexae”, jei Jesús.

## 25

*Meje yabara poxonae Jesús cuiduba pecayabara jꞩta pepaebi diwesiyo xua diez powayobe xua penowaxi*

<sup>1</sup> Nexata Jesús equeicha icha pecayabara jꞩta pepaebi diwesiyo cuiduba pijimonae, jeye: “Nacom cana exanaena jiwi xua pomonae peꞩntꞩ coyene itorobiya ewatsixae, icha pebin ichi poxonae diez powayobetha xua penowaxi cana exana powaxi bapana jopa perꞩ nacoyabiyo pebiwi. Barapo diez powayobe nota pia lámpan xua peewatsinexa pon pia pecotsiwa nacoyobina. Barapowaxi barompaya capona pia lámpan xua aceite epaca. <sup>2</sup> Icha cinco powayobe barapo diez powaxi jiwana, barapowaxi ita coxanatsi xua penacui wꞩnaetsiwa. Icha cinco powayobe ita coxone xua penacui wꞩnaetsiwa. <sup>3</sup> Barapowaxi powaxi ita coxanatsi xua penacui wꞩnaetsiwa barapowaxi poxonae lámpan cajjinca jopa muxuna cajjincaeyo icha aceite xua equeicha pemene epacaenexa poxonae ameneibi tsurubena. <sup>4</sup> Saya meisa powaxi yaputane xua penacui wꞩnaetsiwa jame barapowaxi pia lámpan muxuna cajjinca aceite xua equeicha pemene epacaenexa poxonae ameneibi tsurubena. <sup>5</sup> Tsipei pon imoxoyo pecotsiwa nacoyobina bapon jopa cuinaya patopae, daxota daxita barapo diez powayobe itamaipanaꞩcꞩpa. Matapainya maitaꞩcꞩpa. <sup>6</sup> Poxonae papae tsuxubi poxonae barapowaxi cataunxuae maita, bapoxonae jume tane pon wawai xua barapowaxi jeichichi: ‘Bara juinya dawerena pebin pon pecotsiwa nacoyobina. Bapon panta enare painya necobe jacobinexa’, jei pon wawai. <sup>7</sup> Daxita barapo diez powayobe nacosabarꞩcꞩpa. Mataꞩta equeicha icha aceite epacaꞩcꞩpa xua bapoxonae peoicha exanaenexa. <sup>8</sup> Bapoxonae icha cinco powayobe, powaxi jopa nacui wꞩnaetsiyo jeye ichawaxitha xua cinco powayobetha: ‘Panecatsibare icha aceite meraxi pata tha equeicha mene epacaetsi, yaitama pata lámpan acueicheibi’, jei barapowaxi. <sup>9</sup> Ichitha powaxi penacui wꞩnaetsiwaxi jume barai, jeye: ‘Aibi apara, canta peyaxi barompaya pacajjinca pataxi, jopa pacajjincaeyo xua paxam nexaꞩ. Maisa ichaxota pecaenaetsithopaewa aceite bara bepaiyande matha pacomocare aceite xua painya nemene epacaenexa’, jei barapowaxi poxonae xua jume barai ichawaxitha. <sup>10</sup> Poxonae cataunxuae ichawaxi enapona xua pecomocaenexa aceite ichamonaetha, bapoxonaerꞩ pebin pecoutha patopa, pon pecotsiwa imoxoyo nacoyobina. Powaxi bayatha nacui wꞩnaeta napuna jojoniya bapontha xua penanabanaenexa pexaewa xua poxonae barapo pexaewa jiwi tsinacaetuta xua penabanaenexa poxonae barapo pebin pecotsiwa nacoyobina. Bapoxonae bomꞩꞩ bichocono boupa cateitabanota. <sup>11</sup> Bapoxonae pirapae yo ichawaxi pata powaxi aceite siwayiya, jeye: ‘Pata Tanecana-mataxeinaem, painta boupa saranaxorena’, jei barapowaxi. <sup>12</sup> Ichitha bapon barapowaxi

jume baraichichi, jeye: ‘Canta jopa paca yaitaetsi’, jei bapon”, jei Jesús, xua pijimonaе tsipaeba.

<sup>13</sup> Bapoxonae Jesús barai pijimonaetha, jeye: “Tawanaetha pana najuntа coyene wаnаere, tsipei jopa payaputaem po maticabitha patopaein, matautano jopa payaputaem po horatha patopaein ponxaein Nacom Tananeitapetsin”, jei Jesús.

*Meje yabara poxonae Jesús paeba pecayabara jаta pepaebi diwesiyo xua paratixi yabara*

*(Lc 19.11-27)*

<sup>14</sup> Equeicha Jesús pijimonaе cuiduba pecayabara jаta pepaebi diwesiyo xua paratixi, jeye: “Anoxuae ichichipan xua tapaca tsipaebiwatsi po coyene xua xan beta matomacan pomonaе inta beta penacuichiwi pomonaе Nacom juntа coyene itorobiya ewata. Barapo coyene jаpa icha be poxonae pebin ichi poxonae bara juntucuru warapaenaba icha nacia beya. Pewаnаeya poxonae warapaenaba matha waba pomonaе pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonae cataunxuae wаnаe ewatatsi xua pepatopaewa tsane. <sup>15</sup> Ichаnthа pomonaе barapomonaе jiwana cata cinco mil po paratiximonaеbe. Iru ichаnthа cata dos mil po paratiximonaеbe. Iru ichаnthа cata saya be cae mil po paratiximonaеbe. Bapon daxita barapomonaetha barompaya catsiba be pocotsi coyeneya barapomonaе yapu jаpatsi xua poxonae pecacomocaewa tsane barapo paratiximonaetha. Bapoxonae bapon warapa. <sup>16</sup> Pon catatsi cinco mil po paratiximonaеbe, barapo cinco mil po paratiximonaеbetha equeicha icha cinco mil po paratiximonaеbe matoma exana. <sup>17</sup> Barichi pon catatsi dos mil po paratiximonaеbe, barapo dos mil po paratiximonaеbetha equeicha matoma exana icha dos mil po paratiximonaеbe. <sup>18</sup> Ichithа pon catatsi cae mil po paratiximonaеbe, bapon mаthа sua iratha. Bapoxonae barapo mаthаtha bota barapo cae mil po paratiximonaеbe”, jei Jesús.

<sup>19</sup> Equeicha Jesús jeye: “Poxonae ainya maticabin yapucaewa, bapoxonae patopa pon paratixi catsiba barapomonaetha pon barapomonaе pia pecanamataxeinaeinchi tatsi. Bapon pia petanacuichiwichi pia paratixi matoma yabara yainyaba. <sup>20</sup> Copiya patopa pon cinco mil po paratiximonaеbe catatsi. Bapon icha cinco mil po paratiximonaеbe cata pia pecanamataxeinaeinchitha, yawa jeye: ‘Tanecanamataxeinaem, caena bayatha cinco mil po paratiximonaеbe necatame, equeicha icha cinco mil po paratiximonaеbe cata matoma exainchi’, jei bapon. <sup>21</sup> Pon pecanamataxeinaein jume nota, jeye: ‘Maisa juntа coyene wаnаem matautano xam ponxae cayabara jume cowаntatsi xua xanepanaya neexanebiwam pocotsiwa caitorobatsi. Tsipei inta xanepanaya beta exaname bequein poxonae be conothа caitorobatsi, daxota equeicha ichawa caitorobatsi xua bichocono nawita. Moya tabothа nebarа jonyama yawa nebarа juntа coyene weiweinare’, jei pon pecanamataxeinaein. <sup>22</sup> Bapoxonae pirapae ichаn patopa pon dos mil po paratiximonaеbe catatsi yawa jeye pia pecanamataxeinaeinchitha: ‘Tanecanamataxeinaem, caena bayatha dos mil po paratiximonaеbe necatame, equeicha icha dos mil po paratiximonaеbe cata matoma exainchi’, jei bapon. <sup>23</sup> Pon pecanamataxeinaein jume nota, jeye: ‘Maisa juntа coyene wаnаem matautano xam ponxae cayabara jume cowаntatsi xua xanepanaya neexanebiwam pocotsiwa caitorobatsi. Tsipei inta xanepanaya beta exaname bequein poxonae be conothа caitorobatsi, daxota equeicha ichawa caitorobatsi xua bichocono nawita. Moya tabothа nebarа jonyama yawa nebarа juntа coyene weiweinare’, jei pon pecanamataxeinaein”, jei Jesús.

<sup>24</sup> Equeicha Jesús jeye: “Bapoxonae matapainya patopa pon cae mil po paratiximonaеbe catatsi. Bapon atsaquiya jei pia pecanamataxeinaeinchitha: ‘Tanecanamataxeinaem, xan yaputan xua xam be barapocotsim pon jopa jiwі juniya itorobeibim. Matautano jiwі cobe itorobeibame xua penoteibiwa pocotsiwa

jopa jinyawiyo. Matautano pexaewa xua naweta noteibame ichaxota jopa ubim. <sup>25</sup> Daxota cacunuwatsi baxua neexanaeinxae tsipei metha inta pichipame barapo paratiximonaebe poxonae equeicha icha paratiximonaebe cata matoma exainchi daxota jinya paratiximonaebe muthatha xubotan. Xote barapo paratiximonaebe caewa cata canawitatsi', jei bapon. <sup>26</sup> Nexata pon pecanamataxeinaein namchi jeye: '¡Bepa maisa dapon abem, pon fifiname poxonae inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ubeibinyo. Matautano xua ichamonae cobe itorobeiban xua noteiba pocotsiwa jopa tawiyo. <sup>27</sup> Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxonae equeicha patopan, icha paratiximonae equeicha matoma xeinaetsipan xua equeicha inta pemataropeicha botsixaetsipae poxonae ichamonae nacowaeta barapo taparatiximonaebe', jei pon pecanamataxeinaein. <sup>28</sup> Bapoxonae pon pecanamataxeinaein barai pomonaе baxota umena jeye: 'Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina. <sup>29</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>30</sup> Matauta bapon pon inta beta jopa nacuichiyo bapon paxore peitaquirei nacuatha, xua barapo nacuatha pewecoyeinexa, xua nantanuweya penantu jayabinexa tsane', jei pon pecanamataxeinaein", jei Jesús.

*Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiwi*

<sup>31</sup> Equeicha Jesús pijimonaе tsipaeba, jeye: "Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitupanae ecaewatha xua tawa tayabara paebinexa daxita jiwi xua penatsicuentsiwa abe peexanaexae Nacomtha. <sup>32</sup> Jiwi nacaetutsina taitabaratha pomonaе daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonaе, matautano tsaba icha duweimonaeno, po duweimonaе pewun cabra. <sup>33</sup> Pon ovejamonaе peewatsin, bapon ovejamonaе cuaranoba pecoxa weya. Cabra duweimonaе petsocona weya cuaranoba. Bara cana jutiya ichin tsane jiwitha, icha pon ovejamonaе peewatsin ichi. Pomonaе xanepanaya peexanaewi tsana nobin. Pomonaе abe peexanaewi tsana nobin. <sup>34</sup> Bapoxonaе xan ponxaein jiwi itorobiya pepa Taewatsin baran tsane pomonaе tacoxa weya inta umena, jan tsane: 'Anetha paxam pomonaе Nacom, Taxa, paca juntu coyene weiweina exana. Pajoniyama Nacom pia peitorobi nacuatheicha. Bara xoteicha caena bayatha Nacom paca tsiwunaeta pocotsiwa xua paxam nexa, beya poxonaе barapo nacie forota. <sup>35</sup> Paca itacupa xua papatame baxoteicha, tsipei poxonaе jainpan bayatha, bapoxonaе pana neapatame pexaewa. Matauta tsipei poxonaе meratsipan, bapoxonaе mera pana neapatame. Matauta tsipei bayatha poxonaе patopan painya botha poxonaе be wawatsiyo coyeneya patopan daichitha pana nententa weyataeya wabame. <sup>36</sup> Matautano tsipei poxonaе bayatha jumasa patopan, bapoxonaе paparuwa pana necatame. Matautano tsipei poxonaе bayatha neromaeba yawa poxonaе atenein bara pana nesiwa poname painya tana neyawenaenexam. Matautano tsipei poxonaе jiwi pecabi botha neeta, paxam papatame painya tana nenecotsinexam', jan tsane xua ponxaein jiwi itorobiya pepa Taewatsin. <sup>37</sup> Nexata barapomonaе, pomonaе tacoxa weya inta peumenaexae pomonaе xanepanaya peexanaewi, nejei tsane: 'Pata Tanecanamataxeinaem, ¿eta poxonaе paca tainchi xua jainpame matauta xua poxonaе paca apatutsi pexaewa?

¿Eta poxonae paca cui tainchi xua meratsipame xua bapoxonae mera paca apatatsi?  
<sup>38</sup> ¿Eta poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? ¿Eta poxonae paca tainchi xua poxonae jumasa patopame xua bapoxonae paca catatsi paparuwa? <sup>39</sup> ¿Eta poxonae paca tainchi poxonae caromaeba xua poxonae atenemno xua bapoxonae paca siwa poinchi pata paca cayawenaenexatsi? ¿Eta poxonae paca tainchi poxonae jiwi pecabi botha caeta xua bapoxonae papatan pata cataenexatsi?’ nejei tsane barapomonae. <sup>40</sup> Bapoxonae xan ponxaein jiwi itorobiya pepa Taewatsin, jume notsin barapomonaetha jan tsane: ‘Xaniyan paca tsipaebatsi. Daxita po coyenewan paxam bayatha paexaname tamonae jiwitha poxonae bequein barapomonae jopa peainya cui jiwiyo, apara bara painta exaname’, jan tsane ponxaein jiwi itorobiya pepa Taewatsin.

<sup>41</sup> “Nexata xan ponxaein jiwi itorobiya pepa Taewatsin baran tsane pomonae tatsocona weya peumenaewi, pomonae jopa beta peexanaewi, jan tsane: ‘Panatsix-ibarucupare taxainya weya, tsipei paxam pomonae abe painya neexanae jiwi pam. Maisa po nacuatha isoto jopa cuinaya itacounayiyo baxota paponare. Barapo iso nacua caena bayatha Nacom yabara wunaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae. <sup>42</sup> Tsipei poxonae jainpan bayatha, jopa pexaewa pana necatsim. Matautano tsipei poxonae bayatha meratsipan, jopa mera pana neapatsim. <sup>43</sup> Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matautano tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jiwi pecabi botha ecan, paxam jopa pana nesiwa ponaem’, jan tsane. <sup>44</sup> Nexata pomonae abe peexanaewi nejume notsina, jei tsane: ‘Pata Tanecanamataxeinaem, ¿eta poxonae xua pata paca cui taewathatsi xua jopa paca yawenaetsi? ¿Eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecabi botha caeta? Daxita baxuan, ¿eta poxonae xua poxonae jopa paca yawenaetsi?’ nejei tsane barapomonae. <sup>45</sup> Xan ponxaein jiwi itorobiya pepa Taewatsin jume notsin barapomonae jan tsane: ‘Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jiwiyo xae, apara bara jopa painta exanaem’, jan tsane ponxaein jiwi itorobiya pepa Taewatsin. <sup>46</sup> Bexa bapoxonae tsane barapo abe peexanae jiwi ponaena po nacuatha bapana jopa nacui copatsi xua atene. Pomonae pentu cui xanepanae jiwi ponaena po nacuatha jiwi xeineiba peantucoyeneyapusawa, po peantucoyeneyapusawa ataya tsiteca”, jei Jesús.

## 26

*Meje yabara poxonae fariseomonae iru sacerdotemonae pia pentacaponaein tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mr 14.1-2; Lc 22.1-2; Jn 11.45-53)*

<sup>1</sup> Poxonae Jesús baxua daxita najume weta, bapoxonae pijimonae barai, jeye:

<sup>2</sup> —Paxam payaputaneme xua poxonae po baya tsane, jiwi nacaetutsina penabanaenexa pexaewa peyabara nanta xeinaenexa barapo matakabi xua poxonae caena bayatha matha judiomonae Egipto nacua weya panenebiya, po matakabi pewun Pascua matakabi wun. Barapo mataqueitha ichamonae necaenaetsina xua teparucua tanaexanaenexa tsane naetotha, ponxaein Nacom Tananeitapetsin, jei Jesús.

<sup>3</sup> Poxonae Jesús pijimonae baxua tsipaebuncua, bara caena barapo mataqueitha sacerdotemonae pia pentacaponaei tatsi nacaetuta. Irur̃ baxota nacaetuta judiomonae pia pitiri jiwi tatsi. Barapomonae daxita nacaetuta po tututha pon pew̃n Caifás pon sacerdotemonae pia pepa pentacaponaein tatsi pia pexeinya tutu botha tatsi. <sup>4</sup> Daxita barapomonae nabar̃ muxu jei xua bepa pinae eta bichi tsane poxonae Jesús nameicha waetabinchi xua pebexubiwa tsainchi. <sup>5</sup> Barapomonae najei:

—Ab̃ jopa waetabi tsainchi poxonae jiwi Pascua matabi w̃ntha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mr 14.3-9; Jn 12.1-8)*

<sup>6</sup> Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peper̃ sawinchi. <sup>7</sup> Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo w̃n bosib̃ atsato, xua bichocono w̃nca penasiwa xua petuxueiwa, po petuxueiwa bichocono ainya matoma. Poxonae Jesús eca pexaethopaewatha, bapoxonae barapo petsiriwa Jesús mata epatabatsi barapo petuxuei tuxusi nasiwatha. <sup>8</sup> Poxonae Jesús pijimonae tatsi tane baxua, barapomonae bichocono anaepana, yawa caemonae najei:

—¿Eta pocotsiwa metha saya baxua xuba jane? <sup>9</sup> Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jiwi, najei barapomonae.

<sup>10</sup> Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayar̃ xua pexeinya coyene inta exana. <sup>11</sup> Barapo irathe peacopeibi jiwi paca bar̃ jinompeibina painya neyawenaenexa tsaibi tsane barapo jiwi. Ichitha nama paxam jopa ataya paca bar̃ poponae tsainchi xua pata tana neyawenaenexam barapo irathe. <sup>12</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui w̃naeta xua m̃th̃ tana neboyaenexa poxonae t̃paein. <sup>13</sup> Bara xaniyan paca tsipaebatsi, daxita nacuantha poxonae jiwi cueicueijejei tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi*

*(Mr 14.10-11; Lc 22.3-6)*

<sup>14</sup> Nexata Jesús pijimonae tatsi pomonae doce poyobe tatsi, barapo doce poyobe jiwana bara caein, bapon pew̃n Judas Iscariote. Bapon Judas pona sacerdotemonae pia pentacaponaei tatsi beya xua petsipaebinexa barapomonaetha. <sup>15</sup> Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonae Judas pentoma catatsi treinta po paratiximonaebe, xua po paratixi bichocono matoma nawita. <sup>16</sup> Barapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonae bar̃ nabane Pascua w̃n matabitha*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Nexata copiya matabi jopa po matabi tsiwana penantacarucuae matabi, xua po matabintha poxonae jiwi tsinacaetutsina xua penabanaewa tsane pan, po



pan jopa muxunapentsiyo levadura matawun, pocotsiwa xua cotowa exana pan. Jesús imoxoyo caquita umenarucapatsi pijimonaе yawa Jesús jeichichino:

—¿Exota ichichipame xua ichaxota pexaewa paca tsinacui wunaetsinchi wana-banaenexa tsane xua Pascua wun matabi nexa? jei barapomonaе.

<sup>18</sup> Jesús barai pijimonaе, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tatupae wunaе tsane. Jinya tututha tajiwiwimonaе tha baru nabanaetsi pexaewa Pascua wun matabi nexa’, cajei pon jiwi Pecuidubin, pajande, jei Jesús pijimonaetha.

<sup>19</sup> Jesús pijimonaе tatsi bara exana pocotsiwa bayatha Jesús pijimonaе peitorobixae. Matautano barapomonaе pexaewa nacui wunaetajeba Pascua wun matabi nexa xua penabanaenexa.

<sup>20</sup> Poxonaе quirei tsanaicha bapoxonaе Jesús pijimonaе baru eca pexaethopaewatha pomonaе doce poyobe tatsi. <sup>21</sup> Poxonaе Jesús pijimonaе baru xunaeca bapoxonaе barai pijimonaе, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamonaе, jei.

<sup>22</sup> Nexata bapoxonaе Jesús pijimonaе tatsi unthuthu wecoyei tsurucupae, nexata daxita tsana jei tsoponaе Jesustha:

—Tanecanamataxeinaem, apara ¿xan cacaenaetaxubinchi? jei daxita barapomonaе xua Jesús tsana yainyabapoinchi.

<sup>23</sup> Jesús jume nota barapomonaе, jeye:

—Pon cae paratotha pana nabaru jajaucuncuaponanbe pan, bapon apara pon necaenaetaxubina ichamonaetha. <sup>24</sup> Xan ponxaein Nacom Tananeitapetsin bewa tupaеin, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wunaе tsipae icha bapon bayatha jopa naexaenae tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>25</sup> Nexata Judas pon Jesús caenaetaxubinchi bapon itacaretaba, jeye Jesustha:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

<sup>26</sup> Poxonaе Jesús pijimonaе baru xunaeca, bapoxonaе Jesús pecobetha pita pan yawa Paxatha tsipaeba, jeye: “Axa, maisa juntu coyene weiweinan xua pan pata tana necatsiwam”, jei. Bapoxonaе Jesús pecobetha pan epa janaca yawa catsiba pijimonaе. Bapoxonaе pijimonaе barai, jeye:

—Paxaema po pan epa janacan. Barapo pan apara yabara caunuta tapepon xua poxonaе tapaca tsitupaewatsi tsainchi, jei Jesús.

<sup>27</sup> Bapoxonaе Jesús equeicha pecobetha pita corotiyoyawa Nacomtha tsipaeba, jeye: “Axa, maisa juntu coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonaе Jesús pijimonaе cata corotiyoyawa pejiwana aapaponaenexa. Bapoxonaе jeye pijimonaetha:

—Daxita pa-aapaponde xua barapo cae corotiyotha. <sup>28</sup> Pena peyabara tsiwunaе muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonaе tupaеin. Barapo jana tsita itapeinya xeinaena xua jiwi pinmonaе, yabara jantemainaein abe pia peexanae cuiru coyenein tatsi. <sup>29</sup> Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane equeicha pena coyenewatha paca baru apaeinchi, barapo uva mera poxonaе Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mr 14.26-31; Lc 22.31-34; Jn 13.36-38)*

<sup>30</sup> Poxonae Jesús pijimonaе barу najume weta xua naxуna Nacom nexa, bapoxonae Jesús pijimonaе barу pona demxuwa beya. Barapo demxuwa pewуn demxu Olivowa, olivo naein peumenaexae baxota. <sup>31</sup> Nexata Jesús barai pijimonaе, jeye:

—Anoxuae barapo merawithe daxita pam pana necuentarуcуpaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiуnaeya jeye: ‘Poxonae ovejamonaе peewatsin bexubinchi, bapoxonae ovejamonaе tsanarуcуpaena’, jei Nacom. Penamchixae poxonae ichamonaе newaetabina tana nebexubinexa pana necuentarуcуpaename. <sup>32</sup> Ichitha taeyarapaeyo poxonae equeicha asу neexanaena, bapoxonae paca tsiwana patopiyaeinchi Galilea nacia beya poxonae bara beya paponaname, jei Jesús.

<sup>33</sup> Nexata Pedro Jesús jume notatsi, jeye:

—Bequein ichamonaе cacuentarуcуpaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

<sup>34</sup> Nexata Jesús Pedro jume baraichi, jeye:

—Bara xainyeya catsipaebatsi po merawithe, pewуnaeya poxonae beya ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>35</sup> Pedro Jesús baraichi:

—Bara bequein capuna tуpaeinchi ichitha baxua jopa cayabara paebi tsainchi, jei Pedro.

Iруу daxita Jesús pijimonaе tatsi bara jumichi, nanta jуpiya paeba.

*Meje poxonae Jesús Paxa tsipaeba ichaxota tsica iriyo, po iriyo pewуn Getsemaní (Mr 14.32-42; Lc 22.39-46)*

<sup>36</sup> Nexata Jesús pijimonaе barу patopa ichaxota tsica iriyo, po iriyo pewуn Getsemaní. Baxota Jesús barai pijimonaе, jeye:

—Xote abу paenare tha matha Taxatha tsipaebichi painya cuariyatha xotiye, jei Jesús.

<sup>37</sup> Jesús barу pona Pedro. Iру Zebedeo pexantobe tatsi Jesús barу pona. Bapoxonae Jesús bichocono уnthуthу wecoyei, yawa bichocono уnthуthу deideije. <sup>38</sup> Nexata barapo acoibi poyobetha Jesús barai, jeye:

—Bichocono jуntу coyene natsepiya wecoyan, tsipei muxu tatуpaе. Xote paenare, yawa payoyocare xua painya tana neбару naitaewatsinexam, jei Jesús.

<sup>39</sup> Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajуntуtaneyo. Bapoxonae Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthуthуtane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

<sup>40</sup> Nexata Jesús equeicha caibe iya pijimonaе tatsi beya poyobe xua acoibi poyobe, ichitha barapomonaе maita. Jesús Pedro baraichi, jeye:

—Maisa jopa paca itacуpaeyo xua pata tana neбару yoyocaewam xua poxonae bequein bara cae horatha. <sup>41</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonaе pia pentacaponaein tatsi piraichi paca jуntу coyene jуjуta. Painya jуntу coyene wetsina bichocono paichichipame xua Nacom painya netsipaebiwa ichitha painya pepon bichocono paacyenefaetabim xua painya netsipaebiwa Nacom, jei Jesús.

<sup>42</sup> Equeicha Jesús bara nama caeto pona xua Paxa petsipaebinexa. Poxonae Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajuntatane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

<sup>43</sup> Bapoxonae equeicha Jesús pijimonae beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua ita maipana. <sup>44</sup> Bara nexata Jesús equeicha saya cuentapona. Equeicha Jesús pona xua Paxa petsipaebinexa xua equeicha acoibi po cuiyobetha, barapo jumetha equeicha Jesús Paxa tsipaeba. <sup>45</sup> Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaende aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaein Nacom Tananeitapetsin ichan necaenaetaxubina ichamonaetha, pomonaetha pomonae peantucoyenebe jiwí. <sup>46</sup> Panacosapende, panonobapondeno. Antha bu poinchi. Dota dawerena pon necaenaetaxubina ichamonaetha, jei Jesús pijimonaetha.

*Meje yabara poxonae Jesús waetabatsi*  
(Mr 14.43-50; Lc 22.47-53; Jn 18.2-11)

<sup>47</sup> Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae baru patopa. Ichamonaetha cusin cajjinca. Ichamonaetha iwabi cajjinca. Daxota daxita barapomonae pata, tsipei sacerdotemonae pia pentacaponae tatsi iru pitiri jiwiru daxita barapo pentacaponae itoroba barapomonae. <sup>48</sup> Judas, pon Jesús caenaetaxubinchi, pewanaeya tsane xua poxonae patopa bapon cou tsiwanaya paeba barapo pin bicheitoha, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei. <sup>49</sup> Daxota poxonae patopa, bapoxonae Judas Jesús imoxoyo caquita poinchi, matauta nainya Jesús jeichichi:

—Pon jiwí Pecuidubim, xamda, jei Judas.

Bapoxonae nainya Judas Jesús tsutsubatsi. <sup>50</sup> Nexata Jesús jume nota, jeye:

—Ponxae tajitom, moya bara exande xua jinya necana exanaetsi, jei.

Nexata barapomonae pomonae Judas pebaru patopaexae barapomonae Jesús imoxoyo caquita umenarucupatsi, bapoxonae Jesús waetabatsi.

<sup>51</sup> Caein pon Jesús pijimonae tatsi jiwana, pon Pedro, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi, bapon muxuyoro catsonibatsi. <sup>52</sup> Nexata Jesús barai pijimonae jiwana jitontha, pon Pedro, jeye:

—Maise cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha. <sup>53</sup> ¡Maise xam jopa yaputaem! Icha ichichipan bara neitacupa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheitomonae xua tana neyawenaewa tsane. <sup>54</sup> Icha Taxa wucaetsipan xua bapon tana neyawenaewa tsane bapoxonae jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

<sup>55</sup> Nexata Jesús barai pomonaetha pomonae Judas baru patopa, jeye:

—Pacapatame cusin yawa iwabi be poxonae pacana ichim pontha pon jiwí pecaibin. Daxita matacabin Nacom pin pia botha tatsi paca baru poponeibatsi, paca cuidubeibatsino, daichitha bapoxonae jame jopa pana newaetabim. <sup>56</sup> Ichitha daxita baxuan neyabara canacui jume weta exana, bayatha penecui yabara wanae tsiwanaya paebixae pomonae Nacom peitorobi jume pepaebiwi, Nacom Pejume Diwesitha, jei Jesús.

Bapoxonae Jesús cuentarucupatsi pijimonae, meisa Jesús baru umeinchi pomonae Judas bayatha baru patopa.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

*(Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Pomonae Jesús teicatsi barapomonae Jesús capoinchi pon pewun Caifás itabaratha tatsi. Bapon Caifás, pon sacerdotemonae pia pepa pentacaponaein tatsi pon peainya cuin yatsicaya. Baxota iru nanacaetuta pomonae judiomonae pecuidubiwichi Moisés pia peitorobi coyene tatsi, iruru pitiri jiwi pomonae judiomonaexae. <sup>58</sup> Iru Pedro Jesús tsiwiyo tajru pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae imoxoyo naeca policiamonaetha pecui taenexa xua po coyeneya Jesús cana exanaeinchi pomonae nacaetuta.

<sup>59</sup> Sacerdotemonae pia pentacaponaein tatsi iru ichamonaeno, pomonae pecanamata caitorobi jiwi bicheito, daxita barapomonae jeita ichamonae pomonae xua Jesús naerabiya peyabara paebinexatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi. <sup>60</sup> Bara bequein pin bicheito pata xua Jesús abeya peyabara paebinexatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe. <sup>61</sup> Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acoibi po matabibibe barapo Nacom pin pia bo tatsi xanebin’, jei, jeibe baponbe.

<sup>62</sup> Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

<sup>63</sup> Daichitha saya Jesús moya uncua. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

<sup>64</sup> Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>65</sup> Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo. <sup>66</sup> ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>67</sup> Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano batusino. Ichamonae Jesús itabara tsaquibacotatsi. <sup>68</sup> Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomonae.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mr 14.66-72; Lc 22.56-62; Jn 18.15-18, 25-27)*

<sup>69</sup> Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabuyo, powa sacerdotemonae pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacupin, jei yabuyo.

<sup>70</sup> Ichitha Pedro jume matawenta bapowa, daxita jiwi peitutha tatsi. Pedro jeye:

—Jopa yaputaeinyo pocotsiwa xua yabara paebame, jei Pedro.

<sup>71</sup> Poxonae cataunxuae Pedro ecapona xua pia ponaetsi bomuxu coiboto beya, bapoxonae iru ichawayo Pedro tainchi. Barapowa tsipaeba ichamonae pomonae baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

<sup>72</sup> Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

<sup>73</sup> Equeicha bapoxonae pirapaeyo Pedro imoxoyo caquita poinchi pomonae baxota umena. Barapomonae Pedro jeichichi:

—Apara bara xam iruru bapon pijimonae tatsi jiwanam, daxota barapo jume coyeneya paebame, icha barapomonae ichi, jei.

<sup>74</sup> Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi, jopa dapon yaitaeinyo xuaunxuae pon payabara paebame, jei Pedro.

Bapoxonae iruru caena nainya wacara pebto fibaru. <sup>75</sup> Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo, neyabara jam tsane. Bapoxonae iru nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyeyi, peajantutanexae xua Jesús yabara paebatsi.

## 27

*Meje yabara poxonae Jesús capoinchi Pilato beya*

*(Mr 15.1; Lc 23.1-2; Jn 18.28-32)*

<sup>1</sup> Poxonae penta tsina sacerdotemonae pia pentacaponaeawi tatsi iruru judiomonae pia pitiri jiwi tatsi, daxita barapomonae yabara nacaetuta xua nanta jupaeya peburaya penanta xeinaenexa po coyeneya xua Jesús pebexubiwa tsainchi. <sup>2</sup> Daxita barapomonae equeicha Jesús maxu cutatsi. Bapoxonae Jesús yamaxu cutsiya capoinchi Pilato beya, pon Judea nacupiwipi peyanacua ewatsinchi xua romanomonae peitorobixae.

*Meje yabara poxonae Judas pia coutha nabexuba*

<sup>3</sup> Judas Jesús caenaetaxubatsi ichamonaetha. Poxonae bapon jume tane xua ichamonae Jesús yabara paebatsi xua bewa tupaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixaetsi. Daxota Judas equeicha caewa capona barapo treinta po paratiximonaebe. Sacerdote-monae pia pentacaponaeawi catatsi iruru pitiri jiwi catatsi. <sup>4</sup> Judas barai barapomonae, jeye:

—Poxonae pebin caenaetaxuban, xua jopa pon abe exanaeyo, xua poxonae ichamonae pebexubinexa xua pejana pichapabarena, xan apara bara abe exanan, jei.

Ichitha barapomonae Judas jume notatsi, jeye:

—Apara baxua jopa painta ainya cuiyiyo. Jame apara xam jinya coyam poxonae baxua cana exaname, jei.

<sup>5</sup> Nexata Judas barapo treinta po paratiximonaebe anaya xoya Nacom pin pia botha. Poxonae Nacom pin pia bo weya pona, bapoxonae Judas nabexuba pia coutha, nacoibo tathu catutaba athawetsica.

<sup>6</sup> Bapoxonae sacerdotemonae pia pentacaponaeawi tatsi nota po paratixi Judas bebaya. Bapoxonae barapomonae najei:

—Jopa naca copatsiyo xua barapo paratixi bara wajebinxexa Nacom pin pia botha tatsi nexa. Tsipei apara barapo paratixi taxoba poxonae barapo paratixitha comotatsi pebin xua ichamonae pebexubinexa, xua pejana pichapabarenaenexa, jei barapomonae.

<sup>7</sup> Bapoxonae daxita barapomonae peburaya nanta xeinarucupa, najei: “Waxainchi barapo paratixitha comotinchi tsica iriyo, po iriyotha jiton tsorobon noteiba xua juruwaton peexaneibinxexa. Barapo iriyotha tsane xua pemuthathuqueibinxexa tsainchi poxonae werapeibina pomonae penanapaincha jinompaewi xua icha nacua werena peponaewi”, najei. <sup>8</sup> Daxota barapo iriyo barapomonae wun duta po wun jeye: “Pejana ira”, jei. Po iriyo barapo wuntha cataunxuae jiwi wun ununutapona beya anoxuae. <sup>9-10</sup> Baraxua barapomonae exana xua bayatha pecui yabara tsiwunaeya wuna tsimuxu dutsiya jeixae pon Nacom peitorobi jume pepaebin, pon pewun Jeremías pon caena bayatha tupa. Bapon Jeremías jeye: “Israelmonae pia pentacaponaeawi tatsi catsina treinta po paratiximonaebe ichantha xua poxonae pecaenaetsixae tsainchi pon pejuntu coyene xeicaein. Barapo matomatha cana matomatsinchi pon pejuntu coyene xeicaein. Barapomonae baxua cana exanaena bapontha tsipei barapomonae peburaya nanta xeinarucupa pecana matomatsinexa. Bapoxonae equeicha barapomonae caewa pichina barapo treinta po paratiximonaebe. Barapo paratixitha barapomonae iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonae exana be pocotsi coyeneya Nacom pon jiwi Pecanamataxeinaein nejume cui itoroba”, jei Jeremías.

*Meje yabara poxonae Jesús uncu Pilato peitabaratha tatsi  
(Mr 15.2-5; Lc 23.3-5; Jn 18.33-38)*

<sup>11</sup> Jesús cataunxuae uncu Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainyabatsi, jeye:

—¿Bara yatsicaya xam judiomonae itorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

<sup>12</sup> Sacerdotemonae pia pentacaponaeawi tatsi iru judiomonae pia pitiri jiwi tatsi, daxita barapomonae Jesús abe yabara paebatsi xua pinae abe exana. Daichitha Jesús jopa jume barabotsiyo barapomonae. <sup>13</sup> Nexata daxota Pilato Jesús baraichi, jeye:

—¿Jopa jume taem pocotsiwa barapomonae bichocono abe cayabara paeba? jei.

<sup>14</sup> Ichitha Jesús jopa jume notsiyo Pilato xua pocotsiwa ichamonae Jesús abe peyabara paebiwatsi xua mataata cae jume coyenewatha jopa jume notsiyo. Daxota Pilato bichocono yabara nantu coyene cui cabenaeca baxua.

*Meje yabara poxonae Pilato jume barꝰ jejei xua Jesús bara pebexubiwa tsainchi ichamonae*  
(Mr 15.6-20; Lc 23.13-25; Jn 18.38-19.16)

<sup>15</sup> Bara nama, Pilato ba pia cui xeina poxonae ba jiwi tsinacaetuta pexaewa penanabanaenexa. Barapo matacabitha Pilato ba caein jiwana pu sotaba pomonae jiwi pecꝰbi botha peenaewi. Pilato ba pu sotaba pon ba jiwi itapeta cowai xua Pilato peisanaxubinexa. <sup>16</sup> Barapo jiwi pecꝰbi botha irꝰꝰ eca pon bichocono abe peexanaein, pon peyaputaeinchi daxita jiwi poxonae abe exaneiba. Bapon pewꝰn Barrabás. <sup>17</sup> Poxonae jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

<sup>18</sup> Baxua Pilato paeba tsipei bapon yaputane xua pomonae pecanamata caitorobi bicheito, Jesús peuwixaetsi, caenaetaxubatsi Pilatotha.

<sup>19</sup> Poxonae Pilato cataunxuae pia peecaethopeibiwatha eca xua Jesús peyabara paebinexatsi penatsicuentsiwa bapoxonae Pilato piowa tatsi najume caitoroba ichꝰntha xua jeye: “Jopa copatsinde xua bapon pebexubinexatsi ichamonae, tsipei apara bapon pejꝰntꝰ coyene xeicaein. Yaitama tsipei merawi bapon camaitan daxota bichocono anthꝰthꝰreweine, tsipei bapon dacotsiwa bexotsi”, jei bapon xua Pilato piowa tatsi najume caitoroba.

<sup>20</sup> Ichitha sacerdotemonae pia pentacaponae tatsi, irꝰꝰ judiomonae pia pitiri jiwi tatsi, daxita barapomonae jiwi cui tsacarabatsi, xua barapo jiwi Pilato pecui itorobinexatsi xua Barrabás pepu sotabinexatsi, mataꝰtano xua Jesús pebexubinexatsino. <sup>21</sup> Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomonae Pilatotha jeye:

—Maisa Barrabás pu sotabare bara, jei barapomonae.

<sup>22</sup> Equeicha Pilato yainyaba barapomonae, jeye:

—¿Eta xua cana exanocuaein Jesús pon Mesías baraichi? jei.

Nexata pinmonae Pilato jume daunweya jume notatsi, jeye:

—¡Bewa maisa naetotha tꝰparucua exanaem! jei barapomonae.

<sup>23</sup> Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daꝰmetha barapomonae jume daunweya jeye:

—¡Bewa maisa naetotha tꝰparucua exanaem! jei.

<sup>24</sup> Poxonae Pilato yaputane xua nama taabichiba pocotsiwa bapon pepaebinexa picoya, xua peajumetsacaxae barapomonae, daxota Pilato itoroba ichꝰn xua petaxawenaenexa tsainchi mera. Bapoxonae barapo meratha nacobe quiataxuba barapo jiwi peitꝰtha tatsi. Bapoxonae bapon namchi, jeye:

—Xan apara jopa tacoutha bexuba exanaeinyo bapon xua daxota pejana pichapabarena pon jopa bequein abe exanaeyo. Poxonae nacobe quiataxuban meratha, baxua tsita itapeinya xeinan xua apara jopa tacouthinyo. Apara jame painya coutha pam poxonae bexuba paexaname pon abe jopa exanaeyo, jei Pilato.

<sup>25</sup> Daxita barapomonae equeicha namchi, jeye:

—¡Paxan irꝰ pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

<sup>26</sup> Nexata Pilato nama pu sotaba Barrabás. Bapoxonae itoroba xua soldadomonae bara Jesús moya bichocono pecuainchinexatsi pocotsiwatha eewa xua bichocono amꝰpiya xua xota ba jiwi cuainteibatsi poxonae abe exaneiba. Mataꝰtano itorobano xua moya bara Jesús tꝰparucua exanaeinchi naetotha.

<sup>27</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. <sup>28</sup> Bapoxonae Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi. <sup>29</sup> Bapoxonae cuane tepa xua pee tepa, yawa bapoxonae Jesús canamitontsiya mata xatatatsi baxua xua cana exanatsi icha be ichi pon jiwi itorobiya pepa peewatsin poxonae mata xatatatsi tepa. Matautano Jesús cobenatsi naewa icha be ichi pon jiwi itorobiya pepa peewatsinchi poxonae naewa cobenatsi poxonae itoroba jiwi. Bapoxonae Jesús peitabaratha tatsi pentabocototha taenatsi xua Jesús naerabiya pebaru cui itura jinaenexa tsainchi. Bapoxonae Jesús cui caponatsi, jeye:

—¡Jaco judiomonae itorobiya pepa Neewatsim! jei barapomonae xua Jesús canamitontatsi.

<sup>30</sup> Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi. <sup>31</sup> Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua t̄parucua peexanaenexatsi naetotha.

*Meje yabara poxonae Jesús t̄parucua exanatsi naetotha  
(Mr 15.21-32; Lc 23.26-43; Jn 19.17-27)*

<sup>32</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin. Bapon pew̄n Simón. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha t̄parucua peexanaenexatsi Jesús.

<sup>33</sup> Bapoxonae Jesús baru patatsi ichaxota po uruto be jiton matasipa piwa. Daxota barapo uruto jiwi w̄n unuta “Gólgota”, jei. <sup>34</sup> Baraxotiya Jesús apatatsi vino mera, po vino mera equeicha muxuna epareca hiel mera mataw̄n po mera bichocono atsu w̄wa. Poxonae Jesús mene pana, bapoxonae Jesús aichaxaibi apa barapo mera.

<sup>35</sup> Poxonae Jesús canacobe wetatsi xua naetotha t̄parucua exanatsi, bapoxonae soldadomonae nata tsaba Jesús pia paparuwan tatsi. Barapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>36</sup> Nexata barapo soldadomonae Jesús yapu caenatsi poxoru jopa ichipaeyo xua Jesús pepanepaewa tsane. <sup>37</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

<sup>38</sup> Ir̄ru ponbe jiwi pecaibinbe t̄parucua exanatsibe naetotha ichaxota imoxoyo Jesús ducua. Ich̄n Jesús petsocona wetauncuiyatsi, ich̄n pecoxa wetauncuarenatsi.

<sup>39</sup> Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi. <sup>40</sup> Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acoibi po matabibibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonae.

<sup>41</sup> Ir̄ru barichi sacerdotemonae pia pentaponaewi tatsi ir̄ru pomonae jiwi pecuidubiwi Moisés pia peitorobi coyene tatsi ir̄ru judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

<sup>42</sup> —Bapon cain capanepaibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, b̄ bapon pia coutha naeto wetsica ecoinca, xainya bapoxonae jume cow̄ntatsi. <sup>43</sup> Bapon jume cow̄nta Nacom, xua bepa pinae capanepaeinchi, xua Nacom capanepaena. Icha Nacom ichichipa, b̄ bara moya



capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonaе.

<sup>44</sup> Barichiru baxua paeba ponbe jiwi pecaibinbe, ponbe xua iruru cobe matatabaru-tatsibe naetotha. Baponbe iruru Jesús cui caponatsi.

*Meje yabara poxonae Jesús tupa*  
(Mr 15.33-41; Lc 23.44-49; Jn 19.28-30)

<sup>45</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mataeinyaxae weya, beya yatabopiya. Tres po horabe quirei tsuncuae. <sup>46</sup> Bapoxonae Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>47</sup> Ichamonae pomonae Jesús baxota jume taeumeinchi, barapomonaе jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha tupa, jei.

<sup>48</sup> Bapoxonae caein nainya cuinaepoinya pon barapomonaе jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa. <sup>49</sup> Ichitha ichamonae namchi, jeye.

—Abu, abu jopa apatsinde. Waxainchi abu matha taeinchi icha Elías patopeicaena xua bapon pecapanepaenexatsi, jei barapomonaе.

<sup>50</sup> Equeicha Jesús jume daunweya wawai, bapoxonae nama tupanaicha Jesús.

<sup>51</sup> Bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica ainya epatobe naexanabe. Matautano ira jijiyataxuba, matauta ibo wacapouna. <sup>52</sup> Po muthantha pomonae pewerapeibiwi bobena, barapo muthan coibo tupa wacapouna pocotsiwa coibo xatababanoba xua pin ibo panawan. Barapo muthantha cataunxuae abu saya bobena pomonae caena bayatha werapa. Pirapaeyo acoibi po matacabiyobe poxonae Jesús asu juina exanatsi, xua Nacom exana, bapoxonae iruru pomonae bayatha pejume cowantsiwichi Nacom pomonae xua bayatha pewerapaexae barapomonaе iru asu jujuina exanatsi xua Nacom exana. <sup>53</sup> Bapoxonae daxita barapomonaе muthu we-iyiya. Daxita barapomonaе, Jerusalén tomara beya pona po tomaratha xeina Nacom pin pia bo tatsi. Barapomonaе naitata pinmonaetha Jerusalén tomarapiwitha.

<sup>54</sup> Bapoxonae soldadomonaе pomonae Jesús yapu enatsi iruru barapo soldadomonaе pia pentacaponaein tatsi, pon romanomonaepin poxonae daxita barapomonaе tane xua ira jijiyata yawa xua tane ichawanno, bapoxonae barapomonaе bichocono junuwa. Bapoxonae barapomonaе jeye:

—¡Apara bara yatsicaya bapon Nacom pepa Pexanto tatsi! jei barapo soldadomonaе.

<sup>55</sup> Barichi iru ainyawaxi yabuxi, barapowaxi Jesús tsiwiyo tajū wetaeumeinyatsi. Barapowaxi Jesús bayatha matha puna jinompatsi xua poxonae Galilea nacua weya pona xua Jesús peyawenaenexatsi. <sup>56</sup> Barapowaxi jiwana, ichowayo pewun María Magdalena, powa Magdala tomarapiwayo. Ichowayo pewun María, Santiago iru José baponbe penabe tatsi. Ichowayo pewun Salomé bapowa Zebedeo piowa tatsi, xua iru bapowa Santiago iru Juan baponbe pena tatsibe.

*Meje yabara poxonae Jesús petupaein ibo muthantha yauxatatabobotatsi*  
(Mr 15.42-47; Lc 23.50-56; Jn 19.38-42)

<sup>57</sup> Poxonae quirei tsanaicha, pebin patopa ichaxota Jesús naetotha teparucua. Bapon copei pexeinaein. Bapon pewun José. Bapon Arimatea tomarapin. Matauta bapon iru Jesús pia pepuna jinompaewichi jiwana pin tatsi pomonae Jesús pia pejume cowantsiwichixaetsi. <sup>58</sup> Bapon pona Pilato beya pewucaenexa xua Jesús petupaein.

Nexata Pilato najume caruta xua bara José pecatsinexatsi Jesús petupaein. <sup>59</sup> José nexata pita Jesús petupaein. Bapoxonae pena paparuwatha mata quiyontabareca xua pexeinya paparuwa. <sup>60</sup> Bapoxonae José muthu iya Jesús botatsi pena ibo muthutha, po muthu bequein José pia muthu tatsi xua poxonae petupaewa tsane. Poxonae José nacobe weta xua yauxatatababota pin ibo panawatha, bapoxonae ponataba. <sup>61</sup> Baxotiya ibo muthu itapatha eca María Magdalena, powa Magdala tomarapiwayo. Iru ichowayoru María baxota naeca.

*Meje yabara poxonae Pilato itoroba soldadomona xua Jesús peyamuthu eenaenexa tsainchi*

<sup>62</sup> Icha matabitha po matabitha pentaquei seica matabi bapoxonae sacerdote-mona pia pentacaponae tatsi iruru fariseomona daxita barapomona pona Pilato beya. <sup>63</sup> Barapomona Pilato jeichichi:

—Pon pata Tanecanamataxeinaem, pananta xeinan xua barapo pemuxitorobin poxonae cataunxuae popona, pana tsipaeba, jeye: ‘Poxonae acoibi po matabibe tsuxubi tsane equeicha asu tsane petupae coyene cuiru weya’, pana jei bapon. <sup>64</sup> Daxota xam itorobare soldadomona xua xaniwaicha peyapu eenaenexa muthu xua beya poxonae acoibi po matabibe tsuxubi tsane. Baxua exande xua jopa pepatsinexa tsane muthu beya Jesús pia pepuna jinompaewichi, tsipei bu merawi barapomona pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha asu exanatsi petupae cuiru coyene weya’, jei tsipae xua Jesús yabara naerabatsi. Barapomona baxua naerabichipa jiwitha, baxua bichocono abe tsipae, beyacaincha poxonae Jesús bayatha pocotsiwa paeba xua pemuxitorobiwa, jei barapomona.

<sup>65</sup> Pilato barai barapomona, jeye:

—Bara moya pataema. Moya panore soldadomona. Moya muthu beya pabarun ponde. Paexande pocotsiwa panantawenoname xua bu moya barapo soldadomona xaniwaicha yapu eenaena, jei Pilato.

<sup>66</sup> Nexata barapomona iru soldadomona bara be-iyiya. Bapoxonae muthu coibo daunwei exananota. Bichocono barapomona cateitabanota xua pin ibo panawa xua muthu boupa ata. Matautano bichocono barapomona pemacatha epatautarena boupa cutabarena barapo peboupa patsiwa, xua peyaputaenexa icha ichun namicha patopa xua pecaibinexa Jesús petupaein. Bapoxonae barapomona cuentadendena soldadomona xua barapo soldadomona peyapu eenaenexa muthu.

## 28

*Meje yabara poxonae Jesús equeicha asu juina exanatsi petupae cuiru coyene weya (Mr 16.1-8; Lc 24.1-12; Jn 20.1-10)*

<sup>1</sup> Poxonae po pentaquei seicae matabi yapu caewaba, bapoxonae matabi jopa po matabi xua nanta carucua xua cae semanatha xua penacuichi matabi. Barapo matabeitha María Magdalena, powa Magdala tomarapiwayo iru ichawayo María, barapowayobe caemumbotha siwa ponabe muthu ichaxota Jesús yamuthu uncua.

<sup>2</sup> Bapoxonae nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yaupataxubanota barapo pin ibo panawa. Bapoxonae barapo ibo panawatha ecopiya. <sup>3</sup> Barapo matatsunpin bichocono daedaena icha be yamuxu coicha ichi. Paparuwa bichocono inyapana. <sup>4</sup> Poxonae soldadomona baxua taeruxupa bichocono cuitaya jijiyei tsuruxupae, mexeya poxi werapa iratha bobena, tsipei bichocono junuwa. <sup>5</sup> Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon tupa exanadutatsi naetotha jiwu. <sup>6</sup> Xote apara bapon aibi. Apara bayatha equeicha asu juina exanatsi petupae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon petupaein

botatsi bayatha. <sup>7</sup> Nainya papondebe weye, patsipaebarebe Jesús pijimonae tatsi. Pajandebe: ‘Bara bequein bapon bayatha t̄pa ichitha equeicha as̄ juina exanatsi pet̄pae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename, pana nejei matatsunpin’, pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apara xaniyei, jei matatsunpin.

<sup>8</sup> Bapoxonae barapo yab̄yobe m̄th̄ weya nainya pontababe. Junuwiya j̄nt̄ coyene weiweinabe. Barapowayobe cuinaepoinyabe Jesús pijimonae tatsi beya xua diwesi caponabe pocotsiwa matatsunpin paeba. <sup>9</sup> Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: “Jaco”, jei Jesús. Barapowayobe imoxoyo caquita ponabe Jesth̄a bapoxonae pentabocototha uncuabe yawa taxu waetababe xua Jesús w̄nae pejainchinexatsi. <sup>10</sup> Jesús barai barapowayobe, jeye:

—Jopa pana necunuwindebe. Paponarebe tajiwiwimonae beya. Patsipaebarebe pajandebe: Jesús paca itoroba bepa pinae ponaem Galilea nacua beya. Bepa pinae baxotiya pataem, pajandebe, jei Jesús.

*Mejeyabara poxonae soldadomona naerabiya paeba, jeye: “Jesús pijimonae pet̄paein pitatsi”, jei*

<sup>11</sup> Poxonae barapo yab̄yobe cataunxuae namtotha ecaponabe, bapoxonae icha soldadomona jiwana, po soldadomona Jesús yam̄th̄ eenatsi, barapo soldadomona tomara beya pona. Matāta sacerdotemona pia pentacaponae wi tatsi tsipaebatsi daxita pocotsiwa xua xuan tane. <sup>12</sup> Barapo sacerdotemona pia pentacaponae wi tatsi pona pitiri jiwi beya xua caemona peyabara natsipaebinexa xua Jesús pet̄paein yabara. Bapoxonae daxita barapomona soldadomona paratixi nawita catsibatsi xua jiwi naerabiya petsipaebinexatsi. <sup>13</sup> Bapoxonae barapomona soldadomona baraichi, jeye:

—Patsipaebare jiwi xua merawi poxonae pamaitumename Jesús pijimonae tatsi pata, yawa xua bapoxonae pet̄paein pitatsi. <sup>14</sup> Icha Pilato pon peyanacua ewatsin jiwi jume taebina xua Jesús pet̄paein aichurucuae, yawa icha bapon baxua yabara paca yainyabina, bapoxonae nexata paca yabara jume yawenaeinchi xua bapon jopa paca jutebi tsane, jei barapomona.

<sup>15</sup> Nexata barapo soldadomona nota paratixi yawa jiwi tsipaeba tsiniyatsi xua sacerdotemona pia pentacaponae wi tatsi peitorobixae. Barapo penaerabi diwesi jume, judiomona jume cocow̄ntapona. Anoxuae barichi po judiomona anoxuae jinompa, jume cocow̄ntapona barapo diwesi.

*Mejeyabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi*

*(Mr 16.14-18; Lc 24.36-49; Jn 20.19-23)*

<sup>16</sup> Nexata once poyobe pomona xua Jesús pijimonae tatsi barapomona nawibiya Galilea nacua beya. Bapoxonae barapomona demxuwa beya pona, po demxuwa pinae Jesús caunuta xua pinae baxota patopaena. <sup>17</sup> Poxonae barapo once poyobe baxota Jesús taer̄c̄patsi, ichamona Jesús w̄nae jaintatsi, bequein ichamona ainya j̄nt̄ coyenein xeina xua Jesús xapain beta jopa yabara jume cow̄ntichi. <sup>18</sup> Nexata Jesús pijimonae imoxoyo caquita pona. Bapoxonae jeye:

—Nacom necata daxita peayapus̄ itorobi coyene xua peitabocototha nexa, matātano po cae pin nacuathe tsiquenexano. <sup>19</sup> Paponare daxita carepaya jiwitha xua daxita nacuantha. Jiwi pacana exande xua tana nejume cow̄ntsiwa tsane. Daxita pomona tana nejume cow̄ntsiwi pabautisabare. Poxonae pabautisabame Taxa pew̄n paw̄n taibare, matātano pana new̄n taibare, ponxaein Nacom Pexanton, matātano Nacom

pia Pejumoꝑe t̃nax̃ tatsi paw̃n taibare xua barapo acoibi w̃nthabe painya paca nepaca yawenaenexa pia peayapus̃ itorobi coyenewatha. <sup>20</sup> Daxita barapomonae pacuidubare daxita xua xuan pocotsiwa bayatha paca itorobatsi. Mataatano painya xoba paj̃ntemainame xua daxita matabin bara ataya paca bar̃ poponeibinchi beya poxonae tsane xua equeicha patopeicaein, jei Jesús pijimonaetha.

Baja Mateo.

## Jesucristo Pia Pexeinya Diwesi Jume Tatsi Marcos Petinae Diwesi

*Meje yabara poxonae Juan pon Pebautisabin jiwi cuiduba ira xuepana susato tsurucuae nacuatha*

*(Mt 3.1-12; Lc 3.1-9, 15-17; Jn 1.19-28)*

<sup>1</sup> Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

<sup>2</sup> Bayatha Nacom pia peitorobi jume pepaebin, pon pewan Isaías, bapon tina petinae diwesitha. Isaías tina Nacom nexa, Nacom barapo diwesitha jeye Pexantotha:

“Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jiwi yabara aura tsane abe pia peexanae cuiru coyenein tatsi, xua poxonae nepatopae wanaeya tsane.

<sup>3</sup> Pon itorobin bapon jume tan pon xua wawai ira xuepana susato tsurucuae nacuatha.

Bapon wawaya jeye: ‘Patsinajuntu cui coyene wanaere, pon jiwi pia pepa Pecanamataxeinaeinchi nexa pia pepatopae wanaeya tsane’, jei pon xua wawai”, jei Isaías petinae diwesitha.

<sup>4</sup> Nexata Juan pon Isaías peyabara paebixae bapon ira xuepana susato tsurucuae nacuatha patopa. Bapon Juan bautisaba ducuaenaebiya, xua jiwi bautisabatsi merantha. Matautano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntu coyene paxinare painya neauraxae xua abe paexaname. Bapoxonae Nacom paca yabara junteinaena abe painya neexanae cuiru coyenein”, jei Juan. <sup>5</sup> Daxita Judea nacuamonae, iruru Jerusalén tomarapiwi, daxita barapomonae pona ichaxota beya Juan bautisaba jiwi ira xuepana susato tsurucuae nacuatha. Poxonae barapomonae nayopita Nacomtha xua bepa pinae Nacom tsita auratsi xua abe peexanaexae bapoxonae barapomonae Juan bautisaba Jordán mentha.

<sup>6</sup> Juan jumaina duwein nabocoto, po duwein pewan camello. Coreinya bocoto maraina. Xane pocotsiwa yapupuna pocotsiwan be sure poxi. Matautano bana daeba.

<sup>7</sup> Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Xan bichocono tapawin daxota bapon bichocono tsita pin ura xeinan xua tataxu ma isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae baru cui itura jina pia pentacaponae wichi. <sup>8</sup> Paca bautisabatsi meratha, ichitha nama barapon Mesías paca bautisabina Nacom pia Pejumope tanaxutha tatsi poxonae Nacom paca najumope catsibina”, jei Juan jiwitha xua Jesús yabara.

*Meje yabara poxonae Jesús bautisabatsi*

*(Mt 3.13-17; Lc 3.21-22)*

<sup>9</sup> Barapo dapaetha Jesús Nazaret tomara weya pona, po tomara eca Galilea nacuatha. Bapon Jordán mentha patopa, ichaxota Juan bautisaba. Baraxota Jesús bautisabatsi.

<sup>10</sup> Poxonae mene wejuina barapoxonae caena nainya Jesús itaboco necoicha xua peitaboco nayausanaxuba. Jesús tane xua Nacom pia Pejumope tanaxu tatsi patopa

bapontha xua be topiboto yaruneica. <sup>11</sup> Barapoxonae Jesús jume tane pocotsiwa peítaboco wetsipaebicatsi, jeichichi: “Xam apara Taxantom, pom bichocono caantobetsi, pom caitapetatsi. Nejtũtũ coyene weiweina exaname”, jei Nacom.

*Meje yabara poxonae Jesús jũntũ coyene jũjũtatsi caurimonae pia pentacaponaein tatsi xua Jesús abe coyeneya petaexanaenexa tsane*

*(Mt 4.1-11; Lc 4.1-13)*

<sup>12</sup> Poxonae Jesús nanacui wetatsi xua bautisabatsi bapoxonae Nacom pia Pejumope tũnaxũ tatsi Jesús nainya itorobatsi ira xuepana susato tsurucuae nacua beya. <sup>13</sup> Jesús ira xuepana susato tsurucuae nacuatha popona cuarenta po matabibibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponaein tatsi pon Satanás Jesús piraichi jũntũ coyene jũjũtatsi xua Jesús abe coyeneya petaexanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jestustha xua Jesús pecui matateicaenexa tsainchi, mataũtano xua peapatsinexatsi tsainchi.

*Meje yabara poxonae Jesús tamropata pitaba pia penacuichiwa xua Galilea nacuatha*

*(Mt 4.12-17; Lc 4.14-15)*

<sup>14</sup> Nexata poxonae ichamonae Juan maxũ waetabatsi xua peetsinexatsi jiwi pecũbi botha, bapoxonae Jesús Galilea nacuatha patopa. Jesús paeba ducuaeta jiwitha Nacom pia pexeinya jume diwesi tatsi. <sup>15</sup> Jesús namchi jeye: “Nacom bayatha yabara necana cui weta exana po coyeneya xua poxonae tapatopaewa. Daxota jiwi itacũpatsi xua naexana Nacom piamonae, pomonae Nacom itorobiya peewatsixae. Daxota icha jũntũ coyene paxeinare Nacomtha xua painya neauraxae xua abe paexaname, Nacom piamonae painya nenaexanaenexa tsane. Pajume cowũnde Nacom pia pexeinya jume diwesi tatsi”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamonawewi*

*(Mt 4.18-22; Lc 5.1-11)*

<sup>16</sup> Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ichũn pewũn Simón, ichũn pewũn Andrés. Baponbe bara cae peweichobe. Baponbe peweichobe duwei yamonauyabe pucuatha. <sup>17</sup> Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowũntsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>18</sup> Bara caena baraponbe botabe barapo peyamonawewa. Bapoxonae napuna ponabe Jestustha.

<sup>19</sup> Jesús equeicha pona. Bapoxonae equeicha ichũnbe tainchibe. Baraponbe ichũn pewũn Santiago, irũ ichũn pewũn Juan. Baponbe Zebedeo pexantobe tatsi. Jeratha mataquerabayabe peyamonawewa xua ucupouna. <sup>20</sup> Jesús nainya waba, baponbe wabatsibe: Jesús baraibe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon pewũn Zebedeo. Mataũtano cuenta ponabe pomonae Zebedeo pia peyawenae jiwichi tatsi xua yamona duwei. Baponbe Jestustha napuna ponabe.

*Meje yabara poxonae pebin pon cauri xeina*

*(Lc 4.31-37)*

<sup>21</sup> Bapoxonae Jesús pijimonae barũ pona Capernaum tomara beya. Bapoxonaerũ judiomonae barompaya pia pentaquei seicae matabi tatsi tsuxubi. Barapo matabitha Jesús pijimonae barũ joniya judiomonae pia penacætutsi botha tatsi. <sup>22</sup> Barapo jiwi yabara najũntũ coyene cabenaeca, tsipei pocotsiwa Jesús barapomonae cuidubatsi be pon peyaputaen pia peayapusũ itorobi jume coyeneya tatsi paeba. Jesús jopa cuidubiyo

be judiomonae pia pecuidubiwi pia coyeneya tatsi. <sup>23</sup> Pebin pon cauri xeina barapon eca barapo judiomonae pia penacaetutsi botha tatsi.

<sup>24</sup> Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapuxanepanaem, jei pebin pon cauri xeina.

<sup>25</sup> Jesús taitaweta, pebin taitawetatsi cauri. Jesús cauritha jeye:

—¡Moyande! ¡Barapon wepu ponde! jei Jesús cauritha.

<sup>26</sup> Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi. <sup>27</sup> Daxita barapomonae yabara najuntá coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peayapusá itorobi coyenewa pexeinaein. Matautano caurimonae jume cowanta poxonae pocotsiwa bapon itoroba, najei barapomonae.

<sup>28</sup> Bapoxonae caena nainya daxita pomonae jinompa Galilea nacuatha jume taeracupa pocotsiwa juinya Jesús exana.

*Meje yabara poxonae Jesús axaibi exana Simón Pedro pamiyo tatsi*  
(Mt 8.14-15; Lc 4.38-39)

<sup>29</sup> Jesús caena nainya pona judiomonae pia penacaetutsi bo tatsi weya. Bapoxonae Jesús joniya Simón pia botha tatsi po bo xua irá Andrés pia bo tatsi. Barapo botha Santiago irá Juan Jesús bará joniya. <sup>30</sup> Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei. <sup>31</sup> Jesús caquita pona Simón pamiyo tatsi. Bapoxonae bapowa cobe pitatsi. Barapowa asiya cuaranotatsi. Bapoxonae barapowa caena nainya taichurucuaetsi domae. Nexata barapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*  
(Mt 8.16-17; Lc 4.40-41)

<sup>32</sup> Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, irá pomonae caurimonae xeina. <sup>33</sup> Daxita barapo tomara-piwi nacaetuta bomáxá boupatha. <sup>34</sup> Jesús axaibi exana pinmonae pomonae xeina daxita coyenexi xua xoxi peatenewa. Matautano Jesús taitaweta pomonae cauri xeina. Jesús jopa copatsiyo xua pecueicueijeiba caurimonae, tsipei caurimonae Jesús cui yaputainchi.

*Meje yabara poxonae Jesús cueicueijeji Nacom Pejume Diwesi judiomonae pia penacaetutsi bontha tatsi*  
(Lc 4.42-44)

<sup>35</sup> Baya poxonae caemámbbotha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaibi bara beya pona. Baraxotiya Jesús tsipaebauya, Nacom tsipaebatsi. <sup>36</sup> Nexata Simón irá pomonae Jesús pepuna jinompae jiwichi, barapomonae Jesús pu barainatsi. <sup>37</sup> Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

<sup>38</sup> Jesús jume nota jeye:

—Barabá ponaeinchi icha tomaran beya, barapo tomarantha irá tacueicueijeinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

<sup>39</sup> Bapoxonae Jesús siwa pona ducuaeta daxita tomaran Galilea nacuatha. Judiomonae pia penacaetutsi bontha tatsi Nacom pia pexeinya jume diwesi Jesús tsipaeba barapo judiomonaetha. Matautano Jesús taitaweta caurimonae.

*Meje yabara poxonae Jesús axaibi exana pon peperu sawinchi*  
(Mt 8.1-4; Lc 5.12-16)

<sup>40</sup> Bapoxonaeru pebin, pon peperu sawinchi, Jesús caquita poinchi. Bapoxonae bapon pentabocototha uncuwa Jesús peitabaratha tatsi xua Jesús pebaru cui itura jinaexaetsi. Bapon matowa Jesús wucatsi, jeye:

—Icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexenaem, jei bapon.

<sup>41</sup> Jesús yabara najuntu coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

<sup>42</sup> Bapoxonae bapon nainya taaichurucuaetsi xua peperu sawiwatsi. Matautano axaibi tsanayano. <sup>43-44</sup> Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotepintha xua nenaitutsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wunaem, jei Jesús.

<sup>45</sup> Daichitha poxonae bapon pona jopa moya yawun xeinaeyo. Bapon yabara tsipaebapona ichamonaetha pocotsiwa xua bayatha peaxaibiwa. Daxota Jesús jopa itacupaetsi xua naitutsiya pata ducuaenabiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

## 2

*Meje yabara poxonae Jesús axaibi exana pon pecuenobinchi*  
(Mt 9.1-8; Lc 5.17-26)

<sup>1</sup> Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca. <sup>2</sup> Pin bicheito nacaetuta ichaxota po botha Jesús patopa, beya poxonae matauta bo coibo quecona. Barapomonaetha Jesús tsipaeba Nacom pia pexeinya jume diwesi tatsi. <sup>3</sup> Bapoxonae pebiwi pata cuatro poyobe. Barapo pebiwi yapaparuwa capata pon pecuenobinchi. <sup>4</sup> Tsipei pin bicheito, daxota barapo pebiwi jopa itacupaetsi xua Jesús imoxoyo pecaquita ponaewatsi. Daxota barapo pebiwi bomuxutha pentatupa wereca atsa caxinaxoreca ichaxoya Jesús uncuareca. Barapo muthu deca pon pecuenobinchi yapaparuwa yorecatsi. <sup>5</sup> Poxonae Jesús yaputane xua barapomonae yabara cui jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae pecuenobinchitha Jesús tsipaebiya jeye:

—Tajitom cacui yabara jumentainaya juntu puxana exanatsiba abe jinya neexanae cuiru coyenein, jei Jesús.

<sup>6</sup> Ichitha baraxota iru naena pomonae jiwi pecuidubiwi Moisés pia peitorobi coyene tatsi. Barapomonae nanta xeinaeya najei: <sup>7</sup> “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jumentainaya juntu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jumentainaya juntu puxana exanatsi abe pia peexanae cuiru coyenein tatsi”, najei. <sup>8</sup> Barapoxonae



caena nainya Jesús yaputane peꝓntꝓ coyenewatha pocotsiwa barapomonaē pia coutha nayainyaba. Jesús jeye barapomonaētha:

—¿Eta pocotsiwa metha baraxua pana natsipaebame? <sup>9</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jꝓntemainatsi’, jan tsane? Ichacuitha ¿metha jan tsane: ‘Nontaponde, bara pire jinya nemaituncuaewa, yawa bara ponare’, jan tsane? <sup>10</sup> Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapꝓꝓ itorobi coyenewa xua bara tana neitacꝓpaewa xua jiwi tayabara cacui jꝓntemainaya jꝓntꝓ puxana exanaewa abe pia peexanae cuiru coyenein tatsi pomonaē jinompa barapo cae pin nacuathe, jei Jesús.

Bapoxonaē Jesús tsipaeba pontha pon pecuenobinchi. Jesús jeye:

<sup>11</sup> —Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>12</sup> Bapoxonaē bapon caena nainya nontapona barapomonaē peitꝓtha tatsi, yawa pita xua pemaituncuaewa. Bapoxonaē bapon bo tutu weya pona barapo pin bicheito peitꝓtha tatsi. Daxita barapomonaē yabara najꝓntꝓ coyene cabenaeca, yawa Nacom wꝓnaē jaintatsi, jeye:

—Maisa waxainchi bapana bayatha jopa taetsi pocotsiwa wꝓnaē pocotsiwe icha be iche, jei barapomonaē.

*Meje yabara poxonaē Leví wabatsi, Jesús waba  
(Mt 9.9-13; Lc 5.27-32)*

<sup>13</sup> Barapoxonaē Jesús pona Galilea pucua itapatha. Bapoxonaē baxotiya pin bicheito pata Jesús pia xantha tatsi. Barapomonaētha Jesús cuiduba. <sup>14</sup> Poxonaē Jesús cataunxuae ecapona Galilea pucua itapatha, bapoxonaē Leví tainchi. Bapon Leví Alfeo pexanto tatsi. Bapon Leví eca ichaxota bapon paratixi matoma noteibeca po paratixi jiwi bewa catsibina pon romanomonaē itorobiya pia pepa peewatsinchi. Jesús Leví tsipaebatsi, Jesús jeye:

—Nepuna ponde, jei Jesús.

Bapoxonaē Leví nontapona, yawa Jesús puna poinchino.

<sup>15</sup> Pirapaeyo Jesús Leví barꝓ eca pexaethopeibiwatha, xua Leví pia botha tatsi xua Jesús pebarꝓ xaenexatsi. Barichi Jesús barꝓ eca pinmonaē barapo pexaethopeibiwatha pomonaē paratixi pentoma noteibiwi po paratixi jiwi bewa catsibina pon romanomonaē itorobiya pia pepa peewatsinchi nexa. Irꝓꝓꝓ Jesús barꝓ eca ichamonaē pomonaē abe peexanae cuiru coyenein peexanae jiwi. Mataꝓtano Jesús pijimonaē barꝓ eca barapo pexaethopaewatha. Pinmonaē Jesús barꝓ eca tsipei pinmonaē Jesús puna poinchi. <sup>16</sup> Ichitha pomonaē jiwi pecuidubiwi Moisés pia peitorobi coyenewa tatsi irꝓꝓꝓ fariseomonaē, daxita barapomonaē Jesús tainchi poxonaē Jesús barꝓ xayeca pomonaē paratixi pentoma noteibiwi, irꝓ pomonaē abe peexanae cuiru coyenein peexanae jiwi. Pomonaē Jesús tainchi daxita barapomonaē Jesús pijimonaē tatsi jeichichi:

—Maisa Jesús pon painya nepaca cacuidubin abe exana poxoru barꝓ xayeca pomonaē paratixi penoteibiwi, mataꝓtano, barꝓ xayeca pomonaē peajꝓntꝓcoyenebe jiwi, jei barapomonaē.

<sup>17</sup> Poxonaē Jesús jume tane baraxua, bapoxonaē Jesús jume nota, jeye:

—Pomonaē ba xua xaniwaicha jinompa xua jopa ateneyo barapomonaē ba jopa canantawenonaeyo pon jiwi peyawꝓbin. Saya jame meisa pomonaē ba atene barapomonaē jame canantawenona pon jiwi peyawꝓbin. Barichi xan patopan apara tha jopa tawabinexa tsane pomonaē peꝓntꝓ coyene xanepanae jiwi. Saya apara tawabinexa pomonaē abe peexanae cuiru coyene peexanaewi tayawenaenexa tsane barapomonaē, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Lc 5.33-39)*

<sup>18</sup> Caentaqueitha Juan pia pepuna jinompaewichi, irurū fariseomonaē, nainbota Nacomtha xua saya pewūcaenexa Nacomtha. Poxonaē barapomonaē nainbota, bapoxonaē ichamonaē Jesús siwa poinchi. Barapomonaē Jesús yabara yainyabatsi barapo penainbotsi coyene. Barapomonaē jeye Jesthā:

—Juan pia pepuna jinompaewichi, irū fariseomonaē jopa juniya Nacom peyabara nainbotsiwatsi poxonaē Nacom wūqueibatsi. Ichitha jinyamonaē jopa daichiyo, jopa nainbotsiyo Nacomtha xua saya pewūcaenexa Nacomtha, jei barapomonaē Jesthā.

<sup>19</sup> Jesús jume nota barapomonaē, jeye:

—Jiwi ba jopa bewa wecoyeya yabara nainbotsi poxonaē ichamonaē pexaewa tsinacaetuta penabanaenexa xua poxonaē pebin pecotsiwa pita. Poxonaē cataunxuae awiya bapon eca pexaewa penabanaewatha bapoxonaē jiwi ba peburūya nabane. Jopa bewa yabara nainbotsi tsane. <sup>20</sup> Ichitha icha pon aena piowa pita, caena nainya waetabatsi, ichamonaē waetaba xua tajū bapon pecaponaenexatsi, bapoxonaē jame jiwi ba bewa wecoyeya yabara nainbotsi, xua equeicha bapon caewa pepatopaewa tsane.

<sup>21</sup> “Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonaē barapo dorouto abe tsanaya tsipae. Tsipei poxonaē barapo dorouto matanaxuba barapo pena paparuwa natsaquetabiya. Poxonaē barapo pena paparuwa natsaquetabiya equeicha wan tsitsipanarena barapo dorouto. Bapoxonaē equeicha nama bichocono pin wan tsanaya beyacaincha xua poxonaē copiya.

<sup>22</sup> Matautano jiwi ba pena vino mera jopa eparecaeyo peru bocoto, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonaē barapo vino mera atsaxa. Barapo pena vino mera naxuba xuano barapo bocoto naxuba poxonaē barapo bocoto tsitsica. Daxota bewa jame pena vino mera eparecae pena bocoto. Bapoxonaē pena vino mera jopa naxubiyo. Yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara poxonae Jesús pijimonaē tatsi yaboto nota trigo xu judiomonaē barompaya pia pentaquei seicaē mataqueitha tatsi*

*(Mt 12.1-8; Lc 6.1-5)*

<sup>23</sup> Caentacabi poxonaē judiomonaē barompaya pia pentaquei seicaē matabi tatsi, barapo matabitha Jesús, irū pijimonaē tatsino pabi iyiya. Jesús pijimonaē tatsi jainpa. Barapomonaē tamropata notarūcupa xua yaboto xunumenapona trigo xu. Bapoxonaē pecobetha xu mata pepeta. <sup>24</sup> Poxonaē fariseomonaē cui tane xua Jesús pijimonaē tatsi exana, bapoxonaē fariseomonaē Jesús tsipaebatsi, jeye:

—Jamaisa jinya jiwimonaē nacuita barapo matabithe, poxonaē yaboto nota trigo xu. Aparā jiwi jopa yabara cui copatsiyo xua ichamonaē penacuichiwa barapo matabithe xua judiomonaē barompaya pia pentaquei seicaē matabi tatsi, jei fariseomonaē.

<sup>25</sup> Jesús jume nota, jeye:

—Barapomonaē tajiwiwimonaē jopa apara abe exanaeyo. ¿Jopa payabara yorobim pocotsiwa bayatha David exana poxonaē jainpa, poxonaē irū pijimonaē tajainpat-sirū? Bapon David, pon caena bayatha israelmonaē itorobiya pia pepa peewatsinchi.

<sup>26</sup> Bapon David, irū pijimonaē tatsi, barapomonaē jojoniya Nacom pin pia botha tatsi poxonaē pon pewūn Abiatar tanacuita Nacom. Bapon Abiatar sacerdotemonaē pia pepa pentacaponaēin tatsi. David xane pan, po pan ichamonaē cana exana xua Nacom pecatsiwatsi. Irū barapo pan David pijimonaē cata xua pexaenexarū. Barapomonaē

xane bequein bara Nacom pia peitorobi coyenewatha copata xua saya meisa sacerdotemonae itacupatsi xua pexaewa tsane barapo pan, jei Jesús.

<sup>27</sup> Equeicha Jesús namchi, jeye:

—Nacom, jiwi pewunaeya taexanatsi pentaquei seicae matakabi. Barapo pentaquei seicae matakabi Nacom tsiexana jiwi, xua barapo matakabitha jiwi penafinacae-watsinexa. Nacom jopa ainya cui cana exanaeyo pentaquei seicae matakabi xua beyacaincha jiwi. <sup>28</sup> Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicae matakabitha, jei Jesús fariseomon-aetha.

### 3

*Meje yabara poxonae Jesús cobe wuna exana pon pecobe mabinchi*  
(Mt 12.9-14; Lc 6.6-11)

<sup>1</sup> Jesús equeicha joniya judiomonae pia penacaetutsi botha tatsi. Baraxota pon pecobe mabinchi eca. <sup>2</sup> Barichi pomonae jiwi pecuidubiwi Moisés pia peitorobi coyene tatsi, iru fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe wuna exanaena pentaquei seicae matakabitha pon pecobe mabinchi. Icha Jesús pon pecobe mabinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. <sup>3</sup> Bapoxonae Jesús barai pontha pon pecobe mabinchi, jeye:

—Nontaponare. Uncuare xote, jei Jesús.

<sup>4</sup> Pomonae Jesús tainchi Jesús barai barapomonae, jeye:

—Paca yainyabinchi, ¿eta xua copata pentaquei seicae matakabitha? ¿Wuna jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

Ichitha barapomonae jopa jume notsiyo, saya moya umena. <sup>5</sup> Nexata Jesús necota barapomonae. Anaya Jesús caseba barapomonae. Matautano juntu coyene wecoyei, tsipei barapomonae jopa beyaputaeyo pocotsiwa bapon exana. Jesús barai pon pecobe mabinchi:

—Nacobe doire, jei Jesús.

Bapon nacobe doita. Bapoxonae bapon nainya cobe wuna tsanaya. <sup>6</sup> Bapoxonae fariseomonae Jesús weya ponarucupa. Bapoxonae barapomonae nacaetuta Herodes pijimonaetha tatsi xua pecui yabara paebinexatsi xua po cui coyenewatha Jesús pebexubiwa tsainchi.

*Meje yabara poxonae pin bicheito nacaetuta Galilea pucua itapatha*

<sup>7</sup> Jesús pijimona baru pona Galilea pucua itapa beya. Iru pin bicheitomonae Jesús puna poinchi pomonae Galilea nacua weya pona. <sup>8</sup> Iru pomonae Judea nacua werena pona iru pomonae Jerusalén tomara werena pona, daxita barapomonae Jesús puna poinchi. Iru Idumea nacuapiwi Jesús puna poinchi. Iru ichamonae Jesús puna poinchi pomonae icha muxunenetha jinompa xua Jordán mentha. Iru Tiro tomarapiwi Jesús puna poinchi. Iru Sidón tomarapiwi Jesús puna poinchi. Daxita barapo bicheito Jesús itata patatsi poxonae jume tane daxita xua juinya pocotsiwan Jesús exana. <sup>9</sup> Tsipei pin bicheito, daxota Jesús pijimonae itoroba xua jera petaxawenaewa tsainchi xua petsaquibabiyainwatsi barapo pin bicheito. <sup>10</sup> Yaitama Jesús axaibi exaneiba pin bicheito pomonae atenemonae, daxota iru ichamonae Jesús imoxoyo caquita poinchi. Barapomonae ichichipa xua Jesús pejayabiwatsi xua barapomonae iru axaibi peexanaenexatsiru.

<sup>11</sup> Pomonae caurimonae pexeinaewi, poxonae barapomonae Jesús tainchi, barapomonae pentabocototha umena Jesús peitabaratha tatsi. Barapomonae wawaya jeye xua caurimonae wawai peexanaexatsi:

—jMaisa bara xam Nacom Pexantom! jei barapomonaе xua wawaya exanatsi caurimonae.

<sup>12</sup> Jesús jume daunweya itoroba barapomonaе, jeye:

—Jopa pana neyabara paebinde ichamonaetha xua xan Nacom Pexanton, jei Jesús.

*Meje yabara poxonaе Jesús itapetsiya waba pia peitorobi jiwі tatsi pomonaе xua doce poyobe*

*(Mt 10.1-4; Lc 6.12-16)*

<sup>13</sup> Bapoxonaе Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Barapoxonaе barapomonaе Jesús pia xantha tatsi tapatatsi. <sup>14</sup> Jesús itapetsiya waba doce poyobe xua pomonaе pebaru jinompaenexatsi. Matautano barapomonaе Jesús itoroba xua daxita jiwіtha petacueicueijeinexatsi Nacom Pejume Diwesi. <sup>15</sup> Barapomonaetha Jesús cata pia peayapusu itorobi coyenewa tatsi, xua cauri ichamonaе petaitawetsinexatsi pomonaе xua cauri pepuna jinompaewichi. <sup>16</sup> Meje barapomonaе pewunxi tatsi pomonaе Jesús waba: Simón pon icha wun wun dutatsi “Pedro”, baraichi. <sup>17</sup> Ichun pewun Santiago. Ichun pewun Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wuntha xua jei: “Yamuxu pexantobe tatsi”, jei). Barapo wun wun duta tsipei peajuntucoyenesunbe. <sup>18</sup> Ichun pewun Andrés. Iru ichun pewun Felipe. Iru ichun pewun Bartolomé. Iru ichun pewun Mateo. Iru ichun pewun Tomás. Iru ichun pewun Santiago pon Alfeo pexanto tatsi. Iru ichun pewun Tadeo. Iru ichun pewun Simón pon celotemonaepin. <sup>19</sup> Iru ichun pewun Judas Iscariote. Barapon Judas pon Jesús caenaetaxubatsi ichamonaetha pebexubinexatsi.

*Meje yabara poxonaе Jesús baraichi xua pinaе xeina Beelzebú pia peayapusu itorobi coyenewa tatsi*

*(Mt 12.22-32; Lc 11.14-23; 12.10)*

<sup>20</sup> Bapoxonaе Jesús, iru pomonaе pia peitapetsiwi tatsi botha joniya. Bapoxonaе equeicha pin bicheito nacaetuta Jesús pia xantha tatsi. Daxota Jesús iru pijimonaе tatsi jopa itacupaetsi xua penabanaewa tsane. <sup>21</sup> Jesús piamonaе matabuxuyoy tatsi jume tane xua jiwі paeba xua pinaе juinya Jesús matayaibatsi. Daxota barapomonaе pata, xua Jesús pewaetabinexatsi, xua pia bo beya pecaponaenexatsi.

<sup>22</sup> Matautano pomonaе jiwі pecuidubiwi Moisés pia peitorobi coyene tatsi, pomonaе Jerusalén werena pona, barapomonaе jiwіtha jeye Jesús yabara: “Bapon caurimonae itawetatsi, apara pexeinaexae Beelzebú pia peayapusu itorobi coyene tatsi, pon caurimonae pia pentacaponaein tatsi”, jei barapomonaе pomonaе jiwі pecuidubiwi Moisés pia peitorobi coyenewa tatsi.

<sup>23</sup> Bapoxonaе Jesús waba barapomonaе pia xainya berena. Yawano Jesús pecayabara juta pepaebi diwesiyo tsipaeba, jeye: “Caurimonae pia pentacaponaein tatsi jopa itacupaetsi xua peitawetsiwa icha caurimonaetha, xua pecae caurimonaexae. <sup>24</sup> Icha cae nacuapiwi nawepu tsatabe xua matauta nababe, bapoxonaе jopa xaexaenaecaeyo. <sup>25</sup> Matauta iruru icha cae bo matabuxuyomonaеbe nababe yawa nawepu tsatajopabe, bapoxonaе jopa xaexaenaecaeyo. <sup>26</sup> Barichi icha Satanás, pijimonaе tatsi nawepu tsatajopabe matautano xua nababe, bapoxonaе jopa xaexaenaecaeyo. Satanás jopa itacupaetsi xua itoroba pijimonaе, tsipei amsiya exana.

<sup>27</sup> “Dapon ajibi, pon itacupaetsi xua botha joniya po botha pon bichocono maxu daunwei pia bo tatsi xua daxita notsina pocotsiwa bapon xeina pon maxu daunwei icha jopa copiya matha maxu cutanotsiyo.

<sup>28</sup> “Bara xaniyeya paca tsipaebatsi. Pocotsiwa jiwі abe peexanaе cuiru coyenein exana, matautano pocotsiwa xua jiwі abe paeba, barapo coyenein Nacom itacupaetsi xua yabara juntemainaena xua barapo jiwі abe exana. <sup>29</sup> Pon abe yabara paeba Nacom pia Pejumope tuxaxu tatsi, Nacom bapana jopa yabara juntemainae tsane xua bapon

paeba. Bara bapon ataya atene tsane ichaxota jopa itacounayiyo isoto xua bapon abe peexanaexae”, jei Jesús.

<sup>30</sup> Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope t̃nax̃ tatsi. Daxota barapomonae Nacom pia Pejumope t̃nax̃ tatsi tsita natsicuentatsi, tsipei Nacom pia Pejumope t̃nax̃ tatsi abe yabara paebatsi.

*Meje yabara Jesús pena tatsi, ir̃ur̃ peyapin jiwi tatsino  
(Mt 12.46-50; Lc 8.19-21)*

<sup>31</sup> Pirapae Jesús pena tatsi, ir̃ur̃ peyapin jiwi tatsi pata Jestustha. Ichitha barapomonae pesato beumeinya. Bapoxonae najume caruta ichamonaetha xua petawabinexa tsainchi Jesús. <sup>32</sup> Po bicheito Jesús matawacaicha enatsi, barapomonae Jesús tsipaebatsi, jeye:

—Ena, ir̃ur̃ neyapin jiwino, pesato beya umena. Bepara bequein cataei. Bepara bequein catsipaebei, jei.

<sup>33</sup> Ichitha Jesús jume barai barapomonae, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús.

<sup>34</sup> Bapoxonae Jesús necota pomonae pematawacaicha enaewichi. Jesús jeye:

—Barapomonae pomonae xote umene apara be taena tsicotan, matautano be tayapin jiwi tsicotan. <sup>35</sup> Pomonae exana pocotsiwa Nacom itoroba, pon peitabocotha peecaeinxae, barapomonae be tayapin jiwi tsicotan, matautano ir̃ur̃ be tayapixi tsicotanno, matautano ir̃ur̃ be taena tsicotanno, jei Jesús.

## 4

*Meje yabara poxonae Jesús cuiduba jiwi pecayabara j̃ta pepaebi diwesiyo xua pon pẽabin yabara*

*(Mt 13.1-9; Lc 8.4-8)*

<sup>1</sup> Equeicha Jesús tamropata pitaba xua cuiduba Galilea pucua itapatha. Bapoxonae pin bicheito nacaetuta ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa, po nae mentha ducuiya. Barapo pin bicheitomonae taetabo itapatha umena. <sup>2</sup> Jesús barapomonaetha cuiduba pecayabara j̃ta pepaebi diwesiya.

Poxonae Jesús cuiduba barapomonae, jeye: <sup>3</sup> “Pana nejume naitaeware barapo diwesiyo: Pebin pon pẽabin ponataba pia ̃bichi pabitha. <sup>4</sup> Poxonae pon pẽabin ̃bauya, icha xu namtotha othopeica. Pepupunaewi yapata. Bapoxonae barapo xu xu xane. <sup>5</sup> Icha xu, xu othopeica ibowantha ichaxota xua ira itafafana. Barapoxonae barapo xu caena nainya xu xuwa, tsipei jopa taj̃u xu xuwarecaeyo. <sup>6</sup> Ichitha poxonae xometo atsa tsina, bapoxonae yaboto tsaquiwa yawa t̃pa tsipei jopa taj̃u tab̃u opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. Daxota barapo xu jopa xu nacoichiyo. <sup>8</sup> Icha xu, xu othopeica ichaxota ira w̃nae. Poxonae barapo xu, xu xuwa, xu naw̃naeta. Icha xun, xu nanacoitapona treinta po xu matab̃x̃yobe tsiniya. Icha xun, xu nanacoitapona sesenta po xu matab̃x̃yobe tsiniya. Icha xun, xu nanacoitapona cien po xu matab̃x̃yobe tsiniya”, jei Jesús barapo pin bicheitomonae.

<sup>9</sup> Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonae pijimonae muxuconaquiya tsipaeba.

*Meje yabara poxonae Jesús namchi xua exua metha pecayabara j̃ta pepaebi diwesiyo  
(Mt 13.10-17; Lc 8.9-10)*

<sup>10</sup> Nexata poxonae Jesús pipatotha eca, bapoxonae baru eca pomonae pia pepuna ponaewichi, irano pijimonae tatsi pomonae doce poyobe. Barapomonae Jesús yainya-batsi jeye: “¿Eta pocotsiwa yabara caunutame poxonae barapo pecayabara juta pepaebi diwesiyo cuidubame?” jei barapomonae. <sup>11</sup> Jesús jume nota barapomonae, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom paca cana exana xua painya nepaca itacupaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha meisa jame ichamonae pomonae jopa nejume cowantsiyo jopa daichichi. Nacom jopa copatsiyo xua barapomonae peyabara yaputaewa baxua. Daxota barapomonae cuiduban pecayabara juta pepaebi diwesiya, xua Nacom peyabara yaputaenexatsi. <sup>12</sup> Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru bapomonae jopa icha juntu coyene xeinaeyo Nacomtha, daxota barapomonae Nacom tsita natsicuentatsi abe petsita exanaexatsi xuano Nacom jopa yabara junteinaeyo abe pia peexanae coyenein tatsi”, jei Jesús.

*Meje yabara poxonae Jesús pijimonae muxu yaputane exana po diwesi xua pecayabara juta pepaebi diwesiyo, pon peubin yabara (Mt 13.18-23; Lc 8.11-15)*

<sup>13</sup> Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara juta pepaebi diwesiyo xua peubin yabara paeban daxota jopa payaputaemt-sipae bequein ainya pecayabara juta pepaebi diwesiyo paca tsipaebichipatsi. <sup>14</sup> Paca tsipaebatsi pecayabara juta pepaebi diwesiyo xua iche: Pon peubin jupa, icha be ichi pon Nacom Pejume Diwesi pepaebi ducuaenaebiyaein. <sup>15</sup> Po xuton xua namto beothopiya, aichurubena. Barapo xuton yabara caunuta xua jiwi bara juntu weichichi caurimonae pia pentacaponaein tatsi, pon Satanás. Jiwi juntu coyene weajumetsurubena exanatsi Nacom Pejume Diwesi xua bayatha po jume jume tane, xua bapoxonae jopa petajume cowantsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena. <sup>16-17</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi, xuano juntu coyene weiweinaya Nacom jume cowantatsi. Ichitha bara caeto jume cowanta, poxoru barapomonae ajuntafaetabiya jume jeba Nacom Pejume Diwesi pejuntu coyeneintha. Poxonae yaitama barapomonae bichocono peatenexae, matautano poxonae barapomonae yaitama abe petaexanaexatsi ichamonae xua pejume cowantsixae Nacom, bapoxonae caurimonae abe exana barapomonaetha, xua barapomonae juntu coyene wejunteina exanatsi xua Nacom pecayabara junteinaewatsi. <sup>18-19</sup> Po xuton xua xu othopeica pesoiwantha, barapo xuton caunuta xua pomonae Nacom Pejume Diwesi jume tane, ichitha saya barompaya pia juntu coyenyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exainchi. Po coyene pebiwi exana baxuan bara jutiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi. Jopa xanepanaya jinompaeyo Nacom nexa. <sup>20</sup> Po xuton xua xu othopeica peira wunaewatha, bara nacoita. Barapo xuton yabara caunuta pomonae jume tane Nacom Pejume Diwesi, matautano jume cowantano poxoru juntu coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonae juntu coyene xanepana Nacom peitabaratha tatsi. Bapoxonae ichamonae barapomonae jiwana beta yawena ichamonaetha icha barapo xuto ichi xua treinta po xu matabuxayobe tsiniya tsoponae. Matautano ichamonae barapomonae jiwana beta yawena ichamonaetha icha barapo xuto ichi xua sesenta

po xu matabɛxɛyobe tsiniya tsoponae. Matautano ichamonaetha barapomonaetha jiwana beta yawena ichamonaetha icha barapo xuto ichi xua cien po xu matabɛxɛyobe tsiniya tsoponae”, jei Jesús.

*Meje yabara poxonaetha Jesús pijimonaetha tsipaeba pecayabara jɛta pepaebi diwesiyo xua pecoicha yabara*

*(Lc 8.16-18)*

<sup>21</sup> Equeicha Jesús barapomonaetha tsipaeba, jeye: “Poxonaetha jiton pecoicha, coicha exana, bapoxonaetha jopa coicha matacatsiyo cajatha. Yawa jopa coicha exanaeyo cama peɛpana deca. Jame asiya coicha exanatsi, xua pecoicha taenexa pomonaetha jojoneibarena. <sup>22</sup> Daxita pocotsiwa xua moya peyawɛn xeinaewa bexa tsane jiwi yabara yaputaena. Barichi po diwesiyo xua pecayabara jɛta pepaebi diwesiyo xua paebapona jiwi barapo diwesiyo jiwi itacɛpaeinchi xua peyabara yaputaewa tsane. <sup>23</sup> Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonaetha pijimonaetha muxuconaquiya tsipaeba.

<sup>24</sup> Equeicha Jesús barapomonaetha barai, jeye: “Pana nejume naitaeware painya neexanaenexa pocotsiwa paca tsipaebatsi. Icha ichamonaetha daunweya payabara paebinaetha penatsicuentisiwa xua abe peexanaexaetha Nacom barichi daunweya paca yabara paebinaetha painya nenatsicuentisiwa xua abe painya neexanaexaetha. Matautano equeicha ichawano mataropeicha paca catsina. <sup>25</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonaetha bapon equeicha bichocono Nacom pejume cowɛntsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowɛntsiwa tsainchi”, jei Jesús.

*Meje yabara poxonaetha Jesús pecayabara jɛta pepaebi diwesiyo paeba xua peɛbi xuto yabara*

<sup>26</sup> Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamonaetha. Barapo coyene bara jɛta coyeneya ichi, icha pebin ichi poxonaetha peɛbi xu xu bebeya. <sup>27</sup> Poxonaetha nacobe weta xua ɛba, bapoxonaetha pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonaetha pebin maitequeiba, daichitha awiya barapo xu xuxuwapona. <sup>28</sup> Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonaetha pepato naexana. Bapoxonaetha pepa xu xu dubena xua bichocono axucɛɛ. <sup>29</sup> Poxonaetha pepa xu xu naweta barapo matacabitha pebin pona xua penotsinexa pocotsiwa naweta”, jei Jesús.

*Meje yabara poxonaetha Jesús cuiduba pecayabara jɛta pepaebi diwesiyo po peɛbi xutiyo peɛwɛn mostaza xutiyo*

*(Mt 13.31-32; Lc 13.18-19)*

<sup>30</sup> Jesús barapomonaetha tsipaeba, jeye: “Poxonaetha Nacom waba jiwi xua petanaenexanatsi piamonaetha tatsi pomonaetha itorobiya peewatsixae, ¿eta po coyene nacoyene jɛpabe? ¿Eta xua paca cuidubinchi xua baxua yabara? <sup>31-32</sup> Nacom pijimonaetha tatsi mataropeicha bichocono pinmonaetha tsoponaetha xua pomonaetha jume cowɛntapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin ɛba pia pabitha. Xuwa beya pin nae tsoponaetha. Pepinnaexaetha daxota siri coton exana pemaxɛranantha. Icha mostaza xutiyo ichi xua beya pin nae tsoponaetha, bara jɛta ichi Nacom pejume cowɛntsiwichi, pomonaetha bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsoponaetha tsane”, jei Jesús.

*Meje yabara poxonaetha Jesús cuiduba jiwi pecayabara jɛta pepaebi diwesixitha*

*(Mt 13.34-35)*

<sup>33</sup> Jesús jiwitha ainya pecayabara j̄ta pepaebi diwesixi tsipaeba poxonae cuiduba Nacom Pejume Diwesi, icha barapocotsi diwesixi ichi xuaunxuae po diwesixi paeba. Awiya cuidudubapona beya poxonae barapomonaе xainwaicha yaputane. <sup>34</sup> Saya meisa barapomonaetha Jesús cuidubeiba pecayabara j̄ta pepaebi diwesixi coyenexitha. Poxonae Jesús meisa pijimonaе bar̄u eca, bapoxonae Jesús pijimonaе yabara muxu yaputane exana pecayabara j̄ta pepaebi diwesixi coyenexi.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*

*(Mt 8.23-27; Lc 8.22-25)*

<sup>35</sup> Barapo mataqueitha poxonae quirei tsanaicha Jesús pijimonaе tsipaeba, jeye:

—Antha poinchi icha muxunene beya, pucua beicha, jei Jesús.

<sup>36</sup> Bapoxonae Jesús pijimonaе bar̄u wepu pona barapo pin bicheito. Bapoxonae Jesús pijimonaе bar̄u poinchi jeratha, po jeratha Jesús cuidubeca barapo pin bicheito. Barichi icha jeranno naponano. <sup>37</sup> Bapoxonae mentha jemeicha naetaba pin joibo. Maratsacan jeratha mene othopa, muxu jera pebunarecae. <sup>38</sup> Ichitha Jesús jera tafetha maituncua, nantasipa ȳȳutuncua paparuwatha xua xota nacuenacuena. Jesús pijimonaе yābatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomonaе.

<sup>39</sup> Bapoxonae Jesús asiya uncua, yawa joibo itawetaxuba. Jesús jeye maratsacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya. <sup>40</sup> Nexata Jesús barai pijimonaе, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cow̄antsim xua bara tana neitac̄upaewa xua tapaca yawenaewatsi? jei Jesús.

<sup>41</sup> Barapomonaе bichocono naj̄ant̄u coyene cabenaeca, yawa caemonaе natsipaeba najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonaе.

## 5

*Meje yabara xua pebin pon caurimonaе xeina pon Gerasa nacuapin*

*(Mt 8.28-34; Lc 8.26-39)*

<sup>1</sup> Jesús, ir̄u pijimonaе tatsi pata icha muxunene beya xua barapo pucuathiya. Po iratha Jesusbar̄u pata barapo ira pew̄un Gerasa nacua. <sup>2</sup> Poxonae Jesús jera wenontouna bapoxonae patopa pebin pon caurimonaе xeina. Bapon ibo wou weya patopa Jesustha. <sup>3</sup> Barapo pebin poponeiba ibo wountha. Dapon aibi pon itac̄upatsi xua bapon pec̄utswatsi, matautano metha bequein penaintohta tsipae. <sup>4</sup> Bapon matowa penaintohta taxu c̄ubeibatsi, yawa max̄u c̄ubeibatsi xua bapon peyapucaeneibinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi. <sup>5</sup> Bapon mataqueitha poponeiba, yawa merawitha poponeiba. Matautano atororotha yawa ibo wountha wawai tsopoponeibi. Matautano ibotixitha pia coutha nathabeiba. <sup>6</sup> Poxonae barapo pebin Jesús taj̄u taebatsi, bapoxonae cuinaepona Jesús beya. Bapon pentabocotohta uncua Jesús peitabaratha tatsi xua Jesús pebar̄u cui itura jinaexaetsi peainya cuinxae. <sup>7</sup> Bapon wawaya jeye Jesustha:

—Jesús pon Nacom Pexantom, pon peitabocotha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

<sup>8</sup> Bapon baxua paeba tsipei Jesús copiya namchi, jeye:

—¡Caurimonaе pam, bapon pawepu ponare! jei Jesús.



<sup>9</sup> Jesús yainyaba bapontha:

—¿Eta po wum? jei.

Bapon jume nota jeye:

—Tawun Ayei, tsipei paxan caurimonae pan ayei jiwi pan, jei bapon xua paeba exanatsi caurimonae.

<sup>10</sup> Barapo caurimonae Jesús muxu fayacotatsi xua bepa pinae barapomonae jopa bewa itawetichi icha nacua beya. <sup>11</sup> Ichaxota imoxoyo peitapatororotha baxota jinompa pin marranomona. Barapo marrano duweimonae xayompa peitapa tororotha.

<sup>12</sup> Caurimonae Jesús wucatsi, jeye:

—Icha pana itawetame, moya pana nepu copabare marrano duweimonaetha, jei caurimonae.

<sup>13</sup> Bapoxonae Jesús copata xua bara caurimonae ponaena marrano duweimonaetha pebin weya. Barapo marranomona ducupa. Pin pitapatororo othopareca. Pucuatha bunothopa. Yawa caurimonae cabunathopatsi. Barapo marranomona dos mil po duweimonaebe.

<sup>14</sup> Bapoxonae pomonae peyapu eenaewi marranomona, barapomonae bichocono junuwiya cuinaepona tomara beya, jiwi petsipaebinexatsi baxua yabara, yawa jiwi petsipaebinexatsi tomara cuariya beya. Bapoxonae jiwi pata petaenexa pocotsiwa Jesús cana exana pebintha. <sup>15</sup> Poxonae barapomonae pata Jesustha, bapoxonae barapomonae tane pebin pon bayatha cauri xeina. Barapo pebin moya eca, paparuwa nama xatatano, matautano junteca eca. Bapoxonae barapomonae bichocono junuwa.

<sup>16</sup> Pomonae bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaetha pomonae pata. Matautano yabara paeba pocotsiwa Jesús cana exana marrano duweimonaetha. <sup>17</sup> Bapoxonae barapomonae tamropata notarucupa xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomonae.

<sup>18</sup> Poxonae Jesús jeratha nontabiya, bapo pebin pon bayatha caurimonae xeina, bapon Jesús wucatsi xua bepa pinae Jesús puna ponaetsi. <sup>19</sup> Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamonae matabuxuwo beya. Barapomonaetha tsipaebare daxita pocotsiwa Nacom cacana exana. Matautano barapomonaetha tsipaebare xua Nacom bara cayabara najuntu coyene xeina pia necayawenaenexa, jei Jesús.

<sup>20</sup> Bapoxonae barapo pebin ponataba. Matautano tamropata pitaba xua cueicuei-jei daxita pocotsiwa bayatha Jesús cana exana bapontha. Barapon baxua tsipaeba Decápolis tomarantha, po tomaran xua diez po tomaranbe xua imoxoyo nacacuita ena. Daxita jiwi barapo tomaran najuntu coyene cabenaeca poxonae jume tane xua barapon paeba.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuwo axaibi exanatsi poxonae Jesús pia paparuwa tajayabatsiru*

*(Mt 9.18-26; Lc 8.40-56)*

<sup>21</sup> Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha. <sup>22</sup> Bapoxonae caein patopa pon judiomona pia penacaetutsi bo tatsi pecanamataxeinaewi jiwana monaepin. Bapon pewun Jairo. Poxonae bapon Jesús tainchi, Jesús peitabaratha tatsi pentabocototha tauncuatsi. <sup>23</sup> Bapon Jairo bichocono Jesús wucatsi. Jairo jeye:

—Taxantiyo muxu imoxoyo petupa. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asu pepoponaenexa tsane, jei Jairo.

<sup>24</sup> Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi. <sup>25</sup> Barapo pin bicheitha ir̄a napona yab̄uyo powa atene. Barapowa caena bayatha beya yadoce po weiyobe jopa xua pentab̄a janatha boca xua be nantawane. <sup>26</sup> Barapowa bichocono atene tsaibi bequein siwa poneiba pomonaetha pomonae peyaw̄abiwi jiwi. Barapomonae bapowa daxita cobe matapaeteibatsi paratixi xua bapowa peyaw̄abixaetsi, daichitha bapowa jopa yawenaetsi baxua. Saya equeicha bichocono abe tsoponae bapowa. <sup>27</sup> Poxonae bapowa jume tane xua pinae juinya Jesús axaibi exana jiwi, bapoxonae bapowa imoxoyo caquita uncuataba Jesús peputha tatsi xua pin bicheitha. Barapowa Jesús pia paparuwa tatsi tajayabatsi xua peopirawa. <sup>28</sup> Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei. <sup>29</sup> Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi. <sup>30</sup> Jesús pia coutha nayaputane xua ich̄an axaibi peexanaewatsi, tsipei pia pepon weya taajiwanatsurucuaetsi pia peayapus̄a itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

<sup>31</sup> Nexata Jesús pijimonae jume notatsi, jeye:

—Apara xam bayatha taneme xua pin bicheito catsaquibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimonae tatsi.

<sup>32</sup> Ichitha Jesús daxita j̄upaya tane peyaputaenexa pon pejayabiwatsi. <sup>33</sup> Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jesth̄a, yawa pentabocototha uncuata Jesús peitabaratha tatsi xua Jesús pebar̄a cui itura jinaexaetsi peainya cuinxae. Barapowa bara xainyeya paeba daxita pocotsiwa xua exana. <sup>34</sup> Jesús jeye barapowatha:

—Yab̄uyo, caaxaibi exanatsi tana neyabara jume cow̄antsixaem xua bara tana neitac̄upaewa xua tacaaxaibi exanaewatsi. Saya j̄untemiya poponde. Bara axaibim tsaibim tsane xua bara nepu tsitecae tsane, jei Jesús.

<sup>35</sup> Poxonae Jesús cataunxuae cueicueijei tsuncuae barapowatha, bapoxonae pata pomonae Jairo pia botha petanacuichi jiwichi. Bapon Jairo pecanamataxeinaein judiomonae pia penacaetutsi bo tatsi. Barapomonae jeye Jairotha pon pexantiyo taatenetsi:

—Nexantiyo bayatha cata t̄upa. ¿Eta xua metha came fayacotame pon jiwi Pecuidubin? jei barapomonae.

<sup>36</sup> Bequein bara baxua Jesús jume tane, ichitha baxua Jesús jopa jume naitaewatsiyo. Jesús jeye Jairotha:

—Jopa junuwinde, saya maisa nejume cow̄ande, jei Jesús.

<sup>37</sup> Bapoxonae Jesús jopa copatsiyo xua pepuna ponaewatsi tsainchi ichamonae. Saya meisa Jesús copata, xua pepuna ponaenexa tsainchi Pedro, ir̄a Santiago ir̄a Juan pon Santiago peweicho tatsi. <sup>38</sup> Poxonae Jesusbar̄a pata Jairo pia botha tatsi, bapoxonae Jesusbar̄a tane pin bicheito xua ajumeyaexa. Barapomonae bichocono wecoyeyi, yawa wawai xua Jairo pexantiyo petat̄upaexaetsi. <sup>39</sup> Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa t̄upaeyo, apara maituncua, jei Jesús.

<sup>40</sup> Ichitha barapomonae Jesús jume cui caponatsi. Nexata barapo pin bicheito Jesús pesato beitaweya. Meisa saya Jesús bar̄a joniya coxiȳan, coxiwano ichaxota Jairo pexantiyo tatsi pet̄upaeyo tabocatsi. Matautano Jesús pijimonae bar̄a joniya poyobe acoibi poyobe. <sup>41</sup> Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yab̄uyo, asiya uncuare, catsipaebatsi”, jei Jesús.)

<sup>42</sup> Barapoxonae barapowa caena nainya nontapona, powa xua doce po weibe xeina powayo Jairo pexantiyoxae tatsi. Barapowa asiya uncua, yawa itacuratsi xua peponaewa. Barapoxonae barapo pin bicheito poxonae baxua Jesús cui tainchi najuntu coyene cabenaeca. <sup>43</sup> Bapoxonae Jesús jume daunweya itoroba jiwitha xua baxua jopa peyabara paebinxatsi ichamonaetha pocotsiwa Jesús cana exana barapowayotha. Bapoxonae Jesús itoroba xua barapo pexuyo bara peapatsiwa tsainchi pexaewa.

## 6

### *Meje yabara poxonae Jesús Nazaret tomaratha popona (Mt 13.53-58; Lc 4.16-30)*

<sup>1</sup> Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Iruru Jesús pijimonaе puna poinchi. <sup>2</sup> Poxonae judiomonaе barompaya pia pentaquei seicae matabi tatsi tsuxubi, barapo matabitha Jesús tamropata pitaba xua cuiduba judiomonaetha judiomonaе pia penacaetutsi botha tatsi. Pinmonae pomonaе Jesús jume tayenatsi, barapomonaе najuntu coyene cabenaeca, jeye:

—¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itatsi coyenewa exana? <sup>3</sup> Apra bapon pon naepan pematabobin. Bapon apra María pexanto tatsi, apra iru Santiago pentapin tatsi, iru José pentapin tatsi, iru apra Judas pentapin tatsi, iru Simón pentapin tatsi. Apra bara iru pamchowaxi tatsi watomaratha jinompa, jei barapomonaе.

Daxota barapomonaе jopa xapain Jesús yabara jume cowantsichi. <sup>4</sup> Ichitha Jesús jeye barapo jiwitha:

—Daxita jiwi ba baru cui itura jina pontha pon Nacom peayapusu itorobi jume pepaebin. Nama pia tomarapiwi tatsi, iru piamonaе tatsi iru pia bomonaе matabuxuyomonaepiwi tatsi, barapomonaе ba jopa bapon baru cui itura jinaetsi, jei Jesús.

<sup>5</sup> Daxota Jesús jopa itacuratsi xua pexeinya petsita itatsi coyenewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tsicamonaeyo pomonaе peatenewi. <sup>6</sup> Jesús najuntu coyene cabenaeca, tsipei barapomonaе jopa yatsicaewa jume cowantsichi.

### *Meje yabara poxonae Jesús pijimonaе itoroba xua barapomonaе peyabara cueicuei- jeinexa jiwitha po coyene xua Nacom waba jiwi xua petanaexanaenexatsi pijimonaе tatsi (Mt 10.5-15; Lc 9.1-6)*

Daxota Jesús cuidubapona tsiqui tomaraxitha po tomaraxi ena Nazaret tomara pecuariya. <sup>7</sup> Jesús waba pijimonaе pomonaе doce poyobe tatsi. Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonaе cata pia peayapusu itorobi coyenewa, xua pijimonaе tatsi peitawetsinexa caurimonaе. <sup>8</sup> Jesús pijimonaе itoroba, xua pijimonaе tatsi jopa pecaponaenexa pocotsiwan xua poxonae namtontha peponaenexa. Itoroba xua saya meisa pecaponaenexa naeton po naeton penacobena bababi naeton. Jopa bewa barapomonaе pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi. <sup>9</sup> Yawa Jesús pijimonaе itoroba xua bara nataxu xatabina sapaton, po sapaton pebuxumubiwan. Matautano barapomonaе bewa nama xatabina saya be cae camisan. Jopa bewa caponaе icha camisan. <sup>10</sup> Jesús pijimonaе barai, jeye:

—Poxonae papatame tomaratha moya bara paenare po botha papatame, xua beya abu poxonae pawarapenama barapo tomara weya. <sup>11</sup> Icha, icha tomarapiwi jopa paca matenta weyataeya wabiyo, matautano icha jopa paca jume naitaewatsiyo pocotsiwa papaebame, nexata bapoxonae barapo tomara weya pawarapare. Po tsorobon painya

taxutha dubena panataxu wenunbabare barapo tomaratha. Baxua paexande xua barapomonaē peyaputaenexa xua apara barapomonaē abe exana paxamtha, jei Jesús.

<sup>12</sup> Bapoxonaē Jesús pijimonaē tatsi ponarucupa Jesús pia xainya weya tatsi. Barapomonaē cueicueijei jiwitha xua bewa pinaē jiwi icha juntu coyene xeinaē Nacomtha xua peauraxae xua abe peexanaē cuiru coyene exana Nacomtha. <sup>13</sup> Barichino barapomonaē taitaweta cauri pomonaē cauri xeina. Matautano barapomonaē caxueba penasiwatha pomonaētha pomonaē peatenewi. Bapoxonaē barapomonaē axaibi exana pinmonaē pomonaē peatenewi.

*Meje yabara poxonaē Juan bexotsi pon Pebautisabin jiwi  
(Mt 14.1-12; Lc 9.7-9)*

<sup>14</sup> Herodes pon Galilea nacuapiwi itorobiya pia pepa peewatsinchi bapon jume tane xua juinya jiwi daxita jume tane pocotsiwa Jesús exana. Daxota bapon jeye:

—Juan pon jiwi Pebautisabin pon bequein bayatha tupa, equeicha asu juina. Daxota barapon Jesús xeina barapo peayapusu itorobi coyenewa xua exana pexeinya petsita itabi coyenewan, jei Herodes.

<sup>15</sup> Ichamonaē Jesús yabara jeichichi:

—Bapon apara Elías xua equeicha asu, pon bayatha tupa, jei.

Iruu ichamonaē jeye:

—Bapon apara pon Nacom peitorobi jume pepaebin icha pomonaē ichi pomonaē Nacom peitorobi jume pepaebiwi pomonaē caena bayatha jinompa, jei xua ichamonaē paeba.

<sup>16</sup> Poxonaē Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibiwatsi. Anoxuae bapon equeicha asu petupae cuiru coyene weya, jei Herodes.

<sup>17</sup> Herodes baxua paeba, tsipei caena bayatha Herodes cui itoroba xua Juan pe-waetabinexatsi, matautano xua pemaxu cubinexatsino matautano xua jiwi pecabi botha peetsinexatsi. Herodes baxua exana tsipei piowa tatsi powa pewan Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabuyo. <sup>18</sup> Daxota Juan jiwi pecabi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xeiname bapowa tsipei bapowa eweicho piowa tatsi”, jei Juan.

<sup>19</sup> Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubiwatsi xua ichamonaē pebexubiwatsi tsainchi, ichitha jopa itacupaetsi bapowa. <sup>20</sup> Herodías jopa itacupaetsi xua peexanaewa baxua, tsipei Herodes Juan cunuwatsi. Bapon yaputane xua Juan bara xaniwaicha peexanaein, xuno matautano bara juntu coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara unthuthu deideijei pocotsiwa Juan pepaebixae, daichitha awiya ichichipa pocotsiwa Juan pepaebiwa.

<sup>21</sup> Ichitha matabi jopa, po matabitha Herodías itacupaetsi xua Juan abe pecana exanaewatsi. Herodes yantacabi jopa, po matabitha caena bayatha Herodes naexana poxonaē pexuyo. Barapo matabitha Herodes exana pin penabanaewa. Bapon waba pomonaē iru pentacaponawewi, pomonaētha itoroba xua iru tacanamataxeinatsi icha tomarantha. Iruo wabano pomonaē soldadomonaē pia pepa pentacaponawewi tatsi. Iruo wabano pomonaē ainya cui penaexanaē jiwi Galilea nacuatha. <sup>22</sup> Herodías pexantiyo tatsi patopa po tututha ichaxota nabanathopa. Barapowa tsita yaweibuncua xua barapomonaē tane. Baxua Herodes ichichi xeica xua bapowa yaweibuncua. Iruu pomonaē baxota naxayena, ichichi xeica baxua. Bapoxonaē Herodes jeye bapowatha.

—Newucare pocotsiwa xua neichichipaewa, bapoxonaē cacatsinchi jinya beta neyaweibixae, jei Herodes.

<sup>23</sup> Bapon Herodes yabara tsiwanaē muxu dutsiya jeye:

—Bara cacatsinchi pocotsiwa xua new<sub>u</sub>came. Metha bequein new<sub>u</sub>caetsipame xua tanacua epa toyatsipan baraxua bara cacatsinchi, jei.

<sup>24</sup> Barapowa pona xua peyainyabinexa pena, jeye:

—Ena, ¿eta pocotsiwa metha w<sub>u</sub>cacuaein? jei.

Barapowayo pena jume notatsi, jeye:

—W<sub>u</sub>care Juan pentasipa tatsi, pon jiwi Pebautisabin matasipa, jei Herodías.

<sup>25</sup> Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatsiwam tsane paratontha Juan pentasipa tatsi, pon jiwi Pebautisabin matasipa, jei.

<sup>26</sup> Barapoxonae Herodes bichocono <sub>u</sub>n<sub>u</sub>th<sub>u</sub> wecoyei. Ichitha tsipei bayatha yabara petsi<sub>u</sub>nae muxu dutsixae xua bepa pinae catsina pocotsiwa w<sub>u</sub>caeinchi, mata<sub>u</sub>tano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa w<sub>u</sub>catsi. <sup>27</sup> Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwi pec<sub>u</sub>bi bo beya. Baraxotiya Juan wisi ucuibatsi. <sup>28</sup> Barapo soldadomonaepin matasipa carena paratontha. Bapon cata yab<sub>u</sub>yotha. Barapowayo xuya pena cata.

<sup>29</sup> Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonae pona jiwi pec<sub>u</sub>bi bo beya xua Juan pepichinexa tsainchi pet<sub>u</sub>paein, yawano xua peboyaenexa tsainchi ibo wou m<sub>u</sub>th<sub>u</sub> iya.

*Meje yabara poxonae Jesús apata pexaewa cinco mil pebiwi  
(Mt 14.13-21; Lc 9.10-17; Jn 6.1-14)*

<sup>30</sup> Barapoxonae pirapae Jesús pia peitorobiwi tatsi, Jesús bar<sub>u</sub> nacaetutatsi. Barapomonae Jesús tsipaebatsi xua daxita pocotsiwan barapomonae peexanaexae, yawano pocotsiwa xua bayatha barapomonae cuiduba. <sup>31</sup> Jesús pijimonae tsipaeba, jeye:

—Anetha poinchi, xua wanafifina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús ir<sub>u</sub> pijimonae tatsi jopa itac<sub>u</sub>paetsi xua pexaewa tsane. <sup>32</sup> Barapoxonae Jesús, ir<sub>u</sub> pijimonae tatsi compa ponar<sub>u</sub>c<sub>u</sub>pa jeratha ichawatha beya xua ichaxota jiwaibi beya. <sup>33</sup> Ichitha pin bicheitomona tane poxonae Jesús ir<sub>u</sub> pijimonae tatsi jeratha pona. Barapo pin bicheitomonae Jesusbar<sub>u</sub> yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonae tsiwanaya patatsi Jesús. <sup>34</sup> Poxonae Jesús jera wenontouna bapoxonae Jesús tane pin bicheito. Jesús yabara naj<sub>u</sub>nt<sub>u</sub> coyene xeina xua barapomonae peyawenaenexatsi. Barapomonae jopa xeinaeyo pon peyawenaen barapomonaetha icha be oveja ichi poxonae jopa xeinaeyo pon peyapu eenaen. Daxota Jesús barapomonaetha cuiduba ainya coyenein. <sup>35</sup> Poxonae tabopiya tsanaichaba Jesús pijimonae itata patatsi, jeye Jesustha:

—Bayatha tabopiya tsanaicha. Xote apara bon ajibi xua ichaxota jiwi jinompa.

<sup>36</sup> Barapomonae itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonae pecomocaewa pexaewa. Tsipei xote pexaewa ajibi, jei pijimonae tatsi.

<sup>37</sup> Ichitha Jesús pijimonae barai, jeye:

—Paxam jame moya paapare pexaewa, jei.

Barapomonae jeye:

—¿Xam ichichipame xua pata <sub>u</sub>pain comocaewa tsane barapo bicheitomonae ainya panmonaein xua pata comocaenexa doscientos po paratiximonaebetha pocotsi paratiximonaebe xeineiba pomonae nacuiteiba doscientos matabibetha? jei barapomonae.

<sup>38</sup> Jesús barai pijimonae, jeye:

—Pan ¿eta xoyobe paxeiname? Incane matha pataema, jei.

Poxonae barapomonae yaputane jeye Jestutha:

—Cinco po panyobe, yawa dos poyobe duweiyobe, jei barapomonae.

<sup>39</sup> Jesús pijimonae najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya. <sup>40</sup> Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya. <sup>41</sup> Barapoxonae Jesús pecobetha pita pan cinco po panyobe. Yawa pita duweiyobe xua dos poyobe. Bapoxonae Jesús peitaboco benecoicha, Nacomtha tsipaeba jeye: “Axa maisa juntu coyene weiweinan, xua pexaewa pata tanecatxiwaxaem”, jei Jesús. Barapoxonae Jesús epa janaxuba pan. Jesús pijimonae cata barapo pan, xua pijimonae tatsi xuya pecatsibaponaenexa barapo pin bicheitha. Barichi Jesús duweiyobe epa janaxubabe. Bapoxonae apata barapo pin bicheitha. <sup>42</sup> Barapo pin bicheito bara daxita nabane. Bara jain cowuntarucupatsi. <sup>43</sup> Barapoxonae Jesús pijimonae tatsi doce po cotebe wumba xua nacopaba xua bayatha barapo jiwi jopa xaeyo petonsanaexae. <sup>44</sup> Pomonae xua barapo pan pexaexae barapomonae cinco mil pebiwimonae.

*Meje yabara poxonae Jesús mene matatsun jumatha pona  
(Mt 14.22-27; Jn 6.16-21)*

<sup>45</sup> Pirapae Jesús pijimonae itoroba xua peponaenexa jeratha, xua icha muxunene beya. Barapomonae Jesús tsiwana payatsi Betsaida tomara beya. Barapoxonae Jesús napeyaba barapo pin bicheito. <sup>46</sup> Poxonae Jesús napeyaba barapo pin bicheito, bapoxonae Jesús pona demxuwatheicha xua petsipaebinxaxa Nacomtha. <sup>47</sup> Poxonae bayatha quirei tsanaicha, bapoxonae Jesús pijimonae tatsi iru jeratha tuwatha yanapona. Jesús iru compa pecaetha popona. <sup>48</sup> Jesús tane xua barapomonae bichocono daunweya nowaeta tsipei dawerena bichocono joibo daunwei. Poxonae mataqueiwunaeyo tso-ponae, Jesús pijimonae imoxoyo caquita pona. Bapon mene matatsun jumatha pona. Jesús juntucuru xenta iya barapomonae. <sup>49</sup> Poxonae Jesús pijimonae tainchi xua mene matatsun jumatha pona, barapomonae itaraerowiya nanta xeina, xua Jesús itara mexeya dowatsiwejei. Yawa barapomonae wawai. <sup>50</sup> Daxota barapomonae bichocono wawai, tsipei daxita barapomonae tane, yawa bichocono cuitaya junuwa. Ichitha Jesús barai barapomonae, jeye:

—¡Apara xan! ¡Jopa pajunuwinda! ¡Maisa pajuntu coyene weiweinare! jei Jesús.

<sup>51</sup> Bapoxonae Jesús jeratha nontabiya barapomonae pia xantha tatsi. Barapoxonae joibo caewanaya exana. Barapomonae bichocono najuntu coyene cabenaeca. <sup>52</sup> Barapomonae baxua exana, tsipei barapomonae cataunxuae jopa yaputaeyo xua apara Jesús pon Nacom itoroba. Bequein bapon pexeinya petsita itatsi coyenewa exana poxonae apata pan pin bicheitomonaetha, barapomonae jopa beyaputaeyo pia juntu coyenewantha.

*Meje yabara poxonae Jesús axaibi exana pomonae peatenewi, pomonae Genesaret nacuapiwi  
(Mt 14.34-36)*

<sup>53</sup> Jesús, iru pijimonae tatsi bara pitapa berubenathopiya xua pucua weya. Genesaret nacuatha pata. Baxota jera quetanota pitapatha. <sup>54</sup> Poxonae Jesús jera wenontouna, bapoxonae caena nainya pinmonae Jesús yaitaerucupatsi. <sup>55</sup> Bapoxonae barapo jiwi bara wecuinaeyiya daxita barapo ira weya. Matautano carendena pocotsiwa pemaichiwatha pomonae atenemonae, Jesús pia xainya betacayiyatsi. <sup>56</sup> Daxitantha ichaxota Jesús ponaena, ichaxota bequein tsica tomaraxi, ichaxotano bequein pin tomaran, ichaxotano bequein tomaran cuariya, daxita barapomonae capona peatenewimonae.

Barapo peatenewimonae jebatsi namtontha. Barapomonae Jesús wacatsi xua Jesús petajayabinexatsi pia paparuwa peopirato tatsi. Daxita pomonae Jesús pia paparuwa tajayabatsi daxita barapomonae axaibi tsurucupeibi.

## 7

*Meje yabara poxonae Jesús yabara paeba xua pebin abe peexanae cuiru coyene juntu webocatsi*

*(Mt 15.1-20)*

<sup>1</sup> Nexata fariseomonae, iru pomonae jiwi pecuidubiwi Moisés pia peitorobi coyene tatsi xua pomonae Jerusalén tomara werendena, daxita barapomonae Jesús imoxoyo caquita poinchi. <sup>2</sup> Barapomonae tane xua Jesús pijimonae tatsi jiwana najuntu coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonae xane. Daxota barapomonae nanta xeina xua Jesús pijimonae tatsi pomonae peantacuiruyapube jiwi. <sup>3</sup> (Barapomonae aichaxaibi xua Jesús pijimonae tatsi jopa matha nacobe quiatsiyo poxonae xane, tsipei fariseomonae iru daxita judiomonae jopa daichiyo. Barapomonae pia cui xeina xua jopa xaibiyo poxonae jopa matha tsiwanaya daunweya nacobe quiateibiyo. Barapomonae barapo cui coyene exana xua po cui coyene pia pamo susato jiwi tatsi copiya cananta forota. <sup>4</sup> Poxonae barapomonae caibe nawibeibarena ichaxota po bon xua pexaewa pecaenaetsiwan weya, bapoxonae copiya tsiwanaya merantha naperu tsicababeiba xua poxonae xane. Barichi barapomonae icha coyeneinno exanapona xua peitorobi coyenewantha itoroba xua poxonae corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.) <sup>5</sup> Bapoxonae fariseomonae, iru pomonae jiwi pecuidubiwi Moisés pia peitorobi coyene tatsi, jeye Jesustha:

—¿Eta xua metha jinya jiwimonae jopa exanaeyo xua pocotsiwa wamo susato jiwi pia peitorobi cui coyenewantha itoroba xua penajuntu coyene taxobiyainwa? Jinyamonae barapo cui jopa exanaeyo xua jopa matha tsiwanaya nacobe quiateibiyo poxonae beya xaiba. Daxota jinyamonae pomonae peantacuiruyapube jiwi xua penajuntu coyene taxobixae, jei barapomonae.

<sup>6</sup> Jesús jume nota barapomonae, jeye:

—Bara Isaías pon Nacom peitorobi jume pepaebin beta xaniwaicha paca yabara paeba xua paxam pomonae itara mexeya xanepanaeya pepaebi jiwi pam, daichitha apara abeya peexanae jiwi pam. Bapon paca yabara tinaeya jeye, xua Nacom paeba:

‘Barapomonae neyabara baru cui itura jina poxonae cueicueijeji tsaibi, ichitha pejuntu coyenewantha jopa neantobeyo.

<sup>7</sup> Pocotsiwa poxonae barapomonae wuna nejainta saya pejume pawí.

Po pecuidubiwa xua barapomonae cuiduba jiwitha saya apara jiwi pia peitorobi coyenewa tatsi’, jei Nacom xua Isaías tatina Nacom, jei Jesús.

<sup>8</sup> Equeicha Jesús jeye barapo fariseomonaetha iru pomonaetha pomonae pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quiateibinexa poxonae xaiba penajuntu coyene taxobiyainwa, jei Jesús.

<sup>9</sup> Equeicha Jesús barapomonaetha jeye:

—Itapetsiya painya neexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi. <sup>10</sup> Bayatha Moisés pia peitorobi coyenewatha itoroba, jeye: ‘Axa baru cui itura jinare, iru ena baru cui itura jinare’, jei. Equeicha bapon Moisés jeye: ‘Pon abe yabara paeba paxa, xua jopa peyawenaewa paxa ichacuiha tsipae xua penatha, bara bapon bewa tupaena’, jei Moisés. <sup>11</sup> Ichitha paxam papaebame, xua pinae pebin bara itacupatsi xua paxatha tsipaeba, ichacuiha xua penatha xua jeye: ‘Jopa neitacupaeyo xua tapaca cayawenaewatsi, tsipei daxita pocotsiwa xeinan xua bequein pocotsiwatha tapaca cayawenaewatsi tsainchi baxuan daxita Nacomtha catan’, xua jei pebin. <sup>12</sup> Poxonae peburaya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, iruru xua penatha. <sup>13</sup> Poxonae paexanaponame pocotsiwa painya amo susato jiwi pia peitorobi coyenewatha itoroba, xuano xua ichamonae pacana exaname xua baxua iru exana bapoxonae paxam Nacom pia peitorobi jume pecui paw jume pacana exaname. Barichi ichawanno xua be jupa xua peabe coyenein paexanameno, jei Jesús.

<sup>14</sup> Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi. <sup>15</sup> Pocotsiwa ba pebin pecoiboto deca tsijain jojonecatsi pexaewan, barapo coyene apara ba jopa bapana pebin antacuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antacuiruyapube exanatsi xua poxonae pecueicueijeixae baxua. <sup>16</sup> Icha pamuxu dubename, moya pana nejume naitaeware pocotsiwa tapaca tsipaebiwatsi, jei Jesús.

<sup>17</sup> Poxonae Jesús jiwi cuenta pona yawa bo bejoniya, bapoxonae Jesús pijimonae yabara yainyabatsi barapo pecayabara jata pepaebi diwesiyo. <sup>18-19</sup> Jesús jume nota pijimonae jeye:

—jPaxam bara paichim icha fariseomonae ichi! Jopa payabara yaputaem barapo pecayabara jata pepaebi diwesiyo xua pexaewa yabara. Bayatha paxam payaputaneme pocotsiwa pebin tsijain jojonecatsi pexaewa pecoiboto deca, barapo pexaewa jopa abe cana exanaeyo pebin pia juntu coyenewa. Barapo pexaewa pebin jopa antacuiruyapube exanaetsi. Barapo pexaewa jopa ponaeyo pia juntu coyenewatha. Jame barapo pexaewa pecotsorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara wanae pexaenexa. Jopa jiwi antacuiruyapube exanaetsi. <sup>20</sup> Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin antacuiruyapube exanatsi. <sup>21-22</sup> Tsipei pejuntu coyenewatha pebin nanta xeina, xua meje bapocotsiwanje: Abe penanta xeinae coyenewa, iru peita coxanae coyenewatsi coyenewa xua poxonae penayaputae jiwi naperu nacoyaba, iru ichun piawa tatsi pecaibi coyenewa, iru ichun anaya pebexotsi coyenewa, iru ichun piseuri tatsi pepichi coyenewa, iru ichun piawa tatsi peichichipae coyenewa, iru abe peexanae coyenewa, iru ichun pemuxitorobiwatsi coyenewa, iru peyuyujei coyenewa, iru peuwi coyenewa, iru ichun peyabara naerabiwatsi coyenewa, iru ichamonae peabi coyenewatsi, iru jopa xainyeya peexanae coyenewa poxonae bequein yaputaetha xua jopa bewa exanae. <sup>23</sup> Daxita barapo coyenein pejuntu coyene weya jume pichapa. Barapo jume coyeneintha pebin antacuiruyapube exanatsi, jei Jesús.

*Meje yabara poxonae yabayo powayo penanapaincha poponaewayo Jesús jume cowantatsi*

*(Mt 15.21-28)*

<sup>24</sup> Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aichaxaibi xua jiwi yaputane ichaxota



bapon eca, ichitha Jesús jopa itacupaetsi xua nameicha eca. <sup>25</sup> Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jesththa. Yawa pentabocototha uncuca Jesús peitabaratha tatsi xua bapowa petsita ainya cuixaetsi. <sup>26</sup> Barapowa penanapaincha poponaewayo pecueicueijeixae griegojume. Jopa judiomonae jitowayiyoy. Bapowa sirofeniciamonaewayo naexana penaexanaexae Fenicia tomaratha xua Siria nacuatha. Barapowa Jesús wacatsi jeye:

—Taxantiyo inta taitawere cauri, jei barapowa.

<sup>27</sup> Ichitha Jesús jume nota barapowatha pecayabara juta pepaebi diwesiyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeban xua jopa bewa catsin tsane pomonaetha pomonae penanapaincha jinompaewi pomonae jopa judiomonae naexanaeyo xua pocotsiwa barompaya judiomonae piawa tatsi. Daxota jopa wanaeyo xua cayawenatsi, jei Jesús.

<sup>28</sup> Barapowa jume nota Jesththa pecayabara juta pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamataxeinaem. Xainyei paebame. Jopa ba bewa auri catsibi pexui pia pexaewa tatsi. Daichitha auri ba xane pocotsiwa pexui sorobaba barapo pepawixi pocotsiwa pexaethopaewa pebuxupana tsica othopeica. Bara jutiyi ichiya necana ichinde, daichitha neyawende, jei bapowa.

<sup>29</sup> Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

<sup>30</sup> Poxonae barapowa patopa pia botha, pexantiyo taebota xua camatha jantema boca. Matautano tane xua bapowayo bayatha wepu poinchi cauri.

### *Meje yabara poxonae Jesús axaibi exana pon pemuxusipanaein*

<sup>31</sup> Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Matautano ichaxota diez po tomaranbe iya pona po tomaran pewan Decápolis. Bapoxonae Galilea pucuatha patopa. <sup>32</sup> Baraxotiya Jesús pia xainya berena tacapoinchi pebin pon muxusipana, matautano xua jopa itacupaetsi xua pecueicueijejiwa. Pomonae pecarendenaexae bapon, barapomonae Jesús wacatsi, xua Jesús penta jayabiwa tsane xua bapon axaibi peexanaenexa tsainchi. <sup>33</sup> Barapo pebin Jesús aisowa bebaru poinya pin bicheito pia xainya weya tatsi. Jesús pecobesitobetha nantiyabe muxu yauxatata. Poxonae naone sutaba peone pecobetha bapoxonae barapo cobetha ebato jayaba bapontha. <sup>34</sup> Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efata!” jeichichi, (xua jeichichi: “¡Muxu nasabare!” jeichichi.)

<sup>35</sup> Bapoxonae caena nainya bapon muxu nasaba nantiyabe. Matautano bara ebato xanepana. Matautano bara itacupatsi xua pecueicueijejiwa beta. <sup>36</sup> Bapoxonae Jesús barai barapomonae, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, daichitha barapomonae awiya baxua yabara paebeiba ichamonaetha beyacaincha xua Jesús jume matawenta. <sup>37</sup> Barapomonae najuntu coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonae pemuxusipanaewi equeicha beta jume tane, yawa bara cueicueijeji”, jei barapomonae.

## 8

### *Meje yabara poxonae Jesús pexaewa apata cuatro mil pebiwi*

*(Mt 15.32-39)*

<sup>1</sup> Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

<sup>2</sup>—Barapomonae yabara najuntũ coyene xeinan tayawenaenexa, tsipei barapomonae bayatha xote nebarũ jinompa acoibi po matabibe. Anoxuae jopa xeinaeyo xua pocotsiwa pexaewa tsane. <sup>3</sup> Icha barapomonae jainbotha pu itorobichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamonae bayatha tajũ werendena, jei Jesús.

<sup>4</sup> Jesús pijimonae jume notatsi, jeye:

—Paxan jopa pana itacũpaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

<sup>5</sup> Jesús yainyaba pijimonae, jeye:

—¿Eta po panyobe paxeiname? jei.

Jesús jume notatsi pijimonae, jeye:

—Siete po panyobe paxeinan, jei.

<sup>6</sup> Nexata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa jũntũ coyene weiweinan xua pexaewa pata tanecatxiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheitho. <sup>7</sup> Barichino barapomonae be conotha xeina duweixi poxi tsiquirixi. Jesús Paxa tsipaeba jeye: “Axa, maisa jũntũ coyene weiweinan xua pata tanecatxiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsibaponaenexa barapo bicheitho. <sup>8</sup> Daxita barapomonae bara xane. Daxita bara jain cowũntarũcupatsi. Piraepae awiwa equeicha wũmba siete po cotebe xua nacopaba pocotsiwa xua barapomonae bayatha jopa xaeyo petonsanaexae. <sup>9-10</sup> Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomaran beya. Bapoxonae caena nainya Jesús, irũ pijimonae tatsi, jeratha nonobabiya pewarapaenexa Dalmanuta nacua beya.

*Meje yabara poxonae fariseomonae Jesús cui itorobatsi xua peexanaewa tsane pex-einya petsita itũtsi coyenewa*

*(Mt 16.1-4; Lc 12.54-56)*

<sup>11</sup> Bapoxonae fariseomonae pata Jesustha. Barapomonae tamropata notarũcupa xua najume matsontsonoba exana Jesustha. Barapomonae Jesús pejũntũ coyene jũjũtsinexatsi, daxota Jesús piraichi cui itorobatsi pia petsita itũtsi coyenewa pocotsi coyenewa xua cana exana itaboco wetsica. Barapomonae jopa bapon jume cowũntsichi icha jopa itacũpaetsi xua exana petsita itũtsi coyenewa. <sup>12</sup> Jesús najumeicauna pejũntũ coyene weya poxoru barapomonae bapon amuxucoyenefaetabi exanatsi. Bapoxonae jeye:

—¿Eta pocotsiwa metha barapomonae tapexeinya tsita itũtsi coyenewa necui itoroba jane? Bara xainyeya paca tsipaebatsi jopa bapana beexanaeyo baxua, xua barapomonae necui itoroba, jei Jesús.

<sup>13</sup> Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

*Meje yabara poxonae Jesús pijimonae yabara yaputane exana pocotsiwa pan cotowa exana*

*(Mt 16.5-12)*

<sup>14</sup> Jesús pijimonae tatsi jũntemaina xua capona pan. Meisa cae pan capona jeratha, po nae pin naetha. <sup>15</sup> Jesús itoroba pijimonae, jeye:

—Dota pam, jopa pajume naitaewatsinde fariseomonae pia pecuidubi coyenewa tatsi xua painya nejume cowũntsiyainwa. Mataũtano dota pam, xua Herodes pia pecuidubi coyenewa tatsi xua painya nejume cowũntsiyainwa. Barapo pecuidubi coyenewan jiwi

ichawa beya ajuntacuicoyene yapube cana exanapoinchi icha be pocotsi coyene ichi xua levadura matawun xua pan cocotowa exanapona beya poxonae pin pan, jei Jesús.

<sup>16</sup> Jesús pijimonaе tatsi tamropata notarucupa xua caemonae natsipaeba, najei: “Metha apara poxoru junte mainatsi xua caponatsi po pan xua levadura cotowa exana, daxota metha baxua Jesús junte coniquiya naca muxu tsipaeba”, najei barapomonaе.

<sup>17</sup> Jesús yaputane pocotsiwa pijimonaе tatsi natsipaeba. Ichitha poxoru Jesús yabara paeba xua fariseomonaе iru Herodes pia pecuidubiwana tatsi daxota Jesús yainyaba piamonae:

—¿Eta xua metha pana natsipaebame xua jopa painya necaponaexae pan? Baxua papaebame apara poxoru jopa pana nejume yabara cowuntsim pocotsiwa paca cuidubatsi. Cataunxuae jopa pana necui yabara yaputaem poxoru jopa paichichipaem xua painya neyaputaewa tsane painya junte coyeneintha. <sup>18</sup> Paxam bequein pana necui taneme, ichitha jopa xaniwaicha pana necui yaputaem. Matautano bequein bara pana nejume taneme ichitha jopa xaniwaicha pana nejume copi yaputaem. Matautano pajunte mainame poxonae pexeinya petsita itatsi coyenewa exanan jiwi nexa poxonae pan catan jiwitha. <sup>19</sup> Poxonae janacan pan xua cinco po panbe xua cinco mil pebiwi nexa, ¿eta po cotethabe pawunbaponame xua pocotsiwa nacopaba? jei Jesús.

Barapomonaе Jesús jume notatsi, jeye:

—Doce po cotebe apara, jei Jesús pijimonaе tatsi.

<sup>20</sup> —Poxonae janacan pan xua siete po panbe xua cuatro mil jiwi nexa, ¿eta po cotethabe pawunbaponame xua pocotsiwa nacopaba? jei Jesús.

Barapomonaе Jesús jume notatsi jeye:

—Siete po cotebe apara, jei Jesús pijimonaе tatsi.

<sup>21</sup> Nexata Jesús pijimonaе barai xua muxu jei:

—Metha matapainya payaputaename xua apara jopa yabara paca tsipaebichi pan. Apara jame paca tsipaebatsi xua jopa bewa pajume cowuntsim tsane fariseomonaе iru Herodes pia pecuidubiwana tatsi, jei Jesús.

*Meje yabara poxonae Jesús itacuere wunaeta pon peitata nacutsin Betsaida tomaratha*

<sup>22</sup> Jesús pijimonaе baru botouna jeratha Betsaida tomaratha. Barapo tomarapiwi jiwana carendena pon peitata nacutsin, Jesús pia xantha tatsi. Barapomonaе Jesús wucatsi, xua bapon pemata jayabinexatsi xuano xua axaibi peexanaenexatsi. <sup>23</sup> Jesús cobe pita pon peitata nacutsin. Bapon cobe capoinchi aisowa beya xua tomara weya. Bapoxonae Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caítacupa xua netaewa? jei Jesús.

<sup>24</sup> Bapon necotaxuba, bapoxonae Jesús jume notatsi, jeye:

—Pebiwi tan, daichitha itanonojan. Jiwi saya be naewan jinompa, jei bapon.

<sup>25</sup> Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonae itamaiquei xanepana. Bapon bara beta matapainya wunaе tane. <sup>26</sup> Jesús itorobiya jeye bapon xua penawiyaenexa pia bo beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.

*Meje yabara poxonae Pedro namchi Jesustha jeye: “Xam apara Mesías pon Nacom caitorbica”, jei*

*(Mt 16.13-20; Lc 9.18-21)*

<sup>27</sup> Bapoxonae Jesús, iru pijimonaе tatsi pata tsiqui tomaraxitha, po tomaraxi pewun Cesarea de Filipino. Poxonae namtotha cataunxuae enapona, bapoxonae Jesús pijimonaе yainyaba, jeye:

—¿Eta jiwi neyabara jei po coyene xua xan bapon aparan? jei Jesús.

<sup>28</sup> Barapomonae Jesús jume notatsi, jeye:

—Ichamonae cayabara jei: ‘Apara bapon Juan, pon jiwi Pebautisabin pon equeicha petupaein asu juina’, jei. Iru ichamonae cayabara jei: ‘Apara bapon Elías, pon equeicha petupaein asu juina’, jei. Iru ichamonae cayabara jei: ‘Apara bapon jiwana, pomonae Nacom peitorobi jume pepaebiwi’, jei, jei Jesús pijimonae tatsi.

<sup>29</sup> Bapoxonae Jesús pijimonae yainyaba, jeye:

—¿Incane iru paxamdu? ¿Eta paneyabara jumichimdu xua xan eta pondun? jei Jesús.

Bapoxonae Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

<sup>30</sup> Jesús pijimonae muxu barai xua pijimonae jopa peyabara paebinexatsi ichamon-aetha baxua.

*Meje yabara poxonae Jesús nayabara diwesi paeba po coyene xua petupaewa tsane (Mt 16.21-28; Lc 9.22-27)*

<sup>31</sup> Bapoxonae Jesús tamropata pitaba xua pijimonae tsipaeba pocotsi coyene xua Jesús cana exanaeinchi ichamonae, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iruru sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po maticabiyobe tsuxubi tsane”, jei Jesús.

<sup>32</sup> Baxua Jesús pijimonae wunaeya muxu tsipaeba xua barapomonae bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinexa baxua. <sup>33</sup> Jesús pijimonae napatomeicha necota. Bapoxonae jume daunweya jeye Pedrotha:

—¡Xam be pon caurimonae pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

<sup>34</sup> Bapoxonae Jesús waba pin bicheito, matautano wabano pijimonae, yawa jeye daxita barapomonaetha:

—Icha pebin ichichipa xua tajiwimonae jiwanapin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwimonae jitonxae. <sup>35</sup> Pon naantobeya nata exana pocotsiwa bapon ichichipa, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha. <sup>36</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntayapusawa po peajuntayapusawa ataya tsiteca, bapoxonae bapon jopa itacupaetsi xua penajuntayoyene capanepaewa xua peweraweracaewa tsane. <sup>37</sup> Tsipei pebin jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajuntayoyenesawa xua barapoxonae pepatopaewa tsane Nacom pia nacua beicha tatsi. <sup>38</sup> Icha ichun neacaura, yawa nejume diwesi acaurano jiwi peitabaratha tatsi, pomonaetha pomonae jopa tana nejume cowantsi jiwi, pomonaethano pomonae bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

## 9

<sup>1</sup> Barichino Jesús jeye:

—Bara xaniwaicha paca tsipaebatsi xua pomonae xote umene barapomonae jiwana ab<sub>u</sub> copiya matha yabara yaputaena xua po coyene Nacom waba jiwi xua petanaex-anaenexatsi piamonae pomonae itorobiya taewatsixae taayapusawatha. Bapoxonae barapomonae werapaena, jei Jesús.

*Meje yabara poxonae Jesús pijimonae peit<sub>u</sub>tha pexeinya it<sub>u</sub>panae coicha tsanaya naex-ana*

*(Mt 17.1-13; Lc 9.28-36)*

<sup>2</sup> Poxonae seis po matabibibe jopa, xua Jesús paeba baxua bapoxonae pirapae Jesús bar<sub>u</sub> pona Pedro, ir<sub>u</sub> Santiago ir<sub>u</sub> Juan. Barapoyobe Jesús compa bar<sub>u</sub> pona demxuwatheicha po demxuwa bichocono ta<sub>u</sub>cha. Baxoteicha barapoyobe peit<sub>u</sub>tha tatsi, Jesús pexeinya it<sub>u</sub>panae coicha tsanaya. <sup>3</sup> Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana. <sup>4</sup> Bapoxonae Pedro, ir<sub>u</sub> Santiago ir<sub>u</sub> Juan Elías taerucupatsi, ir<sub>u</sub> Moisés ponbe caena bayatha naxubabe. Baponbe Jesús bar<sub>u</sub> cueicueijeichibe. <sup>5</sup> Bapoxonae Pedro namchi, jeye Jesustha:

—Pon jiwi Necuidubim maisa w<sub>u</sub>nae xua xote pata umenaewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>6</sup> Pedro baxua paeba, bequein jopa yaputaeyo pocotsiwa yabara cueicueijeji, tsipei poxoru saya barapomonae bichocono pijunuwi. <sup>7</sup> Bapoxonae daxita barapomonae pia xainya bematawacaicha taruneicatsi tsaquinaebowa. Barapo tsaquinaebowatha pejume jume tane, xua Nacom Jesús yabara cueicueijeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsi-paeba”, jei Nacom. <sup>8</sup> Barapoxonae caena nainya poxonae necobar<sub>u</sub>c<sub>u</sub>pa barapomonae, baponbe jopa taetsi, meisa saya Jesús compa uncu. <sup>9</sup> Poxonae Jesús pijimonae bar<sub>u</sub> juinca demxuwa wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunxuae pataneme xua tapaca catsita exanaewatsi. Jopa payabara paebinde beya ab<sub>u</sub> poxonae equeicha as<sub>u</sub>n popon-aein tat<sub>u</sub>pae coyene weya, xan ponxaein Nacom Tananeitapetsin”, jei Jesús. <sup>10</sup> Daxota barapoyobe jopa yabara paebiyo ichamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae pet<sub>u</sub>pae coyene weya as<sub>u</sub> tsane?” najeibe. <sup>11</sup> Barapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, ¿eta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

<sup>12</sup> Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Mata<sub>u</sub>tano paeba xua bapon cana nant<sub>u</sub> coyene weta exanaena jiwi pia j<sub>u</sub>nt<sub>u</sub> coyenewantha xua jiwi pejume cow<sub>u</sub>ntsinea Nacom. Mata<sub>u</sub>tano barapo Nacom Pejume Diwesitha paeba xua xan ponxaein Nacom Tananeitapetsin ichamonae neperaxa j<sub>u</sub>bina. Mata<sub>u</sub>tano bichocono abeya neyabara paebina. <sup>13</sup> Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamonae, icha be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiw<sub>u</sub>nae muxu dutsixae, jei Jesús.

*Meje yabara poxonae Jesús cauri taitaweta xua pewowin xeina*

*(Mt 17.14-21; Lc 9.37-43)*

<sup>14</sup> Bapoxonae pirapaeyo barapo acoibi poyobe Jesús baru nawiya ichaxota ichamonae pijimonae tatsi tajinompatsi. Bapoxonae barapomonae tane xua Jesús pijimonae tatsi pomonae baxota petajinompaewixaetsi baru nacaetutatsi pin bicheito. Iru baxota naena pomonae jiwi pecuidubiwi Moisés pia peitorobi coyene tatsi. Barapo pecuidubiwi Jesús pijimonae tatsi jume matsontsonobatsi. <sup>15</sup> Barapo pin bicheito najuntu coyene nabenaeca poxonae Jesús taerucupatsi. Bapoxonae barapo pin bicheito caena nainya Jesús pexainya betacuinaeyiyatsi xua Jesús pejacobinexatsi. <sup>16</sup> Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwimonae pajume matsontsonobame? jei Jesús.

<sup>17</sup> Caein pon uncua baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi. <sup>18</sup> Poxonae taxanto taibatsi cauri, inta iratha bebai tsaibichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wucan jinyamonae, janje: ‘Painta taxanto taitawere cauri’, jan, daichitha jopa itacupaetsi xua inta taxanto petaitawetsinexatsi cauri, jei bapon.

<sup>19</sup> Bapoxonae Jesús anaya barai pijimonae, jeye:

—jPaxam barapomonae pam, pomonae jopa xapain cataunxuae pana nejume cowantsim! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Pon cauri xeina painta baru awena, jei Jesús.

<sup>20</sup> Bapoxonae Jesús pexantha tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi. <sup>21</sup> Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae. <sup>22</sup> Matowa cauri inta taxanto isototha bebai tsaibichi. Matautano inta mentha bebai tsaibichi pebexubinexatsi. Icha caitacupa xua neexanaewa tsane baxua, pana yabara najuntu coyene xeinare jinya tapana neyawenaenexam tsane, jei pexuyo paxa tatsi.

<sup>23</sup> Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

<sup>24</sup> Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bichocono matowa tacajume cowantsinexa tsainchi, jei pexuyo paxa tatsi.

<sup>25</sup> Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

<sup>26</sup> Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petapaeyo boca iratha. Daxota daxita barapo pin bicheito paeba xua pinae barapo pewowin apara tupa. <sup>27</sup> Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

<sup>28</sup> Bapoxonae Jesús joniya botha. Jesús pijimonae compa seicaya tsipaebatsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

<sup>29</sup> Jesús pijimonae jume nota, jeye:

—Barapocotsimonae caurimonae paca itacupa xua painya neitawetsiwa saya meisa poxonae memecabiya matowa pawcame Nacomtha, jei Jesús.

*Meje yabara poxonae equeicha Jesús nayabara paeba xua poxonae tupaena*

*(Mt 17.22-23; Lc 9.43-45)*

<sup>30</sup> Poxonae Jesús, iru pijimonae tatsi bara weya pona, bapoxonae Galilea nacua iya pona. Bapon jopa beyaputaetsi xua ichaxota ponaena, xua ichamonae yaputaena.

<sup>31</sup> Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamonaetha. Yawano nebexubina. Ichitha poxonae acoibi po matabibe yapucaewina, bapoxonae equeicha asu poponaein, jei Jesús.

<sup>32</sup> Ichitha barapomonae pomonae Jesús pijimonae jopa jume yaputaetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

*(Mt 18.1-5; Lc 9.46-48)*

<sup>33</sup> Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobaponame? jei Jesús.

<sup>34</sup> Barapomonae saya moya umena peuraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae. <sup>35</sup> Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui paw jiton naexanae petanacuichinexa ichamonae, jei Jesús.

<sup>36</sup> Bapoxonae Jesús pita pexuyo, yawa pijimonae tatsi peitabarayo deca tatsi tacuaranoreca. Jesús isaeca barapo pexuyo, jeye:

<sup>37</sup> —Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*

*(Mt 10.42; Lc 9.49-50)*

<sup>38</sup> Nexata Juan namchi Jestusta, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan, tsipei jopa naca puna poponaeyo, jei Juan.

<sup>39</sup> Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita itatsi coyenewan exana poxonae newun taiba xua bapoxonae cotacaya abeya neyabara paeba. <sup>40</sup> Tsipei pon abe jopa nacata exanaeyo, bapon apara naca yawena. <sup>41</sup> Pon paca yawena xua mera paca cata xua bequein tsica corotiyotha xua iru pejume cowantsixae, xua xan Criston tajiwimonae pamxaem, baxua peexanaexae, Nacom catsina bapontha pematomatsiwa baxua nexa, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

*(Mt 18.6-9; Lc 17.1-2)*

<sup>42</sup> Equeicha Jesús namchi, jeye: “Nacom tsitatsi xua pebin bichocono abe exana poxonae natsicuenta ichan cana exanatsi xua abe peexanae cuiru coyene exana, po barapo ichan pon cataunxuae aena tana nejume cowantsixae. Metha jame wanae tsipae xua barapo pebin pon abeya cana exanaeya taexana ichantha, barapon pin iboto wisi catsipatsi yawa xua tuwatha xua pin mar menetha barapo ibototha cayawa cabutabachipatsino. <sup>43-44</sup> Icha painya cobe paca exana xua abe painya neexanaewa tsane, maisa panacobe ucubobare. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaya xanepana beyacaincha xua ainya cobebe painya necayawa bebaiwa tsane ichaxota po nacuatha isoto jopa itacounayiyo, xua ataya tsiteca. <sup>45-46</sup> Matautano icha painya taxu paca exana xua abe painya neexanaewa tsane, maisa panataxu ucubobare. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebaiwa tsane ichaxota po nacuatha isoto jopa itacounayiyo xua ataya tsiteca. <sup>47</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane, painya netaexae painya itamaiqueitha, maisa pana naitacuere jucuare. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia peitorobi nacua beicha tatsi. Baxua jame yatsicaewa xanepana, beyacaincha xua poxonae ainya itamaiqueitobe painya necayawa bebaiwa tsane ichaxota isoto jopa itacounayiyo. <sup>48</sup> Barapo nacuatha isoto jopa itacounayiyo xua ataya tsiteca yawa oro jopa tupaeyo.

<sup>49</sup> “Tsipei daxita jiwi pia pejuntu coyenein tatsi nacui wanaetsina Nacom nexa pocotsi coyenewantha xua jiwi taayapubetsi bichocono xua jiwi atene exanatsi pocotsiwa icha be isoto ichi. Matautano daxita pocotsiwan jiwi tauta xua petuxusi exanaewa Nacomtha, barapocotsiwa copiya yawa muxuna nacui xaxainchina sare beno. <sup>50</sup> Sare beno, bara bena wanae. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bara paichinde poxonae icha be sare beno ichi. Paxeinare pocotsi coyene pexeinya juntu coyene xua jopa po juntu coyene abeyo. Matautano junte ma nantiya pana naba ru jinompare”, jei Jesús.

## 10

*Meje yabara poxonae Jesús cuiduba xua jiwi piseurixi pepunapenteibiyainwa*  
*(Mt 19.1-12; Lc 16.18)*

<sup>1</sup> Jesús ponataba Capernaum tomara weya. Bapoxonae Judea nacuatha patopa. Yawa patopa Jordán mene iya icha muxunenetha, po muxunene xua Judea nacua weya. Baxotiya equeicha jiwi pin bicheitomonae nacaetuta ichaxota Jesús uncua. Equeicha Jesús cuiduba barapomonaetha, tsipei pia cui xua cuidubeiba. <sup>2</sup> Bapoxonae ichamonae fariseomonae, barapomonae piraichi Jesús imoxoyo caquita umenarucapatsi xua Jesús pejuntu cui coyene jujutsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha ichichipa jampa? jei.

<sup>3</sup> Jesús jume epa pita barapomonae, jeye:

—¿Eta xua bapon Moisés paca itoroba? jei.

<sup>4</sup> Barapomonae Jesús jume notatsi, jeye:

—Moisés copata xua jiton itacupatsi xua pecatsiwa papera piseuri, po paperatha tina xua pexubiwa tsane piseuri. Bara bapoxonae bapon xubina piseuri, jei barapomonae.



<sup>5</sup> Bapoxonae Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepajume cowantsim painya jüntu coyenewatha. <sup>6</sup> Tsipei poxonae Nacom aena forota daxita, pejume diwesitha jeye: ‘Nacom exana pebin, matautano exana yabuyo’, jei. <sup>7</sup> Equeicha Nacom jeye: ‘Daxota pebin paxa wepu natsata, yawa pena wepu natsata xua piowabe imoxoyo penaperu nacoyobinexabe. <sup>8</sup> Baraponbe be cae jiwimonae naexanabe’, jei. Bapoxonae baponbe xua ainya jiwibe aibi, bara be caein naexanabe. <sup>9</sup> Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

<sup>10</sup> Poxonae Jesús, iru pijimonae tatsi botha jinompa, bapoxonae Jesús pijimonae yabara yainyabatsi baxua. <sup>11</sup> Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona, apara bara piowa tatsi. <sup>12</sup> Barichi icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitatha tatsi, tsipei Nacom tsitatsi xua pon copiya xeina, apara bara pia pebin tatsi, jei Jesús.

*Meje yabara poxonae Jesús jeye pexuitha: “Barabu Nacom beta paca yawenaena”, jei (Mt 19.13-15; Lc 18.15-17)*

<sup>13</sup> Nexata jiwi Jesús pexui tacaponatsi xua Jesús pejayabinexa pecobetha, yawa xua Nacomtha pewucaenexa barapo pexui nexa xua pejeinexa: “Barabu Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonaetha cui matawentatsi pomonaetha pexui carendena tsaibi. <sup>14</sup> Poxonae Jesús baxua jume tane, jopa ichipaeyo pocotsiwa pijimonae tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaetha nexa pomonaetha pejuntu coyene xanepanaewi icha pexui ichi. Pexui pia cui xua tayapu xanepanatsi xua pia juntu coyeneintha jume cowanta Nacom. <sup>15</sup> Bara xainyeya paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cowanta, bapon bapana jopa naexanaetha tsane Nacom pijimonae tatsi pomonaetha Nacom itorobiya ewata, jei Jesús.

<sup>16</sup> Bapoxonae Jesús tsana tamropata nonotapona pexui, yawa pecobetha pexui jayabiya tawucatsi Nacom. Jeye: “Barabu Nacom beta yawenaena barapo pexui”, jei.

*Meje yabara poxonae pewowin pon copei pexeinaein Jesús tsipaebatsi (Mt 19.16-30; Lc 18.18-30)*

<sup>17</sup> Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncuca Jesús peitabaratha tatsi, xua pebaru cui itura jinaenexatsi Jesús, tsipei Jesús pon peainya cuin. Bapon jeye Jesthath:

—Ja Tanecuidubim, maisa nejuntu coyene xanepanaem. ¿Eta xua copiya matha exanocuaein xua ajuntu yaparusuya tapoponaewa tsane xua ataya tsane? jei bapon.

<sup>18</sup> Bapoxonae Jesús jume nota, jeye:

—¿Eta xua nebaram: ‘Nejuntu coyene xanepanaem’, jam? Apara ichun dapon aibi pon nejuntu coyene xanepanaein. Jame meisa apara bapon Nacom compa pejuntu coyene xanepanaein. <sup>19</sup> Xam bara yaputaneme po coyene Moisés pia peitorobi coyenewatha itoroba, xua jeye: ‘Jopa ichun bexubinde. Jopa ichowa pichinde ichun piowa tatsi. Jopa caibinde ichun piawan tatsi. Jopa naerabiya cayabara paebinde pocotsiwa ichamonae exana. Jopa ichamonae yabara muxujainyabinde xua caibame. Axatha baru jume cui itura jinare. Matautano enatha baru jume cui itura jinare’, jei Moisés, jei Jesús.

<sup>20</sup> Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

<sup>21</sup> Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wuna, jei Jesús.

<sup>22</sup> Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaein.

<sup>23</sup> Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaetha tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi, jei Jesús.

<sup>24</sup> Jesús pijimonaetha tatsi yabara najunta coyene cabenaeca pocotsiwa xua Jesús paeba. Ichitha Jesús pijimonaetha equeicha tsipaeba, jeye:

—Pomonae tamonae pamxaem, ¡maisa bichocono ayapubecai xua pomonae copei pexeinaewi jume cowantsina Nacom! Barapomonae nanta xeina xua pia copeitha nayawena xua daxota jopa canantawenonaeyo xua Nacom pejume cowantsiwatsi.

<sup>25</sup> Bichocono acuiruyapube xua duwein, pon pewun camello xua bapon pejoniyawa acuicheto peetaba wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetaba wan iya pejoniyawa, jei Jesús.

<sup>26</sup> Poxonae Jesús pijimonaetha jume taerucapatsi xua paeba bapoxonae najunta coyene cabenaeca bichocono. Barapomonae caemonae nayainyaba, najei:

—Bapoxonae ¿jintam metha nexata itacapatsi xua pecapanepaewa pia coutha? jei barapomonae.

<sup>27</sup> Jesús tane barapomonae, yawa jeye:

—Pebiwi ba jopa itacapaetsi xua baxua exana, saya jame meisa Nacom compa itacapatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Nexata Pedro Jesús jume notatsi, jeye:

—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

<sup>29</sup> Jesús Pedro jume notatsi, jeye:

—Bara xainyeya paca tsipaebatsi. Nacom beta cana exanaena daxita pomonae pecueiceijeixae Nacom pia pecapanenebiyae diwesi yawa taneantobexae beyacaincha xua ichamonae antobetsi. Nacom beta cana exanaena barapomonae pia bon pecuenta ponaexae inta peexanaexae. Matautano beta cana exanaena pomonae peweichowi pecuenta ponaexae. Matautano beta cana exanaena pomonae pamchowi pecuenta ponaexae. Matautano beta cana exanaena pomonae paxeiwi pecuenta ponaexae, matautano peniwi pecuenta ponaexae. Matautano beta cana exanaena pomonae pia pexui yawa pia iran pecuenta ponaexae. <sup>30</sup> Nacom barapomonaetha catsina po irathe pentoma xua cien po cuiyobe tsane. Barapomonae xeinaena bon, matautano nantaatsina peweichowi, iru pamchowi tatsi, iru peniwi tatsi, iru pia pexui tatsi, yawa iranno. Daxita barapomonaetha tsicotane be barompaya piamonae tatsi. Barapo cae pin nacuathe barapomonae peraxa jubinchi taneantobexae, daichitha barapomonae xeinaena Nacom pia peitorobi nacuatheicha peajuntayarusawa po peajuntayarusawa

ataya tsiteca. <sup>31</sup> Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana pomonae jiwi jopa petsita ainya cui jiwichi, po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

*Meje yabara poxonae Jesús nayabara paeba acoibi po coyenebetha xua poxonae tɔpaena*

*(Mt 20.17-19; Lc 18.31-34)*

<sup>32</sup> Poxonae Jesús pijimonae cataunxuae namtotha barɔ ecapona xua Jerusalén tomara beya, Jesús pijimonae tsiwana nantacapona. Bapoxonae Jesús pijimonae tatsi najuntɔ coyene cabenaeca, tsipei Jesús nainya nantacapona. Irɔ pomonae Jesús puna poinchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonae compa waba aisowa beya xua pomonae doce poyobe tatsi. Jesús tamropata pitaba xua tsipaeba pijimonae xua pocotsiwa imoxoyo ichamonae Jesús cana exanaeinchi. <sup>33</sup> Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonae pia pentacaponawitha tatsi, yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae itorobina xua nebexubina. Matautano necana cobenatsina pomonaetha pomonae penanapaincha jinompaewi xua pomonae icha nacua werena peponaewi. <sup>34</sup> Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matakabibe weraweracaena equeicha asɔ poponaein petɔpae coyene weya”, jei Jesús.

*Meje yabara poxonae Santiago irɔ Juan Jesús yainyabatsibe*

*(Mt 20.20-28)*

<sup>35</sup> Bapoxonae Santiago irɔ Juan ponbe Zebedeo pexantobe tatsi, baponbe Jesús imoxoyo caquita uncuatabatsibe, jeibe Jesththa:

—Pon jiwi Necuidubim, paichichipan xua painta exanaename pocotsiwa paca wɔcaeinchi, jei.

<sup>36</sup> Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

<sup>37</sup> Baponbe Jesús jume notatsi, jeye:

—Matacabi jopaena, po mataqueitha itorobiya ewatsiname jiwi poxonae ecaename jinyawa xua pexeinya itɔpanae ecaethopaewatha. Barapo mataqueitha copare xua paxambe nantiyabe paecaeinbe patawantha xua pexeinya itɔpanae ecaethopaewatha. Ichɔn pocotsiwa necoxa weya ecaena. Ichɔn pocotsiwa netsocona weya ecaena, jeibe baponbe.

<sup>38</sup> Bapoxonae Jesús baraibe baponbetha, jeye:

—Paxambe jopa payaputaembe pocotsiwa pana newɔcamebe. Poxonae ichamonae abe inta exanaena, xan bara saya copatsin xua barapomonae bara neperaxa jɔbina. Barichi poxoru paxambe tapana neantobexaembe, ¿bara irɔ paca itacɔpabe xua bara pacopatsinamebe xua bara ichamonae paca peraxa jɔbinabe? Barichin bara saya copatsin xua ichamonae bara tɔpa neexanaena. Barichi, ¿bara irɔ paca itacɔpabe xua pacopatsinamebe xua bara ichamonae tɔpa paca exanaenabe? jei Jesús.

<sup>39</sup> Barapoyobe jume notabe Jesththa, jeye:

—Aa, bara baxua pana neitacɔpabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa jɔbinabe. Matautano ichamonae bara tɔpa paca exanaenabe, icha xan necana ichi tsane. <sup>40</sup> Nama xua xantha nantiya paecamebe xua ichɔn pocotsiwa

tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaenexa tsane, jei Jesús.

<sup>41</sup> Jesús pijimonaе tatsi pomonae umena, pomonae diez poyobe, barapomonae jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucupatsibe. <sup>42</sup> Ichitha Jesús pia xainya berena pijimonaе waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonaе naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonaе xua daxota bichocono jiwi taayapubetsi. <sup>43</sup> Ichitha nama paxam barapocotsi coyeneya jopa bara paichinde. Seicaya nama icha juntu coyeneyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonaе, bapon matha bewa copiya daxita paxam beta amanaya pacata nacuichina. <sup>44</sup> Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein xua beyacaincha ichamonaе, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi. <sup>45</sup> Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonaе nexa. Aparajopa baxua tsipatopaeinyo xua ichamonaе inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús.

*Meje yabara poxonae Jesús axaibi exana pon peitata nacutsin, pon pewun Bartimeo (Mt 20.29-34; Lc 18.35-43)*

<sup>46</sup> Bapoxonae Jesús iru pijimonaе tatsi pata Jericó tomaratha. Jesús iru pijimonaе tatsi tomara we-iyiya xua iruru pin bicheitomonaе napona. Iruru bapoxonae pebin pon pewun Bartimeo, pon Timeo pexanto tatsi, bapon namtotha eca. <sup>47</sup> Poxonae Bartimeo jume tane xua juinya Jesús imoxoyo pona, pon Nazaret tomarapin, bapoxonae bapon Bartimeo tamropata pitaba xua wawaya jeye:

—¡Jesús, David pia pemomoxi susato jiwanapim, ponxaem Nacom necaitapetsim neyabara najuntu coyene xeinare jinya tana neyawenaenexam! jei.

<sup>48</sup> Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—¡Jesús, David pia pemomoxi susato jiwanapim, ponxaem Nacom Necaitapetsim neyabara najuntu coyene xeinare jinya tana neyawenaenexam tsane! jei bapon.

<sup>49</sup> Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nacutsin wabatsi, yawa barapomonae jeye bapontha:

—Bara najuntu tsacatabare, jopajopamurande. Nontaponare, aunxuae cawaba, jei barapomonae.

<sup>50</sup> Bapoxonae pon peitata nacutsin pia penauyapatsiwa xubiriwa, yawa jirawana. Bapoxonae pona Jesustha. <sup>51</sup> Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

<sup>52</sup> Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowantsixaemxae xua bara tana neitacupaewa xua tacayawenaewatsi, jei Jesús.

Bapoxonae caena nainya pon peitata nacutsin necotaxuba. Bapoxonae bapon Jesús puna poinchi namtotha.

## 11

### *Meje yabara poxonae Jesús Jerusalén tomaratha patopa (Mt 21.1-11; Lc 19.28-40; Jn 12.12-19)*

<sup>1</sup> Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecabe. Barapo tomarabe cuariya demxuwa eca, po demxuwa pewun Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana. <sup>2</sup> Jesús barai baponbetha, jeye:

—Paponarebe, po tomara painya itabaraya equiya. Poxonae papatopaenamebe barapo tomaratha, bapoxonae pacaxinaenamebe burro pon penun pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebe. <sup>3</sup> Icha ichun paca yainyabiya jeye: ‘¿Eta xua payama isanaxubamebe burro?’ paca jei, nexata pajandebe: ‘Pon jiwi Pecanamataxeinaein bepa pata yama cayiyaeinjei tsipei pinae nantawenona. Bexa nainya equeicha payama carenaein’, pajandebe, jei Jesús.

<sup>4</sup> Barapomonae ponarucupa. Yawa caxinarucupa barapo burro pebto, pon quetanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

<sup>5</sup> Pomonae baxota jinompa barapomonae baponbe yainyabatsi jeye:

—¿Eta xua paexanamebe? ¿Eta xua burro paisanaxubamebe? jeichichibe baponbe.

<sup>6</sup> Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe.

<sup>7</sup> Bapoxonae baponbe tayama cayabe burro Jesús tayama cayatsibe. Bapoxonae pia paparuwan tsijuma jebicabe, yawa Jesús tsijuma equeica. <sup>8</sup> Bapoxonae jiwi pinmonae namtotha yerababa jebabapoinya pia paparuwan. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi.

<sup>9</sup> Pomonae Jesús tsiwana nanta cajinjincatsi, iru pomonae Jesús peputha tajinjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wunae, bapon patopa Nacom peitorobixae! <sup>10</sup> ¡Bara wunae jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wunae jaintatsi pon athabeicha eca! jei barapomonae.

<sup>11</sup> Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonae baru ponataba Betania tomara beya, poyobe xua doce poyobe, tsipei bayatha tabopiya.

### *Meje yabara poxonae Jesús biatane higuera nae xua jopa penacoichixae (Mt 21.18-19)*

<sup>12</sup> Icha matabitha baya, poxonae Jesús iru pijimonae tatsi Betania tomara weya pona, Jesús jainpapon. <sup>13</sup> Tajru weya Jesús tane higuera nae xua noxu tsuncuae. Jesús higuera nae beya pona piyain petaenexa pethei, ichitha saya noxu tane, tsipei cataunxuae dapo dapae aibi po dapaetha higuera nae nacoita. <sup>14</sup> Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús. Jesús pijimonae jume tainchi baxua poxonae higuera nae barai.

*Meje yabara poxonae Jesús aisowa benapuna torobabiya Nacom pin pia botha pomonae pecaenaetsiwi  
(Mt 21.12-17; Lc 19.45-48; Jn 2.13-22)*

<sup>15</sup> Bapoxonae pirapaeyo Jesús pijimonae bar<sub>u</sub> patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonae pecaenaeta jiwi baxota. Jesús tab<sub>u</sub> tayebiya bebai iratha pocotsiwa pexaethopaewa po pexaethopaewantha nantiya nacatsiba paratixi, yawa xua ir<sub>u</sub> baxota topibo caenaeta. <sup>16</sup> Jesús jopa copatsiyo xua jiwi piawan capona Nacom pin pia bo tatsi tutiya iya. <sup>17</sup> Jesús cuiduba barapomonae, jeye:

—Nacom Pejume Diwesitha jeye: ‘Tabo apara po botha xua daxita nacuanpiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia m<sub>u</sub>th<sub>u</sub> tutu pacana exaname, ichaxota pijunuwi nantiyabeibathopa. Tsipei baxota panacaetutame saya <sub>u</sub> xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

<sup>18</sup> Sacerdotemonae pia pentacaponae wi tatsi, ir<sub>u</sub> pomonae jiwi pecuidubiwi Moisés pia peitorobi coyene tatsi, daxita barapomonae jume tane xua Jesús paeba. Bapoxonae barapomonae tamropata notar<sub>u</sub>c<sub>u</sub>pa xua jeita po coyenewatha Jesús bexubinchi. Barapomonae bequein ichichipa Jesús bexotsi ichitha baxua jopa exanaeyo tsipei barapomonae junuwa xua jiwi anaepana xua barapo sacerdotemonae pia pentacaponae wi tatsi pecasebiwatsi ir<sub>u</sub>no xua pecasebiwatsi pomonae jiwi pecuidubiwi Moisés pia peitorobi coyene. Tsipei barapomonae jiwi cunuwatsi, xua daxita jiwi peichichipaexae nawita pocotsiwa Jesús cuiduba. <sup>19</sup> Poxonae xometo iriya ecanaicha bapoxonae Jesús pijimonae bar<sub>u</sub> ponataba barapo tomara weya.

*Meje yabara poxonae higuera nae y<sub>u</sub>nuncia  
(Mt 21.20-22)*

<sup>20</sup> Baya poxonae pentha tsina, Jesús pijimonae baxoyo bar<sub>u</sub> ecapona yawa tane xua higuera nae y<sub>u</sub>nuncia xua daxita petabaca opina wetsina. <sup>21</sup> Bapoxonae Pedro yabara nanta xeinataba xua mexuae Jesús biatane higuera nae. Bapoxonae jeye Jestutha:

—Pon jiwi Necuidubim, taema po higuera nae mexuae biataneme, bayatha y<sub>u</sub>nuncia, jei Pedro.

<sup>22</sup> Bapoxonae Jesús jeye pijimonaetha:

—Paxam bichocono pajume cow<sub>u</sub>nde Nacom. <sup>23</sup> Bara xainyeya paca tsipaebatsi. Icha xanepanaeya pana neyabara jume cow<sub>u</sub>ntame xua Nacom painya nepaca cayawenaewa xua jopa ainya <sub>u</sub>nth<sub>u</sub>ton paxeinaem, bara paca itac<sub>u</sub>paena xua painya nepaebiwa icha ichin xua cana exanan higuera nae. Mata<sub>u</sub>tano bara paca itac<sub>u</sub>paena xua painya nejeiwa uruto beya, xua pajam: ‘Uruto, natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane. <sup>24</sup> Daxita xua xuan pocotsiwan Nacom beya paw<sub>u</sub>came, icha bara xanepanaeya pajume cow<sub>u</sub>ntsiya w<sub>u</sub>came, bara Nacom paca catsibina baxuan. <sup>25</sup> Poxonae Nacomtha patsipaebame, icha ich<sub>u</sub>n abe pacata exana, copiya payabara j<sub>u</sub>ntemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara j<sub>u</sub>ntemainae na pocotsiwa abe painya neexanae cuiru coyenein paexaname. <sup>26</sup> Ichitha icha jopa payabara j<sub>u</sub>ntemainae ich<sub>u</sub>n pocotsiwa pacata abe exana, barichi Nacom pon itabocotha eca, jopa paca yabara j<sub>u</sub>ntemainae tsane pocotsiwa abe painya neexanae cuiru coyenein paexaname, jei Jesús.

*Meje yabara xua Jesús pia peitorobi coyenewa xeina  
(Mt 21.23-27; Lc 20.1-8)*

<sup>27</sup> Bapoxonae Jesús, ir<sub>u</sub> pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdotemonae pia pentacaponae wi tatsi, ir<sub>u</sub> pomonae jiwi pecuidubiwi Moisés

pia peitorobi coyene tatsi iru pitiri jiwi, barapomonaе Jesús imoxoyo caquita ume-naruchupatsi. <sup>28</sup> Barapomonaе Jesús yainyabatsi, jeichichi:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa? jei barapomonaе.

<sup>29</sup> Jesús jume nota barapomonaе, jeye:

—Xan iruru tha barichichi paca yainyabinchi. Icha beta pana nejume notsiname, bapoxonaе xuya yabara paca tsipaebinchi xua po peayapusu itorobi coyeneyatha exanan baxuan. <sup>30</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

<sup>31</sup> Nexata daxita barapomonaе caemonaе najume matsontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús. <sup>32</sup> Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonaе jiwi naca casebichipa anaya”, najei barapomonaе. Barapomonaе jiwi cunuwatsi tsipei daxita jiwi Juan yabara jume cowantatsi, xua apara bapon Nacom pia peitorobi jume tatsi pepaebi jiton.

<sup>33</sup> Bapoxonaе barapomonaе namchi Jesús beya, jeye:

—Canta jopa payaputaeyino, jei barapomonaе.

Nexata Jesús barai barapomonaetha, jeye:

—Nexata barichin tsane jopa yabara paca tsipaebi tsainchi po peayapusu itorobi coyeneyatha exanan xua daxita taexanaewan, jei Jesús.

## 12

*Meje yabara poxonaе Jesús paeba pecayabara jata pepaebi diwesiyo pomonaе xua abe exana, pomonaе petayapucaenaewi uva pabi*

*(Mt 21.33-46; Lc 20.9-19)*

<sup>1</sup> Bapoxonaе Jesús tamropata pitaba xua cuiduba jiwitha pecayabara jata pepaebi diwesiyotha, jeye: “Matha iruru pebin pin uva pabi xeina. Bapon uba po unbo pewun uva cuei unbo. Yawa yapucurarata barapo pia uva pabi ibowantha xua jopa pejojondenaenexa ichamonaе barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo, po bo bichocono taucha xua baxota pebin bara wenecotequeica uva pabi. Bapoxonaе bapon itoroba pomonaе pia uva pabi pia petayapucaenaewichi tsainchi, xua bapoxonaе barapomonaе pejiwanaxaenexa pocotsiwa penawetsiwa. Bapoxonaе bapon icha nacua beya pona. <sup>2</sup> Barapo matabi tsuxubi, po matabitha uva cuei naweta. Bapoxonaе barapo mataqueitha pomonaе pabi petayapucaenaewi jiwana itapeta nota xua penawetsiwa. Bapoxonaе pon uva pabi pexeinaein, bapon pomonaе petanacuichiwichi jiwana itoroba, xua petawucaenexa tsainchi uva cuei pomonaе beya pomonaе pabi petayapucaenaewichi. <sup>3</sup> Ichitha barapomonaе pomonaе uva pabi petayapucaenaewi barapomonaе waetaba pon copiya patopa, pon uva pabi pexeinaein itoroba. Yawa bapon batusino. Bapoxonaе bapon caibe cobesa itorobiyatsi. <sup>4</sup> Pon uva pabi pexeinaein equeicha itoroba ichun pon pia petanacuichinchi. Barichiru bapon ibotontha matasipa cuinbatsi, yawa abe jumetha biatainchi. <sup>5</sup> Equeicha pon uva pabi pexeinaein itoroba ichun pon pia petanacuichinchi. Barichiru bapon bexotsiru. Equeicha ichamonaе itorobatsi. Ichamonaе batusi, iru ichamonaе jutebatsi.

<sup>6</sup> “Cataunxuae awiya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomonaе taxanto inta yabara baru cui itura jinaeinchi’, jei coxiyan. <sup>7</sup> Dapo jumetha pomonaе uva pabi petayapucaenaewi poxonaе bapon tainchi, barapomonaе najei: ‘Apara bapon paxa copiniwa pichina.

Daxota bapon bu bexotsi xua xainya xeinatsi barapo uva pabi', najei barapomona. <sup>8</sup> Bapoxonae barapomona pon uva pabi pexeinaein pexanto tatsi tawaetabatsi. Poxonae bexotsi bapoxonae petupaen aisowa beya xotsi uva pabi pecuariya beya", jei Jesús.

<sup>9</sup> Bapoxonae Jesús yainyaba, jeye: "Pon uva pabi pexeinaein, ¿eta be cana ichi tsane pomonaetha pomona barapo uva pabi pia petayapucaenaewichi? Apari bapon patopaena xua pejutebinexa tsane pomona uva pabi pia petayapucaenaewichi. Bapoxonae barapo uva pabi catsina ichamonaetha xua petayapucaenaenexa tsainchi barapo uva pabi", jei Jesús.

<sup>10-11</sup> Equeicha Jesús nayabara paeba barapomonaetha, jeye: "¡Paxam bara bayatha payorobameba Nacom Pejume Diwesi! Barapo diwesitha neyabara caunuta poxonae iboto yabara paeba, jeye:

'Pebiwi pomona ibo bon peacabiwi, barapo pebiwi xuba po iboto tabu caboca, po iboto peainya cui iboto.

Ichitha Nacom itapeta barapo iboto xua petabu cabocaenexa peainya cui ibotoxae. Waxainchi nanta xeinatsi jeichichi: Maisa pocotsiwa Nacom exana naca tsita xanepana, jeichichi', jei Nacom Pejume Diwesitha", jei Jesús.

<sup>12</sup> Poxonae bapomona jume tane xua Jesús paeba, Jesús muxu pewaetabichi. Tsipei bapomona yaputane xua apara barapomona yabara paebatsi poxonae Jesús cueicueije barapo pecayabara jata pepaebi diwesiyo. Daxota Jesús casebatsi. Tsipei barapomona jiwu cunuwatsi, daxota Jesús jopa waetabichi. Bapoxonae bara saya ponarucapa.

*Meje yabara poxonae Jesús yabara cuiduba paratixi matoma po paratixi jiwu bewa catsibina pontha pon romanomona itorobiya pia pepa peewatsinchi (Mt 22.15-22; Lc 20.20-26)*

<sup>13</sup> Bapoxonae pirapaeyo Jesús pia xainya betaitorobiyatsi fariseomona jiwana, iruru pomona Herodes pia pepuna jinompaewichi jiwana tatsi, xua daxita barapomona piraichi Jesús petsipaebinexatsi xua Jesús xuya abeya pejume notsinexa. <sup>14</sup> Bara barapomona Jesús pia xantha tatsi tapatatsi, jeye Jestha:

—Pon jiwu Necuidubim. Bara payaputan xua bara jume xainyeya tsipaebame jiwu, xua matautano jiwu bara beta cuidubame xua pocotsiwa jiwu bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwu cunuwim poxonae cuidubame poxonae bequein jiwu jopa ichichipaeyo baxua, tsipei xam daxita jiwu bara catsita najupa. Xam jume xainyeya cuidubeibame jiwu Nacom pia peitorobi coyenewa. Incane yabara pana netsipaebare xua nanta xeiname, xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomona itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaen xua icha naca werena pona? Icha jopa tsipae, ¿metha daxua abe tsipae? jeichichi Jesús barapomona pomona fariseomona itoroba.

<sup>15</sup> Daichitha Jesús yaputane, xua barapomona itara mexeya xanepanaeya pepaebi jiwu ichitha abeya peexanae jiwu. Jesús jeye:

—¿Eta pocotsiwa metha painya daichi pana nejuntu coyene jujutame? Moya painta xawena paratiyo, tha taetsi, jei Jesús.

<sup>16</sup> Bapoxonae barapomona barapo paratiyo Jesús tacapoinchi. Poxonae Jesús tane barapo paratiyo, bapoxonae Jesús yainyaba barapomona, jeye:



—¿Jintam pejumopere? ¿Yawano jintam wɛn ducuaire? jei Jesús.

Barapomonaē Jesús jume notatsi, jeye:

—Apara romanomonaē itorobiya pia pepa peewatsinchi, jei barapomonaē.

<sup>17</sup> Jesús barai barapomonaē, jeye:

—Bara nexata romanomonaē itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua irɛ piawaxae tatsi, jei Jesús.

Barapomonaē yabara najantɛ cui coyene cabenaeca pocotsiwa xua Jesús xanepanaeya beta jume nota.

*Meje yabara poxonaē Jesús yabara yainyabatsi po coyene xua equeicha asɛ pomonaē pewerapeibiwi*

*(Mt 22.23-33; Lc 20.27-40)*

<sup>18</sup> Bapoxonaē saduceomonaē jiwana pata Jesús pia xantha tatsi xua Jesús piraichi petsipaebinxatsi. Saduceomonaē barompaya pia pecuidubi coyenewa xeina xua pinae pomonaē pewerapeibiwi equeicha jopa asɛ tsalbiyo. Barapo pecuidubi coyenewa jopa jɛpaeyo po pecuidubiwa Jesús pia pecuidubiwa tatsi xua pinae jiwi equeicha asɛ jinompaena poxonaē werapa. Daxota barapomonaē Jesús tsipaebatsi, jeye:

<sup>19</sup> —Pon jiwi Pecuidubim. Moisés nacata tina, namchi: ‘Icha pebin piowa cuenta tɛpa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonaē pentapin pecoutha pexeinaenexa tsane pexui’, jei Moisés. <sup>20</sup> Barichi, matha irɛ cae peweicho caepiwi nabaɛ jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>21</sup> Pon cotacaya naexana xuya pentapin coseuri pita xua bapoxonaē pentapin pecoutha pexeinaenexa pexui. Bapon irɛ cuenta tɛpa, irɛ jopa xeinaeyo pexui. Bapoxonaē ichɛn xuyapin xuya barapowa pita xua pentapin coseuri pita. Bapon barichi irɛ cuenta tɛpa, irɛ pexui jopa xeinaeyo.

<sup>22</sup> Daxita barapo siete poyobe cuenta nanapentapona barapowa poxonaē bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonaē matapainya irɛ bapowa tɛpa. <sup>23</sup> Xam, Jesús, ba paebame, ba jam: ‘Matacabi jopaena po matacabitha Nacom asɛ exanaena, xua jiwi asɛ exanaeinchi mɛthɛn wetsina’, ba jam. Poxonaē barapo matacabi jopaena xua daxita jiwi asɛ jujuinaena, barapo matacabitha ¿jintam metha bapowa xuya pichinchi, xua ichɛn pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomonaē.

<sup>24</sup> Bapoxonaē Jesús jume nota barapomonaē, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusɛ itorobi coyenewa tatsi. <sup>25</sup> Poxonaē petɛpaewi asɛ jujuinaena jopa jitha eenaponaē tsane. Yawa barapomonaē pexantixi jopa jitha cuarebaponaē tsane. Tsipei barapomonaē barichi tsane icha be matatsunpiwimonaē ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo. <sup>26</sup> Paxam bequein bara bayatha payorobame pocotsiwa Nacom yabara namchi pejume diwesitha xua pomonaē equeicha asɛ jujuina pomonaē pewerapeibiwi. Barapo diwesitha Nacom cueicueijeiji ichaxota xua poxonaē po naewa taxuncua, Nacom jeye: ‘Xan Abraham pia Nacomɛn tatsin, irɛ Isaac pia Nacomɛn tatsin, irɛ Jacob pia Nacomɛn tatsin’, jei Nacom.

<sup>27</sup> Baxua Nacom paeba, tsipei Abraham, irɛ Isaac, irɛ Jacob pewerapaewi anoxuae equeicha caewa asɛ jinompa, Nacom pia nacuatheicha tatsi. Pomonaē pewerapaewi, pomonaē caewa equeicha asɛ jopa pejinompaewi, barapomonaē jopa pia Nacom tatsi, pon itabocotha eca. Saya jame meisa pomonaē pewerapaewi caewa equeicha asɛ pejinompaewi, barapomonaē jame pia Nacom tatsi, pon itabocotha eca. Daxota paxam catsawa papaebame, jei Jesús.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mt 22.34-40)*

<sup>28</sup> Caein pon jiwanaepin pomonae jiwi pecuidubiwi Moisés pia peitorobi coyene tatsi, bapon jume tane xua Jesús iru saduceomonaenajume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jesustha, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

<sup>29</sup> Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: ‘Paxam Israel nacua-monaepiwi pam pajume taema xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi. <sup>30</sup> Antobeinde Jinya Necanamataxeinaein bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha, matautano daxita nedaunwei coyenewatham’, jei barapo peitorobi coyenewatha, po peitorobi coyenewa pepa peainya cui coyenewa. <sup>31</sup> Po peitorobi coyene cotacaya itoroba ichaxotaba ‘dos’ jei, barapo peitorobi coyene be jume jupa po peitorobi coyene copiya ducua. Iraru barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha naantobem’, jei barapo peitorobi coyenewatha. Icha peitorobi coyenewa aibi po peitorobi coyene peainya cui coyenewa, po peitorobi coyenewa xua beyacaincha po peitorobi coyenewa, jei Jesús.

<sup>32</sup> Bapoxonae caein jiwanaepin pomonae jiwi pecuidubiwi Moisés pia peitorobi coyene tatsi, bapon jeye Jesustha:

—Bara beta paebame pocotsiwa aunxuae paebame ponxaem jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi. <sup>33</sup> Matautano bara xainyeya paebame xua pinae bewa Nacom antobetsi xua daxita wajuntu coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabu enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon.

<sup>34</sup> Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowantsinexa xua nenantauntsinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanaepin tatsira?” jei*

*(Mt 22.41-46; Lc 20.41-44)*

<sup>35</sup> Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwanaepin tatsi? <sup>36</sup> Nacom pia Pejumope tunaxu tatsi David cueicueijei exanatsi. David jeye:

‘Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya abu tsane poxonae necaaitafaetabi jiwi pia pecanamataxeinaeinchi tatsi caexanaeinchi, jei

Nacom pia Pejumope t̄nax̄a tatsi', jei David.

<sup>37</sup> Icha David Mesías yabara jei, 'Bapon Mesías Tanecanamataxeinaein', jei, ζeta xua metha tsipae xua Mesías apara David pia pemomoxi susato jiwanapin tatsi? jei Jesús.

Barapo pin bicheito bichocono t̄simuxu w̄naetsi pocotsiwa Jesús cueicueije.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

*(Mt 23.1-36; Lc 11.37-54; 20.45-47)*

<sup>38</sup> Poxonae Jesús cuiduba jiwitha, jeye: "Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha bapomonae ichi xua barapomonae bichocono ichichipa xua penama xatabiwa po paparuwana apiyiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtontha jacobebina barapomonaetha xua jiwi pebar̄a cui itura jineibinexa barapomonae. <sup>39</sup> Barapomonae bichocono ichichipa xua nanta caeneiba judiomonae pia penacaetutsi bontha tatsi ichaxota ba enathopeiba pomonae peainya cui jiwi penaexanaewi. Matautano barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba penabaneibinexa tsane. <sup>40</sup> Matautano barapomonae powaxi pecuenta werapaewaxichi piseurixi barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom jiwi yabara paebina penatsicuentisiwa xua abe peexanaexae Nacomtha. Barapomonae atene tsane beyacaincha poxonae ichamonae atene exanaeinchi xua jopa pejume cow̄ntsixaetsi Nacom", jei Jesús.

*Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta t̄paewatsi piseuri*

*(Lc 21.1-4)*

<sup>41</sup> Poxonae Jesús eca Nacom pin pia botha tatsi xua peitabara weya, xua ichaxota jiwi jeyeiba paratixi Nacom nexa, bapoxonae Jesús tane xua pinmonae pomonae copei pexeinaewi paratixi nawita jeya ichaxota jiwi jeyeiba paratixi Nacom nexa. <sup>42</sup> Barapoxonaer̄a yab̄uyo patopa, powa pecuenta t̄paewatsi piseuri. Barapowa bichocono peacopeibiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe. <sup>43</sup> Bapoxonae Jesús pijimonae waba, yawa jeye barapomonaetha:

—Bara xainyeya paca tsipaebatsi. Barapo yab̄uyo, powa pecuenta t̄paewatsi piseuri, bapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae xua jeya xua Nacom nexa.

<sup>44</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeibiwayo, jei Jesús pijimonaetha.

## 13

*Meje yabara poxonae Jesús yabara paeba xua ichamonae abe cana exanaena Nacom pin pia bo tatsi*

*(Mt 24.1-2; Lc 21.5-6)*

<sup>1</sup> Poxonae Jesús Nacom pin pia bo wejoniya, bapoxonae caein Jesús pijimonae jiwana tatsi, Jesús tsipaebatsi jeichi:

—¡Pon jiwi Necuidubim, taema maisa pexeinya iboton, yawa pexeinya ibo bo! jei bapon.

<sup>2</sup> Ichitha Jesús jume nota bapontha, jeye:

—Aunxuae pataebename barapo iboton yawa xua pexeinya bon. Apra jopa cae ibotiyo nacopatuncuae tsane icha iboto peumatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewunaeya exanaena petsita itutsi coyenewa poxonae daxita weraweracaenaba*

*(Mt 24.3-28; Lc 21.7-24; 17.22-24)*

<sup>3</sup> Bapoxonae Jesús pijimonae baru pona demxuwatheicha, po demxuwa pewun demxu Olivowa tsipei baxota umena olivo naein. Poxonae Jesús ecopiya demxuwatheicha, po demxuwa Nacom pin pia bo itama tayecatsi, bapoxonae Jesús pijimonae tatsi Pedro, iru Santiago iru Juan, iru Andrés, barapoyobe Jesús namicha tsipaebatsi.

<sup>4</sup> Barapoyobe jeye:

—Paichichipan xua xam tapata netsipaebiwam tsane ¿eta poxonae metha ichamona baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewunaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonae tatsi.

<sup>5</sup> Jesús jume nota barapomonaetha, jeye: “Dota pam, bu ichamona naerabiya paca muxu tsipaeba, xua daxota abe paexanaetsipame. <sup>6</sup> Tsipei tsana patsina ayei bicheito jiwi pomona natsicotaena icha be xan ichin. Barapomona jei tsane: ‘Apra xan Mesías’, jei tsane. Poxonae barapomona muxutorobiya paebina, bapoxona pinmona jume cowantsina.

<sup>7</sup> “Pajume taename xua jiwi juinya nabenoutsina xote, yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapo matababi aichica tsane xua poxonae daxita weraweracaenaba yatsicaewa. <sup>8</sup> Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichundu pon icha nacua peewatsin, baponbe iru nantiya nabenabe. Matautano ainya nacuantha ira jijiyatsina. Matautano ainya nacuantha jainbo nacua tsane tsipei pin mayayo tsane. Baxua copiya matha tsane xua jiwi atene tsopona tsane bichocono xua beya jopa nama juniya tsane.

<sup>9</sup> “Ichitha dota pam, tsipei poxonae baxua pewunaeya tsane jiwi paca teiquebina painya nepaca caenaetsinexa pomonaetha pomona tomara pentacaponawewi. Matautano paca cuainchina judiomona pia penacaetutsi bontha tatsi. Yawa paca caponaena nacua peewatsiwi peitabaratha tatsi, painya tana nejume cowantsixaemxae. Yawa paca caponaena pentacaponawewi peitabaratha tatsi pomona iru itoroba jiwitha xua pon nacua peewatsin nexa painya tana nejume cowantsixaemxae. Barapoxonae bara paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. <sup>10</sup> Barapo pecapanenebiyae diwesi, tamona bewa paebinoutsina daxita nacuanpiwitha xua poxonae pewunaeya tsane xua daxita weraweracaenaba. <sup>11</sup> Poxonae barapomona paca caponaena pomonaetha pomona tomara pecanamataxeinaewi xua pia painya nepaca cayabara paebinexa tsane xua painya nenatsicuentiwa xua abe painya neexanaexae bapoxonae jopa patsiwanaya junuwiya najuntu coyene exabinde xua painya netsipaebiwa tsane barapomona. Paxam jame papaebare pocotsiwa xua caena bapoxonae Nacom cueicueije paca exanaena. Bapoxonae po jume pacueicueijam tsane apra jopa poxoru painya coya paichichipaem, apra jame Nacom pia Pejumope tuxaxu tatsi baxua paca cueicueije exanaena. <sup>12</sup> Jiwi barompaya pia peweicho jiwi caenaetsina ichamonaetha xua pejutebinexa tsainchi. Iru coxiyeiwi ichamonaetha caenaetsina pia pexui. Iru pexui paxa jiwi caenaetsina ichamonaetha pejutebinexa tsainchi. <sup>13</sup> Daxita nacuanpiwi paca casebina painya tana nejume cowantsixaemxae. Ichitha pomona awiya antuyapusaya nejume cowantsiya

jinompaena xua beya yacuiya werapaeya othopaena poxonae bequein abe taexanatsi ichamonaе barapomonaе jame Nacom napaeba cana exanaena.

<sup>14</sup> “Daniel pon Nacom peitorobi jume pepaebin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichun Nacom pin pia bo tututha exanantsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonaе payaputaename xua bara imoxoyo matababi jopaenaba poxonaе daxita weraweracaenaba”, jei Jesús. (Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesús jeye: “Poxonaе barapocotsiwa pataename bapoxonaе pomonaе Judea nacuatha jinompa, barapomonaе bewa demxuwan berucupiyaena. <sup>15</sup> Barapo matababitha pon bo matatupatha uncuа, bapon jopa bewa botha jonyae tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricuaena. <sup>16</sup> Iruxu pon pabitha popona, bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricuaena. <sup>17</sup> ¡Pai yabuxi tsobenae powaxi pexui burana taenatsi barapo matababitha! ¡Pai iru powaxi pexui isaina barapowaxi tsobenaeru! Tsipei acabe tsobenae tsane pexui. <sup>18</sup> Poxonaе pewunaeya tsane baxua Nacom rawucare xua jopa painya nerucupaewa tsane poxonaе awubo peaquexae bichocono. <sup>19</sup> Tsipei barapo matababintha jiwi bichocono pin peraxa exanaeinchi. Atene tsane beyacaincha poxonaе jiwi atene tsaibi poxonaе Nacom aena nacia exana, xua equeicha nama bichocono pin peraxa tsane. Equeicha bexa bapoxonaе bapana jopa baxua exanae tsane poxonaе bichocono jiwi pin peraxa. <sup>20</sup> Icha Nacom jopa be caentacabiyobe exanaetsipae metha dapomonaе ajibi tsipae pomonaе panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonaе, pomonaе pia peitapetsiwixae tatsi.

<sup>21</sup> “Bapoxonaе icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, barapo jumein jopa pajume cowantsinde. <sup>22</sup> Tsipei pomonaе pemuxuitorobi jiwi tsana patsina. Barapomonaе natsicotaena icha be xan ichin ponxaein Mesías. Matautano barapomonaе natsicotaena icha be pomonaе Nacom peitorobi jume pepaebiwi ichi tsane. Barapomonaе pexeinya petsita itatsi coyenewan exanaena peitabocotha, po irathe tsaneno xua jiwi pemuxuitorobinexa tsainchi xua jiwi pejume cowantsinexa pocotsiwa barapomonaе paeba. Barichiru pomonaetha pomonaе Nacom pia peitapetsiwi tatsi pemuxuitorobinexa tsainchi xua iruru icha metha barapomonaе pejume cowantsinexa tsaneru pocotsiwa barapomonaе paeba. Ichitha jopa itacupae tsainchi xua barapomonaе pemuxuitorobiwa tsainchi. <sup>23</sup> Tsaca pajinompare, tsipei baxua tsiwanaya yabara paca tsiwanae muxu dutatsi”, jei Jesús.

*Meje yabara poxonaе Jesús nayabara paeba xua poxonaе equeicha patopaetsica ponxae Nacom pia Peitapetsin*

*(Mt 24.29-35, 42, 44; Lc 21.25-36)*

<sup>24</sup> Equeicha Jesús namchi, jeye: “Po matababintha poxonaе nacui wetsina xua jiwi pin peraxa tsane, bapoxonaе xometo nainya naquitabina. Jomocoichato jopa pentha tsane. <sup>25</sup> Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonaе jopa xapain dubenanaeyo tsane. <sup>26</sup> Bapoxonaе daxita jiwi taena peitabocotha xua po coyene apara tapatopeicaewa tsaneba tsaguinaebowatha peitaboco wetsica ponxaein Nacom Tananeitapetsin. Nacom pia peayapusu itorobi coyenewatha matautano bichocono pexeinya ituranae coichathano patopeicaein. <sup>27</sup> Matautano itorobin tamatatsunpiwi xua inta pecaetutsinexa pomonaе taitapetsiwi. Nacaetutsina daxita nacuanpiwi jiwana, iru ichamonaе pomonaе ichaxota xometo weecoinapiwi jiwana, iru ichamonaе pomonaе

ichaxota xometo bejopiyapiwi, jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana.

<sup>28</sup> “Payaputaema barapo pecayabara juta pepaebi diwesiyo xua higuera nae. Jeye: Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa. <sup>29</sup> Barapocotsi juta coyeneya ichi tsane poxonae pataeneme daxita baxuan pocotsiwa aunxuae paca tsipaebatsi pocotsiwa bexa exanaena, bapoxonae payaputaeneme, xua bara imoxoyo tsane xua tapatopae wuna tsane. <sup>30</sup> Bara xainyeya paca tsipaebatsi daxita judiomonae naitapataya naexanaponaena beya yacuiya othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena pomonae poxonaeru barapo matabitha jinompa. <sup>31</sup> Peitaboco aichurucuae tsane. Matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>32</sup> “Po matabitha baxua exanaena, matautano po horatha baxua exanaena jiwi jopa baxua yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonae po matabitha baxua exanaena. Matautano yaputane poxonae po horatha daxita exanaena baxua xuaunxuae paca tsipaebatsi.

<sup>33</sup> “Tsaca pajinompeibare xua tapatopae wuna tsane. Yawa Nacomtha patsipaeba dubenanaebiyama, tsipei jopa payaputaem po mataqueitha patopaein. <sup>34</sup> Barapocotsi coyeneya juta ichi poxonae xan patopeicaein taitorobinexa tsane jiwi, icha be poxonae pebin ichi poxonae warapaena icha nacua beya. Poxonae bapon pewunaeya tsane xua warapaena pia bo weya, copiya matha waba pia petanacuichiwichi. Bapon daxita pia petanacuichiwichi barompaya cobenata petanacuichiwantsi tatsi. Matautano bapon itoroba pon bo coiboto eena xua xanepanaeya bo pe-eeenaenexa. <sup>35</sup> Paxam tsaca pajinompare, tsipei jopa payaputaem poxonae patopeicaein, icha be barapomonae ichi poxonae jopa yaputaeyo poxonae pepatopaewa tsane pia pecanamataxeinaeinchi pon bo pexeinaeinxae. Barapomonae jopa yaputaeyo icha barapon patopaena poxonae quirei tsanaicha, ichacuitha icha bapon patopaena papaetha, ichacuitha icha bapon patopaena mataqueiwunaeyo, ichacuitha icha bapon patopaena baya tsane. <sup>36</sup> Barapomonae jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonae maitumena. <sup>37</sup> Meje xuaje paca tsipaebatsi, xua paca jeichi: ‘Tsaca pajinompare’, paca jeichi, baxua iru daxita jiwitha tsipaeban”, jei Jesús.

## 14

*Meje yabara poxonae fariseomonae iru sacerdotemonae pia pentacaponaei tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5; Lc 22.1-2; Jn 11.45-53)*

<sup>1</sup> Acoibi po matabiyobe cataunxuae seica poxonae jiwi nacaetutsina penabanaenexa pexaewa, peyabara nanta xeinaenexa barapo matabi xua poxonae caena bayatha matha judiomonae Egipto nacua weya panenebiya. Barapo matabi pewun Pascua matabi wun. Barapo Pascua matabi wuntha jiwi xane pan, po pan xua jopa cotowiyo. Sacerdotemonae pia pentacaponaei tatsi, iru pomonae jiwi pecuidubiwi Moisés pia peitorobi coyene tatsi, daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi pebexubinexatsi. <sup>2</sup> Ichitha barapomonae najeye:

—Abu jopa waetabi tsainchi poxonae jiwi Pascua matabi wantha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae xua Jesús yabara paebatsi.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*  
(Mt 26.6-13; Jn 12.1-8)

<sup>3</sup> Poxonae Jesús Betania tomaratha popona, bapoxonae Jesús Simón pia bo tatsi betajoniyatsi, pon peperu sawinchi. Poxonae Jesús eca pexaethopaewatha, bapoxonae patopa petsiriwa. Bapowa capatopa alabastro ibo bosibu atsato, xua bichocono wanca penasiwa xua petuxueiwa. Barapo petuxueiwa bichocono ainya matoma. Poxonae wacataba barapo bosibu, bapoxonae Jesús mata epatabatsi barapo petuxuei nasiwatha.

<sup>4</sup> Pomonae iru baxota ena, barapomonae jiwana anaepana, yawa caemonae najei:

—¿Eta pocotsiwa metha saya xuba jane barapo petuxuei nasiwa? <sup>5</sup> Barapo petuxuei nasiwa becaenaetsipatsi. Bapoxonae bexeinaetsipatsi trescientos po paratiximonaebe po paratiximonaebe xua namatomata xua poxonae trescientos matabibibe nexa xua poxonae nacuita. Barapo paratixitha beyawenaetsipatsi peacopeibi jiwi, najei barapomonae.

Bapoxonae barapomonae barapowa casebatsi.

<sup>6</sup> Ichitha Jesús jeye barapomonaetha:

—Moya pande, bara pacopare. ¿Eta pocotsiwa metha barapowa pabiataneme? Pocotsiwa barapowa inta exana apara seicayaru xua pexeinya coyene inta exana.

<sup>7</sup> Barapo irathe peacopeibi jiwi paca baru jinompeibina ataya tsaibi tsane. Paca itacupa xua beta pata exaname barapomonae poxonae paichichipame. Ichitha nama paxam jopa ataya paca baru poponae tsainchi barapo irathe poxonae paca itacupa xua pana neyaweneme. <sup>8</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wanaeta xua muthu tana neboyaenexa poxonae tupaen. <sup>9</sup> Bara xainyeya paca tsipaebatsi. Daxita nacuanthan poxonae jiwi cueicueijejei tsane Nacom pia pecapanenebiyae diwesi barapo jiwi yawa yabara paebina xua pocotsiwa poxonae bapowa inta exana xua jiwi bapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi*  
(Mt 26.14-16; Lc 22.3-6)

<sup>10</sup> Barapoxonae Judas Iscariote pon doce poyobe jiwana, pomonae Jesús pijimonae aexae tatsi, bapon sacerdotemonae pia pentacaponae tatsi beya pona. Bapon pona xua petsipaebine xua Jesús caenaetaxubinchi barapomonaetha. <sup>11</sup> Poxonae barapomonae baxua jume taerucupa bichocono ichichiparucupa baxua. Yawa barapomonae Judas Iscariote muxu tsipaebatsi xua paratixi catsibapaebatsi. Bapoxonae Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha.

*Meje yabara poxonae Jesús pijimonae baru nabane Pascua wun matabitha*  
(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup> Nexata copiya matabi jopa po matabi tsiwana penanta carucuae matabi xua po matabintha poxonae jiwi tsinacaetutsina, xua penabanaenexa pan, po pan jopa muxuna pentsiyo levadura matawan, pocotsiwa xua cotowa exana pan. Barapo penanta carucuae matabitha ba corderoxi pebtoxi xua oveja coxi jutebatsi xua jiwi pexaenexa. Bapoxonae barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonae panenebiya Egipto nacua weya. Barapo matabitha Jesús pijimonae yainyabatsi, jeye:

—¿Exota ichichipame xua xota pexaewa paca tsiw<sub>h</sub>naetsinchi wanabanaenexa tsane xua Pascua w<sub>h</sub>n matacabi nexa? jei barapomona.

<sup>13</sup> Bapoxonae Jesús itoroba nacueyatabe poyobe ponbe xua doce poyobe jiwana, pomona Jesús pijimona tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatotha. Bara bapon papuna pondebe. <sup>14</sup> Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonae bar<sub>h</sub> nabanaein pexaewa Pascua w<sub>h</sub>n matacabi nexa?’ jei bapon, pajandebe. <sup>15</sup> Bapoxonae bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui w<sub>h</sub>naetajebare xua wanabanaenexa pexaewa barapo Pascua w<sub>h</sub>n matacabi nexa, jei Jesús.

<sup>16</sup> Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui w<sub>h</sub>naetajebabe Pascua w<sub>h</sub>n matacabi nexa xua penabanaenexa.

<sup>17</sup> Poxonae quirei tsanaicha bapoxonae Jesús pijimona bar<sub>h</sub> patopa barapo tututha. <sup>18</sup> Poxonae Jesús pijimona cataunxuae bar<sub>h</sub> xunaboca pexaethopaewatha, bapoxonae Jesús pijimona barai, jeye:

—Bara xainyeya paca tsipaebatsi caein pon paxam jiwana pam pon nebar<sub>h</sub> xaeuncua bapon necanaetaxubina ichamonaetha, jei Jesús.

<sup>19</sup> Nexata bapoxonae Jesús pijimona tatsi <sub>h</sub>anth<sub>h</sub>th<sub>h</sub> wecoyei ts<sub>h</sub>r<sub>h</sub>c<sub>h</sub>pa<sub>e</sub>, nexata daxita tsana jei tsoponae Jesth<sub>h</sub>:

—¿Apara xan cacaenaetaxubinchi? jei daxita barapomona xua Jesús tsana yainyabaponatsi.

<sup>20</sup> Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabaru jajaucuncuaponanbe pan aparta bapon necaenaetaxubina ichamonaetha. <sup>21</sup> Xan ponxaein Nacom Tananeitapetsin bewa t<sub>h</sub>pa<sub>e</sub>in, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame w<sub>h</sub>nae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>22</sup> Poxonae Jesús pijimona bar<sub>h</sub> xaeuncua, bapoxonae Jesús pecobetha pita pan. Yawa Paxatha tsipaeba, jeye: “Axa, maisa j<sub>h</sub>nt<sub>h</sub> coyene weiweinan xua pan pata tanecat-siwam”, jei. Bapoxonae Jesús pecobetha pan epa janaca, yawa catsiba pijimona. Bapoxonae pijimona barai, jeye:

—Paxaema po pan epa janacan. Barapo pan aparta neyabara caunuta tapepon xua poxonae tapaca tsit<sub>h</sub>paewatsi tsainchi, jei Jesús.

<sup>23</sup> Bapoxonae Jesús equeicha pecobetha pita corotiyo, yawa Nacomtha tsipaeba, jeye: “Axa, maisa j<sub>h</sub>nt<sub>h</sub> coyene weiweinan xua corotiyotha ecareca pepa uva mera xua pata tanecat-siwam”, jei. Bapoxonae Jesús pijimona cata corotiyo xua pejiwana aaponaenexa. Daxita barapomona bara jiwana aapona. <sup>24</sup> Bapoxonae Jesús jeye pijimonaetha:

—Pena petsiwan<sub>h</sub>ae muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othoparenaein poxonae t<sub>h</sub>pa<sub>e</sub>in. Barapo jana tsita itapeinya xeinaena xua jiwi pinmonae yabara j<sub>h</sub>ntemaina<sub>e</sub>in abe pia peexanae cuiru coyenein tatsi. <sup>25</sup> Bara xainyeya paca tsipaebatsi, barapo uva mera jopa equeicha paca bar<sub>h</sub> apae tsainchi anoxuae. Meisa ab<sub>h</sub> bexa tsane pena coyenewatha paca bar<sub>h</sub> apaeinchi barapo uva mera poxonae Nacom neexanaena xua itorobiya ewatsin jiwi, jei Jesús.



*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mt 26.30-35; Lc 22.31-34; Jn 13.36-38)*

<sup>26</sup> Poxonae Jesús pijimonae bar<sub>u</sub> najume weta xua na<sub>x</sub>na Nacom nexa, bapoxonae Jesús pijimonae bar<sub>u</sub> pona demxuwa beya. Barapo demxuwa pew<sub>u</sub>n demxu Olivowa, olivo naein peumenaexae baxota. <sup>27</sup> Nexata Jesús pijimonae barai, jeye:

—Anoxuae barapo merawithe daxita pam pana necuentar<sub>u</sub>c<sub>u</sub>paename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca yabara cui tsiw<sub>u</sub>naeya jeye: ‘Poxonae ovejamona peewatsin bexubin, bapoxonae ovejamona tsanar<sub>u</sub>c<sub>u</sub>paena’, jei Nacom. Penamchixae poxonae ichamona newaetabina tanebexubinexa pana necuentar<sub>u</sub>c<sub>u</sub>paename. <sup>28</sup> Ichitha taeyarapaeyo Nacom equeicha as<sub>u</sub> neexanaena. Bapoxonae paca tsiwana patopiyaeinchi Galilea nacia beya, poxonae bara beya paponaeiname, jei Jesús.

<sup>29</sup> Nexata Pedro Jesús jume notatsi, jeye:

—Bequein ichamona cacuentar<sub>u</sub>c<sub>u</sub>paena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

<sup>30</sup> Nexata Jesús Pedro jume baraichi, jeye:

—Bara xainyeya catsipaebatsi, po merawithe pew<sub>u</sub>naeya poxonae ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>31</sup> Ichitha Pedro equeicha jume daunweya, jeye:

—Bara bequein capuna t<sub>u</sub>paeinchi ichitha baxua jopa cayabara paebi tsainchi, jei Pedro.

Ir<sub>u</sub>u daxita Jesús pijimonae tatsi bara jumichi, nanta j<sub>u</sub>piya paeba.

*Meje yabara poxonae Jesús Paxa tsipaeba ichaxota tsica iriyo, po iriyo pew<sub>u</sub>n Getsemani*

*(Mt 26.36-46; Lc 22.39-46)*

<sup>32</sup> Nexata Jesús pijimonae bar<sub>u</sub> patopa ichaxota tsica iriyo po iriyo pew<sub>u</sub>n Getsemani. Baxota Jesús barai pijimonae, jeye:

—Xote ab<sub>u</sub> paenare tha matha Taxatha tsipaebichi, jei Jesús.

<sup>33</sup> Jesús bar<sub>u</sub> pona Pedro ir<sub>u</sub> Santiago ir<sub>u</sub> Juan. Bapoxonae Jesús bichocono <sub>u</sub>n<sub>u</sub>th<sub>u</sub>th<sub>u</sub> wecoyei, yawa bichocono <sub>u</sub>n<sub>u</sub>th<sub>u</sub>th<sub>u</sub> deideije. <sup>34</sup> Nexata barapo acoibi poyobetha Jesús barai, jeye:

—Bichocono j<sub>u</sub>nt<sub>u</sub> coyene natsepiya wecoyan, tsipei muxu tat<sub>u</sub>pa. Xote paenare, yawa payoyocare xua painya tanebar<sub>u</sub> naitaewatsinexam, jei Jesús.

<sup>35</sup> Nexata Jesús tsiwiyo dabe natsixitabiya, irabe taeuncuareca, tsipei jopa j<sub>u</sub>niya aj<sub>u</sub>nt<sub>u</sub>taneyo. Jesús yaputane xua bichocono tsiatene tsane xua daxita jiwi abe pia peexanae coyenein tatsi. Daxota Jesús Paxa w<sub>u</sub>ca xua icha itac<sub>u</sub>patsi xua jopa penantawenonaewa xua peatenewa. <sup>36</sup> Bapoxonae Jesús Paxa tsipaeba, jeye: “Axa caitac<sub>u</sub>pa xua daxita exaname. Icha ichichipame xua taneyawenaewam tsane, newepire pocotsiwa neaj<sub>u</sub>nt<sub>u</sub>tane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

<sup>37</sup> Nexata Jesús equeicha caibe iya ichaxota pijimonae jiwana tatsi taenatsi xua acoibi poyobe. Ichitha barapomona maita. Jesús Pedro baraichi, jeye:

—Simón, ¿maituncuame? ¿Jopa caitac<sub>u</sub>paeyo xua yoyocame xua jinya tanebar<sub>u</sub> naitaewatsinexam, mata<sub>u</sub>tano xua bara cae horathano? <sup>38</sup> Maisa payoyocare. Nacom patsipaebare xua jopa abe painya neexanaewa tsane poxonae caurimona pia pentacaponaein tatsi piraichi paca j<sub>u</sub>nt<sub>u</sub> coyene j<sub>u</sub>nt<sub>u</sub>. Painya j<sub>u</sub>nt<sub>u</sub> coyene wetsina bichocono paichichipame xua Nacom painya netsipaebiwa, ichitha painya pepon bichocono paacoyenefaetabim xua painya netsipaebiwa Nacom.

<sup>39</sup> Equeicha Jesús bara nama caeto caibeya pona xua Paxa petsipaebinexa barapo jumetha, po jumetha copiya Paxa tsipaeba. <sup>40</sup> Bapoxonae equeicha Jesús pijimonae beya pona xua acoibi poyobe. Daichitha barapo acoibi poyobe came maitumena, tsipei bichocono itata tsacatsaquei xua itamaipana. Barapomonae jopa yaputaeyo xua Jesús petsipaebiwatsi poxonae yaichamaicha mata taenanaboumeinchi. <sup>41</sup> Bara nexata equeicha Jesús saya cuenta pona pijimonae, xua Paxa equeicha petsipaebinexa. Equeicha pijimonaetha patopa acoibi po cuiyobetha. Jesús jeye pijimonaetha:

—¡Moya bara painya nepu maitumenaende, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom Tananeitapetsin, ichan necaenaetaxubina ichamonaetha, pomonaetha pomonae peantꞫcoyenebe jiwí. <sup>42</sup> Panacosabapende, panonobapondeno. Antha bꞫ poinchi. Dota dawerena pon necaenaetaxubina ichamonaetha, jei Jesús.

*Meje yabara poxonae Jesús waetabatsi*  
(Mt 26.47-56; Lc 22.47-53; Jn 18.2-11)

<sup>43</sup> Poxonae Jesús cataunxuae tsipaebuncua pijimonae, bapoxonae Judas patopa. Bapon Judas doce poyobe jiwana caein pomonae Jesús pepa pijimonaexae tatsi. Judas pinmonae barꞫ patopa Jestutha. Ichamonaetha cusin cajinjinca. Ichamonaetha iwabi cajinjinca. Daxota daxita barapomonae pata tsipei sacerdotemonae pia pentacaponaeiwatsi tatsi, irꞫ pomonae jiwí pecuidubiwi Moisés pia peitorobi coyene tatsi, irꞫ pomonae pitiri jiwirꞫ daxita barapo pentacaponaeiwatsi itoroba barapomonaetha. <sup>44</sup> Judas pon Jesús caenaetaxubinchi beya poxonae bapon patopa cou tsiwanaya paeba barapo pin bicheitha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomonae xainwaicha pecutsinexa tsane”, jei Judas.

<sup>45</sup> Nexata Judas Jesús imoxoyo caquita poinchi. Bapoxonae nainya Jesús jeichichi:

—Pon jiwí Necuidubim, ¿xamda? jei Judas.

Bapoxonae nainya Judas Jesús tsutsubatsi. <sup>46</sup> Nexata barapomonae pomonae Judas pebarꞫ patopaexae, Jesús imoxoyo caquita umenarꞫcꞫpatsi. Bapoxonae Jesús waetabatsi.

<sup>47</sup> Caein pon Jesús pijimonae tatsi jiwana, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaeiwatsi tatsi tanacuitatsi bapon muxuyoro catsonibatsi. <sup>48</sup> Bapoxonae Jesús jeye jiwitha:

—Pacapatame cusin, yawa iwabi ichi be poxonae pacana ichim pontha pon jiwí pecaibin. <sup>49</sup> Daxita matacabin Nacom pin pia botha tatsi paca barꞫ poponeibatsi. Paca cuidubeibatsino. Daichitha bapoxonae jame jopa pana newaetabim. Ichitha daxita baxuan neyabara canacui jume weta exana, bayatha Nacom Pejume Diwesitha tana necui yabara wꞫnae tsiwanaya paebixae pomonae Nacom peitorobi jume pepaebiwi.

<sup>50</sup> Bapoxonae Jesús daxita pijimonae cuentarꞫcꞫpatsi.

<sup>51</sup> Bapoxonae pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomonae Judas barꞫ patopa. <sup>52</sup> Ichitha barapo pewowin nama xuetacuta pia paparuwa epato. Tamasa naetsiricua.

*Meje yabara poxonae Jesús capoinchi judimonaetha pia pecanamata caitorobi jiwí bicheito tatsi pia peitabaratha tatsi*

(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Pomonae Jesús teicatsi, barapomonae Jesús capoinchi pon sacerdotemonae pia pepa pentacaponaeiwatsi tatsi pia bo tatsi beya, pon yatsicaya peainya cuin. Baxota irꞫ sacerdotemonae pia pentacaponaeiwatsi tatsi nanacaetuta. IrꞫ pitiri jiwino nanacaetuta. Baxota irꞫ nanacaetuta pomonae jiwí pecuidubiwi Moisés pia peitorobi coyene tatsi. Daxita barapo penacaetutsi jiwí, barapomonaetha jiwí wꞫn duta “Pecanamata

caitorobi jiwi bicheito”, jei. <sup>54</sup> Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-enaewi. Pedro cui tane po coyeneya xua Jesús cana exanatsi pomonae nacaetuta. Pedro nonopeca isototha.

<sup>55</sup> Sacerdotemonae pia pentacaponaei tatsi, iru ichamonaeno pomonae pecanamata caitorobi jiwi bicheito, daxita barapomonae jeita ichamonaeno pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi jiwi bicheito came jopa xeinaeyo po diwesi xua daxota Jesús pebexubinxatsi. <sup>56</sup> Pinmonae bequein Jesús yabara naerabiya paebatsi, ichitha tsanaya barompaya pia diwesi paeba. <sup>57</sup> Ichamonaeno asiya umena, yawa naerabiya Jesús yabara paebatsi.

<sup>58</sup> Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwi pia coutha acaba. Acoibi po matabibe icha bo equeicha exanaein po bo jiwi jopa exanaeyo’, jei Jesús, jei barapomonae.

<sup>59</sup> Daichitha barapomonae awiya came cataunxuae tsanaya barompaya ichawan paeba. Barapomonae pia pepaebiwana xua Jesús peyabara paebiwatsi jopa pebaraya nanta jupaya nanta xeinaeyo.

<sup>60</sup> Bapoxonae sacerdotemonae pia pepa pentacaponaein tatsi asiya uncuataba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei bapon.

<sup>61</sup> Daichitha Jesús saya moya uncuata. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesthath:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wanae pajainteiban? jei bapon.

<sup>62</sup> Bapoxonae Jesús jume nota bapontha jeye:

—Aa, bara xan tsocuaein apara, Nacom Pexanton apara. Paxam pana netaename xua xan ponxaein Nacom Tananeitapetsin ecaein Nacom pecoxa weya tatsi, pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>63</sup> Nexata bapoxonae sacerdotemonae pia pepa pentacaponaein tatsi, pin anaetha anaya pia paparawa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonaeno xua wanaca tsipaebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta. <sup>64</sup> Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>65</sup> Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere cutatsi, bapoxonae Jesús itabara tsaquibacotatsi pecobetha. Barapomonae jeye Jesthath:

—Incane pana netsipaebare: ¿Jintam caitabara tsaquibobara xua bequein paca itabara cutatsi? jei barapomonae.

Bapoxonae iru policiamonae pomonae Nacom pin pia bo tatsi peenaewi Jesús itabara cuaintatsi.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, xua yabara jeichichi Jesús*

*(Mt 26.69-75; Lc 22.56-62; Jn 18.15-18, 25-29)*

<sup>66</sup> Poxonae cataunxuae Jesús cana exanompatsi bapoxonae iruru Pedro eca panatha tsica xua bo pema werena. Bapoxonae yabayo patopa powa sacerdotemonae pia pepa pentacaponaein tatsi tanacuitatsi. <sup>67</sup> Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha iruru napuna poneibame Jesús, pon Nazaret tomarapin, jei yabayo.

<sup>68</sup> Ichitha Pedro jume matawenta bapowa, jeye:

—Jopa dapon yaitaeinyo, matautano jopa yaputaeinyo pocotsiwa xua yabara pae-bame, jei Pedro.

Bapoxonae Pedro pona bomuxu coiboto beya. Bapoxonae wacara pebto fiba. <sup>69</sup> Equeicha bapowa Pedro tainchi. Bapoxonae bapowa tamropata pitaba xua tsipaeba pomonaetha pomonae baxota iru umena. Bapowa Pedro yabara paebatsi, jeye:

—Apara bapon pomonae Jesús pijimonae tatsi jiwanapin, jei.

<sup>70</sup> Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomonae umena baxota equeicha Pedro tsipaebatsi jeichichi:

—Bara xaniwaicha barapomonae jiwanam. Apara xam Galilea nacuapim, jei pomonae umena.

<sup>71</sup> Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara pae-bame, jei Pedro.

<sup>72</sup> Bapoxonae iruru caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewunaeya poxonae ainya jume cuiyobetha wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya iru wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyei peanthutatanexae xua Jesús peyabara paebi-watsi.

## 15

*Meje yabara poxonae Jesús uncu Pilato peitabaratha tatsi*

*(Mt 27.1-2, 11-14; Lc 23.1-5; Jn 18.28-38)*

<sup>1</sup> Poxonae pentha tsina sacerdotemonae pia pentacaponaeawi tatsi, iruru judiomonae pia pitiri jiwi tatsi, iru pomonae jiwi pecuidubiwi Moisés pia peitorobi coyenein tatsi, iruru ichamonae pomonae pecanamata caitorobi bicheito jiwi jiwana, daxita barapomonae yabara nacaetuta xua nanta japaya peburaya penanta xeinaenexa po coyeneya xua Jesús pebexubiwa tsainchi. Bapoxonae barapomonae Jesús maxu cutatsi. Bapoxonae capoinchi Pilato beya. <sup>2</sup> Pilato Jesús yainyabatsi, jeye:

—¿Bara xam yatsicaya judiomonae itorobiya pia pepa neewatsin? jei.

Jesús jume nota, jeye:

—Xuaunxuae pae-bame bara baxua apara, jei Jesús.

<sup>3</sup> Sacerdotemonae pia pentacaponaeawi tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomona. <sup>4</sup> Equeicha Pilato yainyaba Jesustha, jeye:

—¿Jopa jume notsim pocotsiwa barapomona abe cayabara paeba? Maisa barapomona bichocono abe cayabara paeba, jei Pilato.

<sup>5</sup> Ichitha Jesús jopa equeicha jume notsiyo, Pilato jopa jume notichi. Daxota Pilato najuntũ coyene cabenaeca poxoru Jesús jopa nayabara paebiyo xua pia coya penayawenaenexa.

*Meje yabara poxona Pilato jume barũ jejei xua Jesús bara pebexubiwa tsainchi ichamonae*

*(Mt 27.15-31; Lc 23.13-25; Jn 18.38-19.16)*

<sup>6</sup> Bara nama matakabi jopa poxona ba Pilato pia cui xeina poxona ba jiwi tsinacaetuta pexaewa penanabanaenexa. Barapo matakabitha Pilato ba pu sotaba pon ba jiwi itapeta cowai xua Pilato peisanaxubinexa pomona jiwi pecubi botha peenaewi jiwanaepin. <sup>7</sup> Barapo jiwi pecubi botha irũrũ eca pon pewũn Barrabás. Bapon bichocono abe peexanaein tsipei caena bayatha matakapona ichamonae xua barapomona najume tsacaba cana exanatsi xuano xua jiwi jutebatsi. <sup>8</sup> Bapoxona pin bicheito jiwi pata Pilatotha, xua Pilato pewũcaenexa tsainchi xua bapon exanaena pia cui coyeneya poxona xua isanaxubina caein pomona jiwi pecubi botha peenaewi jiwanaepin. <sup>9</sup> Bapoxona Pilato yainyaba barapomona Jesús yabara, jeye:

—¿Paichichipame xua tapu sotabiwa tsane pon judiomona itorobiya pia pepa peewatsinchi? jei. <sup>10</sup> Baxua Pilato paeba, tsipei bapon yaputane xua sacerdotemona pia pentacaponaewi tatsi Jesús uwatsi. Daxota barapomona Jesús caenaetaxubatsi Pilatotha. <sup>11</sup> Ichitha barapo sacerdotemona pia pentacaponaewi tatsi jiwi jume cui tsacabatsi xua anaepana cana exanatsi, xua Pilato pecui itorobinexatsi xua Barrabás pepu sotabinexatsi, xua Jesús jopa pepu sotabinexatsi. <sup>12</sup> Equeicha Pilato yainyaba barapo jiwi, jeye:

—¿Eta xua cana exanocuaein pon pawũn dutame, xua pajam: ‘Judiomona itorobiya pia pepa peewatsinchi?’ pajam, jei.

<sup>13</sup> Barapomona Pilato daunweya jume notatsi, jeye:

—¡Bewa maisa naetotha tũparucua exanaem! jei.

<sup>14</sup> Bapoxona Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha daunmetha jume daunweya, jeye:

—¡Bewa maisa naetotha tũparucua exanaem! jei.

<sup>15</sup> Pilato ichichipa xua bapon jopa peita aenae-aeneiwatsi jiwi. Daxota Pilato Barrabás nama pu sotabatsi. Bapoxona Pilato itoroba xua soldadomona bara Jesús moya pecuainchinexatsi pocotsiwatha eewa xua bichocono amũpiya xua xota jiwi cuainteibatsi poxona abe exaneiba. Mataũtano itorobano xua moya bara Jesús tũparucua exanaeinchi naetotha.

<sup>16</sup> Bapoxona soldadomona Jesús capoinchi Pilato pia bo tatsi beya po soldadomona yapu eena Pilato pia bo tatsi. Bapoxona barapo soldadomona waba icha soldadomona xua daxita barapo soldadomona Jesús pematawacaicha umenaenexa tsainchi. <sup>17</sup> Bapoxona Jesús pia paparuwa juma xuenatsi. Yawa juma xatatatsi icha paparuwa po paparuwa tsobia xua Jesús be pecana exanaenexatsi pon jiwi itorobiya pia pepa peewatsinchi. Yawa poxona nacobe weta xua fata pee bapoxona Jesús muxuna mata xatatatsi barapo pee tepa. <sup>18</sup> Bapoxona barapomona tamropata notarũcũpa xua Jesús cui caponaeya jeichichi:

—¿Xamda? ¡Apara xam barapom pon judiomona itorobiya pepa Neewatsin! jei.

19 Po naewa xua Jesús cobenatatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Matautano Jesús yabara naone subabatsi. Bapoxonae barapomonae Jesús peitabaratha tatsi pentabocototha taumeinchi, xua Jesús naerabiya w<sub>nae</sub> pejainchinexa tsainchi. 20 Poxonae Jesús cana cui wetatsi xua cui caponatsi equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua pecobe matabobinexatsi naetotha pebexubinexatsi.

*Meje yabara poxonae Jesús t<sub>u</sub>parucua exanatsi naetotha  
(Mt 27.32-44; Lc 23.26-43; Jn 19.17-27)*

21 Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pew<sub>un</sub> Simón. Bapon wexua werena pona. Bapon Alejandro paxa tatsi, ir<sub>u</sub> xua Rufo paxa tatsi. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha t<sub>u</sub>parucua peexanaenexatsi Jesús.

22 Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwi w<sub>an</sub> unuta “Gólgota”, jei. 23 Baraxotiya Jesús apatatsi vino mera, po vino mera equeicha muxuna epareca mirra mera mataw<sub>un</sub> po mera bichocono atsu. Ichitha Jesús jopa apaeyo. 24 Matautano bapoxonae Jesús t<sub>u</sub>parucua exanatsi. Bapoxonae barapo soldadomonae nata tsaba Jesús pia paparuwan tatsi. Barapomonae bebeya ibotixi penacueranta notsinexa Jesús pia paparuwan tatsi.

25 Poxonae baya a las nueve tsuxubi, bapoxonae Jesús t<sub>u</sub>parucua exanatsi naetotha. 26 Jesús pentutu wetsica tadutatsi napaewa xua barapo napaewatha tina. Barapo petinae dutsiwa Jesús yabara jeichichi: “Baponje apara judiomonae itorobiya pia pepa peewatsinchi”, jei barapo petinae dutsiwa. 27 Ir<sub>u</sub> ponbe jiwi pecaibinbe t<sub>u</sub>parucua exanatsi naetotha imoxoyo ichaxota Jesús ducua. Ich<sub>an</sub> Jesús petsocona wetarucuiyatsi, ich<sub>an</sub> pecoxa wetarucueinatsi. 28 Poxonae barapomonae baxua exana, bara barapomonae yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonae abe peexanaewi jiwana”, jei.

29 Pomonae Jesús xenta poinchi barapomonae Jesús cui capoinchi. Yawa Jesús yabara itata naichaquebatsi. Barapomonae jeye Jestutha:

—¡Xam bayatha jam: ‘Nacom pin pia bo abe exanaein, bapoxonae equeicha acoibi po matabibibe xanebin’, jam! 30 ¡Moya bara jinya coutha nacapanepare naeto wetsica icha bara metha Nacom Pexantom tsipaem! jei barapomonae.

31 Ir<sub>u</sub> sacerdotemonae pia pentacaponaw<sub>i</sub> tatsi, ir<sub>u</sub> pomonae jiwi pecuidubiwi Moisés pia peitorobi coyene tatsi, barapomonae Jesús cui capoinchi, yawa najei Jesús yabara:

—Bapon cain capanepibabei ichamonae, came jopa nacapanepaeyo. 32 ¡Icha bara bapon Mesías, pon israelmonae itorobiya pia pepa peewatsinchi, b<sub>u</sub> bapon bara pia coutha naeto wetsica ecoinca! ¡Xainya bapoxonae jume cow<sub>un</sub>tatsi xua wataexae tsane! najei barapomonae.

Barichir<sub>u</sub> baxua paebabe ponbe jiwi pecaibinbe, ponbe xua ir<sub>u</sub> cobe matatabadutatsibe naetotha. Baponbe ir<sub>u</sub> Jesús cui caponatsi.

*Meje yabara poxonae Jesús t<sub>u</sub>pa  
(Mt 27.45-56; Lc 23.44-49; Jn 19.28-30)*

33 Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. 34 Bapoxonae Jesús jume daunweya wawai jeye: “Eloi, Eloi, ¿lema

sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>35</sup> Ichamonae pomonae baxota Jesús jume taeumeinchi, barapomonae jeye:

—Pajume taema, bapon waba, Elías wabatsi, pon Elías Nacom peitorobi jume pepae-bin pon caena bayatha tupa, jei.

<sup>36</sup> Bapoxonae caein bapomonae jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abu, abu jopa apatsinde. Waxainchi abu matha taeinchi icha Elías patopeicaena xua bapon pepichinexatsi naeto wetsica, jei.

<sup>37</sup> Bapoxonae Jesús jume daunweya wawai. Bapoxonae nama tupanaicha Jesús.

<sup>38</sup> Bapoxonae paparuwa, po paparuwa Nacom pin pia botha tatsi ducua, barapo paparuwa nainya bopiya epa matonta tsitsiqueica ainya epatobe naexanabe.

<sup>39</sup> Soldadomonae pia pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús tupa, bapon jeye:

—Apara bara yatsicaya bapon Nacom pepa Pexanto tatsi, jei.

<sup>40</sup> Barichi iru ainyawaxi yabuxi barapowaxi Jesús tsiwiyo taju wetaeumeinyatsi. Barapowaxi jiwana, ichowayo pewun María Magdalena, powa Magdala tomarapiwayo. Ichowayo iru pewun María, Santiago pon xuyapin, iru José matapin, baponbe penabe tatsi. Ichowayo iru pewun Salomé. <sup>41</sup> Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Iru ichowaxi yabuxi pinmonae powaxi Jesús baru patopa Jerusalén tomaratha.

*Meje yabara poxonae Jesús petupaein ibo mutha yauxatatabotatsi*

*(Mt 27.57-61; Lc 23.50-56; Jn 19.38-42)*

<sup>42</sup> Po mataqueitha pewun penacui xaxainchi matabi poxonae judiomonae ba weta daxita xua penacuichiwa pewunaeya poxonae jopaena pentaquei seicae matabi, poxonae quirei tsanaicha barapo penacui xaxainchi matabitha bapoxonae patopa pebin Pilatotha. <sup>43</sup> Bapon pon pepatopaexae bapon pewun José, pon Arimatea tomarapin. Bapon pomonae pecanamata caitorobi jiwi bicheito jiwapin. Bapon baru cui itura jineibatsi jiwi. Bapon yabara jume cowuntsiya wunaewateiba po coyenewa xua poxonae Mesías patopaetsica pon jiwi itorobiya peewetsinexatsi. José ajuntacoyenetsaquiya patopa Pilato pia xantha tatsi pewucaenexa Jesús petupaein. <sup>44</sup> Bapoxonae Pilato yabara najuntu coyene cabenaecatoba xua bayatha Jesús tupa. Daxota bapon itoroba soldadomonae pia pentacaponaein tatsi pia yaputaetsi po coyene xua eta poxonae bayatha tupa. <sup>45</sup> Poxonae barapo soldadomonae pia pentacaponaein tatsi paeba xua pinae bayatha Jesús tupa, bapoxonae Pilato copata xua José bara pichina Jesús petupaein. <sup>46</sup> Bapoxonae José pexeinya paparuwa comota. José naeto wepichica Jesús petupaein. Yawa mata quiyontabareca barapo pexeinya paparuwatha. Bapoxonae José ibo mutha iya boya Jesús petupaein. Yawa torenabapoinya pin ibo panawa. Yawa barapo ibo panawatha yauxatatabanota. <sup>47</sup> María Magdalena, powa Magdala tomarapiwayo iru icha María powa José pena tatsi, barapowabe tanebe ichaxota Jesús petupaein boyatsi.

## 16

*Meje yabara poxonae Jesús equeicha asu juina exanatsi petupae cuiru coyene weya*

*(Mt 28.1-10; Lc 24.1-12; Jn 20.1-10)*

<sup>1</sup> Nexata barapo judiomonae pia pentaquei seicae matabi tatsi yapucaewaba poxonae quirei tsanaicha xua icha matabi jopa. Bapoxonae María Magdalena,

powa Magdala tomarapiwayo, iru icha María powa Santiago pena tatsi, iru ichowayoru powa pewun Salomé, daxita barapowaxi comoca petuxueiwan peponaenexa xua Jesús peperu epababinexatsi petupaein. <sup>2</sup> Bapoxonae baya caemumbotha, po matabitha xua nanta carucua cae semanatha, barapowaxi capata petuxueiwan ichaxota Jesús ibo muthu iya boyatsi. Bapoxonae xometo pichatabina. <sup>3</sup> Barapowaxi caewaxi natsipaebe- napona, najei:

—¿Jintam metha nacata pataxubina barapo ibo panawa xua yauxatatabotatsi? najei.

<sup>4</sup> Daichitha poxonae barapowaxi taerucupa xua po pin ibo panawatha yauxatatabab- ota barapo ibo muthu bayatha cou yaupataxubanota. <sup>5</sup> Barapowaxi joniya barapo ibo muthu iya. Barapo ibo muthu tutu iya pewowin eca po muxunene pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yabuxi bichocono junuwa, pewowin cunuwatsi. <sup>6</sup> Ichitha barapo pewowin jeye barapo yabuxitha:

—Jopa pajunuwinde. Paxam pajeitame Jesús Nazaret tomarapin, pon bayatha nae- totha tupa. Ichitha bapon anoxuae xote jopa bocaeyo. Bayatha asu petupae cuiru coyene weya. Pataema ichaxota Jesús bayatha botatsi petupaein. <sup>7</sup> Bara paponare, yawano patsipaebare Pedro iru ichamonae pomonae Jesús pijimonae tatsiru. Nexata pajande: ‘Bepa Jesús paca tsiwana patopiyaei Galilea nacua beya poxonae bara bepaiyiyaename. Bapoxonae baxotiya pataename bapon icha be pocotsi coyeneya paca tsipaeba bay- atha’, pajande, jei pewowin barapo yabuxitha.

<sup>8</sup> Barapo yabuxi ibo muthu wejojondena. Yawa bara weya ducupa tsipei bichocono pijunuwi jijiyei. Barapo yabuxi jopa paebiyo ichamonaetha poxoru bichocono junuwa.

*Meje yabara poxonae Jesús María tsita naitatsi powayo Magdala tomarapiwayo  
(Jn 20.11-18)*

<sup>9</sup> Poxonae Jesús asu exanatsiba petupaewa weya po mataqueitha opi carucua xua cae semanatha poxonae aena pentha, bapoxonae Jesús tsita naitata María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa. <sup>10</sup> Poxonae Jesús tainchi bapowa pona pemuxu tsipaebinexa pomonaetha pomonae anoxuae anthuthutane yawa wecoyeyi xua Jesús petupaexae. Barapomonae bayatha Jesús pepuna jinompaewichi. <sup>11</sup> Poxonae barapomonae jume tane xua juinya Jesús asu popona, yawa xua bapowa bayatha Jesús tainchi, barapomonae baxua jopa yabara jume cowantsiyo.

*Meje yabara poxonae Jesús pebinbe tsita naitata namtotha poxonae Emaús tomara beya ponabe  
(Lc 24.13-35)*

<sup>12</sup> Pirapae bapoxonae equeicha Jesús tsita naitata pijimonae tatsi jiwanabetha icha cui coyeneyatha xua poxonae jopa xapain yaitaetsi poxonae namtotha pipatotha ecaponabe aisawatha. <sup>13</sup> Bapoxonae baponbe caibe nawiya. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitatsibe. Ichitha barapomonae barichiru iru jopa jume cowantsiyoru barapo diwesi pocotsiwa baponbe paebabe.

*Meje yabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi  
(Mt 28.16-20; Lc 24.36-49; Jn 20.19-23)*

<sup>14</sup> Pirapae Jesús tsita naitata pijimonae pomonae once poyobe poxonae barapomonae pexaethopaewatha iratha ena. Jesús pin jumetha muxutaenaquiya exana xua jopa pejume cowantsixaetsi matautano peyabara muxusipanaexaetsi matauta xua jopa



peyabara jume cowantsixaetsi pocotsiwa paeba pomonae tane xua Jesús equeicha bayatha asu popona petupaе cuiru coyene weya. <sup>15</sup> Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume. <sup>16</sup> Pomonae neyabara jume cowantsina xua xan apara Nacom Pexanton tatsi, matautano xua bautisabatsi, barapomonae capanenebiyaeinchi xua jopa peweraweracaenexa. Ichitha pomonae jopa neyabara jume cowantsiyo xua xan Nacom Pexanton tatsi, barapomonae peraxa jubebinchi xua Nacom peyabara paebixae xua pinae barapomonae jopa jume cowantsiyo. <sup>17-18</sup> Pomonae neyabara jume cowantsina xua xan Nacom Pexanton tatsin muxuna exanaein xuaje pocotsiwe: Barapomonae taitawetsina ichamonae cauri poxonae tawantha waqueibina; matautano barapomonae pena jumeintha cueicueijeі tsane; icha barapomonae jomon notsina pecobetha, jopa barapomonae tupa exanae tsainchi jomon; matautano icha barapomonae apaena po mera jiwі tupa exanatsi barapo mera jopa abe exanae tsainchi barapomonae; matautano barapomonae itacupaеinchi xua jayabina pecobetha pomonae peatenewi, xua bapoxonae barapo peatenewi peaxaibinexa tsaibi tsane”, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi (Lc 24.50-53)*

<sup>19</sup> Jesús pon jiwі Pecanamataxeinaeinchi, poxonae bapon najume weta xua cueicueijeі pijimonaetha, bapoxonae Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi. <sup>20</sup> Bara barapomonae Jesús pijimonaе tatsi ponarupa. Yawano barapomonae cueicueijeі tsurubenanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwі pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonae muxuna exana pexeinya petsita itatsi coyenewan xua daxota pocotsiwa barapomonae cueicueijeі jiwitha bara pexainyeі jumein. Je, bara ichi tsane.

Baja Marcos.

## Jesucristo Pia Pexeinya Diwesi Jume Tatsi Lucas Petinae Diwesi

*Meje po diwesi yabara xua Lucas tamropata pitaba poxona tina*

<sup>1</sup> Jaco Teófilo. Ponxaem nentu cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxona xanepanaya popona pata xantha. <sup>2</sup> Pomonae cou xua baxua pepaebixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba. <sup>3</sup> Xan netsita wɛnae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tso-ponae xuano xua bapoxonae tso-ponaeno. <sup>4</sup> Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

*Meje yabara poxona matatsunpin wɛnae yabara tsiwɛnae paeba xua Juan naexanaena pon jiwí Pebautisabin tsane*

<sup>5</sup> Caena bayatha poxona Herodes popona Judea nacuatha, xua pon Judea nacuapiwi peyanacua ewatsinchi, bapoxonaerɛ barichi popona barapo nacuatha sacerdotepin pon pewɛn Zacarías. Bapon jiwana po sacerdotepiwi pia matabɛxɛ jiwí pewɛn Abías. Piseuri tatsi pewɛn Isabel. Piseuribe pia pamo susato jiwana pin tatsibe, bapon pewɛn Aarón pon yatsicaya tabɛ ducua sacerdotepin. <sup>6</sup> Piseuribe Nacom tsita juntu coyene xanepanatsibe xua bara xanepanaya peexanaewabe. Pocotsiwa Nacom pon jiwí Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwí po coyene xua baponbe natsiaenae cuentabe xua abe peexaneibiwabe. <sup>7</sup> Ichitha pexui jopa xeinaeyobe, tsipei Isabel mawecowa, matautano tsipei bayatha acuewa irɛ tsipei pebin bayatha amo tsecae.

<sup>8</sup> Caentacabi poxona Zacarías ɛ pia matabɛxɛ jiwí pia cuitha exana Nacom nexa, bapon Zacarías xuya piamonae itapetatsi. <sup>9</sup> Barapomonae sacerdotemona, pia cui coyene xeina xua caein piamonae jiwana itapetatsi poxona daxita barapomonae nacuita Nacom pon jiwí Pecanamataxeinaein pin pia botha tatsi. Bapon Zacarías itapetatsi xua pejoniyenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae. <sup>10</sup> Poxona Zacarías cataunxuae tuxusi exanawiya petuxueiwa xua tauta Nacom nexa, barapoxonae daxita pomonae aisowa beumeinya barapomonae Nacom tsipaebompa. <sup>11</sup> Bapoxonae Zacarías tsita naitatatsi matatsunpin pon Nacom pon jiwí Pecanamataxeinaein itoroba. Po muxunene pecoxa weya matatsunpin iboto caquita uncu po ibototha xua ichaxota tauteiba petuxueiwa Nacom nexa. <sup>12</sup> Poxona Zacarías taeba matatsunpin jopa yaputaeyo xua peexanaewa, bichocono pejunuwixae. <sup>13</sup> Ichitha matatsunpin Zacarías baraichi, jeichichi:

—Zacarías, jopa junuwinde. Nacom bara cajume tane poxona tsipaebame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin wɛto. Xam wɛn dutsiname bapontha, po wɛn Juan, jei. <sup>14</sup> Juntu coyene weiweinaename. Barichi pinmonae juntu coyene weiweinaena xua bapon penaexanaexae tsane. <sup>15</sup> Bapon Juan Nacom pon jiwí Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxona cataunxuae butiyotha eca bichocono juntu coyene yɛcaeinchi Nacom pia Pejumo- pe tɛnaxɛ tatsi pia peayapusɛwa tatsi. <sup>16</sup> Bapon cana exanaena xua ainya Israel nacuapiwi jume

cowantsina Nacom pon Pecanamataxeinaein jiwi xua barapomonaе barapo Nacom pia Nacom tatsi tsainchi. <sup>17</sup> Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia Pejumope tɯnaxɯ tatsi pia peayapusɯwa tatsi icha cain Elías ichi pon Nacom peitorobi jume pepaebin. Bapon Elías bayatha tɯpa. Juan exanaena xua pexui paxeivi antobe tsaibi tsainchi. Matautano Juan cana exanaena xua jume cowantsina Nacom pomonaе copiya Nacom pejumefebiwichi. Tsipei exanaena baxua, barapomonaе tsiwanaya jume cui yabara najɯntɯ coyene wɯnaetsina, xua barapomonaе pejume cowantsinexa Nacom pon Pecanamataxeinaein jiwi, jei matatsunpin.

<sup>18</sup> Zacarías yainyaba matatsunpin, jeye:

—¿Eta nejumichim yatsicaewara xua inta naexanaena pexuyo? Apara xan amo tsecaein. Iru tapetsiriwa apara inta acue tsecaeba, jei.

<sup>19</sup> Matatsunpin Zacarías jume notatsi, jeye:

—Apara xan Gabriel. Barapara Nacom ba imoxoyo caquita uncueiban. Nacom neitoroba bepara catsipaebichei barapo pexeinya jume diwesi. Daxota yatsicaya naexanaenaba nexanto. <sup>20</sup> Incane jume taema. Yaitama jame maisa aunxuae jopa yabara nejume cowantsim, daxota methaunxuae jopa cuinaya paebim tsane. Yajume aunyeibiya yantacabi jopaename poxonaе beya abɯ nexanto naexanaena xuaunxuae catsipaebatsi, jei.

<sup>21</sup> Poxonaе Zacarías tsipaebauyatsi, Zacarías pesato beya ewatumeinchi pomonaе Nacom tsipaeba pesatotha. Barapomonaе nabarai: “¿Eta pocotsiwa metha Zacarías came jopa jondenaeyo Nacom pin pia bo werena?” najei. <sup>22</sup> Poxonaе Zacarías matapainya jondena jopa itacɯpaetsi xua petsipaebiwa barapomonaetha. Bapoxonaе barapomonaе nanta xeina xua metha bara Zacarías tsita naitɯtatsi xua wɯnae barapo tututha poxoru Zacarías pecobetha cowai barapomonaetha. Ichitha awiya came jopa cueicueijeiyu.

<sup>23</sup> Poxonaе Zacarías daxita nacobe weta xua exana Nacom nexa, Nacom pin pia botha, bapoxonaе pia botha pona. <sup>24</sup> Pirapaeyo Zacarías piseuri tatsi Isabel bɯpana taecatsi pexuyo. Barapowa jopa naitɯtsiyo cinco po xometiyobe. Saya pia botha eca. <sup>25</sup> Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

*Meje yabara poxonaе matatsunpin wɯnae tsiwanaya paeba xua Jesús naexanaena*

<sup>26</sup> Poxonaе Isabel seis po xometiyobe yapucaewa poxonaе pexuyo bɯpana taecatsi, bapoxonaе Nacom itoroba matatsunpin, pon pewɯn Gabriel. Gabriel Nazaret tomara beitorobiyatsi po tomara eca Galilea nacuatha. <sup>27</sup> Gabriel patopa pesiwa ponaenexa yabɯyo, powa bapana jopa pebin pichiyo. Bapowa muxu pepichi pecotsiwa, pon pewɯn José. Bapon José David pia pemomoxi susato jiwana tatsi. Caena bayatha David Israel nacuamonaе itorobiya pia pepa peewatsinchi. Barapowa powa José pecotsiwaxae tatsi pewɯn María. <sup>28</sup> Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita jɯntɯ coyene xanepanatsi beyacaincha icha yabɯxi. Matautano barapara Nacom pon jiwi Pecanamataxeinaein cabaru popona, jei matatsunpin.

<sup>29</sup> Ichitha poxonaе jume taeba bapowa, yabara jume cuitaya nabenaeca. Pia coutha nayainyaba jeye: “¿Eta xua bapon nejacoba jane?” najei. <sup>30</sup> Matatsunpin María baraichi, jeichichi:

—María, jopa junuwinde, Nacom cayabara tsita jɯntɯ coyene xanepanatsi. <sup>31</sup> Matha taema xam methaunxuae pexuyo yapɯɯwa jinaename xuano bara pabetsiname nexanto. Bapoyo wɯn dutsiname po wɯn Jesús. <sup>32</sup> Bapon ainya cui peexanaeinchi tsainchi. Bapon wɯn dutinchi, icha wɯn jei tsainchi: ‘Nacom Pexanto tatsi pon

peitabocotha eca', jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi. <sup>33</sup> Bapon yacui tsitecaena xua jiwi peewatsinchi penaexanaewa tsane Israel piamonae susato saineiwi pexantha tatsi. Pia peitorobi coyenewa tatsi jopa weraweracae tsane, jei Gabriel, pon matatsunpin.

<sup>34</sup> Nexata María jume nota matatsunpin, jeye:

—¿Eta xua yаруғуwa jinocuaein pexuyo? Apra cataunxuae jopa nacueyabinyo, jei María.

<sup>35</sup> Matatsunpin jume nota, jeye:

—Nacom pia Pejumope тнаху tatsi cata patopeicaena. Matautano Nacom pon bichocono pepa pejuntу coyene xanepanaein bapon, pia peayapusуwa tatsi cantatsun matawacaicha nontsicaena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita juntу coyene xanepanaeinchi. Barapo pexuyo yabara jei tsainchi: 'Nacom Pexanto tatsi', jei tsainchi. <sup>36</sup> Irуу barichi jinyamonaewayo Isabel, bequein bara acue tsecae, ichitha anoxuae pexanto yаруғуwa jina. Anoxuae barapowa seis po xometiyobe yapucaewa xua yаруғуwa jina bequein copiya mawecowa. <sup>37</sup> Dapocotsiwa aibi pocotsiwa Nacom tsita ayarubetsi, tsipei bapon daxita bara yaputane.

<sup>38</sup> Nexata María namchi, jeye:

—Xan bara barapowayун xua taexanaewayon pocotsiwa Nacom pon jiwi Pecanamataxeinaein neitoroba. Бу moya bara Nacom inta exanaena xuaunxuae netsipae-bame, jei María, matatsunpintha.

Barapowayун, powayун xua taexanaewa pocotsiwa Nacom neitoroba.

### *Meje yabara poxonaе María siwa pona, xua Isabel siwa poinchi*

<sup>39</sup> Pirapaeyo María nainya pontaba tomara beya, po tomara eca ichaxota ira marafofowa xua Judea nacuatha. <sup>40</sup> Baxota barapowa María joniya Zacarías pia botha tatsi. Barapowayун xua taexanaewayon pocotsiwa Nacom pon jiwi Pecanamataxeinaein neitoroba. Бу moya bara Nacom inta exanaena xuaunxuae netsipae-bame, jei María, matatsunpintha.

—¡Nacom cayabara tsita juntу coyene xanepanatsi beyacaincha icha yabuxi! ¡Barichi nexanto Nacom yabara tsita juntу coyene xanepanatsi! <sup>43</sup> ¡Xam powa Tanecanamataxeinaein pena tatsim, bichocono auran xua tana nesiwa ponaewam tsipei jopa tainya cuiwayon! <sup>44</sup> Poxoru poxonaе cajume tainchi xua nejacobame barapowayун, powayун xua taexanaewa pocotsiwa Nacom neitoroba. Anoxuae xuaunxuae netsipae-bame, jei María, matatsunpintha.

<sup>46</sup> Nexata María namchi, jeye:

“Tajuntу coyene Nacom wунае jaintatsi pon jiwi Pecanamataxeinaein.

<sup>47</sup> Matautano tajuntу coyene Nacom yabara weiweinatsi pon Tanecapanepaein.

<sup>48</sup> Nacom neweyatane xua xan saya tapawin.

Bara barapowayун, powayун xua taexanaewa pocotsiwa Nacom neitoroba. Anoxuae xuaunxuae netsipae-bame, jei María, matatsunpintha.

<sup>49</sup> Bapon Nacom pon peayapusu itorobi coyene pexeinaein inta bichocono wuna exana.

Bapon Nacom pepa pejuntu coyene xanepanaein.

<sup>50</sup> Bapon Nacom yaweneibina jiwi pia peantobewaxae pomonaetha pomonae copiya pecunuweibixaetsi.

<sup>51</sup> Nacom tsita itaba xua peayapusu itorobi coyenewa xeina.

Baxua exana poxonae juntu coyene amanayaba pomonaetha pomonae atsaquiya penayabara paebiwi xua ichamonae peabiwichi.

<sup>52</sup> Nacom cui pita cana exana pomonaetha pomonae pecanamataxeinaewi xua equeicha barapomonae jopa naexanae tsane xua pecanamataxeinaewa jiwi. Ichitha nama pomonaetha pomonae pecui pawinaexana barapomonaetha Nacom cana exana xua barapomonae penaexanaewa pomonae pecanamataxeinae jiwi.

<sup>53</sup> Pomonae xua piyain barapomonaetha Nacom cana exana xua barapomonae petonsanaewa xua penabanaewa po pexaewa pexeinya pexaewan. Matautano copei pexeinaewi barapomonaetha Nacom cana exana xua barapomonae pecobesainaewa.

<sup>54</sup> Nacom yaweneiba pijimonae Israel nacuapiwi pomonae pia pamo susatopin tatsi, bapon Israel pon tanacuita Nacom.

Nacom jopa yabara junteinaeyo xua peyaweneibiwa barapo pijimonae peantobexae.

<sup>55</sup> Nacom daxita exana pocotsiwa Abraham wamo susatopin yabara tsiwuna muxu dutatsi xuano xua yabara tsiwuna muxu dutatsi pia pemomoxi susato jiwi tatsi”, jei Maria.

<sup>56</sup> Maria cataunxuae acoibi po xometiyobe eca Isabel pia botha tatsi. Bapoxonae equeicha caibe nawiya pia bo beya.

### *Meje yabara poxonae Juan naexana pon jiwi Pebautisabin*

<sup>57</sup> Nexata Isabel xua burana taecatsi pexuyo, peru cui nauchitane. Bapoxonae pexuyo tanowaeincuatsi xua pexanto. <sup>58</sup> Pomonae Isabel pia botha petaenaewichi, iruru piamonae tatsi pomonae pecuariya petaenaewichi daxita barapomonae Isabel siwa poinchi xua pejacobinexa tsainchi. Barapomonae yaputane xua Nacom pon Pecanamataxeinaeinxae jiwi Isabel beta taexanatsi poxonae Isabel dacotsiwa taitorobatsi pexuyo. <sup>59</sup> Poxonae ocho po matabibibe yapucaewa barapoxonae pexuyo wi thabatsi xua pebin wutoxae xua ichaxota nareixacaeca. Barapomonae nanta xeina xua pexuyo wan dutsinchi po wan pexuyo paxa tatsi xeina, xua po wan “Zacarias”, jei. <sup>60</sup> Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

<sup>61</sup> Bapoxonae barapomonae Isabel baraichi, jeye:

—¿Exua? Jinyamonae dapocotsi wan aibiba, po wan: ‘Juan’, jei, jei barapomonae.

<sup>62</sup> Nexata barapomonae moya pecobetha cowai Zacariastha. Matautano pecobetha cowaya yainyaba, Zacarias yainyabatsi jeichichi: “¿Eta po wan jinya nexanto wan dutsichi?” jei barapomonae. <sup>63</sup> Zacarias wuca napaewa petinaenexa tsane. Bapoxonae barapo napaewatha jei xua tina: ‘Apara pewan Juan’, jei. Bapoxonae barapomonae

najuntũ coyene benaeca xua irũ bapon namchi: ‘Bara pewũn Juan’, jei. <sup>64</sup> Poxonae baxua exana, caena bapoxonae jemeicha Zacarías equeicha caewa paeba. Equeicha ebato sadũjei xua cueicueije. Zacarías tamropata pitaba xua wũnae jainta Nacom. <sup>65</sup> Bapoxonae daxita pomonae imoxoyo jinompa ichaxota Zacarías piseuribe poponabe, daxita barapomonae junuwa. Mataũtano pomonae xua pejinompaewi daxita ichaxota po ira xua marafofowa xua barapo Judea nacuatha, daxita barapomonae paebinouta pocotsiwa xua bayatha petaexae. <sup>66</sup> Daxita pomonae jume tane, barapomonae najuntũ coyene yabara nanta xeina nawita. Mataũtano caemonae nantiya nayainyaba najei: “¿Eta bichane metha pexuyo poxonae wichabina?” najei barapomonae. Apara poxoru Nacom pon Pecanamataxeinaein jiwi bichocono pexuyo petsita jũntũ coyene xanepanaexaetsi daxota barapomonae baxua paeba.

*Meje yabara xua Zacarías pia wei*

<sup>67</sup> Pexuyo paxa tatsi Zacarías, jũntũ coyene yũcatsi Nacom pia Pejumope tũnaxũ tatsi pia peayapusũwa tatsi. Mataũtano bapon cueicueije po jumetha po jume Nacom cata. Zacarías namchi, jeye:

<sup>68</sup> “Nacom pon Pecanamataxeinaein jiwi,  
pon Israel pia Nacom tatsi, barabũ  
wũnae jainchinchĩ barapo Nacom.  
Tsipei bapon bayatha patopeica waxantha.  
Bapon bara piamonaetsi.

Mataũtano bapon bayatha naca capanepa.

<sup>69</sup> Pon Nacom nacata itorobica bapon pon jiwi  
pecapanenebiyaein pia peayapusũwatha.  
Bapon David pia pemomoxi susato jiwana tatsi.  
Bapon David pon Nacom pia petanacuitinchi xua  
peexanaewa pocotsiwa Nacom itoroba.

<sup>70</sup> Caena bayatha Nacom yabara naca tsiwũnae  
muxu duta, poxonae itoroba pia peitorobi jume  
petapaebiwichi xua wanaca tsipaebinexa.

<sup>71</sup> Bara naca tsipaeba xua pinae bapon pon Nacom  
wanacata itorobicaexae, pinae naca  
capanepaena pomonae wanaca aitafaetabi  
jiwi pia xainya weya tatsi.

Mataũtano pinae naca capanepaena pomonae  
wanaca ita aenae-aenei jiwi pia  
xainya weya tatsi.

<sup>72</sup> Mataũtano Nacom naca tsipaeba xua pinae  
wamo susatopiwi yabara canantaxeinaeinchi  
xua peyawenaenexatsi.

Mataũtano pinae jopa jũntemainae tsane  
xua wamo susatopiwi peyawenaponaewatsi  
xua bayatha Nacom yabara petsiwũnae  
muxu dutsixae baxua.

<sup>73</sup> Baraxua Nacom naca tsiwũnae muxu duta  
xua xainyeya bara paeba poxonae Abraham  
tsipaebatsi, pon wamo susatopin.

<sup>74</sup> Nacom Abraham tsipaebatsi xua pinae naca  
capanenebiya tsane wanaca aitafaetabi  
jiwi weya.

Baxua pinae nacata exanaena xua pinae

waexanaewa tsane pocotsiwa naca itoroba,  
xuanu jopa wacunuwinexa tsane  
ichamonae pinae.

<sup>75</sup> Matautano nacata exanaena xua pinae beta  
jinompaeinchi bapon peitabaratha, xuanu xua  
juntũ coyene xeicaeya jinompaeinchi daxita  
matabintha xua jopa abe waexanaponaewa.

<sup>76</sup> Irũ xam taxantom Juan jiwi cayabara wũn  
dutsina pon Nacom peitorobi jume pepaebin,  
pon itabocotha eca, cayabara jei tsane.

Baxua cayabara jei poxoru xam tsiwanaya  
patopaename pon jiwi pia pepa  
Pecanamataxeinaein.

Daxita jiwi juntũ coyene wũnaetsiname  
pepatopaenexa tsane pon jiwi pia pepa  
Pecanamataxeinaein, pon Mesías.

<sup>77</sup> Nacom caitoroba Juan xua jiwi neyaputane  
neexanaenexa tsane xua Nacom jũntemainaena  
jiwi abe pia peexanae cuiru coyenein tatsi.  
Baroxonae Nacom barapomonaecapanenebiya  
exanaeinchi bapon beya xua jopa Nacom petsita  
natsicuentisixaetsi xua abe peexanaexae.

<sup>78</sup> Wanacom jopa juniya wanaca antobexae xuanu  
xua wanaca yawenaexae nacata itorobicaena  
pexanto itaboco wetsica.

Nacata wũnae exanaena icha xometo ichi xua  
nacata wũnae poxonae pentha pena matabixae.

<sup>79</sup> Poxonae patopeicaena pon Nacom itorobicaena,  
baroxonae bapon jiwi juntũ cui  
weiweinaya exanaeinchi.

Baxua exanaeinchi, pomonaetha pomonaecapajume  
cowantsiwi bequein copiya barapomonaec  
muxu pewerapae bichocono abe peexanaexae.

Yawa Nacom naca jumope antasũ exanaena,  
xua jũntema wajinompaeinchi tsainchi”,  
jei Zacarías xua pexanto barai pon Juan.

<sup>80</sup> Barapo pexuyo Juan wichabeca. Matautano ajũntũyapũsũya popona xua Nacom  
yabara yaputaepona. Juan ira xuepana susato tsurucuae nacuaatha tsana popona, beya  
poxonae po mataqueitha poxonae Juan tsita patopa Israel nacuaapiwi pebautisabinexa  
barapomonaec.

## 2

### *Meje yabara poxonae Jesús nowaeuncua pebin wũto barapo cae pin nacuathe (Mt 1.18-25)*

<sup>1</sup> Irũũ baroxonae popona romanomonaec itorobiya pia pepa peewatsinchi, pon  
pewũn Augusto. Bapon itoroba piamonaec peexanaenexa censo matawũn xua pewũn  
tinaewan xua daxita carepaya tomaran jiwi wũn tinaeinchi. <sup>2</sup> Barapo censo matawũn  
xua pewũn tinaewan jiwi, baxua matapainya nacobe cui jũta poxonae Cirenio Siria  
nacuaapiwi pia peyanacua ewatsinchi naexana. <sup>3</sup> Daxita jiwi tsanaya barompaya pia  
pepa tomaran bewa benawibiyaena, ichaxota pia pamo jiwi tatsi tanowaeumeinchi.

<sup>4</sup> Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacua. Baraxota caena bayatha David pon judiomonaē itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tabu ducua. <sup>5</sup> José pecotsiwa baru pona pewun tinaenexa tsainchibe. Barapowa pewun María. Barapowa pexuyo burana taecatsi. <sup>6</sup> Poxonaē cataunxuae baraxota Belén tomaratha ecabe, bapoxonaē María xua burana taecatsi pexuyo, bara weaperatanetsiba. <sup>7</sup> Bara bapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bomuxutha ichaxota jiwi maiteiba pomonaē pateiba pomonaē siwa poneiba.

*Meje yabara poxonaē matatsunpiwi patsica ichaxota pomonaētha pomonaē oveja duweimonaē peyapu eenaewi*

<sup>8</sup> Imoxoyo Belén tomaratha, pebiwi oveja duweimonaē yapu eeneiba wexotha poxonaē merawi. <sup>9</sup> Nexata jemeicha barapo pebiwi tsita naitatatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peitupanae coicha tatsino barapomonaē matawacaicha uncueicatsi. Barapo pebiwi bichocono junuwa. <sup>10</sup> Nexata matatsunpin barapomonaē baraichi jeye: “Jopa pajunuwinde. Aparapa tsipaebatsi pexeinya jume diwesi xua po diwesi daxita jiwi juntu coyene weiweina exanaeinchi. <sup>11</sup> Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apara pewun Mesías pon Pecanamataxeinaein jiwi, pon Nacom weitorobicatsi. <sup>12</sup> Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quiontababotatsi jeriyotha ichaxota po naeyotha vaca naepanaewan xayathopa”, jei matatsunpin.

<sup>13</sup> Bapoxonaē jemeicha equeicha icha matatsunpiwi pin bicheito naitabarucupa ichaxota icha matatsunpin uncua. Barapo matatsunpiwi itaboco wepatsica. Barapomonaē Nacom wunaē jaintatsi. Barapo matatsunpiwi namchi, jeye:

<sup>14</sup> “¡Maisa bichocono Nacom wunaē jaintatsi pon itabocotha peecaein, peitorobixae pexanto! ¡Barabu jiwi junte ma jinompa barapo irathe pomonaē xua Nacom juntu coyene weiweina exanatsi!” jei matatsunpiwi.

<sup>15</sup> Poxonaē matatsunpiwi athabe ichicha caibeicha itaboco beicha, bapoxonaē pomonaē oveja duweimonaē peyapu eenaewi barapomonaē nabarai, jeye:

—Bu poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwi Pecanamataxeinaein nexa, jei barapomonaē pomonaē oveja duweimonaē peyapu eenaewi.

<sup>16</sup> Barapoxonaē oveja duweimonaē peyapu eenaewi nainya ponarucupa. Barapoxonaē María iru José caxibarucupatsi. Iru pexuyo poyo boqueca jeriyotha vaca matabotha caxibarucupatsi. <sup>17</sup> Poxonaē barapomonaē taerucupa pexuyo, barapomonaē tsipaeba nawita ichamonaētha pocotsiwa bayatha barapomonaē petsipaebixaetsi matatsunpin xua pexuyo yabara. <sup>18</sup> Daxita pomonaē jume taerucupa baxua yabara najuntu coyene cabenaeca xua pomonaē oveja duweimonaē peyapu eenaewi pepaebixae baxua. <sup>19</sup> María barapo diwesi moya yawun xeina pejuntu coyenewatha xua jume cui cayabara nanta exaba. <sup>20</sup> Bapoxonaē oveja duweimonaē peyapu eenaewi caibe nawibiya. Barapomonaē Nacom wunaē jaintatsi petaexae xuano pejume taexaeno xua bayatha matatsunpiwi pepaebixae. Barapomonaē namchi, jeye:

—Maisa Nacom pon pepa yatsicaewa pejuntu coyene xanepanaein, jei.



*Meje yabara poxonae María iru José caponabe Jesús Nacom pin pia botha tatsi*

<sup>21</sup> Poxonae ocho po matabibe yapucaewa, pexuyo wi thabatsi, xua pebin watoxae xua ichaxota nareixacaeca. Baxua judiomona pia cui coyenetha tatsi. Barapoyo wun dutatsi pewun Jesús, po wun bayatha matatsunpin wun unuta xua María muxu tsipaebatsi poxonae María cataunxuae abu jopa bupana taecaetsi pexuyo.

<sup>22</sup> Nexata matabi jopa, xua po mataqueitha María iru José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonae María iru José pexuyo caponabe Jerusalén tomara beya pecatsinexa tsanebe pexuyo Nacomtha pon jiwi Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane. <sup>23-24</sup> Baxua exana tsipei Nacom pia peitorobi diwesitha tatsi tina, jeyei: “Daxita jiwi pia pexui tatsi, pebin wutixi, poxi copiya nacatsiwen, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara iru ainya tsaqueintobe care. Ichacuitha icha tsaqueintobe aibi, bara iru ainya topibotobe care”, jei.

<sup>25</sup> Iruu barapoxonae pebin popona Jerusalén tomaratha, bapon pewun Simeón. Bapon pejuntu coyene xanepanaein. Bapon wunae jainteiba Nacom. Bapon wunae ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomona weya. Barapo romanomona icha nacia werena pona xua Israel nacuapiwi cueranta enatsi. Tsipei barapo romanomona Israel nacuapiwi canamataxeinatsi. Nacom pia Pejumope tuxu tatsi Simeón baru popoinchi. <sup>26</sup> Nacom pia Pejumope tuxu tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pirapaeyo tupaena. <sup>27</sup> Nacom pia Pejumope tuxu tatsi Simeón joniya exanatsi Nacom pin pia botha tatsi. Bara José iru pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba. <sup>28</sup> Simeón isapita pexuyo. Nacom wunae jaintatsino. Simeón namchi, jeye:

<sup>29</sup> “Nacom pon Tanecanamataxeinaem,  
bara anoxuae caitacupa xua tanecopatsiwam  
xua bara jantemiya tatupaewa tsane.  
Tsipei anoxuae bara nayabara jume  
wetame pocotsiwa bayatha yabara  
netsiwunae muxu dutame.

Poxoru xan bapon tsocuaein xua  
exanan xua neitorobame.

<sup>30</sup> Xan yatsicaewa bara tanba,  
pon Pecapanenebiyaein jiwi.

<sup>31</sup> Bapon tan pon xua itorobicaebame,  
xua daxita jiwi taena xua bapon taeinchi.

<sup>32</sup> Bapon yaputane exanaena xua Nacom yaputaeinchi  
pomona jopa judiomona naexanaeyo.

Tsipei bapon be bapocotsin, xua poxonae jiwi  
beta tane exainchi merawi xua xota yonoyonei.  
Yawano bapon exanaena xua Israel nacuapiwi,  
pomona jinyamona xua wunae jaintinchi  
xua ichamona wunae jainchina”, jei Simeón.

<sup>33</sup> María iru José yabara najuntu coyene cabenaecabe pocotsiwa Simeón pexuyo yabara paebatsi. <sup>34</sup> Nexata Simeón barai, Nacom baraichi xua María yabara yawano xua José yabara, jeye: “Juntu coyene weiweina exande baraponbe”, jei. Nexata Simeón, María baraichi xua pexuyo pena tatsi:

—Barapo pexuyo Nacom itapeta xua bapon peexanaenexa tsane po coyene xua Israel nacuapiwi ichamonae Nacom beya peponaenexa xua ichacuitha icha ichamonae Nacom beya jopa peponaenexa tsane. Yawa Nacom itoroba barapo pexuyo, peitabinexa Nacom pia peayapuswa ichitha ichamonae jume cui aitafaetabi tsaibi tsane. <sup>35</sup> Daxota barapo pexuyo yaputaena pocotsiwa jiwi pejuntu coyeneintha nanta xeineibina. Ichitha xam, María, daxita baxuan caajuntucoyenerewe exanaena be poxonae ichan canthathu tsapinopaena cusitha, jei Simeón xua María tsipaebatsi.

<sup>36</sup> Iru baxota poponaru petsiriwa, pewan Ana. Barapowayo Nacom peitorobi jume pepaebiwayo. Barapowa Fanuel pexantiyo tatsi. Aser pon yatsicaya tabu ducua bapon pia pemomoxi susato jiwana tatsi. Barapowa bara nama penapataewa tsoponae. Barapowa caena bayatha poxonae penowayo tsecae jitha eca. Pia pebinbe siete po weiyobe nabaru poponabe. Bapoxonae pebin tupa. <sup>37</sup> Barapowa caena bayatha piseuri cuenta tupa. Anoxuae nama barapowa yaochenta y cuatro po weiyobe jopaba. Barapowa Nacom pin pia bo weya jopa pichapeibiyo. Saya exaneiba pocotsiwa Nacom itoroba merawintha yawa maticabintha. Najainboteibano poxonae tsipaebeiba Nacomtha. <sup>38</sup> Poxonae Jesús caponatsi Nacom pin pia botha xua Nacom pecatsinexatsi bapoxonae Ana imoxoyo caquita uncua barapomonaetha. Barapowa tsipaeba Nacomtha, jeye: “Nacom maisa juntu coyene weiweinan xua painta itorobame barapo pexuyo”, jei Ana. Bapoxonae Ana yabara paebaxoya pexuyo jiwitha pomonaetha pomonae wuna ewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomona weya.

### *Meje yabara poxonae Jesusbaru caibe iyiya Nazaret tomara beya*

<sup>39</sup> Nexata María iru José wetabeba daxita xua Nacom, pon jiwi Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya xua pia tomara beyabe, Nazaret tomara beyabe. <sup>40</sup> Pexuyo wichabeca. Matautano bichocono daunwei nawita, peyaputae coyene xexeinaponano. Nacom tsita juntu coyene xanapanapoinchi.

### *Meje yabara poxonae Jesús siwa pona Nacom pin pia bo tatsi*

<sup>41</sup> Jesús pena tatsi iru paxa tatsi daxita weitha poneiba Jerusalén tomara beya xua nataiba Pascua wan maticabin. Barapo Pascua wan jei, poxonae Israel nacuapiwi nanta xeina xua poxonae pinae bayatha pia pamo susato jiwi tatsi capanenebiya exanatsi Egipto nacua weya, xua Nacom capanenebiya. <sup>42</sup> Poxonae Jesús doce po weiyobe yapu jopa, María iru José iru Jesús, Jerusalén tomara be-iyi. Tsipei barapomonae pia cui xua poneiba barapo Pascua wan maticabin nexa. <sup>43</sup> María iru José caibe nawirenabe pia tomara berena poxonae barapo maticabin weta. Ichitha pewowin Jesús naruntaba Jerusalén tomaratha. Jesús pena tatsi iru José jopa taeyobe xua Jesús nacopatata. <sup>44</sup> Nanta xeinabe xua Jesús mexeya itara napunaecaponawei pin bicheitha. Caentacabitha María iru José namtotha naecaponabe, bapoxonae itaxanawiyabe pexanto. Necobauyabe pexanto pin bicheitha pia matabuxuoyu jiwimonaetha, pijiwimonaethano. <sup>45</sup> Jopa pexanto caxinaebe. Bapoxonae equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

<sup>46</sup> Poxonae acoibi po maticabiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichaxota pomonae jiwi pecuidubiwi Nacom pia peitorobi jume. Jesús jume tane barapomonae. Matautano yainyabano nawita barapomonaetha. <sup>47</sup> Daxita pomonae jume tane, najuntu coyene cabenaeca

tsipei Jesús peyaputaerin tsecae, matautano tsipei Jesús beta jume nota. <sup>48</sup> María iru José poxonae baxua cui tanebe najuntu coyene cabenaecabe. María pexanto barai, jeye:

—Owae, zeta xua metha baxua painta exaname? Axa iru xan paca yabara najuntu coyene exabatsibe, paca jeitompatsi, jei.

<sup>49</sup> Jesús jume nota pena, jeye:

—¿Eta pocotsiwa metha ichawa beya pana nejeitompame? ¿Metha bara jopa paya-putaem jampa xua bewa necui eenaena xua Taxa pia cui yabara tatsi? jei.

<sup>50</sup> Ichitha María iru José jopa xapain yapuraeyobe pocotsiwa Jesús paeba.

<sup>51</sup> Jesús caibe nanawiya pena tatsibarutha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntu coyenewatha. <sup>52</sup> Nexata Jesús wiwichabapona yawa juntu coyene ayapusaya exanapoinchino Nacom pia Pejumopetha tñaxu tatsi. Nacom iru jiwí Jesús antobe tsozonaetsi.

### 3

*Meje yabara poxonae Juan pon Pebautisabin jiwí cuiduba ira xuepana susato tsurucuae nacuaatha*

*(Mt 3.1-12; Mr 1.1-8; Jn 1.19-28)*

<sup>1</sup> Iruu Tiberio pon romanomonaе itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxonae iru Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Iru Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuaathano. Barichiru Lisania Abilinia nacuapiwi peyanacua ewatsinchi naexana. <sup>2</sup> Barichiru Anás iru Caifás baponbe sacerdotemonaе pia pepa pentacaponaeinbe tatsibe. Barapoxonaeru Nacom Juan tsipaebatsi poxonae ira xuepana susato tsurucuae nacuaatha popona. Juan bapon Zacarías pexanto tatsi. <sup>3</sup> Juan popona ducuaeta Jordán nacuaatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeye:

—Icha juntu coyene paxeinare painya neauraxae xua abe paexaname. Paca bautisabina ichamonae xua Nacom paca necayabara jantemainaenexa abe painya neexanae cuiru coyenein, jei Juan.

<sup>4</sup> Baxua exana, peyabara jeichixaetsi xua peyabara jeixae pon Nacom peitorobi jume pepaebin Isaías poxonae bapon tina pejume diwesi. Barapo diwesitha Isaías caena bayatha wanae tsiwanaeya yabara paeba xua Juan yabara. Isaías namchi, jeye:

“Jume tan pon wawai ira xuepana susato tsurucuae nacuaatha.

Bapon wawai jeye: ‘Patsinajuntu cui coyene wanaere pon jiwí pia pepa Pecanamataxeinaeinchi pia pepatopae wanaeya tsane.

<sup>5</sup> Daxita pamarafotontha paatsa jehebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya paexande.

Pamarafotofotowa namton, panamto dameyama.

Apara jopa yabara janyo namton, jame

apara yabara jan painya juntu coyenein.

Ichi paichim xua namton paxanebame bara

paichinde pana najuntu cui wanaere

painya Nepacacanamataxeinaein nexa

poxonae bapon patopeicaena.

<sup>6</sup>Daxita nacuapiwimonae yaputaena Nacom pia pecapanenebiyae coyene tatsi', jei pon wawai", jei Isaías pejume diwesitha.

<sup>7</sup>Pin bicheito pata, xua Juan pebautisabinexa tsane. Juan barai barapomonae jeye: "¡Paxam pomonae pemuxitorobi jiwi pam! ¡Paxam be bara jomomonae pam, tsipei jomo ba cuitaya дѹсѹра nawa! Bara paichim anoxuae paichichipame Nacom pacuitaya дѹсѹрaме xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntũ coyene xanepanaem Nacomtha. <sup>8</sup>Xaniwaicha painompare xain ichamonae paca cui tane xua icha juntũ coyene painya nexeinaewa Nacomtha, pon jiwi Pecanamataxeinaein. Tsipei bequein paxam pajam: 'Waxainchi Abraham pia pemomoxi susato jiwichixaetsi Nacom naca capanenebiya exanaena', pajam, daichitha paxam jopa xaniwaicha pajume cowantsim Nacom. Daxota Nacom itacũpatsi xua paca cui matawenta pia jopa paca nepaca capanenebiyaenexa tsane. Mataũtano barichino Nacom itacũpatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonae pejume cowantsixaetsi Nacom. <sup>9</sup>Poxonae pebin naein ũba, sipari ba canacui wũnaeta pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca jũta ichiya paca cana exanaena. Nacom paca yabara nacui wũnaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata taexanaem", jei Juan.

<sup>10</sup>Nexata barapomonae Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonae pata necui taenexa tsane xua bara pajuntũ coyene xanepanaein Nacomtha? jei barapomonae.

<sup>11</sup>Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa naũma xatatsiyo camisa. Irũrũ pon tamatecatsi penabanaewa bapon becatsipa ichũn pontha pon jopa xeinaeyo penabanaewa, jei Juan.

<sup>12</sup>Barichirũ pata, pomonae paratixi pentoma noteibiwi po paratixi jiwi bewa cat-sibina pon romanomonae itorobiya pia pepa peewatsinchi nexa. Barapomonae pata xua Juan pebautisabinexa tsanerũ barapomonae. Barapomonae Juan yainyabatsi, jeichichi:

—Pon jiwi Necuidubim, ¿eta pocotsiwa Nacom ichichipa pocotsiwa pata exanaewa tsane? jei barapomonae.

<sup>13</sup>Juan jume nota, jeye:

—Saya meisa jiwi pawũcaename paratixi xua romanomonae paca itoroba. Jopa yabara muxitorobiya pawũcaeinde ichawan, jei Juan.

<sup>14</sup>Barichirũ soldadomonae Juan yainyabatsi, jeichichi:

—Irũ paxan, ¿eta pocotsiwa Nacom ichichipa pocotsiwa pata exanaewa tsane? jei barapomonae.

Juan jume nota, jeye:

—Jopa payabara jume daunweya wecobe noteibinde ichamonae piawan tatsi. Mataũtano ichamonae jopa pacui yopiteibinde pocotsiwa exana ichamonae poxonae apara jopa exaneibiyo. Bara saya pajuntũ coyene weiweinare poxonae paratixi pax-einame poxonae ichamonae xua pata exaname xua soldadomonae pamxaem, jei Juan.

<sup>15</sup>Daxita pomonae wũnae ewateiba xua Mesías pepatopeicaewa tsane, barapomonae poxonae Juan jume tainchi, barapomonae pejuntũ coyeneintha nanta xeina, xua apara Juan metha apara Mesíaswei. <sup>16</sup>Ichitha Juan barai daxita barapomonae, jeye: "Xan paca

bautisabatsi meratha. Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu m<sub>u</sub> isanaxubiwa pia penataxu xatatsiwa. Bapon paca jiwana bautisabina Nacom pia Pejumope t<sub>u</sub>nax<sub>u</sub>tha tatsi. Bapon paca jiwana cui copatsinchi xua atene tsane Jesús pejume cow<sub>u</sub>antsixaetsi tsane. <sup>17</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona, trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bara j<sub>u</sub>ta cana ichi tsane jiwitha icha trigo xu cana ichiya ichichi jiwi Nacom tsananobina pomonae pejume cow<sub>u</sub>antsixaetsi pia nacuatha nexa. Ichamonae tsananobinchi pomonae jopa pejume cow<sub>u</sub>antsiwichi, petautsinexa isototha ichaxota xua jopa itacounayiyo”, jei Juan.

<sup>18</sup> Icha diwesi yabara jumeno Juan barapomonaetha paeba Nacom pia pexeinya jume diwesi tatsi. <sup>19</sup> Mata<sub>u</sub>tano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yab<sub>u</sub>yo powa Herodías. Herodes peweicho tatsi pew<sub>u</sub>n Felipe. Mata<sub>u</sub>tano Juan biatane poxoru bayatha Herodes abe exana nawita jiwitha. <sup>20</sup> Ichitha da<sub>u</sub>metha equeicha Herodes abe exana xua Juan caenaetatsi ichamonaetha xua pecaponaenexa tsainchi jiwi pec<sub>u</sub>bi botha.

*Meje yabara poxonae Jesús bautisabatsi  
(Mt 3.13-17; Mr 1.9-11)*

<sup>21</sup> Poxonae cataunxuae Juan jopa ecaeyo jiwi pec<sub>u</sub>bi botha, Juan bautisaba ducua-naeta jiwi. Barichi ir<sub>u</sub> Jesús nabautisabatsi. Poxonae Jesús tsipaebuncua paxa, peitaboco nayausaranaxuba. <sup>22</sup> Nacom pia Pejumope t<sub>u</sub>nax<sub>u</sub> tatsi patopeica Jesth<sub>u</sub>tha, be topiboto yaruneica. Jesús jume tane pocotsiwa peitaboco wetsipaebicatsi, jeichichi: —Xam apara Taxantom pom bichocono cantobetsi, pom caitapetatsi. Nej<sub>u</sub>nt<sub>u</sub> coyene weiweina exaname, jei Nacom.

*Meje yabara pomonae Jesús pia pamo susatopiwi tatsi  
(Mt 1.1-17)*

<sup>23</sup> Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecue-icueije<sub>u</sub>wa xuano jiwi axaibi exana ducua<sub>u</sub>naebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi. <sup>24</sup> Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi. <sup>25</sup> Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi. <sup>26</sup> Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi. <sup>27</sup> Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi. <sup>28</sup> Bapon Neri, Melqui pexanto tatsi. Bapon Melqui, Adi pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi. <sup>29</sup> Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi. <sup>30</sup> Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi. <sup>31</sup> Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi. <sup>32</sup> Bapon Natán, David pexanto tatsi. Bapon David, Isaí pexanto tatsi. Bapon Isaí, Obed pexanto tatsi. Bapon Obed, Booz pexanto tatsi. Bapon Booz, Sala

pexanto tatsi xua icha wɛn Salmón. Bapon Sala, Naasón pexanto tatsi. <sup>33</sup> Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi. <sup>34</sup> Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi. <sup>35</sup> Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi. <sup>36</sup> Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi. <sup>37</sup> Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi. <sup>38</sup> Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

## 4

*Meje yabara poxonae Jesús jɛntɛ coyene jɛjɛtatsi caurimonaē pia pentacaponaein tatsi xua Jesús abe coyeneya petaexanaenexa tsane*

*(Mt 4.1-11; Mr 1.12-13)*

<sup>1</sup> Poxonaē Jesús jɛntɛ coyene yɛcatsi Nacom pia Pejumope tɛnaxɛ tatsi bapoxonaē caibe nawiya Jordán mene weya. Nacom pia Pejumope tɛnaxɛ tatsi Jesús mata cayatsi ira xuepana susato tsurucuae nacua beya. <sup>2</sup> Baraxotiya Jesús popona cuarenta po matabibē. Caurimonaē pia pentacaponaein tatsi Jesús piraichi jɛntɛ coyene jɛjɛtatsi xua Jesús abe coyeneya petaexanaenexa tsane. Barapo cuarenta po matabibetha Jesús jopa nabanaeyo. Poxonaē barapo matabin yapucaewa Jesús bichocono jainpa.

<sup>3</sup> Caurimonaē pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita itɛre. Barapo iboto itorobare xain pan naexanaxoya, jei caurimonaē pia pentacaponaein tatsi.

<sup>4</sup> Jesús jume nota. Caurimonaē pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinom-paetsipae pan’, jei Nacom Pejume Diwesi, jei Jesús.

<sup>5</sup> Caurimonaē pia pentacaponaein tatsi Jesús mataboinchi ichaxota po demxuwa bichocono atororo. Baraxotiya Jesús tsita itɛtarabatsi daxita nacuan, xua barapo cae pin nacuathe. <sup>6</sup> Bapoxonaē caurimonaē pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewɛnaewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ichɛntha pontha pon xua ichichipan xua tacatsiwa. <sup>7</sup> Ichaunxuae nentabocototha uncuaename taitabaratha, xuano ichaunxuae newɛnae jainchiname xua nenanta xeinaewaxae xua xan jinya tacacanamataxeinaeinchi, bapoxonaē baxuan daxita bara cacatsinchi jinya Necanamataxeinaenexa barapo nacuan, jei caurimonaē pia pentacaponaein tatsi.

<sup>8</sup> Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa wɛnae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>9</sup> Cotacaya nama equeicha Jesús mataboinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatsim, wenaxoreinque. <sup>10</sup> Nacom Pejume Diwesitha namchi, jeye:

‘Nacom itorobina pia matatsunpiwi

necayanabinexa.

<sup>11</sup> Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxona wenaxorecame', jei Nacom Pejume Diwesitha, jei caurimona pia pentacaponaein tatsi.

<sup>12</sup> Jesús jume nota, jeye:

—Barichi Nacom Pejume Diwesitha namchi, jeye: 'Jopa juntu coyene jujutsiya wucaeinde Nacom pon jinya Necanamataxeinaein, xua cajume jejei tsane necayawenaenexa poxona jopa xapain exanaem', jei Nacom Pejume Diwesitha, jei Jesús.

<sup>13</sup> Poxonae caurimona pia pentacaponaein tatsi yaputane xua jopa xeinaeyo po coyenetha equeicha Jesús pejuntu coyene jujutsiwa tsainchi, barapoxonae nama Jesús wepu poinchiba xua saya bara caeto nexa.

*Meje yabara poxonae Jesús tamropata pitaba pia penacuichiwa Galilea nacuatha (Mt 4.12-17; Mr 1.14-15)*

<sup>14</sup> Jesús caibe iya Galilea nacua beya. Matautano jopa juniya xeinaeyo Nacom pia Pejumope tana xatu tatsi pia peayapusu itorobi coyenewa tatsi. Daxita jiwi pomonaenexa jinnompa barapo nacuatha Jesús yabara paebinoutatsi. <sup>15</sup> Jesús cuidubeiba barapomonae judiomonaenexa pia penacaetutsi bontha tatsi xua daxita tomarantha. Barapomonae Jesús wanae jainteibatsi.

*Meje yabara poxonae Jesús Nazaret tomaratha popona (Mt 13.53-58; Mr 6.1-6)*

<sup>16</sup> Nexata Jesús Nazaret tomara beya pona, po tomaratha ichaxota wichaba. Judiomonaenexa barompaya pia pentaquei seicae matabitha tatsi Jesús joniya judiomonaenexa pia penacaetutsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyorobinexa Nacom Pejume Diwesi, xua barapomonae pejume taenexa. <sup>17</sup> Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tupa. Poxonae Jesús diboro pataxuba baxota taeba pocotsiwa baxota paeba, xua jeye:

<sup>18</sup> "Nacom pia Pejumope tana xatu tatsi neyanta popona.

Nacom neitapeta tatacucueijeinexa tsane pia pexeinya jume diwesi tatsi pomonaenexa pomonaenexa peacopeibi jiwi.

Matautano neitoroba xua tayawenaenexa pomonaenexa anthathatane.

Matautano neitorobano xua tayawenaenexa pomonaenexa caurimonaenexa itorobatsi nawita xua barapomonae pepanenebiyaenexa.

Matautano neitorobano xua tane tacana exanaenexa pomonaenexa peitata nacutsi jiwi.

Matautano neitorobano xua tayawenaenexa pomonaenexa xua bichocono taayapubetsi xua pejinompaewa tsane xua barapomonae jopa pexeinae dubenanaebiyaenexa tsane barapo coyenein.

<sup>19</sup> Matautano neitorobano xua jiwi tatsipaebinexa po coyene xua Nacom nacui wanaeta xua jiwi peyawenaewa tsainchi pomonaenexa ichichipa xua Nacom pejume taewatsi", jei Isaías pejume diwesitha, jei Jesús xua yoroba.

<sup>20</sup> Poxonae Jesús barapo diboro acataraba, bapoxonae cata pontha pon jiwi peyawenequeibin judiomonae pia penacaetutsi botha tatsi. Bapoxonae Jesús econeca. Daxita pomonae baxota ena, Jesús necotenatsi xua cui ewatenatsi xua pecueicueijejwa tsane Jesús. <sup>21</sup> Bapoxonae Jesús tamropata pitaba xua paeba, jeye:

—Anoxuae xuaunxuae pajume taneme baxua apara barapo mataqueithe Nacom nayabara jume cui weta painya itatha, jei Jesús.

<sup>22</sup> Daxita carepaya jiwi Jesús xanepanaya yabara paebatsi. Daxita barapomonae najuntũ coyene cabenaeca xua pejume taexae xua po jume barapomonae petsipaebix-aetsi. Barapomonae nantiya nabarai, jeye:

—Maisa jume xeica bapon, jume wunaeya paeba. ¿Bara bapon José pexanto tatsi jampa? najei barapomonae.

<sup>23</sup> Jesús barai barapomonae, jeye:

—Metha pana netsipaebichipame icha be pocotsi diwesiyo iche xua pecayabara jũta pepaebi diwesiyo xua ba jei: ‘Pon jiwi neyawũbin, jinya coutha nayawũbare’, xua ba jei. Barichi anoxuae pana nejam tsane: ‘Xua paxan pajume tan xua juinya Capernaum tomaratha exaname, barichinde xote exande jinya tomaratha’, pana nejam tsane, jei Jesús.

<sup>24</sup> Awiya cataunxuae Jesús cueicueijej. Equeicha namchi, jeye:

—Xaniwaicha paca tsipaebatsi pon ba Nacom peitorobi jume pepaebin pia nacua-monaepiwi ba aitaftabichi. <sup>25</sup> Xaniyan paca baraichi xua caena bayatha poxonae Elías popona pon Nacom peitorobi jume pepaebin, ainyawaxi powaxi pecuenta werapaewaxichi pia seuriwi Israel nacuatha jinompa. Barapo nacuatha cuinaya jopa duneicaeyo acoibi po weiyobe xuano seis po xometiyobethano. Daxita jiwi piyain barapo nacuatha Israel nacuatha. <sup>26</sup> Nacom jopa itorobiyo, Elías jopa itorobichi xua peyawenaenexa tsane caewayo jiwana powaxi pecuenta werapaewaxichi pia seuriwi xua Israel nacuatha. Ichitha saya meisa Nacom itoroba, Elías itorobatsi powatha powa pecuenta tũpaewayotsi piseuri, powa popona Sarepta tomaratha, xua Sidón nacuatha xua barapowayo peyawenaenexatsi. <sup>27</sup> Barichi Israel nacuatha pinmonae jinompa pomonae peperũ sawatsi jiwimonae, poxonae Eliseo popona pon Nacom peitorobi jume pepaebin. Eliseo jopa jiwana axaibi exanaeyo. Ichitha meisa Eliseo Naamán axaibi exanatsi pon bichocono peperũ sawinchi. Bapon Naamán, Siria nacuapin, jei Jesús.

<sup>28</sup> Poxonae barapomonae jume tane pocotsiwa Jesús paeba pomonae judiomonae pia penacaetutsi botha ena, bapoxonae barapomonae Jesús casebatsi. <sup>29</sup> Asiya ume-narũcũpa barapomonae. Jesús tomara peũma beitaweyatsi. Jesús capoinchi pitapatororo itapa beya, po tsututha bomũxũn jeba, xua bara wepexorecaenexa tsainchi Jesús.

<sup>30</sup> Ichitha Jesús barapomonae xenta iya, pu seicataba.

*Meje yabara poxonae pebin pon cauri xeina  
(Mr 1.21-28)*

<sup>31</sup> Nexata Jesús pona Capernaum tomara beya po tomara eca Galilea nacuatha. Baxotiya Jesús cuiduba jiwi po mataqueitha pentaquei seicae matabitha.

<sup>32</sup> Barapomonae yabara najuntũ coyene cabenaeca tsipei pocotsiwa bapon barapomonae cuidubatsi be pon peyaputaen pia peyapusa itorobi jume coyeneya tatsi paeba.

<sup>33</sup> Judiomonae pia penacaetutsi botha tatsi pebin baxota eca, pon cauri xeina. Bapon bichocono wawaya exanatsi cauri. Bapon Jesús baraichi xua namtsebiya wawai, jeye:

<sup>34</sup> —¡Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruyapuxanepanaem, jei cauri.

<sup>35</sup> Jesús itaweta cauri, jeye:



—¡Moyandel! ¡Bapon wepu ponde! jei Jesús.

Nexata cauri pebin iratha xotsi barapomonae peitatha tatsi. Pebin wepu poinchi cauri, saya jüntema. Equeicha jopa ateneyono. <sup>36</sup> Daxita barapomonae yabara najüntu coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonae pia peayapusya itorobi coyenewatha. Matautano barapo caurimonae bara pona.

<sup>37</sup> Daxita jiwi paebinouta Capernaum tomara cuariyatha pocotsiwa Jesús exana.

*Meje yabara poxonae Jesús axaibi exana Simón Pedro pamiyo tatsi*  
(Mt 8.14-15; Mr 1.29-31)

<sup>38</sup> Bapoxonae Jesús judiomonae pia penacaetutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domaebatsi. Barapowa piamonae tatsi Jesús jume daunweya wucatsi xua bapowa axaibi peexanaenexa tsainchi. <sup>39</sup> Jesús imoxoyo caquita uncuca pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Nainya barapowa nantacotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*  
(Mt 8.16-17; Mr 1.32-34)

<sup>40</sup> Poxonae tabopiya tsanaicha pomonae piamonae barompaya taatenetsi pomonae xua jopa nayaromae jupaeyo, daxita barapomonae Jesús betacarendenatsi. Jesús ichawa beya jayabapona pecobetha, bapoxonae daxita carepaya axaibi. <sup>41</sup> Barichi pomonae cauri pexeinaewi Jesús taitaweta barapomonae. Barapo caurimonae wawaya jeye:

—Apara xam Nacom Pexantom, jei.

Bequein caurimonae baxua paeba ichitha Jesús awiya daumetha itaweta caurimonae. Jesús jopa najume copatsiyo xua equeicha pepaebiwa tsane poxoru barapo caurimonae yaputane xua bapon yatsicaewa Mesías pon Nacom itorobica.

*Meje yabara poxonae Jesús cueicueije Nacom Pejume Diwesi judiomonae pia penacaetutsi bontha tatsi*  
(Mr 1.35-39)

<sup>42</sup> Poxonae baya juntucuru pentha tsina, Jesús tomara weiya ichaxota jiwaibi bara beya pona. Ichitha jiwi Jesús jeitatsi. Barapoxonae bapomonae pata ichaxota Jesús pona. Barapomonae aichaxaibi xua Jesús pewepu warapaewa barapomonae. <sup>43</sup> Ichitha Jesús namchi, jeye:

—Bewa iru yabara paebin Nacom pia pexeinya jume diwesi tatsi, po diwesi yabara xua Nacom waba jiwi petanaexanaenexatsi piamonae pomonae Nacom jüntu coyene itorobiya ewata. Apra baxua netsiyabara itorobica, jei Jesús.

<sup>44</sup> Daxota Jesús paeba ducuaeta Nacom Pejume Diwesi Judea nacuatha xua judiomonae pia penacaetutsi bontha tatsi.

## 5

*Meje yabara poxonae Jesús piamonae yawena xua duwei yamona*  
(Mt 4.18-22; Mr 1.16-20)

<sup>1</sup> Caentacabi Jesús Genesaret pucua itapatha uncuca. Pin bicheito pata bichocono nacucunaxuba Jestustha, tsipei barapomonae ichichipa jume tane Nacom Pejume Diwesi tatsi. <sup>2</sup> Jesús ainya jerabe tane pucuatha taetabo itapatha, po jera saya naebe. Tsipei duwei peyamonaewi bayatha nacui wetarucupa, matautano poxoru bayatha nonobouna taetabotha. Barapomonae pia peyamonaewan iquicompa. <sup>3</sup> Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonae Jesús eca jeratha. Jesús mene wecuidubecarena jiwi Nacom Pejume Diwesi. <sup>4</sup> Poxonae Jesús najume weta, Simón baraichi, jeye:

—Jeratha ponde ichaxota pentatheibu. Paxoyama painya neyacamonaewa painya necapirenaenexa duwei, jei Jesús.

<sup>5</sup> Simón, Jesús jume notatsi, jeye:

—Pon jiwi Necuidubim, bequein barapo merawithe payamonompan, pacobesa patan. Yaitama aunxuae neitorobame, methaunxuae xoyaein tayamonaewa, jei Simón.

<sup>6</sup> Poxonae barapomonaewa xoya, duwei pin tunto capirena, muxu peucubabi xua peyamononaewa. <sup>7</sup> Nexata barapomonaewa moya pecobetha itacowaeba pomonaewa penabarua yaxunobompaexae, pomonaewa icha jeratha jinompa itacowaebatsi, penayawenaenexa. Barapomonaewa pata. Jera ainya naebe wuntabe duwei. Muxu pebunopaebe jerabe.

<sup>8</sup> Simón pon Jesús icha wan duta, xua Pedro baraichi, bapon tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

<sup>9</sup> Poxoru Simón Pedro junuwiya najuntua coyene cabenaeca yaitama peyacamonae-watha capirena duwei pin tunto. Iru pomonaewa Simón Pedro pia jeratha petaenaewichi barapomonaewa iru junuwiya najuntua coyene cabenaeca. <sup>10</sup> Iru Zebedeo pexantobe tatsi, Santiago iru Juan baponbe iru junuwiya najuntua coyene cabenaecabe. Baponbe ponbe Simón pebaru yamonaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonae yawenaename xua barapomonaewa pejume cowantsiwa tsane Nacom icha bayatha ichim poxonae yamoname duwei nawita, jei Jesús.

<sup>11</sup> Nexata poxonae barapo jerabe botounabe, barapoxonae barapomonaewa baxuan daxita nacui barapenta. Bapoxonae barapomonaewa Jesús puna poinchi.

*Meje yabara poxonae Jesús axaibi exana pon peperu sawinchi  
(Mt 8.1-4; Mr 1.40-45)*

<sup>12</sup> Jesús icha tomara siwa pona. Bapoxonae pebin patopa pon peperu sawinchi. Poxonae Jesús taebatsi, bapon Jesús peitabaratha tatsi pentabocototha tauncuatsi yawa ira betaeuncuareca. Bapon Jesús jume daunweya wucatsi, jeichichi:

—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexainaem, jeichichi Jesús bapon.

<sup>13</sup> Nexata Jesús, nacobe yota, yawa mata jayaba bapon, pon peperu sawinchi. Jesús barai, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

Bapoxonae bapon nainya taaichurucaetsi xua peperu sawiwatsi. <sup>14</sup> Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitutsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wunaem, jei Jesús.

<sup>15</sup> Ichitha daxita jiwi tajua beya jume taetaepona pocotsiwa Jesús exana. Pin bicheiton nacaetutapona Jesthath pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomonaewa. <sup>16</sup> Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi*  
(Mt 9.1-8; Mr 2.1-12)

<sup>17</sup> Caentacabi Jesús cuidubauya. Irurá baxotiya ena pomonae fariseomonae jiwana tatsi. Irá baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacuatha. Irá daxita tsiqui tomaraxi werendena po tomaraxi ena Judea nacuatha, irá ichamonae Jerusalén tomara werendena. Nacom pia peayapusá itorobi coyenewa tatsi Jesús yawenatsi, daxota axaibi exana peatene jiwi. <sup>18</sup> Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bomuxátha cajojoniya ei xua bepa Jesús peitabaratha tabotichei. <sup>19</sup> Ichitha barapomonae jopa cajojoniyaeyo bomuxátha tsipei pin bicheito boupa quecona. Barapo bo matatupa pereca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe bamacatha barapo pemaiteibiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi. <sup>20</sup> Jesús tane xua barapomonae yabara cui jume cowanta xua Jesús bara peitacupaewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui jantemainsiba abe jinya neexanae cuiru coyenein, jei Jesús.

<sup>21</sup> Nexata pomonae jiwi pecuidubiwi Moisés pia peitorobi coyene, irá fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya jantá puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jantemainaya jantá puxana exanatsi abe pia peexanae cuiru coyenein tatsi”, najei barapomonae.

<sup>22</sup> Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame? <sup>23</sup> ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiru coyenein cata jantemainsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane? <sup>24</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusá itorobi coyenewa xua bara tana neitacupaewa xua jiwi tayabara cacui jantemainaya jantá puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>25</sup> Bapoxonae pon pecuenobinchi caena nainya nontapona barapomonae peitátha tatsi, yawa pita xua pemaituncuaewa. Pia bo be-iya yawa Nacom wánae jaintatsi poxonae namtotha ecapona. <sup>26</sup> Barapomonae daxita yabara najantá coyene cabenaeca yawa Nacom wánae jaintatsi. Barapomonae junuwiya namchiya jeye:

—Anoxuae waxainchi tainchi xua pewánaewa pocotsiwa jopa yaputaetsi, jei barapomonae.

*Meje yabara poxonae Leví wabatsi, Jesús waba*  
(Mt 9.9-13; Mr 2.13-17)

<sup>27</sup> Poxonae baxua Jesús nacui weta, bapoxonae Jesús pontaba. Jesús tane pebin pon pewán Leví. Leví bapon pon paratixi pentoma noteibin po paratixi jiwi bewa catsibina pon romanomonae pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

<sup>28</sup> Bapoxonae Leví nontapona. Daxita baxua xubota, cuenta pona. Bapoxonae Jesús puna poinchi.

<sup>29</sup> Pirapaeyo Leví pin penabanaewa exana pia botha xua Jesús tsiexanatsi. Iru pebiwi pinmonae pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa, barapomonae Jesús baru eca pexaethopeibiwatha, iru ichamonaeno baru enatsi penabarū nabanaenexa tsane.

<sup>30</sup> Ichitha fariseomonae iru pomonae jiwi pecuidubiwi Moisés pia peitorobi coyenewa, daxita barapomonae Jesús pijimonae abeya tsipaebatsi xua Jesús yabara. Barapomonae namchi, Jesús pijimonae tatsi baraichi, jeichichi:

—Maisa Jesús abe exana poxoru baru xayeca pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa. Matautano baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapomonae.

<sup>31</sup> Jesús jume nota barapomonae, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene canantawenona pon jiwi peyawabin. <sup>32</sup> Barichinno xan patopan apara tha jopa tawabinexa tsane pomonae pejuntu coyene xanepanae jiwi. Apara tha meisa tawabinexa tsane pomonae peajuntu coyenebe jiwi, xua barapomonae icha juntu coyene pexeinaenexa tsane Nacomtha, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Mr 2.18-22)*

<sup>33</sup> Nexata barapomonae fariseomonae iru pomonae jiwi pecuidubiwi Moisés pia peitorobi coyene, daxita barapomonae Jesús yainyabatsi, jeichichi:

—Pomonae Juan pia pepuna jinompaewichi jopa juniya nainboteibiyo xua jopa juniya tsipaebeibiyo Nacomtha. Iru pomonae fariseomonae barichiru. Ichitha nama jinyamonae daxua jopa cou daichiyo, saya cou u penabaneibi xuano saya u peapeibi cou, jeichichi Jesús.

<sup>34</sup> Jesús jume nota barapomonae, jeye:

—Paxam jopa bewa paexanaem tsane xua ichamonae nainbotsina, pomonae patsiwabame pexaewa xua penabanaenexa xua poxonae pebin pecotsiwa pita. Poxonae cataunxuae awiya bapon eca poxonae jiwi nabane, jopa ba bapoxonae nainbotsi.

<sup>35</sup> Ichitha icha pon aena piowa pita, bapon caena nainya waetabatsi, ichamonae waetaba xua bapon tajū pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

<sup>36</sup> Matautano Jesús pecayabara jata pepaebi diwesiyo tsipaeba barapomonae, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsanaya. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha pin wan tsanaya beyacaincha xua poxonae copiya. <sup>37</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocotono naxuba poxonae barapo bocoto tsitsica. <sup>38</sup> Daxota bewa jame pena vino mera eparecae pena bocototha. Bapoxonae pena vino mera jopa naxubiyo, xuano pena bocoto jopa nacubiyo poxoru boco yeyena xuano poxoru pena bocoto. <sup>39</sup> Pon ba xua

peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

## 6

*Meje yabara poxonae Jesús pijimonae tatsi yaboto nota trigo xu judiomonae barompaya pia pentaquei seicae mataqueitha tatsi*  
(Mt 12.1-8; Mr 2.23-28)

<sup>1</sup> Caentacabitha judiomonae barompaya pia pentaquei seicae matabitha tatsi Jesús pijimonae bar<sub>u</sub> iya pabi iyiya. Jesús pijimonae tatsi xunumenapona trigo xu, bapoxonae barapomonae pecobetha xu mata pepeta yawa xu xane. <sup>2</sup> Nexata Jesús pijimonae tatsi tayainyabatsi, fariseomonae yainyaba, jeye:

—¿Eta pocotsiwa baxua paexaname? Apra jiwi jopa yabara cui copatsiyo xua ichamonae penacuichiwa barapo matabithe, xua judiomonae barompaya pia pentaquei seicae matabi tatsi, jei barapomonae.

<sup>3</sup> Jesús jume nota barapomonae, jeye:

—Barapo tajimonae jopa apra abe exanaeyo. ¿Jopa payabara yorobim pocotsiwa bayatha David exana poxonae jainpa poxonae ir<sub>u</sub> pijimonae tajainpatsir<sub>u</sub>? Bapon David pon caena bayatha Israel nacuamonae itorobiya pia pepa peewatsinchi. <sup>4</sup> Bapon David ir<sub>u</sub> pijimonae tatsi barapomonae Nacom pin pia botha jojoniya. David xane pan, po pan ichamonae cana exana xua Nacomtha pecatsiwatsi. Ir<sub>u</sub> barapo pan David pijimonae cata xua pexaenexar<sub>u</sub>. Barapomonae xane bequein barapo Nacom pia peitorobi coyenewatha copata xua saya meisa sacerdotemonae itac<sub>u</sub>patsi xua pexaewa barapo pan.

<sup>5</sup> Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwi tacoya taitorobiwa pentaquei seicae matabitha, jei Jesús fariseomonaetha.

*Meje yabara poxonae Jesús cobe w<sub>u</sub>nae exana pon pecobe m<sub>u</sub>binchi*  
(Mt 12.9-14; Mr 3.1-6)

<sup>6</sup> Icha matabitha judiomonae pia pentaquei seicae matabitha tatsi Jesús joniya judiomonae pia penacaetutsi botha tatsi. Matautano tamropata pitaba xua cuiduba barapomonae. Barapo botha eca pon pecoxa weya pecobe m<sub>u</sub>binchi. <sup>7</sup> Pomonae jiwi pecuidubiwi Moisés pia peitorobi coyene tatsi, ir<sub>u</sub> fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe w<sub>u</sub>nae exanaena pentaquei seicae mataqueitha pon pecobe m<sub>u</sub>binchi. Icha Jesús pon pecobe m<sub>u</sub>binchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. <sup>8</sup> Ichitha Jesús yaputane pocotsiwa barapomonae nanta xeina. Jesús barai pontha pon pecobe m<sub>u</sub>binchi, jeye:

—Nontaponde, uncuare xote, jei Jesús.

Bapon nontapona, asiya uncuca Jesús peitabaratha tatsi. <sup>9</sup> Nexata Jesús barai ichamonae, jeye:

—Paca yainyabinchi, ¿eta xua copata pentaquei seicae matabitha? ¿W<sub>u</sub>nae jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

<sup>10</sup> Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe m<sub>u</sub>binchi, jeye:

—Nacobe doire, jei Jesús.

Bapon nacobe doita. Nainya cobe w<sub>u</sub>nae tsanaya. <sup>11</sup> Ichitha barapomonae bichocono Jesús casebar<sub>u</sub>c<sub>u</sub>patsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

*Meje yabara poxonae Jesús itapetsiya waba pia peitorobiwi tatsi pomonae xua doce poyobe*

*(Mt 10.1-4; Mr 3.13-19)*

<sup>12</sup> Barapo matabintha Jesús pona demxuwatha petsipaebinexa Paxa. Baraxotiya Jesús Paxa matowa tsipaeba barapo merawitha. <sup>13</sup> Poxonae baya xometo penta tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobi jiwu tatsi”, yabara jeichichi. <sup>14</sup> Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha wun “Pedro”, baraichi, iru ichun pewun Andrés, pon Simón peweicho tatsi, iru ichun pewun Santiago, iru ichun pewun Juan, iru ichun pewun Felipe, iru ichun pewun Bartolomé. <sup>15</sup> Iru ichun pewun Mateo, iru ichun pewun Tomás, iru ichun pewun Santiago, pon Alfeo pexanto tatsi, iru ichun pewun Simón, pon celotemonaepin. <sup>16</sup> Iru ichun pewun Judas, pon Santiago pexanto tatsi, iru ichun pewun Judas Iscariote, pon Jesús caenaetaxubatsi ichamonaetha xua Jesús pebexubinexatsi.

*Meje yabara poxonae Jesús pin bicheitomonae cuiduba*

*(Mt 4.23-25)*

<sup>17</sup> Barapo doce poyobe Jesús demxuwa webaru dunareca, peira matafatanaewatha baru patopa. Baxota peira matafatanaewatha pin bicheito Jesús ewatumeinchi. Ichamonae pomonae Jesús pejume cowuntsiwichi baxota umena. Iru Jerusalén tomara piwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueijeji xuanu xua Jesús pia axaibi exanaetsi peatene jiwu. <sup>18</sup> Pomonae cauri pexeinaewi barapomonae Jesús taitaweta cauri. <sup>19</sup> Daxita jiwu ichichipa xua Jesús pejayabiwatsi tsipei Jesús daxita jiwu axaibi exana pia peayapusuwatha.

*Meje yabara poxonae Jesús yabara cuiduba pejuntu coyene weiweinaewa, xuanu jopa pejuntu coyene weiweinaewa*

*(Mt 5.1-12)*

<sup>20</sup> Nexata Jesús pijimonae necota. Jesús barai pijimonae, jeye:

“Pajuntu coyene weiweiname bequein anoxuae peacopeibi jiwu pam. Tsipei Nacom pia pejume cowuntsiwichi tatsi piamonae tatsi pam, pomonae Nacom juntu coyene itorobiya ewata.

<sup>21</sup> “Pajuntu coyene weiweiname, bequein bara anoxuae pajainpame, bexa tsane patonsaname.

“Pajuntu coyene weiweiname, bequein bara anoxuae pawecoyam, bexa tsane bichocono pajuntu coyene weiweinaename.

<sup>22</sup> “Pajuntu coyene weiweiname poxonae bequein jiwu paca ita aenae-aenei, bequein paca itaweta bo weya xuanu poxonae bequein abeya paca muxutainyaba. Mataatano poxonae bequein jiwu paca yabara abe paeba. Barapomonae baxua paca cana exana tamonae jiwu pamxaem xua xan ponxaein Nacom Tananeitapetsin. <sup>23</sup> Bichocono pajuntu coyene weiweinare barapo matabintha, tsipei peitabocotha Nacom paca catsibina pia pexeinya peitapanawana pocotsiwan Nacom paca juntana jeba pia nacuatheicha. Icha barapomonae paca ichi, barapomonae pia pamo susato jiwu tatsi, Nacom pia peitorobi jume pepaebiwi barichichi abeya biatainchi yawa abe exanatsi.

<sup>24</sup> “¡Ichitha pai jaibo paxam, anoxuae copei paacabem tsobenaem poxoru methaunxuae equeicha jopa painya neraichiwa tsane!

<sup>25</sup> “¡Pai jaibo, paxam pomonae anoxuae patonsanabename tsipei methaunxuae bexa tsane pajainpabename!

“¡Pai jaibo, paxam pomonae pajuntu coyene weiweinabename tsipei anoxuae methaunxuae pajuntu coyene wecoyam tsane!

<sup>26</sup> “¡Pai jaibo, pomonae jiwi w<sub>u</sub>nae paca jainteibena painya necueicueijeixae po diwesi jopa Nacom Pejume Diwesiyo! ¡Icha barapomonae paca ichi barichi barapomonae pia pamo susato jiwi tatsi, w<sub>u</sub>nae jainta pomonaetha pomonae naerabiya paeba xua pinae barapomonae Nacom pia peitorobi jume pepaebiwi!” jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peitafaetabi jiwichi*

*(Mt 5.38-48; 7.12)*

<sup>27-28</sup> Equeicha Jesús namchi, jeye: “Paxamtha pomonae beta pana nejume taneme, barapomonae paca baraichi: Paantobeinde pomonae bequein painya nepaca caaitafaetabi jiwi. Matautano beta pata taexande pomonae paca ita aenae-aenei. Matautano amanaya beta papaebare pomonaetha pomonae paca yabara abe paeba. Nacomtha pataw<sub>u</sub>care pomonae xua paca biatane. <sup>29</sup> Icha ich<sub>u</sub>n paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ich<sub>u</sub>n pacata pita peam<sub>u</sub>tiy<sub>u</sub> camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa. <sup>30</sup> Daxita coyenexi pocotsiwa ichamonae paca w<sub>u</sub>ca moya bara pacaichabeibare. Pon pacata pita painyawa jopa equeicha caewa paw<sub>u</sub>caeinde. <sup>31</sup> Paexande ichamonaetha xua po coyene painya neichichipaewa xua barapomonae beta painya nepacata exanaewa tsane.

<sup>32</sup> “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara ir<sub>u</sub> pomonae peaj<sub>u</sub>nt<sub>u</sub>coyenebewi antobe ichamonae pomonae peantobewixaetsi. <sup>33</sup> Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwi barapocotsi coyene ir<sub>u</sub> exana ichamonaetha pomonae peaitabe jiwitha. <sup>34</sup> Barichi icha saya pacatsibame ichamonae xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonae peaitabe jiwi barichi icha peaitabe jiwitha catsiba xua xuya equeicha pecatsibeibinexatsi. <sup>35</sup> Paxam jame bewa paantobem tsane painya nepaca caaitafaetabi jiwi, xuano jame beta bewa paexanaem ichamonaetha. Matautano jame bewa bara pacatsibim ichamonae xua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca j<sub>u</sub>ntana jeba pia nacuatheicha. Matautano Nacom paca cana exanaena pia pexanton jiwi tatsi pam, pon peitabocotha eca. Tsipei Nacom pej<sub>u</sub>nt<sub>u</sub> coyene xanepanaein, daxota yawena barapomonaetha, pomonae bequein xua jopa wecobe noteibiya jacobeiyo xuano xua peaitabe jiwi. <sup>36</sup> Payabara cui nanta xeinare po coyene xua ichamonae painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jiwi, bara paichinde”, jei Jesús.

*Meje yabara poxonae Jesús cuiduba xua jiwi jopa bewa yabara paebina ichamonae xua penatsicuentsiwa xua abe peexanaexae*

*(Mt 7.1-5)*

<sup>37</sup> Equeicha Jesús namchi, jeye: “Jopa ichamonae payabara paebinde xua penatsicuentsiwa xua abe peexanaexae. Nexata bapoxonae Nacom jopa paca yabara paebi tsane painya xua nenatsicuentsiwa xua abe painya exanaexae. Ichamonae jume daunweya jopa pajande: ‘Apara bapon picoya, apara bapon picoya’, jopa pajande. Nexata Nacom jopa paca daichi tsane baxua. Pacui yabara j<sub>u</sub>ntemainare po coyene ichamonae pacata abe exana, nexata Nacom paca cui yabara j<sub>u</sub>ntemainaena xua abe painya neexanaewa. <sup>38</sup> Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata n<sub>u</sub>n<sub>u</sub>c<sub>u</sub>taxuina. Yawa pacata w<sub>u</sub>nc<sub>u</sub>ca exanaena. Icha daunweya payabara paebiname xua penatsicuentsiwa ichamonae

xua abe peexanaexae, Nacom barichi daunweya paca yabara paebina xua painya nenatsicuentsiwa xua abe painya neexanaexae”, jei Jesús.

<sup>39</sup> Jesús tsipaeba barapomonaе pecayabara j̄ta pepaebi diwesiyo, jeye: “Pon ba peitata nac̄tsin jopa itac̄paetsi xua pematacaponaewa ich̄n pon ir̄ peitata nac̄tsin. Icha bapon baxua exanaetsipabe, baponbe fetotha joparecaetsipabe. <sup>40</sup> Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaein. Ichitha pon poxonaе wetsina xua nacuiduba, bapon be pia pecuidubin cui j̄pa”, jei Jesús.

<sup>41</sup> Barichi equeicha Jesús paeba caeintha pomonaе pijimonaе tatsi jiwana icha pecayabara j̄ta pepaebi diwesiyo, jeye: “Xam be jinya j̄ton itata taneme poxonaе naep̄tiyo itata jopiyatsi, ichitha jopa taem xua ir̄n̄ xam nama pin naep̄to neitacuere-totha ducua. Barapocotsi j̄ta coyeneya ichi, xam ba jinya j̄ton cui taneme xua poxonaе abe exana, ichitha jopa nayaputaem xua ir̄n̄ xam bara ichim nama bichocono abe exaname. <sup>42</sup> Icha jopa taem pin naep̄to xua neitacuere-totha ducua, jopa caitac̄paeyo xua nejeiwa jinya j̄tontha: ‘Taj̄ton, cata jut̄nchi naep̄tiyo xua ducua neitacuere-totha’, xua nejeiwa. Xam nepaebin xua ich̄n exana xua baxua neexanaewatha ir̄. Xam copiya nata jure barapo pin naep̄to xua neitacuere-totha ducua. Bapoxonaе beta taename nejutsinexa tsane naep̄tiyo xua jinya j̄ton peitacuere-totha tarucuatsi”, jei Jesús.

*Meje yabara poxonaе Jesús yabara cuiduba xua pinae jiwi yaputane nae penacoichixae (Mt 7.17-20; 12.34-35)*

<sup>43</sup> Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa bapana nacoichiyo po pethei pexeinya thei. <sup>44</sup> Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara j̄ta ichi jiwi yaputane xua pebin pej̄nt̄ coyene xanepanaein pon xanepanaya peexanaeinxae. <sup>45</sup> Pon ba pej̄nt̄ coyene xanepanaein, bapon ba jame ba paeba pocotsiwa pexeinya coyene, pej̄nt̄ coyene xanepanaeinxae. Barichi pon ba peaj̄nt̄coyenebein bapon ba abe paeba, peaj̄nt̄coyenebeinxae. Pocotsiwa jiwi nanta xeina pej̄nt̄coyenetha, baxua ba pecoiboto tsina cueicueijei”, jei Jesús.

*Meje yabara poxonaе Jesús ainya bom̄x̄be yabara paeba (Mt 7.24-27)*

<sup>46</sup> Equeicha Jesús namchi, jeye: “Paxam pana neyabara jam: ‘Patatanecanamatax-einaem’, pajam, daichitha jopa paexanaem pocotsiwa paca itorobatsi. <sup>47</sup> Incane yabara paca tsipaebinchi pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa. <sup>48</sup> Bapon barapocotsi j̄ta coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya m̄th̄n taj̄ exanareca pecuaranobinexa bom̄x̄ naeton. Poxonaе mene matacaewaxuba, barapo bom̄x̄ jopa joparenaeyo poxoru naeton taj̄ umenareca xuano poxoru bom̄x̄ uncua pematatsucaewatha ichaxota ira daunwei. <sup>49</sup> Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa taj̄ umenarecaeyo. Poxonaе mene matacaewaxuba, barapo bom̄x̄ joparena poxoru naeton jopa taj̄ umenarecaeyo, xuano poxoru bom̄x̄ uncua ichaxota ira matafatsana. Barapo bom̄x̄ nainya joparena. ¡Maisa bom̄x̄ bichocono abe!” jei Jesús.



## 7

*Meje yabara poxonae Jesús axaibi exana pon soldadomonaе romanomonaе pia pentacaponaein tatsi tanacuitatsi*

*(Mt 8.5-13)*

<sup>1</sup> Poxonae Jesús baxuan najume weta xua barapomonaе jume tane, bapoxonae Capernaum tomara beya pona. <sup>2</sup> Baxotiya popona romanomonaе soldadomonaе pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petupae. <sup>3</sup> Poxonae romanomonaе soldadomonaе pia pentacaponaein tatsi Jesús yabara jume tainchi, bapoxonae itoroba pitiri jiwi judiomonaе jiwanapiwi Jesús beya xua petaxaibi exanaenexa tsainchi pia petanacuichin tatsi. <sup>4</sup> Barapomonaе Jesús imoxoyo caquita poinchi. Barapomonaе Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende. <sup>5</sup> Poxoru bapon wanacuamonaе wanae yabara cananta xeineibatsi. Matautano bapon itoroba xua acaba pata penacaetutsi bo pia paratixitha, jei barapo pitiri jiwi.

<sup>6</sup> Nexata Jesús baru poinchi barapomonaе. Ichitha poxonae Jesús muxu pepatopae, romanomonaе soldadomonaе pia pentacaponaein tatsi pia botha tatsi, barapo soldadomonaе pia pepa pentacaponaein tatsi, bapon itoroba pia jiwi xua petacajume jeichinexa tsainchi Jesustha: “Tanecanamataxeinaein, xan saya tacui pawin. Auran xua xam nepatopaewa tsane tabohta tsipei xam ainya cuim. <sup>7</sup> Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxonae bapon axaibi bara tsane pon inta nacuiteiba. <sup>8</sup> Xan bichi xeinan tanecanamataxeinaein, pon neitoroba. Barichiru xeinan soldadomonaе pomonaе itorobeiban. Poxonae ichun itoroban: ‘ponde’, jan, bapon pona. Poxonae ichun waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonaе penacajume caitorobixaetsi.

<sup>9</sup> Poxonae Jesús baxua jume taeba, jume cui yabara cananthu nanta xeinanaya cabenaeca beta pepaebixae romanomonaе soldadomonaе pia pentacaponaein tatsi. Jesús necotaba pomonaе puna poinchi, barai, jeye:

—Xaniyan paca tsipaebatsi Israel nacuatha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi, jei Jesús.

<sup>10</sup> Poxonae barapomonaе botha caibe nawibiya, barapomonaе taeba ducupa xua axaibiya boca romanomonaе soldadomonaе pia pentacaponaein tatsi pia petanacuichin tatsi.

*Meje yabara poxonae Jesús petupaein asu exana pexanto tatsi powa pecuenta tupaewayotsi piseuri*

<sup>11</sup> Poxonae Jesús baxua nacui weta, bapoxonae Naín tomara beya pona. Jesús cueyabatsi pijimonaе, iru pin bicheitomonaeno napona. <sup>12</sup> Poxonae Jesús muxu pepatopae tomaratha, Jesús tane xua pewowin petupaein cajojondenatsi xua pemathu xubinexa tsainchiba, pon pena tsita compa. Barapo pewowin powa pecuenta tupaewayotsi piseuri barapowa pexanto tatsi. Barapowa puna poinchi pin bicheito. <sup>13</sup> Bapon Jesús pon Pecanamataxeinaeinxae jiwi, barapowa yabara cui nanta xeinatsi. Jesús barai bapowa, jeye:

—Jopa wecoyande, jei Jesús.

<sup>14</sup> Nexata Jesús imoxoyo caquita pona petupaein, yacaja jayabano. Pomonaе yacaja capona yacaja caumenarucupa. Jesús barai petupaein, jeye:

—Pewowin catsipaebatsi, nontaponde, jei Jesús.

<sup>15</sup> Nexata pewowin pon tupa, nantacotecataba, yawa tamropata pitaba xua pecueicueijeiba. Jesús coxiwatha cana cobenata pexanto. <sup>16</sup> Poxonae pin bicheito taerucupa

baxua, barapo pin bicheito bichocono junuwa. Barapoxonae barapo pin bicheito Nacom wanae jaintatsi, barapomonae namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonae pomonae pia pejume cowantsiwichi, jei barapomonae.

<sup>17</sup> Daxita jiwi jume tane xua Jesús exana Judea nacuatha, iru po nacuan imoxoyo caquita ena Judea nacuatha.

*Meje yabara poxonae Juan itoroba pijimonae Jesús beya peyainyabinexa tsainchi Jesús (Mt 11.2-19)*

<sup>18</sup> Juan pijimonae tsipaebatsi daxita baxua xua Jesús exana. Juan waba ainya pebinbe pijimonae jiwana tatsi. <sup>19</sup> Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichan jampa, xua pawanae ewatsin jampa jei. <sup>20</sup> Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiwi Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichan pawanae ewatan jampara?’ jei Juan, jei baponbe.

<sup>21</sup> Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina. Matautano yawenano xua equeicha tane pomonae jopa necotsiyo. <sup>22</sup> Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tane-mebe, matautano xuaunxuae pocotsiwa pana nejume tanemebeno. Matautano patsipaebarebe xua pomonae peitata nacutsi jiwi equeicha tane, matautano xua pomonae pejayujayujeimonae beta pona equeicha. Matautano xua pomonae peperu sawichimonae equeicha peru wanae, matautano xua pomonae pemuxusipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume.

<sup>23</sup> Patsipaebare Juan xua xan janje: ‘Juntu coyene weiweinaena pon jopa ainya unthuthuño, pon xaniwaicha neyabara cui jume cowanta’, xua jan, jei Jesús.

<sup>24</sup> Nexata ponbe Juan itorobabe ponabe Juan beya. Barapoxonae Jesús tsipaeba jiwitha, xua Juan yabara paebatsi, jeye barapomonaetha: “Ira xuepana susato tsurucuae nacuatha paponame. Poxonae bara beya paponame, ¿eta xua painyatsi? ¿Painya jume taetsi pebin pon ainya unthuthuto cui xeina icha be naepanaewa ichi xua saya joibo ba jubabiya caya tsaibi? Jume apara. <sup>25</sup> Bara paichim paponame, ¿painya nejume taenexa pebin, pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewatsiwixaetsi. <sup>26</sup> Jume. Jopa baxua patsiponaem xua jopa painya jume taenexa pebin pon ainya unthuthuto cui xeina, matautano xua jopa painya jume taenexa pebin pon peitupanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin.

<sup>27</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wanaetsina jiwi, xua daxita jiwi najuntu cui

wanaetsina xam nexa, xua necantenta

weyataeya wabinexa poxonae patopaename',  
nejei Nacom Pejume Diwesitha.

<sup>28</sup> Paca tsipaebatsi, xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonae jopa ainya cui jiwi.

<sup>29</sup> “Daxita barapomonae baxua jume taerucupa. Irucupa jume taerucupa pomonae paratixi pentoma noteibiwi romanomonae pia pepa peyanacua ewatsinchi nexa, pomonae bayatha Juan bautisaba. Daxita barapomonae nanta xeinarucupa xua Nacom bara pepa pentacui xanepanaein. <sup>30</sup> Ichitha fariseomonae irucupa pomonae jiwi pecuidubiwi Moisés pia peitorobi coyene tatsi, barapomonae jume itaweta, Nacom jume itawetatsi pocotsiwa xua Nacom beexanaena barapomonae nexa. Matautano barapomonae cui itaweta, Juan cui itawetatsi xua pia pebautisabi coyenewa.

<sup>31</sup> “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? <sup>32</sup> Barapomonae be pexui, pocotsixi panatha nabarucupa jinompa. Nabarucupa wawai tsurubenanaebiya. Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyechiba icha be ichi poxonae ichucupa tatupatsi, ichitha jopa pana itanuwe jume notsim xua painya newecoyeinexarucupa’, jei barapoxi. <sup>33</sup> Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam. <sup>34</sup> Bapoxonae xan, ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanae jiwi pia jiton tatsi, irucupa pomonae paratixi pentoma noteibiwi barapomonae pia jiton tatsi’, pana neyabara jam. <sup>35</sup> Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana baxua Nacom tsita pexeinya coyenetsi”, jei Jesús.

*Meje yabara poxonae Jesús siwa pona Simón fariseomonaepin pia bo beya tatsi*

<sup>36</sup> Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane. <sup>37</sup> Nexata pet-siriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanaeicha fariseomonae jiwanapintha. Barapowa alabastro ibo wucupa bosibucupa atsato capatopa Jesthucupa xua petuxuei nasiwa xua bichocono wucupa. <sup>38</sup> Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonae barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxorucupa Jesús Pecanamataxeinaein jiwi. Bapoxonae barapowa Jesús taxu epatabatsi petuxuei nasiwatha. <sup>39</sup> Poxonae fariseomonae jiwanapin pon Jesús pewabixaetsi petaxaenexa tsane pia botha, poxonae bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi apara powa pesi cui weiweinaewa, matautano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin.

<sup>40</sup> Nexata Jesús barai fariseomonae jiwana jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

<sup>41</sup> Jesús barai, jeye:

—Pebinbe nacueyatabe nacowaetabe paratixi ichuntha. Ichun jopa cataunxuae xuya catsiyo quinientos po paratiximonaebe po paratixi quinientos po matacabibe nexa poxonae nacuita. Ichun jopa cataunxuae xuya catsiyo cincuenta po paratiximonaebe pontha pon penacowaetsixaetsi. <sup>42</sup> Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsixaetsi paratixi, bapon namchi, jeye: ‘Metha basaya paca cui yabara jantemainatsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ichun antobetsi xua antobe pon nacowaetsi paratixi? jei Jesús.

<sup>43</sup> Simón jume nota, Jesús jume notatsi, jeye:

—Bũ, metha moya pon bichocono cacui yabara jantemainatsi bichocono pon penacowaetsixaeb quinientos po paratiximonaebe, jei Simón.

Jesús barai:

—Bara beta nejume notame, jei Jesús.

<sup>44</sup> Nexata Jesús necota barapo petsiriwa, bapoxona Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomona pamxaem. Nama barapowa peitacuere mentha netaxu atatsica exana yawa pia pentanatha netaxu tsewa exana. <sup>45</sup> Xam jopa netsutsubim, ichitha bapowa poxona caena jonarenan awiya came netaxu tsutsuba.

<sup>46</sup> Jopa nenta epatabim petuxuei tuxusi nasi mera. Ichitha barapowa petuxuei tuxusi nasi mera netaxu epataba. <sup>47</sup> Daxota catsipaebatsi xua bapowa matowa nasi cui matacaeta. Daxita baxuan yabara jantemainan, daxota bichocono neantobe. Ichitha nama pon be conotha nasi cui matacaeta, be conotha yabara cui jantemainan. Bapon be conotha neantobe, jei Jesús.

<sup>48</sup> Equeicha Jesús namchi bapowatha. Petsiriwa baraichi, jei:

—Cacui yabara jantemainaya juntu puxana exanatsiba abe jinya neexanae cuiru coyenewan, jei Jesús.

<sup>49</sup> Pomona Jesús pebaru nabanaexaetsi, barapomona nabarai, jeye:

—Bapon, ¿jintamda, jamaisa bapowa cacui yabara jantemainaya juntu puxana exanatsi abe pia peexanae cuiru coyenewan tatsi? jei barapomona pomona baxota naena.

<sup>50</sup> Jesús barai petsiriwa, jeye:

—Bayatha necacapanepaewa caexainchi tsipei yabara tana nejume cowantsixaem. Saya jantemiya poponde, jei Jesús.

## 8

### *Meje yabara yabuxi powaxi Jesús yanabatsi*

<sup>1</sup> Bapoxonae pirapae Jesús daxita tomarantha pona ducuaeta, tsica tomaraxithano po tomarantha pin tomaranthano. Matautano paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomona Nacom juntu coyene itorobiya ewata. Jesús yanabatsi pia peitorobiwi tatsi pomonae doce poyobe. <sup>2</sup> Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pewun María Magdalena, tsipei pia tomara tatsi pewun Magdala. Barapowa María powa bayatha taitawetatsi siete poyobe cauri. <sup>3</sup> Bichiru petsiriwa, powa pewun Juana, bapowa napon. Bapowa Juana, Cuza piowa tatsi. Bapon Cuza pon Herodes pia bo tatsi tayapucaeatsi. Iru ichowa pewun Susana, bapowa napon. Iru ichowaxi ainya yabuxiru napon. Daxita barapowaxi Jesús upain exaneibatsi xua xoxi barapowaxi pexeinaexae.

*Meje yabara poxonae Jesús cuiduba jiwi pecayabara j̄ta pepaebi diwesiyo xua pon pēbin yabara*

*(Mt 13.1-9; Mr 4.1-9)*

<sup>4</sup> Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara j̄ta pepaebi diwesiyo. <sup>5</sup> Jesús barai: “Pebin pon pēbin pontaba pia ɯbichi pabitha. Poxonae pon pēbin ɯbauya, icha xu namtotha othopeica, pexu jiwi taxunaunaba, yawa pepupunaewi xu xane. <sup>6</sup> Icha xu, xu othopeica ibowantha. Poxonae barapo xu xuwa, barapo xu, xu ɯnna poxoru jopa tajɯ xuwarecaeyo poxoru ibotixi nacɯcɯna yawa poxoru ira tsewa. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wɯnae. Poxonae barapo xu, xu xuwa, xu nawɯnaeta. Cae xuto nacoita cien po xu matabɯxɯyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara j̄ta pepaebi diwesiyo yabara, jane jei*

*(Mt 13.10-17; Mr 4.10-12)*

<sup>9</sup> Nexata Jesús yainyabatsi pijimonaе, barapomonaе namchi, jeye: “¿Eta pocotsiwa yabara caunutame poxonae pana netsipaebame barapo pecayabara j̄ta pepaebi diwesiyo?” jei bapomonaе. <sup>10</sup> Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawɯn xeinaewa. Barapo moya peyawɯn xeinaewa apara xua Nacom exana xua paca cana exana xua painya nepaca itacɯpaewa xua painya nenaexanaewa Nacom piamonaе tatsi pam, pomonaе pamxaem Nacom itorobiya paca ewata. Ichitha jame ichamonaе meisa pomonaе jopa nejume cowɯntsiyo jopa daichichi Nacom jopa copatsiyo xua barapomonaе peyabara yaputaewa baxua. Daxota barapomonaе cuiduban pecayabara j̄ta pepaebi diwesintha xua Nacom peyabara yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

*Meje yabara poxonae Jesús pijimonaе muxu yaputane exana po diwesi xua pecayabara j̄ta pepaebi diwesiyo pon pēbin yabara*

*(Mt 13.18-23; Mr 4.13-20)*

<sup>11</sup> Equeicha Jesús namchi: “Meje apara baxua yabara caunutan poxonae paeban pecayabara j̄ta pepaebi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonae pebin j̄ntɯ coyene webocatsi pebin wɯnaeya xanepanaya cana exanatsi. <sup>12</sup> Po xuton xua namto beothopiya, aichurubenaе. Barapo xuton yabara caunuta xua jiwi bara j̄ntɯ coyene weichichi caurimonaе pia pentacaponaein tatsi. Jiwi j̄ntɯ coyene weajumetsurubenaе exanatsi Nacom Pejume Diwesi xua bayatha po jume jume tane, xua bapoxonaе jopa petajume cowɯntsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena. <sup>13</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano j̄ntɯ coyene weiweinaya Nacom jume cowɯntatsi. Ichitha bara caeto jume cowɯnta poxoru barapomonaе antɯfaetabiya jume jeba Nacom Pejume Diwesi pej̄ntɯ coyeneintha. Mataɯta cauri j̄ntɯ coyene wemuxu paeba xua abe peexanaenexa tsane. Daxota barapomonaе cayabara j̄ntemaina Nacom. <sup>14</sup> Po xuton xua xu othopa pesoiwantha barapo xuton caunuta xua pomonaе Nacom Pejume Diwesi jume tane ichitha saya barompaya pia j̄ntɯ coyeneyatha jinompa, yawa saya ɯ copei cayabara nanta xeina, yawa saya exana pocotsiwa j̄ntɯ coyene weiweina cana exanatsi. Po

coyene pebiwi exana baxuan barapocotsi j̄ta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi j̄ta coyeneya ichi, barapo jiwi jopa xanepanaya jinompaeyo Nacom nexa. <sup>15</sup> Po xuton xua xu othopeica peira w̄naewatha, bara nacoita. Barapo xuton yabara caunuta pomonae jume tane Nacom Pejume Diwesi xuano jume cow̄ntano poxoruj̄nt̄u coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonaej̄nt̄u coyene xanepana Nacom peitabaratha tatsi”, jei Jesús.

*Meje yabara poxonae Jesús pijimonaes tsipaeba pecayabara j̄ta pepaebi diwesiyo xua pecoicha yabara*  
(Mr 4.21-25)

<sup>16</sup> Equeicha Jesús namchi: “Poxonae jiton pecoicha coicha exana bapoxonae jopa coicha matacatsiyo. Matauta jopa coicha exanaeyo cama peupana deca. Jame asiya coicha exanatsi, pecoicha taenexa pomonae jojoneibarena. <sup>17</sup> Daxita pocotsiwa xua moya peyaw̄n xeinaewa bexa tsane jiwi yabara yaputaena. Barichi barapo diwesiyo xua pecayabara j̄ta pepaebi diwesiyo xua paebaponan jiwi itac̄paeinchi xua peyabara yaputaewa tsane.

<sup>18</sup> “Pana nejume naitaeware painya neexanaenexa pocotsiwa paca tsipaebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cow̄ntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cow̄ntsiwa tsainchi”, jei Jesús.

*Meje yabara Jesús pena tatsi ir̄r̄u peyapin jiwi tatsino*  
(Mt 12.46-50; Mr 3.31-35)

<sup>19</sup> Nexata Jesús pena tatsi ir̄r̄u peyapin jiwi tatsino pata ichaxota Jesús uncua. Ichitha jopa Jesús imoxoyo caquita ponaetsi tsipei bichocono pin bicheito. <sup>20</sup> Ich̄n Jesús baraichi:

—Ena, ir̄r̄u neyapin jiwino pesato beya umena. Bepara bequein cataei, jei bapon.

<sup>21</sup> Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonae xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*  
(Mt 8.23-27; Mr 4.35-41)

<sup>22</sup> Caentacabi Jesús bar̄u pona pijimonaes jeratha. Jesús pijimonaes barai:

—Antha, poinchi icha muxunene beya, pucua beya, jei Jesús.

Bara ponar̄c̄paba. <sup>23</sup> Poxonae cataunxuae jeratha yana enapona bapoxonae Jesús maituncuataba. Bapoxonae jemeicha pin joibo naetaba mentha. Matauta bichocono jera mene w̄nca, muxu pebunarecae. <sup>24</sup> Nexata Jesús yaubaxotsi. Jesús baraichi:

—¡Jesús, Patatanecuidubim, yana bunarecatsi! jei barapomonaes.

Nexata Jesús nacosataxuba. Jesús itawetaxuba joibo maratsacano. Daxita caewanaya joibo yawa maratsacano. <sup>25</sup> Nexata Jesús barai pijimonaes:

—¿Jopa pana nejume cui yabara jume cow̄ntsim xua bara tana neitac̄paewa xua tapaca yawenaewatsi? jei Jesús.

Barapomonaes bichocono junuwa yawa naj̄nt̄u coyene cabenaecar̄c̄pa. Barapomonaes caemonaes natsipaeba, jeye:

—¿Jintam metha baponda? ¡Jamaisa bapon itaweta joibo yawa maratsacan xua daxita xainya dubenanaya! najei barapomonaes.

*Meje yabara xua pebin yabara pon caurimonae pexeinaein pon Gerasa nacuapin  
(Mt 8.28-34; Mr 5.1-20)*

<sup>26</sup> Pirapaeyo jebouna Gerasa nacua itapatha, po itapa eca Galilea nacua icha itapa panawa beya. <sup>27</sup> Poxonae Jesús muxu penontounae jeratha, pebin pon copiya tomara-pin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonae. Paparuwa jopa yawa poponaeyo, matautano botha jopa poponaeyo, saya ibo wountha poponeiba. <sup>28</sup> Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocotha eca. ¿Eta pocotsiwa metha patopame taxantha? ¡Jume daunweya cabaraichi jopa neperaxa exanaeinde! jei.

<sup>29</sup> Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jiwi taxu cubeiba yawa pemaxano penaintotha xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri.

<sup>30</sup> Jesús yainyaba:

—¿Eta po wam? jei Jesús.

Bapon jume nota exanatsi Jestutha. Bapon namchi, jeye:

—Tawam ayei, jei.

Baxua namchi tsipei bayatha cauri bicheito cunto pata bapontha. <sup>31</sup> Equeicha barapo pebin cueicueije exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiwi atene tsaibi”, jei bapon xua cueicueije exanatsi cauri. <sup>32</sup> Pin marrano duweimonae pitapatororotha jinompa xua yawa xayompano. Caurimonae Jesús jume daunweya wacatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei. <sup>33</sup> Nexata caurimonae pebin wepu ponatsi, yawa marrano duweimonaetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

<sup>34</sup> Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinexa xua baxua exana. <sup>35</sup> Jiwi poxonae baxua tane, pata baxota ichaxota Jesús uncua. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axaibiya eca, be pocotsin jopa matsiyaibichi. Barapo jiwi junuwa nawita. <sup>36</sup> Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa. <sup>37</sup> Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poxoru barapomonae junuwa bichocono. Daxota Jesús jeratha nontabiya bara warapano. <sup>38</sup> Pebin, pon wepu poinchi caurimonae, Jesús wacatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

<sup>39</sup> —Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabayo axaibi exanatsi poxonae Jesús pia paparuwa tajayabatsiru  
(Mt 9.18-26; Mr 5.21-43)*

<sup>40</sup> Poxonae Jesús caibe patoparena Galilea nacua berena, jiwi Jesús matenta weinaya wabatsi, tsipei daxita barapomonae Jesús ewatatsi. <sup>41</sup> Nexata pebin patopa pon pewam Jairo. Bapon Jairo pon canamataxeina judiomonae pia penacaetutsi bo

tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antha tabothena ponare”, jei Jairo. <sup>42</sup> Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu petapae.

Poxonae Jesús iya iru pin bicheito napon. Bichocono jiwi acucu. <sup>43</sup> Barapo pin bicheitho yabuyo iru napon. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonae jiwi peyawubiwi cobe caewita daichitha jopa axaibi exanaetsi. <sup>44</sup> Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparawa tatsi tajayabatsi xua peopirawa. Bapoxonae caena nainya bapowa ajaneibi tsanareca. <sup>45</sup> Nexata Jesús yainyaba barapo pin bicheitho, jeye:

—¿Jintam nejayabara? jei.

Daxita barapomonae paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acucu canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

<sup>46</sup> Ichitha Jesús jume nota:

—Ichun nejayaba tsipei taayapusawa newepu jiwana aichurucuae xua axaibi exanan, jei Jesús.

<sup>47</sup> Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototha uncu ira betae-uncuarecano Jesús petaxutha tatsi. Baxua exana bapowa poxoru Jesús ainya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya axaibin, jei. <sup>48</sup> Nexata Jesús barai, bapowa baraichi, jeye:

—Yabuyo caaxaibi exanatsi tana neyabara jume cowantsixaem xua bara tana neitacupaewa xua tacaaxaibi exanaewatsi. Saya jantemiya poponde, jei Jesús.

<sup>49</sup> Poxonae cataunxuae Jesús tsipaebauya bapowatha, pebin patoparu pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomonae pia penacaetutsi botha tatsi pon Jairo. Jairo baraichi, jeichichi:

—Nexantiyo bayatha cata tupa. Jopa came fayacotsinde pon jiwi Pecuidubin, jeichichi Jairo bapon.

<sup>50</sup> Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowunde. Nexantiyo cata axaibi tsane, jei Jesús.

<sup>51</sup> Poxonae botha pata, Jesús jopa juntucuru bebaru joniyaeyo ichamonae. Saya meisa Pedro iru Santiago iru Juan iru powayo tupa paxa tatsi, bapon Jairo yawa pena tatsi, Jesús baru joniya barapomonae. <sup>52</sup> Daxita barapomonae yabuyo siwa wawaya wecoyeichi. Ichitha Jesús barai barapomonae, jeye:

—Jopa pawecoyande, yabuyo apara jopa tupaeyo, maituncua apara, jei Jesús.

<sup>53</sup> Ichitha Jesús jume caponatsi barapomonae. Tsipei barapomonae yaputane xua yatsicaewa apara tupa barapowayo. <sup>54</sup> Nexata Jesús jume daunweya cobe pichiya barai, jeye:

—¡Ja, owae asiya uncuatabare! jei Jesús.

<sup>55</sup> Barapowayo equeicha petupaewa nacosataxuba, caena nainya asiya uncuataba. Jesús itoroba barapomonae xua barapowayo peapatsinexatsi pexaewa. <sup>56</sup> Barapowayo paxa tatsi iru pena tatsi najantu coyene cabenaecaeya tanebe. Jesús barapomonae tsipaeba xua jopa cui yopichi tsainchi ichamonaetha xua po coyene bapon peexanaexae.



## 9

*Meje yabara poxonae Jesús pijimonaе itoroba xua barapomonaе peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonaе tatsi (Mt 10.5-15; Mr 6.7-13)*

<sup>1</sup> Jesús pijimonaе caetuta pomonaе xua doce poyobe. Yawa pijimonaе cata pia peayapusuwa. Matautano catano peitorobi coyenewa xua barapomonaе peitaweteibinexa tsane cauri xuano xua peaxaibi exanaenexa tsaibi tsane jiwi pomonaе atene. <sup>2</sup> Jesús itoroba barapomonaе xua barapomonaе peyabara cueicueijeinexa tsane jiwitha xua po coyene Nacom waba jiwi xua petanaexanaenexatsi pijimonaе pomonaе itoroba peewatsixae. Matautano itoroba xua barapomonaе peaxaibi exanaenexa tsane jiwi pomonaе atene. <sup>3</sup> Jesús barai pijimonaе:

—Jopa pacaponaеinde ichawa xua painya necawarapaenexa. Matautano jopa iwabi pacaponaеinde, yawa jopa cote pacaponaеinde. Matautano jopa pacaponaеinde pexaewa, yawa jopa pacaponaеinde paratixi. Saya cae camisa panama xatabare, jopa icha camisan pacaponaеinde. <sup>4</sup> Botha po botha papatsiname, bara po botha painya nepu enaеinde bapoxonaе barapo botha painya nepu warapaeinde. <sup>5</sup> Pomonaе xua ichaxota jopa paca matenta weyataya wabiyo barapo tomara weya pawarapare. Pana taxu wenunbabare tsorobon po tsorobon painya taxutha dubena. Baxua paexande xua barapomonaе peyaputaenexa xua abe exana paxamtha, jei Jesús.

<sup>6</sup> Bara barapomonaе ponarucupa. Matautano barapomonaе pona daxita carepaya peya tomaraxitha. Matautano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jiwi pomonaе atene.

*Meje yabara poxonaе Herodes Juan yabara jume unthuthu deideijeichi pebexubixaetsi bayatha (Mt 14.1-12; Mr 6.14-29)*

<sup>7</sup> Bapoxonaе Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonaе catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei. <sup>8</sup> Iru ichamonaе namchi: “Bapon apara Elías, pon tsita naituta jiwitha”, jei. Iru ichamonaе namchi: “Apara pomonaе bayatha Nacom peitorobi jume pepaеbiwi, barapomonaе jiwana, bapon apara, pon petupaein equeicha juina”, jei barapomonaе. <sup>9</sup> Ichitha Herodes namchi:

—Bara bayatha ichamonaе cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinaе peitupanaewan exana? jei.

Herodes bichocono beyaitaena, Jesús beyaitaeinchi pon wunaе peexanaein.

*Meje yabara poxonaе Jesús apata pexaewa cinco mil pebiwi (Mt 14.13-21; Mr 6.30-44; Jn 6.1-14)*

<sup>10</sup> Poxonaе pata pomonaе Jesús itoroba, barapomonaе Jesús tsipaebatsi pocotsiwa xua barapomonaе exana. Jesús tsana baru jopa barapo pijimonaе tatsi xua pin bicheito weya. Ichaxota jiwi aibi, Jesús bara beya baru pona pijimonaе, Betsaida tomara pecuariya beya baru pona. <sup>11</sup> Ichitha poxonaе barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinaya waba barapo pin bicheito. Matautano Jesús yabara tsipaeba barapo bicheitha po coyene xua Nacom waba jiwi petanaexanaenexatsi pijimonaе pomonaе itorobiya pecanamataxeinaexae. Matautano Jesús axaibi exana atenemonaе.

<sup>12</sup> Poxonaе imoxoyo tabopiya Jesús barompaya pijimonaе tatsi pomonaе xua doce poyobe, barapoyobe Jesús imoxoyo caquita umenarucupatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomaranxitha yawa po bon pipatotha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonaē.

<sup>13</sup> Ichitha Jesús barai pijimonaē:

—Paxam paapare pexaewa, jei Jesús.

Jesús jume notatsi pijimonaē:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonaē nexa, jei.

<sup>14</sup> Barapo bicheito be cinco mil pebiwi. Nexata Jesús pijimonaē barai:

—Pana nantaure xua ichamonaē tsana eeniyaena be cincuenta po matabuxayobe tsiniya, jei.

<sup>15</sup> Bara Jesús pijimonaē tatsi exana pocotsiwa xua Jesús paeba. Bapoxonaē barapo pin bicheito iratha ena. <sup>16</sup> Bapoxonaē Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa jñnta coyene weiweinan xua pexaewa pata tanecatxiwaxaem”, jei Jesús. Poxonaē Jesús epa janaquiya nacobe weta, pijimonaē caitoroba xua pecatsibaponaenexa tsane barapo bicheitotha. <sup>17</sup> Bara daxita nabane, yawa bara daxita jain cowñntarñcupatsi. Bapoxonaē Jesús pijimonaē tatsi doce po cote matabuxayobe wñnba xua bayatha nacopaba pocotsiwa xua bayatha barapo jiwi jopa xaeyo petonsanaexae.

*Meje yabara poxonaē Pedro namchi Jesustha jeye: “Xam apara Mesías pon Nacom caitorobica”, jei Pedro*

*(Mt 16.13-19; Mr 8.27-29)*

<sup>18</sup> Caentacabitha Jesús Nacom tsipaebawiya, meisa pijimonaē baru pona. Bapoxonaē Jesús yainyaba pijimonaē, jeye:

—¿Eta jiwi neyabara jei po coyene xua xan bapon aparan? jei Jesús.

<sup>19</sup> Barapomonaē Jesús jume notatsi, jeye:

—Ichamonaē cayabara, jei: ‘Apara bapon Juan pon jiwi Pebautisabin, pon equeicha petupaēin asu juina’, jei. Iru ichamonaē cayabara, jei: ‘Apara bapon Elías, pon equeicha petupaēin asu juina’, jei. Iru ichamonaē cayabara, jei: ‘Apara bapon jiwana pomonaē Nacom peitorobi jume pepaēbiwi, pon petupaēin equeicha asu juina’, jei, Jesús pijimonaē tatsi.

<sup>20</sup> Nexata Jesús pijimonaē yainyaba, jeye:

—Incane iru paxamdu, ¿eta pana neyabara jumichimdu xua xan eta pondun? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

*Meje yabara poxonaē Jesús nayabara diwesi paeba po coyene xua petupaewa tsane*

*(Mt 16.20-28; Mr 8.30-9.1)*

<sup>21</sup> Jesús pijimonaē muxu barai, xua pijimonaē jopa peyabara paēbinexatsi ichamon-aetha baxua. <sup>22</sup> Yawa barai pijimonaē po coyene xua bexa ichamonaē Jesús cana exanaeinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonaē pia pentacaponaei tatsi, iruru pomonaē jiwi pecuidubiwi Moisés pia peitorobi coyenewa tatsi, daxita barapomonaē neitawetsina. Matautano barapomonaē nebexubina. Ichitha equeicha asu poponaēin poxonaē acoibi po matabiyobe tsuxubi tsane, jei Jesús poxonaē nayabara paeba.

<sup>23</sup> Bapoxonaē Jesús barai daxita pijimonaē, jeye:

—Icha pebin ichichipa xua tajiwiwimonaē jiwanaēin penaexanaewa tsane bewa bapon yabara naitematsi pocotsiwa xua bapon ichichipa pia peexanaē coyenewan tatsi.

Bapoxonae jame bapon bewa eexanaponae daxita matakabi pocotsiwa itoroban bequein bara bapon bexotsi ichamonae, tajiwiwimonae jitonxae. <sup>24</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyarusawa, po peajuntuyarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha. <sup>25</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesawa, po peajuntucoyenesawa ataya tsiteca, bapoxonae bapon jopa itacupaetsi xua penajuntucoyene capanepaewa xua jopa peweraweracaewa. <sup>26</sup> Icha ichun neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonae patopaetsicaein be jiwi pia pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús. <sup>27</sup> Bara xaniwaicha paca tsipaebatsi xua pomonae xote umene abun barapomonae jopa werapae tsane. Barapomonae jiwana copiya matha necotsina xua po coyene Nacom waba jiwi xua petanaexanaenexatsi piamonae pomonae itorobiya peewatsixae, bapoxonae barapomonae werapaena, jei Jesús.

*Meje yabara poxonae Jesús pijimonae peitutha pexeinya itupanae coicha tsanaya naexana*  
(Mt 17.1-8; Mr 9.2-8)

<sup>28</sup> Poxonae ocho po matakabibe jopa xua poxonae Jesús barapo diwesi paeba, bapoxonae Jesús pona demxuwa beicha petsipaebinexa Nacom. Pedro irun Juan irun Santiago barapo matabunxuyobe baru poinchibe. <sup>29</sup> Poxonae Jesús cataunxuae Nacom tsipaebauya, bapoxonae icha itabara tsanaya. Matauta penama xatatsiwano inyapana tsanaya yawa bichocono daedaena tsanaya. <sup>30</sup> Nexata pebinbe yaitupanae be damacu patopabe. Baponbe, irun Jesús, bapoyobe nabaru cueicueijeibe. Ponbe xua Jesús jemeicha tsita patopatsibe, bapon Moisés irun ichun pewun Elías, ponbe xua caena bayatha naxubabe. <sup>31</sup> Baponbe yabara baru cueicueijeibe xua Jesús petupaewa tsane xua peraxa jubinchi ichamonae Jerusalén tomaratha. <sup>32</sup> Bequein Pedrobaru bichocono itamaipana daichitha nacosatumena. Pedrobaru tane xua Jesús yamatawacaicha pexeinya itupanae be damacu tsuncuaetsi. Matautano Pedrobaru tane ponbe Jesús baru uncuwa, Moisés irun Elías. <sup>33</sup> Moisés irun Elías, poxonae baponbe Jesús weya naetababe, bapoxonae Pedro Jesús baraichichi, jeye:

—Jiwi Necuidubin, maisa wunae xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba. <sup>34</sup> Poxonae Pedro cataunxuae baru cueicueijeije Jesús, bapoxonae daxita pexainya bematawacaicha tarunecatitsi tsaquinaebowa. Poxonae barapomonae tsaquinaebowatha tututha nataerucupa bichocono junuwa. <sup>35</sup> Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

<sup>36</sup> Poxonae Nacom najume weta, Pedrobaru necobarucupa xua Jesús beya compa uncuwa. Pedrobaru saya moya. Jopa pejumeyo ichamonaetha xua tane.

*Meje yabara poxonae Jesús cauri taitaweta xua pewowin xeina*  
(Mt 17.14-21; Mr 9.14-29)

<sup>37</sup> Baya poxonae Jesús barapo acoibi poyobe pijimonaebe dabe baru dunareca Jesús pin bicheito matenta poinchi. <sup>38</sup> Nexata barapo bicheitha jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin.

<sup>39</sup> Taxanto inta waetabatsi cauri, inta papai exanatsi, yawa inta iratha bebaichi.

Matauta inta coibo thamthamei exanatsi poxorū matayaibatsi exanatsi. Inta taxanto cui tatainchi jopa bepū sorobabeibichi barapo cauri. <sup>40</sup> Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itacupaetsi xua taxanto inta petaitawetsiwatsi cauri, jei pewowin paxa tatsi.

<sup>41</sup> Jesús barai pin bicheitho, jeye:

—¡Paxam barapomonae pam pomonae jopa xapain cataunxuae pana nejume cowantsim! ¡Paxam barapomonae pam, peajuntucoyenebe jiwi pam! ¿Eta po weibe nantawenonan xua bewa tapaca barū ecaewa tsainchi xua beya poxonae tapana nejume cowantsiwam tsane? ¿Matautano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—¡Nexanto inta carenande! jei Jesús.

<sup>42</sup> Poxonae pewowin cataunxuae Jesús itiya poinchi, bapoxonae equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxian caewa catatsi pexantoxae. <sup>43</sup> Daxita barapo pin bicheito yabara najuntū coyene cabenaeca pocotsiwa pewowin pexeinya coyene taexanatsi Nacom.

*Meje yabara poxonae equeicha Jesús nayabara paeba xua poxonae tupaena  
(Mt 17.22-23; Mr 9.30-32)*

Poxonae awiya cataunxuae yabara najuntū coyene cabenaecompa barapo pin bicheito pocotsiwa Jesús exana, bapoxonae Jesús pijimonae barai:

<sup>44</sup> —Incane beta pajume taema, yawa jopa pana nejume cayabara junteinaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

<sup>45</sup> Ichitha Jesús pijimonae jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

*Meje yabara poxonae Jesús yabara yainyabatsi pijimonae po coyene xua pon peainya cui peexanaeinchi  
(Mt 18.1-5; Mr 9.33-37)*

<sup>46</sup> Nexata Jesús pijimonae tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichun?” jei. <sup>47</sup> Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuaranoreca. <sup>48</sup> Nexata Jesús barai pijimonae:

—Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara irū matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei  
(Mr 9.38-40)*

<sup>49</sup> Nexata Juan Jesús baraichi, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan tsipei jopa naca puna poponae, jei Juan.

<sup>50</sup> Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

*Meje yabara poxonae Jesús jume itaweta, Santiago iru Juan jume itawetatsibe*

<sup>51</sup> Poxonae imoxoyo matacabi jopaena, po matacabitha Jesús athabe icha tsane, xua Nacom exanaena, bapoxonae Jesús bichocono awiya nantusuba xua peponaewa tsane Jerusalén tomara beya. <sup>52</sup> Jesús nawuanae jume caitoroba pia jitonbe tatsi. Barapo Jesús pia jitonbe tatsi ponabe Samaria nacua beya. Ponabe xua bo tutu pewucaenexa tsanebe po tomara barapo Samaria nacuatha eca xua Jesús peecaenexa. <sup>53</sup> Ichitha barapo tomarapiwi xua Samaria nacuatha jinompa, barapomonae aichaxaibi xua Jesús weiweinaya pententa wabiwatsi baxota poxoru barapomonae yaputane xua Jesús pona Jerusalén tomara beya. <sup>54</sup> Ichitha Santiago iru Juan poxonae baxua tanebe, ponbe bequein tawucabe bo tutu Jesús nexa, baponbe Jesús baraichi, jeye:

—Patatanecanamataxeinaem, ¿xam ichichipame xua paxan isoto pawucaein po isoto xua itaboco wetsica xua petautsinexatsi barapomonae? jei baponbe.

<sup>55</sup> Nexata Jesús pijimonae napatomeicha necota yawa jume itaweta. <sup>56</sup> Nexata equeicha Jesús pijimonae baru pona icha tsiqui tomariyo beya.

*Meje yabara poxonae Jesús yabara paeba pomonae ichichipa xua pepuna ponaewatsi (Mt 8.19-22)*

<sup>57</sup> Poxonae namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin. <sup>58</sup> Jesús jume nota, jeye:

—Namomonae ba pia muthan xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeyo bo xua tabo xua xota nafinacaecan, jei Jesús.

<sup>59</sup> Jesús barai ichantha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha muthatha xubichi copiya xua bapoxonae tacapuna ponaenexatsi, jei.

<sup>60</sup> Jesús jume nota, jeye:

—Bara copare xua petupaewi muthucaeinchi, pomonae xua be pewerapaewi jopa betanejume cowuntsiwixae, barapomonae muthucaena. Ichitha xam ponare jinya neyabara tsipaebineja jiwitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae, jei Jesús.

<sup>61</sup> Nexata ichan Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamonae, tabopiwi, jei bapon.

<sup>62</sup> Jesús jume nota:

—Pebinba jopa itacupaetsi xua beta penacuichiwa pabi icha saya napatomeicha necobiya nacuita. Barapocotsi juta coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

## 10

*Meje yabara poxonae Jesús pijimonae itoroba setenta y dos poyobe pebiwi*

<sup>1</sup> Barapoxonae Jesús pon jiwi Pecanamataxeinaeinxae tatsi, bapon itapeta equeicha icha pijimonae tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena. <sup>2</sup> Jesús barai barapomonae poxonae muxu peitorobi, jeye: “Bara xaniyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonae jota pinmonae aibi. Bara jata ichi barapo cae pin nacuathe. Jiwi pinmonae jinompa pomonae nantawenona pejume taenexa Nacom pia pexeinya jume diwesi tatsi. Daichitha pomonae Nacom Pejume Diwesi cueicueijej tsurubenaebiya ichamonaetha barapomonae pinmonae aibi saya tsiquimonaeyo. Daxota Nacom pawucare xua pecaitorobinexa tsane ichamonaetha xua petacamuxu tsipaebinexa tsainchi pia pejume diwesi pomonae barapo cae pin nacuathe pejinompaewi nexa. <sup>3</sup> Paponde ichaxota paca itorobatsi. Paca itorobatsi pia xainya beya pomonae jopa jume cowantsiyo, pomonae itacupatsi xua abe painya nepaca exanaewa icha oveja ichi xua poxonae pona ichaxota neuthu jinompa xua itacupatsi xua abe peexanaewatsi. <sup>4</sup> Jopa pacaponaeinde cote. Yawa paratixi jopa pacaponaeinde. Yawa jopa pacaponaeinde painya nenataxu xatabiwan. Matauta jopa ichamonaetha namtotha paewatumeyaeinde xua saya painya netsipaebinexa. <sup>5</sup> Poxonae bomuxutha pajojoniyaename, barapo bopiwi pajacobare, pajande: ‘Barabu Nacom juntea jinompa paca cana exanaena’, pajande. <sup>6</sup> Icha baxota jinompa pomonae juntea jinompa, baxua Nacom taexanaena xua papaebame. Ichitha icha baxota jinompa pomonae jopa juntea jinompaeyo, baxua Nacom jopa taexanaetha tsane xua papaebame. Equeicha caewa pacata parenaena xua baxua papaebame. <sup>7</sup> Barapo botha paenare. Paxeama paapareno pocotsiwa barapomonae paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare. <sup>8</sup> Poxonae tomaratha papanenebiyam, icha barapomonae paca matenta weyataeya waba, moya paxeama pocotsiwa barapomonae paca apata. <sup>9</sup> Axaibi paexande peatene jiwi, pomonae xua barapo tomaratha ena. Barapomonae pabarande: ‘Anoxuae Nacom waba jiwi xua petanaexanaenexatsi piamonae tatsi pomonae itorobiya peewatsixae’, pajande. <sup>10-11</sup> Ichitha poxonae icha tomaratha papatsiname icha barapo tomarapiwi jopa paca matenta weyataeya wabiyo, pajande barapomonaetha: ‘¡Po tsorobon panataxu wenubaban painya tomaratha, apara xua abe paexaname pata xainya berena poxonae pana nejume itawetame! Payaputaema, anoxuae Nacom waba jiwi petanaexanaenexatsi piamonae tatsi pomonae itorobiya peewatsixae ichitha pana nejume itawetame pomonae Nacom pata tana neitorobiwi panxaein’, pajande. <sup>12</sup> Xaniyeya paca tsipaebatsi matabi patopaena. Barapo matabitha Nacom yabara paebina jiwi xua penatsicuentiwa xua petsita exanaeatsi. Barapo matabitha jopa juniya bichocono atene tsane pomonae paca jume itaweta. Ichitha nama pomonae barapo tomaratha jinompa pomonae paca jume itaweta jopa juniya atene tsane, beyacaincha poxonae Sodoma tomarapiwi atene”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi (Mt 11.20-24)*

<sup>13</sup> Jesús equeicha pijimonaetha namchi, pomonae setenta y dos poyobe xua ichamonaetha yabara paebatsi, jeye: “¡Pai jaibo Corazín tomarapiwi tsobenae! ¡Iru Betsaida tomarapiwi tsobenae! Po tsita itatsi coyenewan exanan Corazín tomaratha yawa Betsaida tomaratha ichun jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna

nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaenexa tsainchi xua icha jũntũ coyenein Nacom petsita xeinaewatsi peauraxae xua abe peexanaexae. <sup>14</sup> Poxonae barapo matabi patopeicaena po matabitha Nacom yabara paebina daxita jiwi xua petsita natsicuentisixae xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, irũ Betsaida tomarapiwi pamdũ, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi irũ Sidón tomarapiwi. <sup>15</sup> ¡Incane irũ Capernaum tomarapiwi pamdũ! ¿Bara pananta xeiname xua paca capanenebiya tsane peitaboco beicha? Jume, apara paca itorobina petũpae coyene cuiru bereca.

<sup>16</sup> “Pon xua paca jume naitaewata, barapara nejume naitaewatarũ. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

*Meje yabara poxonae equeicha caibe parenaena Jesús pijimonae tatsi pomonae setenta y dos poyobe pebiwi*

<sup>17</sup> Barapo setenta y dos poyobe jũntũ coyene weiweinaya caibe nawibarena, jeye:

—Patatanecanamataxeinaem, caurimonae pana nejume cowanta xua paitawetan poxonae paca wũn wũn taibatsi, jei Jesús pijimonae tatsi.

<sup>18</sup> Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamũxũ ichi poxonae uncueica. <sup>19</sup> Paxam paca catatsi taayapusũwa painya netaxunaunabaponaewa tsane jomon yawa putonno, xua jopa painya nepaca capepeichinexa. Po peayapusũwa paca catatsi bichocono daunwei, beyacaincha painya nepaca caaitafaetabi jiton, pon cauri pia pentacaponaein pia peayapusũwa tatsi xua xota jiwi abe exanatsi. Jiwi dapomonae aibi pomonae abe paca cana exana. <sup>20</sup> Jopa pajũntũ coyene weiweinaeinde xua caurimonae pia paca jume jejeixae xua dũcũpa poxonae paitawetame, saya jame pajũntũ coyene weiweinare xua Nacom painya nepaca wũn dubixae pia diborotha itabocotheicha.

*Meje yabara poxonae Jesús jũntũ coyene weiweina exanatsi Nacom pia Pejumope tũnaxũ tatsi*

(Mt 11.25-27; 13.16-17)

<sup>21</sup> Bara caena bapoxonae Jesús jũntũ coyene weiweina exanatsi Nacom pia Pejumope tũnaxũ tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wũnae cajaintatsi tsipei jopa tsita itũbim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame nama tsita itũtame barapo pexainyei coyenewa xan yabara pomonaetha pomonae jopa bichocono penacuidubiwi pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita. Axa baxua exaname necatsita xanepanaexae baxua”, jei Jesús Paxatha.

<sup>22</sup> Equeicha Jesús pijimonae barai pomonae xua setenta y dos poyobe, jeye: “Taxa daxita necata xua pia peitorobi coyenewa tatsi mataũtano xua pia peyaputae coyenewan tatsi. Dapon aibi pon xaniwaicha nejũntũ cui coyene yaputane. Jame saya meisa Taxa Nacom, nejũntũ cui coyene yaputane. Dapon ajibi pon Taxa jũntũ cui coyene yaputainchi ichũn, saya meisa Taxaxae jũntũ cui coyene yaputan. Mataũta barichi Taxa meisa jũntũ coyene yaputainchi pon saya bara copatan xua bara Taxa pejũntũ cui coyene yaputaewa tsainchi pomonae ichichipan”, jei Jesús.

<sup>23</sup> Nexata Jesús pijimonae napatomeicha necota pomonae xua doce poyobe. Meisa barapomonaebetha barai, jeye: “Jũntũ coyene weiweina pomonae xua tane, pocotsiwan xua pataneme. <sup>24</sup> Poxoru paca tsipaebatsi, xua Nacom pia peitorobi jume pepaebi

jiwimonae iru nacuan peewatsiwimonae, pomonae bayatha napenta barapomonae bequein betaena pocotsiwa pataneme ichitha jopa taeyo. Matauta barapomonae bequein bejume taena pocotsiwa pajume taneme ichitha jopa jume taeyo”, jei Jesús.

*Meje yabara poxonae Jesús yabara paeba Samaria nacuapin, pon wuna exana*

<sup>25</sup> Nexata iruru pon jiwi pecuidubin Moisés pia peitorobi coyene tatsi, barapon Jesús piraichi juntu coyene jujutsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajuntayapusya tapopon-  
aewa tsane xua ataya tsane? jei.

<sup>26</sup> Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara  
yorobame barapo diwesitha? jei Jesús.

<sup>27</sup> Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejuntu coyene  
wetsina, matautano xua daxita jinya nepoponae coyenewatha, matautano xua nanta  
xeiname, daxita xua nenanta xeinaewatha nentasipatha, matautano daxita xua  
nedaunwei coyenewatham, matautano antobeinde necatsicuarabu ecaein icha ichim  
xua naantobem jinya coutha, jei pon jiwi pecuidubin Moisés pia peitorobi coyene.

<sup>28</sup> Nexata Jesús jume nota, jeye:

—Bara beta nejume notame. Icha baraxua exanaename peajuntayapuswa xeinae-  
name po peajuntayapuswa xua ataya tsiteca, jei Jesús.

<sup>29</sup> Ichitha pon jiwi pecuidubin Moisés pia peitorobi coyene tatsi, barapon awiya nanta  
xeina nawita, pia jiwi nanta xeinaetsi xua bapon xeina pexeinya peyainyabiwa. Bapon  
Jesús yainyabatsi, jeye:

—¿Jintam baru pomonae tanetsicuarabu enaewi? jei.

<sup>30</sup> Nexata Jesús jume nota, jeye:

—Irru pebin Jericó tomara bereca pona, Jerusalén tomara namtotha weya pona.  
Poxonae awiya namtotha ecapona jemeicha waetabatsi pomonae jiwi pecaibiwi. Bara-  
pon daxita wecobe notatsi xua pocotsiwa xeina, yawa batsi. Barapomonae aichurube-  
nae, tsica cuiyotha copatabatsi. <sup>31</sup> Bapoxonae iru sacerdotemonaepin barapo namto  
ecapona. Poxonae barapon yasusainya taebotatsi sacerdotemonaepin tajū matawa-  
caicha toquetaba. <sup>32</sup> Iru levimonaepin baxoyo ecapona, bapon iru tajū matawacaicha to-  
quetaba poxonae yasusainya taebota. <sup>33</sup> Ichitha Samaria nacuapin baxoyo iru ecapona  
poxonae yasusainya taebota, yabara najuntu coyene xeinanareca peyawenaenexa.

<sup>34</sup> Nexata Samaria nacuapin imoxoyo caquita uncuataba pon yasusainya boca. Bapon  
wan yawabecapona penasiwatha vino merathano. Bapoxonae paparuwatha wan  
yarabecapona. Bapoxonae burrotha cuaretsica piyantha. Bomuxu beya capona  
ichaxota jiwi maiteibathopa. Baxota xanepanaeya bota. <sup>35</sup> Bapoxonae baya poxonae  
juntucuru Samaria nacuapin ponaenaba, pita ainya paratixi. Bapoxonae cata pontha  
pon bo pexeinaein. Samaria nacuapin barai pontha pon bo pexeinaein: ‘Barapon beta  
xanepanaya bore. Icha paratixi seicanaya, equeicha bexa cacatsinchi poxonae caewa  
denan tsane’, jei Samaria nacuapin, jei Jesús.

<sup>36</sup> Equeicha Jesús namchi, jeye: “Barapo acoibi poyobe jiwana, ¿jintam yabara cananta  
xeiname xua wuna exana xua peantobexaetsi pon waetabatsi pomonae jiwi pecaibiwi,  
yawa xua batsino?” jei Jesús.

<sup>37</sup> Pon jiwi pecuidubin Moisés pia peitorobi coyene tatsi, bapon Jesús jume notatsi,  
jeye:

—Pon xua yabara najuntu coyene xeinanareca xua peyawenaenexa, jei bapon.

Jesús jume nota, jeye:



—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

*Meje yabara poxonae Jesús, Marta yawa María siwa poinchibe*

<sup>38</sup> Jesús pijimonaec cataunxuae baru ecapona namtotha Jericó tomara beya baru pona. Pijimonaec baru patopa tsica tomariyotha ichaxota petsiriwa popona powa pewan Marta. Barapowa Jesús matenta weyataeya wabatsi pia botha. <sup>39</sup> Marta peyapiyo nantahta powa pewan María. Barapowa María Jesús caquita ecatsi xua Jesús pejume taenexatsi pocotsiwa paeba. <sup>40</sup> Ichitha Marta enatsi pia penacuichiwa xua Jesús tsixanatsi pexaewa xuano xua pijimonaec tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bu neyawena, jei Marta.

<sup>41</sup> Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa. <sup>42</sup> Saya cae coyene ainya cui xua xam nantawenoname pocotsiwa xua María exana xua barompaya itapeta xua wunaec exana poxonaec nejume tayeca. Jiton dapocotsin aibi xua pon María juntta coyene weaichurubenaec exainchi xua nejume tayeca, jei Jesús.

## 11

*Meje yabara poxonaec Jesús pijimonaec yabara cuiduba xua Nacomtha petsipaebiwa (Mt 6.9-15; 7.7-11)*

<sup>1</sup> Caentacabi Jesús tsipaebauya Nacom ichawatha. Jesús najume weta, bapoxonaec pijimonaec tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimonaec cuiduba, jei bapon.

<sup>2</sup> Jesús barai barapomonaec, jeye:

—Poxonaec Nacom patsipaebame, pajande:

‘Pata Taxam xam ponxaem peitabocotha athabeicha neecaein.

Barabu daxita jiwi cabaru cui itura jina nejuntta coyene wunaewa nexainaexae.

Barabu jopaena matakabi po matakabi xua poxonaec xam jiwi itorobiya canamataxeinaename barapo cae pin nacuathe.

<sup>3</sup> Daxita matakabin pexaewa pana catsibeibare po pexaewa daxita matakabi pata canantawenonaewa.

<sup>4</sup> Pana neyabara cui cana juntemainare xua abe pata catsita exanaewatsi.

Bapoxonaec pana neyabara cui cana exanare xua jopa equeicha pata catsita natsicuentisiwatsi

tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan

xua ichamonaec jopa pana netsita natsicuentisiyo xua abe pata tanetsita exanaewa.

Jopa pana copatsinde xua abe pata exanaewa

tsane poxonaec jiwi pana nejuntta coyene

jajuta xua abe pata exanaewa tsane’,

pajande poxonaec Nacomtha patsipaebame, jei Jesús.



apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

<sup>21</sup> “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi.

<sup>22</sup> Ichitha icha ichun patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomuxu pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

<sup>23</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowuntsiwa tsane. Barapomonae jopa neyawenaeyo xua ichamonae nenacaetutsina tajiwiwimonaexae tsane”, jei Jesús.

*Meje yabara poxonae Jesús yabara paeba cauri xua caewa nauyata pebintha (Mt 12.43-45)*

<sup>24</sup> Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. <sup>25</sup> Poxonae caibeya pona cauri caxina, pebin caxinatsi xua xanepanaya popona. <sup>26</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe, beyacaincha bapon pon copiya. Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

*Meje yabara poxonae Jesús yabara paeba po coyene pepa pejuntu coyene weiweinaewa*

<sup>27</sup> Poxonae Jesús cataunxuae cueicueije tsuncuae barapo diwesi, baxota pin bicheitha petsiriwa jume daunwei wawai Jestusta, jeye:

—¡Maisa ena juntu coyene weiweina powayo xua bayatha caexana yawa xua mito caapatano! jei petsiriwa.

<sup>28</sup> Ichitha Jesús barai petsiriwa, jeye:

—¡Bequein barichi, jame yatsicaewa juntu coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

*Meje yabara poxonae pomonae peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa*

*(Mt 12.38-42; Mr 8.12)*

<sup>29</sup> Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajuntucoyenebe jiwi. Barapomonae necui itoroba xua bepa pinae tsita exanaein tatsita itutsi coyenewa xua pexeinya coyenewa. Ichitha jopa exanaein tsane icha tatsita itutsi coyenewa xua pexeinya coyenewa, saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. <sup>30</sup> Caena bayatha Nínive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonae anoxuae jinompa barapomonae neyaputane po coyene xua xan Nacom neitorobica peitaboco wetsica. <sup>31</sup> Matabi patopeicaena po matabitha Nacom yabara paebina jiwi xua penatsicuentsiwa daxita peperaxa exanaenexa xua abe peexanaexae. Barapo mataqueitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueije tsane pomonae xua anoxuae jinompa

poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajuntꞫcoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina poxoru bapowa bayatha tajꞫ werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara. <sup>32</sup> Barichi barapo matabitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha juntꞫ coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntꞫ coyene paxeinaem. Nama apara xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha”, jei Jesús.

*Meje yabara poxonae Jesús yabara cuiduba jiwi po coyene xanepanaya peexanaewa pejuntꞫ coyene wetsina*  
(Mt 5.15; 6.22-23)

<sup>33</sup> Jesús namchi jiwitha jeye: “Jiton dapon aibi pon pecoicha cueicha exana xua quirei pebꞫꞫ pana wetsina, yawa xua cueicha matacateta cajatha. Jume, jame, asiya cueicha exanatsi xua pecoicha taenexa pomonae jojoneibarena. <sup>34</sup> Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wꞫnae bara beta pataneme. Ichitha icha painya itacuereton abe jopa beta pataetsipaem. BarichirꞫ painya juntꞫ coyenewan xua painya nenanta xeinaewan. Icha painya juntꞫ coyenewan xanepanaetsipa bara beta Nacom payabara najuntꞫ coyene xeinaetsipame. Ichitha icha painya juntꞫ coyenewan jopa xanepanaetsipae jopa beta Nacom payabara najuntꞫ coyene xeinaetsipaem. <sup>35</sup> Painya juntꞫ coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapeichipame. Barichi pam, painya xoba pajinompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame. <sup>36</sup> Icha painya juntꞫ coyene wꞫnae, xuano xua jopa paxeinaem peabe coyenewa painya juntꞫ coyenewa, bara xaniwaicha Nacom payabara yaputaneme icha poxonae pecoicha paca cana ichi xua beta pataneme”, jei Jesús.

*Meje yabara poxonae Jesús muxuweta jiwi fariseomonae irꞫ pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*  
(Mt 23.1-36; Mr 12.38-40; Lc 20.45-47)

<sup>37</sup> Poxonae Jesús najume weta, fariseomonae jiwana pin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha. <sup>38</sup> Fariseomonae najuntꞫ coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonae xane icha judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha

natsicuentisipa. <sup>39</sup> Nexata Jesús pon Pecanamataxeinaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperu iquicame. Daichitha bupana iya painya juntu coyenetha pecaibi coyene paxename, peuwi coyeneno paxename. Be barapocotsi jiwi pam, pocotsimona coroton saya matawacaicha iquica yawa paratonno, ichitha atutuxuira bichocono. <sup>40</sup> Jopa peyaputae jiwi pam. Nacom exana wapepon yawa exana wajuntu coyenewa. ¡Baxua payaputanemeba! <sup>41</sup> Xua xoxi paxeineibame matha abu copiya pajiwana tsabeibare pomona peacopeibiwi nexa. Bapoxona xua xoxi nacopabeiba baxua panata copabeibare. Icha bara paichim tsane, bara xaniwaicha pajuntu coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitutha xua be panatsicotaneme pocotsi pebin pejuntu coyene wunaein.

<sup>42</sup> Equeicha Jesús namchi, jeye: “¡Paxam fariseomonaepiwi pam tsobena, xua peperaxa peru jubuwa bexa paxeinaename! Daxita xua painya neubiwa Nacom pacatsibeibame caewaxi poxona diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Matauta ichamona jopa xapain pata exanaem. Bewa paexanaem xua Nacom pacatsibeibame caewaxi poxona diez xoyobe paxename. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

<sup>43</sup> Bapoxona Jesús fariseomona baraichi, jeye: “¡Paxam fariseomonaepiwi pam tsobena! Bexa paxeinaename xua peperaxa peru jubuwa. Paxam paichichipeibame xua painya nenanta caeneibiwa pexinya peenaewantha judiomona pia penacae-tutsi botha po peanaewan ichaxota enathopeiba pomona ainya cui penaexanaewi. Matautano paichichipeibame xua jiwi paca wuna jainteiba poxona paca jacoba namtotha, xua jiwi painya nepaca baru itura jinaenexa”, jei Jesús.

<sup>44</sup> Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobena! ¡Iru fariseomona pam tsobena! Poxona jiton ba pona namtotha jopa tsaqueinaeyo xua jiton piwa baxoyo bocareca matha deca, xua peayeiwa poxoru jopa wunaeyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya juntu coyenetha pananta xeiname xua abe xua jopa pecui wunaewiyo”, jei Jesús.

<sup>45</sup> Nexata pomona jiwi pecuidubiwi Moisés pia peitorobi coyene tatsi, barapomona jiwana caein bapon Jesús baraichi, jeye:

—Jiwi Necuidubin, poxona baxua paebame, apara iru pana neyabara jam poxona catsawiya paebame, jei.

<sup>46</sup> Nexata Jesús jume nota, jeye:

—¡Iru paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamona paitorobame xua capona pocotsiwa arewe pocotsiwa jiwi bapana jopa itacupaetsi xua pecaponaewa, ichitha paxam jopa pata yoichaem, matauta bara cae cobesityo jopa pata yoichaem. Jiton ba itoroba ichantha xua pecapon-aenexa pocotsiwa jopa juniya arewiyo, xua pocotsiwa jopa itacupaetsi xua pecapon-aewa pon itoroba. Bara paichim paxam ichamona pacuidubame xua jopa itacupaetsi xua peexanaenexa baxuan xua pocotsiwa iru xua jopa paca itacupaeyo xua painya neexanaewa baxuan.

<sup>47</sup> “¡Paxam patsobenaem! Paxam petupaewi pomona Nacom peitorobi jume pepae-biwi payamutha acabame boutixi bequein painya amo susato jiwi juteba barapomona. <sup>48</sup> Poxona baxua paexaname, ichamona patsita itapeinya xeiname xua paxam bara iru paichichipameru pocotsiwa xua painya amo susato jiwi juteba xua barapomona pomona Nacom peitorobi jume pepaebiwi jutebatsi. Daxota barapo petupaewi payamutha acabame boutixi.

<sup>49</sup> “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi iru pomonae taitorobiwi. Ichamonaetha pomonae taitorobi jume pepaebiwi jutebinchi. Ichamonaetha pomonae taitorobi jume pepaebiwi abe exanaeinchi. Ichamonaetha, pomonae taitorobiwi jutebinchi. Ichamonaetha, pomonae taitorobiwi abe exanaeinchi’, jei Nacom peyaputae jumetha”, jei Jesús. <sup>50</sup> Equeicha Jesús namchi, jeye: “Pomonae anoxuae jinompa Nacom cana exanaena xua barapomonaetha peraxa jubebinchi petsitaxaetsi xua barapomonaetha penatsicuentisiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonaetha Nacom aena forota barapo cae pin nacue. <sup>51</sup> Painya amo susato jiwi jujutebapona xua pomonae pejuntu coyene xeicae jiwi jutebatsi. Copiya matha Abel bexotsi beya poxonaetha iruru Zacarias bexotsiru. Barapon Zacarias pabexubame Nacom pin pia botha ichaxota xua barapo bo tututha naitama taeuncuabe xua be pexaethopaewa xua ichaxota duwei tauteiba Nacom nexa iru ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompage paca peraxa jubebina tsipei Nacom patsitame xua paxeiame penatsicuentisiwa xua painya amo susato jiwi pejutebixae barapomonaetha”, jei Jesús.

<sup>52</sup> Equeicha Jesús namchi, jeye: “iPaxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyo. Paxam jopa pajume cowantsim Nacom matauta jopa pacopatsim xua ichamonaetha iru pejume cowantsiwa Nacom”, jei Jesús.

<sup>53</sup> Poxonaetha Jesús baxua paeba poxonaetha cataunxuae jopa natsixatabiyo, fariseomonaetha iru pomonae jiwi pecuidubiwi Moisés pia peitorobi coyene, daxita barapomonaetha Jesús bichocono casebatsi. Barapomonaetha Jesús muxu fayacotatsi xua yainyabatsi nawita, peamuxuconae exanaenexa tsainchi. <sup>54</sup> Barapomonaetha Jesús piraichi matowa yainyabatsi peyaputaenexa icha Jesús ajumebeyu jume bara botsina.

## 12

*Meje yabara poxonaetha Jesús yabara cueicueijeji jiwitha xua fariseomonaetha itara beta paeba ichitha jopa xapain exanaeyo*

<sup>1</sup> Poxonaetha cataunxuae Jesús cueicueijeji tsuncuae, bapoxonaetha ayei jiwi nacaetutapona Jesthathu. Jiwi nataxu taxunaunaba. Jesús tamropata pitaba xua cueicueijeji jiwitha. Copiya matha Jesús pijimonaetha tsipaeba, jeye: “Dota pam jopa pajume naitawatsinde fariseomonaetha pia pecuidubi coyenewa tatsi xua painya nejume cowantsiyainwa. Barapomonaetha itara beta paeba ichitha jopa xapain exanaeyo. <sup>2</sup> Daxita diwesi xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonaetha bexa yaputaeponaena baxua. <sup>3</sup> Paxam xua po diwesi merawi nameicha pana natsipaebame, barapo diwesi ichamonaetha mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonaetha panatha paca jume canawabiya wawai tsane”, jei Jesús.

*Meje yabara poxonaetha Jesús yabara paeba xua pontha bewa ba jiwi cuitaya cunuwina (Mt 10.26-31)*

<sup>4</sup> Equeicha Jesús pijimonaetha barai, jeye: “Tamonae paxam paca tsipaebatsi jopa pacuitaya cunuwinde pomonae xua itacupatsi xua paca necajutebiwa xua meisa painya pepontha. Ichitha barapomonaetha jopa itacupaetsi xua equeicha paca jumopein tnanaxu jutebina. <sup>5</sup> Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacupatsi xua painya nepaca bebaiwa pin isototha po pin isototha jopa bapana itacounayiyo xua weraweraca painya nepaca

exanaenexa painya pepon. Xaniyan paca tsipaebatsi bewa jame pacunuwim bapon Nacom.

<sup>6</sup> “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara jantemainaeyo siri, matautano caeyono jopa yabara jantemainaeyo. <sup>7</sup> Iru daxita painya nentanan Nacom daxita matapaeicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomona peyabara paebiwichi ichamona peitabaratha tatsi*

*(Mt 10.32-33; 12.32; 10.19-20)*

<sup>8</sup> Equeicha Jesús namchi pijimonaetha, jeye: “Yabara paca tsipaebatsi pomona xua nayopita ichamonaetha, pomona xua najei: ‘Apara paxan Jesús pijimona tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomona apara tana nejume cowantsiwi, jan tsane xuya barapo Nacom pia matatsunpiwi tatsi peitabaratha tatsi. <sup>9</sup> Ichitha pomona xua neyabara jei ichamonaetha: ‘Jopa dapon payaitaeinyo’, jei, xan ponxaein Nacom Tananeitapetsin xuya barapomona yabara jan tsane Nacom pia matatsunpiwi peitabaratha tatsi: ‘Apara barapomona jopa yaitaeinyo’, jan tsane.

<sup>10</sup> “Xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara jantemainaewatsi pocotsiwa bapon abe neyabara paeba. Ichitha pon nama Nacom pia Pejumope tñaxa tatsi bichocono abe yabara paebatsi Nacom jopa bapana yabara jantemaina bapon.

<sup>11</sup> “Paca caponaena judiomona pia penacaetutsi bontha ichaxota nacaetuteiba pentacaponawí. Paca caponaena pomonaetha pomona peyabara paebi jiwi xua penatsicuentsiwa xua abe peexanaexae yawa tomara pia pentacaponawí peitabaratha tatsi paca caponaena. Poxonae baxua paca exanaena, jopa payabara najantú coyene exabinde pocotsiwa xua painya nejume notsiwa xuano xua painya netsipaebiwa tsane barapomonaetha. <sup>12</sup> Poxonae juntucuru pacaunutsiya paebiname, bapoxona Nacom pia Pejumope tñaxa tatsi paca tsijume dubina pocotsiwa painya netsipaebiwa tsane”, jei Jesús.

*Meje yabara poxonae Jesús pijimona yabara tsipaeba pon copei pexeinaein*

<sup>13</sup> Caein pin bicheitha, bapon Jesús baraichi, jeye:

–Jiwi Necuidubim, taeweicho inta itorobare bñ necata xua tawa xua taxa pecopiniwa xua xuan taxa bayatha pana nejantana jeba, jei.

<sup>14</sup> Jesús jume epa pita, jei:

–Maisacai, apara dapon aibi pon necana exana xua xan tapaca yabara paebiwatsi xua painya nenatsicuentsiwa xua abe painya neexanaexae. Matautano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca jantana jebeiba painya axa, jei Jesús.

<sup>15</sup> Yawa Jesús namchi, jeye:

–Dota xua asiwiya paantobem xua xoxi paxeiname. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

<sup>16</sup> Nexata Jesús tsipaeba jiwitha pecayabara jata pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita.

<sup>17</sup> Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei. <sup>18</sup> Pia coutha najume nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan. <sup>19</sup> Nexata najantú coyene baran tsane: Bara daxita xeiname ainya wei dapaein nexa. Nafinacaecare, xaibare, apeibareno, jantú coyene weiweineibare’, najei xua

najuntũ coyene barai pon copei pexeinaein. <sup>20</sup> Ichitha pon copei pexeinaein Nacom barai bapon, jeye: ‘Pebin pon jopa xapain nenanta xeinaem, methaunxuae anoxuae merawi tũpaename. Daxita baxuan xua yabo notame, ¿jintam metha piawa tsane?’ jei Nacom. <sup>21</sup> Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejuntũ coyene tatsi tsocuae xua Nacom jopa pejume cowantsixaetsi”, jei Jesús.

*Meje yabara poxonae Jesús yabara cuiduba po coyene xua Nacom eena pijimona*  
(Mt 6.25-34)

<sup>22</sup> Bapoxonae Jesús pijimona tsipaeba, jeye: “Paca tsipaebatsi, jopa bichocono payabara najuntũ coyene exabinde pexaewa xua painya neuna jinompaewa tsane. Barichi jopa bichocono payabara najuntũ coyene exabinde papabũrũ xua painya pepon nexa. <sup>23</sup> Pocotsi asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha papabũrũ xua pepon nexa. <sup>24</sup> Uni payabara yaputaema. Bapomona jopa ubiyo rabitha. Mataũtano jopa jotsiyo pocotsiwa penawetsiwa. Jopa xeinaeyo botũxũn xua pejebinexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi. <sup>25</sup> Dapon aibi pon paxam jiwana pon itacũpatsi xua xeinaena icha matabi xua po matabitha pepoponaewa tsane poxona tũpaena. Bequein bapon nayabara nantũ exaba nawita baxua, ichitha jopa itacũpaetsi xua xeinaena caentacabi equeicha. <sup>26</sup> Icha jopa paca itacũpaeyo xua paexaname xua be conotha xua caentacabi nexa, ¿eta xua metha equeicha yabara panantũ exabame ichawan xua daunwei bichocono?

<sup>27</sup> “Jame pacayabara nanta xeinare pentonon xua xuwa, xua matono itũpana. Pentonon jopa nacuichiyo yawa jopa natsiexanaeyo papabũrũ penamaxatabinexa. Ichitha paca tsipaebatsi xua pentonon matono itũpana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomona itorobiya pia pepa peewatsinchi pon bayatha tũpa. <sup>28</sup> Pentonon, po matonon wexotha anoxuae xuwa, Nacom cana exana xua matono itũpana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wũnae bara bequein saya pentonon. Barichi Nacom itacũpatsi xua beta paca neca-eenaewa xua beta painya nejinompaenexa. Mataũtano Nacom paca catsina paparuwan. ¡Maisa pebiwi pam tsobenae be conotha pajume cowũntame Nacom! <sup>29</sup> Jopa payabara najuntũ coyene exabinde pexaewa xuano xua painya neapaewan yabara. Jopa panthũthũ deideijeya jinompaeyo xua ichawa pacayabara nanta xeiname. <sup>30</sup> Tsipei barapo cae pin nacuathe jiwi, saya i baxua pecayabara najuntũ coyene exabi pocotsiwa nantawenona. Ichitha nama paxam painya Axa Nacom panantaũtame pon yaputane daxita pocotsiwa xua xoxi panantawenoname. <sup>31</sup> Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimona pomona itorobiya pecanamataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha*  
(Mt 6.19-21)

<sup>32</sup> Equeicha Jesús namchi, jeye: “Tamonae pomona be ovejamona pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimona tatsi jiwana pam pomona pejume cowũntsiwichi pomona itorobiya pecanamataxeinaexae. <sup>33</sup> Pacaenaere xua paxeiname. Barapo paratixi pomona acopeibiwi pacatsibare.



Poxonae baxua paexaname, bapoxonae xuya Nacom athabeicha paca catsibina pocotsiwa xua painya nepaca jũntana jebiwá pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Mataũtano ofo jopa xaeýo pocotsiwa xua pajebame bara xoteicha. <sup>34</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

*Meje yabara poxonae Jesús yabara paeba xua pinae bewa nacui wũnaetichi*

<sup>35-36</sup> Equeicha Jesús namchi, jeye: “Pana najũntũ coyene cui wũnaere xua tapatopaewa tsane. Barapocotsi jũta coyeneya paichinde, icha pomonae petanacuichiwi ichi xua nacui wũnaeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacaetuta xua pexaenexa pexaewa poxonae pebin piowa pita. Bapon nawirena bara werena, pomonae pia petanacuichiwichixaetsi nainya tayausanaxorenatsi pecoiboto poxonae bapon patopa pia botha. Barapocotsi jũta coyeneya paichinde. Paxam panacui wũnaetsiya jinompare xua tapatopeicaewa tsane. <sup>37</sup> Poxonae bo pexeinaein patopa icha bapon tane xua pomonae pia petanacuichiwichixaetsi jopa maichiyo bapoxonae barapomonae jũntũ coyene weiweina. Bara xaniwaicha paca tsipaebatsi bapon pon bo pexeinaeinxae pia petanacuichiwichi cuareba pexaethopaewatha, bapoxonae apatsina pexaewa. <sup>38</sup> Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei wũnaeyo, ichitha barapomonae pomonae petanacuichiwi jũntũ coyene weiweinaetsipa poxonae bo pexeinaein tane xua jopa maichiyo barapomonae. <sup>39</sup> Barichi payaputaema, icha bo pexeinaein yaputaetsipa xua poxonae patopaena pon jiwi pecaibin jopa maitecaetsipae. Mataũta bapon jopa copatsipae xua pon pecaibin petajondenaewatsi pia botha. <sup>40</sup> Bara paichinde. Tawanaetha pana nacui wũnaere tsipei xan ponxaein Nacom Tananeitapetsin patopeicaein poxonae jopa tsaca payabara jinompaem tsane poxonae jopa payabara nanta xeinaem tsane xua tapatopaewa tsane”, jei Jesús

*Meje yabara poxonae Jesús yabara diwesi paeba ponbe xua bo peyapucaeaeinbe pon xua beta peexanaein, irũ xua pon jopa beta peexanaein (Mt 24.45-51)*

<sup>41</sup> Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara jũta pepaebi diwesiyo, ¿saya meisa paxan nexa? ¿Irũ ichamonae nexano? jei Pedro.

<sup>42</sup> Jesús pon Pecanamataxeinaeinxae jiwi, Pedro jume notatsi pecayabara jũta pepaebi diwesiyotha pepatopaewa tsane yabara, jeye: “Yabara catsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matabi pomonae xua inta nacuita’, jei bo pexeinaein. <sup>43</sup> Pon bo petayapucaeaein bara jũntũ coyene weiweinaena poxonae patopaena pon bo pexeinaein, petaexaetsi xua bara beta tayapucaeaca bo, xuano bara beta peexanaexae xua bo pexeinaein itoroba. <sup>44</sup> Xaniwaicha paca tsipaebatsi. Bo pexeinaein itorobina, xua pon petayapucaeaeaxaetsi bo, bapon cana exanaeinchi xua equeicha daxita piawa beta petayapu enaewatsi xua xuan xeina pon bo pexeinaein. <sup>45-46</sup> Ichitha ichacuitha pon yapucaeaca bo bapon peantũcuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonae bapon cueinta pomonae pon bo pexeinaein tanacuitatsi, pebiwi yawa petsiriwaxi. Mataũtano bapon nanabanaetsipa nawita ichamonae yawa

cupatsi nanaexanaetsipano. Bapoxonae bo pexeinaein jemeicha patopaena poxonae pon bo petayapucaeaein jopa wɥnae tsaqueinaeyo. Poxonae barapo hora tsuxubi jopa yaputaeyo yawa poxonae barapo matabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaeaein icha cana ichichi pomonae jopa pejume cowɥntsiwi.

<sup>47</sup> “Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa jabinchi xua jopa peexanaexae pocotsiwa itorobatsi. <sup>48</sup> Ichitha ichɥn pon bo yapucaeca jopa cono yaputaeyo pocotsiwa bo pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be conotha, tsipei abe exana be conotha. Pon ba be conotha Nacom yabara yaputaeinchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowɥntsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowɥntsiwa tsainchi”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowɥntsixaetsi xua ichamonae jopa pejume cowɥntsixae*  
(Mt 10.34-36)

<sup>49</sup> Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopaewaxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto! <sup>50</sup> Xan barichin tsane daxita matapaeicha aperaxatanein tsane poxonae tɥpaein. Awiya bichocono anthɥthɥrewein xua beya baxua inta exanaena. <sup>51</sup> ¿Pananta xeiname xua xan apara patopan xua jiwi jɥntema pejinompaewa tsane? Apara aibi, jopa baxua tsipatopaeinyo. Apara jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane. <sup>52</sup> Anoxuae, yawa bexa tsane cinco poyobe cae matabɥxɥyo xua bomɥxɥtha jinompa barapomonae nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabɥxɥyobe naita aenae-aenei tsanebe. Baxua exanaena xua ichamonae tana nejume cowɥntsi jiwixae xua irɥ ichamonae jopa tana nejume cowɥntsixae. <sup>53</sup> Coxiyan pexanto ita aenae-aenei tsane. Coxiyan xuya pexanto ita aenae-aenei tsainchi. Coxiwa pexantiyo ita aenae-aenei tsane. Coxiwa xuya pexantiyo ita aenae-aenei tsainchi. Irɥɥ pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

*Meje yabara poxonae Jesús diwesi paeba xua jiwi itaboco tane peitaboco yaputaenexa*  
(Mt 16.1-4; Mr 8.11-13)

<sup>54</sup> Yawa Jesús barai jiwitha, jeye: “Poxonae tsaquinaebowa pataneme xua pocotsiwe wejopeine: ‘Ema dawa jopeina’, pajam. Jopa jume bara duneica. <sup>55</sup> Poxonae joibo jopa: ‘Wei imoxoyo’, pajam. Jopa jume bara coicha jopa. <sup>56</sup> Itara mexeya pexeinya jɥntɥ coyene paxeiname ichitha peajɥntɥcoyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matabi. Ichitha jopa payabara yaputaem xua bequein peitɥpanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

*Meje yabara poxonae Jesús paeba xua ichɥn jɥntɥ cui xanepanaya jɥntema popona cana exana xua pon peitafaetabixaetsi*  
(Mt 5.25-26)

<sup>57</sup> Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha wɥnae painya neexanaewa? <sup>58</sup> Icha

ichan bepaca itoroba paca necaponaenexa pontha pon jiwí peyabara paebin xua penatsicuentsiwa xua abe peexanaexae nexata bapon patsipaebare poxonae cataunxuae namtotha paca baru ecapona xua painya nenaita coxone exanaenexa. Xain bapoxonae bapon jopa paca caponae tsane pontha pon jiwí peyabara paebin xua penatsicuentsiwa xua abe peexanaexae. Tsipei icha bapon bara beya paca caponaetsipa, bapoxonae pon jiwí peyabara paebin xua penatsicuentsiwa xua abe peexanaexae equéicha dabeya policiamonae beya paca itorobichipa. Bapoxonae nama policiamonae jiwí pecubi bo beya paca itorobichipa. <sup>59</sup> Bara xaniyeya paca tsipaebatsi. Paxam jopa paca pu copabi tsane jiwí pecubi bo weya, beya abu poxonae panatsipu matomacaename daxita paratixi cuntha po paratixi xua paxeiname”, jei Jesús.

## 13

*Meje yabara poxonae Jesús yabara paeba xua ainya cui xua icha juntu coyene pex-einaewa Nacomtha*

<sup>1</sup> Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa xua petuxusi exanaenexa Nacom nexa. Ichitha poxonae cataunxuae baxua exanompa Galilea nacuapiwi pon Galilea nacuapiwi peyanacua ewatsinchi, pon pewun Pilato poxonae bapon baxua jume taeba, xua Galilea nacuapiwi exanompa Nacom pin pia botha, bapoxonae bapon pia soldadomonae itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwí jana cae jana naexananaya, jei barapomonae.

<sup>2</sup> Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonae abe peexanaewi pomonae jinompa Galilea nacuatha? <sup>3</sup> Apará aibi. Icha jopa Nacom patsita xeinaem icha juntu coyene, bara paichipaem, paca weraweraca exanaetsipa. <sup>4</sup> Ichacuitha metha pacui cananta xeiname pomonae dieciocho poyobe, pomonae bayatha bomaxutha mata perababatsi xua po botha bichocono taicha po bo pewun Siloé. ¿Barapomonae mata tsapababatsi bichocono abe peexanaexae beyacaincha pomonae jinompa Jerusalén tomaratha? <sup>5</sup> Apará aibi. Icha Nacom jopa patsita xeinaem icha juntu coyene, paxam bara paichipaem paca weraweraca exanaetsipa”, jei Jesús.

*Meje yabara poxonae Jesús yabara paeba higuera nae xua po diwesi pecayabara juta pepaebi diwesiyo*

<sup>6</sup> Nexata Jesús tsipaeba pecayabara juta pepaebi diwesiyo. Bapon namchi, jeye: “Matha iruru pebin higuera nae xeina po nae ubanota pia pabitha. Barapo pebin pia pabitha pona pia taetsi icha yacuei dubena. Ichitha poxonae tane jopa yacuei dubenaeyo. <sup>7</sup> Nexata pon pabi pexeinaein tsipaeba pontha pon pabi petayapu eenaeinchi, namchi, jeye: ‘Taema acoibi po weibe pabitha poneiban tha bequein taibichi pethei ichitha jopa yacuei dubeneibiyo. Uncataxore. Jopa ichichipaeinyo xua came barapo nae saya uncua ichaxota ubanotinchi icha nae, po nae penacoichi nae’, jei pon pabi pexeinaein poxonae tsipaeba pon pabi petayapu eenaeinchi. <sup>8</sup> Ichitha pon pabi petayapu eenaein jume nota: ‘Tanentacaponae, abu barapo nae uncuaena barapo weithe. Tha yaira tabaca nacuenacuena exanaetsi paraparatotha, bapoxonae duwei petasin jebarecaetsi petabaca deca. <sup>9</sup> Metha bapoxonae matono dubenaetsipa icha weitha. Icha jopa matono dubenae tsane icha weitha nexata moya beuncataxotsi’, jei pon pabi petayapu eenaein”, jei Jesús.

*Meje yabara poxonae Jesús axaibi exana yabuyoy pentaquei seicae matabitha powayo naepasi xurutsiya pona*

<sup>10</sup> Caentacabitha judiomonae barompaya pia pentaquei seicae matabitha tatsi Jesús cuidubauya Nacom Pejume Diwesi judiomonae pia penacetutsi botha tatsi. <sup>11</sup> Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua juntucuru epasi boipana ajibi. <sup>12</sup> Poxonae barapowa Jesús tane, Jesús waba barai, jeye:

—Yabuyo anoxuae jopa neraichiwa, bayatha wunaem, jei Jesús.

<sup>13</sup> Nexata barapowa Jesús pecobetha jayaba. Bapoxonae yabuyo epasi naroitaba yawa barapowa wuna jainta, Nacom wuna jaintatsi. <sup>14</sup> Ichitha pon pecanamataxeinaein judiomonae pia penacetutsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara iru seis po matabibe xua be cae semanatha tsoponeibi xua barapo matabintha benacuitatsi. Jame barapo seis matabintha moya papare xua axaibi painya nepaca exanaewa tsane. Nama jopa papatsinde pentaquei seicae matabitha, jei bapon pon pecanamataxeinaein judiomonae pia penacetutsi bo tatsi.

<sup>15</sup> Bapoxonae Jesús jume nota, jeye:

—Itara mexeya pexeinya juntu coyene painya nexeinaewi ichitha peajuntucoyenebe jiwi pam. Ichitha paxam iru panacuitame pentaquei seicae matabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matabitha. <sup>16</sup> Barapowa powayo Abraham pia pemomoxi susatopiwi jiwawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota iruru barapowa xan axaibi exanan pentaquei seicae matabitha, jei Jesús.

<sup>17</sup> Poxonae Jesús baxua caunuta, bapoxonae pomonae Jesús pia peitafaetabiwichi aura tsumenae. Ichitha daxita jiwi juntu coyene weiweina petaxae xua Jesús pexeinya pewunaewa exana.

*Meje yabara poxonae Jesús cuiduba pecayabara juta pepaebi diwesiyo po peubi xutiyo pewun mostaza xutiyo*

*(Mt 13.31-32; Mr 4.30-32)*

<sup>18</sup> Equeicha Jesús namchi, jeye: “Poxonae Nacom waba jiwi petanaexanaenexatsi pijimonae tatsi, pomonae itorobiya peewatsixae, zeta po coyene nacoyene jurabe? zeta xua paca cuidubinchi xua baxua yabara? <sup>19</sup> Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoponae. Pepinnaexae daxota siri exana coton pemaxuranantha. Icha mostaza xutiyo ichi xua beya pin nae tsoponae, bara juta ichi Nacom pejume cowantsiwi. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba pecayabara juta pepaebi diwesiyo xua levadura yabara xua pan cotowa exana*

*(Mt 13.33)*

<sup>20</sup> Barichi Jesús namchi, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae nae-naexanapona. zeta po coyene nacoyene jurabe? <sup>21</sup> Barapo coyene bara juta ichi icha levadura matawan ichi, pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauwentaba levadura matawan pocotsiwa xua cotowa exana pan. Bapoxonae pentubu naexananaya, cocotowapona tsipei levadura matawan muxunaxuba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

*(Mt 7.13-14, 21-23)*

<sup>22</sup> Poxonae Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano. <sup>23</sup> Pomonae Jesús cuiduba barapomonae caein jiwana Jesús yainyabatsi, jeichichi:

—Patatanecanamataxeinaem, ¿saya tsiquimonaeyo pomonae capanenebiyatsi? jeichichi Jesús.

Nexata Jesús namchi jiwitha, jeye:

<sup>24</sup> —Bequein bichocono ayapube xua naexana Nacom pijimonae pomonae Nacom itorobiya ewata, ichitha bichocono pajujare xua panaexaname Nacom pijimonae tatsi. Baraxua be poxonae pin bicheitomonae ichichipa xua pejojondenaewa tsica boupayo dena. Bichocono ayapube. Bequein barapomonae ichichipaena xua pejojondenaewa tsane ichitha jopa itacupae tsainchi. <sup>25</sup> Barapoxonae matakabi jopaena po matakabitha poxonae pon bo pexeinaein pecoiboto daunwei exanaena. Paxam pomonae aisowatha paumename pecoiboto padacadacatsiname, pajam tsane: ‘Patatanecanamataxeinaem, painta coibo saranaxorena bomuxu’, pajam tsane. Ichitha bapon paca jume notsina. Jei tsane: ‘Bu canta jopa paca yaitaetsi xua jopa paca yaputaetsi xua ichaxota werena painya neponaewi’, jei tsane. <sup>26</sup> Paxam pajam tsane: ‘Bara cain bayatha paca baru xainchiba yawa paca baru apatsiba, yawa bayatha jiwi cuidubameba namtotha pata tomaratha’, pajam tsane. <sup>27</sup> Ichitha Nacom pon painya Nepacacanamataxeinaein paca jume notsina: ‘Aunxuae bayatha paca baraichiba: Bu canta jopa paca yaitaetsi. Jopa paca yaputaetsi xua ichaxota werena painya neponaewi’, jan. ‘Taxainya weya panatsixibarucupare. Aparaxam peajuntucoyenebe jiwi pam, xua abe painya neexanaewi’, paca jei tsane. <sup>28</sup> Barapoxonae pataename xua Abraham, iru Isaac, iru Jacob, iru daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasinaename poxoru paca bebai tsane Nacom pia peitorobi nacua weya. <sup>29</sup> Poxoru pinmonae patsina, Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Ichamonae pomonae ena pocotsiwa bereca, barapomonaepiwi patsinano. Ichamonae pomonae pocotsiwa beweyabeicha ena, barapomonaepiwi patsinano. <sup>30</sup> Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe barapomonae Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomarapiwi siwa wecoyeichi  
(Mt 23.37-39)*

<sup>31</sup> Barapoxonae fariseo jiwana monae pata. Jesús tsipaebatsi. Jeichichi:

—Bewa warapaetsipame barapo tomara weya. Dota bepa Herodes cabexubei, jei.

<sup>32</sup> Ichitha Jesús jume nota, jeye:

—Paponare painya netsipaebinexa pon jiwi pemuxujainyabin, bapon Herodes. Pana nejume yopire pajande: ‘Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin’, jei pajande. <sup>33</sup> Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonae popobaya patopiyaen Jerusalén tomaratha. Jopa tana neitacupaexae xua tatupaewa taju Jerusalén tomara pepuya beya ponxaein Nacom peitorobi jume tapaebin. Bewa tupaen Jerusalén tomaratha, jei Jesús fariseomonaetha.

<sup>34</sup> Bapoxonae Jesús yabara unthathu wecoyei Jerusalén tomarapiwi. Jesús wecoyeya namchi, jeye: “iMaisa Jerusalén tomarapiwi pam, pajutebeibame pomonae Nacom pia

peitorobi jume pepaebiwi! ¡Matautano paxam pajutebeibame ibotontha pomonae Nacom pacata itoroba! ¡Maisa bepaca caetucaetuteibinchi, tapaca cayawenaewa tsainchi, icha wacara ichi poxonae nacoxi caetucaetuteta pecuarafetha! ¡Maisa bebarichocuaein tsane daichitha jopa paichichipaem! <sup>35</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya abũ poxonae pana neyabara jam tsane: ‘¡Maisa bapon jiwi jũntũ coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 14

### *Meje yabara poxonae Jesús axaibi exana pon perũ putsuna*

<sup>1</sup> Caentacabi pentaquei seicae matakabitha Jesús pona fariseomonaetha pia pentacaponae tatsi jiwana pin pia botha tatsi penabanaenexa. Baxota fariseomonaetha ichamonaetha Jesús amanayabiya tainchi pecui yaputaenexa tsainchi xua exana. <sup>2</sup> Iru baxota pebin patopa ichaxota Jesús naeca. Barapo pebin pon perũ putsuna. <sup>3</sup> Nexata Jesús yainyaba pomonae jiwi pecuidubiwi Moisés pia peitorobi coyene, yainyabano fariseomonaetha, jeye:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae matakabitha jampa? ¿Ichacuitha metha jopa yabara copatsiyo jampa? jei Jesús.

<sup>4</sup> Ichitha barapomonaetha moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa. <sup>5</sup> Jesús tsipaeba, barapo fariseomonaetha, jeye:

—Paxam panantawenoname xua panacuitame pentaquei seicae mataqueitha xua poxonae pajutsiname painya nexanto xua poxonae butecatsi irũba bueyno bara bequein pentaquei seicae matakabi, jei Jesús.

<sup>6</sup> Barapomonaetha jopa itacũpaetsi xua Jesús pejume notsiwatsi.

### *Meje yabara poxonae Jesús yabara paeba pomonae pexaewa petsiwabiwichi penabanaenexa poxonae pebin piowa pita*

<sup>7</sup> Nexata Jesús tsipaeba barapomonaetha pecayabara jũta pepaebi diwesiyo pomonaetha pomonae xua pata penabanaenexa. Baxua tsipaeba poxonae tane xua barapomonaetha nanta caeniya, copiya penabanaenexa. Jesús namchi barapomonaetha, jeye:

<sup>8</sup> —Poxonae ichũn cawaba jinya nenabanaenexa tsane, jopa nantacaecaeinde ichaxota enothopeiba pomonae peainya cui jiwi. Poxoru metha irũũ patopaetsipa pon bichocono jiwi tsita ainya cui chi pon beyacaincha xam. <sup>9</sup> Pon xua cawaba, irũ xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua paca mata canabane. Nexata icha muxunenetha uranaya ecoundecaetsipame. <sup>10</sup> Daxota poxonae cawaba nenabanaenexa, cotacaya ecareinca necajeinexa poxonae patopa pon paca mata canabane: ‘Tajiton, icha muxunenetha ecare ichaxota xaiba pomonae jiwi tsita ainya cui naexanatsi’, jei. Bapoxonae pomonae pata xua penabanaenexa barapomonaetha cayaitaena xua xam pon jiwi tsita ainya cui naexaname. <sup>11</sup> Pon pia coutha peainya cui jiton naexana pejuũtũ coyenetha, Nacom exanaena xua bapon pecui pawĩ jiton naexanaena. Ichitha pon xua pepawĩ naexana pejuũtũ coyenetha Nacom exanaena xua bapon peainya cui jiton naexanaena, jei Jesús.

<sup>12</sup> Yawano Jesús barai pontha pon pexaewa petsiwabixaetsi, jeye:

—Poxonae pexaewa tsiexaname yawano ichacuitha xua poxonae pin penabanaewa tsiexaname, jopa wabinde jinya jiwimonae penabanaenexa. Iru jopa wabinde ewe-ichomonae iru jinyamonae iru pomonae copei pexeinaewi. Poxoru barapomonae pentoma exanaetsipa xua xuya catsi wabichipa penabanaewa. <sup>13</sup> Jame maisa poxonae jiwi pexaewa tsiexaname yawano ichacuitha pin penabanaewa tsiexaname, wabare pomonae peacopeibi jiwi. Yawa wabare pomonae jopa peainya cui jiwi, iru pejayujayu-jei jiwino, iru pomonae peitata nacutsi jiwino. <sup>14</sup> Baroxonae juntu coyene weiweinaename. Barapomonae jopa itacupaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonae jiwi asu exanaeinchi pomonae pejuntu coyene wunaewa jiwi, xuano xua exana pocotsiwa Nacom itoroba, jei Jesús.

*Meje yabara poxonae Jesús cuiduba pecayabara jata pepaebi diwesiyo xua pin penabanaewa peexanaewa tsane*  
(Mt 22.1-10)

<sup>15</sup> Poxonae baxua jume tane, pomonae xua xayena, barapomonae caein jiwana Jesús baraichichi, jeichichi:

—jPon xua nanabane Nacom pia peitorobi nacuatheicha tatsi, bapon bichocono juntu coyene weiweina! jeichichi Jesús bapon.

<sup>16</sup> Nexata Jesús jume nota, jeye:

—Pebin pin penabanaewa tsiexana jiwi. Barapo pebin itoroba ichun, xua pewabinexa ayei bicheito. <sup>17</sup> Poxonae barapo hora tsuxubi poxonae pexaewa nacui wunaeta, bapon itoroba pia petanacuichinchi xua pewabinexatsi pomonae bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane. <sup>18</sup> Ichitha daxita barapomonae paeba xua pinae enatsi xua peexanaewa. Ichun namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>19</sup> Ichun namchi: ‘Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>20</sup> Ichun namchi: ‘Canta anoxuaetha taseuri pitan. Nexata nejume yopire pinae jopa itacupaetsi xua pepatopaewa tsane, jande’, jei. <sup>21</sup> Poxonae caibe nawiya pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonae bequein pewabixae, xua jopa pepatsixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabenaewi caponde, pejayujayujeimonae caponde, pomonae peitata nacutsi jiwi berene caponde’, jei pon pecanamataxeinaein. <sup>22</sup> Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: ‘Tanecanamataxeinaem, xua neitorobame bayatha exanan, ichitha bomuxu jopa tutu canapaxubiyo, jiwi yayatha’, jei. <sup>23</sup> Nexata bapon jume notatsi pia pecanamataxeinaeinchi: ‘Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canapaxubinexa tsane. <sup>24</sup> Catsipaebatsi, pomonae bequein waban ichitha jopa patsiyo, barapomonae jopa nabanae tsane tabotha’, jei pon pecanamataxeinaein, jei Jesús.

*Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi*  
(Mt 10.37-38)

<sup>25</sup> Pin bicheitomonae Jesús puna poinchi. Jesús napatomeicha necota, namchi barapomonaetha, jeye: <sup>26</sup> ‘Icha pebin ichichipa xua tajiwiwonae jiwana pin penaexanaewa

tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara taji-wimonaepin. Ichitha icha jopa baxua exanaeyo xua bichocono nama tana neantobewa, bapon jopa taji-wimonaeyo. <sup>27</sup> Matautano pon jopa awiya exana ducuaenaebiyayo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa taji-wimonaepinyo. <sup>28</sup> Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecubaponaenexa pomonae nacuita bo. <sup>29</sup> Ichacuitharu saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonae bo taenota. Poxonae tane barapomonae cui capona, bapon cui caponatsi. <sup>30</sup> Barapomonae namchi tsane, jei tsane: ‘Barapon tamropata pitaba bo xua acaba, ichitha jopa itacupaetsi xua pewetsiwa’, jei tsane”, jei Jesús. <sup>31</sup> Equeicha Jesús namchi: “Iru ru pon jiwi itorobiya pia pepa peewatsinchi ichichipa xua jiwi naba exana ichan beya pontha pon iru jiwi itorobiya pepa peewatsin. Poxonae bapon baxua exana, copiya nanta xeina, najei tsane: ‘Jamaisa, saya beisa diez mil po soldadomonae bicheitobe neyaewatacua, bapon netsi veinte mil po soldadomonae bicheitobe yaewatatsi. Metha tamonae jopa inta itacupaetsi xua peamanayabiwa barapo veinte mil bicheitotha xua taxainya berena ponaena’, najei tsane. <sup>32</sup> Icha barapon jopa itacupaetsi xua peamanayabiwa, bapon najume caitorobina ichantha, poxonae cataunxuae taj eca, ichan pon icha nacuapiwi itorobiya pia pepa peewatsinchi xua petapaebinexa tsainchi xua jopa penabiwa tsane yabara, xua equeicha jantema pejinompaenexa. <sup>33</sup> Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxename, jopa paca itacupaeyo xua taji-wimonaepinya nenaexanaewam”, jei Jesús.

*Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi*

*(Mt 5.13; Mr 9.50)*

<sup>34</sup> Equeicha Jesús jeye: “Sare beno, bara beno wuna. Ichitha icha barapo sare beno jopa abenataeyo, bapoxonae jopa peitacupaewatsi xua equeicha peabenataewa. <sup>35</sup> Barapo sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaeware pocotsiwa tapaca tsipaebiwatsi”, jei Jesús.

## 15

*Meje yabara poxonae Jesús paeba pecayabara juta pepaebi diwesiyo xua oveja peenaen yabara xua poxonae pia oveja taeba*

*(Mt 18.10-14)*

<sup>1</sup> Pomonae paratixi pentoma noteibiwi, po paratixi jiwi bewa catsibina pon romanomonae itorobiya pia pepa peewatsinchi nexa, iru pomonae abe peexanae cuiru coyene peexaneibiwi daxita barapomonae Jesús imoxoyo caquita umenarucupatsi xua Jesús pejume taenexatsi. <sup>2</sup> Daxota fariseomonae iruru pomonae jiwi pecuidubiwi Moisés pia peitorobi coyene tatsi daxita barapomonae Jesús abe yabara paebatsi. Barapomonae namchi, jeye:

—Barapo pebin napona pomonaetha pomonae abe peexanae cuiru coyene peexanaewi, yawa barapomonaetha nanabane, jei.

<sup>3</sup> Tsipei Jesús yabara paebatsi barapomonae, daxota nexata Jesús tsipaeba pecayabara juta pepaebi diwesiyo jeye: <sup>4</sup> “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja



pewenaweneinexa oveja pon beya matapainya taeba. <sup>5</sup> Poxonae jiton oveja taeba pon aichurucuae, j̄nt̄u coyene weiweinaya bota peutucuratha. <sup>6</sup> Poxonae jiton oveja capatopa botha bapoxonae piamonae waba pomonae petaenaewichi pia botha, pia jiwi wabano, wabano pomonae petsicuarab̄u enaewichi. Jiton daxita barapomonaetha barai, jeye: ‘Panebar̄u j̄nt̄u coyene weiweinare tsipei oveja bayatha taeban pon bayatha inta aichurucuae’, jei bapon piamonaetha. <sup>7</sup> Xaniyan paca tsipaebatsi. Icha jiton ichi poxonae j̄nt̄u coyene weiweina petaebixae oveja, barichi pomonae peitaboco beicha ena. Barapomona bichocono j̄nt̄u coyene weiweina poxonae ich̄un Nacom tsita xeinatsi icha j̄nt̄u coyene pon copiya penacui matacaetsin xua abe peexanae cuiru coyene exana. Barapomona bapon yabara toxechiya j̄nt̄u coyene weiweinatsi beyacaincha poxonae yabara j̄nt̄u coyene weiweinatsi pomonae xua noventa y nueve poyobe jiwi pomonae xanepanaya peexanaewi, pomonae jopa Nacom pentichi”, jei Jesús.

*Meje yabara poxonae Jesús paeba pecayabara j̄nt̄a pepaebi diwesiyo xua yab̄u yabara xua poxonae taeba paratiyo*

<sup>8</sup> Equeicha Jesús paeba pecayabara j̄nt̄a pepaebi diwesiyo, jeye: “Petsiriwa diez po paratiyobe xeina xua pecacomocae paratixi. Cae paratiyo taaichurucuaetsi, daxota peicoicha coicha exana. Bo tutu camona bewayo, beya matapainya taeba. <sup>9</sup> Poxonae barapowa paratiyo taeba bapoxonae pia jitowaxi waba, wabano powaxi petsicuarab̄u enaewaxichi. Barapowa namchi barapowaxitha: ‘Pana nebar̄u j̄nt̄u coyene weiweinare poxoru bayatha taeban paratiyo, po paratiyo bayatha inta aichurucuae’, jei. <sup>10</sup> Paca tsipaebatsi barichi peitabocotha Nacom pia matatsunpiwimonae tatsi bichocono j̄nt̄u coyene weiweina poxonae ich̄un Nacom tsita xeinatsi icha j̄nt̄u coyene pon copiya penacui matacaetsin xua abe peexanae cuiru coyene peexanaein”, jei Jesús.

*Meje yabara poxonae Jesús paeba pecayabara j̄nt̄a pepaebi diwesiyo xua pebin yabara pon pexanto cayabara cui j̄nt̄emaina xua abe exana*

<sup>11</sup> Barichi equeicha Jesús paeba icha pecayabara j̄nt̄a pepaebi diwesiyo, jeye: “Jiton xeina pexantobe. <sup>12</sup> Pon xuyapin paxa barai: ‘Axa, necare xua necopiniwa tsane pocotsiwa xua pana nej̄nt̄ana jebame bequein cataunxuae poponame’, jei xuyapin. Nexata barapo jumetha coxiyan pexantobe tsata catabe. <sup>13</sup> Pirapaeyo xuyapin piawa caenaeta xua paxa catatsi. Barapo paratixi cuntha taj̄u beya pona icha nacua beya. Icha nacua abe exana. Barapo paratixi cobe caewitatsi xua nasi cui matacaeta yab̄uxitha. <sup>14</sup> Poxonae bapon daxita paratixi wetaxuba, ir̄ur̄u mayayo tsuxubir̄u barapo nacua, barapon muxu piyain pet̄upae. <sup>15</sup> Nexata bapon jeita penacuichiwa ich̄untha xua barapo nacua. Bara barapon itorobatsi xua petayapu eenaenexa marranomona. <sup>16</sup> Bapon piyain ichichipa xane marranomona pexunenowa xua petsebocoton, tsipei bapon jopa catichi pexaewa. <sup>17</sup> Nexata bapon pia coutha nanta xeinanaya najei: ‘¡Maisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tat̄upae. <sup>18</sup> Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino. <sup>19</sup> Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin. <sup>20</sup> Nexata bapon paxa beya caibe nawiya.

“Poxonae cataunxuae taj̄u jiniya, paxa taebiyatsi, coxiyan pexanto yabara nantanuweya cui nanta xeina. Coxian pexanto matenta cuinaepoinya. Nexata pexanto cobe jayaba. J̄nt̄u coyene weiweinaya pexanto naisa cateita waetaba peantobexae. <sup>21</sup> Nexata barapo xuyapinxae paxa barai: ‘Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan’, jei barapo xuyapin. <sup>22</sup> Ichitha coxiyan barapo jumetha barai pia petanacuichiwichi: ‘Nainya papire pexeinya paparuwa pamaxatare taxanto.

Yawa anillo pacobesi xatare. Yawa pataxu xatare xua penataxu xatatsiwa. <sup>23</sup> Vacayo pebtiyo poyo nasiteca pacarenande. Pabexore. ¡B̄u xainchi! <sup>24</sup> Poxoru barapo taxanto mexeya nacata t̄pawejan, ichitha anoxuae as̄u. Bayatha nacata aichawiya, anoxuae matapainya netsita patopa', jei coxian. Nexata bapoxonae tamropata notar̄c̄pa xua weiweina poxonae xane", jei Jesús.

<sup>25</sup> Equeicha Jesús namchi, jeye: "Ir̄u pin penabanaewa exanompa, ir̄u matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba. <sup>26</sup> Nexata barapon pon matapinxae waba caein pomonae penacuichiwi. Yainyaba, jeye: '¿Eta xua juinya busi exanompa?' jei. <sup>27</sup> Nexata barapon pon penacuichiwi jiwana jume nota. Jeye: 'Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya as̄uya pepatopaexae', jei. <sup>28</sup> Ichitha barapon pon matapinxae barapo jumetha anaepana. Jopa bejoniyaeyo botha. Coxian pesato bejoniya, pexanto jume daunweya waba: 'Owae, antha, antha jonarena', jei coxian. <sup>29</sup> Nexata barapo coxian pexanto jume notatsi: 'Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweinyo cabritiyo, tajiwimonae tabar̄ nabanaenexa. <sup>30</sup> Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yab̄xitha. Xam penacuichiwi itorobame xua vacayo pebtiyo bexubina poyo nasiteca tayapin nexa', jei barapon pon matapinxae.

<sup>31</sup> "Nexata coxian jume nota pexanto: 'Owae, apara xam cabar̄ poponeibatsi. Daxita pocotsiwan xeinan, apara bara jinyawa. <sup>32</sup> Ichitha anoxuae w̄nae nawita xua pin penabanaewa, yawa j̄nt̄ coyene weiweinaeinchi poxoru barapo neyapin, pon xua mexeya nacata t̄pawejan, anoxuae as̄u popona. Caena bayatha nacata aichurucuae, yawa anoxuae matapainya naca tsita patopa', jei coxian poxonae pexanto tsipaeba", jei Jesús.

## 16

*Meje yabara poxonae Jesús paeba pecayabara j̄nt̄a pepaebi diwesiyo xua pebin yabara pon jopa xanepanaya peyapucaecaein bo*

<sup>1</sup> Equeicha Jesús tsipaeba pijimonae pecayabara j̄nt̄a pepaebi diwesiyo. Jesús jeye: "Matha ir̄u pebin popona pon copei pexeinaein. Bapon xeina pon bo petayapucaecaeinchi. Bapon pon copei pexeinaein tsipaebatsi ichamonae xua pinae pon bo petayapucaecaeinxatsi jopa pinae xapain exanaeyo, saya pinae abe exana, jei ichamonae. <sup>2</sup> Nexata bo pexeinaein pon copei pexeinaeinxae, bapon waba pia petayapucaecaeinchi bo. Bapon barai pontha pon bo petayapucaecaeinchi, jeye: '¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan', jei. <sup>3</sup> Nexata pon bo peyapucaecaeinxae nacui yabara nanta xeina pia coutha, nabarai: '¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxainaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i taw̄queibiwa paratixi. <sup>4</sup> Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha', jei. <sup>5</sup> Nexata bapon pon bo petayapucaecaein daxita tamropatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: '¿Eta xoyobe matoma amanayabame xua jopa cataunxuae catsim pontha pon tanecanamataxeinaein?' jei. <sup>6</sup> Bapon jume nota, pon bo peyapucaecaein, jume notatsi, jeye: 'Cien po

penasi mera bosibube xua pin bosixibun tha baxua catichi, ichitha cataunxuae jopa baxota matomatsinyo barapo penasi mera bosibun', jei. Pon bo petayapucaeaein xuya jume nota: 'Taema xote xeinanje jinya papera xua tinadutame, cien po nasi bosixibun, jam, xua bexa matomatsiname. Xote nainya ecoundeinque barapo netinadutsiwa, iquinaxore. Icha itaneto dure xua saya cincuenta po penasi mera bosixibube, jande', jei pon bo petayapucaeaein. <sup>7</sup> Bapoxonae equeicha ichuntha yainyaba: 'Incane iru xamdu, zeta xoyobe tanecanamataxeinaein taacoibichi xua catsiname bapon?' jei. Bapon jume nota, pon bo petayapucaeaein jume notatsi, jeye: 'Tha catichi cien po sacube aro sacun', jei bapon. Nexata pon bo petayapucaeaein xuya jume nota: 'Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinque barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaeaein. <sup>8</sup> Ichitha bo pexeinaein yabara paeba pon bo petayapucaeaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cowantsiwi nama barichi. Barapomonae yabara najuntu coyene wunaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowantsiwi.

<sup>9</sup> "Paca tsipaebatsi ichamonae pacatsibeibare paratixi xua painya jiwi painya nexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawenae barapomonae paca matenta weiweinaya wabina po bontha xua ataya tsitecaeya pajinompaename.

<sup>10</sup> "Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa. <sup>11</sup> Icha paxam jopa xanepanaya patayapuenaem xua paratixi xua barapo cae pin nacuathe nexa, Nacom jopa paca itorobiyo xua patayapuenaename xua bapon pia pexeinya pexeinaewa tatsi. <sup>12</sup> Icha jopa xanepanaya payapucaeaein ichun piawa, metha nexata jopa paca catsipae xua painyawa nexa tsane painya neyapucaeaeinwamxae.

<sup>13</sup> "Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom", jei Jesús.

<sup>14</sup> Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi. <sup>15</sup> Nexata Jesús fariseomonae baraichi, jeye: "Paxam barapomonae pam, xua ichamonae paca yabara nanta xeina xua pejuntu coyene xanepanae jiwi pam. Ichitha Nacom paca juntu coyene yaputane xua peajuntucoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi", jei Jesús.

*Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanamataxeinaexae*

<sup>16</sup> Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia pecuidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najuntũ coyene sũbi awiya xua pepatsinexa Nacom pia peitorobi nacua beicha tatsi.

<sup>17</sup> “Yapu xanepana xua itaboco yawa ira peweraweracaewa. Nama Nacom peitorobi jume ajumeyapusũ bapana jopa peweraweracaewa bequein bara cae peitorobi coyene”, jei Jesús.

*Meje yabara poxonae Jesús cuiduba xua jiwi piseurixi pepuna penteibiyainwa (Mt 19.1-12; Mr 10.1-12)*

<sup>18</sup> Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peitũtha tatsi, tsipei Nacom tsitatsi xua powa copiya barũ popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsixana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

*Meje yabara poxonae Jesús diwesi yabara paeba xua pon copei pexeinaein irũ ichũn pon Lázaro*

<sup>19</sup> Equeicha Jesús tsipaeba icha diwesi, jeye: “Matha irũrũ barichi pebin pon copei pexeinaein. Pexeinya paparuwan xua pena paparuwa nama xatabapona. Mataũta daxita matabi peitũpanae nabanaewa exaneiba. <sup>20</sup> Irũrũ ichũn pebin popona, pon pewũn Lázaro pon peacopeibin. Bapon Lázaro wan nawita xeina peparũtotha. Bapon iratha eca pon copei pexeinaein pia bo boupatha weya tatsi. <sup>21</sup> Xua pon copei pexeinaein pia pexaethopaewatha taothopeicatsi pexaewa pepũrũwan, baraxua Lázaro ichichipa xaiba. Yawa aurimonae pata xua Lázaro pewan daebinxatsi. <sup>22</sup> Icha matabitha Lázaro tũpa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Irũrũ pon copei pexeinaein tũpa, yawa mũthũtha xotsi.

<sup>23</sup> “Pon copei pexeinaein patopa ichaxota pateiba pomonae pewerapeibiwi barapo petũpae cuiru coyene nacuatha. Bapon bichocono atene. Bapon athabeicha necoicha. Bapoxonae Abraham tajũ taebiyatsi asiyeicha, yawa xua Lázaro barũ equiyatsi. <sup>24</sup> Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeyatsinexa meratha poxoru bichocono netaxua po isotothe uncuan’, jei. <sup>25</sup> Ichitha Abraham jume nota: ‘Tamonae susato jiwanam, nanta xeinatabare xua caena bayatha poxonae cataunxuae asũ poponame, xeiname xua acabem xua pocotsiwan ichichipame xua nexainaewa. Xanepanaya poponame. Ichitha nama Lázaro jopa daichiyo poxonae cataunxuae asũ popona. Jopa xanepanaya poponaeyo. Xote bapon wũnae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caperũ weyawa. <sup>26</sup> Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacũpaetsi xua bara beparecaena nexainya bereca. Irũ pomonae nexainya weruneina jopa itacũpaetsi xua taxainya betsina pepatsinaenexa’, jei.

<sup>27</sup> “Nexata pon copei pexeinaein jume nota: ‘Nexata tamo susatopim cawũcatsi inta Lázaro itorobare taxa pia bo beya. <sup>28</sup> Baxota xeinan cinco poyobe tayapin jiwi. Abraham Lázarotha najume carure xua bũ tayapin jiwi jopa pepatsinexarũ tsane ichaxota uncuan xua bichocono atenein’, jei. <sup>29</sup> Ichitha Abraham jume nota: ‘Apara neyapin jiwi xeina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwatatsi. Bũ barapomonae exana pocotsiwa baraxua pejume coya’, jei Abraham. <sup>30</sup> Pon copei pexeinaein jume nota: ‘Aa, tamo susato jitom, Abraham, ichitha icha petũpaewi jiwana caein siwa ponaena barapomonae beya, barapomonae jume

cowantsina yawa icha juntu coyene pexeinaenexa tsane Nacomtha', jei. <sup>31</sup> Ichitha Abraham jume nota: 'Icha barapomonaе jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaеbiwi pia pecuidubiwan tatsi, barapomonaе jopa jume cowantsipae bara bequein Nacom taitorobichipa xua jiwana caein pomonaе petupaewi', jei Abraham", jei Jesús.

## 17

*Meje yabara poxonaе Jesús paeba xua jiton jopa bewa cana exanae ichantha xua iru abe peexanaewa tsane*

*(Mt 18.6-7, 21-22; Mr 9.42)*

<sup>1</sup> Jesús namchi pijimonaetha, jeye: "Barapo nacuathepiwi ataya xeineiba po jiwi pecana exanaexaetsi xua ichamonaе cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichan cana exanatsi, xua ichan abe peexanaewa tsane. <sup>2</sup> Metha jame wunaе tsipae xua barapo pebin pin iboto wisi cutsipatsi pin mar mentha barapo iboto cayawa cabutabachipatsino. Tsipei jopa wunaе tsipae xua bapon cana exana xua ichamonaе abe peexanae xuiru coyene exana pomonaе cataunxuae aena nejume cowanta. <sup>3</sup> jDota pam, xua jopa bara paichim tsane!

"Icha ichan pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peuraxae xua pacata exana, bapoxonaе pacui yabara jntemainare pocotsiwa bapon pacata exana.

<sup>4</sup> Bequein bara bapon abe pacata exana, siete po cuiyobe xua cae matabitha, yawa paca tsipaeba siete po jumeyobe, bapon jeye: 'Maisa auran tsocuae xua abe pacata exanatsi, equeicha jopa pacata abe exanae tsainchi', jei pon abe exana. Daxota paca jeichi xua nantawenona peyabara jntemainaewa baxua xua po coyene bapon pacata abe exana", jei Jesús.

*Meje yabara poxonaе Jesús yabara paeba xua pin pejume cowantsi coyenewa*

<sup>5</sup> Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonaе.

<sup>6</sup> Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo jata ichi xua tsica xutiyo ichitha bara paca itacupa xua naewatha painya nejeiwa: 'Ee, naewa jinya coutha natabu jonde yawa pin mar mene beya equeicha uncuare', painya nejeiwa. Bapoxonaе barapo nae jopa bayatha tsipae poxonaе pajam tsipae baxua, jei Jesús.

*Meje yabara poxonaе Jesús paeba xua pocotsiwa jiwi bewa exanae pocotsiwa pentacaponaein itoroba*

<sup>7</sup> Equeicha Jesús namchi, jeye: "Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonaе bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: 'Anetha, jondena matha xaema', jopa jei tsipae bapon.

<sup>8</sup> Jame bapon jei tsipae: 'Pexaewa netsiupain exanare. Inta carena tsaibinde pexaewa pexaethopaewatha poxonaе xunaecan. Bapoxonaе cotacaya bexa nabanare', jei tsipae pon paxam jiwana. <sup>9</sup> Pon penacuichin jopa jei tsipaetsi: 'Jaco xua taneyawenaewam', jopa jei tsipae pon paxam jiwana. Tsipei saya taexanatsi xua bapon peitorobixae. <sup>10</sup> Icha pon petanacuichin ichi xua taexana peitorobixaetsi pia pentacaponaein, paxam bara jata paichinde. Poxonaе pawetame pocotsiwa Nacom paca itoroba, pajande: 'Paxan

pata nebusi cui tataewimonae pan xuano pata pecui pawí pan, tsipei saya paexanan xua pocotsiwa bewa paexanaein', pajande", jei Jesús.

*Meje yabara poxonae Jesús axaibi exana diez poyobe pebiwi, pomonae peperu sawichimonae*

<sup>11</sup> Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona. <sup>12</sup> Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonae, ichitha barapomonae Jesús taju wetaeumendenatsi. <sup>13</sup> Barapomonae wawai, jeye:

—Jesús, pon Patatanecuidubim, pana neyabara najuntu coyene xeinare jinya pata tana neyawenaenexam, jei barapo peperu sawichimonae.

<sup>14</sup> Poxonae Jesús tane barapomonae, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonae peru jume tsurucupae xua peperu sawiwatsi barapomonae. <sup>15</sup> Barapo diez poyobe jiwana caein, poxonae bapon taeba xua axaibi tsurucupae, bapoxonae Jesús beya pona, xua caibeya pona, yawa jume daunweya Nacom wuna jaintatsi. <sup>16</sup> Barapon pentabocototha uncua Jesús peitabaratha tatsi. Yawa irabe tauncuareca xua Jesús pejacobinexatsi. Barapo pebin apara pon seicaya Samaria nacuapin. <sup>17</sup> Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane? <sup>18</sup> Bapon apara penanapaincha jinompaewi jiwana. Yawa cou compa caiberena pia wuna jainchichi Nacom, jei Jesús.

<sup>19</sup> Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowuntsixaemxae xua bara tana neitacupaewa xua axaibi tacaexanaewatsi, jei Jesús.

*Meje yabara poxonae Jesús yabara paeba po coyene xua poxonae Nacom itorobiya ewatsina jiwi*

*(Mt 24.23-28, 36-41)*

<sup>20</sup> Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwi, barapo coyene jiwi jopa itacupaetsi xua petaewa baxua. <sup>21</sup> Daxota jiwi jopa jei tsane: 'Baraxote bayatha patope', jopa jei tsane. Matautano jopa jei tsane 'Xoteiche bayatha patope', jopa jei tsane. Tsipei apara po coyene xua Nacom itorobiya ewatsina jiwi barapo coyene patopa jiwitha. Daxota Nacom juntu coyene itorobiya ewatsina jiwi pomonae pejume cowuntsiwixaetsi Nacom, jei Jesús.

<sup>22</sup> Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacupaewa tsane xua painya tana netaewam tsane xuano xua caentacabi xua barapo matacabin jiwana. <sup>23</sup> Ichamonae paca jei tsane: 'Baraxote bayatha patopa bapon', paca jei tsane. Ichacuitha paca jei tsane: 'Baraxoteicha bayatha patopa bapon', paca jei tsane, ichitha jopa paponaeinde bara beya yawa jopa pajume cowuntsinde. <sup>24</sup> Icha yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matacabitha poxonae patopeicaein ponxaein Nacom Tananeitapetsin. <sup>25</sup> Ichitha copiya nantawenona xua neperaxa jubina ichamonae. Yawa neitawetsinano pomonae xua anoxuae jinompa. <sup>26</sup> Icha matha ichi poxonae Noé caena bayatha popona jiwi jopa tsaqueinaeyo xua Nacom pin awabo exanaena methaunxuae. Saya

barompaya icha jũntũ cuitha jinompa daxota jiwi werapa. Barichi jũta ichi tsane poxonaepatopeicaein barapo cae pin nacuathe xua ponxaein Nacom Tananeitapetsin. Poxonaepatopeicaein jiwi jopa tsaqueinae tsane xua Nacom werapa exanaena barapo jiwi pomonaepojapejume cowũntsiyoaxaetsi. <sup>27</sup> Pomonaepojapejume jinompa poxonaepojapejume Noé popona, barapomonaepojapejume nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonaepojapejume matacabitha Noé pin jera naetha joniya. Bapoxonaepojapejume pin ema mũ jopa. Daxita Noé wepu bunothopatsi pomonaepojapejume jinompa poxonaepojapejume Noé popona. <sup>28</sup> Barichirũ jiwi pocotsiwa ichamonaepojapejume exana poxonaepojapejume ichũn pebin popona pon pewũn Lot. Barapomonaepojapejume nabaneiba, yawa apeiba, yawa comaqueiba, yawa caenaeteiba, yawa pexaewa mũbeiba, yawa bomũxũn acabeiba. <sup>29</sup> Poxonaepojapejume bapon Lot Sodoma tomara wenaetabiya, barapoxonaepojapejume iso itere mũ, mũ othopeica tomaratha, yawa pocotsiwa be ibo pũrũ baxua itaboco weothopeicano xua bichocono atou. Daxita Sodoma tomarapiwi werapa. <sup>30</sup> Icha Sodoma tomaratha ichi xua jemeicha iso itere mũ, mũ othopeica yawa xua jemeicha ibo pũrũ itaboco weothopeica, bara jũta ichin tsane jemeicha patopeicaein ponxaein Nacom Tananeitapetsin poxonaepojapejume tsita naitatsin.

<sup>31</sup> “Barapo matacabitha icha ichũn bo matatupatha uncu, barapon jopa bewa botha joniyaepojapejume tsane xua penotsiwa tsane pocotsiwa tabobeinchi bomũxũn tututha. Irũ pon pabitha popona jopa bewa caibeya ponae tsane botha, saya jame nainya benaetsiricuaena. <sup>32</sup> Pacui yabara nanta xeinare Lot piseuri tatsi xua tũpa poxonaepojapejume nainya naetsiricuaeyo piawan caibe pesiwa necoyaexae. <sup>33</sup> Pon naantobeya nata exana pocotsiwa bapon ichichipa, bapon jopa xeinaeyo peajũntũyapũsũwa po peajũntũyapũsũwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajũntũyapũsũwa, po peajũntũyapũsũwa ataya tsiteca xua Nacom pia nacua beicha.

<sup>34</sup> “Paca tsipaebatsi po mataqueitha patopaein, ainya pebinbe ponbe xua nanta jũpaya maitecabe, caein matatsunpin pichina, pon pejume cowũntsixae Nacom. Ichũn saya cuenta ponaeinchi jopa pejume cowũntsiyoaxae Nacom. <sup>35</sup> Irũrũ ainya yabũyobe nacuara yacatoyorobauyaenabe, ichowa matatsunpin pichina pejume cowũntsixae Nacom. Ichowa saya cuenta ponaeinchi jopa pejume cowũntsixae Nacom. <sup>36</sup> Irũrũ ainya pebinbe nacuara nacuitauyaenabe pabitha, ichũn matatsunpin pichina, ichũn saya cuenta ponaeinchi”, jei Jesús.

<sup>37</sup> Poxonaepojapejume baxua Jesús pijimonaepojapejume jume tainchi, Jesús yainyabatsi jeichichi, jeye:

—Pata Tanecanamataxeinaem, ¿exota metha baxua exanaena? jeichichi pijimonaepojapejume.

Jesús pijimonaepojapejume nota pecayabara jũta pepaebi diwesiyo, jeye:

—Quequeremonaepojapejume ba nacaetuta ichaxota baurin boca. Bara jũta paichim tsane paxam pomonaepojapejume tana nejume cowũntsi jiwi pam pana newũnae ewatsiname po mataqueitha patopeicaein, barapo mataqueitha panacaetutsiname, jei Jesús.

## 18

*Meje yabara poxonaepojapejume Jesús paeba pecayabara jũta pepaebi diwesiyo xua yabũyo yabara powa pecuenta tũpaewayotsi piseuri xua irũ pon jiwi peyabara paebin xua penatsicuentsiwa xua abe peexanaexae*

<sup>1</sup> Jesús pijimonaepojapejume tsipaeba pecayabara jũta pepaebi diwesiyo xua pecuidubinexa, jeye: “Paxam daxita matacabi bewa pawũqueibim Nacom. Painya xoba paajũntũcoyenefaetabim tsaibim poxonaepojapejume pawũqueibame”, jei Jesús. <sup>2</sup> Equeicha Jesús pijimonaepojapejume barai, jeye: “Matha irũrũ tomaratha popona pon jiwi peyabara paebin xua penatsicuentsiwa xua abe peexanaexae. Bapon jopa Nacom cunuwichi. Yawa bapon jopa beta yabara nanta xeinaeyo jiwitha xua peyawenaenexa. <sup>3</sup> Barapo tomaratha irũrũ popona petsiriwa, powa pecuenta tũpaewayotsi piseuri. Barapowa

siwa poneiba pontha pon jiwi peyabara paebin xua penatsicuentisiwa xua abe peexanaexae. Barapowa jei tsaibi bapontha: ‘Neyawende, ichun inta abe exana’, jei tsaibi. <sup>4</sup> Pon jiwi peyabara paebin xua penatsicuentisiwa xua abe peexanaexae bapon ainya maticabin juntucuru jopa beexaneibiyo pocotsiwa barapowa wuqueiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Matauta jopa beta tayabara nanta xeineibin jiwi xua tayawenaenexa. <sup>5</sup> Ichitha barapo pecuenta tupaewayotsi piseuri matowa nefayacota daxota neamuxufaetabi exana. Metha moya barapowa yawenaen, xua equeicha barapowa jopa penesiwa ponaenexa, tsipei bichocono amuxufaetabin’, najei pon jiwi peyabara paebin xua penatsicuentisiwa xua abe peexanaexae”, jei Jesús.

<sup>6</sup> Jesús pon Pecanamataxeinaen jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentisiwa xua abe peexanaexae xuano pon jopa beta yabara nanta xeinaeyo jiwitha xua peyawenaenexa. Pajume naitaeware pocotsiwa bapon paeba. <sup>7</sup> ¿Eta xua metha pananta xeiname? ¿Metha bara Nacom came bayatha tsaibi poxonaen jiwi yaweneibatsi pomonaen xua pewuqueibixaetsi? ¡Jume, apara! Nacom nainya jiwi yaweneiba poxonaen barapo jiwi abe exaneibatsi ichamonae, beyacaincha xua barapowa yawenatsi. Jame yatsicaewa Nacom yaweneiba pomonaetha pomonaen peitapetsixae pewuqueibixaetsi merawitha yawa mataqueithano. <sup>8</sup> Paca tsipaebatsi xua Nacom jopa bayatha tsaibiyo xua peyaweneibinexa pomonaen nejume cowanta. Xan ponxaein Nacom Tananeitapetsin poxonaen patopeicaen, ¿metha bara pin bicheito taeyopeicaen jampa, pomonaen xua xanepanaya beta tana nejume cowantsiya jinompaewi pomonaen Nacom pewuqueibiwichi?” jei Jesús pijimonaetha.

*Meje yabara poxonaen Jesús paeba pecayabara jata pepaebi diwesiyo yabara xua fariseomonaen iru pon paratixi matoma penoteibin*

<sup>9</sup> Jesús icha pecayabara jata pepaebi diwesiyo tsipaeba pomonaetha pomonaen jiwi paebiwi pomonaen xua nayabara nanta xeina xua pinaen beta jume cowanta xua pinaen ichamonae jopa daichiyo. <sup>10</sup> Jesús namchi, jeye: “Iru ainya pebinbe Nacom pin pia bo beya ponabe, xua baxotiya pewucaenexabe Nacom. Ichun fariseomonaepin, ichun bapon jiwana pomonaen paratixi pentoma noteibiwi po paratixi jiwi bewa catsibina pon romanomonaen itorobiya pia pepa peewatsinchi nexa. <sup>11</sup> Fariseomonaepin nantacotuncua yawa penthutotha wuca Nacomtha. Poxonaen tsipaeba Nacom, jeye: ‘Nacom meisa xam nejuntu coyene xanepanaen. Juntu coyene weiweinan xua tana neyawenaewam tsipei xan jopa be ichamonaeinyo pomonaen xua jiwi pecaibiwi, yawa xua peabewi, xuano xua penasi cui matacaetsiwi yabuxitha. Matautano xan jopa dapomonaen jiwanyo pomonaen xua paratixi pentoma noteibiwi po paratixi jiwi bewa catsibina pon romanomonaen itorobiya pia pepa peewatsinchi nexa. <sup>12</sup> Xan cayabara nainbotatsi ainya cuiyobe xua cae semanatha, beta tacawuqueibinexatsi. Matautano cae paratixi jiwana wetsabeiban xam nexa poxonaen diez po paratiximonaebe xeineiban. Yawano daxita xua xeinan baxuano jiwana tsaban xam nexa’, jei fariseomonaepin. <sup>13</sup> Ichitha pon paratixi pentoma noteibin auranaya tajubeuncuiya. Saya irabe necoreca yawa jopa athabe necoichaeyo. Saya u penantanuweya penanthu jayabi abe peexanaenxae. Bapon Nacom wuca, jeye: ‘Jaibo, Nacom neyabara najuntu coyene cui xeinare xua tana neyawenaewam tsane bequein bara taajuntucoyenyapubein’, jei pon paratixi matoma penoteibin. <sup>14</sup> Barapon pon paratixi penoteibin poxonaen najume weta xua wuca Nacom, nawiya pia bo beya. Paca tsipaebatsi xua barapon Nacom tsitatsi xua jopa xeinaeyo xua penatsicuentisiwa xua abe peexanaexae. Ichitha fariseomonaepin jopa daichichi tsipei bapon awiya peajuntucoyenebein. Pon xua pia coutha peainya cui jiton naexana pejuntucoyenthathu, Nacom exanaena xua bapon pecui pawu jiton naexanaena. Ichitha



pon xua pepawi naexana pejuntꝑ coyenetha, Nacom exanaena xua bapon peainya cui jiton naexanaena”, jei Jesús.

*Meje yabara poxonae Jesús jeye pexuitha: “Barabꝑ Nacom beta paca yawenaena”, jei (Mt 19.13-15; Mr 10.13-16)*

<sup>15</sup> Nexata jiwi Jesús tacaponatsi pexui, xua Jesús pejayabinexa pecobetha yawa xua Nacomtha petawꝑcaenexa barapo pexui xua pejeinexa: “Barabꝑ Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarꝑcꝑa xua barapomonae cui matawentatsi pomonae pexui carendena tsaibi.

<sup>16</sup> Ichitha Jesús waba pexui. Jesús pijimonae barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejuntꝑ coyene xanepanaewi icha pexui ichi. Pexui pia cui xua tayapu xanepanatsi xua pia juntꝑ coyeneintha jume cowꝑnta Nacom. <sup>17</sup> Xaniyan paca tsipaebatsi. Pon jopa yabara jume cowꝑntsiyo xua icha be jopa pexui ichiyo xua ba pexui tayapu xanepanatsi xua jume cowꝑnta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

*Meje yabara poxonae pewowin pon copei pexeinaein Jesús tsipaebatsi (Mt 19.16-30; Mr 10.17-31)*

<sup>18</sup> Caein pon pentacaponae wi jiwanapin bapon Jesús yainyabatsi, jeichichi:

—Ja Tanecuidubim, maisa nejuntꝑ coyene wꝑnaem. ¿Eta xua copiya matha exanocuaein xua ajuntꝑyapꝑusꝑya taroponaewa tsane xua ataya tsane? jei.

<sup>19</sup> Jesús jume epa pita, jeye:

—¿Eta xua nebaram: ‘Nejuntꝑ coyene xanepanaem’, jam? Apra ichꝑn dapon aibi pon pejuntꝑ coyene xanepanaein. Jame meisa apra bapon Nacom compa pejuntꝑ coyene xanepanaein. <sup>20</sup> Xam yaputaneme po coyene Moisés pia peitorobi coyenewatha itoroba xua jeye: ‘Jopa ichowa pichinde ichꝑn piowa tatsi, jopa ichꝑn bexubinde, jopa caibinde ichꝑn piawan tatsi, jopa naerabiya cayabara paebinde pocotsiwa ichamonae exana. Axatha jume barꝑ cui itura jinare. Mataꝑtano enatha jume barꝑ cui itura jinare’, jei Moisés, jei Jesús.

<sup>21</sup> Pon pentacaponaein jume epa pita, jeye:

—Daxita caena bayatha barapo coyenein exaneiban, poxonae pexuyothan tamropata pitaban, beya anoxuae yacuiya pinyon, jei.

<sup>22</sup> Poxonae Jesús baxua jume tane, Jesús barai, jeye:

—Cataunxae icha cui coyene cata seica xua pocotsiwa neexanaewam tsane. Icha ichichipame xua jopa necata acuibiyonexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha, pocotsiwa Nacom necajuntꝑana botsiwa pocotsiwa bichocono wꝑnae, jei Jesús.

<sup>23</sup> Poxonae barapo pebin jume taeba, bichocono juntꝑ wecoyei, tsipei bichocono copei pexeinaein. <sup>24</sup> Poxonae Jesús tane xua barapon juntꝑ coyene wecoyei, Jesús barai, jeye:

—¡Maisa bichocono ayapubecai xua copei pexeinaewi naexana Nacom pijimonae tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi. <sup>25</sup> Nama bichocono acuiruyapube xua duwein pon pewꝑn camello xua bapon pejoniyawa acuicheto peetabꝑ wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetabꝑ wan iya pejoniyawa, jei Jesús.

<sup>26</sup> Pomonae xua baxua jume taerucupa, barapomonae Jesús yainyabatsi, jeye:

—Bapoxonae ¿jintam metha nexata itacupatsi xua penacapanepaewa pia coutha? jei barapomonae.

<sup>27</sup> Jesús jume nota, jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

<sup>29</sup> Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonae peyabara cueicueijeixae po diwesi xua Nacom waba jiwi petanaexanaenexatsi pijimonae tatsi pomonae itorobiya peewatsixae. Nacom beta cana exanaena barapomonae pia bon pecuenta ponaexae, yawa piseuri pecuenta ponaexae. Matautano beta cana exanaena pomonae peweichowi pecuenta ponaexae. Matautano beta cana exanaena pomonae pamchowi pecuenta ponaexae. Matautano beta cana exanaena pomonae paxei jiwi pecuenta ponaexae, matautano peniwi pecuenta ponaexae. Matautano beta cana exanaena pomonae pia pexui pecuenta ponaexae.

<sup>30</sup> Barapomonae barapo coyenein exana taneantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntacoyeneyapusawa po peajuntacoyeneyapusawa ataya tsiteca, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mt 20.17-19; Mr 10.32-34)*

<sup>31</sup> Bapoxonae Jesús pijimonae compa waba aisowa beya xua pomonae doce poyobe tatsi. Jesús barai barapomonae, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwi newanae tsiwanaya yabara tina xua xan ponxaein Nacom Tananeitapetsin. <sup>32</sup> Yawa necaenaetsina pomonaetha pomonae penanapaincha jinompaewi, xua icha nacia werena peponaewi xua barapomonae tanecui caponaenexa. Matautano abe neyabara paebina. Yawa neyabara naone subabina. <sup>33</sup> Yawa necuainchina, barapomonae nebexubina. Daichitha poxonae acoibi po matabibeyapu caewina equeicha asu neexanaena petupae cuiru coyene weya”, jei Jesús.

<sup>34</sup> Ichitha Jesús pijimonae tatsi jopa yaputaeyo baxua xua pocotsiwa Jesús pijimonae tsipaeba. Barapomonae jopa jume ita cui cupaetsi poxoru Jesús barompaya nabaru jume yabara canamchi, baxua barapomonae taayapubetsi bichocono.

*Meje yabara poxonae Jesús Jericó tomaratha axaibi exana pon peitata nacutsin*

*(Mt 20.29-34; Mr 10.46-52)*

<sup>35</sup> Poxonae Jesús itiya pona Jericó tomara, pon peitata nacutsin namtotha eca, yawa jiwi waqueibeca paratixi. <sup>36</sup> Poxonae bapon ponxae peitata nacutsin jume tane xua juinya pin bicheito pona, bapoxonae bapon yainyaba, ichamonae yainyabatsi, jeye: “¿Eta xua metha juinya pin bicheito pona?” jei pon peitata nacutsin. <sup>37</sup> Bapon ponxae peitata nacutsin jume notatsi, jeye: “Apara Jesús, Nazaret tomarapin xote imoxoyo patope”, jei. <sup>38</sup> Nexata bapon pon peitata nacutsin jume daunweya wawai, jeye:

—Jesús, David pia pemomoxi susato jiwanafim, ponxae Nacom necaitapetsim neyabara najuntacoyene xeinare jinya tana neyawenaenexam, jei pon peita nacutsin.

<sup>39</sup> Pomonae xua pin bicheito matacaenapoinchi, barapomonae pon peitata nac̣tsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanaipim ponxaem Nacom Necaitapetsim neyabara najunṭa coyene xeinare jinya tana neyawenaenexam, jei pon peitata nac̣tsin.

<sup>40</sup> Nexata Jesús naruntaba. Jesús namchi, jeye:

—Painta max̣a xawena, jei.

Poxonae pon peitata nac̣tsin imoxoyo patopa Jesustha, Jesús yainyaba, barai, jeye:

<sup>41</sup> —¿Eta xua jinya tacata exanaetsi? jei.

Pon peitata nac̣tsin jume nota, jeye:

—Jesús Tananecanamataxeinaem, benecotsin cuinaya, jei.

<sup>42</sup> Jesús jume nota, barai, jeye:

—Moya necore antha. Axaibi caexanatsi tana neyabara jume cowantsixaemxae xua bara tana neitac̣paewa xua tacayawenaewatsi, jei.

<sup>43</sup> Caena nainya bapon necotaxuba. Yawa Jesús puna poinchi. Matautano Nacom ẉnae jaintatsi. Poxonae pin bicheito baxua cui tane, iṛra daxita barapo bicheito Nacom ẉnae jaintatsi.

## 19

### *Meje yabara poxonae pebin pon peẉn Zaqueo Jesús jume coẉntatsi*

<sup>1</sup> Jesús Jericó tomaratha patopa. Bapoxonae bapon barapo tomara xenta iya. <sup>2</sup> Baxota Jericó tomaratha pebin popona, pon copei bichocono pexeinaein. Bapon peẉn Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa.

<sup>3</sup> Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matautano poxoru Zaqueo xataxatequeca. <sup>4</sup> Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús ponaena, xua Jesús barapo naetheicha xaniwaicha peyaitaenexatsi.

<sup>5</sup> Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

<sup>6</sup> Bapoxonae Zaqueo nainya dunatabica. Matautano Jesús matenta weiweinaya wabatsi pia botha. <sup>7</sup> Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa pona barapo botha, tsipei bapon abe peexanae cuiru coyene peexanaein, jei barapo bicheito.

<sup>8</sup> Nexata Zaqueo nantacotuncua pia botha, yawa jeye Jesustha:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopeibiwi. Matautano pomonae xua naerabiya ẉcan cae paratixi equeicha caewa tha catsibichi cuatro po paratixibe, jei Zaqueo.

<sup>9</sup> Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanaem.

<sup>10</sup> Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

*Meje yabara poxonae Jesús paeba pecayabara j̣ta pepaebi diwesiyo xua diez po paratixibe yabara  
(Mt 25.14-30)*

<sup>11</sup> Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara j̄uta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

<sup>12</sup> Bapoxonae Jesús jeye: “Matha ir̄r̄r̄ pebin popona. Barapo pebin jiwana pin pomonae peainya cui jiwi pomonae barompaya piamonae matab̄x̄umonae. Barapo pebin taj̄r̄ pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha. <sup>13</sup> Poxonae cataunxuae jopa taj̄r̄ ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwichi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinapon-aenexa paratixi. Payacobe cui othopare poxonae beya patopaein’, jei barapo pebin. <sup>14</sup> Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetayiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaem jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

<sup>15</sup> “Daichitha barapon cana exanatsi, pon jiwi itorobiya pia pepa peewatsinchi, xua ich̄an cana exana pon ir̄r̄r̄ jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba. <sup>16</sup> Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa. <sup>17</sup> Pon pecanamataxeinaein jume nota, jeye: ‘Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei. <sup>18</sup> Ir̄r̄r̄ icha petanacuichinchi patopa. Bapon jeye: ‘Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe’, jei. <sup>19</sup> Pon pecanamataxeinaein jume nota. Bapontha jeye: ‘Xam pentacaponaein caexanaeinchi xua necanamataxeinaenexa cinco po tomariyobepiwi’, jei.

<sup>20</sup> “Ir̄r̄r̄ icha pia petanacuichinchi patopa, bapon jeye: ‘Tanecanamataxeinaem, taema xote xeinanje jinya paratiyo, cata mata quiyontabatsi painyaweratha. <sup>21</sup> Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa ubim’, jei. <sup>22</sup> Nexata pon jiwi itorobiya pia pepa peewatsinchi namchi: ‘Bepa maisa dapon abem. Apara xam jinya coutha nanatsicuentzi exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacoya ubeibinyo, matautano xua ichamonae cobe itorobeiban xua noteiba pocotsiwa jopa tawiyo. <sup>23</sup> Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonae patopan, icha paratiyo equeicha matoma xeinaetsipan xua equeicha inta pemataropeichabotsixae tsipae poxonae ichamonae nacowaeta barapo paratiyo’, jei. <sup>24</sup> Pon jiwi itorobiya pia pepa peewatsinchi barai, pomonae xua ena baxota

baraichi: ‘Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina’, jei pon jiwi itorobiya pia pepa peewatsinchi. <sup>25</sup> Pomonae ena, barapomonae jume epa nota, jeye: ‘Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apara diez po paratixibe xeina’, jei barapomonae. <sup>26</sup> Pon jiwi itorobiya pia pepa peewatsinchi barapomonae jume notatsi, jeye: ‘Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>27</sup> Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarenenande ichaxota ecan. Barapomonae pajutebare ichaxota ecan’, jei pon jiwi itorobiya pia pepa peewatsinchi”, jei Jesús.

*Meje yabara poxonae Jesús Jerusalén tomaratha patopa  
(Mt 21.1-11; Mr 11.1-11; Jn 12.12-19)*

<sup>28</sup> Poxonae Jesús baxua najume weta, bapoxonae pona Jerusalén tomara beya. <sup>29</sup> Jesús itiya patopa Betfagé tomara, Betania tomarano xua saya patopa demxuwatha po demxuwa pewan Olivowa tsipei baxota umena olivo naein. Bapoxonae nacueyatabe poyobe itoroba poyobe xua pijimonaexae tatsi jiwanabe pomonae xua doce poyobe. <sup>30</sup> Jesús barai baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha, pacaxinaenamebe burro pon penan pon pequetanotsin, pon jopa ichamonae tsijuma enaeyo. Payama isanaxorebe bepayama carenandebe. <sup>31</sup> Icha ichan paca barai: ‘¿Eta pocotsiwa payama isanaxubamebe burro?’ icha paca jei bapon, nexata pajandebe: ‘Pon Wanacanamataxeinaein bepa pata yama cayiyaeinjei, tsipei pinae nantawenona’, pajandebe, jei Jesús.

<sup>32</sup> Poxonae baponbe tomaratha patopabe, tanebe be pocotsi coyeneya bayatha Jesús namchi. <sup>33</sup> Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

<sup>34</sup> Baraponbe jume notabe barapomonaetha, jeye:

—Pon Pecanamataxeinaein jiwi bepa pinae patayama cayiyaein, tsipei pinae nantawenona, jeibe baponbe.

<sup>35</sup> Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiya xua baponbe pia paparuwan tatsi, bapoxonae Jesús cuaretsicatsi. <sup>36</sup> Jesús burrotha ecapona. Jiwi paparuwan namtotha yerababa jejabapoinya. Barapo paparuwan Jesús matatsun ecapona burrotha. Barapomonae baxua exana tsipei Jesús matenta weyatainchi xua patopa. <sup>37</sup> Poxonae Jesús muxu perunadecae demxuwa wereca, po demxuwa pewan Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonae jantay coyene weiweinaya jume daunweya wawai. Yawano Nacom wanae jaintatsi xua bayatha pexeinya petsita itatsi coyenewan petaexae xua Nacom exana.

<sup>38</sup> Barapomonae jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wanae, bapon patopa Nacom peitorobixae! ¡Pomonae xua peitabocotha jinompa jantay coyene weiweina bichocono! ¡Maisa Nacom bichocono wanae jaintatsi pon athabeicha eca! jei Jesús pijimonae tatsi.

<sup>39</sup> Nexata fariseo jiwanamonae, pomonae naenapona pin bicheittha, barapomonae Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, jei fariseo jiwamonae.

<sup>40</sup> Ichitha Jesús jume epa pita, jeye:

—Paca tsipaebatsi, icha barapomonae metha moya tsipae bara nexata iboton jume daunweya wawai tsipae, jei Jesús.

<sup>41</sup> Poxonae Jesús imoxoyo Jerusalén tomaratha patopa, poxonae tomara tane, Jesús jũntũ coyene wecoyeyi tsanareca, poxoru Jerusalén tomaramonae yabara wecoyeyi.

<sup>42</sup> Jesús namchi, jeye: “¡Pai maisa bepayaputaename xua pocotsi jũntũ coyene jũntema jinompa paca cana exana! Nama anoxuae baxua nantsiyata. Jopa paca itacũpaeyo xua painya nexainaewa painya jũntũ coyenetha. <sup>43</sup> Meisa matacabi pacata jopaena po matacabi abe. Barapo matacabitha painya nepaca caaitafaetabi jiwi paca yatomara yatoxoroto exanaxubina. Tsorobo paca yacaincha acabina. Yawa paca yacaincha umenaena daxita muxuneneintha. <sup>44</sup> Paxam Jerusalén tomarapiwi pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mt 21.12-17; Mr 11.15-19; Jn 2.13-22)*

<sup>45</sup> Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota. <sup>46</sup> Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia mũthũ tutu pacana exaname, ichaxota pijunuwi nantsiyabeibathopa, tsipei baxota panacaetutame saya Ʃ xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

<sup>47</sup> Nacom pin pia botha daxita matacabi Jesús cuidubeiba. Ichitha sacerdotemonae pia pentacaponawewi, irũ pomonae jiwi pecuidubiwi Moisés pia peitorobi coyene tatsi, irũrũ tomara pia pentacaponawewi daxita barapomonae Jesús yabara nanta xeinatsi nawita xua pebexubinexa tsainchi. <sup>48</sup> Ichitha jopa itacũpaetsi barapomonae xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

## 20

*Meje yabara xua Jesús pia peitorobi coyenewa xeina*

*(Mt 21.23-27; Mr 11.27-33)*

<sup>1</sup> Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicueiwei. Bapoxonae irũ sacerdotemonae pia pentacaponawewi tatsi pata. Irũ pata pomonae jiwi pecuidubiwi xua Moisés pia peitorobi coyenewa tatsi. Irũ pata pomonae penapatae jiwi. <sup>2</sup> Daxita barapomonae Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿Jintam cacata barapo peitorobi coyene? jei.

<sup>3</sup> Nexata Jesús jume nota, jeye:

—Xan irũrũ tha barichichi paca yainyabinchi pana nejume nore. <sup>4</sup> ¿Jintam Juan cui itorobatsi jane xua jiwi pebautisabinexa tsainchi? ¿Metha bara Nacom cui itoroba jampa? ¿Metha bara jiwi cui itoroba jampa? jei Jesús.

<sup>5</sup> Barapomonae caemonae yabara natsipaeba pocotsiwa Jesús pepaebiwa. Barapomonae jeye: “¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘¿Eta xua metha nexata jopa

pajume cowantsim Juan?’ metha naca jei tsipae Jesús. <sup>6</sup> Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomona.

<sup>7</sup> Barapomona Jesús jume notatsi, jeye:

—Canta jopa payaputaeyino xua pon Juan cui itorobatsi xua jiwi pebautisabiwatsi, jei barapomona.

<sup>8</sup> Nexata Jesús barai barapomona, jeye:

—Nexata barichin tsane. Jopa yabara paca tsipaebi tsainchi, po peitorobi coyenyatha exanan xua daxita taexanaewan, jei Jesús.

*Meje yabara poxona Jesús paeba pecayabara jeta pepaebi diwesiyo pomona xua abe exana, pomona petayapucaenaewi uva pabi*

*(Mt 21.33-44; Mr 12.1-11)*

<sup>9</sup> Nexata Jesús diwesi tsipaeba jiwitha po diwesi pecayabara jeta pepaebi diwesiyo. Jesús jeye: “Matha iru pebin pin uva pabi xeina. Bapon uba po unbo pewan uva cuei unbo. Bapoxona bapon itoroba pomona pia uva pabi petayapucaenaewichi tsainchi, xua bapoxona barapomona pejiwanaxaenexa pocotsiwa penawetsiwa. Bapoxona bapon icha nacua beya pona ainya wei nexa. <sup>10</sup> Matabi tsuxubi xua uva cuei naweta. Bapoxona barapo mataqueitha pomona pabi petayapucaenaewi jiwana itapeta nota xua penawetsiwa. Bapoxona pon uva pabi pexeinaein, caein jiwana itoroba pomona pia petanacuichiwichi jiwana, xua petawucaenexa tsainchi uva cuei pomona beya pomona pabi petayapucaenaewichi. Ichitha barapon pon najume caitorobatsi, bapon butsi. Bapon caibe cobesa iya. <sup>11</sup> Pon uva pabi pexeinaein bapon equeicha caein jiwana itoroba pomona pia petanacuichiwichi jiwana. Bapon barichi bichocono butsi, caibe cobesa nawiya yawa jopa catichi. <sup>12</sup> Pon uva pabi pexeinaein equeicha caein jiwana itoroba pomona pia petanacuichiwichi jiwana. Barichi pomona pabi petayapucaenaewi barapon butsi yawa wan exanatsi yawa pabi weya xotsi.

<sup>13</sup> “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxona taxanto taeinchi, metha inta yabara baru cui itura jinaeinchi’, najei. <sup>14</sup> Dapo jumetha pomona uva pabi petayapucaenaewi poxona bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomona. <sup>15</sup> Barapo pexanto tatsi uva pabi juma bema xu cayiyatsi. Baxotiya bexotsi”, jei Jesús.

Nexata Jesús barai barapomona, pomona jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomona barapo uva pabi pia petayapucaenaewichi? <sup>16</sup> Pon uva pabi pexeinaein patopaena pia uva pabitha, pomona uva pabi peyapucaenaewi daxita barapomona jutebinchi. Barapoxona barapo uva pabi ichamona xuya catinchi xua petayapucaenaenexa tsainchi barapo uva pabi”, jei Jesús.

Pomona Jesús jume tayenatsi poxona baxua jume tane xua Jesús paeba, barapomona Jesús jume itawetatsi, jeye:

—¡Bara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamona! jei barapomona.

<sup>17</sup> Ichitha Jesús tane, barapomona tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxona iboto yabara paeba, jeye:

‘Pebiwi pomona ibo bon peacabiwi,

barapo pebiwi xuba po iboto tabu

caboca, po iboto peainya cui iboto.

Ichitha Nacom itapeta barapo iboto xua

petabu cabocaenexa peainya cui ibotoxae’,

jei Nacom Pejume Diwesitha.

<sup>18</sup> Incane iboto yabara paca tsipaebinchi. Barapo ibototha poxonae ichauyo jopeica perɸɸwixi tsanaya. Matautano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jɸta coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaeinchi, jei Jesús.

<sup>19</sup> Sacerdotemonae pia pentacaponaeawi tatsi, irɸ pomonae jiwi pecuidubiwi xua Moisés pia peitorobi coyenewa tatsi, daxita barapomonae juntucuru Jesús teicatsi poxoru barapomonae yaputane xua yabara paebatsi xua Jesús paeba. Nexata Jesús jopa teicaetsi poxoru jiwi cunuwatsi.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

*(Mt 22.15-22; Mr 12.13-17)*

<sup>20</sup> Barapomonae itoroba, ichamonae itorobatsi xua petataenexa tsainchi. Pomonae xua itorobatsi, barapomonae naexana itara mexeya pentɸ cui xanepanaewi. Barapomonae pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonae Jesús waetabichi yawa pia caponaetsi pontha pon Judea nacuapiwi peyanacua ewatsinchi. Bapon peajumeyapusa itorobiwa xeina, xua po peajumeyapusa itorobiwa cata pon romanomonae itorobiya pia pepa peewatsinchi.

<sup>21</sup> Daxota barapomonae Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexainaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi catsita najɸpa. <sup>22</sup> Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara pon penanapainchi poponaein? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

<sup>23</sup> Ichitha Jesús yaputane xua piraichi baxua yainyabatsi.

<sup>24</sup> Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wɸn ducua? jei Jesús.

Barapomonae jume nota, jeye:

—Apara romanomonae itorobiya pia pepa peewatsinchi, jei barapomonae.

<sup>25</sup> Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua irɸ piawaxae tatsi, jei Jesús.

<sup>26</sup> Barapomonae jopa itacɸpaetsi xua Jesús pewaetabiwatsi daxita jiwi peitɸtha, tsipei Jesús beta jume nota barapomonae. Barapomonae yabara najuntu cui coyene cabenaeca pocotsiwa xua Jesús xanepanaya beta jume nota, daxota barapomonae saya moya umena.

*Meje yabara poxonae Jesús yabara yainyabatsi po coyene xua equeicha asɸ pomonae pewerapeibiwi*

*(Mt 22.23-33; Mr 12.18-27)*

<sup>27</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asɸ tsaibiyo. Barapo pecuidubiwa jopa jɸpaeyo po pecuidubiwa Jesús pia pecuidubiwa tatsi xua pinae jiwi equeicha asɸ jinompaena



poxonae werapa. Daxota saduceomonae Jesús siwa poinchi. Saduceomonae Jesús baraichi:

<sup>28</sup> —Pon jiwi Necuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>29</sup> Barichi, matha iru cae peweicho jiwi xua caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>30</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. <sup>31</sup> Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>32</sup> Bapoxonae matapainya iru barapowa tupa. <sup>33</sup> Xam, Jesús, ba paebame, ba jam: ‘Matacabi jopaena po matacabitha Nacom asu exanaena xua jiwi asu exanaeinchi muthu wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha, ¿jintam metha barapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>34</sup> Nexata saduceomonae, Jesús jume nota. Jesús jeye:

—Barapo nacuathe pebiwi yawa yabuxi, barapomonae jitha eenapona. <sup>35</sup> Pomonae xua Nacom itapeta waba, poxonae barapomonae patsina Nacom pia nacuatha, barapomonae jopa equeicha jitha eenapona tsane, yawa jopa pexantixi jitha cuarebapona tsane. <sup>36</sup> Tsipei barapo nacuatheicha, barapomonae bexa jopa werapae tsane icha matatsunpiwi ichi xua jopa werapae. Matauta barapomonae Nacom pia pexui, tsipei barapomonae equeicha asu barapo petupae coyene weya. <sup>37</sup> Caena bayatha Moisés yabara naca cuiduba xua pomonae pewerapebiwi xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. <sup>38</sup> Baxua Nacom paeba tsipei Abraham iru Isaac, iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi caewa equeicha asu pejinompaewi pomonae pejume cowantsiwiixaetsi Nacom, barapomonae jame pia Nacom tatsi, pon itabocotha eca, jei Jesús.

<sup>39</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwanamonae Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomonae.

<sup>40</sup> Saduceomonae equeicha jopa Jesús yainyabichi xua equeicha beta pejume notsi-watsiyainwa.

*Meje yabara poxonae Jesús nayabara jei: “Mesías, ¿jintam pia pemomoxi susato jiwana pin tatsira?” jei*

*(Mt 22.41-46; Mr 12.35-37)*

<sup>41</sup> Equeicha Jesús nayabara paeba pomonaetha pomonae jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwana pin tatsi? <sup>42-43</sup> Tsipei David jei salmos penaxuanae weixi diwesintha:

‘Nacom pon Pecanamataxeinaein jiwi  
Tanecanamataxeinaein baraichi pon  
Mesías jeichichi:

Tacoxa werena ecare, beya abũ tsane poxonae  
necaaitafaetabi jiwi pia Pecanamataxeinaeinchi  
tatsi caexanaeinchi, jei Nacom',  
jei David salmos penaxanae weixi diwesintha.

<sup>44</sup>Icha David yabara jei xua Mesías yabara jeichi: Bapon Mesías Tanecanamataxeinaein,  
jei, zeta xua metha tsipae xua Mesías apara David pia pemomoxi susato jiwana-pin tatsi?  
jei Jesús.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia  
peitorobi coyene tatsi barapomonae pecuiyainwa tatsi*

*(Mt 23.1-36; Mr 12.38-40; Lc 11.37-54)*

<sup>45</sup>Pomonae xua umena daxita barapomonae Jesús jume taeumeinchi poxonae Jesús  
pijimonae tsipaeba. Jesús namchi, jeye: <sup>46</sup>“Dota pam, dota pomonae jiwi pecuidu-  
biwi Moisés pia peitorobi coyene tatsi. Barapomonae pia pecuidubi coyenewan tatsi  
pecuiyainwa pande. Jopa paexanaeinde icha barapomonae ichi xua barapomonae bi-  
chocono ichichipa xua penama xatabiwa po paparuwan api-piya deca xua be pomonae  
peainya cui jiwi penaexanaewi naexana. Barapomonae bichocono ichichipa xua jiwi  
namtotha jacobebina xua barapomonae pejacobinexatsi xua jiwi pebarũ cui itura  
jineibinexa barapomonae xua barapomonae pebarũ cui itura jineibinexatsi. Bara-  
pomonae bichocono ichichipa xua nanta caeneiba judiomonae pia penacaetutsi bontha  
tatsi ichaxota ba enathopeiba pomonae peainya cui jiwi penaexanaewi. Matauta  
barapomonae bichocono ichichipa xua eneiba ichaxota ba eneiba pomonae peainya cui  
jiwimonae poxonae pexaewan tsinacaetuteiba xua poxonae penabaneibinexa tsane.

<sup>47</sup>Matautano barapomonae powaxi pecuenta werapaewaxichi piseurixi, barapowaxi  
cueranta enatsi pia bon. Barapomonae naemata jopa cuinaya najume copababeibiyo  
poxonae tsipaebeiba Nacom. Barapomonae bichocono peraxa jubebinchi poxonae po  
mataqueitha Nacom yabara paebina jiwi xua pia penatsicuentisiwa xua abe petsita ex-  
anaexaetsi. Barapomonae bichocono atene tsane xua poxonae beyacaincha ichamonae  
atene exanaeinchi xua jopa pejume cowantsixaetsi Nacom”, jei Jesús.

## 21

*Meje yabara poxonae Jesús yabara paeba xua petsiriwa paratiyobe cata Nacomtha,  
powa pecuenta tũpaewatsi piseuri*

*(Mr 12.41-44)*

<sup>1</sup>Nacom pin pia botha Jesús tane xua baxota pomonae copei xeinaewi paratixi jeya  
Nacom nexa ichaxota jiwi jebeiba paratixi. <sup>2</sup>Barichi Jesús tane xua irũ ainya tsica  
paratiyobe jeca baxota powa pecuenta tũpaewatsi piseuri, yawa bapowa peacopeibi-  
wayo. <sup>3</sup>Jesús jeye:

—Bara xaniyeya paca tsipaebatsi. Barapo yabũyo powa pecuenta tũpaewatsi  
piseuri, barapowa peacopeibiwayo. Daichitha barapowa jeca ainya paratiyobe Na-  
com nexa. Bapowa cata beyacaincha ichamonae daxita pomonae nawita jeya xua  
Nacom nexa. <sup>4</sup>Daxita barapomonae jeya pocotsiwa tanacopabeibatsi. Ichitha nama  
bapowa bichocono peantobexae Nacom daxota omeicha jeca po paratiyobe bequein  
canantawenona xua pexaewa tsane, bequein bichocono peacopeibiwayo, jei Jesús  
pijimonaetha.

*Meje yabara poxonae Jesús yabara paeba xua ichamonae abe exanaena Nacom pin pia  
bo tatsi*

*(Mt 24.1-2; Mr 13.1-2)*

<sup>5</sup>Ichamonae yabara natsipaeba nawita Nacom pin pia bo tatsi. Barapomonae najei:  
“¡Maisa Nacom pin pia bo tatsi bepa wũnae! ¡Maisa bepa wũnae xua jiwi tutu pepena

peit̃panaewan barapo Nacom pin pia botha xua Nacom nexa!” jei barapomonaē. Nexata Jesús jeye:

<sup>6</sup> –Matacabi jopaena po mataqueitha tsane ichamonae pomonaē penanapaincha jinompaewi pomonaē xua icha nacia werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyo nacopatuncuae tsane icha iboto pẽmatha, daxita abe tsane, jei Jesús.

*Meje yabara poxonaē Jesús yabara paeba xua copiya matha pew̃naeya exanaena petsita it̃tsi coyenewa poxonaē daxita weraweracaenaba*  
(Mt 24.3-28; Mr 13.3-23)

<sup>7</sup> Nexata jiwi Jesús yainyabatsi, jeye:

–Pon jiwi pata Pecuidubim, ¿eta poxonaē metha ichamonae baxua exanaena poxonaē abe cana exanaena Nacom pin pia bo tatsi? ¿Eta pocotsiwa tsane xua pew̃naeya tsita itapeinya xeinaena po coyene xua poxonaē imoxoyo daxita weraweracaenaba? jei Jesús pijimonae tatsi.

<sup>8</sup> Jesús jume barai: “Dota pam b̃ ichamonae naerabiya paca muxu tsipaeba xua daxota abe paexanaetsipame. Tsipei tsane patsina ayei bicheito jiwi pomonaē natsicotaena icha be xan ichin. Barapomonaē jei tsane: ‘Apara xan, Mesías’, jei tsane. Ich̃n jei tsane: ‘Anoxuae Mesías patopaena’, jei tsane. Ichitha paxam jopa payabara jume cow̃ntsinde pocotsiwa xua barapomonaē paeba. <sup>9</sup> Pajume taename xua jiwi juinya nabenoutsina xote, yawa xua juinya ir̃r̃ nabenoutsina icha ira beya. Daichitha jopa pajunuwinde, tsipei baxua pew̃naeya matha copiya tsane. Daichitha cataunxuae dapō matacabi aichica tsane xua poxonaē daxita weraweracaenaba yatsicaewa”, jei Jesús.

<sup>10</sup> Equeicha Jesús namchi: “Cae nacuapiwi ir̃ icha nacuapiwino barapo ainya nacuapiwibe nabenoutsina. Matãtano ir̃ pon nacia peewatsin ir̃ ich̃nd̃ pon icha nacia peewatsin baponbe ir̃ nantiya nabenabe. <sup>11</sup> Matãtano ainya nacuantha ira jijiyatsina. Matãtano ainya nacuantha jainbo nacia tsane, tsipei pin mayayo tsane. Matãtano domae tsurucuae tsane ainya nacuantha. Matãtano Nacom peit̃abocotha peit̃panaewan it̃tsina, xua jiwi bichocono cunuwa.

<sup>12</sup> “Poxonaē baxua pew̃naeya tsane jiwi paca teiquebina, paca atene exanaena. Judiomonaē pia penacaetutsi botha paca caponaena painya paca yabara paebinexa painya nenatsicuentiwa xua abe painya neexanaexae. Yawa paca caponaena jiwi pec̃bi botha. Paca caponaenano nacia peewatsiwi peitabaratha tatsi, painya tana nejume cow̃ntsixaemxae. Yawano paca caponaena pentacaponae peitabaratha tatsi, pomonaē ir̃ itoroba jiwitha xua pon nacia peewatsin nexa painya tana nejume cow̃ntsixaemxae. <sup>13</sup> Barapoxonaē paca cui itac̃paena xua barapomonaetha tapana neyabara paebiwam pocotsiwa bayatha paca tsita exanatsi. <sup>14</sup> Pananta xeinare painya j̃nt̃ coyenetha, pana najande: ‘Jopa tsiwanaya yabara nacui w̃naetsi tsainchi xua ichamonae watsipaebiwatsi xua abe wanaca yabara paebiwa’, pana najande. <sup>15</sup> Tsipei xan paca tsimuxu dutinchi po jume xua pacaunutsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jiwi jopa paca jume matanonopentsi tsane, xuano xua jopa peitac̃paenexa tsainchi xua abe painya nepaca yabara paebiwa. <sup>16</sup> Paca caenaetsina ichamonae icha jiwitha pomonaetha pomonaē jiwi pecanamataxeinaewi. Ir̃ painya axeiwi yawa painya ena jiwi paca caenaetsina ichamonaetha. Ir̃ painya eweicho jiwi paca caenaetsina ichamonaetha. Ir̃ painya amoyo jiwi paca caenaetsina ichamonaetha. Ir̃ painya jiwimonae paca caenaetsina ichamonaetha. Barichi ichamonae pomonaē paxam jiwana pam jutebinchi. <sup>17</sup> Daxita nacuanpiwi paca casebina, painya tana nejume cow̃ntsixaemxae. <sup>18</sup> Ichitha Nacom paca capanenebiyaena painya nej̃nt̃ coyenein panenebiyaenexa. <sup>19</sup> Awiya paant̃yap̃us̃ya nejume cow̃ntsiya jinompare poxonaē

bequein ichamonae abe pacata exana xua beya payacuiya werapaeya othopaename xua painya xeinaewa tsane peajuntuyarusawa po peajuntuyarusawa ataya tsiteca.

<sup>20</sup> “Poxonae pataename xua soldadomonae xua icha nacuapiwi yacaincha matawa-caicha yatoxoroto naexanaxubina Jerusalén tomara bapoxonae payaputaename xua barapo tomara bara imoxoyo abe exanaeinchi. <sup>21</sup> Barapo mataqueitha, daxita pomonae Judea nacuatha jinompa barapomonae bewa demxuwan berucupiyaena. Iru pomonae Jerusalén tomarapiwi, barapomonae bewa bara berucupiyaena. Iru pomonae pabitha jinompa, barapomonae jopa bewa ducupaetsipae tomara beya. <sup>22</sup> Tsipei barapo matabintha Nacom cui itorobina, ichamonae cui itorobinchi, xua jiwi peraxa exanaeinchi, icha be po coyeneya Nacom Pejume Diwesitha yabara paeba baxua. <sup>23</sup> ¡Pai yabuxi tsobenae powaxi pexui burana taenatsi barapo matabitha! ¡Pai powaxi iru pexui isaina, barapowaxi tsobenaeru! Tsipei acabe tsobenae tsane pexui. Matautano Nacom cui itorobina barapo nacuathe, ichamonae cui itorobinchi xua barapo nacuathepiwi pin peperaxa jubiwatsi tsainchi. <sup>24</sup> Ichamonae cusitha jutebinchi. Ichamonae yamaxu cubiya caponaeinchi icha nacuan beya. Barapo Jerusalén tomaratha pomonae penanapaincha jinompaewi xua icha nacua werena peponaewi dubenanaebiyaena beya barapo matabi yacobe cui othopaena, po matabitha xua Nacom cobe matawentsina xua equeicha jopa enae tsane barapo tomaratha barapomonae”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin*

*(Mt 24.29-35, 42-44; Mr 13.24-37)*

<sup>25</sup> Equeicha Jesús jeye: “Bapoxonae xometotha naitatsina peitapanaewa, yawa jomocoichatho, yawa opiteitontha. Barapo irathe daxita nacuanpiwi yabara najuntu coyene cabenaenoutsina. Matautano busi taena pin maratsacan busi xua busi jopa xainya mene ducuaeyo. Bichocono jiwi najuinyacaena. <sup>26</sup> Jiwi pijunuwi muxu pewerapae tsane poxonae nanta xeinaena po coyene Nacom exanaena barapo cae pin nacuathe. Matauta junuwina xua exanaena itabocotha poxonae Nacom napuna torobabiyaena xua xuan itabocotha dubena. Bapoxonae jopa xapain dubenanaeyo tsane. <sup>27</sup> Bapoxonae jiwi netaena ponxaein Nacom Tananeitapetsin xua tsaquinaebowatha patopeicaein. Nacom pia peayarusawa itorobi coyenewatha, matautano bichocono pexeinya itupanae coichatha yawa patopeicaein. <sup>28</sup> Poxonae baxuan juntucuru exanaenaba, panantusubarucupare, athabe panecotumeinyama, tsipei bara imoxoyo paca necapanenebiwa tsane”, jei Jesús.

<sup>29-30</sup> Nexata Jesús pijimonae tsipaeba pecayabara jata pepaebi diwesiyo xua higuera nae, jeye: “Pataema nae po nae pewun higuera nae, xuano ichacuitha icha naeinno xua pataneme xua pena noxu xuxuwa pona. Nexata bapoxonae payaputaema xua imoxoyo wei tsurucuae tsoponae. <sup>31</sup> Nexata barapocotsi jata coyeneya icha tsane xuaunxuae paca tsipaebatsi xua poxonae jiwi muxu pijunuwi pewerapae tsane. Bapoxonae payaputaename xua bara imoxoyo tsane poxonae xua tapatopae wuna tsane poxonae jiwi itorobiya ewatsin.

<sup>32</sup> “Bara xaniyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena. <sup>33</sup> Peitaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>34</sup> “Dota pam, pana neyabara cananta xeinaeya jinompare. Painya xoba pana najuntu coyene ararana exaname xua pana nasi cui matabaetame yabuxitha xuano xua pana nacupa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonae barapo matabi xain jopa paca

benaecae tsane poxonae jopaena. <sup>35</sup> Tsipei barapo matababi jemeicha jopaena, icha be pocotsi juta coyeneya ichi poxonae duwein jemeicha aatabatsi mayatha. Barapo matababi jopaena daxita barapo cae pin nacuathe yajiwi canaapaxuinch. <sup>36</sup> Tsaca pajinompeibare xua tapatopae wuna tsane. Matowa patsipaeba dubenanaebiyama Nacom. Patsipaebbare xua Nacom paca capanenebiya exanaena baxua weya xua poxonae Nacom cana exanaena ichamonaetha xuaunxuae paca tsipaebatsi. Barichi patsipaebbareno xua painya nepaca itacapaewa tsane xua painya neumenaewa taitabaratha ponxaein Nacom Tananeitapetsin”, jei Jesús pijimonaetha.

<sup>37</sup> Daxita matababi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuwa beya poneiba xua baxotiya peecaenexa tsaibi tsane, po demxuwa pewun Olivos. <sup>38</sup> Daxita matababi jiwi caemambotha tsaibi pateiba Nacom pin pia botha xua Jesús pejume taenexa tsaibi tsainchi.

## 22

*Meje yabara poxonae fariseomonae iru sacerdotemonae pia pentacaponae tati daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Bara nama imoxoyo matababi jopa po matababitha xua jiwi nacaetuta pexaenexa pan xua jopa cotowiyo. Barapo matababi pewun Pascua matababi wun. Barapo Pascua matababi wuntha jiwi yabara nanta xeina po matababi poxonae caena bayatha matha judiomonae Egipto nacua weya panenebiya. <sup>2</sup> Sacerdotemonae pia pentacaponae tati, iru pomonae jiwi pecuidubiwi Moisés pia peitorobi coyene tati, daxita barapomonae nabaru muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

<sup>3</sup> Bapon Judas caein jiwana pomonae doce poyobe pomonae Jesús pijimonaexae tati. Judas icha wun xeina, po wun “Iscariote”, baraichi. Nexata bapoxonae Satanás caurimonae pia pentacaponaein tati, Judas imoxoyo peinya caquita uncuatabatsi peitorobinexatsi xua abe peexanaewa tsane. <sup>4</sup> Judas siwa pona sacerdotemonae pia pentacaponae tati, iru policiamona xua pebaru cueicueijeinexa tsane. Barapomonae policiamona pentacaponae, xua pomona peyabara umenaewi Nacom pin pia bo tati. Daxita barapomonaetha Judas tsipaeba xua pocotsi coyeneya poxonae Jesús caenaetinch barapomonaetha. <sup>5</sup> Barapomonae bichocono ichichiparuca paxua. Yawa barapomona Judas muxu tsipaebatsi xua paratixi catsibapaebatsi. <sup>6</sup> Judas bara yabara jejei xua barapomonae paeba. Bapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxona peyapu xanepanaewatha poxonae jiwaibi tsurucpa.

*Meje yabara poxonae Jesús pijimonae baru nabane Pascua wun matababitha*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Nama matababi jopaba po matababitha poxonae jiwi tsinacaetutsina xua penabanaenexa pan po pan jopa muxuna pentsiyo levadura matawan pocotsiwa xua cotowa exana pan. Barapo penantacarucuae matababitha ba corderoxi peboxi xua oveja coxi jutebatsi xua jiwi pexaenexa. <sup>8</sup> Pedro iru Juan itorobatsibe, Jesús itoroba. Jesús barai, jeye:

—Paponarebe panacui wunaerebe pexaewa Pascua wun matababi nexa waxaenexa tsainchi, jei Jesús.

<sup>9</sup> Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matababi nexa? jei barapomonae.

<sup>10</sup> Jesús jume nota. Jeye:

—Poxonae tomaratha papatopaenamebe, pataenamebe pebin. Barapo pebin juruwattha yantana ponaena mera. Bapon papuna ponarebe bo beya ichaxota bapon joniyaena. <sup>11</sup> Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonae baru xaein Pascua wun matabi nexa? jeye Pecuidubin’, pajandebe, jei Jesús. <sup>12</sup> Equeicha Jesús jeye:

—Bapoxonae pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui wunaetajebare xua wanabanaenexa pexaewa barapo Pascua wun matabi nexa, jei Jesús.

<sup>13</sup> Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonae pexaewa nacui wunaetajebabe Pascua wun matabi nexa xua penabanaenexa.

<sup>14</sup> Poxonae barapo hora tsuxubi poxonae quirei tsanaicha, Jesús baru ecoundeca pexaethopaewatha pijimonae pomonae doce poyobe pomonae pia peitorobiwixae tatsi Jesús. <sup>15</sup> Nexata Jesús barai, jeye:

—Maisa bichocono juntu coyene weiweinan xua tapaca cabaru nacaetutsiwatsi, yawa tapaca cabaru nabanaewatsi barapo Pascua wun nabanae matabithe, xua baxua matha pewunaeye tsane xua poxonae tatupaewa tsane. <sup>16</sup> Daxota paca tsipaebatsi xua equeicha jopa tapaca baru nacaetutsiwatsi tsainchi xua wanabanaewa tsane Pascua wun matabitha. Equeicha exanaeinchi barapo penabanaewa po mataqueitha poxonae Nacom neexanaena xua jiwi itorobiya ewatsin, jei Jesús.

<sup>17</sup> Nexata Jesús pecobetha pita corotiyo, Nacomtha tsipaeba, jeye:

—Axa, maisa juntu coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonae, jeye:

—Barapo corotiye pana nacobe wenonotaponde tamropata tsiwixi pa-aapaponde. <sup>18</sup> Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane pena coyenewatha paca baru apaeinchi barapo uva mera poxonae Nacom neexanaena xua jiwi itorobiya ewatsin, jei Jesús.

<sup>19</sup> Jesús pecobetha pita pan, Nacomtha tsipaeba, jeye:

—Axa, maisa juntu coyene weiweinan xua pan pata tanecatsiwam, jei.

Bapoxonae Jesús pecobetha epa janaca pan, yawa catsiba pijimonae. Pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitupaewatsi tsainchi. Baxua paexaneibare bapocotsiwa xuaunxuae pan paca baru xainchi. Barapo coyene paexaneibare painya tana neyabara jantanaineibinexa tsaibi tsane, jei Jesús.

<sup>20</sup> Poxonae Jesusbaru najain weta, barapoxonae Jesús yabara paeba corotiyo, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaapaewiyotha uva mera paapame, xuaunxuae paapame, apara natsicotane be tajana xua tatupaein jana jopeicaein. Barapo pejanatha paca juntu coyene cui capanepaeinchi abe painya neexanae cuiru coyenein weya. <sup>21</sup> Pebin taxantha necacuita namaxu yutabota pexaethopaewatha, barapo pebin necaenaetsina ichamonaetha xua tanebexubinexa tsane ichamona. <sup>22</sup> Xan ponxaein Nacom Tananeitapetsin bewa tupaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha, jei Jesús.

<sup>23</sup> Nexata barapomonae caemonae nantiya nayainyaba, jeye: “¿Jintam metha caenaetsi Jesús?” najei barapomonae.

*Meje yabara poxonae Jesús pijimonaе tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana*

<sup>24</sup> Pirapaeyo Jesús pijimonaе tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana. <sup>25</sup> Nexata Jesús jume barai: “Pomonaе jopa judiomonaе naexanaeyo, barapomonaе ba nantauta piamonaе pomonaе nacua peewatsiwi. Barapomonaе pomonaе jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonaе pomonaе jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonaе pomonaе jiwi itorobiya pia pepa peewatsiwichi wunaе nacata exana xua naca itoroba’, pia jeichi jiwi. <sup>26</sup> Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamonaе bapon bewa naexanaena be pon pecui pawi. Pon xua jiwi itorobeiba, bapon bewa naexanaena be pon amanaya tanacuita ichun nexa. <sup>27</sup> Iru ainya pebinbe. Ichun pexaethopaewatha ecoundeca. Ichun pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ichun? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichun. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

<sup>28</sup> “Paxam barapomonaе pam, pomonaе meisa pana nebaru jinompeibame poxonaе bequein ichamonaе inta abe exana. <sup>29</sup> Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan. <sup>30</sup> Barapo peitorobi coyenewan paca catatsi, painya nenabaru nabanaenexa taitorobeibi nacuatheica. Paenaename pexeinya peitupanae enaewantha, painya neyabara paebinexa tsane pomonaе doce po bicheito cuntyobe, pomonaе Israel pia pemomoxi susato jiwimonaе tatsi xua penatsicuentsiwa abe pia peexanaexae”, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mt 26.31-35; Mr 14.27-31; Jn 13.36-38)*

<sup>31</sup> Equeicha Jesús jeye:

—Simón jan, caurimonaе pia pentacaponaein tatsi, bapon Satanás newuca: ‘Jinyamonaepin necare’, nejei. Bapon ichichipa xua abe cata exanaena xua taneitawetsinexam tsane. Icha jiwi ichi xua pebeno daunweya yasisita pexubinexa pesiberapewa. Barichi caurimonaе pia pentacaponaein tatsi ichichipa cajantu coyene itorobina xua taneitawetsinexam tsane. <sup>32</sup> Ichitha xan Taxa beicha cata tsipaebatsi xua jopa tana neyabara juntemainaenexam tsane xua tana nejume cowantsiwam. Ichitha Satanás cacana exanaena xua tana nejumefebiwam saya bara caeto tsane. Bapoxonaе equeicha caewa nejume cowantsiname. Poxonaе equeicha caewa nejume cowantsiname, nexata ichamonaе pomonaе tana nejume cowantsiwi barapomonaе yawenaename xua ajuntuyapusa tana nejume cowantsiwa tsane, jei Jesús.

<sup>33</sup> Simón Jesús jume notatsi, jeye:

—Tanecanamataxeinaem, maisa be cabaru poponaeinchi. Bara bequein ichamonaе cacaponaena jiwi pecubi botha ichitha awiya capuna tupaeinchi. Matauta bequein tupaename ichitha awiya capuna tupaeinchi, jei Simón Pedro.

<sup>34</sup> Jesús jume nota, jeye:

—Pedro, catsipaebatsi bexa necaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonaе iru tsane wacara pebto fibina, jei Jesús.

*Meje yabara poxonae bara nama barapo matacabi tsane po matacabitha Jesús waetabatsi*

<sup>35</sup> Nexata Jesús pijimonae yainyaba, jeye:

—Poxonae bayatha paca itorobatsi paca jeichi: ‘Jopa paratixi doro pacaponaeinde, jopa cote pacaponaeinde, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomonae Jesús jume notatsi, jeye:

—Ajibi, bara paxeinan pocotsiwa panantawenonan, jei.

<sup>36</sup> Nexata Jesús jume nota. Barapomonae jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponae. Pon xeina paratixi doro, moya bewa caponae. Pon peaitiyu camisa xeina, bapon bewa caenaetsina barapo camisa, barapo paratixitha bewa comotsina cusi.

<sup>37</sup> Poxoru paca tsipaebatsi caena bayatha Nacom Pejume Diwesitha neyabara paeba, jeye: ‘Bapon cayabara cananta xeinaeinchi jei tsane bapon jiwana caein pomonae peabewi’, jei Nacom Pejume Diwesitha xua pinae jiwi jei tsane. Jiwi nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

<sup>38</sup> Barapomonae Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

*Meje yabara poxonae Jesús Paxa tsipaeba ichaxota tsica iriyo po iriyo pewun Getsemani*

*(Mt 26.36-46; Mr 14.32-42)*

<sup>39</sup> Nexata Jesús tomara weya pona. Bapon pona demxuwa beya po demxuwa pewun demxu Olivowa, olivo naein peumenaexae baxota poxoru pia cui xua poneiba baxota petsipaebibinexa Paxa. Jesús pijimonae puna poinchi. <sup>40</sup> Poxonae barapo demxuwatha patopa, Jesús pijimonae barai:

—Nacom patsipaebare xua jopa abe painya neexanaewa tsane xua caurimonae paca itoroba.

<sup>41</sup> Nexata Jesús pijimonae tsiwiyo wepu natsixitaba. Saya jopa tajayo. Be poxonae pebin ibotiyoy xoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba. <sup>42</sup> Jesús namchi: “Axa, icha ichichipame xua tana neyawenaewam, inta pire xua ajuntucoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

<sup>43</sup> Bapoxonae Jesús tsita naitatatsi matatsunpin pon itaboco wetsica pona. Barapo matatsunpin Jesús antusaya cana exanatsi poxonae yawenatsi. <sup>44</sup> Bichocono Jesús ajuntutane tsipei Paxa copatatsi xua jiwi petsitupaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothopeica.

<sup>45</sup> Poxonae najume wetaba xuano xua asiya uncuno bapoxonae pijimonae beya pona. Jesús tane pijimonae xua tamaitumeinchi. Barapomonae maita tsipei juntu cuerona xua wecoyei, xua Jesús yaitama petupapaebixae. <sup>46</sup> Nexata Jesús pijimonae barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonae paca itoroba, jei Jesús.

*Meje yabara poxonae Jesús waetabatsi*

*(Mt 26.47-56; Mr 14.43-50; Jn 18.2-11)*



<sup>47</sup> Cataunxuae ab<sub>u</sub> Jesús pijimonae tsipaebuncua poxonaer<sub>u</sub> jiwi pin bicheito pata. Caein Jesús pijimonae tatsi jiwana, pon pew<sub>u</sub>n Judas, pomonae xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi. <sup>48</sup> Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

<sup>49</sup> Pomonae Jesús pijimonae tatsi caquita umeinchi, poxonae barapomonae baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonae Jesús baraichi:

—Pata Tanecanamataxeinaem, ¿barapomonae cusitha paucuboban? jei Jesús pijimonae tatsi.

<sup>50</sup> Jesús pijimonae tatsi jiwana caein, bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya. <sup>51</sup> Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya. <sup>52</sup> Jesús tsipaeba, sacerdotemonae pia pentacaponaei tatsi tsipaebatsi. Yawano tsipaebano pomonaetha pomonae penapataewi. Barichi tsipaebano pomonaetha pomonae Nacom pin pia bo peyapu enaewi. Daxita barapomonaetha Jesús cueicueije, pomonae ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwi pecaibin! <sup>53</sup> Poxonae daxita matacabi Nacom pin pia botha paca bar<sub>u</sub> poponeibatsi, jopa pana newaetabim. Ichitha anoxuae barapo matacabi tsuxubi nama po matacabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Nexata daxita barapomonae Jesús teicatsi. Yawano capoinchino sacerdotemonae pia pepa pentacaponaein tatsi pia bo beya tatsi. Pedro, Jesús tsiwiyo taj<sub>u</sub> pu taetae tsiniyatsi. <sup>55</sup> Baraxotiya sacerdotemonae pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonae barapomonae nayatoxoroto exanaxubiya ena isototha. Baraxota ir<sub>u</sub> Pedro naeca. <sup>56</sup> Yab<sub>u</sub>yo powa sacerdotemonae pia pepa pentacaponaein tatsi tanacuitatsi, poxonae Pedro tainchi barapowa, xua ir<sub>u</sub> naeca baxota isototha barapowa Pedro caununaya baraichichi, jeichichi:

—Bapon ir<sub>u</sub> apara bayatha Jesús puna poponeibatsi, jei.

<sup>57</sup> Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

<sup>58</sup> Bapoxonae pirapaeyo ir<sub>u</sub> ich<sub>u</sub>nd<sub>u</sub> pebin patopa. Bapon Pedro ir<sub>u</sub> tainchi xua ir<sub>u</sub> naeca baxota. Pedro baraichi bapon, jeye:

—Xam apara ir<sub>u</sub> Jesús pijimonae tatsi jiwanam, jei.

Ichitha Pedro jume barai, jeye:

—¡Pebin, jopa dapomonae jiwananyo apara! jei Pedro.

<sup>59</sup> Poxonae cae hora yapucaewa, ir<sub>u</sub>nd<sub>u</sub> Pedro matowa baraichichi:

—Bapon apara napuna poneiba Jesús, tsipei bapon Galilea nacuapind<sub>u</sub>, jei.

<sup>60</sup> Ichitha Pedro jume barai, jeye:

—¡Pebin, da<sub>u</sub>metha jopa taeinyo xua paebame! jei Pedro.

Poxonae Pedro cataunxuae baxua cueicueije, bapoxonae caena nainya wacara pebto caein fiba. <sup>61</sup> Nexata Jesús napatomeicha necota, Pedro necoyatsi. Nexata Pedro nanta

xeinataba xua bayatha Jesús Pedro tsipaebatsi, poxonae jeye: “Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonae iru nainya wacara pebto fibina”, jeichi Pedro xua Jesús paeba. <sup>62</sup> Nexata Pedro pesato bejoniya. Bichocono wecoyei, peajuntutanexae xua Jesús yabara paebatsi.

*Meje yabara poxonae Jesús cui caponatsi*

(Mt 26.67-68; Mr 14.65)

<sup>63</sup> Pomonae Jesús yapucaumeinchi, daxita barapomonae Jesús cui caponatsi, yawa buttsino. <sup>64</sup> Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

<sup>65</sup> Daxita barapomonae Jesús tsuru jume baru paebatsi ainya jumeintha.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

(Mt 26.59-66; Mr 14.55-64; Jn 18.19-24)

<sup>66</sup> Poxonae pentha tsina naba ru nacaetuta penapataewi judiomonae, iru sacerdotemonae pia pentacaponae wi tatsi, iruru pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

<sup>67</sup> —Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowantsitsipaem. <sup>68</sup> Icha paca yainyabichipatsi tayainyabiwan apara jopa pana nejume notsipaem. <sup>69</sup> Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapusu itorobi coyenewa pexeinaein, jei Jesús.

<sup>70</sup> Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

<sup>71</sup> Nexata barapomonae caemonae natsipaeba najei:

—Anoxuae jopa nantawenonaetsi xua ichamonae Jesús peyabara paebiwatsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonae.

## 23

*Meje yabara poxonae Jesús uncua Pilato peitabaratha tatsi*

(Mt 27.1-2, 11-14; Mr 15.1-5; Jn 18.28-38)

<sup>1</sup> Nexata daxita penayatoxoroto exanaxubiya enae jiwi barapomonae asiya ume-narucu pa, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi. <sup>2</sup> Baxota daxita barapomonae Jesús cui yopitatsi xua abe exana, jeye:

—Barapo pebin patan xua wajiwimonae jume cui tsacabatsi xua anaepana cana exanatsi. Yawano pajume tanno pocotsiwa jopa bewa pinae paratixi matoma catsi pontha pon romanomonae itorobiya pia pepa peewatsinchi. Matauta bapon nayabara paeba: ‘Xan apara Mesías pon jiwi itorobiya pepa Taewatsin’, jei, jei barapomonae.

<sup>3</sup> Nexata Pilato Jesús yainyabatsi, jeye:

—¿Xam judiomonae itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

<sup>4</sup> Nexata Pilato barai sacerdotemonae pia pentacaponaeawi tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae exanaewa, xua pebexubinexatsi barapo pebin, jei.

<sup>5</sup> Ichitha barapomonae jume daunweya cueicueijei, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becui joparene, jei.

*Meje yabara poxonae Jesús uncu Herodes peitabaratha tatsi*

<sup>6</sup> Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitha.

<sup>7</sup> Barapo bicheito namchi, jeye:

—Aa, bapon Galilea nacuapin, jei barapomonae.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara. <sup>8</sup> Poxonae Jesús taebatsi Herodes, bapon bichocono juntu coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itatsi coyenewa exanaena. <sup>9</sup> Herodes Jesús matowa yainyabatsi. Ichitha Jesús jopa jume notsiyo. <sup>10</sup> Baraxota iru ena sacerdotemonae pia pentacaponaeawi tatsi. Iruru baxota ena pomonae jiwi pecuidubiwi Moisés pia peitorobi coyenewa tatsi. Daxita barapomonae Jesús bichocono abe yabara paebatsi Herodes pia xantha tatsi. <sup>11</sup> Nexata Herodes yawano pia soldadomonae tatsino daxita barapomonae Jesús tsamu jume baru paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonae peyanacua ewatsi jiwi. Equeicha Jesús itorobatsi Pilato peitabaratha beya, Herodes bara beitorobiya. <sup>12</sup> Barapo matabitha Herodes iruno Pilato naitacoxonabe. Baponbe caena bayatha saya penaita aenae-aenei jitonbe.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

*(Mt 27.15-26; Mr 15.6-15; Jn 18.39-19.16)*

<sup>13</sup> Sacerdotemonae pia pentacaponaeawi tatsi iruru judiomonae pia pentacaponaeawi, iruru daxita jiwi, daxita barapo bicheito Pilato waba xua barapo bicheito penacae-tutsinexa. <sup>14</sup> Pilato barai barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita jiwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame. <sup>15</sup> Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi. <sup>16</sup> Tha cueintichi bapon. Tha bapoxonae pu copatichi, jei Pilato.

<sup>17</sup> Poxonae Pascua matabintha ichun ba bewa isanaxubichi. Pilato barapo Pascua matabintha nantawenona xua isanaxubina caein pon jiwi pecubi botha peecaein, pon xua jiwi ichichipa, xua bapon peisanaxubinexa tsainchi.

<sup>18</sup> Bapoxonae daxita jiwi jume daunweya wawai, jeye:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

<sup>19</sup> Barrabás jiwi pecubi botha etatsi, tsipei caena bayatha matabona ichamonae xua barapo tomarapiwi najume tsacaba cana exanatsi xuano xua jiwi jutebatsi. <sup>20</sup> Pilato

ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi. <sup>21</sup> Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha t̄parucua exanaem! ¡Bewa maisa naetotha t̄parucua exanaem! jei.

<sup>22</sup> Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

<sup>23</sup> Barapo bicheito jopa juniya wawayo xua naetotha t̄parucua peexanaenexatsi Jesús. Ir̄r̄r̄ sacerdotemonae pia pentacaponae wi tatsi jume daunweya wawair̄r̄, beya capanepa po coyene ichichipa pecana exanaewa. <sup>24</sup> Daxota Pilato namchi: “Moya paexande be pocotsi coyeneya paichichipame”, jei Pilato. <sup>25</sup> Nexata Pilato nama pu sotaba pon jiwi pec̄abi botha peecaein, pon jiwi ichichipa xua bapon peisanaxubiwa tsainchi. Bapon pew̄n Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús t̄parucua exanatsi naetotha  
(Mt 27.32-44; Mr 15.21-32; Jn 19.17-27)*

<sup>26</sup> Poxonae Jesús cataunxuae caenapoinchi t̄pa peexanadutsinexatsi naetotha, pebin waetabatsi, soldadomonae waetaba. Bapon pew̄n Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

<sup>27</sup> Jesús peputha tapoinchi pin bicheito, ir̄r̄ ainya yab̄xino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús. <sup>28</sup> Ichitha Jesús necotabiya barai barapowaxi, jeye:

—Yab̄xi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande. <sup>29</sup> Tsipei maticabin othopaena po maticabintha jiwi atene tsane. Barapo mataqueintha, jiwi jei tsane: ‘J̄nt̄r̄ coyene weiweina po yab̄xi jopa pexui xeinaeyo. J̄nt̄r̄ coyene weiweina po yab̄xi jopa bapana b̄tixitha taenaetsi pexui. J̄nt̄r̄ coyene weiweina po yab̄xi bapana pexui jopa isainae’, jei tsane jiwi barapo maticabintha.

<sup>30</sup> Yawano jiwi namchi tsane: ‘Maisa xanepana xua wawerapaewa xua wanaca c̄n̄babiwa demxuwan, yawano tsorobon naca matatsun wetoxebabina xua jopa wanaca it̄tsiwa tsane’, jei tsane jiwi barapo maticabintha. <sup>31</sup> Xan w̄nae exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

<sup>32</sup> Cataunxuae Jesús ecapona. Ir̄r̄r̄ ponbe abe matowa peexanaeinbe, baponbe Jesús peputha tacapoinchibe, xua baponbe ir̄r̄r̄ pebexubinexa tsainchibe poxonae Jesús bexotsi. <sup>33</sup> Daxita jiwi Jesús bar̄r̄ patatsi ichaxota po uruto be jiton matasipa piwa. Po uruto w̄n caunuteiba xua jei tsaibi: “La Calavera”, jei. Barapo uruto matasoitotha Jesús t̄parucua exanatsi naetotha. Ir̄r̄r̄ ponbe jiwi pecaibinbe t̄parucua exanatsibe naetotha ichaxota imoxoyo Jesús ducua. Ich̄n Jesús petsocona wetauncuiyatsi, ir̄r̄ ich̄n pecoxa wetauncuarenatsi. <sup>34</sup> Poxonae Jesús naetotha ducua, Jesús jeye:

—Axa yabara cui j̄nt̄remainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonae nata tsaba Jesús pia paparuwan tatsi. Bapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>35</sup> Baraxota Jesús taeumeinchi jiwi. Ichitha nama pentacaponae Jesús cui caponatsi, barapomonae jeye:

—Bapon cain capanepibabei ichamonae, came jopa nacapanepaeyo. Icha bara bapon Mesías, pon Nacom pia peitapetsin, b̄a bara bapon pia coutha nacapanepa naeto wetsica, jei barapomonae.

<sup>36</sup> Soldadomonae ir̄a Jesús cui capoinchi, imoxoyo caquita umenapoinchino. Barapo soldadomonae Jesús apatatsi po mera pew̄an vino, po mera mene atsu. <sup>37</sup> Barapo soldadomonae Jesús baraichi, jeye:

—¡Icha xaniwaicha judiomonae itorobiya pia pepa Neewatsim, moya jinya coutha nacapanepare! ¡Naeto wetsica ecoinca! jei soldadomonae.

<sup>38</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa peewatsinchi”, jei barapo petinadutsiwa.

<sup>39</sup> Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ich̄an, bapon Jesús biatainchi pet̄upaeyainwa naetha. Bapon namchi:

—¡Icha xaniwaicha xam Mesías, ponxam Nacom caitapeta, moya jinya coutha nacapanepare! ¡Yawano pana necapaneparebe! jei bapon.

<sup>40</sup> Pon icha naetha ducua, bapon jume matawenta, pon Jesús casebatsi, bapon jume matawentsi. Pon icha naetha ducua namchi, jeye:

—¿Xam jopa cuitaya junuwim Nacom? Aparauxuae t̄upaeinchibe ichaunxae Jesús ichi tsane. <sup>41</sup> Waxainchibe jopa juniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

<sup>42</sup> Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matabitha poxona patopeicaename xua jiwi neitorobinexam tsane, jei bapon.

<sup>43</sup> Jesús jume nota, jeye:

—Xaniwaicha bara catsipaebatsi, anoxuae tsane cabar̄a ecaeinchi ichaxota jiwi j̄unt̄a coyene weiweinathopeiba, peit̄upanae nacuatheicha, jei Jesús.

### *Meje yabara poxonae Jesús t̄upa*

*(Mt 27.45-56; Mr 15.33-41; Jn 19.28-30)*

<sup>44</sup> Poxonae Jesús cataunxae ducua naetha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>45</sup> Poxonae cataunxae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica. <sup>46</sup> Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús t̄upanaicha.

<sup>47</sup> Soldadomonae pia pentacaponaein tatsi Roma nacuapin, poxonae bapon baxua taeba, bapoxonae Nacom w̄nae jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

<sup>48</sup> Daxita pomonae xua baxua taeumena baxota, barapomonae pia bo benawibiya. Poxonae namtotha enapona, daxita barapomonae nantacari cuainbobenapona poxoru bichocono aj̄unt̄acoyenetane xua Jesús pewisiwatsi. <sup>49</sup> Ichitha pomonae Jesús peyaitae jiwi, ir̄a yab̄axino, powaxi Jesús puna dendenatsi Galilea nacua werena, daxita barapomonae Jesús taj̄a wetaeumeinyatsi poxonae ichamonae Jesús bexotsi.

### *Meje yabara poxonae Jesús pet̄upaein ibo m̄ath̄a yauxatatabobotatsi*

*(Mt 27.57-61; Mr 15.42-47; Jn 19.38-42)*

<sup>50</sup> Irurū pebin popona, bapon pewun José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta pepoponaein Nacom peitatha tatsi. José, bapon jiwana caein pomonae judiomonae pia pecanamata caitorobi bicheito tatsi. <sup>51</sup> Barapon José yabara jume cowuntsiya wūnae ewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonae pecanamata caitorobi bicheito exana poxonae Jesús bexotsi, baxua José jopa peburūya nacayabara nanta xeinaeyo. <sup>52</sup> José Pilato siwa poinchi. Pilato wūcatsi Jesús petūpaein, José wūca. <sup>53</sup> José naeto wepichica Jesús petūpaein. Bapoxonae José mata quiyontabareca barapo pexeinya paparuwatha. Bapoxonae José ibo mūthū iya boya, po mūthū jiwi mūthū tofobobapona. Barapo mūthūtha cataunxuae petūpaein ichun jopa boyaeatsi. <sup>54</sup> José baxua exana po mataqueitha pewun penacui xaxainchi matakabi poxonae judiomonae ba weta daxita xua penacuitsiwa pewūnaeya poxonae jopaena pentaquei seicae matakabi. Barapo pentaquei seicae matakabi imoxoyo jopaena.

<sup>55</sup> Powaxi Jesús puna dendenatsi Galilea nacua werena, barapowaxi pona mūthūtha, petaenexa xua Jesús mūthūtha xotsi. <sup>56</sup> Poxonae barapowaxi bo benawibiya, bapoxonae nacui wūnaetajeba petuxueiwan yawa penasiwanno, xua Jesús petūpaein tsixaxaintajebatsi.

## 24

*Meje yabara poxonae Jesús equeicha asū juina exanatsi petūpae cuiru coyene weya (Mt 28.1-10; Mr 16.1-8; Jn 20.1-10)*

<sup>1</sup> Barapowaxi botha cuicuina peseicae matakabitha, Moisés pia peitorobi coyeneya pepaebixae, barapo matakabi yabara.

Poxonae judiomonae pia pentaquei seicae matakabi tatsi yapu caewaba bapoxonae patopa matakabi po matakabi xua copiya ducua cae semanatha. Barapo matakabitha poxonae aena pentha tsina, yabūxi pona mūthū beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yabūxi. <sup>2</sup> Poxonae barapowaxi barapo mūthū beya pata, barapowaxi taerūcūpa xua po ibo panawatha yauxatatababota xua pin ibo panawa barapo ibo mūthū bayatha cou yaupataxubabota. <sup>3</sup> Barapowaxi jojoniya mūthi ya ichitha barapowaxi jopa taeyo xua Jesús pon Pecanamataxeinaein petūpaein pebocuaewa. <sup>4</sup> Barapowaxi yabara najūntū coyene cabenaeca. Jopa yaputaeyo xua exana tsipei jopa taeyo xua Jesús petūpaein boca. Barapowaxi tsita naitūtatsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena. <sup>5</sup> Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha petūpae cuiru coyenewatha panecobompame pon equeicha asū barapo petūpae cuiru coyene weya? <sup>6</sup> Xote jopa bocaeyo bapon. Bayatha bapon asū petūpae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuatha popona. <sup>7</sup> Paca jeye: ‘Xan ponxaein Nacom Tananeitapetsin, bewa necaenaetsina pomonaetha pomonae abe peexanaewi. Barapo abe peexanaewi naetha tūparucua neexanadutsina. Ichitha equeicha po matakabi acoibibetha asū juina neexanaena petūpae cuiru coyene weya’, paca jei Jesús, jei barapo pebinbe xua barapowaxi tsipaebatsi.

<sup>8</sup> Nexata barapowaxi baxua jume cui yabara nanta xeinarūcūpa xua bayatha barapowaxi tsipaebatsi, xua Jesús tsipaeba. <sup>9</sup> Poxonae barapowaxi mūthū wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonae xua once poyobe barapomonae tsipaebatsi, ichamonaeno tsipaebatsino, pomonae Jesús jume cowūntatsi. <sup>10</sup> Powaxi yopita, xua powaxi Jesús pia peitorobiwi tsipaebatsi, ichowayo pewun María Magdalena powa Magdala tomarapiwayo, irū

ichowayo Juana, ichowayo María, Santiago pena tatsi, yawanor<sub>u</sub> ichowaxino powaxi saya napona. <sup>11</sup> Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cow<sub>u</sub>ntsichi barapowaxi.

<sup>12</sup> Bapoxonae Pedro m<sub>u</sub>th<sub>u</sub> becuinaepoinya. M<sub>u</sub>th<sub>u</sub> tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

*Meje yabara poxonae Jesús pebinbe tsita nait<sub>u</sub>ta namtotha poxonae Emaús tomara beya ponabe*

*(Mr 16.12-13)*

<sup>13</sup> Barapo matabitha Jesús pijimonae tatsi jiwanabe namtotha ecaponabe, siwa ponabe tomara, po tomara pew<sub>u</sub>n Emaús. Barapo tomara eca once po kilómetrobe xua Jerusalén tomara weya. <sup>14</sup> Baraponbe yabara natsipaebecaponabe namtotha xua mexuaetha exana. <sup>15</sup> Poxonae cataunxuae yabara natsipaebecaponabe yawa yabara najume matsontsonobecaponabe, bapoxonae Jesús imoxoyo caquita uncuatababe yawa naponano. <sup>16</sup> Bequein baraponbe Jesús tainchi, ichitha baponbe jopa ita cui cana<sub>u</sub>paetsibe xua Jesús peyaitawatsi. <sup>17</sup> Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe j<sub>u</sub>nt<sub>u</sub> wecoyeya naruntababe peyabara natsipaebecaponaexaebe xua mexuaetha exana. <sup>18</sup> Ponbe penacueyatsixaebe caein pew<sub>u</sub>n Cleofas. Bapon Cleofas Jesús jume notatsi, jeye:

—Daxita pomonae jinompa Jerusalén tomaratha, daxita barapomonae yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

<sup>19</sup> Nexata Jesús baraibe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peit<sub>u</sub>panae petsita it<sub>u</sub>tsi coyenein exana Nacom pia peayapus<sub>u</sub> itorobi coyeneya tatsi’, pajan. ‘Pon xanepanaya pecueicueijein Nacom peit<sub>u</sub>tha tatsi, xuano xua jiwi peit<sub>u</sub>tha tatsi’, pajan. <sup>20</sup> Sacerdotemonae pata tanecanamataxeinaewi ir<sub>u</sub> pata pecanamata caitorobiwi piraichi Jesús cobe waetabatsi pia Pilato peitorobinexa soldadomonae xua Jesús t<sub>u</sub>parucua peexanaenexa tsainchi naetotha. <sup>21</sup> Bequein paw<sub>u</sub>nae ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaeyo barapomonae. Yawano acoibi po matabibibe pu caewa poxonae Jesús bexotsi. <sup>22</sup> Yab<sub>u</sub>xi, powaxi xua paxan jiwana pan, barapowaxi pona m<sub>u</sub>th<sub>u</sub> beya poxonae aena pentha tsina. Pona ichaxota Jesús boca. Barapowaxi pana tsipaeba xua tane. Daxua pana nenabenaeca exana bichocono. <sup>23</sup> Barapowaxi pinae jopa taeyo Jesús pet<sub>u</sub>paein. Bapoxonae pana netsipaeba xua pinae barapowaxi tsita nait<sub>u</sub>tatsi matatsunpiwi. Pinae matatsunpiwi namchi: ‘Bayatha Jesús as<sub>u</sub>’, jei pinae. <sup>24</sup> Bapoxonae pata jiwimonae, barapomonae jiwana m<sub>u</sub>th<sub>u</sub> beya pona. Barapomonae bara tane baxua, xua yab<sub>u</sub>xi yopita. Ichitha Jesús pet<sub>u</sub>paein jopa taetsi, jeibe xua Jesús tsipaebatsi.

<sup>25</sup> Nexata Jesús jume nota baraponbe, jeye:

—Paxam pomonae jopa peyaputae jiwi pam, xuano xua bewayo pajume cow<sub>u</sub>ntaponame pocotsiwa bayatha Nacom peitorobi jume pepaebiwi paeba. <sup>26</sup> Paxam payaputaneme xua Mesías pon Nacom itapeta, copiya bewa peraxa exanaeinchi. Nacom cana exanaena xua bapon patopaena Nacom pia peitorobi nacua beicha xua pexeinaenexa tsane Nacom pia peayapus<sub>u</sub> itorobi coyenewa tatsi, jei Jesús.

<sup>27</sup> Nexata Jesús tsipaeba baraponbe xua daxita i dapo diborontha Jesús yabara paebatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paebatsi. Bapoxonae equeicha Jesús yaputane exana xua po diwesi Nacom peitorobi jume pepaebiwi tina, xua Jesús yabara paebatsi.

<sup>28</sup> Jesús, iru barapo pebinbe imoxoyo pata tomaratha, po tomara siwa ponaena. Barapo pebinbe naruntababe, ichitha Jesús mexeya maisa pona namto tomara weya.

<sup>29</sup> Ichitha baponbe Jesús jume daunweya baraichi, jeye:

—Pana nebaru ecare, apara bayatha tabopiya tsanaicha, quirei tsanaicha apara, jeibe.

Daxota Jesús puna joniya ichaxota baraponbe patopabe xua barponbe pebaru ecaenexa tsainchibe. <sup>30</sup> Nexata poxonae Jesús baru eca pexaethopaewatha baponbe, bapoxonae Jesús wecobe pita pan. Paxa barai: “Axa, maisa juntu coyene weiweinan xua pata tana necatsiwam barapo pan”, jei. Bapoxonae Jesús epa janaxuba pan. Baponbe catatsibe. <sup>31</sup> Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuinaya jemeicha aichurucuae tsanaya. <sup>32</sup> Baponbe natsipaebabe, najeibe:

—Maisa juntu coyene weiweinatsibe poxonae namtotha naca tsipaebecaponabe. Bapon naca yaputane exanabe xua bapon peyabara paebiwatsi Nacom Pejume Diwesitha, jei baponbe.

<sup>33</sup> Bapoxonae caena yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitorobiwi tatsi. Iru nanacaetuta pomonae cueyaba xua pomonae once poyobe pia pecueyabiwichi. <sup>34</sup> Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamataxeinaein, asu. Apara bapon Jesús Simón tsita naitutatsi, jei barapo penacaetutsimonae.

<sup>35</sup> Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Matauta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

*Meje yabara poxonae Jesús tsita naituta pijimonae Jerusalén tomaratha  
(Mt 28.16-20; Mr 16.14-18; Jn 20.19-23)*

<sup>36</sup> Poxonae cataunxuae tsipaebabe barapo diwesi, bapoxonae Jesús jemeicha tsita naituta barapomonae peitabaratha. Jesús jacobae barapomonae, jeye:

—Barabu Nacom jantema jinompa paca cana exana, jei Jesús barapo penacaetutsimonae.

<sup>37</sup> Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi. <sup>38</sup> Ichitha Jesús barai barapo penacaetutsimonae, jeye:

—¿Eta xua metha junuwiya pana nabenaecame? ¿Eta xua metha ainya unthuton pam?

<sup>39</sup> Pana necobe taema, yawa pana netaxu taema. Apara bara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

<sup>40</sup> Poxonae baxua Jesús najume weta, nacobe wan itaba, yawa nataxu wan itaba.

<sup>41</sup> Ichitha came awiya barapomonae jopa jume cowantsiyo poxoru barapo diwesi barapomonae tsita jume xeicatsi yawa barapo diwesi yabara najuntu coyene cabenaeca exanatsi. Jesús jeye:

—¿Paxam xote penabanaewiyo paxeiname? jei Jesús.

<sup>42</sup> Nexata barapomonae Jesús catatsi duweiyo, poyo seba. <sup>43</sup> Jesús wecobe pita, yawa xane barapomonae peitatha tatsi. <sup>44</sup> Bapoxonae Jesús namchi barapomonaetha:



—Caena bayatha paca tsipaebatsi poxonae cataunxuae paca baru ecatsi. Paca je-ichiche: ‘Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxuae weixi diwesintha neyabara tina, bewa necana exanaena’, paca jeichiche, jei Jesús.

<sup>45</sup> Jesús barapomonaē yaputane exana xua Nacom Pejume Diwesi paeba. <sup>46</sup> Jesús barai barapomonaē, jeye:

—Nacom Pejume Diwesitha neyabara jei: ‘Mesías bewa tupaena, yawa equeicha asu tsane po matabi acoibibe petupae coyene cuiru weya. <sup>47</sup> Yawano bewa barapomonaē Mesías pia pejume cowanchiwichi bewa tsipaebina daxita nacuantha Nacom Pejume Diwesi tatsi Mesías pia peayapusu itorobi coyeneyatha tatsi. Copiya petamropata notsinexa Jerusalén tomara weya. Barapomonaē jei tsane jiwitha: Bewa icha juntu coyene Nacom patsita xeinaem xua bapoxonaē Nacom painya nepaca cayabara jantemainaewa tsane abe painya neexanae cuiru coyenewa, jei tsane barapomonaē’, jei Nacom Pejume Diwesitha, jei Jesús. <sup>48</sup> Equeicha Jesús barai pijimonaē, jeye:

—Paxam daxita jiwi patsipaebiname daxita xua pataneme. <sup>49</sup> Matauta pataemano xua pacata itorobicaeinchi Nacom pia Pejumope tuxu tatsi xua bayatha Taxa yabara paca tsiwanae muxu duta. Barapo Nacom pia Pejumope tuxu tatsi yawa patopaena peayapusu itorobi coyenewa. Paenare xote Jerusalén tomaratha, beya poxonae barapon yawa pacata patopaena pia peayapusu itorobi coyenewa Nacom pia nacua tatsi wetsica, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi (Mr 16.19-20)*

<sup>50</sup> Nexata Jesús pijimonaē baru pona Jerusalén tomara weya, Betania tomara bebaru iya. Jesús namaxu yoicha itaboco beicha yawa tsipaeba Nacomtha xua pijimonaē tatsi nexa, xua pijimonaē petayawenaenexatsi. <sup>51</sup> Poxonaē cataunxuae Jesús tsipaebuncua Nacom xua pijimonaē tatsi nexa, bapoxonaē Jesús athabe juinya exanatsi peitaboco beicha, Nacom exana. <sup>52</sup> Poxonaē Jesús pijimonaē tatsi baxua tane, bapoxonaē barapomonaē Jesús pecoutha tatsi namchi: “Maisa Wanacanamataxeinaein wunaē”, jei. Barapomonaē Jerusalén tomara beya juntu coyene weiweinaya caibe nawibiya. <sup>53</sup> Barapomonaē Jesús pia peitorobi jiwi tatsi Nacom pin pia botha, baxota Nacom jopa juniya wunaē jainteibichi.

Baja Lucas.

## Jesucristo Pia Pexeinya Diwesi Jume Tatsi Juan Petinae Diwesi

*Meje yabara poxonae Mesías jiwi forotatsi, pon pewun “Pejume”, baraichi*

<sup>1</sup> Poxonae cataunxuae daxita nacuan jopa forotsiyo, bapoxonae iruru caena bayatha Mesías popona, pon Nacom Pexanto tatsi, pon pewun “Pejume”, baraichi. Bapon Nacom caena bayatha baru poponeiba. Bapon apara bara Nacom. <sup>2</sup> Poxonae aena copiya, bapoxonae bapon caena bayatha Nacom baru popona. <sup>3</sup> Nacom cana exana xua Mesías daxita nacuan foforota. Dapocotsiwa aibi xua yaseicanaya xua pocotsiwa bapon jopa exanaeyo. <sup>4</sup> Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeneno cana catsiya taexanano jiwi xua jiwi yaputaena po coyene pexainyei coyenewa. <sup>5</sup> Icha pecoicha ichi xua jiwi yaweinchi xua beta pejinompaenexa poxonae quirei, bara juta ichi Mesías. Bapon jiwi yaweinchi xua beta xanepanaya pejinompaenexa poxonae bapon Mesías cuiduba jiwi. Caurimonae pia pentacaponaein tatsi bequein ichichipa xua Mesías peamanayabiwatsi, ichitha caurimonae pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapusuwa xeina.

<sup>6</sup> Bapoxonae iru Nacom itoroba pebin, pon pewun Juan. <sup>7</sup> Bapon patopa xua Mesías peyabara paebineatsi, po wun xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewunaeya tatsi, penajuntu cui wunaetsinexa xua daxita jiwi Mesías pejume cowuntsinexa tsainchi. <sup>8</sup> Juan apara Mesías aibi. Apara saya pia Mesías wunaeyabara paebichi xua Juan peitorobixaetsi baxua. <sup>9</sup> Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

<sup>10</sup> Bapon popona barapo cae pin nacuathe tsique. Bara bequein bapon exana pia coya barapo nacue, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita. <sup>11</sup> Bequein bapon bara pia nacuathe patopeica, daichitha barapo cae pin nacuathepiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba. <sup>12</sup> Ichitha ichamonae pomona bapon matenta weiweinaya wabatsi xuano xua bapon jume cowuntatsi, barapomona Mesías cana exana xua po coyeneya barapomona Nacom piamona tatsi penaexanaewa tsane. <sup>13</sup> Tsipei barapomona jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomona jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomona jopa naexanaeyo Nacom pia pexui xua poxoru coxiyuan peichipaexae xua pexeinaewa pia pexui. Saya jame barapomona Nacom pia pexui tatsi naexana, tsipei Nacom cana exana baxua.

<sup>14</sup> Barapon Mesías pon pewun “Pejume”, baraichichi, bapon poxona naexana po cae pin nacuathe tsique bara bapon yatsicaya pepa jiton. Matautano naca baru popona bapon. Bapon wun ununatatsi “Jesús” baraichichi. Matautano bapon pejuntu coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan xua Jesús exaneiba pia pexeinya peayapusuwatha po pexeinya peayapusuwa Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto. <sup>15</sup> Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena

bayatha popona poxonae xan aibin xua poxonae ab̄ cataunxuae jopa naexanaeinyo', janje", jei Juan.

<sup>16</sup> Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi j̄ntema watsita jinompaenexa tsane bapon. <sup>17</sup> Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon "Mesías" baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume. <sup>18</sup> Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebar̄u poponaexaetsi.

*Meje yabara poxonae Juan pon jiwi Pebautisabin Jesucristo yabara cueicueijeichi (Mt 3.11-12; Mr 1.7-8; Lc 3.15-17)*

<sup>19</sup> Judiomonae pomonae ena Jerusalén tomaratha barapomonae sacerdotemonae itorobatsi ir̄ur̄u levitamona itorobatsi Juan beya, xua Juan peyainyabinexatsi xua pejeinexatsi: "¿Xam jintam̄mda?" pejeinexatsi. <sup>20</sup> Juan beta nayabara paeba, jeye:

—Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

<sup>21</sup> Nexata equeicha Juan yainyabatsi, jeichichi:

—¿Metha nexata xam jintam̄mda? ¿Bara xam bapom pon Nacom peitorobi jume pepaebim pon pew̄an Elías, pon bayatha t̄pa? jei barapomonae.

Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam̄ metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomonae.

Equeicha Juan jume nota, jeye:

—Jume, xan apara aibin dapon, jei Juan.

<sup>22</sup> Nexata daxita barapomonae Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonae pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomonae.

<sup>23</sup> Nexata Juan jume nota, jeye:

—Xan bapon aparan pon wawan ichaxota ira xuepana susato tsurucuae nacua beya, xua jan: 'Patsi naj̄nt̄u cui coyene w̄naere, pon jiwi pia pepa Pecanamataxeinaeinchi nexa pia pepatopae w̄naeya tsane', xua jan ponxaein xua wawan ira xuepana susato tsurucuae nacua beya. Bayatha Isaías pejume diwesitha taneyabara jume cui w̄nae tsiwanaya paebixae pon Nacom peitorobi jume pepaebin, jei Juan.

<sup>24</sup> Daxita pomonae Juan bar̄u cueicueijeichi, barapomonae fariseomonae itoroba.

<sup>25</sup> Daxita barapomonae Juan yainyabatsi, jeichichi:

—Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebin, ¿nexata jintam̄ cacui itoroba xua nebautisabiwa jiwi? jei barapomonae.

<sup>26</sup> Juan jume nota, jeye:

—Xan meratha bautisaban, ichitha ich̄an beta exanaena beyacaincha xan. Bapon bara bequein painyamonae pia xantha tatsi popona ichitha bapon jopa payaitaem.

<sup>27</sup> Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu m̄u isanaxubiwa tsane pia penataxu xatatsiwa tatsi, jei Juan.

<sup>28</sup> Daxita baxuan Juan yainyabatsi ichaxota po tomara pewun Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

*Meje yabara xua poxonae Jesús pon “Cordero”, baraichichi*

<sup>29</sup> Icha mataqueitha Juan tane, Jesús tainchi xua Juan pexainya tarenatsi. Bapoxonae Juan jiwitha jeye: “Incane pataema pon pejuntx̄ coyene xeicaein pon Nacom itorobica, pon ‘Cordero’, baraichichi xua oveja pebto penun. Apra bapon pon jiwi petsitupaewa tsainchi xua abe pia peexanae cuiru coyenein tatsi icha poxonae ovejiyo ichi poxonae tsitupa jiwi abe pia peexanae cuiru coyenein tatsi. <sup>30</sup> Bara bapon apra pon bayatha yabara paeban poxonae janje: ‘Pon cotacaya patopa xua xan tsiwuna patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abx̄ cataunxuae jopa naexanaeinyo’, janje. <sup>31</sup> Xan copiyatha jopa yaputaeyinyo xua Jesús bapon barapara Mesías, pon icha wun Cristo, pon Nacom itorobica. Ichitha xan patopan tabautisabinexa meratha Israel piamonae susato saineiwi xua barapomonae bapon peyaputaewa tsainchi”, jei Juan.

<sup>32</sup> Juan yawa namchi, jeye: “Poxonae bapon bautisaban bapoxonae tan Nacom pia Pejumope t̄nax̄ tatsi xua peitaboco weruneica xua be topiboto yaruneica. Barapo Nacom pia Pejumope t̄nax̄ tatsi, bapon pexantha tapatopatsi. <sup>33</sup> Xan cataunxuae bapoxonae xaniwaicha jopa yaitaeinyo bapon. Ichitha pon xua necui itoroba xua jiwi bautisaban meratha, nejei bapon: ‘Taename tajumope t̄nax̄ xua be topiboto tsecae xua peitaboco weruneica, po tajumope t̄nax̄ bapon pia xantha tapatopatsi. Poxonae baxua taename bapoxonae yaputaename xua barapo pebin apra pon jiwi pebautisabiwa tsainchi tajumope t̄nax̄tha. Bapon barompaya pia pebautisabi coyene-wa exanaena xua poxonae barapo tajumope t̄nax̄ catsibina pomonaetha pomonae piamonaethaxae. Barapoxonae barapo tajumope t̄nax̄ barapomonae yanaba jinompaeinchi’, jei Nacom. <sup>34</sup> Bapoxonae bapon yaitan xua deta cou apra Mesías, yaitama tan xua poxonae bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi”, jei Juan jiwitha.

*Meje yabara xua poxonae Jesús itapeta pomonae copiya pomonae Jesús pijimonae tatsi*

<sup>35</sup> Icha mataqueitha equeicha Juan pon jiwi Pebautisabin pecoutha patopa xuano xua pebinbe nacueyatabe puna poinchi ponbe xua pia pepuna ponaewichi jiwanabe tatsi. <sup>36</sup> Poxonae Juan tane xua Jesús dawerena ichaxoyo Juan dena, bapoxonae Juan jeye xua Jesús yabara jeichi:

—¡Pataema apra bapon pon ‘Cordero’ baraichi xua oveja pebto penun pon Nacom itorobica xua petsitupaenexa jiwi abe pia peexanae cuiru coyenein tatsi! jei Juan.

<sup>37</sup> Barapo pebinbe ponbe Juan pia pepuna ponaewichi jiwanabe tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe. <sup>38</sup> Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

<sup>39</sup> Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

<sup>40</sup> Ponbe Juan pejume taexaetsibe xuano pepuna ponaexaetsibe Jesús, caein pewun Andrés, Simón Pedro peweicho tatsi. <sup>41</sup> Andrés copiya matha peweicho wenawenei pon pewun Simón. Andrés barai peweicho, jeye:

—Paxan pacaxinan pon pewan Mesías, jei Andrés. (Barapo wan yabara caunuta xua jei “Cristo”, jei.)

<sup>42</sup> Bapoxonae Andrés peweicho capona, Simón capoinchi ichaxota Jesús uncua. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae newan Cefas tsane, barapo wan Cefas wan jei: ‘Iboto’, jei, jei Jesús. Seicaya griego jume wan ‘Pedro’, jei barapo wan iru jei: ‘Iboto’, jei.

*Meje yabara poxonae Jesús Felipe wabatsi, iru Natanael wabatsi*

<sup>43</sup> Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

<sup>44</sup> Barapon Felipe Betsaida tomarapin, po tomaratha iru Andrés popona iru Pedro.

<sup>45</sup> Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiwunae cui tina pia peitorobi diwesi jume coyenewatha. Matautano pon bayatha iruru Nacom peitorobi jume pepaebiwi yabara tsiwunae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

<sup>46</sup> Natanael jeye:

—Dapon pebin pon pejuntu coyene xanepanaein Nazaret tomara weya bapana jopa pona. Tsipei daxita barapo tomarapiwi apara peajuntucuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

<sup>47</sup> Poxonae Jesús tane xua Natanael imoxoyo caquita pona, Jesús jeye:

—Patopa pebin pepa israelmonaepin, pon jopa jiwi pemuxuitorobin, pon xaniwaicha pejume cowantsin Nacom, jei Jesús.

<sup>48</sup> Nexata Natanael Jesús yainyabatsi. Natanael jeye:

—¿Eta ichim xua taneyaitaewam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

<sup>49</sup> Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Neewatsim! jei Natanael.

<sup>50</sup> Jesús jume nota, jeye:

—Xam nejume cowantame poxonae xua saya catsipaebatsi xua cacataewatsi higuera naetha. Ichitha bexa necotsiname xua exanaein pocotsiwa pexeinya peitupanae tsita itatsiwan, beyacaincha xua saya aunxuae catsipaebatsi, jei Jesús.

<sup>51</sup> Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

## 2

*Meje yabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa*

<sup>1</sup> Poxonae acoibi po matcabibe yapucaewa, bapoxonae iruru pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi iru baxota natane pewabixaetsi. <sup>2</sup> Iru Jesús wabatsi, iru pijimonae tatsi wabatsi xua penaponaewa tsane barapo pexaewa petsinacaetutsiwatha xua poxonae pebin

pecotsiwa pita. <sup>3</sup> Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

<sup>4</sup> Jesús jume nota, jeye:

—Ena, ab<sub>u</sub> bexab<sub>u</sub> ab<sub>u</sub> jopa yabara neyainyabinde baxua. Canta daxua aichica xua petsita itubiwa taexanaewa, jei Jesús.

<sup>5</sup> Bapoxonae barapowa barai pomonaetha pomonae pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

<sup>6</sup> Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosib<sub>u</sub> matab<sub>u</sub>x<sub>u</sub>yobe tutu cana<sub>u</sub>pa. Icha juruwatontha tsiniya setenta po mera bosib<sub>u</sub> matab<sub>u</sub>x<sub>u</sub>yobe tutu cana<sub>u</sub>pa. Barapo juruwatontha ba judiomonae mene yaebeiba xua barapo merantha penacobe quiateib-inexa xua daxota jopa Nacom petsita naj<sub>u</sub>nt<sub>u</sub> coyene taxobeibinexatsi. <sup>7</sup> Pomonae pexaewa carena tsaibi barapomonae Jesús barai, jeye:

—Barapo saya juruwatontha paw<sub>u</sub>n<sub>u</sub>bare mera, jei.

Bapoxonae barapomonae barapo juruwaton w<sub>u</sub>n<sub>u</sub>ba. <sup>8</sup> Bapoxonae Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonae bara baxua exana xua Jesús peitorobixae. <sup>9</sup> Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonae mene eepacapona barapo juruwatontha barapomonae yaputane xua barapo juruwatontha jiwana mene nota xua po mera vino mera naexana. Bapoxonae pon mata canabane pexaewa waba, pon pecotsiwa pita bapon wabatsi.

<sup>10</sup> Bapon barai, pon pecotsiwa pita baraichi, jeye:

—Daxita jiwi ba poxonae aena copiya matha apata po vino mera mene xeica. Poxonae jiwi ba wenaxuba po vino mera xeica, bapoxonae ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonae barapo vino mera jiwi wenaxuba po vino mera be conotha mene xaexaeca bapoxonae apatame po vino mera bichocono xeica, jei bapon.

<sup>11</sup> Baxua xua Jesús exana Caná tomaratha xua Galilea nacuatha. Barapo pexeinya petsita it<sub>u</sub>t<sub>u</sub>si coyenewa poxonae xua aena copiya matha exana pia peayapus<sub>u</sub>w<sub>u</sub>atha. Poxonae baxua Jesús pijimonae cui tainchi, Jesús jume cow<sub>u</sub>nt<sub>u</sub>t<sub>u</sub>si pijimonae.

<sup>12</sup> Poxonae baxua pexaewa najain weta bapoxonae Jesús pona Capernaum tomara beya. Bapon pena bar<sub>u</sub> pona yawa peweicho jiwi bar<sub>u</sub> pona, mata<sub>u</sub>t<sub>u</sub>no pijimonae bar<sub>u</sub> pona. Baxota Capernaum tomaratha daxita Jesusbar<sub>u</sub> be caentacabiyohe ena.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mt 21.12-13; Mr 11.15-18; Lc 19.45-46)*

<sup>13</sup> Tsipei poxoru imoxoyo barapo matabi tsaneba xua Pascua w<sub>u</sub>n<sub>u</sub> matababin daxota Jesusbar<sub>u</sub> Jerusalén tomara beya pona. Barapo Pascua w<sub>u</sub>n<sub>u</sub> matababin, po matababin poxonae judiomonae yabara nanta xeina xua pinae caena bayatha pia pamo susato jiwi tatsi panenebiya Egipto nacua weya. <sup>14</sup> Baxota Jesús caxina Nacom pin pia botha pomonae baxota caenaeta buey duweimonae, yawa ovejamonaeno yawa topibomonae caenaetano. Mata<sub>u</sub>t<sub>u</sub>no Jesús tane xua pomonae ena pexaethopaewantha ichaxota paratixi nantiya nacatsiba jiwi. <sup>15</sup> Poxonae Jesús tane barapomonae, Jesús bapoxonae exana xua pocotsiwa xota cuainta xua duwein per<sub>u</sub> m<sub>u</sub>to. Daxita barapomonae Jesús Nacom pin pia bo wenapuna torobabiya. Yawano Jesús muxuna

itaweta xua barapomonaē piawanxae, bueymonaeno, ovejamonāeno. Pomonaē xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan. <sup>16</sup> Pomonaē baxota caenaeta topibo, Jesús barai barapomonaē, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

<sup>17</sup> Bapoxonaē Jesús pijimonaē tatsi yabara jume cui nanta xeinaruꝑa xua Nacom Pejume Diwesitha namchi xua Cristo yabara jeichichi xua jeye: “Yabara nejuntꝑ coyene yꝑca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

<sup>18</sup> Nexata judiomonaē Jesús yainyabatsi, jeye:

—¿Eta po pexeinya petsita itꝑtsi coyenewa pana netsita itꝑtsiname? Bapoxonaē xain payaputaēin xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

<sup>19</sup> Jesús jume nota, jeye:

—Icha barapo bo weraweraca paexanaename, equeicha acoibi po matacabibetha beta caewa xanebin, jei Jesús.

<sup>20</sup> Nexata barapo judiomonaē Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po matacabibetha equeicha wꝑnae exanaetsi? jei judiomonaē.

<sup>21</sup> Po bo xua Jesús yabara paeba apara xua nayabara paeba pia pepon. <sup>22</sup> Daxota poxonaē Jesús equeicha asꝑ juina petꝑpae cuariyatha Jesús pijimonaē yabara jume cui nanta xeinatsi xua bayatha Jesús paeba. Daxota jume cowꝑnta Nacom Pejume Diwesi. Yawano Jesús jume cowꝑntatsi pocotsiwa xua paeba.

### *Meje yabara xua po coyene Jesús daxita jꝑntꝑ coyene yaputane jiwi*

<sup>23</sup> Poxonaē Jesús Jerusalén tomaratha popona xua Pascua wꝑn matacabintha bapoxonaē pin bicheitomonaē Jesús jume cowꝑntatsi. Daxota barapo bicheiton jume cowꝑnta tsipei tane Jesús pia pexeinya petsita itꝑtsi coyenewan tatsi. <sup>24</sup> Jesús jopa yabara jume cowꝑntsiyo barapomonaē bequein jume cowꝑntatsi taetha. Tsipei Jesús daxita jꝑntꝑ coyene yaputane jiwi xua ainya jꝑntꝑ coyene pexeinaewa. <sup>25</sup> Daxota jopa nantawenon-aeyo xua ichamonaē Jesús petsipaebiwatsi icha jiwi yabara. Tsipei bapon Jesús daxita jꝑntꝑ coyenein yaputane jiwi.

## 3

### *Meje yabara poxonaē Nicodemo Jesús tsipaebatsi*

<sup>1</sup> Irꝑꝑꝑ pebin popona pon fariseomonaēpin, pon pewꝑn Nicodemo. Bapon judiomonaē canamataxeinatsi. <sup>2</sup> Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ichꝑn jopa itacꝑpaetsi xua pexeinya petsita itꝑtsi coyenewan peexanaewa Nacom pia peayapusꝑwatha tatsi icha Nacom jopa yantsiyo bapon icha be xua poxonaē ichim poxonaē xua exaname Nacom necayantsixae, jei Nicodemo.

<sup>3</sup> Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itacꝑpaetsi xua Nacom piamonaē tatsi penaexanaewa pomonaē Nacom itorobiya peewatsixae, jei Jesús.

<sup>4</sup> Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itacɔpatsi xua pena equeicha tsiperɔ wepatopa xua equeicha caewa penaexanaena pena jiton? jei Nicodemo.

<sup>5</sup> Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xeinaeyo Nacom pia Pejumope tɔnaxɔ tatsi po jumope tɔnaxɔ bapon icha jɔntɔ coyene xeina pecana exanaenexatsi, bapon jopa itacɔpaetsi xua Nacom piamonae tatsi penaexanaewa pomonae Nacom itorobiya peewatsixae. <sup>6</sup> Pomonae pena jiwi tsiperɔ wenaexana bara jiwi coyeneya yacuiya naexana. Pomonae naexana Nacom piamonae tatsi barapomonae Nacom pia Pejumope tɔnaxɔ tatsi cana exana xua barapomonae pexeinaewa icha jɔntɔ coyene. Barapomonae yacuiya naexana Nacom piamonae tatsi tsipei exana pocotsiwa Nacom pia Pejumope tɔnaxɔ tatsi itoroba. <sup>7</sup> Jopa najɔntɔ coyene cabenaecaeinde xua tacatsipaebiwatsi xua tacajeiwatsi: ‘Daxita jiwi bewa pena jiwi naexanae equeicha’, tacajeichiwatsi xua. <sup>8</sup> Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa taeyo Nacom pia Pejumope tɔnaxɔ tatsi. Saya jiwi yaputane xua icha jiwi jɔntɔ coyene xeica cana exainchi barapo Nacom pia Pejumope tɔnaxɔ tatsi, jei Jesús.

<sup>9</sup> Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumope tɔnaxɔ tatsi? jei Nicodemo.

<sup>10</sup> Jesús jume barai, Nicodemo jume baraichi, Jesús jeye:

—Xam pon daxita neyaputaem israelmonae pexantha tatsi yawa pon jiwi necuidubim barapomonae pexantha tatsi. Bequein barapo jitom ichitha jopa baxua yabara yaputaem xua tacatsipaebiwatsi. <sup>11</sup> Xaniyan catsipaebatsi xua paxanbe, Juan, pon jiwi Pebautisabin, irɔ xan Jesús paca tsipaebatsi xua pocotsiwan payaputanbe. Matautano paxanbe bara yatsicaewa pata paebinbe xua patanbe bayatha. Ichitha paxam pomonae judiomonae pam jopa yabara pana nejume cowɔntsim pocotsiwa paxanbe paca tsipaebatsi. <sup>12</sup> Icha jopa pana nejume cowɔntsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cowɔntsi paem icha yabara paca tsipaebichipatsi pocotsiwan Nacom pia peitorobi nacua beicha tatsi.

<sup>13</sup> “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi. <sup>14-15</sup> Caena bayatha ira xuepana susato tsurucuae nacuatha, pinmonae werapa poxoru jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha tɔparucua neexanaena. Barichi tsane pomonae yabara nejume cowɔntsina po coyene xua xan naetotha tatsitɔpaewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peajɔntɔyapɔsɔwa, po peajɔntɔyapɔsɔwa ataya tsiteca”, jei Jesús.

*Meje yabara xua Nacom daxita jiwi bichocono antobetsi barapo cae pin nacuathe*

<sup>16</sup> Equeicha Jesús nayabara paeba poxonae Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cowɔntatsi, bapon jopa weraweracae tsane. Bapon peajɔntɔyapɔsɔwa xeinaena, po peajɔntɔyapɔsɔwa ataya tsiteca. <sup>17</sup> Nacom Pexanto jopa itorobicaeyo xua saya barapo



cae pin nacuepiwi atene peexanaenexatsi xua penatsicuentsexae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentsiwa weya.

<sup>18</sup> “Pon Nacom Pexanto tatsi yabara jume cowuntatsi, bapon jopa Nacom tsitatsi xua atene peexanaewa tsainchi xua penatsicuentsexae xua abe peexanaexae Nacomtha. Ichitha nama pon Nacom Pexanto tatsi jopa yabara jume cowuntsichi bapon Nacom bayatha tsitatsi xua atene peexanaewatsi tsainchi xua penatsicuentsexae jopa peyabara jume cowuntsixaetsi Nacom Pexanto tatsi, pon bara compa. <sup>19</sup> Pomonae jopa Nacom Pexanto tatsi yabara jume cowuntichi, barapomonae Nacom bayatha tsitatsi xua atene peexanaewatsi xua penatsicuentsexae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin nacuathe tsique, barapomonae ichichipa exana abe peexanaewan beyacaincha xua peexanaewa pocotsiwa Nacom itoroba. <sup>20</sup> Tsipei daxita pomonae abe peexanaewi barapomonae Nacom Pexanto tatsi aichaxaibichi daxota jopa imoxoyo caquita pon-aetsi bapon. Barapomonae jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonae abe exana. <sup>21</sup> Ichitha pomonae pe-jume cowuntsiwi, pomonae yatsicaewa beta xanepanaya exana, barapomonae Nacom Pexanto tatsi imoxoyo caquita poinchi. Tsipei barapomonae ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonae wuna peexanaexae, xua pocotsiwa Nacom peitorobixae”, jei Jesús Nicodemotha poxonae nayabara paeba.

*Meje yabara poxonae Juan pon jiwi Pebautisabin equeicha Jesús yabara cueicueijeichi*

<sup>22</sup> Poxonae Jesús najume weta xua poxonae Nicodemo tsipaebatsi, bapoxonae pirapae Jesús pijimonae baru pona Judea nacua beya. Barapo nacuathe Jesús ainya maticabintha pijimonae baru popona. Matautano baxota Jesús pijimonae cui itoroba xua jiwi pebautisabiwa tsainchi. <sup>23</sup> Iruru Juan bautisaba jiwi Enón tomaratha, po tomara eca ichaxota imoxoyo po tomara pewun Salim. Tsipei baxota menein nawita. Pinmonae Juan itata patatsi, yawa Juan bautisaba barapomonae. <sup>24</sup> Juan baxua pewunaeya exana xua poxonae jiwi pecabi botha etatsi.

<sup>25</sup> Bapoxonae pomonae Juan pia pepuna jinompaewichi tatsi iru judiomonaeno, barapomonae yabara baru najume matsontsonobatsi pebautisabi coyenewa. <sup>26</sup> Barapomonae Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabaru popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonae tatsi xua Jesús yabara paebatsi.

<sup>27</sup> Nexata Juan barai barapomonae, jeye:

—Jiwi ba jopa xeinaeyo icha Nacom jopa catsiyo. <sup>28</sup> Paxam bara yatsicaewa pana nejume taneme xua paca jeichi: ‘Xan dapon aibin Mesías’, jan. ‘Apara bapon pia pewunaeya tatsi Nacom neitoroba’, jan. <sup>29</sup> Poxonae ba pebin pecotsiwa pita bapon pona yabayo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxonae jume taeuncua xua pia jiton tatsi piowa pita. Icha pebin cana ichichi pia jiton, bara juta ichin Jesucristotha anoxuae. Bichocono juntu coyene weiweinan tsipei daxita jiwi Mesías puna poinchi. <sup>30</sup> Bapon bewa mataropeicha ainya cui naexanaponae jiwi peitatha tatsi. Xan bewa jopa ainya cui naexanaponaein tsane jiwi peitatha tatsi, jei Juan.

*Meje yabara poxonae Juan yabara paeba pon peitaboco wetsica pona*

<sup>31</sup> Equeicha Juan piamonae barai, jeye:

—Pon peitaboco wetsica pona, bapon jame bichocono peyaputaen beyacaincha xua ichamona. Pon xua po irathepin bapon apara saya jiton. Bapon saya yabara cueicueije pocotsiwa po irathe yabara. Ichitha pon peitaboco wetsica pona, bapon daxita canamataxeina. <sup>32</sup> Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba. <sup>33</sup> Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonaetha, xua apara Nacom bara xaniwaicha pepaebin. <sup>34</sup> Pon xua Nacom itoroba bara bapon cueicueije Nacom pejumein tatsi, tsipei Nacom jopa juniya nacana jumope tñaxu catsiyo xua bapon peyawenaewa tsainchi. <sup>35</sup> Nacom bichocono antobe Pexanto. Pexanto cata peyapusu itorobi coyenewa xua bapon daxitan pecanamataxeinaewa tsane. <sup>36</sup> Pon Nacom Pexanto tatsi yabara jume cowantinchi, bapon peajuntayapusuwa xeinaena, po peajuntayapusuwa jopa bapana weraweracaeyo. Ichitha pon Nacom Pexanto tatsi jopa yabara jume cowantichi, bapon jopa xeinae tsane barapo peajuntayapusuwa. Nama bapon Nacom cana exanaena xua bapon bichocono atene peexanaewa tsainchi, jei Juan.

## 4

### *Meje yabara poxonae Jesús tsipaeba powayo Samaria nacuapiwayo*

<sup>1</sup> Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxeinchiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha. <sup>2</sup> (Dumetha Jesús apara jopa bautisabiyo. Apra jame Jesús pijimonae tatsi bautisaba jiwi.) <sup>3</sup> Poxonae Jesús jume yaputane xua jiwi paeba fariseomonaetha, bapoxonae Jesús pijimonae Judea nacua webaru warapiya. Caibeya warapa Galilea nacua beya.

<sup>4</sup> Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya. <sup>5</sup> Bapoxonae Jesús pijimonae baru patopa Sicar tomaratha, po tomara eca Samaria nacuaetha. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewan José. Jacob iru pexanto tatsi caena bayatha tñpabe. <sup>6</sup> Barapo iriyotha mene muthu eca, barapo mene muthu pewan, “Jacob pia muthu”, jei. Tsipei Jesús natseparona namto dena, tsipei tajw werena pona, daxota barapo mene muthu mñxuburutha ecopa. Matautano bapoxonae mateinyaxae tsuxubi iru. <sup>7-8</sup> Iru bapoxonae Jesús pijimonae tatsi tomara be-iyiya pecomocaenexa pexaewa. Barapomonae pecoutha tatsi yabayo Samaria nacuapiwayo patopa ichaxota Jesús po mene muthu mñxuburutha eca. Jesús barai bapowa, jeye:

—Mera necare, jei Jesús.

<sup>9</sup> Bapoxonae barapo Samaria nacuamonaepiwayo Jesús jume notatsi. Barapowa jeye: —¿Eta pocotsiwa metha mera nebaru ununame? Apra judiomonaepim iru xan apra Samaria nacuamonaewayon, jei.

Barapowa baxua paeba tsipei judiomonaepim iru Samaria nacuamonaepim daxita barapomonaepim jopa naita coxonaeyo. <sup>10</sup> Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera sawucatsi, bapoxonaepim jame newucaetsipame mera, xua icha mera, po mera jiwi peajuntayapusuwa xeina cana exainchi, po peajuntayapusuwa jopa bapana weraweracaeyo, jei Jesús.

<sup>11</sup> Barapowa Jesús jume notatsi, jeye:

—Pon jiwi Necanamataxeinaem, apra jopa xeinaem xua xota mene capatame. Yawa po mene muthu apra tajw deca. ¿Jinya exota po mene boca inta mene capitichi, po mera jiwi ajuntayapusuwa exainchi? <sup>12</sup> Barapon Jacob pata tamo susatopin pana cata barapo

mene m̃th̃. Bapon barapo mene m̃th̃ mene capaneiba peapeibinexa, ir̃ pia pexui tatsi mene capaneiba xua peapeibinexa, matautano mene capaneiba peapateibinexa pia duweimonaein. ¿Metha bara Jacob toxecha ainya cuim, beyacaincha bapon? jei bapowa.

<sup>13</sup> Jesús jume nota, jeye:

—Daxita pomonae xua po mene m̃th̃the mene capaneiba xua peapeibinexa equeicha meratsipouneibina. <sup>14</sup> Ichitha pon apa xua po mera catan, bapon equeicha jopa caewa meratsipae tsane. Barapo mera icha ira b̃pana mene ichi xua epatoya mene jujuina poxoru bichocono ira b̃x̃pana mene naỹca. Barichi po coyene xua cacat-inchi barapo coyene caj̃nt̃ coyene ỹca cacana exanaena, bapoxonae xeinaename peaj̃nt̃yap̃s̃wa, po peaj̃nt̃yap̃s̃wa xua ataya tsiteca, jei Jesús.

<sup>15</sup> Nexata bapowa Jesús jume notatsi, bapowa jeye:

—Pon jiwi Necanamataxeinaem, dapo mera necare xua jopa caewa tameratsipouneibiwa tsane yawa xua equeicha po mene m̃th̃the jopa tapateibiwa tsane xua mera tacapanathopeibinexa, jei barapowa.

<sup>16</sup> Jesús jume nota, jeye:

—Moya matha iyande, matha jinseuri wabare. Nexata bapoxonae xote papatoparebe, jei Jesús.

<sup>17</sup> Bapowa jume nota, Jesús jume notatsi, jeye:

—Taseuri apara jopa xeinaeinyo, jei.

Nexata Jesús jume barai, jeye:

—Bara xainyeya paebame poxonae jam, ‘Taseuri jopa xeinaeinyo’, jam. <sup>18</sup> Tsipei caena bayatha cinco poyobe pebiwi punaxubame. Pon xua anoxuae bar̃ poponame, apara jinseuri aibi. Poxonae paebame baxua bara xainyeya paebame, bara jopa naerabim, jei Jesús.

<sup>19</sup> Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim. <sup>20</sup> Pata tamo susato jiwi, Samaria nacuamonaepiwi, barapomonae w̃nae jainteiba Nacom xote po demxuwathe. Ichitha paxam judiomonae pam, papae-bame xua pinae bewa jiwi w̃nae jainteibina Nacom bom̃x̃tha po bo uncua Jerusalén tomaratha po bo Nacom pin pia bo tatsi, jei barapowa.

<sup>21</sup> Jesús jume nota, jeye:

—Yab̃yo moya yabara nejume cow̃nde xua tacatsipaebiwatsi. Tsipei barapo matabi imoxoyo patopaena, po mataqueitha xua w̃nae pajainteibiname Nacom. Nama jopa painya nenantawenonaewam tsane xua painya neponaewa, po demxuwathe yawa Jerusalén tomara beya xua w̃nae painya nejainteibiwa tsane Nacom. <sup>22</sup> Paxam Samaria nacuamonaepam, jopa payaputaem pon w̃nae pajainteibame. Paxan nama judiomonae pan payaputan pon w̃nae pajainteiban, tsipei pon pecapanenebiyaein jiwi apara bapon judiomonae jivanapin. <sup>23</sup> Ichitha anoxuae nama patopa po mataqueitha poxonae pomonae xaniwaicha w̃nae pejainchiwa Nacom, barapomonae icha coyene cuitha Nacom w̃nae jaintinchi, xua barapomonae pia Paxaxae tatsi. Barapomonae xaniwaicha pia pej̃nt̃ coyenewatha w̃nae jainchina Nacom. Tsipei Nacom baxua ichichipa xua w̃nae pejainchiwatsi xua jiwi w̃nae pejainchiwa pej̃nt̃ coyenewatha. <sup>24</sup> Nacom pej̃nt̃ coyene xanepanaein pon peinya jumopein. Daxota pomonae Nacom w̃nae pejainchiwatsi, barapomonae bewa xaniwaicha pej̃nt̃ coyenewatha w̃nae jainchina Nacom, jei Jesús.

<sup>25</sup> Barapowa jume nota, jeye:

—Yaputan xua patopeicaena pon pew̃n Mesías, (xua pon icha w̃n “Cristo” baraichi). Poxonae bapon patopeicaena daxita yabaran pana necuidubina, jei bapowa.

<sup>26</sup> Jesús jume nota, jeye:

—Apara xan bapon, pon aunxuaein catsipaebatsi, jei Jesús.

<sup>27</sup> Bapoxonae equeicha Jesús pijimonae tatsi pata. Daxita barapomonae yabara najuntũ cui coyene cabenaeca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesththa, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa. <sup>28</sup> Nexata bapowa juruwato cuenta iya tomara be-iyã, nãinya yacuïnaya iya. Bapowa jiwi tsipaeba, jeye:

<sup>29</sup> —Anetha, pataema pebin ichaxota mũthũ mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

<sup>30</sup> Bapoxonae jiwi tomara we-iyiã peponaenexa ichaxota Jesús popona. <sup>31</sup> Irũũ Jesús pijimonae jume daunweya baraichichi, jeye:

—Pon Patatanecuidubim, matha xaema, jeichichi pijimonae.

<sup>32</sup> Jesús jume barai pijimonae, jeye:

—Xan xeinan pexaewa, po pexaewa jopa payaputaem, jei Jesús.

<sup>33</sup> Jesús pijimonaexae tatsi nexata bara caemonae nayainyaba, jeye:

—¿Metha bara ichũn Jesús apatatsi pexaewa? najei barapomonae.

<sup>34</sup> Ichitha Jesús pijimonae jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Mataũtano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanejũntũ coyene yũcaewa tsane be poxonae pebin xua pexaewa una tonsana. <sup>35</sup> Paxam ba pajam: ‘Abũ cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi jũta coyeneya paca jeichi: ‘Jiwi barapo cae pin nacuathe bayatha najũntũ cui coyene wũnaetaba xua pejume taenexa Nacom Pejume Diwesi xua pejume cowũntsinexa’, paca jeichi. <sup>36</sup> Catsibin pomonae tamonaexae pocotsiwa xua pematomatsiwa xua inta ichamonae peyawenaexaetsi xua irũũ be tamonae jiwi penaexanaenexa. Pomonae nejume cowũnta barapomonae catsibin peajũntũyapũsũwa, po peajũntũyapũsũwa jopa weraweracaeyo. Tsipei pomonae tajume diwesi pecueicueijeijiwi copiã xuano irũ pomonae tajume diwesi cotacaya xuya yaputane cana exana xua daxota jiwi nejume cowũnta, daxita barapomonae matabũxũyobe nabarũ jũntũ coyene weiweina xua ichamonae nejume cowũnta pecana exanaexaetsi. <sup>37</sup> Tsipei po diwesiyo xua tsica diwesiyo, po diwesiyo yabara canaũta jũtsiya pepaebiwa bara apara xaniwaicha, po diwesiyo xua ba jeye: ‘Ichũn ũba, irũ ichũn xuya jota poxonae naweta’, xua jei po diwesiyo. <sup>38</sup> Paca itorobatsi xua inta payawenname jiwi xua tajiwiwimonae penaexanaenexa xua po coyene jopa pacata ayapubeyo xua poxonae paexaname baxua. Baxua paexananame bequein bara jopa dapomonae pam pocotsimonae copiã tajume diwesi paeba barapo jiwitha. Jame paxam apara barapomonae pam, xua xuya cotacaya yaputane pacana exaname barapo tajiwiwimonae. Baraxua icha be poxonae ichi poxonae ichũn xuya jota cotacaya poxonae ichũn copiã ũba, jei Jesús.

<sup>39</sup> Bapoxonae pin bicheitomonae pomonae barapo tomaratha jinompa xua Samaria nacuatha, Jesús jume cowũntatsi, tsipei barapo petsiriwa pejeixae: “Bapon Jesús yabara netsipaeba daxita pocotsiwa bayatha caena exanan”, jei. <sup>40</sup> Poxonae barapo Samaria nacuapiwi Jesththa pata, bapoxonae Jesús jume daunweya jeichichi: “Pana barũ ecare pata tomaratha”, jeichichi. Daxota Jesús ainya matababibe naeca barapo tomaratha.

<sup>41</sup> Bichocono pinmonae Jesús jume cowũntaponatsi poxonae jume tane xua Jesús paeba.

<sup>42</sup> Nexata barapomonae bapowa tsipaebatsi, jeichichi:

—Anoxuae nama pajume cowũntan jopa meisa saya poxoru pata tanetsipaebiwam. Mataũtano bara pajume cowũntan tsipei yatsicaewa pata muxutontha pajume tan

pocotsiwa bapon paeba. Matautano bara payaputan xua bapon pon jiwi Pecapanenebiyaeinchi abe pia peexanae cuiru coyenein tatsi weya xua barapo jiwi jopa peweraweracaenexa, jei barapomona.

*Meje yabara poxonaes Jesús axaibi exana pon pentacaponaein pexanto tatsi*

<sup>43</sup> Poxonaes barapo ainya matabibe yapucaewa, bapoxonaes Jesús pijimonaes Samaria nacua webaru warapiya xua baru pona Galilea nacua beya. Ichitha pijimonaes jopa baru patopaeyo pia tomaratha Nazaret tomaratha. <sup>44</sup> Tsipei Jesús bayatha pijimonaes tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa baru cui itura jinaetsi, jei Jesús. <sup>45</sup> Poxonaes Jesús pijimonaes baru patopa Galilea nacua, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonaes jiwi nacaetuta xua penabanaenexa pexaewa po matabintha pewun Pascua wun matabin poxonaes jiwi yabara canantana xeina xua caena bayatha pia pamo susato jiwi tatsi panenebiya Egipto nacua weya. Matautano tsipei poxoru bayatha barapomonaes tane daxita pocotsiwa Jesús exana baxota.

<sup>46</sup> Bapoxonaes Jesús pecoyo baru pona pijimonaes Caná tomara beya xua po tomara eca barapo Galilea nacua. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonaes Jesús Caná tomaratha eca, iruru pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacuitatsi. <sup>47</sup> Barapon pon pentacaponaein yaputane xua Jesús pijimonaes baru patopa Galilea nacua xua Judea nacua weya pona. Bapoxonaes Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo petupa, jei bapon.

<sup>48</sup> Nexata Jesús barai bapon xua piamonaes tatsiru, jeye:

—Paxam jopa yabara pana nejume cowuntsim. Saya poxonaes pexeinya petsita itatsi coyenewan paca tsita exaneibatsi bapoxonaes deta pana nejume cowunteibame, jei Jesús.

<sup>49</sup> Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewunaeya tsane poxonaes taxanto tupaena, jei.

<sup>50</sup> Nexata Jesús jume barai bapon, jeye:

—Moya caibe nawiyama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya. <sup>51</sup> Poxonaes barapo pentacaponaein cataunxuae ecapona namtotha xua pia bo beya pona, bapoxonaes bapon matenta poinchi pomonaes pia petanacuichiwiwaetsi pia botha. Bapon jeichichi:

—Nexanto bayatha cata axaibi, jei barapomonaes.

<sup>52</sup> Nexata bapon yainyaba pia petanacuichiwichi, jeye:

—¿Eta poxonaes inta taxanto axaibi? ¿Eta xoyo poxonaes ecatabiya xometo? jei bapon.

Barapomonaes jume nota, jeye:

—Mexuae axaibi tsuxubi poxonaes mateinyaxae pepuya weya bapoxonaes yasataxotsi domae, jei barapomonaes.

<sup>53</sup> Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiyama jinya bo beya, bayatha nexanto cata axaibi”, jei Jesús. Bapoxonaes bapon iru pomonaes pia botha petaenaewichi Jesús yabara jume cowantatsi.

<sup>54</sup> Barapo pexeinya petsita itatsi coyenewa xua poxonaes equeicha Jesús cotacaya exana poxonaes caibe warapiya Galilea nacua beya poxonaes Judea nacua wewarapiya.

## 5

*Meje yabara poxonae Jesús axaibi exana pon pecuenobinchi ichaxota po fetiyo pewun Betzata*

<sup>1</sup> Bapoxonae pirapae Jesús pona Jerusalén tomara beya. Barapo tomaratha judiomonae nacaetuta xua penabanaenexa pexaewa. <sup>2</sup> Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei. Barapo fetiyotha cinco po boutiyobe umena. <sup>3</sup> Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayujayujei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa. <sup>4</sup> Tsipei ichacuitha tsaibi matatsunpin patopeiqueiba barapo mene fetiyotha xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi. <sup>5</sup> Baxota pebin iru boca pon caena bayatha atene treinta y ocho po weiyobetha. <sup>6</sup> Jesús tane xua bapon iratha boca. Matautano Jesús yaputane xua bapon ainya dapaein bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

<sup>7</sup> Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonae matatsunpin mene najirababa exana. Poxonae tacoutha taepatotha iya tsaibin ichan copiya netsiwana patopeiba. Bapon axaibi, copiya pecaxinaexae mene, jei pon atene.

<sup>8</sup> Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

<sup>9</sup> Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matabi apara po matabi pentaquei seicae matabi. <sup>10</sup> Daxota judiomonae barai pontha pon axaibi exainchi. Jeichichi:

—Apara anoxuae po matabi xua pentaquei seicae matabi. Barapo mataqueitha jopa cacopatsiyo xua bara necaponaewa jinya nebocaewa, jei judiomonae.

<sup>11</sup> Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomaetha.

<sup>12</sup> Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

<sup>13</sup> Ichitha bapon jopa wun taeyo pon peaxaibi exanaexaetsi, tsipei Jesús pin bicheitha naita cafetaba. <sup>14</sup> Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenem tsipae beyacaincha xua poxonae copiya atenem, jei Jesús.

<sup>15</sup> Nexata barapo pebin pona judiomonae beya xua pejeinexa:

—Apara pon neaxaibi exana bapon apara Jesús, jei bapon.

<sup>16</sup> Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataqueitha pentaquei seicae mataqueitha. <sup>17</sup> Ichitha Jesús jeye barapomaetha:

—Taxa, apara cataunxuae nacuiteiba daxita matabintha. Xan barichin bara bequein pentaquei seicae matabi tan, jei Jesús.

<sup>18</sup> Daxota bichocono nama judiomonae jopa juniya anaepanaeyo, yawa ichichipa xua Jesús pebexubiwa tsainchi. Barapomonae anaepana tsipei yaitama Jesús po mataqueitha pentaquei seicae matabitha nacuita poxonae bequein barapomonae jopa copatsiyo. Matautano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

*Meje yabara poxonae Jesús yabara paeba xua pexeinaewa pia peayapusu itorobi coyenewa*

<sup>19</sup> Nexata equeicha Jesús barai barapo judiomonae, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan. <sup>20</sup> Taxa bichocono neantobe, yawa netsita itata daxita xua bapon pocotsiwa exana. Taxa equeicha ichawanno netsita itatsina pocotsiwa xua bichocono wunaey beyacaincha xua bayatha exanan. Bapoxonae yabara pana najuntu cui coyene cabenaecaename. <sup>21</sup> Taxa equeicha asu cana exana pomonae caena bayatha werapa. Xan barichin tsane Nacom Pexantonxaein equeicha asu cana exanaein pomonae pewerapaewi, pomonae xua ichichipan xua asu tacana exanaewa. <sup>22</sup> Taxa jopa ba yabara paebiyo jiwi xua penatsicuentisiwa xua abe peexanaexae. Saya meisa xan Pexanto tatsixaein necata barapo peayapusu itorobi coyenewa xua tayabara paebiwa jiwi xua penatsicuentisiwa xua abe peexanaexae Nacomtha. <sup>23</sup> Baxua Taxa barapo peayapusu itorobi coyenewa necata xua daxita jiwi tana nebaru cui itura jinaenexa xua icha barapo jiwi ichi xua poxonae Taxa baru cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebaru cui itura jinaeyo bapon barichi Taxa jopa baru cui itura jinaetsi.

<sup>24</sup> “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitaewata pocotsiwa paeban xuano xua Taxa jume cowuntatsi bapon peajuntuyparusawa xeinaena po peajuntuyparusawa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuentisiwa xua daxota bapon bewa tupaena abe peexanaexae. Tsipei bapon be barapocotsin, bara be pocotsin xua equeicha asu exanan petupae cuiru coyene weya. <sup>25</sup> Xainyeya paca tsipaebatsi. Apra anoxuae barapo matabi patope, po mataqueitha pomonae be pewerapaewi jopa pexeinaexae peajuntuyparusawa, barapomonae nejume taena. Yawano icha barapomonae nejume cowuntsina bapoxonae xeinaena peajuntuyparusawa. <sup>26</sup> Taxa xeina xua peajuntuyparusawa, po pia peajuntuyparusawa tatsi jopa weraweracaeyo. Daxota bara tayapu xanepanatsi xua ichan pecatsinexatsi barapo peajuntuyparusawa. Matautano Taxa necata barapo peajuntuyparusawa xua daxota xuya jiwi catan. <sup>27</sup> Taxa pia peayapusu itorobi coyenewa necata xua jiwi tayabara paebinexa xua penatsicuentisiwa xua abe peexanaewixae Nacomtha. Tsipei naexanan pepa Jiton daxota necui jupa xua barapo pia peayapusu itorobi coyenewatha jiwi tayabara paebiwa xua penatsicuentisiwa xua abe peexanaexae. <sup>28</sup> Jopa baxua payabara najuntu coyene cabenaecaende pocotsiwa tapaca tsipaebiwatsi. Tsipei patopaena icha matabi po mataqueitha pomonae pewerapaewi nejume taena. <sup>29</sup> Barapomonae pomonae pewerapaewi muthu wejujuinaena. Pomonae xua xanepanaya exana xua poxonae caena bayatha jinompa, barapomonae asu exanaeinchi xua pexeinaewa tsane peajuntuyparusawa. Ichitha nama pomonae abe exana xua poxonae caena bayatha jinompa, barapomonae asu exanaeinchi xua peyabara paebinexatsi xua penatsicuentisiwa xua abe peexanaexae Nacomtha”, jei Jesús.

*Meje yabara poxonae Jesús tsita itapeinya xeina jiwi xua bara xeina peayapusu itorobi coyenewa*

<sup>30</sup> Cataunxuae awiya Jesús cueicueijeji judiomonaetha. Jesús jeye: “Jopa exanaeinyo pocotsiwa tacoutha ichichipan. Jiwi yabara paeban xua penatsicuentisixae xua abe

peexanaexae Nacomtha be pocotsi coyeneya Taxa tanecui itorobixae. Baxua xua pocotsiwa poxonae jiwi yabara paeban xua penatsicuentisiwa xua abe peexanaexae apara bara xanepana. Tsipei jopa exanaeinoyo pocotsiwa tacoutha ichichipan jame saya exanan pocotsiwa Taxa ichichipa, pon tana neitorobixae. <sup>31</sup> Icha saya meisa nayabara paebichipan tacoutha, yawa icha ichun jopa neyabara jume yawenaetsipae metha bapoxonae pana neyabara jam tsipaem: ‘Apara pocotsiwa bapon pia coutha nayabara paeba jopa xainyeyo’, pana neyabara jam tsipaem. <sup>32</sup> Ichitha ichun neyawena xua tana neyabara paebiwa tsipei paeban xua pocotsiwa bapon paeba. Nanta jupaya papaebanbe. Apara bapon Nacom bara Taxa. Bara yaputan po coyene bapon xua tana neyabara paebiwa apara bara xainyei. <sup>33</sup> Paxam ichamonae paitorobame Juan beya, xua Juan peyainyabiwa tsainchi, pocotsiwa Juan yabara paca jume nota xua xan yabara, bara apara xainyei. <sup>34</sup> Xan jopa jiton nantawenonaeinyo xua tana nebaru jume yawenaewa xua jiwi yabara tana nejume cowantsiwa xua bara xainyeya tapaebin. Saya yabara paca tsipaebatsi pocotsiwa Juan tana neyabara paebiwa. Poxonae baxua pajume cowantsiname pocotsiwa Juan tana neyabara paebiwa bapoxonae paca capanenebiyaena abe painya neexanae cuiru coyenein weya xua jopa painya atene tsaibiwa tsane abe painya neexanaewantha. <sup>35</sup> Poxonae pecoicha itanata, jiwi ba caeto juntu coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntu coyene weiweiname caeto, poxoru paichichipame barapo diwesi pocotsiwa bapon paca tsipaeba. <sup>36</sup> Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa Taxa neitoroba. Po pexeinya petsita itabiwan xua exanan poxonae baxuan jiwi necui tane bapoxonae nejume cowanta xua Taxa necata barapo peayapusu itorobi coyenewa. <sup>37</sup> Matautano Taxa, pon tana neitorobixae, beta xanepanaya neyabara paeba. Ichitha paxam jopa bapana Nacom pajume taem xua pejume. Matautano jopa bapana pataem pia pepon. <sup>38</sup> Nacom Pejume Diwesi jopa paxeinaem painya juntu coyeneintha tsipei jopa pana nejume cowantsim ponxaein xua Nacom tana neitorobixae. <sup>39</sup> Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajuntuayapusuwa, po peajuntuayapusuwa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa. <sup>40</sup> Ichitha jopa bapana pana nejume cowantsim xua tapaca catsibinexatsi barapo peajuntuayapusuwa, po peajuntuayapusuwa jopa weraweracaeyo.

<sup>41</sup> “Jopa netsita ainya cuiyiyo xua bara jiwi tana nebaru cui itura jinaewa xua ainya cuin tanaexanaexae. <sup>42</sup> Matautano paca juntu coyene yaputainchi xua painya juntu coyeneintha jopa Nacom paantobem. <sup>43</sup> Xan, Nacom Taxa tana neitorobixae, pacata patopatsi, daichitha jopa pana nejume cowantsim. Ichitha icha ichun pacata patopaetsipa pon pia coutha naitoroba, bapon xanepanaya pajume cowantsipame. <sup>44</sup> Jopa paca itacupaeyo xua pana nejume cowantsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane. <sup>45</sup> Jopa pananta xeinaeinde xua Taxatha tapaca yabara paebiwatsi xua po coyene abe painya neexanaewa. Xan dapon apara aibin xua abe tapaca yabara paebiwatsi. Paxam pananta xeiname, pana najam: ‘Caena bayatha Nacom nacana jume diwesi cata Moiestha xua jiwi pejume cowantsiwa tsane. Jume cowantatsi barapo diwesi, daxota Nacom naca capanenebiya tsane’, pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowantsim daxota Nacomtha abe paexaname. <sup>46</sup> Icha pajume cowantsipame pocotsiwa Moisés neyabara tinaeya paeba, metha iruru pana nejume cowantsipame, tsipei Moisés neyabara tina. <sup>47</sup> Icha jopa pajume cowantsim pocotsiwa Moisés neyabara paeba, bara paichipaem jopa pana nejume cowantsipaem”, jei Jesús xua judiomonae



tsipaebatsi.

## 6

*Meje yabara poxonae Jesús apata pexaewa cinco mil pebiwi  
(Mt 14.13-21; Mr 6.30-44; Lc 9.10-17)*

<sup>1</sup> Poxonae Jesús najume weta judiomonaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wun Tiberias pucua. <sup>2</sup> Pin bicheito Jesús puna poinchi, tsipei Jesús cui tainchi xua exana pia pexeinya petsita itatsi coyenewan, poxonae axaibi exana peatenewi. <sup>3</sup> Nexata Jesús pijimonae baru ecoinya demxuwa icha. Bapoxonae baxoteicha Jesús pijimonae baru ecoiya. <sup>4</sup> Imoxoyo bara nama patopaena matabi xua judiomonaetha pia Pascua wun matabi tatsi. <sup>5</sup> Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonaetha upain comocaeinchi? jei Jesús Felipetha.

<sup>6</sup> Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa.

<sup>7</sup> Nexata Felipe Jesús jume notatsi, jeye:

—Bequein doscientos po pan matabi monaetha comocaetsipathatsi jopa awiya jupaetsipae xua daxita barompaya pexexeinaeponaewa barapo bicheito. Barapo denario paratiyo matawun xua bichocono matoma nawita xua caentaqueitha nexa xua matoma xeineiba pomonaetha penacuichiwi, jei Felipe.

<sup>8</sup> Bapoxonae Andrés pon iraru Jesús pijimonae tatsi jiwana jiton, pon Simón Pedro peweicho tatsi, bapon Jesús jeichichi:

<sup>9</sup> —Meje pewowin wuto uncue. Bapoyo cinco po panbe xeina, po pan xua cebada beno pan. Matautano bapoyo duweiyoye capana. ¡Ichitha apara jopa yapu jupaeyo xua pin bicheito! jei Andrés.

<sup>10</sup> Nexata Jesús jume nota pijimonae, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi. <sup>11</sup> Nexata Jesús pecobetha pita pan, po pan xua pexuyo capatopa. Bapoxonae Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxonae Jesús pijimonae tsicobe jajanacapona pan. Equeicha Jesús pijimonae tatsi cacatsibapona barapo pan barapo cinco mil pebiwitha. Jesús barichiya exana poxonae duweiyoye pita. Matautano pijimonae tsicobe jajanacapona barapo bicheito nexa. Barapo cinco mil pebiwi bara xane xua ichichipa piyainxae. <sup>12</sup> Poxonae daxita tonsanarucura, bapoxonae Jesús pijimonae barai:

—Panore xua barapomonaetha jiwana xane. Pajebare, jopa pabebande, jei Jesús.

<sup>13</sup> Barapomonaetha Jesús pijimonae tatsi nonotapona pocotsiwa barapo pin bicheito jiwana xaexaepona. Jesús pijimonae tatsi doce po cotebe wunba xua bayatha po cinco panbe jiwana xaexaepona pin bicheito po pan xua cebada beno pan. <sup>14</sup> Barapo cinco mil jiwi poxonae Jesús cui tainchi xua pexeinya petsita itatsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinae patopaena po nacuathe xua wanacuatha tsica, jei.

<sup>15</sup> Ichitha Jesús yaputane xua barapomonaetha ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuathe tatsi. Daxota equeicha Jesús ponataba demxuwa beya, xua compa peecaenexa.

*Meje yabara poxonae Jesús mene matatsun jumatha pona  
(Mt 14.22-27; Mr 6.45-52)*

<sup>16</sup> Poxonae quirei tsanaicha Jesús pijimonae tatsi pucua itapa bepareca. <sup>17</sup> Bapoxonae jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo. <sup>18</sup> Bapoxonae pin joibo tsuxubi. Yawa maratsaca muxunenababa jera. <sup>19</sup> Poxonae Jesús pijimonae tuwutha yana panenebiya, bapoxonae Jesús pijimonae tainchi. Jesús mene matatsun juma dena pona jera dena. Bapoxonae barapomonae bichocono junuwa. <sup>20</sup> Ichitha Jesús pijimonae barai, jeye:

—¡Apara xan! ¡Jopa pajunuwinde! jei Jesús.

<sup>21</sup> Bapoxonae Jesús pijimonae yaitaerucupatsi. Bapoxonae Jesús juntũ coyene weiweinaya wabatsi pijimonae xua jeratha penontabinaenexa. Bapoxonae nainya patarucupa Capernaum tomaratha.

### *Meje yabara poxonae jiwi Jesús wenaweneichi*

<sup>22</sup> Icha mataqueitha pin bicheito, pomonae umena pucua itapatha xua icha muxunenetha, barapomonae tane xua Jesús pijimonae cuenta ponarucupatsi jeratha, po jera saya bara cae nae xua po nae baxota boca. <sup>23</sup> Poxonae cataunxuae Jesús yabara nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamateinaein, Paxa tsipaeba xua jeye: “Axa, maisa juntũ coyene weiweinan xua pata tanecatsiwam pan”, xua jei, xuano xua baxota Jesús apata pan jiwitha. <sup>24</sup> Barapomonae yaputane xua Jesús aichurucuae. Matautano yaputane xua Jesús pijimonae tatsi aichurubena. Daxota jeran notarucupa Capernaum tomara be-iyi xua Jesús pewenaweneiwa tsainchi.

### *Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobicatsi*

<sup>25</sup> Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonae.

<sup>26</sup> Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apara jopa baxua patsipatsim xua bayatha tapaca tsita exanaexaetsi pexeinya tatsita itatsi coyenewan. <sup>27</sup> Jopa pananta xeinaeinde xua saya pexaewa pana natsiupain nacuitame, po pexaewa saya nainya weraweraca. Saya meisa jame payabara nanta xeinare xua peajuntuyapusu coyenewa, po peajuntuyapusu coyenewa jiwi ajuntuyapusu exanatsi, po peajuntuyapusuwa jopa weraweracaeyo. Taxa, Nacom, barapo peajuntuyapusuwa necata, po peajuntuyapusuwa xuya paca catsinchi ponxaein Nacom Tananeitapetsin, jei Jesús.

<sup>28</sup> Nexata barapomonae Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

<sup>29</sup> Nexata Jesús jume nota barapomonae, jeye:

—Jame Nacom baxua ichichipa xua pata tanejume cowantsiwam tsane ponxaein xua barapon Nacom, Taxa, neitoroba, jei Jesús.

<sup>30</sup> Nexata barapomonae Jesús yainyabatsi, jeye:

—¿Eta po jinya pexeinya netsita itatsi coyenewa, pana netsita itatsiname? Icha paca cui taeinchi baxua xua pana netsita itatsiname nexata bapoxonae xua xain paca jume cowantatsi. <sup>31</sup> Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawan. Barapomonae baxua cana exanatsi be pocotsi coyeneya Nacom Pejume

Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomona.

<sup>32</sup> Nexata Jesús jume barai barapomona, jeye:

—Xaniyan paca tsipaebatsi, Moisés barapo pexaewa apara jopa wamo susato jiwi catsichi, po pexaewa xua itaboco wetaitorobicatsi. Apra jame Nacom, Taxa, barapo pexainyei nabanae pexaewa taitorobica. <sup>33</sup> Po pexaewa Nacom itaboco wetaitorobica, apra neyabara wanae caunuta. Nacom neitorobica xua tacana exanaewa tsane jiwi barapo cae pin nacuathe xua jiwi pexeinaewa tsane peajuntuyapuswa, po peajuntuyapuswa jopa weraweracaeyo, jei Jesús. <sup>34</sup> Nexata barapomona Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matacabi tsaibi, jei.

<sup>35</sup> Jesús jume nota, jeye:

—Xan apra bapon xua po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajuntuyapuswa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenonaewa. <sup>36</sup> Bara bayatha bequein paca tsipaebatsi, daichitha jopa pana nejume cowantsim bequein pana netaneme. <sup>37</sup> Daxita pomona xua Taxa necata, barapomona bara tamona. Barichi pomona nejume cowanta, barapomona jopa beban tsane. <sup>38</sup> Xan apra jopa baxua tsipatopeicaeyo itaboco wetsica xua taexanaewa tsane pocotsiwa tacoutha ichichipan. Apra saya jame baxua tsipatopan xua taexanaewa tsane pocotsiwa Taxa ichichipa. <sup>39</sup> Tsipei Taxa ponxae neitoroba, barapon ichichipa xua daxita jiwi beta ta-eenaewa tsane pomona tana necatsixae. Matautano Taxa jopa ichipaeyo xua barapomona jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomona tana necatsixae xua poxona po matacabi opi ducuaenaba po cae pin nacuathe. <sup>40</sup> Paxam yabara paca tsipaebatsi xua pocotsiwa Taxa peichichipaewa. Daxita pomona neyabara paebina po coyene xua xan apra Nacom Pexanton, xuano xua nejume cowanta, barapomona xeinaena peajuntuyapuswa xua ataya tsiteca. Barapomona asu exanaein petupae coyene cuariya weya poxona matacabi opi ducuaenaba po cae pin nacuathe, jei Jesús.

<sup>41</sup> Poxona Jesús baxua nayabara paeba bapoxona judiomona Jesús abe yabara paebatsi, tsipei Jesús jeye: “Xan apra bapon po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajuntuyapuswa tacatsin”, jei Jesús. <sup>42</sup> Barapomona najei caemona:

—Apra bapon Jesús, José pexanto tatsi. Apra coxiyan bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomona.

<sup>43</sup> Nexata Jesús jume barai, jeye:

—Jopa caemona pana natsipaebinde xua abe papaebame. <sup>44</sup> Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomona asu exanaein petupae coyene cuariya weya poxona po mataqueitha daxita weraweracaena po nacuathe. <sup>45</sup> Nacom peitorobi jume pepaebiwi pia petinae diwesintha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesintha. Daxota daxita pomona Taxa jume tainchi xuano xua jume cowantatsino barapomona bara pata taxantha.

<sup>46</sup> “Dapon aibi pon Taxa tainchi. Jame meisa ponxaein itaboco wepatopeican bara Taxa tan. <sup>47</sup> Xaniyan paca tsipaebatsi, pon nejume cowanta bapon jame xeinaena

peajuntuyapusuwa, po peajuntuyapusuwa jopa weraweracaeyo. <sup>48</sup> Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wuanae caunutsixae ponxaein jiwi peajuntuyapusuwa tacatsin. <sup>49</sup> Painya amo susato jiwi pexaewa xane ichaxota ira xuepana susato tsurucuae nacuatha. Barapo pexaewa maná matawun. Bequein bara barapo pexeinya pexaewa nabane daichitha matapainya werapa. <sup>50</sup> Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wuanae caunutsixae. Pon nejume cowuntsina jopa weraweracae tsane icha ichun ichi xua poxonae xane barapo pexaewa jopa tupaeyo. <sup>51</sup> Xan apara bapon xua po pexaewa Nacom itaboco wetaitorobica jiwi, po pexaewa ayapusu, xua po pexaewa tana neyabara wuanae caunutsixae. Pon xua nejume cowanta bara ataya poponaena icha ichun ichi xua poxonae xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaeyin xua jiwi pexeinaewa tsane peajuntuyapusuwa”, jei Jesús.

<sup>52</sup> Nexata judiomonae caemonae najume matsontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wanabanaewa tsane? jei barapomonae.

<sup>53</sup> Jesús barai barapomonae, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajuntuyapusuwa, po peajuntuyapusuwa jopa weraweracaeyo. <sup>54</sup> Pon xua tapepon xane yawa xua apa tajana, bapon xeinaena peajuntuyapusuwa, po peajuntuyapusuwa jopa weraweracaeyo. Yawa bapon asu exanaein petupae coyene cuariya weya po mataqueitha poxonae daxita weraweracaena po cae pin nacuathe. <sup>55</sup> Tsipei tapepon be pexeinya pexaewa poxonae xua jiwi pexaewa tsane. Yawa tajana be pexeinya peapaewa xua jiwi peapaewa tsane. <sup>56</sup> Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitupan, yawano xua tajana othoparenaewa bapon nexa xua abe pia peexanae cuiru coyenein tatsi nexa. <sup>57</sup> Taxa ponxae neitoroba bapon ataya asu poponeiba. Iruru xan barichin ataya asu poponeiban tsipei Taxa necata pia peajuntuyapusuwa, po peajuntuyapusuwa jopa weraweracaeyo. Barichiru pon xane tapepon, xua poxonae tana nejume cowuntsiwa, bapon asu poponeibina tacatsixae peajuntuyapusuwa. <sup>58</sup> Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa tupaeyo, xua icha be maná matawun ichi, po pexaewa painya amo susato jiwi xane. Daichitha barapomonae matapainya werapa. Po pexaewa yabara paeban icha ichun xane barapo pexaewa, bapon xeinaena peajuntuyapusuwa, po peajuntuyapusuwa jopa weraweracaeyo, jei Jesús.

<sup>59</sup> Baxuan Jesús cuiduba judiomonae pia penacaetutsi botha tatsi xua Capernaum tomaratha.

*Meje yabara poxonae Jesús yabara paeba peajuntuyapusuwa, po peajuntuyapusuwa jopa weraweracaeyo*

<sup>60</sup> Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowuntsiwa. ¿Jintam metha itacupatsi xua peexanaewa tsane pocotsiwa bapon paeba? najei.

<sup>61</sup> Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube? <sup>62</sup> ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin? <sup>63</sup> Jiwi asu jinompa poxoru xeina pejumope tanaxu. Poxonae pejumope tanaxu panepa jiton ba pia pepon

tapa. Icha pejumope t̄anax̄u ichi xua jiton as̄u exainchi pia pepon, barichi xua xan pocotsiwa tapaca tsipaebiwatsi barapo jume paca j̄unt̄u coyene ayapus̄u cana exana xua jopa painya neweraweracaewa tsane. <sup>64</sup> Ichitha cataunxuae pinmonae pomonae paxam jiwana pam, jopa nejume cow̄antsiyo, jei Jesús.

Caena bayatha Jesús copiya w̄nae tsiwanaya yaputane pomonae jopa pejume cow̄antsiwa tsainchi. Matautano caena bayatha Jesús copiya w̄nae tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús. <sup>65</sup> Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitac̄paewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiw̄i pepatsiwa xantha’, paca jeichi, jei Jesús.

<sup>66</sup> Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi. <sup>67</sup> Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya ir̄u ponaetsir̄u? jei Jesús.

<sup>68</sup> Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua meisa xam compam yabara pana netsipae-bame peaj̄unt̄uyapus̄awa, po peaj̄unt̄uyapus̄awa jopa weraweracaeyo. <sup>69</sup> Paxan paca jume cow̄antatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

<sup>70</sup> Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamonae jiton tatsi, jei Jesús.

<sup>71</sup> Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

## 7

### *Meje yabara poxonae Jesús jopa yabara jume cow̄antichi peweicho jiw̄i*

<sup>1</sup> Bapoxonae Jesús popona ducuaeta baxota xua Galilea nacuatha. Jesús aichax-aibi xua pepoponaewa Judea nacuatha, tsipei judiomonae, pomonae baxota jinompa, ichichipa xua Jesús pebexubiwatsi. <sup>2</sup> Bara nama imoxoyo tsurucuae tsoponaeba po maticabintha judiomonae jinompa tsica bom̄x̄x̄itha xua penabanaenexa pexaewa. Barapo maticabin ba judiomonae cayabara nanta xeina xua caena bayatha pinae pia pamo susato jiw̄i tatsi jinompa tsica bom̄x̄x̄itha ira xuepana susato tsurucuae nacuatha. <sup>3</sup> Jesús baraichi pia peweicho jiw̄i, jeye:

—Jopa xote poponaende. Judea nacua beya warapiyama xain baxotiya jinyamonae cacui tane pocotsiwa exaname xua jinya netsita it̄tsiwa. <sup>4</sup> Pon xua ba ichichipa peyaputaewatsi daxita jiw̄i, bapon ba daxita jiw̄i peit̄tha exana po coyene xua moya peyaw̄n xeinaewa po coyene jiw̄i copiya jopa yabara yaputaeyo. Bapon ba jopa nameicha exanaeyo. Xam ir̄ur̄u barichinde. Daxita jiw̄i peit̄tha exande xain cacui tane xua jinya netsita it̄biwa neexanaewam, jeichichi Jesús peweicho jiw̄i.

<sup>5</sup> Baxua Jesús baraichichi peweicho jiw̄i, tsipei Jesús jopa jume cow̄antichi peweicho jiw̄i. <sup>6</sup> Nexata Jesús jume barai peweicho jiw̄i, jeye:

—Apara inta cataunxuae dapo maticabi aichica, po mataqueitha tana nait̄tsiwa judiomonaetha xua Judea nacuatha. Ichitha poxonae paichichipame xua painya neponaewa moya bara paponde Judea nacua beya. <sup>7</sup> Pomonae jopa Nacom jume cow̄antichi barapomonae jopa paca casebiyo. Ichitha xan necaseba tayabara paebixae

xua po coyene pocotsiwa barapomonae exana pejuntꝫ coyeneintha apara abe. <sup>8</sup> Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeinyo cataunxuae canta tamatacabi aichica, jei Jesús.

<sup>9</sup> Poxonae Jesús baxua najume weta, bapoxonae abꝫ cataunxuae Galilea nacuatha popona be caentacabiyobe xua pecoyo weya peponaenexa.

*Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa*

<sup>10</sup> Poxonae Jesús peweicho jiwi tatsi bayatha ponaba penanabanaenexa pexaewa irꝫ Jesús bara beya pona. Jesús compa nameicha pipatotha pona. Jopa peburaya naponae yo jiwitha. <sup>11</sup> Barapo judiomonae penacaetutswatha Jesús wenaweneichi. Barapo judiomonae pia pentacaponae wi tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

<sup>12</sup> Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuntꝫ coyene xanepanaein”, jei. Ichamonae jeye: “Bꝫꝫ, metha jume, apara jiwi muxujainyabeibatsi”, jei barapomonae.

<sup>13</sup> Ichitha dapon aibi pon pentha pejume jinaewa jiwi peitꝫtha xua Jesús peyabara paebiwatsi, tsipei judiomonae pia pentacaponae wi tatsi cunuwatsi.

<sup>14</sup> Poxonae cuatro po matabinbe yapucaewa xua poxonae judiomonae po matabintha nacaetuba, bapoxonae Jesús joniya Nacom pin pia botha. Matautano baxota tamropata pitaba xua pecuidubiwa jiwitha.

<sup>15</sup> Bapoxonae judiomonae yabara najuntꝫ cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidubiwatsi diwesi? jei.

<sup>16</sup> Jesús jume nota barapomonae, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua.

<sup>17</sup> Icha ichꝫn ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusꝫ itorobi coyenewatha po coyene xua tawa xua saya tacoutha ichichipan.

<sup>18</sup> Pon barompaya pia diwesi pia coutha nayabara paeba, apara bapon pia xua wꝫnae yabara paebichi xua jiwi wꝫnaeya peyabara paebiwa tsane. Ichitha ichꝫn pon ichichipa xua jiwi Nacom wꝫnae pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxuitorobin jiwi.

<sup>19</sup> “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwam?” jei Jesús.

<sup>20</sup> Daxita barapomonae Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonae.

<sup>21</sup> Jesús jume barai barapomonae, jeye:

—Daxita paxam payabara najuntꝫ cui coyene cabenaecame, tsipei pebin axaibi exanan po matabitha pentaquei seicae matabitha. <sup>22</sup> Ichitha paxam irꝫ panacuiteibame barapo matabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwi tamropata notarꝫꝫpa baxua. Poxonae ocho po matabibetha yapu othopeiba pawu thabame pebin wꝫtixi bequein

poxonae pentaquei seicae matabi pataetham. <sup>23</sup> Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wætixi pawî thabame ichaxota pebiwichi xeinatsi xua ichaxota nareixacaena bequein pentaquei seicae matabi pataetham poxonae. Icha bara paichim pentaquei seicae matabitha, ¿eta pocotsiwa metha pana necasebame xua pebin axaibi taexanaexae pentaquei seicae matabitha? <sup>24</sup> Painya xoba pebin payabara paebame xua penat-sicuentiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copiya pacui yaputaema xua icha bara metha pebin abe exana tsipei methapara barapo pebin xanepanaya exana.

*Meje yabara xua Jesús yabara paeba xua ichaxota copiya popona*

<sup>25</sup> Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi? <sup>26</sup> Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponawewi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae? <sup>27</sup> Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

<sup>28</sup> Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponawewa. Apra jopa tsipatopeinyo xua taexanaewanexa pocotsiwan ichichipan tacoutha. Mexeya apra daxota tsipatopan ichan tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem. <sup>29</sup> Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

<sup>30</sup> Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matabi jopa tapatopeicaetsi. <sup>31</sup> Pin bicheitomonae Jesús yabara jume cowantatsi xua Jesús apra bara Mesías. Barapomonae Jesús yabara jeichichi:

—Barapo pebin pexeinya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

*Meje yabara poxonae fariseomonae itoroba policiamonae xua Jesús pewaetabiwa tsainchi*

<sup>32</sup> Bapoxonaerũ fariseomonae jume tane pocotsiwa jiwi Jesús yabara baraichi: “Bapon apra Cristo”, xua jei jiwi. Nexata bapoxonae fariseomonae irũrũ sacerdote-monae pia pentacaponawewi tatsi, daxita barapomonae itoroba policiamonae Nacom pin pia bo beya xua Jesús pewaetabiwa tsainchi. <sup>33</sup> Nexata Jesús jei jiwitha:

—Saya caeto paca barũ popoinchi. Bapoxonae pirapaeyo equeicha tacoya beicha Taxa beicha ponaein pon tana neitorobixae. <sup>34</sup> Paxam pana newenawenam tsane ichitha jopa pana necaxinaem tsane. Tsipei jopa paca itacũpae tsane xua painya neponaewa xua ichaxota taponawewa tsane, jei Jesús.

<sup>35</sup> Nexata judiomonae caemonae nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomonaetha ponaena jampa po judiomonae icha nacia werena pona po judiomonae griegomonae barũ jinompa jampa? Metha pia bapoxonae bapon cuidubichi barapo judiomonae, griegomonaeno. <sup>36</sup> ¿Eta xua metha baxua caunuta poxonae naca jei:





barapomonaē jopa yaputaeyo pocotsiwa Nacom paeba pia peitorobi jumeintha. Barapomonaē apara Nacom atene cana exanaena xua petsita natsicuentsexiaetsi xua abe petsita exanaexaetsi, jei daxita fariseomonaē.

<sup>50</sup> Barapo fariseomonaē jiwana pin baxota eca, pon pewan Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

<sup>51</sup> —Waitorobi coyenewatha ba jeichichi: ‘Jopa bewa yabara paebichi pebin xua penatsicuentsiwa xua abe peexanaexae poxonaē cataunxuae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana’, ba jeichichi, jei Nicodemo.

<sup>52</sup> Nexata fariseomonaē Nicodemo jume notatsi, jeye:

—¿Xam irun barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacia werena pona, jei fariseomonaē.

*Meje yabara poxonaē yabayo abe exana poxonaē nasi cui wainmeinta icha pebintha bequein pia pebin xeinaetha*

<sup>53</sup> Nexata daxita barapomonaē barompaya pia bon be-iyiya.

## 8

<sup>1</sup> Nexata Jesús pona demxuwa beya, po demxuwa pewan demxu Olivowa. <sup>2</sup> Icha matabitha poxonaē pentha tsina, bapoxonaē equeicha Jesús caibeya pona Nacom pin pia bo tatsi beya. Pinmonaē Jesús imoxoyo caquita poinchi. Jesús eca yawa tamropata pitaba xua pecuidubiwa jiji. <sup>3</sup> Bapoxonaē judiomonaē, pomonaē jiji pecuidubiwi Moisés pia peitorobi coyene tatsi, irun fariseomonaē, daxita barapomonaē carendena petsiriwa Jesús pia xantha tatsi. Barapomonaē cui taepona poxonaē barapo petsiriwa nasi cui wainmeinta icha pebintha bequein pia pebin xeinaetha. Bapoxonaē daxita barapomonaē barapo petsiriwa cuaranotatsi pin bicheito itabarayo deca xuano xua Jesús peitabarayo deca tatsi. <sup>4</sup> Daxita fariseomonaē irun judiomonaē, pomonaē jiji pecuidubiwi Moisés pia peitorobi coyene tatsi daxita barapomonaē Jesús baraichi, jeye:

—Pon jiji Necuidubim, paxan jemeicha pacui taeponan xua barapo yabayo abe exana, poxonaē nasi cui wainmeinta icha pebintha bequein pia pebin xeinaetha.

<sup>5</sup> Moisés pia peitorobi coyenewatha naca tsipaeba xua pinae bewa tupa exanaetsi ibowantha powaxi poxonaē barapo coyene exana xua abe exana. ¿Incane irun xamdu? ¿Jinya eta xua pana netsipaebichi xua pata cana exanaewa bapowatha? jei.

<sup>6</sup> Baxua naemata Jesús yainyabatsi, pia poxonaē Jesús abeya jume notsina bapoxonaē pia barapomonaē Jesús abe yabara paebichi. Nexata bapoxonaē Jesús irabe taecuareca yawano ira tinano pecobesitha. <sup>7</sup> Tsipei barapomonaē matowa Jesús yainyabatsi, daxota Jesús equeicha nantacotaxuba. Yawano barai barapomonaē, jeye:

—Caein paxam jiwana pam, pon bapana jopa abe exanae, bu bapon jame copiya matha bapowa cuintabatsi ibototha, jei Jesús.

<sup>8</sup> Equeicha Jesús irabe taecuareca. Yawano equeicha Jesús ira tina pecobesitha.

<sup>9</sup> Ichitha poxonaē barapomonaē Jesús jume tainchi, bapoxonaē daxita barapomonaē barompaya nanthun cayabara nanta xeina xua irun abe exanaru barapomonaē. Daxita barapomonaē Jesús pia xainya weya tatsi tsana nanatsixibapona. Copiya penapataewi pona, bapoxonaē cotacaya ichamonaē nawibiya, beya jiwai. Saya meisa barapo yabayo compa uncua Jesús pia xantha tatsi. <sup>10</sup> Bapoxonaē Jesús equeicha nantacotaxuba. Yawa Jesús tane barapo yabayo xua compa uncua pia xantha tatsi. Jesús barai yabayo, jeye:

—¿Incane dapomonaē? ¿Dapomonaē aibi pomonaē cayabara paeba xua nenatsicuentsiwa xua abe neexanaexae Nacomtha? jei Jesús.

<sup>11</sup> Barapowa Jesús jume notatsi, jeye:

—Jume, Tanecanamataxeinaein, dapomonae aibi pomonae neyabara paeba xua tanatsicuentsiwa xua abe taexanaexae Nacomtha, jei.

Nexata Jesús barai bapowa, jeye:

—Xan iruru jopa cayabara paebi tsainchi xua nenatsicuentsiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

*Meje yabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús*

<sup>12</sup> Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomonae jinompa po cae pin nacuathe. Pon nejume cowanta, bapon xeinaena peajuntayapuswa, po peajuntayapuswa ataya tsiteca xua bapon jopa abe peexanaenexa, jei Jesús.

<sup>13</sup> Nexata fariseomonae Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowantichi tsipei jopa ainya cuiyo pocotsiwa paebame, jei fariseomonae.

<sup>14</sup> Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponae xua ichaxota beya taponae tsane. Ichitha paxam jopa payaputaem ichaxota werena taponae xua ichaxota beya taponae tsane. <sup>15</sup> Paxam jiwi payabara paebame xua penatsicuentsiwa xua abe peexanaexae Nacomtha saya xua poxonae pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentsiwa xua abe peexanaexae Nacomtha saya xua poxonae tan xua exana. <sup>16</sup> Icha jiwi yabara paeban xua penatsicuentsiwa xua abe peexanaexae Nacomtha bara pexainyei coyenyatha exanan. Tsipei jopa bapana companyo poxonae jiwi yabara paeban xua penatsicuentsiwa xua abe peexanaexae Nacomtha tsipei Taxa Nacom nebaru exana baxua pon tana neitorobixae. <sup>17</sup> Painya itorobi coyenewatha jeye: ‘Icha ichanbe nanta jupaeya yabara paebabe pocotsiwa tanebe bewa baponbe pajume cowantsiname tsipei baxua apara ainya cui’, jei. <sup>18</sup> Xan tacoutha nayabara diwesi paeban. Iruru Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

<sup>19</sup> Nexata barapomonae Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonae metha payaitaetsipame Taxa, jei Jesús xua fariseomonae tsipae-batsi.

<sup>20</sup> Baxuan Jesús caunuta poxonae tsipaeba jiwi Nacom pin pia botha tatsi. Jesús imoxoyo uncu ichaxota jiwi jeba paratixi Nacom nexa. Dapon aibi pon Jesús pe-waetabiwatsi, tsipei Jesús pia matacabi cataunxuae taaichicatsi.

*Meje yabara poxonae Jesús namchi: “Jopa paca itacapae tsane xua painya neponaewa tsane ichaxota taponae tsane”, jei Jesús*

<sup>21</sup> Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawenaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonae pawerapae-name. Jopa paca itacapae tsane xua painya neponaewa ichaxota taponae tsane, jei Jesús fariseomonaetha.

<sup>22</sup> Nexata judiomonae caemonae najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itacupae tsane xua waponaeewa ichaxota bapon peponaeewa tsane? ¿Metha pia coutha pia nabexuichi? jei judiomonae.

<sup>23</sup> Nexata Jesús barai judiomonae, jeye:

—Paxam saya betsiquepiwi pam. Xan seicaya nama athabeicha tapoponaein. Paxam seicaya nama po cae pin nacuathepiwi pam. Xan nama po cae pin nacuathepin aibi. <sup>24</sup> Daxota bayatha paca jeichi: ‘Paxam jopa paca capanepae tsainchi abe painya neexanae cuiru coyenein weya poxonae pawerapaename’, jan. Tsipei jopa pana neyabara jume cowantsim po coyene xua bara tana neitacupaewa xua tapaca cayawenaewatsi, daxota pamuxuna werapaename abe painya neexanae cuiru coyenein, jei Jesús judiomonaetha.

<sup>25</sup> Nexata barapomonae Jesús yainyabatsi, jeye:

—¿Jintam xamda? ¿Etapo jítom? jei.

Jesús jume nota barapomonae, jeye:

—Poxonae aena tamropata pitaban xua paca cuidubatsi, bapoxonae bayatha nayopichiya paca tsipaebatsi po coyene xua ichaxota werena taponaeewa. <sup>26</sup> Acoibi nawita xua yabara tapaca tsipaebiwatsi po coyene xua abe peexanae cuiru coyenein painya neexanaewa xua daxota Nacom patsita natsicuentame xua abe painya neexanaexae Nacomtha. Taxa neitoroba xua jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

<sup>27</sup> Ichitha barapomonae jopa yaputaeyo poxonae Jesús jeye Nacom yabara: “Taxa”, jei xua apara Paxa caunuta, pon Nacom. <sup>28</sup> Daxota Jesús barai barapomonae, jeye:

—Poxonae paxam naetotha pana necobe matatabarutsiname xan ponxaein Nacom Tananeitapetsinxae, bapoxonae pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba. <sup>29</sup> Tsipei pon neitoroba apara nebaru popona. Taxa bapana jopa compa popona neexanae tsipei saya exaneiban pocotsiwa Taxa tsita xanepanatsi, jei Jesús.

<sup>30</sup> Poxonae Jesús baxua caunuta pinmonae judiomonae Jesús jume cowantatsi.

*Meje yabara poxonae Jesús yabara paeba Nacom pijimonae tatsi iru pomonae caurimonae pia pentacaponaein tatsi piamonae tatsi*

<sup>31</sup> Nexata bapoxonae Jesús barai judiomonae, po judiomonae Jesús pejume cowantsixaetsi. Jesús jeye:

—Icha paxam xanepanaya pana nejume cowantsiya exanaponaeya jinompae-name pocotsiwa tapaca tsipaebiwatsi, bapoxonae bara pepa tajimonae pam tsane.

<sup>32</sup> Bapoxonae payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

<sup>33</sup> Barapo judiomonae, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonae pana itoroba xua poxonae pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomonae Jesús jopa jume cowantichi.

<sup>34</sup> Jesús barai barapomonae, jeye:

—Xaniyan paca tsipaebatsi daxita pomonae xua abe peexanae cuiru coyenein exana barapomonae bara exana po coyenein pia pepon itorobatsi icha jiton ichi pon amanaya tanacuita ichan xua poxonae bewa exanae pocotsiwa peitorobixaetsi poxonae busi cui tatainchi. <sup>35</sup> Pon ba amanaya tanacuita ichan, bapon ba apara piamonae aibi

pomonae peitorobixaetsi, tsipei bapon pebusi cui taetaeinchi. Ichitha pon ba xua ichan pexantoxae tatsi, bapon ba ataya pexanto tatsi bara piamonae pexeinaexae bapon. <sup>36</sup> Daxota xan Nacom Pexanton, icha panenebiya paca cana exainchi caurimonae pia pentacaponaein tatsi weya, pon xua paca itorobeiba xua abe painya neexanaewa, barapoxonae bara ataya paca capanenebiya tsoponeibi tsainchi bapon pexainya weya tatsi. <sup>37</sup> Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi. <sup>38</sup> Xan yabara paeban po coyenein xua Taxa netsita ituta. Paxam paexaname xua po coyenein painya axa paca itoroba, jei Jesús.

<sup>39</sup> Barapomonae Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonae.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana. <sup>40</sup> Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apara Abraham jopa bapana baxua daichi. <sup>41</sup> Paxam bara barapocotsiwa paexaname pocotsiwa painya axa exana, jei Jesús.

Nexata barapomonae Jesús baraichi, jeye:

—Paxan dapomonae pan aibi pomonae piacoibi jiwi pan, tsipei pata taena jopa nasi cui wainmeinchiyu. Paxan xaniwaicha payaputan xua bara compa painta pata taxa, bapon Nacom, jei barapomonae.

<sup>42</sup> Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuante. Apara jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba. <sup>43</sup> Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi. <sup>44</sup> Caurimonae pia pentacaponaein tatsi, bapon apara painya axa. Barapo caurimonae pia pentacaponaein tatsi bapon piamonae tatsi pam daxota paexaname pocotsiwa bapon paca itoroba. Barapo caurimonae pia pentacaponaein tatsi jiwi jutebapoinchi poxonae Nacom aena nacua forota weya, xua beya anoxuae. Bapon bapana jopa xainyeya pepaebin tsipei po juntu coyene Nacom xainyeya peyabara paebiwatsi jopa xeinaeyo. Poxonae bapon naerabiya paeba, baxua paeba tsipei barapo penaerabi juntu coyene xeina. Bapon jiwi itorobatsi xua jiwi naerabiya pepaebiwiwa tsane. <sup>45</sup> Paxam bapon piamonae tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa. <sup>46</sup> Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowantsim. <sup>47</sup> Pon ba Nacom piamonae tatsi baraba namuxu naewata pocotsiwa Nacom paeba. Paxam apara jopa Nacom piamonae tatsi pam, daxota jopa bepajume cowantsim pocotsiwa Nacom paeba, jei Jesús xua judiomonae tsipaebatsi.

*Meje yabara poxonae Jesús namchi: “Poxonae cataunxuae Abraham jopa poponaeyo, caena bayatha tsiwanaya ataya poponeiban”, jei Jesús*

<sup>48</sup> Nexata equeicha judiomonae Jesús baraichi, jeye:

—Bara xainyeya paca yabara paebatsi poxonae pana najan: ‘Bapon apara Samaria nacuamonaepin, apara cauri xeina’, poxonae paca yabara jeichichi, jei judiomonae.

<sup>49</sup> Jesús jume nota, jeye:

—Xan apara cauri jopa nebarꝫ poponaeyo. Saya xua exanan bara pocotsiwa jiwi cana exanan xua Taxa wꝫnae pejainchiwatsi, ichitha nama paxam pana necasebame, saya abeya pana neyabara paebame. <sup>50</sup> Jopa netsita ainya cuiyiyo xua jiwi wꝫnae tana nejainchiwa. Bequein Taxa ichichipa xua jiwi wꝫnae tana nejainchiwa. Bapon Taxa yabara paebina jiwi pomonae xua abe peexanaewa xua penatsicuentsiwa xua abe petsita exanaexaetsi. <sup>51</sup> Xaniyan paca tsipaebatsi pon nejume cowantsiya exanaena pocotsiwa paeban, bapon jopa bapana tꝫpae tsane, jei Jesús.

<sup>52</sup> Bapoxonae judiomonae Jesús jume notatsi, jeye:

—Bara xaniwaicha payaputan xua xam cabarꝫ popona cauri. Abraham irꝫꝫ pomonae Nacom peitorobi jume pepaebiwi daxita barapomonae caena bayatha werapa. Ichitha xam pana nejam: ‘Pon nejume cowantsiya exanaena pocotsiwa paeban, bapon jopa bapana tꝫpae tsane’, pana nejam. <sup>53</sup> ¡Xam apara jopa toxecha ainya cuim Abraham pon pata tamo susatopin! Bapon caena bayatha tꝫpa irꝫꝫ caena bayatha werapa pomonae Nacom peitorobi jume pepaebiwi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

<sup>54</sup> Jesús jume nota, jeye:

—Icha saya compa xan tacoutha wꝫnae najaintan baxua jopa xapain wꝫnaeyo. Jame pon wꝫnae nejainta bapon apara Nacom, pon payabara jam: ‘Apara pata Taxa, bapon Nacom’, pajam. <sup>55</sup> Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaein: ‘Bapon jopa yaputaeinyo’, jan tsipaein, metha apara naerabichipan icha paichim xua naerabiya papaebame poxonae. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom. <sup>56</sup> Abraham painya amo susatopin bayatha yabara wꝫnae yaputane xua tapatopaewa tsane po cae pin nacuathe tsique. Daxota bapon bichocono jꝫntꝫ coyene weiweina. Bara xainyei patopan po cae pin nacuathe tsique daxota bichocono jꝫntꝫ coyene weiweina bapon.

<sup>57</sup> Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham tꝫpaba, jei judiomonae.

<sup>58</sup> Jesús jume nota, jeye:

—Xaniyan paca tsipaebatsi poxonae cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonaetha.

<sup>59</sup> Nexata bapoxonae barapomonae anaepanaya ibowan notarꝫꝫꝫ pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

## 9

*Mejeyabara poxonae Jesús axaibi exana pon peitata nacꝫtsin, pon xua pexuyotha yawa naexana*

<sup>1</sup> Irꝫꝫ Jesús Nacom pin pia bo weya barꝫ pona pijimonae xua poxonae namtotha barꝫ ecapona. Bapoxonae Jesús caxina pebin pon peitata nacꝫtsin xua pon pexuyotha yawa naexana. <sup>2</sup> Jesús pijimonae yainyabiyatsi, jeye:

—Patatanecuidubim, ¿eta pocotsiwa metha bapon itata nacꝫtsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomonae.

<sup>3</sup> Jesús pijimonae jume barai, jeye:

—Jume apara, jopa apara itata nacꝫtsiyo poxoru abe peexanaexae bapon. Matautano jopa apara baxua xua paxa tatsi abe peexanaexae. Matautano jopa apara baxua xua

pena tatsi abe peexanaexae. Jame apara bapon itata nacuta xua jiwi peyaputaenexa xua Nacom peayapuswa xeina xua axaibi peexanaenexa tsainchi bapon. <sup>4</sup> Jiton ba nacuita poxonae cataunxuae pentha tsuncuae. Poxonae quirei tsuxubi pebin ba jopa itacupaetsi xua penacuichiwa. Xan barichin. Poxonae cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonae tupaein jopa neitacupae tsane xua taexanaewa barapo tanacuichiwa xua bayatha Nacom neitoroba. <sup>5</sup> Poxonae cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaetha.

<sup>6</sup> Poxonae Jesús baxua najume weta, bapoxonae iratha naone sutaba, yawa peonetha tsoroboyo nacobena ponaxuba. Bapoxonae Jesús barapo tsoroboyotha itacuere caxueba peitata nacutsin. <sup>7</sup> Nexata Jesús barai bapon, jeye:

—Ponare fetiyo beya, po fetiyo pewan Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wan jei: “Po fetiyo Nacom itoroba”, jei.)

Pon peitata nacutsin pona fetiyo beya naitata waexubano. Poxonae equeicha bapon caibe iya Jesús beya, nama bara itacupaetsi xua petaewa. <sup>8</sup> Bapon pia petsicuarabu enaewichi tatsi, irano pomonae pecui yaputaexaetsi xua poxonae bapon aitatabeya popona daxita barapomonae bapon yabara natsipaebatsi. Ichamonae jeye:

—¿Apara baponda pon iratha jiwi wunquequeibara paratixi? jei.

<sup>9</sup> Ichamonae jeye:

—Aa, apara bapon, pon iratha jiwi wunquequeiba paratixi, jei.

Ichamonae jeye:

—Apara bapon aibi. Saya apara be bapon, jei.

Ichitha pon peitata nacutsin pia coutha jeye:

—Apara bara xan tsocuaein, jei.

<sup>10</sup> Nexata daxita barapomonae peitata nacutsin yainyabatsi, jeichichi:

—¿Eta xua metha anoxuae taneme? jei daxita barapomonae.

<sup>11</sup> Pon peitata nacutsin jume nota barapomonae, jeye:

—Pon pewan Jesús, bapon tsoroboyo peonetha nacobena pontaba, bapoxonae barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewan Siloé. Barapo fetiyotha naitacuere waexore’, nejei. Bara barabeya ponan. Poxonae baxota naitacuere waexuban, bapoxonae bara tan, jei bapon.

<sup>12</sup> Bapoxonae peitata nacutsin yainyabatsi barapomonae, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonae, jeye:

—Ba, canta jopa taeinyo, jei bapon.

*Meje yabara poxonae pon equeicha xua itata wanae matowa yainyabatsi xua fariseomonae matowa yainyaba*

<sup>13</sup> Pon xua equeicha itata wanae, pomonae pia petsicuarabu enaewichi tatsi barapomonae bapon capoinchi fariseomonae beya. <sup>14</sup> Ichitha po mataqueitha Jesús axaibi exana pon peitata nacutsin, xua poxonae tsoroboyo peonetha nacobena pontaba, barapo matabi apara judiomonae pia pentaquei seicae matabi tatsi. <sup>15</sup> Bapoxonae bapon yainyabatsi fariseomonae, jeye:

—¿Eta bichim xua anoxuae jamaisa necotame? jei fariseomonae.

Bapon jume barai, jeye:

—Bapon tsoroboyo peonetha neitacuere caxueba. Bapoxonae naitacuere waexuban meratha. Bapoxonae yawa bara necotan, jei fariseomonaetha.

<sup>16</sup> Bapoxonae fariseo jiwanamonae bapon baraichi, jeye:

—Pon caaxaibi exana apara Nacom jopa bapon itorobicaeyo, tsipei bapon jopa yabara barꝯ cui itura jinaeyo barapo pentaquei seicae matacabi, jei fariseo jiwanamonaē.

Ichamonae jeye:

—Icha bapon peajꝯntꝯcoyenebein, ¿metha nexata eta pocotsiwa pexeinya petsita itatsi coyenewa exana? jei.

Daxita barapo fariseomonaē nantiya najume matsontsonoba. <sup>17</sup> Equeicha fariseomonaē, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinamerꝯ pon caaitacuerexaibi exana? jei fariseomonaē.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

<sup>18</sup> Ichitha judiomonaē jopa bejume cowꝯntsiyo pocotsiwa pon peitata nacꝯtsin bayatha itacuere axaibi exainchi xuano xua anoxuae itacꝯpatsi xua petaewa. Daxota bapoxonaē barapo judiomonaē pon itacuere axaibi exainchi paxa tatsi wabatsi, yawa pena tatsi wabatsi. <sup>19</sup> Barapo judiomonaē jeye coxiyꝯnbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacꝯtsiya naexana? ¿Eta bichi xua anoxuae itacꝯpatsi xua penecotsiwa? jei judiomonaē.

<sup>20</sup> Barapo coxiyꝯnbe jume notabe, jeibe:

—Bara yatsicaewa payaputan xua bapon barapara pata taxanto. Mataꝯtano payaputan xua bayatha bapon itata nacꝯtsiya naexana. <sup>21</sup> Daichitha jopa payaputaeyo xua eta bichi xua bapon anoxuae necota. Mataꝯtano jopa payaputaeyo xua pon pata taxanto itacuere axaibi exainchi. Paxam moya bara bapon payainyabare. Bꝯ nexata bapon pia coya paca jume notsina tsipei apara bayatha pinyo, jeibe coxiyꝯnbe.

<sup>22</sup> Barapo coxiyꝯnbe cunuwa judiomonaē cunuwatsi. Tsipei judiomonaē bayatha jei: “Pomonaē Jesús yabara jume cowꝯntatsi, pomonaē xua jeye: ‘Jesús apara bapon Mesías pon Nacom itorobica’, pomonaē jeye, barapomonaē paitawetan pata penacaetutsi bo weya”, jei barapo judiomonaē. Daxota barapo coxiyꝯnbe pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe. <sup>23</sup> Daxota barapo coxiyꝯnbe barapo judiomonaetha jeibe: “Paxam moya bapon payainyabare. Bꝯ nexata bapon pia coya paca jume nota tsipei bayatha pinyo”, jeibe coxiyꝯnbe.

<sup>24</sup> Bapoxonaē equeicha judiomonaē pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua irꝯꝯ Nacom necajume taenexa. Paxan payaputan xua Jesús bapon apara pon peajꝯntꝯcoyenebein, jei judiomonaē.

<sup>25</sup> Bapon jume nota barapo judiomonaetha, jeye:

—Xan jopa yabara yaputaeyo xua icha metha bapon pon peajꝯntꝯcoyenebein. Saya meisa yaputan xua copiya taitata nacꝯtsin xuano xua anoxuae neitacꝯpa xua tanecotsiwa, jei bapon.

<sup>26</sup> Equeicha barapo judiomonaē bapon yainyabatsi, jeichichi:

—¿Eta caitacuere ichi poxonaē caaitacuerexaibi exana? jei judiomonaē.

<sup>27</sup> Bapon jume nota barapo judiomonaē, jeye:

—Bara bayatha paca tsipaebatsiba. Came jopa yabara pana nejume cowꝯntsim. ¿Eta xua metha equeicha bepa baxua matowa paca tsipaebichi? ¿Painya irꝯꝯ naexanaetsi Jesús pijimonaē tatsi? jei bapon.

<sup>28</sup> Ichitha barapo judiomonaē bapon biatainchi, jeichichi:

—Xam moya Jesús piamonaē jiton tatsi naexande, nama paxan Moisés pia peitorobi coyenewa pata exanaponaē jiwi. <sup>29</sup> Paxan payaputan xua Nacom Moisés itorobatsi.

Ichitha nama pon caaitacuereixaibi exana jopa payaputaeyno xua ichaxota werena peponaewa xua ichan peitorobixae, jei judiomonae.

<sup>30</sup> Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuereixaibi exanaewa.

<sup>31</sup> Waxainchi yaputainchi bara, xua Nacom jopa jume naitaewatsiyo pomonaetha pomonae abe peexanaewi xua peyawenaewanexa. Nacom saya meisa jume naitaewata pomonaetha pomonae wnae pejainchixaetsi. Matautano Nacom saya jume naitaewata pomonaetha pomonae peitorobixae xua pia petaexanaewa tsainchi pocotsiwa bapon peichichipaexae. <sup>32</sup> Poxonae aena Nacom nacua forota, bapoxonae xua beya anoxuae, dapon aibi pon ichan itacuere axaibi exainchi pon peitata nacutsin. <sup>33</sup> Icha bapon Nacom jopa itorobichipae, metha bapon jopa itacupaetsipaetsi xua ichan itacuere axaibi peexanaewatsi, pon peitata nacutsin, jei bapon.

<sup>34</sup> Nexata bapon baraichi, jeichichi:

—Daxota itata nacutsiya naexaname tsipei ajuntucoyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penacaetutsi bo tatsi weya.

*Meje yabara poxonae Jesús yabara paeba pomonae jopa Nacom yaputaetsi*

<sup>35</sup> Jesús yaputane xua pon bayatha itacuere axaibi exainchi itawetatsi judiomonae pia penacaetutsi bo tatsi weya, xua judiomonae itaweta. Poxonae bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

<sup>36</sup> Bapon jume barai Jesús, jeye:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nacutsin.

<sup>37</sup> Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

<sup>38</sup> Nexata bapon pentabocototha uncua Jesús peitabaratha tatsi xua Jesús wnae pejainchinexatsi. Bapon jeye:

—¡Tanecanamataxeinaem, cajume cowantatsi bara! jei bapon.

<sup>39</sup> Bapoxonae Jesús barai, jeye:

—Barapo cae pin nacuathe patopeican xua jiwi tayabara paebinexa xua penatsicuentsiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaeinchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

<sup>40</sup> Bapoxonae fariseo jiwanamonae, pomonae Jesús baru uncua, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaein tsane Nacom? jei fariseo jiwanamonae.

<sup>41</sup> Jesús jume nota, jeye:

—Icha paxam bayatha jopa payabara yaputaemtsipae Nacom, jopa apara painya coutham tsipae xua poxonae abe painya neexanaewa. Ichitha mexeya poxoru pajam: ‘Payaputan Nacom’, pajam daxota apara painya coutham xua bara abe painya neexanaewa, jei Jesús.

## 10

*Meje yabara poxonae Jesús yabara paeba pon oveja pe-enaen*



1 Equeicha Jesús namchi: “Xaniyan paca tsipaebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apara pon pecaibin oveja. 2 Pon jame joniya pepa boupa iya bapon apara pon pe-eeinaein oveja. 3 Pon peboupa xatababin, bapon boupa saranaxorena pon oveja pe-eeinaein taboupa saranaxorenatsi. Poxonae pon oveja pe-eeinaein junuta oveja, barapo oveja jume copi yaputane baxua. Pon oveja pe-eeinaein, bapon daxita barapo oveja barompaya pia wɨnɨxitha junuta. Bapoxonae bapon curara weya mata coniya ovejamona. 4 Poxonae curara weya mata coniya daxita bapon mata caecapona yawa punaenapoinchi pejume copi yaputaexaetsi. 5 Ichitha barapo ovejamona jopa puna ponaeyo ichɨntha, pontha pon jopa yaitaeyo. Saya cuitaya dɨcupa tsipei ichɨn jopa jume copi yaputaetsi”, jei Jesús. 6 Jesús tsipaeba barapomona barapo pecayabara jɨta pepaebi diwesiyo poxonae oveja yabara paeba, daichitha came barapomona jopa yaputaeyo barapo diwesi.

### *Meje yabara xua Jesús pon beta pe-eeinaein jiwi*

7 Nexata equeicha Jesús tsipaeba barapomona, jeye: “Icha oveja ichi xua curaratha jojoniya xua peboupa peyawenaexaetsi, barichi jiwi xua Nacom pia nacuatheicha tatsi pata poxoru xanxaein xua tayawenaexae. 8 Daxita pomona netsiwana pata, pomona xua jei: ‘Nacom pana itoroba’, jei, barapomona apara pomona jiwi pe-muxujainyabiwi. Ichitha jiwi jopa yabara jume cowɨntsiyo barapomona, icha oveja ichi xua aichaxaibi pepuna ponaewa ichɨntha jopa pejume copi yaputaexae. 9 Xan jiwi tayawenaein daxota pon nejume cowɨnta yawenan xua pepatopaewa Nacom beicha. Icha oveja ichichi xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomona tana nejume cowɨntsiwi barapomona beta yawenan.

10 “Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajɨntɨyapɨsɨwa, po peajɨntɨyapɨsɨwa jopa weraweracaeyo xua jiwi jopa juniya mataropeichiya xexeinaponae tsane barapo peajɨntɨyapɨsɨwa. 11 Pon beta pe-eeinaein oveja, bapon tsitɨpa pia ovejamona, tsipei jopa ichichipaeyo xua petajutebiwatsi pia ovejan tatsi xua poxonae pomona pecaibiwi jutebina. Barapocotsi coyene ichi jiwi beta ta-eeinaein. Jiwi tsitɨpaein xua barapomona tacapanepaenexa. 12 Ichitha pon tanacuita ichɨn xua tayapu eena oveja apara saya piaparatiɨchi. Poxonae bapon neuthɨ tane pijunuwi, oveja cuenta naetsiriwa, tsipei barapo ovejamona pia ovejamona tatsi aibi. Poxonae neuthɨ icha ovejan teicatsi, bapoxonae icha ovejamona tsanaothopa. 13 Bapon naetsiriwa tsipei saya oveja eena xua piaparatiɨchi, xuano xua jopa xapain peyabara nanta xeinaexae ovejamona.

14-15 “Xan natsicotan be pon ovejamona beta tayapu eeinaein tsipei beta ta-eeinaein pomona tana nejume cowɨntsiwi. Taxa neyaitane, xuya Taxa yaitan. Barichi yaitan pomona tana nejume cowɨntsiwi, xuya barapomona neyaitane. Xan tana nejume cowɨntsiwi yaitatsin xua tatsitɨpaenexa naetotha xua jopa peweraweracaewa tsane barapomona. 16 Barichi xeinan icha tana nejume cowɨntsiwi pomona jopa israelmonaeyo. Barapomona bewa irɨrɨ nacaetuta exanaein xantha pomona caena bayatha tana nejume cowɨntsiwi irɨ pomonaeno xua bexa nejume cowɨntsinano. Cae bicheito exanaein. Barapomona exanaena pocotsiwa itoroban. Mataɨtano xeinaena bara compa xua xan ponxaein beta ta-eeinaein, icha pebin ichi pon ovejamona peyapu eeinaein xua poxonae ovejamona caetucaetuteta cae curaratha.

17 “Taxa bichocono neantobe tsipei tsitɨpaein pomona tana nejume cowɨntsiwi. Ichitha equeicha asɨn tsane. 18 Dapon aibi pon xua pia coutha tana nebexubiwa. Saya jame poxonae tacoutha ichichipan. Xan itacoxonan xua bara jiwi tatsitɨpaewa.

Matautano itacoxonan xua equeicha asu tapoponaewa tsane petapaewa weya. Baxua itacoxonan xua taexanaewa, Taxa tana neitorobixae”, jei Jesús.

<sup>19</sup> Poxonae barapo judiomonae Jesús baxua jume tainchi, bapoxonae equeicha barapo judiomonae yabara najume matsontsonoba. <sup>20</sup> Ichamonae judiomonae yainyaba xua icha judiomonae yainyabatsi, jeichichi:

—¿Eta xua metha bapon pajume naitaewatame pocotsiwa bapon paeba? ¡Apara matayaibatsi! ¡Cauri xeina apara! jei judiomonae.

<sup>21</sup> Ichamonae jeye:

—Dapon aibi pon xanepanaya pepaebiwa icha cauri xeina. Caurimonaepin jopa bapana itacupaetsi xua pon peitata nacutsin axaibi peexanaewatsi, jei ichamonae.

*Meje yabara poxonae judiomonae Jesús jume itawetatsi*

<sup>22</sup> Poxonae awabo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi maticabin poxonae nabane jiwi yabara nanta xeina xua caena bayatha piamonae tatsi equeicha xaneba Nacom pin pia bo tatsi poxonae ichamonae abe exana. Barapomonae baxua yabara nacaetuta peyabara paebinexa xua barapo bo Nacom nexa. <sup>23</sup> Jesús popona Nacom pin pia bo tauchipa boutotha. Barapo Nacom pin pia bo tauchipa bouto pewan Salomón. <sup>24</sup> Baxota judiomonae Jesús imoxoyo caquita umenarucupatsi yawa Jesús jeichichi:

—¿Eta po maticabibe metha ainya muxu paxeinaein xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

<sup>25</sup> Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowantsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías. <sup>26</sup> Baxua jopa pana neyabara jume cowantsim tsipei jopa tajimonae pam be pocotsi coyeneya aunxuae bayatha paca tsipaebatsi. <sup>27</sup> Pomonae tana nejume cowantsiwi nejume copi yaputane yawa nepuna pona, icha ovejamonae ichi xua jume copi yaputane pontha pon pe-eenaexaetsi xuanano xua barapo ovejamonae puna pona xua bapon puna poinchi. <sup>28</sup> Tana nejume cowantsiwi catan peajuntuyaruswa, po peajuntuyaruswa xua bapana jopa peweraweracaewa tsane. Matautano ichamonae jopa itacupaetsi xua tana newecobe notsiwa xua tamonae inta notatsi. <sup>29</sup> Taxa barapomonae necata. Barapon Taxa bichocono toxecha caein ainya cui, beyacaincha ichan xua ainya cui. Dapon aibi pon Taxa wecobe notatsi xua piamonae tatsi tanotatsi. <sup>30</sup> Xan, iru Taxa bara caein panbe, jei Jesús.

<sup>31</sup> Nexata judiomonae ibotoxi nota xua Jesús pecuinbabiwa tsainchi. <sup>32</sup> Jesús barai barapomonae, jeye:

—Paxantha matowa exaneiban pexeinya tatsita itatsi coyenewan Taxa pia peayapuwatha tatsi. ¿Eta po tatsita itatsi coyenewan taexanaexae ibotoxitha painya necuinbabichi? jei Jesús.

<sup>33</sup> Judiomonae jume nota, jeye:

—Jopa apara daxota paca cuinbabichi poxoru pexeinya petsita itatsi coyenewan neexanaexae. Daxota paca cuinbabatsi tsipei jam: ‘Xan iru Taxa bara caein panbe’, jam. Baxua apara abe paebame tsipei be Nacom naexaname jinya coutha poxonae saya pebim, jei judiomonae.

<sup>34</sup> Jesús barai, jeye:

—Nacom Pejume Diwesitha yabara paebatsi pomonae Nacom pejume cowantsiwichi. Nacom jeye: ‘Paxam iruru nacommonae pam’, yabara jei Nacom, pomonae pejume cowantsiwixaetsi. <sup>35</sup> Nacom paeba xua pinae pomonae petajume cowantsiwixaetsi pejume diwesi barapomonae pinae bara nacommonae tsenae. Matautano waxainchi yaputainchi barapo diwesitha xua jopa bapana Nacom naerabiyo. <sup>36</sup> Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua

xan abe paeban poxonae jan: ‘Xan Nacom Pexanton’, jan? <sup>37</sup> Icha jopa exanaeinyo pocotsiwa Taxa neitoroba painya xoba pana nejume cowantame baxua. <sup>38</sup> Icha exanan pocotsiwa Taxa neitoroba, bapoxonae pana necui yabara jume cowunde pocotsiwa exanan, bequein jopa pana nejume cowantsim xua paca tsipaebatsi. Bapoxonae xain payaputaename xua xan Taxa nebaru popona, xua barichin xua Taxa baru poponan, jei Jesús.

<sup>39</sup> Equeicha barapomonaе ichichipa xua Jesús pewaetabiwatsi ichitha Jesús naetsiriwa barapomonaе weya.

<sup>40</sup> Nexata Jesús pijimonaе caibe baru nawiya icha muxunene beya xua Jordán mentha. Baraxotiya Jesús pijimonaе baru eca, ichaxota Juan bayatha bautisaba jiwi. <sup>41</sup> Pin bicheitomonaе Jesús siwa poinchi pejume taenexatsi. Barapomonaе Jesús yabara natsipaebatsi, najei:

—Xaniyei bequein Juan pexeinya petsita itutsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xainyei, najei barapomonaе.

<sup>42</sup> Baraxotiya pin bicheitomonaе Jesús yabara jume cowantatsi.

## 11

### *Meje yabara poxonaе Lázaro tupa*

<sup>1</sup> Iru pebin popona, pon pewun Lázaro. Bapon atene. Bapon Betania tomarapin. Iru bapon Lázaro pamchobe tatsi barichi Betania tomarapiwayobe. Barapo pamchobe tatsi ichowayo pewun María, ichowayo pewun Marta. <sup>2</sup> Barapowa María, powa Lázaro pamcho tatsi, powa Jesús taxu epatabinchi icha matabitha penasiwatha xua petuxueiwa xuano xua taxu tsewa exanaeinchi pentanatha. <sup>3</sup> María pamchobe najume caitorobabe ichantha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

<sup>4</sup> Poxonaе Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tupa peexaneibiwa ataya. Saya atene, apara Nacom pia jiwi tsita itutsichi pia peayapusaya itorobi coyenewa. Matautano iru xan Nacom Pexanton jiwitha tatsita itatsinexa taayapusaya itorobi coyenewa, jei Jesús.

<sup>5-6</sup> Bequein Jesús antobe Marta iru María iru Lázaro ichitha cataunxuae eca baxotiya ainya matabibe poxonaе jume taetha xua Lázaro bayatha atene nawita. <sup>7</sup> Pirapae Jesús daxita pijimonaе barai, jeye:

—Caibeya poinchi Judea nacua beya, jei Jesús.

<sup>8</sup> Nexata daxita Jesús pijimonaе baraichi, jeye:

—Pon Patatanecuidubim, cain judiomonaе, Judea nacuatha ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

<sup>9</sup> Jesús barai, jeye:

—Caentacabi doce po horabe xeina poxonaе pentha tsuncuae. Icha pebin mataqueitha popona jopa xuirapopaeyo pentha petsuncuaexae barapo cae pin nacuathe. <sup>10</sup> Barichin poxonaе cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonaе tupaеin jopa neitacupaе tsane xua exanaein baxua, barapo cae pin nacuathe.

<sup>11</sup> Pirapae Jesús daxita pijimonaе barai, jeye:

—Wajiton, Lázaro, maituncua. Ichitha tha bexa yaubaxuichi, jei Jesús.

<sup>12</sup> Nexata daxita Jesús pijimonaе baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasa-tatsi, daxota baxua paebame? jeichichi.

<sup>13</sup> Ichitha Jesús namchi: “Lázaro bayatha tupa”, jei, xua poxonae jei: “Lázaro maituncua”, jei. Daichitha Jesús pijimonae tatsi nanta xeina xua metha Lázaro maituncua icha merawi ichi poxonae maiteca. <sup>14-15</sup> Bapoxonae Jesús pijimonae tsita najume itapeinya xeina, jeye:

—Lázaro bayatha naxuba. Pacata daxua wuna xua jopa baxotiya poponaeyo poxonae Lázaro tupa. Tsipei baxua painya nejume cowantsinexa, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

<sup>16</sup> Nexata Tomás, pon icha wun Gemelo peweichobe penama naexanaexaebe, bapon Jesús pijimonae tatsi baraichi, jeye:

—Ba naca baru pona Jesús, xain Jesús naca baru werapa, jei Tomás.

*Meje yabara xua Jesús namchi: “Xan pon jiwi asu taexanaein petupae cuiru coyene weya”, jei*

<sup>17</sup> Poxonae Jesús pijimonae baru patopa Betania tomaratha, jiwi Jesús tsipaebatsi xua pinae bayatha Lázaro cuatro po matabibe yapucaewa xua muthutha xotsi. <sup>18</sup> Betania tomara tajuyo itamataeca Jerusalén tomara saya tres po kilómetro epatiyobe xeina. <sup>19</sup> Pinmonae judiomonae Marta iru María siwa poinchibe pia botha tatsi peitanuwe matataenexa tsainchibe petatupaexaetsibe peweicho tatsi. <sup>20</sup> Poxonae Marta yaputane xua Jesús pijimonae baru patopa, bapowa bo wejonarena xua Jesús pententa weyataeya wabinexatsi. Ichitha nama María botha eca. <sup>21</sup> Marta Jesús baraichi, jeye:

—Pon Necanamataxeinaem jiwi, icha bayatha xote ecaetsipame, metha bayatha jopa tupaetsipae taeweicho. <sup>22</sup> Yaputan xua methaunxae Nacom cacatsina daxita pocotsiwa newucaewam, jei Marta.

<sup>23</sup> Jesús barai, jeye:

—Eweicho equeicha cata asu poponaena, jei Jesús.

<sup>24</sup> Marta Jesús baraichi, jeye:

—Aa, bara yaputan xua equeicha asu poponaena poxonae po mataqueitha daxita jiwi Nacom asu exanaena petupae cuiru coyene weya poxonae po cae pin nacue daxita weraweracaena, jei Marta.

<sup>25</sup> Nexata Jesús jume barai, jeye:

—Xan apara barapo jiton, pon jiwi asu jinompa taexanaein petupae cuiru coyene weya. Matautano xan pon jiwi tacatsin peajuntuyarusuwa, po peajuntuyarusuwa jopa weraweracaeyo. Pon nejume cowanta bequein bara tupa ichitha equeicha asu poponaena. <sup>26</sup> Pon xeinaena peajuntuyarusuwa xuano xua nejume cowantsina, bapon barana jopa weraweracae tsane. ¿Baxua bara yabara jume cowantame? jei Jesús xua Marta tsipaebatsi.

<sup>27</sup> Bapowa jume nota, jeye:

—Aa, Tanecanamataxeinaem, bara baxua yabara jume cowantan xua xam Mesías pon Nacom Pexantom, pon bewa juinya patopaename po cae pin nacuathe tsique, jei Marta.

*Meje yabara poxonae Jesús itamata wecoyeyi tsuncuae ichaxota Lázaro yamuthu uncua*

<sup>28</sup> Poxonae Marta najume weta xua Jesús tsipaebatsi, bapoxonae Marta pamcho waba powa pewun María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

<sup>29</sup> Poxonae María baxua jume taeba, bapoxonae caena nainya ponataba Jesús petatenexatsi. <sup>30</sup> Jesús abu cataunxae pijimonae jopa baru ponaeyo tomaratha. Jesús caxinatsi ichaxota copiya Marta Jesús caxinatsi. <sup>31</sup> Judiomonae pomonae María pamchobe itanuwe matateicatsibe xua pomonae pia botha tatsi taenatsibe, poxonae barapo judiomonae tane xua María nainya ponataba, iruru barapomonae napuna pona. Barapo judiomonae nanta xeina xua mexeya itara María pamchobe muthu beya ponabewei xua pewecoyeinexabe ichaxota peweichobe tatsi tayamuthu uncuatsibe.

<sup>32</sup> Poxonae María itamata patopatsi María pentabocototha uncuá, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taewe-icho jopa tupaetsipae, jei María xua Jesús tsipaebatsi.

<sup>33</sup> Jesús tane xua María wecoyei. Taneno xua judiomonae pomonae naponá xua iruru wecoyei. Bapoxonae Jesús anthuthu wecoyei yawa anthuthurewe. <sup>34</sup> Jesús baraino barapomonae, jeye:

—¿Exota Lázaro pamuthuthu xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

<sup>35</sup> Iruru Jesús wecoyei tsanareca. <sup>36</sup> Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

<sup>37</sup> Ichitha ichamonae judiomonae Jesús yabara jeichichi:

—Icha bapon itacupaetsi xua pon peitata nacutsin axaibi exainchi, zeta xua metha bapon jopa itacupaetsi xua Lázaro yawenatsi xua bayatha jopa tupaetsipae? najei judiomonae.

*Meje yabara poxonae Lázaro equeicha asu popona*

<sup>38</sup> Equeicha Jesús bichocono anthuthurewe. Yawa imoxoyo pijimonae baru pona muthu beya. Barapo muthu ibo muthu, yawa muthu yauxatatabanota pin ibo panawatha. <sup>39</sup> Jesús barai barapomonae, jeye:

—Papataxore ibo panawa, jei Jesús.

Lázaro pon tupa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matabibe yapucaewa poxonae tupa, jei Marta.

<sup>40</sup> Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cowantame, necotsiname Nacom pia peayapuswa, cajeichiba, jei Jesús.

<sup>41</sup> Nexata ichamonae ibo panawa pataxuba. Bapoxonae Jesús peitaboco beicha athabeicha necoicha. Yawa jeye Paxatha:

—Axa, juntu coyene weiweinan, yaitama nejume taneme pocotsiwa tacawucaexaetsi.

<sup>42</sup> Bara yaputan xua nejume taibame poxonae cawqueibatsi. Apara catsipae-batsi baxua xua pomonae xote umene barapomonae nexa xua tana neyabara jume cowantsinexa xua xan pon tana neitorobim, jei Jesús.

<sup>43</sup> Poxonae Jesús najume weta baxua, bapoxonae jume daunweya wawai, jeye:

—¡Lázaro, bara wejondena! jei Jesús.

<sup>44</sup> Bapoxonae pon xua tupa muthu wejondena. Xua bayatha paparuwatha maxu caecunta cubaxotsi yawa pesito decano yawa xua painyaweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonae bu bara pona, jei Jesús.

*Meje yabara poxonae fariseomonae iru sacerdotemonae pia pentacaponae wi tatsi daxita barapomonae Jesús yabara nanta xeinatsi xua po coyeneya Jesús pewaetabiwa tsainchi*

*(Mt 26.1-5; Mr 14.1-2; Lc 22.1-2)*

<sup>45</sup> Judiomonae pomonae María pamchobe cueyatatsibe, poxonae barapo judiomonae baxua Jesús cui tainchi Jesús yabara jume cowantatsi pinmonae. <sup>46</sup> Ichitha ichamonae judiomonae fariseomonae beya pona xua peyabara paebinexa pocotsiwa bayatha Jesús exana. <sup>47</sup> Nexata fariseomonae iru sacerdotemonae pia pentacaponae wi tatsi daxita barapomonae nacaetuta penacanamata caitorobi bicheitotha, yawa najei barapomonae:

—¿Eta xua exanaeinchi metha? Barapo pebin exana nawita pexeinya petsita itatsi coyenewan. <sup>48</sup> Icha baraxua saya yabara cui copatinchi metha pinmonae bapon yabara jume cowantsinchi. Barapoxonae romanomonae pia pentacaponae wi patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonae.

<sup>49</sup> Caein bapomonae jiwana pewan Caifás. Bapon Caifás barapo weitha sacerdotemonae pia pepa pentacaponaein tatsi naexana. Bapon Caifás jei pin bicheitotha:

—Paxam apara jopa baxua payabara yaputaem. <sup>50</sup> Matautano jopa payabara yaputaem xua po coyene pacata xanepana xua ichan bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

<sup>51</sup> Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponaein tatsi naexana, daxota tsiwanae yabara paeba xua Nacom cueicueijei exana xua Jesús bewa tsitupaena judiomonae. <sup>52</sup> Meisa barapo judiomonae Jesús jopa tsitupaeyo, apara irun ichamonae nexano Jesús tsitupa xua Jesús caemonae nacaetuta peexanaenexa pomonae Nacom piamonae tatsi, pomonaeno tajun ena ichaxota icha nacuantha. <sup>53</sup> Daxota barapomonae judiomonae pia pentacaponae wi tatsi nabaru muxu jei po coyeneya xua poxonae Jesús pebexubiwa tsainchi.

<sup>54</sup> Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pewan Efraín, po tomara eca ichaxota ira xuepana susato tsurucuae nacua. Barapo tomaratha pijimonae baru eca Jesús.

<sup>55</sup> Bara nama imoxoyo tsurucuae toponae po matabin xua judiomonae pia Pascua wan matabin tatsi. Pin bicheitomonae tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentseinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonae bewa baxua exanaena Pascua wan matabin pewanaeya. <sup>56</sup> Daxita barapomonae Jesús wenaweneichi. Poxonae barapomonae Nacom pin pia botha pata, baxota barapomonae najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonae.

<sup>57</sup> Fariseomonae irun sacerdotemonae pia pentacaponae wi tatsi daxita barapomonae jiwana baraichi, jeichichi:

—Pon tane Jesús, nexata bun pana netsipaeba, xua bapon pata tha waetabichi, jei barapomonae.

## 12

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mt 26.6-13; Mr 14.3-9)*

<sup>1</sup> Poxonae cataunxuae seis po matabibe aibi xua Pascua wan matabin nexa, Jesús pijimonae baru pona Betania tomara beya. Barapo Betania tomara, po tomara ichaxota Lázaro popona, pon Jesús bayatha asun exana petupae cuiru coyene weya.

<sup>2</sup> Baxota pexaewa Jesús unpain exanatsi. Marta apata pexaewa. Jesús pijimonae tatsi irun naena pexaethopaewatha. Irun Lázaro baxota naeca xua irun naxane. <sup>3</sup> Irun bapoxonae María carena bosibun bichocono wanca petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pewan nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonae María pentanatha Jesús taxu tsewa exainchi. Daxita bomun tutu canaupar ducua xua tuxuei tsurucuae. <sup>4</sup> Irun naeca Judas Iscariote, pon Simón pexanto tatsi. Bapon Judas

Jesús pijimonaе tatsi jiwana. Barapo Judas pon bexa Jesús caenaetsinchi. Bapon namchi, jeye:

<sup>5</sup> —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaеbe xua po paratiximonaеbe beyacaincha trescientos po matabibe nexa, poxonaе nacuita, jei Judas Iscariote.

<sup>6</sup> Judas apara jopa baxua paebiyo xua peantobexaetsi pomonaе peacopeibiwi. Saya apara baxua paeba poxoru bapon pon pecaibin jiwi. Bapon Judas Jesusbaru paratixi dunucue tacapoinchi. Ichitha bapon cou jiwana wenoteiba paratixi poxonaе Jesusbaru jeiba. <sup>7</sup> Nexata Judas Jesús barai, jeye:

—¡Moyande bara copare! Apara xua barapowa netsibota barapo petuxuei tuxusi nasiwa tapepon nexa xua tatupaеin tana neperu waenexa poxonaе po mataqueitha muthiya tana neboyaenexa tsane. Baxua netsibota apara xua muthu tana neboyaenexa poxonaе tupaеin. <sup>8</sup> Barapo irathe peacopeibi jiwi paca baru jinompeibina painya neyawaenexa tsaibi tsane barapo jiwi. Ichitha nama paxam jopa ataya paca baru poponaе tsainchi xua pata tana neyawaenexam barapo irathe, jei Jesús.

*Meje yabara poxonaе sacerdotemonaе pia pentacaponaewi tatsi peburuya nanta xeina xua Lázaro pebexubiwa tsainchi*

<sup>9</sup> Pinmonaе judiomonaе jume tane xua Jesús popona Betania tomaratha. Bapoxonaе barapo judiomonaе pona Betania tomara beya xua Jesús petaenexatsi iruru xua Lázaro petaenexatsi pon Jesús bayatha asu exana petupaе cuiru coyene weya. <sup>10</sup> Nexata sacerdotemonaе pia pentacaponaewi tatsi peburuya nanta xeina xua iru Lázaro pebexubiwa tsainchi. <sup>11</sup> Tsipei pinmonaе judiomonaе penta sacerdotemonaе pia pentacaponaewi tatsi pia pecuidubiwana tatsi. Matautano barapo judiomonaе saya Jesús jume cowantatsi tsipei Jesús cui tainchi pocotsiwa Jesús wunaе exana poxonaе Lázaro asu exainchi petupaе cuiru coyene weya.

*Meje yabara poxonaе Jesús Jerusalén tomaratha patopa (Mt 21.1-11; Mr 11.1-11; Lc 19.28-40)*

<sup>12</sup> Icha mataqueitha baya xua poxonaе po mataqueitha Jesús taxu wainchi petuxuei nasiwatha, bapoxonaе Jesús pijimonaе baru pona Jerusalén tomara beya. Bapoxonaе Jeruslén tomaratha ena pin bicheito pomonaе xua copiya bayatha pata Pascua wan matabin nexa. Daxita barapomonaе yaputane xua anoxuae methaunxae patopaena Jesús barapo tomaratha. <sup>13</sup> Barapo pin bicheito peaxu ucuboba po axu icha coichaxu axu ichi. Barapomonaе Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Maisa Jesús pon Pecanamataxeinaein jiwi deta wunaе, bapon patopa Nacom peitorobixae! ¡Maisa Nacom bichocono wunaе jaintatsi pon peitabocotha eca! ¡Maisa Jesús deta wunaе, pon Israel nacuamonaе itorobiya pia pepa Peewatsinchi tatsi! jei barapo pin bicheito.

<sup>14</sup> Bapoxonaе Jesús tane burro pon penan. Bapoxonaе barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

<sup>15</sup> “Sión tomarapiwi pam, jopa pajunuwinde.

Pataema pon itorobiya pepa painya Nepacacaewatsin.

Bapon pacata patopaena xua burrotha equeicaena”, jei Nacom Pejume Diwesitha.

<sup>16</sup> Bapoxonaе Jesús pijimonaе tatsi jopa yaputaeyo po coyene xua caena bayatha Jesús wunaе yabara tsiwunaе paebatsi, xuano xua po coyene exanaenano. Ichitha pirapae poxonaе Jesús caibe nawicha peitaboco beicha, yawa poxonaе Paxa matenta weyataeya

wabatsi, bapoxonae barapomonae yaputane po coyene Jesús yabara tsiwuna nae paebatsi Nacom Pejume Diwesitha, xuano xua jiwi exana poxonae Jesús wuna nae jaintatsi.

<sup>17</sup> Pomonae naponae poxonae Jesús Lázaro wabatsi petupa e cuiru coyene weya, barapomonae tamropata notarucupa xua jiwitha paeba pomonaetha pomonae Jerusalén tomarapiwi, pomonae bayatha Jesús pecui taexaetsi poxonae Lázaro asu exainchi.

<sup>18</sup> Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita itatsi coyenewa poxonae Lázaro asu exainchi. <sup>19</sup> Nexata fariseomonae caemonae natsipaeba, najei:

—¡Incane matha pataema! Barapomonae jopa naca jume cowantsiyo, yawa daxita jiwi meisa napuna pona bapontha, najei barapomonae.

### *Meje yabara poxonae griegomonae Jesús wenaweneichi*

<sup>20</sup> Barapo pin bicheito, po bicheito copiya bayatha Jerusalén tomaratha ena, xua baxota wuna nae pejainchinexa Nacom, barapo pin bicheito jiwamonae, griego nacua-monaepiwi jiwana. <sup>21</sup> Barapo griego nacua-monaepiwi Felipe imoxoyo caquita poinchi. Barapon Felipe Betsaida tomarapin xua Galilea nacuaetha. Barapo griego nacua-monaepiwi Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

<sup>22</sup> Bapoxonae Felipe jume yopita Andrés beya, xua equeicha baponbe pejume yopichinexabe Jesús beya. <sup>23</sup> Bapoxonae Jesús baraponbe baraichi yawa daxita barapo jiwi baraichi, jeye:

—Nama imoxoyo barapo matabi tsoponae, po mataqueitha xan, ponxaein Nacom tana neitapetsixae nebexubina ichamonae. Barapo mataqueitha Nacom ainya cui nexanaena. <sup>24</sup> Xaniyan paca tsipaebatsi. Poxonae trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonae jame bara pexaewa naexana. Icha barapo trigo xuto ichi, xan barapocotsi coyeneya jiwi bara necana ichi tsane. <sup>25</sup> Pon naantobeya nata exana pocotsiwa bapon ichichipa po cae pin nacuaetha, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha. <sup>26</sup> Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

### *Meje yabara poxonae Jesús nayabara paeba xua petupaewa tsane*

<sup>27</sup> Equeicha Jesús jeye: “Anoxuae bichocono anthurewein tsipei tatupaewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapane-pare baxua weya’, metha jan tsane? Jume, apara jopa baxua tsipatopeicaeyo. Apara tsipatopeican xua taaperatanewa tsane jiwi nexa. <sup>28</sup> Jame bejan: ‘Axa, bara bu jiwi cana exaname xua wuna nae necajainchiwa’, bejan jame”, jei Jesús.

Poxonae Jesús baxua najume weta, bapoxonae Jesús jume tane xua Nacom namchi peitaboco wetsica, jeye: “Bayatha apara baxua jiwi cana exanan xua jiwi wuna nae tana nejainteibiwanexa, tsipei daxita beta exanan. Matautano equeicha ichawa exanaein xua jiwi wuna nae tana nejainteibiwanexa tsane”, jei Nacom.

<sup>29</sup> Pinmonae umena xua Jesús jume taeumeinchi, iru Jesús pijimonae tatsi baxota umenaru. Barapo jiwi baxua nayabara yainyaba xua Nacom cueicueijei. Ichamonae jeye:

—¡Apara xua jurujurei yamuxu! jei.



Ichamonaē jeye:

—¡Apara bapon tsipaebatsi matatsunpin! jei.

<sup>30</sup> Nexata Jesús pijimonaē barai, jeye:

—Pon pajume taneme apara Nacom. Jopa apara paebiyo xua xan nexa. Apara paeba pia xua painya nejume taenexa daxota baxua Nacom paeba. <sup>31</sup> Imoxoyo nama matacabi patopaena, po mataqueitha Nacom yabara paebina jiwi xua penatsicuentisiwa xua abe peexanaexae bapontha. Pon jiwi j̄nt̄a coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonaē xubina barapo cae pin nacue weya. <sup>32</sup> Poxonaē ichamonaē nedutsina naetotha tat̄paenexa tsane, bapoxonaē daxita jiwi cana exanaein xua pomonaē peichichipaewa tsane xua tana nejume cow̄ntsinexa, jei Jesús.

<sup>33</sup> Poxonaē Jesús baxua paeba jiwi yaputane exainchi xua Jesús pebexubiwa tsainchi poxonaē t̄paena. <sup>34</sup> Bapoxonaē barapo jiwi Jesús tsipaebatsi. Jesús jeichichi:

—Paxan pajume tan xua poxonaē wamonaē yoroba Moisés pia peitorobi coyenewatha pocotsiwa baxota jeye: ‘Bara Mesías ataya as̄u poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha t̄paena? ¿Jintam metha pon Nacom Peitapetsin? jei barapomonaē.

<sup>35</sup> Nexata Jesús tsipaeba barapomonaē xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxonaē xometo paca yawena xua beta pajinompame mataqueitha. Pana nejume cow̄nde poxonaē cataunxuae po cae pin nacuathe poponanje. Matātano poxonaē cataunxuae paca itac̄pa xua pata tanejume cow̄ntsiwam. Jopa abe paexanaeinde xua poxoru poxonaē jopa pata tanejume cow̄ntsixaemxae. Tsipei bara j̄tiya ichi, poxonaē jiwi abe exana be poxonaē pomonaē pona ichaxota quirei. Jopa beta ponaeyo tsipei jopa xeinaeyo pecoicha. <sup>36</sup> Pana nejume cow̄nde poxonaē cataunxuae po cae pin nacuathe poponanje. Bapoxonaē paxam tajimonaē pam tsane, jei Jesús.

Poxonaē baxua Jesús najume weta, barapo jiwi weya natsixitaba yawa wepu aichurucuae.

*Meje yabara poxonaē Jesús yabara paeba xua eta xua metha pinae Jesús jopa jume cow̄ntichi judiomonaē*

<sup>37</sup> Bequein Jesús matowa exana pia pexeinya petsita it̄tsi coyenewan barapomonaē peit̄tha tatsi, daichitha pinmonaē barapomonaē jopa Jesús yabara jume cui cow̄ntichi po coyene xua Jesús bara bapon Mesías pon Nacom itorobica. <sup>38</sup> Baxua exana xua nayabara jume cui weta po coyene bayatha pon Nacom peitorobi jume pepaebin Isaías w̄nae tsiwanaya yabara jei:

“Pon jiwi Necanamataxeinaein barapomonaē jopa jume cow̄ntsiyo xua pacuiduban bequein barapomonaē tane matowa poxonaē paexanan Nacom pia peayapus̄watha”,  
jei Isaías.

<sup>39</sup> Barapomonaē jopa jume cow̄ntsiyo, tsipei Isaías equeicha jei:

<sup>40</sup> “Nacom cana exana xua barapomonaē jopa beta xapain naita cui coyene yaputaeyo. Matātano Nacom cana exana xua jopa pejume cow̄ntsiwa pej̄nt̄a coyene wetsina. Barapomonaē be natsicotane peitata nac̄tsi jiwi, tsipei jopa beyaputaeyo, xua icha j̄nt̄a coyene pexeinaewanexa. Matātano jopa ichipaeyo xua peyabara jume

cowantsiwa po coyene xua Nacom itacupatsi xua pejantɔ coyene xanepana peexanaewa”, jei Isaías pejume diwesitha.

<sup>41</sup> Daxita baxuan Isaías paeba xua Jesús yabara paebatsi. Isaías caena bayatha tane poxona eca Mesías pia pexeinya pia peitɔpanae peecaewatha. Daxota Isaías yabara paeba, Mesías yabara paebatsi xua pocotsiwa bayatha petaexae.

<sup>42</sup> Bequein daxita judiomona Jesús jopa jume cowantichi, daichitha ichamona judiomona Jesús jume cowantatsi. Matautano ichamona judiomona xua pomona judiomona pia pentacaponae wi tatsi Jesús jume cowantatsi. Ichitha daxita barapomona jopa Jesús yabara paebichi jiwi peitɔtha tatsi tsipei fariseomona cunuwatsi. Tsipei icha barapomona Jesús yabara paebichipatsi, metha barapomona itawetsipatsi judiomona pia penacætutsi bon tatsi weya, xua fariseomona itawetsipa.

<sup>43</sup> Tsipei barapo Jesús pia pejume cowantsiwichi pijunuwi daxota itapeta jume naitaewata xua jiwi jei: “Jopa Jesús payabara paebinde”, jei jiwi. Barapomona pomona Jesús pejume cowantsiwichi baxua itapeta jume naitaewata beyacaincha xua poxona bequein Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penatsicuentiwa xua abe peexanaexae*

<sup>44</sup> Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae. <sup>45</sup> Pomona xua neyaputane barapomona barichi Taxa yaputainchi. <sup>46</sup> Xan pon yabara yaputane paca cana exainchi Nacom. Patopeican po cae pin nacuathe xua pomona tana nejume cowantsiwi jopa penantawenonaenexa xua pejinompaewa poxona jopa Nacom yabara yaputaetsi. <sup>47</sup> Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimona tayabara paebinexa xua penatsicuentiwa xua abe peexanaexae Nacomtha. Jame apara tsipatopan xua jiwi ɔ tacapanenebiyaenexa tsane. <sup>48</sup> Pon jopa tsita ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxuae paeban, bapon barapo jumetha yabara paebinchi xua penatsicuentiwa xua abe peexanaexae poxona po mataqueitha nacua weraweracaena. <sup>49</sup> Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin. <sup>50</sup> Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajantɔyapusaewa, po peajantɔyapusaewa ataya tsiteca. Daxota pocotsiwa paca tsipae-batsi apara xua Taxa bayatha tana neitorobixae”, jei Jesús.

## 13

*Meje yabara poxona Jesús pijimona taxu matawane meratha*

<sup>1</sup> Barapoxonaerɔ bara barapo matakabi tsuxubi, po matakabi tsiwanaya mata carucua xua Pascua wɔn matakabin. Jesús yaputane xua bara nama imoxoyo bara po matakabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowantsiwichi pomona xua tajinompatsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomona pia pejume cowantsiwichi.

<sup>2-4</sup> Judas, pon Simón Iscariote pexanto tatsi, bapon cui itorobatsi caurimona pia pentacaponaein tatsi xua Jesús pecaenaetsinexatsi ichamonaetha. Jesús yaputane xua bayatha Paxa wetsica pona. Matautano xua equeicha Paxa beicha patopaena

xuano xua Paxa catatsi daxita pia peayapusaya itorobi coyenewa. Baxua bequein xeina, daichitha poxonae pijimonaē baru eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cūta. <sup>5</sup> Bapoxonae Jesús mera epata corototha. Bapoxonae pijimonaē taxu matawaepona meratha. Yawa paparuwatha taxu tsewa exana po paparuwatha naepa cūta.

<sup>6</sup> Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, ¿eta pocotsiwa metha iru jinya netaxu matawaetsi? jei Simón Pedro.

<sup>7</sup> Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

<sup>8</sup> Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonaē jitom tsipaem, jei Jesús.

<sup>9</sup> Simón Pedro jume barai, jeye:

—Tanecanamataxeinaem, meisa jopa netaxu matawaeyinde, jame yawa necobe matawaema, yawa nentasia matawaema, jei Simón Pedro.

<sup>10</sup> Jesús jume barai, jeye:

—Pon xua anoxuae nowaexuba, bapon equeicha jopa nantawenonaeyo xua pia pepon matawaeyinchi, saya jame meisa petaxu. Paxam pejuntu coyene xeicaē jiwi pam, saya caein jiwana pam jopa daichiyo, jei Jesús.

<sup>11</sup> Jesús jeye: “Paxam pejuntu coyene xeicaē jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonaē Jesús pijimonaē tatsi, bapon Jesús caenaetinchi.

<sup>12</sup> Poxonae Jesús nacobe weta xua pijimonaē taxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonaē barai, jeye:

—¿Bara payaputaneme xuaunxuae pacata exanatsi? <sup>13</sup> Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon. <sup>14</sup> Icha xan painya Tapacacuidubinchi xuano xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha. <sup>15</sup> Baxua paca tsita exainchi xua painya bara paichinexam tsane ichaunxuae ichin. <sup>16</sup> Xaniyan paca tsipaebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui. <sup>17</sup> Icha baxua payaputaneme yawa icha baxua paexanaenameno bapoxonae pejuntu coyene weiweinaē jiwi pam tsane.

<sup>18</sup> “Apara jopa daxita paca yabara paebichi xua pejuntu coyene weiweinaē jiwi pam tsane, tsipei caein jiwana pam jopa daichiyo. Xan paca juntu coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwunaē yabara paeba pejume diwesitha. Nacom jeye: ‘Pon baru xan, pon itara mexeya tajiton, bapon equeicha caewa tana neaitafaetabi jiton naexana’, jei Nacom Pejume Diwesitha. <sup>19</sup> Baxua pewunaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cowantsinexam tsane xua xan bapon aparán xua ponxaein paca tsipaebatsi. <sup>20</sup> Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa

weyataya waba barapara Nacom matenta weyataya wabatsi, pon tana neitorobixae”, jei Jesús.

*Meje yabara poxonae Jesús jeye: “Judas necaenaetsina ichamonaetha”, jei (Mt 26.20-25; Mr 14.17-21; Lc 22.21-23)*

<sup>21</sup> Poxonae baxua Jesús najume weta, bapoxonae bichocono anthũthũrewewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caein jiwana pam bapon necaenaetsina ichamonaetha, jei Jesús pijimonaetha.

<sup>22</sup> Nexata Jesús pijimonaetha tatsi naitabara taerũcupa, nantiya najeye: “¿Jintam metha bepa Jesús caenaetichi?” najei. Ichitha barapomonaetha jopa yaputaeyo xua Jesús yabara jei pon. <sup>23</sup> Caein Jesús pijimonaetha tatsi jiwana, pon bichocono Jesús antobe, bapon Jesús imoxoyo barũ xunaeca, barapo pexaethopaewatha. <sup>24</sup> Simón Pedro pecobetha moya jume itoroba jeye: “Jesús yainyabare: ‘¿Jintam yabara paebame?’ jande”, jei Simón Pedro xua jume itorobatsi pon Jesús imoxoyo caquita ecatsi. <sup>25</sup> Bapoxonae Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam cacaenaetsina? jei.

<sup>26</sup> Jesús jume nota, bapon jume notatsi, jeye:

—Pan pũrũwiyo tha atatsica exanaetsi. Pon catan barapo pan pũrũwiyo, bapon apara pon necaenaetsina ichamonaetha, jei Jesús pontha pon peyainyabixaetsi.

Poxonae Jesús pan pũrũwiyo atatsica exana, bapoxonae Jesús cata, Judas catatsi pon Simón Iscariote pexanto tatsi. <sup>27</sup> Poxonae Judas barapo pan Jesús wecobe pitatsi, bapoxonae caena nainya Judas jũntũ coyene itorobatsi Satanás caurimonaetha pia pentacaponaein tatsi xua Jesús pecaenaetsiwa tsainchi. Bapoxonae Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

<sup>28</sup> Daxita barapomonaetha pomonaetha Jesús pijimonaetha tatsi, pomonaetha pebarũ xunaecaexae, jopa xapain yaputaeyo pocotsiwa Jesús itoroba, xua Judas itorobatsi. <sup>29</sup> Tsipei bapon Judas paratixi doru capopona, daxota Jesús pijimonaetha tatsi nanta xeina xua mexeya itara Jesús itorobawejei xua pia tacomotichi pexaewa penabanaetha coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha. <sup>30</sup> Poxonae Judas Jesús wecobe pitatsi pan pũrũwiyo, bapoxonae Judas ponataba. Irũrũ bapoxonae quirei tsanaicharũ.

*Meje yabara poxonae Jesús yabara cuiduba jiwi pena peitorobi coyenewa*

<sup>31</sup> Nexata poxonae Judas pontaba Jesús pijimonaetha barai, jeye:

—Imoxoyo nama paca tsita itũtsinchi taayapusũya itorobiya coyenewa xua xan apara bara ponxaein Nacom Tananeitapetsin. Barichino paca tsita itũtsinchi Nacom pia peayapusũ itorobi coyenewa tatsi. <sup>32</sup> Icha xan ponxaein Nacom Tananeitapetsin, icha paca tsita itũtatsi Nacom pia peayapusũ itorobi coyenewa, nexata Nacom xuya nainya paca tsita itũtsina taayapusũ itorobi coyenewa xua xan apara bara ponxaein Nacom Tananeitapetsin. <sup>33</sup> Pomonaetha be tapexui tapaca canatsicotaewichi pam, bara nama saya caeto paca barũ poponaethinchi. Icha ichin xua caena bayatha xua judiomonaetha tsipaeban, bara paca jumichichi anoxuae: ‘Jopa paca itacũpae tsane xua pana nepuna ponaename ichaxota taponaeewa tsane’, paca jeichi. <sup>34</sup> Barapo pena itorobi coyenewa paca cuidubatsi, xua janje: ‘Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane’, jan. <sup>35</sup> Icha paxam nantiya pana naantobem tsurubenanaebiyam tsane, daxita jiwi paca cui yaputaena xua paxam bara apara tana nejume cowũntsi jiwi pam, jei Jesús.

*Meje yabara poxonae Jesús namchi xua Pedro jei tsane: “Jopa dapon yaitaeinyo”, pinae yabara jei tsainchi Jesús*

*(Mt 26.31-35; Mr 14.27-31; Lc 22.31-34)*

<sup>36</sup> Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi? jei Simón Pedro.

Jesús jume nota, jeye:

—Anoxuae jopa caitacupaeyo xua tana nepuna ponaewam ichaxota ponaein. Ichitha bexa tsane caitacupaena xua tana nepuna ponaewam ichaxota ponaein, jei Jesús.

<sup>37</sup> Nexata Simón Pedro jume barai, jeye:

—Tanecanamataxeinaem, ¿eta xua metha baxua paebame xua anoxuae jopa neitacupaeyo xua tacapuna ponaewatsi ichaxota poname? ¡Ichitha xan bara copatan xua jiwi tana nebexubinexa tacapuna ponaenexatsi! jei Pedro.

<sup>38</sup> Jesús jume barai, jeye:

—¿Bara xaniwaicha xua xam bara copatame xua jiwi necabexubinexa tana nepuna ponaenexam? Jume, apara xaniyan catsipaebatsi barapo merawithe acoibi po jumeyobebe neyabara jam tsane: ‘Jopa dapon yaitaeinyo’, neyabara jam tsane. Bapoxonae iruru wacara pebto fibina, jei Jesús.

## 14

*Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús*

<sup>1</sup> Equeicha Jesús pijimonae barai, jeye: “Jopa yabara nantu exabinde ichawan. Pana neyabara jume cowunteibare yawano Taxa payabara jume cowunteibareno. <sup>2</sup> Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paeban tsipei xainyan. Daxota paca tsiwanaeya pacata tutu wunaetinchi bara po bon. <sup>3</sup> Poxonae wetan xua Taxa beicha taponae xua xua icha nacobe wetan xua bon paca tsiwanaeya tutu wunaetatsi, bapoxonae equeicha patopeicaein. Paca caponaeinchi ichaxoteicha xua tapoponaewa tsane. <sup>4</sup> Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

<sup>5</sup> Tomás jeye Jesustha:

—Patatanecanamataxeinaem, jopa payaputaeyo po nacua beya ichaxota ponaename. Tsipei baxua jopa payaputaeyo, daxota jopa pana neitacupaeyo xua pata ponaewa po nacua beya ichaxota xam ponaename, jei Tomás.

<sup>6</sup> Jesús jume nota, jeye:

—Xan apara pon jiwi tamatacaponaein Taxa beicha. Matautano xan pon xainyeya tapaebin. Matautano xan apara pon jiwi tacatsin peajuntuyapusawa, po peajuntuyapusawa ataya tsiteca. Saya meisa xan ba jiwi yawenan xua pepatsiwa Taxa beicha. <sup>7</sup> Icha paxam pana neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netaneme, jei Jesús.

<sup>8</sup> Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonae juntema pata jinompaewa tsane, jei Felipe.

<sup>9</sup> Jesús Felipe jume notatsi. Jesús jeye:

—Felipe, bara bayatha cabaru popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam. <sup>10</sup> ¿Eta xua metha jopa jume cowuntsim xua bara Taxa neyanta xua bara iru Taxa yantandu? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Apara Taxa pon neyantsiya popona baxua apara exana pocotsiwa xua exanan. <sup>11</sup> Pajume cowunde xua Taxa neyanta popona, xua Taxa iru yanta poponan xua daxota Taxa be caein panbe. Icha jopa paca itacupaeyo xua pana nejume cowuntame pocotsiwa yabara paca tsipaebatsi Taxa,

moya pana necui yabara jume cowande xua bayatha exanan pexeinya tatsita itatsi coyenewan. Baxuan jiwi tsita itaban xua bara xainyei xua Taxa neyanta popona xua daxota Taxa be caeinbe panbe. <sup>12</sup> Xaniyan paca tsipaebatsi, pon nejume cowanta, bapon iru exanaena pocotsiwa exanan. Matautano equeicha ichawan mataropeicha exanaena pewanaewan beyacaincha xua pocotsiwa exanan. Tsipei xan ponaein Taxa beicha. <sup>13</sup> Daxita pocotsiwan pana newun caununaya wucame Taxa beicha, bara baxua exanaein, tapaca catsita itatsinexatsi Taxa pia peayapusu itorobi coyenewa tatsi. <sup>14</sup> Bara pacata exanaeinchi poxonae pana newun caununaya wucame Taxa beicha, jei Jesús.

*Meje yabara poxonae Jesús tsiwunaeya paeba xua bexa Nacom najumope tunaxu itorobina jiwitha*

<sup>15</sup> Equeicha Jesús barai pijimona, jeye: “Icha pana neantobem, moya paexande taitorobi coyenewan. <sup>16</sup> Icha baxua paexanaename tha bapoxona Taxa wucaetsi jan tsane: ‘Axa, ichun itorobare xua barapomona peyawenaenexatsi’, jan tsane. Bapoxona Taxa pacata itorobina pon ataya paca yantsiya poponeibina. <sup>17</sup> Pon Nacom itorobina, apara bapon bara pia Pejumope tunaxu tatsi, po Pejumope tunaxu tatsi paca yaputane exana xua bara xainyei xua pocotsiwa Nacom yabara. Ichitha pomona jopa nejume cowantsiyo, barapomona jopa yaputaeyo Nacom pia Pejumope tunaxu tatsi. Daxota barapo Nacom pia Pejumope tunaxu tatsi jopa itacupaetsi xua barapomona peyantsiya jinompaewatsi. Daichitha payaputaename barapo Nacom pia Pejumope tunaxu tatsi tsipei pacata patopaena yawano ataya paca yantsiya poponaena”, jei Jesús.

<sup>18</sup> Equeicha Jesús barai pijimona, jeye: “Jopa paca punapentsi tsainchi. Equeicha caibe patopeicaein xua tapaca baru poponaewatsi tsainchi. <sup>19</sup> Bara caeto jiwi jopa netae tsane pomona jopa tana nejume cowantsiwi. Ichitha paxam pana netaename. Paxam equeicha asu pajinompaname tsipei xan equeicha asu poponaein. <sup>20</sup> Barapo mataqueitha poxona Nacom pia Pejumope tunaxu tatsi patopeicaena, payaputaename xua xan Taxa be caein pana naexananbe iru xua paxam be caein pana necana exaname iru xua xan be caein paca cana exanatsi. <sup>21</sup> Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon baru poponan”, jei Jesús.

<sup>22</sup> Iru Judas pon seicaya ichundu, pon Judas Iscariote aibi, barapo Judas Jesús tsipaebatsi, Jesús jeichichi:

—Patatanecanamataxeinaem, zeta xua jinya meisa pana neyaputane exanaetsi xua bara pana nebaru jinompame xua jopa daichim pomonaetha pomona jopa cajume cowantsiyo? jei Judas.

<sup>23</sup> Jesús Judas jume notatsi, jeye:

—Pon neantobe bapon exana pocotsiwa itoroban. Bapoxona Taxa antobe tsane bapon. Xan iruru Taxa pon caein panxaeinbe papatopaeinbe bapontha pata yantsinexa bapon. <sup>24</sup> Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apra baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

<sup>25</sup> Equeicha Jesús pijimona barai, jeye: “Daxita baxuan paca tsipaebatsi poxona cataunxuae paca baru popoinchi anoxuae. <sup>26</sup> Inta paxam pacata Nacom najumope tunaxu itorobina. Barapo Nacom pia Pejumope tunaxu tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumope tunaxu tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

<sup>27</sup> “Poxonae paca cuenta ponaeinchi j̄ntema jinompa paca cana exanaeinchi. Paca catinchi po coyene j̄ntema tapoponae coyenewa. Barapo j̄ntema tapoponae coyenewa jopa bara be j̄nta ichiyo xua jiwi barompaya j̄ntema pia pejinompae coyenewa tatsi. Jopa yabara pana naj̄nt̄u exabinde ichawan. Matāta jopa junuwiya pajinompaende. <sup>28</sup> Bayatha pana nejume taneme xua ponaein jan xuano xua equeicha patopeicaein paxamtha xua paca bar̄u poponaeinchi jan. Icha xaniwaicha pana neantobem tsipaem metha paj̄nt̄u coyene weiweinaetsipame xua taponae Taxa beicha. Tsipei Taxa bichocono ainya cui, beyacaincha xua xan poxonae cataunxuae poponan po cae pin nacuathe. <sup>29</sup> Baxua paca tsipaebatsi xua tsiw̄nae paeban painya tana nejume cow̄ntsinexam tsane poxonae xaniwaicha baxua tsane.

<sup>30</sup> “Nama imoxoyo jopa neitac̄paeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi j̄nt̄u coyene itorobeibatsi po jiwitha jopa tana nejume cow̄ntsiwi. Ichitha bapon jopa xeinaeyo peayap̄u itorobi coyenewa xua tana neitorobiwa tsane. <sup>31</sup> Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús pijimonaetha.

## 15

### *Meje yabara poxonae Jesús yabara paeba uva ̄nboto xua pepa ̄nboto*

<sup>1</sup> Equeicha Jesús jeye: “Icha pepa ̄nboto ichi xua petab̄u opina wejujuina mene xua uva thei penacoichinexa, xan bara pocotsi j̄nta coyeneya cana ichin jiwi. Jiwi aj̄nt̄ucoyeneyap̄us̄ya cana exanan pomonae tana nejume cow̄ntsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara j̄nta coyeneya ichi. Taxa yawena pomonae tana nejume cow̄ntsiwi, pomonae xanepanaya inta pejinompaewi. <sup>2</sup> Uva pabi pexeinaein daxita ucuboba po max̄ranan xua jopa nacoichiyo. Bapoxonae daxita barapo pemax̄ranan po max̄ranan xua dubena xanepanaya nacoita beyacaincha xua copiya poxonae nacoita. Taxa barapocotsi j̄nta coyeneya exana. Taxa itaweta pomonae bequein nejume cow̄nta ichitha jopa beta jinompaeyo xan nexa. Barichi pomonae bequein nejume cow̄nta ichitha saya tsiwiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban. <sup>3</sup> Paj̄nt̄u coyene w̄naem painya tana nejume cow̄ntsixaemxae xua bayatha po jume diwesi tapaca tsipaebixaetsi. <sup>4</sup> Pana necayawa jinompeibare icha ichin xua ataya paca cayawa poponeibinchi. Uva ̄nboto max̄ranawa ba poxonae iratha max̄rana boca jopa ba pipatotha matono xuwouncuaeyo xua pethei perubenaenexa. Bara j̄nta coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peaj̄nt̄uyap̄us̄ coyenewa.

<sup>5</sup> “Icha pepa uva ̄nboto ichi xua xeina pemax̄ranawan, bara j̄nta coyeneya ichin. Xeinan pomonae tana nejume cow̄ntsi jiwi pam. Pepa uva ̄nboto nacoita exana nawita pethei pemax̄ranawantha tsipei poxoru pemax̄ranawan dubena pepa uva ̄nbototha tsica. Bara j̄nti ya ichi icha pana necayawa jinompame bapoxonae bichocono paca j̄nt̄u coyene xanepana exanaeinchi. Daxota icha pana nepentsiya jinompame jopa paca itac̄paetsipae xua paexaname pocotsiwa xua Nacom ichichipa. <sup>6</sup> Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon pet̄pae max̄ranawan nota xua bayatha ucobobeba yawa bapoxonae isotototha bebeya petautsinexa.

<sup>7</sup> “Icha pana necayawa jinompaename yawa icha jopa paj̄ntemainaem tsane pocotsiwa bayatha paca cuidubatsi, bapoxonae pocotsiwa pana new̄caename bara baxua pacata exanaeinchi. <sup>8</sup> Jiwi Taxa bar̄u cui itura jinatsi poxonae paca tane xua betiya xanepanaya pajinompame painya neexanaexae pocotsiwa Taxa paca itoroba. Yawa

Taxa barꝑ cui itura jinatsi tsipei barapomonaē paca cui yaputane xua paxam barapara pepa tamonaē jiwī pam. <sup>9</sup> Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonaē tapana nejume cowꝑntsi jiwī pam. <sup>10</sup> Paexanaponde pocotsiwa paca itorobatsi, bapoxonaē bichocono tsitecaeya paca antobe tsoponaē tsainchi, icha xan ichin xua poxonaē exanan pocotsiwa Taxa neitoroba xua daxota ataya tsitecaeya neantobe tsoponaē.

<sup>11</sup> “Baxuan paca tsipaebatsi xua paca jꝑntꝑ coyene xanepana exanaeinchi xua bapoxonaē bichocono pajꝑntꝑ coyene weiweinaename. <sup>12</sup> Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan. <sup>13</sup> Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonaē peantobexae pia jiton yaitataba xua pebexubinexatsi xua pia jiton tatsi jopa bepetabexubiwa tsainchi. <sup>14</sup> Paxam apara tajiwiwimonaē pam, icha paexanaponaename pocotsiwa xua tapaca itorobiwatsi. <sup>15</sup> Anoxuae jopa bepaca caunutichi xua paxam pomonaē inta amanaya penacuichiwi pam. Nama po cae pin nacuathe pomonaē petanacuichiwi jopa yabara yaputaeyo pocotsiwa exana pomonaē pia pecanamataxeinaewichi tsipei jopa baxua yabara paebiyo. Ichitha paca caunutatsi xua paxam apara tajiwiwimonaē pam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba. <sup>16</sup> Apara jopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa peweraweracaewa tsane pocotsiwan painta exanaename. Bapoxonaē Taxa bara pacata exanaena poxonaē Taxa beicha pawꝑcame poxonaē pana nebꝑxꝑna bobenouname. <sup>17</sup> Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

*Meje yabara poxonaē Jesús jeye: “Jiwī necaseba, irꝑ paca caseba”, jei Jesús*

<sup>18</sup> Equeicha Jesús jeye: “Pomonaē jopa nejume cowꝑntsiyo icha barapomonaē paca caseba pananta xeinare xua barapomonaē copiya necaseba daxota paca casebarꝑ. <sup>19</sup> Icha paxam pomonaē jopa pata tana nejume cowꝑntsiwi jiwana pam tsipaem, bapoxonaē pomonaē necaseba paca antobe tsipae icha ichi xua barompaya antobe pijimonaē. Pomonaē xote jinompe, pomonaē jopa tana nejume cowꝑntsiwi, barapomonaē pexantha tatsi paca itapetatsi daxota barapomonaē paca caseba. Tsipei anoxuae paxam jopa barapomonaē jiwana pam. <sup>20</sup> Pana nejume cayabara nanta xeinare xua bayatha paca tsipaebatsi xua janje: ‘Pon ba tanacuita ichꝑn, bapon jopa ainya cuiyo, jame pia pentacaponaein tatsi ainya cui pon peitorobixaetsi’, paca jeichi. Tsipei jiwī inta abe exana daxota irꝑ pacata abe exana. Jiwī jopa jume cowꝑntsiyo tacuidubiwa. Barichi jopa jume cowꝑntsiyo painya necuidubiwa. <sup>21</sup> Daxita baxuan jiwī paca cana exanaena xua painya neexanaexae pocotsiwa paca itorobatsi tsipei jopa yaputaetsi pon neitoroba pon Taxaxae.

<sup>22</sup> “Icha jopa patopaeinchipae po cae pin nacuathe, xuano xua icha jopa cuidubinchipae barapomonaetha, barapomonaē jopa natsicuentcipae xua abe peexanaexae tsipei jopa yaputaetsipae xua abe exana. Ichitha anoxuae jopa itacꝑpaetsi xua pejeiwa: ‘Jopa payaputaeyo xua abe paexanan’, xua pejeiwa, tsipei patopan yawa cuiduban barapomonaē. <sup>23</sup> Pomonaē xua necaseba, barapomonaē irꝑ Taxa casebatsi. <sup>24</sup> Barapomonaē tane xua xan exanan pocotsiwa ichꝑn jopa itacꝑpaetsi xua peexanaewa. Icha barapomonaē jopa bayatha necui taetsipae xua exanan jopa natsicuentcipae xua abe peexanaexae jopa peyaputaexae tsipae xua abe exana. Ichitha barapomonaē bara xaniwaicha necui tane xua exanan. Mataꝑtano yaputane xua abe exana. Daxota barapomonaē necaseba irꝑ daxota Taxa casebatsi. <sup>25</sup> Ichitha baxua bewa neyabara jume cui wetsina tsipei Moisés pia peitorobi coyenewatha neyabara



tsiwanaeya jeye: ‘Barapomonaec necaseba poxoruru saya apatsi’, jei barapo Moisés pia peitorobi coyenewatha.

<sup>26</sup> “Itorobin Nacom pia Pejumope t̃nax̃ tatsi xua po pejumope t̃nax̃ Taxa werena pona, po pejumope t̃nax̃ paca yawenaena po pejumope xainyeya pepaebin. Barapo pejumope t̃nax̃ neyabara paebina poxonaec bapon patopeicaena. <sup>27</sup> Paxam bara paichim tsane ichamonaetha pana neyabara paebiname. Tsipei poxonaec aena tamropata pitaban tanacuichiwa barapo cae pin nacuathe, bapoxonaec caena bayatha pana nebar̃ jinompame”, jei Jesús pijimonaetha.

## 16

<sup>1</sup> Equeicha Jesús barai pijimonaec, jeye: “Baxua paca tsipaebatsi xua jopa painya nebarapentsiwa tsane xua tapana nejume cow̃ntsiwam poxonaec jiwi abe pacata exanaena. <sup>2</sup> Paca itawetsina judiomonaec pia penacaetutsi bon weya. Po mataqueitha poxonaec jiwi paca jutebina, barapo jiwi catsawiya nanta xeinaena xua Nacom pecui itorobixae xua daxota painya paca necajutebiwa tsane. <sup>3</sup> Barapo jiwi baxua pacata exanaena, tsipei jopa neyaputaeyo matauta Taxa tsipei jopa yaputaetsi. <sup>4</sup> Baraxua paca tsipaebatsi xua painya tana necayabara jume cananta xeinaewam tsane poxonaec barapo matakabi tsane poxonaec po mataqueitha jiwi abe pacata exanaena.

### *Meje yabara po coyene xua Nacom pia Pejumope t̃nax̃ tatsi exana*

“Poxonaec aena tamropata pitaban tanacuichiwa baraxua jopa paca tsipaebichi tsipei paca bar̃ popoinchi. <sup>5</sup> Ichitha nama anoxuae baxua paca tsipaebatsi tsipei ponaecin, xua Taxa beicha taecaewa tsane pon tana neitorobixae. Dapon aibi paxam jiwana pam pon neyainyaba xua nejeci: ‘¿Eta xota ponaename?’ pon nejeci, tsipei daxita pam bara pana neyaputaneme xua xota taponaeawa. <sup>6</sup> Nama anoxuae bichocono panth̃th̃ wecoyam tapaca tsipaebixaetsi baxua. <sup>7</sup> Ichitha bara yatsicaya xainyeya paca tsipaebatsi. Baxua pacata w̃naec xua taponaeawa tsipei icha jopa ponaecinchipae, jopa neitac̃paetsipae xua taitorobiwa Nacom pia Pejumope t̃nax̃ tatsi xua painya nepaca cayawenaenexa. Icha ponaecin barapo jumope pacata itorobinchi. <sup>8</sup> Poxonaec Nacom pia Pejumope t̃nax̃ tatsi patopeicaena, jiwi yabara yaputane cana exanaecinchi pocotsiwa daxita jiwi abe peexanaec cuiru coyenein exana. Matautano barapo Nacom pia Pejumope t̃nax̃ tatsi jiwi yaputane cana exanaecinchi xua xan saya xanepanaya Nacom tayabara paebin. Matautano barapo Nacom pia Pejumope t̃nax̃ tatsi jiwi yaputane cana exanaecinchi xua po coyene poxonaec Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. <sup>9</sup> Poxonaec barapomonaec abe peexanaec cuiru coyene exana baxua tsita itapeinya xeina xua barapomonaec jopa tana nejume cow̃ntsiwi. <sup>10</sup> Matautano jiwi yaputane cana exanaecinchi xua xan saya xanepanaya Nacom tayabara paebin, tsipei Taxa beicha ponaecin yawa paxam jopa equeicha pana netaem tsane. <sup>11</sup> Matauta barapo Nacom pia Pejumope t̃nax̃ tatsi jiwi yaputane cana exanaecinchi xua po coyene poxonaec Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. Tsipei caena bayatha bapocotsiwa exana caurimonaec pia pentacaponaeintha, pon jiwi j̃ant̃ coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

<sup>12</sup> “Ichawa bequein xeinan xua tapaca tsipaebiwatsi ichitha anoxuae jopa paca itac̃paeyo xua painya neyaputaewa tsipei jopa paca coyene c̃paeyo. <sup>13</sup> Poxonaec patopeicaena Nacom pia Pejumope t̃nax̃ tatsi, barapo pejumope t̃nax̃ paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaeawa. Saya paebina xua Nacom bayatha jume tainchi. Matautano barapo pejumope t̃nax̃ yabara yaputane paca cana exanaena pocotsiwa bexa tsane exanaena po cae pin nacuathe tsique. <sup>14</sup> Barapo Pejumope t̃nax̃ jiwi cana exanaecinchi

xua jiwi wanae tana nejainchiwa tsane. Pocotsiwa xua paca tsipaebatsi, barapo pejumope tana xua yaputane paca exanaena. <sup>15</sup> Daxita xua Taxa pocotsiwa xeina iru apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope tana xua equeicha paca cuidubina’, paca jeichi.

<sup>16</sup> “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonae pirapaeyo Taxa beicha ponaein”, jei Jesús pijimonaetha.

*Meje yabara poxonae Jesús jeye: “Bequein copiya pawecoyam tsane ichitha bexa equeicha pajuntu coyene weiweinaename”, jei Jesús*

<sup>17</sup> Bapoxonae ichamonae pomonae Jesús pijimonaetha tatsi caemonae nayainyaba, najei:

—¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana netaename. Bapoxonae pirapaeyo Taxa beicha ponaein’, naca jei? <sup>18</sup> ¿Eta xua metha ‘caeto tsane’, jane? Jopa baxua yaputaetsi, najei.

<sup>19</sup> Jesús pijimonaetha yaputane xua pijimonaetha juntucuru yainyabatsi. Daxota pijimonaetha barai, jeye:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxonae equeicha pana netaename’, jan ¿baxua apara pana necayabara jume yainyabame? <sup>20</sup> Xaniyan paca tsipaebatsi. Tacoutha paxam pawecoyam tsane yawano paanthatharewem tsane poxonae iruru juntu coyene weiweinaena pomonae jopa tana nejume cowantsi jiwi. Bequein caeto pawecoyam tsane ichitha equeicha pajuntu coyene weiweinaename. <sup>21</sup> Poxonae yabayo burana taecatsi pexuyo, poxonae imoxoyo naexanaena pexuyo, barowa bichocono wecoyeyi. Ichitha poxonae bayatha pexuyo naexana, bapoxonae barowa nacayabara junte maina xua bayatha yaporowa papai xua peatenexae. Daxota barowa juntu coyene weiweina pexuyo bayatha penaexanaexae. <sup>22</sup> Bara juta coyeneya paichim tsane. Poxonae tupaen xua taponae nexa tsane, bequein pawecoyam tsane, ichitha panetaename poxonae asun tsane xua ponaein Taxa beicha. Yawa bapoxonae pajuntu coyene weiweinaename. Dapon aibi pon barapo juntu weiweinae coyenewa paca juntu coyene wejunte maina cana exanaena.

<sup>23</sup> “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana newun caununaya wacaename, bara baxua daxita pacata exanaena. Baxuan pocotsiwa paca tsipaebatsi bara xainyan. <sup>24</sup> Caena bayatha xua beya anoxuae jopa pana newun caununaya wacaem Taxa beicha. Anoxuae nama pana newun caununaya wacaename Taxa beicha. Bara baxua pacata exanaena xua bichocono yatsicaya painya nejuntu coyene weiweinaewa tsane”, jei Jesús pijimonaetha.

*Meje yabara poxonae Jesús jeye: “Xan amanayabaxubin pon jiwi juntu coyene itorobatsi po cae pin nacuathe”, jei Jesús*

<sup>25</sup> Equeicha Jesús barai pijimonaetha, jeye: “Pocotsiwan xua bayatha paca tsipaebatsi, bara paeban pecayabara juta pepaebi diwesixitha. Ichitha barapo matacabi patopaena, po mataqueitha jopa paca tsipaebi tsainchi pecayabara juta pepaebi diwesixitha. Barapo mataqueitha bara Nacom yabara jume penthiya paca tsipaebinchi. <sup>26</sup> Barapo mataqueitha pana newun caununaya wacaename Taxa beicha. Jopa paca tsipaebichi xua Taxatha tapacata wacawa tsainchi tsipei apara bara painya coya paca itacupa. <sup>27</sup> Taxa paca antobe pata tana neantobemxaem yawa pata tana nejume yabara cowantsixaemxae xua xan bara yatsicaya Taxa wetsica ponan. <sup>28</sup> Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponaeewa tsane”, jei Jesús pijimonaetha.

<sup>29</sup> Nexata Jesús pijimonaexae baraichichi, jeye:

—Anoxuae bara yatsicaya jume penthiya pana netsipaebame. Jopa paebim pecayabara juta pepaebi diwesixitha. <sup>30</sup> Anoxuae payaputan po coyene xua bara daxita neyaputaewan. Matautano payaputan xua jopa pata nantawenonaewa xua paxan pata paca cayainyabiwatsi. Daxota pajume cowuntan xua xam bara yatsicaewa Nacom wetsica neponaein, jeichichi Jesús pijimonae.

<sup>31</sup> Jesús jume barai pijimonae, jeye:

—¡Anoxuae matapainya pana nejume cowuntame! jei Jesús. <sup>32</sup> Bara nama imoxoyo matabi patopa, po mataqueitha tsana parucupaename poxonae jiwi paca yotabina. Paxam pana necuentarucupaename. Daichitha xan jopa companyo tsane tsipei Taxa neyanta bayatha. <sup>33</sup> Daxita baxuan paca tsipaebatsi painya nejuntũ coyene weiweinaenexam tsane tapana necayawa jinompaexaem tsane. Poxonae cataunxuae pajinompaename po cae pin nacuathe jiwi paca atene exanaena poxonae abe paca cana exanaena. Daichitha jũntema pajinompare. Tsipei xan amanayabaxubin pon jiwi jũntũ coyene itorobatsi po cae pin nacuathe, jei Jesús pijimonaetha.

## 17

### *Meje yabara poxonae Jesús pijimonae tawuca Paxatha*

<sup>1</sup> Poxonae Jesús baxua najume weta xua pijimonae tsipaeba, bapoxonae Jesús itaboco necoicha. Paxatha tsipaeba jeye: “Axa, aunxuae patopaena xua poxonae jiwi tsita itũtsiname xua xan, apara bara Nexanton, pon taainya cuin. Bapoxonae jiwi tsita itũtsin xua xam jinya neainya cuim. <sup>2</sup> Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowũntsiwi, barapo jiwi catsin peajũntũyarusũwa, po peajũntũyarusũwa ataya tsiteca. <sup>3</sup> Axa, yatsicaya compam xam Nacom, irũ xan Jesucriston compan ponxaein neitorobame po cae pin nacuathe tsique. Pomonae nejume cowũnta irũ xuano cajume cowũntano, barapomonae xeinaena peajũntũyarusũwa, po peajũntũyarusũwa ataya tsiteca.

<sup>4</sup> “Po cae pin nacuathe exanan xua jiwi wũnae necajainchiwa. Bayatha wetan xua bayatha necui itorobame xua taexanaewa tsane. <sup>5</sup> Axa, anoxuae equeicha ainya cui neexande neitabaratha, icha matha neichim poxonae caena bayatha ainya cui neexaname neitabaratha poxonae nexantha poponan poxonae cataunxuae po cae pin nacue jopa forotsinyo.

<sup>6</sup> “Pomonae bayatha itapetame, pomonae nejume cowũnta, barapomonae yabara cuiduban xua xam cayabara paebatsi. Barapomonae bara jinyamonae yawa nepuna pona exaname. Barapomonae bara xanepanaya exana xua pocotsiwa itorobame. <sup>7</sup> Pocotsiwan xua xan paeban xuano xua exanan, daxita baxuan exanan tana necatsimxae jinya pexeinya ayarusũ itorobi coyenewa. Anoxuae daxita baxuan barapomonae yaputane. <sup>8</sup> Pocotsiwan necuidubame xuya barapomonae cuiduban. Daxita baxuan barapomonae yabara nejume jejei. Barapomonae yaputane xua xan bara yatsicaya xam wetsica ponan. Matautano yaputaneno xua xam tana neitorobiwam.

<sup>9</sup> “Cawũcatsi barapomonae nexa xua neyawenaewa tsane barapomonae. Apara jopa yabara cawũcatsi pomonae jopa nejume cowũntsiyo xua neyawenaewa tsane. Saya jame yabara cawũcatsi pomonae tana necatsixaemxae pomonae jinyamonaexae. <sup>10</sup> Daxita pomonae xua jinyamonae apara tamonaerũ. Daxita irũrũ pomonae xua tamonae, apara jinyamonaerũ. Ichamonae wũnaeya necayabara nanta xeina xua xan ainya cuin tsipei xanepanaya jinompa, pomonae tana nejume cowũntsi jiwi.

<sup>11</sup> “Xan jopa poponaein tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonae jopa daichiyo, saya po cae pin nacuathe dubenanaebiyaena. Axa, xam ponxaem bichocono nejũntũ coyene

xanepanaein tsaibim. Pomonae bayatha tana necatsixaemxae barapomonae bebere jinya neayapus̄ neitorobi coyenewatha xua barapomonae jopa pēj̄nt̄a coyene cui itorobinexa tsainchi xua abe peexanaewa tsane xua caurimonae pia pentacaponaein tatsi j̄nt̄a coyene cui itoroba. Bapoxonae barapomonae be caein cana naexanaeinchibe waantobexaebe barapomonae icha ichichibe xua be caein naexainchibe. <sup>12</sup> Poxonae cataunxuae poponan po cae pin nacuathe, apara xan bebeteiban barapomonae jinya neayapus̄ neitorobi coyenewatha pomonae tana necatsixaemxae. Barapo tamonaexae beta bebetan yawa jopa copatsinyo xua ich̄n tana newepu aichurucuaewa, saya meisa caein nexubina barapomonae jiwana. Daxota bapon bewa t̄paena tsipei bichocono pēj̄nt̄a coyeneyapubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

<sup>13</sup> “Anoxuae xan ponan nexainya beicha ichaxoteicha ecame. Ichitha daxita baxuan paeban poxonae cataunxuae po cae pin nacuathe poponanje xua barapomonae bichocono pēj̄nt̄a coyene weiweinaenexa, po pēj̄nt̄a coyene weiweinaewa bayatha xeinan. <sup>14</sup> Nejume diwesi catan barapo tamona. Ichitha barapo tamona inta casebatsi ichamonae tsipei barapo jiwi po cae pin nacuathepiwi. Barapo tamona nama po cae pin nacuathepiwi aibi, icha ichin xua xan po cae pin nacuathepin aibin. <sup>15</sup> Apra jopa caw̄caetsi xua barapo tamona nenotsinexa po cae pin nacue weye. Saya apra caw̄catsi xua barapomonae nebebetsinexa caurimonae pia pentacaponaein tatsi pecuiyainwa. <sup>16</sup> Icha xan ichin xua po cae pin nacuathepin aibin, barichi barapo tamona jopa barapo cae pin nacuathepiwiyo. <sup>17</sup> Nejume diwesi, apra po diwesi nexainyei diwesi jume. Poxonae barapo tamona jume tane baxua barapomonae catame xua pēj̄nt̄a coyene weiweinaewa xua peexanaewa tsane pocotsiwa ichichipame. <sup>18</sup> Icha neichim xua neitorobame pomonaetha pomona jopa jume cow̄ntsiyo, barichin pomona tana nejume cow̄ntsiwi itoroban pomonaetha pomona jopa tana nejume cow̄ntsiwi. <sup>19</sup> Naj̄nt̄a coyene catan nexainya beya tha xua exanaetsi pocotsiwa ichichipame. Baxua exanan tsipei antobein tamona. Exande xua barapomonae ir̄n penaj̄nt̄a coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

<sup>20</sup> “Jopa meisa caw̄caetsi barapo tamona nexa, apra yawano ir̄n yabara caw̄catsi pomona bexa nejume cow̄ntsina poxonae jume taena tajume diwesi xua poxonae pepaebixae tsane barapo tamona. <sup>21</sup> Caw̄catsi xua barapomonae be caein penaexanaenexa xuano xua cae penanta xeinaeya nacana bar̄n cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsir̄n. Poxonae barapomonae be caein nacayawa naexana ponaeinchibe, bapoxonae ichamonae yabara jume cow̄ntsina xua xam bara yatsicaya tana neitorobiwam. <sup>22</sup> Barapo tamona peainya cui coyenewa catan, po peainya cui coyenewa xam necatame xua barapomonae be caein penaexanaenexa icha ichichibe xua bara caein naexanatsibe. <sup>23</sup> Xan tamona yantan ir̄n xam neyantame, tsipei daxitatsi be caein naexainchi daxota barapomonae yatsicaya bara be caein naexana. Bapoxonae daxita jiwi cui yaputaena xua xam bara yatsicaya tana neitorobiwam. Matautano barapo jiwi cui yaputaena xua tamona antobem icha ichim xua neantobem.

<sup>24</sup> “Axa, necatame barapo tana nejume cow̄ntsiwi. Ichipan xua barapomonae pomona tana nejume cow̄ntsiwi ponaena ichaxoteicha taponawa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxonae cataunxuae jopa forotsiyo po cae pin nacue. <sup>25</sup> Axa, pon bichocono nej̄nt̄a coyene xanepanaem. Pomona jopa tana nejume cow̄ntsiwi jopa pepa jinya monaeyo tsipei jopa cayaitaeyo. Ichitha xam bara cayaitainchi. Pomona tamona,

pomonae tana nejume cowantsiwi barapomonae neyabara yaputane xua xam tana neitorobiwam. <sup>26</sup> Barapomonae pomonae tana nejume cowantsiwi yabara yaputane exanan xua xam cayabara paebatsi. Ab<sub>u</sub> cataunxuae awiya baxua exanaein xua jinya necaantobenexa tsane icha neichim xua neantobem. Matautano barapomonae ataya yaitata poponeibin”, jei Jesús poxonae Paxa tsipaeba.

## 18

*Meje yabara poxonae Jesús waetabatsi*  
(Mt 26.47-56; Mr 14.43-50; Lc 22.47-53)

<sup>1</sup> Poxonae Jesús najume weta xua poxonae Paxa tsipaeba, bapoxonae pomonae Jesús pijimonaexae tatsi Jesús bar<sub>u</sub> pona. Jesús bar<sub>u</sub> pona foto iya icha muxunene beya, po foto cataunxuae ira tsewa. Barapo foto pew<sub>u</sub>n Cedrón. Barapo icha muxunene beya umena xua ponaein pe<sub>u</sub>bi naein, baxota Jesús pijimonae bar<sub>u</sub> patopa. <sup>2</sup> Judas, pon Jesús caenaetatsi, bapon yaputane barapo momiyo tsipei baxota matha matowa Jesús pijimonae bar<sub>u</sub> nacaetuteiba. <sup>3</sup> Judas patopa ichaxota Jesús pijimonae bar<sub>u</sub> uncua. Judas bar<sub>u</sub> pona soldadomonae ir<sub>u</sub>no policiamonae, po policiamonae pomonae Nacom pin pia bo peyabara umenaewi. Daxita barapomonae, pomonae Judas bar<sub>u</sub> patopa fariseomonae itoroba ir<sub>u</sub> sacerdotemonae pia pentacaponaei tatsi itorobar<sub>u</sub>. Daxita barapomonae cusin capona. Ir<sub>u</sub> ichamonae lámpan capata ir<sub>u</sub> ichamonae banaxuton capata. <sup>4</sup> Bequein Jesús tsiwana yaputane barapomonae xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

<sup>5</sup> Daxita barapomonae Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Ir<sub>u</sub> Judas, pon Jesús caenaetatsi, baxota nauncuar<sub>u</sub>. <sup>6</sup> Poxonae Jesús, jeye: “Apara, bara bapon uncuanje”, jei, bapoxonae barapomonae pe<sub>u</sub>ma iyiya caibeya yawa xuirabathopa. <sup>7</sup> Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

<sup>8</sup> Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamonaie inta painta pu copabare, jei Jesús.

<sup>9</sup> Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ichan tana newepu aichurucuaewa”, jei Jesús.

<sup>10</sup> Bapoxonae Simón Pedro namara wejonta pia wato cusi. Simón Pedro muxuyoro catsoniba pon pew<sub>u</sub>n Malco, po muxuyoroto pecoxa werucuiya. Bapon Malco pon sacerdotemonae pia pepa pentacaponaei tatsi tanacuitatsi. <sup>11</sup> Jesús Pedro baraichi, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiwi atene tana necana exanaewa? jei Jesús.

*Meje yabara poxonae Jesús uncua Anás peitabaratha tatsi*  
(Mt 26.57-58; Mr 14.53-54; Lc 22.54)

<sup>12</sup> Bapoxonae soldadomonae ir<sub>u</sub> soldadomonae pia pentacaponaei tatsi ir<sub>u</sub> poli-  
ciamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa max<sub>u</sub> cubatsi. <sup>13</sup> Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weithar<sub>u</sub>

sacerdotemonae pia pepa pentacaponaein tatsi naexana. <sup>14</sup> Barapon Caifás, pon caena bayatha jei judiomonaetha: “Metha wɛnae xua bara caein piamonae yaitatsina pebex-ubinexatsi xua daxita piamonae tatsi jopa petajutebinexatsi”, jei Caifás xua bayatha paeba.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.69-70; Mr 14.66-68; Lc 22.55-57)*

<sup>15</sup> Simón Pedro irɛ ichɛn ponxaerɛ Jesús pijimonae tatsi jiwana Jesustha napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichɛn bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi. <sup>16</sup> Nama Pedro aisowatha uncuwa peboupa juma werena. Daxota bapon pon ichɛn pana weya pona peboupa beya xua yabɛyo petsipaebinxatsi powayo yapu eeneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonae pia pentacaponaein tatsi bapon yaitainchi daxota barapowa Pedro bara copatatsi xua bara jondenaena. <sup>17</sup> Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonae tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

<sup>18</sup> Yaitama irɛ aque tsuncuaerɛ daxota pomonae sacerdotemonae pia pepa pentacaponaein tatsi tanacuitatsi irɛ policiamonaeno, daxita barapomonae isoto itutaeta barapo panatha. Daxita barapomonae nonopumena barapo isototha. Pedro irɛ baxota nanonopuncuarɛ.

*Meje yabara poxonae sacerdotemonae pia pepa pentacaponaein tatsi Jesús matowa yainyabatsi*

*(Mt 26.59-66; Mr 14.55-64; Lc 22.66-71)*

<sup>19</sup> Irɛrɛ bapoxonae sacerdotemonae pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam barɛ jinyamonae? ¿Eta po diwesi cuidubame barapo jinyamonae?” jeichichi Jesús.

<sup>20</sup> Jesús jume nota, jeye:

—Caena bayatha daxita jiwi peitɛtha cueicueijan tsaibin. Judiomonae pia penacae-tutsi bontha ataya cuidubeiban. Mataɛtano Nacom pin pia botha ichaxota judiomonae nacaetuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa. <sup>21</sup> ¿Eta pocotsiwa metha nejume yabara yainyabame? Jame maisa moya yainyabare pomonae bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yaputaexae pocotsiwa bayatha tsipaeban, jei Jesús.

<sup>22</sup> Poxonae Jesús baxua najume weta, bapoxonae caein policiamonae jiwana pin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

<sup>23</sup> Jesús jume nota, jeye:

—Icha bara pocotsiwa abe paeban, moya netsipaebare xua abe. Ichitha icha xua wɛnae paeban, ¿eta pocotsiwa metha nexata nejumata cuaintaxubame? jei Jesús.

<sup>24</sup> Bapoxonae Anás Jesús yamaxɛ cubiya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weitharɛ.

*Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús*

*(Mt 26.71-75; Mr 14.69-72; Lc 22.58-62)*

<sup>25</sup> Poxonae baxuaru, iruru cataunxuae Pedro nanonopuncua. Barapoxonae barapomonae Pedro yainyabatsi, jeichichi:

—¿Xam apara Jesús pijimonaе tatsi caein jiwanaмda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro. <sup>26</sup> Bapoxonae equeicha ichun Pedro yainyabatsi pon sacerdotemonaе pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonaе Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca baru pona momiyo beya. ¿Bara methara? jeichichi Pedro.

<sup>27</sup> Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaeru caena nainya wacara pebto fiba.

*Meje yabara poxonae Jesús uncua Pilato peitabaratha tatsi*

*(Mt 27.1-2, 11-14; Mr 15.1-5; Lc 23.1-5)*

<sup>28</sup> Caemumbotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewun Pilato. Ichitha judiomonaе jopa jojoniyaeyo barapo botha pon jiwi peyanacua ewatsinchi pin pia bothaxae tatsi. Judiomonaе pia juntu coyene cui xeina xua jei: “Judiomonaе jopa bewa nanacaetutsi pomonaе jopa be judiomonaе naexanaeyo pia bothaxae tatsi po mataqueitha poxonaе imoxoyo Pascua wun matabin xua poxonaе jiwi penabanaewanexa pexaewa”, jei. Tsipei icha baxua exanaetsipa pia coutha najuntu coyene taxobichipa yawa barapomonaе jopa itacupaetsipaetsi xua pexaewa xaena, po pexaewa poxonaе xane Pascua wun matabintha. <sup>29</sup> Daxota Pilato aisowa bejoniya pia bo weya xua petsipaebinxatsi pomonaе pesatotha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

<sup>30</sup> Barapomonaе Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonaе.

<sup>31</sup> Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentsiwa xua abe peexanaexae, jei Pilato.

Barapo judiomonaе jume nota, jeye:

—Ichitha paxan judiomonaе pan, romanomonaе pia peitorobi coyenewa jopa pana copatsiyo xua ichun pacui itoroban xua jiton pebexubiwatsi xua poxonaе abe peexanaexae, jei judiomonaе.

<sup>32</sup> Baxua exana tsipei bayatha Jesús tsiwanaya nayabara paeba po coyeneya jiwi poxonaе Jesús pebexubiwa tsainchi. <sup>33</sup> Bapoxonaе Pilato equeicha pia pin pia bo bejoniya yawa Jesús wabatsi, jeichichi:

—¿Xam judiomonaе itorobiya pia pepa Neewatsin? jei Pilato.

<sup>34</sup> Jesús jume nota, jeye:

—¿Apara jincoya necayabara cananta xeinaeya yainyabame? Apara ichun yabara necatsipaebixae baxua, ¿daxota barapo jumetha neyainyabame? jei Jesús.

<sup>35</sup> Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi iru sacerdotemonaе pia pentacaponaeи tatsi, apara barapomonaе cacaenaeta taxantha. ¿Eta pocotsiwa metha exaname? jei Pilato.

<sup>36</sup> Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamonae neyawenaetsipa xua judiomonae jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

<sup>37</sup> Nexata Pilato Jesús jeichichi:

—¿Apara xam pon jiwi itorobiya pia pepa Neewatsin? jeichichi Jesús.

Jesús jume nota, jeye:

—Aa, apara bara xan bapon pon jiwi itorobiya pia pepa Taewatsin xuaunxuae bara paebame. Daxota naexanan po cae pin nacuathe yawa patopan tapaebinexa xua pocotsiwa pexainyeiwa yatsicaewa. Daxita pomonae ichichipa xua pejume cowantsiwa xua barapo pexainyei jume, barapomonae bara nejume tane, jei Jesús.

<sup>38</sup> Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

*Meje yabara poxonae Pilato jume bar# jejei xua Jesús bara pebexubiwa tsainchi icha-  
monae*

*(Mt 27.15-31; Mr 15.6-20; Lc 23.13-25)*

Poxonae Pilato baxua yainyaba, bapoxonae Pilato equeicha aisowa bejoniya xua equeicha judiomonae petsipaebinexatsi. Pilato barai judiomonae, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinexatsi. <sup>39</sup> Ichitha paxam painya cui paxeiname xua ba caein tapacata isanaxubiwatsi pomonae jiwi pecabi botha nobatsi poxonae xua po mataqueitha Pascua wan matabintha. ¿Bara anoxuae pacata saya pu copatinchi pon judiomonae itorobiya pia pepa peewatsinchi? jei Pilato.

<sup>40</sup> Nexata barapo judiomonae jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonae.

Barapon Barrabás, pon bichocono jiwi pecaibi.

## 19

<sup>1</sup> Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amapiya xua xota ba jiwi cuainteibatsi poxonae abe exaneiba. Soldadomonae baxua exana. <sup>2</sup> Barapo soldadomonae Jesús mata xatatatsi pee tepa. Matautano bapoxonae Jesús pia paparuwa juma xuenatsi. Icha paparuwa juma xatatatsi po paparuwa tsobia. <sup>3</sup> Bapoxonae barapo soldadomonae Jesús imoxoyo cacuita umenarucupatsi. Yawa Jesús cui caponaeya jeichichi:

—¡Jaina, maisa wnaem pon judiomonae itorobiya pia pepa Neewatsin! jei barapo soldadomonae xua Jesús cui capoinchi.

Bapoxonae Jesús itabara cuaintatsi.

<sup>4</sup> Equeicha Pilato pesato bejoniya judiomonae beya. Pilato barai judiomonae, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

<sup>5</sup> Bapoxonae Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

<sup>6</sup> Bapoxonae sacerdotemonae pia pentacaponae tatsi iru policiamonae, poxonae daxita barapomonae Jesús taerucupatsi, jume daunweya wawaya jeye:

—¡Naetha bara tparucua bewa exanaem! ¡Naetha bara tparucua bewa exanaem! jei barapomonae.

Pilato barai jiwi, jeye:



—Moya paxam jame bara papire, moya painya coya naetotha t̄parucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

<sup>7</sup> Ichitha judiomonae Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa t̄paena tsipei pata taitorobi coyenewa baxua peyabara paebixae, jei judiomonae.

<sup>8</sup> Poxonae Pilato baxua jume tane, Pilato nama bichocono equeicha junuwa.

<sup>9</sup> Equeicha Pilato Jesús caibe max̄a coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo. <sup>10</sup> Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitac̄paewa xua jiwi taitorobiwa xua t̄parucua necaex-anadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

<sup>11</sup> Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonae jopa itorobimchipae xua ichamonae abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

<sup>12</sup> Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonae jume daunweya wawai. Barapomonae jeye:

—¡Icha xam bara saya, pu sotabame, apara romanomonae itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonae itorobiya pia pepa peewatsinchi bapon pia peaitafaetabinchi jitontsi! jei judiomonae.

<sup>13</sup> Poxonae Pilato baxua jume taeba, bapoxonae ecoundeca ichaxota pia coutha cayabara cananta xeinecaeya cueicueije tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei. <sup>14</sup> Bapoxonaer̄a barapo matacabi tsuxubir̄a, po matacabi copiya tsiwanaya ducua Pascua w̄n matacabi. Barapo mataqueitha judiomonae pexaewa xaxaintajeba xua Pascua w̄n matacabi nexa xua baya tsane. Poxonae mateinyaxae tsuxubi, bapoxonae Pilato barai judiomonaetha, jeye:

—¡Incane pataema pon itorobiya pepa painya Nepacacaewatsin! jei.

<sup>15</sup> Ichitha barapo judiomonae jume daunweya wawaya jeye:

—¡Maisa bara t̄paena! ¡Bara naetotha t̄parucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacaewatsin? jei Pilato.

Ichitha sacerdotemonae pia pentacaponae tatsi Pilato jume notatsi, jeye:

—Apara ich̄an jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa pon itorobiya pepa pata Neewatsin, bapon jame apara pon romanomonae itorobiya pia pepa Peewatsinchi, jei judiomonae.

<sup>16</sup> Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara t̄pa peexanaenexatsi naetotha. Bapoxonae barapo judiomonae Jesús pitatsi.

*Meje yabara poxonae Jesús t̄parucua exanatsi naetotha*  
(Mt 27.32-44; Mr 15.21-32; Lc 23.26-43)

<sup>17</sup> Jesús bara pona, yawa pia naeto utucurapona, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demx-uwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.) <sup>18</sup> Barapo demxu matasoitotha Jesús cobe matatabarutatsi naetotha. Ir̄ ainya pebinbe cobe matatabarutatsibe. Jesús tutiyotha yanaeto uncuwa, ich̄n Jesús pecoxa weya tayanaeto uncuatsi ir̄ ich̄n Jesús petsocona weya tayanaeto uncuatsi. <sup>19</sup> Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonae itorobiya pia pepa Peewatsinchi”, jei barapo petinae napaeuyotha. <sup>20</sup> Pinmonae judiomonae yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pew̄n Jerusalén. Barapo petinae napaeuyotha, hebreo jumetha tina, griego jumetha tinano, ir̄ latín jumetha tinano. <sup>21</sup> Daxota sacerdotemonae pia pentacaponaeawi tatsi, pomonae judiomonaexae, Pilato baraichi, jeye:

—Jopa jande ‘Pon judiomonae itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonae itorobiya pia pepa Taewatsin, najei’, jande, jei sacerdotemonae pia pentacaponaeawi tatsi.

<sup>22</sup> Ichitha Pilato jume nota, jeye:

—Xuaunxuae tinadutan bara ducuaena, jei Pilato.

<sup>23</sup> Soldadomonae poxonae Jesús canacobena wetatsi xua cobe matabobatsi, bapoxonae nota Jesús pia paparuwan tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonae. Matāta dorouto Jesús juma wejontatsi, po dorouto ompareca, xua jopa epa хххцаеуо. <sup>24</sup> Barapo cuatro poyobe xua soldadomonae caemonae natsipaeba, najei:

—Jopa tsana nata epa tsitsicae tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyoy beta xoya, moya copiya pichina, jei.

Baxua barapomonae exana peyabara cui w̄nae tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuwan nata tsabina yawa ibotixi bebeya tsane penacueranta notsinexa tsane tapaparuwan”, jei pon Nacom peitorobi jume pepaebin. Bara baxua exana barapo soldadomonae.

<sup>25</sup> Jesús pena tatsi imoxoyo uncuwa ichaxota Jesús ducua. Barichi Jesús pena tatsi ir̄ pamcho tatsi baxota umena. Barichi icha María, powa Cleofas piowa tatsi baxota uncuwa. Barichi icha María, powa María Magdalena, powa Magdala tomarapiwayo, baxota uncuwa. <sup>26</sup> Poxonae Jesús taenota pena yawa poxonae taenota pon bichocono Jesús antobe, pon pijimonae jiwanapin bapoxonae Jesús barai pena, jeye:

—Ena, taema bapon nexanto cata uncuareque, jei Jesús.

<sup>27</sup> Bapoxonae Jesús barai bapon, jeye:

—Incane taema barapowa, powayo enaxae, jei Jesús.

Bapoxonae barapowa barapon pena tsicotaeya waba pia botha.

*Meje yabara poxonae Jesús t̄pa*  
(Mt 27.45-56; Mr 15.33-41; Lc 23.44-49)

<sup>28</sup> Bapoxonae pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matātano xua Jesús penajume cui yabara wetsinexatsi xua bayatha Nacom Pejume Diwesitha yabara tsiw̄nae paebatsi, bapoxonae Jesús jeye:

—Meratsipan, jei.

<sup>29</sup> Baxota juruwato eca xua yawa eca vino mera, po mera atsu. Nexata barapo soldadomonae esponjatha mene yutsiya capita. Bapoxonae Jesús naewatha tadutatsi

yawa tayoichatsi pecoiboto deca. <sup>30</sup> Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús.  
Bapoxonae Jesús nawisi jetataba. Tɔpanaicha.

*Meje yabara poxonae soldadomonaepin Jesús epa catsitsinaxubiya cawɩichatsi de-  
jonatha*

<sup>31</sup> Cataunxuae barapo matabi po matabitha poxonae judiomonaewɩnaeya nacui wɩnaeta pia pentaquei seicae matabi tatsi nexa. Barapomonaewɩnae jopa ichipaeyo xua came naetotha dubenaena po pebiwi naetotha werapa poxonae jopaena barapo pentaquei seicae matabi, po matabi peainya cui matabixae. Barapo pentaquei seicae matabi, po matabi tamropata pitaba xua Pascua wɩn matabin. Judiomonaewɩnae jopa ichipaeyo xua pejontsiwa pepon naetotha barapo pentaquei seicae matabitha. Daxota barapo judiomonaewɩnae Pilato jume itorobatsi, jeye: “Soldadomonaewɩnae itorobare xua petopa janacaenexa tsainchi pomonaewɩnae naetotha dubena xua nainya barapo pebiwi tɔpa peexanaenexatsi. Matauta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomonaewɩnae.

<sup>32</sup> Nexata soldadomonaewɩnae bara beya pona. Yawa barapo soldadomonaewɩnae copiya topa janaxuba ichɩn pon Jesús icha muxunene wetarucuiyatsi. Bapoxonae equeicha ichɩn topa janaxotsi pon Jesús icha muxunene wetarucuiyatsi. <sup>33</sup> Poxonae soldadomonaewɩnae imoxoyo umenarɩcɩpa ichaxota Jesús ducua, bapoxonae Jesús tainchi xua bayatha Jesús tɔpa. Daxota barapo soldadomonaewɩnae Jesús jopa topa janaxuichi.

<sup>34</sup> Ichitha caein barapo soldadomonaewɩnae jiwana, bapon Jesús epa cawɩicha catsitsinaxubiyatsi dejonatha. Bapoxonae caena nainya jana othoparena yawano mera othoparenano. <sup>35</sup> Xan, Juan, baxuan daxita tan pocotsiwa soldadomonaewɩnae Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowɩntsinexam. <sup>36</sup> Barapomonaewɩnae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha. <sup>37</sup> Matautano icha jume diwesitha xua Nacom Pejume Diwesi, jeye: “Necoichaeinchi pon xua cawɩichatsi”, jei Nacom Pejume Diwesitha.

*Meje yabara poxonae Jesús petɩpaein ibo mɩthɩtha yauxatatabobotatsi  
(Mt 27.57-61; Mr 15.42-47; Lc 23.50-56)*

<sup>38</sup> Bapoxonaewɩnae pebin, pon pewɩn José, pon Arimatea tomarapin, bapon Jesús irɩ jume cowɩntatsi. Ichitha José baxua jopa nayopichiyo ichamonaetha xua Jesús pejume cowɩntsiwatsi, tsipei judiomonaewɩnae jume cunuwatsi. Bapon José copiya Pilato muxu tsipaebiya jeichichi, jeye:

—Nejume barɩ jejande tha jontichi Jesús petɩpaein naeto wetsica, jei José.  
—Bara moya taema, jei Pilato.

Daxota José bara beya pona. Bapoxonae José jonta naetotha Jesús petɩpaein. <sup>39</sup> Irɩɩ ichɩn napon Jesús pia mɩthɩtha. Bapon pewɩn Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebeno, po beno xua tuxuei. Barapo benotha muxunaxuba po petuxuei nain pewɩn mirra, xuano xua icha petuxuei nainwano po petuxuei nainwa pewɩn áloe. <sup>40</sup> Bapoxonae José irɩ Nicodemo pitabe Jesús petɩpaein. Yawa paparuwatha petuxuei beno muxuna capanaboinca mata quiyontabicabe. Baxua exanabe, tsipei judiomonaewɩnae pia cui coyene xeina xua poxonae pon petɩpaein canacui wɩnae wetatsi poxonae namɩthɩqueiba. <sup>41</sup> Imoxoyo ichaxota Jesús po demxuwa tɔpa, baxota peubi naein umena. Barapo peubi naein uniyotha

ibo itapatororotha muthu boca pena muthu, po muthutha cataunxuae jopa muthutha xubichi petupaein ichun. <sup>42</sup> Barapo pena muthutha Jesús boyatsi, tsipei barapo pena muthu imoxoyo boca ichaxota Jesús tupa. Matauta tsipei quirei tsanaicha xua poxona patopa pentaquei seicae matabi, po mataqueitha judiomona jopa nacuichiyo.

## 20

*Meje yabara poxonae Jesús equeicha asu juina exanatsi petupae cuiru coyene weya (Mt 28.1-10; Mr 16.1-8; Lc 24.1-12)*

<sup>1</sup> Bapoxonaeru domingo matabi jopa, po matabi xua copiya ducua cae sem-anatha. Bapoxona caemambotha poxona cataunxuae quiriquirica, bapoxona María Magdalena, powa Magdala tomarapiwayo, muthutha patopa ichaxota Jesús boca. Barapowa tane xua muthu yapusauncua xua bequein ichamona yapu xatatabanota pin ibo panawatha. <sup>2</sup> Bapoxona barapowa nainya pata taxainya becuinaerena ichaxota Simón Pedro uncua iru xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petupaein pitatsi, pon Wanacanamateinaein. Jopa payaputaeyno ichaxota equeicha botatsi, pana nejei.

<sup>3</sup> Bapoxona Simón Pedro, iru xan Juan, muthu bepaiyanbe. <sup>4</sup> Bara beya pana nacuara cuinayanbe. Ichitha xan, Juan, bichocono bichoinan beyacaincha Pedro. Daxota muthutha patopan copiya. <sup>5</sup> Yawa muthu beya nabuxu tsutiya necobiyan. Paparuwa tan xua iratha boca, po paparuwatha Jesús petupaein mata quiyontabatsi, ichitha jopa joniyaeyno. <sup>6</sup> Bapoxona Simón Pedro tacoya werena cotacaya patopa. Bapoxona muthu joniya. Barichi barapon barapo paparuwa tane xua iratha boca. <sup>7</sup> Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca. <sup>8</sup> Bapoxona xan, ponxaein copiya patopan, iru joniyan muthu iya. Poxona daxita baxuan tan, bapoxona nainya jume cowuntan xua Jesús bayatha asu. <sup>9</sup> Bayatha jopa payaputaeyno Nacom Pejume Diwesi, po diwesitha xua xota bapon yabara paebatsi po coyene xua bapon bewa asu tsane petupae coyene cuiru weya. <sup>10</sup> Nexata xan, Juan, iru Simón Pedro caibe panawiyambe bo beya.

*Meje yabara poxonae Jesús María tsita naitutatsi, powayo Magdala tomarapiwayo (Mr 16.9-11)*

<sup>11</sup> María Magdalena, Magdala tomarapiwayo, powa pana tsiwun caya, bapowa equeicha caiberena muthutha patopa. Barapowa muthu coiboto juma weya wecoyei tsuncuae. Poxona wecoyei tsuncuae nantanuweya nabuxu japasota necobiya muthu iya. <sup>12</sup> Bapoxona bapowa tane ponbe matatsunpinbe xua ecabe ichaxota bayatha Jesús botatsi petupaein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi. <sup>13</sup> Barapo matatsunpinbe María yainyabatsi, jeichichi:

—María, ¿eta xua metha wecoyam tsauya? jei.

María jume nota, jeye:

—Yaitama cou Tanecanamateinaein petupaein pitatsi. Jopa taeinyo xua equeicha xota botatsi petupaein, jei María.

<sup>14</sup> Poxona bapowa najume wetsiya paebaxoya, xuano xua poxona napatomeicha necotaxoya, bapoxona pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi. <sup>15</sup> Nexata Jesús María yainyabatsi, jeichichi:

—Ja, ¿eta pocotsiwa came wecoyam tsauyam? ¿Jintam wenawenam? jei.

Barapowa nanta xaina xua mexeya itara pon peubi naein yapu eenawei. Daxota bapowa, jeye:

—Icha xam bayatha pitame pet<sub>u</sub>paein pon Tanecanamataxeinaein, incane netsipaebare xua equeicha exota botame. Tha bapoxonae pet<sub>u</sub>paein equeicha pitichi, jei María.

<sup>16</sup> Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwi Necuidubin”, jei).

<sup>17</sup> Jesús jume nota, jeye:

—Jopa nejayatabinde tsipei cataunxuae jopa ponaeyo ichaxota Taxa equiya. Jammaisa ponde, paebareno tajimonaetha xua xan paeban xua jan: ‘Taxa beicha ponaein, po Taxa painya Axa ir<sub>u</sub>’, jan. ‘Barapon Nacom, Tanacom ir<sub>u</sub> paxam painya Nacom’, jan xua, jei Jesús.

<sup>18</sup> Barapoxonae María Magdalena, powa Magdala tomarapiwayo, tsiw<sub>u</sub>n caya Jesús pijimonaetatsi beya. Bapowa tsipaeba xua bayatha tane pon Pecanamataxeinaein jiwi. Yawano tsipaebano daxita pocotsiwa Jesús paeba bapowatha.

*Meje yabara poxonae Jesús pijimonaetatsi nait<sub>u</sub>ta*

*(Mt 28.16-20; Mr 16.14-18; Lc 24.36-49)*

<sup>19</sup> Barapo mataqueitha poxonae cataunxuae awiya domingo, bapoxonae merawi Jesús pijimonaetatsi nacaetuta. Tsipei judiomonaetatsi cui cunuwatsi daxota bo bichocono boupa daunwei exana. Nexata Jesús barapo tututha patopa. Yawa pijimonaetatsi peitabarayo deca tauncua. Pijimonaetatsi jacobiyajeye:

—Maisa j<sub>u</sub>ntema pajinompare, jei Jesús.

<sup>20</sup> Poxonae Jesús baxua najume weta bapoxonae tsita nacobe wan it<sub>u</sub>ta pijimonaetatsi yawa naepa wan it<sub>u</sub>ta. Poxonae Jesús pijimonaetatsi taer<sub>u</sub>c<sub>u</sub>patsi bichocono j<sub>u</sub>nt<sub>u</sub> coyene weiweina petaxaetsi Jesús pon barapomonaetatsi Pecanamataxeinaexaetsi. <sup>21</sup> Pirapaeyo equeicha Jesús pijimonaetatsi barai, jeye:

—Maisa j<sub>u</sub>ntema pajinompare. Icha Taxa neichi xua neitoroba bara paca ichichi paca itorobatsi, jei Jesús.

<sup>22</sup> Nexata bapoxonae Jesús pijimonaetatsi matatsun ofutaba, jeye:

—Nacom pia Pejumope t<sub>u</sub>nax<sub>u</sub> tatsi bara paca yantsina, jei. <sup>23</sup> Pomonaetatsi xua pacui cayabara j<sub>u</sub>ntemainame abe pia peexanaetatsi cuiru coyenein tatsi, bara barapomonaetatsi Nacom ir<sub>u</sub> cayabara cui j<sub>u</sub>ntemainaena abe pia peexanaetatsi cuiru coyenein tatsi. Pomonaetatsi jopa pacayabara cui j<sub>u</sub>ntemainaem abe pia peexanaetatsi cuiru coyenein tatsi, bara barapomonaetatsi Nacom ir<sub>u</sub> jopa cayabara cui j<sub>u</sub>ntemainaeyo abe pia peexanaetatsi cuiru coyenein tatsi, jei Jesús.

*Meje yabara poxonae Tomás tane xua Jesús equeicha as<sub>u</sub>*

<sup>24</sup> Tomás, bapon Jesús pijimonaetatsi jiwana. Bapon icha w<sub>u</sub>n Gemelo, po w<sub>u</sub>n xua jei: “Nama naexanabe pexuyobe”, jei. Barapon Tomás jopa naecaeyo poxonae Jesús pijimonaetatsi tsita nait<sub>u</sub>ta.

<sup>25</sup> Pirapae poxonae Jesús napitaba ichamonaetatsi pomonaetatsi Jesús pijimonaetatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cow<sub>u</sub>ntsinyo baxua. Jopa bejume cow<sub>u</sub>ntsinyo icha jopa cobe wan taeinyo xua penain wan, xuano xua icha jopa jayabinyo tacobetha. Mata<sub>u</sub>tano jopa bejume cow<sub>u</sub>ntsinyo icha jopa yene wan jayabinyo, jei Tomás.

<sup>26</sup> Poxonae ocho po matabibe yapucaewa xua icha domingotha, bapoxonae equeicha bom<sub>u</sub>x<sub>u</sub>tha nacaetuta Jesús pijimonaetatsi. Bapoxonaer<sub>u</sub> Tomás jame naeca. Bequein bom<sub>u</sub>x<sub>u</sub> boupa bichocono daunwei exana ichitha Jesús jonarena. Pijimonaetatsi peitabarayo deca tauncua. Yawa jacobiyajeye:

—Maisa junte ma pajinompae, jei Jesús.

<sup>27</sup> Bapoxonae Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cowande, jei Jesús.

<sup>28</sup> Nexata Tomás jume nota, jeye:

—¡Jaina, deta Tanecanamataxeinaem! ¡Yawa Nacom, Tanacom! jei Tomás.

<sup>29</sup> Jesús jume nota, jeye:

—Tomás anoxuae nejume cowantame tanetaemxaem. Ichitha pomonae bequein jopa netaeyo xua daichitha nejume cowanta, barapomonae bichocono junte coyene weiweina, jei Jesús.

### *Meje yabara xua eta pocotsiwa metha yabara tina barapo diboro*

<sup>30</sup> Jesús ainya coyenein matowa pijimonae peitatha exaneiba pexeinya petsita itatsi coyenewan. Daxita barapo coyenein awiya yabara seica xua jopa yabara tinaeinyo barapo diborothe. <sup>31</sup> Daxita xua xuan pocotsiwa yabara tinan po diborothe apara xua baxuan painya yabara jume cowantsinexam tsane xua Jesús apara bara Mesías. Matautano yabara tinan xua painya yabara jume cowantsinexa xua Jesús apara Nacom Pexanto tatsi. Matautano yabara tinan xua painya nexenaenexa tsane peajuntayapusawa, po peajuntayapusawa xua ataya tsiteca xua poxonae pajume cowantsiname Jesús.

## 21

### *Meje yabara poxonae Jesús tsita naitata siete poyobe pomonae pijimonaexae tatsi jiwana*

<sup>1</sup> Bapoxonae pirapae equeicha Jesús pijimonae tsita naitata Tiberias pucua itapatha. Poxonae pijimonae tsita naitata poxonae apara iche: <sup>2</sup> Jesús pijimonae tatsi nacaetuta. Barapo matabaxuyobe meje: Simón Pedro, iru Tomás pon icha wan Gemelo, iru Natanael Caná tomarapin, po tomara eca Galilea nacuatha, iru xan, Juan, iru taeweicho xua Zebedeo pexantobe tatsi panbe, iru ichanberu. Daxita barapo matabaxuyobe pan pacaetutan Tiberias pucua itapatha. <sup>3</sup> Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonae jeratha daxita panonobabiyen. Ichitha barapo merawitha jopa duwei pataeinyo, bequein payamonan. <sup>4</sup> Poxonae baya pentha tsina, Jesús pana tsita naitata pitapathiya, tuwatha payana dubendenan. Ichitha paxan jopa payaitaeinyo xua bapon apara Jesús. <sup>5</sup> Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

<sup>6</sup> Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonae pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaewa, poxoru pin duwei tunto pacapirenan. <sup>7</sup> Nexata xan, Juan, ponxaein bichocono Jesús neantobe, Simón Pedro baran, pajanje:

—Apara bapon Jesús, pon Wanecanamataxeinaein, jan.

Poxonae Simón Pedro nejume taeba, bapoxonae paparuwa xua nama xuenabota nainya yacuinaya nama xatataba. Bapoxonae mene weitata jopiya. <sup>8</sup> Ichitha paxan pomonae jopa paraichinyo jeratha pajebounan. Barapo jera be conotha taju tuwatha

berucuarena saya cien metrobe xeina. Bewayo pajeboundenan tsipei peyacamon-  
aewa mentha yawa ducuapona pin duwei tunto. <sup>9</sup> Poxonae jera wepanonobabiyān,  
bapoxonae isoto patan xua barapo isototha duwein y<sub>u</sub>tabo<sub>y</sub>a yawano xua pan boquiya.

<sup>10</sup> Jesús pana barai, jeye:

—Painta xawena duwei xuaunxuae pacaebouname, pana jei.

<sup>11</sup> Simón Pedro jeratha nontabiya. Yawa taetabo itapa bejutabotsina peyamonae  
xua bichocono w<sub>u</sub>nca duwei. Ciento cincuenta y tres po duwei matabax<sub>u</sub>monaebe. Be-  
quein duwei bichocono w<sub>u</sub>nca daichitha jopa ucupanayiyo peyacamonae. <sup>12</sup> Nexata  
Jesús pana barai, jeye:

—Anthā matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon  
jei, tsipei daxita paxan payaitan xua bapon apara pon Patatanecanamataxeinaein.  
<sup>13</sup> Bapoxonae Jesús isoto bepoinya pepichinexa pan. Bapoxonae pana necatsiba yawa  
duwei pana necatsiba.

<sup>14</sup> Baxua exana poxonae nama acoibi po cuiyobe xua Jesús pana netsita nait<sub>u</sub>ta xua  
poxonae equeicha as<sub>u</sub> popona pet<sub>u</sub>pae cuiru coyene weya.

*Meje yabara poxonae Jesús bar<sub>u</sub> cueicueije Simón Pedro*

<sup>15</sup> Poxonae pana nain wetan xua Jesús pana apata, bapoxonae Simón Pedro, Jesús  
yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe  
neantobe? jei.

—Aa, Tanecanamataxeinaem, bara caena bayatha neyaputaneme xua tacaantobe-  
watsi bichocono, jei Pedro.

Jesús barai, jei:

—Icha neantobem, inta tamonaē tana nejume cow<sub>u</sub>antsiwi yawende, icha pon ovej<sub>u</sub>xi  
pe-eenaēin ichi xua yawena ovej<sub>u</sub>xi, jei Jesús.

<sup>16</sup> Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono  
tacaantobewatsi, jei Pedro.

Jesús jume nota, jeye:

—Icha neantobem, inta tamonaē tana nejume cow<sub>u</sub>antsiwi yawende, icha pon ovej<sub>u</sub>-  
monae pe-eenaēin ichi xua yawena ovejamonaē, jei Jesús.

<sup>17</sup> Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro j<sub>u</sub>nt<sub>u</sub> coyene wecoyeyi yaitama Jesús yainyaba acoibi po jume cuiyobetha. Pedro  
jeye Jesustha:

—Tanecanamataxeinaem, bayatha caena daxita yaputaibame. Mata<sub>u</sub>tano yaputane-  
meno xua tacaantobewatsi, jei Pedro.

Jesús jume nota, jeye:

—Icha neantobem, inta tamonaē pomonaē tana nejume cow<sub>u</sub>antsiwi yawende, icha  
pon ovejamonaē pe-eenaēin ichi xua yawena ovejamonaē. <sup>18</sup> Xaniyan catsipae-  
batsi poxonae matha cataunxuae pewowim jinya paparuwa bara jincoutha namax-  
atabeibame. Mata<sub>u</sub>tano matha bara poneibame xua ichaxota ba ichichipa neponaewa.  
Ichitha poxonae perum tsane, ichamonaē camax<sub>u</sub> c<sub>u</sub>biya yotsina. Ich<sub>u</sub>n paparuwa  
cama xatatsina. Ichamonaē camax<sub>u</sub> caponaena ichaxota jopa ichipaem xua nepon-  
aewa, jei Jesús.

<sup>19</sup> Poxonae Jesús baxua paeba Pedro w<sub>u</sub>nae tsiwanaya cui yaputane exainchi xua jiwi  
eta bichi tsane poxonae Pedro bexubinchi. Mata<sub>u</sub>tano Jesús tsiwanaya cui yaputane ex-  
ana xua jiwi Nacom w<sub>u</sub>nae jainchinchī xua poxonae jiwi taena xua po coyene cuirutha

xua poxonae Pedro tupaena peexanaexae pocotsiwa Nacom itoroba. Bapoxonae Jesús jeye Pedrotha:

—¡Bara ataya yacuiya poponare xua tamonaе jitom! jei Jesús.

*Meje yabara poxonae Jesús neyabara paeba ponxaein xua Jesús bichono neantobe*

<sup>20</sup> Poxonae Pedro napatomeicha necota, bapoxonae netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonae matha jan: “Tanecanamataxeinaem, ¿jintam pon cacaenaetapaeba?” ponxaein matha jan. <sup>21</sup> Poxonae Pedro netane, bapoxonae jeye Jesustha:

—Tanecanamataxeinaem, ¿incane ponje tsaneru? jei Pedro.

<sup>22</sup> Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asu poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coyene xua tamonaе jitom, jei Jesús.

<sup>23</sup> Daxota Jesús pijimonaе tatsi, barapomonaе neyabara tsiwun capana pijimonaetha xua xan jopa tatupaewa tsane. Ichitha Jesús jopa paebiyo xua jopa tatupaewa tsane. Saya apara jei: “Icha xan tacoutha ichichipan xua bapon bara ataya asu poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

<sup>24</sup> Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Matauta barapo diborothe xan apara tinan, pon Juan tsocuaein. Bara paichim daxita xua xuan tinan payaputanemeru xua baxuan apara bara pexainyeiwan.

<sup>25</sup> Awiya cui yapu seica xua tayabara tinaewa pocotsiwa Jesús daxita exana. Icha daxita diwesiw tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canaupetsipaetsi.

Baja Juan.



## Po Coyenein Jesucristo Pia Peitorobiwi Tatsi Pexeinya Coyenein Exana

*Meje yabara xua Lucas yabara tina xua Nacom yabara tsiwɛnae muxu duta xua itorobina jiwitha pia Pejumope tɛnaxɛ tatsi.*

<sup>1</sup> Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesitha yabara catsipaebatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, mataɛtano xua pecuidubiwano, xua beya yacui weraweracanaya po mataqueitha poxonae athabe juinya. <sup>2</sup> Poxonae pewɛnaeya tsane xua Jesús athabe icha, matha pia peitorobiwi itapeta. Jesús cuiduba barapomonaе xua Nacom pia Pejumope tɛnaxɛ tatsi pia peayapusɛwatha tatsi. Jesús cata barapomonaе po coyenewan xua Jesús petaexanaenexa tsainchi. <sup>3</sup> Poxonae Jesús equeicha asɛ, poxonae bequein tɛpa, bapoxonae Jesús tsita naitɛta barapomonaetha. Cuarenta po matakabibetha Jesús tsita naitɛba ducuaenaebiya barapomonaе. Petsita naitɛba ducuaenaebiyaexae pijimonaе, barapoxonae pijimonaе yaputainchi xua xaniwaicha bara petɛpaеin equeicha asɛ. Jesús barapo pia peitorobiwi yabara cuiduba po coyene Nacom waba jiwi petanaexanaenexatsi pijimonaе pomonaе itorobiya peewatsixae.

<sup>4</sup> Poxonae cataunxuae awiya Jesús pia peitorobiwi barɛ nacaetuta ducuaenaebiya, Jesús barai, jeye:

—Abɛ jopa paponaeinde Jerusalén tomara weya. Paeware xua Nacom Taxa bayatha yabara paca tsiwɛnae muxu duta. Taxa namchi: ‘Tajumope tɛnaxɛ itorobicaein’, jei. Baraxua bayatha paca tsipaebatsi. <sup>5</sup> Barapon Juan bautisaba ɛ meratha. Ichitha tsiwiyo bayiyo bexa tsane Nacom pia Pejumope tɛnaxɛtha tatsi paca bautisabina. Pacata patsina Nacom pia Pejumope tɛnaxɛ tatsi painya paca barɛ poponaenexa tsane, jei Jesús pijimonaetha.

*Meje yabara poxonae Jesús athabe icha*

<sup>6</sup> Poxonae Jesús pia peitorobiwi barɛ nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimonaе.

<sup>7</sup> Jesús jume nota pijimonaе, jeye:

—Paxam jopa paca itacɛpaeyo xua painya neyaputaewa po dapae poxonae Nacom peexanaewa tsane baxua, mataɛtano xua po mataqueitha poxonae peexanaewa tsane. Saya meisa Taxa xeina peayapusɛ itorobi coyenewa, po peayapusɛ itorobi coyenewatha xua peexanaewa baxua. <sup>8</sup> Poxonae Nacom pia Pejumope tɛnaxɛ tatsi pacata patsina painya nepaca barɛ poponaenexa xua bapoxonae peayapusɛwa painya nexenaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya tajɛ nacuantha, jei Jesús.

<sup>9</sup> Poxonae Jesús baxua najume weta, Jesús athabe caichatsi Nacom. Jesús pia peitorobiwi taeumeinyatsi. Barapomonaе tsaquinaebowa tane xua Jesús matawacaicha duneicatsi. Equeicha Jesús jopa taetsi. <sup>10</sup> Poxonae awiya came barapomonaе necotumeinya itaboco, barapomonaе jemeicha caquita umenarɛɛpatsi pon xua nacueyatabe, ponbe xua pemainya paparuwa penama xatatsinbe. <sup>11</sup> Baraponbe Jesús pijimonaе tatsi baraichi, jeye:

—Ja, pomonae Galilea nacuapiwi pam, ζeta xua metha came awiya paitaboco neco-tumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi jeta coyeneya ichi tsane ichaunxuae aunxuae icha ichi, poxonae athabe icha.

*Meje yabara poxonae Jesús pia peitorobi jiwi tatsi Matías itapetatsi Judas pecoutha petanacuichiwa tsainchi*

<sup>12</sup> Barapoxonae Jesús pia peitorobi jiwi tatsi demxuwa weiyiya po demxuwa pewun Olivo demxuwa xua Jerusalén tomara be-iyiya. Poxoru Jerusalén tomara imoxoyo daxota barapomonae itacupatsi xua peponaewa Jerusalén tomara beya demxuwa weya bequein bara judiomonae pia pentaquei seicae matabi tatsi saya poxoru Moisés pia peitorobi coyenewatha baxua peyabara copatsixae. <sup>13</sup> Poxonae Jesús pia peitorobiwi tatsi pareca Jerusalén tomaratha, athabe jujuinya po tututha athawetsica jinompa. Baraxota jinompa Jesús pia peitorobiwi tatsi pewun Pedro, iru Juan, iru Santiago, iru Andrés, iru Felipe, iru Tomás, iru Bartolomé, iru Mateo. Iru popona ichun Santiago pon Alfeo pexanto tatsi. Iru popona ichun pon pewun Simón. Barapon Simón celotemonae jiwana pin. Barapo celotemonae pomonae ba ichichipa xua pexeinaewa barompaya pia pecanamataxeinaeinchi. Iru popona ichun pon pewun Judas pon Santiago pexanto tatsi. <sup>14</sup> Daxita barapomonae iru Jesús peyapin jiwi tatsi baru nacaetuteibatsi, xua pebaru tsipaebeibinexatsi Nacomtha. Iru Jesús pena tatsi, bapowa María, iru ichowaxi yabuxi baru nacaetuteibatsi xua pebaru tsipaebeibinexatsi Nacomtha.

<sup>15</sup> Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye: <sup>16</sup> “Tamonae pam, pomonae iru painya nejume cowantsiwixae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueije exanatsi Nacom pia Pejumope tuxaxu tatsi xua Judas cui coyene caunutatsi xua pinae Jesús waetabinchi pomonae Judas mataba. <sup>17</sup> Bara Judas yatsicaya pata jiton petain pana nabaru nacuitan barapo penacuichiwa. <sup>18</sup> Poxonae Judas Jesús caenaetatsi, sacerdotemonae pia pentacaponae tatsi Judas catatsi paratixi. Pirapae sacerdotemonae pia pentacaponae tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, unu pichatecatsino abe peexanaexae. <sup>19</sup> Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wun duta po wun jei: ‘Acéldama ira’, jei. Barapo jume, barapomonae pijumetha xua jei: ‘Pejana ira’, jei”, jei Pedro. <sup>20</sup> Equeicha Pedro barai barapomonae pomonae pejume cowantsiwi, jeye: “Salmos penaxanae wei diwesitha Judas petupaexae yabara paeba, jeye: ‘Pia bo tatsi tausaya bo tauncuaeinchi. Jopa ichun ecae tsane baxota’, jei. Matautano namchino: ‘Equeicha pecoutha tanacuitinchi ichun’, jei Salmos penaxanae wei diwesitha, xua Judas yabara”, jei Pedro.

<sup>21</sup> Nexata Pedro equeicha namchi, jeye: “Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanamataxeinaein pana nebaru jinompa daxita pan. <sup>22</sup> Barapo pebiwi taneno xua Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducanaebiya pocotsiwa xua pewunaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna

cueicueijeí tsane xua po coyene Jesús equeicha asu pepoponaewa”, jei Pedro barapo pejume cowantsi jiwitha.

<sup>23</sup> Barapomonaé pomonaé pejume cowantsi jiwí najiwana itapeta ayunbe. Ichun pewun José Barsabás, pon icha wun Justo. Iru ichun pewun Matías. <sup>24</sup> Nexata barapomonaé Jesús athabeicha tsipaebatsi, jeye: “Nacom, pon jiwí Necanamataxeinaem. Daxita jiwí nejuntu coyene yaputaéin. ¿Incane methara ponbe jiwana pon xua ichichipamera, pon xua cuita itapeta ichichipame? <sup>25</sup> Barapon iru penaexanaenexa jinya neitorobi jiton pon xuya Judas pecoutha petanacuichinexatsi. Judas tupa nacabeta abe peexanaexae. Judas pona ichaxota po nacuatha jopa nacoicha duntsiyo isoto”, jei barapomonaé.

<sup>26</sup> Nexata barapomonaé wun jiyatabaxuba ibotiyobe. Nexata saya Matías wun naitataraba. Daxota bapon Matías itapeta cuita wabatsi. Matías once pomonaeyobetha napon pomonaé Jesús pia peitorobi jiwí tatsi.

## 2

*Meje yabara poxonaé Nacom pia Pejumope tñaxu tatsi patopeica pomonaetha pomonaé Nacom pejume cowantsiwi*

<sup>1</sup> Pentecostés matabi tsuxubi, po mataqueitha xua poxonaé jiwí tsinacaetuteiba penabanaenexa pexaewa peyabara nanta xeinaexae xua pexaewa naweta. Barapo matabitha daxita pomonaé Jesús pejume cowantsiwi bara cae botha nacaetuta. <sup>2</sup> Barapo mataqueitha barapomonaé busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canaupa ichaxota barapomonaé nacaetuta. <sup>3</sup> Barapoxonaé barapomonaé tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonaé jajayababa tsiniya taenatsi. <sup>4</sup> Barapoxonaé daxita carepaya barapomonaé juntu coyene yucatsi Nacom pia Pejumope tñaxu tatsi pia peayapusu itorobi coyenewa tatsi. Matautano daxita barapomonaé barompaya tsanaya icha jumeintha cueicueijeí xua be po jumetha Nacom pia Pejumope tñaxu tatsi cueicueijeí cana exana barapomonaé po jumein xua jopa yaputaeyo.

<sup>5</sup> Barapo matabintha, iru pinmonaé judiomonaé pata Jerusalén tomaratha, po judiomonaé i dapocotsi nacuan werena peponaewi xua penataenexa Pentecostés wun matabi poxonaé tsinacaetuta pexaewa penabanaenexa. Barapomonaé bichocono pejume cowantsiwi Nacom. <sup>6</sup> Barapo ayei bicheitomonaé pomonaé judiomonaé barapomonaé busi tane xua po busi, busi duneica ichaxota nacaetuta pomonaé barapon Jesús pia pejume cowantsiwichi tatsi. Barapo judiomonaé jume tane xua daxita barapomonaé barompaya pia jumexitha cueicueijeí xua judiomonaé pia pejume tatsi. Barapoxonaé barapomonaé nanacaetuta Jesús pejume cowantsiwitha. Barapomonaé pomonaé judiomonaé najuntu coyene cabenaeca. Yawa jopa yaputaeyo xua peyabara nanta xeinaewa baraxua tsipei daxita barapomonaé pomonaé Jesús pejume cowantsiwichi barompaya judiomonaé pijumexitha tatsi cueicueijeí. <sup>7</sup> Daxita barapomonaé pomonaé judiomonaé najuntu coyene cabenaeca. Nantiya caemonaé natsipaeba, jeye:

—Jina, bara barapomonaé Galilea nacuapiwiba, pomonaé bequein barapomonaé jopa icha jumeintha pecueicueijeí jiwí xua wajumeintha pecueicueijeíwa! <sup>8</sup> ¿Eta pocotsiwa barapomonaé metha daxita barompaya tsanaya icha jumeintha cueicueijeí xua wajumeintha? <sup>9</sup> Xote jinompa Partia nacuapiwi iru Media nacuapiwiba, iru Elam nacuapiwiba. Barichi xote jinompe Mesopotamia nacuapiwi, iru Judea nacuapiwiba, iru Capadocia nacuapiwiba, iru Ponto nacuapiwiba, iru Asia nacuapiwiba. <sup>10</sup> Matautano

barichi xote jinompa Frigia nacuapiwi, iru Panfilia nacuapiwiba, iru Egipto nacuapiwiba, iru Libia nacuapiwiba pomonae jinompa imoxoyo Cirene nacua. Matautano ichamonae pata pomonae Roma tomarapiwi. <sup>11</sup> Barapo Roma tomarapiwi icha judiomonae pepa judiomonae xua yacui naexana. Icha judiomonae jopa pepa judiomonaeyo. Saya judiomonae penaexanaewi, tsipei barapomonae jume cowanta Nacom icha be judiomonae ichi pomonae pepa judiomonae. Iru pata ichamonae Creta nacuapiwi, iru Arabia nacuapiwiba. Ichitha daxita waxainchi jume tainchi xua Nacom pewnaewan exana peayapuwatha, poxoru barapo Jesús pijimonae tatsi wajumeintha paeba, jei barapo judiomonae.

<sup>12</sup> Daxita barapo judiomonae najuntu coyene cabenaeca. Daxota barapomonae jopa xaniwaicha yabara nanta xeinaeyo baxua. Barapomonae caemonae nayainyabiya, jeye:

—¿Eta pocotsiwa metha baxua jane? jei. <sup>13</sup> Ichamonae saya jume cui capana. Barapomonae namchi, jeye:

—¡Apara barapomonae Jesús pijimonae tatsi cupatsi! jei.

*Meje yabara poxonae xua Pedro tsipaeba barapomonae*

<sup>14</sup> Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Matautano nontapona pepa bicheito itabaratha tatsi. Pedro jume daunweya barai barapo bicheitha, jeye: “Paxam, pomonae Judea nacuapiwi pamxaem iru daxita pomonae Jerusalén tomarapiwi pamxaem, incane pana nejume taema, yabara paca tsipaebinchi xuaunxuae pajume taneme. <sup>15</sup> Barapo pebiwe xua Jesús pijimonae tatsi apara jopa cupaetsi xuaunxuae pacui yabara nanta xeiname. Apara awiya xometo caewa ecareca. Cataunxuae apara baya daxota jopa cupaetsi. <sup>16</sup> Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiwanae muxu duta pon pewan Joel. Joel baraxua Nacom Pejume Diwesitha tina xua saya tatina, xua pinae Nacom paeba.

<sup>17</sup> Jeyei Nacom:

‘Poxonae barapo cae pin nacuathe po matabi  
opi weraweracaena, bapoxonae barapo  
matabitha daxita carepaya jiwitha  
najumope tuxaxu cayataxubiya catsibin.  
Painya nexanto jiwi iru painya nexantixi  
neyabara cueicueijejei tsane pocotsiwa  
xua yaputane exanan.

Pewowi yatsicaya tsita naitateibinchi  
be poxonae camaiteibina.

Pitiri jiwi camaiteibina poxonae amachinae tsane.

<sup>18</sup> Pomonae xua amanaya neyabara diwesi  
canantsipaebina, barapomonaethano  
najumope catsibin barapo matabitha,  
yabuxithano, pebiwithano. Barapoxonae inta cueicueijejei tsane.

<sup>19</sup> Peitabocotha paca tsita itatsinchi po coyenein  
bichocono pewnaewan xua jiwi bichocono  
najuntu coyene cabenaeca exanatsi.

Iratha tsicano paca tsita itatsinchi po coyenein  
xua jopa juniya be pejana tsurucuae tsane, xuano  
xua jopa juniya be isoto tsurucuae tsane, xuano  
xua jopa juniya be nobo tsuxu tsurucuae tsane.

<sup>20</sup> Poxonae patopaetsica pon jiwi Pecanamataxeinaein  
copiya baraxue panecotsiname xua xometo quiri

jei tsane, jopa pentha tsurucuae tsane.  
Yawa panecotsiname xua jomocoichato be  
janowa ducuaena.

Barapo matakabi w<sub>h</sub>nae tsane poxonae pon jiwi  
Pecanamataxeinaein patopaetsica.

Barapo matakabi Nacom pepa peit<sub>h</sub>panae  
matakabi exanaena.

<sup>21</sup> Pomonae picoya penata w<sub>h</sub>caewa Nacomtha xua  
Nacom peyawenaenexa tsainchi, barapomonae  
capanenebiya tsainchi Nacom', jei Joel  
xua saya Nacom tapaebatsi", jei Pedro.

<sup>22</sup> Equeicha Pedro barai barapomonae jeye: "Pomonae Israel nacuapiwi pamxaem,  
incane pana nejume taema, xua paca tsipaebinchí. Jesús, pon Nazaret tomarapinxae  
bapon Nacom itoroba painya xantha. Bapon Jesús pew<sub>h</sub>naewan exana pexeinya petsita  
it<sub>h</sub>tsi coyenewanno Nacom pia peayapus<sub>h</sub>watha tatsi, painya neyaputaenexa tsane xua  
Nacom yawena xua Jesús peyawenaewatsi. Paxam bayatha payaputaneme xua bapon  
tsita nait<sub>h</sub>ba ducuaenebiya. <sup>23</sup> Bayatha Nacom paca cui w<sub>h</sub>nae tsiwanaya tane xua po  
coyeneya pata exanaename pexantotha tatsi. Nacom bara paca cui copata xua abe  
paexaname. Jesús pawaetabame painya caenaetsinexa tsane bapon peacuibe jiwitha.  
Barapomonae Jesús cobe matabobatsi naetotha yawa bexotsi. <sup>24</sup> Ichitha equeicha  
Nacom as<sub>h</sub> exana pexanto pet<sub>h</sub>paee cuiru nacua weya. Nacom Pexanto capanepa pia  
peant<sub>h</sub>yapus<sub>h</sub>watha barapo pet<sub>h</sub>paee cuiru nacua weya, tsipei barapo pet<sub>h</sub>paee cuiru  
nacua jopa xeinaeyo peayapus<sub>h</sub>wa xua Jesús awiya pebotsiwatsi barapo pet<sub>h</sub>paee cuiru  
nacua. <sup>25</sup> Ir<sub>h</sub> David, Israel nacuapiwi itorobiya pia pepa peewatsinchi, caena  
bayatha tina Nacom Pejume Diwesitha. David tina Jesús jume yabara tatsi. David  
namchi, jeye:

'Yaputan xua Tanecanamataxeinaein nebar<sub>h</sub>  
poponeiba daxita matakabi.

Bapon neyaweneiba.

Bapon nebar<sub>h</sub> poponeiba daxota  
jopa junuwin tsane.

<sup>26</sup> Daxota bichocono j<sub>h</sub>nt<sub>h</sub> coyene weiweinan.

Mata<sub>h</sub>tano daxota Nacom Pejume Diwesi

j<sub>h</sub>nt<sub>h</sub> coyene weiweinaya

cueicueijan ichamonaetha.

Bara bequein t<sub>h</sub>paein, m<sub>h</sub>th<sub>h</sub>tha bocuaeinno,

ichitha jume cow<sub>h</sub>ntan xua Nacom equeicha as<sub>h</sub>  
neexanaena pia peant<sub>h</sub>yapus<sub>h</sub>watha.

<sup>27</sup> Xam Nacom jopa punaxubim tsane tajumope  
pet<sub>h</sub>paee cuiru cuariyatha.

Poxoru xan jinya nexanton taj<sub>h</sub>nt<sub>h</sub> cui

xanepanaein daxota jopa benecopatsim

xua tat<sub>h</sub>paein tuxamnuncuaein,

yawa xua tsabanuncuaein.

<sup>28</sup> Neita cui tsita it<sub>h</sub>bame beta xaniwaicha  
tapoponaenexa tsane poxonae equeicha as<sub>h</sub>

neexanaename pet<sub>h</sub>paee cuiru nacua weya.

Nej<sub>h</sub>nt<sub>h</sub> coyene weiweina exaname tsipei

neyanta poponeibame', jei David

xua saya Jesús tapaebatsi", jei Pedro.

<sup>29</sup> Equeicha Pedro barai barapomonaе, jeye: “Tamonaе, daxota beta paca tsipaebatsi xua pinae David wamo susato nacuapin bayatha pinae t̄pa. Piamonaе m̄th̄tha xotsi. Awiya waxantha boca barapo m̄th̄ ichaxota pet̄paеin m̄th̄tha xotsi. <sup>30</sup> Apara, barapon David, pinae Nacom peitorobi jume pepaеbin. Bayatha pinae David nacana w̄naе tsiwanaya muxu tsidutatsi Nacom, xua pinae David pijimonaе tatsi jiwana pon jiwi Pecanamataxeinaеin tatsi naexanaena. Barapon pon Pecanamataxeinaеin jiwi Israel nacuapiwi canamataxeinaеinchi icha cain bayatha David ichi poxonaе canamataxeina barapo Israel nacuamonaе. <sup>31</sup> Bayatha pinae David yabara tsiw̄naе muxu duta xua bexa tsane Nacom Mesías equeicha as̄ exanaеinchi. Nacom Pexanto tatsi pon David yabara jume jei, apara bapon Mesías. David namchi xua Mesías jeyei xua saya pinae David tapaeba: ‘Xam Nacom jopa punaxubim tsane tajumope pet̄paе cuiru cuariyatha. Poxoru xan jinya nexanton taj̄nt̄ cui xanepanaеin, daxota jopa benecopatsim xua tat̄paеin tuxamnuncuaеin yawa xua tsabanuncuaеin’, jei David xua Mesías jeyei. <sup>32</sup> Pon Mesías, pon xuaunxuae yabara paca tsipaebatsi apara bapon Jesús pon Nacom equeicha as̄ exana. Baraxua paxan yatsicaewa pata cui taewi. <sup>33</sup> Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaеin exanatsi Nacom. Matātano Jesús nacana jumope catatsi, Nacom. Barichi baxua xuaunxuae pataneme yawa pana nejume tanemenо xua daxita carepaya barompaya icha jumexitha pacueicueijan, baraxua Nacom pia Pejumope t̄nax̄ tatsi pana cata. <sup>34</sup> Poxoru David saya t̄pa, jopa athabe ichiyo, icha be jopa Jesús ichiyo poxonaе athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye:

‘Nacom, Tanecanamataxeinaеin baraichi.

Tacoxatha weya ecare.

<sup>35</sup> Ab̄ beya poxonaе matapainya necaaitafaetabi jiwi pia Pecanamataxeinaеin tatsi caexanaеinchi. Barapomonaе beexanaetsipa pocotsiwa xua xam nepaеbiwam’, jeye pinae Nacom xua Mesías tsipaebatsi, jei David Nacom nexa”, jei Pedro.

<sup>36</sup> Equeicha Pedro namchi barapomonaetha: “Paxam, pomonaе Israel nacuapiwi pamxaem. Anoxuae payaputaneme pon xua naetha t̄parucua paexaname, Nacom exana xua bapon jiwi pia Pecanamataxeinaеin tatsi naexana. Yawano Nacom naca itata caewata xua pon Mesías jei, pon Nacom itorobica petsit̄paenexa jiwi, apara bapon Jesús”, jei Pedro.

<sup>37</sup> Poxonaе daxita carepaya barapomonaе baxua jume taer̄c̄pa bichocono j̄nt̄ coyene wecoyei ts̄r̄c̄paе. Barapomonaе Pedro baraichi ir̄ Jesús pia peitorobi jiwi tatsi baraichi, jeye:

—Patamonaе, ¿eta bewa pabichin tsane metha? jei.

<sup>38</sup> Nexata Pedro barapomonaе barai, jeye:

—Icha j̄nt̄ coyene paxeinare Nacomtha painya neauraxae xua abe paexaname. Matātano daxita carepaya pam ichamonaе paca bautisabina Jesucristo pew̄ntha xua Nacom pia paca necayabara j̄ntemainaenexa xua abe painya neexanaе cuiru coyenein. Barapoxonaе Nacom paca nacana jumope catsibina. <sup>39</sup> Barapo peyabara tsiw̄naе muxu dutsiwa apara paxam nexa, ir̄ muxuna daxita painya pexui nexano. Matātano pomonaе taj̄ beya jinompa ir̄ barapomonaе nexa. Barichi Nacom pon Wanacanamataxeinaеinxae, pomonaе waba peantobexae barapomonaе ir̄ nexa, jei Pedro.

<sup>40</sup> Barapo jumeintha yawa icha jumeintha Pedro tsipaeba barapomonaе. Matātano Pedro bichocono muxuweta poxonaе jeye:

—Po coyenein xua daxita abe peexanae cuiru coyenein paexaneibame, barapo coyenein pana nacui barapende, po coyenein xua daxita carepaya jiwi exaneiba, jei Pedro.

<sup>41</sup> Po matcabitha poxona Pedro paeba baxua barapo matcabitha pomona jume cowanta xua Pedro paeba barapomona bautisabatsi. Barapo matcabitha tres mil po bicheito jiwimonaebe naexana xua pomona copiya pomona Nacom pejume cowantsiwixaetsi barapomona mataropeicha pinmona naexanatsi. <sup>42</sup> Barapomona nacuiduba nawita, xua Jesucristo pia peitorobi jiwi tatsi paeba. Barapomona nacana cui nanta jupaya jinompa. Nacomtha nabaru tsipaebeibano. Nabaru nacaetuteibano xua penabaru epa janaqueibinexa pan xua penabaru xaibinexa. Barapomona baxua exana dubenanaebiya xua Jesucristo peyabara nanta xeina dubenanaebiyaenexatsi po coyene xua Jesucristo bayatha icha ichi xua poxona pan epa janaca.

*Meje yabara po coyeneya xua jinompa pomona copiya Jesús pejume cowantsiwi*

<sup>43</sup> Jesucristo pia peitorobiwi tatsi, barapomona pexeinya petsita itatsi coyenewan exana nawita Nacom pia peayapuswatha tatsi. Daxota pomona jopa Jesucristo pejume cowantsiwichi, daxita barapomona junuwa, Nacom cunuwatsi poxona cui tane baxuan. <sup>44</sup> Daxita barapomona, pomona Jesús pejume cowantsixaetsi, barapomona xaniwaicha caemona peburuya nabaru jinompa. Matautano barapomona caemona nantiya nacatsiba dubenanaebiya pichiwixi pocotsiwan xua xeina. <sup>45</sup> Matautano barapomona daxitan pocotsiwan xua xeina caenaeta dubenanaebiya. Bapoxona barapo paratixi nata tsaba dubenanaebiya xua jopa pexeinaexae ichamona xua icha be pocotsi coyeneya pocotsiwan canantawenona ichamona. <sup>46</sup> Daxita carepaya barapomona nabaru nacaetuta dubenanaebiya Nacom pin pia botha. Matautano pia boxitha nabaru nacaetuta dubenanaebiya pan nabaru epa nantaruba janaquiya exana dubenanaebiya. Jantema nabaru juntu coyene weiweinaeya xaerubenanaebiya. <sup>47</sup> Daxita barapomona carepaya Nacom wuna jainta dubenanaebiya. Matautano barapomona baru cui itura jinatsi ichamona beta peexanaexae. Daxita matcabi tsaibi pomona Nacom pejume cowantsiwixaetsi barapomona Nacom cana exana xua mataropeicha pinmona tsopona tsaibi.

### 3

*Meje yabara poxona pon pejayujayuwei jiton equeicha cui jume exanatsi*

<sup>1</sup> Caentaqueitha quiripitha poxona tres po horabe tsuxubi po horatha poxona jiwi ba poneiba Nacom pin pia botha xua petsipaebeibinexa Nacomtha bapoxona Pedro iru Juan Nacom pin pia botha jonyabe. <sup>2</sup> Barapo bo Nacom pin pia bo tatsi icha coiboto jiwi wun duta, jeye: “Pexeinya coiboto”, jei. Barapo coibototha daxita matcabi tsaibi pebin cuareteibatsi pon pejayujayuwei jiton xua yawa naexana poxona pexuyo. Daxota bapon baxota cuareteibatsi xua pewunquequeibinexa pomonaetha pomona jojoneibiya barapo coiboto iya. <sup>3</sup> Pon pejayujayuwei jiton wuca paratixi poxona Pedro iru Juan tainchibe xua muxu pejoniyaebe barapo coiboto iya. <sup>4</sup> Nexata Pedro iru Juan tanebe bapon. Pedro barai bapontha, jeye:

—Incane pana taemabe, jei Pedro.

<sup>5</sup> Nexata necota bapon. Nanta xeinataba xua catinchi paratixi. <sup>6</sup> Ichitha Pedro barai bapontha, jeye:

—Canta jopa xeinaeyo paratixi. Matautano jopa xeinaeyo pocotsiwa oro nain matawun. Meisa po coyenewa xua taxainaewa baxua cacatinchi. Jesucristo, Nazaret tomarapin wuntha cabaraichi, asiya uncuatabare yawa pondeno, jei Pedro.

<sup>7</sup> Nexata Pedro pocotsiwa pecoxa weya cobe pita. Yawa asiya cuaranotano. Bapoxona nainya beta taxuyawere daunweya ducuanaya. Pesitano wuna tsanayano.

<sup>8</sup> Nexata bapon pon pejayujayuwei jiton jirawuna. Asiya uncuatabano. Ponano.

Bapoxonae Pedro iru Juan puna jonyatsibe bapon, Nacom pin pia botha. Jirajirawiya ponano. Yawano Nacom wuna jaintatsi. <sup>9</sup> Nexata daxita pomonae xua Nacom pin pia bo tututha peenaexae, tainchi pon pejayujayujei jitonxae xua pona, yawano xua Nacom wuna jaintatsino. <sup>10</sup> Barapomonae daxita carepaya najuntu coyene cabenaecaeya tane, tsipei barapomonae bayatha cui tane xua bapon amanaya jiwi wunquequeiba paratixi pecoibototha, po coiboto pewun “Pexeinya coiboto”, jei.

*Meje yabara poxonae Pedro diwesi paeba Nacom pin pia botha po tututha pewun Salomón bo wun tututha*

<sup>11</sup> Poxonae pejayujayujei jiton awiya maxu waetabatsibe Pedro Juanno bapoxonae iruru daxita jiwi najuntu coyene cabenaecaeya cuinaenouta Nacom pin pia botha xua tututha po tututha Salomón bo wun tututha ichaxota Pedro baru jinompa. <sup>12</sup> Poxonae Pedro barapomonae caetaebiya, Pedro barai: “Ja, pomonae Israel nacuamonaepiwi pamxaem, zeta xua metha daxita paxam pana najuntu coyene cabenaecaeya taneme baxua? zPana neyabara nanta xeinamebe xua pata taayapusuwatha paaxaibi exananbe pejayujayujei jiton? zMatautano pana neyabara nanta xeinamebe poxoru Nacom pajume cowuntanbe daxota pon pejayujayujei jiton axaibi? <sup>13</sup> Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apara bapon baxua taexana Nacom. Bapon Nacom Pexanto bichocono ainya cui cana exana poxonae pexanto asu exana petupae cuiru coyene weya. Bapon apara Jesús pon pacaenaetame pomonaetha pomonae pentacaponawewi, pon bepa bequein isanaxubei Pilato poxonae paxam jopa pacopatsim xua bapon peisanaxubiwa. <sup>14</sup> Bapon pon bichocono pejuntu coyene xanepanaein xua jopa xeinaeyo penatsicuentsiwa xua abe peexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa pawucame xua Pilato peisanaxubiwa ichun pon jiwi pejutebeibin pon Barrabás. <sup>15</sup> Poxonae baxua paexaname barapara Jesús pabexubame. Bapon Jesús pon jiwi cana exanatsi xua jiwi ajuntuyapusuya pejinompaewa. Bapon Jesús Nacom equeicha asu exana petupae cuiru coyene weya. Bara baxua yatsicaya pacui tan daxita. <sup>16</sup> Po jume wun peayapusu wun, bapo wun Jesús pia wun. Daxota pejayujayujei jiton barapo jume wuntha axaibi exanatsi. Barapon pataneme xua axaibi, tsipei bapon jume nanta pitabiya jume cowunta barapo peayapusu jume wun. Daxota barapon painya itabaratha axaibi tsuxubi poxoru jume cowunta Jesús”, jei Pedro.

<sup>17</sup> Equeicha Pedro jeye: “Tamonaeyaputan xua jopa payabara yaputaem xua paexaname poxonae Jesús pabexubame. Barichi painya pentacaponawewino jopa yabara yaputaeyo xua baxua exana. <sup>18</sup> Nacom peitorobi jume pepaebiwu bayatha Mesías yabara tsiwana paebatsi. Barapomonae paeba, jeye: ‘Bexa tsane Mesías bexubinchi’, jei. Nacom bara nacui yabara jume wetu baxua xua bayatha Nacom peitorobi jume pepaebiwu paeba. <sup>19</sup> Daxota icha juntu coyene paxeinare Nacomtha painya neuraxae xua abe paexaname. Yawa pajume cowunde painya nepaca cayabara juntemainaenexa abe painya neexanae cuiru coyenein. Yawa Nacom pawucare xua paca juntu coyene xanepana exanaena. Bapoxonae Nacom paca juntu coyene ayapusuya exanaena. <sup>20</sup> Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiru coyenein weya. <sup>21</sup> Cataunxuae abu Jesucristo equiya Nacom pia nacuatheicha tatsi. Equeicha bapon patopaetsica poxonae Nacom wuna exanaena daxitan, be pocotsi coyeneya bayatha Nacom peitorobi jume pepaebiwu paeba. <sup>22</sup> Barichi Moisés pata amo susato jiton namchi: ‘Painyamonae jiwana Nacom cana exanaena, pon Nacom pia peitorobi jume pepaebin tsecae tsane icha neichi. Pajume cowuntsiya exande daxita pocotsiwa xua bapon paca tsipaebina. <sup>23</sup> Daxita pomonae jopa jume cowuntsiyo



pocotsiwa bapon paeba, barapomonae Nacom weraweraca cana exanaena xua jopa penaexanaenexa Nacom pijimonae tatsi', jeyei Moisés", jei Pedro.

<sup>24</sup> Equeicha Pedro jeye: "Daxita Nacom peitorobi jume pepaebiwi iru Samuel pon xua yatsicaya tabu ducua, baraxua carepaya bapo diwesin yabara paeba barapo matakabin.

<sup>25</sup> Barapo Nacom pia peyabara tsiwuna muXu dutsiwa po peyabara tsiwuna muXu dutsiwa Nacom tsiwanaeya muXu duta Nacom pia peitorobi jume pepaebi jiwitha, apara bara iru paxam nexa. Baxua Nacom pena peyabara tsiwuna muXu dutsiwa Abraham yabara tsiwuna muXu dutatsi pon wamo susatopin xua xanepanaya painya nejinompaenexa. Nacom Abraham baraichi, jeye: 'Caein jinya nemomoxi susato jiwi jiwana pin pepatopaexae tsane daxita i dapocotsi nacuanpiwi yawenaen', jei Nacom Abrahamtha. <sup>26</sup> Poxonae Nacom Pexanto asu exana petupae cuiru coyene weya, bapoxonae copiya pacata itoroba painya xantha pia painya nepaca cayawenaenexa xua daxita paxam painya nenacui barapentsinexa abe painya neexanae cuiru coyenein", jei Pedro.

## 4

*Meje yabara poxonae Pedro iru Juan cueicueijejei tsuncuaebe pomonae tomarapiwi pia pentacaponae wi tatsi peitabaratha tatsi*

<sup>1</sup> Poxonae cataunxuae Pedro iru Juan cueicueijeibe barapomonaetha, bapoxonae sacerdotemonae pia pentacaponae wi tatsi pata. Iru patopa pon soldadomonae pia pentacaponaein tatsi pon Nacom pin pia botha tatsi pe-enaen. Yawa saduceomonae iru pata baxota. <sup>2</sup> Barapomonae bichocono anaepana, yaitama Pedro Juanno paebabe xua po coyene Jesús petupaein equeicha asu, xua pinae barichi jiwino poxonae tupa equeicha asu. <sup>3</sup> Bara nexata Pedro Juanno waetabatsibe barapomonae. Jiwi pecubi botha capoinchibe. Barapo botha etatsibe tsipei quirei tsanaya xua beya poxonae yaitapenacaena. <sup>4</sup> Pinmonae jume tane po diwesi Juan iru Pedro paebabe, yawa jume cowantano barapo diwesi. Barapomonae iruru pomonae copiya jume cowanta caena bayatha, daxita barapomonae nexata daxita cinco mil bicheito tsuxubi xua saya pebiwi ununatsi.

<sup>5</sup> Icha mataqueitha judiomonae pia pentacaponae wi tatsi, iruru pitiri jiwi, iruno pomonae jiwi pecuidubiwi Moisés pia peitorobi coyenewa tatsi, daxita barapomonae nacaetuta Jerusalén tomaratha. <sup>6</sup> Baxota iru nanacaetuta Anás pon sacerdotemonae pia pepa pentacaponaein tatsi. Iru nanacaetuta Caifás, Anás perobi. Iru nanacaetuta Juan iru Alejandro, ponbe Anás piamonae tatsi. Barichiru nanacaetuta ichamonae pomonae sacerdotemonae pia pentacaponae wi tatsi barapomonae piamonae tatsi. <sup>7</sup> Bapoxonae ichamonae itoroba xua Pedro iru Juan pecuaranotatsinexatsibe barapo penacaetutsiwi itabaratha. Yainyabatsibe, jeichibe:

—¿Jintam pia peayapusu itorobi coyenewatha tatsi matautano jintam pewantha tatsi axaibi paexanamebe? jeichichibe.

<sup>8</sup> Pedro bichocono juntu coyene yucatsi Nacom pia Pejumope tuxu tatsi pia peayapusu itorobi coyenewa tatsi. Pedro barapomonae jume nota, jeye:

—Pomonae tomarapiwi pia pentacaponae jiwi pamxaem, iruru pomonae pitiri jiwi pamxaem, pomonae Israel pijimonae tatsi pamxaem, daxita barapomonae pam paca tsipaebatsi. <sup>9</sup> Maisa yabara pana yainyabamebe xua po coyene pejayujayujei jiton axaibi xua painya neyaputaenexa xua eta po coyeneya xua paexananbe poxonae bapon axaibi exanatsi po coyene xua bichocono wuna. <sup>10</sup> Daxota paxanbe paca jume notatsi xua iru israelmonae piwi peyaputaenexa po coyene xua pon pejayujayujei jiton axaibi exanatsi poxonae pawun paeban Jesús pewun pon Nazaret tomarapin. Bapon Jesús, pon apara naetotha tupa ruca paexaname matautano pon equeicha Nacom petupaein asu exana petupae cuiru coyene weya. <sup>11</sup> Bayatha Nacom Pejume Diwesitha

tsiwanaya yabara paeba xua po coyeneya pacana exanaename Jesustha. Paxam be barapocotsimonaе pam, be pocotsimonaе xua ibo bo peacabiwi. Barapomonaе xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cuin xua Nacom ainya cui cana exana beyacaincha ichamonaе. <sup>12</sup> Barapo cae pin nacuathe dapocotsin aibi pon capanepeiba jiwi. Saya meisa bapon Jesús capanepeiba jiwi. Ichun Nacom jopa nacata itorobiyo.

<sup>13</sup> Daxita tomarapiwi pia pentacaponae wi tatsi yabara najuntа coyene cabenaeca xua Pedro Juanno jopa auriyobe xua atsaquiya paebabe. Tsipei barapomonaе pomonaе pentacaitorobi bicheito yaputane xua Pedro Juanno jopa nacuidubiyobe petinae botha matautano xua baponbe saya pecui pawititonbe. Barichi barapo pentacaitorobi bicheito yaputaneno xua xaniwaicha apara baponbe ponbe napuna poponeibabe Jesustha. <sup>14</sup> Barapomonaе moya ena tsipei pon pejayuyajujei jiton Pedro Juanno axaibiya caquita uncuatsibe. Daxota barapomonaе Pedro Juanno jopa abe yabara paebichibe. <sup>15</sup> Pedro Juanno matha pesato beitorobiyatsibe. Barapomonaе natsipaeba. <sup>16</sup> Nabarai, jeye:

—¿Eta bichainchi metha baraponbetha Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexeinya petsita itatsi coyenewa Nacom pia peayapusawatha tatsi. Daxota jopa naca itacupaeyo xua wapaebiwa po coyene xua baponbe jopa apara exanaeyobe pexeinya petsita itatsi coyenewa Nacom pia peayapusawatha tatsi. <sup>17</sup> Maisa aichaxaibichi xua daxita carepaya jiwi jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomonaе.

<sup>18</sup> Barapo pentacaitorobi bicheito equeicha Pedro iru Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomonaе.

<sup>19</sup> Bara nexata Pedro Juanno jume notabe barapomonaе, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba. <sup>20</sup> Bewa paexanaeinbe daxita pocotsiwa Nacom pana neitorobabe. Bewa papaebinde daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

<sup>21</sup> Barapomonaе pomonaе tomarapiwi pia pentacaponae wi tatsi, Pedro iru Juan jume itawetatsibe. Daichitha saya pu copatatsibe. Barapomonaе jopa itacupaetsi xua pecuainchiwatsibe Pedro iru Juan jiwi pecunuwixaetsi, tsipei pinmonae jiwi Nacom wunaе jaintatsi, petaexae pocotsiwa Pedro iru Juan exanabe. <sup>22</sup> Pon pejayuyajujei jiton pontha pon Nacom pexeinya petsita itatsi coyenewa taexana, bapon axaibi exanatsi poxonaе cuarenta po weiyobe xeina.

*Meje poxonaе pomonaе Jesús pejume cowantsiwichi tatsi wuca Nacom xua jopa pejunuwinxeta tsane poxonaе Nacom Pejume Diwesi cueicueije tsane jiwitha*

<sup>23</sup> Pedro Juanno nainya pontababe ichaxota Jesús pejume cowantsiwichi tatsi jinompa. Baxota nanabarunacaetutatsibe. Barapomonaetha paebabe, xua baraunchichibe sacerdotemonaе pia pentacaponae wi, pitiri jiwino. <sup>24</sup> Poxonaе Pedro iru Juan baxua jume taerucupatsibe, barapomonaе Nacomtha tsipaeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno. <sup>25</sup> David pon neitorobi jume pepaebin, nejumope tnanaxun cueicueije cana exanatsi xua cata paeba, poxonaе jeye:

‘¿Eta xua metha, pomonaе jopa judiomonaе naexanaeyo cayabara anaepana?

Bara bequein ichipa abe cata exana  
ichitha jopa itacupaetsi.

<sup>26</sup> Daxita carepaya nacuanpiwi pomonae  
jiwi itorobiya pia pepa peewatsiwichi  
irꝫ ichamonae pomonae jiwi peyanacua  
ewatsiwichi barapomonae nacaetuta xua abe  
necayabara paebinexa yawa xua  
Nexanto pia abe yabara paebichi pon  
Mesías, pon jinya Neitapetsin', jeyei David,  
xua pinae Nacom tapaebatsi", jei  
barapomonae xua wꝫca Nacomtha.

<sup>27</sup> Equeicha bapomonae jeye: "Bara yatsicaya baxua exana poxonae Herodes irꝫ Pon-  
cio Pilato, irꝫ icha nacuamonaepiwino, irꝫ Israel nacuamonaepiwino xote nacaetuta  
Jerusalén tomaratha. Barapomonae nacaetuta xua Jesús abe peyabara paebinexatsi  
nexanto pon pejuntꝫ coyene xanepanaein pon Mesías pon itapetame. <sup>28</sup> Barapomonae,  
pomona xote nacaetuta, exana daxita xua caena bayatha cui wꝫnae tsiwanaya yabara  
paebame po coyene xua barapomonae exanaena. <sup>29</sup> Pata Necanamataxeinaem, matha  
jume taema xua pana yabara abe jume baraunchi xua abe pana exanapaeba. Pana  
care xua neajuntꝫ yapusꝫwꝫ xua jopa junuwiya pata paebinexa tsane jinya jume diwesi,  
tsipei paxan jinya neitorobi jiwi pan. <sup>30</sup> Peatenewi axaibi exande neayapusꝫwꝫ.  
Matautano barabꝫ copatame xua pexeinya petsita itatsi coyenewan paexanaein pox-  
onae pacueicueijan tsane jinya jume diwesi, Jesús nexanto pia peayapusꝫwꝫ tatsi  
pon pejuntꝫ coyene xanepanaein", jei barapomonae poxonae wꝫca Nacomtha.

<sup>31</sup> Barapomonae najume wetarꝫꝫpa xua Nacomtha petsipaebiwa. Bapoxonae ichax-  
ota nacaetuta barapomonae ira jijiyataxuba. Daxita barapomonae juntꝫ coyene yꝫca  
cana exanatsi Nacom pia Pejumope tꝫnaxꝫ tatsi pia peayapusꝫ itorobi coyenewa  
tatsitha. Matautano barapomonae Nacom Pejume Diwesi jopa junuwiya paebinoutsiyo.

*Meje yabara poxonae pomonae Jesús pejume cowꝫntsiwi pocotsiwan xua xeina daxita  
baxuan bara barapomonae nexa*

<sup>32</sup> Pomonae pejume cowꝫntsiwi Jesucristo pinmonae tsoponae. Barapomonae  
pebꝫꝫaya nanta xeina be caenthꝫto coyeneya. Ichꝫn jopa jeiyo: "Apara pocotsiwa  
xeinan meisa tawa", jopa jeiyo. Ichitha daxita xua barapomonae xeina baxua saya  
daxita bara barapomonae nexa. <sup>33</sup> Jesús pia peitorobi jiwi tatsi ajumeyapusꝫaya yabara  
paeba pocotsiwa bayatha tane poxonae Jesucristo pon jiwi Pecanamataxeinaeinchi  
xua equeicha petꝫpaein asꝫ popona exanatsi. Matautano yabara cueicueijei po coyene  
Nacom bichocono wꝫnae exana daxita barapomonaetha peantobexaetsi. <sup>34-35</sup> Jopa  
ichꝫn acopeibiyo pomonae Jesús pejume cowꝫntsiwi. Daxita barapomonae xeina  
xua pocotsiwa penantawenonaewa poxoru ichamonae pomonae nawita pexeinaewi  
caenaeta dubenanaebiya pabin, bomꝫꝫnno. Barapo paratixi poxonae xeineiba, catsi-  
beibatsi Jesucristo pia peitorobi jiwi tatsitha. Nexata xuya barapo paratixi Jesucristo pia  
peitorobi jiwi tatsi catsibeiba pomonaetha pomonae peacopeibi jiwi xua daxota jopa  
petaseicaenexatsi pocotsiwa nantawenona. <sup>36</sup> Barichi exana bapon José pon Leví pia  
pemomo susato jiwana pin. Jesucristo pia peitorobi jiwi tatsi icha wꝫn duta bapontha,  
po wꝫn Bernabé. (Barapo wꝫn, xua hebreo jume jei: "Pon jiwi pentateiqueibin", jei.)  
Barapon José, Chipre tunaetotha naexana. <sup>37</sup> Bapon pia pabi caenaeta. Bapoxonae  
barapo paratixi Jesucristo pia peitorobi jiwi tatsi catatsi peacopeibiwi nexa.

## 5

*Meje yabara poxonae Ananías irꝫ piowa Safira abe exanabe*

<sup>1</sup> Bapoxonae iru ichun pon pewun Ananías iru piowa pewun Safira, pabi xeinabe. Bapon piowabe pia ira caenaetabe. <sup>2</sup> Bapon piowabe najupa nanta xeinabe. Baponbe icha paratixi nata botabe. Icha paratixi Jesucristo pia peitorobi jiwí tatsi catabe bequein Ananías paeba xua daxita catabe Jesús pia peitorobi jiwíthata tatsi. <sup>3</sup> Bara nexata Pedro Ananías baraichi, jeye:

—Ananías, ¿eta xua metha Satanás jume jejam xua cajume tsiduta xua Nacom pia Pejumope tñaxu tatsi muxuitorobame? ¿Eta xua metha paratixi nata botame xua ira matoma cacata? <sup>4</sup> Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. ¿Eta xua metha baxua najuntu coyene xeiname? Jopa apara muxuitorobim pebiwi. Jame yatsicaya apara Nacom pia Pejumope tñaxu tatsi muxuitorobame, jei Pedro.

<sup>5</sup> Poxonae baraxua Ananías jume taeba, petupaein Ananías iratha jopa. Daxita pomonae xua jume tane xua bapon tupa, bichocono junuwa. <sup>6</sup> Pewowi pata. Ananías petupaein mata yarabatsi pesato becayatsi, xua pemuthatha xubinexatsi.

<sup>7</sup> Pirapaeyo poxonae tres po horabe weta, Ananías piowa tatsi patopa ichaxota Pedrobara ena. Barapowa jopa yaputaeyo xua pia pebin tatsi tatupatsi. <sup>8</sup> Nexata Pedro barai barapowa, jeye:

—¿Bara daxita pana catame xoxi pacaenaetame pentoma pabi? jei Pedro.

Barapowa jume nota, jeye:

—Aja, bara daxita, jei barapowa.

<sup>9</sup> Nexata Pedro barai barapowa, jeye:

—¿Eta xua metha pana muxu wetamebe xua Nacom pia Pejumope tñaxu tatsi pamuxuitorobinamebe? Taema, pewowi pomonae aunxuae jinya pebin muthatha xotsi, pecoibotha pata, necamuthatha xubinea tsaneru.

<sup>10</sup> Barapoxonae caena nainya Safira Pedro petaxutha petupaein tanabotabatsi. Poxonae pewowi taeba xua barapowa bayatha tupa, bapoxonae bapowa jontaxorenatsi. Pia pebin cacuita muthatha xorecatsi. <sup>11</sup> Daxita Jesús pejume cowantsi jiwí, ichamon-aeno nthutha nayotarucupa pejunuwixae poxonae baraxua jume tane.

*Meje yabara poxonae Jesús pia peitorobi jiwí tatsi ainya pexeinya petsita itatsi coyenewan exana, Nacom pia peayapuswatha tatsi*

<sup>12</sup> Jesús pia peitorobi jiwí tatsi pexeinya petsita itatsi coyenein exana jiwíthata Nacom pia peayapuswatha tatsi. Pinmonae Jerusalén tomarapiwí pomonae jume cowanta Jesús, Nacom pin pia botha nacaetuta. Po tutu pewun Pórtico de Salomón tutu, bapo tututha nacaetuta. <sup>13</sup> Ichamonae, pomonae xua jopa jume cowantsiyo Jesús, junuwa xua penanacaetutsiwa Jesús pejume cowantsi jiwíthata tatsi. Ichitha barapo Jerusalén tomarapiwí tsita cui wñaetsi Jesús pejume cowantsi jiwí tatsi. <sup>14</sup> Pin bicheito nayoyotapona, pebiwino, yabuxino pomonae xua jume cowantapona Jesús ponxae jiwí Pecanamataxeinaeinchi. <sup>15</sup> Jesús pia peitorobi jiwí tatsi wñaee peexanaexae, Nacom pia peayapuswatha tatsi, daxota pomonae atene namtotha capoinchi. Ichamonae camatha bobena namtotha. Ichamonae weintha bobena. Barapomonae ichipa jayababatsi xua Pedro pejumope tatsi, xua barapomonae peaxaibi exanaenexa tsainchi. <sup>16</sup> Jiwí nacaetuta Jerusalén tomaratha pomonae xua pia toman jeba Jerusalén tomara pepuya weya. Barapomonae capata peatenewi iru pomonae xua matajemabatsi exanatsi cauri. Daxita barapomonae peburaya axaibi exanatsi. Daxita barapomonae carepaya equeicha axaibi.

*Meje yabara poxonae Jesús pia peitorobi jiwí tatsi peraxa exanatsi*

<sup>17</sup> Nexata sacerdotemonae pia pepa pentacaponaein tatsi, iru pomonae xua napuna pona, pomonae saduceomonae, daxita barapomonae Jesús pia peitorobi jiwí tatsi anaepanaya jume uwatsi. <sup>18</sup> Daxota pomonae xua anaepana Jesús pia peitorobi jiwí

tatsi teicatsi. Jiwi pecabi bothano capoinchi. <sup>19</sup> Ichitha Jesús itoroba matatsunpin. Bapon merawi patopa. Jiwi pecabi coiboto yausaranaxuba. Matatsunpin aisowa bema<sub>xu</sub> cayiya Jesús pia peitorobi jiwi tatsi. <sup>20</sup> Matatsunpin Jesús pia peitorobi jiwi tatsi tsipaebatsi, jeye: “Paponde Nacom pin pia botha. Baxota paumende. Payabara paebare daxita jiwitha barapo pena <sub>juntu</sub> coyene po coyene xua Nacom cata jiwitha xua beta pejinompaenexa”, jei matatsunpin. <sup>21</sup> Poxonae baya caemambotha Jesús pia peitorobi jiwi tatsi bara exana xua matatsunpin paeba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, iru saduceomonaeno waba daxita carepaya Israel nacua pia penapatae jiwi xua penacaetutsinexa pentacaitorobi bicheitha. Barapoxonae barapomonae itoroba ichamonae xua Jesús pia peitorobi jiwi tatsi pecuaranobinexatsi pin bicheitha peitabaratha tatsi. <sup>22</sup> Ichitha poxonae policiamonae jiwi pecabi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya capona pin bicheito peitabaratha. <sup>23</sup> Policiamonae namchi, jeye:

—Poxonae papatan jiwi pecabi botha, soldadomonae pomonae peewatsiwi barapo pecabi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

<sup>24</sup> Poxonae sacerdotemonae pia pepa pentacaponaein tatsi, iru Nacom pin pia bo peyabara umenaewi pia pentacaponaein tatsi, iru sacerdotemonae pia pentacaponaein tatsi jume tane baxua, bapoxonae najuntu coyene benaecaeya nayainyaba, jeye: “¿Exota metha jane Jesús pia peitorobi jiwi tatsi? ¿Exua jane?” jei. <sup>25</sup> Iruru barapoxonae pebin patopa. Barapomonae baraichi, jeye:

—Ja, pomonae jiwi pecabi botha pacaponame, barapomonae Nacom pin pia botha umena. Matautano cuiduba jiwi, jei bapon.

<sup>26</sup> Nacom pin pia bo peyabara umenaewi barapomonae pia pentacaponaein tatsi bapon baru pona policiamonaeno Nacom pin pia botha. Equeicha caewa baru den-denatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya baru cui wunaeya carendenatsi poxoru barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinbabiwa tsipaetsi ibotixitha. <sup>27</sup> Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeye:

<sup>28</sup> —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

<sup>29</sup> Nexata Pedro iru ichamonae pomonae Jesús pia peitorobi jiwi tatsi daxita barapo matabuxu yobe jume nota barapomonaetha, jeye:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi. <sup>30</sup> Pata amo susato jiwi pia Nacom tatsi, barapo Nacom Jesús equeicha petupaein asu exanatsi pon xua pabexubame, poxonae naetha teparucua paexanadutame. <sup>31</sup> Nacom Pexanto pia peayapusuwatha exana yatsicaya jiwi pia pepa Pecanamataxeinaein tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha juntu

cui coyene xeinaena bapontha, xua bapoxonae barapomonae Nacom pecui yabara j̄ntemainaenexa po coyene xua barapomonae Nacom tsita natsicuentatsi xua abe pe-eexanaexae. <sup>32</sup> Bara yatsicaya pata cui taewi daxita baxuan, Nacom pia Pejumope t̄nax̄n tatsi ir̄n taner̄n. Daxota paca tsipaebatsi baxua, pocotsiwa xua Jesús exana. Nacom najumope cata pomonaetha pomonae xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

<sup>33</sup> Pentacaitorobi bicheito jume taer̄nc̄pa xua pocotsiwa paeba barapomonae pomonae Jesús pia peitorobiwi tatsi. Bapoxonae barapomonae bichocono case-bar̄nc̄patsi. Barapo pentacaitorobi bicheito ichichipa xua barapo Jesús pia peitorobiwi tatsi pejutewiwatsi. <sup>34</sup> Barapo pentacaitorobi bicheitha eca fariseomonaepin pew̄n Gamaliel, pon jiwi pecuidubin Moisés pia peitorobi coyene tatsi. Jiwi bapon baru cui itura jineibatsi. Bapon asiya uncua yawa itoroba xua bara caeto pesato becayiya tsainchi barapomonae pomonae Jesús pia peitorobi jiwi tatsi. <sup>35</sup> Bapoxonae bapon Gamaliel barai barapomonae pomonae pentacaitorobi bicheitha, jeye:

—Paxam pomonae Israel nacuamonaepiwi pamxaem, dota pam xua pocotsi coyeneya pacana exanaename barapomonae. <sup>36</sup> Metha bara raj̄ntemainame poxonae matha bapon Teudas poxonae pia coya pentacaponaein naexana, nayabara paeba xua pinae bichocono peainya cui jiton. Cuatrocientos pebiwimonae matab̄x̄abe puna jinompatsi bapon. Ichitha poxonae Teudas bexotsi ichamonae, bapoxonae pijimonae tatsi d̄nc̄pa, poxonae daxita yotabatsi. Saya xua Teudas exana baxua pecui paw̄i. <sup>37</sup> Barichi Teudas pepuya weya ich̄n patopa pon pew̄n Judas. Bapon pentacaponaein najainta poxonae jiwi pew̄n tinae matab̄c̄abi tsuxubi. Bapon Galilea nacuapin. Piamonae pin bicheito puna jinompatsir̄n, ichitha barichi bapon Judas bexotsi ichamonae. Barichir̄n pijimonae tatsi tar̄nc̄patsi poxonae yotabatsi. <sup>38</sup> Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonae saya exanaetsipa xua jiwi itoroba, nexata barapomonae jopa amanayabichipae pocotsiwa xua ichichipa peexanaewa. <sup>39</sup> Ichitha icha barapomonae exanaetsipa pocotsiwa Nacom itoroba, nexata paxam jopa pacui amanayabichipaem barapomonae. Dota pam. Daxota jopa paexanaponaeinde po coyene xua Nacom pia peaitafaetabi jiwichi pana naexanaponame, jei Gamaliel.

Barapomonae pomonae pentacaitorobi bicheito bara jopa pecuiyo Gamaliel pepae-bixae. <sup>40</sup> Barapoxonae barapomonae pomonae pentacaitorobi bicheito equeicha wabatsi Jesús pia peitorobi jiwi tatsi. Bapoxonae matha copiya ichamonae itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonae pu copababatsi nama Jesús pia peitorobi jiwi tatsi. <sup>41</sup> Jesús pia peitorobi jiwi tatsi pentacaitorobi bicheito weya pona. Barapomonae j̄nt̄n coyene weiweina tsipei peraxa exanatsi ichamonae, Jesús pijimonaexae xua baxua saya Nacom pecopatsixae. <sup>42</sup> Awiya barapomonae amsiya yabara cuiduba, Nacom pin pia botha Jesús pia pexeinya jume diwesi yawa xua boxithano. Mataatano cuidubano xua Jesús apara Mesías pon Nacom itorobica.

## 6

*Meje yabara poxonae Jesús pia peitorobi jiwi tatsi itapeta siete poyobe peyawenaenexa tsane ichamonaetha*

<sup>1</sup> Barapoxonae barapo mataqueitha pinmonae jume cow̄nta Jesús. Pomonae xua griego jume pecueicueijeijiwi anaya tsipaeba, pomonae xua hebreo jume pecueicueijeijiwi baraichi, jeye: “Patamonae, powaxi pecuenta werapaewaxichi piseurixi powaxi griego jume pecueicueijeiwaxi poxonae judiomonae apata pexaewa, barapowaxi saya peyaxi apatatsi pexaewa. Ichitha meisa judiomonaewaxi powaxi pecuenta werapaewaxichi barapowaxi jopa juniya nabaneibiyo”, jei. <sup>2</sup> Jesús pia peitorobi jiwi

tatsi, pomonae doce poyobe, barapomonae baru nacaetuta ichamonae pomonae iru Nacom pejume cowantsiwi. Barapomonae pomonae Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijeixa Nacom Pejume Diwesi xua saya pexaewa pata apatsinexa jiwi. <sup>3</sup> Daxota wajiwimonae paitapere siete poyobe pebinbe paxam jiwana. Paitapere pomonae xua daxita jiwi ita cui juntu coyene xanepaneibatsi, pomonae xua juntu coyene yucatsi Nacom pia Pejumope tñaxu tatsi pia peayapusuwatha tatsi, pomonae xua peyaputaewi. Barapo siete poyobe pacui itorobin xua pexaewa apateibina. <sup>4</sup> Bapoxonae paxan Jesús pia peitorobiwi tatsi pan, jopa paapatsin tsane pexaewa. Saya meisa Nacom pata tsipaebeibichi nawita yawa pata cueicueijeixa tsabichi Jesús pejume diwesi, jei barapomonae.

<sup>5</sup> Jesús pejume cowantsi jiwi tatsi nanta jupaya nanta xeinaruçupa. Bapoxonae Esteban itapetatsi. Bapon Esteban pon bichocono jume cowanta Jesús yawa bichocono juntu yucatsi Nacom pia Pejumope tñaxu tatsi pia peayapusuwa tatsi. Itapetatsi Felipeño, iru Prócoro, iru Nicanor, iru Timón, iru Parmenas, iru Nicolás. Bapon Nicolás Antioquía tomarapin. Bapon copiya jopa naexanaeyo judiomonaepin. Poxonae jume cowanta Nacom, bapoxonae judiomonaepin naexana. <sup>6</sup> Barapoxonae barapo siete poyobe Jesús pejume cowantsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya tawuca Nacomtha xua Nacom yawenaena barapomonae.

<sup>7</sup> Pinmonae jume tane Nacom Pejume Diwesi. Pinmonaeno iru jume cowanta Cristo Jesús, pomonae Jerusalén tomaratha jinompa. Iru judiomonae pia sacerdotemonae tatsi, barapocotsimonae pin bicheito jume cowanta.

### *Meje yabara poxonae Esteban waetabatsi*

<sup>8</sup> Esteban pexeinya petsita itatsi coyenewan exaneiba jiwitha Nacom pia peayapusu itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapusuwa. <sup>9</sup> Nexata nacaetuta pinmonae judiomonae pia penacaetutsi botha tatsi. Ichamonae wun dutatsi xua jeichichi: “Pomonae pepu sorobabebiwichi poxonae busi cui tatayebebatsi”, yabara wun jeichichi. Iru nanacaetutapona Cirene tomarapiwi, iru Alejandría tomarapiwi, iru Cilicia nacuapiwi iru Asia nacuapiwi. Daxita barapomonae Esteban jume matsontsonobatsi. <sup>10</sup> Ichitha Esteban xaniwaicha cueicueijeixa exanatsi Nacom pia Pejumope tñaxu tatsi. Daxota poxonae Esteban paeba barapomonae jopa itacupaetsi xua beta pejume notsiwa. <sup>11</sup> Nexata barapomonae po pin bicheito penacaetutsimonae ichamonae nantsiyatsiya catatsi paratixi petacamuxutorobinexa tsainchi xua Esteban paeba. Barapomonae pomonae pemuxutorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei. <sup>12</sup> Barapo jumetha pemuxutorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Iru pomonae jiwi pecuidubiwi Moisés pia peitorobi coyene tatsi barapomonaeno iru anaepana. Daxota barapo penapatae jiwi iru pomonae jiwi pecuidubiwi Moisés pia peitorobi coyene tatsi barapomonae Esteban yorobateicatsi. Pentacaitorobi bicheito peitabaratha capoinchi. <sup>13</sup> Barapo pentacaitorobi bicheito equeicha waba pomonae Esteban jume cui canaerabatsi wabatsi. Barapomonae pomonae penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei. <sup>14</sup> Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonae pomonae penaerabiwi.

<sup>15</sup> Pomonae baxota ena pomonae pentacaitorobi bicheito, barapomonae Esteban necotenatsi. Barapomonae itabara tayena xua Esteban peitabara be matatsunpin itabara, xua bichocono wɥnae.

## 7

### *Meja yabara poxonae Esteban pentacaitorobi bicheito itabaratha pia coya paeba*

<sup>1</sup> Nexata sacerdotemonae pia pepa pentacaponaein tatsi bapon Esteban baraichi, jeichi: “¿Bara xainyei xua barapomonae cabarai?” jei sacerdotemonae pia pepa pentacaponaein tatsi. <sup>2</sup> Esteban jume nota, jeye: “Tamona pam pana nejume taema. Wana-com wɥnae nawita. Barapon Abraham tsita naitutatsi poxonae caena bayatha awiya Mesopotamia nacuatha popona. Bapon Abraham wamo susatopin matha copiya tsi-wanaeya popona Mesopotamia nacuatha poxonae Harán tomara bewarapiya. <sup>3</sup> Nacom pinae Abraham baraichi: ‘Barapo ira jinya ira cuenta warapare. Jinyamonaeno cuenta warapare. Icha ira bewarapiyama ichaxota po ira beya cacaponaeinchi’, jei pinae Nacom. <sup>4</sup> Nexata pinae Abraham Caldea nacua wewarapiya. Harán tomara pinae bewarapiya. Poxonae pinae Abraham Harán tomaratha popona pinae Abraham paxa tatɥpatsi pon pewɥn Taré. Bapoxonae Nacom, Abraham pinae itorobatsi barapo irathe po irathe pajinompage anoxuae. <sup>5</sup> Barapoxonae pinae Abraham cataunxuae jopa catichi ira. Saya pinae tacayabara wɥnae tsimumu dutatsi. Nacom pinae Abraham baraichi: ‘Jinya ira tsane, irɥ jinya jiwi penaitapataya naexana dubenaponeibiwi tsane pomonae jinya nemomo susato jiwi pia ira nexa tsanerɥ’, jei pinae Nacom. Ichitha pinae barapoxonae jopa xeinaeyo pexui. <sup>6</sup> Baraxua Nacom pinae Abraham baraichi: ‘Jinya nemomo susato jiwi icha nacuatha jinompaena. Be pomonae penanapaincha jinompaewi tsicotaeinchi xua be pocotsi jiwimonae icha nacua werena peponaewi. Tanacuitinchi ichamonae xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weiyobe tsane xua jinyamona naitapataya atene exaneibinchi’, jei Nacom Abrahamtha. <sup>7</sup> Equeicha Nacom tsipaeba Abraham, jeye: ‘Barapomonae xua abe pacata exanaena poxonae paca busi cui tataibina barapomonae jopa cui janteminaein tsane. Barapomonae itawetsiya peraxa jɥbin. Bapoxonae jinya nemomoxi susato jiwi warapaena po nacuathe ichaxota uncuame yawa wɥnae nejainchina xote’, jei pinae Nacom Abrahamtha. <sup>8</sup> Nacom pinae Abraham itorobatsi xua peexanaenexa po coyene xua pexui pebin wɥtixi pewi thabiwatsi xua ichaxota nareixacaena. Barapo coyene exana Abraham penanta xeinaenexa irɥ piamonae tatsi xua po coyene bayatha Nacom pinae yabara tsiwɥnae muxu duta, xua bepa pinae yaweneibina xua barapomonae pinae bepa yaweneibinchi. Daxota pinae poxonae Abraham pexanto tanaexanatsi pexanto wi thaba, pinae pewɥn Isaac. Isaac irɥ pinae barichi pexanto wi thaba, pinae pewɥn Jacob. Jacob irɥ pinae barichi wi thaba pexanto jiwi, pomonae bayatha Israel nacuamonaepiwi pia pentacaponae wi tanaexanatsi barapo doce poyobe.

<sup>9</sup> “Jacob pia pexanto jiwi tatsi, barapo doce poyobe, wamo susatomonae. Barapo doce poyobe jiwana caein pewɥn José. José pentapin jiwi uwatsi. Daxota José pentapin jiwi caenaetatsi. Pomonae bapon José comotatsi barapomonae José Egipto nacua becayiyatsi. Pon be jiwi pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebarɥ poponaexaetsi. <sup>10</sup> Poxonae José abe jume baraunchaibichi ichamonae, yawa poxonae muxu atene peexaneibichi awiya José capanepeibatsi Nacom. Poxonae faraón peitabaratha taponatsi José, Nacom exana xua José faraón tsita jɥntɥ coyene xanapanatsi. Mataɥtano Nacom peyaputaen exanano. Bapon faraón Egipto nacuamona pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Mataɥtano faraón cana exana xua José canamataxeina daxita xua xuan faraón xeina.



<sup>11</sup> “Barapoxonae Egipto nacuatha jainbo nacua tsurucuaeno, Canaán nacuathano iru. Pata amo susato jiwí jopa pexaewa taeyo. Yawa piyain pewerapae nacua tsurucuae poxoru pexaewa ajibi. <sup>12</sup> Poxonae Jacob jume tane xua trigo xu xeina Egipto nacuatha, pia pexui bara beitorobiya. Barapon Jacob pia pexui tatsi, pata amo susato jiwí. Baraxua poxonae xua copiya aena pona Egipto nacuatha. <sup>13</sup> Poxonae equeicha pona José pentapin jiwí tsita naitapeinya xeina xua bapon bara peweicho jiwí tatsi. Bapoxonae faraón yaputane xua barapomonae apara bara José piamonae tatsi. <sup>14</sup> Pirapae José pentapin jiwí itoroba xua petabarũ dendaenexatsi paxa tatsi, pon pewũn Jacob, mataũtano piamonae tatsi petabarũ dendaenexatsi po jiwimonaexae xua setenta y cinco poyobe. <sup>15</sup> Daxota Jacob iru pijimonaeno Egipto nacua beya warapa. Baxota pirapae bapon tũpa. Iru pirapae pata amo susato jiwino weraparũ baxota. <sup>16</sup> Pirapaeno Jacob piwan capoinchi Siquem tomara beya. Baxota piwan mũthũtha xotsi, po ira bayatha Abraham comota, po ira Hamor pexantixi tatsi caenaeta.

<sup>17</sup> “Ainya wei tsuxubi. Poxonae barapomonae Egipto nacua wewarapiyaenaba, be pocotsi coyeneya bayatha Nacom yabara tsiwũnae muxu duta, bapoxonae Israel nacuapiwi pinmonae naexana. <sup>18</sup> Nexata Egipto nacuatha ichũn nacua peewatsin naexana, pon José jopa yaputaetsi. <sup>19</sup> Barapo Egipto nacuapiwi itorobiya pia pepa peewatsinchi tatsi pata amo susato jiwí muxuitorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaibi tsane aisowatha xua pewerapeibinexa. <sup>20</sup> Barapoxonae iru Moisés naexanaru. Moisés paxa pia botha wihatatsi acoiibi po xometiyobe. Barapon Moisés pexeinyan nawita Nacom tsita jũntũ coyene xanepanecatsi barapo pexuyo. <sup>21</sup> Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa cuba, barapoxonae faraón pexantiyo tatsi Moisés pitatsi. Be pexanto tsicotane, pia botha wichata. <sup>22</sup> Bapon Moisés nacuiduba nawita pocotsiwa Egipto nacuamonae yaputane. Daxota peyaputaen tsecaeno, wũnae peexanaein tsecaeno.

<sup>23</sup> “Pirapae poxonae Moisés yacurenta po weibe jopa, bapon nanta xeina xua piamonae pesiwa ponaewa pomonae Israel nacuamonaexae. <sup>24</sup> Poxonae Moisés piamonae siwa pona, bapon tane xua piamonae jiwana tatsi tabũtsi, Egipto nacuapin. Daxota Moisés yawena pon piamonae jiwanaxae tatsi yawa bexuba Egipto nacuapin. <sup>25</sup> Moisés nanta xeina, pia coutha nabarai: ‘Tamonae, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua weya, penacapanenebiyaenexa tsane’, najei. Ichitha daũmetha barapomonae jopa tsaqueinaeyo. <sup>26</sup> Icha matabitha Moisés tane xua caepinbe iru nababerũ Israel nacuamonaepinbe. Moisés barai baponbe: ‘Ja, ¿eta xua metha caepinbe pana nabamebe?’ jei. <sup>27</sup> Pon piamonae ba, Moisés napuna torobapoinchi. Moisés baraichi: ‘¿Jintam caitoroba pata xantha xua pon be jiwí neyabara paebin penatsicuentsiwa xua abe peexanaexae, xuano xua jiwí Necanamataxeinaem naexaname?’ <sup>28</sup> ¿Jinya nebexuichi icha mexuae ichim Egipto nacuapin?’ jeichichi Moisés. <sup>29</sup> Poxonae Moisés jume taebiriwa baxua, Moisés naetsiricua Madián nacua benaetsiricuiya. Baxota Moisés tanaexanatsi pexuyobe, pebin wũtobe”, jei Esteban.

<sup>30</sup> Equeicha came Esteban barapomonae barũ cueicueijei. Namchi, jeye: “Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacuatha. Imoxoyo demxuwan, po demxuwan pewũn Sinaí baraxota Moisés tsita naitũtatsi matatsunpin xua poxonae isototha uncua xua taxuncua tsica naeyo. <sup>31</sup> Moisés yabara najũntũ coyene cabenaeca. Bapon itatapoinya tsipei ichipa yaitane. Bapoxonae baxota Moisés jume tane xua Nacom namchi: <sup>32</sup> ‘Apara jinya amo susato jiwí pia Nacom tatsin. Iru apara, Abraham pia Nacom tatsin. Iruũ apara Isaac pia Nacom tatsin. Apara iru Jacob pia Nacom tatsin’, jei Nacom. Moisés pijunuwi bichocono jiyijiyei daxota aichaxaibi xua

tane. <sup>33</sup> Nacom pinae Moisés baraichi: ‘Xua nataxu xatatame nataxu wejonde, poxoru po iratha poname apara tairiyo. <sup>34</sup> Tamonae, pomonae Egipto nacuatha jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya’, jei pinae Nacom”, jei Esteban.

<sup>35</sup> Equeicha Esteban namchi, jeye: “Pomonae Egipto nacuatha jinompa, barapomonae Moisés aichaxaibichi. Barapomonae Moisés baraichi: ‘¿Jintam caitoroba pata xantha xua naexaname pon be jiwi neyabara paebin xua penatsicuentisiwa xua abe peexanaexae xuano xua naexaname pon be necanamataxeinaein?’ jei barapomonae. Bequein barapomonae baxua paeba ichitha Nacom cana exana xua bapon Moisés naexana be pon jiwi peyabara paebin xua penatsicuentisiwa xua abe peexanaexae. Matautano Moisés cana exanatsi pon pecapanepaein piamonae. Baxua Moisés naexana poxonae matatsunpin itoroba po matatsunpin Moisés tsita naitatsi poxonae isototha uncuaxua taxuncua tsica naeyo. <sup>36</sup> Bapon Moisés pon wamo susato jiwi capanepatsi Egipto nacua weya. Moisés petsita itatsi coyenewan exana Nacom pia peayapuswatha. Baxua exana Egipto nacuatha, Mar Rojo menthano. Matautano exanano ichaxota ira xuepana susato tsurucuae nacuatha cuarenta po weibetha. <sup>37</sup> Moisés Israel nacua monae jiwitha namchi: ‘Nacom paca jiwana cana exanaena pon pia peitorobi jume petapaebinchi icha neichi barichi tsane. Bapon xua pon Nacom itorobina, apara pon painyamonae jiwana tsane’, jei Moisés. <sup>38</sup> Matautano apara bapon Moisés pon nanacaetuta poxonae Israel nacua monae nacaetuta ichaxota ira xuepana susato tsurucuae nacuatha. Matautano bapon Moisés diwesi tsipaeba jiwitha xua petsipaebixaetsi matatsunpin poxonae tsipaebatsi demxuwatha po demxuwa pewun Sinaí. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntayapusawa pexeinaewa. Barapo diwesi iru waxainchi nexaru.

<sup>39</sup> “Ichitha barapomonae wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomonae ichipa xua equeicha caibeya penawibiwa Egipto nacua beya. <sup>40</sup> Poxonae cataunxuae Moisés demxuwatha pona, barapoxonae barapomonae Moisés peweicho tatsi pon pewun Aarón, bapon baraichi: ‘Painata exande ainya ibo nain nacomun. Barapo ibo nain nacomun naca tsiwana copiya cajjincaena namtotha. Jopa payaputaeyo xua Moisés aichawiya pon pana matacapona Egipto nacua weya’, jeichichi Aarón. <sup>41</sup> Barapoxonae barapomonae penain nacom exana be vacayo pebtiyo canaxobeta. Bapoxonae barapomonae tabexuba oveja, penain nacom vacayo nexa. Tsipei barapomonae nanta xeina xua metha penain nacom ichichipa baxua. Barapomonae bichocono juntu coyene weiweina penain nacom pia coya peexanaexae, xua pin penabanaewa xua pebaru itura jinaenexatsi barapo ibo nacom. <sup>42</sup> Barapomonae Nacom wepu tsatajopa tsipei barapomonae pia penain nacom exana. Nacom bara copata barapomonae xua bara barapomonae bara exanaena be pocotsi coyeneya xua ichichipa peexanaewa. Daxota barapomonae opitei be nacom cana exana, po opitei barapomonae wunae jainta. Barapomonae pomonae wamo susatomonae, exana pocotsiwa caena bayatha Nacom pia peitorobi jume pepaebin yabara cui tsiwunae muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesitha, jeye:

‘Israel nacua monae, paxam oveja pabexubame

painya penain nacomun nexa,  
ichitha xan nexa jopa paraichim.

Baraxua paexaname poxonae pajinompame ichaxota  
ira xuepana susato tsurucuae nacuatha  
xua cuarenta po weibetha.

<sup>43</sup> Yawa pacaponame penain boutiyo nacom

po penein boutiyo nacom pewan Moloc.  
 Yawa pacaponame icha penain opitei nacom  
 po opitei penain nacom pewan Refán.  
 Barapo penain nacombe paexaname  
 painya wanae jaintichi.  
 Daxota xan itorobin ichan xua paca mata  
 cawarapaena Babilonia nacua beya.  
 Bequein jopa bepawarapaem ichitha awiya  
 paca itorobinchi', jei Nacom.

<sup>44</sup> “Wamo susato jiwi exana xua be bo xua anseraboco, xua ichaxota tututha jeba ibo xua po iboton Moisés mata tina xua Nacom pejume caitorobiwan. Barapomonae cuita acaba be pocotsi boyo Moisés tsita itatatsi Nacom. <sup>45</sup> Wamo susato jiwi poxonae tawerapatsi paxa tatsi, itorein pita barapo boyo xua anseraboco boyo. Pata tamo jiwi Nacom pia boyo capona poxonae Josué napon. Poxonae pata tamo jiwi ainya nacuan nonota tsiniya barapoxonae equeicha barapo anseraboco boyo capona beya yacobe cui matakabi othopa poxonae David popona pon Israel nacuapiwi itorobiya pia pepa peewatsinchi. <sup>46</sup> Bapon David pon Israel nacuapiwi itorobiya pia pepa peewatsinchi tatsi, Nacom tsita pejuntú coyene xanepanaeinchi. Bapon David ichichipa xua acaba pin bo Nacom nexa po Nacom Jacob pia Nacom tatsi. <sup>47</sup> Ichitha Salomón bapon apara pon Nacom pin pia bo exana. <sup>48</sup> Bequein Nacom pon pepa Nacom jopa poponaeyo botha pocotsi bo jiwi acaba Nacom nexa. Nacom peitorobi jume pepaebin baxua yabara paeba xua Nacom tapaebatsi, jeye:

<sup>49</sup> ‘Peitaboco apara ichaxota taequeibithopeibiwa.

Ira apara ichaxota nataxu yatabotan.

¿Eta pocotsi bo netsiexanaename?’

jei pon Wanacanamataxeinaein.

Matautano jeino: ‘Ichacuitha ¿eta po irara

xua ichaxota nafifinacaecaen?’

<sup>50</sup> Apara xan tacoutha exanan daxita ira yawa peitaboco daxota jopa nantawenonaeyo xua ichawa tana netsiexanaewam’, jei Nacom”,  
 jei Esteban.

<sup>51</sup> Equeicha Esteban barai, jeye: “Maisa bichocono pajuntú coyene daunwam xua jopa bepayaputaem. Matautano pamuxu tutu daunwam, yawano pajuntú coyene daunwam icha be pocotsimonae ichi pomonae jopa peyaputaewi Nacom. Barichi paaichaxaibim Nacom pia Pejumope tñaxú tatsi. Paxam bara paichim icha painya amo susato jiwi ichi. <sup>52</sup> Apara painya amo susato jiwi bayatha Nacom pia peitorobi jume pepaebiwi catsa jume barú paebatsi, yawa cueintatsino. Matautano bayatha jutebatsi barapomonae pomonae Nacom pia peitorobi jume pepaebiwi, pomonae namchi: ‘Bexa patopaena pon pepa pejuntú xanepanaein pon Mesías baraichi’, jei. Cain paxam, barapon poxonae patopa, pacaenaetame, pabexubameno. <sup>53</sup> Nacom pia peitorobi diwesi pajume taneme xua matatsunpiwi paca tsipaeba Nacom nexa. Ichitha jopa paexanaem pocotsiwa Nacom paca itoroba barapo pia peitorobi diwesitha”, jei Esteban pentacaitorobi bicheitha.

### *Meje yabara poxonae Esteban tupa*

<sup>54</sup> Poxonae pentacaitorobi bicheito jume tane pocotsiwa Esteban paeba, bapoxonae bichocono Esteban yabara cui anaepanarúcpatsi. <sup>55</sup> Ichitha Esteban bichocono juntú coyene yuca cana exainchi Nacom pia Pejumope tñaxú tatsi pia peayapuswatha. Esteban athabeicha necoicha. Bapon necota Nacom pia peitupanae coicha tatsi irú Jesucristo xua uncua Nacom pecoxatha tatsi. <sup>56</sup> Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncuá Nacom pecoxa weya tatsi ponxae Nacom pia Peitapetsin tatsi, jei Esteban.

<sup>57</sup> Barapomonae jume itapataya namuxu acaba pocotsiwa Esteban paeba. Yawa anaepanaya wawai. Barapomonae be cae bicheito naexana pomonae Esteban betacuinaeyiyatsi. <sup>58</sup> Barapomonae Esteban aisowa bexoyatsi tomara weya. Yawa baraxota ibotontha cuinbabatsi. Pomonae abe peexanaewichi Esteban, barapomonae Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

<sup>59</sup> Poxonae barapomonae Esteban cuinbabompatsi ibotontha bapoxonae Esteban tsipaeba Nacomtha, jeye: “Jesús, pon Tanecanamataxeinaem, nejumope t̃nax̃u pire”, jei Esteban. <sup>60</sup> Bapoxonae pentabocototha uncuá. Namtsebiya wawaino, jeye: “¡Jesús, Tanecanamataxeinaem! ¡Necana cui j̃ntemainare, yawa jopa neyantomatsinde xua barapomonae inta abe exana!” jei Esteban.

Poxonae najume wetaba, t̃panaicha Esteban.

## 8

<sup>1</sup> Saulo ir̃u bar̃u ita cui w̃naetsi poxonae ichamonae Esteban bexotsi.

*Meje yabara poxonae Saulo abe exana pomonaetha pomonae Jesús pejume cow̃ntsiwi*

Po matabitha Esteban bexotsi, barapo matabitha judiomonae tamropata notar̃sc̃pa xua Jesús pejume cow̃ntsi jiwi tatsi bichocono abe exanatsi Jerusalén tomaratha. Daxita Jesús pejume cow̃ntsi jiwi tatsi yotabatsi. Ichamonae Judea nacua ber̃sc̃piya, ichamonae Samaria nacua ber̃sc̃piya. Meisa Jesús pia peitorobi jiwi tatsi pomonae xua doce poyobe ena Jerusalén tomaratha. Jopa d̃sc̃paeyo. <sup>2</sup> Ichamonae, pomonae Nacom pejume cow̃ntsiwichi, Esteban m̃th̃tha xotsi. Barapomonae Esteban bichocono siwa wecoyeichi. <sup>3</sup> Saulo jeita ducuaeta Jesucristo pia pejume cow̃ntsi jiwi tatsi. Daxita bom̃x̃n j̃paya Saulo jiwi teteica tsiniya yab̃x̃ino pebiwino. Jiwi pec̃bi bo beya capona.

*Meje yabara poxonae Jesús pejume cow̃ntsi jiwi tatsi paeba dubenanaebiya Jesús pia pexeinya jume diwesi tatsi Samaria nacuatha*

<sup>4</sup> Pomonae bewa Jerusalén tomara wer̃sc̃piyaena barapomonae Jesucristo pia pecapanepae jume diwesi paeba dubenanaebiya daxita po tomarantha xua pateiba.

<sup>5</sup> Barapomonae jiwana tatsi pon Felipe baraichi bapon pona pepa tomaratha Samaria nacuatha. Barapo tomaratha tamropata pitaba xua pecueicueijeija Cristo yabara.

<sup>6</sup> Jiwi nacaetuta dubenanaebiya. Matautano jume naitomatsiya jume taerubenanaebiya pocotsiwa Felipe cueicueijeija Cristo yabara. Matautano barapomonae taerubenanaebiya pexeinya petsita itatsi coyenewan xua Felipe exana Nacom pia peayapus̃u itorobi coyenewatha. <sup>7</sup> Pomonae xua cauri pexeinaewi, barapomonae equeicha axaibi exanatsi poxonae Felipe taitaweta cauri. Matautano caurimonae barapomonae wawaya wepu d̃sc̃peibatsi. Ichamonae pomonae pecuenobichi jiwi, pejayuyujeyimonaeno, daxita barapomonae axaibi exanatsi. <sup>8</sup> Felipe baxua peexanaexae daxota barapo tomarapiwi bichocono j̃nt̃u coyene weiweinaya jinompa.

<sup>9</sup> Barapo Samaria tomaratha popona pon pentaw̃n Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxonae bapon pia coya pentacaponaein naexana. <sup>10</sup> Daxita tomarapiwi pomonae peacopeibiwi ir̃u pomonae nawita pexeinaewino, barapomonae beta jume naitaewata pocotsiwa Simón paeba. Barapomonae namchi, jeye: “Barapon Simón apara pon yabara jeichichi: ‘Pon bichocono Nacom pia peayapus̃wa tatsi xeina’, yabara jeichi”, jei barapomonae.

<sup>11</sup> Daxita barapo tomarapiwi itapeta jume naitaewata pocotsiwa Simón paeba, tsipei saya caena bayatha barapomonae muxujainyabatsi mara peexanaewi pia coyeneyatha

tatsi. <sup>12</sup> Barapomonae jume cowanta po pexeinya jume diwesi Felipe cueicueijeji xua Nacom yawa Jesucristo yabara, po diwesi xua Nacom waba jiwi petanaexanaenexatsi pijimonae tatsi jiwana pomonae Nacom itorobiya ewata. Bapoxonae barapomonae bautisabatsi pebiwi yawa yabuxino. <sup>13</sup> Bapoxonae bapon Simón iru jume cowanta. Irano bapon bautisabatsi. Matautano bapon tamropata pitaba xua Felipe peyantsi-watsi. Bapon Simón yabara najuntu coyene cabenaeca bichocono poxonae Felipe pexeinya petsita itatsi coyenewan exana Nacom pia peayapusuwatha.

<sup>14</sup> Jesucristo pia peitorobi jiwi tatsi, pomonae peenaexae Jerusalén tomaratha, jume tane xua Samaria nacuamonae jume cowanta Nacom Pejume Diwesi. Daxota barapomonae Pedro itorobatsi iru Juan itorobatsi, Samaria nacuamonae beya. <sup>15</sup> Poxonae Juan Pedrobe patopabe barapomonaetha, bapoxonae Nacomtha tawucabe Samaria nacuapiwi nexa, pomonae pejume cowantsixae Nacom. Baponbe ichichipabe xua barapomonae peyanaba jinompaenexatsi Nacom pia Pejumope tanaxu tatsi. <sup>16</sup> Pedro iru Juan tawucabe barapomonae Nacomtha. Tsipei barapomonae awiya cataunxuae jopa tapatichi pia juntu coyeneintha Nacom pia Pejumope tanaxu tatsi. Saya meisa poxoru bautisabatsi Jesús pon Pecanamataxeinaein jiwi bapon pewantha tatsi. <sup>17</sup> Pedro iru Juan, pecobetha mata jayababe barapomonae. Barapoxonae barapomonae tapatatsi pia juntu coyeneintha tatsi Nacom pia Pejumope tanaxu tatsi.

<sup>18</sup> Poxonae Simón cui tane xua Pedro Juanno pecobetha mata jayababe xua daxota Nacom pia Pejumope tanaxu tatsi tapatatsi barapomonae, Simón ichichipa xua pecatsiwa paratixi baponbetha. <sup>19</sup> Simón namchi, jeye:

—Dapo peayapusuwa necare. Tha iru poxonae mata jayabeiban ichamonae tapateibinchi Nacom pia Pejumope tanaxu tatsi, jei Simón.

<sup>20</sup> Nexata Pedro Simón baraichi, jeye:

—Barabu xam yawa jinya paratixino cayawa muxuna weraweraca exanaena, tsipei saya nanta xeiname xua necaitacupaewa xua Nacom pia peayapusuwa tatsi necomotsiwa paratixitha, po peayapusuwa bequein Nacom amanaya pecatsiwa jiwitha. <sup>21</sup> Jopa caitacupaeyo xua nexainaewa Nacom pia peayapusuwa tatsi, tsipei apara Nacom cajuntu coyene yaputane xua neajuntucoyenebewa. <sup>22</sup> Nacui baraxore jinya abe neexanae cuiru coyenein. Nacom wucare, xain Nacom cayabara jantemaina xua nanta xeiname baxua. <sup>23</sup> Catainchi xua pejume uwiwa nenthutotha xeiname. Xam neabewa canthuthu yancababa daxota beta jopa xapain poponaem, abe nanta xeiname jincoutha, jei Pedro.

<sup>24</sup> Nexata Simón jume nota. Pedro iru Juan jume notatsibe, jeye:

—Painta yabara wucarebe Nacomtha baxua xuaunxuae pana netsipaebamebe, xain bapoxonae xeinaein barapo coyene xua jopa abe tana necana exanaenexa, jei Simón.

<sup>25</sup> Bapoxonae Pedro Juanno ichamonaetha nacui yopitabe po coyene xua bayatha jume cowantabe Nacom. Yawa xua nenthutotha taecatsibe Nacom pia Pejumope tanaxu tatsi. Baponbe Nacom pia pexeinya jume diwesi tsipaebabe barapomonaetha. Jerusalén tomara bewarapiyabe. Poxonae warapabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

### *Meje yabara xua poxonae Felipe iruru Etiopia nacuapin nantenta ponabe namtotha*

<sup>26</sup> Barapoxonae pirapae, Jesucristo pon Pecanamataxeinaein jiwi, bapon pia matatsunpin tatsi, Felipe tsita naitatsiya tsipaebatsi, jeichichi: “Nontaponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya. <sup>27</sup> Felipe nantacotaxuba, bapoxonae bara ponataba. Poxonae Felipe namtotha ecapona, bapoxonae caxina pebin Etiopia nacuapin. Barapon pon pentacaponaein pon peainya cui jiton. Matautano bapon paratixi tayapu eena xua yabayo nexa powa Etiopia nacua pepa peewatsiwayo. Bapon Etiopia nacuapin bayatha

pona Jerusalén tomara beya xua wanae pejainchinexa Nacom. <sup>28</sup> Bapon caewa pia nacua siwa ecapona Etiopía nacua. Cawayu pecaponae naeyotha ecapona yawa yorobecapona po diwesi bayatha Isaías tina, pon Nacom peitorobi jume pepaebin.

<sup>29</sup> Nacom pia Pejumope t̃nax̃ tatsi Felipe baraichi, jeye: “Imoxoyo ponde cawayu pecaponae naeyo beya yawa imoxoyo caquita naecaponde”, jeichichi Felipe. <sup>30</sup> Felipe cuinaepona cawayu pecaponae naeyo beya, ichaxota jume tane xua yoroba Etiopía nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

<sup>31</sup> Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca.

<sup>32</sup> Po diwesi ichaxota bapon yoroba xua baxue meje:

“Be poxonae jiwi oveja yam̃ capona  
pebexubinexa tsane, barichi tsane jiwi  
caponaena jiton pebexubinexa tsane.  
Be cordero moya, jopa papayo poxonae na thabatsi  
barichi tsane jiton moya tsane, jopa papai  
tsane poxonae caitacueintinchi poxonae  
yawa aperutane tsaneno.

<sup>33</sup> Jiton ura exanaeinchi.

Jiwi ura exanaena.

Jopa beta yabara exanae tsainchi  
poxonae jiton atene tsane poxonae  
jopa bequein abe exanaeyo.

Jiwi jopa yabara paebi tsane xua pia  
pexui tatsi, poxoru jopa nantaatsi  
tsane pexui, pemomoxino.

Jiwi barapo jiton bexubinchi”, jei Nacom  
Pejume Diwesi, po diwesi Isaías tina xua  
ichaxota yoroba Etiopía nacuapin.

<sup>34</sup> Nexata Felipe yainyabatsi Etiopía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha nayabara jei jampa? ¿Bara metha ich̃n yabara jeichi? jeichichi Felipe Etiopía nacuapin.

<sup>35</sup> Felipe yaputane exana Etiopía nacuapin po diwesi xua Isaías tina Jesús jume yabara. Bapoxonae nama paeba po coyene Jesús pia pexeinya jume diwesi tatsi. <sup>36</sup> Poxonae Felipe Etiopía nacuapinno namtotha ecaponabe, bapoxonae Etiopía nacuapin namchi, jeye:

—Taema meniyo eque jeba. ¿Jopa nebautisabim tsane? jeichichi Felipe.

<sup>37</sup> Felipe barai, jeye:

—Icha daxita carepaya jume cow̃ntame nej̃nt̃ coyenetha, methaunxuae bara cabautisabinchi, jei Felipe.

Etiopía nacuapin Felipe jume notatsi, jeye:

—Bara yabara jume cow̃ntan xua Jesucristo, bara Nacom pexanto tatsi, jei bapon.

<sup>38</sup> Nexata Etiopía nacuapin cobe itoroba xua duntabina pon xua cawayu pecomae-caein. Nexata duneicabe Felipe Etiopía nacuapinno. Meniyo bejonecabe. Nexata Felipe meniyotha bautisaba Etiopía nacuapin. <sup>39</sup> Poxonae meniyo wejuinabe, Nacom pia Pejumope t̃nax̃ tatsi Felipe puxanatsi. Felipe equeicha jopa taetsi Etiopía nacuapin. Saya equeicha Etiopía nacuapin j̃ntema pona pia nacua beya. <sup>40</sup> Felipe taer̃c̃patsi

ichamonae Azoto tomaratha. Felipe daxita tomaran tamropatecapona xua pecueicuei-jeiwa Jesucristo pia pexeinya jume diwesi tatsi, beya yacui jopa Cesarea tomaratha.

## 9

### *Meje yabara poxonae Saulo jume cowanta Jesús (Hch 22.6-16; 26.12-18)*

<sup>1</sup> Awiya came Saulo ichipa daxita pejutebiwa pomonae Jesucristo pejume cowantsi jiwi tatsi, pon Jesús Pecanamataxeinaein jiwi. Daxota Saulo siwa pona sacerdotemonae pia pepa pentacaponaein tatsi. <sup>2</sup> Saulo wɛca: “Necare cartan judiomonae pia penacaetutsi bon pia pentacaponae wi nexa. Tha tacaponaeitsi Damasco tomara beya. Icha caxinaein pomonae Jesús pejume cowantsiwi tha jiwi pecabi botha caponaetsi Jerusalén tomaratha, pebiwino, yabɛxino”, jei Saulo. <sup>3</sup> Saulo Damasco tomara beya pona. Poxonae bara muxu pepatopae, bapoxonae pin coicha yacaincha matawacaicha matatsun uncuatabicatsi. Barapo coicha peitaboco wejopeica. <sup>4</sup> Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, ¿eta xua metha tamonae inta abe exaname?” jei pejume.

<sup>5</sup> Saulo jume nota, jeye: “Pon jiwi Pecanamataxeinaem, ¿jintamɛmda?” jei Saulo. Saulo ɛ pejume jume notatsi, jeye: “Apara bara xan Jesús, ponxaein inta abe cana exaname tamonae. <sup>6</sup> Nontaponde, tomara be-iyande. Baraxotiya catsipaebina pocotsiwa bewa exanaename”, jeichichi Saulo.

<sup>7</sup> Pebiwi, pomonae Saulo puna poinchi bichocono pijunuwi moya umena tsipei saya ɛ pejume jume tane ichitha pepon jopa xapain taeyo. <sup>8</sup> Saulo nantacotaxuba asiya uncu. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya. <sup>9</sup> Baraxota Damasco tomaratha Saulo eca acoibi po matabibibe. Jopa xapain necotsiyo. Barapo acoibi po matabibibetha jopa nabanaeyo, jopa apaeyono.

<sup>10</sup> Baxota Damasco tomaratha popona pon pejume cowantsin Jesucristo. Bapon pewɛn Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeichichi: “¡Ananías!” jeichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

<sup>11</sup> Nexata Jesús Ananías baraichi: “Nontaponde. Namto beya ponde, po namto pewɛn Bopiya perucuiyae namto. Poxonae Judas pia botha patopame, yainyabare barapo botha. ‘¿Incane Saulo, Tarso tomaramonaepin?’ jande. Iraunxuaerɛ Saulo Nacom tsipaebauya. <sup>12</sup> Saulo amachinae xua cacamaita, xua Ananiam xua itacuere wɛnaetsiname Saulo necobetha”, jei Jesús.

<sup>13</sup> Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinae bapon cata abe exanatsi jinya jiwimonae, pomonae Jerusalén tomaratha jinompa. <sup>14</sup> Bapon carta capatopa xote, po carta bayatha sacerdotemonae pia pentacaponae wi caitoroba. Saulo carta capatopa poxoru sacerdotemonae jume jejei xua Saulo pinae bara caponaena jiwi pecabi bo beya pomonae cawɛn ununeiba poxonae Nacom tsipaebeibatsi”, jei Ananías.

<sup>15</sup> Jesús Ananías baraichi, jeichichi: “Ponde tsipei yaitama bapon bayatha Saulo itapetan. Bapon Saulo tsipaebina tajume diwesi icha nacuantha, po nacuantha jinompa pomonae jopa judiomonae naexanaeyo. Mataɛtano tsipaebina pomonaetha pomonae jiwi itorobiya pia pepa peewatsiwichi. Mataɛtano tsipaebina barapo tajume diwesi israelmonaetha. <sup>16</sup> Tha bexa Saulo tsita itɛtichi po coyene xua bewa atene tsane tajume diwesi penatsipei cueicueijeixae tsane”, jei Jesús.

<sup>17</sup> Nexata Ananías pona ichaxota Saulo eca. Poxonae joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixae Jesús. Bapon Jesús pon jiwi Pecanamataxeinaein neitoroba, pon namtotha catsita naitata xvano xua catsipaebano. Jesús neitoroba nenecotsinexa tsane yawa Nacom necajuntá coyene yaca exanaenexa pia Pejumope tñaxátha, jei Ananías xua Saulo tsipaebatsi.

<sup>18</sup> Barapoxonae caena nainya peitacueretotha be petsebocoton taothopeinatsi. Bapoxonae equeicha caewa wñnaeya daxita carepaya tane. Saulo asiya uncua bapoxonae caena bautisabatsi. <sup>19</sup> Poxonae nabane bapoxonae cui thñei tsanaya. Be caentacabiyobe Saulo eca Damasco tomaratha ichaxota ena pomonae pejume cowantsiwi Jesucristo.

*Meje yabara poxonae Saulo Jesús pejume diwesi paeba Damasco tomaratha*

<sup>20</sup> Caena nainya Saulo pona judiomonae pia penacaetutsi bontha tatsi. Tsipaeba barapomonaetha, jeye: “Barapon Jesús, apara Nacom Pexanto tatsi”, jei. <sup>21</sup> Daxita pomonae jume tayena barapomonaetha yabara najuntá coyene cabenaeca, nabarai, najei: —Bara baraponda, pon cain matha Jerusalén tomaratha patopa xua abe peexanaponaenexatsi pomonae Jesucristo pewñ ununaewichi poxonae Nacom wñqueibatsi. Apara bapon pon bayatha xote patope xua peteicaenexatsi pomonae pejume cowantsiwi xvano xua pecaponaenexatsi pomonaetha pomonae sacerdotemonaetha pia pentacaponae xua Jerusalén tomara beya, najei.

<sup>22</sup> Ichitha bapon Saulo awiya jume tsacatsacapiya cueicueijei. Bapon tsita itapeinya xeina xua Jesús apara Mesías. Daxota barapomonaetha judiomonae moya umenarucpa tsipei yabara najuntá coyene cabenaeca pocotsiwa xua Saulo paeba.

*Meje yabara poxonae Saulo panepa judiomonae pecuiyainwa*

<sup>23</sup> Poxonae ainya maticabin yapucaewa judiomonae caemonae pebñya nanta xeina xua bepa bexubichei Saulo. <sup>24</sup> Saulo ichñ muxu baraichi: “Bepa cabexubei ichamonae”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita maticabi, yawa merawino. <sup>25</sup> Ichitha Saulo merawi panepa poxonae pijimonae pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

*Meje yabara poxonae Saulo Jerusalén tomaratha popona*

<sup>26</sup> Poxonae Saulo Jerusalén tomaratha patopa bepa bequein barñ nacaetutei Jesús pejume cowantsiwichi tatsi, ichitha barapomonaetha Saulo cunuwatsi tsipei nanta xeina xua Saulo jopa xapain Jesús pejume cowantsiwichi jiwana tatsi. <sup>27</sup> Ichitha Bernabé Saulo cuaranotatsi Jesús pia peitorobi jiwi tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita naitatatsi Jesús pon jiwi Pecanamataxeinaein. Matautano pinae Saulo muxu tsipaebatsi. Matautano pinae tsipaeba Jesús pejume diwesi Damasco tomaratha xua pinae cui tsacatsacapiya cueicueijei”, jei Bernabé. <sup>28</sup> Daxota Saulo napopona ducuaeta Jerusalén tomaratha ichaxota Jesús pia peitorobi jiwi tatsi. Saulo Jerusalén tomaratha jume tsacatsacapiya cueicueijei ducuaeta Jesús pejume diwesi tatsi pon jiwi Pecanamataxeinaein. <sup>29</sup> Saulo yabara barñ natsipaeba Jesús pejume diwesi, yawa barñ najume matsontsonobatsi judiomonae, pomonae xua griego jume penatsipaebiwi. Barapomonaetha judiomonae, ichichipa xua Saulo pebexubiwatsi. <sup>30</sup> Pomonae irñ Jesús pejume cowantsiwi tatsi jume tane, xua bepa Saulo imoxoyo bexubichei judiomonae. Daxota Saulo Cesarea tomara becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

<sup>31</sup> Daxita Jesús pejume cowantsi jiwi tatsi jñntema jinompa Judea nacuatha, Galilea nacuatharñ, Samaria nacuatharñ, tsipei jopa ichamonae abe exanaeyo barapomonaetha. Matautano barapomonaetha mataropeichiya nacuidubapona xua pejume cowantaponaewa Nacom. Matautano exanapona pocotsiwa Nacom ichichipa. Nacom



pia Pejumope t̄anax̄ tatsi barapomonae yaweinchi pejūnt̄ coyeneintha tatsi. Pinmonae Jesús jume cocow̄nt̄apona.

*Meje yabara poxonae Eneas axaibi exanatsi*

<sup>32</sup> Poxonae Pedro siwa pona ducuaeteiba daxita tomaran Jesús pejume cow̄nt̄si jiwi tatsi, bapoxonae yawa siwa ponano pomonae Jesús pejume cow̄nt̄si jiwi pomonae ena Lida tomaratha. <sup>33</sup> Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pew̄n Eneas. <sup>34</sup> Pedro, Eneas baraichi:

—Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonae caena yacuina nantacotaxuba Eneas. <sup>35</sup> Nexata Lida tomarapiwi, ir̄u Sarón tomarapiwino, barapomonae Eneas tainchi xua equeicha beta pona. Bapoxonae barapomonae nacui barapenta xua copiya jume cow̄nt̄a pejume cow̄nt̄sinexa Jesucristo, pon jiwi Pecanamataxeinaein.

*Meje yabara poxonae Dorcas equeicha caewa as̄u exanatsi poxonae t̄pa*

<sup>36</sup> Ir̄ur̄u jame caena bayatha Jope tomaratha popona powa pejume cow̄nt̄siwayo Jesús. Bapowa pew̄n Tabita. Barapo w̄n seicaya griego jume w̄n “Dorcas” baraichi. Barapowa pocotsiwa w̄nae itapeta exaneiba nawita. Matautano barapowa yaweneiba pomonaetha pomonae peacopeibiwi. <sup>37</sup> Barapowa caena nainya atene tsanaya. Caena nainya t̄panaya. Daxita pet̄paein matapaeta per̄u iquicatsi. Bapoxonae po tutu athabeicha baxota boichatsi. <sup>38</sup> Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonae Jesús pejume cow̄nt̄siwichi tatsi jume tane xua juinya Pedro Lida tomaratha popona. Bapoxonae itoroba pebinbe nacueyatabe xua bepa pinae tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonae Jesús pejume cow̄nt̄siwichi tatsi. Bepa pinae anetha iyaem”, jeibe baponbe.

<sup>39</sup> Bara Pedro puna pona baponbepa. Poxonae Pedro patopa Jope tomaratha, bar̄u jojoniyatsi Pedro, ichaxota po tututha boca pet̄paewa Dorcas. Daxita pecuenta werapaewaxichi piseurixi caquita wecoyei tsumenaetsi Pedro. Yawa barapowaxi Pedro tsita it̄abatsi dorob̄ur̄u, camisanno xua bayatha Dorcas tax̄x̄ca poxonae cataunxuae ab̄u popona. <sup>40</sup> Pedro pesato beitaweya daxita barapomonae. Pedro imoxoyo caquita eca pentabocototha. Nacomtha tsipaeba. Bapoxonae powa t̄puncua Pedro pexainya benecoia, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa t̄puncua necotaxuba. Poxonae Pedro tainchi, bapoxonae nantacotecataba. <sup>41</sup> Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cow̄nt̄si jiwi tatsi, ir̄ur̄u powaxi pecuenta werapaewaxichi piseurixi. Barapomonae Pedro tsita it̄ata xua equeicha Dorcas as̄u. <sup>42</sup> Jope tomarapiwi jume taer̄x̄pa xua equeicha Dorcas pet̄paewa nacosata. Bapowa equeicha as̄u popona. Daxota pinmonae jume cow̄nt̄a Jesús pon jiwi Pecanamataxeinaeinchi. <sup>43</sup> Jope tomaratha Pedro baxota popona ainya maticabin. Pedro popona Simón pia botha tatsi pon xua duwei peboco w̄naeteibin.

## 10

*Meje yabara Pedro ir̄u Cornelio*

<sup>1</sup> Ir̄ur̄u jame Cesarea tomaratha pebin warapaeya popona. Bapon pew̄n Cornelio. Cornelio, jame yatsicaya pia nacua tatsi Italia nacua. Bapon soldadomonae pia pentacaponaein tatsi. Ir̄ur̄u soldadomonae pia nacua tatsi Italia nacua. <sup>2</sup> Cornelio piamonae bar̄u jume cow̄nt̄a Nacomtha. Matautano Nacom w̄nae jaintatsi. Barapon Cornelio

matowa yaweneiba judiomonae, pomonae peacopeibiwi. Bapon paratixi catsibeiba barapomonaetha. Bapon Cornelio tsipaebeyiba Nacomtha. <sup>3</sup> Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonae camaita. Matatsunpin patopaeya namchi, jeye: “¡Cornelio!” jei. <sup>4</sup> Cornelio junuwiya camaitiya tane matatsunpin. Cornelio jume epa pita, jeye: “Pon jiwi Pecanamataxeinaem, ¿eta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi. Nacom cayabara nanta xeina. <sup>5</sup> Cornelio, ichamonae Jope tomara beitorobiyama pewabinexa tsainchi pon ainya wɛnbe pexeinaein. Bapon Simón baraichi yawa Pedro baraichi. <sup>6</sup> Barapon Simón Pedro eca icha Simón pia botha tatsi pon Simón seicaya pon duwein peboco wɛnaeteibin. Barapon Simón mar mene itapatha yabo uncua”, jeichichi Cornelio matatsunpin.

<sup>7</sup> Poxonae matatsunpin napitaba, barapoxonae Cornelio ichamonae waba, pomonae xua pia botha petanacuichiwichi. Irɛ soldadomonaepin waba, pon xua pia botha tanacuitatsi. Barapon soldadomonaepin peɣntɛ coyene xanepanaein Nacomtha. <sup>8</sup> Barapomonaetha tsipaebatsi pocotsiwa bayatha Cornelio tsipaebatsi matatsunpin. Cotacaya Cornelio itoroba barapomona Jope tomara beya.

<sup>9</sup> Icha mataqueitha barapomona warapa Jope tomara beya. Poxonae cataunxuae itiya pona poxonae mateinyaxae, poxonae bara imoxoyo patichaba, bapoxonae iruru Pedro bo matatupa beecoinyarɛ, po bo matatupa pereca. Nacom tsipaebawiya poxonae bayatha mataeinyaxae tsuxubi. <sup>10</sup> Pedro bichocono jainpeca, bepa bequein xaei. Ichitha poxonae awiya cataunxuae tasetatsi, Pedro tsita naitatatsi be poxonae camaita. <sup>11</sup> Pedro athabe necoicha xua peitaboco nayausanaxuba. Yawa taneno xua pin paparuwa pexainya betaruneicatsi, be xua jiton nantiya caruneicabe. <sup>12</sup> Bapoxonae barapo paparuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibɛn. Yawa tane daxita xua xuan saya petompacuetontha bobenapona be jomon. Mataɣtano tane daxita xua xuan saya yapupuna be peyapupunaewi. <sup>13</sup> Nexata Pedro peitabocotha jume tane xua namchi, jeye: “Pedro asiya uncuatabare. Pon xua ichichipame, pire. Moya bexore. Yawa xaema”, jei barapo jume.

<sup>14</sup> Nexata Pedro jume nota, jeye: “Bara, bayatha apara jopa bapana camatsawan xaeinyo, xua tamonae jopa copatsiyo xua pexaewa”, jei Pedro. <sup>15</sup> Equeicha Pedro jume tane pejume xua tsipaebatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

<sup>16</sup> Pedro matha acoibi po jumeyobe tsipaebatsi baxua. Bapoxonae paparuwa caibe juinya peitaboco beicha. <sup>17</sup> Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonae Cornelio itoroba, barapomona i dapo bon yainyainyaba tsiniya: “¿Incane Simón pia bo?” jei. Bapoxonae bapomona pata Simón pia curara coibototha tatsi. Poxonae barapomona pata, Pedro cataunxuae yabara nanta xeina xua tsipaebatsi xua Nacom tsipaeba. <sup>18</sup> Poxonae Cornelio pijimonae tatsi pata baxota, pin jumetha namchi, jeye: “¿Incane Simón pon icha wɛn ‘Pedro’ baraichi? ¿Baxota bara ecara?” jei.

<sup>19</sup> Awiya came Pedro baxua yabara nanta xeinequiya xua pocotsiwa bapon tane. Nexata bapoxonae Nacom pia Pejumope tɛnaxɛ tatsi Pedro baraichi, jeye: “Pedro, nejume taema. Acoibi poyobe pebiwi cawenawenei tsompae. <sup>20</sup> Nontaponde nainya ira bedunatabareinca. Barapomona naponde, beitatema napontabare, yaitama barapomona itoroban”, jeichichi Pedro.

<sup>21</sup> Bara nexata Pedro ira bedunatabareca. Pedro barai barapomona, jeye:

—Apara bara xan, po jiton xua pana newenawenei tsompaem. ¿Eta xua metha papatame? jei.

<sup>22</sup> Barapomonaе Pedro jume notatsi, jeye:

—Papatan yaitama Cornelio, pon soldadomonaе pia pentacaponaein tatsi, bapon pana itoroba. Barapon pejuñtu coyene xanepanaein. Barapon Nacom jume cowñntatsi. Iraru daxita judiomonaе barapon baru cui itura jineibatsi yawa antobetsi. Pinae Nacom pia matatsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonaе, xua Pedro tsipaebatsi.

<sup>23</sup> Nexata Pedro waba barapomonaе xua petamaitenaewa tsainchi barapo botha. Icha matabitha piawa xaxainta xua caponaena. Bapoxonaе Pedro napona barapomonaе. Iru ichamonaе naponano, pomonaе iru Jesús pejume cowñntsiwi tatsi, pomonaе xua ena Jope tomaratha.

<sup>24</sup> Icha matabitha pata Cesarea tomaratha. Baraxota Simón Pedro ewatatsi. Cornelio pia matabithuomonaе pewabixae baru ewateca, yawa pia jiwi tatsino. <sup>25</sup> Poxonaе Pedro Cornelio pia botha tapatopatsi, Cornelio Pedro jacobatsi. Bapoxonaе Cornelio Pedro peitabaratha pentabocototha tauncuatsi, pewanae jainchinexa tsainchi Pedro.

<sup>26</sup> Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

<sup>27</sup> Poxonaе Pedro natsipaebiya jonyabe, baxota Pedro pin bicheito tane xua nacaetuta. <sup>28</sup> Nexata Pedro barai barapomonaе, jeye:

—Bara bayatha payaputaneme xua waxainchi judiomonaе jiwichi wacui coyenewa xeinatsi xua jopa nacui yabara copatichi xua wabararu nacaetuteibiwa pomonaе jopa judiomonaе naexanaeyo. Matañtano jopa nacui yabara copatichi xua pia bonthano waponeibiwa. Ichitha Nacom aunxuae necuiduba xua pinae jopa bewa ichamonaе catsapiwi jaintin tsane. <sup>29</sup> Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

<sup>30</sup> Nexata Cornelio, Pedro jume notatsi, jeye:

—Petain cuatro po matabibe tsuxubi, quiripitha xote tabohta poxonaе yabara nainbotan xua Nacom tsipaeban barapoxonaе matatsunpin jemeicha tabohta patopa. Barapo matatsunpin paparuwa nama xatata po paparuwa bichocono daedaena.

<sup>31</sup> Matatsunpin nebarai: ‘Cornelio, bayatha Nacom cajume tane poxonaе tsipaebame pexainya beya. Cacui taneno xua yaweneibame peacopeibiwi daxota Nacom cayabara nanta xeina’, jei. <sup>32</sup> Nebaraino: ‘Ichamonaе Jope tomara be itorobiyama, pewabinexa tsainchi pon ainya wñnbe pexeinaein. Bapon Simón baraichi, yawa Pedro baraichi. Pedro eca ichun Simón pia botha tatsi, pon Simón pon seicaya duwein peboco wñnaeteibin. Barapon Simón mar mene itapatha yabo uncu’, nejei. <sup>33</sup> Daxota nainya itoroban ichunbe acoibi poyobe yaitama apara cawabatsi. Barabaru patopame. Daxita paxan xote Nacom peitabaratha pajinompan. Matañtano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

*Meje yabara poxonaе Pedro pin diwesi paeba Cornelio pia botha tatsi*

<sup>34</sup> Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichun ainya cui xua beyacaincha ichun. Nacom daxita jiwi tsita najupatsi. <sup>35</sup> Daxita nacuantha pomonaе xua Nacom wñnae jaintatsi xuano xanepanaya exanano, Nacom antobe barapomonaе.

<sup>36</sup> Bayatha payaputaneme xua Nacom Pejume Diwesi nacariwesi itoroba paxantha pomonaе Israel pia pemomoxi susato jiwi tatsi panxaein. Barapo pexeinya diwesi jume jantema jinompa pana exana poxonaе Jesucristo pajume cowñntan. Nacom Jesús Pecanamataxeinaein exanatsi daxita carepaya jiwi nexa. <sup>37</sup> Paxam bara payaputaneme

xua Juan Jesús yabara cueicueijeichi yawa bautisaba jiwi Galilea nacuatha. Bapoxonae iruru Jesucristo tamropata pitaba xua cueicueije Galilea nacuatha yawa daxita Judea nacuatha. <sup>38</sup> Matautano bara payaputanemeno xua Nacom cata pia peayapusu itorobi coyenewa, Jesucristo Nazaret tomarapin catatsi. Yawano Jesucristo nacana jumope tñaxu catatsi. Bapoxonae Jesús daxita carepaya tomarantha popona ducua-naeta. Yawa axaibi exana ducuaanaetano peatene jiwi. Yawa taitaweta ducuaanaetano pomonae xua cauri pexeinaewi. Daxota bapon baxua beta exana Nacom pebaru poponaexae. <sup>39</sup> Bayatha pacui tan daxita carepaya xua Jesús exana Judea nacuatha, Jerusalén tomarathano ichaxota jinompa judiomonae. Bapoxonae nama Jesús naetotha cobe matatabarutatsi, xua poxonae tupa exanadutatsi naetotha. <sup>40</sup> Poxonae acoibi po matababibe tsuxubi Nacom petupaein equeicha asu exana. Matautano bapon pana netsita naituta exana. <sup>41</sup> Ichitha daxita jiwi jopa tsita naituta exanaetsi. Saya paxan pana netsita naituta exana. Nacom pana itapeta pia patayopichinexa ichamonaetha pocot-siwa Jesús exana xuano xua paebano. Paxan Jesús pabaru nabanana, matautano pabaru apanno poxonae equeicha asu popona. <sup>42</sup> Jesús pana itoroba daxita nacuantha pata paebinexa tsane Nacom Pejume Diwesi, xuano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentisiwa xua abe peexanaexae. Bexa tsane Jesús daxita jiwi nanantaustiya jiwana torotsiya itawetsina, pomonae cataunxuae jinompa yawa pomonae bayatha werapano. <sup>43</sup> Bayatha pomonae Nacom pia peitorobi jume pepaebiwi Jesús pejume diwesi paeba. Barapomonae namchi: ‘Daxita pomonae Jesús pejume cowantsiwichi barapomonae Nacom yabara jantemainaena abe pia peexanae cuiru coyenein tatsi Nacom pia peayapusuwathaxae’, jei barapomonae, jei Pedro.

*Meje yabara poxonae pomonae jopa judiomonae naexanaeyo pejuntu coyeneintha tapatatsi Nacom pia Pejumope tñaxu tatsi*

<sup>44</sup> Poxonae cataunxuae Pedro cueicueije, bapoxonae Nacom pia Pejumope tñaxu tatsi tapatatsi pomonae jume tane xua Pedro paeba. <sup>45</sup> Judiomonae, Jope tomarapiwi, pomonae pejume cowantsixae Jesucristo, barapomonae Pedro puna poinchi. Barapomonae daxita yabara najuntu coyene cabenaeca xua iru barapomonae pomonae jopa judiomonae naexanaeyo iru pejuntu coyeneintha taenatsi Nacom pia Pejumope tñaxu tatsi. <sup>46</sup> Judiomonae yaputane xua bara xaniwaicha Nacom pia Pejumope tñaxu tatsi tapatatsi pomonae jopa judiomonae naexanaeyo. Yaputane tsipei barapomonae barompaya tsanaya icha jumeintha cueicueije. Ichitha barapomonae jopa xapain najume copi yaputaeyo. Judiomonae jume taneno xua pomonae jopa judiomonae naexanaeyo Nacom wuna jaintatsi. <sup>47</sup> Pedro namchi, jeye:

—Barapomonae apara Nacom pia Pejumope tñaxu tatsi xeina icha waxainchi ichichi. Jiton dapon aibi pon jeye: ‘Jopa bewa bautisabi, apara pomonae jopa judiomonae naexanaeyo’, xua pon pejeiwa, jei Pedro.

<sup>48</sup> Pedro cui itoroba judiomonae. Pedro namchi, jeye: “Pabautisabare barapomonae pomonae jopa judiomonae naexanaeyo. Jesucristo pewan pawan taibare poxonae pabautisabame”, jei Pedro. Bapoxonae pirapae barapomonae, pomonae xua aena taenatsi Nacom pia Pejumope tñaxu tatsi, Pedro apusiwatsi xua jopa warapae tsane yawa xua caeto abu ecaenano.

## 11

*Meje yabara poxonae Pedro diwesi tsipaeba pomonaetha pomonae Jesús pejume cowantsi jiwi Jerusalén tomaratha*

<sup>1</sup> Jesús pia peitorobi jiwi tatsi iruru pomonae pejume cowantsiwi Jesús, pomonae ena Judea nacuatha, barapomonae daxita jume tane xua iruru pinae pomonae jopa judiomonae naexanaeyo bayatha jume cowanta Nacom Pejume Diwesi. <sup>2</sup> Poxonae

Pedro Jerusalén tomara bewarapiya, judiomonae pomonae xua jume cowanta xua ainya cui Jesús pejume cowantsi jiwi tatsi pewi thabiwa tsainchi, barapomonae Pedro jume daunweya tsipaebatsi. <sup>3</sup> Pedro baraichi, jeye:

—¿Eta xua metha barapomonae siwa poname pomonae jopa judiomonae naexanaeyo? ¿Eta xua metha naxaneme barapomonaetha? jei judiomonae.

<sup>4</sup> Nexata Pedro diwesi eetapona xua cueicueijei barapomonaetha. Po diwesiin eetapona, barapo diwesiin xua poxonae siwa pona pomonae jopa judiomonae naexanaeyo. Pedro namchi:

<sup>5</sup>—Poxonae Jope tomaratha Nacom tsipaeban, pin paparuwa tan be poxonae camaitan. Barapo paparuwa peitaboco weruneica be pematontha nantiya yacaincha opi queraba. Taxainya duneica. <sup>6</sup> Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquibun. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi. <sup>7</sup> Peitabocotha jume tan xua nebarai: ‘Pedro asiya uncuatabare. Pon xua ichichipame, pire. Moya bexore. Yawa xaema’, nejei. <sup>8</sup> Jume notan nexata: ‘Bara, bayatha apara jopa bapana camatsawan xaeinyo xua tamonae jopa copatsiyo xua pexaewa’, jan. <sup>9</sup> Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei. <sup>10</sup> Acoibi po jumeyobe nebarai. Saya u barapo jumethabe nebarai. Bapoxonae paparuwa equeicha peitaboco beicha caibe caicha. <sup>11</sup> Paparuwa caibe juinya, iruru pebiwi acoibi poyobe pataru. Bapoyobe Cesarea tomarapiwi, taxantha pata. Barapo acoibi poyobe, pomonae Cornelio itoroba. <sup>12</sup> Nacom pia Pejumope tuxaxu tatsi nebarai: ‘Napuna ponde. Beitatema pontabare’, nejei. Iru nebaru pona seis poyobe Cesarea tomara beya pomonae pejume cowantsiwi Jesús. Pajoniyon Cornelio pia botha tatsi. <sup>13</sup> Cornelio pana netsipaeba xua pinae pia botha tapatopatsi matatsunpin. Matatsunpin namchei: ‘Pebiwi Jope tomara beitorobiyama, pewabinexa tsainchi pon xua ainya wunbe xeina, Simón yawa Pedro. <sup>14</sup> Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom’, jei pinae matatsunpin poxonae pinae Cornelio tsipaebatsi, jei Pedro barapomonaetha. <sup>15</sup> Pedro equeicha namchi:

—Poxonae Jesucristo pejume diwesi paebaxoyan Corneliobarutha, barapoxonae Nacom pia Pejumope tuxaxu tatsi tapatatsi barapomonae. Icha cain painta ichi, barichi pomonaetha Nacom nacana jumope catsiba. <sup>16</sup> Bapoxonae nantana pitaban Jesús pejume, poxonae pana barai: ‘Juan saya u meratha bautisaba. Ichitha Nacom seicaya barompaya pia cuitha paca bautisaba. Ichitha Nacom seicaya barompaya pia cuitha paca bautisabina. Bapoxonae painya juntu coyeneintha pacata patsina Nacom pia Pejumope tuxaxu tatsi’, jei Jesús. <sup>17</sup> Xaniwaicha beta yaputan xua Nacom nacana jumope tuxaxu cata barapomonaetha pomonae jopa judiomonae naexanaeyo, icha cain ichi poxonae Nacom nacana jumope tuxaxu cata pata xantha poxonae Jesucristo pajume cowantan. Daxota Nacom jopa cui yancatabinyo poxonae ichichipa exana barapomonaetha, jei Pedro.

<sup>18</sup> Poxonae Jesucristo pejume cowantsi jiwi, pomonae ena Jerusalén tomaratha, poxonae baxua jume taerucupa moya umenarucupa. Matautano Nacom wuna jaintatsino. Barapomonae namchi, jeye:

—¡Maisa wuna, iru Nacom nacana cui cata pomonaetha pomonae jopa judiomonae naexanaeyo xua barapomonae pejume cowantsiwa tsaneru Jesús, yawa xua juntema pejinompaewa tsaneru! Baraxua Nacom ichichipa xua barapomonae najuntu cui coyene barapenta xua abe, petaxeinaenexa tsainchi peajuntu yapusawa, po peajuntu yapusawa xua jopa weraweracaeyo, jei barapomonae.

*Meje yabara poxonae Jesús pejume cowantsi jiwi tatsi jinompa Antioquía tomaratha*

<sup>19</sup> Jesucristo pia pejume cowantsi jiwi tatsi ducupa, tsipei peanaepanaewi yotaba, poxonae po matcabitha Esteban bexotsi. Barapomona tsanarucupa, ichun Fenicia nacua beya, ichun Chipre nacua tunaeto beya, ichun Antioquia tomara beya. Barapomona saya judiomonaetha cueicueije Jesucristo pejume diwesi. <sup>20</sup> Ichamona, pomona pejume cowantsiwi Jesús, Chipre nacua tunaetopiwi, Cirene tomarapiwino, barapomona Antioquia tomaratha pata. Daxita barapomona tsipaeba pomonaetha pomona jopa judiomona naexanaeyo Jesús pejume diwesi tatsi pon jiwi pia Pecanamataxeinaeinchi. <sup>21</sup> Barapomona yawenatsi nawita Nacom pia peayapuswa tatsi. Daxota pin bicheito pomona jopa judiomona naexanaeyo, barapomona jume cowantatsi Jesús, pon jiwi Pecanamataxeinaeinchi.

<sup>22</sup> Jerusalén tomaratha, Jesucristo pejume cowantsi jiwi tatsi, barapomona, jume tane xua Antioquia tomarapiwi jume cowanta Jesucristo pomona jopa judiomona naexanaeyo. Daxota Bernabé Antioquia tomara beitorobiyatsi. <sup>23</sup> Poxona Bernabé Antioquia tomaratha patopa be ita cui wnaetsi xua Nacom yawena barapomonaetha. Bapoxona Bernabé juntu coyene weiweina. Bernabé barapomona barai, jeye: “Paajuntucoyeneyapusya jinompare Nacomtha. Matautano Nacom ajuntuyapusya pajume cowantaponde”, jei Bernabé. <sup>24</sup> Bernabé pejuntu coyene xanepanaein. Bapon juntu coyene yucatsi Nacom pia Pejumope tuxaxu tatsi tsipei daxita i daxuan exana pocotsiwa Nacom itoroba. Matautano bichocono Nacom jume cowantatsi. Daxota pin bicheito jume cowanta Jesús, pon jiwi Pecanamataxeinaeinchi.

<sup>25</sup> Nexata Bernabé Tarso tomara bewarapiya, pewenaweneinexatsi Saulo. <sup>26</sup> Poxona Saulo caxinatsi baxota, Antioquia tomara bebaru warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwi matha Jesús pijimona tatsi wun dutatsi xua Antioquia tomarapiwi wun duta xua jeye: “Cristobarumona”, jeichichi barapomona pomona Jesús pijimona tatsi.

<sup>27</sup> Poxona Bernabé iru Saulo cataunxuae cuidubapoponabe Antioquia tomaratha, Nacom pia peitorobi jume pepaebiwi baxota pata, Jerusalén tomara werendena. <sup>28</sup> Bara caein jiwana pewun Agabo. Agabo asiya uncua barapomonaetha. Bapon wnae tsiwanaya paeba. Agabo yaputane exanatsi Nacom pia Pejumope tuxaxu tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxona jumba matha Claudio romanomona itorobiya pia pepa peewatsinchi tatsi naexana, bapoxona pin jainbo tsurucuae. <sup>29</sup> Daxota Jesús pejume cowantsiwi tatsi, pomona ena Antioquia tomaratha, ichipa yawena pomona iru pejume cowantsiwixae Jesús pomona peenaexae Judea nacua. Daxota barapomona pomona Jesús pejume cowantsiwixae peburaya nanta xeina xua paratixi taitorobina. Daxita barapomona carepaya paratixi cata be xua po coyene cobe itacupatsi xua pecatsiwa. <sup>30</sup> Barapomona baxua exana. Barapo paratixi Bernabé iru Saulo caitorobatsibe pitiri jiwi nexa xua Judea nacua beya.

## 12

*Meje yabara poxona Santiago bexotsi iru xua poxona Pedro jiwi pecubi botha capoinchi*

<sup>1</sup> Barapoxona Herodes pon Judea nacuapiwi peyanacua ewatsinchi, bapon tamropata pitaba xua pomona Jesús pejume cowantsiwi tatsi peraxa exanatsi. <sup>2</sup> Herodes itoroba pia jiwi, xua pin cusitha Santiago pebexubiwatsi, pon Juan peweicho tatsi. <sup>3</sup> Herodes jume tane xua judiomona tsita xanepanatsi xua Santiago bexotsi. Daxota Herodes cui itoroba piamona xua Pedro pewaetabiwatsi xua pecaponaenexatsi jiwi pecubi botha. Baxua exana poxona Pascua wun matcabintha poxona jiwi pan xane po pan xua jopa xeinaeyo levadura xua pocotsiwa cotowa exana. <sup>4</sup> Poxona Pedro jiwi pecubi botha eca, soldadomona yapucaumena, Pedro yapucaumeinchi.

Soldadomona, cuatro po bicheito matabuxuyobe. Cae matabuxuyo xeina be cuatro poyobe. Be cae matabuxuyo tamroropatapona poxona yacaincha umeneibatsi Pedro. Herodes yabara nanta xeina xua peexanaewa tsane xua Pedro pin bicheito peitabaratha cuaranotinchi pepa tomaratha poxona Pascua wun matababin yapu caewina. <sup>5</sup> Awiya came Pedro jiwi pecubi botha eca. Ichitha Jesús pejume cowuntsiwichi jume daunweya wuca Nacom, Pedro tawucatsi.

*Meje yabara poxona Nacom, Pedro capanepatsi jiwi pecubi bo weya*

<sup>6</sup> Herodes merawi nanta xeina xua baya tsane Pedro cuaranotinchi pepa bicheittha peitabaratha. Barapo merawitha, abux cataunxuae Pedro nantiya cobe nain camaituncuatsibe soldadomonaepinbe. Irux soldadomonaepinbe yacaincha uncuabe jiwi pecubi bo boupa. <sup>7</sup> Caena nainya Jesús pia matatsunpin tatsi Pedro tsita naitatatsi. Jiwi pecubi botha pin coicha pentha tsuxubi bichocono. Matatsunpin Pedro yaubaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxona Pedro nantiya cobe nain jopeicabe iratha. <sup>8</sup> Bapoxona matatsunpin Pedro baraichi, jeye: “Coreinya bocoto bichocono nacoto epa catatabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

<sup>9</sup> Nexata matatsunpin Pedro pecoiboto bepuna joniya, pesato beya. Ichitha Pedro xapain jopa naita cui coyene taeyo xua jiwi pecubi bo wepuna joniya matatsunpin. Saya nanta xeina be amachinae. <sup>10</sup> Pedro irux matatsunpin xenta jonyabe soldadomonaepin pon yacaincha uncuacha Pedro etatsi. Bapoxona equeicha icha soldadomonaepin xenta jonyabe pon ewatuncua pepa boupa xua pesattha. Pedro irux matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxona icha namtotha patopabe bapoxona jemeicha matatsunpin Pedro cuenta aichurucuaetsi tomara namtotha.

<sup>11</sup> Barapoxona Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba tsipei metha bepa necapanepae Herodes pia xainya weya tatsi xuano xua judiomona pia xainya weya tatsi, pomona ichichipa abe inta peexanaewa”, najei.

<sup>12</sup> Poxona baxua nacui cananta xeina, Pedro pona María pia bo tatsi beya. Bapowa Juan pena tatsi. Juan icha wun xeina, Marcos. María pia botha tatsi pin bicheito nacaetuta pewuqueibinexa Nacomtha. Baxota Pedro patopa. <sup>13</sup> Pedro curara coiboto dadacata. Yabuyo powa pewun Rode muxu naya pia yaputaetsi pon patopa. <sup>14</sup> Poxona barapowa Pedro jume copi tainchi xua wawai abux jopa saranaxubiyo peboupa. Bapowa bichocono juntu coyene weiweina daxota caibe cuinaya piamona tsiwun caya. Namchi:

—Pedro curara coibottha uncuacha, jei Rode.

<sup>15</sup> Barapomona namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomona jume nota, jeye:

—Metha apara Pedro pia matatsunpin tatsi, pon yantatsi, jei.

<sup>16</sup> Awiya came Pedro peboupa dadacatuncua. Poxona barapomona peboupa saranaxoya, Pedro yabara najuntu coyene benaecaeya tainchi. <sup>17</sup> Pedro pecobetha moya jume matawenta. Cotacaya Pedro diwesi tsipaeba barapomona xua bayatha

capanepatsi jiwi pecubi bo weya, xua Jesús capanepa pon jiwi Pecanamataxeinaeinxae tatsi. Pedro namchi, jeye:

—Barapo diwesi Santiago patsipaebare iru ichamonae patsipaebare pomonae Jesús pejume cowantsiwi tatsi, jei Pedro.

Barapoxonae Pedro icha namto be-iyá.

<sup>18</sup> Poxonae baya penta tsina soldadomonae nabenaenompa tsipei jopa yabara yaputaeyo po coyene xua Pedro aichurucuae. <sup>19</sup> Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae jutebinchi. Barapoxonae Herodes Judea nacua wewarapiya, Cesarea tomaratha pepoponaenexa.

### *Meje yabara poxonae Herodes tupa*

<sup>20</sup> Herodes pon Judea nacuapiwi peyanacua ewatsinchi, bapon Tiro tomarapiwi casebatsi iru Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyo poxoru Herodes caseba barapo tomarapiwibe. Daxota Sidón tomarapiwi iru Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota barapomonae Blasto tsipaebatsi xua barapomonae peyabara jume yawenaenexatsi xua poxonae petsipaebinexatsi Herodes. <sup>21</sup> Daxota Herodes wan duta, barapo matabi, po matabitha xua Herodes siwa ponaeinchi barapomonae. Poxonae matabi tsuxubiba barapo matabitha Herodes pia paparuwa nama xatataba po paparuwa tsobia, pocotsi paparuwan nama xataba pentacaponae. Bapoxonae pia peecaewatha eca. Herodes piamonaetha tsipaeba. <sup>22</sup> Nexata barapomonae wawai Herodes baraichi, jeye: “¡Apara xua bapon paeba, jopa be pebinyo, apara bara nacom tsecae!” jei barapomonae. <sup>23</sup> Bara caena bapoxonae Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonae pia coya Nacom naexana. Oro unu caewita poinchi. Jana caewita poinchino. Tsapita poinchino. Herodes tupaicha.

<sup>24</sup> Pomonae xua jume cowanta Jesús, barapomonae tajú tsipaebapona Nacom Pejume Diwesi daxita nacuantha. Daxota daxita pinmonae jume cowantatsi Jesús.

<sup>25</sup> Poxonae Bernabé Saulono nacui wetabe baxua, Jerusalén tomara wewarapiyabe. Antioquía tomara bewarapiyabe. Juan Marcos baru warapatsi.

## 13

### *Meje yabara poxonae Bernabé Saulono Nacom Pejume Diwesi caponabe*

<sup>1</sup> Baraxota Antioquía tomaratha jiwana jinompa pomonae pejume cowantsiwi Nacom pomonae Nacom pia peitorobi jume pepaebiwi iru pomonae jiwi pecuidubiwi Moisés pia peitorobi coyene. Barapomonae meje: Bernabé iru Simón pon icha wanno, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana. <sup>2</sup> Caentacabi, poxonae barapomonae Nacom pejume coyene canatsipaeba exana, yawa yabara nainbota, barapoxonae Nacom pia Pejumope tuxaxú tatsi barapomonae tsipaebatsi, jeye: “Paitorobare Bernabé, Saulono, petsipaebinexa tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tuxaxú tatsi.

<sup>3</sup> Nexata poxonae xua Nacom wuca najume weta, xuano poxonae weta xua yabara nainbota, barapoxonae Bernabé Saulono pecobetha mataboco jayabatsibe. Bapoxonae napeyabatsibe.



*Meje yabara poxonae Nacom pia peitorobi jiwi tatsi, Nacom pia diwesi tatsi cueicueijeji Chipre tunaetotha*

<sup>4</sup> Bapoxonae Bernabé Saulon<sub>ꞆꞆ</sub> itorobatsibe Nacom pia Pejumo<sub>ꞆꞆ</sub>pe t<sub>ꞆꞆ</sub>na<sub>ꞆꞆ</sub>x<sub>ꞆꞆ</sub> tatsi. Seleucia tomara bewarapiyabe. Bapoxonae ponabe jeratha po naetha po nae pin nae, petunaeto beya. Barapo tunaeto pew<sub>ꞆꞆ</sub>ꞆꞆ Chipre. <sup>5</sup> Poxonae patopa Salamina tomaratha, Nacom pia pexeinya diwesi tatsi cueicueijeji judiomona<sub>ꞆꞆ</sub> pia penacaetutsi bontha tatsi. Juan Marcos bichi napona Bernabé Saulono peyawenaenexatsi.

<sup>6</sup> Barapoyobe daxita barapo tunaeto matawacaicha enapona petsipaebinx<sub>ꞆꞆ</sub> Nacom pia pexeinya jume diwesi tatsi. Bapoxonae Pafos tomaratha pata. Barapo tomaratha bapoyobe caxinabe judiomonaepin pon pew<sub>ꞆꞆ</sub>ꞆꞆ Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan tacueicueijein Nacom nexa”, jei. <sup>7</sup> Barapon napuna poneiba pontha pon Chipre tunaetopiwi peyatunaeto ewatsinchi ponxae pew<sub>ꞆꞆ</sub>ꞆꞆ Sergio Paulo. Bapon Sergio Paulo peyaputaen. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa.

<sup>8</sup> Barapon pon mara pexeinaein icha w<sub>ꞆꞆ</sub>ꞆꞆ xeina, griego jume, “Elimas”, baraichi. Bapon Bernabé Saulono jume yancatabatsibe, tsipei jopa ichipaeyo xua Sergio Paulo jume cow<sub>ꞆꞆ</sub>ꞆꞆntsina Nacom Pejume Diwesi. <sup>9</sup> Nexata Saulo, pon icha w<sub>ꞆꞆ</sub>ꞆꞆnx<sub>ꞆꞆ</sub>ae Pablo, Nacom pia Pejumo<sub>ꞆꞆ</sub>pe t<sub>ꞆꞆ</sub>na<sub>ꞆꞆ</sub>x<sub>ꞆꞆ</sub> tatsi j<sub>ꞆꞆ</sub>nt<sub>ꞆꞆ</sub>ꞆꞆ coyene y<sub>ꞆꞆ</sub>ꞆꞆcatsi. Pablo bichocono pexainya beya tane.

<sup>10</sup> Pablo barai, jeye:

—¡Barjesús, xam pon jiwi nemuxuitorobeibin, abe neexanaein, cauri pexantom, daxita xua pew<sub>ꞆꞆ</sub>ꞆꞆnaew<sub>ꞆꞆ</sub>an neaichaxaibim! ¿Eta xua daichim jiwi cui yancababeibame xua pejume cow<sub>ꞆꞆ</sub>ꞆꞆanteibiwa Jesús, pon jiwi Pecanamataxeinaeinchi? <sup>11</sup> Bara anoxuae Nacomtha natsiaenae cuentsiname. Daxota caitacuere piontababa. Jopa caeto pesato taem tsane, beya poxonae matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ich<sub>ꞆꞆ</sub>ꞆꞆ nacobena jayaba, pecobe caponaenexatsi peitata nac<sub>ꞆꞆ</sub>ꞆꞆtsinx<sub>ꞆꞆ</sub>ae. <sup>12</sup> Poxonae Sergio Paulo baxua tane bapoxona<sub>ꞆꞆ</sub> bapon Nacom jume cow<sub>ꞆꞆ</sub>ꞆꞆntatsi tsipei tsita w<sub>ꞆꞆ</sub>ꞆꞆnaetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

*Meje yabara poxonae Bernabé Pablono Antioquía tomaratha ecabe xua Pisidia nacuatha*

<sup>13</sup> Pablo ir<sub>ꞆꞆ</sub> pijimona<sub>ꞆꞆ</sub> tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomona<sub>ꞆꞆ</sub> Juan Marcos w<sub>ꞆꞆ</sub> pona. Bapoxonae Jerusalén tomara bewarapiya. <sup>14</sup> Nexata Pablo ir<sub>ꞆꞆ</sub> pijimona<sub>ꞆꞆ</sub> tatsi Antioquía tomara be-iyiya. Barapo tomara Pisidia nacia nacacuita ecabe. Barapo matabitha, po matabitha pentaquei seicae matabitha, judiomona<sub>ꞆꞆ</sub> pia penacaetutsi botha tatsi pata, yawa enoundeca. <sup>15</sup> Baraxota ich<sub>ꞆꞆ</sub>ꞆꞆn yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeba. Bapoxona<sub>ꞆꞆ</sub> poxona<sub>ꞆꞆ</sub> najume weta pentacaponaw<sub>ꞆꞆ</sub>ewi, pomona<sub>ꞆꞆ</sub> peyabara umenaw<sub>ꞆꞆ</sub>ewi penacaetutsi bo, barapomona<sub>ꞆꞆ</sub> Pablo wabatsi ir<sub>ꞆꞆ</sub> piamona<sub>ꞆꞆ</sub> tatsi wabatsi. Barapomona<sub>ꞆꞆ</sub> jeye:

—Pata tajiwiwimonaem, icha paxeiname diwesi, po diwesi xua barapomona<sub>ꞆꞆ</sub> pej<sub>ꞆꞆ</sub>nt<sub>ꞆꞆ</sub>ꞆꞆ coyene tsacabiwatsi xua j<sub>ꞆꞆ</sub>nt<sub>ꞆꞆ</sub>ema pejinompaewa nexa barapomona<sub>ꞆꞆ</sub> pomona<sub>ꞆꞆ</sub> xote ene, bara moya papaebare barapo diwesi, jei barapomona<sub>ꞆꞆ</sub>.

<sup>16</sup> Nexata Pablo asiya uncua. Pecobetha jume matawenta xua moya peenaenexa. Pablo barai, jeye:

—Incane pajume taema, israelmona<sub>ꞆꞆ</sub> pam, ir<sub>ꞆꞆ</sub> paxamno pomona<sub>ꞆꞆ</sub> Nacom abe paca nacaexanaeyainwa pam xua icha abe paexaname, pomona<sub>ꞆꞆ</sub> judiomona<sub>ꞆꞆ</sub> jopa naexanaeyo pam. <sup>17</sup> Wamo susato jiwi, pomona<sub>ꞆꞆ</sub> Israel piamona<sub>ꞆꞆ</sub>, barapomona<sub>ꞆꞆ</sub> Nacom cana exana xua barapomona<sub>ꞆꞆ</sub> nayoyotapona beya xua pin bicheito naexanapona, poxona<sub>ꞆꞆ</sub> cataunxuae Egipto nacuatha jinompa. Nacom itapeta waba barapomona<sub>ꞆꞆ</sub>,

xua petanaexanaenexatsi pijimonae jiwana tatsi. Daxota Nacom pia peayapusuwatha wamo jiwi capanepatsi Egipto nacua weya. <sup>18</sup> Wamo jiwi ira xuepana susato tsurucuae nacua beya warapa cuarenta po weibe. Nacom yaweneiba barapomonaе bequein barapomonaе abe exaneiba cuarenta po weibe. <sup>19</sup> Wamo susato jiwi tsimaxu dubatsi Nacom poxonaе jutebatsi Canaán nacuamonaе. Nacom caewitaxuba Canaán nacuamonaе siete po bicheito matabuxuyobe. Wamo susato jiwi barapo ira xuya catatsi, Nacom cata. <sup>20</sup> Daxita baraxua Nacom exana barapomonaetha cuatrocientos cincuenta po weibetha.

“Bapoxonaе Nacom jiwana cana exana pomonaе jiwi peyabara paebiwichi xua penatsicuentsiwa xua abe peexanaexae pentacainompaenexa tsane barapomonaе. Nacom baxua exana beya poxonaе pon pewun Samuel popona pon Nacom pia peitorobi jume pepaebin. <sup>21</sup> Nexata israelmonae Nacomtha wuca pon be yatsicaya barapomonaе barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pewun Saúl, Cis pexanto tatsi, pon Benjamín pia pemomoxi susato jiwana tatsi. Bapon Saúl, pon jiwi itorobiya pia pepa peewatsin naexana cuarenta po weiyobe. <sup>22</sup> Bapoxonaе Saúl cui matawentatsi Nacom abe peexanaexae. Equeicha exana ichun pon jiwi itorobiya pia pepa peewatsinchi, pon pewun David. Nacom yabara jume jei David: ‘David tan, pon Isaí pexanto. David netsita juntu coyene xanepana yawa wunaе exanano. David itapeta exanaena daxita pocotsiwa ichichipan’, jei Nacom. <sup>23</sup> David pia pemomo susato jiwana tatsi, bapon pewun Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamonaе. Baraxua caena bayatha Nacom yabara tsiwanaе muxu duta. <sup>24</sup> Pewunaeya poxonaе Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa nacui barapentsina abe peexanae cuiru coyenein xua Nacom petsita xeinaenexatsi icha juntu coyenein, xuano xua bewa pinae nabautisabina. <sup>25</sup> Poxonaе Juan bara imoxoyo tupa, jeye: ‘Jopa daponyo xan, pon xua payabara nanta xeiname, pon Mesías baraichi. Cotacaya ichun patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu mu isanaxubiwa tsane pia penataxu xatatsiwa tatsi’, jei Juan”, jei Pablo.

<sup>26</sup> Equeicha Pablo jeye: “Tamonae pam, Abraham pia pemomoxi susato jiwi tatsi pamxaem, irun pomonaе Nacom abe paca necaexanaeyainwa pam xua icha abe paexaname. Nacom pacata itoroba barapo pecapanenebiyae diwesi jume po diwesi Juan yabara paeba. <sup>27</sup> Barapomonaе pomonaе Jerusalén tomaratha jinompa iru pia pentacaponae wi tatsi jopa Jesús yaitaetsi po coyene xua bapon apara Mesías. Matautano barapomonaе jopa yaputaeyo xua bayatha Nacom peitorobi jume pepaebiwi yabara wunaе tsiwanaya paeba xua bexa Jesús cana exanaeinchi. Pentaquei seicae matacabitha poxonaе ichamonae yoroba po diwesi xua Nacom pia peitorobi jume pepaebiwi tina, judiomonaе pia penacaetutsi botha tatsi barapomonaе jopa yabara yaputaeyo barapo diwesi. Poxonaе Jesús naetotha teparucua exanatsi, barapomonaе nanta jupiya exana Jesustha icha be pocotsi coyeneya bayatha Nacom pia peitorobi jume pepaebiwi paeba. <sup>28</sup> Barapo judiomonaе jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomonaе Pilato wucatsi xua Pilato itorobina soldadomonaе xua Jesús pebexubiwa tsainchi. <sup>29</sup> Barapomonaе exana daxita po coyene bayatha xua Jesús yabara wunaе tsiwanaya paebatsi Nacom Pejume Diwesitha. Barapoxonaе Jesús pijimonae petupaein naeto wepichicatsi. Pijimonae mathatha xotsi petupaein pitapatororo mathatha. <sup>30</sup> Ichitha Nacom, Jesús equeicha caewa asu exanatsi petupae cuiru coyene weya. <sup>31</sup> Matha cain Jesús puna jinompeibatsi ichamonae poxonaе Galilea nacuatha popona, Jerusalén tomarathano. Barapomonaetha equeicha Jesús tsita naitata ducuanabiya ainya matabi dapaein. Pomonaе Jesús bayatha tsita naitata, barapomonaе apara pomonaе xua anoxuae daxita toman

tsipaeba dubenanaebiya Jesús yabara.

<sup>32</sup> “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiw<sub>u</sub>nae muxu duta wamo susato jiwitha. <sup>33</sup> Baxua Nacom exana poxonae Jesús equeicha as<sub>u</sub> exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha tina Nacom Pejume Diwesitha xua salmos penax<sub>u</sub>nae weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei. <sup>34</sup> Nacom, Jesús as<sub>u</sub> exanatsi, xua equeicha jopa pet<sub>u</sub>paenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiw<sub>u</sub>nae muxu dutan’, jei. <sup>35</sup> Daxota pon xua tina salmos penax<sub>u</sub>nae weixi diwesintha, barapo diwesintha Nacom baraichi: ‘Jopa copatsim xua nexanto petsabanuncuaewa tsane pon bichocono pe<sub>u</sub>nt<sub>u</sub> coyene xanepanaein’, jei. <sup>36</sup> Xainyei, David exana xua Nacom ichipa poxonae bar<sub>u</sub> popona Israel nacuapiwi. David bayatha t<sub>u</sub>pa. M<sub>u</sub>th<sub>u</sub>tha xotsi ichaxota pamo jiwi tatsi yam<sub>u</sub>th<sub>u</sub> umena. Yawa bayatha tsabanuncua. <sup>37</sup> Ichitha barapo pepon po pepon Nacom as<sub>u</sub> exana, barapo pepon jopa tsabanaeyo. <sup>38</sup> Tamonae pam, maisa bepayabara yaputaename Jesús po coyene xua bapon Jesús pacata cayawa t<sub>u</sub>pa abe painya neexanae cuiru coyenein xua daxota Nacom j<sub>u</sub>ntemaina barapo abe painya neexanae cuiru coyenein. <sup>39</sup> Tsipei Jesús t<sub>u</sub>pa daxota daxita pomonae jume cow<sub>u</sub>nta bapontha, Nacom j<sub>u</sub>nt<sub>u</sub> coyene w<sub>u</sub>naetsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi j<sub>u</sub>nt<sub>u</sub> coyene xanepana exanaetsi abe pia peexanae cuiru coyenein tatsi weya. <sup>40</sup> Dota, icha metha jopa Nacom pajume cow<sub>u</sub>ntsipaem, bara paichim tsipae icha be pocotsi coyeneya bayatha pomonae Nacom peitorobi jume pepaebiw<sub>i</sub> yabara tina. Namchiya tina, jeye:

<sup>41</sup> ‘Ja, jiwi pecui caponaemonae pam,  
bara pana nabenaecare, pawerapare.  
Xan, Nacom, anoxuae exanaein bichocono pepa  
pew<sub>u</sub>naewa poxonae cataunxuae pajinompame.  
Baxua xua exanan, jopa pajume cow<sub>u</sub>ntsims,  
bara bequein ichamonae paca tsipaeba’,  
jei Nacom”, jei Pablo.

<sup>42</sup> Pablo, ir<sub>u</sub> pia pepuna ponaewichi daxita barapoyobe judiomonae pia penacaetutsi bo tatsi wejojoniya. Pomonae baxota umena pomonae jopa yacuiya naexanaeyo xua judiomonae penaexanaewa, barapomonae Pablo w<sub>u</sub>catsi xua bepa pinae Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicae matabitha. <sup>43</sup> Poxonae najume weta Pablo ir<sub>u</sub> Bernabé, puna poinchibe judiomonae ir<sub>u</sub> pomonae jopa judiomonae naexanaeyo. Barapomonae Nacom jume cow<sub>u</sub>nta nawita icha judiomonae ichi. Pablo Bernabeno tsipaebabe barapomonae: “Nacom pajume cow<sub>u</sub>nta dubenanaebiyama xua Nacom w<sub>u</sub>nae pia pacata exanaenexa painya j<sub>u</sub>nt<sub>u</sub> coyeneintha pia paca necaantobexae”, jeibe.

<sup>44</sup> Icha matabi, po matabitha pentaquei seicae matabitha, pin bicheito pomonae tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi. <sup>45</sup> Ichitha poxonae judiomonae pinmonae necota, jume uwa tsipei pinmonae nacaetuta pejume taenexatsi Pablo. Pablo jume matawentatsi xua paeba yawa ts<sub>u</sub>m<sub>u</sub> jume bar<sub>u</sub> paebatsino. <sup>46</sup> Nexata Pablo Bernabeno tsipaebabe barapomonae. Jopa auriya paebiyobe. Jeibe:

—Bara xanepana xua copiya Nacom Pejume Diwesi paca tsipaebatsi pomonae judiomonae pamxaem. Daichitha, jopa bepajume taem barapo diwesi tsipei jopa paichichipaem xua painya nexenaewa peaj<sub>u</sub>nt<sub>u</sub>yapus<sub>u</sub>wa po peaj<sub>u</sub>nt<sub>u</sub>yapus<sub>u</sub>wa ataya tsiteca. Daxota anoxuae ichamonaetha pata tha ponaetsi pomonaetha pomonae jopa

judiomonae naexanaeyo. <sup>47</sup> Pata Tanecanamataxeinaein Nacom pana itoroba. Pana baraino, jeye:

‘Paca exanatsi xua painya neyawenaewa  
daxita pomonae jopa judiomonae naexanaeyo  
xua xanepanaeya pejinompaenexa tsane.

Matautano paca exanatsi xua beta  
painya netsipaebinexa Nacom Pejume  
Diwesi daxita nacuantha, xua jiwi  
pecapanenebiyaenexa tsainchi Nacom abe pia  
peexanae cuiru coyenein weya tatsi’,  
jei Nacom, jei Pablo.

<sup>48</sup> Poxonae baxua jume taerucupa, pomonae jopa judiomonae naexanaeyo, barapomonae bichocono juntu coyene weiweinarucupa, juntea jinompano. Pablo tsi-paebatsi: “Nacom Pejume Diwesi jume xeica. Bichocono jume wanae”, jei. Daxita barapomonae jume cowanta pomonae Nacom cuita itapeta petaxeinaenexa tsainchi peajuntayapusawa, po peajuntayapusawa ataya tsiteca. <sup>49</sup> Barapomonae pomonae Jesús pejume cowantsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein. <sup>50</sup> Ichitha judiomonae anaepana exana yabuxi powaxi Nacom cananta xeinatsi bichocono. Yawa pebiwi pomonae peainya cui jiwi, barapo pebiwi anaepana exanatsiru. Iru judiomonae Pablo Bernabeno abe yabara cueicueijeichibe, daxota daxita jiwi Pablo iru Bernabé casebatsibe. Barapo jiwi Pablo Bernabeno itawetaxotsibe pia nacua beya. <sup>51</sup> Nexata Pablo Bernabeno nataxu nunatababe tsorobo. Baxua exanabe petsita itapeinya xeinaenexa po coyene bapomonae abe exana poxonae jume itaweta Nacom Pejume Diwesi. Barapoxonae warapabe Iconio tomara beya. <sup>52</sup> Ichitha pomonae Jesús jume cowanta, barapomonae bichocono juntu coyene weiweina. Matautano barapomonae juntu coyene yucatsi Nacom pia Pejumope tuxaxu tatsi.

## 14

### *Meje yabara poxonae Pablo Bernabeno Iconio tomaratha poponabe*

<sup>1</sup> Iconio tomaratha Pablo Bernabeno judiomonae pia penacaetutsi botha tatsi jonyabe. Beta paebabe daxota pinmonae Jesús jume cowanta. Judiomonae jume cowanta, iruru pomonae jopa judiomonae naexanaeyo jume cowanta Jesús. <sup>2</sup> Ichitha po judiomonae jopa Jesús pejume cowantsiwichi barapomonae cui tsacaba pomonae jopa judiomonae naexanaeyo cui tsacabatsi. Daxota barapomonae pomonae jopa judiomonae naexanaeyo abe yabara nanta xeina xua pomonae Jesús pejume cowantsiwi tatsi abe yabara nanta xeinatsi. <sup>3</sup> Pablo Bernabeno barapo tomaratha ecabe. Ainya matakabi dapaein baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayapusawa peexanaenexabe pexeinya petsita itutsi coyenewan. Poxonae jiwi cui tane xua baponbe exanabe, barapo jiwi yaputane xua Nacom yawena baponbe, peantobexaetsibe. <sup>4</sup> Daxita jiwi tomaratha be ainya jiwibe natsababe. Ichamonae judiomonae ichichipa. Ichamonae Jesús pia peitorobi jiwi tatsi ichichipa. Daxota ainya bicheitobe nacana exanabe. <sup>5</sup> Nexata bapoxonae judiomonae iru pomonae jopa judiomonae naexanaeyo peburaya yabara jume baru nanta xeinarucupa xua pentacaponae wi paeba po coyene xua Pablo yawa Bernabé abe peexanaewa tsainchibe xuano xua ibotontha pecuinbabinexatsibe. <sup>6</sup> Poxonae Bernabé Pablobe jume taebabe nainya naetsirucuabe Listra tomara beya, Derbe tomara beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha. <sup>7</sup> Barapo tomarantha cuiduba ducuanabiyabe Jesús pia pexeinya jume diwesi tatsi.

*Meje yabara poxonae Pablo Listra tomaratha ibotontha cuinbabatsi*

<sup>8</sup> Listra tomaratha pebin popona pon pemabinchi, pon xua jopa peponaein. Bapon pexuyotha caena yawa naexaneca, xuano bapana jopa ponae. <sup>9</sup> Bapon pon pemabinchi Pablo jume tainchi xua pocotsiwa cueicueije. Pablo pemabinchi tane. Pablo nanta xeina, xua pon pemabinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemabinchi. Daxota bichocono Pablo naita cui duya bapontha beya. <sup>10</sup> Nexata Pablo jume daunweya barai, jeye:

—Asiya uncuare, jei.

Pon pemabinchi asiya uncuatabiya jirawana yawa nainya ponano. <sup>11</sup> Poxonae Pablo cui tainchi barapomona, jume daunweya wawai pin jumetha, Licaonia pijumetha tatsi:

—jNacombe be pebin jata tsecae waxainya berena patopabe! jei.

<sup>12</sup> Barapomona namchi: “Maisa Bernabé bara mexeya nacom tsecae, po nacom pewan Zeus. Iru Pablo bara mexeya icha nacom tsecae, po nacom pewan Hermes”, jei. Barapomona bapo wan duta poxoru tsipei Pablo penantacapaebin tsecae. <sup>13</sup> Iru barapo nacom Zeus pia sacerdotemonaepin xeinaru, pon Zeus wanae jainteibatsi pia penacaetutsi bo tatsitha. Barapo penacaetutsi bo uncua tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacaetutsi botha tatsi. Barapo tomarapiwi iru Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo iru Bernabé nexabe pia Pablo iru Bernabé yabara nanta xeinaebe barapomona xua barapomona bara pejuntu coyene xanepanaewi. <sup>14</sup> Bernabé Pablobe jume tanebe xua taexanaeinhibe baxua barapomona. Bapoxonae anaya nama paparuwa tsitsinaxubabe. Cuinaeponaya wawaibe poxoru aichaxaibibe xua baxua barapomona exanaena. Jeibe:

<sup>15</sup> —¿Eta xua daxua pana canautame? Apra saya jiwi panbe. Be paxam paichim bara paichinbe. Papatopanbe tsipei apra pata paca catsipaebinexa tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peantacuiyapusan, exana peitaboco, iranno, pin meneinno. Daxita xua xuanno yawa muxuna dubena tsiniya Nacom bayatha exana. <sup>16</sup> Wawanaeya Nacom cui copata daxita nacuapiwi xua bara pejinompaenexa icha be pocotsi coyeneya ichichipa xua pejinompaewa. Daxita jiwi pia cui nata exana saya. <sup>17</sup> Nacom xua pewanaewan nacopiniwa tsita itaba daxota jiwi naita cui coyene tane xua Nacom exana. Barapon Nacom apra pon ema pacata itorobica, pexuwiwanno paca tsijain exaneica catsicano. Pexaewa paca cata. Paca juntu coyene weiweina exana, jei.

<sup>18</sup> Bequein Bernabé Pablobe jume daunweya yabara paebabe baraxua, awiya barapomona ichichipa jutebina vaca pebton xuano xua wanae pejainchinexatsibe Pablo iru Bernabé. Barapomona muxu pejutebi vaca daichitha jopa jutebiyo.

<sup>19</sup> Bapoxonae judiomona pomona jopa pejume cowantsiwi, Antioquia tomara weparena, iruru Iconio tomara weparena. Daxita barapo judiomona Listra tomarapiwi baru cueicueijeichi pebaru anaepanaenexatsibe Pablo iru Bernabeno. Nexata barapomona Listra tomarapiwi ibotontha cuinbabatsi Pablo. Barapomona najuntu coyene xeina xua bayatha tupa Pablo. Pablo tomara coiboto juma bejojontapoinyatsi. <sup>20</sup> Jesús pejume cowantsiwichi Pablo cacuita mata wacaicha umenarucupatsi. Bapoxona Pablo asiya uncuataba. Equeicha tomara bepoinya. Icha mataqueitha Bernabé Pablobe Derbe tomara beya ponabe.

<sup>21</sup> Barapoxona Bernabé Pablobe muxu tsipaebabe Jesús pia pexeinya jume diwesi tatsi. Pinmona jume cowanta Jesús. Equeicha bapoxona Listra tomara beya, caibeya ponabe. Iconio tomarano, Antioquia tomara beyano bara bewarapiyabe. <sup>22</sup> Bernabé iru Pablo barapo tomarantha juntu coyene tsacababe pomonaetha pomona pejume

cowantsiwi xua xanepanaya pejinompaewa tsane. Matautano cui itorobabe barapomonaetha xua bewa barapomonaeta beta xanepanaya jume cowanta dubenanaebiyaena. Barichino matautano tsipaebabe xua pinae poxonaeta ichamonae pepatsiwa tsane Nacom pia peitorobi nacua beicha bewa matha ajuntucoyenetane exaneibinchi xua ichamonae taexanaena. <sup>23</sup> Bernabé Pabloe tamroropata itapeta tsiniyabe pitiri jiwi daxita Jesús pejume cowantsiwi pia penacaetutsi bontha. Barapo pitiri jiwi itapetatsi peyawenaenexa xua peyawenaenexatsi pomonaeta Jesús pejume cowantsiwi. Poxonaeta daxita najume weta xua Nacomtha petsipaebiwa, xuano xua yabara nainbota pitiri jiwi nexa, barapoxonaeta Pablo iru Bernabé, Nacom pon Pecanamataxeinaein jiwi, jeichichi: “Nacom, barapo pitiri jiwi beta eenare jinya necajume cowantsixae”, jeibe.

*Meje yabara poxonaeta Bernabé iru Pablo Antioquía tomaratha equeicha caibe patopiyaeta xua po tomara peecaetaeta Siria nacuatha*

<sup>24</sup> Copiya matha Pisidia nacua bewarapiyaeta. Barapoxonaeta Panfilia nacuatha patopabe. <sup>25</sup> Jesús pia pexeinya jume diwesi tsipaebabe Perge tomaratha. Barapoxonaeta equeicha Atalia tomara bewarapiyaeta. <sup>26</sup> Baraxotiya Atalia tomaratha Antioquía bewarapiyaeta jeratha, po naetha po nae pin nae. Antioquía tomara barapo tomara ichaxota bayatha matha barapomonaeta Bernabé iru Pablo tawucatsibe Nacomtha poxonaeta juntucuru warapabe. Bayatha cain barapo Antioquía tomarapiwi tawuca Nacomtha, xua Nacom beta eenaeta peantobetaeta xua Pablo iru Bernabeno beta eenaetainchibe poxonaeta nacuitabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichiwaeta bayatha wetabe. <sup>27</sup> Bernabé iru Pablo poxonaeta patopabe Antioquía tomaratha caetutabe pomonaeta pejume cowantsiwi Jesús. Baponbe barapomonaetha tsipaebabe po coyene bayatha Nacom Pablo iru Bernabé taexanatsibe. Matautano tsipaebabe xua Nacom pon Pecanamataxeinaein jiwi, pomonaeta jopa judiomonaeta naexanaeyo tacopatatsi xua iru barapomonaeta peitacupaewatsi xua pejume cowantsinexatsi Jesús. <sup>28</sup> Bernabé iru Pablo baraxotiya ainya dapaein naecabe barapomonaeta pia xantha tatsi pomonaeta Jesús pejume cowantsi jiwichi.

## 15

*Meje yabara poxonaeta nacaetuta Jerusalén tomaratha Jesús pia peitorobi jiwi tatsi iru penapataeta jiwi*

<sup>1</sup> Barapoxonaeta iru pebiwi, pomonaeta Judea nacuatha jinompa, pata Antioquía tomaratha. Barapomonaeta tamropata notarucupa xua pecuidubiwa pomonaetha pomonaeta iru pejume cowantsiwixae Jesús. Jeye: “Icha paichichipame xua painya nepaca capanenebiwa matha pana nawi thabare pebiwi pam ichaxota pana nareixacaename icha be ichi pocotsi coyeneya bayatha Moisés paca itoroba”, jei. <sup>2</sup> Pablo iru Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomonaeta. Daxota Pablo iru Bernabé wun dutatsibe, iru ichamonae wun dubatsi xua daxita barapomonaeta peponaenexa Jerusalén tomara beya. Matautano barapomonaeta itorobatsi xua barapo penawi thabi coyene yabara petsipaebinexatsi Jesús pia peitorobi jiwi tatsi, iruru pitiri jiwi petsipaebinexatsi pomonaeta penacaetutsi jiwi jiwana xua Jerusalén tomaratha.

<sup>3</sup> Barapo Antioquía tomarapiwi pomonaeta Jesús pejume cowantsiwi pu taeumena. Pablo iru Bernabé iru icha pebiwi pu taeumeinchi. Barapoxonaeta Pablo Bernabeno iru icha pebiwino warapa. Barapomonaeta siwa pona Fenicia nacua beya, Samaria nacua beyano. Barapomonaeta Pablo Bernabeno tsipaebabe, jeibe: “Pomonaeta xua jopa judiomonaeta naexanaeyo, barapomonaeta pia cui coyenein nacui barapenta po coyenein xua jume cowanta bayatha pia jume cowantichi Nacomtha”, jeibe Pablo, Bernabeno.

Daxita pomonae iru pejume cowantsiwixae Jesús bichocono juntu coyene weiweina poxonae jume tane baxua.

<sup>4</sup> Bernabé iru Pablo poxonae patopabe Jerusalén tomaratha, pomonae pejume cowantsi jiwi baponbe matenta weiweinaya wabatsibe. Iru Jesús pia peitorobi jiwi tatsi matenta weiweinaya waba. Barichiru pitiri jiwi matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbetha. <sup>5</sup> Ichitha ichamonae fariseomona, pomonae bayatha jume cowanta Jesús, asiya umena. Barapomona namchi, jeye:

—Pomonae jopa judiomona naexanaeyo pomonae pejume cowantsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

<sup>6</sup> Bapoxonae Jesús pia peitorobi jiwi tatsi iru pitiri jiwimonaeno nacaetuta peyabara paebinexa barapo penawi thabi coyene. <sup>7</sup> Caena bayatha bapomona najume matsonsonobompa. Bapoxonae Pedro asiya uncuataba. Barai barapomonaetha, jeye:

—Tamona pam, pomonae iru painya nejume cowantsiwixae Jesús, paxam payaputaneme, xua caena bayatha Nacom neitapeta painya xantha. Newaba tacueicuei-jinexa tsane Jesús pia pexeinya pecapanenebiyae diwesi jume pomonaetha pomonae jopa judiomona naexanaeyo, xua iru barapomona pejume cowantsinexa barapo diwesi. <sup>8</sup> Nacom pejuntu coyene yaputaein jiwi daxota naca yaputane exana xua bapon tsitatsi xua barapomona pejuntu coyene xanepanaewi bequein jopa judiomona naexanaeyo. Nacom bara nanajumope tuxa cata barapomonaetha icha matha naca cana ichi. <sup>9</sup> Nacom bichocono antobe barapomonaetha icha ichi xua bichocono naca antobe. Nacom juntu coyene puxana exana barapomonaetha xua abe pia peexanae cuiru coyenein tatsi pejume cowantsixaetsi icha naca ichi. <sup>10</sup> Maisa anoxuae jopa bepayabara yaputaem pocotsiwa Nacom exana. Matautano barapo pejume cowantsiwi pomonae jopa judiomona naexanaeyo pacui itorobame xua penawi thabiwa xua ichaxota nareixacaena xua ichaxota pebiwichi xinatsi. Matautano be paca ita cui jicha xua barapomonaetha bewa exanaena pocotsiwa Moisés itoroba. Apra baraxua jopa naca itacupaeyo xua waexanaewa. Iru wamo susato jiwi jopa itacupaetsi xua peexanaewa baxua. <sup>11</sup> Nama apra waxainchi wanaca capanenebiyae jiwichi xua saya amanaya xua Jesús pon jiwi Pecanamataxeinaein peichichipaexae baxua. Barapo pejume cowantsiwi iru bara cana ichichi, jei Pedro barapomonaetha.

<sup>12</sup> Bapoxonae barapomonaetha moya umena. Barapomonaetha Bernabé iru Pablo jume taeumenatsibe. Tsipaebabe: “Paponeibanbe pomonaetha pomonae jopa judiomona naexanaeyo. Paexaneibanbe barapomonaetha pexeinya petsita itatsi coyenewan Nacom pia peayapusuwiyatha tatsi”, jeibe. <sup>13</sup> Poxonae Bernabé iru Pablo najume wetabe xua paebabe, bapoxonae Santiago namchi, jeye:

—Tamona pam, pomonae iru painya nejume cowantsiwixae Jesús, pana nejume taema: <sup>14</sup> Simón Pedro aunxuae naca tsipaeba. Pedro namchi: ‘Poxonae Nacom copiya tamropata pitaba xua yawena pomonae jopa judiomona naexanaeyo, Nacom jiwana itapeta pomonae xua peantobenexa tsainchi bapon’, jei Pedro. <sup>15</sup> Xuaunxuae Pedro paeba caena bayatha Nacom pia peitorobi jume pepaebiwi yabara tsiwana muxu dutsiya tina Nacom Pejume Diwesitha xua Nacom nexa, jeye:

<sup>16</sup> ‘Poxonae daxita baraxua wetsina, xan Nacom equeicha patoparecaein.

Exanaein xua caein, pon David pia pemomo jiwi tatsi jiwana matacapoponaena piamonae, icha matha David ichi poxonae piamonae matacapopona.

<sup>17</sup> Poxonae baraxua exanaein, barapoxonae ichamonae pomonae jopa judiomonae naexanaeyo newenawenei tsane pia tanejume cowantsinexa tsane.

Barapomonae pia Pecanamataxeinaein tatsi naexanaein taitapetsixae barapomonae.

<sup>18</sup> Nacom pon jiwi yaputaeya exanatsi barapo coyenein caena bayatha pepaebixae baxua daxota xaniwaicha Nacom exanaena', jei Nacom pia peitorobi jume pepaebiwi, Nacom Pejume Diwesitha xua Nacom nexa, jei Santiago.

<sup>19</sup> Santiago cataunxuae awiya cueicueijei, jeye: "Daxota nanta xeinan, equeicha waxainchi jopa bewa itorobi tsainchi pomonae jopa judiomonae naexanaeyo xua peexanaewa po coyenein xua taayapubetsi. Barapomonae nacui barapenta pia cui coyenein po coyenein xua jume cowanta bayatha pia jume cowantichi Nacomtha.

<sup>20</sup> Betatinaetsipatsi carta pomonae jopa judiomonae naexanaeyo. Barapo cartatha jeichipaetsi: 'Jopa equeicha pewi paxaeinde po wi jiwi tajeba ibo nacom nexa. Painya xoba yabuxi panotame po yabuxi jopa painya seurixi. Painya xoba duwei pawu xaneme pon saya pipato tupa xuano pon saya bunopa. Matautano jopa paxaeinde pejanan', bejei tsipaetsi. <sup>21</sup> Baraxua bewa exanaetsi poxoru caena cain bayatha pomonae Nacom Pejume Diwesi pecanatsipaebi jiwi yorobeiba barapo diwesi judiomonae pia penacaetutsi bontha tatsi. Daxita tomarantha xua po matakabintha pentaquei seicae matakabintha barapomonae yorobeiba Nacom Pejume Diwesi, po diwesi xua Moisés tina bayatha pocotsiwa yabara tsiwinae muxu duta Nacom", jei Santiago.

*Meje yabara poxonae barapo bicheito carta tatina pomonaetha pomonae jopa judiomonae naexanaeyo*

<sup>22</sup> Jesús pia peitorobi jiwi tatsi iruru pitiri jiwi, iru daxita pomonae pejume cowantsiwi juntucuru najiwana itapeta. Bapoxonae xua Antioquia tomara beya penajiwana itorobinexa Pablo iru Bernabé. Judas wan dutatsi pon icha wan Barsabás. Iru Silas wan dutatsi, baponbe ponbe bichocono peainya cui jitonbe xua pomonae iru pejume cowantsiwi pia xantha tatsi. <sup>23</sup> Jesús pia peitorobi jiwi tatsi iruru pitiri jiwi, iru pomonae Jesús pejume cowantsiwi, barapomonae carta tina xua peicatorobinexa xua Pablo iru Bernabé iru Judas iru Silas barapoyobe peicatorobinexatsi. Barapo carta namchi, jeye:

"Paxan Nacom pia peitorobi jiwi tatsi pan, iru pitiri jiwi panno xua nacaemonae jiwichi xua wajume cowantsiwichi Jesús. Paxan pajacoban patamonae pomonae jopa judiomonae naexanaeyo pomonae iru Jesús pejume cowantsiwichi, pomonae pejinompaexae Antioquia tomaratha, xuano xua pejinompaexae Siria nacuatha, Cilicia nacuathano. <sup>24</sup> Payaputan ichamonae xua patamonae pata tomara weya pipato paca siwa pona painya tomara beya. Paca cajume acaura. Barapomonae namchi: 'Pana nawi thabare. Matautano paexande pocotsiwa Moisés pia coyenewatha itoroba', jei. Jopa paitorobinyo barapo jume. <sup>25</sup> Daxota be juntucuru pawinaein xua cuita pananta jupaya nanta xeinan. Paitoroban ichamonae pata xainya weya pia paca necataenexa tsane. Napuna ponabe Bernabé Pablono ponbe bichocono paantobein. <sup>26</sup> Baponbe Pablo iru Bernabé muxu pebocaebe xua pebexubiwatsibe pecueicueijei tsurucuaenaebiyaexaebe Jesucristo nexa, pon Wanacanamataxeinaein. <sup>27</sup> Paitorobanbe Judas Silasno. Baraponbe saya pia coutha paca tsipaebinabe daxita xua barapo cartatha papaeban painya neyaputaenexa. <sup>28</sup> Paxan iru Nacom pia Pejumope tuxa tatsi pananta jupaya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya u baxua xua pacata tinatsi po cartathe baxua panantawenoname xua painya neexanaewa tsane. <sup>29</sup> Painya xoba



paxaneme pewi po wi jiwi tajeba ibo nacom nexa poxonae tauta barapo duwei xua tuxusi exana barapo ibo nacom nexa. Barichi painya xoba duwei pawu xaneme pejanano po duwei pipato tɔpumena. Matautano ichamonae painyamonae jiwana pia xoba nota yabuxi powaxi jopa piseurixi tatsi. Icha baraxua panacui barapentsiname xanepanaya pajinompaname. Baja”, jei barapo cartatha.

<sup>30</sup> Bernabé iru Pablo, iru Judas Silasno barapomonaeyobe peitorobixaetsi bara Antioquia tomara be-iyiya. Barapo tomarathiya barapomonaeyobe caetuteta pomonae pejume cowantsiwi. Matautano barapomonaeyobe barapo carta cata barapomonaetha. <sup>31</sup> Pomonae iru pejume cowantsiwixae Jesús bara yoroba barapo carta. Barapomonaetha bichocono juntu coyene weiweina tsipei barapo cartatha cui matateicaeya yabara paebatsi. <sup>32</sup> Judas iru Silas peitacupaexaetsibe xua beta petsipaebiwabe Nacom Pejume Diwesi xua Nacom yaputane exana, daxota juntu coyene tsacababe barapomonaetha pomonae iru Jesús pejume cowantsiwi tatsi xua beta pejinompaewa tsane. Matautano baponbe cui matateicabe. <sup>33</sup> Barapoyobe barapo pejume cowantsiwitha naecabe caena bayiyo. Barapoxonae barapomonaetha pomonae pejume cowantsiwixae Jesús barapoyobe juntu coyene xanepanaya pu napeyabatsi xua penawibiyaexae caibeya ichaxota werena bayatha pomonae peitorobirenaexaetsi. <sup>34</sup> Ichitha Silas juntucuru narunta. <sup>35</sup> Pablo iru Bernabé Antioquia tomaratha ecabe. Baponbe iru ichamonaeno pomonae pinmonae, daxita barapomonaetha cuiduba dubenanaebiya yawa tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

*Meje yabara poxonae Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueijejwa nexa*

<sup>36</sup> Pirapaeyo icha mataqueitha, Pablo barai, Bernabé baraichi, jeye:

—Antha equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomonaetha, jei Pablo.

<sup>37</sup> Bernabé ichichipa xua puna poinchibe pon Juan, pon icha wunno Marcos. <sup>38</sup> Ichitha Pablo jopa ichipaeyo xua pebaru ponaewatsi Juan Marcos tsipei bayatha Panfilia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi. <sup>39</sup> Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya. <sup>40</sup> Barapoxonae Pablo cuita waba Silas. Antioquia tomaratha pomonae pejume cowantsiwixae Jesús, Pablo Silasno tatsipaebatsibe Nacomtha xua Nacom peenaenexa peantobexae xua Pablo iru Silas peenaenexatsibe poxonae cueicueijeibe Nacom Pejume Diwesi. <sup>41</sup> Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomonae pejume cowantsiwi Jesús xua beta pejinompaewa nexa.

## 16

*Meje yabara poxonae Timoteo cueyata, Pablo iru Silas cueyatatsibe*

<sup>1</sup> Pablo iru Silas Derbe tomaratha patopabe. Equeicha bapoxonae Listra tomaratha patopabe. Baraxota Listra tomaratha caxinabe pebin pon pejume cowantsin Jesús. Bapon pewun Timoteo. Pena tatsi saya judiomonaewayo. Barapowa iru pejume cowantsiwayo Jesús. Timoteo paxa tatsi griegomonaepin. <sup>2</sup> Jesús pejume cowantsiwi, pomonae jinompa Listra tomaratha, iru pomonae Iconio tomaratha jinompano, barapomonaetha Timoteo beta yabara paebatsi xua pinae pejuntu coyene xanepanaein. <sup>3</sup> Pablo ichichipa xua bepuna ponaichatsi Timoteo xua peyawenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xeina. Pablo baxua exana tsipei jopa ichipaeyo xua judiomonaetha

anaepana peexanaewa tsainchi xua jopa pewi thabixae tsipaetsi Timoteo. Tsipei Pablo yaputane xua judiomonae nawita ichaxota poneibinabe. Barapomonae judiomonae nawi thabeiba tsipei pia cui. Matautano barapomonae judiomonae yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomonaepin jopa daxua exaneibiyo. <sup>4</sup> Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomonae Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxona nacaetuta Jerusalén tomaratha pomonae pejume cowantsiwi Jesús. <sup>5</sup> Daxota pomonae penacaetutsi jiwi bara xanepanaya beta jume cowanta. Daxotano pinmonae jume cowanta. Daxita matabi mataropeicha pinmonae tsoponae xua jume cowantapona Jesús.

*Meje yabara poxonaep Pablo camaita Macedonia nacuapin*

<sup>6</sup> Nacom pia Pejumope tunaxu tatsi Pablo jopa copatichi xua pecueicueijejwa tsane Nacom pejume diwesi Asia nacuatha. Daxota Pabloaru Frigia nacua iya pona xua Galacia nacua iya pona. <sup>7</sup> Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumope tunaxu tatsi apusiwa. <sup>8</sup> Daxota Misia nacua iyiya. Troas tomaratha mene itapatha pata. <sup>9</sup> Baraxota merawi Pablo camaita pebin pon Macedonia nacuapin. Bapon Macedonia nacuapin nantacotuncua. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo. <sup>10</sup> Pablo camaita bapon, daxota paxainxainyan xua pata warapaenexa Macedonia nacua beya. Iru xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicueijejwa tsane Jesús pia pexeinya jume diwesi tatsi.

*Meje yabara poxonaep Pablo iru Silas Filipos tomaratha ecabe*

<sup>11</sup> Jeratha pawarapan, po naetha po nae pin nae. Paponarucapan Troas tomara mene itapa weya. Weratha bopiya payiyan petunaeto cacuitiya Samotracia tunaeto. Icha matabitha papatan Neápolis tomaratha. <sup>12</sup> Equeicha baxotiya Filipos tomara bepaiyan, po tomaratha xua romanomonae cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matabin paenan. <sup>13</sup> Caentacabi, po matabi pentaquei seicae matabitha, tomara pepuya beya paponan mene itapa beya, ichaxota judiomonae Nacom wunqueiba. Paenan baraxotiya. Jesús pejume diwesino pacueicueijan yabuxitha powaxi xua cou bayatha nacaetuta. <sup>14</sup> Barapowaxi caewayo jiwana pana jume tane. Barapowa pewun Lidia, Tiatira tomara piwayo. Bapowa caenaeteiba papaburu, po papaburu nu tsobia po papaburu ainya matoman. Barapowa wuna jainteiba Nacom. Barapowa beta jume tane pocotsiwa Pablo paeba. Nacom pon jiwi Pecanamataxeinaein, barapowa icha juntu coyene cana exanatsi xua peexanaenexa pocotsiwa Pablo paeba. <sup>15</sup> Barapowa bautisabatsi, yawa piamonae matabuxuyo tatsi bautisabatsi. Bapoxonae bapowa pana barai, jeye:

—Icha bara metha xaniwaicha pananta xeiname xua Jesús tajume cowantsiwayo, pon jiwi Pecanamataxeinaein, nexata antha tabotha pamaire, pana nejei Lidia.

Pecono jumeyotha pana barai, bepa pinae xua pia botha pamaichin.

<sup>16</sup> Icha matabeitha poxonaep namtotha paenaponan xua poxonaep paponan ichaxota jiwi wunqueiba Nacomtha, baxota yabuxo pacaxinan namtotha. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Matautano barapowayo paratixi caetuba pia pentacaponaein tatsi nexa xua bapowa pecueicueijej tsaibixae pocotsiwa cauri yaputane exana.

<sup>17</sup> Barapowa, Pablo, iru paxan pana pu wabapona. Bapowa wawaya namchi, jeye:

—¡Barapomonae tanacuita Nacom nexa, po Nacom itabocotha eca! ¡Paca muxu tsipaeba Nacom pia pecapanenebiyae diwesi! jei barapowayo.

<sup>18</sup> Bapowa baxua exaneiba ainya matababin. Pablo amuxufaetabi. Pablo barapowa taitaweta cauri. Pablo cauritha namchi, jeye:

—Jesucristo wuntha caitawetatsi. Naetsiriware. Xubariware bapowayo, jei Pablo.

Bara caena barapowayo copatabatsi cauri.

<sup>19</sup> Barapoxonae yabuyo cui tainchi pia pentacaponae wichi tatsi xua equeicha jopa amanaya tacaetubi tsane paratixi barapomonae nexa. Daxota Pablo Silasno waetabat-sibe. Pematacaitorobi bicheito jiwi peitabaratha capoinchibe tomara panatha.

<sup>20</sup> Barapomonae Pablo iru Silas cuaranotatsibe peitabaratha tatsi pomonae jiwi peyabara paebiwi xua penatsicuentisiwa xua abe peexanaexae. Barapomonaetha jeye:

—Baponbe judiomonae jitonbe, watomaratha baponbe wamonae cui tsacabatsi xua najume matsontsonoba. <sup>21</sup> Baraponbe pia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomon-aetsi, jei barapomonae.

<sup>22</sup> Bara nexata Pablo iru Silas baru anaepanaru capsibe jiwi. Matautano pomonae jiwi peyabara paebiwi xua penatsicuentisiwa xua abe peexanaexae, barapomonae ichamonae cui itorobatsi xua Pablo iru Silas pema xuenaxubinexatsibe paparuwa, bapoxonae xua pecuainchinexatsibe iwatontha. <sup>23</sup> Matha bichocono cuaintatsibe. Bapoxonae caponatsibe jiwi pecubi bo beya. Pon peyabara equeibin pomonae cubebatsi jiwi pecubi botha bapon cui itorobatsi jeichichi: “Beta yapu eenare, xua jopa penaetsiriwanexabe”, jeichichi barapon. <sup>24</sup> Poxonae bapon jume tane pocotsiwa pentacaponae wichi cui itoroba, bapoxonae po tutu taju beya baxota Pablo iru Silas cuaranoyatsibe. Bichocono naepaewatha taxu cateitabetatsibe jiwi petaxu cateibabi naewatha.

<sup>25</sup> Papaetha Pablo iru Silas Nacomtha tsipaebabe yawa Nacom pijume weino naxnabe. Ichamonae baraxota cubebatsi jiwi pecubi botha. Barapomonae Pablo iru Silas jume tayenatsibe. <sup>26</sup> Barapoxonae jemeicha bichocono jijiyataxuba. Ibowano jijiy-ataxubano xua bomxu peyutanotsiwa. Bapoxonae jemeicha nainya saya dubenanaya peboupan. Matautano pomonae jiwi pecubi botha jebatsi daxita taxu nain sarababatsi.

<sup>27</sup> Pon peyabara equeibin pomonae cubebatsi, bapon nacosataxuba. Bapon tane xua barapo jiwi pecubi bo saya peboupa umenarupa. Bapoxonae pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno iru ichamonaeno. <sup>28</sup> Ichitha Pablo waba bapon pon peyabara equeibin pomonae cubebatsi jiwi pecubi botha, jeye:

—Jopa jinya coutha nabexubinde, tsipei apara cataunxuae xote pajinompan! jei Pablo.

<sup>29</sup> Nexata pon peyabara equeibin pomonae cubebatsi jiwi pecubi botha, wawaya namchi, jeye: “Painta itanatabare”, jei. Jijiyeya cuinaepondena. Pablo iru Silas imoxoyo petaxutha pentabocototha caquita tauncuatabatsibe. <sup>30</sup> Bapoxonae bapon pon peyabara equeibin pomonae cubebatsi jiwi pecubi botha, bapon Pablo iru Silas pesato becayatsibe. Pablo iru Silas baraichichibe, jeye:

—Ja, zeta bichocuaein tsane xua tana necapanepaewa tsane Nacom beicha? jei bapon.

<sup>31</sup> Pablo iru Silas jume notabe, jeye:

—Jume cowunde Jesús pon jiwi Pecanamataxeinaein, bapoxonae necapanepae jitom tsane iru jinyamonae matabuxuyo pecapanenebiyae jiwi tsainchi, jeibe.

<sup>32</sup> Tsipaebabe bapontha, Jesús pon jiwi Pecanamataxeinaein, pia pexeinya jume diwesi tatsi. Matautano tsipaebabe piamonae matabuxuyo jiwitha tatsi, pomonae pia botha petaenaexaetsi. <sup>33</sup> Caena barapoxonae, pon peyabara equeibin pomonae cubebatsi jiwi pecubi botha, Pablo, iru Silas wan quietatsibe. Bapoxonae bapon bautisabatsi iru piamonae matabuxuyo tatsi bautisabatsi. Pablo, iru Silas bautisababe.

<sup>34</sup> Bapoxonae Pablo iru Silas bo beya caponatsibe. Pexaewa catatsibe. Bapon piamonae matabuxuoy tatsino bichocono juntu coyene weiweina pejume cowuntsixae Nacom.

<sup>35</sup> Pomonae jiwi peyabara paebiwi penatsicuentsiwa xua abe peexanaexae, barapomonae caemumbotha itoroba, policiamonae itorobatsi ichaxota pon peyabara equeibin pomonae cubebatsi jiwi pecubi botha. Bapon copatatsi xua bara Pablo iru Silas pepu copatsinexatsibe. <sup>36</sup> Nexata pon jiwi peyabara equeibin pomonae cubebatsi jiwi pecubi botha, bapon Pablo baraichi, jeye:

—Pomonae jiwi peyabara paebiwi penatsicuentsiwa xua abe peexanaexae, barapomonae necui itoroba xua tapaca isanaxubiwa tsainchibe. Bara paca itacupabe xua bara papu seicaenamebe, jei bapon.

<sup>37</sup> Ichitha Pablo barai policiamonaetha, jeye:

—Apara barapomonae pana cuainta pepa bicheito peitabaratha. Dacotsiwa barapomonae abe painta exana. Seicaya apara romanomonae pan. Copiya matha jopa pana caponaeyobe ichaxota pon jiwi peyabara paebin xua penatsicuentsiwa xua abe peexanaexae. Saya barapomonae pia coutha paeba xua abe paexananbe. Daxota jiwi pecubi botha pana caponabe. Deta aena poxonae juntucuru pana isanaxubapaebabe moya namicha pana itorobabe. Pentacaponae patsipaebare, pomonae pana cuainta, bu jame barapomonae pia coutha pana nepu sotababe, jei Pablo.

<sup>38</sup> Baxua policiamonae bayatha jume yopita pomonaetha pomonae jiwi peyabara paebiwi xua penatsicuentsiwa xua abe peexanaexae. Barapomonae bichocono junuwa poxonae jume tane xua Pablo iru Silas apara romanomonaepinbe. <sup>39</sup> Barapomonae ponarucupa jiwi pecubi botha, Pablo, iru Silas siwa poinchibe peuraxae xua bayatha Pablo, iru Silas cuaintatsibe. Barapomonae Pablo iru Silas tsipaebatsibe, je-ichichibe: “Maisa paauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei. <sup>40</sup> Poxonae Pablo iru Silas jiwi pecubi bo wenaetabiyabe, Lidia pia bo tatsi be-iyabe. Siwa ponabe pomonae pejume cowuntsiwixae Jesús. Barapomonaetha baponbe juntu coyene tsacababe xua xanepanaya pejinompaewa tsane. Bapoxonae bara wewarapiyabe.

## 17

*Meje yabara poxonae Tesalónica tomarapiwi namtsebiya anaepanaeya wawai xua Pablo, iru Silas pecasebixaetsibe*

<sup>1</sup> Pablo iru Silas Anfípolis tomara iyabe. Apolonia tomara iyabeno. Barapoxonae Tesalónica tomaratha patopabe po tomara ichaxota judiomonae pia penacaetutsi bo tatsi uncua. <sup>2</sup> Pablo pia cui xeina xua judiomonae pia penacaetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae maticabintha barapo judiomonae pia penacaetutsi botha Pablo iru Silas cuidubabe. <sup>3</sup> Pocotsiwa Nacom Pejume Diwesi paeba, baxua Pablo tsipaeba po coyene xua pinae pon Mesías bewa bexubinchi ichamonae, xuano xua pinae bapoxonae equeicha asu tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

<sup>4</sup> Ichamonae, judiomonae jume cowanta. Barapomonae Pablo, iru Silas caemonae naexanatsibe. Barichi pin bicheiton griegomonae jume cowantaru, pomonae Nacom wanae jaintatsi. Barapomonae jume cowanta Jesús. Iru ainya yabuxi bicheiton jume cowanta Jesús powaxi baru cui itura jineibatsi xua jiwi baru cui itura jineiba. <sup>5</sup> Ichitha icha judiomonae pomonae jopa pejume cowantsiwi, baxua yabara uwa. Daxota barapomonae pebiwi baru nacaetuba po pebiwi peajuntucoyeneyapubewi xua po pebiwi saya pejinompaewi namtontha. Daxita barapomonae namtsebiya wawai tomaratha. Jasón pia botha tatsi anaepanaya joniya xua Pablo iru Silas pejeichinexatsibe xua

pewaetabinexatsibe xuano xua pecaenaetsinexatsibe jiwitha. <sup>6</sup> Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonaе pomonaе pejume cowantsiwixae Jesús. Pablo iru Silas waetabatsibe. Daxita barapomonaе pentacaponae jiwitha becayiyatsi. Daxita barapomonaе yabara wawaichiya jeichibe:

—¡Barapo pebinbe daxita nacuantha abe paeba ducuaenaebiyabe yawa waxainya becuí joparenabe! <sup>7</sup> Jasón barapomonaе matenta weiweinaya waba pia botha. Jasón pia botha maitecabe. Daxita Pablo baru jopa exanaeyo po peitorobi coyenewan xua pon romanomonaе itorobiya pia pepa peewatsinchi itoroba. Matautano barapomonaе paeba xua pinae ichun popona pon jiwi itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonaе itorobiya pia pepa peewatsinchi, jei barapomonaе xua namtsebiya wawai.

<sup>8</sup> Poxonaе baxua jume tane, pentacaponae wi iru pomonaе xua baxota umena, daxita barapomonaе anaepanaeya namtsebiya wawai. <sup>9</sup> Barapo pentacaponae wi wecobe nota paratixi xua Jasón iru pomonaе pejume cowantsiwi wecobe notatsi. Barapo pentacaponae wi namchi xua pinae equeicha caewa catsinchi Jasón barapo paratixi poxonaе Pablo baru tomara weya ponaena. Barapoxonaе pentacaponae wi Pablo baru pu sorobabatsi pewarapaenexa tsane tomara weya.

#### *Meje yabara poxonaе Pablo iru Silas Berea tomaratha poponabe*

<sup>10</sup> Barapo merawitha pomonaе iru pejume cowantsiwixae Jesús, barapomonaе Pablo, iru Silas itorobatsibe xua nainya pewarapaenexabe Berea tomara beya. Poxonaе barapo tomaratha patopiyabe judiomonaе pia penacaetutsi botha tatsi jonyabe. <sup>11</sup> Judiomonaе, pomonaе Berea tomarapiwi, barapomonaе pejuntu coyene xanepanaewi icha be jopa Tesalónica tomaratha ichiyo. Jame barapo Berea tomarapiwi bara xanepanaya jume tane Jesús pejume diwesi. Daxita matabi barapomonaе Nacom Pejume Diwesitha yorobeiba pia yaputaetsi barapo diwesi, po diwesi xua Pablo iru Silas paebabe icha metha baraxua bara xainyeibe. <sup>12</sup> Daxota pinmonae jume cowanta Jesús. Judiomonaе jume cowanta Jesús. Iru griegomonaе jume cowantano, yabuxi, iru pebiwi. Powaxi jume cowanta Jesús, barapowaxitha jiwi baru cui itura jineiba. <sup>13</sup> Judiomonaе, Tesalónica tomaramonaе, jume tane xua Pablo cuiduba Nacom Pejume Diwesi Berea tomaratha. Daxota bapomonaе Berea tomara be-iyiya. Baxotiya barapomonaе namtsebiya wawai xua Pablo iru Silas pecasebixaetsibe. <sup>14</sup> Ichitha pomonaе pejume cowantsiwixae Jesús, Pablo itorobatsi xua nainya peponaenexa imoxoyo mar mene beya poxonaе cataunxuae Silas iru Timoteo ecabe Berea tomaratha. <sup>15</sup> Pomonaе Pablo cueyabatsi barapomonaе Pablo punaxubathopatsi Atenas tomaratha. Barapomonaе equeicha caibe nawibiya Berea tomara beya. Barapomonaе Silas iru Timoteo tsipaebatsibe xua Pablo najume caruta xua bepa pinae Silas iru Timoteo nainya patopaenabe Atenas tomaratha.

#### *Meje yabara poxonaе Pablo Atenas tomaratha popona*

<sup>16</sup> Pablo ewata, Silas iru Timoteo ewatatsibe Atenas tomaratha. Barapoxonaе barapo tomaratha Pablo tane xua barapomonaе ainya ibo nacomun xeina. Daxota bichocono yabara najuntu coyene exaba. <sup>17</sup> Daxota Pablo tsipaeba Nacom Pejume Diwesi judiomonaetha judiomonaе pia penacaetutsi botha tatsi. Matautano baxotano tsipaeba pomonaе bequein jopa judiomonaе naexanaeyo, barapomonaе Nacom wunaе jaintatsi. Barichi daxita matabi pomonaе Pablo caxibeiba pomonaе nacaetuteiba tomara pin panatha barapomonaethano Pablo cuidubeiba Nacom Pejume Diwesi. <sup>18</sup> Barichi griegomonaе ichichipa xua pejume taewa pocotsiwa Pablo paeba. Ichamonaе griegomonaе itapeta jume cowanta pocotsiwa epicureomonaе cuiduba. Iru ichamonaе griegomonaе itapeta jume cowanta pocotsiwa estoicomonaе cuiduba. Barapomonaе Pablo tsipaeba. Barapoxonaе ichamonaе Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueije tsaibiyo? jei.  
Ichamonae jeye:

—Mexeya maisa bapon cueicueije pia nacom naxa, jei.

Barapomonae baraxua paeba, tsipei Pablo Jesús pia peXEINYA jume diwesi paeba ducua-naebiya, matautano poXoru paeba xua Jesús equeicha pinae asu. <sup>19</sup> Nexata ichamonae Pablo teicatsi pecaponaenexatsi atororotha ichaxota ba pentacaponaewi nacaetuteiba, poXonae ichauxi muxu peexaneibi. Barapo pentacaponaewi matabuxuyo pewu Areópago, Pablo yainyabatsi, jeichichi:

—Pana netsipaebare bepaya bara yaputaein po diwesi xua cuidubiya paeba ducua-naebiyame. <sup>20</sup> Xuaunxuae pana tsipaebame, barapo diwesi jopa payaputaeyo bayatha. Pata bequein yabara yaputaetsi xua po diwesi baxua yabara caunuta, jei barapomonae.

<sup>21</sup> Atenas tomaramonae iru pomonae penanapaincha jinompaewi xua icha nacula werena peponaewi, pomonae anoxuae jinompa xote, daxita barapomonae u saya pepaebeibi. Yawa saya u cou paebeiba poXonae pena jume jume taiba, saya baxua paebeiba.

<sup>22</sup> Nexata Pablo Areópago wu matabuxuyo peitabaratha tatsi asiya uncuataba. Pablo namchi, jeye:

“Paxam Atenas tomaramonae pam. Bara paca cui yaputainchi xua painya nacom wu nae pajaintame. <sup>23</sup> Poxonae ponan ichaxota painya nacom wu nae pajaintathopeibame tan ainya ibo nacom matabon. Matautano tan baxota, ichaxota nacom wu nae pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwi jopa yaputaeyo’, pajam. Xuaunxuae cou asiya pawu dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

<sup>24</sup> “Barapon pon pepa Nacom, daxita barapo ira exana. Daxita carepaya juraya exana. Barapon pia coya peewatsin barapo susato nacuano, yawa barapo itabocono. Po bon patsiacabeibame Nacom xua po botha jiwi wu nae pejaintithopeibinexa Nacom, apara ba Nacom jopa poponaeyo barapocotsi botha. <sup>25</sup> Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapusuwano, naca cata. Daxita barapo petusato tutu joibo naca cata. Baxuan daxita amanaya saya nacata exana. Daxita ichauxino muxuna exanano.

<sup>26</sup> “Copiya meisa bapon Nacom compa exana pebin, bara caein. Barapo cae janatha daxita yanacua exana jiwi. Daxita wu nae tsiwanaeya yaputaneno poXonae naexanaena daxita jiwi. Matautano yaputane xua eta po weiyobetha jinompaena. Matautano yaputane xua pia irantha bexa naexanumenaponaena. <sup>27</sup> Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cowu ntsiwa tsainchi. Nacom jopa taj u ecaeyo ichitha bara waxantha imoxoyo popona. <sup>28</sup> Nacom pepoponaexae daxota asu jinompatsi. Nacom naca exana, daxota beta nacuiyenabatsi, yawa daxota wacobexitha u waexanae. Ichaunxuae ichin xua paca tsipaebatsi barichi painyamonae baxua paeba pomonae diwesi petinaewi poXonae jei, ‘Nacom apara pia jiwichi waxainchi’, jei. <sup>29</sup> Waxainchi Nacom pia jiwichixaetsi, daxota jopa bewa nanta xeinaetsi xua Nacom po Nacom pepa Nacom, apara juru po nacom jiwi exana pecobetha. Barapo nacom po nacom xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua peexanaewa barapo nacom. <sup>30</sup> Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonae jopa yabara yaputaeyo pocotsiwa Nacom ichichipa. Ichitha matapainya anoxuae daxita jiwi Nacom cui itoroba xua petsita xeinaenexatsi icha juru coyene, xua jopa

equeicha peexanaenexa abe peexanae coyene. Saya ɯ penanta xeinaenexa tsane pocotsiwa Nacom ichichipa. <sup>31</sup> Nacom matababi wɯn duta xua po mataqueitha tsane Jesús caetuaetutetsina daxita jiwi pia peitabaratha. Barapo matababitha tsane Jesús xaniwaicha yabara paebina daxita jiwi xua penatsicuentsiwa xua abe peexanaexae. Pomona xua abe exana itawetsinchi, pomona xua wɯnae exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaebin. Poxonae Nacom Jesús asɯ exanatsi petɯpaewitha, Nacom naca tsita itapeinya xeina xua apara Jesús tsiitapetatsi barapo penacuichiwa”, jei Pablo.

<sup>32</sup> Poxonae barapomona Pablo jume tainchi po coyene xua equeicha petɯpaewi pinae asɯ tsaibi tsane, ichamona Pablo jume cui caponatsi nawita. Ichamona namchi, jeye:

—Bexa paca jume tainchi equeicha xuaunxuae paebame, jeichichi Pablo.

<sup>33</sup> Nexata Pablo cuenta ponataba barapomona. <sup>34</sup> Ichitha ichamona Pablo puna poinchi yawa bapomona Jesús jume cowɯntatsi. Ichɯn barapomona jiwana pewɯn Dionisio. Bapon Dionisio Areópago wɯn matabɯxɯyo jiwana pin. Petsiriwa powa irɯ napona powa irɯ pejume cowɯntsixa Jesús, bapowa pewɯn Dámaris. Ichamona irɯ napona pomona irɯ Jesús pejume cowɯntsiwichi.

## 18

### *Meje yabara poxonae Pablo Corinto tomaratha popona*

<sup>1</sup> Pirapae equeicha Pablo Atenas tomara wewarapiya. Corinto tomara bewarapiya. <sup>2</sup> Baraxota Pablo caxina judiomonaepin, pon pewɯn Aquila. Bapon Ponto nacupin. Piowa tatsi pewɯn Priscila. Piseuribe mexuaetha Italia nacua wewaraparenabe, tsipei pon romanomona itorobiya pia pepa peewatsinchi pon pewɯn Claudio, bapon judiomona daxita itorobatsi xua pewarapaewa tsane barapo Roma tomara weya. Daxota Corinto tomaratha patopabe. Pablo siwa pona, Aquila petsiriwano siwa poinchibe. <sup>3</sup> Pablo naeca Aquila pia botha tsipei bapon pia penacuichiwiyo irɯ xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, irɯ Pablo piawa nacuita. <sup>4</sup> Daxita matababi, po matababintha pentaquei seicae matababintha Pablo poneiba judiomona pia penacaetutsi botha tatsi. Baxota Pablo jume daunweya cueicueije pomonaetha pepa judiomonaetha irɯ pomonaetha jopa judiomona naexanaeyo. Pablo cueicueije barapomonaetha tsipei ichichipa xua barapomona Jesús pejume cowɯntsiwa tsainchi.

<sup>5</sup> Poxonae Silas irɯ Timoteo Macedonia nacua wepatoparenabe, barapoxonae daxita matababintha Pablo cuidubeiba judiomonaetha. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomona pewɯnae ewatsixa. <sup>6</sup> Barapomona tamropata pitaba xua Pablo abe yabara paebatsi yawa tsumɯ jume barɯ paebatsi. Nexata Pablo pepatomeicha nama paparuwa nɯnɯtaba. Baxua exana poxoru barapomona anthɯfaetabiya jume tane. Pablo barai barapomona, jeye:

—Bara apara painya coutha icha pana natsicuentame xua daxota poxonae paweraweracaename. Jopa tacouthinyo xua jopa paxeinaem tsane peajɯntɯcuiyapɯɯwa, tsipei bayatha yabara paca tsipaebatsi barapo peajumeyapɯɯ diwesi. Tha anoxuae Nacom Pejume Diwesi caponaetsi pomonaetha pomona jopa judiomona naexanaeyo, jei Pablo.

<sup>7</sup> Barapoxonae Pablo judiomona pia penacaetutsi bo tatsi wewarapiya. Pablo pona Justo pia bo beya tatsi. Bapon Justo, icha wɯn xeina, Ticio baraichi. Bapon wɯnae pejainteibin Nacom. Bapon yabo uncua ichaxota imoxoyo judiomona pia penacaetutsi

bo tatsi peuma werena. <sup>8</sup> Iru Crispo, pon judiomonae pia penacæuttsi bo peyapucauncuaein, bapon piamonae matabaxuyo baru jume cowanta Jesús pon jiwi Pecanamataxeinaein. Barichi pinmonae pomonae Corinto tomaratha jinompa poxonae jume tane Nacom Pejume Diwesi, bapomonae iru jume cowanta Jesús. Pomonae pejume cowantsiwi barapomonae daxita bautisabatsi. <sup>9</sup> Bapoxonae Pablo merawi camaituncua Nacom pon Pecanamataxeinaein jiwi. Pablo baraichichi, jeye: “Jopa junuwinde. Nacom Pejume Diwesi paeba ducuaenaebiyama. Jinxoba moyam. <sup>10</sup> Tsipei apara, xan cabaru popoinchi, daxota ichamonae jopa itacupaetsi xua abe necaexanaewa. Barapo tomarathe tamonae, pinmonae apara inta jinompa”, jei Jesús. <sup>11</sup> Pablo baxota popona dieciocho po xometiyobe Corinto tomaratha. Baxota Pablo cuiduba ducuaenaebiya Nacom Pejume Diwesi.

<sup>12</sup> Iruu pebin popona pon pewan Galión. Bapon Galión Acaya nacuapiwi pia peyanacua ewatsinchi exanatsi. Barapoxonae judiomonae pomonae Acaya tomara-piwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi. <sup>13</sup> Judiomonae namchi, Galión baraichi, jeye:

—Poxonae bapon Pablo paeba ducuaenaebiba pinmonae baraxua jume jejei tsaibi. Pablo cuidubeiba jiwi, xua pinae jame bewa jiwi wuna jainteibi Nacom po coyene jopa jupaeyo Moisés pia peitorobi coyenewa tatsi, jei barapomonae.

<sup>14</sup> Pablo bara muxu pepaebi, iru Galión paebaxoyaru. Nexata barapon namchi judiomonae baraichi, jeye:

—U judiomonae pam. Painya xoba pana tsipaebame. Jame icha bapon caiba, icha jiton bexotsi, icha ichawiyo exana xua abe, metha jame bapoxonae paca jume jejei tsipaetsi. Ichitha bapon jopa abe exanaeyo. <sup>15</sup> Saya u payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame. Tsipei jopa bepacata naexanaetsi be pon jiwi peyabara paebin xua penatsicuentsiwa xua abe peexanaexae. Moya painya coutha pacui itawere, jei Galión.

<sup>16</sup> Bapoxonae Galión pesato benapuna torobabiya barapo judiomonae. <sup>17</sup> Bara nexata daxita judiomonae Sóstenes waetabatsi pon judiomonae pia penacæuttsi bo tatsi peewatsin. Barapomonae Sóstenes butsi Galión peitabaratha tatsi. Daichitha baxua Galión saya cui tane, jopa tsita ainya cuichi.

*Meje yabara poxonae Pablo equeicha Antioquia tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi*

<sup>18</sup> Pablo awiya came baxota popona ainya maticabin Corinto tomaratha. Bapoxonae nama copiya napeyaba pomonae pejume cowantsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxonae juntucuru bara ponatabichiba copiya matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaena xua bayatha Nacomtha nayabara tsiwanae muxu duta. <sup>19</sup> Bara Efeso tomaratha patarucupa. Baxota Pablo Aquila piseuribe xubetatsibe pia ponaetsi ichaxota judiomonae nacaetuta barompaya pia penacæuttsi botha. Baraxota Pablo baru cueicueije barapo judiomonae. <sup>20</sup> Efeso tomarapiwi bequein Pablo apusiwatsi xua abu peecaewa tsane. Ichitha Pablo juntucuru jopa becaeyo baxota ainya maticabin. <sup>21</sup> Nexata Pablo napeyaba barapomonae. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacæuttsinexa pexaewa xua penabanaewa. Metha equeicha paca taeyoparenaeinchi icha Nacom metha newanae ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae. <sup>22</sup> Poxonae Cesarea tomaratha patopa Jerusalén tomara be-iyá, pia jacobichi



pomonaē Jesús pejume cowantsiwichi. Bapoxonaē equeicha Antioquía tomara bewarapiya. <sup>23</sup>Poxonaē bara juntucuru yaainya merawin jopa baxotiya equeicha icha nacuabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomonaē Jesús pejume cowantsiwi. Pablo juntũ coyene tsacaba xua barapomonaē ajuntũyapusa ya pejume cowantaponaewa tsane Jesús.

*Meje yabara poxonaē Apolos Nacom Pejume Diwesi cueicueije Efeso tomaratha*

<sup>24</sup>Caein judiomonaē jiwana pin Efeso tomaratha patopa. Bapon pewan Apolos. Bapon seicaya irũ Alejandría tomarapin. Bapon Nacom Pejume Diwesi peyaputaēin yawa beta cacueicueije barapo diwesi. <sup>25</sup>Apolos beta yabara cuidubatsi ichamonaē xua Jesús, pon Pecanamataxeinaēin jiwi, pia cui. Juntũ coyene weiweinaya paeba. Xaniwaicha piamonae cuiduba Jesús yabara bequein saya yaputane xua po coyene pinaē Juan pebautisabiwa jiwi xua icha juntũ coyene pexeinaenexa Nacomtha. <sup>26</sup>Apolos judiomonaē pia penacaetutsi botha tatsi bichocono juntũ coyene wanaeya cueicueije Nacom Pejume Diwesi. Priscila, Aquila piowabe jume tanebe bapon. Wababe bapon, pia bo beca yabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo. <sup>27</sup>Apolos ichichipa xua peponaewa Acaya nacua beya. Bapoxonaē pomonaē pejume cowantsiwixae Jesús, Apolos canatsiwana tinaxotsi carta xua tatinatsi pomonaē pejume cowantsiwixae Jesús. Daxota barapomonaē tatina xua Apolos pententa weiweinaya wabinexatsi. Poxonaē Apolos patopa Acaya nacua, bapon yawena pomonaetha pomonaē bayatha Nacom jume cowantatsi pomonaē Nacom peantobexae. <sup>28</sup>Apolos daxita jiwi peitabaratha jume amanayaba poxonaē Jesús beta yabara paebatsi. Daxota barapomonaē judiomonaē jopa itacũpaetsi xua pejume notsiwatsi bapon po coyene xua poxonaē bapon abe pepaebiwa. Poxonaē Apolos yoroba Nacom Pejume Diwesi bapon tsita itapeinya xeina xua Jesús apara Mesías pon Nacom itorobica.

## 19

*Meje yabara poxonaē Pablo Efeso tomaratha popona*

<sup>1</sup>Poxonaē Apolos Corinto tomaratha eca, bapoxonaē irũ Pablo seicaya ducua naebiya daxita tomanan jũpaya, po tomanantha ichaxota atororon. Efeso tomaratha patopa, baxota Pablo caxina ichamonaē pomonaē Cristo pejume cowantsiwichi. <sup>2</sup>Pablo yainyaba barapomonaē, jeye:

—¿Bayatha Nacom pia Pejumope tũnaxũ tatsi painya juntũ coyenetha pacata pata poxonaē pajume cowantame Jesús? jei.

Barapomonaē Pablo jume notatsi, jeye:

—Jume, jopa payaputaēinyo. ¿Eta pocotsiwara xua Nacom pia Pejumope tũnaxũ tatsi? Bayatha jopa payabara jume taeinyo baxua, jei.

<sup>3</sup>Pablo yainyaba, jeye:

—¿Eta pabichim poxonaē pajume cowantame poxonaē paca bautisaba? jei.

Pablo jume notatsi, jeye:

—Apara saya payabara jume cowantan xua Juan cuiduba, po coyene xua Juan itorobatsi xua jiwi pebautisabiwatsi, jei.

<sup>4</sup>Pablo jume nota, jeye:

—Aja, Juan bautisaba pomonaetha pomonaē abe pia peexanaē cuiru coyenein nacui barapenta xua pomonaē pejume cowantsiwichi Nacom. Daxota metha Juan piamonae aetha barai: ‘Pajume cowande pon xua tsiwana patopan’, jei Juan piamonae aetha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesías’ baraichi, jei Pablo.

<sup>5</sup> Poxonae baraxua Pablo jume taerucupatsi, caena barapomonae bautisabatsi Jesús pia pewantha tatsi pon Pecanamataxeinaein jiwi. <sup>6</sup> Poxonae Pablo barapomonae pecobetha mata jayaba, barapoxonae barapon Nacom pia Pejumope tñaxu tatsi barapomonae tapatatsi pejuntñ coyeneintha, yawa cueicueijei exanebatsi icha jumeintha xua ichamonae pia jume tatsi. Matautano barapoxonae barapomonae cueicueijei Nacom Pejume Diwesi pocotsiwa Nacom yaputane exana. <sup>7</sup> Daxita bapomonae pomonae baxota ena doce pomonae matabuxnyobe pomonae xua Jesús pejume cowantsixaetsi.

<sup>8</sup> Baxota Efeso tomaratha, Pablo judiomonae pia penacuetutsi botha tatsi poneiba acoibi po xometiyobetha Nacom Pejume Diwesi pecueicueijeiwanexa. Bapon jopa junuwiyo poxonae cueicueijei. Matautano yabara tsipaeba po coyene Nacom waba jiwi petanaexanaenexatsi piamonae tatsi pomonae itorobiya peewatsixae. <sup>9</sup> Ichitha ichamonae aichaxaibi jume tane. Jopa juntucuru bejume cowantsiyo. Saya barapomonae jiwi peitutha tatsi abe yabara paeba Jesús pia pena pecuidubiwa tatsi. Nexata barapomonae pia xainya weya tatsi Pablo napitaba. Saya meisa baru pona pomonae Jesús pejume cowantsiwichi po bo penacuidubi bo beya. Pebin pon pewñ Tirano barapo bo, bapon pia bo tatsi. Barapo botha Pablo daxita matacabi Nacom Pejume Diwesi cuidubeiba. <sup>10</sup> Baraxota Pablo ainya weibe paeba ducuaenaebiya Nacom Pejume Diwesi. Daxita pomonae Asia nacuapiwi judiomonae iru pomonae jopa judiomonae naexanaeyo barapomonae jume cowanta Jesús pia pexeinya jume diwesi tatsi, pon Pecanamataxeinaein jiwi. <sup>11</sup> Nacom Pablo yawenatsi xua pexeinya petsita itatsi coyenewan exana Nacom pia peayapuswatha tatsi. <sup>12</sup> Ichamonae paparuwan yawa painyaweran capona Pablo beya xua barapo paparuwantha Pablo peperu jayababinexatsi. Barapo paparuwan nata capona peatene jiwitha. Bapoxonae barapo paparuwantha nainya axaibi tsouneibi. Iru pomonae cauri xeina barapo paparuwantha nacapanenebiya tsaiibi. Barapomonae cauri wepu poneibatsi.

<sup>13</sup> Ichamonae judiomonae, pomonae saya pejinompaewi, barapomonae pia cui xeina xua jiwi taitaweteibatsi cauri. Barapomonae ichichipa Jesús wñ wñ taibatsi poxonae itaweta cauri. Barapomonae caurimonae baraichi, jeye: “¡Bara Jesús pewantha paca itawetatsi, pon Pecanamataxeinaein jiwi, xua pon Pablo wñ yopita ducuaenaebiya!” jei barapomonae.

<sup>14</sup> Iru barapoxonaeru judiomonaepin pon pewñ Esceva, xeina siete poyobe tatsi pebiwi. Barichi barapo siete poyobe wñ wñ taibatsi Jesús, poxonae itaweta cauri. Esceva sacerdotemonae pia pentacaponaewi jiwana tatsi. <sup>15</sup> Poxonae barapomonae paeba barapo wñtha, Jesús pewantha tatsi, barapomonae jume notatsi cauri, jeye: “Bara tayaputaein Jesús, Pablono bara yaputanno. ¿Incane paxamda? ¿Jintam pamda?” jei bapon cauri.

<sup>16</sup> Bapoxonae barapo siete poyobe pexainya betanaxorenatsi pon cauri xeina. Barapomonae butsi. Matautano barapomonae jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo bejumasa ducupiya. <sup>17</sup> Pomonae Efeso tomaratha peenaewi, judiomonae, iru pomonae jopa judiomonae naexanaeyo, daxita bapomonae jume tane xua siete poyobe jumasa ducupa. Barapomonae junuwa bichocono. Daxota barapomonae Jesús pon Pecanamataxeinaein jiwi wñae jaintatsi.

<sup>18</sup> Pomonae Jesús jume cowantatsi pinmonae barapomonae jiwana baxota pata. Barapomonae jiwi peitutha tatsi paeba xua bepa pinae bayatha abe exana poxonae mara coyeneya exana nawita. <sup>19</sup> Pomonae Jesús pejume diwesi coyene nacuiduba, barapomonae carendena diboron po diboron xua mara yabara penacuidubiwan. Barapo diboron tauteba. Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonaebe pinae nantomata. <sup>20</sup> Barapoxonae pin bicheito jume cowanta Jesús,

pon Pecanamataxeinaein jiwi. Yawa barapomonae tsita itapeinya xeina dubenanae-biya xua bara Nacom apra xeina peayapusu itorobi coyenewa.

<sup>21</sup> Poxonae baxua weta Pablo najuntu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya. <sup>22</sup> Ponbe Pablo yawenatsi, Timoteono Erastono, baponbe Pablo Macedonia nacua beitorobiyabe. Cataunxuae abu bapon Pablo Asia nacuatha eca.

*Meje yabara poxonae jiwi namtsebiya wawai Efeso tomaratha Pablo pecasebixaetsi*

<sup>23</sup> Barapoxonae Efeso tomarapiwi anaya anaepanaeya najume cayayataxuba poxoru aichaxaibi xua pejume taewa xua Pablo yabara cueicueijejei Jesús pia pena pecuidu-biwa tatsi. <sup>24</sup> Pon xua abe penajume cayayataxubin xua poxonae namtsebiya wawai bapon pewun Demetrio. Bapon pinmonae xeina pomonae petanacuichiwichi xua petaexanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomiyoy. <sup>25</sup> Bapon Demetrio pia petanacuichiwichi waba. Pomonae iru Artemisa pia penain boxi peexanaewi wabatsino. Demetrio namchi daxita barapomonaetha, jeye: “Bara metha payaputaneme xua paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi. <sup>26</sup> Pon pataneme yawa pajume tanemeno, barapon Pablo. Bapon paeba ducuaenaebiya xua pinae pomonae icha nacom canautsiya exana apra pinae xapain jopa daxua pepa nacomiyoy. Pomonae Pablo cuidubeiba jume jejei tsaibichi ayei jiwi Efeso tomarathano, Asia nacuathanoru jume jejei pinmonae. <sup>27</sup> Baxua bichocono nacata abe, tsipei icha jiwi jopa comocaetsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: ‘Artemisa pia pin bo tatsi abe. Xapain jopa pepa Nacom pin pia boyo’, jei tsane. Cataunxuae anoxuae barapo jiwi Asia nacuapiwi iru daxita nacuanpiwi Artemisa wuna jainteibatsi. Ichitha icha jume cowuntsinchi Pablo, metha equeicha jopa bewuna jainteibichipaetsi Artemisa”, jei Demetrio.

<sup>28</sup> Poxonae baxua Demetrio jume taerucupatsi, anaepanarucupa barapomonae. Yawa barapomonae namtsebiya wawai, jeye: “¡Maisa Artemisa powa pata tanecanamataxeinaewa, barapowa bichocono pejuntu coyene xanepanaewa! ¡Maisa Efesiomonae pan Artemisa wuna pajaintan!” jei barapomonae.

<sup>29</sup> Barapoxonae daxita tomarapiwi jupaya anaepana. Gayo iru Aristarco, ponbe Macedonia nacuapinbe, ponbe Pablo pepuna ponaexaetsibe, baraponbe waetabatsibe. Po botha ichaxota jiwi nacaetuteiba pecueicueijeinexa tsaibi tsane bara bemaxu cayatsibe. <sup>30</sup> Bepa bequein Pablo najoniyaei barapo botha, petsipaebinexa tsane barapomonae, ichitha Jesús pejume cowuntsiwichi Pablo jopa pu copatichi. <sup>31</sup> Barichi pomonae pentacaponae wi jiwana Asia nacuatha, barapomonae Pablo pia jiwi tatsi cou tana cajume caitorobatsi xua bepa pinae Pablo jopa najoniyae tsane baxota. <sup>32</sup> Barapoxonae barapo penacaetutswatha, ichamonae icha caununaya wawai iru ichamonae icha caununaya wawai. Daxita barapomonae najume cayayataxubiya wawai. Ichamonae jopa yaputaeyo po coyene xua barapomonae yabara nacaetuta. <sup>33</sup> Barapo penacaetutsimonae anaepana. Pablo yabara anaepanatsi iru pijimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaetutswatha. Bapon pewun Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae. <sup>34</sup> Poxonae barapomonae Alejandro yaitaerucupatsi xua Alejandro judiomonaepin, barapoxonae equeicha daxita namtsebiya wawai tsompae ainya horabe. Barapomonae namchi, jeye: “¡Maisa pata tanecanamataxeinaewa Artemisa! ¡Maisa barapowa pejuntu coyene xanepanaewa! ¡Maisa efesiomonae pan Artemisa wuna pajaintan!” jei barapomonae.

<sup>35</sup> Nexata, pon xua tomara peewatsin, bapon uncua barapo penacaetutsi itabaratha. Bapon jume matawenta xua equeicha jopa penamtsebiya wawainexa tsane barapomona. Bapoxona bapon namchi, jeye: “Pomona Efeso tomaramona pam. Bara daxita nacuamonaepiwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia paw. <sup>36</sup> Jiton dapocotsin aibi pon xua nejume barai xua naeraban, daxota saya iru moya pande. Painya xoba ichawa pananta xeiname poxona jopa beta pananta xeinaem. <sup>37</sup> Ponbe, Gayo iru Aristarco, ponbe pacarendename, baponbe jopa abe paebiyobe. Baponbe jopa caibiyobe xua xoyo boca Artemisa pin pia botha tatsi. Matautano Artemisa nacomwa jopa cui aebiyobe. <sup>38</sup> Icha Demetrio iru petanacuichiwichi nanta xeina xua ichamona Demetriobaru abe taexainchi moya jame barapomona bewa ponaena po bo ichaxota ena pomona jiw peyabara paebiwi xua penatsicuentiwa xua abe peexanaexae. Bapoxona barapomona itacupatsi xua petsipaebiwa pomonaetha pomona tomara pentacaponae wi po coyene xua ichamona abe exana barapomonaetha. <sup>39</sup> Icha ichawa painya paebichi abu anoxuae jopa papaebinde. Po mataqueitha poxona pentacaponae wi ba nacaetuta pejume taenexa xua jiw paeba bapoxona jame papaebare. <sup>40</sup> Wanamtsebiya wawaijeixae anoxuae daxota romanomona naca yabara anaepanaena tsipei nanta xeinaena xua waxainchi aichaxaibichi xua barapomona naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin. <sup>41</sup> Poxona najume wetaba baxua, barapomona pesato beitorobiyatsi.

## 20

### *Meje yabara poxona Pablo siwa pona Macedonia nacua, Grecia nacuano*

<sup>1</sup> Bara najume wetarucupa daxita poxona namtsebiya wawai tsompae. Bapoxona Pablo waba pomona Jesús pejume cowantsiwichi pebaru nacaetutsinexa. Barapomonaetha Pablo yabara tsipaeba Jesús pejume diwesi xua barapomona peajuntuyapusuya xanepanaya pejinompaenexa tsane Nacomtha. Bapoxona Pablo barapomona napeyaba. Macedonia nacua bewarapiya. <sup>2</sup> Daxita barapo tomaran, Pablo siwa pona barapo Macedonia nacuaetha, cuidubano pomonaetha pomona Jesús pejume cowantsiwichi, xua peajuntuyapusuya xanepanaya tajinompaenexa tsainchi Nacomtha. Poxona nacui wetaba equeicha Grecia nacua bepatopiya. <sup>3</sup> Baraxota Pablo acoibi po xometiyobe yapucaewa. Bara juntucuru Siria nacua beya warapa jeratha po nae pin naetha. Bapoxona jume tane xua pinae judiomona anaepana xua Pablo bexubapaebatsi. Daxota Pablo najuntu cui weta xua caibeya peponaewa tsane petaxutha Macedonia nacua beya. <sup>4</sup> Pablo yanabatsi ichamona. Iru ichun napon bapon pewun Sópater, pon Berea tomarapin, pon Pirro pexanto tatsi. Iru ichunbe naponabe baponbe pewunbe Aristarco iru Segundo, baponbe Tesalónica tomarapinbe. Iru ichun napon, bapon pewun Gayo, Derbe tomarapin. Iru ichun napon, bapon pewun Timoteo. Iru ichunbe naponabe, ponbe pewunbe Tíquico iru Trófimo, baraponbe Asia nacuapinbe. <sup>5</sup> Barapomona daxita pana netsiwana nantacapon, Troas tomaratha cou baxota pana ewata. <sup>6</sup> Ichitha Filipos tomara weya pawarapan jeratha, po naetha po nae pin nae poxona weta Pascua wun matabin. Barapo Pascua matabintha jiw xane pan xua pocotsiwa jopa cotowiyo. Poxona cinco po matabibibe caewa papatan Troas tomaratha, baxota barapomona pacaxiban. Baraxota paenan siete po matabibibe.

### *Meje yabara poxona Pablo Troas tomara siwa pona*

<sup>7</sup> Pentaquei seicae matabitha, domingotha, pana nacaetutan, pata epanantarubi janacaenexa tsane pan. Pablo cuiduba pomona Jesús pejume cowantsiwichi, tsipei

baya warapaena Pablo. Daxota poxonae cueicueijei beya yapapae. <sup>8</sup> Po tutu athabe-icha barapo tututheicha pana nacaetutan. Barapo tututha ainya coichan dubena. <sup>9</sup> Pewowindu pewun Eutico, barapoyo bomxu tututha ventanatha pemxuburatha eca. Pablo bayiyo tsuxubi xua Nacom Pejume Diwesi cueicueijei. Barapoxonae Eutico nantacotiya maitecataba. Tajw wejopeica. Po tututha Pablo cueicueijei tsuncuae xua ichaxota acoibi tututheicha barapo tutu wejopeica. Eutico petupaeyo pitatsi. <sup>10</sup> Bara nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamonae barai Pablo, jeye:

—Jopa pajunuwinde, bara apara asu, jei.

<sup>11</sup> Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueijei Nacom Pejume Diwesi, beya yajume pentha tsina. Bapoxonae weta. Bara cou nama matabi wanae tsuxubiba Pablo warapa. <sup>12</sup> Barapo pewowin Eutico equeicha bara asu. Eutico piamonae bo becayiyatsi. Daxita saya juntu coyene tsacabatsi xua junte ma jinompa xua equeicha Eutico peasxae.

*Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya*

<sup>13</sup> Paxan copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponaei. Bara xotiya, Aso tomaratha paichichipan payapitan Pablo. <sup>14</sup> Poxonae Pablo Aso tomaratha pacaxibarucpan, bapon equeicha pana yantaba. Mitilene tomara beya pawarapan. <sup>15</sup> Mitilene tomara wewarapiyan. Bapoxonae icha matabitha imoxoyo Quio tunaetotha papatan icha muxunenetha. Baraxota caentacabitha paenan. Equeicha icha matabitha Samos tunaetotha papatan. Barapoxonae equeicha icha matabitha Mileto tomaratha papatan. <sup>16</sup> Baxua Pablo exana tsipei bapon nanta xeina xua jopa beecaeyo ainya matabin Asia nacuatha. Bapon aichaxaibi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés matabi tsane, icha bara pecui jupaenexatsi.

*Meje yabara poxonae Pablo tsipaeba penapatae jiwu Efeso tomaratha*

<sup>17</sup> Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwu pewabinexatsi pomonae Jesús pejume cowantsiwichi, xua Mileto tomaratha pepatsinexa. <sup>18</sup> Poxonae Efeso tomarapiwi, penapatae jiwu pata baxota, Pablo barai, jeye: “Bara paxam payaputaneme xua wanae poponan poxonae copiya patopan Asia nacuatha painya xantha. Awiya cataunxuae barichin wanae poponan. <sup>19</sup> Daxita matabi Jesús pejume diwesi cueicueijan tsaibi. Jopa bichocono atsaca tsabinyo. Jume wanaeya natsipaeban saya. Poxonae Nacom pon jiwu Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibe. <sup>20</sup> Paxam payaputaneme xua jopa nacui baraxubinyo xua tapaca tsipaebiwatsi Jesús pejume diwesi xua po coyene painya nepaca yawenaewa tsane. Paca cuidubatsi jiwu peitabaratha tatsi. Matautano painya boxithano paca cuidubatsi. <sup>21</sup> Judiomonae jume daunweya cuiduban. Iruru pomonae jopa judiomonae naexanaeyo jume daunweya cuiduban xua barapomonae bewa icha juntu coyene pexeinaenexa Nacomtha xuano pejume cowantsinexatsi Jesús pon Wanacanamataxeinaein. <sup>22</sup> Nacom pia Pejumope tuxaxu tatsi neitoroba xua bewa ponaetsipanjei Jerusalén tomara beya. Ichitha jopa nayaputaeyo pocotsiwa xua baxotiya tsane ichamonae inta exanaena. <sup>23</sup> Jame anoxuae saya meisa yaputan xua Nacom pia Pejumope tuxaxu tatsi yabara netsipaeba xua daxita toman ichaxota pateibin. Nebarai, jeye: ‘Jiwu pecubi bontha cajebeibina, yawa caperaxa exaneibinano’, nejui Nacom pia Pejumope tuxaxu tatsi. <sup>24</sup> Juntucuru xua icha tapan, baraxua jopa netsita ainya cuiyo. Bara jemba tsane icha saya poponaein. Icha tapan, bara jemba tsane.

Daxota neitacupa xua juntu coyene weiweinaya exanaein pocotsiwa Jesús neitoroba beya yacuiya tɔrajopaein. Matautano daxota neitacupa xua wetsin pocotsiwa Jesús neitoroba, pon Pecanamataxeinaeinchi jiwi, xua tapaca tsipaebiwatsi barapo pexeinya jume diwesi po coyene xua bichocono jiwi peantobewatsi Nacom.

<sup>25</sup> “Bayatha paca tsipaebatsi Nacom Pejume Diwesi po diwesi yabara xua Nacom waba jiwi, petanaexanaenexa tsainchi pijimonae jiwana tatsi pomonae itorobiya peewatsixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane. <sup>26</sup> Daxota anoxuae paca tsipaebatsi icha jopa pajume cowantsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebeibatsi pexeinya jume diwesi. <sup>27</sup> Daxita xua Nacom neitoroba barapo diwesi omeicha paca tsipaebatsi. Jopa icha diwesiyo copatsinyo. <sup>28</sup> Painya coutha xanepanaya pana najuntu coyene yabara nanta xeinare. Matautano xaniwaicha payapu eenare pomonae Jesús pejume cowantsiwichi. Paxam pitiri jiwi pam, baxua paexande tsipei Nacom pia Pejumope tɔnaxa tatsi paca itoroba painya neyapu cainompaenexa tsane Jesús pejume cowantsiwi tatsi. Matautano baxua paexande tsipei barapomonae Nacom piamonae tatsi, tsipei pexanto tatsi tsitupa xua barapomonae jopa peweraweracaewa tsane. <sup>29</sup> Yaputan poxonae warapaein tacoutha patsina ichamonae. Barapomonae Jesús pejume cowantsiwichi abe exanaeinchi. Barapomonae Jesús pejume cowantsiwichi dɔcupa exanetinchi icha neutha ichi. <sup>30</sup> Barichi painya jiwi jiwanaenexa ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cowantsiwichi pejume cowantsinexa barapo penaerabi diwesi. <sup>31</sup> Dota pam, xua peabe jume, painya nejume cowantsiwa. Pana necui yabara nanta xeinare xua paca cuidubatsi acoibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

<sup>32</sup> “Tamonae pam, Nacomtha pacata tsipaebatsi xua paca necayawenaewa tsane, xuanano xua Nacom Pejume Diwesi painya necayawenaenexa po diwesi xua paca cuiduba xua pinae Nacom paca antobe. Barapo Nacom Pejume Diwesi peayapusɔwa xaina xua ajuntayapusɔya paca cana exanapona. Matautano paca catsina daxita pocotsiwa bayatha pepa piamonaetha yabara tsiwɔnae muxu duta xua catsiba paeba. <sup>33</sup> Jopa taichichi tsaibinyo xua ichɔn pia paratixi tatsi matautano xua ichɔn pia paparuwan tatsi. <sup>34</sup> Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba. <sup>35</sup> Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajuntemainaeinde xua Jesús pon Pecanamataxeinaein jiwi namchi, xua jeye: ‘Ba juntu coyene weiweina bichocono pon cata beyacaincha xua pon pecatsixaetsi’, jei Jesús”, jei Pablo.

<sup>36</sup> Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncua. Pablo daxita barɔ tsipaeba Nacomtha. <sup>37</sup> Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi. <sup>38</sup> Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopiyatsi po naetha po nae pin nae.

## 21

*Meje yabara poxonae Pablo weratha Jerusalén tomara bewarapiya po naetha po nae pin nae*

<sup>1</sup> Poxonae Jesús pejume cowantsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepapiyan



*Meje yabara poxonae Pablo, Santiago siwa poinchi*

<sup>17</sup> Poxonae Jerusalén tomaratha papatan, baxota pomonae Jesús pejume cowantsiwichi weiweinaya pana matenta waba bichocono. <sup>18</sup> Icha matabitha Pablo pana nebaru pona. Pasiwa ponan Santiago. Baraxota iru daxita pitiri jiwi jinomparu. <sup>19</sup> Barapomonae Pablo jacobu. Bapoxonae tsiwiyo bexa Pablo tsipaeba daxita po coyene xua Nacom exana pomonaetha pomonae jopa judiomona naexanaeyo. Yawano paeba po coyene Pablo itorobatsi Nacom, xua petacoponaenexa Nacom Pejume Diwesi tatsi. <sup>20</sup> Poxonae jume tane baxua xua Pablo paeba, barapoxonae barapomona Nacom wuna jaintatsi. Nexata Santiago Pablo baraichi, jeye:

—Taema, incane jume taema. Judiomona pin bicheiton tsoponae, pomona bayatha Jesús jume cowantatsi. Daxita barapomona namuxutainyaba xua pinae daxita jiwi nantawenona xua Moisés pia peitorobi coyene exanapona. <sup>21</sup> Cayopita ichamona xua pinae cuidubame judiomona pomona icha nacuantha pejinompaewi. Pinae cuidubame xua equeicha pinae barapomona bewa jopa yabara jume cui exanae pocotsiwa bayatha Moisés itoroba. Matautano pinae cuidubame barapomona xua pinae jopa bewa penawi thabi coyene exanae tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinae cuidubame xua barapomona bewa jopa exanae barapo peitorobi coyenewan xua pinae pocotsiwa wamo jiwi bayatha exaneiba. <sup>22</sup> ¿Eta xua waxainchi exanaeinchi? Tsipei judiomona, pomona pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame. <sup>23</sup> Paxan xua paca itorobatsi baxua exande. Taema xote pata xantha cuatro poyobe poponabe pebiwi. Barapoyobe yabara nacui wuna tsijume dutabe Nacomtha pocotsiwa xua exanapaeba. Anoxuae baxua barapomona bewa exanae pocotsiwa bayatha exanapaeba. <sup>24</sup> Barapomona matabayande paratixi nanacui baru nantomare sacerdotemonaepintha, xam nexano iru barapomona nexano xua jopa painya nenajuntu coyene taxobinexa. Nanacui baru nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamona abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba. <sup>25</sup> Paxan pata tinan carta pomona Jesús pejume cowantsiwichi, pomona jopa judiomona naexanaeyo. Pata yabara tinan baxua xua pananta xeinan xua barapomona beexanaetsipa. Pajan barapo cartatha: ‘Painya xoba duwei pawixaneme po duwein jiwi tsiseba ibo nacom. Matautano painya xoba paxaneme po duwein pon saya pipato tumpuncua, xuano painya xoba pajana xaneme. Painya xoba pasiwa xeiname yabaxi xua jopa painya seurixi’, pajan, jei Santiago.

*Meje yabara poxonae soldadomona Pablo maxu waetabatsi judiomona pin pia botha tatsi, bapoxonae jiwi pecabi bo beya caponatsi*

<sup>26</sup> Nexata Pablo baru poinya barapo cuatro poyobe. Icha matabi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonae Pablo iru barapo cuatro poyobe Nacom pin pia botha tatsi jojoniya. Pablo namchi, jeye: “Equeicha papatsinan siete po matabibibe poxona pawetsin po coyene xua daxota jopa pata najuntu coyene taxobiwa Nacomtha. Pacaponaein duwein sacerdotemonaepin pebexubinexa tsane xua pata catsinexa Nacom”, jei Pablo.

<sup>27</sup> Poxonae barapo siete matabiyobe imoxoyo yapucaewinaba, bapoxonae Pablo judiomona Nacom pin pia botha tainchi. Pomona Pablo tainchi, barapomona judiomona pomona Asia naca weya pona. Pomona Pablo tainchi, barapomona exana xua pin bicheito namtsebiya wawai xua Pablo pecasebixaetsi. Bapoxonae Pablo waetabatsi. <sup>28</sup> Jume daunweya wawai, jeye: “¡Pajume taema, paxam pomona Israel nacuapiwi pamxaem! ¡Pana yawende! Barapon cuiduba ducuanabiya daxita jiwi. Abeya naca yabara cui cueicueijei. Matautano abeya yabara cueicueijei Moisés



pia peitorobi coyenewan tatsi. Matautano barapo Nacom pin pia bo abeya yabara cueicueije barapon. Matautano bapon griegomonae matacapoinchi barapo Nacom pin pia bo berena. Poxonae Pablo matacapona griegomonae, Nacom pin pia botha tatsi atutube exana”, jei barapomonae.

<sup>29</sup> Baxua paeba, tsipei poxoru bayatha barapomonae Pablo tainchi Jerusalén tomaratha. Baxota Pablo baru pona Efeso tomarapin, pon pewun Trófimo. Daxota barapomonae catsawa nanta xeina xua metha bayatha Pablo Nacom pin pia botha baru pona Trófimo. Daumetha Trófimo baxota jopa naponaeoyo.

<sup>30</sup> Daxita tomarapiwi jupaya equeicha jume daunweya wawai. Daxita cuinaerendena, barapomonae Pablo yoroba teicatsi. Nacom pin pia bo wemaxu capoinyatsi. Barapoxonae barapomonae bichocono yaboupa cateitabanota Nacom pin pia bo.

<sup>31</sup> Barapomonae, pomonae peanaepanaewi muxu Pablo pebexubichi. Bara nexata romanomonae soldadomonae pia pepa pentacaponaein tatsi jume tane xua daxita Jerusalén tomaramonae najume cayayataxuba. <sup>32</sup> Nexata soldadomonae pia pepa pentacaponaein tatsi, bapon pia soldadomonae copiya piamonae caeaetuteta. Bapoxonae barapo soldadomonae pin bicheito becuinaeyiya ichaxota Pablo muxu pebexubichi. Poxonae barapo soldadomonae taerucupatsi barapo bicheito xainya umenarucupa. Barapoxonae barapomonae equeicha jopa Pablo butsi. <sup>33</sup> Nexata soldadomonae pia pepa pentacaponaein tatsi Pablo imoxoyo caquita uncuatabatsi. Bapoxonae Pablo maxu waetabatsi. Bapon soldadomonae pia pepa pentacaponaein tatsi piamonae itoroba xua ainya naintothabe pemaxu cubaxubinexatsi Pablo. Bapoxonae bapon soldadomonae pia pepa pentacaponaein tatsi yainyaba pin bicheitha, jeye: “¿Jintam baraponda? ¿Eta xua metha bapon exana?” jei. <sup>34</sup> Ichitha barapomonae ichawan caununaya wawai. Ichamonae ichawa wawai. Daxota bapon soldadomonae pia pentacaponaein tatsi jopa xapain jume taeyo. Bapoxonae bapon soldadomonae pia pentacaponaein tatsi Pablo itorobatsi soldadomonae pia bo beya tatsi. <sup>35</sup> Poxonae patopa soldadomonae pia bo beya, penonobabeiyaewatha xua nonababeibiya soldadomonae Pablo yoichiya capoinchi bara beya. Pin bicheito bichocono anaepana daxota Pablo yoichiya capoinchi. <sup>36</sup> Barapo pin bicheito soldadomonae cayabara wawaya punaenapoinchi, jeye: “¡Maisa pabexore bapon!” jei barapomonae.

### *Meje yabara poxonae Pablo paeba barapomonae peitabaratha*

<sup>37</sup> Poxonae juntucuru Pablo soldadomonae pia bo beya capoinchi, Pablo barai soldadomonae pia pentacaponaeintha tatsi, jeye:

—¿Metha ichauyo catsipaebichipatsi? jei Pablo.

Poxonae baxua jume taeba, soldadomonae pia pentacaponaein tatsi yainyaba, jeye:

—¿Xam necueicueijeinda griego jumera? <sup>38</sup> ¿Xam barapo jtomda egipcio nacuapimda, pon nacaetuteiba exaneiba pijimonae xua ichamonae pejutebeibinexa tsainchi? ¿Xam barapomonae pia pentacaponaein tatsi, pon xua matacaponaponame cuatro mil jivi ichaxota ira xuepana susato tsurucuae nacuatha? jei soldadomonae pia pepa pentacaponaein tatsi.

<sup>39</sup> Nexata Pablo jume nota, jeye:

—Apara pepa judiomonaepiyon. Tarso tomaratha naexanan. Tatomara ainya cui tsipei pepa tomara. Tarso tomara Cilicia nacuatha eca. Nejume cui yabara copare xua barapomonae tatsipaebiwa tsane, jei Pablo.

<sup>40</sup> Soldadomonae pia pepa pentacaponaein tatsi bara Pablo yabara jume copatatsi xua Pablo bara pepaebiwa tsane. Pablo ichaxota nonababeibiya baxota asiya uncua. Yawa pecobetha jume matawenta barapomonae xua moya peenaenexa. Poxonae moya enarucupa barapomonae, Pablo hebreo jumetha cueicueije. Namchi, jeye:

## 22

<sup>1</sup> “Tamonaē pam, iru pomonaē pitiri jiwi pam, pana nejume taema xua tapaca tsipaebiwa tsainchi xua tana nabaru jume yawenaewan”, jei Pablo.

<sup>2</sup> Poxonaē barapomonaē jume taerucupa, xua Pablo hebreo jumetha cueicueije, barapomonaē moya enarucupa. Pablo barapomonaē barai, jeye:

<sup>3</sup> “Xan apara judiomonaēpin. Bayatha naexanan Tarso tomaratha, Cilicia nacuatha. Saya apara Jerusalén tomaratha wichaban. Baxota nacuiduban po coyenein wamo susato jiwi itorobeiba. Daxita barapo coyenein pebin pewan Gamaliel, necuiduba. Necui eeneiba xua Nacom tanacuiteiban xua daxita tajuntu coyenewatha icha anoxuae daxita paichiponaem. <sup>4</sup> Bayatha jeiteiban pomonaē pejume cowantsiwi Jesús pia pena pecuidubiwa tatsi. Teiqueibanno, jiwi pecubi bo beya caponeiban, pebiwino yawa yabuxino. Tsipei ichichipan xua ichamonaē jutebeiba xua barapomonaē pejutebeibinexatsi. <sup>5</sup> Sacerdotemonaē pia pentacaponaein tatsi iru pitiri jiwi paca tsipaebina xua bayatha barapomonaē necata cartan xua barompaya wajudiomonaē nexa xua Damasco tomaratha. Barapo cartanxae neitacupa xua tateicaewa tsane pomonaē Jesús pejume cowantsiwichi. Baxota Damasco tomaratha ponan tajeichinexa pomonaē Jesús pejume cowantsiwichi, tsipei tha Jerusalén tomara becayaetsi barapomonaē, matautano tsipei tha yamaxu cubiya caponaetsi taperaxa exanaenexa tsane barapomonaē”, jei Pablo.

*Meje yabara poxonaē Pablo diwesi paeba xua poxonaē po coyene pejume cowantsiwa Jesustha*

<sup>6</sup> Equeicha Pablo jeye: “Damasco tomara namtotha ecaponan, bara nama mateinyaxae tsuxubi. Poxonaē bara muxu tapatopaeba barapo tomaratha, bapoxonaē pin coicha neyancataba. Taxainya benematawacaicha jopeica. Peitaboco wejopeica. <sup>7</sup> Iratha jopan. Bapoxonaē peitaboco wenebaraichica. Jume taeuncuan, nebarai, jeye: ‘Saulo, Saulo, zeta xua metha tamonaē inta abe exaname?’ jei. <sup>8</sup> Nexata yainyaban: ‘Pon jiwi Necanamataxeinaem, zjintammda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaē inta abe exaname’, nejei. <sup>9</sup> Pomonaē nepuna pona iru coicha taneno. Bichocono bapomonaē junuwa. Saya meisa coicha tane, saya jopa jume taeyo po jume xua nebaraichica. <sup>10</sup> Nexata yainyaban: ‘Pon jiwi Necanamataxeinaem, zeta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichan yabara catsipaebina pocotsiwa xua bewa exanaename’, nejei. <sup>11</sup> Barapo coicha bichocono neitata naquitaba exana. Pomonaē nepuna pona Damasco tomara benemaxu cayiya.

<sup>12</sup> “Barapo tomaratha, Damasco tomaratha, cou pebin popona, bapon pewan Ananías. Bapon daxita yabara jume cuiya exaneiba Moisés pia peitorobi coyene tatsi. Barapo judiomonaē, Damasco tomaratha, barapomonaē Ananías xanepanaya yabara paebeibatsi. <sup>13</sup> Ananías nesiwa pona. Bapon nebarai: ‘Saulo, tamonaē jitom, equeicha caewa nepu necotsinde’, jei. Bara caena barapoxonaē equeicha caewa necotaxuban. Bapon bapoxonaē taenotan. <sup>14</sup> Ananías nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejuntu coyene xanepanaein, matautano nejume taenexa pocotsiwa catsipaeba. <sup>15</sup> Aunxuae Jesús yabara cueicueijam tsane daxita nacuan jupayantha. Yabara paebiname daxita xua taneme xuano xua jume tanemeno. <sup>16</sup> Anoxuae, zeta xua metha came ecame? Nontaponde. Barabu ichan cabautisabina Jesucristo pewantha, pon jiwi Pecanamataxeinaein, necayabara jntemainenexa abe jinya neexanaē cuiru coyenein’, nejei Ananías”, jei Pablo.

*Meje yabara poxonaē Pablo nayabara paeba xua peitorobiwatsi ichaxota pomonaetha pomonaē jopa judiomonaē naexanaeyo*

<sup>17</sup> Pablo cataunxuae cueicueijei, jeye: “Poxonae caibe nawiyán Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxonae camaitan xua netsita naitaúta. <sup>18</sup> Jesús necotan, pon jiwi Pecanamataxeinaein. Bapon nebarai: ‘Antha yacuinaya pontabare Jerusalén tomara weya, tsipei barapomonae jopa xapain cajume cowuntsi tsane xua tana neyabara paebiwam’, jei Jesús. <sup>19</sup> Nexata jume epa pitan: ‘Pon jiwi Necanamataxeinaem, barapomonae bayatha necui yaputane xua poneiban daxitan judiomonae pia penacaetutsi bontha tatsi. Bayatha jiwi pecubi botha caponeiban, pomonae necajume cowuntsiwi. Matautano bichocono beibanno. <sup>20</sup> Poxonae Esteban bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxonae Esteban bexotsi, saya cui matu taeuncuan. Yabara jume baru cui jejan poxonae barapomonae Esteban bexubapaebatsi. Barapomonae pipaparuwan tajeban’, jan Jesustha. <sup>21</sup> Ichitha bapon pon jiwi Pecanamataxeinaein nebarai: ‘Antha ponde. Aunxuae tajú caitorobinchi barapomonae beya, pomonaetha pomonae jopa judiomonae naexanaeyo beya’, nejei”, jei Pablo.

*Meje yabara poxonae soldadomonae pia pentacaponaein tatsi Pablo waetabatsi*

<sup>22</sup> Pablo cataunxuae paebuncua barapo penonobabeibiyathopaewatha soldadomonae pia botha. Poxonae Pablo jume taerucupatsi xua bepa pinae ponaena pomonaetha pomonae jopa judiomonae naexanaeyo beya, bapoxonae barapo bicheito namtsebiya wawai, jeye: “¡Maisa bapon pabexore bara! ¡Dapocotsin jopa bewa poponae!” jei. <sup>23</sup> Awiya came barapomonae wawai tsompae. Yawa pia paparuwan anaya nunababa. Yawa taetowan anaya athabe bebeicha. <sup>24</sup> Romanomonae soldadomonae pia pepa pentacaponaein tatsi, bapon pia soldadomonae itoroba xua Pablo pecaponaenexatsi soldadomonae pia bo beya tatsi xua jiwi pecubi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomonae. <sup>25</sup> Poxonae bara juntucuru Pablo maxu cutanotatsi xuano juntucuru muxu pebetsino, Pablo barai soldadomonae pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana necanaichipaem icha jopa neyabara paebiyo pon jiwi peyabara paebin penatsicuentsiwa xua abe peexanaexae, jei Pablo.

<sup>26</sup> Poxonae baxua jume tane, soldadomonae pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apra cou deta Pablo iru romanomonaepin, jei.

<sup>27</sup> Nexata soldadomonae pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepim? jeichichi Pablo.

Pablo jume nota, jeye:

—Aa, bara xan tsocuaein, jei Pablo.

<sup>28</sup> Soldadomonae pia pepa pentacaponaein tatsi Pablo jume notatsi, jeichichi:

—Xan iru barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apra seicaya nama xan caena bayatha pexuyothan yacuiya naexanan romanomonaepin, jei.

<sup>29</sup> Poxonae Pablo baxua paeba, bapoxonae pomonae Pablo muxu pecuainchichi Pablo pexeinya wetanatsixibarucupiyatsi. Iruru bara wenatsixitabiya soldadomonae pia pepa pentacaponaein tatsi tsipei bapon yaputane xua Pablo apra romanomonaepin. Daxota junuwa xua Pablo pemaxu cubixaetsi.

*Meje yabara poxonae Pablo pentacaitorobi bicheitomonae peitabaratha uncua pomonae judiomonae*

<sup>30</sup> Icha matabitha soldadomonae pia pepa pentacaponaein tatsi bepa yaputaei, bepa jeyei: “¿Eta xua metha Pablo yabara anaepanatsi judiomonae?” bepa jeyei. Daxota bapon, Pablo taxuenaxotsi xua maxu cutatsi. Nexata bapon itoroba xua sacerdotemonae pia pentacaponaeawi tatsi iru pentacaitorobi bicheito nacaetutsina. Pablo bara bebaru iyatsi. Baraxota cuaranotatsi barapomonae peitabaratha tatsi.

## 23

<sup>1</sup> Pablo pentacaitorobi bicheito beya bichocono naita cui dutsiya necoya. Pablo barapomonae beya namchi, jeye:

—Tamonae, caena bayatha beya anoxuae juntu coyene xanepanaya poponan Nacom peitatha tatsi, jei Pablo.

<sup>2</sup> Nexata sacerdotemonae pia pepa pentacaponaein tatsi, Ananías, bapon itoroba xua Pablo pecoibo cuainchinexatsi pomonae Pablo imoxoyo caquita peumenaexaetsi.

<sup>3</sup> Ichitha Pablo jume nota, Ananías jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxuitorobin, Nacom cacuainchina. Xam ecame xote jinya tana neyabara paebinexam tana natsicuentisiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonae ichamonae itorobame xua tana necoibo cuainchinexa poxonae Moisés pia peitorobi coyenewatha jopa baxua itorobiyo, jei Pablo.

<sup>4</sup> Pomonae Pablo imoxoyo caquita umeinchi, jeichichi:

—Apara sacerdote pia pepa pentacaponaein tatsi abe tsipaebame pon Nacom tanacuitatsi, jei barapomonae.

<sup>5</sup> Pablo jume nota, jeye:

—Tamonae, jopa yaputaeinyo xua pon tsipaeban apara sacerdotemonae pia pepa pentacaponaein tatsi. Icha yaputaetsipan, jopa paebinchipae. Nacom Pejume Diwesitha namchi, jeye: ‘Jopa bewa painya pentacaponaeawi jiwana abe pajainchim pomonae xua painya tomaratha’, jei Nacom Pejume Diwesitha, jei Pablo.

<sup>6</sup> Nexata Pablo cui yabara nanta xeina barapomonaetha tsipei ainya bicheitobe, ichamonae saduceomonaeru, ichamonae fariseomonaeru. Daxota bapon Pablo jume daunweya wawai barapomonaetha, jeye:

—Tamonae, bara xan apara fariseomonaepin, yawa fariseomonaepin pexanton. Tsipei jume cowuntan xua jiwi petupaewi equeicha asu tsaibi tsane daxota pana necaponaame painya tana neyabara paebinexam xua tana natsicuentisiwa xua abe taexanaexae, jei Pablo.

<sup>7</sup> Poxonae Pablo baxua paeba saduceomonae iru fariseomonae najume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya nabaeru nanta xeina. <sup>8</sup> Saduceomonae paeba xua pinae petupaewi jopa equeicha asu tsaibi tsane. Matautano barapomonae paeba xua pinae matatsunpiwi jopa jinompaeyo, matautano pinae dowatsi dapomonae pinae ajibi. Ichitha meisa fariseomonae jume cowanta daxita barapo diwesin, xua pinae pewerapeibiwi equeicha asu tsaibi tsane, matautano xua pinae dowatsi jinompa, xuano xua pinae matatsunpiwi bara jinompa. Daxita barapo diwesin fariseomonae jume cowanta. Ichitha nama saduceomonae jopa daichiyo. <sup>9</sup> Daxita barapo bicheitobe namtsebiya wawai. Fariseomonae jiwana ichamonae nonobapona. Barapomonae yaputane nawita Moisés pia peitorobi coyene tatsi. Barapomonae namchi, jeye:

—Bapon Pablo jopa abe exanaeyoba, metha dowatsi bapon tsipaebatsi, ichacuitha metha matatsunpin bapon tsipaebatsi, jei barapomonae.

<sup>10</sup> Barapomonae daxita najume matsontsonobiya biatane. Bapon romanomonae soldadomonae pia pepa pentacaponaein tatsi, bapon bichocono junuwa tsipei Pablo tsana per<sub>u</sub> xunaeinchi. Daxota bapon romanomonae soldadomonae pia pepa pentacaponaein tatsi itoroba pia soldadomonae xua Pablo equeicha caponaeinchi soldadomonae pia bo beya tatsi.

<sup>11</sup> Icha mataqueitha merawi pon Pecanamataxeinaein jiwi, Pablo imoxoyo caquita uncuatsi xua tsita naitautatsi. Bapon namchi, Pablo baraichi, jeye: “Pablo, najunt<sub>u</sub> coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

*Meje yabara poxonae judiomonae nanta xeina xua Pablo pebexubiwa tsainchi*

<sup>12</sup> Icha mataqueitha, ichamonae judiomonae pebur<sub>u</sub>ya nanta jupaya nanta xeina xua Pablo pebexubiwa tsainchi. Barapomonae nayabara tsiw<sub>u</sub>nae muxu duta Nacomtha xua bepa pinae jopa nabanae tsane, xuano jopa apae tsaneno xua beya pinae ya-jainbonaya othopaena poxonae Pablo bexubinchi. <sup>13</sup> Barapomonae pomonae Pablo bexubapaebatsi xuano xua yabara nainbotapaebatsi bichocono pinmonae beyacaincha xua pocotsi cuarenta po pebiwimonaeyobe. <sup>14</sup> Barapomonae pona sacerdote pia pentacaponaei tatsi beya, yawa judiomonae pia pitiri jiwi tatsi beya. Barapo pebiwimonaeyobe barai barapomonaetha, jeye:

—Bayatha pana nayabara tsiw<sub>u</sub>nae muxu duban Nacomtha xua jopa pata nabanaewa tsane beya tsane poxonae cataunxuae jopa pabexubinyo tsane Pablo. <sup>15</sup> Paxam iru pomonae pentacaitorobi bicheito, romanomonae soldadomonae pia pepa pentacaponaein tatsi patsipaebare xua bapon pia soldadomonae peitorobinexa xua Pablo pecuaranotsinexa tsainchi painya itabaratha baya tsane. Romanomonae soldadomonae pia pepa pentacaponaein tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenatsi. Pata tha bexuichi, poxonae barapomonae Pablo caponaeinchi, jei barapomonae.

<sup>16</sup> Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pewaetabinexa tsainchi Pablo. Daxota Pablo perobi tatsi pona soldadomonae pia bo tatsi beya. Baxota Pablo perobi tsipaebatsi xua barapomonae Pablo bepa bexubichei. <sup>17</sup> Nexata Pablo waba pon xua romanomonae soldadomonaepin pia pentacaponaei jiwana. Pablo namchi, jeye:

—Poye pewowin w<sub>u</sub>to caponde romanomonae soldadomonae pia pepa pentacaponaein tatsi beya, tsipei bapoyo diwesiyo xeina xua petsipaebiwa tsane, jei Pablo.

<sup>18</sup> Romanomonae soldadomonae pia pentacaponaein tatsi Pablo perobi tatsi capoinchi xua romanomonae soldadomonae pia pepa pentacaponaein tatsi beya. Bapon namchi, jeye:

—Pablo soldadomonae pia botha peecaein, bapon neitoroba xua pinae bepa caponaeinjei poye. Tsipei pinae xeina diwesiyo xua necatsipaebinexa, jei bapon soldadomonae pia pentacaponaein tatsi. <sup>19</sup> Pablo perobi tatsi cobe pitatsi romanomonae soldadomonae pia pepa pentacaponaein tatsi. Bar<sub>u</sub> natsixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

<sup>20</sup> Nexata pewowin w<sub>u</sub>to jume nota romanomonae soldadomonae pia pepa pentacaponaeintha, jeye:

—Judiomonae pebur<sub>u</sub>ya nanta xeina xua bepa saw<sub>u</sub>caei xua Pablo baya necaponaenexa pentacaitorobi bicheitha. Bepa camuxuitorobei. Bepa jeyei: ‘Panantawenonan pata tha Pablo yainyabichi ichawiyo’, bepa jeyei barapomonae.

<sup>21</sup> Ichitha jopa jume cowantsinde, barapomonae namtotha nantsiyatsiya bobenapaeba pewaetabinexa tsainchi taxuyo. Barapo cuarenta po pebiwimonaeyobe natsiw<sub>u</sub>nae

yabara muxu duba Nacomtha xua bepa pinae jopa nabanae tsane yawa jopa apae tsane beya pinae poxonae tsane poxonae Pablo bexubinchi. Anoxuae barapomonaе cajume cui ewata xua jam tsane: ‘Baya tsane Pablo pentacaitorobi bicheitha itorobinan’, jam tsane, jei Pablo perobi tatsi.

<sup>22</sup> Nexata romanomonaе soldadomonaе pia pepa pentacaponaein tatsi barapoyo napeyabatsi. Pewowin wato ponataba. Pewowin wato baraichi, jeye:

—Ichantha jopa tsipaebinde xuaunxuae po diwesiyo netsipaebame, jei soldadomonaе pia pepa pentacaponaein tatsi.

*Meje yabara poxonaе soldadomonaе pia pepa pentacaponaein tatsi Pablo itorobatsi Félix beya pon Judea nacuamonaе pia peyanacua ewatsinchi*

<sup>23</sup> Romanomonaе soldadomonaе pia pepa pentacaponaein tatsi waba ainya pentacaponaeinbe. Bapon baraponbetha itoroba. Barai: “Soldadomonaе pacui wnaerebe doscientos po soldado matabuxube pomonaе xua petaxutha ponaena, iru setenta po soldado matabuxube pomonaе xua cawayutha ponaena, iru doscientos po soldado matabuxube pomonaе dejonan cajjincaena. Barapo bicheito daxita peponaenexa Cesarea tomara beya merawitha poxonaе a las nueve tsuxubi. <sup>24</sup> Matautano pacui wnaerebe cawayu ayunbe xua Pablo peequeicaenexa tsane. Matautano paitorobarebe xua Pablo beta pecaponaenexatsi, xua asuno Félix beya”, jei. <sup>25</sup> Bapon pia soldadomonaе caitoroba carta. Barapo cartatha namchi, jeye:

<sup>26</sup> “Xan Claudio Lisias. Félix, ponxaem tacabaru cui itura jinaeinchi, cajacobatsi.

<sup>27</sup> Pon anoxuae cata itorobatsi nexainya beya barapo pebin waetabatsi, judiomonaе waetaba. Muxu pebexuichi. Poxonaе jume tan xua bapon romanomonaepin najainta daxota nainya soldadomonaе baru ponan bapoxonaе bapon capanepan. <sup>28</sup> Tsipei tha yaputaetsi xua barapomonaе Pablo yabara paebatsi, daxota Pablo cuaranotan judiomonaе pia pentacaitorobi bicheitha tatsi. <sup>29</sup> Jume tan xua barapomonaе Pablo yabara paebatsi xua pinae bapon jopa exanaeyo icha be pocotsiwa barapomonaе pia peitorobi coyenewan tatsi paeba. Ichitha barapomonaе jopa xeinaeyo po coyene xua daxota Pablo pebexubinexatsi, xuano xua daxota jiwi pecubi botha peetsinexatsi. <sup>30</sup> Ichitha bapoxonaе jume tan xua judiomonaе namuxuweta pebexubinexa tsainchi Pablo. Daxota Pablo nexainya beya itoroban. Tsipaeban judiomonaе pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana—cabaraichi—bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

<sup>31</sup> Barapo soldadomonaе exana pocotsiwa xua bayatha itoroba pon romanomonaе soldadomonaе pia pepa pentacaponaein tatsi itoroba pon pewan Claudio. Barapo soldadomonaе barapo merawitha Pablo capoinchi Antípatris tomara beya. <sup>32</sup> Icha mataqueitha barapomonaе soldadomonaе pomonaе petaxutha pona, caibe nawibiya ichaxota tauncuatsi soldadomonaе pia bo beya. Pomonaе cawayutha pona awiya Pablo baru poinchi. <sup>33</sup> Soldadomonaе Pablo capoinchi Cesarea tomara beya. Barapomonaе soldadomonaе Félix catatsi barapo carta. Pablono baxota punaxubothopatsi. <sup>34</sup> Félix matha yoroba carta. Bapoxonaе Pablo yainyabatsi, jeichichi:

—Pablo, ¿eta po nacua jitomda? jei.

Pablo jume nota, jeye:

—Bara Cilicia nacua piyon, jei.

<sup>35</sup> Félix namchi, jeye:

—Poxonaе judiomonaе patsina, pomonaе xua abe cayabara paeba, bapoxonaе cajume taeinchi xua tana netsipaebiwam tsane, jei Félix.

Bapoxonaе Félix itoroba soldadomonaе xua Pablo yapucaenaeinchi ichaxota po botha peitapanae bo, po bo Herodes cuenta naxuba.

## 24

### *Meje yabara poxonae Pablo Félix peitabaratha tatsi nayabara jume paeba*

<sup>1</sup> Icha matabitha poxonae cinco po matabibe tsuxubi, pebiwi pata Cesarea tomaratha. Ichun pewun Ananías. Bapon Ananías sacerdotemona pia pepa pentacaponaein tatsi. Iru pitiri jiwimonaeno pata. Iru pon xua petapaebeibin jiwi, pon pewun Tértulo bapon napatopa. Barapomona nacuara pata Cesarea tomaratha. Barapomona Félix peitabaratha taumeinchi, xua Pablo abeya peyabara paebinexatsi.

<sup>2</sup> Poxonae Pablo carendenatsi, Tértulo Pablo abe yabara paebatsi. Félix baraichi, jeye:

—Félix, xam pon pana yanacua ewatame. Daxota juntema xanepanaya pajinompan. Maisa bara beta itorobiya canamataxeiname jiwi jinya neyaputae coyenewatha. Daxota xam beta exaname barapo nacuathe. <sup>3</sup> Félix, xam pon pata paca baru itura jinaeinchim, xua exaname yatsicaya wuna nawita barapo nacue nexa. <sup>4</sup> Jopa ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi. <sup>5</sup> Anoxuae payaputan xua Pablo bichocono pana cui fayacota xua abe exana. Matautano bapon judiomona cui tsacabatsi xua nacaseba exanatsi daxita nacuantha. Matautano bapon, apra pomona nazarenomona barapomona pia pentacaponaein tatsi, pomona pecuidubi jiwi icha coyeneya pocotsiwa jopa xainyeyo. <sup>6</sup> Yawa Nacom pin pia bono tatsi juntucuru abe taexanatsino, poxonae juntucuru baru jonyatsi pon jopa judiomona naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha. <sup>7</sup> Ichitha soldadomona pia pepa pentacaponaein tatsi, Lisias, daunweya pana wecobe maxu pitatsi Pablo. <sup>8</sup> Soldadomona pia pepa pentacaponaein tatsi, Lisias, pana barai: ‘Pomona Pablo abe jaintatsi moya Félix peitabaratha papaebare’, pana jei Lisias, jei Tértulo.

Tértulo equeicha namchi, jeye:

—Félix icha yainyabatsipame Pablotha metha bara yaputaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

<sup>9</sup> Judiomona, pomona Tértulo puna poinchi namchi: “Tértulo bara xaniyei paeba”, jei. <sup>10</sup> Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsicuentsiwa xua abe peexanaexae xua barapo tomarathe nexa. Daxota juntu coyene weiweinan xua tana nayabara paebiwa neitabaratha. <sup>11</sup> Icha yainyabame barapomona, Jerusalén tomarapiwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wuna tajainchinexa Nacom. Anoxuae petain doce matabibe yapucaewan poxonae xua bayatha ponan bara beya. <sup>12</sup> Jopa jume matsontsonobeibinyo jiwi. Yawa jiwi jopa jume cui tsacabeibinyo xua anaepanaya penajume cayayatsinexa. Baxuan jopa exanaeinyo Nacom pin pia botha. Matautano judiomona pia penacaetutsi bontha tatsi, baxuan jopa exanaeinyo. Matautano tomaran pecuariyathan jopa baxuan exanaeinyo. <sup>13</sup> Pomona paeba xua pinae abe exanan, barapomona jopa jume cupaetsi xua tana necui yopichiwa xua abe exanan. <sup>14</sup> Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuiduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomona yabara nanta xeina xua pinae barapo pecuidubiwa jopa xainyeyo. Xan jume cowuntan daxita Moisés pia peitorobi coyenewan. Matautano po diwesin Nacom pia peitorobi jume pepaebiwi tina, barapo diwesinno jume cowuntan. <sup>15</sup> Xan barichindu, Nacom yabara baru jume cowantsiya ewatan icha barapomona ichi xua po coyene pomona pewerapaewi equeicha asu tsane, pomona peajuntucoyenebe jiwi iru xua asu tsane pomona pejantu

coyene xanepanae jiwino. <sup>16</sup> Daxota jopa najuntũ coyene acaurinyo tsipei nayaputan xua Nacom beta taexanan. Jiwithano jopa najuntũ coyene acaurinyo.

<sup>17</sup> “Ainya wei dapaein saya icha nacuantha poponan. Bapoxonae equeicha tatomara beya poponan, Jerusalén tomara beya. Patopan baxota Nacom pin pia botha poxoru yaitama paratixi caponan xua tamona nexa po paratixi ichamonae taitoroba. Matautano bara beyan xua baxotiya Nacom tatsita exanaenexa xua pocotsiwa be tacatsiwa Nacomtha, xua duwein tatautsiwa tsane. <sup>18</sup> Barapo coyenein awiya exanawiyen, bequein bayatha nenacui yabara jume weta exana po coyene xua daxota Nacom jopa tsitanyo xua taajuntũcoyenebewan be pocotsi coyeneya xua judiomona itoroba. Bapoxonae judiomona pomona Asia nacua weparena netaeba Nacom pin pia botha. Barapomona baxota necaxiba bequein poxonae jopa jiwi namtsebiya wawaya exanaeinyo. <sup>19</sup> Pomona netane Nacom pin pia botha pomona Asia nacua werena pepatsiwi bewa dapomona xote patsi xua necatsipaebinexa tsane xua tana neyabara paebinexa tsane xua abe taexanaewa. <sup>20</sup> Icha barapomona jopa patsiyo pomona xote ena bũ paeba. Barapomona netane poxonae cain matha judiomona pia pentacaitorobi bicheito peitabaratha uncuan. Barapomona bũ catsipaeba, icha metha bara abe exanan poxonae barapo pentacaitorobi bicheito peitabaratha tatsi uncuan. <sup>21</sup> Saya ƚ baxua exanan poxonae peitabaratha uncuan, bapoxonae bichocono wawan. Janje: ‘Anoxuae poxonae paxam pana neyabara paebame xua tanatsicuentisiwa xua abe taexanaewa paxam pananta xeiname xua abe exanan yaitama jume cowuntan xua pewerapaewi equeicha asũ tsaibi tsane’, jan jei”, Pablo.

<sup>22</sup> Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae abũ jopa baxua yabara paebiyo pocotsiwa barapomona paeba. Daxota Félix namchi, bapomonaetha, jeye:

—Abũ bexa pacatsipaebinchi, poxonae soldadomona pia pepa pentacaponaein tatsi patopaena pon Lisias, bapoxonae yabara paebin pocotsiwa Pablo exana, jei Félix.

<sup>23</sup> Nexata Félix itoroba soldadomona pia pentacaponaein tatsi xua soldadomona Pablo cataunxuae yapu eeniya pebarũ jinompaenexatsi Herodes pia botha tatsi, bequein bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamona xua piamona peyawenaenexatsi xua pocotsiwa nantawenona bapon.

<sup>24</sup> Icha matabitha pirapaeyo Félix piowabe patopabe. Petsiriwa pewun Drusila. Barapowa judiomonaewayo. Félix najume caitoroba ichantha xua Pablo pewabinexatsi Félix berena, matautano xua Pablo Félix yabara petsipaebinexatsi xua po coyene jiwi jume cowanta Jesucristo. <sup>25</sup> Pablo Félix tsipaebatsi xua pinae ainya cui xua jiwi beta yanthathiya jinompa icha be Nacom ichi xua beta yanthathiya popona. Matautano paebano xua pinae jiwi pia xoba abe exaneiba. Matautano namchino xua pinae caentacabitha tsane Nacom wabina daxita jiwi xua peyabara paebinexa xua penatsicuentisiwa xua abe peexanaexae barapo cae pin nacuathe. Félix najuntũ coyene cabenaeca poxonae jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyo jopa neenaeyo, jei Félix.

<sup>26</sup> Félix nanta xeina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo. <sup>27</sup> Baraxua exana beya yaainya weibe jopa. Barapoxonae Félix weta xua pon peyanacua ewatsin jiwi naexana barapo Judea nacuathe, xua icha nacua beya pewarapaexae. Ichun Félix pecoutha tatsi tapatopatsi pon pewun Porcio Festo pon xuya pon peyanacua ewatsin jiwi naexana Judea nacuathe. Félix ichichipa xua peweyataewatsi xua judiomona peweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.



## 25

### *Meje yabara poxonae Pablo Festo peitabaratha tatsi tauncuatsi*

<sup>1</sup> Festo bara patopa xua penaexanaenexa pon peyanacua ewatsin jiwí. Poxonae acoibi po matabibe weta Cesarea tomara weya pona, Jerusalén tomara beya pona.

<sup>2</sup> Barapo tomaratha Jerusalén tomaratha sacerdotemonae pia pentacaponae wi tatsi iru judiomonaeno pomonae pentacaponae wino, barapomonae Pablo abeya cui yabara canantsipaebatsi. <sup>3</sup> Barapomonae Festo baraichi: “Bu painta ichamonae Pablo Jerusalén tomara beya capoinchi”, jei. Barapomonae baxua Festo jeichichi, tsipei Pablo namtotha ewatabobenapaebatsi pebexubinexatsi. <sup>4</sup> Festo jume nota, jeye:

—Canta Pablo Cesarea tomaratha eca xua soldadomonae baru jinompatsi. Tha nama imoxoyo bara beya equeicha caibeya ponaetsi. <sup>5</sup> Painyamonae jiwana pomonae pentacaponae wi moya bu barapomonae nepuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonae, jei Festo.

<sup>6</sup> Festo cataunxuae Jerusalén tomaratha ocho po merawiyobe yapucaewa xua equeicha ainya dapaeyobe. Barapoxonae Cesarea tomara bewarapiya caibeya. Icha matabibitha Festo eca peequeibithopeibiwatha po tututha ichaxota yabara paebequeiba jiwí xua penatsicuentisiwa xua abe peexanaexae. Festo barai soldadomonae: “Painta caponde Pablo taxainya berena”, jei. <sup>7</sup> Poxonae Pablo patopa, judiomonae imoxoyo umenarucupa pomonae Jerusalén tomara weparena. Barapomonae judiomonae Pablo yacaincha matawaqueicha umenatsi. Barapomonae Pablo cui yabara paebatsi xua abe exana nawita. Ichitha xua barapomonae paeba jopa tsita itapeinya xeinaeyo xua apara bara xainyei pocotsiwa barapomonae paeba. <sup>8</sup> Nexata Pablo pia coya nayabara paeba, jeye:

—Xan jopa abe exanaeinyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomonae itorobiya pia pepa peewatsinchi tatsi, jei Pablo.

<sup>9</sup> Festo bepara antobetsei judiomonae. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchi nenatsicuentisiwa xua abe neexanaexae? jei Festo.

<sup>10</sup> Pablo jume nota, Festo jume notatsi, jeye:

—Xan uncuan peitabaratha tatsi pomonae pentacaponae wi, pomonae romanomonae itorobiya pia pepa peewatsinchi tatsi itoroba. Barapomonae pentacaponae wi bara itacupatsi xua barapo tomarathe tana neyabara paebinexa xua tana natsicuentisiwa xua abe taexanaexae. Jopa nantawenonaeinyo xua taponae wa tsane Jerusalén tomaratha. Xam bayatha beta yaputaneme xua jopa abe exanaeinyo judiomonaetha. <sup>11</sup> Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomonae neyabara paeba, metha nexata barapomonae jopa nebexubichipae. Tha nama warapaetsi romanomonae itorobiya pia pepa peewatsinchi beya, tacoya nayabara paebichi, jei Pablo.

<sup>12</sup> Copiya matha Festo tsipaeba pejume yaweneibiwichi. Barapoxonae Festo, Pablo baraichi, jeye:

—Yaitama aunxuae siwa ponapaebame romanomonae itorobiya pia pepa peewatsinchi tatsi, xua necayabara paebinexa xua nenatsicuentisiwa xua abe neexanaexae daxota moya ponaename bapon beya, jei Festo.

### *Meje yabara poxonae Pablo uncua Agripa peitabaratha tatsi pon peyanacua ewatsin jiwí*

<sup>13</sup> Icha matabibitha Agripa, pon peyanacua ewatsin jiwí, bapon pona Cesarea tomara beya. Petsiriwa puna poinchi, bapowa pewan Berenice. Festo siwa poinchi Cesarea

tomaratha iya. <sup>14</sup> Baraxotiya Agripa petsiriwano ainya matakabin ecabe. Festo namchi Agripatha, jeye:

—Xote eque pon cain Félix xubeta Cesarea tomaratha xua bapon pebar<sub>u</sub> jinompaenexatsi soldadomona. <sup>15</sup> Poxonae Jerusalén tomaratha ecan, sacerdotemona pia pentacaponae jiwi tatsi, pitiri jiwino, barapomona netsipaeba xua bepa pinae Pablo itorobin xua pet<sub>u</sub>paewa tsane. <sup>16</sup> Barapomonae baran: ‘Barapocotsi coyene romanomona pan pata cui coyene. Paxan jopa pacopatsinyo xua ich<sub>u</sub>n amanaya bexotsi. Jame copiya pomona xua abe yabara paeba ich<sub>u</sub>ntha, barapomona bewa paebina bapon peitabaratha tatsi icha bara metha bapon xaniwaicha abe exana. Bapoxonae bapon pia coutha beya nayabara paebichipa xua barapomona paeba’, jan. <sup>17</sup> Daxota poxonae barapomona pata xote, jopa be bayathinyo yaitama. Daxota baya caena nainya ecoundecan, po tututha yabara paebequeiban jiwi xua penatsicuentsiwa xua abe peexanaexae. Itoroban soldadomona xua Pablo pecaponaenexatsi taxainya berena. <sup>18</sup> Xan nanta xeinan xua Pablo bichocono abe exana. Ichitha poxonae barapomona asiya umena peyabara cueicueijeinexa tsainchi, Pablo jopa paebiyo po diwesi xua daxota tananta xeinaenexa xua Pablo bara abe exana cou. <sup>19</sup> Pocotsiwa xua Pablo yabara cueicueijeichi, saya xua apara pia pejume cowantsiwa tatsi yabara, matautano xua Pablo peyabara cueicueijeixae pebin pon Jesús baraichi, xua pinae equeicha as<sub>u</sub> poxonae t<sub>u</sub>pa. Seicaya nama barapomona paeba xua pinae bapon apara t<sub>u</sub>pa, xua equeicha jopa as<sub>u</sub>yo. <sup>20</sup> Jopa yaputaeinyo xua baxua exanan xua Pablo abe yabara paebatsi. Daxota copiya matha Pablo yainyaban, janje: ‘¿Xam, jinya ponaetsi Jerusalén tomara beya xua baraxotiya cayabara paebinchi xua nenatsicuentsiwa xua abe neexanaexae?’ jan. <sup>21</sup> Ichitha Pablo dapu jumetha netsipaeba xua bepa ponaei Augusto beya, romanomona itorobiya pia pepa peewatsinchi beya, pon xua bepa pinae yabara paebinchi xua penatsicuentsiwa xua abe peexanaexae. Daxota itoroban soldadomona xua Pablo ab<sub>u</sub> pebar<sub>u</sub> jinompaenexatsi soldadomona, beya ab<sub>u</sub> poxonae necui j<sub>u</sub>pa xua itorobin pontha pon romanomona itorobiya pia pepa peewatsinchi, jei Festo xua Agripa tsipaebatsi.

<sup>22</sup> Nexata Agripa Festo baraichi, jeye:

—Tha bequein ir<sub>u</sub> jume taetsir<sub>u</sub> Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

<sup>23</sup> Bara icha matakabitha Agripa ir<sub>u</sub> Berenice patopabe. Paparuwa peit<sub>u</sub>panaewa nama xatatabe. Agripa pinmonae bar<sub>u</sub> pata, soldadomona pia pepa pentacaponaewi tatsino, ir<sub>u</sub> Cesarea tomara pia pentacaponaewino. Barapo bicheito Agripa bar<sub>u</sub> pona. Festo itoroba soldadomona xua Pablo pecarendenaenexa tsainchi. <sup>24</sup> Festo barai, jeye:

—Agripa, xam pon neyanacua ewatsin jiwi, ir<sub>u</sub> pomona pecanamataxeinae jiwi pamd<sub>u</sub>. Bapon xote uncue Pablo. Daxita judiomona ir<sub>u</sub> Jerusalén tomarapiwi, ir<sub>u</sub> Cesarea tomarapiwi, daxita barapomona Pablo jume yabara paebatsi xua pinae abe exana. Matautano barapomona neitoroba nawita xua bepa pinae Pablo itorobin xua pet<sub>u</sub>paewa tsane. <sup>25</sup> Ichitha xan saya tacoya nanta xeinan be jopa neichichi abe exanaeyo, poxonae nejume nota, poxonae tsipaeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaei romanomona itorobiya pia pepa peewatsinchi tatsi beya, pon pew<sub>u</sub>n Augusto, tsipei bepa pinae yabara paebichi xua penatsicuentsiwa xua abe peexanaexae. Daxota yabara naj<sub>u</sub>nt<sub>u</sub> coyene wetan xua bapon Pablo taitorobiwa tsane bara beya. <sup>26</sup> Yaitama bapon jopa abe exanaeyo, jopa yaputaeinyo xua eta be tajumichiwa tsane barapo cartatha poxonae Pablo itorobin xuano xua cartano cayabara cui pu catsin bara beya. Daxota anoxuae Pablo painya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha

pon romanomonae itorobiya pia pepa peewatsinchi. <sup>27</sup> Tsipei inta jopa xanepanaetsipae icha itorobichipan Pablo pon pewaetabinchi icha jopa yabara paebinchipae xua pocotsiwa bapon peexanaexae, jei Festo xua Agripa tsipaebatsi.

## 26

*Meje yabara poxonae Pablo pia coutha cuita paeba, Agripa peitabaratha tatsi, pon peyanacua ewatsin jiwi*

<sup>1</sup> Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxonae Pablo namaху yoicha xua Agripa jacobatsi. Barapoxonae namchi, jeye: <sup>2</sup> “Agripa, pon neyanacua ewatsin jiwi, maisa bichocono јѳntу coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomonae po coyene xua pinae abe exaneiban. <sup>3</sup> Poxoru yaitama, xam Agripa, bayatha yaputaneme pata јѳntу coyenein pomonae judiomonae panxaein. Yaputanemeno baxuan xua pana najume matsontsonoban. Daxota cabaraichi xua saya beta nejume taema xua jopa aitaconaeinde”, jei Pablo.

*Meje yabara poxonae Pablo nayabara paeba, poxonae pinae cataunxuae jopa jume cowantsiyo Jesús*

<sup>4</sup> Equeicha Pablo namchi, jeye: “Daxita judiomonae barapomonae neyaputane xua poxonae pexuyon, poxonae caena bayatha pia xantha tatsi poponan xua tanacuaxae. Barichino neyaputane poxonae Jerusalén tomaratha poponan. <sup>5</sup> Icha yainyabatsipame barapomonae, yabara catsipaebichipa pocotsiwa exaneiban xua fariseomonae pocotsi јѳntу coyene cuidubeiba, pocotsiwa judiomonae cuidubeibatsi, tsipei xan fariseomonae pin. Daxita barapomonae yaputane xua caena bayatha jume cowantан daxita pocotsiwa xua barapomonae itoroba. Fariseomonae itapeta cuita exaneiba pocotsiwa Nacom itoroba beyacaincha ichamonae xua exaneiba. <sup>6</sup> Judiomonae necapona xote tsipei saya poxoru yabara wуnae ewatan xua bexa Nacom asу exanaena pomonae xua werapa. Baxua pinae Nacom wamo susato jiwi yabara tsiwуnae muxu dutatsi. <sup>7</sup> Patamonae pomonae Israel nacuamonaepiwi pomonae xua doce pomonae bicheitobe, baxua yabara jume cui wуnae ewata poxonae petуpaewi equeicha asу exanaeinchi, xua poxonae Nacom exanaena. Daxota barapomonae Nacom wуnae jainteibatsi. Mataуtano itapeta exana pocotsiwa Nacom itoroba, merawithano, matacabithano. Xam Agripa pon neyanacua ewatsin jiwi catsipaebatsi baxua tayabara jume cowantsixaеру, daxota judiomonae neyabara paeba xua pinae abe exanan. <sup>8</sup> Painya xoba pananta xeiname xua Nacom jopa itacуpaetsi xua equeicha jiwi asу peexanaewatsi pomonae xua werapa”, jei Pablo.

*Meje yabara poxonae Pablo nayabara paeba xua pinae copiya abe exana nawita pomonaetha pomonae pejume cowantsiwichi Jesús*

<sup>9</sup> Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaetha pomonae Jesús pejume cowantsiwichi pon Nazaret tomara-pin. <sup>10</sup> Jerusalén tomaratha baxua exanan. Sacerdotemonae pia pentacaponaewi pia peitorobi coyenewa necata xua daxota tana necui јѳpaewa xua jiwi tacaponaewa jiwi pecуbi botha. Pinmonaecai caponan, pomonae Jesucristo pejume cowantsiwi. Xan yabara jume jejan xua barapomonae pejutebiwatsi. <sup>11</sup> Anaya caenaetan, peraxa exananno poxoru ichipan xua barapomonae pentsina xua Jesús pejume cowantsiwatsi. У baxua exanan. Daxita judiomonae pia penacaetutsi bontha tatsi exananno. Bichocono anaepanan. Daxota icha nacuantha ponan tajeichinexa pomonae pejume cowantsiwichi Jesús xua barapomonae abe taexanaenexa”, jei Pablo.

*Meje yabara poxona equeicha Pablo nayabara paeba poxona pinae jume cowanta Jesús*

<sup>12</sup> Equeicha Pablo namchi, jeye: “Barichi sacerdotemona pia pentacaponae tatsi pia peitorobi coyenewa necata xua daxota tana necui jupaewa xua taponae Damasco tomara beya, xua pomona jume cowanta Jesucristo tacaponae tsane Jerusalén tomara berena. <sup>13</sup> Xam pon neyanacua ewatsin jiwi bara xaniwaicha catsipaebatsi poxona namtotha paenaponan poxona mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomona nepuna pona nebaru matawacaicha matatsun uncueica. <sup>14</sup> Nexata daxita iratha paothopan. Jume tan xua pon hebreo jumetha nebarai, jeye: ‘Saulo, Saulo, zeta xua tamona inta abe exaname? Poxona tamona peraxa exaname, apara jinya coutha atene nacana exaname icha be buey ichi poxona ba pia coutha xua xota sojei nataxu matababa’, nejei. <sup>15</sup> Nexata jume notan janje: ‘Pon jiwi Necanamataxeinaem, zjintam xamda?’ jan. Nejume nota jeye: ‘Apara bara xan, Jesús ponxaein inta abe exaname tamona pomona tana nejume cowantsiwi. <sup>16</sup> Nontaponde. Xua anoxuae necotame catsita naitatsi. Apara tha tana nejume yopichim. Matautano bexano equeicha ichawa necotsiname tana neyabara paebinxam tsane baxuanno. <sup>17</sup> Cacui itorobatsi xua Nacom Pejume Diwesi necueicueijamnexam. Nexata cacapanepaeinchi poxona juntucuru caperaxa exana judiomona iru pomona jopa judiomona naexanaeyo. <sup>18</sup> Caitorobatsi judiomonaetha iru pomonaetha pomona jopa judiomona naexanaeyo xua jopa equeicha pejinompaenexa poxona jopa jume cowantsiyo. Matautano caitorobatsi xua barapomona jopa peexanaponaenexa pocotsiwa caurimona pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomona tana nejume cowantsinexa. Bapoxona yabara junteinaein barapomona abe pia peexanae cuiru coyenein tatsi, matautano xua pexeinaenexa pocotsiwa Nacom yabara tsiwanae muxu duba’, nejei Jesús”, jei Pablo.

*Meje yabara poxona Pablo exana pocotsiwa Nacom itoroba poxona tsita naitatsi namtotha*

<sup>19</sup> Equeicha Pablo namchi, jeye: “Agripa, xam pon neyanacua ewatsin jiwi, xan jopa jumefebinyo xua Jesús neitoroba poxona itaboco wenetsita naitatsica xua namtotha netsita naitata poxona pecoichatha jume tan xua Jesús netsipaeba. <sup>20</sup> Copiya matha Damasco tomarapiwi tsipaeban Nacom Pejume Diwesi. Bapoxona equeicha barapo diwesi tsipaeban Jerusalén tomarapiwi. Bapoxona equeicha daxita Judea nacumonaepiwi barapo diwesi tsipaebanno. Iru pomonaetha pomona jopa judiomona naexanaeyo tsipaebanno. Barapo diwesi tsipaeban xua barapomona icha juntu coyenein pexeinaenexa, yawa Nacom pejume cowantsinexatsi, matautano xua barapomona petsita itapeinya xeinaenexa jiwitha xua bara Nacom jume cowantatsi xua beta peexanaexae. <sup>21</sup> Daxota judiomona newaetaba poxona Nacom pin pia botha patopan yawa bepa nebexubei. <sup>22</sup> Ichitha Nacom neyawena. Daxota awiya Nacom Pejume Diwesi paeban bichocono daxita i dapomonaeintha pomonaetha pomona pepawi jiwi iru poponaethano pomona peainya cui jiwi. Baraxua saya meisa paeban be pocotsi coyeneya matha juinya Moisés yabara wanae tsiwanaya paeba iruru be pocotsi coyeneya matha juinya Nacom peitorobi jume pepaebiwi yabara wanae tsiwanaya paeba. <sup>23</sup> Barapomona tsipaeban po diwesi yabara xua pinae bexa Mesías peraxa exanaeinchi ichamona. Matautano bapon pinae pon xua copiya pomona pewerapaewi asu nanta caexanaeinchi. Matautano xua pinae judiomona iru pomona jopa judiomona naexanaeyo yabara yaputane exanaeinchi pecapanenebiyae diwesi jume”, jei Pablo xua Agripa tsipaebatsi.

*Meje yabara poxonae Pablo paeba Jesús pejume diwesi Agripatha xua Agripa pejume cowantsinexa*

<sup>24</sup> Poxonae baraxua Pablo najume weta xua nayabara jume paeba, Festo jume daunweya wawai, jeye:

—¡Pablo, maisa cantsiyaibeca poxoru saya u necuidubi daxota cantsiyaiba! jei Festo.

<sup>25</sup> Pablo jume nota, jeye:

—Festo ponxaem tacabar u cui itura jinaeinchi, jopa nentsiyaibiyo apara. Xuaunxuae paeban, apara seicayar u xua xaniwaicha paeban xua bara apara pexainyeiwa. <sup>26</sup> Ee taema, Agripa, pon pepa peyanacua ewatsin jiwi pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxuae catsipae-batsi bapon baxua daxita yaputane poxoru jopa namicha exanaeinyo. <sup>27</sup> Agripa, xam pon neyanacua ewatsim jiwi. ¿Jume cowantame pocotsiwa Nacom pia peitorobi jume pepaebiwi paeba? Bara yaputan xua bara jume cowantame, jei Pablo.

<sup>28</sup> Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowantsinan Jesús, jei Agripa.

<sup>29</sup> Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata wucatsi xam nexa, ir u pomonae nexa, pomonae nejume tane painya nejume cowantsinexam tsane Jesús. Ichichipan xua painya neexanaewa icha ichin xua tajume cowantsiwa, bara bequein jopa ichipaeinyo xua painya nemax u tha painya nexainaewa jiwi pec u bi nainto be pocotsi nainto xuaunxuae tamax u tha ducua, jei Pablo.

<sup>30</sup> Poxonae Pablo najume weta baxua, Agripa pon peyanacua ewatsin jiwi ir u Berenice asiya uncuatababe. Ir u Festo pon peyanacua ewatsin jiwi asiya uncuataba. Pomonae ir u ena asiya umenar u c u pa. <sup>31</sup> Aisowa be-iyiya barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexu-binexatsi, matautano po coyeneyatha xua daxota bapon jiwi pec u bi botha peetsinexatsi, najei barapomonae.

<sup>32</sup> Agripa tsipaeba, Festo baraichi, jeye:

—Icha metha jopa naca w u caetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinexatsi penatsicuentsiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

## 27

*Meje yabara poxonae Pablo Roma tomara beitorobiyatsi*

<sup>1</sup> Barapomonae najunt u coyene weta xua pata taneitorobiwa Italia nacua beya. Pablo ir u ichamonaer u pomonae peteiquebiwichi daxita barapomonae itorobatsi Roma tomara beya. Pon barapomonae matabapoinchi bapon pew u n Julio, pon soldadomonae pia pentacaponaein tatsi. Barapo matab u x u yo soldadomonae bicheito w u n dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo ir u ichamonaer caponatsi Augusto beya. <sup>2</sup> Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa siwa ponaei. Ich u n pana cueyata. Bapon pew u n Aristarco Tesalónica tomarapin. Barapo tomara Tesalónica tomara eca Macedonia nacuatha. <sup>3</sup> Icha matabaitha Sidón tomaratha papatan. Baraxota barapon Julio, Pablo bar u jume w u naetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuano xua bara Pablo peyawenaenexatsi xua

xoxi nantawenona. <sup>4</sup> Bara Sidón tomara wepawarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan. <sup>5</sup> Bara mar mene iya paenaponan, Cilicia nacua, Panfilia nacuano imoxoyo pacaquita enaponan. Bapoxonae Mira tomaratha papatan, po tomara Licia nacuatha eca.

<sup>6</sup> Baraxota pon soldadomonaē pia pentacaponaein tatsi bapon icha nae taeba baraxota. Barapo nae Alejandría tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya. <sup>7</sup> Ainya matabin saya bewayo paenaponeiban, poxoru yaitama joibo jera caewa carena tsaibi. Gnido tomara paxenta enaponan. Salmón tomarano paxenta enaponan. Creta tunaetono pantawaqueban. <sup>8</sup> Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewun Buenos Puertos. Barapo tomara imoxoyo eca ichaxota Lasea tomara.

<sup>9</sup> Baraxota came awiya ainya matabin paenan. Bayatha yapu caewa barapo matabin poxonae barapomonaē warapapaeba barapo matabitha xua pin mene mara mene iya. Tsipei imoxoyo awubo tsurucuae tsonpnae, daxota Pablo nanta xeina xua icha metha paponatsipan, panacabetsipan. Daxota barapomonaē Pablo muxuweta. <sup>10</sup> Pablo namchi, jeye:

—Pebiwi pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiwī methaunxuae napentsina, jei Pablo.

<sup>11</sup> Ichitha soldadomonaē pia pentacaponaein tatsi, bapon Julio, jopa jume naitomatsiyo xua Pablo tsipaeba. Ichitha dapo jumetha saya meisa pon jera pecanamataxeinaein iru pon jera pexeinaein, baponbe itapeta jume naitomatatsibe. <sup>12</sup> Barapomonaē nanta xeina, xua baraxota jopa beenaeyo poxoru barapo tomara jopa cui wunaeyo xua jera peboacaewa poxonae awubo pin joiboxae. Pinmonae barapomonaē jiwana tsita xanepanatsi xua Buenos Puertos weya pewarapaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awubo, joibono”, jei. Barapo tomara cui wunaē xua ichaxota jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaei poxonae awubo tsuxubi.

### *Meje yabara poxonae maratsaca daunwei pepa mar mentha*

<sup>13</sup> Nexata bewayo joibo tsuncuae, be pocotsiwa parowa wejopeina. Daxota barapomonaē namchi: “Bu poinchi cataunxuae saya tsiqui joibiyo”, jei. Bapoxonae totabiya jera. Barapo Creta tunaeto imoxoyo pitapa pacaquita enaponan weratha. <sup>14</sup> Poxonae saya caeto paenaponan bapoxonae pin joibo pana epa taepona, Creta nacua tunaeto wejoparena. Jera epa yutaba. <sup>15</sup> Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba. <sup>16</sup> Cauda tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha. <sup>17</sup> Panacuitontan xua pajonta xuinan. Barapo naeyo pepa jeratha pacutabotan. Nexata jera penacuichiwi pepa bumacantha pema wemaxuburu capabina, maxuburu babataruba xua pewacatabiyainwa joibo. Nexata barapomonaē bichocono junuwa poxoru nanta xeina xua mexeya itara jera naxatatabawei taetabotha, po taetabo pewun Sirte. Daxota wera jontabota jeratha. Saya jera caputabiya joibotha. <sup>18</sup> Icha matabitha came awiya maratsacan bichocono daunwei. Daxota ichawan mentha bebai xua xuan capona. <sup>19</sup> Icha matabitha daxota pabeban xua jeratha jeba tsipei ichichipa xua tafafanatsi. <sup>20</sup> Ainya matabin came awiya jopa panecotsinyo xometo.

Opiteino jopa panecotsinyono. Pajunuwan. Pananta xeinan: “Metha aparaunxuae jopa nacapanenebiya tsainchi. Bunothropaeinchi aunxuae”, pajan.

<sup>21</sup> Ainya matabin pana yapu xenaca xua jopa panabanaeinyo. Pablo nontapona. Barapomona barai, jeye:

—Bara bayatha paca tsipaebatsiba: ‘Creta tunaeto beya, jopa pawarapaeinde’, paca barai. Daxota equeicha pawarapame. Daxota aunxuae jera abe exana. Matautano pananta puxanameno xuaunxuae pabebam xoxi pacaponame. <sup>22</sup> Ichitha saya jopa pajunuwinde. Jopa pajiwana tupaem tsane, bequein meisa jera naxubina. <sup>23</sup> Merawi matatsunpin netsita naituta. Barapo matatsunpin Nacom itoroba pon Tanacom xuan xua taexanaexae pocotsiwa bapon neitoroba. <sup>24</sup> Barapo matatsunpin nebarai: ‘Pablo jopa junuwinde poxoru bexa tsane romanomona itorobiya pia pepa peewatsinchi pon Augusto, peitabaratha tatsi uncuaename. Daxota pomona xua napon cata capanepatsi Nacom’, nejei matatsunpin. <sup>25</sup> Daxota, paxam pana najuntu coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena. <sup>26</sup> Ichitha petunaetotha naca monapentsina, jei Pablo.

<sup>27</sup> Poxona catorce po matabibe tsuxubi, barapoxona mar mene pacaxiban. Barapo pepa mar mene Adriático mene. Barapo mentha joibo pana yana muxunenababa. Merawi papaetha, pomona petanacuichiwi barapo naetha, barapomona nanta xeina xua imoxoyo ira itiya pona. <sup>28</sup> Barapomona mene epa tutu canabareca. Treinta y seis po m epiyobe xeina xua iratha deca. Caeto equeicha mene epa tutu canaba, baxota veinte y siete po m epiyobe xeina xua iratha deca. <sup>29</sup> Barapomona pejunuwixae xua jera tofotabina poxona utabina ibowantha, daxota barapomona po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Matautano barapomona Nacomtha waca xua xometa penta tsane, penecotsinexa tsane. <sup>30</sup> Pomona petanacuichiwi barapo naetha barapomona nanta xeina xua perupaewa. Daxota barapomona naemata po nainto arewe dureca bebureca. Ichitha tsiqui naeyo mentha durecano, poxoru pia namicha dupaetsi barapo naeyo. <sup>31</sup> Pablo barai Julio, pon soldadomona pia pentacaponaein tatsi, xuan baraino soldadomonaetha, jeye:

—Icha pomona petanacuichiwi barapo naetha icha jopa enae tsane barapo pin naetha, jopa Nacom capanenebiyae tsane, jei Pablo.

<sup>32</sup> Daxota soldadomona jeriyo m ucuiba. Jeriyo mentha jopeica.

<sup>33</sup> Poxona caemumbo, Pablo pijiwimona jain itoroba. Pablo pijiwimona barai, jeye:

—Bayatha dos po semanabe painya junuwi jopa bichocono panabanaem poxoru pajunuwame xua pabunothopame. <sup>34</sup> Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaenexam. Bara caein jopa napuxanae tsane. Matautano jopa caentanatiyo aichurucuae tsane.

<sup>35</sup> Poxona Pablo najume weta, pecobetha pan pita, Nacomtha tsipaeba barapomona peitabaratha tatsi. Barapoxona pan epa janaxuba. Barapoxona xane. <sup>36</sup> Barapoxona barapomona najuntu coyene tsacabarupa. Matautano barapomona daxita juntea nabanerupa. <sup>37</sup> Jerapiwi doscientos setenta y seis po matabumonaebe pan xua daxita pan. <sup>38</sup> Poxona barapomona najain wetarupa, daxita barapomona trigo xu bebai pepa mentha poxoru bepa jera tafafanaetsei.

### *Meje yabara poxona jera bunareca*

<sup>39</sup> Poxona xometa baya penta tsina, pomona petanacuichiwi barapomona jopa yaitaeyo ira, po iratha muxu pepatsi. Poxona barapomona pexutoroto tane, barapomona nanta xeina xua juntucuru jebounaena taetabo itapatha. <sup>40</sup> Daxota barapomona nayana m ucuiba, xua po nainton arewe mene bupana bobendeca. Po

catenano pecabobotsi catena, barapo catenano isanaxoreca. Nexata paparuwa duta wera naetotha. Barapo wera pebuxhtha duta. Jera nainya cacuita caputabiya ira. <sup>41</sup> Ichitha barapoxonae barapo nae ichaxota tsewa tuwutha naxatatabarena. Вуху naxatatabuncua bichocono. Petafe fotaba maratsacatha.

<sup>42</sup> Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara ducupaenawei. <sup>43</sup> Ichitha soldadomonae pia pentacaponaein tatsi, bapon Julio, ichipa xua Pablo asu popona. Daxota Julio jopa yabara jume copatsiyo xua jutebinchi pomonae peteiquebi jiwichi. Bapoxonae Julio itoroba pomonae yaputane xueiba, copiya pepatsinexa tsane pepa iratha. <sup>44</sup> Pomonae xua jopa xueibiyo napaewan cobena xueibiya. Matautano barapo jera pepan cobena xueibiya. Daxota daxita panenebiya pepa iratha.

## 28

### *Meje yabara poxonae Pablo Malta tunaetotha patopa*

<sup>1</sup> Poxonae po tunaetotha papanenebiyan ichamonae pana tsipaeba: “Apara Malta tunaeto”, jei. <sup>2</sup> Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Bapoxonae barapomonae pana waba: “Anthax panonopenare”, jei. <sup>3</sup> Pablo isoton nota po isoton tsewa. Poxonae barapo isoton pepa isototha bebebeya, barapo isotontha jomo athabe jopeina poxoru bichocono atou. Pablo cobe sinaducuatsi barapo jomo. <sup>4</sup> Malta tunaetomonaepiwi, Pablo cui tainchi xua jomo cobe sinaducuatsi. Barapomonae nantiya natsipaeba, najei: “Barapo pebin apara pon jiwi pejutebin. Bequein panepa pepa mar mentha ichitha barapo nacom, po nacom pewan Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

<sup>5</sup> Ichitha Pablo nacobe nanutaba jomo isototha. Saya axaibi tsuncuae Pablo. <sup>6</sup> Daxita barapomonae Pablo cui necotumeinchi xua cobe putsunanaya yawa icha iratha jopiyaena petupaein. Bayatha cui wenaewatumena. Poxonae baxua jopa daichiyo, daxota equeicha ichawa nanta xeinarucupa: “Metha moya bara Pablo nacom tsecae”, jei bapomonae.

<sup>7</sup> Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matabibibe beta pexaewa pana apata. Baxota yawa pamaitenan. Bapon pewan Publio pon iran pata tan. <sup>8</sup> Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Bapoxonae Pablo cobe jayabiya tsipaeba Nacomtha. Bara bapon axaibi tsanaya. <sup>9</sup> Poxonae baraxua exana Pablo, daxita Malta tunaetomona, pomonae peatenewi, baxota pata. Iru Pablo axaibi exanaru daxita barapomonae. <sup>10</sup> Malta tunaetomona, pana baru cui itura jina nawita. Bapoxonae poxonae equeicha pawaraparucupan jeratha, pana nepu catsiba xua xoxi pata nantawenonaenexa poxonae weratha pawarapan.

### *Meje yabara poxonae Pablo Roma tomaratha patopa*

<sup>11</sup> Poxonae acoibi po xometiyobe payapucaewan barapo Malta tunaetotha, barapoxonae pawarapan. Pawarapan weratha po naetha po nae barapo Malta tunaetotha ayawubo tsuncuae. Barapo nae Alejandria tomara werena peponae nae. Barapomonae barapo naetha petafetha cuareta naewiyo be jitonyobe. Saya canaxoba pia nacombe. Icha nacom pewan Castor. Icha nacom pewan Polux. <sup>12</sup> Siracusa tomaratha pajebounan. Barapo tomaratha acoibi po matabibibetha paenan. <sup>13</sup> Barapo tomara wepawarapiyan, Siracusa tomara weya. Bapoxonae Regio tomaratha papatan. Icha matabibitha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha. <sup>14</sup> Baraxota pacaxiban pomonae iru pejume cowantsiwichi Jesus. Barapomonae pana waba: “Cae semanatha pana baru enare”, jei. Bapoxonae equeicha Roma tomara bepawarapiyan. Peca payiyan. <sup>15</sup> Pomonae iru pejume



cowantsiwichi Jesús, Roma tomaramonaepiwi, cou pana yabara jume tane xua imoxoyo papatan. Daxota cou ichamonae pana siwa dendena pecaerena. Foro de Apio tomara beparena. Ichamonae Tres Tabernas tomara beparena pia pana taetsi. Poxonae Pablo barapomonae tane, Nacomtha tsipaeba. Pablo juntá coyene sadújei xua juntema pepoponaewa poxonae tane pomonae pejume cowantsiwichi Jesús. <sup>16</sup> Poxonae Roma tomaratha papatan, soldadomonae pia pentacaponaein tatsi, copata xua Pablo bara saya pepoponaenexa icha botha, xuano xua saya caein Pablo peyapu eenaenexatsi soldadomonaepin.

*Meje yabara poxonae Pablo Nacom pexeinya jume diwesi paeba Roma tomaratha*

<sup>17</sup> Poxonae acoibi po matacabibe yapucaewa, Pablo najume caruta ichamonaetha petawabinexa tsainchi Roma tomarapiwi, pomonae judiomonae pia pentacaponaei tatsi. Poxonae barapomonae pata, Pablo barai barapomonae, jeye:

—Tamonae, jopa abe exanaeinyo wamonaetha pomonae judiomonaexae. Matautano bequein jopa abe exanaeinyo wamo susato jiwi piamonae pia coyene cuitha tatsi, ichitha barapomonae newaetaba. Matautano jiwi pecubi botha necapona Jerusalén tomaratha xua romanomonae pia pentacaponaei tatsi pia xantha tatsi. <sup>18</sup> Barapomonae, romanomonae, neyabara yainyaba nawita xua icha abe exanan. Ichitha barapomonae neyaputane xua jopa abe exanaeinyo. Daxota barapomonae ichipa xua saya tana necopatabiwa tsane. Romanomonae aichaxaibi xua jemeicha saya nenacuí cayantomata xua tana nebexubiwa tsane tsipei pinae jopa abe exanaeinyo. <sup>19</sup> Ichitha judiomonae neapusiwa xua jopa taponaeewa tsane. Daxota bewa wucaein xua taponaeewa tsane romanomonae itorobiya pia pepa peewatsinchi beya, xua tana neyabara paebinxaxa tsane icha metha abe exanan. Baxota ponan bequein jopa xeinaeinyo xua po coyene tayabara paebiwa tamonae xua abe exana. <sup>20</sup> Daxota paca wabatsi tha paca cataetsi xuano xua tha panejume taeicham. Waxainchi israelmonaexaetsi wanae ewatatsi pon Nacom itorobicapaeba. Tajume cowantsixae baxua daxota anoxuae penainto tamaxutha ducua, jei Pablo barapo pentacaponaeiwitha.

<sup>21</sup> Barapoxonae romanomonae Pablo baraichi, jeichichi:

—Jopa painta patopaeyo carta Judea nacua werena xua xam necayabara tinaewa. Po judiomonae, Judea nacua werena pata pomonae patamonae, barapomonae jopa abe cayabara paebiyo. <sup>22</sup> Paichichipan paca jume tainchi xua jinya coutha nanta xeiname. Poxoru daxita nacuan pajume tan, xua Jesús pia pena pecuidubi coyenewan tatsi abe yabara paeba, jei barapo judiomonae pia pentacaponaei tatsi xua Pablo tsipaebatsi.

<sup>23</sup> Pablo muxu tsipaebatsi po mataqueitha xua patsina. Barapo mataqueitha Pablo pia botha tapatatsi pin bicheito. Pablo baya tamropata pitaba xua tsipaeba barapomonaetha, beya yapentha. Pablo jume daunweya yabara cueicueije barapomonaetha po diwesi po coyene xua Nacom waba jiwi petanaexanaenexatsi piamonae tatsi poxonae Jesús jume cowantatsi. Matautano tsipaeba barapomonaetha Jesús yabara xua Jesús apara pon Moisés yabara paeba pia peitorobi coyenewatha. Matautano Jesús apara pon Nacom pia peitorobi jume pepaebiwi yabara tina pia petinae diwesintha. <sup>24</sup> Xua Pablo po jume diwesi paeba, ichamonae jume cowanta poxonae cataunxuaerú ichamonae jopa jume cowantsiyo. <sup>25</sup> Barapomonae be ainya bicheitobe natsicotane. Daxota bapomonaebe tamropata notarucupa xua peponaeewa. Pablo namchi, jeye:

—Po diwesi Nacom pia Pejumope tñaxú tatsi cata xua Isaías catatsi xua bapon petsipaebinxaxa xua wamo susato jiwi petsipaebinxatsi, barapo diwesi po diwesi pexeinya diwesi, xua jeye:

<sup>26</sup> Ponde, barapomonaethano jande:

Pajume taneme ichitha jopa xapain payabara jume yaputaem pocotsiwa pajume taneme.

Pataneme painya itacueretontha ichitha  
jopa xapain payaputaem pocotsiwa panecotame.

<sup>27</sup> Barapomonaē najuntā coyene ararana exana,  
jopa peichichipaexae xua pejume taewa.  
Matautano antūfaetabiya jume tane.  
Barapomonaē baraxuan exana,  
poxoru jopa betaeyo peitacueretontha,  
poxoru jopa bejume taeyono pemuxutontha,  
yawa poxoru pejuntā coyeneintha jopa beyaputaeyo.  
Barapomonaē jopa ichipaeyo xua tana netsita  
xeinaewa icha juntā coyene xua daxota jopa  
neitacūpaeyo xua tayabara jūntemainawa  
abe pia peexanaē cuiru coyenein tatsi',  
jeyei Nacom pia Pejumope tūnaxū tatsi xua  
Isaías cueicueijeī exanatsi pinae, jei Pablo.

<sup>28</sup> Pablo cataunxuae cueicueijeī, jeye:

—Anoxuae xuano bexa tsaneno payaputaename xua pomonaē jopa judiomonaē  
naexanaeyo jume taena Nacom pia pecapanenebiyae diwesi. Bara barapomonaē beta  
jume naitaewatsina.

<sup>29</sup> Poxonaē Pablo najume weta natsixibarūcūpa judiomonaē. Poxonaē pona bara-  
pomonaē yabara najume matsontsonoba xua Pablo paeba.

<sup>30</sup> Pablo Roma tomaratha popona ainya weibe. Pia botha eca xua saya tanacowaeicha  
eca. Barapo botha daxita matenta weiweinaya wabeiba pomonaē pesiwa poneibixaetsi  
Pablo. <sup>31</sup> Pablo tayapu xanepanatsi xua pepoponaewa. Barapoxonaē Pablo barapomon-  
aetha yabara tsipaeba po diwesi po coyene Nacom waba jiwi petanaexanaenexatsi  
pijimonae tatsi pomonaē itorobiya peewatsixae. Matautano yabara cuidubano xua  
Jesucristo yabara, pon Pecanamataxeinaein jiwi. Romanomonaē pia pentacaponaein  
tatsi Pablo jopa cui matawentichi.

Baja Lucas.

## Meje Po Carte Pablo Tatina, Roma Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Roma tomarapiwi*

<sup>1</sup> Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwu jiwana tatsin xua tacueicueijeinexa Nacom pia pecapanenebiyae diwesi jume.

<sup>2</sup> Barapo pecapanenebiyae diwesi jume caena bayatha Nacom yabara tsiwuna muxu duta Nacom pia peitorobi jume pepaebi jiwitha poxonae barapomona tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi. <sup>3</sup> Barapo diwesi yabara tinatsi Jesucristo, pon Wanacanamateaxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwana tatsi. Barapo David pon caena bayatha Israel nacuapiwi itorobiya pia pepa peewatsinchi. <sup>4</sup> Poxonae Nacom pia peayapusu itorobi coyenewatha Jesucristo pon Wanacanamateaxeinaein asu exanatsi petupa cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tana xua tatsi juntu coyene xanepana Nacomtha.

<sup>5</sup> Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwu tatsi. Nacom pana itoroba pata cueicueijeinexa daxita nacua jiwitha xua barapomona pejume cowantsinexa yawa xua peexanaenexa pocotsiwa xua Jesucristo itoroba. <sup>6</sup> Daxita barapomona pomona jume cowanta, paxam barapomona jiwana pam. Nacom iru paca waba xua paxam Jesucristo piamona tatsi jiwana pam painya nenaexanaenexa. <sup>7</sup> Daxita pam pacata tinatsi pomona pajinompage Roma tomaratha, pomona pam xua Nacom paantobem. Yawano Nacom paca waba xua bapon painya tsita nenajuntu coyenein xanepana exanaenexam tsane. Barabu Nacom, pon Waxa, iru Jesucristo pon jiwu Pecanamamateaxeinaein baponbe paca yawenaenabe pia paca necaantobexae. Matautano baponbe barabu juntu tema jinompa paca cana exanaena.

*Meje yabara poxonae Pablo ichichipa xua pesiwa ponaewa Roma tomara*

<sup>8</sup> Matha copiya Jesucristo wun caununaya tsipaeban Nacomtha, janje tsaibin: “Nacom, yabara juntu coyene weiweinan Roma tomarapiwi, tsipei daxita nacuan jiwu yabara paeba xua pinae barapo Roma tomarapiwi xaniwaicha beta cajume cowanta”, jan tsaibin Nacomtha. <sup>9</sup> Ajuntu yapusuya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha. <sup>10</sup> Nacomtha yainyabeiban xua icha bapon ichichipa xua bara metha neitacupaetsipa xua matapainya tapaca siwa ponaewatsi tsainchi. <sup>11</sup> Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tana xua tatsi painya nepaca cayawenaenexa tsane painya juntu coyenewatha. Bapoxonae paca juntu coyene ayapusu exanaena. <sup>12</sup> Pocotsiwa xuaunxuae yabara paeban apara xua waxainchi caemona nantiya wanajuntu coyene tsacabinexa xua juntu tema wajinompaenexa. Baxua nacana exanaeinchi poxonae wanatsipaebibinexa Nacom Pejume Diwesi, po jume diwesi pajume cowantame xua iruru jume cowantandu.

<sup>13</sup> Tamonae pam, pomonae iru painya nejume cowantsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacupaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomonae jopa copiya jume cowantsiyo, xua iruru pejuntu coyene tsacabinexatsi pomonae copiya jume cowanta. Baxua barichin tsane icha bayatha ichin ichamon-aetha xua poxonae yawenan pomonae jopa judiomonae naexanaeyo xua pejume cowantsinexa. <sup>14</sup> Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuiitha metha bara bequein unupiwi tsipae, bequein metha peyaputaewi tsipae, ichacuiitha metha bequein jopa peyaputaewi tsipae. <sup>15</sup> Daxota bichocono ichichipan xua paxam iru tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

*Meje yabara xua Nacom Pejume Diwesi xeina peayapusu itorobi coyenewa xua jiwi pecapanenebiwatsi*

<sup>16</sup> Jopa ajumeurinyo xua tacueicueijejwa Nacom pia pexeinya jume diwesi. Poxonae jiwi jume cowanta barapo diwesi, Nacom capanenebiya exana barapomonae abe pia peexanae cuiru coyenein weya tatsi pia peayapusu itorobi coyenewatha. Nacom capanenebiya pomonae pia pejume cowantsiwichi, matha copiya judiomonae, bapoxonae iru pomonae jopa judiomonae naexanaeyo. <sup>17</sup> Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom juntu coyene xanepana exana pia peyabara jume cowantsinxatsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

*Meje yabara xua jiwi penatsicuentisawa Nacomtha abe peexanaexae*

<sup>18</sup> Waxainchi yaputainchi xua Nacom anaepana pomonaetha pomonae abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Matautano barapomonae abe peexanaexae, jopa copatsiyo xua bara pia juntu coyeneintha peyaputaewa pexainyei jumein. <sup>19</sup> Barapomonae bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene itata barapomonaetha. <sup>20</sup> Jiwi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jiwi yaputane xua Nacom xaniwaicha popona yawa pia peayapusu itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom. <sup>21</sup> Bequein barapomonae yabara yaputane xua bara Nacom popona, daichitha barapomonae jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonae jopa jei tsaibiyo Nacomtha: “Nacom, pajuntu coyene weiweinan xua pocotsiwa painta neexanaewamxae”, jopa jei tsaibiyo. Saya meisa barapomonae yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume. <sup>22</sup> Bequein barapomonae paeba xua pinae peyaputaewi daichitha be pomonae xua jopa xapain peyaputae jiwi naexanaeyo. <sup>23</sup> Barapomonae jopa wunaenae jainchiyo Nacom, pon ataya tsitecaeya popona. Saya u wunaenae pejainchi ibo nacomun, po ibo nacomun be tsita jiwichi xua saya peweraweracae coyene. Yawano icha ibo nacomun exana xua xuan

be peyapupunaewi, yawano po ibo nacom̄n be jomon xua petompacuetontha pona, yawano po ibo nacom̄n be duwein xua pecobe xeina yawa pesito xeina.

<sup>24</sup> Daxota Nacom copata xua barapomonaē bara moya peexanaenexa abe peexanaewa be pocotsi coyeneya xua ichichipa. Bapoxonaē barapomonaē nantiya nata exana pocotsiwa xua aura exanatsi pia pepontha. <sup>25</sup> Baxuan Nacom copata xua peexanaewa barapomonaē, tsipei barapomonaē jopa jume cow̄ntsiyo Nacom pia pexainyei diwesi jume. Saya barapomonaē itapeta ɱ jume cow̄nta xua xuan penaerabi diwesi jumein. Pocotsiwan Nacom forota baxuan barapomonaē be pia nacom̄n cana exana pejume cow̄ntsinexa, matautano xua barapomonaē pebarɱ cui itura jinaenexa xua w̄nae pejainchiwa nexa. Barapomonaē jopa w̄nae jainchiyo pepa Nacom, pon daxita peforotsin. Barapon waxainchi bewa w̄nae jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

<sup>26</sup> Daxota Nacom copata xua barapomonaē bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonaē pia yabɱxi tatsi jopa equeicha exanaeyo po coyene yabɱxi ba exana poxonaē peichichipaewa pia pebin. Bapoxonaē barapo yabɱxi exana xua cae yabɱxi naichichipa. <sup>27</sup> Barichi pebiwi aichaxaibi po coyene pebiwi ba exana poxonaē peichichipaewa pia petsiriwa. Saya meisa bichocono penthutontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonaē abe peexanaexae Nacomtha natsicuenta. Daxota Nacom copata xua barapomonaē pia pepon atene nata exana.

<sup>28</sup> Poxoru barapomonaē jopa ichipaeyo xua jopa pejume cow̄ntsiwa Nacom, daxota Nacom copata xua barapomonaē moya bara abeya penanta xeinaenexa. Matautano Nacom copata xua barapomonaē bara moya exanaena pocotsiwan jopa bewa exanae pocotsiwa xua abe. <sup>29</sup> Barapomonaē jopa juniya j̄ntɱ coyene ȳcaetsi xua peabe coyenewan. Barapomonaē nasi cui weiweina exanaduta, yawano abe exana ichamon-aetha. Yawano exana xua ichichipa pocotsiwa ichamonaē xeina. Yawano ichichipa xua ichamonaē atene exanatsi. Barapomonaē uwa, ichamonaē uwatsi. Yawano barapomonaē juteba, ichamonaē jutebatsi. Yawano penabi coyene exana. Yawano barapomonaē jiwi muxujainyaba nawita. Yawano barapomonaē bichocono piamonaē caseba nawita. Yawano caemonaē nabarɱ paxapaxei xua ichamonaē abe yabara paebatsi. <sup>30</sup> Yawano barapomonaē jume atsaquiya abeya yabara paeba xua ichamonaē pocotsiwa exana. Barichi barapomonaē Nacom casebatsi. Yawano barapomonaē biatane ichamonaē. Yawano pia coutha penayabara paebiwi xua pinae peainya cui jiwi. Yawano barapomonaē peabiwi xua ichamonaē aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi. <sup>31</sup> Barapomonaē jopa ichichipaeyo xua Nacom peyabara yaputaewatsi. Yawano barapomonaē jopa jume xainyeya exanaeyo pocotsiwan xua exanapaebeiba. Yawano barapomonaē jopa xapain antobeyo ichamonaē. Yawano barapomonaē jopa ichamonaē yabara j̄ntemainaetsi xua abe exana. Yawano barapomonaē jopa ichamonaē xapain yabara nanta xeinaetsi xua peyawenaenexatsi. <sup>32</sup> Barapomonaē yaputane pocotsiwa xua Nacom itoroba. Yawano barapomonaē yaputane xua pomonaē barapo peabe coyenewan exana bewa werapaena. Bequein barapomonaē yaputane baxuan ichitha awiya abe eexanapona. Yawano barapomonaē j̄ntɱ coyene weiweina, poxonaē ichamonaē irɱ barapo peabe coyenewan exana.

## 2

*Meje yabara xua Nacom yabara paebina penatsicuentsiwa jiwi, xua yatsicaewa pexainyei coyenewatha*

1 Paca tsipaebatsi paxam judiomonae jiwana pam pomonae xua ichamonae pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichantha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichan payabara paebame xua penatsicuentisiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonae payabara paebame xua penatsicuentisiwa xua abe pia peexanaewaxae.

2 Waxainchi yaputainchi xua Nacom yabara paebina daxita jiwi xua penatsicuentisiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonae Nacom yabara paebina xua penatsicuentisiwa jiwi, bapon paebina xua pomonae barapo peabe coyenewan exana bewa peraxa jubebinchi xua atene tsane.

3 Paxam ichan payabara paebame penatsicuentisiwa xua abe pia peexanaewaxae. Apra painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae Nacom atene exanaena xua poxonae yabara paebina jiwi xua penatsicuentisiwa xua pomonae abe peexanaewi.

4 Paxam paaichaxaibim poxonae Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonae Nacom abu saya juntema ewata xua beta pacata exanaena xua pomonae pamxaem xua pajume cowantsiname yawa atene paca exanaena pomonae pamxaem jopa painya nejume cowantsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonae Nacom wucaetsi xua painya nepaca cayabara juntemainaenexa painya abe exanae coyenewan.

5 Paxam ainya unthuton paxename. Yawano jopa paichipaem xua icha juntu coyene painya tsita xeinaewa Nacom. Daxota paxam mataropeicha paexanaponame xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonae barapo peabe coyenewan exana. Nacom yabara paebina jiwi xua penatsicuentisiwa xua abe peexanaexae xua yatsicaewa pexainyei coyenewatha abe peexanaexae bapontha.

6 Nacom catsibina pentoman daxita carepaya jiwitha xua pocotsiwan pia petanacuichiwiwaetsi. Pomonae abeya tanacuita xuya abeya matoma catsibebinchi. Pomonae wnaeya tanacuita xuya wnaeya matoma catsibebinchi.

7 Ichamonae Nacom peajuntuayarusu coyenewa catsibina pomonaetha pomonae jopa aitaconaeya exana dubenanaebiyaeyo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano barapomonae ichichipa nawita xua pia xeinaetsi peajuntuayarusu coyenewa po peajuntuayarusu coyenewa ataya tsiteca.

8 Ichamonaetha, Nacom anaya exanaena xua atene exanatsi barapomonae pomonae saya u piawa nata exana. Yawa Nacom atene exanaena pomonae jopa jume cowantsiyo Nacom pia pexainyei jume diwesi. Barapomonae Nacom bichocono caseba itapeta peichichipaewaxae xua abe coyenewa peexanaewa.

9 Atene exanebinchi yawa ajunturewe exanebinchi daxita pomonae abe coyenewan peexanaewi, matha copiya pomonae judiomonae, bapoxonae iru catsibinchi pomonae jopa judiomonae naexanaeyo.

10 Ichitha nama Nacom seicaya catsibina pomonaetha pomonae xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua juntema pejinompae coyenewan. Matha copiya catsibinchi judiomonae, bapoxonae iru catsibinchi pomonae jopa judiomonae naexanaeyo.

11 Barapomonaethabe Nacom catsina barapo coyenein tsipei Nacom tsita najupatsi daxita jiwi. 12 Pomonae jopa judiomonae naexanaeyo daxita barapomonae yaputane

poxonae abe exana pia peitorobi coyenewan pexeinaexae. Icha barapomonae awiya eexanapona pocotsiwa xua abe, Nacom tsita natsicuentatsi. Barapomonae wera-paena abe peexanaexae bequein jopa yaputaeyo Moisés pia peitorobi coyenewa tatsi. Pomonae judiomonae barapomonae yaputane Moisés pia peitorobi coyenewa tatsi. Daxota yaputane poxonae abe exana. Poxonae barapomonae abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi. <sup>13</sup> Pomonae jume tane Moisés pia peitorobi coyenewa tatsi xuano exana pocotsiwa itoroba, barapomonae Nacom tsita jũntũ coyene xanepanatsi. Pomonae saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonae Nacom jopa tsita jũntũ coyene xanepanaetsi. <sup>14</sup> Pomonae jopa judiomonae naexanaeyo barapomonae jopa xeinaeyo Moisés pia peitorobi coyenewa tatsi. Ichitha ichacuitha barapomonae exana xua be pocotsi coyene Moisés pia peitorobi coyenewatha itoroba. Baxua barapomonae exana, tsipei pejũntũ coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonae baxuan exana be barompaya pia peitorobi coyenewan xeina pia jũntũ coyenewantha. <sup>15</sup> Poxonae barapomonae beta exana, baxua itapeinya xeina xua barapomonae pia jũntũ coyenewantha xeina Nacom pia peitorobi coyenewa tatsi. Barapomonae yacuiya naexana. Barapomonae pia jũntũ coyenein yaputane cana exanatsi xua poxonae wũnae exana xuano xua poxonae ichacuitha abe exana. <sup>16</sup> Jemeicha jopaena matacabi po mataqueitha poxonae Nacom itorobina xua Jesucristo yabara paebina daxita jiwĩ xua pia penatsicuentysiwa xua abe peexanaexae Nacomtha. Barapo mataqueitha Jesucristo yabara paebina jiwĩ xua penatsicuentysiwa xua abe peexanaexae xua pocotsiwan namicha abeya peexanaexae mataũtano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonae cueicueijan Nacom pia pexeinya pecapanenebiyae diwesi jume.

### *Meje yabara xua judiomonae yawa Moisés pia peitorobi coyenewa tatsi*

<sup>17</sup> Paxam papaebame, pajam: “Paxan seicaya judiomonaepiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom. <sup>18</sup> Barichi paxam papaebame xua pinae payaputaneme pocotsiwa xua Nacom pia peichichipae coyenewa. Mataũtano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa. <sup>19</sup> Mataũtano atsaquiya papaebame, pajam: “Paxan pacuiduban pomonae jopa peyaputae jiwĩ Nacom. Yawa jume cowũnta pacana exanan pomonae jopa jume cowũntsiyo Nacom”, pajam. <sup>20</sup> Paxam pananta xeiname xua paca itacũpa xua pacuidubame pomonae Nacom jopa peyaputae jiwĩ. Barichi pananta xeiname xua paca itacũpa xua yaputane pacana exaname pomonae pena pejume cowũntsiwi. Paca itacũpa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan. <sup>21</sup> Poxonae ichamonae po coyenein yabara pacuidubame paxam jopa apara matha pajume yabara cowũntsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua irũ painya barichiwathamdũ. <sup>22</sup> Paxam pacuidubame xua jopa bewa ichũn piowa tatsi tapichichi xua irũ painya barichiwathamdũ. Paxam papaebame xua pinae paaichaxaibim ibo nacomũn, ichitha paxam pacaibame pocotsiwan xua jeba ibo nacomũn pia botha tatsi. <sup>23</sup> Atsaquiya papaebame xua paxeiname Moisés pia peitorobi coyenewa. Ichitha irũ apara paxam jopa paexanaem xua painya nebarũ cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom barũ cui itura jinaetsi. <sup>24</sup> Daxota Nacom Pejume Diwesitha jeye: “Apara

paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

<sup>25</sup> Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa per<sub>u</sub> muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae. <sup>26</sup> Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi. <sup>27</sup> Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha w<sub>u</sub>nae paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba. <sup>28</sup> Pon jiwi tsitatsi xua pepa judiomonaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi. <sup>29</sup> Jame xua pepa judiomonaepin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexeinaewa Nacomtha xua pexanepanaewa. Saya apara meisa Nacom pia Pejumope t<sub>u</sub>nax<sub>u</sub> tatsi baxua exana. Jiwi w<sub>u</sub>naeya yabara paeba pomonae xua pewi thabiwichi. Ichitha nama Nacom w<sub>u</sub>naeya yabara paeba pontha pon icha juntu coyene xeina bapontha xua pexanepanaewa.

### 3

<sup>1</sup> Metha beya ich<sub>u</sub>n yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae. <sup>2</sup> Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonaetha”, jan tsipae. <sup>3</sup> Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowantsiwa xua Nacom bexa exanaena pocotsiwa Nacom yabara tsiw<sub>u</sub>nae muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiw<sub>u</sub>nae muxu dutsiwa?” jei tsipae. <sup>4</sup> Metha jan tsipae: “¡Jume, apara Nacom bapana jopa baxua exanae! Apara jame Nacom daxitan pexainyeiwantha exaneiba. Nacom bewa exaneibina baxuan bara bequein jiwi pemuxuitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye: ‘Nacom, poxonae cueicueijam jiwi yaputaena xua xam xainyeya bara nepaebin. Bapoxonae jiwi jume amanayabame poxonae baxua



exaname poxonaē bequein jiwi cayabara paeba xua abe exaname', jei David Nacom Pejume Diwesitha", jan tsipae.

<sup>5</sup> Ichitha metha ichamonae jume coxonaya najume matsontsonobichipa jei tsipae: "Poxonaē waxainchi abe exanatsi bapoxonaē Nacom naca atene exana. Abe waexanaē coyenewantha jiwi tsita itapeinya xeinatsi xua bara Nacom aichaxaibi abe peexanaē coyenewa xua bara Nacom xanepanaya peexanaēin. Daxota abe waexanaē coyenewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanaē cuiru coyene waexanaexae?" jei tsipae barapomonaē, xua saya paeba icha jiwi ichi pomonaē jopa peyaputae jiwi. <sup>6</sup> Metha barapomonaē jume notsipan, jan tsipae: "¡Jume apara, baxua jopa xainyeyo! Icha Nacom jopa xaniwaichiya exanaetsipae poxonaē naca yabara paeba xua penatsicuentisiwa bapoxonaē jopa itacupaetsipaetsi xua daxita yabara paebatsi jiwi xua penatsicuentisiwa xua abe peexanaē cuiru coyene peexanaexae. Ichitha Nacom apara xaniwaichiya exana daxota itacupaetsi xua daxita jiwi yabara paebatsi penatsicuentisiwa", jan tsipae.

<sup>7</sup> Metha ichamonae jei tsipae: "Nacom jopa bewa naca yabara paebi penatsicuentisiwa tsane wanaca yabara paebinexa xua abe waexanaewan poxonaē naerabiya cueicueijeichi. Poxoru poxonaē naerabiya cueicueijeichi ichamonae tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin", jei tsipae barapomonaē. <sup>8</sup> Ichamonae iru jei tsipae: "Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin", jei tsipae barapomonaē. Barapomonaē naerabiya paeba xua pinae xan barapo coyene cuiduban ichamonae. Barapo naerabiya pepaebiwu xua neyabara jume caenaeraba, barapomonaē Nacom tsita natsicuentinchi abe taneyabara paebixae.

*Meje yabara xua daxitatsi pomonaetsi pomonaē Nacom watsita natsicuentisiwichi abe waexanaexae bapontha*

<sup>9</sup> ¿Waxainchi pomonaē judiomonaetsi Nacom tsitatsi xua jopa wanatsicuentisi jiwichi xua beyacaincha pomonaē jopa judiomonaē naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: "Waxainchi judiomonaetsi iru pomonaē jopa judiomonaē naexanaeyo daxitatsi abe waexanaē jiwichi", jan. <sup>10</sup> Nacom Pejume Diwesitha baxua yabara jeye:

"¡Dapomonaē ajibi pomonaē xua xanepanaya peexanaewi, xua matautano bara caeinno!

<sup>11</sup> Matautano dapon ajibi pon ichichipa xua peyabara yaputaewa pexainyei coyenewa. Matautano dapon ajibi pon xua ichichipa penaponaewa Nacomtha.

<sup>12</sup> Daxita jiwi Nacom pentatsi yawano abe peexanaē jiwi bichocono.

¡Dapon ajibi pon xua xanepanaya beta exana, xua matautano bara caeinno!

<sup>13</sup> Barapomonaē caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa. Bapomonaē pepaebiwantha ichamonae muxujainyabeibatsi.

Barapo pepaebiwantha ichamonae ajantacoyenetane exanatsi, icha jomo ichi xua ichan sinatsi poxonaē bichocono atene

exanatsi pewano tsapa pexeinaexae.

<sup>14</sup> Barapomonaе saya ꞥ cueicueijeі xua xuan peabe jumein, po jumein xua atsaca pepaеbiwa.

<sup>15</sup> Barapomonaе bichocono ichichipa nawita xua ichamonaе bichocono atene peexanaewatsi xuano xua pejutebiwatsi.

<sup>16</sup> Daxita ichaxota poneiba barapomonaе, ichamonaе abe exaneibatsi. Mataꞥtano exaneiba pocotsiwa ichamonaе ajꞥntꞥcoyenetane cana exanatsi.

<sup>17</sup> Barapomonaе jopa yaputaeyo xua po coyene caemonaе nantiya jꞥntema jinompa penaexanaе coyenewa.

<sup>18</sup> Mataꞥtano barapomonaе jopa cunuwiyo Nacom xua abe peexanaeyainwatsi”, jeі Nacom Pejume Diwesitha.

<sup>19</sup> Waxainchi yaputainchi xua daxita Nacom paeba Moіsés pia peitorobi coyenewatha baraxua judiomonaе nexa. Barapomonaе bewa exanaе Moіsés pia peitorobi coyenewa tatsi. Ichitha judiomonaе jopa itacꞥpaetsi xua peexanaewa barapo coyenewa. Barichi pomonaе jopa judiomonaе naexanaeyo jopa itacꞥpaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaеbinexa xua pinaе jopa abe peexanaewa barapo jiwi. Mataꞥtano Nacom tsita itapeinya xeina jiwitha xua Nacom yabara paebina xua penatsicuentsiwa daxita jiwi xua abe peexanaexae bapontha. <sup>20</sup> Dapon ajibi pon itacꞥpatsi xua pejeiwa: “Xan bichocono tajꞥntꞥ coyene xanepanaein xua Nacom jopa tatsita natsicuentsixae abe taexanaexae bapontha. Tsipei daxita yabara jume cuiya exanan pocotsiwa Moіsés pia peitorobi coyenewatha itoroba”, xua pejeiwa. Tsipei jame apara barapo Moіsés pia peitorobi coyenewa tatsi naca yaputane exana xua waxainchi apara abe waexanae jiwichi.

*Meje yabara xua jiwi capanenebiyatsi pejume cowꞥntsixae Nacom*

<sup>21</sup> Ichitha anoxuae Nacom jiwi yaputane exanatsi po coyeneya bapon exana xua poxonaе jiwi jꞥntꞥ coyene xanepana exanatsi bapontha. Nacom jopa tsita natsicuentichi barapomonaе xua abe peexanaexae. Nacom baxua exana jopa poxoruyo xua peexanaexae pocotsiwa Moіsés pia peitorobi coyenewatha itoroba. Moіsés pia peitorobi coyenewa tatsi, irꞥ Nacom pia peitorobi jume pepaеbiwi paeba xua bewa jiwi Nacom tsita jꞥntꞥ coyene xanepanaetsi. <sup>22</sup> Nacom jꞥntꞥ coyene xanepana cana exana jiwi poxonaе barapo jiwi jume cowꞥnta Jesucristo. Nacom bara daxita najꞥntꞥ coyene jꞥpiya exana pomonaetha pomonaе pejume cowꞥntsiwi Jesucristo, poxoru Nacom tsita najꞥpatsi barapo pejume cowꞥntsiwichi. <sup>23</sup> Tsita najꞥpatsi yaitama daxita jiwi peabe coyenewan exana. Yawano barapo jiwi taseicatsi po coyene xua Nacom tsita xanepanatsi barapomonaе. <sup>24</sup> Ichitha Nacom peantobexae jopa tsita penatsicuentsiwatsi barapo jiwi. Baxua Nacom amanaya taexana. Nacom pentoma exana xua jiwi pejꞥntꞥ coyene xanepanaenexa poxonaе Cristo Jesús naetha tsitꞥpa, xua jiwi tsitꞥpatsi. <sup>25</sup> Nacom Pexanto itorobica, pon Cristo. Bapon jana pichapabarena poxonaе tsitꞥpa jiwi pia peabe coyenewan tatsi. Nacom jꞥntemaina jiwi pia peabe coyenewan poxonaе barapomonaе jume cowꞥnta Cristo. Barapo coyenewatha Nacom yaputane exana xua bara jꞥntꞥ coyene xanepana cana exana jiwi xua jopa Nacom petsita natsicuentsiwatsi xua abe peexanaexae. Bayatha bapon beitatemaya cui taetaepona jiwi abe pia peexanae cuiru coyenewan tatsi pomonaе xua caena bayatha jinompa poxonaе cataunxuae Jesús jopa tꞥpaeyo. <sup>26</sup> Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitatemaya cui taeyo jiwi abe pia peexanae cuiru coyenewan tatsi. Apara jame Nacom jꞥntꞥ coyene xanepana cana

exana jiwi poxonae Nacom yabara j̄ntemaina jiwi xua pia penatsicuentisiwa xua abe peexanaexae. Baxua exana daxita pomonaetha pomonae pejume cow̄ntsiwi Jesús.

<sup>27</sup> Daxota waxainchi jopa naca itac̄paeyo xua atsaquiya nayabara paebatsi xua beta waexanaewa. Waxainchi jopa naj̄nt̄u coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apara wajume cow̄ntsixae Jesús, daxota bapon naca j̄nt̄u coyene xanepana cana exana Nacomtha. <sup>28</sup> Nama anoxuae waxainchi yaputainchi xua Nacom j̄nt̄u coyene xanepana cana exana pontha pon jume cow̄nta Jesús. Nacom jopa j̄nt̄u coyene xanepana exanaeyo poxonae bequein ich̄n ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

<sup>29</sup> Nacom jopa meisa apara judiomonae pia Nacom tatsi. Apara ir̄u pomonae jopa judiomonae naexanaeyo barapomonae ir̄u pia Nacom tatsi. <sup>30</sup> Icha Nacom ajibi, saya meisa bapon Nacom nacata bara compa. Barapo Nacom j̄nt̄u coyene xanepana cana exana jiwi, pomonaetha pomonae jume cow̄nta Jesucristo, bequein pomonae wi thabatsi xuano bequein pomonae jopa wi thabichi. <sup>31</sup> Waxainchi jopa nacui barapentichi Moisés pia peitorobi coyenewa tatsi yaitama jume cow̄ntatsi Jesús. Jame poxonae xaniwaicha jume cow̄ntatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

## 4

### *Meje xua Abraham yabara*

<sup>1</sup> Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, ir̄u daxita judiomonae pia pamo susatopin tatsi pon caena bayatha t̄pa.

<sup>2</sup> Abraham jopa pia coya naj̄nt̄u coyene xanepana exanaeyo xua jopa Nacom petsita natsicuentisiwatsi xua abe peexanaexae. Daxota jopa itac̄paetsi xua atsaquiya nayabara paeba xua xanepanaya peexanaewa. Bapon jopa itac̄paetsi xua atsaquiya paeba Nacom peit̄tha tatsi. <sup>3</sup> Nacom Pejume Diwesitha Abraham yabara paebatsi, jeye: “Abraham jume cow̄nta Nacom. Peyabara jume cow̄ntsixae pocotsiwa xua Nacom exanapaeba, Nacom j̄nt̄u coyene xanepana cana exana bapon”, jei Nacom Pejume Diwesitha. <sup>4</sup> Poxonae jiton ba tanacuita ich̄n, jopa jiton pentoma becatsichi xua saya amanaya nexa poxoru ich̄n peyabara nanta xeinaexae bapon. Jame jiton ba bewa pentoma catsichi xua poxoru penacuichixae. <sup>5</sup> Ichitha nama Nacom seicayiya exana. Pon yabara jume cow̄nta pocotsiwa Nacom exanapaeba xua Nacom peyabara j̄ntemainaenexa xua bapon pia penatsicuentisiwa tatsi, bara Nacom yawena bapon. Barapo jiton Nacom tsita j̄nt̄u coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane. <sup>6</sup> David pon wamo susatopin, pon caena bayatha t̄pa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono j̄nt̄u coyene weiweina. Jeye: “Pon peyabara jume cow̄ntsixae pocotsiwa Nacom exanapaeba, Nacom j̄nt̄u coyene xanepana cana exana. Jopa apara Nacom j̄nt̄u coyene xanepana exanaeyo xua poxoru bapon w̄naeya xanepanaya peexanaexae. Apara poxoru Nacom peichichipaexae, daxota baxua exana”, jei David. <sup>7</sup> Equeicha David jei:

“J̄nt̄u coyene weiweina pomonae Nacom yabara j̄ntemaina xua puxana exana abe pia peexanae cuiru coyenewan tatsi.

<sup>8</sup> J̄nt̄u coyene weiweina pon Nacom jopa tsita natsicuentisichi xua abe peexanaexae”, jei David.

<sup>9</sup> Po pejuntũ coyene weiweinaewa xua David yabara paeba, meisa saya Ʃ pomonae pewi thabiwichi jopa nexiyo. Aparã barapo pejuntũ coyene weiweinaewa irũ pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowũntã pocotsiwa Nacom exanapaeba, daxota Nacom jũntũ coyene xanepana cana exana bapon xua jopa Nacom tsitatsi xua Abraham penatsicuentiwa xua abe peexanaexae. <sup>10</sup> Abraham jopa jũntũ coyene xanepana exanaetsi poxonae nacana cui wetatsi xua pewi thabiwatsi. Aparã Nacom Abraham jũntũ coyene xanepana exanatsi poxonae cataunxuae jopa wi thabichi. <sup>11</sup> Abraham peyabara jume cowũntsixae pocotsiwa Nacom exanapaeba, Nacom jũntũ coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom jũntũ coyene xanepana exana Abraham, peyabara jume cowũntsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi xua Abraham be coxiyũn poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowũntsiwixae pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom irũ yabara nanta xeina xua bara irũ barapomonae jũntũ coyene xanepana bapontha. <sup>12</sup> Barichi Abraham be coxiyũn cana exanatsi, xua pomonae bayatha pewi thabiwichi barapomonae be pia pecanamataxeinaeinchi. Jopa Abraham be coxiyũn cana exanaetsi xua poxoru barapomonae pewi thabixaetsi. Jame apara be coxiyũn cana exanatsi poxoru irũ peyabara jume cowũntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

*Meje yabara xua poxonae Nacom cata pia peyabara tsiwũnae muxu dutsiwa, Abraham catsi*

<sup>13</sup> Nacom yabara tsiwũnae muxu dutã Abrahamtha irũ pia pemomoxi susato jiwitha tatsi. Nacom yabara tsiwũnae muxu dutã xua catsina daxita barapo cae pin nacue Abrahamtha, irũ pia pemomoxi susato jiwitha tatsi. Daxita barapomonaethã Nacom jopa apara catsiyo barapo yabara petsiwũnae muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tũpa. Aparã Nacom cata barapo yabara petsiwũnae muxu dutsiwa poxoru Abraham peyabara jume cowũntsixae pocotsiwa Nacom exanapaeba. Daxota Nacom yabara tsitatsi xua bara Abraham pejuntũ coyene xanepanaein bapontha. <sup>14</sup> Icha pomonae xeinaetsipa pocotsiwa Nacom yabara tsiwũnae muxu dutã, icha barapomonae apara barapomonae tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonae jopa nantawenonaetsipae xua yabara jume cowũntã pocotsiwa Nacom exanapaeba. Mataũtano pocotsiwa xua Nacom yabara tsiwũnae muxu dutã barapomonae jopa tsita xainyei tsipaetsi. <sup>15</sup> Ichithã baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichithã pomonae jopa xeinaeyo Moisés pia peitorobi coyenewa, barapomonae Nacom jopa tsita penatsicuentiwatsi xua abe peexanaexae xua poxonae jopa exanaeyo barapo peitorobi coyenewa.

<sup>16</sup> Daxota Nacom yabara tsiwũnae muxu dutã Abrahamtha peyabara jume cowũntsixaetsi pocotsiwa Nacom exanapaeba. Nacom pia yabara petsiwũnae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaethã pomonae peexanaewi xua Moisés itoroba. Aparã Nacom irũ cata pomonaethã pomonae pejume cowũntsiwichi icha Abraham ichi poxonae jume cowũntã Nacom. Bapon Abraham be coxiyũn

cana exainchi xua daxita waxainchi be xua wanacanamataxeinaein, copiya pejume cowantsixae. <sup>17</sup> Nacom jeye Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be coxiyım”, jei Nacom Pejume Diwesitha. Daxota barapo yabara petsiwınae muxu dutsiwa Nacom tsita coyene xanepanatsi. Barapon Nacom Abraham yabara jume cowanta pocotsiwa Nacom exanapaeba. Matautano barapo Nacom equeicha ası exana pomonae bayatha werapa. Matautano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae abı jopa forotsiyo bapocotsiwan.

<sup>18</sup> Abraham poxonae nawei wetaba xua jopa itacıpaetsi xua pexeinaewa pexui, awiya cataunxuae yabara jume cowantsiya wınae ewata pocotsiwa Nacom exanapaeba. Bapon jume cowantsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowanta pocotsiwa Nacom exanapaeba pocotsiwa yabara tsiwınae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyın. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom. <sup>19</sup> Abraham jopa jıntı coyene natsepaeyo xua peyabara jume cowantsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon irı piowa tatsi Sara bara imoxoyo methaunxuae tıpaenabe. Abraham piseuribe bichocono perunbe. Matautano yaputaneno xua Sara jopa itacıpaetsi xua pexui pexeinaewa. <sup>20</sup> Bapon Abraham jopa ainya muxu xeinaeyo. Matautano jopa nacui baraxubiyo xua peyabara jume cowantsiwa pocotsiwa Nacom exanapaeba xua pocotsiwa Nacom yabara tsiwınae muxu duta xua pinae Abraham pexanto xeinaena. Jame bapon Abraham beta xaniwaicha jume cocowıntapona. Abraham wınae jaintapona Nacom. <sup>21</sup> Baxua Abraham exanapona poxoru bara yatsicaewa yaputane xua Nacom itacıpatsi xua peexanaewa pocotsiwa xua bapon yabara tsiwınae muxu duta. <sup>22</sup> Abraham peyabara jume cowantsixae pocotsiwa Nacom exanapaeba, daxota bapon Nacom tsitatsi xua bapon bara peyabara jıntı coyene tsita xanepanaeinchi xua jopa petsita natsicuentisixae abe peexanaexae bapontha.

<sup>23</sup> Po jumein xua bayatha Abraham yabara paebatsi xua jeye: “Nacom tsitatsi xua bapon bara pejıntı coyene xanepanaein xua jopa petsita natsicuentisixae abe peexanaexae bapontha”, jei, barapo jumein jopa meisa tinaeyo xua bapon nexa. <sup>24</sup> Barapo jumein xua po jumein tina apara irı bara waxainchi nexa xua naca yabara paebarı. Wajume cowantsixae Nacom, daxota Nacom tsitatsi xua bara waxainchi irı wajıntı coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cowıntatsi pocotsiwa Nacom exanapaeba, pon Jesús ası exanatsi petıpaee cuiru coyene weya, pon Wanacanamataxeinaein. <sup>25</sup> Nacom itoroba xua bapon Jesús naca tsitıpaee abe waexana cuiru coyenewan. Matautano Nacom ası exanano, xua Jesús ası petıpaee cuiru coyene weya xua wanaca cana exanaenexa xua jopa Nacom watsita natsicuentisiwa tsane xua abe waexanaexae bapontha.

## 5

*Meje yabara xua Nacom wanaca cana exanaewa xua jopa wanatsicuentisiwa tsane bapontha, xua abe waexanaexae*

<sup>1</sup> Nacom naca cana exana xua bapon jopa watsita natsicuentisiwa tsane abe waexanaexae bapontha. Baxua Nacom naca cana exana wayabara jume cowantsixae pocotsiwa Nacom exanapaeba. Daxota waxainchi jıntema dubenanaebiyatsi Nacom peitıtha tatsi Jesucristo wanaca tsitıpaexae, pon Wanacanamataxeinainxae.

<sup>2</sup> Cristo wajume cowantsixae, daxota naca cana exana xua Nacom bara wanaca

yawenaewa tsane wanaca antobexae. Nacom wanaca yawenaexae ajuntucoyenesuya jinompatsi. Yawa waxainchi juntu coyene weiweinatsi wawunaewatsixae xua bexa iru xeinaeinchi pebaru cui itura jinaewa po pebaru cui itura jinaewa jiwi Nacom tsita xeinatsi peainya cuinxae icha bapon ichi. <sup>3</sup> Jopa meisa baxua nexiyo, jame yawa juntu coyene weiweineibatsi poxonaechamonaenaca atene exaneiba. Tsipei waxainchi yauptainchi xua wanaca juntu coyene ayapusu exanaewa xua daxota jopa waaitaconaewa poxonaebequeinichamonaenaca atene exana. <sup>4</sup> Poxonaejuntucoyeneyapusuya jinompatsi xua daxota jopa waaitaconaewa poxonaebequeinichamonaenaca atene exana, bapoxonaenacom naca weyatane xua bara beta waexanaewa. Poxonaenacom naca weyatane, baxua naca cana exana xua wawunaewatsiya ewatsiwatsi xua Nacom nacata exanaena pocotsiwa yabara naca tsiwunaemuxu duta. <sup>5</sup> Barapo wawunaewatsiwa jopa naca juntu coyene cana exanaeyo xua wajuntu coyene wecoyeiwa xua jopa wataexae pocotsiwa wawunaewatsiwa. Nacom bichocono naca juntu coyene yuca cana exana pia peantobe coyenewa pia Pejumope tnanaxutha. Barapo pia Pejumope tnanaxu tatsi naca nacana jumope cata wajuntu coyenewatha.

<sup>6</sup> Poxonaewaxainchi jopa naca itacupaeyo xua wacoutha wanacapanenebiwa, bapoxonaenacristo naca tsitupa abewaexanae cuiru coyenewan nexa. Bapon Cristo tupa poxonaepo mataqueitha Nacom copata xua bapon petupaewa tsaneba. <sup>7</sup> Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichun peita araranaewatsi xua peyapu cabocaewa xua daxota petupaewa bequein barapo ichun daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiantabe, jopa ichipaeyo xua petupaewa. Ichitha ichacuitha tsipae metha jiton yaita araranaetsipa xua peyapu cabocaewa xua daxota petupaewa pon xanepanaya petaexanaeinichamonaenaca. <sup>8</sup> Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxonaenacristo naca yapu caboca xua wanaca tsitupaewa bara bequein cataunxuae abewaexanaejiwichi. <sup>9</sup> Nacom naca exana xua waxainchi pejuntu coyene xanepanaejiwichi xua poxonaejopa natsicuentisichi bapontha abewaexanaexae, xua poxonaenacristo naca tsitupa. Bapoxonaeyawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisawa xua abepeexanaexae, barapo mataqueitha Nacomtha jopa natsicuentisatrainchi xua abewaexanaexae. <sup>10</sup> Copiyatha waxainchi Nacom pia peitafaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitupaexae. Ichitha anoxuae Nacom pia jiwi tatsixaetsi, Jesucristo naca capanenebiya pia peasu poponaecoyenewatha. <sup>11</sup> Jopa meisa baxuiyo, jame juntu coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamataxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

### *Meje xua Adán yabara iru Cristo yabara*

<sup>12</sup> Caein pon xua copiya abe exana barapo cae pin nacuathe, bapon Adán. Bapon caena bayatha tupa copiya abepeexanaexae. Bapoxonaedaxita jiwi abeeexanapona barapo cae pin nacuathe. Jiwi abepeexanaponaexaedaxota werapaena, tsipei daxita jiwi abe exana. <sup>13</sup> Barapo cae pin nacuathe jiwi abeeexanapona beya poxonaenacristo pia peitorobi coyene tatsi xeina barapo cae pin nacuathepiwi. Poxonaejiwicataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonaepexeinaewa penatsicuentisicoyenewa bapontha bequein barapomonaebe exanaetha. <sup>14</sup> Ichitha po dapaetha poxonaenacristo popona weya xua beya poxonaenacristo iru Moisés popona, jiwi abeeexanapona. Daxota jiwi xeinapona po coyenewatha xua

daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeicapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

<sup>15</sup> Pocotsi coyene xua Adán naca tsixana jopa be ichiyo xua pocotsi coyene naca tsixana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsixana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsixana bichocono peainya cui coyene, beyacaincha po cui coyene Adán naca tsixana. Barapo coyene Nacom naca tsixana xua peantobexae daxita jiwi peyawenaenexa ayei jiwitha. <sup>16</sup> Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsixana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitupaexae jiwi. <sup>17</sup> Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusu beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonae jopa xeinaeyo penatsicuentisi coyenewa bapontha bequein barapomonae abe exana taetha. Barapomonae Jesucristo ayapusuya nanabarú yawa popona penanabarú yawa itorobinexa tsane ichamonaetha.

<sup>18</sup> Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonae pejume cowuntsixae Jesucristo itacupatsi xua ataya asu jinompaena. <sup>19</sup> Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomonae Nacom capanenebiya exana xua pia penatsicuentisi coyenewa weya, xua abe peexanaexae.

<sup>20</sup> Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanaponae jiwi poxonae jopa yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponae xua peyawenaenexatsi barapomonae. <sup>21</sup> Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi coyenewa xua abe peexanaexae. Nacom jiwi catatsi peajuntuayapusu coyenewa po peajuntuayapusawa ataya tsiteca Jesucristo pon Wanacanamataxeinaein wanaca tsitupaexae.

*Meje yabara xua waxainchi asu jinompatsi caemonae wanaexanaexae Cristotha*

<sup>1</sup> Waxainchi jopa bewa abe eexanaponaeinchi xua Nacom wanaca yayawenapon-aenexa xua daxota wayaputaenexa xua bara Nacom naca antobe. <sup>2</sup> Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa. <sup>3</sup> Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jesustha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa. <sup>4</sup> Wanaca bautisabi coyenewa baxua be poxonae Cristo naca cayawa mathathu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupae cuiru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayapusu itorobi coyenewatha.

<sup>5</sup> Tsipei waxainchi be caemonae nanaexanaeinchi po petupae coyenewatha poxonae bapon tupa. Barichi tsane poxonae equeicha asu naca exanaena petupae cuiru coyene weya icha matha Cristo ichichi poxonae asu exainchi petupae cuiru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petupae cuiru coyene weya, naca barichi tsane. Nacom equeicha asu naca exanaena petupae cuiru coyene weya caemonae wananaexanaexaetsi Cristotha poxonae be naca yawa tupa Cristo. <sup>6</sup> Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane. <sup>7</sup> Daxota ba pon xua bayatha tupa jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane. <sup>8</sup> Waxainchi Cristo naca cayawa tupa, daxota jume cowantatsi xua bexa bapon Cristo baru jinompaeinchi. <sup>9</sup> Waxainchi yaputainchi, xua poxonae Cristo equeicha asu exanatsi petupae cuiru coyene weya, bapoxonae bapana equeicha jopa tupa exanae tsainchi. <sup>10</sup> Poxonae Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane. <sup>11</sup> Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nanaexanaexae Cristo Jesustha.

<sup>12</sup> Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan.

<sup>13</sup> Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asu exanatsi xua jopa equeicha abe exanaeyo. <sup>14</sup> Anoxuae barapo abe peexanae coyenewa po coyene



xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

*Meje yabara xua waxainchi bewa exanaetsi pocotsiwa pexainyei coyenewa*

<sup>15</sup> Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apra Nacom naca itoroba wanaca yawenaenexa xua wanaca antobexae. <sup>16</sup> Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya juntu coyenein xanepana xua jopa painya nenatsicuentsiwa abe painya exanaexae bapontha. <sup>17</sup> Ichitha baxua yabara Nacom tsipaeban, janje: “Nacom maisa juntu coyene weiweinan, barapo Roma tomara-piwi pia peexanaexae. Tsipei copiya u saya xua abe coyenewan peexanaewi. Ichitha anoxuae barapomonaе cajume cowanta. Barapomonaе bichocono jume cowanta pia juntu coyenewatha pocotsiwa pexainyei jume xua barapomonaе nacuiduba”, janje Nacomtha. <sup>18</sup> Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam. <sup>19</sup> Xan cueicueijan pocotsi jumeintha xua jiwi itacupaetsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita juntu coyene xanepanaya jinompame.

<sup>20</sup> Poxonae cataunxuae saya u painya neexanaewi abe peexanae coyenewan, bapoxonae jopa u painya neexanae jiwi pocotsiwa pexanepanae coyenewan. <sup>21</sup> Poxonae bayatha peabe coyenewan paexaname baraxua apra jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane. <sup>22</sup> Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apra poxonae Nacom paca juntu coyene xanepana cana exana bapontha. Matautano Nacom paca catsibina pocotsiwa peajuntucoyenesuwa po peajuntucoyenesuwa ataya tsiteca. <sup>23</sup> Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apra po coyene xua peajuntu yapusu coyene po peajuntu yapusu coyene ataya tsiteca. Barapo peajuntu yapusu coyenewa naca cana exana xua caemonae naexainchi Cristo Jesustha, pon Wanacanamataxeinaein.

## 7

*Meje yabara xua po peitorobi coyenewa poxonae jitha peecaewa yabuyo*

<sup>1</sup> Tamonaе pam, pomonaе pam pomonaе iru painya nejume cowantsi jiwixae Jesucristotha. Paxam barapomonaе pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa

Moisés itoroba barapo peitorobi coyenewatha poxonaē cataunxuae jinompa barapo cae pin nacuathe. Ichitha poxonaē jiwī werapa barapomonaē jopa equeicha bewa exanaē pocotsiwa barapo peitorobi coyenewa itoroba. <sup>2</sup> Paca tsipaebatsi peyabara jūta paebiwa: Petsiriwa powa xeina piseuri bewa piseuritha cuicuinaē pepaebixae barapo peitorobi coyenewa, xua poxonaē pia pebin tatsi awiya asu popona. Ichitha icha barapowa pia pebin tatsi tatupatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi. <sup>3</sup> Daxota icha barapowa isa maiteca icha pebin xua nasi cui exana icha pebintha poxonaē cataunxuae baru popona pia pebin, bapowa bapoxonaē Nacom tsita natsicuentatsi xua abe peexanaexae. Ichitha icha bapowa pia pebin tatsi tatupatsi barapowa itacupatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonaē baxua exana, tsipei barapo peitorobi coyenewa jopa yabara paebiyo baxua.

<sup>4</sup> Tamonaē pam, paxam pomonaē iru painya nejume cowantsiwixae Jesucristo. Barichi bara jūta ichi poxonaē Cristo tupa, paxam iru be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxeiname ichun pon paca itoroba. Baraxua barichi icha yabayō ichi xua pita icha pebin pon bapowa itorobatsi poxonaē piseuri tatsi tatupatsi. Anoxuae paxam Cristo piamonaē tatsi pam, pon equeicha asu exanatsi petupae cuiru coyene weya. Barapo coyenewatha Nacom naca cana exana xua wanaca itacupaewa xua waexanaewa tsane pocotsiwa xanepana Nacom nexa. <sup>5</sup> Poxonaē waxainchi copiya jume cowantatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanaē coyenewan poxonaē jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane. <sup>6</sup> Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena juntuabu coyene po pena juntu coyene Nacom pia Pejumope tūnaxu tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

*Meje yabara xua Pablo jeye: “Meje xua po peabe exanaē coyene xeinan”, jei.*

<sup>7</sup> Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonaē yabara uwiya ichichipan pocotsiwan ichamonaē xeina. Ichitha barapo peitorobi coyenewa naca tsipaeba, naca jeye: “Jopa yabara uwiya paichichipaeinde pocotsiwa xua ichamonaē xeina”, jei barapo peitorobi coyenewa. <sup>8</sup> Poxonaē copiya jume cowantan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonaē piawan. Ichitha jame ichichipan nawita tajuntu coyenewatha xua taxeinaewa tsane xua ichamonaē piawan poxonaē jume tan xua jopa bewa ichichipaein tsane xua taxeinaewa tsane ichamonaē piawan. Poxonaē awiya jopa yaputaeinyo Moisés pia peitorobi coyenewa jopa ichipaeinyo xua taxeinaewa pocotsiwa ichamonaē piawan. <sup>9</sup> Caena bayatha poxonaē jopa yaputaeinyo Moisés pia peitorobi coyenewa xan saya juntema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonaē piawan peuwiwa yabara, awiya bichocono abe exanaponan. Bapoxonaē bara be tatupae coyenewaba tsipei jopa juntema tapoponaewa abe taexanaexae. <sup>10</sup> Barapo Moisés pia peitorobi coyenewa tatsi Nacom cata xua jiwī pejuntu coyene weiweinaenexa xua poxonaē pejuntu coyene xanepanaewa tsane. Poxonaē jiwī jume cowantsiya exana daxita

xua barapo coyenewatha itoroba, barapo jiwi bexa tsane xeinaena peajuntayapusuwa xua bara ataya tsane xeinaena. Daichitha barapo coyenewa wecoyei necana exana tsipei bewa tatapae coyenewa tsane poxoru jopa neitacupaeyo xua exanan daxita xua barapo coyenewa itoroba. <sup>11</sup> Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajuntayapusuwa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita itata xua bewa tapaein tanatsicuentiswaxae abe taexanaexae Nacomtha.

<sup>12</sup> Daxita po peitorobi coyenewan Nacom cata Moísesta daxita bara wuna, yawa bara pexainyei coyenewan. <sup>13</sup> Barapo Moisés pia peitorobi coyenewa jopa necana exanaeyo xua bewa tapaein tanatsicuentiswaxae abe taexanaexae Nacomtha. Apra jame barapo abe taexanae coyene necana exana xua be tapaein tanatsicuentiswaxae abe taexanaexae Nacomtha. Bequein barapo Moisés pia peitorobi coyene tatsi wuna, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

<sup>14</sup> Yaputainchi xua Moisés pia peitorobi coyenewa tatsi apra xanepana, Nacom weya pejume pichipaexae. Ichitha poxoru saya jiton juntu coyeneya taxinaeinxae tajuntu coyene necana exana xua abe taexanaewa. <sup>15</sup> Tsipei jopa xapain yaputaeinyo pocotsiwa xua exanan, poxoru jopa exanaeinoyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apra baxua exaneiban. <sup>16</sup> Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan. <sup>17</sup> Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua tajuntu coyenewatha xeinan, barapo coyene necana exana xua apra abe taexanaewa. <sup>18</sup> Tsipei xan yaputan xua xeinan jiton pia coyene. Daxota jopa xeinaeinoyo pexanepanae coyenewa. Bequein ichichipan xua xanepanaya taexanaewa, ichitha jopa neitacupaeyo xua baxua exanan tacoutha. <sup>19</sup> Jopa exanaeinoyo po pexanepanae coyenewa bequein ichichipaethan xua taexanaewa. Ichitha exanaponan po abe peexanae coyenewan bequein aichaxaibithan xua taexanaewa. <sup>20</sup> Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacupaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntu coyenewatha xeinan, barapo coyene necana exana xua equeicha mataropeicha abe taexanaewa.

<sup>21</sup> Daxota nayaputan pocotsiwa exaneiban tajuntu coyenewatha, xua poxonae bequein ichichipan beta taexanaewa tsane bapoxonae abe exaneiban. <sup>22</sup> Bichocono ichichipeiban tajuntu coyenetha Nacom Pejume Diwesi tatsi. <sup>23</sup> Ichitha yaputan xua po peabe coyenewa tajuntu coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntu coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

<sup>24</sup> ¡Ooo, jopa taxanepanae tsocuaeinyo! ¡Jopa tajuntu coyene wuna tsocuaeinyo! ¿Jintam metha necapanepaena barapo tapepon weya po pepon xua bewa tapaeina?

<sup>25</sup> Daxota Nacomtha janje: “Nacom juntu coyene weiweinan xua Jesucristo, pon Tanecanamataxeinaein, itacupatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntu coyenewatha exanan pocotsiwa xua abe taexanaewa.

## 8

*Meje yabara xua peajuntuyarusuya pejinompaewa po peajuntuyarusuwa Nacom pia Pejumo pe tñaxu tatsi naca cata*

<sup>1</sup> Dapon ajibi pon itacupaetsi peyabara paebiwa xua pomonae caemonae penaexanaewi Cristo Jesustha natsicuenta abe peexanaexae Nacomtha. <sup>2</sup> Nacom pia Pejumo pe tñaxu tatsi naca cata peajuntuyarusuwa xua wajinompae coyenewanexa xua caemonae xua wanaexanaexaetsi Cristo Jesustha. Barapo Nacom pia Pejumo pe tñaxu tatsi neyawena pia peayarusu itorobi coyenewatha. Necapanepa exana po peitorobi coyene weya xua neitoroba xua abe taexanaewa. Matautano necapanepa exana xua po peitorobi coyene weya tupa necana exana. <sup>3</sup> Moisés pia peitorobi coyenewa tatsi jopa itacupaetsi xua jiwi capanenebiya exainchi abe pia peexanae cuiru coyenein weya. Jiwi jopa itacupaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca peru coyene jupa, po pepontsi xua abe waexanae jiwichi. Poxonae Cristo tsitupa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacupaenexa tsainchi xua wanaca cana exanaewa tsane xua equeicha abe waexanaewa tsane. <sup>4</sup> Nacom baxua exana xua waxainchi wanaca itacupaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacupa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumo pe tñaxu tatsi wanaca itorobixae.

<sup>5</sup> Pomonae exana dubenanaebiya pocotsiwa pia pepon ichichipa exana, saya barapomonae yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumo pe tñaxu tatsi ichichipa, barapomonae saya yabara nanta xeina xua xanepanaya peexanae coyenewa pocotsiwa Nacom nexa. <sup>6</sup> Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Barapomonae barapo jiwi werapaena peexanaexae barapo abe peexanae coyene. Iru icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumo pe tñaxu tatsi ichichipa, barapomonae xeinaena peajuntuyarusuwa po peajuntuyarusuwa xua bara ataya tsane. Matautano xeinaena juntema pejinompae coyenewa. <sup>7</sup> Pomonae saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonae apara Nacom pia peitafaetabi jiwichi. Barapomonae jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacupaetsi xua peexanaewa barapo coyene. <sup>8</sup> Pomonae naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonae Nacom jopa tsita xanepanaetsi.

<sup>9</sup> Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompage icha be pocotsi coyeneya Nacom pia Pejumo pe tñaxu tatsi ichichipa, icha barapo jumope yatsicaewa paca baru jinompa. Pon jopa Nacom pia Pejumo pe tñaxu tatsi baru poponaetsi, bapon jopa Cristo pijimonae tatsi. <sup>10</sup> Ichitha icha Cristo paca baru popona, Nacom pia Pejumo pe tñaxu tatsi paca cana exana xua jopa painya nenatsicuentiswam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nejuntu coyene xanepanaexae Nacomtha. <sup>11</sup> Nacom pia Pejumo pe tñaxu tatsi Jesús asu exanatsi petupae cuiru coyene weya. Icha Nacom pia Pejumo pe tñaxu tatsi paca baru popona, barapomonae Nacom asu exanaena painya pepon, po

pepon xua werapaena. Baxua Nacom pacata exanaena, icha Nacom pia Pejumope t̃nax̃ tatsi ichi poxonae Cristo as̃ exanatsi pet̃pae cuiru coyene weya. Baxua Nacom exanaena painya nepaca bar̃ jinompaexae Nacom pia Pejumope t̃nax̃ tatsi.

<sup>12</sup> Tamonae pam, paxam pomonae ir̃ painya nejume cow̃ntsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane. <sup>13</sup> Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonae pawerapae-name. Ichitha jame paexana dubenanaebiyama pocotsiwa Nacom pia Pejumope t̃nax̃ tatsi paca cui itoroba xua painya neexanaewa tsane. Bapoxonae jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonae bexa tsane aj̃nt̃s̃ya pajinompaname Nacom pia nacuatheicha.

<sup>14</sup> Daxita pomonae Nacom pia Pejumope t̃nax̃ tatsi itorobiya ewata, barapomonae bara Nacom pia pexui tatsi. <sup>15</sup> Nacom paca nacana jumope cata. Barapo pejumope jopa paca cana exanaeyo pomonae be painya nepaca busi cui tatayebeibi jiwi pam xua ichamonae amanaya painya netanacuichi jiwi pam, xua daxota equeicha pajunuwame. Jame barapo Nacom pia Pejumope t̃nax̃ tatsi paca cana exana xua Nacom pia pexui tatsi pam. Barapo Nacom pia Pejumope t̃nax̃ tatsi naca exana xua barompaya wajeiwa: “Axa”, wajeiwa Nacomtha. <sup>16</sup> Nacom pia Pejumope t̃nax̃ tatsi ir̃ waj̃nt̃ coyenewa natsipaebabe xua pinae bara Nacom pia pexui tatsi wanaexanaewichiba. <sup>17</sup> Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca j̃nt̃ana jebiwa xua bexa tsane naca catsibina. Barapocotsiwa bayatha yabara naca tsiw̃nae muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo bar̃ xeinaeinchi pocotsiwa Nacom wanaca j̃nt̃ana jebiwa. Nacom naca catsibebina po pexeinya peit̃panae coicha xua bayatha Cristo catatsi.

*Meje yabara xua Nacom piamonaetha catsicaena pia pexeinya peit̃panae coicha*

<sup>18</sup> Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Matautano yaputan xua Nacom cata pia pexeinya peit̃panae coicha Jesustha. Barichi naca catsibina barapo pexeinya peit̃panae coicha po pexeinya peit̃panae coicha xua jopa juniya w̃naeyo. <sup>19</sup> Daxita po jiwi Nacom forota barapo cae pin nacuathe, barapo jiwi w̃nae weyataeya ewata po mataqueitha poxonae Nacom tsita it̃tsina piamonae. Nacom tsita it̃tsina piamonae xua daxita jiwi peyaputaenexa tsane xua xaniwaicha barapomonae apara Nacom pia pexui. <sup>20</sup> Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana j̃nt̃ coyene weta exana xua pejopaewa tsane matabi po mataqueitha xua barapo cae pin nacue pena nacua naexanaena.

<sup>21</sup> Barapo cae pin nacuathe xua pena nacua, jiwi jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom w̃nae cana exanaena, icha pijimonaetha cana ichi tsane xua pijimonaetha tatsi bichocono w̃naeya xanepana naexanaena. <sup>22</sup> Waxainchi yaputainchi daxita baxuan xua pejinompae-wan xua Nacom peforotsiwan caena bayatha atene xua beya anoxuae. Atene icha yab̃yo ichi xua bichocono atene poxonae imoxoyo pexuyo tanaexanatsi. <sup>23</sup> Daxita baxuan meisa jopa ateneyo. Bara ir̃ waxainchi daxitatsi atenetsi bequein Nacom pia Pejumope t̃nax̃ tatsi naca yawa jinompa. Barapo pejumope, apara pocotsiwa xua

copiya matha Nacom naca cata xua pocotsiwa jiwana Nacom bexa naca catsibina. Bi-chocono ajuntꝑcoyenerewetsi xua jynthꝑthꝑ wecoyeichi, poxonaewaxainchi ewatatsi po mataqueitha poxonaewaxainchi Nacom yatsicaewa naca cana exanaena pia pexuichi, xua barichino naca catsibinano pena pepon. <sup>24</sup> Poxonaewaxainchi Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abꝑ wꝑnae ewatatsi. Icha waxainchi xeinaeinchi pocotsiwa xua wꝑnae ewatatsi bapoxonaewaxainchi jopa nantawenonaetsi xua came wꝑnae ewatatsi, tsipei bayatha xeinaeinchiba. Poxoru jiton ba jopa came wꝑnae ewatsiyo pocotsiwa xua bayatha xeinaba. <sup>25</sup> Ichitha icha wꝑnae ewatatsi pocotsiwa xua came jopa xeinaetsi bapoxonaewaxainchi bewa wꝑnae ewatichixua jopa bepijawa aitaconaetsi.

<sup>26</sup> Barichi Nacom pia Pejumope tꝑnaxꝑ tatsi naca yawena tsipei waxainchi wajuntꝑcoyene faefaenaewi. Waxainchi jopa yaputaetsi xua betiya cuitiya wꝑcatsi Nacom. Ichitha poxonaewaxainchi jꝑntꝑcoyene bojeichi, poxoru jopa wanaca itacꝑpaewa xua po jumetha wacaunutsiwa, bapoxonaewaxainchi Nacom pia Pejumope tꝑnaxꝑ tatsi nacata wꝑca Nacomtha. <sup>27</sup> Nacom, bapon yaputane pocotsiwa xua jiwi pia jꝑntꝑcoyene wathaxa nanta xeina. Matautano barapon yaputane pocotsiwa Nacom pia Pejumope tꝑnaxꝑ tatsi ichichipa paeba jiwi nexa. Nacom pia Pejumope tꝑnaxꝑ tatsi Nacom wꝑcatsi icha be pocotsi coyeneya Nacom ichichipa pomonaewaxainchi xua Nacom piamonaewaxainchi tatsi nexa.

*Meje yabara xua waxainchi amanayabatsi po coyenein xua bequein naca atene exana*

<sup>28</sup> Waxainchi yaputainchi xua daxita po coyenein xua nacata exana bequein wꝑnae, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonaewaxainchi pia peantobexaetsi. Barapomonaewaxainchi Nacom waba petaexanaewa tsainchi pocotsiwa bapon ichichipa. <sup>29</sup> Caena bayatha poxonaewaxainchi aena nacua forota, Nacom tsiwana yaputane barapomonaewaxainchi pomonaewaxainchi pejume cowantsiwichi tsainchi. Matautano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi. <sup>30</sup> Pomonaewaxainchi xua Nacom itapeta xua caena bayatha xua copiya poxonaewaxainchi aena nacua forota, bara yawano Nacom waba xua peexanaenexa pia pexui tatsi. Pomonaewaxainchi Nacom pewabixae bara yawano exana xua barapomonaewaxainchi jopa penatsicuentxiwa xua abe peexanaexae pecatsixae pejuntꝑcoyene xanepanaewa bapontha. Pomonaewaxainchi xua Nacom pejuntꝑcoyene xanepana exanaexae, bara yawano yabara tsiwꝑnae muxu duta xua barapomonaewaxainchi naexanaena icha be Nacom Pexanto tatsi ichi.

<sup>31</sup> Anoxuae waxainchi yaputainchi xua Nacom naca yawena daxota dapon ajibi pon naca jꝑntꝑcoyene amanayaba xua abe wanaca exanaenexa. <sup>32</sup> Poxoru Nacom Pexanto jopa asiwiyo daxota Nacom copata xua wanaca tsitꝑpaenexa. Daxita waxainchi yaputainchi xua daxota daxitan coyenein Nacom amanaya naca catsiba po coyenein canamatawenonatsi. <sup>33</sup> Dapon ajibi xua itacꝑpatsi yabara paeba xua pinae Nacom tsita natsicuentatsi pomonaewaxainchi pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomonaewaxainchi tatsi natsicuentxiwa xua abe petsita exanaexaetsi bequein abe exana taetha. <sup>34</sup> Matautano dapon ajibi xua itacꝑpatsi yabara paeba xua barapomonaewaxainchi bewa werapaena penatsicuentxiwa xua abe peexanaexae Nacomtha. Barapomonaewaxainchi jopa bewa werapae tsane, tsipei Cristo Jesús tsitꝑpa barapomonaewaxainchi, abe peexanaexae Nacomtha. Bapon Cristo Jesús equeicha asꝑ exanatsi. Anoxuae eca Nacom pia coxa weya tatsi. Bapon Cristo Jesús Paxatha wꝑca xua nacata wꝑca. <sup>35</sup> Cristo naca antobe, daxota dapon ajibi pon itacꝑpatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiya Cristo naca antobe. Ichacuitha ichamonae daunwei wanacata exanaewichitha awiya naca antobe. Ichacuitha ichamonae abe wanacata exanaewichiwathatsi wayabara cueicueijixae Jesús awiya bapon naca antobe. Ichacuitha wajainpaewichiwathatsi awiya

naca antobe. Ichacuitha wanacata acoibichiwathatsi paparuwa awiya naca antobe. Ichacuitha wanapeipeichiwathatsi poxonae ichamonaе abe nacata exana awiya naca antobe. Ichacuitha ichamonaе wanaca jutebichiwathatsi awiya naca antobe. Daxita barapo coyenein jopa canaupaetsi xua tsanayiya wanaca exanaewa Cristo weya. <sup>36</sup> Icha naca ichi daxita barapo coyenein, barichir<sub>u</sub> Nacom Pejume Diwesitha bayatha baxua yabara naca tsiw<sub>u</sub>nae muxu duta, jeye:

“Nacom poxoru tapaca cajume cow<sub>u</sub>ntsi

jiwixaetsi daxita matacabin tsaibi

ichamonaе ichichipa pana jutebeiba.

Barapomonaе pana necana exaneiba icha jiwi

ichi xua poxonaе daxita matacabin ovejan

capaneiba pon oveja pejutebeibin beya”,

jei Nacom Pejume Diwesitha, xua

yabara naca tsiw<sub>u</sub>nae muxu duta.

<sup>37</sup> Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapus<sub>u</sub> itorobi coyenewatha pon wanaca antobein. <sup>38-39</sup> Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonaе tupaethatsi, yawa bara bequein poxonaе jinompaethatsi. Ir<sub>u</sub> matatsunpiwi jopa canaupaetsi xua tsanayiya wanaca cana exanaewa, bequein ir<sub>u</sub> caurimonaer<sub>u</sub>, bequein ir<sub>u</sub> pocotsiwan xua anoxuae exanaponar<sub>u</sub>, bequein ir<sub>u</sub> xua pocotsiwan bexa tsaner<sub>u</sub>, bequein ir<sub>u</sub> xua pocotsiwan wetsica patopaenano, bequein ir<sub>u</sub> xua pocotsiwan ira wetsinano, bequein ir<sub>u</sub> ichawano xua pocotsiwa Nacom forota. Bara bequein daxita barapo coyenein, ichitha jopa canaupaetsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacana-mataxeinaein.

## 9

### *Meje yabara xua Nacom itapeta judiomonaе*

<sup>1</sup> Pocotsiwan paca tsipaebatsi barapocotsiwan pexainyei jumein. Tajume cow<sub>u</sub>ntsixaе Cristo, bara jopa naerabinyo. Tajunt<sub>u</sub> coyenetha Nacom pia Pejumope t<sub>u</sub>nax<sub>u</sub> tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan. <sup>2</sup> Xainyan, wecoyan. Bichocono tamonaе siwa anth<sub>u</sub>th<sub>u</sub>tanein tsaibi jopa pejume cow<sub>u</sub>ntsixaе Cristo. <sup>3</sup> Bichocono antobein barapomonaе pomonaе tanacuapiwi. Daxota nayabara paeban, janje: Bena bequein siwa tupaеuеin tamonaе xua bequein tsana tanaexanaewa Cristo weya, xua be poxonaе Nacom tsita tanatsicuenta siwa xua barapomonaе abe pia peexanae coyenewan nexa. Bapoxonaе xua Nacom tamonaе pia pecapanenebiyaenexatsi, daxota Nacom copata xua ichamonaе nebexubina, najanje. <sup>4</sup> Pon Israel, pon caena bayatha tupa, bapon naw<sub>u</sub>n cata tamonaetha. Daxota tamonaе “israelmonaе”, baraichi. Bapon pia pemomoxi susato jiwi tatsi pomonaе tamonaexae Nacom barapomonaе pia pexui exana. Barapomonaе bayatha Nacom yanta popona xua daxota barapomonaе tane Nacom pia pexeinya peitupanae coicha poxonaе xua beta exana barapomonaе nexa, Nacom tsipaeba barapomonaе pocotsiwa xua bapon peichichipaewa. Matautano Nacom yabara tsiw<sub>u</sub>nae muxu duta pomonaetha pomonaе xua ataya yaweneibina barapomonaе peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonaе po coyene xua barapomonaе xaniwaicha w<sub>u</sub>nae pejainchinexa bapontha. Matautano Nacom yabara tsiw<sub>u</sub>nae muxu duta barapomonaе xua Cristo pepatopeicaewa tsane.

<sup>5</sup> Barapomonae wamo susato jiwi pia pemomoxi susato jiwi tatsi. Cristo be jiton coyeneya naexana barapomonae jiwana pomonae pia pemomoxi susatopiwi jiwana tatsi. Bapon Cristo apara bara Nacom. Barabꝰ Nacom bara ataya wꝰnae jainteibinchi pon xua daxita coyeneintha canamataxeina.

<sup>6</sup> Ichitha barapomonae bequein Nacom cata daxita barapo coyenein, daichitha anoxuae barapomonae jopa Nacom xanepanaya beta tsita jinompaetsi jopa Cristo peyabara jume cowꝰntsixaetsi. Bequein ichamonae nanta xeinaetsipa xua pinae Nacom Pejume Diwesi jopa ainya cuiyo xua barapomonae jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonae nanta xeina. Baraxua jame tsita itapeinya xeina xua apara jopa daxitiyo pomonae Israel pia pemomoxi susato jiwi tatsi xua Nacom piamonae tatsi. <sup>7</sup> Mataꝰtano Abraham pia pemomoxi susato jiwi tatsi apara jopa daxitiyo barapomonae xua Nacom piamonae tatsi. Nacom caena bayatha tsipaeba Abrahamtha, jeye: “Xam xeinaename pomonae pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom. <sup>8</sup> Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonae pejume cowꝰntsixae xua Nacom pia peyabara tsiwꝰnae muxu dutsiwa. Barapomonae jume cowꝰnta Nacom pia peyabara tsiwꝰnae muxu dutsiwa xua Cristo capanenebiyaena barapomonae. <sup>9</sup> Tsipei Nacom tsipaeba Abrahamtha poxonae yabara tsiwꝰnae muxu duta. Nacom jeye: “Barapo xometotha xua icha weitha taitorobi coyenewatha bapoxonae Sara pexanto pabetsina pebin wꝰto xua nexanto tsane”, jei Nacom.

<sup>10</sup> Jopa meisa baxuiyo, ichawano Nacom exana. Sara pexanto tatsi naexana pewꝰn Isaac. Poxonae Isaac pinyo, bapon nacueyoba piowa, pewꝰn Rebeca. Rebeca tanama ecatsibe pebin wꝰtobe. Barapo pexuyobe cae axa nantaꝰtabe bapon Isaac, pon wamo susatopin. <sup>11-13</sup> Caena bayatha pewꝰnaeya poxonae barapoyobe jopa naexanaebe, xua ano pewꝰnaeya xua poxonae barapoyobe jopa abe exanaeyobe mataꝰtano pewꝰnaeya xua poxonae jopa wꝰnae exanaebe, bapoxonae Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jꝰpabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematatan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonae xua peichichipaewa, xua pewabiwa barapomonae. Nacom jopa yabara itapetsiyo barapomonae peexanaexae pocotsiwa Nacom peichichipaewa.

<sup>14</sup> Ichamonae paeba, xua pinae Nacom jopa xapain exanaeyo poxonae caein jiwana itapeta, xua poxonae ichꝰn naitematatsi. Apara jopa xapain wꝰnaeyo xua barapomonae Nacom yabara paebatsi. <sup>15</sup> Tsipei Nacom paeba Moiestha, jeye: “Pomonae wꝰnaeya yabara nanta xeinaein xua tayawenaenexa, barapomonae beta yawenaein”, jei Nacom. <sup>16</sup> Baxua naca cuiduba xua jopa jiton itapetichi poxoru wꝰnae peexanaexae. Mataꝰtano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxonae Nacom wꝰnaeya yabara nanta xeina xua peyawenaenexa tsane barapomonae. <sup>17</sup> Nacom cueicueijei pejume diwesitha nacua peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itꝰtsi coyenewa exanaein xua tsita itapeinya xeinaein xua xan xeinan bichocono peayapusꝰ itorobi coyenewa. Mataꝰtano exanaein xua daxitan nacuan jiwi taneyabara jume taenexa”, jei Nacom. <sup>18</sup> Daxota yaputainchi xua Nacom itacꝰpatsi xua wꝰnaeya yabara nanta xeina xua peyawenaenexa pontha pon ichichipa xua peyawenaewa. Mataꝰtano Nacom saya yabara copata xua ichꝰn



pejantũ coyenetha pexeinaewa po coyene pejumefebi coyenewa. Baxuan Nacom cana exana pomonaetha pomonae Nacom ichichipa xua xeinaena barapo coyenein.

<sup>19</sup> Metha paxam pana nebaram xua barapomonae yabara xua pajam: “Poxonae Nacom atene exana pomonaetha pomonae petsita natsicuentsexiaetsi xua abe peexanaexae ¿baxua Nacom jopa xaniwaicha exanaeyo jampa? Nacom copata xua barapomonae xeina pejantũ coyeneintha pejumefebi coyenewan. ¿Barapomonae Nacom tsita natsicuentatsi jampa, poxonae Nacom bequein copata baxua jampa?” pajam. <sup>20</sup> Ichitha paca jume notatsi, janje: “¿Paxam pebiwi tsobenae pam! ¿Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaexaetsi: ‘¿Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacupaetsi xua pepaebiwa baxua”, paca jeichi. <sup>21</sup> Pon xua juruwato peexanaein bapon itacupaetsi xua cae tsobotha jiwana exana ainya juruwaton xua seicayan be pocotsi coyeneya xua ichichipa. Bapon itacupaetsi xua pexeinya juruwato exana xua bichocono ainya matoma. Matautano bapon itacupaetsi xua bara cana exana xua jopa wunaeyo xua saya pecasetsinexa.

<sup>22</sup> Nacom barichi itacupaetsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita itata pia peanaepanaewa pomonaetha pomonae abe peexanaewi, ichitha jopa cataunxuae baxua exanaeyo. Matautano bequein ichichipa tsita itata pia peayapusũ itorobi coyenewa po coyene xua barapomonae tupa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitatemaya taetaepona xua barapomonae abe pia peexanae coyenewan, po abe coyenewan xua Nacom anaepana exanatsi. Barapomonae muxu peweraweracae exanaetsi abe peexanaexae. <sup>23</sup> Nacom beitatemaya naca taetaepona wanaca tsita itatsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwunaeta xua irũ waxeinaenexa Nacom pia pexeinya jantũ coyenewa xua bichocono peantobewa. <sup>24</sup> Nacom naca waba pomonaexaetsi pomonae judiomonae jiwanaetsi. Matautano Nacom naca waba pomonaexaetsi pomonae jopa judiomonae naexanaeyo jiwanaetsi. <sup>25</sup> Baxua Nacom yabara paeba pejume diwesitha pomonae yabara, pomonae jopa judiomonae naexanaeyo po diwesitha ichaxota Oseas tina. Nacom jeye:

“Pomonae copiya jopa tamonaeyo, barapomonae yabara jan tsane, ‘Apara tamonae’, jan tsane.

Matautano pomonae copiya jopa antobeinyo

barapomonae yabara jan tsane:

‘Apara taantobe jiwi’, jan tsane.

<sup>26</sup> Matautano ichaxota ba jiwi yabara jan: ‘Paxam jopa tamonae pam’, jan, baraxota barapomonae yabara jan tsane: ‘Apara paxam tapexui pam, po Nacomxaein ataya tsitecaeya jiwi asũ jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tupa.

<sup>27</sup> Barichi irũ Isaías yabara jeye judiomonae: “Bequein judiomonae bichocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonae jiwana pomonae xua Nacom capanenebiya. <sup>28</sup> Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentsexiaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena”, jei Isaías. <sup>29</sup> Isaías copiya yabara tsiwunaenae muxu duta, jeye:

“Nacom apara bapon pon xua itoroba

daxita coyeneintha.

Bapon wɔnaeya naca yabara nanta xeina xua  
wanaca yawenaewa tsane xua awiya be  
conotha pejinompaenexa pomonae wamomoxi  
susato jiwi jiwana, xua daxita  
jopa peweraweracaewa tsane.

Icha Nacom jopa baxua exanaetsipae, bapoxonae  
waxainchi bara naca jɔta ichipae icha bayatha  
Sodoma tomarapiwi cana ichichi, mataɔtano icha  
matha Gomorra tomarapiwi cana ichichi xua  
daxita weraweraca”, jei Isaías  
Nacom Pejume Diwesitha.

*Meje yabara xua judiomonae jopa jume cowɔntsiyo Nacom pia pexeinya jume diwesi tatsi*

<sup>30</sup> Barapo peyabara jɔtiya paebiwana naca yaputane exana xua apara pomonae jopa judiomonae naexanaeyo Nacom jopa tsitatsi xua barapomonae penatsicuentisiwa xua abe peexanaexae. Baxua Nacom cana exana barapomonaetha bequein barapomonae jopa tsaqueinaeyo xua pexeinaewa pejɔntɔ coyene xanepanaewa Nacomtha. Barapomonae xeina pejɔntɔ coyene xanepanaewa Nacomtha Cristo pejume cowɔntsixaetsi.

<sup>31</sup> Ichitha nama barapo judiomonae paeba, jeye: “Nacom naca jɔntɔ coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha. Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba”, jei barapomonae. Daichitha barapomonae judiomonae jopa itacɔpaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha. <sup>32</sup> ¿Eta xua metha jane xua barapomonae jopa itacɔpaetsi xua exana pocotsiwa Moisés pia peitorobi coyenewatha itoroba? Metha poxoru barapomonae nanta xeina xua poxonae beta exana bapoxonae jopa pexeinaewa tsane penatsicuentisiwa Nacomtha. Barapomonae jopa jume cowɔntsiyo xua Nacom itorobica Cristo, daxota barapomonae Nacom tsita natsicuentatsi xua abe petsita exanaexaetsi. Barapomonae nacabeta exana, poxonae jopa jume cowɔntsiyo Nacom, atene peexanaexaetsi tsane icha jiton ichi poxonae xuirapopa ibototha xua pia coutha nacabeta exana xua atene naexana. <sup>33</sup> Nacom Cristo yabara paebatsi pejume diwesitha. Icha jiwi ichi poxonae nacabeta poxonae xuirabathopa ibototha, barichi jiwi nacabeta poxonae Cristo jopa jume cowɔntichi. Nacom jeye:

“Jerusalén tomaratha po tomara atororo  
xua po tomara pewɔn Sión  
barapo tomaratha notsin pon  
jiwi pecapanenebiyaenexa tsainchi.  
Jiwi nacabeta exana poxoru barapo jiwi  
jopa jume cowɔntsiyo bapontha,  
icha jiwi ichi xua nacabeta exana  
poxonae xuirabathopa ibototha.  
Pon jume cowɔntsina bapontha, jopa bapana  
jɔntɔ natsepanayae tsane”, jei Nacom.

## 10

<sup>1</sup> Tamonae pam, paxam pomonae irɔ painya nejume cowɔntsiwixae Jesucristo. Maisa bichocono tajɔntɔ coyenewatha ichichipan daxota bichocono Nacomtha tsipaeban

judiomonae nexa, xua barapomonae pecapanenebiyaenexa tsainchi abe pia peexanae cuiru coyenein weya. <sup>2</sup> Barapomonae yabara paeban xua barapomonae judiomonae bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomonae peexanaewa. <sup>3</sup> Barapomonae jopa yabara yaputaeyo xua pocotsiwa poxonae Nacom juntu coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomonae jujuta xua icha barompaya pia cui coyeneyatha exanaena xua bapoxonae pexeinaenexa tsane pejuntu coyene xanepanaewa Nacomtha xua jopa penatsicuentisiwa xua abe peexanaexae. Barapomonae jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua bapoxonae jiwi pexeinaenexa pejuntu coyene xanepanaewa Nacomtha. <sup>4</sup> Barapomonae jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonae yabara jume cuiya exanaena pinae xeinaena pejuntu coyene xanepanaewa.

<sup>5</sup> Caena bayatha Moisés yabara paeba xua pinae pia peitorobi coyene tatsi itacupatsi xua jiwi juntu coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, bapoxonae bapon bara ataya tsitecaeya poponaena peajuntu yapusa coyenewatha”, jei Moisés. <sup>6</sup> Nacom Pejume Diwesitha yabara paeba pomonae jopa xeinaeyo penatsicuentisiwa Nacomtha pejume cowantsixae Cristotha. Nacom jeye: “Jopa pananthuthu yainyabinde, jopa pajande: ‘Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande. <sup>7</sup> Matautano jopa pajande: ‘Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?’ jopa pajande”, jei Nacom. <sup>8</sup> Nacom equeicha pejume diwesitha pejuntu coyene xanepanaewa yabara jeye: “Tajume diwesi bara imoxoyo dubena xua paca itacupa painya necueicueijeinexa barapo diwesi. Matautano paca itacupa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najupabe po diwesi xua yabara paca cuidubatsi xua painya nejume cowantsiwa. <sup>9</sup> Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowantsim painya nejuntu coyeneintha xua Nacom Jesús equeicha asa exanatsi petupae cuiru coyene weya. Bapoxonae Nacom paca capanenebiyaena abe painya neexanae coyenewan weya. <sup>10</sup> Poxonae jiton jume cowanta pia juntu coyenewatha Jesthatha bapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueije xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyenewan weya.

<sup>11</sup> Nacom Pejume Diwesitha jeye: “Pon jume cowanta Cristotha, Cristo yawenaena xua daxota jopa bapana juntu coyene natsepanayae tsane”, jei Nacom, xua pejume diwesitha. <sup>12</sup> Nacom jopa tsita seicayatsi daxita jiwi, bara saya tsita najupatsi, bequein bara metha judiomonae tsipae irano metha bequein jopa dapomonae tsipae pomonae jopa judiomonae naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonae pewuca jiwixaetsi. <sup>13</sup> Tsipei Nacom Pejume Diwesitha jeye: “Daxita pomonae wuca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonae bara capanenebiya tsainchi”, jei Nacom. <sup>14</sup> Jiwi jopa itacupaetsi xua petsipaebiwa pontha pon jiwi Pecanamataxeinaein icha jopa jume cowantsiyo bapontha. Matautano jopa itacupaetsi xua pejume cowantsiwa

pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacupaetsi xua peyabara jume yaputaewa bapon icha ichamonae jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein. <sup>15</sup> Matautano jiwi jopa itacupaetsi xua pecueicueijiwa xua po diwesi pon jiwi Pecanamataxeinaein peyabara paebiwatsi icha dapomonae ajibi pomonae itoroba barapomonaetha xua barapomonae pecueicueijeinexa. Nacom Pejume Diwesitha yabara jei baxua: “Maisa bichocono daxua wuna xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

<sup>16</sup> Daichitha jopa daxita jiwiyo xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi”, jei Isaías. <sup>17</sup> Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

<sup>18</sup> Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye: “Nacom piamonae tatsi capona Nacom Pejume Diwesi taju beya.

Po diwesi xua barapomonae paeba taju beya jume pichapona daxita barapo cae pin nacuathe”, jei Nacom Pejume Diwesitha.

<sup>19</sup> Equeicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¡Jume! ¡Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwuna muxu duta. Moisés tatina Nacom, xua Nacom jeye:

“Ichamonae capanenebiyan pomonae jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae jopa bichocono peyaputae jiwi.

Paxam paca exanatsi xua baxua paca anaepana exana, jei Nacom”, xua Moisés tatina.

<sup>20</sup> Bapoxonae iru pirapae Isaías atsaquiya yabara tsiwuna muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara barapomonae cana exanan xua barapomonae neyaputane”, jei Nacom, xua Isaías tatina.

<sup>21</sup> Equeicha Isaías yabara tsiwuna muxu duta judiomonae Nacom nexa, xua Nacom jeye: “Daxita matabi wabeiban barapomonae. Ichitha barapomonae jopa exaneibiyo pocotsiwa itorobeiban tsipei barapomonae tanejume torobabei jiwi xua jopa, tanejume cowantsiwa”, jei Nacom, xua Isaías tatina.

## 11

*Meje yabara xua Nacom itapeta judiomonaepiwi pomonae Israel pon caena bayatha tupa bapon piamonae tatsi*

<sup>1</sup> Equeicha nayainyaban najan: ¿Metha bara Nacom torota daxita piamonae israelmonae jampa? najan. Jume apara, tsipei apara xan barapo israelmonae jiwanapin,

daxota jopa netorotsiyo, Abraham pia saineiwimonae jiwana tatsin apara, matautano Benjamín pia pemomoxi susato jiwi jiwana tatsin apara. <sup>2</sup> Nacom jopa torotsiyo piamonae pomonae xua caena bayatha peitapetsixae xua cana exana be piamonae tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonae, jeye: <sup>3</sup> “Nacom ponxaem Tanecanamataxeinaem, barapo israelmonae juteba, jutebatsi pomonae jinya neitorobi jume pepaebiwí. Matautano barapo israelmonae cayatsiya abe exana pocotsiwan iboton xua xuan xota duwei yubeibiya jutebathopeiba xua poxonae catsita tuxusi exana. Xan compan napaeban xua pomonae beta necajume cowantsiwi barapomonae jiwanan. Iruru barapomonae ichichipa nebexubarú”, jei Elías poxonae tsipaeba Nacomtha. <sup>4</sup> Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonae, pomonae tanejume cowantsi jiwi. Barapomonae jopa pentabocototha umenaeyo xua poxonae wuna pejainchinexa ibo nacom, po ibo nacom pewun Baal”, jei Nacom. <sup>5</sup> Nama anoxuae awiya barichi israelmonae be conotha pomonae jume cowanta Nacomtha pomonae Nacom peitapetsiwi, pia peantobexae barapomonae. <sup>6</sup> Nacom itapeta barapomonae, pomonaetha pomonae peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonae, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxonae Nacom be jopa bapana amanaya exanaeyo jiwi nexa.

<sup>7</sup> Daxota yaputainchi xua pinmonae xua barapo israelmonae jiwana jopa catsibichi pejuntu coyene xanepanaewa xua bequein baxua tsiexana nawita po coyenein Moisés itoroba. Jame Nacom cata barapo coyene pomonaetha pomonae peitapetsiwixae, xua pomonae israelmonae jiwana. Barapomonae, pomonae israelmonae jiwana barapomonae Nacom jopa catsibiyo barapo pejuntu coyene xanepanaewa. Nacom copata xua barapomonae pejuntu coyenewatha xeina pejume torobabi coyenewa. <sup>8</sup> Nacom Pejume Diwesitha Moisés yabara paeba barapomonae. Moisés jeye: “Nacom copata xua barapomonae xeinaena po juntu coyene jopa itacupaetsi xua peyaputaewa. Bequein barapomonae yoroba xua pejume xainyei coyenewa daichitha jopa yaputaeyo. Matauta bequein barapomonae jume tane pexainyei jume daichitha jopa jume cowantsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha. <sup>9</sup> Iruru David yabara paeba israelmonae poxonae Nacom tapaebatsi. David jeye:

“Barapomonae beitatemaya juntu coyene  
weiweinapona pin penabanaewantha.  
Barapomonae nanta xeina xua jopa catsita  
natsicuentiyo xua abe peexanaexae.  
Poxonae barapomonae cataunxuae eexanapona  
baxua barabu xam Nacom jemeicha  
atene cana exanaename barapomonae,  
jopa pia necajume cowantsixae.

<sup>10</sup> Daxota barabu copatsiname xua barapomonae  
israelmonae jopa yaputaeyo po coyene  
xua barapomonae catsita natsicuenta  
abe necatsita exanaexae.  
Matautano barabu copatsiname xua barapomonae  
xeinaena po peatene coyenewa anthuthurewe  
cana exanatsi xua ataya, abe peexanaexae”,

jei David, israelmonae yabara,  
Nacom Pejume Diwesitha.

*Meje yabara xua pomonae jopa judiomonae naexanaeyo Nacom jume cowantsatsi*

<sup>11</sup> Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowantsixaetsi ¿metha bara Nacom itawetsina barapomonae xua ataya tsane jampa? ¡Jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae.

<sup>12</sup> Poxoru judiomonae Nacom nawepu tsabatsi daxota Nacom xanepana exana icha monaetha, xua daxita carepaya barapo cae pin nacuathe. Judiomonae jopa Nacom pejume cowantsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowantsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowantsinchi.

<sup>13</sup> Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui. <sup>14</sup> Beexanaein xua tamonae judiomonae paca uwa, xua bapoxonae barapomonae pejume cowantsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa. <sup>15</sup> Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuapiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowantsixaetsi baxua bichocono wnae tsane be poxonae jiwu equeicha asu exanatsi petupa cuiru coyene weya. <sup>16</sup> Ainya pecayabara jata pepaebi diwesiyo paca tsipaebatsi. Poxonae jiwu ba pentubu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jiwu ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jiwu, barapocotsi jata coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

<sup>17</sup> Equeicha pecayabara jata pepaebi diwesiyo paca tsipaebatsi. Jiwu itacupatsi xua olivo nae jiwana maxuranan weucuboba po nae ubanota pabitha xua bebai. Icha olivo nae maxuranan jiwana weucuboba, po nae untha uncua. Barapo maxuranan wantha japateita cuntsiya duba po naetha po nae uncua pabitha, po nae copiya jiwana maxuranan bebai. Barapo nae tabu opinan aisa cana exana xua barapo maxuranan beta nacoita tsipei mene nota barapo nae tabu opina tsina. Bara jata coyeneya ichi, icha olivo naetha cana ichichi, Nacom jiwu barapocotsi coyeneya cana ichi. Nacom jiwana torota po judiomonae jopa pejume cowantsixaetsi xua bapoxonae Nacom paca cana exana piamonae tatsi pam. Nacom paca cana exana xua peajuntuyapusuwa painya nexainaewa painya nejume cowantsixae Jesucristo. Barapo coyene icha be poxonae pemaxuranan cana ichichi poxonae aisa cana exainchi pemene notsixaetabu opinan tsina, xua beta xu xuwa exana pena maxuranatha. <sup>18</sup> Daxota jopa paatsaquiya aebiya

nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara j̄uta paebiwa. Barapo max̄ranan jopa apara nacoita exanaeyo barapo nae tab̄u opina deca. Jame apara barapo nae tab̄u opina nacoita exaneina barapo max̄ranantha.

<sup>19</sup> Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae.

<sup>20</sup> Metha moya bara xainyei tsipae. Bara Nacom torota barapomonae judiomonae jopa pejume cow̄ntsiwixae tsi Jesucristo. Paxam Nacom piamonae tatsi paca cana exana, tsipei saya apara pajume cow̄ntame Jesucristo, saya meisa baxuaxae. Jopa pana naj̄nt̄u coyene yabara atsacande xua painya nexeinaexae pocotsiwa Nacom paca cata. Jame saya dota pam xua jopa xanepanaeya pajume cow̄ntsim Jesucristo xua daxota Nacom painya nepaca torotsiwa tsane. Jiwi pemax̄ranan ucubobiya

bebai po nae pabitha uncu. <sup>21</sup> Bara j̄uta coyene ichi, Nacom torota judiomonae pomonae copiya piamonaexae tatsi jopa pejume cow̄ntsixae Jesucristo. Nacom bara paca ichipae paca torotsipa icha jopa pajume cow̄ntsi paem. <sup>22</sup> Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentsiwa pomonae xua jopa pejume cow̄ntsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cow̄nta dubenanaebiyaename. Ichitha icha awiya jopa pajume cocow̄ntaponaem tsane Nacom paca torotsina. <sup>23</sup> Matautano Nacom itac̄patsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cow̄ntsinchi. Nacom baxua cana exanaena icha jiton ichi xua equeicha caewa pecoutha japateita c̄tanota wantha pemax̄rana, po max̄rana bequein ucubiya xuba.

<sup>24</sup> Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa piamonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae max̄rana ucuiya. Equeicha barapo max̄rana icha olivo nae max̄rana wantha japateita c̄tsiya duta po olivo nae pabitha ubanota. Bapoxonae barapo unupi olivo nae max̄ranantha pexeinya thei xuwa. Ichitha icha pebin equeicha pita po max̄rana xua ucuiya pepa olivo nae weya yawa equeicha caewa pecoutha japateita c̄tanota wantha, barapo max̄rana beta xuwa beyacaincha xua xuwa unupi olivo nae max̄rana poxonae japateita c̄tanota wantha. Icha pebin ichi, Nacom bara itac̄patsi cana exana judiomonaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomonae.

*Meje yabara xua Nacom bexa tsane israelmonae capanenebiya tsainchi*

<sup>25</sup> Tamonae pam, paxam pomonae ir̄u painya nejume cow̄ntsiwixae Jesucristo. Maisa ichichipan xua paxam yabara painya neyaputaewa tsane xua moya peyaw̄n xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwi pam. Meje baxue xua moya peyaw̄n xeinaewan: Anoxuae israelmonae xeina pej̄nt̄u coyenewatha po coyene xua Nacom pejume torobabi coyenewatsi xua daxota Nacom jopa pejume cow̄ntsiwatsi. Ichitha jame bexa poxonae ab̄u daxita carepaya jume cow̄ntsina Nacom pomonae jopa judiomonae naexanaeyo pomonae Nacom itapeta, bapoxonae equeicha judiomonae jume cow̄ntsina. <sup>26</sup> Bapoxonae daxita israelmonaexae pomonae judiomonaexae pomonae Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae  
jiwanatha pomonae Sión tomara wɔnmonae.

Bapon jɔntɔ coyene wɛpichina Jacob pia  
pemomoxi susato jiwi tatsi abe pia peexanae  
cuiru coyenewan tatsi, pomonae israelmonaexae.

<sup>27</sup> Jɔntɔ coyene wɛpichin barapo judiomonae  
abe pia peexanae cuiru coyenewan tatsi.

Barapoxonae cayabara jume weta exanaein  
pocotsiwa caena bayatha yabara tsiwɔnae  
muxu dutan barapomonae pia pamo susato jitontha  
tatsi pon pewɔn Jacob, pon Israelxae”,  
jei Nacom Pejume Diwesitha.

<sup>28</sup> Ichamonae xua israelmonae jiwana anoxuae barapomonae Nacom pia  
peaitafaetabi jiwichi tsipei barapomonae jopa jume cowɔntsiyo Nacom pia pexeinya  
jume diwesi tatsi po diwesi Cristo pepatopaewa yabara. Tsipei barapomonae baxua  
exana, daxota paxam pomonae jopa judiomonae naexanaeyo pam, bara paca itacɔpa  
xua painya nejume cowɔntsiwa Cristo. Ichitha barapo israelmonae Nacom caena  
bayatha copiya itapeta. Barapo israelmonae awiya Nacom antobe, pia pamo susato  
jiwi tatsi copiya peitapetsixaetsi. <sup>29</sup> Tsipei Nacom jopa ichawa beya paebiyo. Pocotsiwa  
Nacom cata equeicha jopa caewa pichiyo. Pomonae Nacom itapeta equeicha jopa  
itawetsiyo. <sup>30</sup> Paxam pomonae jopa judiomonae painya nenaexanaewi pam, copiya  
paxam jopa painya neexanae jiwi pam pocotsiwa Nacom paca itoroba. Daichitha  
anoxuae judiomonae jopa peexanaexae pocotsiwa Nacom itoroba, daxota Nacom  
wɔnaeya paca yabara nanta xeina pia nepaca cayawenaewa tsane. <sup>31</sup> Ichitha  
anoxuae bequein barapomonae judiomonae jopa exanaeyo pocotsiwa xua Nacom  
ichichipa, bexa tsane barapomonae judiomonae jume cowɔntsina. Poxonae baxua  
exanaena Nacom, xua wɔnaeya paca yabara nanta xeina pia nepaca cayawenaewa  
tsane irɔ wɔnaeya yabara nanta xeinaena peyawenaenexa tsane xua barapomonae  
peyawenaenexatsi pia peantobewixae. Nacom baxua exanaena barapomonaetha icha  
bayatha pacata ichi xua poxonae Nacom pacata exana. <sup>32</sup> Nacom bara copata xua  
daxita jiwi bara najɔpa xua penatsicuentsiwa xua jopa pejume cowɔntsixaetsi. Nacom  
bara baxua copata, xua penanta jɔpiya yawenaenexa daxita jiwi, peantobexae.

<sup>33</sup> ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo  
peyabara yaputae coyenewan po coyene xua xaniwaicha pecayabara exanaewa! ¡Maisa  
Nacom jopa juniya yabara tsiwɔnae yaputaeyo peyaputae coyenein xua bexa ex-  
anaena! ¡Dapon ajibi pon itacɔpatsi xua pecayabara yaputaeya paebiwa pocotsiwa  
Nacom cuita yabara exana! ¡Barichi dapon ajibi pon itacɔpatsi xua peyaputaewa Nacom  
pia cui coyenewan tatsi! <sup>34</sup> Nacom Pejume Diwesitha tatsi yabara jeye baxua: “Dapon  
ajibi, pon yaputane pocotsiwa Nacom nanta xeina pon jiwi Pecanamataxeinaeinxae.  
Mataɔtano dapon ajibi, pon xua Nacom pecuidubiwatsi. <sup>35</sup> Mataɔtano dapon ajibi  
pon cata Nacomtha xua daxota xuya bewa Nacom matomatsina”, jei Nacom Pejume  
Diwesitha tatsi. <sup>36</sup> Aparaxita coyenein Nacom forota. Nacom canamataxeina pia  
peayapusɔ itorobi coyenewatha daxitan pocotsiwan xua xuan exana. Daxitan bara  
piawa tatsi. ¡Barabɔ Nacom wɔnae jainteibatsi xua ataya tsaibi tsane! ¡Je, bara ichi tsane!

## 12

*Meje yabara xua wajinompawea wataexanaenexa Nacom*



<sup>1</sup> Tamonaē pam, paxam pomonaē iru painya nejume cowantsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana najuntu coyene doure Nacomtha painya nenacuichinexa pocotsiwa Nacom paca itoroba. Baxua bara be poxonaē jiton ovejiyo asu cata xua pebexubinexa Nacom nexa. Poxonaē pana najuntu coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wanae pajaintsiname Nacom painya juntu coyeneintha. <sup>2</sup> Jopa bara paichiponaēinde xua abe paexanaponame po coyenewan icha ichi xua exana dubenanaēbiya pomonaē barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha juntu coyene paxeiname xua beta painya nenanta xeinapon-aenexam tsane. Bapoxonaē payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanapon-aewa tsane xua meje: pocotsiwa bara wanae, matautano pocotsiwa Nacom pejuntu coyene weiweina exanaewatsi, matautano pocotsiwa daxita bichocono matapaeicha xanepana.

<sup>3</sup> Nacom taneantobexae necata barapo peayapusu itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwī pam beyacaincha poxonaē Nacom pia coutha ainya cui paca cana exana. Nacom paca catsiba pejume cowantsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename. <sup>4</sup> Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jurae coyeneya exanaeyo. <sup>5</sup> Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowantsixae Cristo. Caemonae wanaexanaexae Cristotha, daxota nantiya nayawenatsi.

<sup>6</sup> Nacom daxita carepaya barompaya naca catsiba wajuntu coyeneya waexanae coyenewan, peichichipaexae xua naca yawenaena wanaca antobexae. Barapo juntu coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijei coyenewa Nacom Pejume Diwesi. Bapoxonaē barapomonaē bewa cueicueijei barapo diwesi jiwitha. Bapomonaē bewa exanae baxua daxita po pejume cowantsiwatha Nacom bapomonaetha cata. <sup>7</sup> Ichamonaetha Nacom naca jiwana catatsi, po coyene xua ichamonaē peyawenaewatsi. Barapomonaē bewa moya ichamonaē bara beta yawenaetsi. Ichamonaē Nacom naca jiwana catatsi po coyene xua ichamonaē pecuidubiwatsi. Pomonaē yaputane xua pecuidubiwa ichamonaetha, bewa moya bara beta cuidubina ichamonaetha. <sup>8</sup> Ichamonaetha Nacom naca jiwana catatsi peyaputae coyenewa po coyenewa xua pejuntu cui coyene tsacabinexa pejume cowantsiwi xua jantema pejinompaenexa. Pomonaetha Nacom cata barapo peyaputae coyenewa bapomonaē bewa moya bara beta juntu cui coyene tsacabina ichamonaē. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonaē bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonaē canamataxeinaeya itoroba. Bapomonaē bewa moya bara saya daunweya beta canamataxeinaeya itorobaponaē. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwī. Bapomonaē bewa moya juntu coyene weiweinaeya yawenaē.

*Meje yabara xua pocotsiwa bewa exanae pomonaē pejume cowantsiwi Cristo*

<sup>9</sup> Poxonae pana naantobem xaniwaicha nantiya caemonae pana naantobeinde. Panaitemare abe peexanae coyenewan. Saya naitomatsiya paexanaponde pocotsiwa pexanepanae coyenewan. <sup>10</sup> Bewa caemonae nantiya pana naantobem, icha caepi jiwi ichi xua yatsicaewa naantobe xua cae peweicho jiwi. Bewa ichamonae pabar<sub>u</sub> cui itura jinaem xua barapomonaе peainya cui jiwi beyacaincha paxam.

<sup>11</sup> Junt<sub>u</sub> coyene daunweya patanacuire pon jiwi Pecanamataxeinaein. Jopa paa-coyenefaetabinde poxonae pata nacuitame. Ant<sub>u</sub>coyenyapus<sub>u</sub>ya bapon patanacuire, bichocono painya neichichipaexae.

<sup>12</sup> Painya new<sub>u</sub>nae ewatsixae pocotsiwa xua Nacom paca catsibapaeba bexa daxota pajunt<sub>u</sub> coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua paajunt<sub>u</sub>coyenetanem, bara saya junteма pajinompare. Jopa paaitaconaeinde. Jopa pana cui barapentsinde xua painya tsipaеbeibiwa Nacom.

<sup>13</sup> Nacom piamonaе xua ir<sub>u</sub> pomonaе Nacom pejume cow<sub>u</sub>ntsiwixaetsi payawende pocotsiwa xua barapomonaе nantawenona. Pantenta weyataeya wabeibare painya bontha pomonaе painya nepaca casiwa poneibiwi, pomonaе pejume cow<sub>u</sub>ntsiwi Nacom pomonaе jopa painya yaitaibi jiwi.

<sup>14</sup> Pomonaе paca atene exana painya nejume cow<sub>u</sub>ntsixae Jesucristo barapomonaе pataw<sub>u</sub>care Nacomtha xua Nacom peyawenaewa tsane barapomonaе. Nacom jopa patsipaеbinde xua abe pecana exanaewa tsane barapomonaetha.

<sup>15</sup> Ir<sub>u</sub> pajunt<sub>u</sub> coyene weiweineibare poxonae ichamonae junt<sub>u</sub> coyene weiweineiba. Ichacuiitha pajunt<sub>u</sub> coyene wecoyei tsaibindeno poxonae ichamonae junt<sub>u</sub> coyene wecoyei tsaibi.

<sup>16</sup> Peb<sub>u</sub>ruya nanta cui jupaeya pajinompare xua junteма nantiya pana nabar<sub>u</sub> dubenanaebiyame. Jopa ichamonae paaеbinde. Pacana exande painya jiwi xua be pomonaе pecui paw<sub>u</sub> jiwi. Jopa pana nayabara nanta xeinaеinde xua painya neyaputae jiwi pam.

<sup>17</sup> Poxonae ichamonae abe pacata exana jopa xuya abe pata exanaеinde barapomonaetha. Jame maisa pananta xeinare xua daxita jiwi xaniwaicha painya netaxanaewa tsane pocotsiwa barapomonaе tsita cui xanepanatsi. <sup>18</sup> Paexanaponde daxita pocotsiwan paca itac<sub>u</sub>pa, xain bapoxonae junteма pana nabar<sub>u</sub> jinompame daxita jiwi. <sup>19</sup> Tamonaе pam paxam pomonaе tapaca caantobe jiwichi pam ir<sub>u</sub> painya nejume cow<sub>u</sub>ntsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonaе abe pacata exana. Tsipei Nacom Pejume Diwesitha tatsi baxua yabara jeye: “Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonaе paca abe exana jei pon Pecanamataxeinaein jiwi”, jei Nacom Pejume Diwesitha. <sup>20</sup> Jopa xuya payantomateibim tsane. Jame paexande xua Nacom Pejume Diwesitha tatsi jeye: “Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae”, jei Nacom Pejume Diwesitha. <sup>21</sup> Jopa pacopatsinde xua ichamonae abe pia paca exanae coyenein tatsi paca junt<sub>u</sub> coyene amanayaba xua daxota abe paexaname barapomonaetha pomonaе painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

## 13

<sup>1</sup> Daxita jiwi bewa exanae pocotsiwa itorobatsi pomonaе itorobiya pecanamataxeinae jiwi pomonaе peayapus<sub>u</sub> itorobi coyenewa xeina. Jiwi jopa itac<sub>u</sub>paetsi xua pecanamataxeinaewa ichamonae xua peitorobinexa icha Nacom jopa yabara copatsiyo

baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae. <sup>2</sup> Daxota icha ichan jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae. <sup>3</sup> Pomonae beta peexanae jiwi jopa bewa cuitaya junuwi tsane xua pecuitaya junuwiwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwiwatsi pomonae itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename. <sup>4</sup> Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentsexae xua abe peexanaexae Nacomtha. <sup>5</sup> Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane. <sup>6</sup> Daxota xain barapomonae pacatsibame pematomatsi paratixi pocotsi paratixi jiwi bewa catsibina pomonaetha pomonae itorobiya pecanamataxeinae jiwi. Tsipei barapomonae nantawenona paratixi xua beta pe-eexanaponaewa tsane poxonae Nacom tanacuitapoinchi.

<sup>7</sup> Daxita barapomonae barompa paratixi pacatsibare po paratixi bewa pacatsibim barapomonae. Pomonae painya nepaca canamataxeinaewi pacatsibare daxita po coyenein peyabara matomatsiwan xua xuan paca wuca. Daxita pomonae pecanamataxeinae jiwi pabarui cui itura jinare, xua daxota betiya painya nebarui cueicueiweiwa tsane.

<sup>8</sup> Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cowantsiya exana daxita pocotsiwa xua Moisés itoroba pia peitorobi coyenewatha. <sup>9</sup> Moisés pia peitorobi coyenewatha jeye: “Jopa pichinde ichan piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ichan xeina”, jei barapo itorobi coyenewatha. Barapo coyenein xuaunxuae paeban, irano daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha naantobem”, jei barapo peitorobi coyenewatha. <sup>10</sup> Pon ba beta antobe tsaibi ichamonae bapana jopa abe taexanaeyo barapomonaetha. Daxota icha antobetsi ichamonae bapoxonae barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

<sup>11</sup> Daxita baxuan bewa paexanaename tsipei payaputaneme xua anoxuae po dapaetha pajinompare bichocono peayapube dapae. Barapo dapaetha tsaca pajinompape, tsipei imoxoyo naca itiya pona po mataqueitha Nacom naca capanenebiyaena. Barapo matabi imoxoyo beyacaincha xua poxonae aena jume cowantatsi Jesucristo.

<sup>12</sup> Pequireiwa ba bewayo caewanaya poxoru matabi dawetsina. Bara jata coyeneya ichi poxonae pomonae ba abe peexanaewi bara apara pequireitha abe exana. Barapomonae barapenta xua abe exana poxonae matabi tsuxubi. Barichi waxainchi bewa barapentichi xua abe waexanae coyenewa icha barapomonae ichi xua saya

merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntũ coyene wunaetatsi xua najuntũ coyene ayapusũ exanatsi abe waexanaeyainwa. Baxua icha be poxonae ba soldadopin ichi poxonae matabitha nacui wunaeta penabinexa. Bapon penaintontha nayaitata xua daxita pepontha xua pebexotsiyainwatsi. <sup>13</sup> Barabũ beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacũpa exanae dubenanaebiyae tsainchi xua peamenetsaxawa. Mataũtano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Mataũtano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Mataũtano jopa bewa nauwi tsainchi. <sup>14</sup> Jame ichawa bewa paexanaename. Bewa Jesucristo patsi-paebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya jũntũ coyenein ichichipa xua peexanaewa.

## 14

*Meje yabara xua jopa bewa abeya yabara paebichi po coyene xua pejinompaewa pomonae irũ pejume cowantsiwi*

<sup>1</sup> Icha ichũn jũntũ coyene faefaena pejume cowantsiwa Cristotha, bapon pacana exande be painyamonae jiwi jiwana pomonae painya nejume cowantsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuitha po coyeneya xua bapon jopa bewa exanae. <sup>2</sup> Ichamonae ba nanta xeina xua itacũpatsi penabanaewa xua daxita coyenein pexaewan. Ichamonae ba pomonae jũntũ coyene faefaena xua pejume cowantsiwa Cristotha barapomonae ira pipexaewa xane jopa pewi xaeyo. <sup>3</sup> Pon penabanaein daxita coyeneya pexaewan, bapon jopa bewa paebi tsane ichũnthapontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara irũ pexanto tatsi, icha ichi pon jopa penabanaein pewi. <sup>4</sup> Xam jopa bewa daxua paebim tsane xua pon ichũn tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantaũta pon jiwi Pecanamataxeinaein. Bapon jopa nantawenonaeyo xua irũ xam canamataxeiname bapon. Saya meisa Nacom itacũpatsi xua yabara paeba poxonae po coyene icha bapon wunaẽ exana xuano xua icha jopa xapain exanaeyo. Ichitha bapon xanepanaya exanaena tsipei Nacom itacũpatsi xua cana exana, xua pia petanacuichi jiwi tatsi xanepanaya peexanaewa.

<sup>5</sup> Ichamonae nanta xeina xua caentaqueitha bichocono peainya cui matabi bey-acaincha xua icha matabi tsipei barapo matabitha xua Nacom wunaẽ pejainchiwatsi. Ichamonae nanta xeina xua daxita matabin bara najũpa xua peainya cui matabin xua Nacom wunaẽ pejainchiwanexatsi barapo matabintha. Daxita barapomonae bewa barompaya pia jũntũ coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ichũn yabara nanta xeina. <sup>6</sup> Pon jopa nacũchiyo po mataqueitha xua peainya cui matabi, bapon baxua exana xua Nacom wunaẽ pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wunaẽ pejainchinexatsi, pon jiwi Pecanamataxeinaein, tsipei bapon jeye: “Nacom maisa jũntũ coyene weiweinan xua tanecatsiwam daxita coyeneya pexaewan”,

jei. Irano pon jopa pewi xaeyo, bapon barapara xua Nacom wuna pejainchinexatsi pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam ira pipexaewa”, jei bapon.

<sup>7</sup> Tsipei dapon ajibi pon waxainchi jiwanaetsi pomonaexaetsi pomonae wajume cowantsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tupaetsipa apara saya poxoru Jesucristo pon jiwi Pecanamataxeinaein bara copata xua bapon petupaewa tsane. <sup>8</sup> Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wuna pejainchinexatsi. Icha Nacom pon jiwi Pecanamataxeinaein copata xua bara watupaewa tsane barapo coyene bewa cana exanaetsi xua jiwi wuna pejainchiwa Nacom. Daxota bequein icha waxainchi jinompaetsipatsi, yawano poxona bequein icha tupaetsipatsi bara barapara barapo coyeneinya waxainchi bewa cana exanaetsi xua jiwi Nacom wuna pejainchinexatsi pon jiwi Pecanamataxeinaein poxoru waxainchi piamonae tatsichi. <sup>9</sup> Daxota Cristo tupa, yawano equeicha asu popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonae werapa irano pomonae cataunxuae jinompano.

<sup>10</sup> Daxota dapon ajibi pon paxam jiwana pam pon bewa yabara paebina pomonaetha pomonae iru pejume cowantsiwi Cristo, xua pejeiwa: “Barapomonae Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonae iru pejume cowantsiwi, xua jei: “Maisa barapomonae jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha.

<sup>11</sup> Tsipei Nacom Pejume Diwesitha jeye:  
 “Xan bara xaniwaicha yabara paca tsiwuna  
 muxu dutatsi xua daxita jiwi patsina xua  
 pentabocototha peumenaenexa taitabaratha  
 tanewuna jainchinexa.

Daxita jiwi neyabara paebina jei tsane:  
 ‘Apara barapon yatsicaewa pepa Nacom’, jei  
 tsane”, jei Nacom pon jiwi  
 Pecanamataxeinaein xua Pejume Diwesitha.

<sup>12</sup> Bapoxonae barapo mataqueitha yabara cueicuei jei tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha wuna exainchi yawano icha bara metha abe exainchi.

*Meje yabara xua jopa bewa exanaetsi pocotsi coyeneya pomonae pejume cowantsiwi abe peexanaewa tsane*

<sup>13</sup> Daxota waxainchi jopa bewa yabara nantiya namuxutainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonae pomonae iru pejume cowantsiwi xua pocotsi coyeneya barapomonae peexanaewa tsane xua daxota jopa pejume cowantsiwa tsane Nacom. <sup>14</sup> Tsipei xan tajume cowantsixae Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanejuntu coyene taxobiwa xua icha taxaewa tsane. Ichitha icha ichun yabara nanta xeina xua po pexaewa betaxobichipatsi icha xaetsipa bapoxonae bara tsita xainyeichi, betaxobichipatsi icha xaetsipa. <sup>15</sup> Ichitha icha paxaetsipame pocotsiwa xua painya jiton jopa ichichipaeyo xua pexaewa, pon iru pejume cowantsin bapoxonae peantobe coyenewa jopa patsita xeinaem bapon. Painya xoba paexaname pocotsi coyenetha xua ichun baraxuba Nacom xua poxoru pocotsiwa

painya nexaexae. Tsipei apara Cristo bayatha tsitupa bapon. <sup>16</sup> Paxam pananta xeiname xua bara wuna paexaname po coyenein ichamona tsita abetsi pejuntu coyenein taxobixaetsi. Bequein baxua payabara nanta xeinaetham tsipae ichitha jopa paexanaemtsipae barapo coyenein. Tsipei icha paexanaetsipame barapo coyenein, ichamona yabara jei tsipae barapo coyenein: “Maisa po coyenein barapomona exana bichocono abe”, jei tsipae. <sup>17</sup> Nacom ichichipa xua waxainchi peburuya juntema wajinompawa. Daxota poxona Nacom naca itoroba po coyene yabara po coyeneya bewa nabaru jinompaeinchi, jopa yabara paebi tsainchi xua po peitorobi coyenein xua waxaewa yawa waapaewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi pejuntu coyene xanepanaewa. Matautano bewa pinae juntema nabaru jinompaeinchi Nacom nexa. Matautano bewa juntu coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumo pe tuxaxu tatsi. <sup>18</sup> Poxona barapo coyeneya Cristo taexainchi bapoxona Nacom tsita xanepanatsi pocotsiwa xua exainchi. Matauta jiwu naca yabara paeba xua pinae bara beta exainchi.

<sup>19</sup> Daxota bewa waxainchi exaneibinchi pocotsi coyenein xua juntema nabaru jinompatsi exanatsi. Yawano bewa exaneibinchi pocotsi coyeneintha xua nantiya jume cocowuntaponatsi naexainchi. <sup>20</sup> Jopa bewa paxaem ichun peitabaratha pon painyamonae jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon iru metha xaetsipa barapo pexaewa. Bapoxona bapon nanta xeinaetsipa xua bapon pomona jiwana pomona penatsicuentiwa Nacomtha xua abe peexanaexae. Painya xaexae bapon pacana exaname xua jopa beta pejume cowuntsiwa Nacom. <sup>21</sup> Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Matautano jopa bewa paapaem peamenetsaxawa. Matautano jopa bewa paexanaem pocotsi coyenewatha painya jiton exanaena pon iru pejume cowuntsin Cristo xua abe peexanaewa tsane. <sup>22</sup> Icha paxam pajume cowuntame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca juntu coyene taxobiyo saya jame meisa Nacomtha yabara patsipaebare baxua. Painya xoba ichamona yabara patsipaebame pexaewa po pexaewa barapomona jopa bapana xae. ¡Maisa juntu coyene weiweina pon daxita coyeneya pexaewa penabanaein pon pia juntu coyenewa jopa tsipaebichi xua pinae penatsicuentiwa xua abe peexanaewaxae Nacomtha poxona barapo pexaewa xane! <sup>23</sup> Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxona daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowuntichi xua waexanaewa pocotsiwa Nacom ichichipa bapoxona barapara abe exanatsi, poxona baxuan exanatsi.

## 15

### *Meje yabara xua pocotsiwa bewa exanaetsi xua ichamona tsita xanepanatsi*

<sup>1</sup> Waxainchi pomonaetsi pomona ajuntucoyenesutsi xua wajume cowuntsiwa Cristotha. Daxota bewa yawenaetsi pomona xua juntu coyene faefaena xua pejume cowuntsiwa Cristotha xua barapomona awiya jume cowuntsina. Jopa meisa bewa exanaetsi pocotsiwa xua waxainchi wacoja ichichipatsi. <sup>2</sup> Daxita waxainchi bewa exanaetsi pocotsi coyenewa tsita coyene xanepanatsi pomona ichamona pomona iru pejume cowuntsiwi pocotsi coyenetha xua barapomona yawenatsi xua pejume cocowuntaponaenexa. <sup>3</sup> Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwu bapon atene peexanaewatsi poxona abe yabara paebatsi. Jiwu Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom

Pejume Diwesitha xua Cristo jeye Nacomtha: “Poxonae jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha. <sup>4</sup> Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawunaewatsinexa. Xeinatsi baxua poxoru Nacom Pejume Diwesi naca cana exana xua jopa dapoyene xainaetsi xua beprijawa aitaconaetsi xua bequein ichamonae abe nacata exana. Yawano barapo diwese naca cana exana xua najuntu coyene tsacabatsi xua wajume cowanta dubenanaebiyawa. <sup>5</sup> Nacom bapon naca cana exana xua jopa beprijawa aitaconaetsi yawano xua naca juntu coyene tsacaba exana. Barabu barapon Nacom paca yawena xua peburaya nanta juriya pananta xeiname xua painya nabaru exanaewa tsane, icha be pocotsi coyeneya Cristo Jesús exana. <sup>6</sup> Barabu be caemonae pana nabaru wunaewajaintame Nacom, pon Jesucristo Paxa tatsi, pon Jesucristo Wanacanamataxeinaein.

*Meje yabara xua po coyene pomonae jopa judiomonae naexanaeyo tsipaebatsi Nacom pia pecapanenebiyae diwesi jume*

<sup>7</sup> Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi wunaewajaintaibinexa Nacom painya neexanaewamxae baxua. <sup>8</sup> Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xaina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwunaewamuxu duta wamo susato jiwitha. <sup>9</sup> Yawano Cristo daxota patopa xua pomonae jopa judiomonae naexanaeyo wunaewajainchinexa Nacom xua Nacom wunaewapeyabara nanta xainaexae xua peyawenaenexa barapomonae. Nacom Pejume Diwesitha baxua yabara jeye xua Cristo paeba paxatha:

“Wunaewajaintatsi daxita nacuan jiwitha pomonae jopa judiomonae naexanaeyo pia xantha tatsi. Wunaewajaintatsi xua poxonae cata naxunatsi”, jei Nacom Pejume Diwesitha xua Cristo Paxatha paeba.

<sup>10</sup> Equeicha Nacom Pejume Diwesitha jeye: “Barabu daxita nacuan jiwi caemonae nabaru juntu coyene weiweinaena pomonae Nacom itapeta xua pecana exanaenexa piamonae tatsi”, jei Nacom Pejume Diwesitha.

<sup>11</sup> Equeicha Nacom Pejume Diwesitha jeye: “Barabu daxita pam pomonae jopa judiomonae naexanaeyo pam wunaewajainchiname pontha pon jiwi Pecanamataxeinaein. Matautano barabu daxita nacuanpiwi wunaewajainchina bapontha”, jei Nacom Pejume Diwesitha.

<sup>12</sup> Equeicha Nacom Pejume Diwesitha xua Isaías tatina, jeye: “Pebin patopaena pon Isaí pia pemomoxi susato jiwi jiwana tatsi, pon David paxa tatsi. Bapon Nacom cana exana xua bapon itorobiya pecanamataxeinaenexa tsane pomonae jopa judiomonae naexanaeyo.

Barapomonae jume cowantsiya wanae ewatsina  
 xua barapon barapomonae pecapanenebiwa  
 tsainchi abe pia peexanaexae cuiru  
 coyenein weya tatsi”, jei Isaías  
 Nacom Pejume Diwesitha.

<sup>13</sup> Barabꝰ Nacom pon naca cana exana xua wawꝰnae ewatsiwa Cristo bichocono paca jũntꝰ coyene weiweina exanaena. Mataũtano barabꝰ Nacom jũntema jinompa paca cana exanaena. Nacom baxua pacata exana painya nejume cowantsixae bapon. Bapoxonae barabꝰ Nacom paca cana exana xua jopa juniya painya newꝰnae eewataponaeewa tsane Cristo. Nacom pia Pejumope tũnaꝰ tatsi baxua paca cana exana pia peayapusꝰ itorobi coyenewatha.

<sup>14</sup> Tamonae pam, paxam pomonae irꝰ painya nejume cowantsixae Jesucristo. Bara xaniwaicha beta yaputan, xua paxam beta painya neexanaewam po peantobewa xuaunxuae yabara paca tsitinatsi. Mataũtano paxam payaputaneme daxita xua pocotsiwa bewa paexanaename. Mataũtano payaputaneme xua po coyene bewa nantiya pana namuxuwetsim. <sup>15</sup> Barapo cartathe pecono jumeyotha atsaquiya pacata tinatsi. Baxuan xua pocotsiwan pacata tinatsi jopa ichipaeinyo xua painya nejũntemainaewa. Daxota atsaquiya pacata tinatsi baxuan Nacom tanebarꝰ cui itura jinaexae poxonae necata barapo tanacuichiwa. <sup>16</sup> Nacom neitoroba xua Jesucristo tatanacuichinexa tayawenaenexa pomonae jopa judiomonae naexanaeyo. Tanacuitan Nacom poxonae cueicueijan Nacom pia pecapanenebiyae diwesi jume pomonaetha pomonae jopa judiomonae naexanaeyo. Barapomonae pejume cowantsixae Cristo, Nacom pia Pejumope tũnaꝰ tatsi cana exana xua barapomonae pejũntꝰ coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonae bapon duwei jiwi tsitautatsi abe pia peexanae coyenein nexa tatsi bapoxonae barapo jiwi Nacom petsita jũntꝰ coyene xanepanaewichi.

<sup>17</sup> Tajume cowantsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa. <sup>18</sup> Jopa yabara paebinyo xua Cristo exana ichamonae nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonae jopa judiomonae naexanaeyo pejume cowantsinexa Nacom. Barapomonae Nacom jume jejeichi poxonae jume tane pocotsiwa cueicueijan xuano xua tane pocotsiwan xua exananno. <sup>19</sup> Nacom neexana xua pia Pejumope tũnaꝰ tatsi pia peayapusꝰ itorobi coyenewatha exanan pexeinya petsita itũbi coyenewan po coyene jiwi jũntꝰ coyene nabenaeca cana exainchi. Daxota poxonae Jerusalén tomara wewarapiyan daxita jiwitha cueicueijan tsoponae Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui jopan. <sup>20</sup> Daxota ichichipeiban xua tacueicueijejiwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueijeji barapo diwesi. <sup>21</sup> Poxonae xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomonae cataunxuae jopa tsipaebichi po diwesi  
 xua bapon peyabara paebiwatsi, barapomonae  
 jume taena, xua bapon yabara jume taeinchi.  
 Bapoxonae barapomonae yaputaena po diwesi  
 xua bapon peyabara paebiwatsi xua daxota  
 bapon jume cowantsinchi”, jei  
 Nacom Pejume Diwesitha tatsi.

*Meje xua poxonae Pablo paeba xua pinae beponaena Roma tomara beya*



<sup>22</sup> Ichamonae tatsipaebaponaexae barapo diwesi jopa neitacupaeyo xua tapaca casiwa ponaewatsi. Bequein bayatha ichichipeiban xua tapaca casiwa poneibiwa tsainchi ichitha jopa neitacupeibiyo. <sup>23</sup> Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi. <sup>24</sup> Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejuntũ coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapanana neyawenaewam tsane pocotsiwa nantawenonan tawarapae-wanexa poxonae painya tomara weya ponaein. <sup>25</sup> Ichitha anoxuaetha copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae irũũ pejume cowũntsiwi Cristo. <sup>26</sup> Macedonia nacuapiwi irũ Acaya nacuapiwi pomonae pejume cowũntsiwixae Cristo daxita barapomonae pia coya juntucuru exana po coyene tsita coyene xanepanatsi. Barapomonae taitoroba paratixi Jerusalén tomarapiwi nexa, pomonae peacopeibiwi pomonae irũ jume cowũnta Jesús icha paxam paichim. <sup>27</sup> Barapo pejume cowũntsiwi pomonae Macedonia nacuapiwi irũ Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichũn. Ichitha barapomonae bewa yawenaena pomonaetha pomonae acopeibiwi. Barapomonae pomonae jopa judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawenae barapomonaetha judiomonaetha pocotsiwantha xua barapomonae pexeinaexae Nacom weya. <sup>28</sup> Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya. <sup>29</sup> Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita juntũ coyene xanepana xua daxota painya nejuntũ coyene weiweinaewa tsane.

<sup>30</sup> Tamonae pam, paxam pomonae irũ painya nejume cowũntsiwixae Jesucristo. Paca wũcatsi xua be caemonae panaexande xua ajumesũya daunweya painya pana nebarũ tsipaebinexa Nacomtha xua bapon tana neyawenaewa tsane xua tatanacuichiwa bapon. Baxua paca wũcatsi irũ painya jume cowũntsixae Jesucristo pon Wanacanamataxeinaeinxae. Barichi paca wũcatsi irũ painya xeinaexae po peantobe coyenewa Nacom pia Pejumope tũnaxũ tatsi naca cata. <sup>31</sup> Nacomtha painta tsipaebare xua jopa abe tana neexanaenexa pomonae Judea nacua pejinompaewi, pomonae jopa pejume cowũntsiwi. Mataũtano Nacomtha painta tsipaebare xua barapo Jerusalén tomarapiwi pomonae pejume cowũntsiwi jiwĩ tanententa cobe wenotsinexa barapo paratixi. <sup>32</sup> Bapoxonae icha Nacom ichichipaena juntũ coyene weiweinaya paca siwa patopaeinchi. Mataũtano nafifina caewatsin xua tapaca casiwa ponaewatsixae tsainchi. <sup>33</sup> Barabũ Nacom pon juntema jinompa naca cana exana paca barũ poponaena daxita. Je, bara ichi tsane.

## 16

### *Meje yabara poxonae Pablo jacoba Roma tomarapiwi*

<sup>1</sup> Anoxuae yabara paca tsipaebatsi powa pewũn Febe, powa beta peexanaewayo. Bapowa paca siwa ponaena. Bapowa be wamcho watsicotaewa irũ pejume cowũntsixae Jesús. Barapowa Nacom tanacuitatsi xua yawenatsi pomonae pejume cowũntsiwi jiwĩ Cencrea tomaratha. <sup>2</sup> Barapowa wũnaeya pantenta weyataeya wabare Jesucristo piamonae jiwanaxae pon Wanacanamataxeinaein. Baxua bewa paexanaem icha pomonae pejume cowũntsiwi ichi xua bewa nantiya nantenta weyataeya wabeibina.

Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomonae. Yawano barapowa bayatha iru neyawena.

<sup>3</sup> Painta jacobare powa pewan Prisca. Iru painta jacobare, pia pebin tatsi, Aquila, tsipei baru nacuitanbe barapo tanacuichiwa po coyenein exanan Cristo Jesús nexa. <sup>4</sup> Baraponbe bara muxu petupaebe tana necapanepaenexabe poxonaie ichamonae juntucuru muxu tana nebexubi. Daxota xan baranbe: “Maisa juntu coyene weiweinan xua tapaneyawenaemxaebe”, jan. Barichiru daxita pomonae Nacom pejume cowantsiwichi pomonae jopa judiomonae naexanaeyo pomonae Nacom petsita nacaetuteibiwichi xua wanae pejointeibinexatsi, jeye: “Maisa pajuntu coyene weiweinan xua paxambe pana neyawename xua Pablo jopa petupaewa”, jei. <sup>5</sup> Iruano painta jacobare pomonae nacaetuta Prisca pia pebinbe pia botha tatsibe. Matautano painta jacobare Epeneto pon tajiton, pon bichocono antobein. Bapon pon copiya jume cowanta Cristo Asia nacuatha. <sup>6</sup> Matautano painta jacobare María. Barapowa powa bichocono pacata nacuita. <sup>7</sup> Matautano painta jacobarebe Andrónico iru Junias ponbe iru judiomonaepinbe icha xan ichin. Baponbe neyawa baru muxuna etabe jiwi pecubi botha. Matautano baponbe Jesucristo pia peitorobi jiwi tatsi jiwanae. Jiwi beta yaputaena xua baponbe bara Jesucristo pia peitorobi jiwi jiwanae tatsi. Baponbe caena bayatha netsiwana jume cowantabe Cristo.

<sup>8</sup> Painta jacobare Ampliato pon tajiton, pon bichocono antobein, pon iru pejume cowantsixae pontha pon jiwi Pecanamataxeinaein. <sup>9</sup> Painta jacobare Urbano, pon xua naca baru muxuna tanacuita Cristo. Matautano painta jacobare Estaquis, pon tajiton, pon bichocono antobein. <sup>10</sup> Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowantsiwatsi poxonaie bequein abe taexaneibatsi ichamonae. Matautano painta jacobare Aristóbulo piamonae tatsi. <sup>11</sup> Matautano painta jacobare Herodión pon iru judiomonaepinbe icha xan ichin. Iru painta jacobare Narciso piamonae tatsi pomonae pejume cowantsixaeeru pontha pon jiwi Pecanamataxeinaein. <sup>12</sup> Iru painta jacobare powa Trifena iruano powa Trifosa. Barapowayobe, powayobe iru tanacuitabe xua pon jiwi Pecanamataxeinaein tanacuitatsibe. Iru painta jacobare Pérsida powayo tajitowayo, powayo antobein iruru pejume cowantsixaeeru. Barapowa iruru nawita daunweya tanacuitaru xua pon jiwi Pecanamataxeinaein daunweya tanacuitatsi. <sup>13</sup> Iruano painta jacobare pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Iruano painta jacobareno bapon Rufo pena tatsi, powa iru be taena tsicotan. <sup>14</sup> Iru painta jacobare pon Asíncrito, iruano pon Flegonte, iruano pon Hermes iruano pon Patrobas, iruano pon Hermas. Iruano painta jacobare daxita pomonae iru pejume cowantsiwixae Cristo pomonae xua baru jinompatsi barapomonae. <sup>15</sup> Matautano painta jacobare pon Filólogo. Iruano painta jacobare powa Julia. Iruano painta jacobare pon Nereo, iruano Nereo pamcho tatsi. Iruano painta jacobare pon Olimpás. Matautano painta jacobare daxita pomonae iru pejume cowantsiwixae Cristo, pomonae baru jinompatsi barapomonae.

<sup>16</sup> Betiya painta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowantsiwichi pomonae xote jinompe, daxita barapomonae paca jacobá.

<sup>17</sup> Tamonae pam, paxam pomonae iru painya nejume cowantsiwixae Jesucristo. Paxam paca muxuwetatsi xua dota pam painya necui naitaewatsinexa pomonae xua tsana paca nacaexanae jiwi xua ainya bicheitobe paca cana exana. Barapomonae pacata ayapube exana xua painya nejume cowantsiwa Cristo. Barapomonae catsawa yabara jume toxechiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae taju pajume cuitaya ponde.

<sup>18</sup> Barapomonae jopa tanacuichiyo xua Jesucristo jopa tanacuichichi pon Wanacanamataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume. <sup>19</sup> Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono j̄nt̄x̄ coyene weiweinan. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya nexanaenexa. Matautano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane. <sup>20</sup> Nacom bapon apara pon j̄nt̄x̄ema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barab̄x̄ Jesús, pon Wanacanamataxeinaein, paca yawenaena pia paca necaantobexae.

<sup>21</sup> Ir̄no Timoteo paca jacoba pon nebar̄x̄ nacuita Jesucristo nexa. Matautano pon Lucio, ir̄no pon Jasón, ir̄no pon Sosípater, barapoyobe paca jacoba. Barapoyobe ir̄ judiomonaepinbe, icha xan ichin.

<sup>22</sup> Xan Tercio, barapo carte saya tatinan Pablo. Xan bapon ir̄r̄x̄ paca jacobatsi ir̄r̄x̄ taantobexae pon jiwi Pecanamataxeinaein.

<sup>23</sup> Ir̄r̄x̄ pon Gayo bapon paca jacoba. Xan Pablon bapon Gayo pia botha tatsi anoxuae poponan. Baxota pia botha tatsi tanacaetutatsi pomonae pejume cow̄nt̄si jiwi, Nacom w̄nae pejainchinexatsi. Ir̄no Erasto paca jacobar̄x̄ pon paratixi peenaen Corinto tomaratha xua Corinto tomarapiwi pia paratixi tatsi. Ir̄no Cuarto bapon paca jacoba, pon ir̄x̄ pejume cow̄nt̄sin Cristo.

<sup>24</sup> Barab̄x̄ Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

*Meje xua Pablo Nacom w̄nae jaintatsi poxonae najume opi duta exana barapo carte*

<sup>25</sup> Barab̄x̄ w̄nae jaintatsi Nacom. Nacom itac̄patsi xua paca aj̄nt̄x̄yap̄us̄ya cana exana xua beta painya nejume cow̄nt̄sinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena naca forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei ab̄x̄ be namicha jume yaw̄n xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi. <sup>26</sup> Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Matautano jiwi yaputane poxor̄u Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cow̄nt̄sinexa Cristo. Matautano jume tane exana xua barapo jiwi peexanaewa tsane pocotsiwa Nacom itoroba.

<sup>27</sup> Barab̄x̄ Nacom w̄nae jaintatsi, pon meisa compa yatsicaewa daxita peyaputaen. Jesucristo naca cana exana xua Nacom w̄nae wajainchiwa xua ataya nexa. Je, bara ichi tsane.

Baja Pablo.

## Meje Po Carte Copiya Tatina Pablo Corinto Tomarapiwi Tatinatsi

### *Meje poxonae Pablo tatina Corinto tomarapiwi*

<sup>1</sup> Xan, Pablon, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi. <sup>2</sup> Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wuna exanaenexa Nacomtha. Pacata tinatsi daxita nacuapiwi pam, pomonae iru painya nejume cowantsiwixae pam Jesucristo, xua pomonae painya newun ununeibiwi Jesús pewun poxonae pawaqueibame Nacomtha. Bapon Jesucristo Wanacanamateaxeinaein iruru daxita nacuanthapiwi pomonae pejume cowantsiwi barapomonae pia Pecanamamateaxeinaeinchi tatsi. <sup>3</sup> Barabu Nacom Waxa, iru Jesucristo pon jiwi Pecanamamateaxeinaein junte ma jinompa paca exanaena. Matautano barabu baponbe paca yawenaena pia paca necaantobewaxae.

### *Meje poxonae Pablo tawuca Nacomtha Corinto tomarapiwi*

<sup>4</sup> Daxita matabi tsaibi Nacomtha pacata tsipaebatsi, jan tsaibin: “Nacom maisa juntu coyene weiweinan xua barapomonae tana neyawenaewa xua Cristo Jesús peantobexae barapomonaetha”, jan tsaibin. <sup>5</sup> Painya neyawa muxuna jinompaexae Cristo, daxota Nacom peayapusawa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon. <sup>6</sup> Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanapona. <sup>7</sup> Paxam paxei name pocotsiwa Nacom pia Pejumope tuxaxu tatsi paca cata, daxita xua pocotsiwan panantawenona xua betiya painya nejinompaewa tsane Nacom nexa. Daxita baxuan paxei name dubenanaebiyane poxonae cataunxuae pawuna ewatsi name xua poxonae Jesucristo po mataqueitha equeicha patopeicaena pon Wanacanamateaxeinaein. <sup>8</sup> Nacom paca yaweneibina xua paajuntuxuya jinompaename beya poxonae Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentiwa xua abe painya neexanaexae Nacomtha xua poxonae equeicha patopaetsica pon Wanacanamateaxeinaein Jesucristo. <sup>9</sup> Nacom bara ataya exaneiba pocotsiwa pia petsiwnae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamateaxeinaein, Nacom Pexanto tatsi.

### *Meje poxonae Pablo yabara paeba po coyene pomonae pejume cowantsiwi Cristo xua natsaba nacana exana*

<sup>10</sup> Tamonae pam, paxam pomonae iru painya nejume cowantsiwixae Jesucristo. Jume daunweya paca tsipaebatsi tajuntu coyenetha tsipei daxita paxam Jesucristo piamonae tatsi pam pon Wanacanamateaxeinaein. Caemonae peburuya cuita pacueicueijan tsurubenanaebiyama. Jopa pana najume matsontsonobinde xua daxota painya nenatsabiwam tsipae. Jame maisa peburuya pananta xeinare xua be bara caemonae pam. <sup>11</sup> Tamonae pam, pomonae iru painya nejume cowantsiwixae Jesucristo. Daxota baxua paca tsipaebatsi, yaitama yabayo powa pewun Cloé piamonae tatsi netsipaeba pinae paxam nantiya pana najume matsontsonoba dubenanaebiyame. <sup>12</sup> Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonae jeye: “Apolos yabara jume cowantan

pocotsiwa cuiduba”, jei. Ichamonae jeye: “Pedro yabara jume cowuntan pocotsiwa cuiduba”, jei. Ichamonae jeye: “Cristo yabara jume cowuntan pocotsiwa cuiduba”, jei. <sup>13</sup> Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara paca bautisabichi tawuntha xua daxota tamonaе painya nenaexanaexam. <sup>14</sup> ¡Pai jaibo! ¿Incane metha barichipaein? ¿Incane metha bautisabichipan? Daxota Nacom tsipaeban janje: “Nacom maisa juntа coyene weiweinан xua barapomonaе jopa tabautisabiwa”, jan. Saya meisa bautisaban Crispo iruru Gayo. <sup>15</sup> Daxota dapon aibi pon itacupatsi xua pejeiwa: “Xan nebautisaba Pablo pewuntha”, xua pejeiwa. <sup>16</sup> Jaina iruru Estéfanas piamonaе tatsi bautisaban. Ichitha ichamonae jopa yabara nanta xeinaeinyo xua tabautisabiwa bayatha. <sup>17</sup> Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijexa pecapanenebiyae diwesi. Ichitha jopa cueicueijanyo icha be ichi pon bichocono cueicueijei poxoru bichocono peyaputaexae. Ichi baxua exanaetsipan jiwi jopa yabara yaputaetsipae Jesucristo pia pecapanenebiyae diwesi xua poxonaе Cristo naetotha tsitupa jiwi.

*Meje poxonaе Pablo yabara paeba xua Cristo xeina Nacom pia peyapususwa tatsi xuanо Nacom pia peyaputae coyenewano tatsi*

<sup>18</sup> Ichamonae jopa beta yabara nanta xeinaeyo po diwesi xua Cristo petsitupaewa naetotha jiwi. Barapomonaе yawa muxuna weraweracaena abe peexanaewan. Barapomonaе jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonaе Nacom capanenebiyaena abe pia peexanae cuiru coyenein tatsi weya. Barapomonaе yaputane xua barapo diwesi bichocono peyapusus diwesi xua Nacom weya. <sup>19</sup> Nacom Pejume Diwesitha baxua yabara paeba. Nacom jeye: “Weraweraca exanaein peyaputae coyenewan, po peyaputae coyenewan xeina pomonaе peyaputaewi. Pecuidubi coyenewan beban tsane, po pecuidubi coyenewan xeina pomonaе peyaputaewi”, jei Nacom.

<sup>20</sup> Pon xua peyaputaеin iru pon xua pecuidubin, iru pon jume daunweya yabara cueicueijei po nacuathe, barapomonaе Nacom jopa tsita ainya cuichi. Nacom cui capona peyaputae coyenewan, po peyaputae coyenewan xeina pomonaе peyaputae jiwi barapo cae pin nacuathe. <sup>21</sup> Nacom xainyeya xeina peyaputae coyenewa. Nacom jopa copatsiyo jiwi xua peyaputaewatsi bapon, peyaputae coyenewatha po peyaputae coyenewa xeina pomonaе jinompa barapo cae pin nacuathe. Jame Nacom ichichipa xua capanepa jiwi abe pia peexanae cuiru coyenein weya pejume cowantsixaetsi poxonaе pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi. <sup>22</sup> Judiomonaе ichichipa tane nawita Nacom pia pex-einya petsita itatsi coyenewan xua pejume cowantsinexa tsane Nacom Pejume Diwesi. Seicaya nama griegomonaе yabara jeita nawita barapo irathe pia peyaputae coyenewan xua pejume cowantsinexa tsane Nacom Pejume Diwesi. <sup>23</sup> Ichitha paxan payabara cueicueijan Mesías pon naetotha tsitupa xua jiwi abe pia peexanae cuiru coyenein tatsi. Barapo diwesi judiomonaе jopa be jume jejeyo poxoru tsita ajumbetsi. Seicaya nama pomonaе jopa judiomonaе naexanaeyo tsita penamitacueinchi diwesichi barapo diwesi. <sup>24</sup> Ichitha pomonaе Nacom waba pomonaе bara metha bequein judiomonaе tsipae iruru pomonaе metha bequein jopa judiomonaе naexanaeyo tsipae barapomonaе jame Jesucristo jume cowuntatsi. Barapomonaе nanta xeina xua Mesías xeina Nacom pia peyapusus coyenewa tatsi matautano xua Nacom pia peyaputae coyenewa tatsi xua jiwi pecapanenebiyaenexa tsainchi. <sup>25</sup> Pocotsiwa jiwi

tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peayapusatsi xua Nacom xeina baxua apara bara jame Nacom tsita peayapusu coyenewatsi bichocono, beyacaincha po peayapusu coyenewa jiwi xeina barapo cae pin nacuathe. <sup>26</sup> Tamonae pam, paxam pomonae iru painya nejume cowantsiwixae Jesucristo. Paxam bewa pana nacayabara nanta xeinaem xua eta po jiwi pam xua poxonae Nacom aena paca waba. Bapoxonae pananta xeiname xua saya paxam caeyobe pam pomonae peyaputae jiwi pam. Barichi paxam saya caeyobe pam pomonae peayapusuya itorobi jiwi pam. Matautano paxam saya caeyobe pam pomonae peainya cui jiwi pam. <sup>27</sup> Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejuntu coyene faefaenaewi pejume cowantsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa peajuntucoyenesuwa. <sup>28</sup> Nacom itapeta pomonae barapo cae pin nacuathepiwi jiwana, pomonae pecui pawi jiwi xua piamonae peexanaenexa. Barapomonae pomonae ichamonae abe peyabara paebiwichi, matautano xuano pomonae ichamonae jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi. <sup>29</sup> Daxota dapon aibi pon peitacupaewatsi xua Nacom peitabaratha atsaquiya penayabara paebiwa xua peainya cui jitonxae. <sup>30</sup> Nacom paca exana xua painya neyawa jinompaewa Cristo Jesús pia peajuntuayapusuwa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitupa naetotha wanaca capanenebiyaenexa abe waexanae cuiru coyenein weya. <sup>31</sup> Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bu jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

## 2

### *Meje xua Cristo petupaewa diwesi yabara*

<sup>1</sup> Tamonae pam, paxam pomonae iru painya nejume cowantsiwixae Jesucristo. Patopan painya xantha tapaca catsipaebinexatsi Nacom pia pexainyei diwesi jume. Bapoxonae jopa paca tsipaebichi po diwesi ayapube xua tacueicueijejiwa xua poxonae icha ichi xua paeba pon peyaputaecin bichocono. <sup>2</sup> Poxonae poponan painya xantha, saya meisa Jesucristo yabara nanta xeinan xua tapaca catsipaebinexatsi. Matautano yabara tapaca catsipaebinexatsi po coyene poxonae bapon naetotha tupa. <sup>3</sup> Poxonae paxamtha naitatan nayabara nanta xeinan xua neita coxana xua beta tacueicueijejiwa. Matautano tajunuwi unthuthu deideijan. <sup>4</sup> Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueijeji pon

bichocono peyaputaen. Ichitha seicaya nama paca tsipaebatsi tana neitorobixae Nacom pia Pejumope t̃nax̃ tatsi yawano Nacom pia peayapus̃ itorobi coyenewathano. <sup>5</sup> Daxota poxonae pajume cow̃ntame Jesucristo apara poxoru jopa painya nejume cow̃ntsixae jiwi pia peyaputae coyenewa. Apra jame poxoru Nacom painya nepaca yawenaexae pia peayapus̃ itorobi coyenewatha daxota pajume cow̃ntame.

*Meje yabara xua Nacom naca yaputane exana pia Pejumope t̃nax̃tha tatsi*

<sup>6</sup> Paxan pacueicueijan pomonaetha pomonae bichocono pejume cow̃ntsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apra barapo cae pin nacuathe weya ponaeyo. Matautano jopa apra barapo coyene xua po coyene jopa ponaeyo pomonae piamonae itorobiya pecanamataxeinaewi weya. Pomonae anoxuae piamonae itorobiya pecanamataxeinaewi werapaena, yawano weraweracaena pia peyaputae coyenewan tatsi. <sup>7</sup> Po coyene xua paca tsipaebatsi apra Nacom pia peyaputae coyenewa tatsi. Barapo coyene caena bayatha Nacom namicha yaw̃n xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pew̃naeya poxonae Nacom naca forotsina bapon nanta xeina xua naca capanepaena. Baxua apra Nacom pia peyaputae coyenewa tatsi xua matapainya naitata. <sup>8</sup> Barapomonae pomonae piamonae itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonae yaputaetsipa metha jopa Jesucristo naetotha t̃pa exanaetsipaetsi, pon jiwi Pecanamataxeinaein, pon pexeinya peit̃panae coicha pexeinaein. <sup>9</sup> Nacom Pejume Diwesitha baxua yabara jeye:

“Nacom bayatha jiwi tsiw̃naeta po jiwi peantobewixaetsi pocotsiwan xua bichocono pew̃naewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiw̃naeta pocotsiwa xua jiwi jopa bapana yabara nanta xeinae jopa juniya pew̃naexae”, jei Nacom Pejume Diwesitha.

<sup>10</sup> Nacom yabara naca yaputane exana baxuan pia Pejumope t̃nax̃tha tatsi. Nacom pia Pejumope t̃nax̃ tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yaw̃n xeina.

<sup>11</sup> Jiton dapon aibi pon itac̃patsi xua yaputane ich̃n pia pej̃nt̃ coyene tatsi. Saya jame meisa ich̃n itac̃patsi xua pia coutha naj̃nt̃ coyene yaputane. Bara j̃ta ichi meisa Nacom pia Pejumope t̃nax̃ tatsi yaputane xua Nacom pia pej̃nt̃ coyenewa tatsi. <sup>12</sup> Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apra jame seicaya naca cata pia Pejumope t̃nax̃ tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae. <sup>13</sup> Waxainchi diwesi cueicueijeichi pomonaetha pomonae Nacom pejume cow̃ntsiwi po coyenetha Nacom pia Pejumope t̃nax̃ tatsi naca yaputane exana. Jopa apra barapo diwesi cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope t̃nax̃ tatsi ichichipa paeba pomonaetha pomonae Jesús pejume cow̃ntsiwichixaetsi. Barapomonae yaputane barapocotsiwan.

<sup>14</sup> Nama pon jopa pejume cow̃ntsin Jesús jopa yaputaeyo pocotsiwan wacueicuei-jeiwa, pocotsiwan Nacom pia Pejumope t̃nax̃ tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesi tsipei

jopa xeinaeyo Nacom pia Pejumope t̃nax̃ tatsi xua peyawenaenexatsi xua peyaputaewanexa. <sup>15</sup> Jame pon pejume cow̃antsin Nacom, bapon yawenatsi Nacom pia Pejumope t̃nax̃ tatsi xua yabara peyaputaewa daxitan. Ichamonae jopa itac̃paetsi xua bapon peyabara paebiwatsi xua penatsicuentisiwa xua abe peexanaexae. <sup>16</sup> Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

### 3

#### *Meje xua Pablo yabara paeba pomonae penabar̃ nacuichiwi Nacom nexa*

<sup>1</sup> Tamonae pam, paxam pomonae ir̃ painya nejume cow̃antsiwixae Jesucristo. Jopa neitac̃paeyo xua tapaca catsipaebiwa tsainchi icha bichocono pajume cow̃antame Nacomtha icha be pocotsi jiwimonae ichi pomonae bichocono jume cow̃anta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cow̃antame Cristo. <sup>2</sup> Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitac̃paeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itac̃paetsi xua pewito pexaewa. <sup>3</sup> Paxam cataunxuae painompame icha be ichi poxonae jinompa pomonae jopa pejume cow̃antsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cow̃antsiwi Nacom. <sup>4</sup> Ichamonae pomonae paxam jiwana pam, jeye: “Pablo yabara jume cow̃antan pocotsiwa cuiduba”, jei. Ich̃n jeye: “Apolos yabara jume cow̃antan pocotsiwa cuiduba”, jei. Poxonae papaebame baxua barapoxonae bara pajinompame icha jiwi ichi poxonae jinompa pomonae jopa pejume cow̃antsiwi Nacom.

<sup>5</sup> Daxota paca tsipaebatsi: Xan Pablo jopa taainya cui jiton, barichir̃ Apolos. Apra paxanbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaebe daxota pajume cow̃antame Jesucristo pon jiwi Pecanamataxeinaein.

<sup>6</sup> Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apra bapon, pon paca yawena xua painya nejume cocow̃antaponaenexa. Barapo coyene icha be nae ichi xua pẽbi nae. Ich̃n ubanota. Ich̃n mera mata epababapona. Ichitha nama Nacom, apra bapon, pon exana xua xaniwaicha xuwa. <sup>7</sup> Ich̃n copiya uba ir̃ ich̃n xuya mata epababaponaexae meratha, pon pẽbixae jopa ainya cui jitonyo. Ir̃ pon xuya pemata epababaponaexae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos ir̃ xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe. <sup>8</sup> Pomonae xua uba ir̃ pomonae xuya meratha mata epababapona barapomonae Nacom tsita naj̃patsi. Nacom pentoma cata barapomonaetha be pocotsi coyeneya xua barapomonae petanacuichiwa. Pon xua abeya petanacuichixae, be conotha matoma catsinchi. Pon xua w̃naeya petanacuichixae, w̃naeya matoma catsinchi. <sup>9</sup> Paxan pana nabar̃ yawa tanacuitan Nacom xua pata cueicueijeiiwa Nacom Pejume Diwesi poxonae paca cuidubatsi xua painya nejume cow̃antsiwa tsane Nacom. Barapocotsi j̃ta coyeneya paexanan poxonae Nacom Pejume Diwesi paca cuidubatsi icha pebin ichi



poxonae uba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntā coyene xanepanaewa tsane. Baxua Nacom paca cana exana, icha be pocotsi jūta coyeneya ichi poxonae pebin bomaxū acabapona xua beya poxonae bichocono pexeinya bo. <sup>10</sup> Nacom necopata xua ponxaein copiya matha tapaca cayawenaewatsi xua painya nejume cowantsinexa bapon. Nama bapoxonae xuya ichamonae paca cuidubapona Nacom Pejume Diwesi xua painya nejume cocowantaponaenexa. Barapocotsi jūta coyeneya exanan poxonae tapaca cayawenaewatsi, icha pebin ichi pon peyaputaein xua bo peacabiwa poxonae bo acaba po bo ibo bo. Bapon copiya matha tsicobe nobabareca po iboton beta petabū caumenaewa xua ichamonae tsicobe nobabarecatsi. Athawetsica xuya ichamonae exanapona. Daxita pomonae acaba barapo ibo bo bewa beta xanepanaya exanaena icha jiwi ichi xua poxonae bewa beta taexanaena xua pocotsiwa taexana Nacom nexa. <sup>11</sup> Poxonae jiton ibo bo acaba bapon copiya beta noba po iboton xua copiya nanta caumena. Bapoxonae ichūn bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jūta coyeneya ichi, poxonae paca cuidubatsi Jesucristo pejume diwesi. Ichūn bewa beta yabara paca cuidubina icha coyene xua baxua painya nejume cowantsinexa. <sup>12</sup> Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusū be pocotsiwa pewūn oro nain, yawano pocotsiwa xua pewūn plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jūta ichi, pebin itacupatsi xua yawanaena ichamonaetha. Ichacuitha beta cuidubina pomonae xua jume cowanta Jesucristotha pocotsiwa xua bichocono ayapusū. Ichacuitha cuidubina pocotsiwa xua pepawi pomonae xua jume cowanta Jesucristotha xua jopa ayapusūyo. <sup>13</sup> Jopaena matabi po mataqueitha Nacom yabara paebina jiwi xua penatsicuentisiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapusū po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa. <sup>14</sup> Icha pebin exana pocotsiwa xua bichocono ayapusū xua Nacom nexa, Nacom matoma catsina bapontha. <sup>15</sup> Ichitha icha ichūn taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonae Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

<sup>16</sup> Barapara paxam payaputaneme xua painya jūntā coyene Nacom tsitatsi xua bara be Nacom pin pia bo tatsi tsipei Nacom pia Pejumope tūnaxū tatsi popona painya jūntā coyenetha. <sup>17</sup> Icha ichūn saraboba Nacom pin pia bo, Nacom xuya weraweraca exanaena barapo jitontha. Nacom pin pia bo tatsi, bara po bo Nacom tsita xanepanatsi poxoru pia Pejumope tūnaxū tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca jūntā coyene itoroba xua abe painya neexanaewa tsane. Nacom baxua exana tsipei Nacom pia Pejumope tūnaxū tatsi popona painya jūntā coyenetha.

<sup>18</sup> Jopa pacopatsinde xua painya coutha pana namuxuitorobame. Icha ichūn pia coutha nacayabara nanta xeina xua bichocono peyaputaein icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaein. Bapoxonae bapon bara Nacom tsita be pon pepa peyaputaeinchi. <sup>19</sup> Nacom tsita penamitacueinchi jumetsi po peyaputae coyenewan yaputane jiwi

pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentisiwa xua abe peexanaexae pocotsi jiton peyaputaen, peexanaexae barompaya pia peyaputae coyenewatha”, jei Nacom Pejume Diwesitha. <sup>20</sup> Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha. <sup>21</sup> Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaen beyacaincha ichan pon peyaputaen”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irano daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane. <sup>22</sup> Xan Pablon Nacom neitoroba, iru Apolos itorobatsi, iru Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajuntuyapusawa, po coyenewano petupae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa. <sup>23</sup> Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

## 4

### *Meje xua Jesucristo pia peitorobi jiwi tatsi taexana, Nacom taexanatsi*

<sup>1</sup> Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawun xeinaewa tatsi po coyene copiya bequein bayatha moya yawun xeina xua jiwi jopa yabara yaputaeyo. Barapo coyene xua moya peyawun xeinaewa, anoxuae Nacom najume yabara copata xua jiwi bara peyaputaenexa. <sup>2</sup> Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana. <sup>3</sup> Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeinio xua icha metha barapo coyene jopa exanaeinio, xua daxota tanatsicuentisixae abe taexanaexae Nacomtha. <sup>4</sup> Tajuntu coyene netsipaeba xua bara pinae xanepanaya taexanaewa. Bequein tajuntu coyene baxua netsipaeba ichitha jopa nayaputaeinio xua metha apara abe taexanaewa xua daxota Nacom tsita natsicuantan. Nacom pon jiwi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejuntu coyene yaputane icha bara metha tsita xeinan xua tanatsicuentisiwa xua abe taexanaexae. <sup>5</sup> Jopa bepijawa payabara paebinde ichamonae xua abe pia peexanaewa. Abu tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntu coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntu coyeneintha xua penatsicuentisiwan po coyenein xua Nacom petsita exanaewatsi. Daxita barompaya jiwitha Nacom yabara

paebina po coyene pia petaexanaewichi. Pontha pon xanepanaya petanacuitsinchi Nacom wɥnae jainchina bapontha. Nacom jopa wɥnae jainti tsane pon jopa xanepanaya petanacuitinchi.

<sup>6</sup> Tamonae pam, paxam pomonae irɥ painya nejume cowɥntsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara irɥ xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyo Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichɥn bichocono peainya cui jiton beyacaincha ichɥn. <sup>7</sup> Nacom jopa paca exanaeyo xua peainya cui jiwi pam beyacaincha xua ichamonae pomonae irɥ pejume cowɥntsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apara jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apara pajɥntemainame pocotsiwa xua Nacom painya nepaca catsibiwa daxita.

<sup>8</sup> Itara mexeya daxita painya nexinae jiwi pam po coyenein xua paichichipame painya neyaputaewa Nacom yabara daichitha jopa barapomonae pam. Pananta xeiname icha pomonae copei pexeinaewi ichi irɥ icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita xua Nacom Pejume Diwesi yabara xua bapoxonae pata tana nebarɥ yaputaewam tsane daxita Nacom Pejume Diwesi. <sup>9</sup> Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonae pecui pawɥ jiwimonae pan xua daxota daxita nacuanpiwi irɥ matatsunpiwi pana ichichi xeica. <sup>10</sup> Jiwi pana neyabara nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaeyo. Paxan jiwi pana yabara nanta xeina xua pajɥntɥ coyene fae-faenabenan. Jaina nama pana nayabara nanta xeiname xua pajɥntɥ coyene daunwam Nacomtha. Jaina maisa jiwi paca barɥ cui itura jina, jopa pana daichibenaeyo. Nama atsaquiya abeya pana yabara paeba. <sup>11</sup> Caena bayatha beya anoxuae, paxan bichocono pajainpan. Mataɥtano pameratsipanno bichocono. Mataɥtano painta paparuwan bichocono jonopa. Jiwi pana neba bichocono. Yawano jopa bo paxeinaeyo. <sup>12</sup> Pana nacobe fifinatontan, patain pata nacuichixae bichocono. Bequein jiwi tsɥmɥ jumetha pana casebeiba daichitha barapomonae Nacomtha patawɥqueiban xua barapomonae peyawenaenexa tsabi tsainchi. Poxonae jiwi pana atene exaneiba bara saya pacui copatan. <sup>13</sup> Bara bequein jiwi abeya pana neyabara paebeiba ichamonae, daichitha baxua jopa pajume naitaewatsinyo. Saya jame xanepanaya patsipaeban barapomonae. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonae jiton ichi poxonae piawa basuratha xuba. Baxua jiwi painta exanapona beya anoxuae.

<sup>14</sup> Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi. <sup>15</sup> Bequein icha bara metha paxeinaetsipame diez mil poyobe pomonae painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan

compan copiyan pon be painya axa tapacata natsicotaeinchi, tsipei paxam copiya Cristo Jesús pajume cowantame poxona paca cuidubatsi Nacom Pejume Diwesi. <sup>16</sup> Daxota bichocono paca muxu jeichi, paexanaponde icha xan ichin xua exanaponan.

<sup>17</sup> Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowantsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowantsixae Cristo Jesús. Barapo coyenein cuidubeiban ichaxota poneiban daxita i dapocotsi penacaetutsi bon jiwitha pomona Nacom pejume cowantsiwichi. <sup>18</sup> Ichamona pomona paxam jiwana pam, bichocono juntu coyene yucatsi xua ichamona peabiwatsi. Baxua exana tsipei barapomona nanta xeina xua xan jopa tapaca siwa ponaewa tsainchi. <sup>19</sup> Icha Nacom pon jiwi Pecanamataxeinaein copatsina xua bara taponawa tsane aunxuae paca siwa ponaeinchi. Bapoxona taein pomona xua ichamona peabiwichi icha metha barapomona xeina Nacom pia peayapusu itorobi coyenewa tatsi. Ichacuitha metha tsipae apara metha saya paeba. <sup>20</sup> Jiwi jopa patsi tsane Nacom pia peitorobi nacua beicha xua poxoru wuna pepaebixae tsane pia coutha. Apra jame jiwi patsina bara beicha pexeinaexae Nacom pia peayapusu itorobi coyenewa tatsi. <sup>21</sup> ¿Eta xua painyatsi? ¿Paca tsicapatinchi naewan xua xota paca beinchi? Jume apra. Ichacuitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

## 5

### *Meje xua poxona Pablo itaweta pon penowa tsiperu nacoyoba*

<sup>1</sup> Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomona bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua. <sup>2</sup> Paxam pomona painya nenanta xeinae jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya. <sup>3</sup> Bequein jopa yatsicaewa paca baru ecaetsi ichitha paca yabara nanta xeineibatsi be poxona paca baru ecatsi yatsicaewa. Bara bapon yabara paeban xua penatsicuentiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxona yatsicaewa tapaca baru ecaewatsi. <sup>4</sup> Poxonae panacaetutame daxita pam, pomona painya nejume cowantsi jiwi Jesús, paca yabara nanta xeineibinchi icha be poxona tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi paxeina dubenanaebiyama. <sup>5</sup> Pon xua awiya abe exanapona barapo jiton bara pacopare Satanastha pon caurimonae pia pentacaponaeintha tatsi. Bapoxonae barapo caurimonae pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonae barapo pebin equeicha jume cowantsina Nacom po pebin copiya abe peexanaexae. Pia pejumope tunaxu tatsi Nacom capanepaena po mataqueitha poxonae Jesús patopeicaena, pon jiwi Pecanamataxeinaein.

<sup>6</sup> Paxam jopa bewa atsaquiya pajinompam xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonae pinmonae painyamonae abe exanapona. Bara paxam payaputaneme pocotsi diwesiyo

ba jiwi yabara canaŋta jatsiya paeba baxua yabara xua pejeiwa: “Levadura matawun xoyo bequein peyauyo baxoyo daxita pantha cotowa exana”, xua pejeiwa. <sup>7</sup> Painya xainya weya patorore pon abe peexanaein abe peexanaeyainwa daxita painyamonaē xua icha bapon ichi xua abe exana. Barapo coyene icha be ichi poxonaē jiwi levadura bebai, po levadura peru levadura abe peexanaeyainwa pan matabuŋtha. Poxonaē bapo pebin patorotame bapoxonaē painyamonaē pomonaē pejume cowuntsiwi xanepanaya jinompaena. Caena bayatha judiomonaē juteba oveja xua poxonaē pewunaeya tsane poxonaē Egipto nacia weya pona. Bapoxonaē Nacom yabara junte maina judiomonaē abe pia peexanaē cuiru coyenein tatsi poxonaē cordero bexotsi xua oveja pebto penun. Nacom tsitatsi xua Cristo bara be cordero poxonaē tupa naetotha. Cristo naca tsitupa xua abe waexanaē cuiru coyenein icha cordero ichi xua tsitupa xua judiomonaē abe pia peexanaē cuiru coyenein tatsi. <sup>8</sup> Waxainchi jopa bewa peabe coyenewa exanaetsi. Jame bewa xaniwaicha juntu coyene xanepanaya jinompa dubenanaebiyaetsi Jesucristo pia pejume cowuntsiwichixaetsi.

<sup>9</sup> Icha cartatha paca tsipaebatsi xua jopa bewa painyamonaē jiwi pacana exanaem pomonaē pesi cui weiweinaē jiwi xua bequein jopa piseuri jiwi. <sup>10</sup> Barapomonaē pomonaē pesi cui weiweinaē jiwi pomonaē jopa pejume cowuntsiwi Jesús apara jopa paca tsipaebichi barapomonaē yabara. Pomonaē jimun jiwi xua ichichipa copei xeinaewi naexana xua beyacaincha ichamonaē pomonaē jopa pejume cowuntsiwi Jesús apara jopa paca tsipaebichi barapomonaē yabara. Pomonaē jopa pejume cowuntsiwi Jesucristo pomonaē pecaibi jiwi apara jopa paca tsipaebichi barapomonaē yabara. Pomonaē ibo nacomun wunaē pejainchiwi apara jopa paca tsipaebichi barapomonaē yabara. Barapomonaē pexainya weya painya newarapaenexa maisa jame bewa pawarapaem barapo cae pin nacia weya, xua ichaxota po nacia jiwaibi beya xua bara beya painya newarapaenexa. <sup>11</sup> Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomonaē abe peexanaē jiwi bequein paeba xua pinae jume cowanta Jesucristo. Barapomonaē jopa bewa payawa muxuna jinompaem pomonaē pesi cui weiweinaē jiwi, irano pomonaē jimun jiwi xua ichichipa copei xeinaewi naexana beyacaincha xua ichamonaē irano pomonaē ibo nacomun wunaē pejainchiwi, irano pomonaē nacyra penaexanaewi, irano pomonaē jiwi pebiataewi, irano pomonaē pecaibi jiwi daxita barapomonaē jopa bewa pabarun xaem bequein paca wabitha tsipaeno xua painya nenanabanaewa tsane”, jan. <sup>12</sup> Xan jopa neitacupaeyo xua jiwi tayabara paebiwa xua penatsicuentisiwa Nacomtha xua abe peexanaexae pomonaē jopa jume cowuntsiyo. <sup>13</sup> Jame apara meisa Nacom yabara paeba xua penatsicuentisiwa xua abe peexanaexae pomonaē jopa Nacom pejume cowuntsiwichi. Ichitha bewa payabara paebim xua penatsicuentisiwa pomonaē penacaetutsi jiwi pomonaē pejume cowuntsiwixae xua abe peexaneibixae poxonaē. Daxota bewa paxam patorotsim pon abe exana painya xantha pon penowa tsiperun wenacoyoba xua awiya baru jijnapona.

## 6

*Meje yabara pomonaē pejume cowuntsiwi Jesucristo xua peponaewa pontha pon jiwi yabara paeba xua penatsicuentisiwa xua abe peexanaexae*

<sup>1</sup> Poxonaē ichamonaē pomonaē pejume cowuntsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentisiwa xua abe peexanaexae. Jamaisa baxua paexaname xua pawacame pon jopa pejume cowuntsin pon jiwi yabara paeba xua penatsicuentisiwa xua bapon peitawetsinexa pomonaē abe peexanaewi. Bapoxonaē painya pia bapon paca tsipaebichi xua barapomonaē paca tsita nat-sicuenta xua abe peexanaexae. Jame bewa paponaname ichaxota nacaetuta pomonaē pejume cowuntsiwi Jesucristo. Bapoxonaē barapomonaē yabara paebina pomonaē

xua penatsicuentisiwi xua abe peexanaexae paxamtha. <sup>2</sup> Paxam payaputaneme xua pomonae pejume cowantsiwi Jesucristo, barapomonae yabara paebina pomonae xua penatsicuentisiwi xua abe peexanaexae pomonaetha pomonae barapo nacuathepiwi. Barichi bexa tsane poxonae Cristo patopeicaena payabara paebiname pomonae barapo nacuathepiwi xua penatsicuentisiwa xua abe peexanaexae. Daxota anoxuae bewa paexanaem xua payabara paebiname xua penatsicuentisiwa xua bequein bara conotha abe peexanaexae pomonaetha pomonae pejume cowantsiwi Jesucristo po coyenein bara bequein bichocono jopa abeyo. <sup>3</sup> Waxainchi yaputainchi xua bexa tsane wayabara paebiwa matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae Cristo patopeicaena. Daxota anoxuae paca itacupa xua painya neyabara paebiwa xua penatsicuentisiwa xua abe painya nepaca tsita exanaexae pomonaetha pomonae pejume cowantsiwi xua wajinompawea yabara barapo cae pin nacuathe. <sup>4</sup> Icha paxeiname po coyenein xua abe pacata exana pomonae iru pejume cowantsiwi, jopa bewa paponam ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin. <sup>5</sup> Baxua paca tsipaebatsi xua painya neauramnexa tsane. Pon ba peyaputaein bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa? <sup>6</sup> Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

<sup>7</sup> Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha. <sup>8</sup> Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

<sup>9-10</sup> Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxitorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuae: Pomonae pesi cui weiweinae jiwi, pomonae wanae pejainchiwi ibo nacomun, iru pomonae penotsiwi yabuxi powaxi bara bequein pia pebiwi xeina, iru po pebiwi cae pebiwi penaisa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamonae, iruru pomonae nacupa penaexanaewi, peatsaxa meran, iruno pomonae jiwi pebiataewi, iruno pomonae peyabara muxitorobi jiwi pecaibinexa. <sup>11</sup> Copiyatha paxam be barapocotsi jiwimonae pam xua poxonae matha aena pajume cowantame xua abe painya neexanae jiwi pam. Daichitha Nacom paca yabara jantemaina abe painya neexanae cuiru coyenein. Matautano Nacom paca yabara caunuta jeye: “Tapexuimonae jiwi”, paca yabara jei. Matautano Nacom jopa painya tsita natsicuentisiwa xua abe painya neexanaexae. Nacom pia Pejumo pe tnanaxu tatsi

iru Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

*Meje xua Pablo jei: “Wapepon Nacom piawa”, jei*

<sup>12</sup> Jiwi ba jeye: “Xan necopata xua bara taexanaewanexa pocotsiwa xua ichichipan”, jei. Bara bequein xainyei jiwi xua pepaebiwa, ichitha ichacuitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuitha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa. <sup>13</sup> Bara jiwi ba xainyeya paeba poxonae jeye: “Pexaewa wuna xua pecotsoro nexa, iru pecotsoro wuna xua pexaewa nexa”, jei. Ichitha bexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsiexana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa. <sup>14</sup> Icha Nacom ichi xua asu exana petupae cuiru coyene weya pon jiwi Pecanamataxeinaein Jesucristo, Nacom bara naca ichi tsane, asu naca exanaena petupae cuiru coyene weya pia peayapusu itorobi coyeneyatha.

<sup>15</sup> Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejuntu coyene xanepanae jiwi. Xan iru barapo pejuntu coyene xanepanae jiwi piamonae jiwanan tatsin. Daxota jopa benatsiperu jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon. <sup>16</sup> Paxam payaputaneme icha pebin natsiperu jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha. <sup>17</sup> Poxonae ichun cae juntu coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejuntu coyenewatha.

<sup>18</sup> Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichuntha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana. <sup>19</sup> Paxam payaputaneme xua Nacom pia Pejumope tana xatu tatsi paca baru jinompa pia paca nacana jumope tana xatu catsixae paxamtha. Icha barapo Nacom pia Pejumope tana xatu tatsi ichi xua paca baru jinompa, barichi barapo Nacom pia Pejumope tana xatu tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jiwi pam. <sup>20</sup> Nacom bayatha pacata pematomatsiwa exana xua poxonae Jesus naetotha painya nepaca tsitupaewa xua abe painya neexana cuiru coyenein. Daxota beta pajume cowantsiya jinompare ichamonae petitatha tatsi. Bapoxonae barapomonae Nacom baru cui itura jinatsi xua pon xanepanaya peexanaein poxonae paca cui tane xua xanepanaya pajinompame.

## 7

*Meje xua Pablo yabara muxuweta xua jitha peenaewa yabara*

<sup>1</sup> Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo bu bara moya jopa jitha ecae tsane, bequein bara baxua taxanepanatsi bapon. <sup>2</sup> Ichacuitha poxonae pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabuxi bewa barompaya seicaya notsina pia pebiwi. <sup>3</sup> Pebin bewa bara exanaena piowatha xua

poxonae peisa maitecae coyenewa. Barichir<sub>u</sub> yab<sub>u</sub>yo bewa bara exanaena pia pebintha xua poxonae petsicuara maitecae coyenewa. <sup>4</sup> Petsiriwa powa jitha eca, jopa bewa nayabara nanta xeinae xua penaper<sub>u</sub> xeinaewa xua saya pia coutha nexa. Jame bewa nanta xeinae xua apara bara pia pebin tatsi pia per<sub>u</sub>to tatsir<sub>u</sub>. Barichi pebin jopa bewa nayabara nanta xeinae xua penaper<sub>u</sub> xeinaewa xua saya pia coutha nexa. Jame bewa nanta xeinae xua apara bara piowa tatsi pia per<sub>u</sub>to tatsir<sub>u</sub>. <sup>5</sup> Petsiriwa jopa bewa aichaxaibi tsane xua isa maiteca pia pebin. Pebin ir<sub>u</sub> jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha w<sub>u</sub>cauyabe bapoxonae baponbe itac<sub>u</sub>patsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonae po mataqueitha najume wetsina xua Nacomtha p<sub>u</sub>w<sub>u</sub>caewabe bapoxonae jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pe<sub>u</sub>nt<sub>u</sub> coyene j<sub>u</sub>j<sub>u</sub>tsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

<sup>6</sup> Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa. <sup>7</sup> Ichichipan xua daxita jiwi jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene j<sub>u</sub>paeyo.

<sup>8</sup> Pomonae pemisa dubenaewi pam ir<sub>u</sub> powaxi painya seuriwi painya necacuenta werapaewaxichi pam, daxita barapomonae pam paca tsipaebatsi. Bara w<sub>u</sub>nae tsipae icha jopa jitha paenaemtsipae icha be xan ichin xua jopa jitha taecaewa. <sup>9</sup> Ichitha icha jopa paca itac<sub>u</sub>paeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

<sup>10</sup> Ichitha pomonae xua bayatha jitha painya neenaewi pam barapomonae pam paca itorobatsi. Jopa apara taitorobi coyeneya paca tsipaebichi. Jame apara Nacom taneitorobixae xua po coyeneya tapaca catsipaebinxatsi. Paca jeichi: “Yab<sub>u</sub>yo jopa bewa cuenta warapaena pia pebin xua pexubinexa”, paca jeichi. <sup>11</sup> Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

<sup>12</sup> Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cow<sub>u</sub>ntsin xeina piseuri powa jopa pejume cow<sub>u</sub>ntsiwayo bapon jopa bewa punaxubi tsane bapowa icha bapowa ichichipa xua bapon pebar<sub>u</sub> poponaewatsi. <sup>13</sup> Barichi icha yab<sub>u</sub>yo powa jume cow<sub>u</sub>nta xeina pebin pon jopa pejume cow<sub>u</sub>ntsin bapowa jopa bewa punaxubi tsane icha bapon ichichipa xua bapowa pebar<sub>u</sub> poponaewatsi. <sup>14</sup> Po pebin bequein jopa jume cow<sub>u</sub>ntsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cow<sub>u</sub>ntsiwayo. Barichi powa jopa bequein pejume cow<sub>u</sub>ntsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cow<sub>u</sub>ntsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cow<sub>u</sub>ntsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi j<sub>u</sub>nt<sub>u</sub> coyene xanepanena. <sup>15</sup> Ichacuitha pebin pon jopa pejume cow<sub>u</sub>ntsin ichichipa punaxuba piowa powa pejume cow<sub>u</sub>ntsiwayo. Bapoxonae bapowa bara



copata xua pepunaxubiwatsi pia pebin. Barichi ichacuitha yabꞑyo powa jopa pejume cowꞑntsiwayo ichichipa punaxuba pia pebin pon pejume cowꞑntsin. Bapoxonae bapon bꞑ bara copata xua pepunaxubiwatsi pia petsiriwa. Nacom copata barapomonae jopa pejume cowꞑntsiwixaetsi xua piseuriwi pepunapentsiwa tsipei ichichipa xua jꞑntemiya wanabarꞑ jinompaewa tsane saya. <sup>16</sup> Yabꞑyom icha ewatsiwatham tsipae xua jinya pebin pejume cowꞑntsinexa, daichitha jopa jume cowꞑntsipae Nacom. Barichi pebim icha ewatsiwatham tsipae xua jinseuri pejume cowꞑntsinexa, daichitha jopa jume cowꞑntsipae Nacom.

<sup>17</sup> Daxita paxam bewa xanepanaya pajinompaename icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxename ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowꞑntsiwichi. <sup>18</sup> Ichacuitha Nacom waba xua pebin wabatsi pejume cowꞑntsinexa tsane. Icha barapo pebin caena bayatha wi thabatsi bꞑ saya barabꞑ tsane baxua. Barichi ichacuitha Nacom waba xua pebin wabatsi pejume cowꞑntsinexa tsane. Barichi icha barapocotsi pebin caena bayatha jopa wi thabichi bꞑ saya barabꞑ tsane baxua xua jopa pewi thabinexatsi. <sup>19</sup> Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwi bewa exanaena, jame maisa bewa jiwi jume cowꞑntsiya exanaena pocotsiwa Nacom itoroba. <sup>20</sup> Daxita paxam bewa jꞑpa paexana dubenanaebiyaename icha copiya paichim xua paexana dubenanaebiyame poxonae copiya aena Nacom paca waba. <sup>21</sup> Poxonae Nacom waba pon paxam jiwana pam xua poxonaerꞑ bapoxonae amanaya tanacuita pia pentacaponaein, bapon jopa bewa yabara nantꞑ exabi baxuan xua pia saya poponaetsi. Ichitha icha bapon itacꞑpatsi xua saya pepoponaewa bꞑ moya saya popona xua jopa penantawenonaenexa tsane xua amanaya petanacuichiwa ichꞑn. <sup>22</sup> Barichi ichacuitha pon bayatha exanatsi xua amanaya petanacuichinexa ichꞑn bapon jume cowꞑnta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichꞑn bapon jume cowꞑnta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba. <sup>23</sup> Nacom pin matomatha pacata matomata poxonae Jesús naetotha paca tsitꞑpa abe painya neexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa. <sup>24</sup> Tamonae pam daxota paca itorobatsi xua painya nejume cowꞑnta dubenanaebiyaenexa Nacom, icha paichim xua pajume cowꞑnta dubenanaebiyame poxonae copiya Nacom aena paca waba.

<sup>25</sup> Jopa xeinaeinoyo po jumetha xua tacueicueijejiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itacꞑpa xua pata tana nejume cowꞑntsiwam tsipei Nacom necata barapo peyaputae coyenewa tana neantobexae. <sup>26</sup> Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayarube tsounae xua wanapapeichi-watsi. <sup>27</sup> Icha jitha paename painya xoba pana napunapentame. Barichi icha pajeynya ename painya xoba pasi cui weiweiname. <sup>28</sup> Icha jitha paename jopa apara bara abe paexanaem. Irꞑ icha yabꞑyo jitha eca bapowa apara jopa abe exanaeyo. Daichitha pomonae jitha peenaewi bichocono taayarubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayarubeyainwa xua jitha painya neenaewaxae tsipae.

<sup>29</sup> Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: “Waxainchi pin dapae jopa xeinae tsainchi po mataqueitha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi. <sup>30</sup> Daxita jiwi bewa eenaetsi xua Nacom petanacuita dubenanaebiyaewatsi. Daxota pomonae anthutane xua pewecoyeixae bu barapomonae jinompa icha ichi xua jinompa pomonae jopa anthutaneyo xua jopa pewecoyeixae xua daunweya penacuichixae Nacom nexa. Barichi pomonae xua bichocono juntu coyene weiweina bu barapomonae jinompa icha ichi xua jinompa pomonae jopa juntu coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyaewi bu barapomonae jinompa icha ichi xua jinompa pomonae jopa pecomoca dubenanaebiyaewi xua daunweya penacuichixae Nacom nexa. <sup>31</sup> Poxonae cataunxuae pajinompame barapo cae pin nacuathe jopa paichichipa dubenanaebiyaeinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

<sup>32</sup> Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca juntu deideijeji exana. Po pebin jeinya eca itacupatsi xua penajuntu coyene eena exanaewa xua petaexanaewatsi Nacom pon jiwi Pecanamataxeinaein. Barapo coyene Nacom juntu coyene weiweina exanatsi. <sup>33</sup> Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru juntu coyene weiweinaenexa. <sup>34</sup> Barapon barapo naxobe coyenewabe muxuna yawa nanta xeina. Barichi yabuxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha ecae bapowa itacupatsi xua penajuntu coyene eena exanaewa xua petaexanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejuntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntu coyene weiweinaenexa.

<sup>35</sup> Baxua paca tsipaebatsi tsipei ichichipan xua tapaca cayawenaewatsi. Apari jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaebiyaenexa Nacom daxita painya juntu coyeneintha.

<sup>36</sup> Pebin iru yabuyo nanta xeinabe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe. <sup>37</sup> Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jamba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana. <sup>38</sup> Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

<sup>39</sup> Petsiriwa powa jitha eca powa pejume cowantsiwa bewa piseuri cuicuinaena poxonae cataunxuae jopa tatupaetsi piseuri. Icha pia pebin tatupatsi barapowa itacupatsi xua pichina icha pebin pon saya pejume cowantsin. <sup>40</sup> Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Bapoxonae bapowa bichocono juntu coyene weiweinaetsipa beyacaincha poxonae pita icha pebin. Baxua nanta xeinan xua saya tananta xeinaewa. Matautano iruru barichin

jume cowuntan xua Nacom pia Pejumope t̄anax̄ tatsi tana nebar̄ poponaewa. Daxota neitac̄pa xua yabara tapaebiwa barapo coyenein.

## 8

### *Meje xua Pablo peyabara paebiwa pexaewa po pexaewa jiwi tajeba ibo nacom̄n*

<sup>1</sup> Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacom̄n poxonaē jiwi w̄naē jainteiba ibo nacom̄n. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabar̄ jinompraewatsi. <sup>2</sup> Pon xua nanta xeina xua pinae yaputane bichocono bapon apara taacoibichi pocotsiwa xua bapon bewa yaputaena. <sup>3</sup> Icha ich̄n Nacom antobetsi bara Nacom j̄nt̄a coyene yaputane bapontha.

<sup>4</sup> Daxota equeicha pexaewa yabara paca tsipaebatsi, po pexaewa jiwi tajeba ibo nacom̄n. Barapo pexaewa xuya ichamonae xane cotacaya. Waxainchi yaputainchi xua ibo nacom̄n jopa xaniwaicha xeinaeyo peayarus̄wa xua apara saya jiwi pecobetha forota. Jame nama yaputainchi pepa Nacom, pon compa. <sup>5</sup> Jiwi jume cow̄nta xua pinae pinmonae jinompa, pomonae nacom̄n, itabocotha, barapo cae pin nacuatheno. Barichino xua pinae pentacaponae wi jinompa itabocotha barapo cae pin nacuatheno. <sup>6</sup> Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peaj̄nt̄acoyenes̄wa, po peaj̄nt̄acoyenes̄wa xua bapon naca cata.

<sup>7</sup> Ichamonae pomonae pejume cow̄ntsiwi Nacom, jopa yabara yaputaeyo xua ibo nacom̄n. Barapomonae awiya nanta xeina xua ibo nacom̄n peayarus̄wa xeina bequein anoxuae barapomonae jume cow̄nta Nacom. Barapomonae bayatha pia cui xeina xua pexaewa tajebeiba ibo nacom̄n poxonaē w̄naē jainteiba barapo ibo nacom̄n. Barapomonae abetha nanta xeina jeye: “Icha xaetsipan pewi po pewi ichamonae tajeba ibo nacom̄n metha neaj̄nt̄acoyenebe cana exanaetsipa poxoru barapo pewi ibo nacom̄n piawa”, jei xua abetha nanta xeina. Bequein barapomonae jume cow̄nta Nacom ichitha jopa yaputaeyo xua ibo nacom̄n pia pexaewa jopa itac̄paetsi xua aj̄nt̄acoyenebe cana exanatsi barapomonae icha jiwana xaetsipa barapo ibo nacom̄n pia pexaewa. <sup>8</sup> Pexaewa jopa naca yawenaeyo xua wanaj̄nt̄a coyene xanepana exanaewatsi xua daxota Nacom wanaca weyataewa tsane. Icha waxainchi nab̄natsi pexaewa jopa naca yawenaeyo xua Nacom tsita j̄nt̄a coyene xanepanatsi beyacaincha xua poxonaē jopa nabanaetsi. Barichi icha najainbotatsi baxua jopa naca yawenaeyo xua Nacom tsita j̄nt̄a coyene xanepanatsi beyacaincha xua poxonaē nab̄natsi. <sup>9</sup> Paca itac̄pa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeba ibo nacom̄n, baxua jopa paca tsita abeyo. Ichitha poxonaē paexaname baxua pomonae ainya unth̄ton pexeinaewi, aena pejume cow̄ntsiwixae, barapomonae tsita ayapubetsi. Icha barapomonae xaena barapo pexaewa painya neexanaewaxae bequein barapomonae tsitatsi xua abe peexanaewi poxonaē xane barapo ibo nacom̄n pia pexaewa tatsi. Daxota painya xoba paexaname po coyene painya neichichipaewa. <sup>10</sup> Metha beya paca taetsipa pon pejume cow̄ntsin poxonaē panabaname pexaewa po pexaewa jiwi tajebeiba ibo nacom̄n poxonaē w̄naē jainteiba barapo ibo nacom̄n. Ir̄n̄ metha beya tsipae bapon naxaetsipa barapo pexaewa poxonaē bapon paca jain tane. Paxam pomonae painya neyabara yaputaewi pam barapo pexaewa. Payaputaneme xua barapo pexaewa apara jopa itac̄paetsi xua jiwi

ajuntꝑcoyenebe cana exanatsi. Ichitha pomonae ainya unthꝑton pexeinaewi aena pejume cowantsiwixae jopa yaputaeyo baxua yabara icha paxam paichim. Barapomonae awiya nanta xeina jeye: “Icha barapo pexaewa xaein neajuntꝑcoyenebe exanaena”, jei. <sup>11</sup> Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya unthꝑton xeina, pon abetha nanta xeina, jeye: “Icha barapo pexaewa xaein neajuntꝑcoyenebe exanaena”, jei. Daxota bapon payabara nanta xeinare xua apara irꝑ Cristo tsitꝑpa bapon icha ichi xua paca tsitꝑpa. <sup>12</sup> Pacata jopa abeyo xua poxonae paxaneme barapo pexaewa. Jame apara abe paexaname poxonae irꝑꝑ xane barapo pexaewa pomonae ainya unthꝑton xeina. Poxonae abe paexaname barapomonaetha apara bara irꝑ abe paexaname Cristotha, tsipei apara barapomonae pomonae irꝑ pejume cowantsiwixae Cristo. <sup>13</sup> Metha beya xaetsipan pewito pocotsi wito xua ichꝑn, pon irꝑ pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacomꝑn. Poxonae bapon nejain tane, bapon irꝑ xane, najuntꝑcoyene taxoba. Barapoxonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

## 9

*Meje po coyenein yabara pomonae Jesús pia peitorobi jiwi tatsi itacꝑpatsi xua peexanaewa*

<sup>1</sup> Tajuntꝑcoyene jopa netsipaebiyo xua abe taexanaewa icha xaein barapo pexaewa xua jiwi tajebe ibo nacomꝑn. Ichꝑn jopa itacꝑpaetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowantame Jesús daunweya tatanacuichixae pon jiwi Pecanamataxeinaein. <sup>2</sup> Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowantsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

<sup>3</sup> Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin. <sup>4</sup> Barapomonaetha janje: Bernabé irꝑ xan bara pana neitacꝑpabe xua pata wecobe notebiwabe pocotsiwa xua jiwi pata necatsibiwabe pexaewa. Mataꝑtano pana neitacꝑpabe xua pata wecobe notebiwabe pocotsiwa paapan xua poxonae patanacuita ducuaenaebianbe Jesús. <sup>5</sup> Mataꝑtano icha jitha ecaetsipan bara neitacꝑpaetsipa xua tabarꝑ ponaewa taseuri icha Jesús pia peitorobi jiwi tatsi ichi xua itacꝑpatsi xua peexanaewa baraxua xua piseuriwi barꝑ warapa. Irꝑꝑ barichi Jesucristo pon jiwi Pecanamataxeinaein pia peweicho jiwi tatsi baxua exana. Irꝑ Pedro exana baxua xua piseuri barꝑ pona. <sup>6</sup> Poxonae ichamonae paca tsipaeba Nacom Pejume Diwesi, payawename barapomonae pocotsiwa penantawenonaewa. Paxanbe Bernabé irꝑ xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo. <sup>7</sup> Soldadomonaepin poxonae ba naba pia pentacaponaein nexa jopa ba natamatatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itacꝑpatsi xua yawa uva cuei xaexaepona. Barichirꝑ pon ba vaca yapu eena bapon ba itacꝑpatsi mipi yuyucapona vaca xua peapaponaenexa. <sup>8</sup> Saya jopa meisa jiwi yabara nanta xeinaeyo baxua xua pon tanacuita itacꝑpatsi yawa xane. Apara irꝑ Moisés pia peitorobi coyenewatha baxua yabara paebarꝑ. <sup>9</sup> Moisés tina po

diwesi pia peitorobi coyenewathaxae, xua jeye: “Poxonae po duwein pon pewun buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apara poxoru peyabara nanta xeinaexae jiwi. <sup>10</sup> Nacom pana necayabara juta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua uba pabitha, iruru pon xuya nota poxonae naweta, baponbe xeinaenabe pexaewa xua penawetsiwa. <sup>11</sup> Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa. <sup>12</sup> Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuiduba, ichitha paxan paca yawenatsi beyacaincha xua barapomonae paca yawena. Daxota bewa pana necatsibeibim icha paca wunqueibichipatsi beyacaincha xua pacatsibeibame ichamonae.

Ichitha baxua jopa paexanaeinyo xua pata sawucaewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompeibiwanebe bequein jopa paca wunqueibichi. Jopa paca wucaetsi tsipei jopa paichipaeinyo xua jopa painya nejume cowantsiwa Cristo pia pexeinya jume diwesi. Jopa paca wucaetsi poxoru metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi. <sup>13</sup> Paxam payaputaneme xua pomonae ba nacuita Nacom pin pia botha barapomonae ba apatatsi pexaewa Nacom pin pia botha. Barichiru pomonae ba nacuita ichaxota iboto uncua po ibototha duwein bexuba xua tauta xua petuxusi exanaenexa Nacom nexa barapomonae ba itacupatsi xua xuya penabanaewa barapo duwein xua saya jiwana xane. <sup>14</sup> Barichi Nacom pon jiwi Pecanamataxeinaein jeye: “Pomonae inta nacuita xua paeba dubenanaebiya tacapanenebiyae diwesi jume, barapomonae apatatsi pexaewa xua poxonae ichamonae apateiba be pematomaqueibiwatsi tsipei barapomonae cueicueijeije tsurubenanaebiya tajume diwesi”, jei Nacom. <sup>15</sup> Ichitha jopa bapana wucaeinyo jiwi xua tana apatsinexa pexaewa xua be tanamatomatsiwa. Pacata tinatsi xua jopa tapaca wucaewatsi. Ichichipan xua tatupaewa tsane pewunaeya xua poxonae tapaca wucaewatsi tsainchi. Bichocono juntu coyene weiweinan poxonae tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

<sup>16</sup> Jopa neitacupaeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijejiwa tsane barapo diwesi. Ichitha xan tsocuaein tsipae icha jopa cueicueijan tsipae barapo diwesi! <sup>17</sup> Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nexata ewatsipan xua jiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cowantaponan be pocotsi coyeneya Nacom neitorobapona. <sup>18</sup> Daxota xua be tanematomatsiwa apara xua poxonae juntu coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, matautano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca wucaetsi bequein bara neitacupa xua tapaca wucaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

<sup>19</sup> Bequein jopa bewa amanaya tanacuichin tsane ichun, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowantsinexa Cristo. <sup>20</sup> Poxonae poponan judiomonae pia xantha

tatsi, exana ducuaenaebiyā icha be barapo judiomonae ichi xua exana dubenanaebiyā pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonae pejume cowantsinexa Cristo Jesús. <sup>21</sup> Poxonae poponan pexantha tatsi pomonae jopa exanaeyo pocotsiwa Moisés pia peitorobi coyenewatha itoroba, bapoxonae popona ducuaenaebiyā icha barapomonae ichi xua jinompa dubenanaebiyā. Bapoxonae jopa exanaeinyo pocotsiwa Moisés pia peitorobi coyenewatha itoroba, xua barapomonae tayawenaenexa, xua pejume cowantsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba. <sup>22</sup> Poxonae poponan pexantha tatsi pomonae juntu coyene faefaena Nacomtha xua pejume cowantsiwa xua aena pejume cowantsixae bapoxonae exana ducuaenaebiyā icha barapomonae ichi xua exana dubenanaebiyā tayawenaenexa xua equeicha bichocono mataropeicha pejume cowantsiwanexa Jesucristo. Daxita carepaya jiwitha peitatha poponeiban, poxonae be pocotsi coyeneya jinompeiba barapo jiwi tayawenaenexa xua equeicha bichocono mataropeicha pejume cowanteibinexa Jesucristo. <sup>23</sup> Daxita baxuan exana ducuaenaebiban tacueicueije tsaibinexa Nacom pia pecapanenebiyae diwesi jume, matautano tsipei ichichipan xua tajuntu coyene weiweinaewa tsane poxonae barapomonae jume cowantsina Jesucristo.

<sup>24</sup> Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi jata coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan. <sup>25</sup> Pomonae ba xua nacui wanaeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonae ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapusu xua jopa weraweracaeyo. <sup>26</sup> Daunweya exanaponeiban Nacom pia petanacuichiwa tatsi be poxonae xua bichoina cuinaeponan xua tatoxeincha patopaewa. Jopa exanaeinyo icha ichi xua pon naitacueinchiya jiraba. <sup>27</sup> Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cowantsiwa xua peexanaewa pocotsiwa itoroban. Antayapusya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

## 10

### *Meje xua Pablo muxuweta pomonae wanae jainta ibo nacomun*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Bapoxonae tsaquinaebowa matatsun dubenapoinchi. Barapo tsaquinaebowa barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beera uncababiya po pin pucua pewun Mar Rojo wun pucua. Barapo pin bicheito epatauta iyapona xua poxonae Nacom tsewa taexaniya xua be namto taexaniya. <sup>2</sup> Barapomonae tsaquinaebowa be caemonae matatsun dubenapoinchi. Matauta barapomonae be caemonae Mar Rojo wun pucua epatauta iya pona. Bapoxonae be caemonae naexana Moiestha xua Moisés pematacapanaenexa barapomonae.

Barapomonaē barapocotsi j̄ta coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamatax-einaenexa bapontha. <sup>3</sup> Daxita barapomonaē xane po pexaewa Nacom taitorobica itaboco wetsica. <sup>4</sup> Yawano barapomonaē apa po mera xua Cristo itoroba ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonae yanta xua barapomonaē yantatsi. <sup>5</sup> Daichitha pin bicheitomonae xua barapomonaē jiwana jopa exanaeyo pocotsiwa Nacom ichichipa. Daxota Nacom copata xua barapomonaē bara pejiwana werapaponaewa tsane barapo ira xuepana susato tsurucuae nacuatha.

<sup>6</sup> Baxua exana xua nacata yabara canāta j̄tsiya exana. Jopa bewa waichichipaewa tsainchi pocotsiwa jopa nacata w̄naeyo xua icha barapomonaē ichi poxonae pia coutha abe nata exana. <sup>7</sup> Daxota jopa bewa w̄nae pajainchim ibo nacom̄n icha be barapomonaē jiwana ichi. Barapomonaē w̄nae jainta ibo nacom̄n. Nacom Pejume Diwesitha barapomonaē yabara jeichi: “Barapomonaē ena xua pexaenexa yawa xua peapaenexa. Bapoxonae yatsicaewa barapomonaē nawiraba ibo nacom tsita nawirabatsi”, jei Nacom Pejume Diwesitha. <sup>8</sup> Waxainchi jopa bewa exanaetsi xua nasi cui weiweina exanatsi icha be barapomonaē jiwana ichi. Barapomonaē jiwana nasi cui exana yab̄xitha xua jopa piseurixi. Daxota caentaqueitha veintitrés mil pebiwi werapa abe peexanaexae. <sup>9</sup> Matātano jopa bewa naj̄nt̄u coyene j̄j̄ta exanaetsi Nacomtha xua wanaca bar̄u anaepanaenexa, icha barapomonaē jiwana ichi. Barapomonaē naj̄nt̄u coyene j̄j̄ta exana Nacomtha. Daxota Nacom copata xua barapomonaē werapa poxonae jomon sinebatsi barapomonaē. <sup>10</sup> Jopa bewa Nacom anaepanaya bar̄u paebichi, icha be barapomonaē jiwana ichi. Barapomonaē Nacom anaepanaya bar̄u paebatsi, daxota Nacom copata xua barapomonaē weraweraca poxonae matatsunpin juteba po matatsunpin jiwi pejutebin.

<sup>11</sup> Nacom exana daxita baxuan barapomonaetha, xua wanaca muxuweta exanaenexa xua jopa waraichiwanexa icha barapomonaē ichi. Moisés yabara tina barapomonaē xua yaputane wanaca exanaewa xua bara nama imoxoyo barapo nacue weraweracaena. <sup>12</sup> Daxota tsipaeban pon paxam jiwana pam pon xua nayabara nanta xeina xua pinae bichocono pejume cow̄antsixae peaj̄nt̄u coyenes̄wa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonae metha abe exanaetsipame”, jan. <sup>13</sup> Jopa meisa paxam caurimonaē pia pentacaponaein tatsi paca j̄nt̄u coyene j̄j̄tsiyo. Barapara ir̄u ichamonaē pomonaē pejume cow̄antsiwi barichichi j̄nt̄u coyene j̄j̄tatsi abe peexanaenexa. Paxam paca itac̄pa xua raj̄nt̄u coyene amanayabame barapo caurimonaē pia pentacaponaein tatsi. Baraxua paexaname icha barapomonaē ichi xua j̄nt̄u coyene amanayaba barapo caurimonaē pia pentacaponaeintha tatsi. Daichitha paca itac̄pa xua payabara jume cow̄antame Nacom xua bara bapon paca yawenaena. Nacom jopa copatsiyo xua caurimonaē pia pentacaponaein tatsi bichocono paca j̄nt̄u coyene j̄j̄tsina xua pocotsiwa bichocono pacata ayapube xua daxota abe painya neexanaewa tsane. Ichitha poxonae caurimonaē pia pentacaponaein tatsi paca j̄nt̄u coyene j̄j̄ta, Nacom paca yawenaena xua painya ner̄c̄paewa bapon weya xua daxota jopa abe painya neexanaenexa.

<sup>14</sup> Tamonaē pam paxam pomonaē ir̄u painya nejume cow̄antsiwixae Jesucristo. Paxam pomonaē tapaca caantobe jiwichi pam. Painya xoba w̄nae pajaintame ibo nacom̄n. <sup>15</sup> Paca tsipaebatsi paxam pomonaē painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban. <sup>16</sup> Waxainchi nacaetutatsi wayabara j̄ntanainaenexa xua Cristo wanaca tsit̄paewa naetha. Bapoxonae apatsi vino mera yawa xainchi pan. Barapo vino mera Cristo pia pejana tatsi yabara caunutatsi. Matātano barapo

pan Cristo pia pepon tatsi yabara caunutatsi. Poxonae apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonae be caemonae naexainchi Cristotha waapaexae barapo vino mera. Barichi poxonae pan janacatsi be caemonae naexainchi Cristotha waxaexae barapo pan. <sup>17</sup> Bequein waxainchi pinmonaetsi xua cae pan nabarũ xainchi, ichitha waxainchi be caemonaetsi bapon Cristotha tsipei bara cae pan nabarũ xainchi.

<sup>18</sup> Payabara nanta xeinare xua judiomonae pomonae Israel nacuamonaepiwi. Barapomonae judiomonae xane po duwein ichamonae tauta xua petuxusi exanaewa Nacom nexa. Bapoxonae barapomonae be caemonae naexana Nacomtha. <sup>19</sup> Jopa apara paca tsipaebichi xua ibo nacom xeina peajũntũyapũsũwa. Mataũtano jopa paca tsipaebichi xua po wi jiwi tajeba ibo nacomũn ainya cui barapo wi beyacaincha xua icha pewi. <sup>20</sup> Paca tsipaebatsi xua jiwi tajeba pewi ibo nacomũn pomonae jopa yaputaeyo Nacom. Barapomonae tajeba barapo pewi caurimonae. Jopa apara tajebiyo Nacom. Jopa ichichipaeinyo xua caemonae pana naexaname caurimonae pijimonaetha. Metha baraxua paexanaetsipame poxonae panabarũ xaneme pomonae nacaetuta pexaenexa po wi jiwi tajeba ibo nacomũn. <sup>21</sup> Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacũpaeyo xua panabaname yawa xua paapameno ichaxota exanompa cauri pia cui coyene pomonae jopa pejume cowũntsiwi.

<sup>22</sup> Icha waxainchi wũnae jaintatsi caurimonae poxonae xainchi po pewi jiwi tajeba ibo nacom bapoxonae waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayapũsũwa xua bichocono daunwei xua beyacaincha Nacom.

*Meje xua Pablo yabara paeba xua bewa jiwi yabara nanta xeinae pewi poxonae xane*

<sup>23</sup> Baraxua bequein xainyei poxonae jiton jeye: “Neitacũpa xua taexanaewa pocotsiwa ichichipan”, jei bapon. Daichitha jopa daxita nacata wũnaeyo xua pocotsiwa exanatsi. Bequein waxainchi naca itacũpa xua waexana dubenanaebiyawa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowũnta dubenanaebiyawa Jesús. <sup>24</sup> Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara irũ ichamonae painya neyawenaenexarũ.

<sup>25</sup> Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonae painya jũntũ coyene jopa paca tsipaebiyo xua apara abe paexaname. <sup>26</sup> Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha. <sup>27</sup> Poxonae jiton pon jopa pejume cowũntsin Jesús, paca tsiwaba pexaewa xua pia paca barũ xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae painya jũntũ coyene jopa paca tsipaebiyo xua apara abe paexaname. <sup>28</sup> Ichacuitha metha ichũn paca tsipaebichipa, xua jeye: “Apara barapo pewi jiwi tajeba ibo nacom poxonae wũnae jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowũntsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitũtha paexanaem tsane bapoxonae bapon jũntũ coyene xanepanaya



poponaena Nacomtha. <sup>29</sup> Yabara paca tsipaebatsi po coyene xua ichun yabara nanta xeina barapo pewi pejuntx coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya juntx coyenewatha.

Ichitha metha ichun neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichun yabara nanta xeina barapo pewi?” jei tsipae. <sup>30</sup> Equeicha metha bapon jei tsipae: “Poxonae pexaewa nabanen Nacomtha tsipaeban barapo pexaewa nexa, janje: Nacom, maisa juntx coyene weiweinan xua barapo pexaewa tanecatsiwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae. <sup>31</sup> Yabara paca tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wuna jainteibina Nacom. <sup>32</sup> Jopa paexanaeinde pocotsiwa xua abe paexaname xua pocotsiwa daxota ichamonae jupa exanaena. Baraxua jopa paexanaeinde judiomonaetha, iru pomonaetha pomonae jopa judiomonae naexanaeyo, iru pomonaetha pomonae Nacom pejume cowuntsiwichi jiwanamonae. <sup>33</sup> Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia peexanae cuiru coyenein weya.

## 11

<sup>1</sup> Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

*Meje xua Pablo yabuxi yabara paeba powaxi poxonae ena penacaetutsi botha xua poxonae wuna jainta Nacom*

<sup>2</sup> Tamonae pam paca weyatainchi tsipei paneyabara nanta xeinaponame xua daxita coyeneyatha. Paxam paexana dubenanaebiyame pocotsiwa xua paca cuidubatsi. <sup>3</sup> Ichitha ichichipan xua painya neyaputaewa xua Cristo canamataxeina daxita pebi-witha. Barichiru daxita pebiwi barompaya piseuriwi canamataxeina. Barichi Nacom Cristo canamataxeinatsi. <sup>4</sup> Icha pebin nantasipa acata poxonae Nacomtha tsipaeba xuano poxonae cueicueijeji Nacom Pejume Diwesi, barapon Cristo jopa baru cui itura jinaetsi. Saya pia coutha ainya cui nacana exana. <sup>5</sup> Jame icha yabuyo jopa nantasipa acatsiyo xua poxonae cueicueijeji Nacom Pejume Diwesi, xuano poxonae Nacomtha tsipaeba, bapowa pia pebin jopa baru cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jupa icha be poxonae ichi xua daxita matana sibatsi abe peexanaexae. <sup>6</sup> Icha jopa yabuyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina. <sup>7</sup> Poxonae Nacom exana pebin barapo pebin Nacom cui jupatsi. Daxota barapo pebiwi xeinaru barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijeji xua daxota pebaru cui itura jinaenexa xua Nacom pebaru cui itura jinaenexatsi. Ichitha yabuyo bewa baru cui itura jinae pia pebin, tsipei pia pebin canamataxeinatsi. <sup>8</sup> Poxonae Nacom forota jopa Nacom exanaeyo pebin yabuyo weya. Saya jame Nacom exana yabuyo pebin pexainya weya tatsi. <sup>9</sup> Nacom jopa forotsiyo xua pebin yabuyo tsiexanatsi. Jame Nacom forota xua yabuyo pebin tsiexanatsi. <sup>10</sup> Daxota yabuyo bewa nanta acatsina penacaetutsi botha. Bapoxonae bapowa tsita itapeinya xeina matatsunpiwimonaetha xua bapowa baru cui itura jinae pia pebin pecanamataxeinaexatsi. <sup>11</sup> Daichitha pomonae Nacom pejume cowuntsiwixae, pebin

nantawenona yabũyo, irũ yabũyo nantawenona pebin. <sup>12</sup> Bequein Nacom exana yabũyo pebin peyene weya tatsi, ichitha pebiwi ba nowaeumenapona yabũxi weya. Barapo naxobe coyenewabe Nacom forota, pebin yawa yabũyo.

<sup>13</sup> Pananta xeinare xua icha bara xaniwaicha xua yabũyo jopa nanta acatsiyo poxona Nacomtha tsipaeba penacaetutsi botha xua poxona wũnae pejainchinexa Nacom. <sup>14</sup> Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana. <sup>15</sup> Barichirũ wacui coyenewa ba naca yaputane exana xua yabũxi wũnae exana poxona nantana copaba xua antanapiya. Bapoxona yabũyo pia pentananta nantasipa acata. <sup>16</sup> Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Matauta daxita penacaetutsi bonmonae jiwi pomonae Nacom pejume cowũntsiwi pebũrya pana nabarũ jũpaya nanta xeinan tsipei icha coyene jopa payaputaeyo”, pajan.

*Meje xua Pablo yabara paeba xua abe exana pomonae pejume cowũntsiwi Nacom poxonae nainya xane po penabanaewa cayabara nanta xeina xua Jesús pia petsitũpaewa jiwi*

<sup>17</sup> Pacata tinatsi anoxuae xua po coyenein yabara xua jopa tana neitacũpaewa xua tapaca tsipaebiwatsi xua beta painya neexanaewa. Bequein pana nabarũ nacaetutame ichitha painya jũntũ coyene jopa paca cana exanaeyo xua paayapusũ tsoponaem. Maisa apara abe paexaname. <sup>18</sup> Copiya matha paca tsipaebatsi janje: “Ichũn netsipaeba xua pinae poxonae pana nabarũ nacaetutame, wũnae painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba. <sup>19</sup> ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petaenexatsi pomonae jopa irũ najume matsontsonobiyo pomonae xua beta peexanaewi! <sup>20</sup> Bequein pana nabarũ nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitũpa, daichitha saya paxaneme. Apra jopa pacayabara nanta xeinaem barapo coyene. <sup>21</sup> Daxita paxam carepaya barompaya pia pexaewa nainya xane. Jopa rawũnae ewateibim ichamonae xua painya nenabarũ xaenexa. Daxota ichamonae jainpra pomonae cotacaya pata. Ichamonae bichocono tonsana beya poxonae nacũpa exana peatsaxa meran xua apa poxonae muxuna xane pexaewa. <sup>22</sup> Apra paxeiname painya bon ichaxota paca itacũpa xua pana napena jũbame. Baraxua be paaichaxaibim pomonae Nacom pejume cowũntsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacũpaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacũpaeyo xua tapaca yabara paebiwatsi.

*Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús*

*(Mt 26.26-29; Mr 14.22-25; Lc 22.14-20)*

<sup>23</sup> Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha. <sup>24</sup> Poxonae najume weta xua paxa tsipaeba xua jei: “Axa maisa jũntũ coyene weiweinan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowũntsiwaxaem tsane. Poxonae baxua paexaneibame xua paxaibame panecayabara jũntanaineibare painya jũntũ coyenewatha”, jei Jesús xua

pijimonae tsipaeba. <sup>25</sup> Barichiya exana poxonae najain weta. Bapoxonae corotiyoy pita pecobetha yawa jeye: “Pena petsiw<sub>h</sub>nae muxu dutsi coyenewa paca tsipaebatsi. Barapo uva mera po mera xua corotiyoytha tsijunta eca, barapo uva mera yabara caunuta tajana xua jana othoparenaein poxonae t<sub>h</sub>paein. Barapo jana tsita itapeinya xeinaena xua jiwi pinmonae yabara j<sub>h</sub>ntemainaein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara j<sub>h</sub>ntanaineibare painya j<sub>h</sub>nt<sub>h</sub> coyenewatha xua tapaca catsit<sub>h</sub>paewaxaetsi”, jei Jesús, xua pijimonae tsipaeba. <sup>26</sup> Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyoytha, jiwi patsita itapeinya xeiname xua Cristo pacui yabara j<sub>h</sub>ntanainame xua painya nepaca tsit<sub>h</sub>paewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

*Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús*

<sup>27</sup> Pon xane barapo pan xuano apa barapo uva mera xua tsijunta eca corotiyoytha xua Jesucristo cayabara nanta xeinatsi icha bapon jopa j<sub>h</sub>nt<sub>h</sub> coyene xanepanaeyo Nacomtha, apara abe exana Cristotha. Bapoxonae bapon Nacom tsita xeinatsi xua penatsicuent<sub>h</sub>siwa xua abe peexanaexae Cristo pepontha tatsi xuano xua pia pejanathano tatsi tsipei bapon jopa bar<sub>h</sub> cui itura jinaeyo barapo coyene. <sup>28</sup> Daxota daxita jiwi bewa barompaya matha pew<sub>h</sub>naeya naj<sub>h</sub>nt<sub>h</sub> coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyoytha. <sup>29</sup> Pon xane barapo pan xuano xua apa barapo uva mera xua tsijunta eca corotiyoytha xua Jesucristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa. <sup>30</sup> Daxota pinmonae pajiwana atenem xuano jopa xeinaeyo peaj<sub>h</sub>nt<sub>h</sub>yapus<sub>h</sub>wa. Daxota ichamonae bayatha pajiwana werapame. <sup>31</sup> Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa naj<sub>h</sub>nt<sub>h</sub> coyene cayabara nanta xeinaetsi, xua icha metha bara w<sub>h</sub>nae waexanaewa. Bapoxonae xain Nacom jopa naca atene exanaeyo xua wanatsicuent<sub>h</sub>siwaxae xua abe waexanaexae. <sup>32</sup> Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cow<sub>h</sub>ntsiwi”, xua jopa pewanaca yabara jeinexa.

<sup>33</sup> Daxota tamonae pam poxonae pana nacaetutame xua painya nabar<sub>h</sub> xaenexa po pexaewa xua poxonae Jesucristo cayabara nanta xeinatsi, matha ab<sub>h</sub> ichamonae paewateibare. <sup>34</sup> Icha ich<sub>h</sub>n jainpa b<sub>h</sub> bapon matha pia botha xane pew<sub>h</sub>naeya xua poxonae napatopaena penacaetutsi botha xua poxonae w<sub>h</sub>nae jainta Nacom. Bapoxonae itac<sub>h</sub>patsi xua bapon penaxaewa po pexaewa poxonae Jesucristo cayabara nanta xeinatsi. Bapoxonae Nacom jopa peraxa j<sub>h</sub>bi tsane bapon xua abe peexanaexae poxonae nanacaetuta pomonaetha pomonae Nacom pejume cow<sub>h</sub>ntsiwichi. Poxonae paca siwa ponaeinchi xua tapaca taenexa tsainchi, bapoxonae paca cuidubinchi pocotsiwan xua yabara pana neyainyabame.

## 12

*Meje xua pej<sub>h</sub>nt<sub>h</sub> cui coyenein yabara po pej<sub>h</sub>nt<sub>h</sub> coyenein Nacom pia Pejumope t<sub>h</sub>nax<sub>h</sub> tatsi amanaya cata daxita carepaya pomonaetha pomonae Nacom pejume cow<sub>h</sub>ntsiwichi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tñaxu tatsi cata pejuntu cui coyenein daxita barompaya carepaya pomonaetha pomonae Nacom pejume cowantsiwichi. <sup>2</sup> Paxam payaputaneme xua abe paexaname pewunaeya poxonae pajume cowuntame. Pacopatame xua bara ichamonae ichawa beya paca matacapona xua wuna painya nejainchinexa ibo nacomun, po ibo nacomun jopa cueicueiyeiyo. <sup>3</sup> Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tñaxu tatsi pia peayapusu itorobi coyenewa tatsi. Barichi dapocotsin aibi pon itacupatsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope tñaxu tatsi pia peayapusu itorobi coyenewa tatsi.

<sup>4</sup> Jiwi itacupatsi xua daxita carepaya barompaya pexeinaewa ainya juntu cui coyenein pomonae pejume cowantsiwixae Nacom. Barapo juntu cui coyenein jopa nacui coyene jupaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tñaxu tatsi. <sup>5</sup> Jiwi pomonae pejume cowantsiwixae Nacom, itacupatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon. <sup>6</sup> Jiwi pomonae Nacom pejume cowantsiwixaetsi itacupatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene jupaeyo. Saya compa Nacom pon daxita barapo jiwi cana exanatsi xua pexanaewa daxitan barapo coyeneinyatha. <sup>7</sup> Nacom pia Pejumope tñaxu tatsi tsita itapeinya xeina Nacom pia peayapusu itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha. <sup>8</sup> Ichamonae jiwanaetha, Nacom pia Pejumope tñaxu tatsi cata pejuntu cui coyenewa xua po coyene barapomonae pejuntu coyenetha beta yaputane xua peexanaenexa pocotsiwa pecueicueiyeiwa ichamonaetha. Barichi ichamonae jiwanaetha Nacom pia Pejumope tñaxu tatsi cata pejuntu cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonae yabara yaputane pecana exanaenexatsi. <sup>9</sup> Ichamonae jiwanaetha Nacom pia Pejumope tñaxu tatsi cata peyabara jume cowantsi coyenewa xua daxota bapomonae nanta xeina xua bara itacupatsi xua peexanaewa daxita coyenein xua Nacom itoroba xua bapomonae peyawenaexaetsi Nacom. Barichi ichamonae jiwanaetha Nacom pia Pejumope tñaxu tatsi cata xua po coyenewatha peatenewi axaibi peexanaewatsi. <sup>10</sup> Ichamonae jiwanaetha, Nacom pia Pejumope tñaxu tatsi cata po coyenewatha pexeyina petsita itutsi coyene peexanaewa. Ichamonae jiwanaetha, Nacom pia Pejumope tñaxu tatsi cata po coyeneya xua pecueicueiyeiwa Nacom Pejume Diwesi. Ichamonae jiwanaetha Nacom pia Pejumope tñaxu tatsi cata po coyeneya beta peyaputaewa xua po coyene poxonae Nacom pia Pejumope tñaxu tatsi jiwi cueicueiyei exanatsi yawa po coyene poxonae jiwi cueicueiyei exanatsi caurimonae. Ichamonae jiwanaetha Nacom pia Pejumope tñaxu tatsi cata po coyeneya xua ichamonae pecueicueiyeiwa icha jumeintha, po jumein bequein jopa nacuidubiyo. Ichamonae jiwanaetha Nacom pia Pejumope tñaxu tatsi cata po coyeneya xua barapomonae xuya jume yaputane exana po jumein xua ichamonae paeba po jumein xua ichamonae bequein jopa nacuidubiyo. <sup>11</sup> Daxita barapo juntu coyenein exana ducuaenaebiya pon Nacom pia Pejumope tñaxu tatsi. Barapo jumope daxita coyenein meisa compa exana, po jumope Nacom pia Pejumope tñaxu tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

*Meje yabara xua daxitatsi be caemonaetsi Jesustha*

<sup>12</sup> Pepon bequein caein ichitha nawita xeina xua pia pecueyabiwatsi, petaxube, pesitobeno, pema<sub>x</sub>beno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi j<sub>u</sub>ta coyeneya ichi, Cristo pinmonae xeina pia pejume cow<sub>u</sub>ntsiwichi bequein bara barapon Jesús caein. <sup>13</sup> Barapocotsi j<sub>u</sub>ta coyeneya ichi, waxainchi seicaya jiwichi. Daichitha daxita waxainchi be caemonae jiwichi wajume cow<sub>u</sub>ntsixaes Jesús. Ichamonaes waxainchi jiwanaetsi judiomonaetsi. Ichamonaetsi pomonaes jopa judiomonaes naexanaeyo. Ichamonaetsi pomonaes amanaya tanacuitatsi ichamonaes nexa. Ichamonaetsi pomonaes saya wajinompawewi xua saya wawan wanata exanaes jiw<sub>i</sub>. Daichitha daxita waxainchichi naca bautisaba. Waxainchi be caemonaeetsi naexanatsi Nacom pia Pejumope t<sub>n</sub>ax<sub>u</sub> tatsi wanaca bar<sub>u</sub> jinompawexaes. Nacom daxita waxainchi barompaya carepayatsi naca cata barapo pejumope t<sub>n</sub>ax<sub>u</sub>, pon bara saya meisa caein.

<sup>14</sup> Pepon jopa xeinaeyo bara caewa xua pecueyatsiwatsi. Apra nawita xeina xuan pecueyabiwatsi. <sup>15</sup> Metha petaxu jei tsipae: “Xan apra jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac<sub>u</sub>patsi xua paeba. <sup>16</sup> Metha pemuxuyoroto jei tsipae: “Xan apra jopa peitamaiqueit<sub>n</sub>nyo daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac<sub>u</sub>patsi xua paeba. <sup>17</sup> Icha daxita wapepon <sub>u</sub> peitacuereto tsipae, jopa naca itac<sub>u</sub>paeyo xua wajume taewa tsipae. Barichi icha wapepon daxita <sub>u</sub> pemuxuyoroto tsipae, jopa naca itac<sub>u</sub>paeyo xua watuxubiwa tsipae. <sup>18</sup> Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi. <sup>19</sup> Icha daxita baxuan saya <sub>u</sub> naj<sub>u</sub>paetsipa, bapoxonaes jopa xapain xeinaetsipaetsi pepon. <sup>20</sup> Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

<sup>21</sup> Peitacuereto jopa itac<sub>u</sub>paetsi xua pejeiwa pecobetha: “Xam jopa cacana-matawenonaetsi”, jopa pejeiwa. Barichi pentasipa jopa itac<sub>u</sub>paetsi xua pejeiwa petaxubetha: “Paxambe jopa paca canamatawenonaetsibe”, jopa pejeiwa. <sup>22</sup> Po wanaca cueyatsiwa wapepontha xua jopa naca tsita ainya cuiyo, apra bara baxua ainya cui wacanamatawenonaenexa. <sup>23</sup> Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabar<sub>u</sub> itura jinaenexatsi. Pocotsiwa wanaca cueyatsiwa xua wapepontha xua pocotsiwa jiw<sub>i</sub> jopa benaca taeyo, naacabatsi paparuwantha wapin uraxaes. <sup>24</sup> Po wanaca cueyatsiwa wapepontha pocotsiwa jiw<sub>i</sub> nacata tane baxuan jopa ainya cuiyo xua waacabinexa paparuwatha xua jopa waauraxaetsi. Nacom nacata exana pepon xua waxainchi beta nayaewatatsi paparuwatha, po wanaca cueyatsiwa wapepontha xua bichocono pecanantawenonaewa baxua. <sup>25</sup> Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonaes Nacom pejume cow<sub>u</sub>ntsiwichi ichi xua nantiya bewa nayawenaes. <sup>26</sup> Icha barapo wanaca cueyabiwan caewa jiwana wepu atene, bara barichi pepon daxita atener<sub>u</sub>. Mata<sub>u</sub>ta icha baxuan caewa jiwana ainya cui cana exanatsi bara daxita nabar<sub>u</sub> weiweinaya dubena pepontha.

<sup>27</sup> Paxam Jesucristo piamonaes tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo. <sup>28</sup> Nacom itapeta xua pomonaes pejume cow<sub>u</sub>ntsiwichi xua pomonaes pia petanacuichinexa tsainchi. Copiya itapetatsi pomonaes Jesucristo pia peitorobi jiw<sub>i</sub> tatsi. Bapoxonaes ir<sub>u</sub> itapetatsi pomonaes Nacom pia peitorobi jume pepaebiwi. Equeicha bapoxonaes ir<sub>u</sub> itapetatsi pomonaes jiw<sub>i</sub> pecuidubiwi Nacom Pejume Diwes<sub>i</sub>. Bapoxonaes ir<sub>u</sub> itapetatsi pomonaes pexeinya petsita itatsi coyenewan exana. Bapoxonaes ir<sub>u</sub> itapetatsi pomonaes axaibi peexanaewi peatenewi. Ir<sub>u</sub>no bapoxonaes itapetatsi pomonaes jiw<sub>i</sub> peyawe-

naewi. Baroxonae irurū itapetatsi pomonae peitorobiwi pomonaetha pomonae pejume cowantsiwi. Irurū baroxonae itapetatsi pomonae cueicueijeji icha jumeintha, po jumein bequein jopa nacuidubiyo. <sup>29-30</sup> Nacom jopa apara daxita piamonae exanaeyo pomonae Jesús pia peitorobi jiwi tatsi. Matautano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyo pomonae exana pexeinya petsita itatsi coyenewan. Matautano jopa apara daxita jiwiyo pomonae axaibi peexanaewi peatenewi. Barichi jopa apara daxita jiwiyo pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyo pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo. <sup>31</sup> Ichitha paxam bewa paichichipaename po juntu cui coyenein xua bichocono wnae po coyenein xua Nacom amanaya cata piamonaetha.

*Meje xua Pablo yabara paeba peantobe coyenewa*

Ichitha anoxuae yabara paca cuidubinchi icha juntu cui coyenewa po juntu cui coyenewa bichocono toxechiya wnae beyacaincha xua po juntu cui coyenein aunxuae yabara paeban.

## 13

<sup>1</sup> Metha icha bequein neitacupaetsipa xua tacueicueijejiwa ainya jumein po jumein ichamonae cueicueijeji, xuano po jumein matatsunpiwi cueicueijeji. Bequein metha neitacupaetsipa daichitha icha jopa ichamonae tsita xeinaeyo peantobe coyenewa, baroxonae saya apara pin busi jumein exanan poxonae saya cueicueijan. <sup>2</sup> Metha xan Nacom pia peitorobi jume tacueicueijan tsipae, matautano metha yaputaetsipan daxita po coyenein Nacom moya yawun xeina xua bexa Nacom exanaena, matautano metha yaputaetsipan daxita peyaputae coyenewan, matautano metha beta jume cowantsipan xua taneitacupaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jitonyo. <sup>3</sup> Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatupaein tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyanyo.

<sup>4</sup> Jame pon xua peantobe coyenewa xeina daxita jiwi nexa bapon jame juntema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Matautano bapon jame jopa pia coutha penayabara nanta xeinaein xua peainya cui jiton. Matautano jame bapon jopa peabin jiwi. <sup>5</sup> Barichi bapon jame jopa atsaquiya pepeabin. Matautano bapon jame jopa peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha. <sup>6</sup> Barichi bapon jame jopa juntu coyene weiweinaeyo poxonae ichamonae abe exana. Saya bapon jame juntu coyene weiweina poxonae ichamonae bara xainyeya exana. <sup>7</sup> Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowantapona ichamonae xua barapomonae pomonae ichamonaexae itacupatsi xua xanepanaya peexanaewa. Matautano bapon jame yabara jume cowantsiya ewatapona xua ichamonae bexa beta peexanaewa tsane bequein abe peexanaewi. Matautano bapon ba saya juntema popona bequein bapon abe taexanaethatsi ichamonae.



Diwesi cueicueijei ichamonaetha, bapon ba jame wanae exana beyacaincha pon icha jumeintha cueicueijei. Ichacuitha bapon pon icha jumeintha paeba itacupaetsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomonae pejume cowantsiwi Nacom xua beta mataropeicha pejume cocowantaponaenexa Cristo. <sup>6</sup> Tamonae pam, icha poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cowantsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa bexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

<sup>7</sup> Jiwi ba tanbaba po petanbabiwa arpa matawan, xuano ba oba po peobiwa pewan flauta. Ichitha icha barapo ainya pecajume exanaewan jopa xapain busi pichapaetsipae bapoxonae jiwi jopa xapain yaputaetsipae po wei xua icha jiwi wei tanbaba. <sup>8</sup> Barichi poxonae ba jiwi naba ichamonaetha bapoxonae ba oba xua penajunutsiwa. Ichitha icha barapo busi, busi caewa, jiwi jopa xapain busi taeyo. Bapoxonae jiwi jopa itacupaetsi xua penacui wanaetsiwa xua penabinexa. <sup>9</sup> Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano iru barapo jiwi jopa nacuidubiyo bapoxonae jiwi jopa xapain paca yaputaetsipae. Baraxua apara be saya poxonae sito patsipaebame. <sup>10</sup> Metha beya tsipae xua barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matabuxumonaein tsiniya xeina po jumein xua yaputane barapomonae. <sup>11</sup> Ichitha icha xan jopa yaputaeyo po jumetha xua ichun netsipaeba bapoxonae xan be tsita tana nanapaincha poponaein xua be icha nacua werena taponaein iru bapondu be netsita penanapaincha poponaein xua be icha nacua werena peponaein. <sup>12</sup> Paxam paichichipame po juntu cui coyenein Nacom pia Pejumope tuxatu tatsi amanaya cata piamaetha. Yaitama baxuan paichichipame daxota bichocono pawucare barapo Nacom pia Pejumope tuxatu tatsi xua painya nepaca catsibinexa po juntu cui bichocono wanae. Baxua pawucare xua painya neyawenaenexa pomonae pejume cowantsiwi Nacom, xua beta pejume cocowantaponaenexa Nacom.

<sup>13</sup> Daxota pon icha cueicueijei icha jumetha po jumetha bequein bapon jopa nacuidubiyo, bapon bewa wucaena Nacomtha xua Nacom bapontha yabara jume yaputane pecana exanaenexa barapo jume. Bapoxonae bapon itacupaetsi xua yabara yaputane exana barapo jume xua ichamonaetha yaputane exantsi. <sup>14</sup> Icha icha jumetha tsipaeban Nacomtha po jume bequein jopa yaputaeyo saya apara tajumope tuxatu tsipaeba Nacomtha. Tajuntu coyene jopa yaputaeyo xua tatsipaebiwa Nacom. Barichi ichamonaetha jopa yaputaeyo xua tatsipaebiwa Nacom. <sup>15</sup> ¿Eta xua bewa exanocuaein? Jame, bewa wucaein Nacom tajumope tuxathu po jumein jopa yaputaeyo. Matautano bewa wucaein Nacom tajuntu coyenewatha po jumein yaputan. Barichi bewa naxunaein Nacomtha tajumope tuxathu po jumein jopa yaputaeyo. Matautano bewa naxunaein tajuntu coyenewatha po jumein yaputan. <sup>16</sup> Ichacuitha metha icha jumetha wanae jainchipame Nacom xua nejumope tuxatu cueicueijei cacana exana. Pomonae xua cajume taetsipa jopa cajume yaputaetsipae. Daxota jopa itacupaetsipatsi xua peburaya necajume notsiwa Nacom nexa, xua pejeinexa: “Bara ichi tsane”, xua pejeiwa. <sup>17</sup> Poxonae bequein Nacomtha wucaetsipame icha jumetha bara bequein wanae pocotsiwa xua paebame, daichitha ichun jopa yawenaetsipaetsi xua beta pejume cowantsiwa Nacom. <sup>18</sup> Nacomtha tsipaeban paxam yabara, janje: “Nacom maisa juntu coyene weiweinan, xua icha jumeintha tacatsipaebiwaetsi, beyacaincha daxita barapomonae



xua icha jumeintha catsipaeba”, jan. <sup>19</sup> Ichitha poxonae pomonae Nacom pejume cowantsiwichi nacaetuta penacaetutsi botha bara saya wanae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonae icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijejwa.

<sup>20</sup> Tamonae pam, paxam pomonae iru painya nejume cowantsiwixae Jesucristo. Painya xoba pananta xeiname icha pexui ichi poxonae nanta xeina. Jame pajinompa dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonae pinyon ichi xua nanta xeina dubenanaebiya. <sup>21</sup> Nacom jeye pia peitorobi jume diwesitha: “Paebin barapo judiomonaetha poxonae cueicueijej cana exanaein pomonae penanapaincha jinompaewi xua icha nacuapiwi po jumein xua jopa yaputaeyo pomonae xua petsipaebixaetsi. Bequein baxua exanaein ichitha cataunxuae barapo judiomonae jopa nejume tae tsane”, jei pon jiwi Pecanamataxeinaein pia peitorobi jume diwesitha. <sup>22</sup> Daxota xua pecueicueijejwa icha jumeintha tsita itapeinya xeina xua pomonaetha pomonae jopa pejume cowantsiwi xua apara Nacom atene exanaena barapomonae jopa pejume cowantsixae. Barapo jumein jopa apara nexiyo pomonae xua bayatha pejume cowantsiwi, poxoru Nacom jopa atene exanae tsane barapomonae. Ichitha xua cueicueijej Nacom Pejume Diwesi, baxua tsita itapeinya xeina pomonaetha pomonae pejume cowantsiwi xua apara Nacom yawenaena barapomonae peantobexae tsipei barapomonae Nacom jume cowantatsi. Barapo Nacom Pejume Diwesi pecueicueijejwa jopa apara nexiyo pomonae jopa pejume cowantsiwi poxoru Nacom jopa yawena tsane barapomonae jopa pejume cowantsixae Nacom. <sup>23</sup> Ichacuitha metha patsipa painya nenacaetutswatha xua poxonae Nacom wanae pajaintame pomonae jopa yabara yaputaeyo poxonae ichamonae pecueicueijejwa icha jumeintha, iru pomonae jopa pejume cowantsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae. Bapoxonae barapomonae paca yabara nanta xeinaetsipa xua apara painya nepacamatajemabi jiwi pam. <sup>24</sup> Ichitha metha pebiwi patsipa painya nenacaetutswatha xua poxonae Nacom wanae pajaintame pomonae jopa yabara yaputaeyo poxonae ichamonae pecueicueijejwa icha jumeintha, iru pomonae jopa pejume cowantsiwi Nacom. Poxonae daxita paxam Nacom Pejume Diwesi papaebichipame barapomonae paca yaputaetsipa xua papaebame. Bapoxonae barapomonae najuntu coyene cayabara nanta xeinaetsipa xua abe peexanaewa. Matautano barapomonae yaputaetsipa xua Nacom petsita natsicuentswatsi xua abe peexanaexae xua poxonae painya necajume taexae poxonae papaebame Nacom Pejume Diwesi. <sup>25</sup> Nacom exana xua barapomonae peyaputaewa po coyene xua Nacom daxita beta yabara yaputane po coyene xua barapomonae nanta xeina pejuntu coyenewatha. Bapoxonae barapomonae yaputaena xua bara Nacom junteina barapomonae abe pia peexanae cuiru coyenein tatsi. Bapoxonae pentabocototha umenaena xua Nacom wanae pejainchinexa tsainchi. Barapomonae jei tsane paxamtha: “¡Jaina, maisa deta Nacom paca baru jinompa!” paca jei tsane barapomonae.

*Meje xua Pablo jeye: “Beta xanepanaya paexanaponde penacaetutsi bontha poxonae wanae pajainteibame Nacom”, jei*

<sup>26</sup> Tamonae pam, paxam pomonae iru painya nejume cowantsiwixae Jesucristo. Paca tsipaebatsi xuaje: Poxonae pana nacaetutame, ichamonae painyamonae jiwana barabu naxunaena peweixi xua wanae pejainchinexa Nacom. Ichamonae iru barabu cuidubina ichamonaetha. Ichamonae iru barabu cuidubina po coyenein Nacom yaputane exana. Ichamonae iru barabu icha jumeintha cueicueijej tsane po jumein bequein jopa nacuidubiyo. Ichamonae iru barabu xuya barapo jumein yabara jume

yaputane exanaena daxita jiwitha po jumein ichamonae paeba. Daxita po coyenein xua paexaname bara wɯnae paexande poxonae panacaetutame wɯnae painya jaintsinexa Nacom xua daxota xanepanaya mataropeicha painya nejume cocowanta dubenanae-biyaenexa Nacom. <sup>27</sup> Poxonae icha jumeintha pacueicueijam bewa saya cueicueijei nacueyatabe poyobe ichacuitha poxonae acoibi poyobe. Ichitha ichamonae ajibi tsane. Barapo acoibi poyobe bewa xuya cotacaya barompaya tsana cueicueijei tsopona tsane. Bewa bapoxona xuya ichɯn cotacaya yabara jume yaputane exanae pocotsiwan xua barapo acoibi poyobe barompaya seicaya paeba. <sup>28</sup> Ichɯn dapocotsin aibi pon itacɯpatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonae Nacom wɯnae pejainchinexa. Saya bewa moya pia coutha cueicueijei Nacomtha. <sup>29</sup> Bara wɯnae tsipae icha saya pacopatsipame nacueyatabe poyobe xua pecueicueijeiwa Nacom Pejume Diwesi xua ichacuitha poxonae saya acoibi poyobe. Ichamonae bewa jume taena icha metha bara xaniwaicha paeba barapo acoibi poyobe. <sup>30</sup> Icha ichɯn eca baxota pon Nacom yaputane exana po jumein bewa cueicueijei tsane bapoxona pon xua copiya asiya uncuwa bewa moya ecaena xua daxota barapon pon ichɯn itacɯpatsi xua cueicueijei po jumein Nacom yaputane exana. <sup>31</sup> Daxita paxam paca itacɯpa xua painya necueicueijeiwa Nacom Pejume Diwesi, painya necana exanaenexa xua daxita barapomona penacuidubinexa. Matautano paca itacɯpa painya necueicueijeiwa painya nejuntɯ cui tsacabinexa daxita jiwi pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tsoponeibim tsane. <sup>32</sup> Pomona Nacom Pejume Diwesi pecueicueijeiwi barapomona itacɯpatsi xua penajuntɯ coyene itorobiwa. Daxota barapomona ewata xua ichɯn matha pecueicueijeinexa, xua bapoxona bara pecueicueijeinexa tsane ichamonaetha. <sup>33</sup> Tsipei Nacom jopa ichipaeyo xua jiwi ajumeyaexa poxonae daxita jiwi pebɯɯaya cueicueijei Nacom Pejume Diwesi. Jame Nacom ichichipa xua pomona pejume cowantsiwi jantema penabarɯ jinompaewa poxonae nacaetuteiba xua wɯnae pejainchinexa Nacom.

Daxita pomona xua nacaetuta pejume cowantsixae Jesucristo, exana xuaje: <sup>34</sup> Yabɯxi bewa saya moya poxonae nacaetuta pomona Nacom pejume cowantsiwi xua Nacom Pejume Diwesi pecueicueijeinexa. Nacom baxua jopa copatsiyo xua yabɯxi pecueicueijeiwa baxota. Barapo yabɯxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba. <sup>35</sup> Icha barapo yabɯxi ichichipa xua peyaputaewa pocotsiwa ichamonae paeba, bewa barapowaxi pia boxitha yainyabi pia seuriwi. Tsipei jopa wɯnae tsipae icha yabɯyo cueicueijei penacaetutsimonaetha pomona Nacom pejume cowantsiwichi xua poxonae yainyaba pia pebiwi.

<sup>36</sup> Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Matautano jopa paxam compa pam pomona meisa paxename Nacom Pejume Diwesi. <sup>37</sup> Ichamonae pomona paxam jiwana pam nanta xeina xua xeina po jantɯ coyenewatha pecueicueijeiwa Nacom Pejume Diwesi. Barapo jantɯ coyene xua Nacom pia Pejumope tɯnaxɯ tatsi amanaya cata. Matautano ichamonae pomona paxam jiwana pam nanta xeina xua xeina icha jantɯ coyenewa po jantɯ coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa. <sup>38</sup> Icha pebin jopa bejume cowantsiyo pocotsiwa paeban, bapoxona painya xoba pajume cowantame pocotsiwa bapon paeba.

<sup>39</sup> Tamona pam, paxam pomona irɯ painya nejume cowantsiwixae Jesucristo. Bewa jame paichichipaename xua painya necueicueijeiwa Nacom Pejume Diwesi. Painya xoba pajume itawetame poxonae ichamonae cueicueijei icha jumein po jumein bequein jopa nacuidubiyo. <sup>40</sup> Daxita beta xanepanaya paexanaponde poxonae pana

nacaetutame penacaetutsi botha xua poxonae wunaey painya nejainchinexa Nacom, xua barompaya tsanaya patamropatsiya exanaponde.

## 15

### *Meje xua Pablo yabara paeba poxonae Cristo equeicha asu exainchi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume cowantame, xua daxota beta pajume cowantsiya jinompame Nacomtha. <sup>2</sup> Painya nejume cowanta dubenanaebiyaexae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene pax-eina dubenanaebiyaename icha beta payabara juntanainame pocotsiwa paca cuidubatsi xuano icha xaniwaicha pajume cowantame baxuan. Icha copiya jopa pajume cowantsim tsane painya juntu coyenetha barapo pecapanenebiyae diwesi bapoxonae Nacom jopa paca capanenebiyae tsane.

<sup>3</sup> Copiya paca cuidubatsi pocotsiwa xua ichan necuiduba xua Cristo yabara. Paca cuidubatsi xua Cristo naca tsitupa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua. <sup>4</sup> Poxonae Jesucristo tupa bapoxonae muthutha xotsi. Ichitha poxonae acoibi po matabibibe jopa, barapo matabibitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua. <sup>5</sup> Bapoxonae Pedro tsita naitatatsi Jesucristo. Bapoxonae equeicha Jesucristo tsita naitata pia peitorobi jiwi tatsitha pomonae doce poyobe. <sup>6</sup> Bapoxonae caena equeicha Jesucristo tsita naitata pomonaetha pomonae pia pejume cowantsi jiwixaetsi, pomonae beyacaincha quinientos poyobe jiwi. Awiya pinmonae barapo bicheito jiwamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana. <sup>7</sup> Bapoxonae equeicha Santiago tsita naitatatsi Jesucristo. Bapoxonae equeicha Jesús tsita naitata daxita pomonaetha pomonae pia peitorobi jiwi tatsi.

<sup>8</sup> Bapoxonae nama matapainya xan Pablon netsita naitata Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana. <sup>9</sup> Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacaetutsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua. <sup>10</sup> Ichitha xan nama anoxuae seicaiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusya nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae. <sup>11</sup> Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta juraya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

*Meje xua Pablo yabara paeba pomonae xua equeicha asu exanatsi petupae cuiru coyene weya*

<sup>12</sup> Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu

exanaeyo jiwi petɔpae cuiru coyene weya. ¿Eta xua nexata metha baxua paeba painyamonaē jiwana? Bara bayatha payabara yaputanemeba. <sup>13</sup> Icha jiwi jopa equeicha asɔ exanaetsipaetsi petɔpae cuiru coyene weya, bara nexata Cristo barichipaetsi, jopa equeicha asɔ exanaetsipaetsi petɔpae cuiru coyene weya. <sup>14</sup> Icha Cristo jopa equeicha asɔ exanaetsipaetsi petɔpae cuiru coyene weya, bapoxonaē jopa ainya cui tsipae pocotsiwan paca cuidubatsi. Bapoxonaē baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae. <sup>15</sup> Icha baxua xaniyei paxan be pomonaē pemuxuitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asɔ exanatsi petɔpae cuiru coyene weya. Papaeban xua Nacom equeicha Cristo asɔ exanatsi petɔpae cuiru coyene weya ichitha baxua jopa xainyeyo icha jiwi jopa equeicha asɔ exanaetsi petɔpae cuiru coyene weya. <sup>16</sup> Icha petɔpae jiwi jopa equeicha asɔ exanaetsipaetsi petɔpae cuiru coyene weya, barichi Cristo bayatha jopa equeicha asɔ exanaetsipaetsi petɔpae cuiru coyene weya. <sup>17</sup> Icha Cristo jopa equeicha asɔ exanaetsipaetsi petɔpae cuiru coyene weya bapoxonaē jopa paca yawenaetsipae xua painya nejume cowantsiwa. Daxota awiya paexana dubenanaebiyaetsipame abe painya neexanaē cuiru coyenein. <sup>18</sup> Icha baxua xainyei tsipae xua Cristo jopa asɔ exanaetsipaetsi petɔpae cuiru coyene weya bapoxonaē pomonaē xua bayatha werapa bequein jume cowantsitha tsipae Jesús, ichitha weraweracaetsipa xua abe peexanaexae. <sup>19</sup> Waxainchi jume cowantsiya wɔnaē ewatatsi xua bexa tsane Cristo naca asɔ exanaena poxonaē werapaeinchi. Ichitha icha saya jume cowanta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonaē wajume cowantsiwa jopa naca yawenaetsipae xua po coyene Nacom bexa asɔ wanaca exanaewa tsane poxonaē werapaeinchi. Bapoxonaē jiwi pomonaē jopa pejume cowantsiwi naca yabara jei tsipae: “¡Pai barapomonaē tsobenaē beyacaincha ichamonaē bequein jume cowantsitha tsobenaē!” xua wanaca yabara jeichiwa tsipae.

<sup>20</sup> Ichitha pocotsiwa xua yatsicaya jame xainyei, apara jame xua Cristo bara yatsicaya asɔ exanatsi petɔpae cuiru coyene weya. Bapon Cristo copiya jiwi asɔ canamata exanatsi xua petɔpae cuiru coyene weya pomonaē xua ataya tsitecaeya peasɔnexa xua jopa weraweracaeyo. <sup>21</sup> Jiwi abe peexanaē cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asɔ exanatsi, tsipei jiton copiya asɔ canamata exanatsi, bapon Jesucristo. <sup>22</sup> Jiwi werapaena icha Adán ichi abe peexanaexae. Daxita pomonaē Cristo piamonaē tatsi equeicha asɔ exanaeinchi petɔpae cuiru coyene weya icha Cristo cana ichichi xua asɔ exanatsi xua petsitecaenexa. <sup>23</sup> Nacom iche tsane xua poxonaē exanaena xuaje: Copiya matha Cristo asɔ exanatsi. Bexa tsane pomonaē Cristo piamonaē tatsi asɔ exanaeinchi petɔpae cuiru coyene weya poxonaē Cristo equeicha patopaetsica barapo irathe tsique. <sup>24</sup> Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusɔ itorobi coyenewa po peayapusɔ itorobi coyenewa xua jopa Nacom pia coyenewa tatsi. Bapoxonaē poxonaē wetsina daxita, Cristo pia peayapusɔ itorobi coyenewa Paxa caewa catsina, pon Nacom. <sup>25</sup> Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonaē Nacom weraweraca exanaena pomonaē Cristo pia peaitafaetabi jiwichi. <sup>26</sup> Po coyene Nacom cotacaya exanaena xua apara piamonaē asɔ cana exanaena xua bapana jopa peweraweracaewa tsane. <sup>27</sup> Tsipei Nacom Pejume Diwesitha paeba xua pinaē Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane. <sup>28</sup> Copiya Nacom exanaena xua Cristo itorobiya

canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

<sup>29</sup> Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa. <sup>30</sup> Daxita matakabi jinompeibatsi xua naca peipeita ichamonae xua naca abe exana wajume cowantsixae. Icha jopa equeicha asu naca exanaetsipae jopa ainya cui tsipae xua wacueicueiei tsurubenanaebiwa Nacom Pejume Diwesi. <sup>31</sup> Tamonae pam, paxam pomonae iru painya nejume cowantsiwixae Jesucristo. Daxita matakabi muxu tatupeibi xua ichamonae tanepeipeita exaneibixae. Baraxua xaniyei icha ichi xua xaniyei xua juntu coyene weinweinan xua Jesucristo pon Wanacanamataxeinaein xanepanaya peexanaexae painya xantha. <sup>32</sup> Xan bara imoxoyo tatupae poxonae Efeso tomarapiwi inta abe exana. Barapomonae baraxua necana exana icha neuthu ichi poxonae ichan waetabatsi. Bequein barapomonae baxua necana exana xua muxu tatupae ichitha jopa asu neexanaetsipae petupae cuiru coyene weya icha jiwi equeicha jopa asu exanaetsipaetsi. Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi. Poxonae baraxua exanatsi jupa exanatsi icha ichamonae ichi pomonae jopa peyabara jume cowantsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowantsiwi.

<sup>33</sup> Painya xoba pacopatame xua bara ichamonae painya nepaca muxutorobeibiwa. Jiwi ba pia pecayabara jata pepaebi diwesiyo ba jei: “Pomonae abe peexanaewi cuiduba ichamonaetha pomonaetha pomonae ichipa beta exana, xua barapomonae abe peexanaenexa”, ba jei barapo diwesiyo. <sup>34</sup> Equeicha caewa paexande po juntu coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neauranexa.

*Meje po coyeneya xua Nacom exanaena poxonae jiwi equeicha asu exanaeinchi petupae cuiru coyene weya*

<sup>35</sup> Metha ichan yainyabina, jei tsane: “¿Eta po coyeneya Nacom exanaena poxonae pewerapaewi equeicha asu exanaeinchi? ¿Eta pocotsi pepon barapomonae xeinaena?” jei tsane. <sup>36</sup> Barapo peyainyabiwa saya pejumexaei. Poxonae paubame peubi xuto, barapo xuto bupana bocareca iratha xua pexu nantafobabinexa poxonae xua nae pexuwineha. <sup>37</sup> Poxonae paubame jopa apara pepaboto paubim xua pepa nae pexuwineha. Jame apara ba pexu paubame, metha beya xua trigo xuto tsipae, ichacuitha metha icha pexuton tsipaeno. <sup>38</sup> Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita peubi xuton tsanaya seicaya pia cui barompa poxonae xuwa. <sup>39</sup> Barichi jiwi pepon daxita jopa najupaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa. <sup>40</sup> Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonae barapo irathe pejinompaewi nexa. Po pepon pexeinya peitupanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe. <sup>41</sup> Xometo poto atsato pia pexeinya peitupanae coicha barompa. Barichi jomocoichato pia peitupanae coicha barompa. Opiteino pia peitupanae coicha barompa. Icha opitei pia peitupanae coicha jopa nacoicha jupaeyo icha opiteitontha po

opiteiton pia peitɔpanae coicha xeina. <sup>42</sup> Barapocotsi jɔta coyeneya ichi pomonae xua equeicha asɯ exanatsi petɔpae cuiru coyene weya. Poxonae pomonae pewerapaewi iratha mɯthɯcatsi equeicha caewa tsorobo naexana petsabanaexae. Bapoxonae equeicha Nacom asɯ exanaena pena pepon xua petsitecaenexa. Barapo pena pepon bapana jopa tɔpae tsane equeicha, jopa petsabanaexae tsane. <sup>43</sup> Barapo peru pepon jopa xeinaeyo peitɔpanae coicha poxonae mɯthɯtha xotsi. Ichitha jame barapo pena pepon xeina pexeinya peitɔpanae coicha. Barapo peru pepon jopa xeinaeyo peasɯwa poxonae mɯthɯtha boca. Ichitha jame barapo pena pepon xeina peasɯwa. <sup>44</sup> Barapo peru pepon saya barapo cae pin nacuathe nexa. Daxota poxonae tɔpa, tsabana naexana, tsorobo equeicha caewa penaexanaenexa. Ichitha poxonae barapo pepon asɯ exanaeinchi, bapoxonae pena pepon naexanaena pejumope tɯnaɯ nexa xua Nacom pia nacuathe peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

<sup>45</sup> Nacom Pejume Diwesitha jeye: “Po jiton copiya Nacom forota, bapon Adán. Bapon peasɯwa xeina xua pepoponaenexa barapo cae pin nacuathe”, jei Nacom. Ichitha Cristo Adán bichocono toxeincha ainya cuichi equeicha caewa asɯ peexanaexaetsi. Daxota bapon Cristo itacɔpatsi xua ichamonaetha cana exana xua pexeinaewa peajɯntɯyarusɯwa xua po peajɯntɯyarusɯwa ataya tsiteca. <sup>46</sup> Copiya jopa xeinaetsi po pepon Nacom pia nacuathe nexa. Saya copiya xeinaetsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuathe nexa. <sup>47</sup> Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica. <sup>48</sup> Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona. <sup>49</sup> Anoxuae wapepon werapaena icha Adán pia pepon tatsi ichi xua bayatha tɔpa. Ichitha poxonae Nacom pia nacuathe patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitɔpanae coicha xeina.

<sup>50</sup> Tamonae pam paxam pomonae irɯ painya nejume cowɯntsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacɔpaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tɔpa. <sup>51</sup> Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawɯn xeina. Daxita pomonae waxainchi jiwanatsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon. <sup>52</sup> Poxonae trompeta matawɯn asiya obina xua poxonae Nacom daxita wetsina, bapoxonae Nacom jemeicha nainya asɯ exanaena pomonae pewerapaewi pomonae pejume cowɯntsiwixae Cristo. Baxua nainya exanaena icha be pocotsi jɔta coyeneya ichi poxonae jiton nainya naichaquetabiya necotaba. Pewerapaewi asɯ exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi. <sup>53</sup> Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacɔpatsi xua pewerapaewa, bewa pepon naexanaena po pepon xua jopa werapaeyo. <sup>54-55</sup> Wapepon xua weraweracaena Nacom equeicha asɯ exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacɔpatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwɯnae yabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tɔpa peexanaein”,

jei Nacom Pejume Diwesitha. <sup>56</sup> Pocotsiwa xua naca amanayaba, apara xua waw-erapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoru barapomonae awiya abe peexanaexae. <sup>57</sup> Paxan pajan Nacomtha: “Nacom, maisa pajuntũ coyene weiweinan xua pata tanecatsiwam jinya neayapusũ itorobi coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitũpaexae”, pajan.

<sup>58</sup> Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana najuntũ ayapusũ exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

## 16

*Meje xua Pablo paratixi yabara paeba po paratixi jiwi catsiba ichamonaetha pomonaetha pomonae pejume cowũntsiwi Nacom*

<sup>1</sup> Yabara paca tsipaebatsi paratixi po paratixi penacaetutsimonae jehebapona ichamonae nexa pomonae pejume cowũntsiwi Nacom. Paexande icha pomonae penacaetutsi jiwimonae ichi xua exana pocotsiwa itoroban pomonae Galacia nacua-monaepiwi. <sup>2</sup> Daxita domingo wũn matacabintha paxam daxita barompaya painya paratixi pajiwana wetsabiya pajehebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abũ paratixi pajebare xua jopa painya neexanaewa tsane baraxua xua poxonae equeicha patopaein. <sup>3</sup> Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajehebaponaename Jerusalén tomarapiwi nexa pomonae pejume cowũntsiwi Nacom. <sup>4</sup> Icha nanta xeinaein xua yapu wũnaein paratixi penawichixae metha moya bara ponaetsipan Jerusalén tomara beya. Bapoxonae barapomonae nepuna ponaena.

*Meje xua Pablo yabara nanta xeina, xua pewarapaewa tsane*

<sup>5</sup> Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha. <sup>6</sup> Metha beya paca barũ ecaetsipatsi be caentacabiyobetha. Ichacuiha metha poxonae awũbo paca barũ ecaetsipatsi. Bapoxonae poxonae weta xua awũbo, paca itacũpa xua pata neyawenaewam pocotsiwa nantawenonan poxonae warapaein icha tomara beya. <sup>7</sup> Jopa ichipaeinyo xua saya bara caetotha tapaca siwa ponaewatsi. Jame ichichipan xua be pecono daepayobe tapaca barũ ecaewatsi tsainchi poxonae patopaein. Baxua exanaein icha Nacom baxua inta copatsina. <sup>8</sup> Ecan xote Efeso tomaratha beya poxonae matabi jopaena po matabi pewũn Pentecostés. Barapo matabi po matabi jiwi yabara jũntanaina xua poxonae matha Nacom pia Pejumope tũnaxũ tatsi patopa penacaetutsi jiwitha pomonaetha pomonae pejume cowũntsiwi. <sup>9</sup> Anoxuae neitacũpa xua bichocono tatanacuichiwa Nacom xua jiwi pinmonae pejume cowũntsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

<sup>10</sup> Icha Timoteo patopaena painya xantha, pantenta weyataema xua bapon jũntema pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa. <sup>11</sup> Daxita paxam jopa payabara jande: “Apara bapon Timoteo pewowin, jopa apara peyaputaen”, jopa payabara jande. Jame maisa bapon payawende xua equeicha jũntema caewa

peponaenexa taxainya berena. Baxua paexande tsipei xan iru ichamonaе pomonaе iru pejume cowantsiwixae Jesucristo, panabarun wunaе ewatan bapon xua Timoteo paewatan.

<sup>12</sup> Apolos pon iru pejume cowantsin matowa tsipaeban xua painya nepaca cataenexa xua bapon pecueyabinexa tsainchi ichamonaе pomonaе iru pejume cowantsiwixae Jesucristo. Ichitha bapon nanta xeina xua anoxuae jopa yapu jupaetsi xua peponaewa tsane xua painya nepaca siwa ponaewa. Bapon ponaena ichitha poxonaе tayapu jupaeinchi.

*Meje poxonaе Pablo najume wetsiya paeba*

<sup>13</sup> Dota pam, pomonaе xua abe pacata exana. Beta paaajuntusuya pajume cowanta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyaeyo xua beta peexanaewa. <sup>14</sup> Daxita pocotsiwan xua paexaneibame, peantobe coyeneyatha paexaneibare ichamonaetha.

<sup>15</sup> Tamonaе pam, paxam pomonaе iru painya nejume cowantsiwixae Jesucristo. Paxam payaputaneme xua Estefanas piamonaе tatsi copiya jume cowanta Jesucristo Acaya nacuatha. Barapomonaе bichocono yawena ichamonaetha pomonaetha pomonaе iru pejume cowantsi jiwu Nacom. <sup>16</sup> Paca tsipaebatsi xua paxam xuya paexana dubenanaebiyama pocotsiwan barapomonaе paca itoroba. Pabarun nacuire barapomonaе xuano ichamonaе iru pabarun nacuitame pomonaе jupaeya exana icha barapomonaе ichi. <sup>17</sup> Maisa bichocono juntu coyene weiweinan xua Estefanas iru Fortunato iru Acaico xote pate. Barapomonaе inta exana pocotsiwa jopa paca itacupaeyo xua painta exaname xua jopa xote tapaca barun ecaexaetsi. <sup>18</sup> Barapomonaе nejuntu cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonaе.

<sup>19</sup> Pomonaе penacaetutsimonaepiwi, pomonaе pejume cowantsiwi Nacom, pomonaе Asia nacuatha jinompa, barapomonaе paca jacoba. Aquila iru piowa tatsi Prisca, iru pomonaе petanacaetutsi dubenanaebiyae jiwichi pia botha tatsi, barapomonaе bichocono paca jacoba peantobe jiwixae xua peantobexaetsi pon jiwu Pecanamataxeinaein. <sup>20</sup> Daxita pomonaе pejume cowantsiwixae Cristo pomonaе xote jinompe daxita paca jacoba. Betiya painta nantiya pana najacobare painya neantobewaxae Cristo.

<sup>21</sup> Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

<sup>22</sup> Icha ichan jopa Jesucristo antobetsi pon jiwu Pecanamataxeinaein barabun Nacom itawetsina pexainya weya, xua bapon be pon abe peexanae jiton tsane. ¡Xam ponxaem Pata Necanamataxeinaem nainya antha patopare!

<sup>23</sup> Barabun Jesucristo pon jiwu Pecanamataxeinaein paca yawenaena pia paca nepaca caantobewaxae xua xanepanaya painya nejinompaenexa. <sup>24</sup> Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.



## Meje Po Carte Cotacaya Pablo Tatina, Corinto Tomarapiwi Tatinatsi

*Meje poxonae Pablo tamropata pitaba xua tatina pomonaetha pomona Corinto tomarapiwi*

<sup>1</sup> Xan Pablon pacata tinatsi. Nacom peichichipaexae bapon necana exana xua Jesucristo pia peitorobi jiwi jiwana tatsin. Xan iru Timoteo pon pejume cowuntsin baponbe panbe pacata tinatsi. Paxam pomonae iru painya nejume cowuntsixae Jesucristo pana nacaetutame penacaetutsi botha Corinto tomaratha xua wuna painya nejainchinexa Nacom. Matautano pata tinanbe pomonae iru Nacom piamona tati xua Acaya nacuatha jinompa. <sup>2</sup> Barabu Nacom pon Waxa iru Jesucristo pon jiwi Pecanamataxeinaein baponbe paca yawenaena pia paca necaantobexae. Matautano barabu baponbe paca cana exanaena xua juntea painya nejinompaewa tsane.

*Meje yabara xua poxonae Pablo atene exanatsi*

<sup>3</sup> Bara Nacom wuna jaintatsi pon Wanacanamataxeinaein Paxa tati xua Jesucristo Paxa tati. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae. <sup>4</sup> Daxita xua xuan ichamona pana atene exana, xuan Nacom pana cui matateiqueiba, baxua Nacom painta exana xua xuya iru ichamona pata cui matateicaenexa tsaibi tsane pomona poxona atene exaneibatsi ichamona. Paxan ichamona pacui matateican icha Nacom pana ichi xua pana cui matateica. <sup>5</sup> Icha Cristo ichichi poxona atene exanatsi ichamona, barichi ichamona pana atene exana pata jume cowuntsixae Jesucristo. Nacom, Cristo cui matateicatsi poxona atene exanatsi ichamona. Bara pana ichi Nacom pana cui matateiqueiba poxona ichamona pana atene exaneiba. <sup>6</sup> Ichamona pana anthutane exana. Bequein baxua painta exana, daichitha awiya pana itacupa xua tapaca cayawenaewatsi poxona paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxona awiya juntea pajinompa dubenanaebiyame bequein poxona ichamona paca atene exana icha barapomona pana ichi xua pana atene exana. <sup>7</sup> Paxan ajuntaya paca cui yabara jume cowuntsiya ewatatsi xua paxam bara beta pajinompa dubenanaebiyaename poxona bequein ichamona paca atene exana. Paxan payaputan xua paxam iruru paaajuntacoyenetanem poxona ichamona pana atene exana. Barichi Nacom paca cui matateica icha pana ichi xua pana necui matateica.

<sup>8</sup> Tamona pam, paxam pomona iru painya nejume cowuntsiwixae Jesucristo. Paichichipan xua painya neyaputaewa xua ichamona bichocono painta ayapube exana Asia nacuatha. Baxua bichocono ayapusaya pana juntea coyene jujuta, beya poxona awatha muxu jopa juntea pata dubenanaebiyaewa. Ichacuitha pananta xeineiban xua jopa pana itacupaeyo xua pata panenebiwa xua pata asawa tsane. <sup>9</sup> Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowuntsiwa tsane xua meisa Nacom bara compa pia coutha pata taneyawenaewa tsane xua jopa pata tana nayawenaewa tsane pata coutha. Nacom apara pon equeicha asu exana pewerapaewi petapae cuiru coyene weya. <sup>10-11</sup> Nacom pana necapanenebiya ichamona weya poxona barapomona bichocono abe painta exana poxona awatha muxu pata werapae. Matautano awiya Nacom baxua painta exanapona. Yatsicaewa Nacom payabara jume cowuntan xua

bexa tsane pana necapanenebiyaenano icha awiya painta wacaponame Nacomtha. Nacom pana neyawena poxonae pinmonae painta tsipaebina Nacomtha. Bexa poxonae Nacom pana necapanenebiyaena barapoxonae pin bicheitomonaе jeі tsane: “Nacom maisa pajuntа coyene weiweinan xua neyawenaewa Pablobarа xua jopa pewerapaewa neantobexae poxonae jiwі pin bicheito cawuca barapomonaе nexa”, jeі tsane barapo pin bicheitomonaе.

*Meje poxonaе Pablo jopa yapu jаpaetsi xua peponaewa Corinto tomara beya*

<sup>12</sup> Pajuntа coyene weiweinan, daxota atsaquiya pata jeіwa pocotsiwe: Daxita pocotsiwa paexanan po cae pin nacuathe, xuano poxonaе pata paca barа jinompaewatsi, pata juntа coyene bara pana tsipaeba xua pinae bara beta paexanan. Pajuntа coyene xanepanan Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Aparа baxua jopa paexanaeinyo barompaya pata tayaputae coyenewatha. <sup>13</sup> Daxita xua pacata tinatsi jopa icha diwesi pacata yawa muxuna tinaetsi. Pocotsiwa pacata tinatsi saya pocotsiwa painya nepaca itacupaewa xua painya neyorobiwa tsane xuano xua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi. <sup>14</sup> Anoxuae daxita pam be conotha pana neyaputaneme. Poxonaе Jesús pon Wanacanamataxeinaein equeicha patopaetsica, pana neyabara juntа coyene weiweinaename icha paichin tsane xua paca yabara juntа coyene weiweinaeinchi.

<sup>15</sup> Poxoru pana neyabara juntа coyene weiweiname daxota nanta xeinan xua tapaca siwa ponaewatsi tsainchi. Bapoxonaе icha neitacupa equeicha bexa paca siwa ponaeinchi xua daxota ainya cuiyobetha paca siwa ponaeinchi tapaca cayawenaewa tsainchi. <sup>16</sup> Bayatha paca tsipaebatsi janje xuaje: “Poxonaе ponaein Macedonia nacua beya copiya ichichipan xua matha tsiwanaeya tapaca siwa ponaewatsi tsainchi. Equeicha paca taeinchi poxonaе caewa denan tsane Macedonia nacua werena. Bapoxonaе paca itacupa xua tapana neyawenaewam poxonaе warapaein Judea nacua beya”, paca jeichi. <sup>17</sup> Bequein baxua paeban, daichitha baxua jopa neitacupaeyo xua taexanaewa baxua. Poxonaе baraxua paeban pana nejume cayabara cananta xeiname xua xan apara pon ichawa beya tapaebin xua be pocotsi jiton pon saya exana pocotsiwa bapon ichichipa xua ichawa beya ba paeba. Xan baxua jopa exanaeinyo. Jopa ba paca jeichi “Aja”, jopa paca jeichi. Ichacuitha jopa ba paca jeichi “Jume”, jopa paca jeichi xua poxonaе cae coyene yabara paca tsipaebatsi. <sup>18</sup> Nacom bapon bara xaniwaicha tana neyabara paebin pocotsiwa taexanaewa. Bapon Nacom netane xua jopa ichawa beya tapaebiwa. Saya poxonaе, ba “aja”, pejeinexa, ba “aja”, jan. Matautano saya poxonaе ba “jume” pejeinexa, ba “jume”, jan. <sup>19</sup> Timoteo irа Silvano irа xan paca cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopa bapana jeі tsaibiyo bara caetha: “Jume”, yawa “Aja”, jopa bapana jeі tsaibiyo. Saya jame ba jeі: “Aja”, ba jeі tsaibi. <sup>20</sup> Cristo bara daxita exana pocotsiwa Nacom Pexanto yabara tsiwanae muxu duta. Bara Cristo “Je” jeі xua peexanaenexa pocotsiwa Paxa itorobatsi. Daxota waxainchi barichichi jeі tsaibichi: “Je, barichi tsane bara Cristo Jesús exanaena baxua”, jeі tsaibichi waxainchi poxonaе Nacom wanae jainteibatsi. <sup>21</sup> Bapon Nacom pana ajuntаcoyenesа exana xua beta pata jume cowantsinexa Cristo. Matautano irа bara paca ichi Nacom, paca yawena. Bapon Nacom naca itapeta watanacuichinexa bapon. <sup>22</sup> Barapon Nacom naca cana exana xua wanaca barа jinompaewa pia Pejumope tаnaxа tatsi wanaca yaputaenexa xua piamonaе jiwichi. Baraxua Nacom naca tsita itapeinya xeina xua bexa tsane naca catsina ichawan.

<sup>23</sup> Nacom neyabara juntа coyene yaputane xua xainyeya paeban. Bequein juntucuru nanta xeinan xua paca siwa ponaeinchi ichitha jopa ponaeinyo. Jopa paca siwa

ponaetsi Corinto tomaratha tsipei jopa daunweya bepaca tsipaebichi xua paca juntu coyene wecoyei exanaetsipatsi. <sup>24</sup> Jopa bepaca yabara itorobichi xua pocotsiwa bewa painya nejume cowantsiwa tsane. Tsipei barapara ayapusya pajume cowanta dubenanaebiyame. Pocotsiwa jame paichichipan apara xua pata paca baru nacuichiwatsi jame, painya nejuntu coyene weiweinaenexa.

## 2

<sup>1</sup> Daxota juntucuru nanta xeinan xua jopa equeicha tapaca siwa ponaewa tsainchi, tsipei jopa bepaca wecoyei exanaetsi. <sup>2</sup> Icha paca juntu wecoyei exanaetsipatsi, dapomonaе aibi tsipae pomonaе nejuntu coyene weiweina exana. Jame meisa paxam paca itacupa xua tapana nejuntu coyene weiweina exanaewam. Ichitha icha paxam saya pajuntu coyene wecoyam tsipae jopa pana nejuntu coyene weiweina exanaemtsipae. <sup>3</sup> Daxota bayatha pacata tinatsi icha carta tsipei jopa bepaca siwa ponaetsi icha saya paca juntu coyene wecoyei exanatsi poxonaе yabara paca muxuwetatsi pocotsiwa paexaname xua abe paexaname. Apra jame paxam pomonaе bewa pana nejuntu coyene weiweina exanaem. Xan nanta xeinan icha juntu coyene weiweinan paxam bara paichim tsane pajuntu coyene weiweinaename. <sup>4</sup> Poxonaе bayatha po carta pacata tinatsi bichocono nthathu wecoyan, tsipei bichocono paca yabara najuntu coyene eena exanatsi pocotsiwa painya neexanaexae beya poxonaе yatsicaewa wecoyan xua yatsicaewa taitacuere mene jujuincaewa. Jopa ichipaeinyo xua tapaca wecoyei exanaewatsi. Jame ichichipan xua painya neyaputaewa xua tapaca caantobewichi bichocono.

*Meje poxonaе Pablo itoroba xua Corinto tomarapiwi peyabara jಂತemainaewa tsane pocotsiwa exana pon penowa pita*

<sup>5</sup> Caein pon paxam jiwana pam abe exana ichamonaetha. Bapon juntu coyene wecoyei exana ichamonaetha. Bapon jopa meisa apra compra nejuntu coyene wecoyei exanaeyo. Barichi bapon bara iru paca juntu coyene wecoyei exana daxita paxam bequein saya bapon abe exana pon painyamonaе jiwana jiton. <sup>6</sup> Pon yabara icha cartatha pacata tinatsi pon abe peexanaein, peburuya nanta jupaya paitawetame bapon xua pepatopaeyainwa painya nenacaetutsiwatha poxonaе wunaе pajaintame Nacom. Anoxuae bapon nacui baraxuba xua abe peexanaewa. Baraxua bara wunaе. Painya xoba equeicha paitawetame bapon. <sup>7</sup> Anoxuae paxam bewa pacui yabara jಂತemainaem abe pia peexanae cuiru coyene tatsi. Matautano bewa pacui matateicaename xua peaurayainwa. Icha jopa baxua paexanaemtsipae, bapoxonaе bapon metha jopa juniya bichocono juntu coyene wecoyei tsipae, xua daxota anaya pia coutha penacabetsiwa xua pebaraxubixae xua pejume cowantsiwa. <sup>8</sup> Daxota paca tsipaebatsi, bapon patsita itapeinya xeinare xua peantobe coyenewa painya netsita xeinaewa bapon. <sup>9</sup> Bayatha yabara pacata tinatsi xua bewa pamuxuwetsim bapon. Paca juntu coyene jujutatsi xua tayaputaenexa icha metha bara xaniwaicha pana nejume cowantame daxita pocotsiwa paca itorobatsi, bara bayatha pamuxuwetame bapon. <sup>10</sup> Icha paxam ichun pacui yabara jಂತemainame abe pia peexanae cuiru coyenein tatsi, barichin tsane iru bapon cui yabara jಂತemainaein abe pia peexanae cuiru coyenein tatsi. Tsipei icha ichun cui yabara jಂತemainan abe pia peexanae cuiru coyenein apra poxoru copiya painya necui yabara jಂತemainaxae abe pia peexanae cuiru coyenein tatsi. Baxua exanan Cristo tana neitorobixae. Baxua Cristo necui tane xua exanan. <sup>11</sup> Waxainchi ichamonaе abe pia peexanae cuiru coyenein tatsi yabara jಂತemainatsi xua caurimonaе pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiw juntu coyene jujutatsi xua abe peexanaenexa.

*Meje poxonaе Pablo Tito bichocono yabara najuntu coyene exabatsi Troas tomaratha*

<sup>12</sup> Poxonae Troas tomaratha patopan xua tacueicueijeinexa Cristo pejume diwesi bara inta yapu w<sub>nae</sub> xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane. <sup>13</sup> Ichitha bichocono jopa j<sub>ntema</sub> poponaeinyo poxoru bichocono yabara naj<sub>ntu</sub> exaban Tito pon ir<sub>u</sub> pejume cow<sub>nts</sub>sin Jesucristo, yaitama jopa caxinaeinyo bapon. Daxota Troas tomarapiwi napeyaban. Bapoxonae ponan Macedonia nacua beya.

*Meje yabara po coyeneya xua Cristo naca yawena xua waamanayabinexa caurimonae pia pentacaponaein tatsi*

<sup>14</sup> Nacom patsipaeban, pajan: “Nacom maisa paj<sub>ntu</sub> coyene weiweinan xua painta exaname”, pajan. Nacom pana cana exana xua Cristo betiya pana canamataxeina poxonae Nacom Pejume Diwesi pacueicueijan. Matautano Nacom pana cana exana xua pata amanayabiwa caurimonae pia pentacaponaein tatsi poxonae jiwi yaputane pacana exanan xua peyabara yaputaewatsi Cristo. Daxita nacuantha ichaxota p<sub>pone</sub>iban, bapon payabara paebeiban. Barapo pexeinya jume diwesi xua papaebeiban taj<sub>u</sub> beya pajume pichipaponan, icha be poxonae petuxuei tuxusi ichi xua taj<sub>u</sub> tuxusi pona. <sup>15</sup> Nacom ichipa nawita poxonae beta patacueicueijan xua Cristo payabara cueicueijan icha be poxonae ichi poxonae bichocono tuxusi ichichipa incienso tuxusi mataw<sub>n</sub>. Barichi po diwesi xua Cristo payabara cueicueijan, taj<sub>u</sub> pajume pichipaponan pomonaetha pomonae Cristo capanenebiya ducuanaebiya xuano pomonaetha pomonae weraweracaponae jopa pejume cow<sub>nts</sub>sixae Cristo. <sup>16</sup> Poxonae jiwi jopa jume cow<sub>nts</sub>siyo barapo diwesi po diwesi pacueicueijan be tsita tuxusichi xua po tuxusi tuxusi barapomonae t<sub>pa</sub> peexanaewatsi. Ichitha poxonae jiwi jume cow<sub>nta</sub>, bapoxonae barapo diwesi tsita muxu w<sub>naetsi</sub> icha xua jiwi ichi poxonae po tuxusi tuxune bichocono ponxo tuxusi w<sub>naetsi</sub>. Barapomonae pe<sub>ntu</sub> coyenetha yaputane xua barapo jume diwesixae Nacom cata barapomonaetha peaj<sub>ntu</sub>yap<sub>u</sub>wa po peaj<sub>ntu</sub>yap<sub>u</sub>wa ataya tsiteca. ¿Jintam metha itac<sub>u</sub>patsi xua barapo Nacom pia petanacuichiwa tatsi peexanaewa xua pia coutha compa exana? Apra dapon ajibi. <sup>17</sup> Paxan jopa paexanaeinyo icha be jopa ichamonae ichiyo xua poxonae barapomonae pia paratixichi paeba dubenanaebiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonae wanaexanaexaetsi Cristotha.

### 3

*Meje poxonae Pablo yabara paeba Nacom pia pena petsiw<sub>nae</sub> muxu dutsiwa tatsi*

<sup>1</sup> Poxonae baxua pacata tinatsi, metha pana neyabara nanta xeinaetsipame xua paxan pomonae ainya cui jiwi pata naexanae jiwi pan. Nama ichamonae cartan capona po cartantha piamonae beta yabara tina barapomonae, xua painya necopatsiwa tsane xua bara pia paca tsipaebeibichi Nacom Pejume Diwesi poxonae barapomonae pateibina painya tomaratha. Metha paxam pana neyabara nanta xeinaetsipame xua xan ir<sub>u</sub> barichind<sub>u</sub> icha ichamonae ichi xua poxonae barapo carta capona pia xua painya necopatsiwa tsane xua bara pia paca tsipaebeibichi Nacom Pejume Diwesi. Bequein metha pana neyabara nanta xeinaetsipame xua xuya painta tinaetsipame xua paxan yabara ichitha jopa apra paca w<sub>naetsi</sub> baxua. <sup>2</sup> Poxonae daxita jiwi paca cui tane xua beta painya jinompaewa Nacom nexa, bapoxonae jiwi pana neyabara nanta xeina xua bara beta pata exanaewa xua pata paca yawenaexaetsi xua painya nejume cow<sub>nts</sub>siwa. Pata j<sub>ntu</sub> coyenewan pana tsipaeba xua bara pinae pajume cow<sub>ntame</sub> Cristo. Poxonae jiwi paca cui tane xua beta painya nejinompaewa Nacom nexa, barapo jiwi pana nej<sub>ntanaina</sub> xua beta pata paca cayawenaexaetsi. Baxua be poxonae jiwi yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta. <sup>3</sup> Cristo ichichipa xua jiwi tane xua bapon bichocono w<sub>nae</sub>

exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiwi petaenexa pejumein itaneton. Matautano jopa tinaeyo peitaneton xua ibo panawatha ichi Moisés ichi. Jame Nacom pia Pejumope tñaxñ tatsi icha jñntñ coyene paca cata xua daxota jiwi tsita itapeinya xeinatsi xua Cristo beta exana paxam nexa.

<sup>4</sup> Paxan pana itacñpa xua baxua papaeban Cristo pata neyawenaexae xua pata jume cowñntsiwa Nacom. <sup>5</sup> Ichitha jopa pana neitacñpaeyo xua pata coutha pata exanaewa baxua. Daxita pocotsiwan pana itacñpa xua pata exanaewa apara Nacom pata taneyawenaexae. <sup>6</sup> Nacom pana necana exana xua pomonae yatsicaewa pata yabara cueicueijeji jiwi pan Nacom pia pena petsiwñnae muxu dutsiwa coyenewa. Nacom pia pena petsiwñnae muxu dutsi coyenewa jiwitha jopa xeinaeyo xua tina ainya coyenein xua jiwi peitorobi coyenewatsi xua jiwi bewa exanaena. Barapo Nacom pia pena petsiwñnae muxu dutsi coyenewa paeba xua saya meisa xua beta pejinompaenexa. Nacom pia Pejumope tñaxñ tatsi itacñpatsi xua naca cata pena pejñntñ coyenein. Nama Moisés pia peitorobi coyenewa seicaya paeba xua bequein jiwi exana xua Moisés itoroba, barapomonae awiya werapaena abe peexanaexae. Nama seicaya Nacom pia Pejumope tñaxñ tatsi peajñntñyapñsñwa naca cata.

<sup>7</sup> Moisés pia peitorobi coyenewa ibo panawantha tina. Barapo coyene jiwi cana exanatsi xua pewerapaewa abe peexanaexae. Poxonae barapo coyenewa Moisés cata israelmonaetha barapomonae israelmonae jopa itacñpaetsi xua Moisés peitabara taewatsi tsipei Nacom pia pexeinya peitñpanae coicha tatsi bichocono pentha Moisés peitabaratha. Ichitha barapo Nacom pia pexeinya peitñpanae coicha tatsi Moisés pia xainya weya tatsi bewayo caewanaya. <sup>8</sup> Po pena jñntñ coyene Nacom pia Pejumope tñaxñ tatsi naca cata bichocono wñnae tsipei jiwi cana exanatsi xua pexeinaewa peajñntñyapñsñwa po peajñntñyapñsñwa ataya tsiteca. Barapo pena jñntñ coyene bichocono wñnae beyacaincha po peitorobi coyene Moisés itoroba. <sup>9</sup> Bequein Moisés pia peitorobi coyenewa wñnae, barapo coyenewaxae Nacom tsitatsi xua jiwi penatsicuentisiwa xeina xua abe peexanaexae. Nama bichocono wñnae Nacom pia pena jñntñ coyenewa po jñntñ coyenewa jiwi catatsi beyacaincha Moisés pia peitorobi coyenewa. Barapo Nacom pia jñntñ coyenewaxae, jopa tsitatsi xua piamonae tatsi pexeinaewa xua penatsicuentisiwa xua abe peexanaexae. <sup>10</sup> Moisés pia peitorobi coyenewa tatsi copiya bichocono wñnae, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwñnae muxu dutsi coyenewa tatsi jame barapo coyene jiwi bichocono yawenatsi. Daxota barapo coyene yatsicaewa wñnae beyacaincha Moisés pia peitorobi coyenewa tatsi. <sup>11</sup> Poxonae Moisés cata pia peitorobi coyenewa israelmonaetha baroxonae barapomonae tane Moisés peitabaratha tatsi Nacom pia pexeinya peitñpanae coicha tatsi. Barapo pexeinya peitñpanae coicha caewanaya. Nama Nacom pia pena petsiwñnae muxu dutsi coyenewa jopa caewanayiyo. Nama ataya ayapñsñya tsiteca barapo coyene.

<sup>12</sup> Tsipei pajume cowñntsiya ewatan xua Nacom exanaena daxita pocotsiwa bayatha yabara pana netsiwñnae muxu duta, daxota jopa paaurinyo xua pata yabara paebiwa daxitan. <sup>13</sup> Paxan jopa paexanaeyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitñpanae coicha caewanaya. <sup>14</sup> Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonae jopa peyaputaewa pia jñntñ coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxuae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonae jopa yaputaeyo xua barapo coicha caewanaya. Matauta anoxuae barapomonae jopa yaputaeyo xua icha jiwi jume cowñntsiwa Cristo saya meisa

bapoxonae barapo jiwi itacupatsi xua peyaputaewa Moisés pia peitorobi coyenewa. <sup>15</sup> Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonae jopa peyaputaewa Moisés pia peitorobi coyenewa tsipei najuntũ coyene ararana jopa be peyaputaewaxae. <sup>16</sup> Ichitha poxonae jiwi jume cowũnta Jesucristo pon jiwi Pecanamataxeinaein, bapoxonae Nacom cana exana xua pejuntũ coyeneintha peyaputaewa Moisés pia peitorobi coyenewa tatsi. <sup>17</sup> Jesucristo pon jiwi Pecanamataxeinaein irũ Nacom pia Pejumope tũnaxũ tatsi najuntũ coyene jũpabe. Pomonae ba Nacom pia Pejumope tũnaxũ tatsi xeina jopa nantawenon- aeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha. <sup>18</sup> Daxita waxainchi wajume cowũntsixae Jesucristo pon jiwi Pecanamataxeinaein, jiwi tsita itũtatsi xua bara Nacom pia Pejumope tũnaxũ tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa peichichipaexae xua peitabara taewatsi ichamonae, tsipei bichocono itabara daedaena xua Nacom pia peitũpanae coicha tatsi. Jame waxainchi jinompatsi xua ichamonae naca jũntũ coyene tane, xua jiwi beta peyaputaenexa xua bara Nacom pon bichocono pexeinaein pejuntũ coyene xanepanaewa. Nacom pia Pejumope tũnaxũ tatsi naca yawena ducuaenaebiyaena bexa tsane xua waxeinaepanaewa tsane pena jũntũ coyenewan. Icha Jesucristo ichi pia jũntũ coyenewatha, barichi tsainchi xua wajũntũ coyenewantha xua poxonae jinompatsi.

#### 4

<sup>1</sup> Nacom pata tanaantobexae pana cata barapo penacuichiwa. Daxota paxan jopa barana praajũntũcoyenefaetabiya cueicueijanyo Nacom Pejume Diwesi. <sup>2</sup> Jopa paexanaeinoyo xua pata yabara cueicueijejwa po coyene ba jiwi aura exanatsi po coyene jiwi moya yawũn xeina. Mataũtano jopa paexanaeinoyo po coyene xua pata muxujainyabiya paebiwa. Barichi jopa payabara jume toxeinchiya exanaeinoyo Nacom Pejume Diwesi xua poxonae ichamonae pata cana exanaenexa xua Jesús pejume cowũntsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia jũntũ coyenein tsipaebatsi xua bara xainyeya papaeban. Nacom pana jume tane daxita pocotsiwa papaeban. <sup>3</sup> Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poxoru barapomonae weraweracaena, jopa pejume cowũntsixae. <sup>4</sup> Jiton ba pon peitata quirein jopa itacũpaetsi xua petaewa. Bara pocotsi jũta coyeneya ichi pomonae weraweracaena jopa itacũpaetsi xua pejume cowũntsiwa Nacom. Caurimonae pia pentacaponaein tatsi jiwi jũntũ coyene itorobatsi barapo cae pin nacuathe. Bapon barapomonae cana exanatsi xua jopa peyaputaewa. Daxota jopa Cristo jume cowũntsiichi. Mataũtano bapon jopa copatsiyo xua barapomonae peyabara jume cowũntsiwa Nacom pia pecapanenebiyae diwesi tatsi. Barapo diwesi bichocono wũnae xua yabara caunuta xua Cristo pexeinya peitũpanae coicha xeina. Bapon Cristo bara Nacom cui jũpatsi. <sup>5</sup> Poxonae pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yatsicaya pepa Wanacanamataxeinaein. Paxan amanaya panacuitan paxam nexa pata taantobexae Jesús. <sup>6</sup> Nacom pon xua jeye: “Barabũ pecoicha ba pentha pequireiwatha”, jei. Bapon Nacom exana xua pepatopaewa pata jũntũ coyeneintha pia pexeinya jume diwesi tatsi, po diwesi copiya jopa pata yaputaewa. Pata jũntũ coyeneintha pata xeinaexae barapo diwesi pana itacũpa xua pata yabara yaputaewa Nacom pia pexeinya peitũpanae coicha xua paxan patan, xua Jesucristo pata itabara taewa.

*Meje xua Pablo yabara paeba xua pejinompaeya coyenewa xua pejume cowũntsi coyeneyatha*

<sup>7</sup> Paxeinan pata jũntũ coyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitũpanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peayapusũ itorobi coyenewa paxeinan xua Nacom pana cata. Daxota apara Nacom piawa, jopa apara patawiyo. <sup>8</sup> Bequein jiwi ichawa beya pana jũntũ coyene jũjũta xua abe pata exanaenexa poxonae abe painta exana, ichitha awiya pana itacũpa xua pata panenebiwa bara weya. Bequein bichocono yabara pana najũntũ coyene exaban pocotsiwa jiwi painta exana, ichitha awiya jopa paajũntũcoyenefaetabinyo. <sup>9</sup> Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomonae iratha pana bebai xua pata tanejutebiwa tsane, ichitha Nacom jopa pana copabiyo xua barapomonae pata tanejutebiwa. <sup>10</sup> Daxita nacuantha ichaxota paponeiban jiwi abe pana exaneiba. Barapomonae pana wan dubeiba pata tanejutebeibiwa tsane icha Jesús ichichi xua bexotsi. Poxonae jopa pabobenaeyino xua ichamonae jopa pata tanejutebiwa, baxua patsita itapeinya xeinan jiwi xua apara Jesús asũ pon pata taneyawenaexae pia peayapusũ coyenewatha. <sup>11</sup> Poxonae cataunxuae pajinompan barapo cae pin nacuathe jiwi ichichipa pata tanejutebeibiwa pata yabara paebi dubenanaebiyaexae Jesús. Daxota baxua jiwitha patsita itapeinya xeinan xua xaniwaicha bara Jesús pana yantsiya popona poxonae jiwi pana wan tane xua poxonae bequein muxu pata bobeneibi. <sup>12</sup> Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajũntũyapusũwa paxeiname po peajũntũyapusũwa ataya tsiteca.

<sup>13</sup> Nacom Pejume Diwesitha jeye: “Jume cowũntan daxota cueicueijan”, jei. Paxan pajume cowũntan icha David ichi xua poxonae baxua paeba. Irũrũ paxandũ pajume cowũntan daxota pacueicueijan. <sup>14</sup> Payaputan xua Nacom Jesús asũ exanatsi xua petũpae cuiru coyene weya pon jiwi Pecanamataxeinaein. Barichi tsane Nacom asũ naca exanaena petũpae cuiru coyene weya, caemonae waexanaexaetsi Jesthã. Paxan irũ paxamdũ Nacom naca caponaena pia xainya beicha. <sup>15</sup> Daxita pocotsiwan xua ichamonae pana necana exana xua paatanein baxuan paca yawena xua painya nejume cowũntsinexa. Poxonae jiwi equeicha mataropeicha jume cocowũntaponaena Cristo, bapoxonae ayei jiwi Nacom wũnae jainchinchĩ, jei tsane: “Nacom maisa pajũntũ coyene weiweinan xua pata taneyawenaewam pata taneantobexaemxã”, jei tsane. Bapoxonae jiwi bichocono wũnae jainchina Nacom xua bapon bara beta peexanaexae.

<sup>16</sup> Daxota jopa barana paajũntũcoyenefaetabiya jinompaein. Pata pepon fifinapona. Ichitha pata jũntũ coyene equeicha mataropeichiya asũya ayapusũ tsoponeibi daxita matacabin. <sup>17</sup> Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo atenewa pata tana neexanaewa pana neyabara nacui wũnaeta xua bexa tsane Nacom pata tana necatsibiwa tsane po coyenein xua bichocono wũnae xua po coyene ataya pata xeinaewa tsane po coyene xua pexeinya peitũpanae coichaxae. <sup>18</sup> Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana jũntũ coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayapusũ tsopona.

## 5

<sup>1</sup> Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta werapaenexa barapo cae pin nacuathe. Poxonae pawerapaein pata pepon weraweracaena icha bouto ichi. Bapoxonae payaputan xua

Nacom icha pepon painta xeina xua pena pepon pia nacuatheicha. Barapo pepon ataya payawa jinompaein. Barapo pena pepon Nacom exana, jiwi jopa exanaeyo. <sup>2</sup> Anoxuae bichocono pana najuntũ coyene exaban tsipei bichocono bepaxeinaein icha pena pepon po pena pepon Nacom xeina pia nacuatheicha. <sup>3</sup> Barapo pena pepon Nacom pana cata xua jopa pata jinompaenexa athabeicha poxonae jopa paxeinaeyo pepon. <sup>4</sup> Poxonae cataunxuae barapo pepon payawa jinompan barapo cae pin nacuathe bichocono pana najuntũ coyene exaban tsipei jiwi painta ayapube exana pata pepontha. Ichitha jopa paichichipaeinyo xua pata jinompaewa be poxonae jopa paxeinaeyo barapo peru pepon xua pata bebeixae. Jame paichichipan xua pata yawa jinompaewa pena pepon. Po pepon anoxuae payawa jinompan saya werapaena. Paichichipan xua equeicha pata xeinaewa pena pepon po pena pepon xua ataya asuya pata yawa jinompaewa tsane. <sup>5</sup> Nacom pana necui yabara wũnaeta xua barapo pena pepon pana catsina. Nacom pana cata pia Pejumope tũnaxũ tatsi xua pana netsita itapeinya xeina xua bexa tsane Nacom pena pepon xaniwaicha pana catsina.

<sup>6</sup> Daxita matacabin ajuntũsuya pajume cowũnteiban Nacom pon jiwi Pecanamataxeinaein. Payaputan xua poxonae cataunxuae barapo cae pin nacuathe payawa jinompan barapo peru pepon. Cataunxuae yatsicaya Jesucristo tajũ tsana pana cuenta eca, jopa cataunxuae pata xeinaexae barapo pena pepon. <sup>7</sup> Pajinompan pata jume cowũntsiya coyenyatha Jesús, xua bapon exanaena pocotsiwan bapon paeba, bequein cataunxuae jopa pana nebarũ jinompaeyo itabocotha. Apara jopa pajinompaeinyo xua pata tataewaxae ichawa. <sup>8</sup> Ajuntũsuya pajume cowũnteiban Nacom. Paichichipan pata bebeiwa barapo peru pepon xua po pepon anoxuae payawa jinompan pata jinompaenexa ichaxota Jesús popona pon jiwi Pecanamataxeinaein. <sup>9</sup> Bichocono paichichipan xua pata exanaewa pocotsiwa bapon Jesús pon jiwi Pecanamataxeinaein ichichipa bequein barapo pepon payawa jinompan barapo cae pin nacuathe, mataũtano ichacuitha metha bequein poxonae painompan Nacom pia nacuahta. <sup>10</sup> Bexa tsane daxita waxainchi bewa umenaeinchi Cristo peitabaratha. Bapoxonae barapo mataqueitha bapon yabara paebina jiwi xua penatsicuentsiwa xua abe peexanaexae Nacomtha. Daxita barompaya matoma xeinaena pocotsiwa pia peexanaexae poxonae cataunxuae jinompa barapo cae pin nacuathe. Pomonae wũnaeya tanacuita xuya wũnaeya matoma catsibinchi. Pomonae jopa xapain tanacuichiyo xuya antomabeya catsibinchi.

*Meje xua Pablo yabara paeba xua jũntema pejinompae coyenewa yabara*

<sup>11</sup> Yaitama payaputan xua bewa pacunuwin Nacom pon jiwi Pecanamataxeinaein pata barũ cui itura jinaenexa bapon. Daxota pamuxuwetan jiwi xua bewa jume cowũntsina Jesús. Nacom pana jũntũ coyene yaputane xua xainyeya bepataexanaein. Barichi paichichipan xua paxam pana jũntũ coyene yaputaneme beta. <sup>12</sup> Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebarũ cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Mataũtano paca tsipaebatsi xua ichamona painya nejume noteibinexa poxonae ichamona abeya pana neyabara paebeiba. Barapomonae pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomonae jopa najuntũ coyene yabara tsaqueinaeyo xua po jũntũ coyenein xeina pia jũntũ coyeneintha po jũntũ coyene jopa wũnaeyo. <sup>13</sup> Barapomonae pana neyabara nanta xeina xua paxan pomona pata tanentsiyabi jiwi pan xua poxonae pata cueicueijeixae Nacom Pejume Diwesi. Icha barapomonae baxua pana neyabara nanta xeina aparta poxoru Nacom pata taantobexae. Icha barapomonae jopa pana yabara nanta xeinaeyo xua paxan pomona pata tanentsiyabi jiwi pan, aparta poxoru saya pata paca yawenaexaetsi. <sup>14</sup> Cristo pata tana neantobexae paichichipan



xua pata tatanacuichiwanexa bapon. Bara xaniwaicha payaputan xua Cristo tsitupa daxita jiwi pomonae pia pejume cowantsiwichixaetsi. Daxota Nacom patsitan xua paxan be pomonae pata werapaewi pan abe pata exanaexae. <sup>15</sup> Cristo tsitupa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxonae jopa jinompae tsane po coyeneya poxonae tsita xanepanatsi barapomonae. Jame barapomonae bewa jinompae Cristo nexa pon naetotha tupa xuano xua equeicha asu exanatsi. <sup>16</sup> Anoxuae jopa payabara nanta xeinaeinyo xua pata yaputaewa jiwi pia pejuntu coyenein tatsi xua saya poxonae pacui tan poxonae po coyenein exana icha pomonae jopa pejume cowantsiwi ichi. Barapomonae nanta xeineiba xua jiwi pejuntu coyene yaputaenexatsi xua saya poxonae cui tainchi xua exaneiba. Bequein copiya bayatha Cristo jopa wunaeya payabara nanta xeinaeinyo, ichitha anoxuae jopa baxua paraichinyo poxoru anoxuae bara xaniwaicha payaputan bapon. <sup>17</sup> Pon caein naexana Cristotha pejume cowantsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

<sup>18</sup> Daxita barapo pena juntu coyenein Nacom werena pona. Nacom naca cana exana xua piamonae jiwi tatsichi pomonaexaetsi bequein copiya Nacom pia peaitafaetabi jiwi tatsichi. Baxua Nacom naca cana exana Cristo wanaca tsitupaexae. Matautano Nacom pana itoroba xua paxan xuya ichamonaetha pata cana exanaenexa Nacom piamonae tatsi pomonaexae bequein copiya Nacom pia peaitafaetabi jiwichi. <sup>19</sup> Pocotsiwa xuaunxuae paca tsipaebatsi xua apara meje: Nacom juntema jinompa cana exana barapo cae pin nacuathe pomonae copiya pia peaitafaetabi jiwichi poxonae barapomonae yabara jume cowanta xua Cristo tsitupa barapo jiwi. Bapoxonae Nacom jopa tsitatsi xua barapo jiwi penatsicuentisiwa xua abe peexanaexae. Matautano Nacom pana cata penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamonae cana exana jiwi, pomonae bequein copiya pia peaitafaetabi jiwichi, barapo diwesi pacueicueijan. <sup>20</sup> Paxan pomonae Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxonae paca tsipaebatsi. Cristo patacueicueijan poxonae jume daunweya paca jeichi: “Pana nacui barapende abe painya neexanae cuiru coyenein. Pajume cowunde Cristo caemonae painya nenaexanaenexa Nacomtha”, paca jeichi. <sup>21</sup> Cristo bapana jopa abe exanae. Ichitha Nacom tsitatsi xua Cristo penatsicuentisiwa xua poxoru abe waexanaexae. Bapoxonae Nacom naca cana exana xua caemonae wanaexanaewa bapontha xua wajuntu coyenein xanepanaenexa Cristo pia peexanaexae poxonae naca tsitupa. Bapoxonae Nacom tsitatsi xua jopa watsita natsicuentisiwa bequein abe waexanaethatsi.

## 6

<sup>1</sup> Nacom pata tana nebaru nacuita dubenanaebiyaexae, jume daunweya paca muxu tsipaebiya jeichi: “Painya xoba panaitematame po diwesi xua Nacom paca cata paca nacaantobexae. Barapo diwesi apara xua Nacom juntu coyene xanepana exana jiwi pomonae pejume cowantsixae”, paca jeichi. <sup>2</sup> Tsipei Nacom, pewunaeya poxonae xua jiwi yabara cui cananta xeinaeinchi peyawenaenexa tsainchi, Nacom Pejume Diwesitha namchi, jeye:

“Po matabi jiwi yabara cui cananta xeinaein tayawenaenexa tsane, barapo matabi paca jume tainchi. Po matabi jiwi capanenebiyaen paxam yawa paca yawenaeinchi”, jei Nacom Pejume Diwesitha.

Anoxuae apara barapo matacabi jopa, po mataqueitha Nacom naca yabara cui cananta xeina wanaca yawenaenexa.

<sup>3</sup> Poxonae Nacom patanacuita dubenanaebiyān paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiyo xua abe pata exanaewa xua jiwi pata nejume aebiyainwa Nacom Pejume Diwesi poxonae patsipaeban. <sup>4</sup> Jame apara daxita beta paexana dubenanaebiyān jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitan. Baxua paexanan poxonae awiya saya jūntema pajinompan poxonae bequein ichamonae atene pana exana, xuano bequein painta seica pocotsiwa panantawenonan, xuano bequein poxonae bichocono painta yapu daunwei tsaibi poxonae paexaneiban. <sup>5</sup> Ichacuitha jiwi pana beiba bichocono. Matautano ichacuitha jiwi pana cuaranobeiba jiwi pecabi bontha. Matautano ichacuitha jiwi ayei jiwi anaepanaya pana netsaquibabeiba poxonae jiwi ayei асѣсѣ. Poxonae panacuiteiban, bichocono ayapusaya panacuiteiban. Ichacuitha merawitha jopa pamaiteibinyo tsipei saya paexaneiban Nacom pia penacuichiwa tatsi. Ichacuitha tsaibi bichocono pajainpeiban. <sup>6</sup> Jiwi patsita itapeinya xeinan xua paxan pomonae Nacom pia petanacuichi jiwi tatsi pan xua Nacom pata tsita jūnta coyene xanepanaexae, matautano tsipei poxoru payaputan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope tənaxa tatsi pata tanebarā jinompaexae, xuano xua ichamonae xaniwaicha pata taantobexae. <sup>7</sup> Bara xaniwaicha payabara paeban po coyene pexainyeiwa. Paxan paxeinan Nacom pia peayapusu itorobi coyenewa tatsi. Pata Nacom pata tsita jūnta coyene xanepanaexae, paxeinan pocotsi coyenewa xua panantawenonan xua pata tacueicueijeinexa Nacom. Paxan panacui wetan xua Nacom patanacuitan. <sup>8</sup> Ichacuitha jiwi pana nebarā cui itura jineiba, ichamonae jopa pana tsita daicheibiyo. Ichacuitha ichamonae wānaeya pana neyabara paebeiba. Ichacuitha ichamonae abeya pana neyabara paebeiba. Ichamonae pana neyabara paebeiba xua paxan pomonae jiwi pata muxuitorobi jiwi pan. Ichamonae pana neyabara paebeiba xua paxan pomonae apara xaniwaicha pata paebi jiwi pan. <sup>9</sup> Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya asaya pajinompeiban. Jiwi pana neatene exaneiba, ichitha jopa pana nejutebeibiyo. <sup>10</sup> Bequein ichacuitha bara pajūnta coyene wecoyan pata painta exanaexae ichamonae, daichitha awiya pajūnta coyene weiweinaya jinompeiban. Metha bequein paxan be pomonae peacopeibiwi pan tsipae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexeinaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa peweraweracaewa.

<sup>11</sup> Tamonae pam, paxam pomonae Corinto tomarapiwi pam. Daxita xua po coyenein tajūnta coyenewatha nanta xeinan baxuan paca tsipaebatsi. ¡Bichocono tajūnta coyenewatha paca antobetsi! <sup>12</sup> Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonaē jiwi tapana neexanaewam. <sup>13</sup> Xan paca tsipaebatsi xua be poxonae icha coxiyān ichi xua tsipaeba pia pexuyotha. Paca jeichi: “Xuya daxita painya nejūnta coyenewatha paneantobeinde icha paca ichichi xua tapaca antobewatsi bichocono”, paca jeichi.

*Meje poxonae Pablo jeye: “Icha Nacom ichi xua popona pia pin botha barichi Nacom*

*pana nebarꝯ jinompa”, jei*

<sup>14</sup> Jopa caemonaē pana naexanaeinde pomonaetha pomonae jopa pejume cowꝯntsi jiwi. Tsipei pon pejꝯntꝯ coyene xanepanaein jopa itacꝯpaetsi xua pecueyatsiwa pontha pon peajꝯntꝯcoyenebein. Barichi xua pequireiwatha peyonoyoneiwa jopa itacꝯpaetsi xua quirei tsanaya baxota, awiya peyonoyoneixae. <sup>15</sup> Barichi Cristo pon xanepanaya peexaneibin jopa itacꝯpaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowꝯntsin jopa itacꝯpaetsi xua pecueyatsiwa pontha pon jopa pejume cowꝯntsin, poxoru jopa jꝯpaeyo xua nanta xeinabe. <sup>16</sup> Barichi Nacom pin pia botha jiwi jopa bewa wꝯnae jainchina ibo nacomꝯn. Saya meisa bewa wꝯnae jainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca barꝯ jinompa, pon ataya asꝯya popona. Nacom caena bayatha baxua yabara jeye: “Barapomonaē barꝯ poponaein yawa cueyata ducuaenaebiyaein.

Mataꝯtano barapomonaē pia Nacomꝯn tatsin tsane.

Barapomonaē tamonaē naexanaena”, jei Nacom.

<sup>17</sup> Daxota Nacom pon Pecanamataxeinaein jiwi, equeicha yabara paeba pomonae jopa pejume cowꝯntsiwi. Nacom piamonaetha jeye: “Barapomonaē pia xainya weya paponare.

Jopa caemonaē pana nayawa exanaeinde barapomonaē.

Jopa paexanaeinde peabe coyene po coyene barapomonaē exana.

Nexata xan paca matenta weyataeya wabinchi.

<sup>18</sup> Xan naexanan xua xan painya Axan.

Mataꝯtano paxam taxanton jiwi pam tsane, xuano irꝯ taxantixi jiwi pamdꝯ”,

jei Nacom piamonaetha pon daxita peayapusꝯ itorobi coyenewan pexeinaein.

## 7

<sup>1</sup> Tamonaē pam, paxam pomonaē tapaca caantobe jiwichi pam. Xuaunxuae po diwesi paca tsipaebatsi baraxuan apara Nacom yabara naca tsiwꝯnae muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajꝯntꝯ coyene nanta xeinano. Mataꝯtano bewa xua Nacom junuwiya wabarꝯ cui itura jinaewatsi tsainchi. Mataꝯtano bewa xanepanaya exanaponaetsi beya poxonaē bichocono Nacom watsita jꝯntꝯ coyene xanepanaewa tsane xua jopa wanatsicuentsiwa xua abe waexanaexae bapontha.

*Meje xua poxonaē Corinto tomarapiwi icha jꝯntꝯ coyene xeina xua Jesús pejume cowꝯntsixaetsi*

<sup>2</sup> Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaēinyo ichamonaē xua xuya abe peexanaenexa. Mataꝯtano ichamonaē jopa pamuxujainyabeibinyo. <sup>3</sup> Jopa baraxua paca tsipaebichi xua paca yabara paebatsi xua abe painya neexanaewam. Bayatha copiya paca tsipaebatsi, paca jeichi: “Tajꝯntꝯ coyenewatha bichocono paca antobetsi, bequein metha poxonaē paca barꝯ werapaetsipatsi, xuano metha bequein poxonaē paca barꝯ jinompaetsipatsino”, paca jeichi. <sup>4</sup> Bara bichocono paca yabara jume cowꝯntatsi xua po coyene tapaca catsipaebiwatsi tsainchi pocotsiwa tajꝯntꝯ coyenewatha nanta xeinan xua pocotsiwa

painya neexanaenexa tsane. Matautano paca yabara wanae jaintatsi poxonae ichamonae tsipaeban poxoru tapaca cui yabara paebixaetsi. Bequein ichamonae atene neexana, daichitha poxonae jume tan pocotsiwa paexaname pana nejuntu coyene tsacaba exaname xua juntea tapoponaewa. Matautano barichi bichocono panejuntu coyene weiweina exaname.

<sup>5</sup> Poxonae po mataqueitha weya papatan Macedonia nacua weya jopa cuinaya juntea painompaeyino xua jiwi abe pata tana necana exanaewa daxita coyeneintha. Pomonae jopa pejume cowantsiwi bichocono pana casebeiba pata natsipei cueicueijeixae Jesús pejume diwesi. Barichi pomonae pejume cowantsiwi junuwiya payabara najuntu coyene exabeiban nawita xua jopa xanepanaya pejinompaewa tsipae. <sup>6</sup> Daichitha Nacom pana juntu cui coyene tsacaba xua juntea pata jinompaewa poxonae bequein paatanein tsaibi. Barapon Nacom apara pon jiwi cana exanatsi xua juntea pejinompaewa poxonae bequein juntu coyene wecoyeyi. Baxua Nacom pana necana exana poxonae Tito patopa pata xantha. <sup>7</sup> Pajuntu coyene weiweinan xua bapon pepatopaexae. Ichitha jame yatsicaewa pana nejuntu coyene tsacabame xua poxonae bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maisa Pabloaru bepataebenaen. Bichocono pawecoyan yaitama Pabloaru abe exanatsi ichamonae. Daxota payabara najuntu coyene exaban bapon”, pinae pajam. Poxonae baxua jume tan bichocono juntu coyene weiweinan.

<sup>8</sup> Bequein xan paca juntu coyene wecoyeyi exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copiyatha yabara auran baxua. Barapo carta saya bara caeto paca juntu coyene wecoyeyi exana. <sup>9</sup> Ichitha anoxuae juntu coyene weiweinan xua jopa apara poxoru painya nejuntu coyene wecoyeyi poxonae payorobame barapo carta, saya apara jame poxoru Nacom icha juntu coyene painya netsita xeinaexae. Paxam pajuntu coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan jopa abe pacata exanaetsi. <sup>10</sup> Poxonae jiwi juntu coyene wecoyeyi icha be pocotsi coyeneya Nacom ichichipa, barapo peitanuwetha jiwi cana exanatsi xua peaurawa abe peexanaexae bapoxonae barapo jiwi Nacom jume cowantatsi. Bapoxonae Nacom jopa tsita natsicuentichi xua abe peexanaexae. Barapomonae icha juntu coyenein xeina poxonae barapomonae capanenebiyatsi abe pia peexanae cuiru coyenein weya tatsi. Bapoxonae barapomonae jopa bewa aura tsane xua copiya juntu coyene wecoyeyi. Ichamonae pomonae jopa pejume cowantsiwi Nacom, poxonae barapomonae wecoyeyi xua jopa peauraxae poxonae abe exana, ichitha barapo itanuwetha barapomonae jopa yawenaetsi. Aparasaya barapomonae werapaena Nacom petsita abe exanaexaetsi. <sup>11</sup> Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca juntu coyene tsacaba xua beta painya neexanaenexa. Matautano paca exana xua pacui yabara nanta xeiname pon abe peexanaein. Bapoxonae nainya paitawetame bapon, abe peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Matautano paauram xua painya necopatsiwa bapon xua bara abe peexanaewa. Matautano pajunuwame xua Nacom atene paca exana poxoru bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apara daxita paxam jopa abe paexanaem. Saya meisa bapon abe peexanaexae. <sup>12</sup> Bayatha pacata tinatsi po carta xua paca itanuwe exana xua Nacom painya tsita itapeinya xeinaenexa xua xaniwaicha bara pana neantobem painya neexanaexae pocotsiwa paca itorobatsi. Aparasaya jopa pacata tinaetsi xua saya poxoru tayabara nanta xeinaexae pon abe exana, xuano iru pon

coseuri pitatsi, xua tayawenaewa tsane. <sup>13</sup>Pata taneantobemxaem pana nejuntũ coyene tsacabame xua tajuntũ coyene weiweinaewa.

Barichirũ daxita paxam Tito pajuntũ coyene cui tsacabame daxita pocotsiwantha xua beta painya paebixaem bapontha. Jame yatsicaewa bapoxonae bichocono pajuntũ coyene weiweinan xua poxonae Tito pacana exaname, beyacaincha poxonae pana necana exaname xua poxonae pajuntũ coyene weiweinan. <sup>14</sup>Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowantsiwi weyatan xua bichocono pejuntũ coyene xanepanaexae Nacomtha”, jan. Paxam jopa panejuntũ coyene aura exanaem. Xua ba paca tsipaebibatsi baraxua bara pexainyeiwa tsaibi. Matautano pocotsiwa paca yabara paebatsi Titotha baxua apara bara pexainyeiwano irũ. <sup>15</sup>Bapon Tito bichocono paca antobe anoxuae beyacaincha poxonae cataunxuae jopa paca siwa pon- aeyo. Bapon paca yabara juntanaina xua paxam pabarũ jume jejam tsaibi pocotsiwa paca itorobeiba. Matautano bapon pantenta weyataeya wabame painya barũ itura jinaexae bapon. Matautano pajunuweibame xua abe painya neexanaeyainwa bapon. <sup>16</sup>Maisa bichocono juntũ coyene weiweinan xua tapaca yabara jume cowantsiwatsi xua daxita coyenewan painya neexanaewaxae po coyene xua wũnae.

## 8

*Meje xua poxonae Pablo yabara paeba xua Cristo piamonae tatsi paratixi pecacomocae paratixi jehebapona pomonae peacopeibiwi nexa*

<sup>1</sup> Tamonae pam, paichichipan xua painya neyabara yaputaewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowantsiwichi, pomonae penacaetutsi bonmonae jiwi xua pomonae wũnae pejainteibiwi Nacom pomonae xua Macedonia nacuatha jinompa. <sup>2</sup> Bequein barapomonae bichocono daunweya juntũ coyene jajutatsi poxonae ichamonae abe taexana barapomonaetha, daichitha awiya cataunxuae barapomonae juntũ coyene weiweina. Bequein barapomonae peacopeibi jiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibi jiwi Jerusalén tomarapiwi be poxonae yatsicaewa pepa copei pexeinaewi. <sup>3</sup> Xan tan xua barapomonae cata nawita be po coyeneya xua daxita itacũpatsi xua pecatsibiwa. Matautano ichawano catsiba beyacaincha xua poxonae itacũpatsi xua pecatsibiwa. <sup>4</sup> Barapomonae bichocono pana muxu fayacotsiya jeye: “Bara pana copare xua bara Jerusalén tomarapiwi patacatsibinexa paratixi pecacomocae paratixi pomonae irũ pejume cowantsiwi, pomonae peacopeibi jiwi”, pana jei. <sup>5</sup> Barapomonae baxua exana beyacaincha xua pocotsiwa pananta xeinan xua barapomonae itacũpatsi xua pocotsi coyeneya pecatsibiwa tsane. Matautano barapomonae juntucuru nanta xeina xua bara petanacuichinexa tsane Nacom nexa daxita pejuntũ coyeneinyatha. Bapoxonae juntucuru nanta xeina xua barapomonae bara pata taneyawenaenexa tsane be pocotsi coyeneya Nacom ichichipa. <sup>6</sup> Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tsipei bapon bayatha caena tamropata pitaba xua penonotaponaewa paratixi painya xantha. Poxonae barapo paratixi pacatsibaponaem bara pexeinya coyene paexanaponaem peacopeibiwitha painya neantobewaxae. <sup>7</sup> Paxam bichocono jopa juniya paxeinaem po coyenein xua painya neexanaewa. Bichocono pajume cowantame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano bichocono painya juntũ coyenewatha paichichipame xua ichamonae painya neyawenaewa. Matautano bichocono pana neantobem. Daxota

bichocono jopa juniya toxeinchiya paexanaeinde xua painya neyawenaewa xua poxonae paratixi pacatsibame pomonaetha pomonae iru pejume cowantsiwixae. Baraxua paexande painya neantobexae barapomona.

<sup>8</sup> Poxonae baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua tayaputaenexa icha bara metha paxam bichocono paantobem ichamonae icha Macedonia nacuamonaepiwi ichi. Barapomona bichocono antobe ichamonae daxota yawena nawita. <sup>9</sup> Paxam payaputaneme xua Jesucristo naca antobe pon Wanacanamateaxeinaein. Jesucristo poxonae Paxatha popona copiya daxita xeina be poxonae yatsicaewa copei pexeinaein. Daichitha bapon pia coutha nacana exana be pocotsin jopa copei pexeinaein poxonae paxa cuenta pona. Poxonae jiton pia coyeneya nacana exana bapoxonae acopeibi nacana exana pia paca necaantobewaxae. Daxota xuya nawita painya nexeiaenae jiwi pam tsane xua po coyenewa Jesucristo xeina.

<sup>10</sup> Paca tsipaebatsi baxua painya tapaca cayawenonaexaetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notarucupame xua paratixi painya nejehebaponaewa Jerusalén tomarapiwi nexa. Baxua bayatha paexaname painya juntu coyeneintha bichocono painya neichichipaexae xua painya neexanaewa baxua. <sup>11</sup> Icha copiya paichim xua paichichipame nawita xua painya neexanaewa baxua, paexanaponde beya poxonae panacui yabara wetsiname. Padodoutaponde xua be pocotsi coyene paca cui jupa xua pocotsi matoma paxeineibame xua pajiwana tsabeibiname paratixi. <sup>12</sup> Icha pebin ichichipa xua pecatsiwa paratixi Nacomtha bapon bara nata jiwana wetsatsina paratixi xua catsina be pocotsi coyene xua cui jupatsi xua pecatsiwa. Pocotsiwa bapon cata bara Nacom wecobe pita. Saya poxoru Nacom jopa pewucaexae poxonae pebin bequein jopa xeinaeyo taethatsi. Saya jame icha jiwi cui jupatsi xua pecatsiwa poxonae xeina, bapoxonae jame Nacom wecobe pita.

<sup>13</sup> Jopa paca tsipaebatsi xua ichamonae bewa payawenaename xua painya necatsibiwa daxita xua paxeiname xua beya poxonae daxota painya neacopeibiwa tsane. <sup>14</sup> Saya jame paca tsipaebatsi xua paxam copei pexeinaewi pam iru peacopeibiwi Jerusalén tomarapiwi bewa peburaya jupaeya paxeinaename. Metha anoxuae paxeiname nawita, ichitha barapomona jopa xeinaeyo. Daxota paxam pomonaenae nawita painya nexeiaenae jiwi pam bewa pacatsibiname pomonaetha pomonae jopa xeinaeyo pocotsiwa barapomonaenae nantawenona. Metha bexa tsane barapomonaenae xeinaena nawita ichitha paxam jopa paxeinaem tsane. Bapoxonae bewa barapomonaenae xuya paca catsibina pocotsiwa panantawenoname. Bapoxonae daxita pam nanta jupaeya paxeinaename. <sup>15</sup> Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ichantha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

*Meje xua Tito yabara iru pomonae pia peyanabiwatsiru*

<sup>16</sup> Tsipaeban Nacom, janje: “Nacom maisa juntu coyene weiweinan xua Tito pejuntu coyenewatha yabara nanta xeina ducuaenabiya Corinto tomarapiwi xua peyawenaenexa barapomonaenae icha xan ichin”, janje. <sup>17</sup> Bapon Tito juntu coyene weiweina poxonae patsipaeban xua pia paca necayawenonaewa tsane. Daxota anoxuae bapon pia coutha paca siwa ponaena peichichipaexae xua pia paca yawenaetsi.

<sup>18</sup> Ichandu paitoroban pon pejume cowantsindu xua Tito pepuna ponaenexatsi. Daxita pomonaenae pejume cowantsiwi pomonaenae penacaetuteibi jiwi xua wunaenae pejainteibiwi Nacom barapomonaenae bapon beta yabara nanta xeinatsi, tsipei pinaenae bapon

beta xanepanaya cuiduba Nacom pia pecapanenebiyae diwesi jume. <sup>19</sup> Jopa meisa pebaxuaxae. Jame yawa matautano barapomonaе pomonaе pejume cowantsiwi peitapetsixae barapo pebin xua bapon pata tanebaru ponaenexa poxonaе pacapanan paratixi peacopeibiwitha pata antobexae barapomonaе. Barapo penacuichiwa pata exanaexae pabarui cui itura jinan Nacom pata exanaexae pocotsiwa bapon pana itoroba. Matautano poxonaе baxua paexanan patsita itapeinya xeinan xua paichichipan xua nantiya pata tanayawenaewa. <sup>20</sup> Paichichipan xua xaniwaicha beta paexanan poxonaе pin paratixi cun pacaponan xua jiwi abe pata neyabara paebiyainwa. <sup>21</sup> Paichichipan nawita xua xainyeya pata exanaewa Nacom peitabaratha tatsi xuano xua jiwi peitatha tatsino.

<sup>22</sup> Barichino ichunno paitoroban pon pejume cowantsindu xua baponbe Tito pepuna ponaenexa tsainchibe. Bapon pon cotacaya paitoroban, pajuntu coyene jujutan pata yaputaenexa icha bara metha beta nacuita Nacom nexa. Bara bapon beta jume cowanta ducuaenaebiya. Daxota bapon iru paitoroban. Bapon ichichipa nawita xua pia paca yawenaewa tsane pia paca yabara jume cowantsixae xua bara beta paexaname. <sup>23</sup> Icha ichun paca yabara yainyaba Tito pana nejume cayabara jume jande bapontha xua janje: “Bapon taneyantsin. Bapon neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe baponbe itorobatsibe pomonaе pejume cowantsiwi. Baponbe tsita itapeinya xeinabe barapomonaetha xua bara xaniwaicha pejume cowantsinbe Cristo, xua daxota barapomonaе wunaе pejainchinexa Nacom”, pana nejume cayabara jande. <sup>24</sup> Barapo acoibi poyobe xaniwaicha pantenta weyataeya wabare poxonaе patsina painya xantha. Barapoxonaе poxonaе baxua paexaname patsita itapeinya xeinaename pomonaе pejume cowantsiwi xua xaniwaicha bara paantobem barapo acoibi poyobe. Barapoxonaе barapomonaе paca yabara cui yaputaena, xua paxan xaniwaicha papaeban xua poxonaе juntu coyene weiweinaya atsaquiya tapaca yabara paebiwatsi xua painya nejume cowantsixae.

## 9

*Meje xua paratixi pejebaponaewa yabara pomonaе pejume cowantsi jiwi nexa, pomonaе peacopeibi jiwi xua pomonaе Jerusalén tomarapiwi*

<sup>1</sup> Jopa nantawenonaеinyo xua equeicha tayabara tinaewa xua painya neyawenaenexa ichamonaе pomonaе iru jume cowanta xua painya necatsibinexaru paratixi pomonaе Jerusalén tomarapiwi. <sup>2</sup> Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonaepiwitha, janje: “Bayatha icha weitha Acaya nacuapiwi najuntu cui coyene wunaeta xua jehebaponaena paratixi peacopeibiwi nexa”, jan. Barapo Macedonia nacuapiwi, najuntu cui coyene tsacaba xua iru pebarichinexaru pejume taexae xua pinae paxam paichichipame nawita po coyene painya neyawenaewa. <sup>3</sup> Barapo acoibi poyobe itoroban xua ichamonaе jopa taneyabara paebinexa tsane xua tanaerabiwa xua bayatha tapaca yabara paebixae. Daxota bewa pana nacui wunaetsiname xua painya nejehebaponaewa paratixi xua painya necatsibinexa ichamonaetha. <sup>4</sup> Metha barapo Macedonia nacuamonaepiwi jiwana nebaru ponaena poxonaе paca siwa ponaeinchi. Metha barapomonaе paca taetsipa xua jopa pana nacui yabara wunaetsim xua painya nejehebaponaewa paratixi xua painya necatsibiwa ichamonaе. Barapoxonaе bichocono paauran tsipae tsipei bayatha paca yabara paebatsi xua paxam pacatame nawita. Iruu paxam paauram tsipae. <sup>5</sup> Nanta xeinan xua bewa copiya itorobin barapo acoibi poyobe xua bara poyobe copiya paca siwa ponaena beya poxonaе xua paca siwa ponaeinchi. Barapoxonaе barapoyobe painya nepaca yawenaenexa xua penotaponaewa paratixi. Bayatha pana nemuxu tsipaebame xua pinae paichichipame painya necatsibiwa ichamonaе barapo paratixi. Po paratixi panotaponame panacui

yabara wetsiname, baxua patsita itapeinya xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

<sup>6</sup> Payabara nanta xeinare po diwesi ba xua jeye: Pon ba conotha uba ba conotha jota pocotsiwan xua penawetsiwan. Pon ba jopa juniya ubiyo ba jopa juniya jotsiyo pocotsiwan xua penawetsiwan. <sup>7</sup> Daxita pomonae pejume cowuntsiwi bewa catsibeibina be pocotsi coyeneya nanta xeina pejuntu coyenewatha. Jopa bewa asiwiya catsibeibi icha aichaxaibi xua pecatsibiwa. Matautano jopa bewa catsibeibi poxoru ichan pecui itorobixae xua pecatsibeibiwa tsane. Nacom tsita juntu coyene xanepanatsi nawita pon juntu coyene weiweinaya doteiba ichamonaetha. <sup>8</sup> Nacom bara itacupatsi xua daxita painya nepaca catsibiwa pocotsiwan panantawenoname, matautano ichawano xua bichocono nawita beyacaincha pocotsiwa xua panantawenoname. Bapoxonae paxeinaename pocotsi coyeneya xua paca cui jupa xua pajuntu coyene weiweinaya catsibiname ichamonaetha. <sup>9</sup> Nacom Pejume Diwesitha pon nawita pecatsibin jiwi bapon yabara jeichichi, jeye:

“Pon catsibeiba poneiba nawita pomonaetha pomonae peacopeibi jiwi Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

<sup>10</sup> Apara Nacom pon catsibeiba jiwi po pexu xua jiwi peubinexa. Matautano apara Nacom pon catsibeiba pexaewa xua jiwi pexaenexa. Barichi Nacom paca catsibeibina beyacaincha xua pocotsiwa panantawenoname. Bapoxonae paca cui jupaena xua ichamonae painya necatsiba dubenanaebiyawa tsane nawita, pocotsiwa jopa panantawenonaem. <sup>11</sup> Nacom nawita paca catsibina xua daxota paca itacupaena xua ichamonae pacatsiname nawita. Poxonae pacaponaein barapo paratixi xua pata itorobame peacopeibi jiwi nexa, Jerusalén tomaratha, bapoxonae barapomonae Nacomtha jeye tsane: “Nacom maisa pajuntu coyene weiweinan xua painta exaname xua daxota barapo Corinto tomarapiwi painta itoroba paratixi”, jei tsane.

<sup>12</sup> Poxonae barapo paratixi pacatame barapo pejume cowuntsi jiwitha, bara barapomonae pacatame pocotsiwa barapomonae penantawenonaewa. Matautano painya neexanaexae baxua barapomonae wnae jainteiba Nacom. <sup>13</sup> Barapomonae wnae jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomonae Nacom wnae jainchinchichi, painya neyawenaexae poxonae pacatame paratixi nawita barapomonaetha xuano xua daxita ichamonaetharu. <sup>14</sup> Barapomonae Nacomtha pacata wnaena pia paca necaantobewaxae poxoru barapomonae patsita itapeinya xeiname xua Nacom bichocono paca yawena pia paca necaantobewaxae. <sup>15</sup> Nacomtha patsipaeban, pajanje: “Nacom maisa pajuntu coyene weiweinan xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacupaeyo xua po jumetha pata yabara paebiwa”, pajan.

## 10

### *Meje xua Pablo yabara paeba pia peitorobi coyenewa*

<sup>1</sup> Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebaru cui itura jinae coyenetha xuano peantobe coyenyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae taju wepainta tineibarena jume daunweya painta tineibarena”, pinae pana neyabara jam. <sup>2</sup> Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchichi pocotsi jumeintha xua daxota jume daunweya



tapaca catsipaebiwa tsainchi. Ichamonae paxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowantsiwi. Bewa jume daunweya tsipaebin barapomonaetha xua baxua yabara xua taneyabara paebiwa. <sup>3</sup> Bara xaniwaicha xua paxan apara saya jiwi pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonaeba yabara naba peexanaenexa pocotsiwa ichichipa. <sup>4</sup> Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapusu itorobi coyenewa tatsi xua baraxota pata nayaewatsinexa. Barapon Nacom pia peayapusu itorobi coyenewa tatsi pana necana exana xua paamanayaban po peayapusuwa barapo cae pin nacuathepiwi xeina xua saya caurimonae pia pentacaponaein tatsi pia peayapusuwa tatsi. <sup>5</sup> Ichamonae najume matsontsonoba poxonae pacueicueijan Nacom Pejume Diwesi jopa peichichipaexae xua Nacom peyaputaewa tsainchi. Barapomonae pajume amanayaban poxonae najume matsontsonoba. Barichi pomonae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomonae pacui amanayabandu. Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba. <sup>6</sup> Paxan panacui wanaetan xua pata muxuwetsiwa pomonae jumefeba Nacom pomonae painyamonaе jiwana pamxaem. Baxua paexanaein barapomonaetha poxonae paxam matha tsiwanaya xaniwaicha pajume jejam tsurubenanaebiyam tsane xua paexana dubenanaebiyame pocotsiwa Cristo ichichipa.

<sup>7</sup> Paxam paca tsitatsi xua paxan be pomonae jopa peainya cui jiwi pan poxonae saya pana taneme. Jopa pana nejuntu cui coyene yaputaem po coyene xua paxeinan pata juntu coyeneintha. Icha ichun xaniwaicha pia coutha nayabara nanta xeina xua bapon Cristo piamonae jiwana tatsi, bapon bewa barichi xua bewa pana yabara jantanainae xua paxan bara Cristo piamonae jiwana tatsi pan icha bapon ichi. <sup>8</sup> Jopa auranyo xua pata coutha pata nayabara paebiwa baxua bequein pata coutha atsaquiya pana nayabara paeban xua janje baxue: “Apara Nacom pana cata pia peayapusu itorobi coyenewa xua pata paca cayawenaenexa tsainchi xua painya nejuntu coyene xanepanaponaenexa. Apara jopa pana catsiyo barapo peayapusu itorobi coyenewa xua pata paca abe exanaewatsi tsainchi”, xua jan. <sup>9</sup> Jopa ichipaeinyo xua pata taneyabara nanta xeinaewam xua pana pata tanejume cunuwiwam xua pacata tinatsi cartan. <sup>10</sup> Ichamonae neyabara paeba, jeye: “Pablo pia cartantha xua taju wenacata tineibarena bichocono ayapube xua wayabara jume cowantsiya exanaewa yawa bichocono jume daunwei tsaibi. Ichitha poxonaе bapon patopa waxantha pia pepon saya pecui pawu xuano poxonaе cueicueijej jopa naca tsita ainya cuiyiyo”, jei barapomonaе. <sup>11</sup> Barapomonaе apara bara bewa pana neyaputaena xua paexanaein pocotsiwa xua cartantha papaeban poxonaе papatsin barapomonaе pia tomaratha tatsi.

<sup>12</sup> Pata coutha jopa pana nayabara nanta xeinaeinyo xua paxan pacui jupan xua pomonae pia coutha penayabara nanta xeinaewi xua peainya cui jiwi naexana. Saya barapomonaе pia coutha nayabara nanta xeina xua bara betiya exana daxita, beyacaincha ichamonae pomonae piamonae tatsi. Barapomonaе apara jopa peyaputae jiwi, poxoru saya jeita nawita xua po coyene beyacaincha piamonae tatsi exana. <sup>13</sup> Paxan saya tsiwiyo atsaquiya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeinchiya atsaquiya papaebinyo xua beyacaincha xua poxonaе Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi. <sup>14</sup> Jopa patoxeinchiya exanaeinyo po coyene Nacom pana itoroba poxonaе

paca siwa poinchi. Paxan pomonae pan pomonae copiya papatan painya xantha xua pata paca catsipaebinexatsi Cristo pia pexeinya jume diwesi. <sup>15</sup> Ichamonae pomonae paxam jiwana pam jume cowanta Cristo pejume diwesi pecuidubixaetsi ichamonae. Barapomonae pomonae pejume cowantsiwi Cristo pejume diwesi, jopa atsaquiya bepayabara janyo: “Barapomonae jume cowanta apara poxoru barapomonae pata cuidubixae”, jopa bepajanyo. Jame xua paichichipan xua paxam bewa mataropeichiya pajume cowanta dubenanaebiyaename. Bapoxonae pana itacupa xua mataropeichiya pata nacuichiwa painya xantha. Saya meisa bewa paexanaein pocotsiwa Nacom pana itoroba. <sup>16</sup> Paichichipan pata cuidubiwa ichamonae Nacom Pejume Diwesi xua tajū beya xua painya tomara weya poxonae pawetan xua pata paca cuidubiwatsi Nacom Pejume Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota irū ichamonae cuidubarū barapo Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: “Barapomonae tajū weya jume cowanta barapo Nacom Pejume Diwesi pata cueicueijeixae barapo diwesi”, jopa bepayabara janyo.

<sup>17</sup> Icha ichan ichichipa atsaquiya penayabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein. <sup>18</sup> Pocotsiwa xua pebin pia coutha nayabara wūnae jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

## 11

*Meje xua Pablo yabara paeba pomonae xua muxuitorobiya pejeiwa: “Paxan Jesús pia peitorobi jiwi tatsi pan”, pomonae pejeiwa*

<sup>1</sup> Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara. <sup>2</sup> Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxonae ba pexantiyo douta xua ichan pepichinexa powa bayatha ichan jopa pichiyo. Bapowa antobe pia pebin. Paxam bewa bara paichim, bewa Cristo pantobem. <sup>3</sup> Caurimonae pia pentacaponaein tatsi pon pia coutha naexana be jomo, bapon Eva muxuitorobatsi peajuntacoyenebewatha. Pajunuwan xua bapon paca muxuitorobina barapo juntū coyenewatha. Bapon paca cana exanaena xua painya nenanta xeinaewa Cristo jopa beta peyabara nanta xeinaewatsi, xua equeicha jopa xanepanaya painya neantobewa tsane Cristo, meisa xua bapontha painya neantobenexa. <sup>4</sup> Paca yabara junuwatsi poxoru pajume naitaewatame pocotsi diwesi xua daxita jiwi paeba. Paxam itapeta pajume naitaewatame ichantha pontha pon peyabara paebin Jesús xua ichan xua pon pepa Jesús aibi. Paxam payabara jume naitaewatame icha jumope xua po jumope jopa xapain Nacom pia Pejumope tūnaxū tatsi. Matautano yabara pajume naitaewatame icha diwesi po diwesi xua jopa xapain Nacom pia pecapanenebiyae diwesi jume xua po diwesi jume copiya pajume taneme. <sup>5</sup> Pomonae baxuan paca tsipaeba, barapomonae pia coutha nayabara nanta xeina, jeye: “Paxan Jesús pia peitorobi jiwi tatsi pan, xua pata peainya cui jiwi pan”, jei. Ichitha jopa yabara nanta xeinaeinoyo xua barapomonae netoxeincha peainya cui jiwi beyacaincha xua xan. <sup>6</sup> Xan saya taepato cueicueijan Nacom Pejume Diwesi tatsi. Jopa bichocono wūnae tacueicueijejwa jopa be bapocotsinyo be pocotsin xua beta pecueicueijejwa. Daichitha bara yaputan xua yabara tacueicueijejwa. Paca tsita itapeinya xeineibatsi xua bara tayaputaewa, xua poxonae daxita pocotsiwantha paca tsipaebeibatsi.

<sup>7</sup> ¿Metha bara abe exanan jampa poxonae jopa paca w̄caetsi pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeinyo. Tacoutha acopeibi naexanan xua tacui pawī naexanan xua saya meisa ainya cui paca cana exanatsi poxonae paca cuidubatsi Nacom Pejume Diwesi. <sup>8</sup> Ichamonaē pomonaē pejume cow̄ntsiwi pomonaē penacaetuteibi jiwi, xua pomonaē w̄naē pejainteibiwi Nacom barapomonaē wecobe pitan paratixi tanecatsixae. Barapo paratixitha comocan pocotsiwa xua nantawenonan poxonaē tapaca bar̄ ecaewatsi xua amanaya tapaca cayawenonaenexatsi. <sup>9</sup> Poxonaē cataunxuae paca bar̄ ecatsi bapoxonaē inta acoibi pocotsiwa tacanantawenonaewa. Jopa w̄caeinyo painyamonae jiton xua pocotsiwa daunweya pacata exainchi xua saya painya tana necatsibiwaxaem. Pomonaē Macedonia nacuamonaepiwi pomonaē pejume cow̄ntsiwi barapomonaē inta carendena pocotsiwa xua tacanantawenonaewa. Bayatha jopa paca w̄caetsi xuano xua equeicha bexa jopa paca w̄cae tsainchi xua daxota jopa pacata daunwei exanaē tsainchi xua daxita coyenewantha. <sup>10</sup> Taj̄nt̄ coyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijeīwa baxua xua jopa paratixi paca w̄caetsi. Baxua cueicueijan daxita Acaya nacuatha. <sup>11</sup> ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

<sup>12</sup> Ichitha awiya exanaponaēin pocotsiwa xua anoxuae exanaponan xua jopa tapaca w̄caponaewatsi paratixi. Baxua exanan xua tajume cui matawentsinexa, pomonaē xua naerabiya atsaquiya paeba, xua jeye: “Paxan jupa paexanan icha Pablobar̄ ichi xua paratixi nonotapona be pentoma xua pecueicueijeixae Cristo pejume diwesi”, jei. <sup>13</sup> Barapomonaē pemuxitorobi jiwi xua pinaē barapomonaē Jesús pia peitorobi jiwi tatsi. Barapomonaē jiwi muxujainyaba pia penacuichiwa coyenewatha. Barapomonaē be natsicotane Jesús pia peitorobi jume pepaebi jiwi tatsi. <sup>14</sup> Pocotsi coyeneya xua barapomonaē nacana exana jopa yabara naj̄nt̄ coyene cabenaecaeinyo. Payaputan xua barapomonaē apara Satanás piamonaē tatsi tsipei barapomonaē pia coutha nacana exana xua itara mexeya beta peexanaewi icha bapon ichi. Satanás pon caurimonaē pia pentacaponaein tatsi pia coutha nacana exana xua itara mexeya pon xanepanaya peexanaēin icha matatsunpin ichi xua pexeinya peit̄panae coicha xeina Nacom weya. <sup>15</sup> Daxota jopa bewa naj̄nt̄ coyene cabenaecaetsi xua poxonaē Satanás pia petanacuichi jiwimonaē tatsi exana icha Satanás ichi poxonaē exana. Barapomonaē natsicotane be pocotsimonaē xua beta peexanaewi. Daxota poxonaē Nacom yabara paebina barapomonaē xua penatsicuentsiwa xua abe peexanaexae, barapomonaē bichocono atene exanebinchi xua be pocotsi coyeneya bichocono abe peexanaexae.

*Meje xua poxonaē Pablo pia coya nayabara paeba xua atene exanatsi Jesús pia peitorobi jiwi jiwana tatsixae*

<sup>16</sup> Equeicha paca tsipaebatsi: Jopa paneyabara nanta xeinaēinde xua xan be pon tanentajemabin bequein cueicueijeīthan barapo coyeneya. Ichitha icha panecayabara nanta xeiname baxua bara saya beitatemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonaē xan tacoutha atsaquiya conotha nayabara paebin icha ichamonaē ichi xua pia coutha atsaquiya nayabara paeba. <sup>17</sup> Apra jopa paebinyo xua tana itorobixae Jesús pon jiwi Pecanamataxeinaēin. Apra saya tacoutha atsaquiya nayabara paeban icha pon matajemabatsi ichi xua pia coutha natsipaeba. <sup>18</sup> Tsipei ayei jiwi atsaquiya yabara paeba pocotsiwa barapo cae pin nacuathe xeina. Daxota xan barichin tacoutha atsaquiya nayabara paeban. <sup>19</sup> Pananta xeiname xua daxita pam painya neyaputae jiwi pam. Ichitha jopa peyaputaewi pam. Bara saya pacui yabara copatame xua pajume naitomatame pomonaetha pomonaē be pematajemabi jiwi pomonaē naerabiya paeba

xua poxonae jeye: “Paxan Jesús pia peitorobi jiwi pan”, jei. <sup>20</sup> Matautano bara saya pacui yabara copatame xua bara amanaya painya netanacuichinexa tsane ichamonae. Matautano saya pacui yabara copatame xua bara ichamonae amanaya paratixi painya nepaca cobe wenoteibiwa xua saya barapomonae nexa. Matautano saya pacui yabara copatame xua bara ichamonae paca yabara muxuitoroba painyawan xua painya nepacata notsiwa. Barichi bara saya pacui yabara copatame xua bara ichamonae painya nepaca aebiwa xua barapomonae ainya cui jiwi beyacaincha paxam. Matautano saya pacui yabara copatame xua bara painya nepaca itabara cuainchiwa. <sup>21</sup> ¡Bequein auran xua paca tsipaebatsi baxua, ichitha jopa padaunwan tsobenaeinyo icha paichim poxonae ichamonae pacata abe exana!

Icha daxita jiwi ichi xua atsaquiya nayabara paeba, xan barichin iru atsaquiya nayabara papaeban tacoutha icha pon pematajemabinchi ichi xua poxonae nayabara paeba. <sup>22</sup> Barapomonae atsaquiya nayabara paeba xua barapomonae pinae judiomonaepiwi. Xan iruru apara barichin judiomonaepin. Matautano pinae barapomonae Israel pon bayatha tupa pia pemomoxi susato jiwi tatsi. Xan apara iruru barichin barapon Israel pia pemomoxi susato jiwi jiwana tatsin. Matautano barapomonae atsaquiya nayabara paeba xua pinae Abraham pia pemomoxi susato jiwi tatsi. Xan apara iruru barichin Abraham pia pemomoxi susato jiwi jiwana tatsin. <sup>23</sup> Matautano barapomonae atsaquiya nayabara paeba xua pinae Cristo pia petanacuichi jiwichi tatsi. Nama apara xan iruru barichin Cristo pia petanacuichin tatsin beyacaincha barapomonae. Poxonae baxua paeban apara icha pocotsin ichi pon pematajemabinchi xua pia coutha nayabara paeba. Xan bichocono daunweya ayapusaya nacuitan Cristo nexa beyacaincha barapomonae. Jiwi matowa nejebeiba jiwi pecubi bontha beyacaincha barapomonae. Ichamonae bichocono nebeiba beyacaincha barapomonae. Matowa muxu tatapeibi xua ichamonae inta exana. <sup>24</sup> Daxota cinco po coyenewathabe judiomonae newaetaba pia tanecuainchinexa. Daxita coyenewatha necuainta barapomonae treinta y nueve po cuiyobetha copabeiba xua nejuma cuainta xua xota cuainta xua duwein peru muto. <sup>25</sup> Ichacuitha tsaibi acoibi po cuiyobetha necuainteiba iwatontha. Cae coyenewatha ibotontha necuinbabeiba. Acoibi po coyenewathabe jeratha ponaetha pin naetha payothopan poxonae pawarapan xua jera bunareca. Cae merawitha yawa cae mataqueithano xoyopan pin mar mentha. <sup>26</sup> Matowa warapeiban tacaponaenexa Cristo pejume diwesi xua jiwi tatsipaebinexa. Ichacuitha inta daunwei xua icha muxunene beya mene iya tapateibiwa tsane poxoru metha awabo tsipae. Ichacuitha inta daunwei poxonae poneiban namtontha xua metha pomonae pecaibi jiwi tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonae tanacuamonaepiwi metha inta abe exaneibichipa. Ichacuitha inta daunwei poxonae pomonae jopa pejume cowantsiwi metha abe tana neexanaewa tsipae. Ichacuitha inta daunwei poxonae jiwi tomarantha metha abe tana neexanaewa tsipae. Ichacuitha inta daunwei poxonae ira xuepana susato tsurucuae nacuatha taponeibiwa xua metha abe tana neexanaewa tsipae. Ichacuitha inta daunwei poxonae pin mene mar mentha metha abe tana neexanaewa tsipae poxonae jeratha ponan po nae pin naetha. Ichacuitha inta daunwei poxonae metha abe tana neexanaewa tsipae pomonae naerabiya pepaebiwi xua pinae pejume cowantsiwi. <sup>27</sup> Xeinan penacuichiwa po penacuichiwa inta bichocono daunwei xua neatene exana. Matautano ainya merawin tsaibi xua jopa maiteibinyo. Matautano tain atenein tsaibi. Matautano bichocono tameratsi tsaibi. Matautano ainya matakabin inta pexaewa ajibi tsaibi. Matautano bichocono aquein tsaibi poxonae inta seiqueiba paparuwa.

<sup>28</sup> Matautano iru icha coyeneinno xua seica xua tapaca tsipaebiwatsi. Matautano xeinan icha coyene po coyene xua neajuntacoyenerewe exana xua poxonae yabara nanta xeineiban pomonae Nacom pejume cowantsiwichi pomonae penacaetutsi bon-

monaepiwi poxonae ne-eena xua tayawenaenexa barapomonae. <sup>29</sup> Icha ichan pon barapo penacaetutsi bonmonae jiwana pin, icha bapon juntu cui coyene faefaena xua pejume cowantsiwa Nacom, nantanuweya yabara nanta xeinan bapon. Icha ichan juntu coyene jujutatsi xua abe peexanaenexa auran bapon nexa, yawano caseban pontha pon pejuntu coyene jujutsixae. <sup>30</sup> Icha bewa atsaquiya nayabara paebin, bapoxonae atsaquiya yabara paebin pocotsiwa xua jiwi tsita itapeinya xeinan xua xan faefaenan xua jopa neitacupaeyo xua tacoutha tana nayawenaewa. <sup>31</sup> Nacom neyaputane xua xaniwaicha bara yabara paeban po coyenein xua inta daunwei. Nacom Jesucristo Paxe tatsi, pon Wanacanamataxeinaein. Barapon jiwi bewa wanae jainteibina ataya. <sup>32</sup> Caena bayatha Damasco tomaratha poponan. Bapoxonae pon canamataxeina barapo tomaratha, bapon itoroba soldadomonae xua tomara peyacaincha toxorotsi dutsiwa coibototha peumenaenexa. Barapo soldadomonae tomara coibotontha umena xua pia tanewaetabichi poxonae tomara wewarapiyan xua tanecaponaenexa jiwi pecabi botha. Barapon pon canamataxeina barapo tomaratha bapon tanacuitatsi pon yatsicaewa nacia peewatsin bapon tanacuitatsi, pon pewun Aretas. <sup>33</sup> Bequein barapo soldadomonae bepa newaetabei, ichitha jopa ponaeinyo tomara coiboto iya. Ichamonae neyacote yoreca ventana wereca xua pepa tomara juma deca. Bara panepataban.

## 12

*Meje xua Pablo yabara paeba xua petsita itabiwatsi xua abe poxonae camaita pocotsiwan Nacom tsita itateiba bapontha*

<sup>1</sup> Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Daichitha jopa xapain neyawenaeyo baxua. Jame apara awiya paca tsipaebatsi xua pocotsiwan Nacom netsita itata xua be poxonae camaitan. Matautano paca tsipaebatsi pocotsiwan xua Nacom neyaputane exana xua bapon pia peyabaraxae. <sup>2-3</sup> Caena bayatha ainya wei xua poxonae copiya tajume cowantsiwa Cristo. Caena bayatha catorce po weibe yapucaewa xua poxonae necapona jemeicha peitaboco beicha po itaboco bichocono tajbeicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaeyo saya meisa compa Nacom yaputane. <sup>4</sup> Xan yaputan xua necaicha paraiso matawun nacia beicha. Poxonae patopan barapo nacuatheicha jume tan baxoteicha po jume xua nameicha moya yawun xeina xua jiwi jopa yabara yaputaeyo. Nacom jopa yabara necopatsiyo xua bara barapo jume tatsipaebiwa tsane ichamonaetha. <sup>5</sup> Bequein neitacupa xua atsaquiya tayabara paebiwa xua pocotsiwan wanae xua xuan tataexae, daichitha jopa barapo coyeneya exanaeyo. Saya meisa atsaquiya yabara paeban pocotsiwan xua inta ayapube xua po coyene tatsita itapeinya xeinaewa xua apara nefaefaena exana xua daichitha Nacom neyawena. <sup>6</sup> Bara neyabara cui copata xua bara atsaquiya tanayabara paebiwana tsane pocotsiwan xua beta taexanaewan. Poxonae baxua exanan jopa paebinyo icha be pocotsin pematajemabinchi ichi, xua nayabara paeba tsipei paeban pocotsiwan xua pexainyewana. Ichitha xan jopa baxua atsaquiya nayabara cui paebinyo, tsipei jopa ichipaeinyo xua ichamonae taneyabara nanta xeinaewa xua xan bichocono taainya cuin, beyacaincha xua pocotsiwa barapomonae necui tane xua exanan, xuano xua beyacaincha nejume tane xua cueicueijan. <sup>7</sup> Pocotsiwa xua Nacom neyaputane exana bichocono wanae nawita. Nacom copata xua bara saya atenein tsaibi tsane xua atsaquiya tapaebiyainwa pocotsiwan xua Nacom yabara neyaputane exana. Barapo peatene coyenewa caurimonae pia pentacaponaein tatsi, pon Satanás, itoroba xantha xua atene tana necana exanaenexa. Barapo peatenewa bichocono atenein tsaibi be

poxonae xua xane eto nexatempa. <sup>8</sup> Acoibi po jumeyothabe tsaibi Nacom jume fayacotsiya w<sub>u</sub>queiban xua taneperaxa capanepaenexa barapo peatene coyenewa weya. <sup>9</sup> Ichitha Nacom netsipaeba, jeye: “Jume, jopa caaxaibi exanaetsi. Jame cata itorobatsi Tajumope t<sub>u</sub>nax<sub>u</sub> jinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itac<sub>u</sub>patsi xua daxita pia coutha peexanaewa. Jopa ba canantawenonaeyo taayapus<sub>u</sub> coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapus<sub>u</sub> coyenewa. Bara bapon yawenan”, jei Nacom. Daxota ichichipan poxonae inta ayapube tsaibi xua jopa tana neitac<sub>u</sub>paewa xua daxita beta taexanaewa tacoutha. Bapoxonae jiwi tanetaenexa xua bara Cristo neyawena pia peayapus<sub>u</sub> coyenewatha. <sup>10</sup> Daxota j<sub>u</sub>nt<sub>u</sub> coyene weiweinan poxonae inta ayapube tsaibi xua beta taexanaewa. Matautano j<sub>u</sub>nt<sub>u</sub> coyene weiweinan poxonae jiwi abe neyabara paebeiba. Matautano j<sub>u</sub>nt<sub>u</sub> coyene weiweinan bequein jopa xeinaeinyo pocotsiwa xua tanantawenonaewa. Barichino j<sub>u</sub>nt<sub>u</sub> coyene weiweinan poxonae bequein jiwi neatene exaneiba tajume cow<sub>u</sub>ntsixae Cristo. Matautano j<sub>u</sub>nt<sub>u</sub> coyene weiweinan poxonae bequein jiwi inta ayapube exaneiba. Daxita baxuan ne<sub>u</sub>j<sub>u</sub>nt<sub>u</sub> coyene weiweina exana, poxonae inta ayapube tsaibi xua beta taexanaewa xua ichamonae inta daunwei peexanaexae. Bapoxonae bara xaniwaicha as<sub>u</sub>n tsipei Cristo tana neyawenaexae.

*Meje poxonae Pablo yabara naj<sub>u</sub>nt<sub>u</sub> coyene eena exana nawita Corinto tomarapiwi*

<sup>11</sup> Cueicueijan icha ichi poxonae cueicueijei pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijiwa. Jame apara paxam barapomonae pam pomonae bequein bewa xanepanaya pana neyabara paebim. Bequein xan jopa peainya cuiyinyo, ichitha barapomonae jopa peainya cui jiwi beyacaincha xua xan pomonae pajume naitaewatame. Barapomonae naerabiya paeba xua pinae barapomonae bichocono peainya cui jiwi pomonae Cristo pia peitorobi jiwi jiwana tatsi. Ichitha barapomonae xainwaicha bichocono jopa peainya cui jiwi. <sup>12</sup> Poxonae cataunxuae paca bar<sub>u</sub> popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Matautano jopa aitaconaeyiya exanaeinyo poxonae bequein ichamonae inta daunwei exana poxonae abe neyabara paeba. Jame saya j<sub>u</sub>ntema exana ducunaebiyan petsita it<sub>u</sub>tsi coyenewan painya xantha bequein ichamonae abe neyabara paeba. Matautano exana ducunaebiyan pocotsiwan jiwi nabenaeca exainchi. Daxita baxuan exanan Nacom pia peayapus<sub>u</sub> itorobi coyenewatha tatsi. <sup>13</sup> Paca yabara nanta xeinatsi xua paxam metha pananta xeiname xua paxam jopa peainya cui jiwi pam. Matautano metha pananta xeiname xua meisa icha penacaetutsi bonmonae jiwi pomonae w<sub>u</sub>nae pejume cow<sub>u</sub>ntsiwi Nacom bichocono peainya cui jiwi beyacaincha paxam. Metha pananta xeiname baxua poxoru jopa paca w<sub>u</sub>caetsi xua tapana neyawenaenexam tsane pocotsiwatha tanantawenonaewa pocotsiwatha xua ayapube pacata exainchi.

<sup>14</sup> Anoxuae nacui yabara w<sub>u</sub>naetan xua tapaca siwa ponaewatsi tsainchi eque-icha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha jopa paca w<sub>u</sub>caetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaexae pocotsiwa xua paxeiname. Apari saya paxam cuita paca siwa poinchi. Pexui ba jopa nantawenonaeyo xua paxeijiwi j<sub>u</sub>ntana jeba paratixi, jame saya ba coxiyeijiwi bewa pia pexui j<sub>u</sub>ntana jebi paratixi. Barapocotsi j<sub>u</sub>ta coyeneya ichin bewa paca yawenaeinchi. Jopa panantawenonaem xua tapana neyawenonaewam. <sup>15</sup> J<sub>u</sub>nt<sub>u</sub> coyene weiweinan xua paca catsinchi daxita xua xeinan. Barichi copatan xua bara ichamonae atene tana neexanaewa tapaca cayawenaenexatsi. Poxonae bequein matowa toxechiya paca antobe tsozonaetsi daichitha be conotha xuya pana neantobem.

<sup>16</sup> Ichamonae pomonae painyamonae jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newuca paratixi bapon nexa. Daichitha ichacuitha tsipae metha apara bapon naca muxuitorobiya wecobe notsipa paratixi”, jei. <sup>17</sup> ¿Metha paratixi paca yabara muxuitorobiya wecobe notsinchi poxonae pebiwi itorobin painya xantha? ¡Jume apara! ¡Jopa baxua exanaeinyo! <sup>18</sup> Tito itoroban xua painya nepaca siwa ponaewa tsane, irano ichanno itoroban pon iru pejume cowantsin xua Tito pecueiyatsiwa tsainchi. ¿Metha Tito bara paca yabara muxuitorobiya wecobe notsina paratixi? ¡Jume apara! Paxam bara payaputaneme bara Tito betiya xaniwaicha pananta jupaya paexananbe, xuano pana najantu coyene jupanbe.

<sup>19</sup> Jopa payabara nanta xeinaeinde barapo jumein xua pata paca catsipaebiwatsi xua saya poxoru pata ichichipaexae xua paxam paca tsita xanepanatsi. Jopa baxua paexanaeinyo. Jame po jume xua Cristo ichichipa xua patapaebiwa, apara barapo jume cui coyeneya papaeban. Daxita baxuan pacueicueijan Nacom peitatha xua xanepanaya mataropeicha beta Nacom painya nejume cocowantaponaewa tsane. Baxua paexanan tsipei paxam tamonae pam, pomonae pata paca caantobe jiwichi pam. <sup>20</sup> Junuwan xua poxonae tapaca siwa ponaewa tsainchi xua metha pajinompatsipame be pocotsimonae aichaxaibin tataewa poxoru metha aichaxaibin tsipae pocotsiwa xua paexaname. Matautano metha paneyabara nanta xeinaetsipame xua xan jopa paca cui jupaetsi xua poxonae pocotsiwa exanan. Barichi junuwanno xua poxonae tapaca siwa ponaewa tsainchi xua metha nantiya pana najume matsontsonobame. Matautano junuwan xua nantiya pana yabara uwame pocotsiwan paxeiname, xuano xua nantiya pana nacasebame. Matautano junuwan xua nantiya pana naasiwam xua ichamonae jopa bepayawenaem. Matautano junuwan xua nantiya pana nabi-ataetsipame xuano xua nantiya tsumu jumeya pana nacui yopitsipame pocotsiwan xua paexaname. Junuwanno xua nantiya pana naebichipame painya neyaputaexae pocotsiwan xua paexaname, xuano xua nantiya pana natsaquibabame poxoru painya neanaepanaexae. <sup>21</sup> Matautano junuwan xua poxonae equeicha tapaca siwa ponaewatsi tsainchi, Tanacom neexana xua paca yabara auratsi. Bichocono unthuthu wecoyan tsane pomonae nexa pomonae xua caena bayatha abe peexanaexae. Barapomonae cataunxuae jopa acuiuriyo pocotsiwan xua abe eexanapona xua poxonae barapomonae yabuxi nata nota xua bequein jopa piseurixi xuano poxonae yabuxi nota pebiwi poxonae jopa piseuriyo. Matautano barapomonae atsaquiya abe eexanapona.

## 13

### *Meje poxonae Pablo napeyabiya najume weta*

<sup>1</sup> Anoxuae equeicha paca siwa ponaeinchi xua nama acoibi po cuiyobetha tsane xua taponaeewa tsane bara beya. Icha ichan ichichipa cui yopita xua ichan abe peexanaexae Nacom pia peitorobi coyenewa baxua yabara naca tsipaeba, naca jeye: “Poxonae jiwi cui yopita xua ichan abe peexanaexae bewa acoibi poyobe yabara paebina bapontha, xua abe peexanaexae bapon. Ichacuitha saya nacueyatabe poyobebe yabara paebichipa bapontha bapoxonae jiwi tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi. <sup>2</sup> Bayatha poxonae paca siwa poinchi yabara paca tsipaebatsi pomonae xua abe peexanaewi pomonae painyamonae jiwana pam xua iru ichamonae. Anoxuae bequein cataunxuae tajm paca cuenta poponatsi, equeicha paca tsipaebatsi xua bayatha pocotsiwa paca muxuwetatsi, janje: “Poxonae equeicha paca siwa ponaeinchi ayapube taexanaein pomonaetha pomonae xua awiya abe peexanaponaewi”, jan. <sup>3</sup> Baxua paca cana exanaeinchi yaitama paichichipame xua paca tsita itapeinya xeinaeinchi xua pocotsiwa Cristo neitoroba tacueicueijeinexa bapon nexa. Paca muxuwetsinchi Cristo nexa tapaebixae bapon

nexa. Cristo jopa jume faefaenaeyo poxonae yabara paca muxuwetatsi painya abe exanae cuiru coyenein. Jame apara bapon jume daunweya paca tsipaeba. <sup>4</sup> Poxonae Jesucristo tupa naetotha jiwi yabara nanta xeina xua bapon Cristo saya juntu coyene faefaena, tsipei jopa pia coutha nayawenaeyo. Ichitha anoxuae Jesucristo asu popona Nacom pia peayapusu itorobi coyenewatha tatsi. Bequein pajuntu coyene faefaenan anoxuae, daichitha poxonae paca itawetinchi bapoxonae jopa pajuntu coyene faefaenaen tsane. Jame asu pajinompaein. Bapoxonae Nacom pia peayapusu itorobi coyenewatha ayapusuya paca itawetsina.

<sup>5</sup> Incane painya coutha pana najuntu coyenein jujare icha bara xaniwaicha metha beta pajume cowuntsiya jinompame. Icha bara xaniwaicha pana nayaputaneme xua bara yatsicaewa Jesucristo piamonae tatsi pam, barapoxonae pana nayaputaeneme xua bara apara Jesucristo paca baru jinompa. Icha jopa Jesucristo piamonae tatsi pam, barapoxonae Jesucristo jopa paca baru jinompaeyo. <sup>6</sup> Ichichipan xua paxam payaputaneme xua paxan Cristo pana baru popona. Paxan jopa pemuxuitorobi jiwi pan xua poxonae pata jeiwa: “Paxan Jesucristo pia peitorobi jiwi tatsi pan”, poxonae pata jeiwa. <sup>7</sup> Pawucan Nacomtha xua jopa abe painya neexanaewa tsane. Jopa Nacomtha baxua payabara wucaeyo xua paca tsita itapeinya xeinaeinchi xua paxan Jesucristo pia peitorobi jiwi tatsi pan xua daxota beta painya neexanaewa tsane. Ichitha pacata wucatsi Nacom xua awiya u meisa pexeinya coyene painya neexanaponaewa tsane bequein metha pana neyabara nanta xeiname xua paxan jopa pomonae Jesucristo pia peitorobi jiwi tatsi panyo. Bequein paxan jopa paca tsita itapeinya xeinaetsi xua bara Cristo pia peitorobi jiwi tatsi pan. <sup>8</sup> Paxan jopa paichichipaeinyo xua pata yabara jume toxeinchiya exanaewa pocotsiwa itoroba barapo Nacom pia pexainyei diwesi jume. Jame apara itapeta paexanan pocotsiwa itoroba barapo pexainyei jume diwesitha. <sup>9</sup> Daxota pajuntu coyene weiweinan poxonae ichamonae pana neyabara paeba xua pinae jopa daunweya papaebinyo. Saya paichichipan xua beta painya nejume cowuntsiwa tsane. Awiya Nacomtha pacata wucatsi xua paxam xaniwaicha painya nejuntu coyene xanapanaponaewa tsane Nacomtha xua jopa patsita natsicuentim tsane abe painya neexanaexae bapontha. <sup>10</sup> Pewunaeya xua poxonae tapaca siwa ponaewa tsainchi, matha barapo carte pacata tinatsi. Daxota tinan xua jopa bewa paca tsipaebi tsainchi pocotsiwa pacata ayapube exanatsi poxonae paca siwa ponaeinchi. Bapoxonae jopa nantawenonaen tsane xua tapaca itorobiwa tsainchi xua taxeinaexae Nacom pia peitorobi coyenewa tatsi po peitorobi coyenewa Nacom necata. Nacom necata barapo peitorobi coyenewa xua painya nejuntu coyene xanepana ponaenexa Nacomtha. Apara jopa baxua necatsiyo xua abe tapaca exanaenexatsi.

<sup>11</sup> Tamonae pam, bara wetan anoxuae barapo carte. Ichichipan xua painya nejuntu coyene weiweinaya jinompaewam tsane. Itapeta pajume jejande pocotsiwa xua paca muxuwetatsi xua daxota beta mataropeicha painya neexanaponaewa tsane. Pana najuntu coyene tsacabare xua daxota peburuya caemonae pana nabarun nanta xeinaeya jinompare. Juntema panabarun jinompare. Bapoxonae Nacom pon juntema pepoponaen, xuano xua peantobe tsurucuaenaebiyaein, barapon paca baru poponeibina. <sup>12</sup> Betiya painta nantiya najacobare painya neantobewaxae Cristo. <sup>13</sup> Daxita pomonae xote jinompe pomonae pejume cowuntsiwi Jesucristo barapomonae paca jacobae.

<sup>14</sup> Barabun Jesucristo pon jiwi Pecanamataxeinaein paca yawenaena pia paca necantobexae. Barabun Nacom pia peantobe coyenewatha tatsi pajinompaeiname. Matautano barabun Nacom pia Pejumope tunaxun tatsi daxita pam paca baru jinompaena.

Baja Pablo.



## Meje Po Carte Pablo Tatina, Galacia Nacuapiwi Tatinatsi

*Meje yabara poxonae Pablo tamropata pitaba xua tatina pomonaetha pomona Galacia nacuapiwi*

<sup>1</sup> Xan, Pablon, Jesucristo pia peitorobi jiwi jiwana tatsin. Apra ichun jopa neitapetsiyo yawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupae coyene weya. <sup>2</sup> Xan, iruru ichamonae pomona pejume cowantsiwi daxita barapomona pan paca jacobatsi. Barapo carte pacata tinatsi pomona Nacom piamona tatsi pam, painya nejume cowantsixae Jesucristo pomona Galacia nacuatha painya nejinompaewa. <sup>3</sup> Barabu Nacom, pon Waxa, iru Jesucristo, pon jiwi Pecanamataxeinaein, baponbe amanaya paca yawenaena pia paca necaantobexae. Yawano barabu Nacom junte ma jinompa paca exanaena. <sup>4</sup> Bapon Jesucristo naca tsitupa xua wanaca capanenebiya exanaenexa barapo abe waexanae coyene weya xua po abe exanae coyene exana pomona jinompa po cae pin nacuathe. Nacom pon Waxa ichichipa naca capanepa daxita barapo coyenein weya. <sup>5</sup> ¡Barabu Nacom wuna jaintatsi jiwi xua ataya tsane!

*Meje yabara xua ajibi icha pecapanenebiyae coyenewa*

<sup>6</sup> Najuntu coyene benaegan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iruru xeina waxainchi nexa. Yawa najuntu coyene benaegan xua pajume cowantame icha jume diwesi xua be pecapanenebiyae diwesi jume xua saya jiwi paeba. <sup>7</sup> Bara xaniwaicha, xua icha pecapanenebiyae diwesi aibi. Pocotsiwa xua ichamonae paca cana exana baxua paca juntu coyene tsacaba xua painya nejume cowantsinexa icha diwesi, xua toxeinchiya painya nejume cowantsinexa Cristo pia pecapanenebiyae diwesi jume tatsi. <sup>8</sup> Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabetsipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha. <sup>9</sup> Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae, paca jeichi.

<sup>10</sup> Poxonae paeban baxua jopa cueicueijanyo pocotsiwa jiwi beta tana neyabara nanta xeinaewa. Apra jame cueicueijan Nacom wuna tana neyabara nanta xeinaexae. Icha saya nanta xeineibichipan xua exanan po coyeneyatha xua jiwi beta tana neyabara nanta xeineibiwa tsane bapoxonae xan jopa Cristo pia peitorobi jiwi jiwana tatsin tsipae.

*Meje yabara xua poxonae Pablo Jesucristo pia peitorobi jiwi jiwana pin tatsi cana exainchi*

<sup>11</sup> Tamona pam, pomona iru painya nejume cowantsiwixae Jesucristo. Ichichipan xua painya neyaputaewa xua po diwesi pecapanenebiyae diwesi xua po diwesi cueicueijan, barapo diwesi apra jopa jiwi pia diwesiyo tatsi. <sup>12</sup> Matauta barapo diwesi apra xua jopa jiton netsipaebiyo. Yawa matautano dapon aibi xua pon necuiduba barapo diwesi. Apra saya Jesucristo neyaputane exana poxonae netsita itata pia coutha.

<sup>13</sup> Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomonae exana pia pejume cowantsiwa xua abe yabara, yawa pejinompae coyene yabara. Bayatha payaputaneme xua bichocono abe cana exanan pomonaetha pomonae Nacom piamonae tatsi daxita pomonae pejume cowantsiwixaetsi Cristo. Ichichipan xua daxita weraweraca taexanaewa. <sup>14</sup> Xan bichocono yabara nacuidubaponan po coyene judiomonae pia pejume cowantsiwa tatsi. Yawa yabara nacuidubaponan po coyene pia pejinompae coyene tatsi. Bichocono nacuidubaponan beyacaincha xua ichamonae nacuidubapona pomonae tanacuapiwi pomonae tana newei jupaewi. Bichocono ichichipan xua taexanaewa po coyene tamo susato jiwi exana, beyacaincha xua ichamonae exana. <sup>15</sup> Ichitha caena bayatha Nacom neitapeta xua tajume cowantsiwa tsane bapon pewnaeya poxonae beya tanaexanaewa tsane. Daxota Nacom newaba, bichocono petana neantobexae. <sup>16</sup> Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomonae jopa judiomonae naexanaeyo. Poxonae barapo coyeneya necana exana jopa baxua yabara paebinyo ichamonaetha. <sup>17</sup> Matautano jopa ponaeinyo Jerusalén tomara beya xua baxua tayabara paebinxexa Jesucristo pia peitorobi jiwitha tatsi pomonae bayatha netsiwana cana exainchi Jesucristo pia peitorobi jiwi tatsi. Seicaya nama xan nainya ponan Arabia nacua beya. Bapoxonae pirapaeyo Damasco tomara beya ponan.

<sup>18</sup> Jopa nainya ponaeinyo Jerusalén tomara beya. Saya bara beya ponan poxonae acoibi po weiyobe yapucaewa. Bapoxonae Pedro tan, yawa baxota naecan quince po matabibe. <sup>19</sup> Jopa taeinyo daxita pomonae Jesucristo pia peitorobi jiwi tatsi. Saya meisa Santiago tan pon Jesús pia peitorobi jiwi jiwanaepin tatsi, pon jiwi Pecanamataxeinaein bapon peweicho tatsi. <sup>20</sup> Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

<sup>21</sup> Nexata bapoxonae Siria nacua beya ponan, yawano Cilicia nacua beya ponan. <sup>22</sup> Nama pomonae jinompa Judea nacuatha, pomonae Cristo pejume cowantsiwi, cataunxuae barapomonae jopa xaniwaicha neyaitaeyo. <sup>23</sup> Saya barapomonae jume tane xua ichamonae neyabara jeye: “Apara bapon, pon caena bayatha abe naca cana exana wajume cowantsixae Cristo. Anoxuae bapon yabara cueicueije tsurucuaenaebiya Jesucristo pia pejume cowantsi diwesi, bequein copiya ichichipa weraweraca cana exana ichamonae pomonae pejume cowantsiwi Jesucristo”, neyabara jei. <sup>24</sup> Barapomonae wnae jainteiba Nacom poxoru anoxuae wnae exanan Nacom nexa.

## 2

### *Meje yabara poxonae Jesús pia peitorobi jiwi tatsi Pablo caemonae naba<sub>w</sub> naexanatsi*

<sup>1</sup> Jerusalén tomara weya ponan xua jiwi tatsipaebinxexa Nacom Pejume Diwesi icha nacuantha. Poxonae catorce po weibe yapucaewa bapoxonae Bernabé equeicha paponanbe Jerusalén tomara beya. Yawa ir<sub>w</sub> Tito bar<sub>w</sub> ponan. <sup>2</sup> Bara beya ponan tsipei Nacom netsita ituta xua bewa ponaein. Baraxota Jerusalén tomaratha pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo barapomonae compa nebar<sub>w</sub> nacaetuta. Barapomonaetha yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonae naexanaeyo. Baraxua exanan tsipei jopa ichipaeinyo xua barapo diwesi pejumexaei tsane po diwesi bayatha tsipaeba ducuaanaeteiban yawa xua anoxuae tsipaeban pomonaetha jopa judiomonae naexanaeyo. <sup>3</sup> Tito baxota naba<sub>w</sub> ecan. Bequein bara bapon griego nacuamonaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonae baxua ichichipa xua baxua Tito pecana exanaewatsi, ichitha jopa baxua cana exanaetsi. <sup>4</sup> Ichamonae pomonae Cristo Jesús jopa xapain jume cowantsichi, barapomonae namicha pata poxonae pana

nacaetutan. Barapomonaē ichichipa xua Tito pewi thabiwatsi xua ichaxota pebiwi nareixacaena. Barapomonaē namicha pata poxoru ichichipa yaputane xua icha paxan jopa paexanaeinyo pocotsiwa Moisés pia peitorobi coyenewatha itoroba xua anoxuae pata jume cowantsixae Cristo Jesús. Barapomonaē ichichipa xua equeicha bewa paexanaein pocotsiwa Moisés pia peitorobi coyenewatha yabara itoroba xua penawi thabi coyene. <sup>5</sup> Matautano bara caetono barapomonaē jopa pajume cowantsiya taeinyo. Yawano jopa paexanaeinyo pocotsiwa xua barapomonaē pana neitoroba xua jame saya poxoru apara painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

<sup>6</sup> Jerusalén tomaratha tsipaeban pomonaē pecanamataxeinaewi Nacom piamonaē tatsi daxita pomonaē pejume cowantsixaetsi Cristo. Nayabara paeban barapomonaē aetha pomonaē Nacom piamonaē tatsi pecanamataxeinaewichi po coyene Nacom Pejume Diwesi tsipaeban pomonaē aetha pomonaē jopa judiomonaē naexanaeyo. Ichitha barapo matabitha barapomonaē pomonaē Nacom piamonaē tatsi pecanamataxeinaewichi jopa neitorobiyo xua tamuxuna cueicueijejiwa xua icha diwesi xua Jesucristo yabara poxonaē cueicueijeji ducuaenaebian po diwesi xua yabara paeban pomonaē aetha pomonaē jopa judiomonaē naexanaeyo. Jopa inta ainya cuiyo xua barapomonaē bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan iru barapomonaē penajupaē jiwi pan. <sup>7</sup> Barapomonaē jopa necatsiyo pena pecuidubiwa xua tacueicueijeinexa. Barapomonaē yaputane xua Nacom neitoroba tacueicueijeinexa pia pecapanenebiyae diwesi pomonaē aetha pomonaē jopa judiomonaē naexanaeyo pomonaē jopa pewi thabiwichi. Icha Nacom ichi xua Pedro itorobatsi xua pecueicueijejiwa tsane barapo pecapanenebiyae diwesi judiomonaē aetha, barichi Nacom neitoroba xua tacueicueijejiwa tsane barapo diwesi pomonaē aetha pomonaē jopa judiomonaē naexanaeyo. <sup>8</sup> Nacom Pedro exainchi Jesucristo pia peitorobi jiwi jiwanaē pin tatsi xua pomonaē judiomonaē nexa. Barichi Nacom neexana xua Jesucristo pia peitorobi jiwi jiwanaē pin tatsin xua pomonaē jopa judiomonaē naexanaeyo nexa.

<sup>9</sup> Santiago, iru Pedro iru Juan barapo acoibi poyobe jiwi yabara nanta xeina xua barapo acoibi poyobe pepa pecanamataxeinaewi xua canamataxeinatatsi pomonaē Nacom piamonaē tatsi daxita pomonaē pejume cowantsixaetsi Cristo. Barapo acoibi poyobe yaputane xua Nacom necata barapo penacuichiwa. Bapoxonaē barapo acoibi poyobe necobe jayaba xua patsita itapeinya xeinan xua peburaya cuita pata nanta xeinaewa xua xan barapoyobe jiwanaē poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonaē baxua exana poxoru pata jiwimonaē pana naexanan, yawano poxoru barapomonaē peburaya nanta xeina, xua paxanbe Bernabé panbe paponaeinbe ichaxota pomonaē jopa judiomonaē naexanaeyo xua iruru poxonaē barapomonaē nabaru naciuchina pomonaē judiomonaē aetha. <sup>10</sup> Barapo acoibi poyobe pana itoroba, pana nejei: “Pananta xeinare xua painya neyawenaewa tsane peacopeibi jiwi Jerusalén tomaratha”, pana jei. Baxua bichocono ichichipan xua taexanaewa tsane.

*Meje yabara poxonaē Pablo muxutainyaba, Pedro muxutainyabatsi Antioquía tomaratha*

<sup>11</sup> Nexata poxonaē Pedro Antioquía tomaratha patopa, bapon itabara taeya muxutainyaban tsipei bapon bayatha abe exana. <sup>12</sup> Pocotsiwa bapon exana baxue: Copiya bapon Pedro naxane pomonaē aetha pomonaē jopa judiomonaē naexanaeyo, pomonaē xua jopa ba wi thabichi xua ichaxota pebiwi pia penareixacaenaewa bequein bapon judiomonaē pin. Ichitha poxonaē pata pebiwi, po pebiwi Santiago baru popona, bapoxonaē Pedro tsana xane jopa equeicha naxaeyo pomonaē aetha pomonaē jopa judiomonaē naexanaeyo. Baxua Pedro exana poxoru Santiagobaru cunuwatsi xua

poxoru Santiagobaru paeba xua pinae bewa daxita pebiwi wi thabichi, metha bequein tsipae pomonae pepa judiomonae, matautano metha bequein tsipae pomonae jopa judiomonae naexanaeyo. <sup>13</sup> Bapoxonae ichamonae icha judiomonae pomonae pejume cowantsiwi Jesucristo, barichi jupa exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowantsiwi, ichitha awiya barapomonae paeba xua bewa pinae wi thabichi pomonae pejume cowantsiwi. Barichi Bernabé bara jutiya ichi iru exana xua tsana wepu xane pomonae jopa judiomonae naexanaeyo. <sup>14</sup> Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowantsixaetsi Cristo pomonae nacaetuta. Janje: “Xam bequein judiomonaepim ichitha poponame icha ichi poxonae popona pon jopa judiomonae naexanaeyo. Jopa exanaem icha ichi poxonae exana pon judiomonaepin. Xam jopa bewa itorobim pomonae jopa judiomonae naexanaeyo xua bewa exanaena icha judiomonae ichi xua poxonae exana”, jan.

*Meje yabara xua judiomonae xuano pomonae jopa judiomonae naexanaeyo xua iru capanenebiya tsainchi xua Jesucristo pejume cowantsiwixaetsi*

<sup>15</sup> Waxainchi judiomonae naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomonae naexanaeyo, tsipei barapomonae abe peexanaewi. <sup>16</sup> Waxainchi yaputainchi xua bequein exanatsi pocotsiwa Moisés pia peitorobi coyenewatha itoroba, ichitha jopa juntu coyene xeicaetsi Nacomtha xua jopa Nacom watsita natsicuentisiwa tsane abe waexanaexae bapontha. Jiwi ba juntu coyene xeica poxonae Jesucristo jume cowantatsi. Waxainchi juntu coyene xeicatsi poxoru jume cowantatsi Jesucristo xua poxoru jopa wajume cowantsiya exanaexae pocotsiwa Moisés pia peitorobi coyenewatha itoroba. Dapon aibi pon pejuntu coyene xeicaein xua pejume cowantsiya exanaexae pocotsiwa Moisés pia peitorobi coyenewatha itoroba.

<sup>17</sup> Waxainchi ichichipatsi xua wajuntu coyene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajuntucoyenebewa xua bequein Cristo naca yawena, bapoxonae jopa naca yawenaeyo Cristo. Matautano bapoxonae bapon abe naca cana exana. Jume, baxua apara Cristo jopa bapana nacata exanae! <sup>18</sup> Nacom tsitan xua tatsita natsicuentisiwa abe taexanaexae bapontha icha equeicha jiwi caewa itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya. <sup>19</sup> Barapo Moisés pia peitorobi coyene jopa neyawenaeyo xua necana exana xua tajuntu coyene xanepanaewa Nacomtha. Saya necana exana xua tatupaewa tsane, poxoru awiya tanatsicuentisiwa xeinan. Ichitha anoxuae Cristo tana netsitupaexae neitacupa xua tapoponaewa Nacom nexa. Matauta anoxuae jopa neitorobiyo Moisés pia peitorobi coyenewa tatsi poxoru jopa xeinaeyo peayapusu itorobi coyenewa xua tana necapanepaewa tsane abe taexanae coyenewa weya. <sup>20</sup> Poxonae Cristo tupa naetotha inta yawa muxuna tupa abe taexanae coyenewan. Daxota anoxuae xan be ichun, tsipei Cristo neyawa popona. Po peajuntu yapusuwatha poponan, barapo peajuntu yapusuwawa Nacom necata tajume cowantsixae Cristo. Bapon Cristo, pon Nacom Pexanto, bichocono neantobe, daxota inta tsitupa abe taexanae coyenewan. <sup>21</sup> Jopa benaitematsinyo Nacom pia peantobewa tatsi. Icha nanta xeinan xua jiwi najuntu coyene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petsitupaewatsi bara be poxonae xuban Nacom pia peantobewa tatsi.

## 3

*Meje yabara xua Moisés pia peitorobi coyenewa tatsi*

<sup>1</sup> ;Eta bichi tsobena Galacia nacuapiwi! ;Jintam pon mara pexeinaein paca baru xua jei xua jopa painya nejume cowantsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitupa jiwi naetha xua jiwi tsitupatsi. <sup>2</sup> Baraxua pana nejume nore: ;Nacom paca cata pia Pejumope tñaxu tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tñaxu tatsi painya nejume cowantsixae po coyene xua yabara paca tsipaebatsi xua pejume cowantsiwa Jesucristo. <sup>3</sup> ;Maisa bichoconocai! ;Eta pomonae pam tsobenaem? Poxonae copiya pajume cowantame Nacom pia Pejumope tñaxu tatsi paca yawena xua Nacom painya netsita xeinaewa pejuntu coyene xeicaewa. ;Anoxuae pananta xeiname xua bichocono pejuntu coyene xeicaewa paxeiname beyacaincha xua copiyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem. <sup>4</sup> Ichamonae bichocono paca atene exana Jesucristo pexeinya jume diwesi painya nejume cowantsixae. Jopa bewa pana nacui barapentsim xua painya nejume cowantsiwa Jesucristo pejume diwesi, po diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowantsiwa Jesucristo pejume diwesi jopa pexainyei jume tsipae pocotsiwa xua papaebame. <sup>5</sup> Nacom paca cata pia Pejumope tñaxu tatsi. Matautano Nacom pexeinya petsita itubi coyenewa exana painya xantha. ;Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Apra jame baxua pacata exana poxoru painya nejume cowantsixae po diwesi xua pajume taneme.

<sup>6</sup> Abraham pon caena bayatha popona yabara jume cowanta xua Nacom exanaena pocotsiwa Abraham yabara tsiwinae muxu dutatsi. Daxota Nacom tsitatsi xua bapon Abraham bara pejuntu coyene xanepanaein xua jopa Nacom tsita xeinaetsi penatsicuentisiwa xua abe peexanaexae. <sup>7</sup> Daxota paxam bewa payaputaename xua pomonae xaniwaicha Jesucristo pejume cowantsiwichi, Nacom tsitatsi xua barapomonae bara be yatsicaewa Abraham pia pemomoxi susato jiwi tatsi bequein bara jopa yatsicaewa Abraham pia pemomoxi susato jiwiyo tatsi. <sup>8</sup> Caena bayatha Nacom Pejume Diwesi paeba, xua Nacom capanenebiya tsane pomonae jopa judiomonae naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonae judiomonae xua capanenebiya tsainchi. Daxita pewinaeya baxua Nacom paeba pia pexeinya jume diwesitha xua Abrahamtha jeye Nacom: “Daxita nacuanpiwi juntu coyene weiweina exanaein tana nejume cowantsixaemxae”, jei Nacom. <sup>9</sup> Daxota daxita pomonae jume cowanta, juntu coyene weiweina, xua Abraham muxuna, xua iru Abraham pejume cowantsixae.

<sup>10</sup> Pomonae bequein jume cowantsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonae bexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonae jopa exanaeyo daxita po coyene itoroba Moisés pia peitorobi coyenewatha, daxita barapomonae atene tsane xua Nacom exanaena abe peexanaexae”, jei. <sup>11</sup> Yaputainchi beta, dapon ajibi pon pexeinaein xua po coyene pejuntu coyene xanepanaewa, xua daxota Nacom tsitatsi xua jopa penatsicuentisiwa abe peexanaexae. Tsipei bequein ichichipa xua peexanaewa xua po coyene Moisés pia peitorobi coyenewatha itoroba, daichitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juntu coyene xanepana exana pon pejume cowantsixaetsi, barapon bara ataya asu poponaena”, jei. <sup>12</sup> Jiton jopa nantawenonaeyo xua Jesucristo jume cowantatsi peexanaewa tsane daxita pocotsiwa

Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita pocotsiwa xua barapo peitorobi coyenewatha paeba ayapusya nepoponaewa tsane”, jei.

<sup>13</sup> Cristo naca capanepa poxonae naetotha naca tsitupa wanaca yantomatsixae xua abe peexanae coyene waexanaexae po peabe exanae coyene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coyene peyawa tupaexae. Baxua yabara Nacom Pejume Diwesitha jeye: “Pon petupaein naetotha ducua bapon Nacom tsita abetsi xua bapon abe peexanaexae”, jei. <sup>14</sup> Cristo Jesús naetotha petupaexae daxota Nacom catsina pomonaetha pomonae jopa judiomonae naexanaeyo po coyene xua bayatha Nacom Abraham tsiwinae yabara muxu dutatsi. Nacom Abraham tsiwinae yabara muxu dutatsi xua pecatsinexatsi peantayapuswa. Matautano Nacom Abraham tsiwinae yabara muxu dutatsi xua Nacom pia Pejumope tñaxu tatsi naca yawa jinompaena poxonae jume cowantatsi Jesucristo.

### *Meje yabara xua Nacom pia petsiwinnae yabara muxu dutsiwa tatsi*

<sup>15</sup> Tamonae pam, pomonae iru painya nejume cowantsiwiwixae Jesucristo. Paca tsipaebatsi tsica diwesiyo juta coyeneyatha xua pocotsiwa jiwi ba exana. Poxonae ba nacueyatabe pebinbe peburaya nanta xeinabe xua nantiya penata exanaenexabe yawa daxota nawun dutabe paperatha, bara baponbe bewa exanaenabe po coyene baponbe tsiwinae yabara muxu dutabe. Ichun jopa itacupaetsi xua ichawa equeicha mataropata tina icha bayatha nawun tinabe. <sup>16</sup> Nacom exana pia petsiwinnae yabara muxu dutsiwa Abrahamtha yawa iru Abraham pia pemomoxi susato jiwi jiwana pintha tatsi. Nacom Pejume Diwesitha jopa jeyo: “Pia pemomoxi susato jiwitha”, jopa jeyo. Jame meisa caeintha yabara jei: “Pia pemomoxi susato jiwi jiwana pintha”, jei. Baxua yabara paeba xua Cristo yabara caunutatsi. <sup>17</sup> Baxua paca tsipaebatsi meje: Poxonae Nacom yabara tsiwinae muxu duta Abrahamtha, bapoxonae poxonae cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiwinae muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiwinae muxu dutsiwa tatsi. <sup>18</sup> Icha jiwi itacupaetsi xua panenebiya abe pia peexanae cuiru coyene weya xua peexanaexae pocotsiwa Moisés pia peitorobi coyenewatha itoroba, bapoxonae ainya cui aibi po peyabara tsiwinae muxu dutsiwa Nacom yabara tsiwinae muxu duta Abrahamtha. Ichitha poxoru jiwi jopa itacupaetsi xua pepanenebiwa abe pia peexanae cuiru coyene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiwinae muxu dutsiwa, Nacom amanayiya yabara tsiwinae muxu duta Abrahamtha.

<sup>19</sup> ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwana pin tatsi pon yabara tsiwinae muxu duta Nacom. Nacom cata pia peitorobi coyenewa matatsunpiwitha xua barapomonae xuya Moisés catatsi jiwi nexa. <sup>20</sup> Ichitha poxonae Nacom yabara tsiwinae muxu duta Abrahamtha, bapoxonae dapon aibi pon capona barapo peyabara tsiwinae muxu dutsiwa Abrahamtha Nacom weya. Jame saya meisa Nacom compa yabara tsiwinae muxu duta Abrahamtha.

### *Meje yabara xua daxota Nacom itoroba Moisés pia peitorobi coyenewa tatsi*

<sup>21</sup> Paca yainyabatsi: ¿Moisés pia peitorobi coyenewa abe cana exana Nacom pia peyabara tsiwinae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itacupaetsipatsi xua capanenebiyatsi abe pia peexanae coyenein weya peexanaexae po coyene Moisés

pia peitorobi coyenewatha itoroba, bapoxonae jiwi juntu coyene xanepanaetsipa Nacomtha peexanaexae po coyene Moisés pia peitorobi coyenewatha itoroba. <sup>22</sup> Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itacupaetsi xua penacui barapentsiwa. Daxota daxita pomonae Jesucristo pejume cowantsiwichi Nacom cana exanaena jiwi po coyene xua bayatha yabara tsiwuna nae muxu duta xua bepa pinae jiwi capanenebiya tsainchi Jesucristo pejume cowantsixaetsi”, jei.

<sup>23</sup> Pewunaeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yaputane exana xua poxonae Cristo patopeicaena bapoxonae waxainchi bara bewa jume cowantichi Cristo. Barapo peitorobi coyenewa yabara naca yaputane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca juntu coyene yawenapona beya poxonae Cristo patopaetsica. <sup>24</sup> Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua najuntu coyene xanepana exainchi Nacomtha wajume cowantsixae Cristo. <sup>25</sup> Anoxuae jume cowantatsi Cristo, daxota jopa nantawenonaetsi Moisés pia peitorobi coyenewa tatsi. <sup>26</sup> Paxam painya nejume cowantsixae Cristo Jesús, daxota daxita paxam Nacom pia pexui tatsi pam. <sup>27</sup> Daxita paxam poxonae bayatha ichamonae paca bautisaba caemonae pana naexaname Cristo Jesthath, Cristo pijimonae tatsi pamxaem. Daxota paxam pacoyene japame Cristo. <sup>28</sup> Nacom daxita jiwi tsita najupatsi. Daxota Nacom jopa tsita ainya cuichi metha bequein judiomonae pam tsipaem, iru metha bara bequein griegomonae pam tsipaem pomonae jopa judiomonae naexanaeyo. Matautano jopa tsita ainya cuichi metha bequein pomonae amanaya painya nepaca busi cui tatayebeibiwi pam tsipaem, iru bara bequein pomonae jopa amanaya painya netanacuichi jiwi pam tsipaem. Matautano jopa tsita ainya cuichi metha bequein bara pebiwi pam tsipaem, iru metha bequein yabuxi pam tsipaem. Nacom tsitatsi xua paxam be caemonae jiwi pam xua caemonae pana nabaru exaname Cristo Jesthath. <sup>29</sup> Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsiwuna nae muxu dutatsi bara baxua paxam nexa.

## 4

<sup>1</sup> Xua ichichipan xua tapaebiwa baxua meje: Icha pexuyo paxa cuenta tupaetsi poxonae cataunxuae pexuyo tsecae barapoyo jopa bepijawa catichi ichamonae pocotsiwa xua coxiyun pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibixaetsi pomonae wichitiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa. <sup>2</sup> Barapo pexuyo nantauta pomonae peyawenaewichi, pomonae bapon wichitiya pebaru jinompaewichi. Matautano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyun paeba. <sup>3</sup> Waxainchi bara pocotsi jata coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba. <sup>4</sup> Poxonae barapo matabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabuyo petsiperu wenaexanaenexatsi barapo cae pin nacuathe. Bapon yacuiya naexana judiomonaepin. Matautano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewa tatsi. <sup>5</sup> Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi. <sup>6</sup> Nacom pia

pexui tatsi painya nenaexanaexae, daxota pacata itorobica pia Pejumope t̃nax̃ tatsi pia painya nepaca cayawenaewa tsane poxonae paca j̃nt̃ coyene tsipaeba. Barapo Nacom pia Pejumope t̃nax̃ tatsi naca cana exana xua wajeiwa: “Axa”, xua wajeiwa Nacomtha. <sup>7</sup> Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

*Meje yabara poxonae Pablo yabara nanta xeineiba pomonae pejume cow̃ntsiwi Jesu-cristo*

<sup>8</sup> Pew̃naeya xua poxonae payaputaename Nacom, copiya paxam be barapocotsimonae pam be pocotsimonae bewa exanae xua pia nacom̃n itorobeibatsi, po nacom̃n xua saya jiwi pia coya cana exana xua jopa pepa nacom̃nyo. <sup>9</sup> Ichitha anoxuae Nacom payaputaneme, yawa paca tsipaebatsi xua Nacom paca yaputane. Jopa bewa equeicha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonae cataunxuae jopa pajume cow̃ntsim Nacom. Barapo Moisés pia peitorobi coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonae saya ̃ painya neexaneibi barapo coyene barapoxonae be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi. <sup>10</sup> Paxam awiya cataunxuae paxename pocotsi coyenewan xua judiomonae itorobatsi Moisés pia peitorobi coyenewatha. Barapo coyenewa itoroba xua maticabin yabara yawa xua xometon yabara yawa xua wei yabara, po coyene jiwi bewa exanaena penajainbotsi yabara, yawa xua pin penabanaewa peexanaewa maticabin yabara. Barapocotsi coyenein paexaname painya nenanta xeinaexae xua painya nenaj̃nt̃ coyene xanepana exanaenexa Nacomtha. <sup>11</sup> Tsipei cataunxuae baxua paexaname, daxota j̃nt̃ coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

<sup>12</sup> Tamonae pam, pomonae ir̃ painya nejume cow̃ntsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi coyenewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyenewatha itoroba. Bara bequein xan judiomonaepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyenewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyenewatha itoroba. Paxam pomonae jopa judiomonae panaexanaem. Bayatha paxam jopa painta abe exanaem, daxota nanta xeinan xua bara pana nejume taneme pocotsiwa paca itorobatsi. <sup>13</sup> Payaputaneme poxonae copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo. <sup>14</sup> Bequein pacata ayapube xua poxonae pana netaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxonae matatsunpintha paichipaem poxonae patopa po matatsunpin Nacom pia matatsunpin tatsi, pon peainya cuin, yawano xua icha be poxonae pacana ichipaem Jesucristo poxonae patopaetsipa. <sup>15</sup> Copiya bayatha bichocono paj̃nt̃ coyene weiweiname, anoxuae jopa paraichim. Bequein baxua paexaname daichitha awiya w̃nae paca yabara paebatsi ichamonaetha xua paxam bichocono pana neantobem. Matautano bichocono jopa juniya pana neantobem pata tana neyawenaexaem tsane xua beya poxonaeno pana naitacuere jucame xua pata tana neantobexaem. <sup>16</sup> Anoxuae



pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

<sup>17</sup> Po judiomonae jiwi pecuidubiwi barapomonae naemata wunaeya paca tsipaeba, ichitha peajuntucoyenebe jiwi. Daxota barapomonae baxua pacata exana pia painya tana nepenticham pia bapoxonae xuya painya ichichipaetsi barapomonae. <sup>18</sup> Baraxua bara bequein wuna xua ichamonae paca ichichipa, daichitha saya jame poxonae juntucoyene wuna. Barapomonae bewa daxita matabi paca yaweneibina jopa meisa metha poxoru ecainchipae. Matautano bara bewa paca yawenaena poxonae jopa ecaeinyo. <sup>19</sup> Tamonae pam, paxam be pomonae tapexui pam. Paxam nexa bichocono ajuntucoyenereweina xua anthathatanein, icha be poxonae yabuyo ichi poxonae bichocono atene poxonae beya pexuyo pabeta. Baraxua cataunxuae exanaponaein beya poxonae pajuntucoyene wunaem tsane icha Cristo ichi xua juntucoyene wuna. <sup>20</sup> ¡Maise ichichipan bichocono xua tapaca barua ecaewatsi anoxuae xua tapaca tsipaebinxatsi icha jumetha, xua jume wunaeya tapaca tsipaebinxatsi! Taju taecaexae xan jopa yaputaeinyo xua eta bichin xua tapaca yabara nanta xeinaewatsi xua tapaca yawenaenexatsi.

### *Meje yabara xua yabuyobe Agar irua Sara*

<sup>21</sup> Paxam pomonae pam pomonae painya neichichipaewa xua painya neexanaewa pocotsiwa Moisés pia peitorobi coyenewatha itoroba. Pana nejume nore. ¿Paxam jopa pajume taem xua barapo peitorobi coyenewatha paeba? <sup>22</sup> Barapo peitorobi coyenewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichiwatsi. <sup>23</sup> Powa Abraham tanacuitatsi amanaya, bapowa pexanto tanaexanatsi bara jupa icha be ichi xua poxonae ichamonae tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwuna muxu dutatsi. <sup>24</sup> Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsiwnae muxu dutsiwabe tatsi. Agar pexanto tatsi bapon pia pemomoxi susato jiwi tatsi bewa exanae xua Moisés itoroba pia peitorobi coyenewatha tatsi. Barapo peitorobi coyenewa Nacom Moisés catatsi ichaxota demxuwa, po demxuwa pewun Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwi tatsi barapo coyeneya yacuiya naexanumenapona. Daxota barapomonae bewa exanaponae po peitorobi coyene Moisés itoroba. <sup>25</sup> Barapowa Agar caunuta po demxuwa pewun Sinaí xua Arabia nacuatha, po demxuwa Arabia nacuamonae pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaena Moisés pia peitorobi coyenewa tatsi icha Agar ichi xua bewa exanae pocotsiwa Abraham itoroba xua powa pebusi cui taetaewatsi pecana exanaexaetsi. <sup>26</sup> Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanae tsane Moisés pia peitorobi coyenewa tatsi. Waxainchi apara barapo tomarapiwichi. <sup>27</sup> Nacom Pejume Diwesitha Sara tsipaebatsi, jeichichi:

“Petsiriwa powa mawecowam, xam powa jopa xeinaem pexui, juntucoyene weiweinare. Juntucoyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa

bichocono ayei jiwi xeinaena pexui beyacaincha po petsiriwa piseuri baru popona”, jei Nacom Pejume Diwesitha.

<sup>28</sup> Tamonae pam, paxam pomonae iru painya nejume cowuntsiwixae Jesucristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwuna nae muxu dutatsi. Waxainchi barapo pexuichi, po pexui Nacom yabara tsiwuna nae muxu duta wajume cowuntsixae. <sup>29</sup> Po pexanto Agar tanaexanatsi xua pon naexana bara jupa icha be ichi xua poxonae ichamonae pexui tanaexanatsi be pon pewun Ismael. Bapon Isaac taayapube exainchi, pon naexana poxoru Nacom pia Pejumope tuxaxu tatsi peitorobixae. Bara jatiya ichi anoxuae pomonae xua Nacom pia Pejumope tuxaxu tatsi pexeinaewi taayapube exainchi xua ichamonae exana, pomonae peexanaponaewi po coyene Moisés pia peitorobi coyenewatha itoroba. <sup>30</sup> Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itacupaetsi xua pexeinaewa pocotsiwa coxiyun pecopaniwa tatsi xua saya cuita pepa pexanto tatsi nexa powa jopa pebusi cui taetaewatsi amanaya”, jei Nacom Pejume Diwesitha.

<sup>31</sup> Tamonae pam, paxam pomonae iru painya nejume cowuntsiwixae Jesucristo. Jopa dapomonaetsi icha be ichi po pexui powa pebusi cui taetaewatsi amanaya pia pexui tatsi pomonae bewa exanaena pocotsiwa Moisés itoroba. Waxainchi jame barapomonaetsi icha be ichi po pexui powa jopa pebusi cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

## 5

*Meje xua Pablo yabara paeba xua jopa bewa equeicha exanae Moisés pia peitorobi coyenewa*

<sup>1</sup> Cristo naca yawena xua equeicha jopa wanantawenonaewa tsane xua waexanaewa pocotsi coyenewan Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentisiwa xua abe waexanaexae. Beta ajuntayapusuya pajume cowuntaponde Nacom, xua bapoxonae jopa painya necopatsiwa tsane xua ichamonae paca itorobina xua painya neexanaewa pocotsiwa Moisés itoroba.

<sup>2</sup> Xan, Pablon, pana nejume taema. Jopa equeicha pacopatsinde xua bara judiomonae paca wi thabina, pomonae pebiwi pam, ichaxota panareixacaename. Tsipei icha baxua paexanaetsipame bapoxonae Cristo jopa paca yawenaetsipae po coyene bapon nepaca juntu coyene xanepana exanaewa tsane Nacomtha. <sup>3</sup> Equeicha ichichipan xua tapaca tsipaebiwatsi. Po pebin xua wi thabatsi xua judiomonae exana, barapo pebin bara be judiomonaepin naexana. Bapoxonae bapon bewa daxita matapaecha coyenein exanaena pocotsiwa Moisés pia peitorobi coyenewatha itoroba. <sup>4</sup> Paxam pomonae pananta xeiname xua paca juntu coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi. <sup>5</sup> Nama jume cowuntsiya ewatatsi xua Nacom naca juntu coyene xanepana exanaena xua jopa watsita xeinaewa tsane wanatsicuentisiwa xua abe waexanaexae. Nacom pia Pejumope tuxaxu tatsi baxua nacata exana wajume cowuntsixae Nacom. <sup>6</sup> Waxainchi caemonae peburuya Cristo Jesús piamonae wanaexanaexaetsi jopa naca yawenaeyo icha ichamonae naca wi thaba xua judiomonae wanaexanaewa tsane. Ichacuitha icha jopa naca wi thabiyo baxua iruru jopa naca yawenaeyo. Jame pocotsiwa xua wanaca yawenaewa bewa jame jume cowuntichi Cristo Jesús. Barapo pejume cowuntsiwa naca exana xua antobeya wajinompaewa.

<sup>7</sup> Bayatha copiya beta pajinompame painya nejume cowantsiwatha. ¿Jintam metha pacata ayapube exana xua daxota jopa painya neexanaewa pocotsiwa Nacom pia pejume xainyewatha paeba? <sup>8</sup> Apara Nacom jopa pacata exanaeyo baxua xua pacata ayapube exana pon paca waba. <sup>9</sup> Payabara nanta xeinare po diwesiyo xua jeye: “Levadura ba peyauyo xoyo atsaxa tsecae daxita carepaya matapaeicha atsaxa exana pantha”, jei. Barapo coyene icha be ichi poxonae abe peexanae coyene po coyene bewayo painya xainya bejojopa tsiniya. <sup>10</sup> Jume cowantan Nacomtha pon jiwi Pecana-mataxeinaein xua jopa painya neitapetsiwa tsane icha painya barompaya nenanta xeinaewa xua icha be jopa ichiyo pocotsiwa nanta xeinan. Icha ichan paca juntu coyene tsacaba xua paca itoroba xua abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, matautano metha bequein pon peainya cuin jiton, ichitha awiya atene cana exanaena.

<sup>11</sup> Tamonae pam, paxam pomonae iru painya nejume cowantsiwixae Jesucristo. Icha cueicueijan tsipae xua bewa jiwi wi thabichi metha judiomonae jopa inta abe exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tupa. <sup>12</sup> Pomonae xua paca juntu coyene cui tsacaba xua paca itoroba xua paca wi thaba barapomonae pin jumetha yabara janje: “Jame maisa bu moya bara pia coutha natobu jucaena xua daxota jopa ichamonae peitorobiwa tsainchi xua penawi thabiwa tsane”, jan.

<sup>13</sup> Tamonae pam, paxam pomonae iru painya nejume cowantsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xeinaewa tsane painya tsita natsicuentiwa xua abe painya neexanaexae. Poxoru jopa painya nenantawenonaemxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiwi pia coutha ichichipa exana. Jame paexande pocotsi coyene xua ichamonae payawende xua nantiya caemonae painya nenaantobexae. <sup>14</sup> Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarabu enaewi, icha ichim xua naantobem jinya coutha”, jei. <sup>15</sup> Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitafaetabi jiwi pam tsipae xua jopa beta painya nejume cowantsiwa Nacom.

*Meje xua Pablo yabara paeba pomonae yawa jinompa Nacom pia Pejumope tñaxu tatsi*

<sup>16</sup> Xua pocotsiwa paca tsipaebatsi meje baxue: Nacom pia Pejumope tñaxu tatsi payawa jinompare. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana. <sup>17</sup> Po coyene xua wacoutha wajuntu coyenetha najuntu coyene xeinatsi xua abe waexanae coyenewa baraxua Nacom pia Pejumope tñaxu tatsi jopa ichichipaeyo. Po coyene Nacom pia Pejumope tñaxu tatsi naca itorobeiba xua pexeinya coyene waexaneibinexa baraxua, barapo abe wananta xeinaewa jopa ichipaeyo barapo coyene, po coyene Nacom pia Pejumope tñaxu tatsi naca itoroba. Bapoxonae wajuntu coyene iru Nacom pia Pejumope tñaxu tatsi pia pejuntu coyene tatsi jopa pebũyua jũpaeya nanta xeinaebe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coyenein pexeinya coyenein. <sup>18</sup> Ichitha icha Nacom pia Pejumope tñaxu tatsi itorobiya paca mata cainompa bapoxonae jopa bewa pananta xeinaem xua Nacom paca capanenebiyaena abe painya neexanae coyenein weya painya neexanaexae po coyene Moisés paca itoroba pia peitorobi coyenewatha tatsi.

<sup>19</sup> Pocotsiwan jiwi ichichipa pia coutha exana xua abe meje baxue: Ichamonae nata siwa xeina xua bequein jopa piseuri jiwi. Ichamonae bichocono nanta xeineiba pocotsiwa bichocono xua abe, yawa xua pecui tsacatsacapae coyenewa xua weiweina. <sup>20</sup> Ichamonae wɯnae jainta ibo nacomɯn. Barichi ichamonae maratha cataerubenanae-biya xua icha jiwi maratha cataerubenanaebiyatsi. Ichamonae caemonae nantiya naita aenae-aenei. Ichamonae nantiya naba. Ichamonae nantiya nauwa. Ichamonae nantiya nacaseba. Ichamonae asiwa piawan. Ichamonae natsatabe exana. Ichamonae pia matabɯxɯmonae nacana exana be pomonae seicaya barompaya penanta xeinaewi. <sup>21</sup> Ichamonae yabara uwa pocotsiwa xua ichamonae xeina. Ichamonae juteba xua icha jiwi pejutewiwatsi. Ichamonae cɯpatsi. Ichamonae penajainjɯbi jiwi bichocono. Ichamonae ichawan exana xua peabe coyenewan. Yabara paca tsiwɯnae muxu dutatsi xua jɯpa be po coyeneya bayatha paca tsipaebatsi, po jiwi bapocotsiwan exana barapomonae jopa patsi tsane Nacom pia peitorobi nacua beicha tatsi.

<sup>22-23</sup> Ichitha nama pocotsi coyenewan Nacom pia Pejumoŋe tɯnaxɯ tatsi cana exanaena jiwi pejɯntɯ coyenetha tatsi baxuanje: Peantobewa ichamonaetha, yawa pejɯntɯ coyene weiweinaewa pejume cowɯntsixaŋe Nacom, yawa xua jɯntema pejinompawea, yawa xua jɯntema pejinompawea xua bepijawa jopa aitaconaeyo poxonae bequein ichamonae abe exana, yawa xua beta peexanaewa ichamonaetha, yawano xua peyawenaewa ichamonae pejɯntɯ coyene xeicaewaxae, yawano xeina xua bichocono pejume cowɯntsiwa Nacom, yawa bichocono pia coutha jopa penayabara nanta xeinaewa, xua saya yabara nanta xeina ichamonaetha, yawa po coyene xua penaitorobiwa pia coutha. Icha peitorobi coyenewa aibi po peitorobi coyenewa xua yabara paeba xua daxita barapo coyenewan pinae abe. <sup>24</sup> Waxainchi pomonaetsi xua Jesucristo piamonae tatsichi, jeichichi: “Poxonae Jesucristo naetotha cobe matatabarutatsi, wajɯntɯ coyene, po jɯntɯ coyene jopa wɯnaeyo, nacata yawa muxuna tɯpa. Bapoxonae nacata aichurubenaŋe exana po coyene xua abe waexanaewa”, jeichichi waxainchi. <sup>25</sup> Waxainchi jinompatsi wanaca yawenaexae Nacom pia Pejumoŋe tɯnaxɯ tatsi. Daxota bewa bara copatichi xua Nacom pia Pejumoŋe tɯnaxɯ tatsi bara naca maticarucua ducwanaebiyaena xua ichaxota daxita pocotsiwantha xua exaneibatsi.

<sup>26</sup> Jopa bewa waxainchi ichamonaetha aebichi. Mataɯtano jopa bewa nantiya naanaepana exanaetsi. Mataɯtano jopa bewa nantiya nauwichi.

## 6

### *Meje yabara poxonae Pablo jeye: “Nantiya pana nayawende”, jei*

<sup>1</sup> Tamonae pam, paxam pomonae irɯ painya nejume cowɯntsiwixae Jesucristo. Icha ichɯn pacui taneme xua abe exana, pon pejume cowɯntsin Jesucristo, bapon payawende xua equeicha beta peponaewa tsane Nacomtha. Payawende bapon paxam jiwana pomonae pam Nacom pia Pejumoŋe tɯnaxɯ tatsi pajume cowɯntsiya jinompame. Jopa anaya bichocono pamuxuconaeinde xua abe peexanaexae. Ichitha dota pam, xua irɯrɯ paca jɯntɯ coyene cana exana xua abe painya neexanaewa tsane. <sup>2</sup> Nantiya caemonae pana nayawende xua poxonae ichamonae ajɯntɯcoyenerewe tsaibi pocotsiwa xua ajɯntɯcoyenetane exanatsi. Poxonae nantiya caemonae pana nayawenae bapoxonae bara paexanaenae pocotsiwa Cristo itoroba xua poxonae jeye: “Nantiya caemonae pana naantobeinde”, jei.

<sup>3</sup> Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenaewatsi tsainchi, bapon pia coutha namuxuitoroba.

<sup>4</sup> Jiton bewa pia coutha nacui yabara nanta xeinae xua exana, bapoxonae barapon jɯntɯ coyene weiweina icha piawa beta exana. Bapon jopa bewa yabara nanta xeinae pocotsiwa xua ichɯn exana xua bichocono wɯnae xua beyacaincha bapon exana. Daxita jiwi carepaya bewa barichi bewa pia coutha nacui yabara nanta xeinae icha

metha bara wɛnae xua pocotsiwan exana. <sup>5</sup> Daxita jiwi carepaya barompaya bewa exanaena pia penacuichiwan Nacom nexa be pocotsi coyeneya xua Nacom itoroba.

<sup>6</sup> Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchixaetsi xua be pe-matomatsi coyenewa exana.

<sup>7</sup> Jopa painya coutha pana namuxuitorobinde. Dapon ajibi pon itacɔpatsi xua Nacom muxuitorobatsi. Pocotsiwa xua pebin exana bara barapocotsi coyenetha cuita yabara cana exanatsi. Icha bapon abeya exana barichi bara abeya cuita yabara cana cui matomatatsi. Mataɔtano icha bapon xanepanaya exana bara xanepanaya cuita yabara cana cui matomatatsi. <sup>8</sup> Icha ichɛn exana pocotsiwa xua pia coutha ichichipa exana pocotsiwa xua jopa xanepanaeyo, bapoxonae bapon xuya cuita xeinaena pocotsiwa xua abe xua jiwi tɔpa exanatsi. Ichitha icha bapon exana pocotsiwa xua Nacom pia Pejumope tɛnaxɛ tatsi ichichipa, bapoxonae barapo Nacom pia Pejumope tɛnaxɛ tatsi bapon catinchi peajɛntɔyapɔsɔwɔwɔ xua ataya tsiteca. <sup>9</sup> Jopa bewa ajɛntɔcoyenefaetabi tsainchi po coyenewa xua beta waexanaewa Nacom nexa. Icha jopa ajɛntɔcoyenefaetabiya jinompae tsainchi xua beta waexanaewa Nacom nexa, bapoxonae po mataqueitha Nacom daxita wetsina Nacom naca catsina pentoma pocotsiwa wɛnae xua xanepanaya waexanaexae. <sup>10</sup> Daxota poxonae daxita coyeneintha naca itacɔpa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowɛntsiwichi, beyacaincha poxonae yawenatsi pomonae jopa pejume cowɛntsiwi.

### *Meje yabara xua Pablo najume wetsiya paeba*

<sup>11</sup> Pataema xua matapainya tacoutha tinan, daxota pin itaneton tsica. <sup>12</sup> Pomonae judiomonae xua paca itoroba xua painya nepaca wi thabiwa tsane, barapomonae saya baxua exana pia icha judiomonae wɛnae yabara nanta xeinaetsi barapomonaetha. Yawa barapomonae pomonae xua paca itoroba pomonae judiomonaexae naerabiya nanta xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonae naexanaeyo, bara muxuna itorobatsi xua barapomonae bara bewa pebiwi wi thabinchi ichaxota nareixacaena. Bapo coyenewa icha waxainchi exanatsi baxua wamonae pomonae judiomonae jɛntɔ coyene weiweinaena. Bapoxonae barapomonae jopa nacata abe exanae tsane, bequein tsipaebatsi pomonaetha, pomonae jopa judiomonae naexanaeyo xua Cristo naca tsitɔpa naetotha”, jei xua naerabiya nanta xeina. <sup>13</sup> Bequein barapomonae paca itoroba xua paca wi thaba ichitha jopa exanaeyo pocotsiwa Moisés pia peitorobi coyenewa itoroba. Barapomonae ichichipa xua paca wi thaba ichamonae, pia barapomonae paca yabara paebichi ichamonaetha xua barapomonae paca itoroba. Barapo judiomonae ichichipa xua icha judiomonae yabara nanta xeina xua pomonae paca itoroba bara beta exana pia paca cui itorobixae barapo penawi thabi coyenewa. <sup>14</sup> Ichitha xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petɔpaewa naetotha pon Wanacacanamateixinaein. Cristo naetotha netsitɔpa daxota pocotsi coyenein xua xeina po irathe jopa netsita ainya cuiyiyo, xua taxainaenexa yawa xan jopa tsita ainya cuiyinyo barapo cae pin nacuathepiwitha. <sup>15</sup> Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena jɛntɔ coyene. <sup>16</sup> Barabɛ Nacom paca cata jɛntema painya nejinompawea. Mataɔtano barabɛ Nacom nantanuweya paca yabara nanta xeinaena pia painya nepaca yawenaenexa. Barabɛ Nacom daxita paxamtha barapo coyenebe paca cana exanaena pomonae pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena jɛntɔ coyenewa, yawano barabɛ

Nacom paca cana exanaena daxita paxamtha pomonae pam xaniwaicha painya nejume cowantsiwi pam Nacom.

<sup>17</sup> Anoxuae yawano xua bexa tsaneno jopa ichichipaeinyo xua ichan inta ayapube exanaena xua poxonae neyabara paeba xua po coyene pinae Nacom jopa neitorobiyo xua tacueicueijejewa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonae newan duba taperutotha tajume cowantsixae Jesús.

<sup>18</sup> Tamonae pam, paxam pomonae iru painya nejume cowantsiwixae Jesucristo. Barabu bapon pon Wanacanamateinaein, paca juntu coyene weiweina exanaena pia painya nepaca antobexae. Je bara ichi tsane.

Baja Pablo.

## Meje Po Carte Pablo Tatina, Efeso Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonaefeso tomarapiwi*

<sup>1</sup> Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaefeso pam pomonaefeso Nacom piamonaefeso pamxaem, pomonaefeso pajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonaefeso painya nepaca exanaexae Cristo Jesustha. <sup>2</sup> Barabux Nacom, pon Waxa irux Jesucristo, pon jiwi Pecanamataxeinaein, baponbe paca yawenaena pia paca necaantobexae. Matautano barabux baponbe pebuxaya junte ma jinompa paca cana exanaena.

*Meje yabara xua poxonaefeso Nacom wanaca yawenaewa, wanaca antobexae*

<sup>3</sup> Barabux waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: “Nacom maisa pajuntux coyene weinweinan jinya pata taneyawenaewaxaem”, jeichichi. Daxita waxainchi Nacom caemonaefeso wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejuntux coyenein po pejuntux coyenein xeina pia nacuatheicha. Bapo juntux coyenein naca catsiba xua wanantawenonaewatsi xua wanaca ajuntuxcoyenesux exanaenexa beta xua Nacom watsita jinompaenexatsi. <sup>4</sup> Caena bayatha pewuxaeya xua poxonaefeso nacua forotsina, Nacom naca wuxn duba xua piamonaefeso tatsi wanaca exanaenexa tsane poxoru Cristo caemonaefeso wanaca exanaewa tsane bapontha. Matautano Nacom naca wuxn duba xua bichocono watsita juntu coyene xanepanaenexa tsane bapon xua matauta jopa watsita natsicuentisiwatsi tsane xua abe waexanaexae bapontha. <sup>5</sup> Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi. <sup>6</sup> Daxota barabux Nacom wuxnae jainteibatsi pon bichocono pexeinya coyenewa exana poxonaefeso naca yawena wanaca antobexae. Matautano Nacom bichocono wanaca antobexae amanaya daxitatsi caemonaefeso naca cayawa exana Pexantotha, po Pexanto bichocono antobe. <sup>7</sup> Nacom pia pin wanaca antobexae naca capanenebiya exana abe waexanaefeso cuiru coyenein weya. Nacom tsitatsi xua jopa watsita natsicuentisiwatsi xua abe waexanaexae, yawa naca cayabara cui junte maina barapo cui. Baxua exana poxoru Nacom Pexanto tatsi jana pichapabarena poxonaefeso bexotsi, poxonaefeso abe waexanaefeso cuiru coyene naca yabara tsitupa naetotha. <sup>8</sup> Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon. <sup>9</sup> Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawuxn xeina xua jiwi jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawuxn xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewuxn Jesucristo. <sup>10</sup> Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxonaefeso jopaena barapo matacabi xua poxonaefeso po mataqueitha Nacom ichichipa beexanaena baraxua.

<sup>11</sup> Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wɛn duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wɛnaetsi. <sup>12</sup> Paxan, judiomonae pan, pomonae pan xua copiya pawɛnae ewatan xua Cristo pepatopaewa tsane. Barabɛ daxota Nacom bichocono wɛnae pajainchin pexeinya peitɛpanaewa peexanaeinxae. <sup>13</sup> Pocotsiwa xua pexainyei jume diwesi, barapo diwesi apara Nacom pia pecapanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowɛntsixaem Cristo painya nepaca capanenebiyaenexa. Baroxonae Nacom tsita itapeinya xeina xua paxam piamonae tatsi pam poxonae paca cata pia Pejumope tɛnaxɛ tatsi. Bayatha Nacom yabara paca tsiwɛnae muxu duta xua pinae paca catsina barapo pia Pejumope tɛnaxɛ tatsi. <sup>14</sup> Nacom pia Pejumope tɛnaxɛ tatsi naca cata wanaca barɛ poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiwɛnae muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowɛntsina Jesucristo. Baroxonae jiwi wɛnae jainchina Nacom bichocono pexeinya peitɛpanaewa peexanaeinxae.

*Meje yabara poxonae Pablo Nacomtha tawɛca pomonae pejume cowɛntsi jiwi xua Nacom yaputane pecana exanaewa tsane barapomonae pomonae pejume cowɛntsiwi*

<sup>15</sup> Paca yabara jume tainchi xua paxam pinae beta pajume cowɛntame Jesús, pon jiwi Pecanamataxeinaein. Mataɛtano paca yabara jume tainchi xua pinae beta paantobem pomonae irɛ pejume cowɛntsiwi. <sup>16</sup> Daxota ataya pacata wɛqueibatsi Nacom, janje: “Nacom maisa jɛntɛ coyene weiweinan xua Efeso tomarapiwi neyawenaewa, pomonae necajume cowɛntsiwi”, jan. <sup>17</sup> Wɛcan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitɛpanaewa peexanaein. Wɛcan xua painya nepaca cacatsinexa pia Pejumope tɛnaxɛ tatsi painya neyaputaewa tsane pocotsiwan xua xainyei xua Nacom yabara. Mataɛtano wɛcan xua painya beta neyaputaeponaenexa Nacom. <sup>18</sup> Nacom wɛcan xua painya neyaputaenexa painya jɛntɛ coyeneintha. Baroxonae paca itacɛpaena xua payaputaename pocotsiwa Nacom yabara paca tsiwɛn duba xua painya nexainaenexa pocotsiwa yabara paca tsiwɛnae muxu duba. ¡Maisa bichocono jopa juniyiyo xua pocotsiwa Nacom catsina pomonaetha pomonae pia pejume cowɛntsi jiwithaxaetsi pocotsiwa bapon jɛntana jeba barapomonae! <sup>19</sup> Mataɛtano wɛcan xua painya neyabara yaputaewa tsane Nacom pia peayapusɛ itorobi coyenewa, po peayapusɛ coyenewa bichocono wɛnae xua jopa wetsiyo. Barapo peayapusɛ itorobi coyeneyatha Nacom naca yawena wajume cowɛntsiwixae. <sup>20</sup> Barapo peayapusɛ itorobi coyenewa jɛpa po peayapusɛ itorobi coyenewatha Cristo asɛ exainchi petɛpae cuiru coyene weya xua Nacom exana. Barapo pia peayapusɛ itorobi coyenewatha Nacom Pexanto cuareta pia pecoxa weya xua peitabocotha xua Pexanto ainya cui cana exana. <sup>21</sup> Nacom Pexanto cana exana xua Jesucristo toxeincha canamataxeina pomonaetha daxita pomonae ichamonae canamataxeinatsi itabocotha, mataɛtano xua barapo cae pin nacuathe. Mataɛtano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peayapusɛ itorobi coyenewatha, po peayapusɛ itorobi coyenewatha bichocono ayapusɛ beyacaincha ichamonae pia peitorobi coyenewan tatsi. Po wɛn xua Jesucristo xeina xua “Cristo”, jeichichi barapo wɛn yabara matawɛn dutatsi pia peexanaewa. Barapo wɛn bichocono peainya cui wɛn, beyacaincha ichamonae pewɛnxi, po wɛnxi xua yabara matawɛn dubatsi xua peexanaewa pomonae anoxuae jinompa irɛ pomonae



bexa jinompaenano. <sup>22</sup> Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowantsiwixaetsi. <sup>23</sup> Pomonae pejume cowantsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantauta pomonae pejume cowantsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowantsiwichi tsipei Cristo ataya tsitecaeya baru popona barapomonae daxita nacuantha.

## 2

### *Meje yabara poxona xua Nacom naca capanenebiya, wanaca antobexae*

<sup>1</sup> Copiya bayatha poxona jopa pajume cowantsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaexae Nacom pia Pejumope tunaxu tatsi. <sup>2</sup> Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matatsuntha xua beyano Nacom pia nacua beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae juntu coyene itorobatsi xua abe peexanaewa tsane. <sup>3</sup> Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua wajuntu coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae. <sup>4</sup> Daichitha Nacom jopa juniya naca matateicaeyo xua wanaca yawenaewa bichocono wanaca antobexae. <sup>5</sup> Bequein poxona cataunxuae bichocono abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxona Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. <sup>6</sup> Wajume cowantsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha. <sup>7</sup> Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita matabintha tsoponae tsane. Nacom naca tsita itapeinya xeina xua bichocono naca antobe poxona naca exana xua caemonae naexanaeinchi Cristo Jesustha. <sup>8</sup> Tsipei Nacom paca antobe daxota paca capanenebiya poxona pajume cowantame bapon. Apara jopa baxua painya coutha paexanaem, apara Nacom jame baxua amanaya paca cana exana. <sup>9</sup> Nacom apara jopa baxua paca cana exanaeyo xua painya nenacuichixae. Icha paca itacupa xua poxona payabara nacuichipame xua painya nepaca capanenebiyaenexa bapoxona be painya neatsacae jiwi pam tsipae xua poxona ichantha pajam: “Beta paexanan daxota Nacom pana capanenebiya”, pajam. <sup>10</sup> Nacom naca exana xua pena juntu coyenewantha jinompatsi Cristo Jesús nexa xua beta xanepanaya waexaneibinexano bapon nexa poxona jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.

*Meje yabara po juntu coyenetha Nacom naca cana exana xua juntema wajinompawea caemonae wanaexanaexae Cristotha*

<sup>11</sup> Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixaem pana nacui yabara jantanainare xua eta po jiwi pamda caena bayatha poxonae jopa pajume cowantsim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwi pia coya nacanaetsiya exana. <sup>12</sup> Bayatha barapo dapaetha poxonae cataunxuae jopa pajume cowantsim jopa Cristo payabara yaputaem. Matautano paxam be painya nenanapaincha jinompaewi pam xua icha nacula werena painya neponaewi xua jopa Israel nacuapiwi jiwana pam. Po petsiwanae yabara muxu dutsi coyenewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apara jopa paxam nexa. Matautano pajinompame barapo cae pin nacuathe ichitha jopa pawnae ewatsim xua pocotsiwa xua wnae xua Nacom exanaena paxam nexa cataunxuae jopa painya nejume cowantsixae. Tsipei jopa painya neyabara yaputae jiwi pam Nacom. <sup>13</sup> Ichitha anoxuae Cristo Jesús paca exana xua caemonae pana naexaname bapontha. Paxam pomonae bayatha jopa Nacom painya nejume cowantsi jiwi pam xua jopa painya yabara yaputaexaem bapon. Ichitha anoxuae pajume cowantame painya neyabara yaputaexae Cristo Jesús, pon naetotha painya abewan paca yabara tsitupa, poxonae jana pichapabarena poxonae bexotsi. <sup>14</sup> Cristo meisa bapon naca cata po juntu coyenewatha xua ichamonaetha xuya juntema jinompa exanatsi. Cristo exana xua caemonae naexana pomonae xua judiomonae iru pomonae jopa judiomonae naexanaeyo. Cristo cui weraweraca exana po juntu coyenein xua judiomonae iru pomonae jopa judiomonae naexanaeyo penaitafaetabi jiwi naexana xua saya be caemonae penaexanaewa tsane. Baxua exana poxonae naetotha tsitupa jiwi. <sup>15</sup> Poxonae Cristo naetotha tupa bapoxonae bapon cana exana xua Moisés pia peitorobi coyenewa tatsi jopa equeicha xeinaeyo peayapusu itorobi coyenewa xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomonae Cristo caemonae pebaru naexanaewa tsainchi pomonae xua copiya pia peaitafaetabi jiwixaetsi. Poxonae Cristo baxuan cana exana bapoxonae barapo bicheitomonaebe juntema nabaru jinompa cana exana. <sup>16</sup> Petupaexae naetotha Cristo exana xua equeicha barapomonaebe jopa nabiyo. Matautano bapoxonae Cristo naita coxone exana xua barapomonaebe juntema pejinompaewa Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomonaebe Nacom caemonae exainchi.

<sup>17</sup> Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo juntu coyenewatha jiwi equeicha caewa Nacom ita coxonatsi xua Nacom juntema petsita jinompaewa tsainchi. Daxita paxamtha paca tsipaeba barapo diwesi pomonaetha iru pam pomonae copiya jopa Nacom payabara yaputaem, xua pomonae jopa judiomonae pam. Iru tsipaebatsi pomonae yatsicaya judiomonae pomonae Nacom yaputainchi pejume cowantsixae. <sup>18</sup> Cristo jiwi petsitupaexaetsi abe pia peexanae coyenewan tatsi daxota Nacom pia Pejumope tuxaxu tatsi yawena xua pomonae judiomonae iru pomonae jopa judiomonae naexanaeyo be caemonae naexanabe xua cae axa xeina, bapon Nacom. <sup>19</sup> Daxota anoxuae jopa be painya nenanapaincha jinompaewi pam xua be icha nacula werena painya neponaewi. Paxam iru ichamonae pomonae Nacom pejume cowantsiwiru be pomonae cae nacuapiwi pam. Paxam Nacom piamonae jiwana tatsi pam. <sup>20</sup> Poxonae ba jiwi Nacom pin pia bo acaba copiya matha beta noba po iboton xua iratha tabu caumena. Nexata beta nota po iboto xua ainya cui xua po iboto bo daunweya babatanota po iboto

xua epatauta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae bo acaba, Nacom piamonae bara cana jutsiya cana ichi. Pomonae Cristo pia peitorobi jiwi tatsi iru pomonae Nacom pia peitorobi jume pepaebiwi barapomonae be bara pocotsi iboton xua tabu caumena tsipei barapomonae copiya paca cuiduba Nacom Pejume Diwesi tatsi. Iru Jesucristo be barapocotsi ainya cui iboto po iboto daunweya babatanota po iboto epatauta botabiya, tsipei Cristo paca yawena xua painya nejume cowantsiwa bapon. Iru paxam be po iboton xua jiwi nanta cajejebabapona, pomonae penanta carubenaе jiwi pam, tsipei cotacaya painya nejume cowantsixae. <sup>21</sup> Cristo piamonae bara cana jutsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabaru jijinapona, pomonae Nacom tsita juntu coyene xanepanatsi. <sup>22</sup> Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam iru daxita ichamonae pomonae iru pejume cowantsiwi Nacom, caemonae pana naexaname xua Nacom pia Pejumope tñaxu tatsi pia paca baru jinompaenexa icha Nacom ichi xua pia pin botha popona.

### 3

*Meje yabara poxonae Nacom Pablo itorobatsi xua pecueicueijeiwa Nacom Pejume Diwesi pomonaetha pomonae jopa judiomonae naexanaeyo*

<sup>1</sup> Xan, Pablon, jiwi pecubi botha ecan yabara tanatsipei cueicueijeixae Cristo Jesús poxonae bapon yabara tapaca cuidubiwatsi pomonae pam jopa judiomonae panaexanaem. <sup>2</sup> ¡Bara pajume taneme xua Nacom necata barapo tatanacuichiwa xua inta bichocono wñae! ¡Nacom neitoroba tana neantobexae xua tapaca cuidubinexatsi tapaca yawenaenexatsi! <sup>3</sup> Nacom itata xua po coyene xua moya yawun xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yawun xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae. <sup>4</sup> Poxonae barapo carte payorobiname payaputaename xua bara xan yaputan po coyene xua Cristo moya yabara cui yawun xeinatsi po coyene xua bexa Nacom exanaena xua jiwi jopa yabara yaputaeyo. <sup>5</sup> Bayatha jiwi jopa yaputaeyo po coyene xua Nacom Cristo moya yabara cui yawun xeinatsi po coyene xua Nacom exanaena. Ichitha anoxuae Nacom pia Pejumope tñaxu tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. <sup>6</sup> Meje baxue xua pocotsiwa moya peyawun xeinaewa: Pomonae jopa judiomonae naexanaeyo barapomonae iru xeinaena po coyene xua Nacom cata judiomonaetha po coyene bichocono wñae xua bayatha Nacom juntana jeba. Barapomonae pomonae jopa judiomonae naexanaeyo Jesucristo pejume cowantsixaetsi caemonae nanaexana pepa judiomonaetha pomonae iruru Cristo Jesús pejume cowantsiwixaetsi. Barapomonae iru xeinaena po coyene Nacom yabara tsiwñae muxu duta judiomonaetha xua Cristo Jesús yabara. Barapomonae pomonae jopa judiomonae naexanaeyo daxita baxuan iru xeinaena poxoru jume cowantarú Nacom pia pecapanenebiyae diwesi jume.

<sup>7</sup> Nacom neitoroba xua tacueicueijeiwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peayapusu itorobi coyenewa xua tacueicueijeiwa tsane barapo pexeinya jume diwesi. <sup>8</sup> Pomonae xua be conotha ainya cui xua Cristo piamonae tatsi barapomonae ainya cui beyacaincha

xua xan. Daichitha Nacom necata barapo tatanacuichiwa xua inta bichocono w<sub>h</sub>nae. Nacom neitoroba xua tacueicueijejiwa tsane pia pexeinya jume diwesi pomonaetha pomonae jopa judiomonae naexanaeyo. Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonae pomonae jopa judiomonae naexanaeyo. <sup>9</sup> Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yaw<sub>h</sub>n xeina. Barapo coyene Nacom pon daxita peforotsin, caena bayatha moya nayaw<sub>h</sub>n xeina xua jiwi jopa peyaputaewa tsane xua pocotsiwa bapon exanaena. <sup>10</sup> Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yaw<sub>h</sub>n xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cow<sub>h</sub>ntsiwichixaetsi Cristo Jesús. <sup>11</sup> Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein pet<sub>h</sub>paexae naetotha. <sup>12</sup> Naca itac<sub>h</sub>pa xua watsipaebiwatsi Nacom wajume cow<sub>h</sub>ntsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom. <sup>13</sup> Daxota jopa ichichipaeinyo xua paaj<sub>h</sub>nt<sub>h</sub>coyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

### *Meje yabara xua Cristo jiwi peantobewatsi*

<sup>14</sup> Poxonae yabara nanta xeinan xua po coyenewa xua Nacom exana bapoxonae tantabocototha uncuan xua tatsita itapeinya xeinaewa tsane xua bar<sub>h</sub> cui itura jinan Waxa pon itabocotha pepoponaein. <sup>15</sup> Daxita Nacom piamonae pomonae pejume cow<sub>h</sub>ntsiwichi, pomonae itabocopiwi ir<sub>h</sub> pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi. <sup>16</sup> Nacomtha pacata w<sub>h</sub>catsi. Tsipei Nacom pexeinaexae peitaboco be-icha pocotsiwa jopa juniyiyo xua bichocono w<sub>h</sub>nae daxota jan: “Nacom care Efeso tomarapiwi xua bichocono jinya neayapus<sub>h</sub> itorobi coyenewa. Barapomonae neju-mopetha j<sub>h</sub>nt<sub>h</sub> coyene daunweya jinompa exande. <sup>17</sup> Barab<sub>h</sub> Cristo bar<sub>h</sub> poponeibina barapomonae pejume cow<sub>h</sub>ntsixaetsi. Barab<sub>h</sub> barapomonae bichocono antobe jiwi bichocono pej<sub>h</sub>nt<sub>h</sub> coyene y<sub>h</sub>caewaxaetsi peantobe coyenewa. <sup>18</sup> Barab<sub>h</sub> barapomonae beta yabara yaputaena Cristo pia peantobe coyenewa tatsi xua ir<sub>h</sub> daxita ichamon-aer<sub>h</sub> yaputaena pomonae pejume cow<sub>h</sub>ntsiwi. Barapon Cristo pia peantobe coyenewa tatsi bichocono ayei xainto j<sub>h</sub>nt<sub>h</sub> coyenewa. <sup>19</sup> Caw<sub>h</sub>catsi Nacom xua barapomonae barab<sub>h</sub> yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto j<sub>h</sub>nt<sub>h</sub> coyenewa xua jiwi jopa itac<sub>h</sub>paetsi xua peyabara yaputaewa. Caw<sub>h</sub>catsi xua barapomonae nej<sub>h</sub>nt<sub>h</sub> coyene y<sub>h</sub>ca exanaenexa daxita jinya nej<sub>h</sub>nt<sub>h</sub> coyenewatha.

<sup>20</sup> “W<sub>h</sub>nae cajaintatsi poxoru caitac<sub>h</sub>pa xua bichocono pata tana neyawenaewam beyacaincha xua pata tacaw<sub>h</sub>caewatsi, xuano beyacaincha pata nanta xeinaewa. Baxua painta exaname poxonae jinya neayapus<sub>h</sub> itorobi coyenewa nacuita pata j<sub>h</sub>nt<sub>h</sub> coyenewatha. <sup>21</sup> Barab<sub>h</sub> daxita pomonae pejume cow<sub>h</sub>ntsiwi pomonae caemonae naexana Cristo Jesth<sub>h</sub> w<sub>h</sub>nae cajainchina xua ataya petsiteaeponaewa tsane. Je bara ichi tsane”, jan xua pacata w<sub>h</sub>catsi Nacomtha.

## 4

*Meje yabara xua Nacom pia Pejumope tɨnaxɨ tatsi cana exana xua caemonaē naexana Nacom piamonaē tatsi*

<sup>1</sup> Tatanacuichixae Jesucristo pon jiwi Pecanamataxeinaein daxota jiwi neeta jiwi pecɨbi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wɨn dubixae painya nejume cowɨntsixae bapon icha be pocotsi coyeneya xua Nacom tsita xanepanatsi. <sup>2</sup> Ita ururanaya rajinompeibare xua jopa painya neatsacaewa tsane. Mataɨtano jume xanepanaya nantiya pana natsipaebeibare xua jopa paantɨtsaxande. Mataɨtano saya jopa paaitaconaeinde xua daxota jɨntema painompaename poxonae bequein ichamonaē abe pacata exana. Mataɨtano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene jɨpaem. <sup>3</sup> Nacom pia Pejumope tɨnaxɨ tatsi paca cana exana xua caemonaē painya nenaexanaewa tsane. Daxota peajɨntɨcoyenesɨwatha paexande daxita coyeneya xua caemonaē jɨntema painya nenabarɨ jinompaewam tsane. <sup>4</sup> Paxam pomonaē painya nejume cowɨntsi jiwixae Cristo Jesús daxota caemonaē paca exana. Bequein daxita carepaya paxam barompaya paxeiame Nacom pia Pejumope tɨnaxɨ tatsi, ichitha barapo pejumope saya bara caein. Nacom yabara paca wɨn duba xua daxita paxam painya nexeiawa tsane cae coyenewa xua po coyene peɨɨɨya pana nabarɨ wɨnae ewatame pocotsiwa xua hexa Nacom exanaena. <sup>5</sup> Mataɨtano bara caein pon jiwi Pecanamataxeinaein. Mataɨtano cae coyenewa xeinatsi po coyenewa xua wajume cowɨntsiwa Cristo. Mataɨtano saya cae wɨntha nabautisabatsi xua Cristo pewɨntha tatsi. <sup>6</sup> Mataɨtano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, mataɨtano daxita carepaya nacuantha popona. Mataɨtano daxita waxainchi carepaya naca barɨ popona.

<sup>7</sup> Daxita waxainchitha seicaya cabarompaya naca cana jɨntɨ cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa. <sup>8</sup> Daxota Nacom Pejume Diwesitha jeye Cristo yabara:

“Bapon athabe juinya tajɨ beicha.  
Poxonaē athabe juinya barɨ juinya pomonaē  
pia peaitafaetabi jiwichi petsita  
itapeinya xeinaenexa xua amanayaba  
barapo peaitafaetabi jiwichi.  
Mataɨtano bapon pia pejume cowɨntsiwichi  
catsiba po jɨntɨ cui coyenewantha xua  
barapomonaē Nacom petsita exanaenexatsi”,  
jei Nacom Pejume Diwesitha.

<sup>9</sup> ¿Eta xua metha baxua caunuta poxonae paeba xua “athabe juinya tajɨ beicha”? jei. Baxua caunuta xua copiya matha Cristo po irathe patopeica xua bapoxonaē equeicha caibe juinya athabeicha itaboco beicha. <sup>10</sup> Pon xua po irathe patopeica, barichi bapon athabe juinya tajɨ beicha xua bapon pepoponaewa tsane daxita nacuantha xuano daxita itabocotha. <sup>11</sup> Cristo catsiba jiwitha xua seicaya barompaya pejɨntɨ cui coyenein. Ichamonaetha cana exana pomonaē pia peitorobi jiwixae tatsi. Ichamonaetha cana exana pomonaē pecueicueijeji jiwi pia peitorobi jume diwesi tatsi. Ichamonaetha cana exana pomonaē xua pecueicueijeji dubenanoutsiwi Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonaē eena jiwi pomonaetha pomonaē pejume cowɨntsi jiwi. Ichamonaetha cana exana pomonaē xua pecuidubi jiwi pomonaetha pomonaē pejume cowɨntsiwi. <sup>12</sup> Poxonaē barapo coyene Cristo exana, piamonaē cana jɨntɨ coyene wetsiya cana exana xua beta petaexanaewa

tsainchi pia petanacuichiwa tatsi. Bapoxonae daxita piamonae tatsi mataropeichiya ajuntayarusya jume cocowantapona pomonae piamonaexae tatsi pomonae bara be Cristo pia pepon tatsi. <sup>13</sup> Baxua Cristo exana xua beya waxainchi caemonae wanaexanaewa tsainchi xua caemonae wanabaru jume cowantsixaetsi Cristotha. Bapoxonae naexanatsi xua peburuya caemonae wanabaru yabara yaputaewa tsainchi Nacom Pexanto tatsi. Matautano bapoxonae yatsicaya beta jume cowantatsi, bapoxonae jinompatsi be pomonae bayatha pinyontsi xua pocotsimonae itacupatsi xua Nacom beta petsita jinompaewatsi. Bapoxonae wajuntu coyene naca cayabara cui wetsiya exana xua wajuntu coyene xanepanaewa icha Cristo ichi xua bichocono pejuntu coyene xanepanaewa. <sup>14</sup> Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowanta xua pocotsi coyenein xua poxonae nacuidubeiba xua poxonae cuiduba pomonae jiwi pemuxuitorobiwi. Barapo pemuxuitorobi jiwi yaputane nawita po juntu coyeneintha xua jiwi pemuxujainyabiwatsi. <sup>15</sup> Jame bewa pexainyei jume tsipaebichi ichamonaetha po coyeneya xua barapomonae yaputane xua waxainchi antobetsi barapomonae. Bapoxonae beta xanepanaya exanaeinchi wanajuntu coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonae pia pejume cowantsiwichi. Bapon bara be pentasipa pomonae pejume cowantsiwichi be bapon pepon tatsi. <sup>16</sup> Cristo canamataxeina pia pejume cowantsiwichi. Matautano cana exana xua barapomonae barompaya xeina pia petanacuichiwantsi. Bequein barapomonae piawan barompaya xeina ichitha Cristo cana exana xua caemonae nantiya nayawena be caemonae naexana. Poxonae barapomonae barompaya piawa beta exanapona pia penacuichiwan, bapoxonae be caemonae beta naajuntucoyenesu xanepana eexanapona, nantiya pe-naantobexae.

*Meje yabara po pena juntu coyenewatha wajinompawewa wajume cowantsixae Cristo*

<sup>17</sup> Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompawewa icha barapo cae pin nacuathepiwi ichi xua poxonae jinompa poxonae jopa Nacom yaputaetsi. Pocotsiwa xua barapomonae pia penanta xeinae coyenewan tatsi, jopa ainya cuiyo. Jopa pejuntu coyene yawenaexaetsi barapo penanta xeinae coyenewantha. <sup>18</sup> Barapomonae pia peyaputae coyenewan tatsi jopa xapain pepa peyaputae coyenewiyo. Barapomonae jopa xeinaeyo peajuntucoyenesuwa pocotsi peajuntucoyenesuwa Nacom cata piamonae. Barapo coyene barapomonae jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonae najuntu coyene ararana xua jopa peichichipaexae xua Nacom peyabara jume taewatsi. <sup>19</sup> Barapomonae jopa ajuntucoyeneuriyo poxonae abe exana. Matautano barapomonae atsaquiya abe eexanapona, xua pecupaewatsi atsaxa mera yawa weiweina ichamona piseurixitha tatsi. Barapomonae cui xeica xua daxita coyenewan abe peexanaponaewa. <sup>20</sup> Ichitha poxonae ichamona yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane. <sup>21</sup> Xaniwaicha yabara pajume taneme Cristo, xuano piamonae tatsi painya nenaexanaewa poxonae ichamona paca cuiduba po pexainyei jumein xua pexeinya jume diwesi xua Jesucristo yabara. <sup>22</sup> Pana nacui barapende po juntu coyene xua bayatha paexaname poxonae jopa cataunxuae pajume cowantsim. Barapo juntu cui coyene bichocono abe, tsipei paca cana exana xua paexaname pocotsiwan xua painya coya paichichipame poxonae paca muxuitoroba exana xua daxota abe painya neexanaewam. <sup>23</sup> Pacopare xua bara Nacom paca juntu coyene xanepana exanaponaena, xua daxota pena coyene painya nenanta xeinapon- aewa tsane. <sup>24</sup> Painompare pena juntu coyenetha, po juntu coyene Nacom exana xua painya paca catsibinexa. Bapoxonae paxeinaename be pocotsi juntu coyene Nacom xeina. Poxonae paxeiname barapo juntu coyene po juntu coyene xua pexainyeiwa,

bapoxonae beta nantiya pana nabarũ jinompame yawa xua bichocono paca tsita xanepana Nacomtha.

<sup>25</sup> Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonae irũ pejume cowũntsiwi, tsipei waxainchi daxitatsi caemonae naexanatsi Cristotha.

<sup>26</sup> Icha paanaepaname jopa pacopatsinde xua painya jũntũ coyene paca itoroba xua anaya anaepanaya abe painya neexanaewa ichũnthã. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caethotha pande. <sup>27</sup> Jopa pacopatsinde xua bara caurimonae pia pentacaponaein tatsi paca jũntũ coyene jũjũta abe painya neexanaewa tsane.

<sup>28</sup> Pon xua pecaibin, bũ jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonae bapon itacũpatsi xua ichamonaetha xuya catsina pomonaetha xua acopeibiwi pomonae jopa xeinaeyo xua pocotsiwa nantawenona.

<sup>29</sup> Jopa ajumbeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeinthã xua ichamona jume cocowũntapona exanatsi po jumeinthã xua jiwi muxu xeica exanatsi xuano xua yawenatsi po jumein xua paca jume tane. <sup>30</sup> Nacom pia Pejumope tũnaxũ tatsi jopa pajũntũ coyene wecoyeyi exanaeinde xua painya nepaca cui taexae xua paexaname. Tsipei paca barũ popona Nacom pia Pejumope tũnaxũ tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope tũnaxũ tatsi naca jũntũ coyene ararana wanaca yawenaenexã beya poxonae po mataqueithã Jesucristo naca capanenebiya exanaena.

<sup>31</sup> Jopa paxeinaeinde painya jũntũ coyenein weya po coyenein xua ichamona payabara jũntũ ajom xua came bichocono painya neyabara nanta xeinaexae xua ichamona abe pia pacata exanaexae. Mataũtano jopa paxeinaeinde po coyene xua jemeicha anaya paexaname. Mataũtano jopa paxeinaeinde po coyene xua saya bichocono panthũthũ anaepaneibame. Mataũtano jopa paxeinaeinde po coyene xua tsũmũ jume pabarũ paebame ichamona. Barichi jopa paxeinaeinde po coyene xua ichamona pabiataneme. Mataũtano daxita jopa paxeinaeinde po coyenein xua bichocono paaitafaetabim ichamona. <sup>32</sup> Jame seicaya maisa nantiya caemonae xanepanaya pana nata exande. Mataũtano nantiya pana naweyataema xua nantiya painya nenayawenaewam tsane. Mataũtano nantiya pana nacui yabara jũntemainare xua abe nantiya pana nata exaname, ichã Nacom paca yabara ichi xua paca cayabara jũntemainã abe painya neexanae cuiru coyenein Cristo painya nepaca tsitũpaexae poxonae naethotha tũpa exanadutatsi poxonae bexotsi.

## 5

### *Meje yabara xua po jũntũ coyenyatha bewa jinompaena Nacom pia pexui tatsi*

<sup>1</sup> Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename ichã bapon ichi poxonae popona. <sup>2</sup> Nantiya pana naantobeya jinompare ichã Cristo ichi xua naca antobe. Bapon Cristo pia pepon nacaenaeta xua naca tsitũpa xua abe waexanae cuiru coyenein poxonae bexotsi. Baxua be poxonae ichã duwei ichichi xua poxonae jiwi tsibexotsi xua daxota barapo jiwi jopa penatsicuentsiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi ichã be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

<sup>3</sup> Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamona pomonae painyamonae paca yabara paeba xua abe paexaname.

Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonae xeina. <sup>4</sup>Jopa nantiya pana nayabara yuyjande. Matautano jopa nantiya pana najume cui caponaeinde po jumein xua jopa wunaeyo. Matautano jopa nantiya tsumu jume pana nayabara paebinde. Daxita barapo coyenein bichocono abe. Jame maisa bewa itapeta Nacom wunae pajainchim painya nepaca capanenebiyaexae barapo coyenein weya. <sup>5</sup>Tsipei paxam bayatha payaputaneme xua Nacom cana exanaena pomonaetha pomonae meje: Pomonae xua penasi cui matacaetsiwa xua jopa poxonae piseuri jiwi, yawano pomonae xua yabara paeba po jume xua jiwi aura exanatsi, yawano pomonae bichocono pitacopeichi xua yabara uwa xua ichamonae xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wunae jainta ibo nacom. Pomonae barapo coyenein exana bapomonae bapana jopa itacupaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua iru ichaxota barichi Nacom. <sup>6</sup>Jopa pacopatsinde xua ichamonae paca necamuxitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. <sup>7</sup>Barapomonaetha jopa imoxoyo pacuicuinaeinde, pomonae Nacom jopa jume jejeichi.

<sup>8</sup>Paxam copitha abe paexaname jopa painya yabara yaputaexaem Nacom. Baxua be poxonae pomonae pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxonae pomonae pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha. <sup>9</sup>Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wunaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa. <sup>10</sup>Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi. <sup>11</sup>Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae patsita itapeinya xeinare pocotsiwan xua barapomonae abe peexanaewanxae. <sup>12</sup>Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomonae tsipei bichocono abe. <sup>13</sup>Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinaeinchi xua pocotsiwa namicha exana, apara deta cou abe. Bapoxonae barapomonae itacupaetsi xua naexanaena Nacom piamonae tatsi. <sup>14</sup>Daxota Nacom piamonae tatsi ichan yabara jeichi:

“Nacui cayabara cananta xeinatabare,  
tsipei xam be pon abe neexanaein.  
Natsixire pia xainya weya tatsi pomonae  
be petupaewi pejinompaewi jopa  
tana nejume cowantsi jiwixae.  
Cristo cacana exanaena xua yabara  
neyaputaewa bapon pocotsiwa xua  
pia pexainyei coyenewa tatsi”,



jei xua ichan yabara paebatsi.

<sup>15</sup> Dota pam, xua abe painya neexanaewa. Jame maisa xanepanaya pajinompare. Jopa pajinompaeinde icha be ichi poxonae jinompa pomonae Nacom jopa jume cowantsiya yaputaetsi. Barapomonae jopa peyaputaewi. Jame maisa pajinompae icha be ichi poxonae jinompa pomonae jume cowantsiya peyaputaewi Nacom. Barapomonae peyaputaewi. <sup>16</sup> Beta pa-eexanaponde daxita coyeneya xua paca itacupa poxonae cataunxuae anoxuae pajinompame, tsipei barapo maticabintha jiwi abe bichocono peexanaewi. <sup>17</sup> Jopa pajinompaeinde icha be ichi poxonae jinompa pomonae amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwi Pecanamataxeinaein. <sup>18</sup> Jopa pana nacupa exanaeinde peatsaxa meran xua jiton acoyenebeya exanaeya exainchi. Jame maisa Nacom pia Pejumope tnanax tatsi pacopabeibare xua daxita bara paca juntu coyene itorobeiba xua beta painya neexaneibiwa tsane. <sup>19</sup> Nantiya pana natsipaebare pocotsiwa xua Nacom paca juntu coyene weiweina exana. Nantiya pana nabaru nanare David pia weixi, po weixi pewan salmos. Matautano panaxnare po wei pomonae pejume cowantsiwi pia weixi tatsi xua pewanae jainchi weixi Jesucristo, pon jiwi Pecanamataxeinaein. Panaxnare painya juntu coyene weya po weixi xua Nacom wnae pejainchiwatsi. <sup>20</sup> Nacom pon Waxa bapontha pajacobeibare, pajan tsaibinde: “Nacom maisa pajuntu coyene weiweinan xua pocotsiwa daxita pata tana necatsixaemxae. Paca wncatsi Jesucristo pata Tanecanamataxeinaein pabxnana bobenounan”, pajan tsaibinde.

*Meje yabara po coyene xua pebin piseuribe bewa nabanu poponaenabe ponbe pejume cowantsinbe*

<sup>21</sup> Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Bapoxonae xua painya itapeinya xeinaenexa xua painya nebaru itura cui jinaewa pocotsiwa Cristo paca cui itoroba.

<sup>22</sup> Yabuxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba. <sup>23</sup> Tsipei pebin canamataxeina piowa, icha Cristo ichi xua canamataxeina piamonae pomonae pia pejume cowantsiwichixaetsi. Bapon Cristo barapomonae pia Pecapanenebiyaeinchi tatsi. Barapomonae pomonae pejume cowantsiwi bara be Cristo pia pepon tatsi. Cristo bara be pentasipa pecanamataxeinaexae barapomonae. <sup>24</sup> Icha barapomonae ichi pomonae Cristo pejume cowantsiwichi xua pichichi xua peexanaewa pocotsiwa Cristo itoroba, yabuxi bewa barichi. Bewa exanae daxita pocotsiwa piseuriwi itorobatsi.

<sup>25</sup> Pebiwi pam paantobeinde painya seuri jiwi, icha Cristo ichi xua antobe daxita xua i dapomonae pomonae pejume cowantsiwichixaetsi. Cristo pia peantobexae barapomonae tsitupa poxonae naetha tupa exanadutatsi poxonae bexotsi. <sup>26</sup> Cristo tsitupa barapomonae xua daxita i dapomonae pomonae peyabara jume cowantsiwixaetsi po coyene xua Cristo juntu coyene xanepana pecana exanaenexa Nacom nexa. Baxua exana xua barapomonae jopa pexeinaewa tsane xua penatsicuentiwa xua abe peexanaexae. Baxua Cristo cana exana poxonae barapomonae tabautisabatsi meratha, xuanano xua poxonae paeba xua pinae jume cowanta Nacom Pejume Diwesi. <sup>27</sup> Cristo baxua exana daxita pomonaetha pomonae pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitupanae coicha. Poxonae barapomonae umenaena Cristo peitabaratha jopa yawa umenae tsane peabe coyenewan. Matautano jopa yawa umenae tsane pocotsiwa xua barapomonae abe exanatsi. Barapomonae pejuntu coyene xanepanaewi tsane Nacomtha xua jopa

xeinaeyo xua penatsicuentisiwa xua abe peexanaexae. <sup>28</sup> Pebiwi bewa antobe pia seuriwi, pecui antabexae icha barapo pebiwi ichi xua pia pepon natsiantabe. Pon pia coutha natsiantabe bapon piowa antobe xua be caein penaexanaewa tsanebe. <sup>29</sup> Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara jata ichiya cana ichi pomonae Nacom piamonae tatsi daxita xua i dapomonae pomonae Cristo pejume cowantsiwichixaetsi. <sup>30</sup> Cristo beta eena barapomonae tsipei barapomonae be pia pepon tatsi. Waxainchi yaputainchi baxua tsipei barapomonae jiwantsi. Waxainchi pomonaetsi xua caemonae wanaexanae jiwichi Cristotha. <sup>31</sup> Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperu cuicuinaenexabe. Baroxonae baponbe piseuribe be caein naexanabe”, jei Nacom Pejume Diwesitha. <sup>32</sup> Barapo Nacom Pejume Diwesi xua pebin piseuribe yabara baraxua bara be Nacom moya yawun xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iru Nacom piamonae tatsi pomonae pejume cowantsiwichi, daxita be caemonae naexana icha pebin piseuribe ichi xua be caeinbe naexanabe. <sup>33</sup> Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiantabem. Barichi daxita yabaxi pam painya seuriwi bewa paca yabara baru cui itura jinaena.

## 6

<sup>1</sup> Pexui pam, paxam pomonae painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pexeinya cui coyene. <sup>2-3</sup> Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwinae muxu dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaein barapo cae pin nacuathe”, jei Moisés pia peitorobi coyenewatha.

<sup>4</sup> Paxam pomonae coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

<sup>5</sup> Pomonae amanaya painya nepaca cabusi tatayebeibi jiwi pam xua poxonae ichamonae pata nacuitame pajume baru jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabarui cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim poxonae Cristo patanacuitame.

<sup>6</sup> Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. <sup>7</sup> Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonae jopa xapain patanacuichim pomonae xua poxoru saya jiwixae.

<sup>8</sup> Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein j̄pa barapocotsi matoma paca cata, poxonaē bequein amanaya painya nepaca busi cui tatayebeibi jiwi pam xua poxonaē ich̄n̄ pata nacuitame, xuano xua saya poxonaē bequein paratixi patsinacuitame.

<sup>9</sup> Paxam pomonaē pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonaē. Pananta xeinare xua barapomonaē bewa exanaē pocotsiwa itoroba pon jiwi Pecanamataxeinaein icha paichim xua ir̄ bewa paexanaename pocotsiwa bapon paca itoroba, pon eca itabocotha. Bapon daxita tsita naj̄patsi jiwi poxonaē yabara paeba peyaputaenexa icha barapomonaē natsicuenta xua abe peexanaexae.

*Meje yabara xua pomonaē pejume cow̄ntsiwi Cristo po coyeneintha bewa amanayabi caurimonaetha*

<sup>10</sup> Tamonaē pam, anoxuae wetan pocotsiwa xua tapaca tsipaebiwatsi. Aj̄nt̄s̄uya pajinompare pon Pecanamataxeinaein jiwi pia peayapus̄ itorobi coyenewatha tatsi caemonaē painya nenaexanaexae bapontha. <sup>11</sup> Painya j̄nt̄ coyene pana naewatsiya yawenare daxita po coyenewantha xua Nacom paca cata xua xota pana nayaewatame painya j̄nt̄ coyenewa. Bapoxonaē paca itac̄pa xua caurimonaē pia pentacaponaein tatsi paamanayabame poxonaē paca j̄nt̄ coyene j̄j̄ta xua abe painya neexanaenexa. <sup>12</sup> Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonaē peinya pejinompaewi xua caurimonaetha. Barapo caurimonaē xeina pia peayapus̄wa yawa peitorobi coyene xua jiwi canamataxeinatsi barapo cae pin nacuathe tsique, pomonaē abe peexanaē jiwi. Matautano jinompa barapo cae pin nacua matatsunthe. <sup>13</sup> Daxota paxeinare daxita pocotsi j̄nt̄ coyenein xua Nacom paca cata pocotsi coyeneintha xua pana nayaewatame. Anoxuae pana naj̄nt̄ coyene w̄naere xua painya j̄nt̄ coyene amanayabi dubenanaebiyaenexa tsane barapo peinya pejinompaewi. Baxua paexande xain awiya bichocono raj̄nt̄ coyene daunwam poxonaē po mataqueitha paca j̄nt̄ coyene j̄j̄tsina xua abe painya neexanaewa tsane. Bequein paca j̄j̄tsina, awiya aj̄nt̄coyenes̄uya pajinompaename.

<sup>14</sup> Pana nacui w̄nare icha soldadomonaē ichi xua yabara nacui w̄naeta penabinexa ichamonaetha. Painya j̄nt̄ coyenewatha paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi j̄ta coyeneya paichinde icha be soldadomonaē ichi xua poxonaē yabara nacui w̄naeta penabinexa ichamonaetha bapoxonaē naepa cat̄r̄ba paparuwan xua tsita itapeinya xeina xua bapomonaē nacui w̄naeta xua bara xainyeya penabinexa xua pon pentacaponaein peitorobixae. Matautano pej̄nt̄ coyene xanepanaewa Nacom patsita xeinare painya j̄nt̄ coyenetha, painya nenayaewatsinexa icha be poxonaē soldadomonaē ichi xua xeina po penaintohta xua nantacari acaba poxonaē nacui w̄naeta xua penabinexa. <sup>15</sup> Pana naj̄nt̄ coyene w̄naere xua painya necueicuei-jei tsurubenaebiyaenexa Nacom pia pexeinya jume diwesi xua po diwesi yabara xua jiwi j̄ntema pejinompaewa. Barapocotsi j̄ta coyeneya bara paichinde icha be poxonaē soldadomonaē ichi, xua poxonaē nataxu w̄naetaduba sapaton xua penacui w̄naetsinexa xua naba. <sup>16</sup> Matautano pamuxuna xeinare xua bichocono painya nejume cow̄ntsiwa Nacom, xua pana naj̄nt̄ coyene yawename poxonaē caurimonaē pia pentacaponaein tatsi paca j̄nt̄ coyene j̄j̄ta. Barapocotsi j̄ta coyeneya bara paichinde icha be soldadomonaē ichi xua pemax̄ntha duba peperacae nain xua naita arababa. Poxonaē pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxonaē barapo peperacae naintontha naita arababa barapomonaē, yawano baxota itaxubaba iso itere. <sup>17</sup> Pacopare xua bara Nacom paca

capanenebiyaena painya paca jũntũ coyene araranaenexa caurimonae pecuiyainwa. Barapocotsi jũta coyeneya bara paichinde icha be soldadomonae ichi xua penain yoreitha nanta acaba. Nacom Pejume Diwesi painya jũntũ coyenetha paxeinare xua po jume Nacom pia Pejumope tũnaxũ tatsi paca cata xua po jumetha painya nenayae-watsinexa painya nepaca caaitafaetabi jiwi pecuiyainwa. Barapocotsi jũta coyeneya bara paichinde icha be soldadomonae ichi xua capona cusi penayaewatsinexa pia peaitafaetabi jiwichi pecuiyainwa. <sup>18</sup> Nacomtha matowa patsipaebeibare daxita maticabintha be pocotsi coyeneya paca yawena Nacom pia Pejumope tũnaxũ tatsi. Nacomtha pawũqueibare daxita painya newũcaẽ coyenewatha tsaibi pocotsiwan xua panantawenoname. Xain daxita maticabintha tsaibi tsaca painompeibame, mataũta bapana jopa paajũntũcoyenefaetabinde xua pawũcame Nacom. Bichocono matowa patawũcare daxita pomonae Nacom piamonae tatsi. <sup>19</sup> Barichi painta wũcare Nacomtha xua bapon tanecatsinexa po jume diwesitha xua tacueicueijeinexa. Mataũtano painta wũcare xua tana neitacũpaewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yawũn xeina po coyene yabara xua Nacom capanepa exana pomonae jopa judiomonae naexanaeyo. <sup>20</sup> Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonae neeta jiwi pecũbi botha tacueicueijeixae Nacom nexa. Painta Nacomtha wũcare xua cui tsacatsacapiya tacueicueijeinexa tsane poxonae icha bewa cueicueijan tsane.

*Meje yabara poxonae Pablo najume wetsiya paeba barapo cartathe*

<sup>21</sup> Tĩquico pon paxan paantobein, pon irũ pejume cowũntsin Jesucristo bapon pacata itorobatsi. Bapon Tĩquico bara xainyeya exana poxonae pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina. <sup>22</sup> Bapon Tĩquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca jũntũ coyene tsacabina, jũntũ coyene weiweinaya sadũjei painya nejinompaewa tsane xua bara beta tapoponaexae.

<sup>23</sup> Barabũ Nacom, pon Waxa, irũrũ Jesucristo, pon jiwi Pecanamataxeinaein, baponbe jũntema jinompa cana exanaenabe pomonaetha daxita pomonae pia pejume cowũntsiwixaetsi. Mataũtano barabũ exanaenabe xua barapomonae nantiya naantobe tsane. Mataũtano barabũ exanaenabe xua barapomonae ajũntũcoyenesũya jume cowũnta dubenanaebiyaena. <sup>24</sup> Mataũtano barabũ Nacom peantobexae yawenaena daxita pomonaetha pomonae peantobewi Jesucristo pon Wanacanamataxeinaein. Bapoxonae barapomonae pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.

## Meje Po Carte Pablo Tatina, Filipos Tomarapiwi Tatinatsi

### *Meje poxonae Pablo tamropata pitaba xua tatina, Filipos tomarapiwi tatinatsi*

<sup>1</sup> Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonaе jinompa Filipos tomaratha. Patatinanbe daxita pomonaе Cristo Jesús pejume cowantsiwichi, pomonaе yatsicaewa Nacom piamonaе tatsi. Matautano iru patatinanbe pomonaе pecanamataxeinaewi pejume cowantsi jiwі. Matautano iru patatinanbe pomonaе peyawenaewi pejume cowantsi jiwіtha, poxonaе yawena peatenewitha, xuano xua poxonaе apata pexaewa peacopeibiwіtha. Barapomonaе Nacom piamonaе tatsi, yawa barapomonaе caemonaе naexana Cristo Jesustha. <sup>2</sup> Barabu Nacom, pon Waxa, amanaya paca yawenaena painya pia paca necaantobexae, yawa xua junteма jinompa paca exanaena. Iru barabu Jesucristo pon jiwі Pecanamataxeinaein baxua pacata exanaena.

### *Meje yabara poxonae Pablo tawuca Nacomtha pomonaе Nacom pejume cowantsiwi*

<sup>3</sup> Poxonaе paca yabara nanta xeineibatsi Tanacom tsipaebeiban paxam yabara. Jan tsaibinje: “Nacom juntu coyene weiweinан xua barapomonaе betiya necatsita dubenanaebiyaexae”, jan tsaibin. <sup>4</sup> Poxonaе Nacom pacata wuqueibatsi bichocono juntu coyene weiweinaeya pacata wuqueibatsi xua daxita paxam. <sup>5</sup> Nacomtha yabara tsipaeбан xua paxam tapana nebaru nacuichiwam Nacom Pejume Diwesi xua poxonaе aena pajume cowantame xua beya anoxuae. <sup>6</sup> Bara xaniwaicha yaputan xua Nacom tamropata pitaba xua xanepanaya beta paca cana juntu coyene exana. Baxua Nacom paca cana juntu coyene exana ducuaenaebiyaena beya poxonaе Nacom xanepanaya paca cana juntu coyene wetsina poxonaе po mataqueitha Jesucristo patopaetsica. <sup>7</sup> Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonaе bequein anoxuae jiwі pecabi botha neeta, yawano poxonaе bequein caena bayatha pecapanenebiyae diwesi jume yabara jume yawenaeya cueicueijan jiwіtha, yawano xua jiwіtha tsita itapeinya xeinan xua barapo diwesi bara pexainyei diwesi jume, bapoxonaе bara pana nebaru atenem. Daxota poxonaе Nacom amanaya neyawena poxonaе atene neexana ichamonaе pia taneantobexae Nacom, iruru Nacom amanaya paca yawena pia paca necaantobexae poxonaе paca atene exana ichamonaе. <sup>8</sup> Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe. <sup>9</sup> Yawano Nacom paca tsiwucatsi xua equeicha matowa mataropeicha painya nepaca catsinexa peantobewa. Yawa muxuna wucan xua Nacom paca cana exanaena xua painya neyabara yaputaewa daxita coyenewan. Matautano muxuna wucan xua Nacom paca cana exanaena xua painya neitapetsiwa pocotsi coyene xua betiya paca cana exanaena. <sup>10</sup> Bapoxonaе payaputaename xua itapetsiya praexanaename pocotsi coyene bichocono xanepana. Bapoxonaе bichocono rajuntu coyene xanepanaya jinompaename. Yawano poxonaе Cristo patopaetsica bapon jopa paca yabara paebi tsane xua panatsicuentame abe painya neexanaewan. <sup>11</sup> Paca tsiwucatsino xua Jesucristo paca necajuntu coyene yuca exanaenexa, xua po juntu coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonaе jiwі baxua paca cui taena bapoxonaе jiwі Nacom wanae jaintsinchi jei tsane: “Maisa Nacom paca baru cui itura jinatsi, xua jinya neexanaexae barapo jiwі pia juntu coyenetha tatsi”, jei tsane barapo jiwі.

*Meje poxonaе Pablo namchi: “Xua tapoponaе coyenewa bara apara Cristo nexa”, jei*

<sup>12</sup> Tamonae pam, pomonae iru painya nejume cowantsixae Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecubi botha neeta tayabara cueicueijeixae Jesucristo. Baxua tana necana exanaexae ichamonae jiwi taju jume tane Nacom pia pecapanenebiyae diwesi jume tatsi. <sup>13</sup> Daxota daxita soldadomonae pomonae xote umene pomonae peyapu eenaewi pepa pentacaponaein pia bo tatsi iruru seicayano ichamonaeru, daxita barapomonae yaputane xua xan jiwi pecubi botha neeta tapaebi ducuaenaebiyaexae Cristo nexa. <sup>14</sup> Pin bicheito, pomonae pejume cowantsiwi Nacom, barapomonae netane xua jiwi pecubi botha ecan. Daxota barapomonae bichocono ichichipa xua pecueicueijeiwa Nacom Pejume Diwesi. Barapomonae jopa junuwiyo xua cui tsacatsacapiya pecueicueijeiwa Nacom Pejume Diwesi, tsipei bichocono jume cowantatsi pon jiwi Pecanamataxeinaein.

<sup>15</sup> Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiwi baru cui itura jinaena barapomonaetha, beyacaincha xua tana nebaru cui itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejuntu coyene xanepanaexae. <sup>16</sup> Barapomonae baxua exana taneantobexae peyaputaexae xua jiwi pecubi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonae ichamonae abe yabara paeba barapo diwesi. <sup>17</sup> Pomonae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecubi botha. <sup>18</sup> Bequein jiwi Cristo xainyeya yabara paebatsi poxoru tana neantobexae, ichacuitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonae ba jiwi Cristo yabara paebatsi, baxua ba jame bichocono nejuntu coyene weiweina exana.

<sup>19</sup> Yawa equeicha bichocono nejuntu coyene weiweina exanaponaena, tsipei yaputan xua painta wucame nawita Nacomtha. Yawa yaputan xua Jesucristo pia Pejumope tanaexa tatsi neyawena, pebaxuaxaebe bara Nacom necapanepaena pomonae tana neaitafaetabi jiwi weya. <sup>20</sup> Pocotsiwa xua taichichipaewa yawano pocotsiwa xua tawunaewatsiwa, xua bapana jopa tacoutha naacauran tsane tajunuwixae xua tayabara cueicueijeiwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowantsina xua poxonae netane xua beta tapoponaewa Cristo nexa. Bapoxonae jiwi Cristo baru cui itura jinaeinchi poxonae necui taena xua beta xanepanaya poponan Cristo nexa. Baxua jiwi exanaena poxonae bequein asu poponaethan tsane, xua Cristo tatsita poponaewa yawa poxonae bequein tupaethan tsane xua Jesucristo tayabara cueicueijeixae. <sup>21</sup> Jame pocotsiwa netsita xanepana apara xua jiwi Cristo baru cui itura jinatsi, xua Cristo tatsita poponaewaxae. Ichitha icha tupaen Cristo taein, baxua netsita xanepana bichocono, beyacaincha xua poxonae abu cataunxuae poponan, tsipei Cristo taein. <sup>22</sup> Awiya cataunxuae poponan daxota neitacupa xua awiya tanacuichiwa pocotsiwa pexanepanae coyenewa pon jiwi Pecanamataxeinaein nexa. Jopa yaputaeyo xua barapo naxobe coyenewabe jiwana itapetocuaein. <sup>23</sup> Inta bichocono ayapube xua barapo naxobe coyenewabe jiwana itapetan. Ichacuitha saya betupaen xua tapoponaenexa tsane ichaxota Cristo popona, tsipei baxua jame inta bichocono xanepana. <sup>24</sup> Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi. <sup>25</sup> Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaenexa Cristo. Matautano yaputan xua bichocono equeicha matowa painya nejuntu coyene weiweina tsozonaenexa tsane. <sup>26</sup> Daxota poxonae paca siwa ponaeinchi Cristo Jesús wunaewajainchiname xua equeicha tapaca casiwa ponaexaetsi tsainchi.

<sup>27</sup> Saya beta xanepanaya painompare wanaca itorobixae Cristo pejume diwesi tat-

sitha. Daxota icha bequein paca siwa ponaeinchi, ichacuitha icha taja ecan, maisa ichichipan xua ichun yabara benetsipaebina xua beta painya nejinompaewa. Bejume taein xua xanepanaya beta ajuntayarusya pajume cowanta dubenanaebiyame Nacom. Matautano bejume taein xua caemona pebruya jume daunweya pana nabaru cueicueijam painya nejume cowantsiwa Cristo. <sup>28</sup> Jopa pajunuwinde poxona imoxoyo abe paca exaneiba painya nepaca caaitafaetabi jiwi. Baxuan barapomona exana be tsita itapeinya xeina xua barapomona weraweracaena xua poxona po mataqueitha poxona Nacom yabara paebina jiwi xua penatsicuentisiwa abe peexanaexae xua iru Nacom paca capanenebiyaena barapo mataqueitha. <sup>29</sup> Nacom pexeinya coyene paca cata painya netanacuichinexa Cristo xua poxona pajume cowantame bapon, matautano xua poxona ichamona paca atene exana poxona ichamona abe paca yabara paeba painya nejume cowantsixae bapon. <sup>30</sup> Waxainchi bara nanta juraya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxona bayatha pana netaneme xua poxona jume daunweya paeban Nacom Pejume Diwesi, matauta xua poxona bara pana neyabara jume taneme xua awiya cataunxae exanaponan barapo coyeneya.

## 2

### *Meje yabara xua Cristo peacopeibin pia coutha naexana, xua jopa peainya cui jitonyo*

<sup>1</sup> Payarutaneme xua Cristo paca juntu coyene tsacaba xua beta painya nejinompaenexa. Matautano payarutaneme xua Cristo paca matateica pia painya nepaca caantobexae poxona ichamona abe pacata exana. Matautano payarutaneme xua Nacom pia Pejumope tynaxu tatsi paca baru jinompa. Matautano payarutaneme xua bapon paca antobe. Matautano payarutaneme xua Cristo nantanuweya paca yabara nanta xeina pia paca necayawenaenexa. <sup>2</sup> Icha daxita barapo pexainyei coyenein payarutaneme, bichocono pana nejuntu coyene weiweina exande. Baxua painta exanaename poxona caemona juntema rajinompame, xua caemona nantiya pana naantobem. Matautano baxua painta exanaename poxona xua caemona nanta juraya pana nabaru nanta xeiname yawano poxona nanta juraya ichipaeya paexaname. <sup>3</sup> Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peabi coyene. Jame maisa painya coutha pana nayabara nanta xeinare xua pomona pecui pawu jiwi pam. Jame maisa sayano ichamona pacui yabara nanta xeinare xua pepa peainya cuimona xua beyacaincha paxam. <sup>4</sup> Jopa bewa panantausim painyamonae jiton pon saya ichichipa nawita xua saya meisa penata exanaewa pexanepanae coyene. Jame bewa muxuna bapon taexanae ichamona pocotsiwa xua ichamona tsita pexeinya coyenetsi. <sup>5</sup> Paxam beta pebruya pananta juraya nanta xeinare icha Cristo Jesús ichi xua poxona beta ba nanta xeina. Bapon bara iche:

<sup>6</sup> Bapon Cristo peyacuiya jinaein Nacom.  
Bapon bequein barapara Nacom, daichitha  
bapon jopa pia coutha ichichipaeya  
daunweya botsiyo barapo coyenewa xua  
peyacuiya jurae jinaein icha Nacom  
ichi poxonae patopeica po cae  
pin nacuathe tsique.

<sup>7</sup> Daichitha barapo coyene naitematsiya cuenta pona.  
Bapon Cristo be jiton yacuiya naexana po  
cae pin nacuathe tsique xua Nacom amanaya  
petanacuichinexatsi xua pia coya peichichipaexae.

<sup>8</sup> Poxona bapon naexana po cae pin nacuathe

tsique bara yatsicaya be jiton coyene.  
 Bapoxonae pia coutha nacana exana be pon  
 peacopeibin xua jopa peainya cui jitonyo.  
 Bapon exana pocotsiwa Nacom itoroba poxonae  
 jejei xua tupa pecana exanaewatsi ichamonae,  
 bequein barapo petupaewa bichocono  
 pin ura exanatsi xua tupa naetha.

<sup>9</sup> Daxota Nacom, Cristo bichocono baru cui itura  
 jinatsi poxonae Nacom athabe juinya exana xua  
 Cristo athabe juinya exanatsi.

Matautano Nacom baru cui itura jina,  
 Cristo baru cui itura jinatsi poxonae  
 Nacom bapontha wun duta, po wun xua jei:  
 “Pepa Pecanamataxeinaein”, jei.

Barapo wuntha Jesús copatatsi xua bara  
 pecanamataxeinaenexa pia peayapusu itorobi  
 coyenewatha daxita carepaya jiwi, matatsunpiwithano.

<sup>10</sup> Nacom barapo wun cata xua daxota daxita jiwi  
 poxonae jume taena barapo wun pentabocotontha  
 umenaena, xua Jesús wuna pejainchinexa tsainchi,  
 pepa Pecanamataxeinaeinxae itabocopiwi,  
 iru po irathepiwi, iru pomonae  
 jinompa ira buxupana wetsina.

<sup>11</sup> Daxita barapomonae Nacom wuna  
 jainchinchinchi pon Nacom, Waxa, jei tsane:  
 “Maisa, Nacom paca baru cui itura jinatsi,  
 tsipei bapon Jesucristo bara yatsicaya  
 pon pepa Pecanamataxeinaein jiwi”,  
 jei tsane daxita barapomonae.

*Meje yabara xua ichamonae, Nacom pejume cowantsiwi beta cui yaputainchi*

<sup>12</sup> Tamonae pam paxam pomonae bichocono tapaca caantobewichi pam. Tsipei  
 bayatha pana nejume cowanteibame pocotsiwa paca itorobeibatsi poxonae paca baru  
 ecatsi, daxota anoxuae nama bichocono pana nejume cowande beyacaincha xua pox-  
 onae imoxoyo paca baru ecatsi bequein taj ecan. Awiya cataunxuae carepaya daxita  
 paxam barompaya paexana dubenanaebiyama pocotsiwa xanepana xua pocotsiwa  
 Nacom ichichipa xua Nacom painya nepaca capanepaexae. Pana najuntu coyene aura  
 exande xua jopa paatsacande. Yawano pana najuntu coyene junuwa exande Nacomtha,  
 abe painya neexanaeyainwa. <sup>13</sup> Bapon Nacom paca cana juntu coyene yawena xua  
 painya juntu coyene, jume baru jejei pocotsiwa Nacom paca itoroba. Matautano Nacom  
 paca yawena xua painya neexanaewam pocotsiwa Nacom ichichipa.

<sup>14</sup> Daxita coyenewan poxonae paexaneibame jopa paexanaeinde pocotsiwa anaya  
 painya juntu coyenewatha payabara paebame ichamonae. Matautano jopa payabara  
 najume matsontsonobinde baxua poxonae Nacom pata exaneibame. <sup>15</sup> Bapoxonae  
 poxonae jiwi paca cui taena, barapo jiwi jopa abeya paca cui yabara paebi tsane xua  
 painya nenatsicuentisiwa xua abe painya neexanaexae. Matautano paca cui taena xua  
 jopa ajuntu coyenebeya pajinompam. Jame maisa painompare be Nacom piamonae  
 tatsi coyeneya. Matauta jopa abe paexanaeinde xua icha pomonae anoxuae paca baru  
 jinompa pomonae pemuxuitorobiwi xua pomonae peantucuiruyapubewi xua poxonae  
 abe exana dubenanaebiya. Icha paxam beta pajinompame barapomonae peitutha  
 tatsi, bara paca tane xua bara beta pajinompame bequein abe peexanae jiwi nataetha,



icha be pocotsi jnta coyeneya ichi xua opitei ba poton pentha tsurubenaexa poxonae quirei tsuncuae, bara ba jiwi tane barapo opiteiton bequein quirei tsuncuae taetha. <sup>16</sup> Daunweya pajume cowanta dubenanaebiyama po diwesi jiwi ajntayapus exanatsi. Daxota poxonae Cristo patopaetsica bichocono paca weyataeinchi tajntu coyenewatha beta xaniwaichiya painya nejinompaexae Nacom nexa. Bapoxonae yaputaein xua xaniwaicha bara beta paca yawenatsi xua painya nejume cowantsiwam. <sup>17</sup> Bequein metha jiwi nebexubina xua tapaca cayawenaexaetsi, xua painya nejume cowantsinexa, daichitha awiya jntu coyene weiweinan, iru paxam paca cayawa jntu coyene weiweinaeinchi. <sup>18</sup> Daxota paxam bewa pana nebaru jntu coyene weiweinaename, bequein tupaen xua tapaca cayawenaexaetsi xua painya nejume cowantsinexa.

### *Meje Timoteo yabara iru xua Epafrodito yabara*

<sup>19</sup> Icha Jesús pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonae jntu coyene weiweinaein xua poxonae paca yabara jume taeinchi xua netsipaebina Timoteo. <sup>20</sup> Tsipei ichan ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompaexa coyenewa icha xan ichin xua bichocono paca siwa yabara nanta xeinatsi. <sup>21</sup> Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaxanaewatsi coyenewan tatsi. <sup>22</sup> Paxam pataneme xua Timoteo neyawena xua pecueicueijiwa Nacom Pejume Diwesi, icha be coxiyan ichichi xua poxonae pexanto yawenatsi. <sup>23</sup> Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa. <sup>24</sup> Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

<sup>25</sup> Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesús, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonae bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan. <sup>26</sup> Maisa bichocono bapon bepaca taena daxita paxam. Bapon bichocono jntu coyene wecoyeyi tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam. <sup>27</sup> Bara xainyei, bapon bayatha bichocono atene bara muxu petupa. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajntu coyene wecoyeyiwa tsane icha bapon petupaexae tsipae, xua beyacaincha jntu coyene wecoyan poxonae xua copiya, xua poxonae saya atene. <sup>28</sup> Daxota bichocono ichichipan xua bapon nainya pacata itorobinchi. Bapoxonae pajntu coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara jntu coyene wecoyeyinexatsi. <sup>29</sup> Moya bara bichocono pantenta jntu coyene weiweinaeya jacobare Epafrodito xua repatopaexae, pon jiwi Pecanamataxeinaein peitorobixae. Epafrodito beta pabarui cui itura jinare. Bara paichinde ichamonaetha, pabarui cui itura jinare pocotsimonae icha bapon ichi. <sup>30</sup> Bapon bara muxu pebexubichi xua Cristo petanacuichixaetsi. Bapon penapepeichiawatha naexana, inta pewetsinexa pocotsiwa xua jopa paca itacupaeyo xua painta exaname.

## 3

*Meje yabara xua po coyene pepa pejntu coyene xanepanaewa*

<sup>1</sup> Tamonae pam, pomonae iru painya nejume cowantsixae Jesús, pajuntu coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom. <sup>2</sup> Dota pam pomonae peantucoyenebe jiwi yawano xua abe peexanaewi. Matauta dota pam pomonae judiomonae pia cui coyeneyatha tatsi paca itoroba xua painya nenawi thabiwam po coyene xua pawu thabame pebiwi xua ichaxota nareixacaena. Barapomonae nanta xeina xua icha baxua exanaena Nacom capanenebiya exanaena. <sup>3</sup> Waxainchi xaniwaicha barapomonaetsi pomonae yatsicaewa Nacom watsita juntu coyene xanepanaewichi, tsipei Nacom pia Pejumo pe tuxu tatsi naca yawena xua jume cowantatsi watanacuichinexa Nacom. Matautano wajume cowantsixae Cristo Jesús, daxota bapontha wuna jaintatsi pia wanacata exanaexae. Waxainchi jopa nanta xeinaetsi xua poxonae ichamonae naca wi thaba, barapo coyene naca juntu coyene xanepana exana Nacomtha. <sup>4</sup> Icha pebiwi itacupaetsipatsi xua jume cowanta xua pia coutha nacapanenebiya, barapoxonae iru xan neitacupaetsipa xua jume cowantan xua tacoutha tanacapanepaewa beyacaincha xua barapo pebiwi. Ichitha pebiwi iru xan, jopa pana neitacupaeyo xua pana nacapanenebiyan pata coutha. <sup>5</sup> Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matabitha newi thaba. Matautano xan bara israelmonae pia saineiwi jiwanan. Matautano Benjamín piamonae tatsi jiwanan tsipei pia pemomoxi susato jiwi jiwana pin tatsin. Matautano yacuiya naexanan xua hebreo jume tacueicueijejewa, taxa iru taena hebreo jume pepaebiwixae. Matautano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba. <sup>6</sup> Bichocono jume cowantan pocotsiwan fariseomonaepin pia pecuidubi coyenewan tatsi. Daxota abe exanan pomonaetha pomonae Jesús pejume cowantsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa juntu coyene xanepanan Nacomtha xua jopa xeinaeinyo tanatsicuentiwa xua abe taexanae coyenewa. <sup>7</sup> Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cowantsinexa Cristo. <sup>8</sup> Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wuna bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein. <sup>9</sup> Ichichipan xua be caein naexanan Cristotha xua tajuntu coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyo xua tajume cowantsixae Moisés pia peitorobi coyenewa xua daxota tajuntu coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowantan, poxoru Nacom tanecatsixae pejuntu coyene xanepanaewa. Barapocotsi coyenewa ba Nacom cata jiwitha pomonaetha pomonae pejume cowantsiwixaetsi. <sup>10</sup> Pocotsiwa taichhipaewa baraxua xua apara jame tayaputaewa Cristo. Matautano be yaputaepin peayapusu itorobiwa, po peayapusu itorobi coyenewatha Jesús asu exainchi barapo petupa cuiru coyene weya. Bequein ichamonae atene neexanaena, icha Cristo ichichi xua poxonae atene exanatsi ichamonae, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitupa jiwi, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara juta ichiya ichichipa

exanan xua pocotsiwa Nacom ichichipa. <sup>11</sup> Yawano ichichipan xua baxuan exanaein beya poxonae Nacom asu neexanaena po mataqueitha Nacom asu exanaena petupae cuiru coyene weya pomonae iru pejume cowantsiwixaetsi.

*Meje yabara xua po pentoma Nacom pia wanaca catsiwa, juntema beta waexanaexae*

<sup>12</sup> Jopa paebinyo xua xeinan barapo coyene, po coyeneyatha xua Nacom asu neexana petupae cuiru coyene weya. Matautano jopa paebinyo xua Nacom bayatha xaniwaicha juntu coyene xanepana neexana xua jopa daxota abe taexanaewa. Daichitha awiya yabara nacuichiya exana ducuaenaebiyon xua taxeinaenexa barapo coyenewa tsipei Cristo Jesús copiya neexana be piamonae jiton tatsin. <sup>13</sup> Tamonae pam, pomonae iru painya nejume cowantsixae Jesús, paca tsipaebatsi xua jopa cataunxuae baxua wetsinyo xua tajuntu coyene bara xaniwaicha bayatha nejuntu coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Juntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein. <sup>14</sup> Bichocono ajuntuyapusya exana ducuaenaebiyon xua pocotsiwa Nacom ichichipa, beya taxeinaenexa po pentoma pocotsiwa Nacom naca catsina poxonae naca wabina pia naca beicha caemonae wayawa jinompaexae Cristo Jesús.

<sup>15</sup> Daxita waxainchi, pomonaetsi xua bayatha beta yabara yaputaetaepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae abu jopa xeinaetsi po juntu coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua. <sup>16</sup> Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

<sup>17</sup> Tamonae pam, pomonae iru painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonae xua jinompa xua poxonae exanapona, icha pocotsi coyeneya paichin poxonae paca cuidubatsi. <sup>18</sup> Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomonae aichaxaibi po diwesi po coyene xua Cristo naetotha tsitupa jiwu”, paca jeichi. <sup>19</sup> Nacom barapomonae weraweraca exanaena. Barapomonae saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonae yabara atsaca pocotsi coyene bequein barapomonae bewa ita aura tsane baxua. Daichitha barapomonae jopa yabara ita auriyo baxua. Saya barapomonae yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa. <sup>20</sup> Ichitha nama waxainchi Nacom pia naca tatsipiwichi. Anoxuae waxainchi ewatatsi xua patopaetsica itaboco wetsica pon jiwu Pecapanenebiyaein, pon jiwu Pecanamataxeinaein, bapon Jesucristo. <sup>21</sup> Wapepon, po pepon jopa wanaetsi, po pepon atene yawa xua tupaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitupanae coicha, xua po pia pepon tatsi jopa ateneyo, yawa xua jopa tupaeyo. Baxuan Cristo nacata exanaena pia peayapusu itorobi coyenewatha, po peayapusu itorobi coyenewatha itacupatsi xua daxita pecanamataxeinaewa.

## 4

*Meje yabara xua Pablo jei: “Ataya pajuntu coyene weiweineibare pon jiwu Pecanamataxeinaeintha”, jei*

<sup>1</sup> Tamonae pam, pomonae iru painya nejume cowantsixae Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejuntu coyene weiweina exaname.

Matautano paxam pomonae Nacom necata painya nejume cowantsinexa Jesustha xua be tana nematomatsiwa, xua neyaputane exana xua bara exanan pocotsiwa xanepana poxonae tanacuitan bapon. Tamonae pam, paxam pomonae tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaein.

<sup>2</sup> Itoroban powa pewan Evodia, ichawayono xua powa pewan Sintique xua barapowayobe equeicha penaita coxonaenexabe xua be yatsicaewa caemonae jitowayo penaexanaenexabe pon jiwi Pecanamataxeinaein piamonae jitowayobexae tatsi. <sup>3</sup> Xam ponxaem yatsicaewa tanebaru nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxonae cueicueijan Nacom pia pecapanenebiyae diwesi. Barapoxonae barapowayobe, iru Clemente iru ichamonaeno daxita barapomonae daunweya nebaru nacuita. Daxita barapomonae wan dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajuntayapusawa poxonae wan dubeiba barapo diborotha, xua Nacom pia diboro tatsi.

<sup>4</sup> Paca jeichi: “Ataya patsita juntu coyene weiweineibare pon jiwi Pecanamataxeinaein”, paca jeichi. Equeicha paca jeichi: “Ataya patsita juntu coyene weiweineibare”, paca jeichi. <sup>5</sup> Barabu beta pajinompaename xua daxita jiwi painya pia paca yabara yaputaenexa xua bara paxam pomonae pejuntu coyene xanepanaewi pam, tsipei imoxoyo patopaetsica pon jiwi Pecanamataxeinaein.

<sup>6</sup> Jopa payabara nanta xeinaeinde nawita pocotsiwa ba paca juntu deideijeie exana. Jame maisa Nacom patsipaebeibare daxita coyenein yabara. Nacom yabara pawunqueibare daxita coyenein. Matautano payabara jacobebare Nacom poxonae pocotsiwan paca catsibeiba pocotsiwan xua panantawenoname. <sup>7</sup> Barapoxonae Nacom paca juntu coyene junte miya jinompa exanaena. Barapo junte miya jinompae coyenewa jiwi ba jopa yabara yaputaeyo, tsipei bichocono pexeinya coyenewa. Barapo junte miya jinompae coyenewa paca juntu coyene eenaena. Matautano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

*Meje yabara poxonae Pablo jei: “Payabara nanta xeinare daxitan pocotsiwan xua wanae”, jei*

<sup>8</sup> Tamonae pam, pomonae iru painya nejume cowantsixae Jesús, paca tsipaebatsi nama anoxuae pocotsiwa xua tabu ducua paca tsipaebatsi pocotsiwa xua nama wetan. Payabara nanta xeinare daxitan meje xuaje po coyenein: po coyenein xua pexainyeyiwan, matautano po coyenein xua jiwi yabara nanta xeina xua pexanepanaewan, matautano po coyenein xua xaniwaichiya pecana exanaewan, matautano po coyenein xua Nacom petsita exanaewatsi pexeinya juntu coyenein, matautano xua po coyenein pexeinya peitapanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wanae jainchina xua barapo coyenein pexanepanaexae.

<sup>9</sup> Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonae Nacom pon peyawa jinaein junte ma pepoponae juntu coyenewa, bara bapon paca yawa poponaena.

*Meje yabara paratixi po paratixi jiwi cata Pablo nexa*

<sup>10</sup> Tsita juntu coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaenexam. <sup>11</sup> Jopa paca tsipaebichi xua ichawa yabara pocotsiwa tanantawenonaewa, tsipei bayatha

tacoutha yabara nacuiduban xua j̄ntema tapoponaewa pocotsiwa xua xeinan bequein inta acoibi ichawa. <sup>12</sup> Yaputan xua beta poponan poxonaē bequein be pon taa-copeibin. Matautano yaputan xua beta poponan poxonaē nawita taxēinaein. Bayatha nacuiduban xua j̄ntema tapoponaē coyenewanexa tsane bequein tonsanan, yawano bequein ichacuiṭha jainpeiban. Nacuiduban xua j̄ntema tapoponaē coyenewanexa tsane bara bequein xeineiban beyacaincha pocotsiwa tanantawenonaewa, yawano ichacuiṭha bequein inta aibi pocotsiwa xua tanantawenonaewa. <sup>13</sup> Neitac̄pa xua daxita taexanaewa tsipei Cristo necata pia peant̄yapusuwa. <sup>14</sup> Daichitha paxam bichocono w̄nae painta exaname poxonaē pana neyawename tapana nesiwamxae poxonaē ichamonae jopa xanepanaya necana exanaeyo.

<sup>15</sup> Paxam Filipos tomarapiwi pam, payaputaneme poxonaē copiya tamropata pitaban xua cueicueijan Nacom Pejume Diwesi, barapoxonaē meisa paxam paratixi pana necataponame poxonaē Macedonia nacua weya ponan. Icha tomarapiwi pomonaē pejume cow̄ntsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinexam po coyene xua tapaca cayawenaewatsi painya nejume cow̄ntsiwanexa Nacom. <sup>16</sup> Poxonaē cataunxuae Tesalónica tomaratha poponan, paxam painta itorobame paratixi. Bapoxonaē equeicha cotacaya painta itorobame icha paratixi xua tacana nantawenonaenexa. <sup>17</sup> Paca tsi-paebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaename po pentoma xua Nacom paca catsina tapana neyawenaemxaem. <sup>18</sup> Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonaē bichocono ichichipa po petuxusi tuxueiwa jiwi tuxusi exana Nacom nexa, yawa xua poxonaē po duwei petautsiwa xua tuxusi exana Nacom nexa. Barapo pecana exanaē coyenewabe Nacom tsita coyene xanepanatsi, yawa j̄nt̄a coyene weiweina exanatsi. <sup>19</sup> Tanacom daxita paca catsina pocotsiwa xua panantawenoname, tsipei bapon bichocono copei pex-einaein pocotsiwa xua bichocono peit̄panaewa. Paca catsina baxua painya neyawa jinompaexae Cristo Jesús. <sup>20</sup> ¡Barab̄a jiwi, Nacom pon Waxa, ataya w̄nae jainchinchí! Je, bara ichi tsane.

*Meje yabara xua Pablo najume weta barapo carte*

<sup>21</sup> Painta jacobare pomonaē baxotiya jinompa pomonaē Jesucristo pejume cow̄ntsiwichi pomonaē yatsicaewa Nacom piamonaē tatsi. Ir̄a pomonaē nebar̄a jinompa xote pomonaē xua ir̄a pejume cow̄ntsiwichi Cristo Jesús, barapomonaē paca jacob̄a. <sup>22</sup> Ir̄ur̄a daxita pomonaē Jesús pejume cow̄ntsiwichi pomonaē yatsicaewa Nacom piamonaē tatsi, pomonaē po tomarathepiwi, barapomonaē paca jacobar̄a. Ir̄ur̄a paca jacob̄a pomonaē romanomonaē itorobiya pia pepa peewatsinchi pia botha tatsi tanacuitatsi. Barapomonaē bichocono paca jacob̄a, beyacaincha ichamonae poxonaē paca jacob̄a.

<sup>23</sup> Barab̄a Jesucristo, pon Wanacanamataxeinaein, daxita paxam paca j̄nt̄a coyene yawenaena pia paca necaantobexae.

Baja Pablo.

## Meje Po Carte Pablo Tatina, Colosas Tomarapiwi Tatinatsi

*Meje yabara poxonae Pablo tamropata pitaba xua tatina pomona Colosas tomarapiwi tatinatsi*

<sup>1</sup> Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae. <sup>2</sup> Barapo carte pacata tinatsi pomona painya neenaewi Colosas tomaratha, pomona Cristo pajume cowantame, iru pomonaeno yatsicaewa xanepanaya Cristo peitabaratha painya nejinompaewino. Barabru Nacom pon Waxa, paca yawenaena pia paca necaantobexae, yawano jantema jinompa paca exanaena.

*Meje yabara poxonae Pablo Nacomtha tawuca pomonae Jesús pejume cowantsiwi*

<sup>3</sup> Poxonae Timoteo panbe pacata wuqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajantu coyene weiweinanbe xua barapomonae necajume cowantsixae”, pajan tsaibinbe. <sup>4</sup> Baxua paepaeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramona Cristo Jesús jume cowanta, —jei— yawa antobe ichamon-aeno pomonae pejume cowantsiwi Jesucristo”, jei Epafras. <sup>5</sup> Paantobem ichamona, pomona pejume cowantsiwi Jesús, yawa xua pajume cowanta dubenanaebiyame. Baxua paexaname tsipei payaputaneme xua bexa tsane Nacom paca catsina xua pia nacuatheicha xeina, xua peantuayapusuwa po peantuayapusuwa jopa werawera-caeyo. Caena bayatha yabara paca tsiwanaeya muxu duta poxonae Nacom Pejume Diwesi pajume taneme. Baxua anoxuae cataunxuae paewatame. <sup>6</sup> Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwi foforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantaponame poxonae aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxuae paexanaponame. <sup>7</sup> Barapo Nacom pia pecapanenebiyae diwesi xaniwaicha caena bayatha Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua painta exanapona xua pana yawenapona xua Timoteo panbe pata ecaexaebe jiwi pecubi botha. <sup>8</sup> Epafras xote patopa. Bapon Epafras Timoteobe, pana netsipaebabe xua pinae paxam paantobem daxita pomonae Jesús pejume cowantsiwi Nacom pia Pejumope tuxaru tatsi painya nepaca yawenaexae.

<sup>9</sup> Bara caena poxonae aena, poxonae pajume tanbe xua pinae Jesucristo pajume cowantame, pomona Colosas tomarapiwi pam, Nacomtha pacata wuqueibatsi. Jopa seica paexaneibinyobe xua pacata wuqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame. Yawa care barapomonae daxita peyaputae coyenewan po coyenewan nejumope tuxaru cata jiwitha”, pajan tsaibinbe Nacomtha. <sup>10</sup> Icha paxam payaputaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, bapoxonae beta pajijinaponaename Nacom pia paca necayawenaenexa. Bara be Nacom pia pexui pana natsicotaneme tsipei baxua Nacom untharu jopa xua untharu weiweina. Jiwi pafoforotaponame xua Jesucristo jume cocowantapoinchi. Daxota baxua Nacom untharu jopa xua untharu

weiweina. Paca anthuthayapusu exana. Matautano yabara paca yaputane exana xua painya neexanaewa tsane pocotsiwa Nacom ichichipa. <sup>11</sup> Timoteo iru xanno Nacomtha patsipaebeibanbe xua Nacom pia paca catsinexa tsane pia peitupanaewa xua peayapusuwa, icha Nacom ichi xua xeina barapo peitupanaewa xua peayapusuwa. Barapo peayapusuwa paca yawena xua pajumefebame xua poxonae ichamonae paca itoroba xua abe painya neexanaewa. Yawa paca yawena xua juntu coyene weiweinaya paexaname xua jopa paaitaconaem, xua poxonae bequein ichamonae abe pacata exana. <sup>12</sup> Poxonae Nacom patsipaebame, juntu coyene weiweinaya pajacobare tsipei bapon Nacom paca yabara jntemaina abe painya neexanae cuiru coyenein. Bapoxonae Nacom tsita xanepanatsi painya juntu coyenein barompaya painyawan painya nexainaenexa pocotsiwa Nacom paca jntana jeba pia nacuatheicha xua painya nejume cowuntsixae bapon. Paca catsibina poxonae paxam bara xoteicha papatsiname. <sup>13</sup> Waxa, Nacom, wanaca capanepaexae Satanás pia peayapusu itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Aparajame Nacom yatsicaewa naca cana exana xua bapon piamonae tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe. <sup>14</sup> Nacom Pexanto tatsi naca capanepa, naetotha wanaca tsitupaexae. Daxota daxita abe waexanae cuiru coyenein Nacom naca cayabara jntemaina.

*Mejeyabara xua waxainchi pomonaetsi jntema jinompatsi Cristo wanaca tsitupaexae naetotha*

<sup>15</sup> Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pewunaeya poxonae Nacom daxita forota barapo cae pin nacuathe. <sup>16</sup> Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonae pentacaponaein nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana. <sup>17</sup> Caena bayatha bapon Cristo ataya popona poxonae cataunxuae jopa bapon foforotaponaeyo daxita. Cristo canamataxeina daxita daxota nacua xanepanaya wunaeya ducua. <sup>18</sup> Daxita pomonae Cristo jume cowunta be caein naexana. Bapon Cristo barapomonae pia Pecanamataxeinaeinchi tatsi. Baxua caunuta xua Cristo canamataxeina barapomonaetha pomonae pia pejume cowuntsiwixaetsi. Bapon Cristo antujumopeyapusu exana pomonae pejume cowuntsiwichi. Bapon Jesucristo copiya asu nanta canaexanatsi petupaewatha. Daxota bapon canamata exanatsi xua canamataxeina daxita coyenein. <sup>19</sup> Nacom, Waxa, anthutha weiweina bichocono poxonae Pexanto cui tane xua cui jupatsi Pexanto tsipei daxita xeina icha bapon ichi xua daxita xeina. <sup>20</sup> Daxita pomonae jinompa po cae pin nacuathe ita coxanatsi Nacomtha. Iruu pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonae po cae pin nacuathepiwi, iruu pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

<sup>21</sup> Paxam copiya Nacom jopa paita coxonaem, be pomonae penanapaincha jinompaewi patsita naexaname Nacomtha. Yawa Nacom pia peaitafaetabi jiwichi pam, abe painya neexanae dubenanaebiyaexae painya juntu coyenewatha. <sup>22</sup> Ichitha nama anoxuae payaputaneme xua Cristo bayatha tupa naetotha xua poxonae bara jiton cuiru coyeneya. Daxota anoxuae Cristo paca cana exana xua Nacom paita coxonaem pomonae pam pomonae copiya Nacom pia peaitafaetabi jiwichi pam. Poxonae Cristo

tapa pia paca exanaenexa pomonae pam pomonae Nacom peitatha tatsi penthathu cui xanepanae jiwi pam. Matauta paca cana exana xua ichamonae painya jopa nepaca yabara paebiwa xua abe painya neexanaewa. <sup>23</sup> Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowanta dubenanaebiyaename Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacula beicha xeina xua peantuyaruswa xua jopa weraweracaeyo xua caena bayatha yabara paca tsiwanae muxu duta Nacom. Barapo pexeinya pecapanenebiyae diwesi bayatha Jesucristo pia pejume cowantsiwi tatsi cueicueijeji xua daxita nacuan yajupaya. Iru xan, Pablon, paebaponandu barapo diwesi.

*Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowantsiwichi*

<sup>24</sup> Xan, Pablon, anoxuae juntea weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajantucoyenetane tsopona tsane pomonae pia pejume cowantsiwichinexa. Bapoxonae Cristo pia coutha paebina xua xan equeicha jopa atenein tsane. <sup>25</sup> Xan, Pablon, Nacom Pejume Diwesi tacueicueijeji jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi. <sup>26</sup> Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowantsi jiwixaetsi. <sup>27</sup> Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomona naexanaeyo. Barapo Nacom moya peyawun xeinaewa xua apara Cristo paca yanaba. Daxota paewatame xua bexa Cristo paca catsina, xua caena bayatha yabara paca tsiwanae muxu duta Nacom.

<sup>28</sup> Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Nacomtha xaniwaicha yajuntu coyene xanepanaya patsina xua be caemona penaexanaewa tsane Cristotha. <sup>29</sup> Daxota daunweya nacuitan Cristo tana necatsixae pia peayaruswa xua bichocono ayarus tacueicueijejinexa tsane Nacom Pejume Diwesi poxonae barapomona tsipaeban. Barapo peayaruswa jiwi tsita itatan poxonae daunweya nacuitan.

## 2

<sup>1</sup> Baxua paca tsipaebatsi pomonae painya nejume cowantsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata wuwacaponeibatsi Nacomtha. Iruno pomonae Jesucristo jume cowanta, pomonae jinompa Laodicea tomaratha, barapomonae iru tawucan. Iruu daxita ichamonae pomonae jopa netaeyo, tawucan. <sup>2</sup> Antuyaruswa Nacomtha pacata wucatsi, xua painya nepaca cajuntu coyene tsacarabi exanaenexa xua juntea painya nejinompaenexa xua caemona nantiya painya nenaantobenexa. Matautano pacata wucatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawun xeina po coyene xua Cristo yabara. <sup>3</sup> Cristo pon peyaputaein, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bu jame wuca. <sup>4</sup> Baxua paca muxu jeichi, tsipei jopa ichipaeinyo xua ichamonae paca



cui caranababa xua naerabiya paca muxujainyaba po jumeintha xua naemata beta paeba. <sup>5</sup> Paca yabara cananta xeineibatsi, be natsicotan xua be paca baru popoinchi bequein tajn ecan. Juntu coyene weiweinan xanepanaya jume cowantsiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

*Meje yabara xua jiwi pena juntu coyene xeina Cristotha*

<sup>6</sup> Mexeya poxoru painya neyabara jume cowantsixae xua pinae Jesucristo pon painya Nepacacanamataxeinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha.

<sup>7</sup> Paitacoxonaya yaputaeponde Cristo painya pewnaein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ichun paca cuiduba poxonaе pajume cowantame Jesucristo. Yawa matowa pajande: “Nacom, maisa pajuntu coyene weiweinan xua painta exaname”, pajan tsaibinde.

<sup>8</sup> Dota pam tsipei jopa ichipaeinyo xua ichamonae paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomonae xua paca cuiduba pia peitorobi coyenein, baraxua apara jopa Cristo pia peitorobi coyenewa tatsi. Apara saya pon pepawi, bapon pia peitorobi coyenein tatsi, apara saya nacia pia peitorobi coyenein tatsi.

<sup>9</sup> Nacom Pexanto cana nayawa exana xua Cristo xeina daxita i dapoyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi. <sup>10</sup> Apara Cristo piamonae tatsi pam. Cristo, bapon compa yatsicaya Pecanamataxeinaein cana exanatsi xua daxita canamataxeinatsi pomonae itabocotha peitorobiwi pia peayapuswatha. Poxonae Cristo panantautame, jopa ichauyo pacata seicaeyo xua paxeiname xua pocotsiwa Cristo juntema popona paca exana. <sup>11</sup> Paxam anoxuae icha juntu coyene paxeiname Cristo painya nejume cowantsixaemxae, yawano poxoru painya nenantu cui barapentsixaemxae xua abe paexaname. Icha judiomonae ichi xua nawi thaba ichaxota pebiwi nareixacaena barana baxua jopa paca juntu coyene capanepae abe painya neexanae cuiru coyenein weya. Jame xua Jesucristo naetotha tupa, baxua jame paca anthuthu coyene capanepa abe painya neexanae cuiru coyenein weya. <sup>12</sup> Poxonae ichun paca bautisaba, be paca muthutha penta, icha Cristo ichichi poxonae muthutha xotsi. Bara paca juta ichi. Yawa poxonae xua pamatawname be equeicha asu pajinompame, icha Cristo ichichi poxonae Nacom asu exana Pexanto poxonae equeicha itowan popona. Bara paca juta ichi painya nejume cowantsixae Nacom. <sup>13</sup> Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonae pewerapae jiwi patsita jinompame. Saya u abe peexanae cuiru coyenein painya nenanta xeina dubenanaebiyaexaemxae, poxoru saya abe painya neexanaewi. Baxua paexaname poxoru barapo peabewa paca itata cadopiteiba xua abe painya neexanaewa tsaibi tsane. Jopa Nacom pajeichim poxoru paxam barapocotsimonae pam, pomonae jopa judiomonae naexanaeyo pam po judiomonae nawi thaba ichaxota pebiwi nareixacaena, Nacom paca exana xua anthuthucoyenesuya painya nejinompaewa xua Cristo painya neyawa jinompaewa. Bapon Nacom nacata juntemaina xua daxita abe waexanae cuiru coyenein. <sup>14</sup> Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonae exana xuano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya. <sup>15</sup> Poxonae

Cristo naetotha tupa, Cristo pecui pawī cana exana po pentacaponae xua abe peexanaewi xua barapomonaē peamanayabixaetsi. Daxota barapomonaē jopa xeinaeyo peitorobi coyene xua peayapusa coyene. Pin bicheito itabaratha Cristo aura exana pentacaponae. Anoxuae Cristo pentacaponaein exanatsi xua daxita barapo jiwi pecanamataxeinaenexatsi.

*Meje yabara xua jei: “Itapeta payabara nanta xeinare xua pocotsiwa Nacom jantana jeba jiwi, pia nacuatheicha”, jei*

<sup>16</sup> Daxota dapon ajibi pon itacupatsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po matabitha poxonaē jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonaē jomocoichato aena equeica, matautano po matabintha poxonaē pentaquei seicaē matabin poxonaē jiwi jopa nacuichiyo. <sup>17</sup> Caena bayatha barapo peitorobi coyenein judiomonaē cuidubatsi Nacom, xua saya u pejume. Barapo jumeintha judiomonaē cuidubatsi Nacom, xua yabara yaputane peexanaenexa tsainchi pocotsiwa bexa Cristo exanaena. Aparā bayatha Cristo patopeica. Icha paxam paichichipame xua painya nenaexanaewa tsane Nacom piamonaē tatsi bewa paexanaem pocotsiwa Cristo paca itoroba. <sup>18</sup> Jopa pacopatsinde xua ichamonaē paca yabara paeba xua pana natsiaenae cuentame xua jopa painya neexanaexae icha barapomonaē ichi. Barapomonaē paca aeba poxoru tane petsita itabi coyenewan po coyenewan xua ichamonaē jopa taeyo. Barapomonaē paca itoroba xua pepawī jiwi painya nenaexanaewa tsane painya coutha icha barapomonaē ichi xua bequein jumexaeya paeba xua pinaē pecui pawī jiwi. Matautano barapomonaē paca itoroba xua matatsunpiwi wunaē painya nejainchiwa tsane icha bapomonaē ichi. <sup>19</sup> Barapomonaē jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonaē naca cana exana bapontha wajume cowantsixae. Nacom naca cana exana xua beta wajume cocowantaponaewa, icha be pocotsi coyeneya xua pejume diwesitha paeba, icha poxonaē jiwi ichi xua poxonaē pia pexui wihatapona pexaewa peapatsixae.

<sup>20</sup> Tsipei Cristo bayatha paca cayawa tupa. ¿Eta xua came awiya payabara nanta xeiname? Poxonaē Cristo tupa bapon paca cana exana xua pana nacapanenebiyam abe painya neexanaē cuiru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonaē baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanaē cuiru coyenein weya. Aparā saya jame Cristo paca capanepa, naetotha petupaexae. <sup>21</sup> Judiomonaē ainya peitorobi coyenewan xeina xua pia peitorobi coyenewanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

<sup>22</sup> Barapocotsi coyenein po coyenein xua jopa bewa pinaē paexanaem tsane barapo coyenein, bapana jopa paca yawenae xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein aparā pia peitorobi coyenein tatsi pomonaē saya jiwi. Aparā barapo peitorobi coyenewan saya nainya weraweraca icha pexaewa ichi xua nainya weraweraca poxonaē jiwi xane. <sup>23</sup> Paxam pananta xeiname xua barapo peitorobi coyenewa xeina peantayapusa poxoru be paca exana xua xanepanaya pajinompame, yawa be paca exana xua Nacom wunaē pajaintame. Barapomonaē judiomonaē pia abe exaneibi pia coutha naperaxa exaneiba pia jantemainaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua

baxua peexanaewa tsane. Barapomonaе saya ы pepaebeibi, ichitha cataunxuae jopa xanepanaya jinompaeyo.

### 3

<sup>1</sup> Tsipei Cristo bayatha paca cayawa asы, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa pecoxa weya eca bapon. <sup>2</sup> Saya panaitomtsiya nanta xeinare Jesucristo pia peitorobi coyenewan tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina. <sup>3</sup> Tsipei bayatha paxam paca cayawa траpa Cristo, daxota jopa paexanaeinde pocotsiwa barapo cae pin nacuathe xeina. Painya neantыjumopeyapusыwan jiwi jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonae yawa jinompati Cristo barapara irыры yawa jinompati Nacom. Baxua jiwi jopa paca cui yaputaeyo. <sup>4</sup> Bapon Cristo naca jumope antыjumopeyapusu exana. Poxonae Cristo equeicha patopaetsica paca cayawa бары naitatsina jiwitha pexeinya peitыpanae coichatha.

#### *Meje yabara xua peru jыntы coyene, xuano xua pena jыntы coyene*

<sup>5</sup> Po coyenein xua jiwi exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonae paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonae xeina. Bы bichocono pacui yabara nanta xeiname beyacaincha xua poxonae pacui yabara nanta xeiname Nacom. Baxua icha be poxonae paichim poxonae ibo nacom paantobem beyacaincha xua Nacom paantobem. <sup>6</sup> Pomonaе xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomonaе saya jumefeba nawita pocotsiwa Nacom itoroba. <sup>7</sup> Icha barapomonaе ichi, xua abe exana, paxam bara paichim caena bayatha barapocotsiwa paexaname poxonae jopa cataunxuae Jesucristo pajume cowыntsim. <sup>8</sup> Ichitha anoxuae daxita pana cui barapende xua daxita peabe coyenein: xua peanaepanae coyenewan, xua juniya pejei coyenewan, xua jopa xanepanaya peexanae coyenein, xua saya abeya peyabara cueicueijejwa coyenewan, xua peyыуjеjwa coyenewan. <sup>9</sup> Jopa caemonae nantiya pana namuxuitorobeibinde, anoxuae pena jыntы coyenein painya nexeiनाexae tsipei peru jыntы coyenein bayatha papentame. Tsipei barapo peru jыntы coyenein jiwi ba ajumebeya cui itorobatsi xua abe exana. <sup>10</sup> Tsipei anoxuae pena jыntы coyenein paxeiname tsipei Nacom exana barapo pena jыntы coyenein. Barapo pena jыntы coyenein paca ita coxone exanapona Nacomtha. <sup>11</sup> Poxonae jiwi pena jыntы coyenein xeina pejume cowыntsixae, bapoxonae Nacom tsita najыpati, metha bara bequein griegomonaepin tsipae, irы metha bequein judiomonaepin tsipae, irы metha bequein pon xua pewi thabinchi tsipae xua ichaxota pebiwi nareixacaena, irы metha bequein pon jopa pewi thabinchi tsipae xua ichaxota pebiwi nareixacaena, irы metha bequein pon penanapaincha poponaein tsipae, irы metha bequein pon unupin tsipae, irы metha bequein pon pebusi cui taetaeinchi tsipae, irы metha bequein pon pepu copatinchi tsipae xua bara piawa penata exanaewa tsane. Apra jame meisa bapon Cristo ainya cui peexanaeinchi. Mataыtano Cristo бары popona pomonaе peantobewixaetsi.

<sup>12</sup> Nacom paca itapeta xua piamonaе tatsi pia paca necaexanaenexa pia paca necaantobexae. Daxota nantanuweya pacui yabara cananta xeinare ichamonae xua painya neyawenaewa tsane. Yawa betiya payawende ichamonae. Yawa jopa ichamonae

patsita atsacande xua icha coyene painya neexanaenexa. Yawa jopa paaebinde ichamonae. Yawa jopa paaitaconae tsaibinde poxonae bequein ichamonae abe pacata exaneiba. <sup>13</sup> Nantiya pana natsita xeinare po juntu coyene xua jopa painya neaitaconaewa xua poxonae bequein ichamonae abe pacata exana. Pacui yabara jntemainare poxonae ichamonae pacata abe exana, icha Cristo ichi pon jiwi Pecanamataxeinaein exanatsi xua daxita paca cui yabara jntemaina xua abe paexaname. Bara paichinde pana nacui yabara jntemainare daxita pocotsiwa abe pana nata exaname. <sup>14</sup> Barapo coyenein paexande, yawa mataropeichiya paexandeno xua bichocono nantiya pana naantobeinde. Poxonae baxua paexanaename xua painya nenaantobewam, bapoxonae xaniwaicha paexaname pocotsiwa bayatha paca itorobatsi xua bewa paexanaem icha paxename pexanepanae cui unthun. Ichitha poxoru painya nenaantobexae daxota bapo coyenein paexaname. <sup>15</sup> Saya pacopare xua bara Cristo painya juntu coyeneintha pacata itorobina jntema pia pepoponaewa tatsi xua daxota jntema painya nejinompaewa tsane. Tsipei Nacom paca necajainchixae: “Caemonae painya nenaexanaewi pam”, paca necajainchixae. Paxeinare po coyene xua pajam tsaibi: “Nacom, maisa pajuntu coyene weiweinan xua painta exaname”, xua po coyene pajam tsaibi.

<sup>16</sup> Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesitha, barichi xuya ichamonae pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonae pajume taneme Cristo pejume diwesi. Nacom patanaxunare daxita weixi. Juntu coyene weiweinaya patsita naxunare Nacom.

<sup>17</sup> Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moya paexande xua pocotsi peexanaewa ichichipa Jesús pon jiwi Pecanamataxeinaeinxae. Bapontha pajande: “Jesús inta Axatha jande: ‘Maisa juntu coyene weiweinan xua bapon yawename’, inta, jande”, pajande Jesustha.

*Meje yabara xua pocotsiwa bewa exanae pomonae Jesucristo pejume cowuntsiwi*

<sup>18</sup> Yabuxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowuntsi jiwi pam Jesús pon jiwi Pecanamataxeinaein. <sup>19</sup> Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

<sup>20</sup> Pexui pamxaem paca tsipaebatsi. Painya axa jiwi xua iru painya ena jiwi beta pajume naitaewateibiya exaneibare pocotsiwa paca itorobeiba tsipei baxua Jesús pon jiwi Pecanamataxeinaein tsita ita cui xanepanatsi. <sup>21</sup> Coxiyei jiwi pam, xua saya pebiwi jiwi pam paca tsipaebatsi. Painya xoba painya pexui pamuxutainyabame xua jopa beta exanaeyo. Icha baxua paexaname pexui jopa beta jinompaetsipae.

<sup>22</sup> Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apra jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wunae taexanaetsi pomonae painya nepacacanamataxeinaewi. Apra jame painya wunae taexanaetsi iru Jesús pon jiwi Pecanamataxeinaein, tsipei paxam pomonae Jesucristo painya nejume cowuntsi jiwi pam.

<sup>23</sup> Daxita i daxuan xua paexaname xanepanaya paexanare. Saya u pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton. <sup>24</sup> Bayatha payaputaneme xua bexa Cristo pon jiwi Pecanamataxeinaein

paca catsibina xua paca j̄ntana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein. <sup>25</sup> Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwi jopa natoxeincha necotsiyo. Pomonae pebusi cui taetaewichi, barapomonae Nacom nanta j̄paya tane, icha pomonae pentacaponae wi ichi xua poxonae Nacom nanta j̄paya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

#### 4

<sup>1</sup> Pomonae pentacaponae wi pam, xanepanaya pacana exande pomonae painya nebusi cui taetaeibi jiwi, tsipei paxam paxename painya pepa Nepacacanamataxeinaein itabocotha.

<sup>2</sup> Nacomtha cuitiya pana cui babatsiya w̄ca dubenanaebiyama. Poxonae Nacomtha paw̄queibame, pajan tsaibinde: “Nacom, maisa paj̄nt̄a coyene weiweinan xua pata tanecatsiwaxaem yawa xua painta exaname beta”, pajan tsaibinde. <sup>3</sup> Yawano painta w̄care Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yaw̄n̄ xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apara xua Cristo naca yanaba. Jiwi pec̄bi botha neeta tana natsipei cueicueijeixae barapo diwesi. <sup>4</sup> Painta w̄care Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

<sup>5</sup> Dota pam, xanepanaya beta jume w̄naeya pajinompare, tsipei paca tane pomonae jopa jume cow̄ntsiyo Jesucristo. Barapomonae patsipaebare xua pocotsiwa Nacom ichichipa xua poxonae po mataqueitha cataunxuae paca itac̄pa xua painya netsipaebiwa. <sup>6</sup> Poxonae ichamonae patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

#### *Meje yabara poxonae Pablo najume weta po carte*

<sup>7</sup> Daxita Tíquico neyabara diwesi paebina xua paca tsipaebina. Bapon be wayapin watsicotaein tsipei Jesucristo pejume cow̄ntsin. Bapon paantobein. Ir̄a bapon Tíquico Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueije i tsaibi. <sup>8</sup> Daxota Tíquico painya xainya beya itoroban painya neyaputaenexa xua paxan xanepanaya bara j̄ntema pajinompan. Yawa bapon paca necacui tsacarabinexa xua j̄ntema painya nejinompaewa tsane. <sup>9</sup> Tíquico bara beya pona ir̄a ich̄n̄ napon, pon pew̄n̄ Onésimo, pon be pata tayapin patsicotan pejume cow̄ntsixaer̄a Jesucristo, yawano bapon paantobein. Barapon beta xanepanaya pepoponaein Nacomtha. Tíquico ir̄ano Onésimo, baponbe daxita yabara paca tsipaebina xua pocotsiwa xote exananje.

<sup>10</sup> Ir̄a Aristarco tajiton, pon jiwi pec̄bi botha paecanbe, bapon paca jacobae. Ir̄a Marcos paca jacobae, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantenta weyataeya wabare. <sup>11</sup> Ir̄ar̄a Jesús paca jacobae, pon icha w̄anno, Justo. Po acoibi poyobe, poyobe xuaunxuae paca jacobae meisa saya barapoyobe neyawena xote poyobe xua jiwana judiomonae, po judiomonae Jesucristo pejume cow̄ntsiwichi jiwana. Barapo acoibi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cow̄ntsixaetsi Pexantotha. Barapoyobe nej̄nt̄a cui tsacarababe xua j̄ntema tapoponaewa tsane. <sup>12</sup> Ir̄ar̄a Epafra paca jacobae, pon painyamona jiwana. Bapon

Epafras Cristo Jesús pia petanacuichin tatsi. Bapon jume daunweya pacata w<sub>h</sub>queiba Nacomtha, xua Nacom xanepanaya paca necaant<sub>h</sub>yap<sub>h</sub>us<sub>h</sub>ya daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa. <sup>13</sup> Xan bara yatsicaewa tacui taewa xua Epafras pacata jume daunweya w<sub>h</sub>queiba Nacomtha. Po coyene xua bapon baxua exana xaniwaicha, apara paxam nexa, ir<sub>h</sub> Laodicea tomaramonaepiwi nexa, ir<sub>h</sub> Hierápolis tomaramonaepiwi nexa. <sup>14</sup> Ir<sub>h</sub> Lucas paca jacob<sub>h</sub>, pon jiwi peyaw<sub>h</sub>bin, pon bichocono antobetsi xua jiwi antobe. Ir<sub>h</sub> Demas paca jacob<sub>h</sub>.

<sup>15</sup> Painta jacobare Jesucristo pejume cow<sub>h</sub>ntsiwichi, pomonae Laodicea tomaratha ena. Ir<sub>h</sub> painta jacobare powa pew<sub>h</sub>n Ninfa. Ir<sub>h</sub> painta jacobareno pomonae pejume cow<sub>h</sub>ntsiwi, pomonae nacaetuteiba Ninfa pia botha tatsi. <sup>16</sup> Poxonae barapo carte payorobame equeicha ich<sub>h</sub>n pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pejume cow<sub>h</sub>ntsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha. <sup>17</sup> Paxam Arquipo pabarande: “Taema Arquipo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua w<sub>h</sub>naeya xanepanaya nacui yabara jume wetsiname xua exaname”, pajande.

<sup>18</sup> Xan, Pablon, paca jacobatsi. Baxoyo tacobe couyeje, xoyo tinaxuban. Jopa paj<sub>h</sub>ntem<sub>h</sub>inaeinde xua jiwi pec<sub>h</sub>bi botha taecaewa. Nacomtha painta w<sub>h</sub>queibare. Barab<sub>h</sub> Nacom j<sub>h</sub>ntema jinompa paca exana pia paca necaantobexae.

Baja Pablo.

## Meje Po Carte Copiya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowantsiwixae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

*Meje yabara xua Pablo yabara paeba xua Tesalónica tomarapiwi pinae beta jume cowanta*

<sup>2</sup> Pacata tsipaebibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowantsiwi”, pajan tsaibi Nacomtha. <sup>3</sup> Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano, bichocono necaantobexae daxota ayapusaya cata nacuita dubenanaebiya. Maisa bichocono barapomonae wnae ewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha. <sup>4</sup> Paxam pomonae painya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonae paca exanaetsi. <sup>5</sup> Poxonae Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumope tuxu tatsi pia peayapusu itorobi coyenewatha tatsi pana yawena, xua pata cueicueijiwa. Barapo diwesi bara xaniwaicha jume cowantatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

<sup>6</sup> Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonae atene paca exana painya nejume cowantsixae Jesucristo, ichitha barapo diwesi awiya juntu coyene weiweinaya pajume cowantame. Barapo rejuntu weiweinae coyene Nacom pia Pejumope tuxu tatsi paca cata. <sup>7</sup> Baxuan painya neexanaexae daxota ichamonae pomonae pejume cowantsiwi Jesucristo, pomonae Macedonia nacuariwi, barapomonae exana pocotsiwa paexaname. Iru baxuan exana pomonae Acaya nacuariwi. <sup>8</sup> Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuariwi iru Acaya nacuariwi jume tane. Jopa meisa barapo nacuabepiwi bara apara daxita nacuariwi iruru jume taneru. Daxita barapo jiwi paca yabara yaputane xua painya nejume cowantsiwa Nacom. Daxota jopa panantawenonaeinyo xua paca yabara paebatsi ichamonaetha. <sup>9</sup> Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomun po ibo nacomun copiya wnae pajainteibame pabebam painya nejume cowantsixae Nacom. Matautano paca yabara paeba xua barapomonae patamropatarucupame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein. <sup>10</sup> Matautano barapomonae

pana netsipaeba xua pinae paxam Jesús pawnae ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petupae coyene cuiru weya. Barapon Jesús naca napaeba exanaena Nacom beya, poxonae Nacom copatsina xua jiwi bichocono peraxa jubebinchi abe peexanaexae.

## 2

### *Meje yabara po coyeneya Pablo tanacuita Tesalónica tomarapiwi*

<sup>1</sup> Patamonae paxam pomonae pam pomonae iru painya nejume cowantsiwi Jesucristo icha paxan paichin. Payaputaneme xua tapaca siwa ponaewatsi baxua wnae pata cayawenaexaetsi. <sup>2</sup> Poxonae Filipos tomaratha paponan, barapomonae abe pana exana. Yawa tsu mu jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipaebinxatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonae pana jume matawenta. <sup>3</sup> Poxonae paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. <sup>4</sup> Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinxata pia pecapanenebiyae diwesi jume. Apra jopa baxua paexanaeinyo xua daxota jiwi pata taneweyataenexa. Jame apra baxua paexanan xua Nacom pata taneweyataenexa. Barapon pana nejuntu coyene yaputane xua poxonae paexaneiban. <sup>5</sup> Paxam bayatha payaputaneme xua jopa paca tsipaebichi po jume ba jiwi piraichi jume wnaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo. <sup>6</sup> Jopa bapana paichichipaeinyo xua jiwi wnae pata tanejainchiwa, xua poxonae metha bequein bara barapomonae pam, ichacuitha xua poxonae bequein ichamonae iru. <sup>7</sup> Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apra saya bewayo paca yayawenaponatsi, icha be pocotsi coyeneya petsiriwa ichi poxonae pia pexui bewayo wicitiya yayawenapona. <sup>8</sup> Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonae daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi! <sup>9</sup> Patamonae pam, paxam pomonae iru painya nejume cowantsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matacabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxonae paca cuidubatsi Nacom Pejume Diwesi.

<sup>10</sup> Paxam pomonae painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya xantha daxita carepaya paxamtha. Matautano Nacom patsita juntu coyene xanepanan, xua penatsicuentsiwa jopa bapon patsita xeinaeinyo. Daxota ichamonae jopa pana neyabara paebiyo xua abe pata pacata exanaewatsi. <sup>11</sup> Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonae bichocono paanthathanem tsaibi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxian cana ichiya exana pia pexuitha. <sup>12</sup> Paca



itorobatsi xua bewa beta pajinompae, icha pomonae Nacom pejume cowantsiwi ichi xua bewa beta jinompae. Baraxua paexande poxoru Nacom paca wun duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitapanae coyenewa.

<sup>13</sup> Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexainaewa pomonae painya nejume cowantsixae Jesucristo. <sup>14</sup> Patamonae pam. Ichamonae atene paca exana pomonae painyamonae. Baxua paca cana exana, icha Judea nacuapiwi ichichi pomonae pejume cowantsiwi Cristo Jesús. Daxita barapomonae ajuntucoyenetane exainchi pomonae piamonae pomonae judiomonae. <sup>15</sup> Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peaitafaetabi jiwichi. <sup>16</sup> Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsixana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentisixae abe peexanaexae bapontha.

### *Meje yabara xua equeicha Pablo besywa ponaena Tesalónica tomarapiwi*

<sup>17</sup> Paxam pomonae patamonae pam, poxonae bequein paxan tajua paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi. <sup>18</sup> Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba. <sup>19</sup> Ichichipan paca siwa ponatsi poxoru paxam pana necana exaname xua pajuntu coyene weiweinan. Barichi paxam pomonae pana necana exaname xua pawnae ewatan. Barichi paxam pomonae pana necana exaname xua matowa payabara paeban pocotsiwa xua paexanan poxonae paca cuidubatsi. Poxonae Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname. <sup>20</sup> Xaniwaicha paxam pomonae pam pana nejuntu coyene weiweina cana exaname. Matautano paxan pomonae pana necana exaname xua paca yabara wnae jainchinchi Jesucristo peitabaratha poxonae bapon peitabaratha tatsi paca baru umenaeinchi beta painya neexanaexae.

## 3

<sup>1-2</sup> Jopa pana itacupaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowanta Nacom painya pia paca necataenexa tsanebe. Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena

poxonae pacueicueijan Cristo pia pexeinya jume diwesi tatsi. Bapon Timoteo itacɔpatsi xua ajuntɔcoyenyarupusɔ paca cana exana. Matautano itacɔpatsi xua paca jɔntɔ cui tsacaba exana xua awiya mataropeichiya painya nejume cowantaponaenexam Nacom. <sup>3</sup> Baroxonae dapon aibi tsane paxam jiwana pon ajuntɔcoyenefaetabiya jume cowanta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowantsixae Jesucristo. <sup>4</sup> Matautano poxonae cataunxuae paca baru enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno. <sup>5</sup> Tsipei xan jopa neitacɔpaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowanta dubenanaebiyame Jesucristo?” jei. Baxua beyaputaen tajunuwixae xua caurimonae pia pentacaponaein tatsi pon jiwi rejuntɔ coyene jɔjɔtsin paca cui jɔjɔtsipa xua abe painya neexanaewa tsane. Baroxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowantsixaem tsipae.

<sup>6</sup> Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowanta dubenanaebiyame Jesucristo. Matautano yabara pana tsipaeba xua pinae nantiya pana naantobe tsurubenanaebiyam. Matautano yabara pana tsipaeba xua pinae pana neyabara antobeya nanta xeiname matauta xua pinae bepana ne-taename, icha paichin xua bena tapaca taewatsi tsainchi. <sup>7</sup> Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajuntɔ coyene sadɔjan poxonae pajume tan xua pinae beta pajume cowanta dubenanaebiyame Jesucristo. <sup>8</sup> Poxonae paxam awiya beta pajume cowanta dubenanaebiyame Jesucristo, pon jiwi Pecanamataxeinaein, baxua pajuntɔ coyene sadɔjan pata jinompaewatha Nacom nexa. <sup>9</sup> Anoxuae pana itacɔpa xua pata jeiwa: “Nacom maisa pajuntɔ coyene weiweinan Tesalónica tomarapiwi beta necajume cowantsixae”, pata jeiwa. Paxam pomonae pana nejuntɔ coyene weiweina cana exaname poxonae Nacom patsipaeban. <sup>10</sup> Maticabintha, merawinthano Nacomtha pacata wɔqueibatsi. Nacom pawɔqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowantsiwa Jesucristo pocotsiwa yabara pacata seica xua painya yabara neyaputaewa Jesucristo.

<sup>11</sup> Paichichipan xua Nacom pon Waxa irɔ Jesús pon jiwi Pecanamataxeinaein pana yawenaena xua pata paca casiwa ponaenexatsi. <sup>12</sup> Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxeinchiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi. <sup>13</sup> Matautano paichichipan xua Nacom pon Waxa, painya nepaca cana exanaenexa xua bichocono painya nejuntɔ coyene xanepanaewa. Matautano paichichipan xua Nacom pon Waxa bichocono ajuntɔyarupusɔya paca cana exanaena. Baroxonae paxam bichocono Nacom tsita jɔntɔ coyene xanepanaeinchi. Barapocotsi jɔta coyene awiya paexanaponaename beya poxonae Jesús pon Wanacanamataxeinaein, piamonae baru patopeicaena daxita.

## 4

*Mejeyabara po jɔntɔ coyeneya bewa jiwi tajinompae Nacom po coyene xua Nacom tsita xanepanatsi*

<sup>1</sup> Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajuntũ coyene jinompaem po juntũ coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponame”, paca jeichi.

<sup>2</sup> Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein. <sup>3</sup> Xua jame Nacom pocotsiwa ichichipa xua paxam bewa bichocono juntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi. <sup>4</sup> Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa barũ cui itura jinaena piowa pia peantobexae. Daxita barompaya pebiwi pam bewa irũ bara paichim tsane. <sup>5</sup> Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabũxi yabara xua penaquentsiwa yabara. Barapo coyene painya xoba paexaname. <sup>6</sup> Jopa paexanaeinde barapo abe peexanae coyenewatha pontha pon irũ pejume cowũntsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi. <sup>7</sup> Nacom jopa naca wũn dubiyo piamonae wanaca exanaenexa xua abe waexanaponaewa tsane. Jame apara Nacom naca wũn duba xua juntũ coyene wũnaeya wajinompaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi. <sup>8</sup> Pon jume itaweta po coyene xua ichũn pepichiwa yabara xua ichũn piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope tũnaxũ tatsi xua painya yawa jinompaenexa.

<sup>9</sup> Po peantobewa xeina pomonae pejume cowũntsiwi Nacom, xua nantiya caemonae penaantobewa, xan jopa nantawenonaeyo xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane. <sup>10</sup> Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cowũntsiwi Nacom. Ichitha paxam patamonae pam painya nejume cowũntsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa. <sup>11</sup> Bichocono paichichipare xua painya neexanaewa xua po coyene meje: Juntema parubenanaebiyama, xua jopa pana najume matsontsonoba dubenanaebiyam. Matautano painya xoba patsipaebeibame ichamonaetha po coyenein barapomonae bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi. <sup>12</sup> Icha barapocotsiwa paexanaename ichamonae pomonae jopa Nacom pejume cowũntsiwi paca barũ cui itura jinaena xua bara beta painya neexanaexaem. Matautano jopa panantawenonaem xua ichamonae pawũcame pocotsiwa xua panantawenoname.

*Meje yabara poxonae Jesucristo pon jiwi Pecanamataxeinaein equeicha caewa patopaetsica*

<sup>13</sup> Patamonae pam, paichichipan xua painya neyaputaewa po coyene pexainyei coyene, xua petũpaewi yabara. Matautano jopa paichichipaeinyo xua be wecoyeya pajinompaem icha be ichamonae ichi pomonae jopa pejume cowũntsiwi Nacom. Barapomonae be wecoyeya jinompa jopa xanepanaya pewũnae ewatsixae po coyene xua

poxonae petupaewi equeicha asu tsane. <sup>14</sup> Waxainchi jume cowuntatsi xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowuntatsi xua Nacom bara cana ichi tsane pomonaetha pomonae bayatha werapa. Barapomonae pejume cowuntsixae Jesús, poxonae werapa asu jujuina exanaeinchi xua Nacom exanaena. Nacom barapomonae baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

<sup>15</sup> Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa. <sup>16</sup> Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueije matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowuntatsi xua pomonae bayatha yacui werapaeya othopa bapomonae copiya asu jujuina exanaeinchi. <sup>17</sup> Bapoxonae cotacaya waxainchi pomonae cataunxuae asu jinompatsi, pomonae wajume cowuntsiwi Jesús naca cayawa muxuna caetucaetutsiya caponaena pomonae copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. <sup>18</sup> Daxota barapo jumetha caemonae nantiya pana najuntu coyene tsacabare xua painya neyaputaewa tsane, po coyene xua pewerapaewi yabara.

## 5

<sup>1</sup> Patamonae pam, jopa nantawenonaeinoyo xua yabara pacata tinatsi matakabi, yawa dapae yabara xua poxonae Jesucristo pepatopeicaewa tsane. <sup>2</sup> Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha. <sup>3</sup> Poxonae jiwi jei tsane: “Maisa juntema jinompatsi tsipei daxita wuna tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacupa tsainchi xua panenebiyaena barapo peatenewa weya. Jiwi atene exanaeinchi icha yabayo ichi xua bichocono bewa atene tsane xua pexuyo poxonae naexanaena. <sup>4</sup> Patamonae pam, paxam jopa dapocotsimonae pam, pocotsimonae jopa jume cowuntsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa. <sup>5</sup> Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowuntsi jiwixae Nacom. Barapocotsimonae be pomonae poxonae jinompa pequireiwatha, jopa beta jinompaeyo pequirei tsuncuaexae. <sup>6</sup> Pomonae jopa pejume cowuntsiwichi Jesucristo barapomonae jopa tsaca jinompaeyo xua pewuna ewatsinexa Jesucristo pia pepatopeicaewa tsica tsane. Barapomonae be pocotsimonae xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompaewa poxonae wuna ewatatsi Jesucristo pia pepatopeicaewa tsica tsane. <sup>7</sup> Pomonae ba xua maita, bara merawi maita. Iruu pomonae ba cupatsi peatsaxa mera, bara merawi cupatsi. Daxita barapomonae jopa xapain Jesucristo wuna ewatichi. <sup>8</sup> Ichitha waxainchi wajume cowuntsixaetsi Jesucristo, daxota bewa juntu coyene coxonaetsi xua tsaca jinompatsi

xua waw<sub>h</sub>nae ewatsiwa Jesucristo. Waxainchi xanepanaya bewa beta jume cow<sub>h</sub>ntichi Nacom. Mata<sub>h</sub>tano bewa beta nantiya naantobetsi. Barapo coyenebe naca j<sub>h</sub>nt<sub>h</sub> coyene yaitata xua jopa abe exanaetsi, icha soldadomonaepin ichi xua nayaitata penainto<sub>h</sub>tha xua nantacari xatata xua pecawatsiyainwatsi dejonatha. Barichi waxainchi bewa jume cow<sub>h</sub>ntsiya w<sub>h</sub>nae ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasipabe exanaeyainwatsi. <sup>9</sup> Nacom jopa naca itapetsiyo xua wanaca atene exanaenexa wanatsicuent<sub>h</sub>siwaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsit<sub>h</sub>paexae naetotha pon Wanacanamataxeinaein. <sup>10</sup> Jesucristo naca tsit<sub>h</sub>pa naetotha wanaca bar<sub>h</sub> jinompaewa tsane pia nacuatheicha, bequein waxainchi bayatha werapatsi, yawano ichacuitha bequein waxainchi awiya as<sub>h</sub> jinompatsi, poxonae bapon patopaetsica. <sup>11</sup> Daxota paxam bewa awiya daxita nantiya pana naj<sub>h</sub>nt<sub>h</sub> coyene tsacabim. Mata<sub>h</sub>ta bewa nantiya pana naaj<sub>h</sub>nt<sub>h</sub>coyenes<sub>h</sub> exanaem beta painya nejume cow<sub>h</sub>ntsinexa icha paichiponaem xua anoxuae paexanaponaem.

*Meje yabara xua Pablo muxuweta pomonae Jesucristo pejume cow<sub>h</sub>ntsiwichi*

<sup>12</sup> Patamonae pam, paca muxuwetatsi xua pabar<sub>h</sub> cui itura jinare pomonae painya xantha Nacom tanacuitatsi xua pomonae paca matakapona. Barapomonae paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa. <sup>13</sup> Bewa barapomonae beta pabar<sub>h</sub> cui itura jinaem peainya cui jiwixae. Mata<sub>h</sub>tano bewa bichocono paantobem xua barapomonae betiya painya nepaca mataxeinaexae. Daxita pam nantiya j<sub>h</sub>ntema jinompa pana naexande.

<sup>14</sup> Patamonae pam, paca itorobatsi xua jume daunweya pamuxuwere pomonae afaetabi xua penacuichiwa. Paj<sub>h</sub>nt<sub>h</sub> coyene cui tsacabare pomonae j<sub>h</sub>nt<sub>h</sub> coyene junuwiya jinompa ichamona atene peexanaexae barapomonaetha. Mata<sub>h</sub>tano payawende pomonae jopa aj<sub>h</sub>nt<sub>h</sub>coyenes<sub>h</sub>ya jinompaeyo Nacomtha. Bewayo payawende barapomonae xua jopa painya neaitaconaewam.

<sup>15</sup> Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya paj<sub>h</sub>juteibare xua nantiya painya nenata exaneibinexa, xuano ir<sub>h</sub> daxita jiwino.

<sup>16</sup> Barab<sub>h</sub> tsitecaeya paj<sub>h</sub>nt<sub>h</sub> coyene weiweina dubenanaebiyama. <sup>17</sup> Daxita matakabi Nacomtha patsipaebeibare matowa. <sup>18</sup> Daxita pocotsiwa pacata exana bequein jopa pacata w<sub>h</sub>naeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom maisa paj<sub>h</sub>nt<sub>h</sub> coyene weiweinan xua pata tana neyawenaewam poxonae bequein painta daunwei tsaibi”, pajam tsaibinde. Poxonae baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca bar<sub>h</sub> jinompaexae.

<sup>19</sup> Jopa paitawetsinde Nacom pia Pejumope t<sub>h</sub>nax<sub>h</sub> tatsi poxonae paca itoroba pocotsiwa bewa paexanaem. <sup>20</sup> Jopa pajume itawetsinde po diwesi xua ichamona peaba pomonae Nacom Pejume Diwesi pepaebiwi. <sup>21</sup> Incane pajume taema daxita po diwesi xua barapomonae peaba icha bara metha xaniwaicha po diwesi pona Nacom weya. Saya paitapere po coyene xua pexainyeiwa. <sup>22</sup> Daxita po coyenein peabe coyenein panaitemare xua jopa painya neexanaewam abe peexanae coyenein.

<sup>23</sup> Bara Nacom, pon j<sub>h</sub>ntema jinompa naca exana, barab<sub>h</sub> barapon paca j<sub>h</sub>nt<sub>h</sub> coyene ayarus<sub>h</sub> exanaena xua j<sub>h</sub>pa paca cana exanaena icha bapon ichi xua j<sub>h</sub>nt<sub>h</sub> coyene xanepana. Mata<sub>h</sub>tano barab<sub>h</sub> Nacom paca j<sub>h</sub>nt<sub>h</sub> coyene xanepana exanaena painya nej<sub>h</sub>jinompaewa tsane bapon nexa xua jopa painya nexainaewam penatsicuent<sub>h</sub>siwa xua abe painya neexanaexae bapontha. Barab<sub>h</sub> Nacom beta paca jumope eenaena, yawano xua painya j<sub>h</sub>nt<sub>h</sub> coyenewa, mata<sub>h</sub>tano xua painya pepon xua Jesucristo nexa pon Wanacanamataxeinaein xua beya poxonae bapon patopaetsica. <sup>24</sup> Nacom ponxae

xua paca wun duba pia paca exanaenexa piamonae tatsi, bapon xainyeya pepaebin. Matautano bapon exanaena pocotsiwa xua bayatha yabara paca tsiwuna nae muxu duta.

*Meje yabara xua Pablo najume wetsiya paeba*

<sup>25</sup> Patamonae pam, painta Nacomtha wun queibare.

<sup>26</sup> Antobeya painta jacobare daxita pomonae patamonae pomonae Jesucristo pejume cowantsiwichi.

<sup>27</sup> Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonae Jesucristo pejume cowantsiwichi”, paca jeichi.

<sup>28</sup> Jesucristo, pon Wanacanamataxeinaein, barabun paca yawena pia paca necaantobewaxae.

Baja Pablo, irun Silvano, irun Timoteono ponbe necueyatabe.

## Meje Po Carte Cotacaya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonae Tesalónica tomarapiwi pam, pomonae panacaetutame xua wunaey painya nejainchinexa Nacom. Paxam iru pomonae pejume cowantsi jiwi pam, pomonae painya neyawa jinompaewi Nacom, pon Waxa. Matauta paxam pomonae xua painya neyawa jinompaewi Jesucristo, pon jiwi Pecanamataxeinaein. <sup>2</sup> Barabu Nacom, Waxa, iru Jesucristo, pon jiwi Pecanamataxeinaein, paca yawenaena pia paca necaantobewaxae xua juntu coyene weiweinaya painya nejinompaewa tsane. Matautano barabu betiya xanepanaya jantemiya jinompa paca cana exanaena.

*Meje yabara xua poxonae Nacom yabara paebina jiwi xua penatsicuentisiwa xua abe peexanaexae poxonae Cristo equeicha patopaetsica*

<sup>3</sup> Patamonae pam paxam pomonae iru painya nejume cowantsi jiwixae Jesucristo. Bewa pacata wucaponeibinchi Nacom, xua pata jei tsaibiwa: “Nacom maisa pajuntu weiweinan xua Tesalónica tomarapiwi beta xanepanaya cajume cowanta”, xua pata jei tsaibiwa tsane Nacomtha. Baxua painta wunaey xua paexanan, tsipei equeicha matowa mataropeichiya pajume cocowantaroname. Matautano equeicha matowa nantiya pana naantobem tsozonaem xua daxita paxam. <sup>4</sup> Daxota juntu coyene weiweinaya paca yabara paebatsi Nacom piamonaetha xua ichamonae matabuxu. Paca yabara jeichi: “Maisa Tesalónica tomarapiwi jume cowanta beta, yawa saya beta dubenanaebiya poxonaey bequein atene exanatsi abeya peyabara paebeibixaetsi ichamonae. Matautano barapomonae beta exana dubenanaebiya xua bequein atene exanatsi xua poxonaey ichamonae abe peexaneibixaetsi”, paca yabara jeichi barapomonaetha. <sup>5</sup> Baxuan tsita itapeinya xeina xua poxonaey bequein Nacom yabara paeba jiwi xua penatsicuentisiwa yawa peraxa jubitha barapo jiwi, barapara xanepanaya exana. Tsipei barapo jiwi natsicuenta Nacomtha abe peexanaexae. Daxota Nacom bara paca yabara cui copata xua painya patsinexa pia peitorobi nacua beicha tatsi, tsipei bichocono paatenem painya nejume cowantsixaem bapon.

<sup>6</sup> Pomonae xua paca atene exana, bexa tsane Nacom xuya cana exanaena xua barapomonae peraxa jubinchi. Barapara Nacom baxua beta exana pia abe pacata exanaexae barapomonae. <sup>7</sup> Nacom paca nafifina capanenebiya exanaena xua paca yabara cui opi ducua exanaena xua ichamonae atene paca exana. Iru paxantha barichi tsane Nacom, xua poxonaey Jesús patopaetsica, pon jiwi Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapuswatha patsicaena. Matautano Jesús muxuna patopeicaena pexeinya peitupanaey coicha xua be isoto. <sup>8</sup> Jesús patopaetsica xua atene peexanaenexa jiwitha abe peexanaexae pomonae jopa yaputaeyo Nacom, penaitematsixaetsi. Matautano atene exanaeinchi pomonae jopa jume cowantsiyo Jesús pia pecapanenebiyae jume diwesi tatsi, pon Wanacanamataxeinaein. <sup>9</sup> Barapo jiwi ataya tsitecaeya ajuntucoyenetane tsane tsana penobixae tsainchi taju beya xua bapon pon jiwi Pecanamataxeinaein pia xainya weya tatsi. Matautano barapo jiwi jopa tae tsane pon jiwi Pecanamataxeinaein pia pexeinya peitupanaey coicha tatsi, xuano xua pia peayapusu itorobiwa tatsi xua bichocono pexeinya coyene. <sup>10</sup> Baxuan Nacom exanaena po matabitha abu poxonaey

patopeicaena pon jiwi Pecanamataxeinaein, xua daxita piamonae pebarũ cui itura jinænexa tsainchi. Mataũtano bapon daxita piamonae nabenaecaeya wũnae jainchinchipomonae pejume cowũntsiwichixaetsi. Paxam bara paichim tsane barapo matabitha painya nejume cowũntsixaemxae po diwesi jume bayatha paca tsipaebatsi.

<sup>11</sup> Daxota ataya paca yabara wũqueibatsi Nacomtha. Pajan: “Nacom yawende barapomonae xua jinompaena po coyeneya icha xua xam ichichipame poxonae wũn dubame barapomonae xua penaexanaenexa jinyamonae. Mataũtano yawende barapomonae pewetsinexa tsane jinya neayapusũ itorobi coyenewatha po coyene xua wũnae, po coyene barapomonae ichichipa xua peexanaewa. Mataũtano yawende barapomonae pewetsinexa po penacuichiwa exana necajume cowũntsixae”, pajan Nacomtha. <sup>12</sup> Icha beta pajinompaeme, jiwi wũnae jainchina Jesús, pon Wanacanamataxeinaein, painya nejume cowũntsixae tsane bapontha. Mataũtano Jesús cana exana xua barapo jiwi wũnae paca jainchina painya paca cataexae tsane xua Nacom paca yawena, pia paca necaantobewaxae, xuano xua Jesucristo paca yawenarũ pia paca necaantobewaxae pon jiwi Pecanamataxeinaein.

## 2

### *Meje yabara xua equeicha patopaetsica pon jiwi Pecanamataxeinaein*

<sup>1</sup> Patamonae pam, anoxuae nama yabara bepaca tsipaebinchi xua Jesucristo, pon Wanacanamataxeinaein, equeicha pepatopaewa tsica. Mataũtano ichichipan yabara xua tapaca tsipaebiwatsi xua wanaca barũ nacaetutsiwa bapon. Daxota jume daunweya paca tsipaebatsi baxua. <sup>2</sup> Icha ichamonae paca tsipaeba xua pinae anoxuae matabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepijawa payabara najũntũ coyene cabenaecaename xua daxota jopa beta pananta xeinaem. Jopa bichoina payabara jume cowũntsinde bequein paebitha tsane xua pinae baxua barapomonae tsipaebatsi Nacom pia Pejumope tũnaxũ tatsi. Mataũtano painya xoba payabara jume cowũntame bequein paebitha tsane xua pinae baraxua yabara paebandũ. Mataũtano painya xoba payabara jume cowũntame bequein paebitha tsane xua pinae barapomonaetha baraxua payabara tinandũ. <sup>3</sup> Jopa pacopatsinde xua ichamonae yabara paca muxutoroba baxua bequein pinmonae paca tsipaebitha tsane baxua. Tsipei baxua pewũnaeya tsane xua poxonae barapo matabi jopaena, bewa matha patopaena xua po coyene jiwi Nacom naitematinchinchi. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounayiyo. <sup>4</sup> Bapon Nacom abe yabara paebinchi. Bapon jopa tsita ainya cuiyo tsainchi daxita pocotsiwa jiwi wũnae jainta. Mataũtano bapon jopa tsita ainya cuiyo tsainchi bequein po nacomũn jiwi exana. Bapon pia coutha penacanamataxeinaein naexana xua peewatsiwa daxita pocotsiwan Nacom piawa, xua pia wũnae jaintichi, xua jiwi wũnae jainchina. Mataũta bapon ecaena Nacom pin pia botha xua pia coya Nacom najainta.

<sup>5</sup> ¡Bara baxuan yabara caena bayatha paca tsipaebatsiba poxonae cataunxuae paca barũ popoinchi! ¿Bara pajũntemainame jampa? <sup>6</sup> Anoxuae paxam payabara yaputaneme po coyene xua peayapusũ itorobi coyenewa bapon cui matawentatsi xua pepatopaewa. Saya beya jame patopaetsica poxonae barapo matabi tsane xua bapon copatinchi xua pepatopaewa tsica tsane. <sup>7</sup> Pinmonae anoxuae bichocono abe exanapona. Saya waxainchi yabara yaputaenchi baxua Nacom pia wanaca yaputane exanaexae wajume cowũntsixae. Nama pomonae jopa jume cowũntsiyo jopa yabara yaputaeyo baxua. Saya meisa acoibi xua pitinchi pon xeina barapo peayapusũ itorobi coyenewa xua pecui matawentsiwatsi pontha pon bichocono abe peexanaein. <sup>8</sup> Saya bapoxonae naitũtsina bapon pon bichocono abe peexanaein. Ichitha poxonae Jesús,



pon jiwi Pecanamataxeinaein patopaetsica, bapon bexubina pon bichocono abe peexanaein bexubinchi poxonae ofutarabina, xua ataya weraweraca pecana exanaenexa pexeinya peitapanae coicha peyawa naitatsiya patopeicaexae tsane. <sup>9</sup> Pewanaeya tsane xua poxonae Jesús bexubina pontha pon bichocono abe peexanaein, Satanás pon caurimonae pia pentacaponaein tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusuwa yawa patopaena. Matautano bapon daxita coyeneintha pexeinya petsita itubiwana exanaena peayapusuwatha xua jopa xainyeyo xua jiwi pemuxujainyabinexatsi. <sup>10</sup> Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowantsiwa pexainyei jume diwesi po diwesi xua barapomonae pecapanenebiyaenexa tsainchi. <sup>11</sup> Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowantsina barapo penaerabi diwesi jume. <sup>12</sup> Pomonae jopa bejume cowantsiyo pexainyei diwesi jume barapomonae saya ichichipa nawita xua peabe coyenewan exana. Barapomonae Nacom caununaya itawetsina poxonae yabara paebina xua barapomonae Nacom tsita natsicuentatsi xua abe peexanaexae.

*Meje yabara pomonae Nacom itapeta pecapanenebiyaewa tsane*

<sup>13</sup> Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita matabi pacata wuqueibinchi Nacomtha. Bewa pajan tsaibin tsane: “Nacom maisa pajuntu coyene weiwein beta necajume cowantsixae Tesalónica tomarapiwi”, bewa pajan tsaibin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonae aena Nacom forota barapo cae pin nacuathe. Nacom baxua exana pia peayapusuwatha po peayapusuwa pia Pejumope tunaxu tatsi xeina ponxae paca juntu coyene xanepana exana Nacom nexa. Matautano baxua exana poxoru painya nejume cowantsixae pexainyei diwesi jume. <sup>14</sup> Daxota Nacom bayatha paca waba bapon painya nejume cowantsinexa poxonae paca cuidubatsi Nacom pia pecapanenebiyae diwesi jume. Daxotano paca waba xua Jesucristo pon Wanacanamataxeinaein painya nenabaru xeinaenexa pia pexeinya peitapanae coyenewan.

<sup>15</sup> Patamonae, daxota pajume cowanta dubenanaebiyama equeicha matowa. Painya xoba pajantemainame po pecuidubiwana xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi. <sup>16-17</sup> Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya juntu coyenewatha. Matautano Nacom naca cata xua wawu nae ewatsiwa pocotsiwa xua bapon naca catapaeba, pocotsiwa xua wu nae. Paca yabara paebatsi bapontha. Matautano paca yabara paebatsi Jesucristo tha pon Wanacanamataxeinaein. Pajan baponbetha: “Barabu payawenaenamebe Tesalónica tomarapiwi. Barabu pajuntu coyene cui tsacabinamebe barapomonae. Matautano barabu juntu coyene jume cowantsiya ayarusu ya pacana exanaenamebe barapomonaetha, xua pia pepaeibinexa pocotsiwa wu nae xuano pia peexaneibinexa pocotsiwa xanepana”, pajan baponbetha.

### 3

*Meje yabara poxonae Pablo namchi: “Painta Nacomtha wu care”, jei*

<sup>1</sup> Patamonae, paxam pomonae pam pomonae iru painya nejume cowantsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha wu care xua xain pon jiwi Pecanamataxeinaein pejume diwesi tatsi awiya nainya taju patsipaebaponaein daxita nacuantha. Matautano painta wu care xua xain ichaxota patsipaeban barapo diwesi daxita jiwi beta jume baru

jejei peainya cui diwesixae, icha paichim poxonae pajume taneme barapo diwesi. <sup>2</sup> Matautano Nacom painta wncare xua xain Nacom jopa copatsiyo xua painta abe exana pomonae bichocono ajntucoyenebe. Tsipei jopa daxita jiwiyo pomonae beta jume cownta po diwesi patsipaeban. <sup>3</sup> Ichitha jame bara ita coxoinchi xua wajume cowntsiwa pon jiwi Pecanamataxeinaein tsipei bara bapon xainyeya naca yawena. Matautano bapon paca jntu ayapusuya exanaena. Matautano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuiru coyenewan. <sup>4</sup> Bara paca yabara jume cowntatsi xua bara bapon pon jiwi Pecanamataxeinaein paca yawena. Bapon paca yawenaena xua paexaname, xuano xua paexana dubenanaebiyaename pocotsiwan xua paca itorobatsi. <sup>5</sup> Barabu bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Matautano barabu paca yawenaena xua awiya antucoyenesuya painya nejume cownta dubenanaebiyaenexa tsane. Bapoxonae bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxonae jiwi barapocotsi coyene exana jopa aitaconaeyo.

*Meje yabara poxonae Pablo yabara paeba xua jiwi bewa nacuichina*

<sup>6</sup> Patamonae pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo pabaru jinompame peafaetabi jiwi pomonae aichaxaibi nacuita, xua pomonae iru pejume cowntsiwixae. Barapomonae jopa yabara jume cuiya exanaeyo po pecuidubi coyenein xua Jesucristo weya bayatha, xuano xuya barapomonaetha pacuiduban. <sup>7</sup> Paxam payaputaneme, xua bewa xanepanaya betiya pajinompam, icha bayatha paichin. Poxonae paca baru jinompatsi jopa paacoyenefaetabinyo, apara panacuitan nawita. <sup>8</sup> Poxonae paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apara daunweya panacuiteiban merawintha matakabinthano xua jopa daunweya pata pacata exanaewatsi tsainchi. Jopa panantawenonaem xua painta comocame pexaewa. <sup>9</sup> Bequein pana yabara cui copata xua pata paca wncawatsi pata neyawenaenexam tsane, ichitha bara pana netaneme xua pexaewa pana natsiupain nacuitan, xua iru bara painya neichinexaru. <sup>10</sup> Tsipei poxonae paca baru enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo bu jopa xae tsane”, paca jeiche. <sup>11</sup> Ichamonae pana tsipaeba xua painyamonaе jiwana yabara, xua pinae painyamonaе jiwana jopa natsiupain nacuichiyo pexaewa. Saya pinae dubenanaebiya. Barapomonae saya pinae ichamonae yabara yuyjeichi. Barapomonae jopa pinae exanaeyo piawa. Saya pinae penabaru yuyjei poxonae ichamonae eneibatsi poxonae nacuiteiba. <sup>12</sup> Barapomonae pomonae saya dubenanaebiya, paitoroban pajanje: “Tsipei Jesucristo pana cata pia peitorobi coyenewa pon jiwi Pecanamataxeinaein, daxota pecono jumeyotha paca tsipaebatsi. Bara panacuire painya nenacuichiwa xua pexaewa painya natsiupain nacuichinexa. Jopa ichamonae payabara nabaru yuyjande”, pajanje.

<sup>13</sup> Ichitha paxam patamonae pam, pomonae pam iru pajume cowntame jopa paajntucoyenefaetabinde xua xanepanaya painya neexanaewam. Awiya xanepanaya paexanaponde. <sup>14</sup> Icha ichan painyamonaе jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabaru jinompaeinde, xain bapoxonae aura xua jopa peexanaexae xua barapo cartathe papaeban. <sup>15</sup> Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Matauta maisa bapon patsipaebare icha paichim poxonae patsipaebame pontha pon pejume cowntsin.

*Meje yabara xua Pablo najume wetsiya paeba*

<sup>16</sup> Jesucristo pon jiwi Pecanamataxeinaein xua junte ma popona peyacuiya jinaein, b<sub>u</sub> bara barapo junte ma pejinompae coyene paca catsina daxita matacabin tsaibi poxonae bequein ichamonae abe pacata exaneiba. Barab<sub>u</sub> bapon pon jiwi Pecanamataxeinaein xae daxita paxam paca bar<sub>u</sub> jinompaena.

<sup>17</sup> Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacartantha barapo jume couxi wetsiya tineiban icha barapo carte ichi. <sup>18</sup> Pon Wanacanamataxeinaein, Jesucristo, barab<sub>u</sub> daxita paxam bichocono paca yawenaena pia paca antobexae.

Baja Pablo, ir<sub>u</sub> Silvano, ir<sub>u</sub> Timoteono ponbe necueyatabe.

## Meje Po Carte Copiya Pablo Tatina, Timoteo Tatinatsi

### *Meje yabara poxonae Pablo tamropata pitaba xua tatina, Timoteo tatinatsi*

<sup>1</sup> Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacacapanenebiyaein neitoroba. Matautano Jesucristo, pon Pecanamataxeinaein jiwi, pon wunae ewatatsi iruru neitoroba. <sup>2</sup> Timoteo, xam cata tinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua juntea popona jinya necaexanaenexabe.

### *Meje yabara xua Pablo yabara muxuweta pomona abeya pecuidubiwi pia pecuidubi coyenewa tatsi pecuiyainwa*

<sup>3</sup> Poxonae matha cain muxu taponae Macedonia nacua beya, bapoxonae jume daunweya cajeichi, janje: “Ecare Efeso tomaratha jinya necui itorobinexa tsane pomona abeya pecuidubiwi pia pecuidubi coyenewatha. Barapomona seicayiia cuiduba ichi be jopa paxan ichiyo pomona Jesucristo pia peitorobi jiwi tatsi panxaein. Itorobare xua barapomona jopa cuidubi tsane ichamonaetha barapo coyene po coyene xua jopa xainyeyo. <sup>4</sup> Matautano barapomona jopa bewa juntea coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamona wajume cowantsixae Nacom.

<sup>5</sup> Xua tapaebixae xua barapo peitorobi coyenewatha paeba apara xua daxita jiwi nantiya caemona penaantobenexa tsane. Barapo peantobe coyenewa jiwi pia juntea coyene wetsina pona poxonae pia juntea coyenein xanepana xua jopa xeinaeyo peabe coyenewa yawa poxonae barapo jiwi pia coutha najuntea coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia juntea coyene wetsina pona poxonae barapo jiwi xaniwaicha jume cowanta Nacomtha. <sup>6</sup> Ichamona jopa xeinaeyo barapo peantobe coyenewa poxoru jume itaweta, matautano poxoru najuntea coyene eena exana penajume matsontsonobi diwesin. <sup>7</sup> Barapomona ichichipa becuidubina Nacom pia peitorobi diwesi jume. Bequein barapomona baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomona jopa yabara yaputaeyo po coyeneya xua atsaquiya yabara cuiduba ichamona Moisés pia peitorobi diwesi jume.

<sup>8</sup> Bara yaputainchi xua Moisés pia peitorobi diwesi wunae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa. <sup>9-10</sup> Waxainchi matautano yaputainchi xua Nacom pia peitorobi diwesi jume jopa barapomona nexiyo pomona bayatha pejuntea coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomona nexa pomona meje: pomona jopa exanaeyo pocotsiwa Nacom pia peitorobi diwesi jumetha itoroba; pomona jopa jume cowantsiyo Nacom; pomona jopa ichipaeyo Nacom; pomona abe peexanaewi; pomona jopa juntea coyene xanepanaeyo Nacomtha; pomona aichaxaibi Nacom pia peitorobi diwesi jume; pomona pia paxeiwi pebewi; pomona pia pena jiwi pebewi; pomona jiwi pejutebiwi; pomona penata siwa xeinaewi yabuxitha xua jopa piseuri jiwi; pomona cae pebiwi penaisamaichi jiwi xua be yabuxi penatsicotae jiwi; pomona paratixi xeineiba xua ichamona pejiwana noteibixaetsi poxonae equeicha caewa pejiwana canawibeibixaetsi; pomona

jiwi pemuxuitorobiwi; pomonae naerabiya jume daunweya paeba xua ichamonae naerabiya peyabara paebiwatsi. Barapo peitorobi jume iruru barapomonae nexa daxita pomonae seicayiya yabara jume toxechiya exana po coyene xua Jesucristo pia pexeinya pecuidubi coyenewa. <sup>11</sup> Barapo pexeinya pecuidubi coyenewa, bara najume jurabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xuano bichocono pejantu coyene weiweinaein. Barapo diwesibe Nacom itoroba xua tacueicueijejiwa tsane.

*Meje yabara poxonae Pablo juntu coyene weiweina Jesucristo*

<sup>12</sup> “Juntu coyene weiweinan tanecatsixaemxae peantu yapusawa”, jan Jesucristo, pon Wanacanamataxeinaein. Bapon necata peantu yapusawa tacueicueijejiwa tsane jiwitha Nacom pia Pexeinya jume diwesi tatsi. Bapon neyabara nanta xeina xua bara beta jume cowantan, daxota necana exana xua xan pia petanacuichin tatsin. <sup>13</sup> Bapon baxua inta exana bequein bara bayatha bapon abeya yabara paeban. Matautano bapon piamonaetha tatsi abeya tacana exanan. Matautano abeya tayabara paeban barapo pijimonae tatsitha pomonaetha pomonae pia pejume cowantsi jiwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonae jopa jume cowantsinyo Jesucristo poxonae abe exanan. Matautano jopa yaputaeinyo pocotsiwa xua bayatha exanan. <sup>14</sup> Daxota Nacom pon Wanacanamataxeinaein bichocono amanaya neyawena taneantobexae. Nacom nejantu coyene yuca exana po pejume cowantsiwa xuano xua po peantobewa tsita xeinatsi Cristo Jesús.

<sup>15</sup> Cristo Jesús patopeica po cae pin nacuathe tsique pecapanenebiyaenexa tsainchi pomonae abe peexanae jiwi, xua capanenebiyatsi abe pia peexanae cuiru coyenein weya. Pomonae abe peexanae jiwi barapomonae jiwanan xua bichocono abe taexanaein beyacaincha barapomonae poxonae abe exana. Baxuan apara xainyei pocotsiwa xua yabara paeban. Jiwi bewa jume cowantsina baxuan. <sup>16</sup> Bequein bichocono abe taexanaein, daichitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristo xua poxonae jopa aitaconaeyo. Daxota ichamonae poxonae netaena Nacom exanaena xua barapomonae Jesucristo pejume cowantsiwa tsainchi, pexeinaenexa peantu yapusawa po peantu yapusawa xua ataya tsiteca. <sup>17</sup> Nacom, wnae paca jaintatsi: “¡Xam Nacom pon ataya jiwi itorobiya pepa Neewatsin! ¡Xam Nacom pon bapana jopa tupaem tsane! ¡Xam pon xua jiwi jopa itacupaetsi xua necataewa! ¡Xam yatsicaewa compam pepa Nacomum! ¡Ataya paca tsita baru cui itura jinatsi! ¡Barabu ataya jiwi wnae cajainchina! Je bara ichi tsane”, paca jeichi Nacom.

<sup>18-19</sup> Xam, Timoteom, bara xaniwaicha be taxantom canatsicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwanae muxu duta xua bexa cuidubiname jiwitha Nacom pia pexeinya jume diwesi. Xan caitorobatsi icha be pocotsi coyeneya bayatha barapomonae caitoroba. Cajechi: Jume daunweya antu yapusaya beta exande Nacom pia petanacuichiwa tatsi. Poxonae baxua exaname, beta jume cowantsiya exande, yawa pexeinya juntu coyene xeinare po juntu coyene xua xainyeya natsipaebame, xua jopa abe exanaem Nacomtha, cajechi. Ichamonae bequein beta natsipaeba pijuntu coyeneintha, ichitha barapomonae najuntu coyene barapenta po coyene Jesucristo pejume cowantsiwatsi tsipei jopa jume cowantsiyo pocotsiwa pia juntu coyene tsipaebatsi. <sup>20</sup> Barapocotsi coyene Himeneo exana iruru Alejandro exanaru. Baponbe caenaetanbe pon caurimonae pia pentacaponaeintha tatsi pon Satanás beya poxonae baraponbe nacuidubinabe xua jopa bewa abe yabara paebi tsanebe Nacomtha.

## 2

### *Meje yabara xua Pablo yabara cuiduba po coyene xua Nacomtha petsipaebiwa*

<sup>1</sup> Copiya caitorobatsi baxuanje xua exanaename: Nacomtha tsipaebare daxita jiwi nexa; Nacomtha wɔcare xua Nacom peyawenaenexa daxita jiwi; yawa jande Nacomtha: “Nacom, maisa jɔntɔ coyene weiweinan xua daxita xanepanaya jinya ne-taexanaewam jiwi”, jande. <sup>2</sup> Bewa Nacomtha tawɔcaename daxita nacua peewatsi-wimona. Mataɔtano bewa Nacomtha tawɔcaename daxita pentacaponawimona. Baxua bewa exanaename xua jɔntema beta wajume cowɔnta dubenanaebiyaenexa Nacomtha, yawa jɔntema wajinompaenexa jiwi peitɔtha. Barapo jɔntema wajinompaewa bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha. <sup>3</sup> Barapo coyenein jame Nacom tsita wɔnaetsi pon Wanacacapanenebiyaen. <sup>4</sup> Nacom bichocono ichipa xua daxita jiwi pecapanenebiwa tsainchi abe pia peexanae cuiru coyenein weya. Mataɔtano Nacom ichichipa xua jiwi yaputaena pocotsiwa xua pexainyei coyenewa. <sup>5</sup> Meisa compa Nacom pon pepa Nacom, bapon meisa popona. Barichi saya meisa caein pon itacɔpatsi xua jiwi yabara jume yawenatsi Nacomtha, apara barapon Jesucristo. <sup>6</sup> Jesucristo copata xua bara naetotha tsitɔpa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonae Jesús tɔpa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi. <sup>7</sup> Daxota Nacom newɔn duta, jeye: “Bapon apara pon tajume diwesi pecaponaen yawa bapon taitorobi jiwi jiwanapin”, jei Nacom. Bara xaniyeya paeban, jopa naerabinyo. Daxota Nacom neitoroba tacuidubinexa pomonaetha pomonae jopa judiomonae naexanaeyo xua Nacomtha pejume cowɔntsiwa yabara yawano xua Nacom pia pexainyeiwa yabarano tatsi.

<sup>8</sup> Daxota ichichipan xua daxita nacuanpiwi Nacom pewɔcaewa tsainchi. Poxonae wɔcaena Nacomtha bewa namaxɔ yoichaena xua yatsicaewa pexeinaexae tsane rejɔntɔ coyene xanepanaewa. Mataɔtano jopa bewa yajɔntɔ coyeneya paebi tsane xua peita aenae-aeneiwa ichɔntha. Mataɔtano jopa bewa yajɔntɔ coyeneya paebi tsane xua penajume matsontsonobi coyenewa. <sup>9</sup> Ichichipan xua yabɔxi nama xatabina pocotsi paparuwa be conotha wɔnae. Saya uuranaya jinompaena xua bichocono jopa atsaqui tsane xua pebarɔ yɔyɔjeiwa pebiwitha. Jopa bichocono wɔnaeya nantana fabi tsane. Jopa bichocono nantana pepena exanae tsane pocotsiwatha xua bichocono ainya matoman, pocotsiwa pewɔn oro, mataɔtano pocotsiwa pewɔn perlan. Mataɔtano jopa namaxatabi tsane pocotsi paparuwa bichocono ainya matoma. <sup>10</sup> Jame yabɔxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono wɔnae xua yabɔxi exana, po yabɔxi xaniwaicha jume cowɔntsiya jinompa xua Nacom pejume cowɔntsiwatsi. <sup>11</sup> Yabɔxi bewa saya moya jume naitawatsiya jume taena pocotsiwa xua nacuiduba. Saya bewa moya jume jejei tsane. <sup>12</sup> Tsipei yabɔxi jopa copatsinyo xua cuidubina Nacom Pejume Diwesi pin bicheito itabaratha. Mataɔtano jopa copatsinyo xua yabɔxi pentacaponawewi penaexanaewa tsane pebiwi nexa. Jame bewa yabɔxi saya moya enaena poxonae pejume cowɔntsiwi nacaetuta xua Nacom wɔnae pejainchinexatsi. <sup>13</sup> Tsipei Nacom copiya exana pebin pon pewɔn Adán, baroxonae yabɔyo exainchi powa pewɔn Eva. <sup>14</sup> Caena bayatha Adán jopa muxujainyabichi pon caurimonae pia pentacaponaein tatsi xua abe peexanaewa tsane. Apara jame bapowa Eva muxujainyabatsi, daxota bapowa abe exana. <sup>15</sup> Bequein yabɔyo atene poxonae tanaexanatsi pexuyo, ichitha Nacom capanepaena bapowa icha bapowa jume cowɔntsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

## 3

*Meje yabara xua bewa exanaena pomonae pecanamataxeinaewi pejume cowantsiwi*

<sup>1</sup> Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume cowantsiwichi pecanamataxeinaewatsi, bara baxua bara xanepana. <sup>2</sup> Daxota pon pomonae Nacom pejume cowantsiwi canamataxeinatsi, bapon bewa xanepanaya beta poponaena xua bapon jopa abe peyabara paebinexa tsainchi ichamona. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonae ichamona bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha. <sup>3</sup> Bapon jopa bewa nacupa exanae tsane peatsaxae mera. Yawano jopa bewa bapon naba exanae tsane, saya jame bewa juntea poponaena. Bapon jopa bewa najume matsontsonoba exanae tsane. Yawano bapon jopa bewa pitaparatixichi xua paratixi peasiwiwa. <sup>4</sup> Bapon bewa beta itorobiya canamataxeinaena pia bomonae matabuxuyo. Matautano bapon bewa pia pexui jume naitaewatichi poxonae itorobeiba pia pexui. Yawa pia pexui bewa tsita xeinaetsi pebaru itura jinae coyenewa. <sup>5</sup> Icha barapocotsi jiton ita coxanatsi xua beta itorobiya canamataxeina pia bomonae matabuxuyo, bapon nexata jopa itacupaetsi xua canamataxeina Nacom nexa pomonae Nacom pejume cowantsiwixaetsi. <sup>6</sup> Pebin jopa bewa naexanae tsane xua pomonae Nacom pejume cowantsiwichi pecanamataxeinaewatsi poxonae cataunxuae abu pena pejume cowantsin Jesucristo. Icha bapon pena pejume cowantsin tsipae Jesucristo, metha bapon aebichipa nawita jiwitha, bapoxonae Nacom cana exanaetsipa bapontha, icha be pocotsi coyeneya ichi poxonae caurimonae pia pentacaponaein tatsi itawetatsi, xua Nacom itaweta pia nacia weya, xua Nacom peabixaetsi. <sup>7</sup> Matautano bapon bewa beta poponaena, xua pomonae jopa pejume cowantsiwi Nacom bapon beta peyabara nanta xeinaenexa tsainchi. Icha bapon jopa beta poponae tsane, bapoxonae jiwi abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujuta xua po cui coyeneyatha bapon peexanaenexa.

*Meje yabara pomonae jiwi peyawenaewi pomonaetha pomonae pejume cowantsiwi*

<sup>8</sup> Barichiru pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwatha, barapomonae bewa beta jinompae, xua jiwi pebaru cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nacupa exanae tsane peatsaxae meran. Matautano jopa bewa pitaparatixichi tsane xua paratixi peasiwiwa. <sup>9</sup> Barapomonae bewa beta jume cowantsi Jesucristo po coyene xua Nacom yabara tsita itata xua wajume cowantsiwa, yawano barapomonae bewa muxuna xeinae po juntea coyenetha beta xaniwaicha natsipaebatsi xua jopa abe exanaetsi Nacomtha. <sup>10</sup> Bara matha bu ichamona cui jujutsina barapomonaetha icha beta xaniwaicha jinompa yawa icha ichamona jopa abeya yabara paebiyo barapomonaetha. Bapoxonae barapomonae cana exanaeinchi pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwitha. <sup>11</sup> Barichi yabuxi bewa beta jinompaena xua barapowaxi pebaru cui itura jinaewa tsainchi jiwi. Jopa bewa bapowaxi abe yabara paebi tsane ichamonaetha, xua ichamona abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompae, xua ichamona peyabara jume cowantsiya nanta xeinaenexa xua pocotsiwa bapowaxi daxitan exana pocotsiwan bayatha exanapaebeiba. <sup>12</sup> Barapocotsi

jiwi jiwana jiton pomonae peyawenaewi pomonaetha pomonae pejume cowantsiwi, bapon bewa saya cae piseuri baru jijinaena. Matautano bapon bewa beta itorobiya canamataxeinaena pomonae pia bomonae matabuxuyo xua daxota bewa beta itorobiya canamataxeinaena pia pexui. <sup>13</sup> Tsipei barapocotsi jiwi pomonae peyawenaewi pomonaetha pomonae pejume cowantsiwi poxonae barapomonae beta exana pia petanacuichiwa, bapoxonae ichamonae barapomonae wuna jaintatsi beta pia petanacuichiwaxae. Matautano barapomonae ichamonaetha cui tsacatsacapiya yabara paeba xua pia pejume cowantsiwa xua Cristo Jesús pejume cowantsiwatsi.

*Meje yabara po coyene xua naitata xua po coyene copiya moya peyawun xeinaewa po coyene xua wajume cowantsiwa*

<sup>14-15</sup> Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonae yaputaename po coyene xua jiwi bewa exanaena. Barapo coyene beta xanepanaya penabaru jinompae coyenewa Nacom peitabaratha tatsi, pomonae Nacom piamonae tatsi. Apra yabara paeban pomonae Nacom piamonae tatsi, pomonae Jesucristo pejume cowantsiwichi, pomonae nacaetuta xua Nacom wuna pejainchiwa tsainchi, po Nacom ataya asu pepoponaein. Barapomonae yajuntu coyeneya jinompa Nacom pia pexainyei coyenewa tatsi. Matautano barapomonae yabara jume yawena Nacom pia pexainyei jume diwesi poxonae ichamonae abeya yabara paeba barapo pexainyei jume diwesi. <sup>16</sup> Waxainchi paebatsi jeichichi: “Pocotsiwa jume cowantatsi Jesucristo, maisa bichocono xanepana bara be po coyenewa xua moya peyawun xeinaewa, po coyenewa jiwi jopa yaputaeyo”, jeichichi.

Wayabara jume cowantsiwa baxua meje:

Nacom naexana be jiton pia juntu coyeneya tatsi, xua barapara bapon Cristo.

Nacom pia Pejumope tunaxu tatsi yabara paeba, xua bapon yabara paebatsi,

xua bara bapon yatsicaewa bara Nacom.

Iru matatsunpiwi tane, xua bapon tainchi.

Bapon yabara cueicueijeichi jiwi yabara cueicueijeidaxita nacuanpiwitha.

Daxita nacuanpiwi jiwanamonaenae, bapon yabara jume cowantatsi.

Yawano equeicha bapon peitaboco becaichatsi.

## 4

*Meje yabara xua pomonae naerabiya pecuidubi jiwi pomonae seicayiia cuiduba xua ichi be jopa paxan ichiyo*

<sup>1</sup> Nacom pia Pejumope tunaxu tatsi beta xaniwaichiya jeye xua poxonae po dapae tabu ducuaena xua poxonae po dapaetha Nacom daxita wetsina, bapoxonae pomonae pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomonae napuna ponaena caurimonae po caurimonae jiwi muxuitorobiya muxujainyabatsi. Matautano barapomonae exanaponaena po pecuidubiwa caurimonae pia pecuidubiwa tatsi. <sup>2</sup> Matautano barapomonae jume naitawatsiya jume taena pocotsiwa paeba pomonae jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po jejuntu coyenetha xanepanaya natsipaeba poxonae abe exana. Daxota barapomonae jopa yaputaeyo po juntu coyene xanepana. <sup>3</sup> Barapomonae pomonae pemuxuitorobi jiwi, jiwi cui matawentatsi xua jitha peenaewa. Matautano jiwi jain matawentatsi xua jopa xae tsane icha penabanaewan, bequein taetha xua barapo penabanaewan Nacom tsijain exana jiwi. Pomonae pejume cowantsiwi xuanoe pomonae peyaputaewi Nacom pia pexainyei coyenewa tatsi,





<sup>15</sup> Daxita barapo coyenein naitematsiya eexanaponde xua ichamonae necacui taenexa xua bara xanepanaya jume cocowantaponame. <sup>16</sup> Dotam xua nejuntū coyenewa cananta xeiname. Matautano dotam xua pocotsiwa necuidubiwam. Awiya beta ajuntūyapusūya jume cowanta ducuaanaebiyama. Icha baxua exanaename jinya coutha nacapanepa exanaename xua Nacom cacapanepaena petūpae cuiru coyene weya. Iru barichim tsane capanenebiya exanaename xua Nacom capanenebiyaena pomonae necajume naitaewatsiwi.

## 5

*Meje yabara xua pocotsiwa Timoteo bewa cuidubina pomonae Jesucristo pejume cowantsiwichi*

<sup>1</sup> Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwi saya bewayo muxuwetame. <sup>2</sup> Pitiriwaxi saya bewayo cuidubare icha be ichim xua poxonae ena saya bewayo cuidubame. Matautano saya bewayo cuidubare penawaxi icha be ichim xua poxonae amcho jiwi saya bewayo cuidubame xua tsita auram. Juntū coyene xanepanaya yabara nanta xeinare barapowaxi, xua jopa abe neexanaewam.

<sup>3</sup> Nacom piamonae, pomonae pejume cowantsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi. <sup>4</sup> Icha ichawayo powayo pecuenta tūpaewayotsi piseuri, icha bapowa pipexui xeina yawa ichacuitha icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae yaweneibina bapowatha. Barapomonae bewa yawenaena bapowatha xua bapowa piamonaexae tatsi. Bapoxonae bapowa jopa nantawenonae tsane xua ichamonae bapowa peyawenaewatsi. Barapomonae bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonae pexui. Jame barapo coyene Nacom tsita coyene xanepanatsi, matautano barapo coyene Nacom juntū coyene weiweina exanatsi. <sup>5</sup> Powa bara xaniwaicha pecuenta tūpaewayotsi piseuri, powa xaniwaicha compa, powa jopa xeinaeyo piamonae matabuxu pomonae peyawenaewichi, bapowa jume cowantsiya wūnae ewata xua Nacom yawenaena xua bapowa yawenaeinchi. Pebaxuanexa tsane bapowa wūqueiba Nacomtha merawintha, yawa matacabintha. <sup>6</sup> Ichitha nama powa pecuenta tūpaewayotsi piseuri, powa saya pia coutha nayabara nanta xeina nawita xua penasiwaimeinchiwa pebiwitha, bapowa saya jopa nanta xeinaeyo xua jume cowantsiya wūnae ewatsina Nacomtha, xua peyawenaewa tsainchi. Daxota bapowa pia juntū coyene tatsi be tūpa, xua Nacom be tsita tūpatsi bara bequein bapowa popona. <sup>7</sup> Daxota xua ichamonae jopa abeya peyabara paebinexa pomonaetha pomonae pejume cowantsiwi, cuidubare barapo peyawenae coyenewa barapomonaetha pomonae pejume cowantsiwi. <sup>8</sup> Meje xua pocotsiwe baxue: Icha pon jopa yabara nanta xeinaeyo xua piamonae peyawenaewa tsane, bapon apara bara exana be poxonae jopa jume cowantsiyo. Bapon apara bichocono ajuntūcoyeneyapubeya exana, beyacaincha pon jopa jume cowantsiyo, pon daichitha piamonae yawena.

<sup>9-10</sup> Barapo paperatha, po paperatha ichaxota saya wūn dubatsi powaxi pecuenta werapaewaxichi piseuriwi, barapo paperatha wūn tinadubare. Saya wūn tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano wūn tinare powaxi xua ichamonae yabara paeba xua pinae bapowaxi xanepanaya exana. Pocotsi coyenein xua poxonae barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta

matenta weiweinaya apateiba pomonae petapateibiwichi pia bontha; yawa bapowaxi taxu quiateiba pomonae pejume cowantsiwi Cristo pomonae petapateibiwichi pia bontha; yawa bapowaxi yaweneiba pomonae peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

<sup>11</sup> Ichitha jopa w<sub>an</sub> tinaeinde powaxi cataunxuae taacoibichi xua xeina sesenta po weibe. Tsipei ichacuitha bapowaxi j<sub>antem</sub>ainetsipa pocotsiwa bayatha Cristo yabara tsiw<sub>nae</sub> muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa. <sup>12</sup> Barapowaxi Nacom yabara paeba xua pinae barapowaxi barapara natsicuenta xua abe peexanaexae, poxoru jopa exanaeyo pocotsiwa bayatha yabara tsiw<sub>nae</sub> muxu duba Cristotha pocotsiwa xua exanapaebeiba. <sup>13</sup> Mata<sub>utano</sub> barapowaxi fifina, jopa ichichipaeyo xua penacuichiwa daxota saya daxita bontha siwa poneiba, mata<sub>uta</sub> saya cueicueijej tsurubenanaebiya xua ichamonae peyabara paebiwatsi pocotsiwa xua jopa xapain pexeinya diwesiyo. Mata<sub>utano</sub> barapowaxi fayacota dubenanaebiya ichamonaetha. <sup>14</sup> Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barab<sub>u</sub> moya jitha enaena equeicha. Barab<sub>u</sub> moya equeicha xexeinaponaena pexui, yawa moya barab<sub>u</sub> xua pia boxi bara beta ewatsina. Mata<sub>utano</sub> barapowaxi jopa bewa abe exanae xua daxota ichamonae pomonae jiwi peaitafaetabi jiwi abe yabara paebina xua abe yabara paebinchi pomonae pejume cowantsiwi. <sup>15</sup> Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponaein tatsi cui itoroba, pon Satanás.

<sup>16</sup> Icha petsiriwa, powa pejume cowantsiwayo Jesucristo, icha bapowa tapopoinchi pia botha pijimonae jiwanaawayo tatsi powayo pecuenta t<sub>upa</sub>ewayotsi piseuri, barapo pejume cowantsiwayo bewa yawenaena bapowatha. Barapo pejume cowantsiwayo jopa bewa copatsi tsane xua pomonae pejume cowantsiwi apatsina pexaewa bapowatha, powa pecuenta t<sub>upa</sub>ewayotsi piseuri. Bapoxonae pejume cowantsiwi itac<sub>up</sub>atsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexeinaexae piamonae matab<sub>uxu</sub> jiwi tatsi pomonae peyawenae jiwichi.

<sup>17</sup> Pomonae pejume cowantsiwi bewa bichocono xanepanaya bar<sub>u</sub> cui itura jinaena xua pitiri jiwi bar<sub>u</sub> cui itura jinaeinchi, po pitiri jiwi betiya xanepanaya canamataxeinatsi pomonae pejume cowantsiwi. Po pitiri jiwi cueicueijej Nacom Pejume Diwesi, mata<sub>utano</sub> xua cuiduba barapo diwesi, barapo pitiri jiwi bewa bichocono xanepanaya bar<sub>u</sub> cui itura jinaetsi yawa bewa pentoma catsibichi beyacaincha icha pitiri jiwi. <sup>18</sup> Nacom Pejume Diwesitha jeye: “Duwein pon pew<sub>an</sub> buey, pon pexu xu tanacaponae xua poxonae nacuitapona jopa wano atsinde pocotsiwa bapon taayapubetsi poxonae nabusi matoma xaexaepona pentacona”, jei. Equeicha Nacom jeye: “Ponba tanacuita ich<sub>an</sub> bapon nantawenona xua xeina pia petanacuichiwa matoma”, jei Nacom.

<sup>19</sup> Jopa cui yopichinde pitirin xua abe exana pon pomonae pejume cowantsiwi canamataxeinatsi icha jopa xeinaem dos poyobe xua ir<sub>uru</sub> cui taner<sub>u</sub> xua ichacuitha tres poyobe xua ir<sub>uru</sub> cui taner<sub>u</sub> pocotsiwa barapo pitirin xua baxua bara exana.

<sup>20</sup> Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cowantsiwi peitabaratha tatsi, xua bapoxonae ir<sub>u</sub> ichamonae pejunuwineya xua abe peexanaewa, icha be poxonae xua bapon ichi.

<sup>21</sup> Caitorobatsi Nacom peitabaratha tatsi yawa Jesucristo peitabaratha tatsi. Mata<sub>utano</sub> caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po j<sub>antu</sub> coyenewatha xua nanta xeiname xua caein pebin bichocono peainya cuin beyacaincha ich<sub>an</sub>. Icha barapocotsi j<sub>antu</sub> coyenewatha cayabara nanta xeinaeya

exanaetsipame jopa xainyeya exanaetsipaem. <sup>22</sup> Abu bepijawa jopa mata jayabinde pitirin, xua pecanamataxeinaenexatsi pomonae pejume cowantsiwi, tsipei icha bapon abe exanaetsipa apra baxua be iru xam yawename xua bapon abe peexanaewa. Dotam jinya coutha beta xanepanaya najuntu coyene eenare xua abe neexanaeyainwa.

<sup>23</sup> Bichocono necotsoroaxewa, yawa bichocono neparaxaewa, jopa saya u meisa apaeinde mera. Jame moya tsiwiyo yawa muxuna apare vino merayo.

<sup>24</sup> Ichamonae cui taneme abe pia peexanae cuiru coyenewan tatsi, pewunaeya xua po mataqueitha poxonae Nacom yabara paebina xua jiwi penatsicuentisiwa xua abe peexanaexae. Ichitha nama anoxuae jopa ichamonae cui taem abe pia peexanae cuiru coyenewan tatsi, apra jame bexa yaputaename po mataqueitha poxonae Nacom yabara paebina jiwi xua penatsicuentisiwa xua abe peexanaexae. <sup>25</sup> Barichi pocotsiwa jiwi xanepanaya exana ichamonae nexa, baxua ba jiwi anoxuae cui tane. Bequein ichacuitha barapocotsi xanepanaya peexanae coyenewan jiwi jopa cui taeyo anoxuae, ichitha bexa tsane jiwi taena barapo coyenewan, tsipei poxoru barapo coyenein jopa bapana ataya tsitecaeya moya peyawun xeinaewa.

## 6

<sup>1</sup> Pomonae ba pebusi cui tatayebeibiwichi, pomonae pejume cowantsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cowantsiyo Jesucristo, barapomonae ba bewa baru cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinexa Nacom pia cui coyenewa tatsi, matautano xain jopa abe peyabara paebinexa pata pecuidubiwa xua pocotsiwa pacuiduban Jesús yabara. <sup>2</sup> Ichamonae pomonae pebusi cui tatayebeibiwichi, pomonae pejume cowantsiwi Jesús, barapomonae xeina pia pecanamataxeinaewichi, pomonae iru jume cowanta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa xeinaeyo pebaru cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa baru cui itura jinae pia pecanamataxeinaewichi. Matautano bewa beta tanacuichi barapocotsimonae, beyacaincha ichamonae pomonae jopa jume cowantsiyo Jesucristo pomonae pebusi cui tatayebeibiwichiru pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae iru jume cowantarú Jesucristo. Matautano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichix-aetsi.

*Meje yabara xua waxeinaewa pepa pexainyei coyenewa xua apra wajume cowantsiwa*

Barapo cui coyene cuidubare jiwitha xua jiwi beta peexanaewa tsane: <sup>3</sup> Ichacuitha ichun cuiduba pocotsi coyenewa xua penaerabiwa. Matautano jopa yabara baru jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanmataxeinaein. Matautano bapon pon ichun jopa yabara baru jume jejeyo po pecuidubi coyenewa xua Nacom juntu coyene xanepana exana jiwitha. <sup>4</sup> Pon ba bara pocotsi coyeneya exana bara apra pon jiwi peabin xua peyaputaenxae. Bapon apra ichitha jopa peyaputaen. Bapon naemata yainyaba nawita ichamonaetha pia xua jiwi penajume matsontsonobinexa bapontha. Daxota barapomonae nantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeba. Matautano nantiya abeya nayabara nanta xeina. <sup>5</sup> Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonae jopa yaputaeyo pocotsiwa pexainyei coyenewa. Bapomonae najei pia coutha: "Icha jan tsane: 'Jume cowantan Jesucristo', jan tsane bapoxonae xain copei nawita xeinaein",

najei barapomonaē pia coutha. <sup>6</sup> Bara xaniyei, poxonaē Jesucristo jume cowantatsi baxua bara bichocono naca yawena. Ichitha saya naca yawena icha waxainchi muxuna xeinatsi wajuntū coyeneintha xua beta jūntema wajinompawewa bequein xua naacopeibi taethatsi. <sup>7</sup> Tsipei poxonaē naexanatsi jopa cayawa naexanaetsi barapo copei po cae pin nacuathe. Matautano tsipei poxonaē werapaeinchi jopa barapo copei cawerapae tsainchi. <sup>8</sup> Ichitha icha xeinatsi pexawewa, yawa paparuwan bara bapoxonaē bewa jūntema jinompaeinchi. <sup>9</sup> Seicaya nama pomonaē bichocono ichichipa xua copei pexeinaewa, barapomonaē exana pocotsiwa caurimonaē pia pentacaponaein tatsi jūntū coyene jūjūta. Daxota barapomonaē exana pocotsiwa xua ichichipa, xua jopa wanaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua barapomonaē peweraweracaewa tsane. <sup>10</sup> Poxonaē jiwi bichocono ichichipa paratixi, bapoxonaē tamropata notarūcūpa xua bichocono abe peexanaponaewa. Barapo peichichipae coyenewa paratixi, jiwi cana exanatsi xua pepentsiwa po coyene xua Jesucristo pejume cowantsiwatsi. Daxota barapomonaē be pia coutha najuntū coyene jopojopei exana xua saya peyabara nanta xeinaexae paratixi, xua peichichipaexae paratixi.

*Meje yabara xua bewa Timoteo beta ajuntūyapusūya jume cowanta ducuaenaebiyana*

<sup>11</sup> Tsipei xam Timoteom Nacom piamonaē tatsi jiwanam, baxuan cuitaya naetsiriware, pocotsiwa po coyenewatha weraweraca necaexanaewa. Beta poponde Nacom nexa xua nejuntū coyene xanepanaewa tsane Nacomtha. Eexanaponde pocotsiwa Nacom ichichipa. Jume cowanta ducuaenaebiyama Nacom, yawano antobe tsurucuaenaebiyama Nacom, yawa jiwithano. Matautano saya jūntema poponaeya exana ducuaenaebiyama pocotsiwa Nacom caitoroba poxonaē ichamonaē bequein cata abe exana. <sup>12</sup> Xanepanaya antūyapusūya jume cowantsiya exana ducuaenaebiyama pocotsiwa Nacom ichipa. Peantūyapusūwa po peantūyapusūwa ataya tsiteca, barapo peantūyapusūwa jopa copatsinde xua necajuntū coyene weaichurucuaewa. Barapo peantūyapusūwa Nacom cacata. Xam baxua xanepanaya yabara paebame pin bicheitoha. <sup>13</sup> Catsipaebatsi Nacom peitabaratha, pon pia peantūyapusūwa cata daxitan coyeneintha. Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi. <sup>14</sup> Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonaē Jesucristo equeicha patopeicaena pon Wanacanamataxeinaein. <sup>15</sup> Poxonaē po mataqueitha Nacom ichichipaena bapoxonaē barapo mataqueitha Jesucristo naitūtsina jiwitha. Jiwi yaputaena xua bapon Nacom meisa compa xeina daxita peayapusū itorobi coyenewan. Bapon meisa compa peyawa jinaein pejuntū coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapusū itorobi coyenewa xeina beyacaincha xua ichamonaē xeina pomonaē jiwi itorobiya pia pepa peewatsiwichi xua irū xeina pia peayapusū itorobi coyenewa. Matautano bapon pon jiwi pia pepa Pecanamataxeinaeinchi pia peayapusū itorobi coyenewa xeina beyacaincha xua ichamonaē xeina pomonaē jiwi pecanamataxeinaewichi. <sup>16</sup> Barapon Nacom meisa compa peyacuiya jinaein peantūyapusūwa po peantūyapusūwa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa itacūpaetsi xua imoxoyo peponaewa xua bichocono pecoicha pexeinaexae. Dapon aibi, pon bayatha tainchi Nacom. Matautano dapon aibi pon itacūpatsi xua Nacom petaewatsi tsainchi. Barabū jiwi Nacom barū cui itura jinaeinchi, xua ataya tsane. Matautano barabū Nacom itorobina jiwitha pia peayapusū itorobiwatha xua bara ataya tsane. Je bara ichi tsane.

<sup>17</sup> Pomonae xua bichocono copei pexeinae jiwi itorobare xua jopa ichamonae aebi tsainchi. Matautano itorobare xua jiwi jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowantsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca juntu coyene weiweina exanaenexa. <sup>18</sup> Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyenewan, icha be juta coyeneya ichi poxonae copei nawita xeina. Barapomonae bewa piawa jiwana wecaenaetsina xua ichamonae pecatsibiwa tsainchi pomonaetha pomonae xua jopa xeinaeyo xua pocotsiwan nantawenona. Matautano barapomonae bewa yawenaena piamonae. <sup>19</sup> Icha barapomonae barapo coyenein exana, bapoxonae barapomonae pia coutha nayawena xua nacui wnaeta pocotsi coyenewa xua bexa tsane, xua daxota bapoxonae pexeinaewa tsane peajntuyapuswa, po peantuyapuswa xua ataya tsiteca.

*Meje yabara xua Pablo najume wetsiya paeba*

<sup>20</sup> Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiwi jopa yawenaetsi. Matautano jopa jume matsontsonoba exanaeinde ichamonaetha pomonae yabara cueicueijei pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo. <sup>21</sup> Pomonae jume cowanta pocotsiwa poxonae yabara cueicueijei peyaputae coyenewa, barapomonae jiwana nacui barapenta po coyene xua Jesucristo pejume cowantsiwatsi.

Barabu Nacom pon jiwi Pecanamataxeinaein, bichocono cayawenaena pia necaantobexae.

Baja Pablo.

## Meje Po Carte Cotacaya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina, Timoteo tatinatsi*

<sup>1</sup> Jaco Timoteo, xan Pablon, Cristo Jesús pia peitorobi jiwi jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwi jiwana tatsin, tsipei Nacom bayatha peexanaexae pocotsiwa bayatha tsiyabara w<sub>h</sub>nae muxu duta jiwitha. Po peyabara tsiw<sub>h</sub>nae muxu dutsiwa, xua Nacom catsina jiwitha peaj<sub>h</sub>nt<sub>h</sub>yapus<sub>h</sub>wa, po peaj<sub>h</sub>nt<sub>h</sub>yapus<sub>h</sub>wa ataya tsiteca. Barapo peaj<sub>h</sub>nt<sub>h</sub>yapus<sub>h</sub>wa jiwi catsibeibinchi poxonae jiwi jume cow<sub>h</sub>nteibina Cristo Jesús. <sup>2</sup> Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, ir<sub>h</sub> Jesucristo, pon Wanacanamataxeinaein, baraponbe barab<sub>h</sub> amanayiia cayawenaenabe pia necaantobexaebe. Mata<sub>h</sub>utano baponbe nantanuweya cayabara nanta xeinaenabe pia necayawenaenexa tsanebe. Mata<sub>h</sub>utano ichichipan xua baponbe j<sub>h</sub>ntema popona caexanaena.

*Meje yabara xua Pablo yabara paeba xua Timoteo bewa jume cow<sub>h</sub>nta ducuanae-biyaena*

<sup>3</sup> Poxonae Nacom tsipaebeiban jan tsaibinje: “Nacom, maisa j<sub>h</sub>nt<sub>h</sub> coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei taj<sub>h</sub>nt<sub>h</sub> coyene netsipaeba xua pinae bara beta exanan. Barichi tamo susato jiwi tanacuita barapon Nacom. <sup>4</sup> Xam cayabara nanta xeineibatsi xua poxonae matha cain bichocono nesiwa wecoyam poxonae cacuenta warapatsi. Maisa be cataeinchi merawintha, yawa maticabintha xua bichocono taj<sub>h</sub>nt<sub>h</sub> coyene weiweinaewa tsane. <sup>5</sup> Xan nanta xeineiban xua xam bara xaniwaicha beta jume cow<sub>h</sub>ntsiya poponame Nacom. Po pejume cow<sub>h</sub>ntsiwa xam Nacom tsita xeiname, barapo pejume cow<sub>h</sub>ntsiwa copiya matha acue Loida, ir<sub>h</sub> ena Eunice Nacomtha tsita xeinabe, beya poxonae xam ir<sub>h</sub> jume cow<sub>h</sub>ntame. Bara beta yaputan xua xam ir<sub>h</sub> barapo pejume cow<sub>h</sub>ntsi coyenewa Nacom tsita xeiname anoxuae.

<sup>6</sup> Daxota catsipaebatsi, beta naj<sub>h</sub>nt<sub>h</sub> coyene tsacabare, xua yabara nanta xeiname po cui coyenewa Nacom cacata xua po cui coyeneyatha xua xanepanaya neexanae ducuanaebiyaenexa pocotsiwa Nacom caitoroba. Barapo cui coyene bayatha Nacom cacata poxonae canta jayabatsi. <sup>7</sup> Tsipei Nacom poxonae naca cata pia Pejumope t<sub>h</sub>na<sub>h</sub> tatsi, barapo pejumope t<sub>h</sub>na<sub>h</sub> tatsi jopa jiwi junuwa cana exanaetsi. Jame Nacom naca cata barapo pejumope t<sub>h</sub>na<sub>h</sub> tatsi, xua waxeinaewa tsane peayapus<sub>h</sub> itorobi coyenewa. Mata<sub>h</sub>utano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom mata<sub>h</sub>utano xuano jiwithano. Mata<sub>h</sub>utano Nacom naca cata barapo jumope xua waxeinaewa tsane po cui coyene beta penayabara nanta xeinae coyenewa xua beta peexanaewa tsane. <sup>8</sup> Jopa aurande poxonae yabara cueicueijam Jesucristo, pon Wanacanamataxeinaein, xua poxonae bequein ichamonae cacui capona. Mata<sub>h</sub>utano jopa neyabara aurande xua jiwi pec<sub>h</sub>bi botha taecaewa. Baxua necana exana tayabara cueicueijeixae Jesucristo, xua jiwi catsawiya taneyabara nanta xeinaexae xua pinae abe exanan. Cui bar<sub>h</sub> jejande xua ichamonae bara canth<sub>h</sub>th<sub>h</sub> jopojopeya atene exana, icha xan ichin xua yabara cui copatan xua bara ichamonae atene tana neexanaewa tsane. Baxua cacana exana neyabara cueicueijeixae Nacom pia pexeinya diwesi jume. Nacom cacata peayapus<sub>h</sub>wa baxua nexa, xua jopa nejunuwiwa tsane poxonae caatene exana. <sup>9</sup> Nacom naca capanepa abe waexanae cuiru coyenein weya. Mata<sub>h</sub>utano Nacom naca waba xua Nacom watsita naj<sub>h</sub>nt<sub>h</sub> coyene xanepana exanaewa tsainchi. Apra jopa naca wabiyo poxoru

xanepanaya waexanaexaetsi. Apra jame naca waba, tsipei caena bayatha yabara nanta xeina baxua, beya poxonae forota barapo cae pin nacue xua amanayiya pia wanaca yawenaetsi pia wanaca antobexae. Nacom naca yawena caemonae peburaya wanabarū jinompaexae Cristo Jesustha. <sup>10</sup> Nacom naca tsita itata pia peantobewa poxonae itorobicatsi Jesucristo, pon Wanacacapanenebiyaen. Bapon weraweraca cana exana po peayapusawa xua xota jiwi tupa exanatsi. Matautano naca tsita itata po coyenewatha xeinatsi peantayapusawa, po peantayapusawa ataya tsiteca wajume cowantsixae Nacom pia pexeinya jume diwesi tatsi, po diwesi xua Jesucristo yabara.

<sup>11</sup> Nacom newaba xua tacueicueijeinexa barapo pia pexeinya diwesi jume tatsi. Matautano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonae jopa judiomonae naexanaeyo.

<sup>12</sup> Taexanaexae baxua, daxota atene neexana ichamonae. Daichitha jopa aurinyo xua tayabara cueicueijeiba Cristo, poxonae bequein ichamonae atene neexana, tsipei yaputan pontha pon tajume cowantsixae xua peitacupaewatsi xua tana neyawenaewa. Bara beta yaputan xua bapon xeina peayapusawa xua tana neyawenaewa. Bapon neyawena xua tacueicueijeiba tsurucuaenaebiyaenexa tsane pocotsiwa bayatha bapon neitoroba, beya poxonae barapo matabi tsane, po matabitha poxonae patopeicaena Jesucristo.

<sup>13</sup> Necui coyene jupaeya exana ducuaenaebiyama, po pecuidubiwa bichocono xanepana xua bayatha catsipaebatsi. Jume cowantsiya poponare, matautano antobeya poponde Nacom, irū jiwithano, caemonae peburaya wanabarū jinompaexae Cristo Jesustha. <sup>14</sup> Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumo pe tana tatsi cacata, po pejumope tana tatsi naca baru jinompa.

<sup>15</sup> Bayatha yaputaneme pomonae Asia nacuatha jinompa daxita barapomonae nepunapenta. Pomonae nepunapenta, barapomonae jiwana ichun pewun Figelo, ichun pewun Hermógenes. <sup>16</sup> Barabū Nacom pon jiwi Pecanamataxeinaen yabara nantanuweya nanta xeinaena pomonae Onesíforo piamonae tatsi, xua Nacom peyawenaewa tsane barapomonae. Bapon Onesíforo nejantu tsacaba poxonae beta xanepanaya neyaweneiba. Bapon jopa neacauriyo xua jiwi pecabi botha taecaewa. <sup>17</sup> Poxonae bapon patopa Roma tomaratha bapon matowa newenawenei tsurucuaenaebiya beya poxonae matapainya necaxina. <sup>18</sup> Barabū Nacom pon jiwi Pecanamataxeinaen, bapontha nantanuweya yabara nanta xeinaena peyawenaenexa tsane, poxonae po mataqueitha Nacom yabara paebina jiwi xua penatsicuenta xua abe peexanaexae. Xam yaputaneme bara, xua bapon neyawena nawita Efeso tomaratha.

## 2

### *Meje yabara xua Pablo yabara paeba xua ponba beta tanacuita pia pecanamataxeinaenchi*

<sup>1</sup> Xam Timoteom, be taxantom catsicotainchi. Najuntu coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonae peburaya jinya nenaexanaexae Cristo Jesustha. <sup>2</sup> Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowantsiya xaniwaicha cuidubina ichamonaetha pocotsiwa xua cueicueijan.

<sup>3-4</sup> Yabara baru cui copare xua bara ichamonae atene necaexanaewa tsane, nejume cowantsixae Jesucristo icha xan ichin xua yabara cui copatan xua bara ichamonae atene tana neexanaewa tsane. Poxonae baxua exaname, xam bara juta coyene ichim icha be soldadomonaepin ichi. Bapon ba atene exanatsi poxonae naba, xua



peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsiexana piawa poxonaе cataunxuae awiya naba exana ichamon-aetha, tsipei bapon bewa baxua exanaena xua pon pentacaponaein peitorobixae. <sup>5</sup> Barapocotsi jata coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonaе bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa. <sup>6</sup> Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa. <sup>7</sup> Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputaename daxita.

<sup>8</sup> Jesucristo yabara nanta xeinare. Bapon Jesucristo pon naexana xua David pia pemomoxi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asu exana petupae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha. <sup>9</sup> Barapo diwesi tacueicueijeixae daxota ichamonae atene neexana, beya poxonaе penaintotha necuba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonaе jiwi pecubi botha tana neetsixae. Tsipei awiya cataunxuae jiwi jume tane barapo diwesi. <sup>10</sup> Daxota jopa junuwinyo xua ichamonae atene tana neexanaewa, matautano bara copatan xua bara moya necana exanaena baxua. Daxota baxua bara copatan pomonae Nacom pia peitapetsi jiwi tatsi barapomonae nexa, xua barapomonae iru pecapanenebiyaenexa tsainchi xua Cristo Jesús capanenebiyaena. Poxonaе barapomonae barapo diwesi xeinaena, po diwesi pecapanenebiyae coyenewa, bapoxonaе muxuna xeinaena pexeinya peajuntayarusawa, po peajuntayarusawa ataya tsiteca xua Nacom pia nacuatheicha tatsi.

<sup>11</sup> Baraxue bara xainyei xua jei:

Icha copatatsi xua bara ichamonae naca atene exana wajume cowuntsixae Cristo beya poxonaе naca tupa exana, icha poxonaе Cristo cana ichichi, bapoxonaе yawa muxuna jinompaeinchi Cristo xua pia nacuatheicha.

<sup>12</sup> Icha waxainchi awiya jume cowunta dubenanaebiyatsi xua poxonaе bequein ichamonae naca atene exana, icha Cristo cana ichichi, bapoxonaе barapo coyenewa yawa muxuna waxainchi Cristo, baru canamataxeinaeinchi jiwitha, waitorobiya ewatsinexa tsane barapo jiwi.

Icha waxainchi itawetsiya yabara jeichichi Cristo: “Bapon jopa yaputaeyo”, jeichichi, bapon xuya itawetsiya naca yabara jei tsane: “Bapomonae jopa yaputaeyo”, naca yabara jei tsane Cristo.

<sup>13</sup> Icha jopa beta xaniwaicha jume cowuntsiya jinompaetsi, daichitha bapon cataunxuae exana ducuanabiyaena pocotsiwa xua bayatha jiwi yabara paebatsi.

Baxua exana, tsipei Nacom jopa itacupaetsi xua exana pocotsiwa jopa be pia cuiyiyo tatsi.

*Meje yabara xua pon beta petanacuichin xua ichun beta petanacuichiwatsi*

<sup>14</sup> Xuaunxuae catsipaebatsi baraxua paebare ichamonaetha yawano cui itorobare baraxua barapomona Nacom peitabaratha tatsi. Jande barapomonaetha: “Jopa yabara pana najume matsontsonoba exanaeinde xua po diwesi ichamonaepae-bixae”, jande. Barapo penajume matsontsonobiwa barapo coyenewatha bapana jopa naca yawenae. Barapo coyenewa saya abe cana exana pomonaetha pomona jume tane. <sup>15</sup> Exande daxita pocotsiwan pexanepanae coyenewa xua Nacom nexa, xua Nacom jinya necacui taenexa xua bara beta tanacuitame Nacom. Bapoxonae xam jopa nayabara acauram tsane pocotsiwa xua beta xaniwaicha ncaunutsiya paebix-aem Nacom Pejume Diwesi, po diwesi pejume xainyei jume. <sup>16</sup> Jopa yabara najume matsontsonoba exanaeinde po jumein xua pejumexaei, po jumein xua saya yabara cueicueiei pocotsiwa xeina barapo cae pin nacuathe, po jumein xua bapana jiwi jopa yawenaetsi. Tsipei pomona bapocotsiwan paeba, eexanapona pocotsiwan abe peexanae cuiru coyenewan. <sup>17</sup> Barapomona abeya pia pecuidubi coyenewan tatsi tajũ nayoyotapona, icha be ichi xua tsuweto xua bũpana putsuna xua beya tajũ putsuna pona. Barapocotsi coyene xua tajũ nayoyotapona, exanabe pon pewũn Himeneo irũ pon pewũn Fileto. <sup>18</sup> Baraponbe jume naitematabe pocotsiwa pexainyei coyenewa. Baponbe naerabiya jeibe: “Bayatha Nacom nacui weta xua asũ exana, xua jiwi equeicha jopa asũ peexanaewa tsainchi pomona bayatha werapa”, jeibe baponbe xua naeraba paebabe. Baponbe ainya muxu cana exanabe ichamonaetha xua barapomona jopa xapain pejume cowũntsiwa tsane Nacomtha. <sup>19</sup> Nacom pia pexainyei coyenewa, peayapusũwa, xua icha cui coyeneya jopa naexanaeyo. Barapon Nacom pia pexainyei coyenewa tatsi jeye: “Nacom pon jiwi Pecanamataxeinaein yaputane pomonae pi-monaexae tatsi”, jeibe. Mataũtano equeicha jeye: “Daxita pomona xua nawũn duba xua jeibe: ‘Paxan Cristobarũ pan, pon jiwi Pecanamataxeinaein’, jeibe, bewa barapomona naitematsina abe peexanae cuiru coyenewan”, jeibe Nacom pia pexainyei coyenewatha.

<sup>20</sup> Botha ba ichaxota pin bo, barapo bo xeina penain coroton pocotsiwa pewũn oro nain, yawano icha penainwan pocotsiwa pewũn plata nain. Mataũtano ba muxuna xeina napae coroton. Mataũtano ba xeina tisorobo coroton pocotsiwan be juruwaton. Po coroton xua pexeinya coroton, barapo coroton pecanamatawenonaenexa penabarũ itata weiweinae matakabintha. Po coroton xua saya pexeinya coroton aibi, barapo coroton pecanamatawenonaenexa daxita matakabintha. <sup>21</sup> Bara jũtiya ichi, icha pebin ichichipa exana xua pocotsiwa pexanepanae coyenewa pon jiwi Pecanamataxeinaein nexa, bapon bewa naitematsina abe peexanae cuiru coyenewa xua Nacom pejuũntũ coyene xanepana exanaenexa bapontha. Bapoxonae bapon itacũpatsi xua peexanaewa daxita carepaya coyenein pocotsi coyenein Nacom tsita xanepanatsi.

<sup>22</sup> Xam naitemare pocotsi coyenewan pewowi exana xua poxonae abe exana. Exana ducuaenaebiyama pocotsiwa pexeinya juũntũ coyenewa. Mataũtano beta jume cowũnta ducuaenaebiyama. Mataũtano antobe tsurucuaenaebiyama Nacom, mataũtano jiwithano. Mataũtano juũntema popona ducuaenaebiyama. Xam itapeta napuna ponde pomona pejuũntũ coyene xanepanaewi poxonae Nacomtha tsipaeba pon jiwi Pecanamataxeinaein. <sup>23</sup> Naitemare po peyabara najume matsontsonobiwa jopa xapain wũnaeyo xua jopa xapain peyaputae coyenewiyo, tsipei xam yaputaneme xua jiwi barapocotsi jumetha ba yabara naba. <sup>24</sup> Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wũnaeya exanaena xua daxita carepaya coyene cuintha daxita jiwitha. Mataũtano bewa bapon beta cuidubina ichamona. Mataũtano bapon bewa saya juũntema poponaena poxonae bequein abe taexanatsi ichamona. <sup>25</sup> Mataũtano bapon bewa saya bewayo juũntũ coyene wũnaeya muxuwetsina pomonaetha pomona peacui-itafaetabiwichi xua bapon xainyeya pia pecuidubiwa ichamonaetha. Mataũtano bapon bewa abũ ewatsina xua icha metha Nacom copatsina xua barapomona icha juũntũ

coyene pexeinaenexa xua peauraxae xua abe exana. Matautano barapon bewa abu ewatsina xua barapomonaе peyaputaewa tsane pocotsiwa xua Nacom pia pexainyei coyenewa tatsi. <sup>26</sup> Poxonae baxua yaputaena, bapoxonae barapomonaе, pomonaе copiya pemuxufebiwi itacypaeinchi xua beta nanta xeinaena pejuntu coyenewatha. Barapomonaе yaputaena xua deta cou eexanapona pocotsiwa caurimonaе pia pentacaponaein tatsi jujuta, xua pocotsiwa abe peexanaewa, pocotsiwa bapon peitorobixae. Bapoxonae barapomonaе itacypaeinchi xua panenebiyaena bapon weya, matautano xua tamropata notarucypaena xua exana pocotsiwa Nacom ichichipa.

### 3

#### *Meje yabara xua po coyeneya jiwi exanaena poxonae po matabitha opi ducuaena*

<sup>1</sup> Ichichipan xua neyaputaewa tsane xua poxonae po matabintha opi dubenaena barapo matabin jiwi taayapube tsainchi. <sup>2</sup> Jiwi barapo matabintha bichocono pia coutha naantobe tsane. Barapo jiwi bichocono u pitaparaxixichi tsane. Yawano matautano aebina ichamonaetha. Matautano bichocono atsaca tsaneno. Matautano biataenano ichamonaetha, matautano Nacom biataeinchi. Matautano barapomonaе jopa jume jejei tsaibi tsane paxeiwi. Matautano barapomonaе jopa wecobe jacobiya noteibiyo tsane poxonae ichamonaе catsibeiba. Matautano abe yabara nanta xeineibina pocotsiwa Nacom piawa tatsi. <sup>3</sup> Matautano piamonaе jopa tsita xeinae tsane peantobe coyenewa. Matautano ita aenae-aenei tsurubenaеbiyaе tsane ichamonaetha. Matautano yopita dubenanaеbiyaena xua ichamonaе pocotsiwa abe peexanaewa. Matautano jopa itacypae tsainchi xua najuntu coyene itorobina xua xanepanaya peexanaewa tsane. Matauta barapomonaе bichocono anaepanaena xua ichamonaе beinchi. Matautano barapomonaе bichocono aichaxaibi tsane pocotsiwan xanepana. <sup>4</sup> Barapomonaе pomonaе jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonaе pia coya nacayabara nanta xeinaena xua peainya cui jiwi tsane. Saya barapomonaе itapetsiya naitomatsina xua pocotsiwa cui xeica penaexanaewa. Barapomonaе naitematsina pocotsiwa Nacom pia pexainyei coyene tatsi. <sup>5</sup> Bequein barapomonaе xanepanaya exana dubenanaеbiyaena icha be ichi xua poxonae pomonaе xaniwaicha pejume cowuntsiwi, daichitha barapomonaе jopa xaniwaicha jume cowuntsiyo xua icha juntu coyene pexeinaewa tsane.

Jopa bewa bara pocotsimonaе imoxoyo napuna ponaem xua barapomonaе necuiyainwam. <sup>6</sup> Barapomonaе jiwana pomonaе bomuxuntha pateibina muxujainyabeibinchi yabuxi, po yabuxi jinompa barapo bomuxuntha, po yabuxi xua anacaura xua penacui yaputaexae xua abe exana bayatha. Barapowaxi awiya came jopa xanepanaya exanaeyo, poxoru saya exana pocotsiwa pia coutha ichichipa exana. <sup>7</sup> Barapo yabuxi jume naitaewata nawita, daxita carepaya po coyenein xua jiwi paeba, bara bequein jopa xanepanaya paebiyo. Daxota barapo yabuxi jopa itacypaetsi xua peyaputaewa pocotsiwa xua Nacom pia pexainyei coyenewa tatsi. <sup>8</sup> Caena bayatha pon pewun Janes, iru ichun pewun Jambres, baponbe mara pexeinaeinbe, baponbe cui matawenta Moiestha, xua Moisés pia peexanae coyenewatha. Icha baponbe ichi, barichi barapomonaе yabara jume matawenta Nacom pia pexainyei coyenewa tatsi. Barapomonaе saya yabara nanta xeina nawita pocotsiwa peabe coyenewa. Barapomonaе taseicatsi pejume cowuntsiwa, po pejume cowuntsiwa pexainyei jume. <sup>9</sup> Barapomonaе jopa beta dubenanaеbiyaе tsane, tsipei daxita nacuanpiwi cui yaputaena xua barapomonaе apara pomonaе jopa xanepanaya peexanaewi, icha be ichi poxonae caena bayatha jiwi cui tane xua Janes iru Jambres jopa beta exanaeyobe.

#### *Meje yabara po diwesi xua Pablo najume wetsiya paeba poxonae Timoteo itorobatsi*

<sup>10</sup> Ichitha xam bara beta exanapona me pocotsiwa tacuidubiwa. Matautano necui taneme xua bara beta poponan. Matautano necui taneme xua tacoutha yaputan pocotsiwa taexanaewa tsane Nacom nexa. Matautano necui taneme xua bara beta jume cowantsiya poponan Nacomtha. Matautano necui taneme xua saya awiya beta junte ma poponan poxona bequein ichamona jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan. <sup>11</sup> Xam yaputaneme xua jiwi bichocono abe necana exana tajume cowantsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Listra tomarathano. Ichitha pon jiwi Pia Pecanamataxeinae inchi neyawena xua necapanepa barapomona pia xainya weya. <sup>12</sup> Bara xaniwaicha, daxita pomona ichichipa xua najunte coyene xanepana exana dubenanaebiya Cristo Jesustha, barapomona iru atene exanae inchi ichamona. <sup>13</sup> Ichitha pomona peajunte coyenebe jiwi, iruru pomona pemuxujainyabi jiwi, daxita barapomona bichocono abe eexanaponaena beyacaincha xua copiya. Barapomona muxujainyabiya canamataxeina ichamona, xua abe peexanaenexaru, matautano xua barapo ichamona iru xuya pemuxujainyabiya canamataxeinaenexa ichamona, xua abe peexanaenexaru.

<sup>14</sup> Ichitha xam awiya beta exana ducuanabiyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomona xua cacuiduba barapo coyenein, pomona pejunte coyene xanepanaewi. <sup>15</sup> Poxona pexuyotham yaputaneme Nacom Pejume Diwesi. Barapo diwesi itacupatsi xua necacuidubiwa xua necapanepaewanexa abe jinya neexanae cuiru coyene weya nejume cowantsixae Cristo Jesús. <sup>16</sup> Daxita carepaya Nacom Pejume Diwesi tatsi, barapo diwesi Nacom ayapuru diwesi exana. Daxita barapo diwesi xanepana xua jiwi pecuidubiwa tsainchi. Matautano daxita barapo diwesi xanepana xua jiwi yaputane peexanaenexatsi poxona abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesi xanepana xua jiwi peyawenaenexatsi xua pejunte coyene xanepana dubenanaebiyaenexa Nacomtha. <sup>17</sup> Barapo diwesi jiton xanepanaya canacui weta exanatsi xua beta peexanaewa tsane pon Nacom piamona jiwana jiton tatsi. Barapo diwesi tha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

## 4

<sup>1</sup> Nacom peitabaratha tatsi yawa Cristo Jesús peitabaratha tatsi, baponbe peitabaratha tatsi caitorobatsi. Bapon Cristo Jesús patopaetsica be pon jiwi itorobiya pia pepa Peewatsinchi. Matautano bapon yabara paebina jiwi xua penatsicuentiwa xua abe peexanaexae, pomona xua anoxuae cataunxuae asu jinompa, irano pomona xua bayatha werapa. <sup>2</sup> Caitorobatsi xua cueicueijande Nacom Pejume Diwesi. Beta jume daunweya cueicueijam tsaibinde Nacom Pejume Diwesi poxona jiwi ichichipa cajume taibina, matautano poxona bequein jiwi jopa ichichipaeyo xua necajume taewa. Barapomona junte coyene yaputane exande xua barapomona petaseicaewatsi pejunte coyene xanepanaewa Nacomtha. Matautano barapomona yabara muxuwere abe pia peexanae cuiru coyenein tatsi. Matautano barapomona junte coyene cui tsacabare xua Jesucristo pejume cowantsiwa tsainchi. Matautano bapana barapomona jopa tsita xeinaeinde peitaconaewa. Matautano bapana jopa nacui copatsim tsane xua necuidubaponaewa barapomona, xua bequein barapomona jopa Jesucristo pejume cowantsiwichi taetham tsane. <sup>3</sup> Tsipei jopaena matabi poxona po matabi tha jiwi jopa jume cowantsi tsane barapo pexainyei cuidubi jume. Barapomona saya u jeichina po pecuidubiwi saya cuiduba pocotsiwa

xua jiwi ichichipa jume tane. <sup>4</sup> Barapomonaе saya naitemapenta xua aichaxaibi pejume taewa pocotsiwa pexainyei jume. Saya barapomonaе ы jume naitaewatsina ainya diwesin, po diwesin xua saya pejemai diwesin. <sup>5</sup> Ichitha xam dotam. Najuntу coyene babare xua neexanaeyainwa pocotsiwa barapomonaе exana. Jopa junuwinde xua ichamonaе poxonaе caatene exanaena nejume cowantsixae Jesucristo. Ichitha xam exana ducuaanaere jinya nenacuichiwa xua Nacom pia pexeinya jume diwesi necueicueijeі ducuaanaetsiwa. Daxita wetsiya exanare pocotsiwa jinya netanacuichiwa Nacom.

<sup>6</sup> Bara nama imoxoyo nebexubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha. <sup>7</sup> Ajuntуcuiyapusуya amanayaban caurimonaetha Jesucristo nexa, icha soldadomonaе ichi xua poxonaе amanayaba pia peaitafaetabiwichi. Bayatha nacui wetan pocotsiwa xua bayatha Nacom neitoroba, icha jiton ichi xua patopa poxonaе penaxenacaewa. Matautano jume cowantsiya poponan Jesús, icha be pocotsi coyeneya ichi poxonaе jiton beta yapu eena pocotsiwa itorobatsi pia pecanamataxeinaeinchi. <sup>8</sup> Anoxuae ewatan po pentoma Nacom necatsina xua tajuntу coyene xanepanaexae bapontha. Pon jiwi Pecanamataxeinaein, pon xua yatsicaewa xainyeya jiwi yabara paebatsi xua penatsicuentisiwa xua abe peexanaexae, bapon pentoma necatsina po mataqueitha poxonaе bapon patopeicaena. Saya meisa jopa compa necatsi tsane, irу barichi tsainchi baxua catsibinchi pomonaе wуnae ewatsiya ichichipa xua pia pepatopaewa tsane bapon.

### *Meje yabara xua Pablo waba xua Timoteo wabatsi*

<sup>9</sup> Nainya nesiwa ponde poxonaе caitacуpa. <sup>10</sup> Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacua beya pona. Pon Tito, bapon Dalmacia nacua beya pona. <sup>11</sup> Meisa pon Lucas, bapon xote baru ecan. Wenawenande Marcos, cabarу dena tsane, tsipei bapon itacуpatsi xua tana neyawenaewa tsane. <sup>12</sup> Pon Tíquico bapon Efeso tomara beitorobiyан. <sup>13</sup> Poxonaе nesiwa denam, inta carenande po paparuwa aitiyу, po paparuwa cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

<sup>14</sup> Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae. <sup>15</sup> Dotam xua bapon, tsipei bapon aichaxaibi pocotsiwa po diwesin cueicueijeichi.

<sup>16</sup> Poxonaе tacoutha nayabara jume yawenaeya cueicueijan pentacaponawewi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom бу jopa cabetsi tsane barapomonaetha xua tana nepunapentsixae. <sup>17</sup> Daichitha Nacom pon jiwi Pecanamataxeinaein, neyawena poxonaе bequein ichamonaе nepunapenta. Bapon peantуyapusуwa necata xua beta tacueicueijeinexa pijume diwesi xua pejume taewa tsane daxita pomonaе jopa judiomonaе naexanaeyo. Bapoxonaе Nacom neyawena xua jiwi jopa necabetsiyo xua tatуpaewa. <sup>18</sup> Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barabу jiwi ataya wуnae jainchina Nacomtha. Je bara ichi tsane.

### *Meje yabara xua Pablo najume wetsiya paeba*

<sup>19</sup> Inta jacobare powa Prisca, irу pia pebin tatsi, bapon Aquila. Irу inta jacobare pon Onesíforo piamonaе matabуxуyo tatsi. <sup>20</sup> Pon Erasto bapon eca Corinto tomaratha. Pon

Tróximo, bapon cuenta ponan Mileto tomaratha yaitama atene. <sup>21</sup> Jujure xua patopare xua pewnaeya poxonaē beya awabo tsane. Pon Eubulo, iru pon Pudente, iru pon Lino, iru powa Claudia, iruru daxita pomonaē pejume cowantsiwi, daxita barapomonaē cajacoba.

<sup>22</sup> Barabu Jesucristo, pon jiwī Pecanamataxeinaein cabaru poponaena. Barabu Nacom amanayiya cayawenaena jinya necaantobexae.  
Baja Pablo.

## Meje Po Carte Pablo Tatina, Tito Tatinatsi

### *Meje yabara poxonae Pablo tamropata pitaba xua tatina, Tito tatinatsi*

<sup>1</sup> Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomona pejume cowantsinexa Nacom. Pewnaeya copiya Nacom itapeta barapomona, xua pejume cowantsiwa tsainchi. Matautano neitoroba xua barapomona yaputane taexanaenexa Nacom pia pexainyei jume diwesi xua daxota barapomona Nacom peitabaratha xanepanaya pejinompaewa tsane. <sup>2</sup> Poxona barapomona jume cowanta Nacom, barapomona ewata xua Nacom catsina pia peajuntayapusawa po peajuntayapusawa ataya tsiteca. Bapon Nacom bapana jopa penaerabin. Barapo peajuntayapusawa po peajuntayapusawa ataya tsiteca, caena bayatha Nacom yabara tsiwanae muxu duta jiwi poxona cataunxuae jopa nacia forotsiyo. <sup>3</sup> Ichitha anoxuae nama Nacom peichichipaexae barapo matabitha daxota jiwi yabara yaputane exainchi xua pia pexeinya jume diwesi tatsi. Nacom necopata xua bara tacueicueijeiba tsane barapo diwesi daxita jiwitha. Nacom pon xua jiwi Pecapanenebiyaein neitoroba xua tacueicueijeiba barapo diwesi poxona necata barapo pia penacuichiwa tatsi xua tatanacuichinexa bapon. <sup>4</sup> Barapo carte cata tinatsi Titom, ponxaem be yatsicaewa taxantom catsicotainchi iru nejume cowantsixae Jesucristo. Barabu Nacom pon Waxa, iru Jesucristo pon Wanacacapanenebiyaein petupae cuiru coyene weya, cayawenaenabe pia necaantobewaxaebe. Matautano juntea popona caexanaenabe.

### *Meje yabara xua Tito Creta tunaeto nacuatha nacuita*

<sup>5</sup> Caena bayatha Creta nacia tunaetha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomona pecanamataxeinaenexa pomona pejume cowantsi jiwi Nacom. Baxua eexanaponde daxita i dapo tomarantha icha be pocotsi coyeneya bayatha caitorobatsi. <sup>6</sup> Bayatha catsipaebatsi xua pon barapocotsi pitiri jiwi jiwanapin bewa poxona poponaena bewa iche: Bapon bewa xanepanaya popona xua ichamona jopa petsita natsicuentinexa tsainchi xua abe peexanaexae bapon. Matautano bapon saya bewa cae petsiriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanepanaya bewa jinompa xua daxota ichamona jopa peyabara paebiwa tsane xua abe exana barapo pexui. Barichi matautano xua ichamona jopa peyabara paebiwa tsane xua barapo pexui jopa jume jejeyo pocotsiwa coxiyan itoroba. <sup>7</sup> Po pitiri jiwi canamataxeina pomona pejume cowantsiwi Nacom, barapomona tanacuita Nacom piawa. Daxota ainya cui xua barapomona xanepanaya bewa jinompa. Barapomona jopa bewa jumefebi pocotsiwa xua Nacom itoroba. Matautano jopa bewa exanae pocotsiwa jiwi nainya bichoina anaepanaya jume nota. Yawano jopa bewa nacupa exanae, yawano jopa bewa nacayatsi. Yawano jopa bewa pitaparaxixichi poxona jopa xapain exanaeyo penacuichiwa. <sup>8</sup> Jame bewa barapomona matenta weiweinaya wabeibi pomona pesiwa ponebiwichi pia bontha. Yawa bewa ichichipae pocotsiwa xua wanae. Yawa bewa xanepanaya cayabara nanta xeinae. Yawa bewa beta exanae ichamonaetha. Yawa bewa exanae pocotsiwa Nacom itoroba. Yawa bewa yaputae xua pia coutha najuntu coyene itoroba xua beta peexanaewa. <sup>9</sup> Bewa ajuntacoyenesya jume cowantsina Nacom pia pexainyei jume diwesi tatsi po diwesi barapomona cuidubatsi. Bapoxona barapomona itacupatsi xua xuya ichamona juntu coyene tsacaba xua pejume cowantsiwa tsainchi poxona cuiduba barapo pexainyei jume diwesi. Matautano

barapomonaē itac̣patsi xua jume jejei cana exana pomonaetha pomonaē bequein copiya pejume itawetsixaetsi pocotsiwa xua barapomonaē cuiduba.

<sup>10</sup> Tsipei judiomonaē jiwanapiwi bichocono pinmonaē pomonaē pejumefebiwi xua Nacom itoroba. Bichocono pinmonaē pomonaē jiwi peitorobiwi xua pebiwi bewa wi thabinchi ichaxota penareixacaenaewa. Pocotsiwa barapomonaē cuiduba ichamon-aetha saya pejumexaei. Yawano jiwi muxuitorobatsi nawitano. <sup>11</sup> Barapomonaē bewa pajume matawentsim xua jopa pepaebiwa tsane barapo jumein, yaitama barapomonaē cana exana xua jopa jume coẉantsiyo pomonaē xua daxita matabux̣monaēin tsiniya. Baxua exana poxonaē cuiduba pejemaī diwesin po diwesin jopa bewa cuidubi, jiwi peyamuxujainyabiya ẉcaenexatsi paratixi.

<sup>12</sup> Caena bayatha popona pon Creta tunaetopiwi jiwanapin, pon piamonaē yabara jeichi: “Wanacom pia peitorobi jume pepaebin tatsi”, jei. Barapon yabara cueicueijei Creta tunaetopiwi pomonaē piamonaēxae. Bapon yabara jeye piamonaē: “Maisa Creta tunaetomonaē, barapomonaē jiwi muxuitorobeiba, yawa be unupiwi pomonaē peaitoisa jiwi yawa napenaj̣ba nawita yawa fifina nawita”, jei bapon. <sup>13</sup> Poxonaē bapon baxua paeba barapara jume xainyeya paeba. Daxota xam Titom barapomonaē bichocono jume matawende xua barapomonaē xaniwaicha j̣ntema pejinompaewa tsane xua Jesucristo pejume coẉantsiwatsi. <sup>14</sup> Matautano cui matawende barapomonaē xua jopa equeicha pejume naitaewatsinexa judiomonaē pia pejemaī diwesin tatsi. Matautano cui matawende xua jopa pejume naitaewatsinexa pomonaetha pomonaē xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

<sup>15</sup> Pomonaē yabara jume coẉanta xua Cristo tsiṭpa barapomonaē, barapomonaē jame rej̣nṭ coyene xanepanaewi. Barapomonaē daxita po coyenein xua tane tsita xanepanatsi. Seicaya nama pomonaē jopa yabara jume coẉantsiyo xua Cristo tsiṭpa xua barapomonaē tsiṭpatsi, barapomonaē apara peaj̣nṭcoyenebewi. Barapomonaē daxita po coyenein xua tane tsita abetsi. Barapomonaē pia penanta xeinaewan jopa xaexaenaecaeyo, yawa pia j̣nṭ coyenein tatsi po j̣nṭ coyenein itorobeibatsi xua poxonaē peexaneibinexa, bichocono jopa xaexaenaecaeyo. <sup>16</sup> Barapomonaē jei: “Nacom pajume coẉantan”, jei. Daichitha poxonaē exaneiba, icha coyene exaneiba icha ichi pomonaē jopa pejume coẉantsiwi Nacom. Bara barapomonaē Nacom tsita abetsi pejumefebixaetsi pocotsiwa itoroba. Matautano jopa itac̣paetsi xua exana pocotsiwa xua pexeinya penacuichiwa.

## 2

### *Meje yabara pocotsiwa Nacom pia pexainyei jume diwesi tatsi*

<sup>1</sup> Ichitha xam Titom pocotsiwa cuidubame bewa cayabara cuita cananta xeineibim xua ̣ pocotsiwa Nacom pia pexainyei jume diwesi tatsi. <sup>2</sup> Pitiri jiwi muxuwere xua jopa bewa nac̣pa naexanaē peatsaxa meran. Matautano muxuwere xua xaniwaichiya pejinompaewa tsane xua daxota ichamonaē pebaṛ cui itura jinaewa tsane, xua barapo pitiri jiwi pebaṛ cui itura jinaewa tsainchi. Matautano muxuwere xua pe-naj̣nṭ coyene itorobeibinexa xua peexaneibinexa po coyenein xua ẉnae. Matautano muxuwere xua xaniwaichiya pejume coẉanta dubenanaebiyaewa tsane xua Nacom xaniwaicha pejume coẉanta dubenanaebiyaewa tsainchi. Yawano muxuwere xua piamonaē peantobe tsurubenanaebiyaenexa. Yawano muxuwere xua ayapuṣya jume coẉantsina poxonaē bequein ichamonaē abe taexanatsi. <sup>3-4</sup> Barichi pitiriwaxi muxuwere xua xanepanaya pejinompaewa tsane, icha be ichi poxonaē jinompa powaxi jume coẉanta Nacom. Matautano barapowaxi jopa bewa cueicueijei tsane po jumein xua abe xua ichamonaē yabara paebatsi. Yawa jopa bewa nac̣pa naexanaē peatsaxa meran. Matautano barapo pitiriwaxi muxuwere xua piseuriwi peantobe nexa tsaiibi tsane,



xua daxota iru xuya penawaxi pebarichinexa xua peexanaenexa po coyene wunaexa xua peantobe nexa tsaibi tsane piseuriwi yawa pia pexuithano. <sup>5</sup> Matautano muxuwere barapo pitiriwaxi xua penajuntu coyene itorobeibinexa xua peexaneibinexa po coyenein xua wunaexa. Matautano muxuwere xua penajuntu coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawenaenexa pomonaetha pomonae pia botha petajinompawichi. Yawa muxuwere barapo pitiriwaxi xua jume jejei tsaibi tsane poxona itorobeibatsi piseurixi xua ichamonae jopa abe peyabara paebinexa Nacom Pejume Diwesi.

<sup>6</sup> Matautano barichi pewowi muxuwere xua penajuntu coyene itorobeibinexa xua peexaneibinexa po coyenein xua wunaexa. <sup>7</sup> Xam Titom barapo pewowi peitatha tatsi xanepanaya eexanaponde daxita coyenein poxona exaneibame. Barapoxona barapo pewowi xua pebarichinexa xanepanaya peexanaenexa po coyenein wunaexa. Poxona pewowi cuidubame xainyeya cuidubare nejuntu coyene wetsina. Matautano xanepanaya beta cuidubare. <sup>8</sup> Xanepanaya betiya cueicueijande xua ichamonae jopa abe necayabara paebiwa tsane. Daxota barapomona aura tsaibi tsane xua abe necayabara paebeibiwa beta neexanaexae. Barapoxona barapomona jopa itacrae tsainchi xua abe wanaca yabara paebiwa.

<sup>9</sup> Tsipaebare pomonaetha pomonae pebusi cui tatayebeibiwichi xua amanaya tanacuita xua poxona ichamonae tanacuitatsi, jande: “Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxona paca itorobeiba painya nepaca canamataxeinaewi”, jande. <sup>10</sup> Yawa jande: “Jopa pacaibinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacacapanenebiyaen abe waexanae cuiru coyene weya”, jande.

<sup>11</sup> Nacom bayatha naca yaputane exana xua bara naca yawena pia wanaca antobexae. Naca yawena poxona naca capanenebiya. Barapo pecapanenebiya coyene daxita nacuanpiwi nexa. <sup>12</sup> Barapo coyene xua Nacom pia peyawena coyene jiwitha pia peantobewaxae, naca cuiduba xua wanacui barapentsiwa tsane abe waexanae cuiru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowuntsiwi, xua pomonae jinompa po cae pin nacuathe. Matautano naca cuiduba xua najuntu coyene itorobeibinchi xua waexaneibinexa po coyenein xua wunaexa barapo cae pin nacuathe yawa xanepanaya wajinompa dubenanaebiyaenexa xuano xua xainyeya waexana dubenanaebiyaenexa pocotsiwa Nacom itoroba. <sup>13</sup> Yawa naca cuiduba xua wawunaewatsiya jinompaewa xua equeicha caewa patopaetsica pon xua bayatha Nacom yabara naca tsiwuna muxu duta. Waxainchi ewatatsi xua Jesucristo pia pepatopaewa pexeinya peitapanae coichatha. Bapon barapara wapepa Nacom xuano xua Wanacacapanenebiyaen. <sup>14</sup> Jesucristo nacaenaeta xua naca tsitupa wanaca capanenebiyaenexa daxita coyenein weya xua abe waexanae cuiru coyenein. Matautano nacaenaeta wanaca juntu coyene xanepana exanaenexa poxona naca yabara junteina abe waexanae cuiru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa wunaexa.

<sup>15</sup> Xam Titom barapo coyenein bewa cuidubim. Juntu cui coyene tsacabare xua barapomonae junteina pejinompaewa tsane. Matautano muxuwere daxita barapo Creta tunaetopiwi xua bara xanepanaya peexanaewa tsane daxita peitorobi coyenyatha po peitorobi coyene xua Nacom cacata. Jinxoba barapomonae peitatha exaname po coyenewa xua daxota barapomonae tsita pecui pawu nanaexanaewa.

## 3

*Meje yabara po coyene bewa exanae pomonae Nacom pejume cowantsiwichi*

<sup>1</sup> Xam Titom barapo Creta tunaeto nacuapiwi equeicha caewa yabara nanta xeina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponawewichi. Matautano muxuwere xua bewa barapomonae najuntũ cui wũnaetsiya exaneibina xua peexanaenexa tsaibi tsane pocotsiwa xua wũnae. <sup>2</sup> Matautano muxuwere xua bewa barapomonae jopa abe paebi tsane xua ichamonae abe peyabara paewatsi. Matautano muxuwere xua barapomonae jopa bewa jume matsontsonobi ichamonae. Matautano muxuwere xua barapomonae bewa juntũ coyene xanepanaya cueicueijeiji ichamonae. Matautano muxuwere xua bewa barapomonae barũ cui itura jina dubenanaebiyaena daxita jiwi.

<sup>3</sup> Caena bayatha copiya waxainchi jopa wajume cowantsiwi, jopa Nacom wayaputaexae. Yawa jopa wajume jejei jiwi pocotsiwa Nacom naca itoroba. Yawa waxainchi naca itaxanumena. Waxainchi wajuntũ coyene naca itoroba xua waexanaewa pocotsiwa waichichipaewa pocotsiwa xua abe. Matautano naca itoroba xua bewa exanaetsi po peabe coyene naca weiweina exana icha ichi pomonae jinompa po nacuathepiwi. Matautano abe peexanae cuiru coyenein exana dubenanaebiyatsi, xuano xua peuwi juntũ coyeneya jinompa dubenanaebiyatsi. Matautano ichamonae naca ita aenae-aenei tsurubenanaebiya, yawano xua waxainchi nantiya naita aenae-aenei tsurubenanaebiyatsi. <sup>4</sup> Ichitha Nacom pon Wanacacapanenebiyaein yabara naca yaputane exana xua po coyene bapon naca juntũ coyene xanepana exana, xuano xua wanaca antobewa poxonae naca capanenebiya abe waexanae cuiru coyenein weya. <sup>5</sup> Naca capanenebiya, apara jopa poxoruyo xua xanepanaya waexanaexae bapon nexa, apara poxoru nantanuweya naca yabara nanthũ coyene xeina pia wanaca yawenaenexa. Poxonae naca bautisaba meratha baraxua saya yabara caunuta xua Nacom pia Pejumo pe tũnaxũ tatsi naca juntũ coyene xanepana exana. Poxonae baxua naca cana exana bapoxonae pena juntũ coyene xeinatsi, xua poxonae Nacom pia Pejumo pe tũnaxũ tatsi naca juntũ cui coyene yabara cajuntemaini abe waexanaewan. <sup>6</sup> Jesucristo pon Wanacacapanenebiyaein nacata itorobica Nacom pia Pejumo pe tũnaxũ tatsi pia jopa juniya wanaca yawenaenexa. <sup>7</sup> Poxonae Nacom naca juntũ coyene xanepana exana, bapoxonae naca cana exana xua jopa wanatsiaenae cuentsinexatsi bapontha. Bapon naca yawena pia wanaca antobexae. Daxota waxainchi ewatatsi xua Nacom wanaca catsibiwa tsane peajuntũyapuwẽwa, po peajuntũyapuwẽwa ataya tsiteca, tsipei bapon pia pexuichi.

<sup>8</sup> Baxua jame xainyeya pepaebiwa. Ichichipan xua xam jume daunweya tsipaebiname barapomonae xua bewa barapomonae barapo coyene exanaena pomonae xua pejume cowantsiwixae Nacom. Bapoxonae barapomonae cui enatsi xua peyabara nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi. <sup>9</sup> Dotande xua necuiyainwande xua ichamonae yabara necabarũ najume matsontsonobiwa tsane po diwesin xua pejemai diwesin. Matautano cuiyainwande xua yabara necabarũ cueicueijeijiwa judiomonae pia pamo susatopiwi tatsi pia wũnxi tatsi. Matautano cuiyainwande xua penajume matsontsonobiwa xuano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyeiwaxae.

<sup>10</sup> Icha icha cana exana xua pomonae Nacom pejume cowantsiwichi, cana exanatsi xua barapomonae pomonae Nacom pejume cowantsiwi be pomonae jopa penayaitae jiwi penaexanaewa tsane xua penaita aenae-aeniwa, bara bapon muxuwere. Icha

equeicha jopa xapain exanaeyo equeicha muxuwere. Icha equeicha jopa beta exanaeyo bapoxonae bapon itawere painya xainya weya. <sup>11</sup> Yaputaneme xua barapon pia coutha najuntũ coyene matanonoxuba xua abe peexanae cuiru coyene peexanaewa. Daxota abe peexanaexae pia coutha natsicuenta exana Nacomtha.

*Meje yabara xua Pablo muxu tsipaeba pocotsiwa bewa Tito exanaena*

<sup>12</sup> Poxonae nexainya beya cata itorobatsi Artemas, ichacuiitha tsipae icha cata itorobatsi Tíquico, nexata bapoxonae yacuinaya ponare Nicópolis tomara beya. Nexata barapo tomarathiya netaename, tsipei bayatha nanta xeinan xua baxotiya taecaewa tsane awũbotha. <sup>13</sup> Zenas pon jiwi yaweneibatsi peyabara yaputaeinxae peitorobi coyenein, irũrũ pon pewũn Apolos pon xua casiwa ponabe baponbe yawendebe. Bara exande be pocotsi coyeneya xua caitacũpa xua yawename. Baponbe carebe pocotsiwa xua canantawenonabe poxonae pewarapaenexabe xua jopa peta-seicaenexa tsainchibe. <sup>14</sup> Barabũ wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Bapoxonae pia jũntũ coyenein tatsi Nacom tsita xanepanatsi.

*Meje yabara xua Pablo najume wetsiya paeba*

<sup>15</sup> Pomonae taxantha ena barapomonae cajacoba. Painta jacobare pomonae Jesucristo pejume cowũntsiwichi, pomonae bichocono paantobein pejume cowũntsixae. Barabũ Nacom paca yawenaena daxita paxam pia paca necaantobexae.

Baja Pablo.

## Meje Po Carte Pablo Tatina, Filemon Tatinatsi

### *Meje poxonae Pablo tamropata pitaba xua tatina, Filemón tatinatsi*

<sup>1</sup> Xan Pablon, ponxaein jiwi pecubi botha taneetsin xua tanatsipei cueicueijeixae Cristo Jesús yabara. Irú Timoteo, pon irú pejume cowantsin Jesús, baponbe panbe barapo carte pacata tinatsi. Xam Filemón ponxae bichocono paca antobetsi tsipei pana yantame xua cueicueijam Nacom Pejume Diwesi. <sup>2</sup> Irú pata tinanbe pomonaetha pomona pejume cowantsiwi Jesús pomona jinya botha nacaetuteiba. Irú barapo carte yabayo nexa powa pewan Apia, powa be wamcho watsicotaewa pejume cowantsixaerú Jesús. Irú barapo carte pebin nexa pon pewan Arquipo, pon daunweya pana nebarú nacuita xua poxona pata cueicueijeia Nacom Pejume Diwesi. <sup>3</sup> Barabú Nacom Waxa irú Jesucristo pon jiwi Pecanamataxeinaein paca yawenaena pia paca necaantobexae, xuano xua jntema jinompa paca exanaena.

### *Meje yabara xua Filemón Cristo antobetsi xuano xua jume cowantano*

<sup>4</sup> Poxonae Nacomtha tsipaebiban cayabara nanta xeineibatsi jan tsaibin: “Axa, Nacom cawnae jaintatsi tsipei Filemón nejntú coyene weiweina exana”, jan tsaibin. <sup>5</sup> Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Matautano jume tan xua pinae antobem Jesús xua irúno pinae antobem daxita pomona pejume cowantsiwi. <sup>6</sup> Nacomtha tawcan xua pomona Jesús pejume cowantsiwi xua barapomona taena xua waxainchi be nacaemonaetsi wajume cowantsixae. Matautano Nacomtha tawcan xua barapomona xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowantsixae Cristo Jesús. <sup>7</sup> Taneantobemxae nejntú coyene tsacarabame yawa nejntú coyene weiweina exaname xua xaniwaicha jntema tapoponaewa tsane. Xam ponxae be tayapin canatsicotainchi irú nejume cowantsixae Jesús. Beta nepoponaexae daxota beta jinompa daxita pomona pejume cowantsiwi Cristo Jesús.

### *Meje xua Pablo Filemón wncatsi xua Onésimo tawncatsi, pon Filemón pia pebusi cui taetaeinchi*

<sup>8-9</sup> Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein matautano anoxuae jiwi pecubi botha neeta tanatsipei cueicueijeixae Cristo Jesús yabara. <sup>10</sup> Cacui itorobatsi xua neyawenaenexa Onésimo. Bapon taxanto be tatsicotaein taneyawenaexae xua cueicueijeí Jesús yabara poxonae cataunxae xote ecanje jiwi pecubi botha. Bapon bayatha nexainya weya nametaba, pon bayatha amanaya necata nacuichin.

<sup>11</sup> Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixaetsi. <sup>12</sup> Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein. <sup>13</sup> Xan ichichipan xua bapon taxantha eca xua barapon tana neyawenaenexa po penacuichiwa inta exaname xua irú poxonae cataunxae jiwi pecubi botha neeta tanatsipei cueicueijeixae Jesucristo pejume diwesi. <sup>14</sup> Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi. <sup>15</sup> Metha bayatha Onésimo nametaba nexainya werena saya be

caetha nexa xua anoxuae bara tsitecaeya nebar<sub>u</sub> poponaenexa tsane. <sup>16</sup> Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cow<sub>u</sub>ntsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema ir<sub>u</sub> pejume cow<sub>u</sub>ntsixae Jesucristo, pon jiwi Pecanamataxeinaein.

<sup>17</sup> Jinya eweicho tana necana exanaemxaem ir<sub>u</sub> tajume cow<sub>u</sub>ntsixae Jesús, daxota moya beta weyataeya matenta wabare Onésimo, icha be neichim poxonaenententa weiweinaya wabame. <sup>18</sup> Icha bapon cata abe exana, icha ichauyo cantoma amanayaba moya new<sub>u</sub>care xua barapo matoma tacacatsinexatsi. <sup>19</sup> Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa caw<sub>u</sub>caetsi pentoma po matoma xua tanematoma amanayabiwam xua bayatha tacayawenaexaetsi xua nejume cow<sub>u</sub>ntsiwa Jesús. <sup>20</sup> Bara barichinde, be pon taeweicho tacanatsicotaeinchi nejume cow<sub>u</sub>ntsixaer<sub>u</sub> Cristo. Inta exande xua caitorobatsi Jesús, pon jiwi Pecanamataxeinaein, pia pejume cow<sub>u</sub>ntsiwi pia pej<sub>u</sub>nt<sub>u</sub> cui coyeneya. Nej<sub>u</sub>nt<sub>u</sub> coyene tsacarabare xua j<sub>u</sub>ntema xaniwaicha tapoponaewa tsane.

<sup>21</sup> Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi. <sup>22</sup> Bapoxonaeninta bo tutu netsiw<sub>u</sub>naere. Tsipei bexa tsane paca taeyopiyaeinchi xua bayatha Nacom painya new<sub>u</sub>caexae xua tapaca taeyopiyawatsi tsainchi.

### *Meje yabara xua ichamonaen Filemón jacobatsi*

<sup>23</sup> Epafra cajacoba pon ir<sub>u</sub> xota eque jiwi pec<sub>u</sub>bi botha penatsipei cueicueijeixae Cristo Jesús yabara. <sup>24</sup> Matautano ir<sub>u</sub> Marcos, ir<sub>u</sub>no Aristarco, ir<sub>u</sub>no Demas, ir<sub>u</sub>no Lucas, daxita barapomonaen matab<sub>u</sub>x<sub>u</sub>yo neyawena xua tacueicueijejiwa Jesucristo yabara.

<sup>25</sup> Barab<sub>u</sub> Jesucristo pon jiwi Pecanamataxeinaein, paca yawenaena daxita paxam pia paca necaantobexae.

Baja Pablo.

## Meje Po Carte Po Carta Nacom Pia Jiton Tatsi Tatina, Hebreomonae Tatinatsi

### *Meje yabara xua Nacom Pexanto itoroba jiwitha petacueicueijeinexatsi*

<sup>1</sup> Caena bayatha Nacom itoroba pia peitorobi jume diwesi petacueicueijeiji jiwichi. Barapomonae Nacom tacueicueijeichi xua poxonae tsipaebatsi wamo susato jiwi. Barapomonae matowa tacueicueijeiji tsaibi xua Nacom tacueicueijeiji tsaibichi matautano ainya coyeneintha tsipaeba xua Nacom tatsipaebatsi. <sup>2</sup> Ichitha nama anoxuae matapainya barapo matabinthe po matabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxonae cana exana xua Pexanto tatsi pecanamataxeinaenexa daxita coyeneintha. <sup>3</sup> Nacom Pexanto tatsi pexeinya peitapanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxonae naca tsitupa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxonae bapon itaboco beicha pona penacuaretsinexa pexeinya peecaethopeibiwatha Nacom pia coxa weya tatsi xua itaboco beicha xua Nacom pia peecaethopeibiwatha tatsi beicha.

### *Meje yabara xua Nacom Pexanto tatsi peainya cuin beyacaincha matatsunpiwi*

<sup>4</sup> Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wan duta Pexanto xua po wan jei: “Nacom Pexanto”, jei, po wan bichocono ainya cui beyacaincha matatsunpiwi pewan. <sup>5</sup> Tsipei Nacom bapana jopa jeiyo matatsunpintha:

“Xam Taxantom, anoxuae jiwi tsita itapeinya xeinan xua xan jinya axan”,

jopa bapana jei Nacom matatsunpintha.

Matautano bapana jopa jei matatsunpin yabara:

“Xan bapon pia paxa tatsin tsane,

bapon bara taxanto tsane”, jopa

bapana jei Nacom xua matatsunpin

peyabara paebiwatsi.

Saya ba meisu Nacom Pexantotha

yabara paeba barapo jume.

<sup>6</sup> Matautano poxonae Pexanto itorobica po cae pin nacuamonaepiwitha tsique, pon yatsicaya compa tatsi, Pexanto yabara jei:

“Barabun daxita tamatatsunpiwimonae

Taxanto wunae jaintinchi”, jei Nacom.

<sup>7</sup> Nacom yabara jei matatsunpiwi:

“Tamatatsunpiwi itoroban xua nainya inta

nacuita icha joibo ichi xua nainya pona

poxonae itoroban barapo joibo.

Barichi barapomonae itoroban xua inta

daunweya nacuita icha nawa coicha ichi xua

daunweya taxua poxonae itoroban barapo nawa”,

jei Nacom.

<sup>8</sup> Ichitha nama Nacom Pexantotha jei:

“Jaina, xam ponxaem Nacom, ataya tsitecaeya  
itorobiya ewatsiname xua  
itorobathopequeibame jiwi.

Jinya neitorobiya ewatsi coyenewa  
bara ataya pexainyei coyenewa.

<sup>9</sup> Xam ichichipame pocotsiwa exana  
pomona xanepanaya peexanaewi.

Matautano bichocono aitaetaetim  
pocotsiwa exana pomona abe peexaneibiwi.

Daxota xan Nacom ponxaein, jinya Nacom  
bichocono cajuntũ coyene weiweina  
exanatsi, beyacaincha xua jinya jiwimonae  
juntũ coyene weiweina exanan”,

jei Nacom Pexantotha.

<sup>10</sup> Equeicha Nacom Pexantotha jei:

“Xam pon pepa Necanamataxeinaem jiwi,  
caena bayatha forotame barapo cae  
pin nacia poxonae aena.

Jinya coya exaname peitaboco.

<sup>11</sup> Daxita baxuan pocotsiwan xua jinya  
neexanaewam weraweracaena.

Tsipei daxita baxuan saya peruwan tsane,  
icha be poxonae paparuwa ichi xua  
peruwa tsane xua tsapatsapaca.

Ichitha xam nama ataya  
tsitecaeya poponaename.

<sup>12</sup> Barapo cae pin nacia irũ barapo itaboco

poxoru peruwa tsane pichiname xua  
nexubinexa, xua pena ira equeicha  
neexanaenexa yawa xua itaboco.

Barapocotsi jũta coyeneya exanaename  
icha be poxonae pebin ichi xua peruwa

nama xuena xua xuba, xua  
penawa penamaxatatsinexa.

Ichitha xam nama ataya tsitecaeya poponame.

Matautano jinya nepopona coyenewa  
ataya jopa weraweracae tsane”,

jei Nacom Pexantotha.

<sup>13</sup> Nacom bapana jopa jeiyo matatsunpintha:

“Xam tacoxa weya ecare, beya poxonae abũ  
caexanaeinchi xua itorobiname jinya

necaitaetaebi jiwi”, bapana jopa jeiyo  
Nacom matatsunpintha.

Saya meisa Pexantotha baxua paeba.

<sup>14</sup> Daxita matatsunpiwi peinya pejinompaewi jiwitha. Barapo matatsunpiwi ex-  
ana dubenanebiya pocotsiwa Nacom itoroba. Nacom itoroba barapomona xua  
petayawenaenexa tsainchi pomonaetha pomona bexa Nacom capanenebiyaena  
pomona pejume cowantsi jiwixaetsi.

## 2

*Meje yabara xua poxona naca muxuweta xua jopa bewa pepawi cana exanaetsi Nacom pia pecapanenebiyae coyenewa tatsi*

<sup>1</sup> Nacom Pexanto ainya cui cana exana beyacaincha matatsunpiwi. Daxota bewa matowa itapeta jume naitaewatichi pocotsiwa bapon yabara xua jume tainchi. Bapoxona jopa wayabara junte mainaponae tsainchi po coyene xua Nacom pia pecapanenebiyae coyenewa tatsi. <sup>2</sup> Po peitorobi coyenein caena bayatha matatsunpiwi Nacom tacueicueijeichi, barapo coyenein bara xainyei. Pomona jopa jume cowantsiyo barapo peitorobi coyenein xuano xua abe exanaponano, barapomona atene exanaeinchi xua canacui matajupiya cana exanatsi. <sup>3</sup> Cristo naca cana exana xua panenebiyatsi abe waexanae cuiru coyenein weya. Cristo pia pecapanenebiyae coyenewa bichocono ainya cui coyenewa. Icha Cristo pia pecapanenebiyae coyenewa cayabara nanta xeinatsi xua pepawi xua jopa ainya cuiyiyo, waxainchi bapana jopa naca capanenebiyae tsane xua poxona jiwu atene exanaeinchi abe peexanaexae. Barapon Cristo pon jiwu Pecanamataxeinaein barapo pecapanenebiyae coyenewa yabara tsipaeba copiya. Bapoxona xuya barapo pecapanenebiyae coyenewa naca tsipaeba pomona jume tane pocotsiwa xua bapon paeba pon jiwu Pecanamataxeinaein. <sup>4</sup> Nacom tsita itapeinya xeina xua barapomona bara xaniwaicha yabara paeba Nacom pia pecapanenebiyae coyenewa. Baxua exana poxona Nacom cana exana xua barapomona pexeinya petsita itabi coyenewan muxuna exana poxona cueicueije. Matautano baxua exana poxona cana exana xua barapomona muxuna exana pocotsiwa bichocono wuna xua jiwu nabenaeca cana exanatsi. Matautano baxua exana poxona cana exana xua barapomona pexeinya peayapusu itorobi coyenewan muxuna cueicueije. Matautano Nacom tsita itapeinya xeina xua bara barapomona xaniwaicha cueicueije poxona Nacom pia Pejumope tuxaxu tatsi itoroba barapomona pia juntu coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tuxaxu tatsi icha be pocotsi coyenewa Nacom ichichipa xua barapomona barapo cui coyeneya exanaena.

*Meje yabara xua Jesucristo be jiton coyeneya naexana*

<sup>5</sup> Nacom jopa copatsi tsane xua matatsunpiwi canamataxeinaena barapo pena nacuatha po nacua yabara xuaunxuae pacata tinatsi. <sup>6</sup> Jame nama Nacom Pejume Diwesitha ichun yabara jeye xua pomona barapo pena nacua pecanamataxeinaewa tsane, jeye:

“Nacom xam jiwu toxeincha bichocono pin juntu coyene xeiname.

¿Eta xua metha yabara nanta xeiname

jiwu xua ainya cui exaname xua

pecanamataxeinaenexa tsane ichamona?

<sup>7</sup> Nacom copiya saya caetotha exaname xua

jiwu be conotha ainya cui.

Baxua exaname poxona matatsunpiwi toxeinchiya

ainya cui exaname beyacaincha jiwu.

Ichitha cotacaya exaname xua jiwu

ainya cui naexana.

Jiwu cana exaname xua pexeinya

peitupanae coicha xeina

yawa catame barapomona peayapusu

itorobi coyenewa xua icha jiwu

pecanamataxeinaewa tsainchi.

<sup>8</sup> Po jiwu cajume cowanta barapo



jiwitha catame peayapusu itorobi  
 coyenewa daxita xua pecanamataxeinaenexa  
 xuantha xua forotame”,  
 jei xua ichun tsipaeba Nacomtha.

Poxonae Nacom cana exana jiwi xua canamataxeinaena daxita xua xuan forota, dapocotsi coyenewa aibi xua jiwi jopa itacupaetsi xua pecanamataxeinaewa. Daichitha awiya cataunxuae jopa jiwi cui taetsi xua daxita pecanamataxeinaewa. <sup>9</sup> Ichitha waxainchi Jesús yaputainchi pontha pon Nacom saya caetotha cana exana xua jopa ainya cuiyo. Matatsunpiwi conotha ainya cui beyacaincha xua Jesús xua poxonae caetotha cana exanatsi xua jopa ainya cuiyo xua poxonae popona be jiton. Nacom bichocono peantobexae daxita jiwi daxota bapon copata xua Cristo tsitupaena daxita jiwi abe pia peexanaexae. Anoxuae equeicha Nacom ainya cui cana exana xua Jesús ainya cui cana exanatsi. Matautano Nacom cana exana xua Jesús jopa juniya ainya cuiyiyo xua jiwi itorobiya peewatsiwatsi. Matautano Nacom Jesús catatsi pexeinya peitupanae coicha. Nacom baxua exana xua Jesús pia petsitupaexae jiwi.

<sup>10</sup> Nacom forota daxita coyenein. Matautano daxita baxuan Nacom nata exana. Matautano Nacom ichichipa xua daxita piamonae tatsi pexeinaewa tsane pia pexeinya peitupanae coicha tatsi peponaenexa tsane pia nacuatheicha tatsi. Daxota Nacom tsita xanepanatsi xua poxonae Jesucristo atene exanatsi beta yatsicaewa pejuntu coyene wunaetsinexatsi xua jiwi pecanamataxeinaenexatsi Nacom pia nacuatheicha. Baxua Nacom exana poxonae Jesucristo atene exanatsi poxonae tsitupa xua jiwi pecapanenebiyaenexatsi abe pia peexanae cuiru coyenein weya tatsi. <sup>11</sup> Tsipei daxita pomonae juntu coyene xanepana exanatsi Nacomtha, iruru Jesús pon cana exana baxua barapomonaetha, daxita barapomonaenanta caein Paxa pon Nacom. Daxota Nacom Pexanto tatsi jopa auriyo poxonae naca yabara jei: “Tayapin jiwi pam”, poxonae jei. <sup>12</sup> Nacom Pexanto tatsi pon Jesucristo, caena bayatha Nacom Pejume Diwesitha xua salmos penaxunae weixi diwesintha jeye Nacomtha:

“Cayabara paebinchi tayapinmonae jiwitha.

Cata naxunaeinchi pewei xua wunaenae  
 tacajainchinexa poxonae nanabarun  
 nanacaetutsin jinya botha pomonae cajume  
 cowanta”, jei Jesucristo Nacomtha.

<sup>13</sup> Ichacuitha caena bayatha Jesucristo jeye xua Isaías pia diborotha:

“Xan jume cowuntsiya wunaenae ewatsin

Nacom xua tana neyawenaewa”, jei.

Equeicha Jesucristo jeye:

“Xote ecan, baru ecan tapexui pomonae tana

nejume cowuntsiwi pomonae Nacom

necata”, jei Jesucristo.

<sup>14</sup> Pexui ba bara xeina pejana yawa pewito icha be coxiyeiwi ichi tsipei jiwixae. Barichi Jesús xeina jiton pia pepon tatsi pexeinaexae jiwi pia pewito tatsi xuano xua jiwi pia pejana tatsi. Jesús baxua xeina xua petsitupaenexa jiwi. Daxota itacupatsi xua peamanayabiwa pontha pon xua peayapusu itorobi coyenewa xeina xua jiwi pejutewatsi. Bapon apara pon caurimonae pia pentacaponaein tatsi. <sup>15</sup> Jesús baxua nacata exana wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita matabin junuwiya jinompeiba xua pewerapaewayainwa. <sup>16</sup> Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apara jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi. <sup>17</sup> Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua

yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonaē pia petaexanaē coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitupaenexatsi xua Nacom jiwi pejuntũ coyene yabara jũntemainaenexa tsaibi tsainchi abe pia peexanae cuiru coyenein tatsi. <sup>18</sup> Jesús atene exanatsi poxonaē caurimonaē pia pentacaponaein tatsi jũntũ coyene jũjutatsi petaenexa tsainchi icha abe exana. Daxota anoxuae bapon Jesús itacũpatsi xua peyawenaewa pomonaē irũrũ jũntũ coyene jũjutatsi caurimonaē xua abe peexanaewa tsane.

### 3

#### *Meje yabara xua Jesús peainya cuin beyacaincha Moisés*

<sup>1</sup> Nacom irũ paca wũn duba poxonaē itapeta pomonaē pepatsinexa tsane pia nacuatheicha tatsi. Tamonaē pam, paxam jiwana pam pomonaē pejume cowũntsiwi Jesucristo, pomonaē pam Nacom paca jũntũ coyene xanepana exana xua piamonaē tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaētha wajume cowũntsixae bapon. <sup>2</sup> Jesús bara xainyeya exana Nacom pia petanacuichiwa tatsi Nacom peyabara tsiwũnaē muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonaē daxita coyene beta xainyeya taexana Nacom piamonaētha xua Nacom nexa. <sup>3</sup> Jesús pecapanepaexae jiwi bewa bichocono toxecha barũ cui itara jinaetsi bapon beyacaincha xua barũ cui itara jinatsi Moisés. Barapocotsi jũta coyeneya ichi, bewa Jesús cana exanaetsi icha be poxonaē jiton ichi xua bewa barũ cui itura jinaeinchi xua ainya cui exanatsi peacabixae bo beyacaincha xua bo xua ainya cui tsuncuae. <sup>4</sup> Daxita ba bon tsoponae poxoru apara jiton peexanaexae. Ichitha jame pon yatsicaewa nama daxita coyenewan exana apara bapon Nacom. <sup>5</sup> Bayatha Moisés apara pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiwũnaē caunuta pocotsiwan xua bexa Nacom exanaena. <sup>6</sup> Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonaē Nacom piamonaē tatsi. Waxainchi Nacom piamonaetsi icha ajũntũyapũsũya jume cowũntapoinchi Cristo beya xua poxonaē tũpaeinchi. Matautano waxainchi Nacom piamonaetsi icha jũntũ coyene weiweinaya wũnaē ewatatsi pocotsiwa bexa Nacom wanaca tsixanaewa tsane.

#### *Meje yabara xua nafifna caewata Nacom piamonaē tatsi*

<sup>7</sup> Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumope tũnaxũ tatsi naca itoroba xua bewa jume taetsi Cristo. Baxua paeba Nacom pia Pejumope tũnaxũ tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

<sup>8</sup> Painya xoba pana nejumefebame painya jũntũ coyenewatha xua daxota jopa painya tana nejume cowũntsiwam. Jopa bara paichinde icha pomonaē ichi xua poxonaē bayatha nejume matawenta xua exanan poxonaē jinompa ichaxota ira xuepana susato tsurucuae nacuatha. Barapomonaē nefayacoteiba poxonaē

nejuntũ coyene jũjũteiba beya  
poxonae anaepanan barapomonaetha  
poxonae jopa xapain exaneibiyo.

<sup>9</sup> Barapomonaetha pomonaetha nejuntũ coyene  
jũjũta, apara painya amo susato jiwĩ.  
Barapomonaetha baxua inta exana poxonae  
jopa nejume cowantsiyo.

Baxua exaneiba beya poxonae cuarenta po  
weibe tsuxubi bequein taiba pocotsiwa  
xua taexaneiban barapomonaetha xua beya  
cuarenta po weibetha.

<sup>10</sup> Daxota barapomonaetha caseban yawa yabara  
jan barapomonaetha: ‘Barapomonaetha jopa benejume  
cowantsiyo pejuntũ coyeneintha yawa  
jopa beyaputaeyo pocotsiwa ichichipan  
taexanan barapomonaetha’, jan.

<sup>11</sup> Barapomonaetha caseban.

Tacoutha jume daunweya najan:  
‘Barapomonaetha bapana jopa patsi tsane  
tanacuatha ichaxota po nacuatheicha  
nafinacaewatsina pomonaetha tana nejume  
cowantsiwi’, najan”, jei Nacom  
pia Pejumope tũnaxũ tatsi,  
Nacom Pejume Diwesitha.

<sup>12</sup> Tamonaetha pam, pomonaetha irũ painya nejume cowantsi jiwixae Jesucristo. Painya  
xoba paxename po jũntũ coyene bichocono abe, po jũntũ coyene jopa ichipaeyo xua  
pejume cowantsiwa Nacom, pon xua asũ popona. <sup>13</sup> Jame maisa daxita matacabin  
nantiya pana najuntũ coyene tsacabare xua ajũntũyapũsũya painya nejinompaewa  
tsane. Daxita pam baxua paexande anoxuae poxonae cataunxuae po dapaetha anox-  
uae petain paca itacũpa xua paexaname baxua. Mataũtano baxua paexande xua jopa  
pata tana nejumefebiwam painya jũntũ coyenewatha. Icha pana nejumefebame painya  
coutha pana namuxujainyabichipame xua daxota abe painya neexanaewa tsane.

<sup>14</sup> Bewa xanepanaya ayapũsũya jume cowanta dubenanaebiyaeinchi Nacom xua beya  
poxonae tũpaeinchi. Icha baxua betiya ayapũsũya jume cowanta dubenanaebiyaeinchi  
icha ichichĩ poxonae aena jume cowantatsi, bapoxonae nayawa muxuna xeinaeinchi  
Nacom pia nacuatheicha pocotsiwa Cristo xeina.

<sup>15</sup> Daxota equeicha paca tsipaebatsi xuaunxuae po diwesi paca tsipaebatsi xua Nacom  
Pia Pejumope tũnaxũ tatsi cueicueijei, jeye:

“Anoxuae pana nejume taema pocotsiwa paca  
tsipaebatsi, ponxaein Nacomxaein.

Icha pana nejume taneme bapoxonae painya xoba  
pana nejumefebame painya jũntũ coyenewatha  
xua daxota jopa pata tana nejume  
cowantsiwam tsane.

Jopa bara paichinde icha pomonaetha ichi xua  
poxonae nejume matawenta poxonae jinompa  
ichaxota ira xuepana susato tsurucuae nacuatha”,  
jei Nacom pia Pejumope tũnaxũ tatsi.

<sup>16</sup> Payabara nanta xeinare pomonaetha jume tane xua Nacom pejume tatsi xua bapoxonae  
Nacom jume matawentatsi. Daxita bapomonaetha apara pomonaetha Moisés mata cawarapa

Egipto nacua weya. <sup>17</sup> Payabara nanta xeinare Nacom xua caseba xua beya cuarenta po weibetha tsuxubi. Bapomonaē apara israelmonaē pomonaē xua abe exana poxonaē jinompa ichaxota ira xuepana susato tsurucuae nacua beya, xuano xua baxota werapano. <sup>18</sup> Payabara nanta xeinare pomonaē Nacom daunweya yabara paeba, xua jei: “Barapomonaē bapana jopa patsi tsane tanacuatha ichaxota po nacuatheicha nafinacaewatsina pomonaē tana nejume cowantsiwi”, jei. Bapomonaē apara israelmonaē pomonaē xua jopa exanaeyo pocotsiwa Nacom itoroba. <sup>19</sup> Bara yaputainchi xua barapomonaē jopa itacupaetsi xua pepatsiwa Nacom pia nacuatheicha tsipei jopa Nacom jume cowantsichi.

## 4

<sup>1</sup> Waxainchi yabara jume cowanta dubenanaebiyatsi xua Nacom naca tsiwanae muxu duta. Nacom naca tsiwanae muxu duta xua bara wanaca itacupaewa tsane xua wapatsiwa pia nacuatheicha po nacua xua Nacom pia penafinacaewatsi nacua. Daxota poxonaē cataunxuae naca itacupa xua wapatsiwa tsane barapo nacuatheicha bewa yabara najanta coyene exabichi xua paxam jiwana jopa itacupaetsi xua pepatopaewa Nacom pia nacuatheicha. <sup>2</sup> Waxainchi barichichi jume tainchi barapo Nacom pia pecapanenebiyae diwesi, icha bayatha barapomonaē ichi xua jume tane barapo diwesi. Ichitha barapo diwesi jopa yawenaetsi barapomonaē xua pejume cowantsinexa Nacom, tsipei jopa jume cowantsiyo barapo diwesi. <sup>3</sup> Waxainchi nama barapomonaetsi xua wajume cowantsiwi barapo pecapanenebiyae diwesi. Daxota naca itacupa xua wapatsiwa Nacom pia nacuatheicha ichaxota bapon naca baru nafinacaewatsina baxoteicha. Nacom wamo susato jiwi yabara paebatsi xuaunxuae paca tsipaebatsi. Jeye:

“Barapomonaē caseban.

Tacoutha jume daunweya najan:

‘Barapomonaē bapana jopa patsi tsane tanacuatha ichaxota po nacuatheicha nafinacaewatsina pomonaē tana nejume cowantsiwi’, najan”,

jei Nacom Pia Pejumope tanaxa tatsi.

Bequein baxua Nacom paeba ichitha caena bayatha weta barapo nacua ichaxota jiwi nafinacaewatsina poxonaē nacobe weta xua daxita forota barapo cae pin nacuathe.

<sup>4</sup> Po matabi pewan “siete matabi”, jei, barapo matabi Nacom Pejume Diwesitha yabara paeba. Bapon jeye:

“Nacom nacuita seis po matabibibe.

Bapoxonaē nafinacaeca po mataqueitha pewan ‘siete matabi’, jei”,

jei Nacom Pejume Diwesitha.

<sup>5</sup> Equeicha Nacom Pejume Diwesitha jeye:

“Barapomonaē bapana jopa patsi tsane tanacuatha ichaxota po nacuatheicha nafinacaewatsina pomonaē tana nejume cowantsiwi”, jei Nacom.

<sup>6</sup> Ichitha cataunxuae acoibi ichamonaē pomonaē xua bexa tsane Nacom copatsina xua nafinacaewatsina ichaxota bapon nafinacaewata. Barapomonaē jume cowantsina xua Nacom paeba. Pomonaē copiya bequein jume taetha Nacom pia pecapanenebiyae jume barapomonaē Nacom caena bayatha jopa copatsiyo xua barapomonaē nafinacaewata tsipei jopa jume cowantsiyo pocotsiwa Nacom paeba. <sup>7</sup> Daxota Nacom nanta xeina xua equeicha pena matabi exana. Barapo matabi xua wan duta “anoxuae” jei xua pena coyene. Barapo matabitha xua piamonaē tatsi petaitacupaewatsi tsainchi

xua nafifinacaewatsina. Baxua Nacom exana caena bayatha poxonae David popona xua ainya wei pirapae poxonae jinompa pomona jopa copatsichi xua nafifinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamona jiwitha, poxonae David popona, pon jeye:

“Icha anoxuae pajume naitaewatame  
pocotsiwa Nacom paca tsipaeba jopa  
pajumefebinde painya j̄nt̄u coyenewatha  
xua daxota jopa Nacom painya nejume  
cow̄antsiwam”, jei David caena  
bayatha Nacom nexa.

<sup>8</sup> Josué caena bayatha wamo susato jiwi matacapoinchi Canaán nacua berena pomonae Israel piamonaexae tatsi. Apra jopa matacaponaeyo ichaxota po nacua Nacom yabara paeba xua barapomonae nafifinacaewatsina. Icha Josué bayatha matacaponaetsipa barapomonae barapo nacua bapoxonae Nacom jopa nantawenonaetsipae xua exanaena icha matacabi po matacabitha poxonae barapomonae itac̄patsi xua pepatsiwa tsane barapo nacua, po nacua ichaxota Nacom yabara paeba. <sup>9</sup> Daxota cataunxuae awiya barapo matacabi tsoponae po matacabitha poxonae Nacom piamonae tatsi nafifinacaewatsina Nacom pia nacuatheicha. <sup>10</sup> Tsipei pon weta pia penacuichiwa pocotsiwa Nacom itoroba bara itac̄patsi xua nafifinacaewata ichaxota Nacom nafifinacaewata. Bapon baxua exanaena icha Nacom ichi poxonae nafifinacaeca, poxonae nacobe weta pia penacuichiwa xua poxonae forota daxitan. <sup>11</sup> Daxota bewa aj̄nt̄uſ̄uya jume cow̄anta dubenanaebiyaeinchi xua wanafifinacaewatsinexa tsane ichaxota Nacom nafifinacaewata. Baxua exanaeinchi xua ichamonae waxainchi jiwantsi jopa peyaseicaewa tsane xua nafifinacaewata. Waxainchi jopa ichipaetsi xua icha ichamonae ichi xua jopa nafifinacaewatsiyo jopa pejume cow̄antsixae pocotsiwa Nacom paeba.

<sup>12</sup> Nacom Pejume Diwesi peaj̄nt̄uyap̄us̄u diwesi xuano peayap̄us̄u itorobi coyene xeina. Barapo Nacom Pejume Diwesi barapocotsi j̄ta coyeneya ichi xua icha ba cusi ichi xua po wato nantiya bar̄u ducuabe. Barapo cusi taj̄u uncuiya pebar̄wa xua pepontha. Barapoxonae barapo cusi itapeinya xeina daxita pocotsiwan xeina wan iya xua matha iya dubeinya b̄paniya. Ichitha Nacom Pejume Diwesi ayap̄us̄u beyacaincha cusi tsipei barapo Nacom Pejume Diwesi itac̄patsi taj̄u bereca pona waj̄nt̄u coyenewatha ichaxota nanta xeinatsi. Barapo diwesi naca yaputane exana po coyenein xua waj̄nt̄u coyenewatha xeinatsi. Naca yaputane exanano po coyenein yabara nanta xeinatsi waj̄nt̄u coyeneintha. <sup>13</sup> Dapocotsiwan aibi barapo cae pin nacuathe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopa taeyo. Daxitan nait̄atarubena xuano xua Nacom itac̄patsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

### *Meje yabara xua Jesús pepa sacerdotepin*

<sup>14</sup> Jesús apra Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabarathe-icha tatsi. Daxota bewa aj̄nt̄uyap̄us̄u jume cow̄anta dubenanaebiyaetsi bapon, pon yabara cueicueijeichi ichamonaetha. <sup>15</sup> Barapo wasacerdotepin pon pepa sacerdotepin, naca weyatane xua wanaca yawenaenexa poxonae j̄nt̄u coyene faefae-nouneibatsi abe waexanaexae. Bapon baxua nacata exana, tsipei bapon barichichi j̄nt̄u coyene j̄j̄tatsi xua abe peexanaenexa. Caurimona pia pentacaponaein tatsi j̄nt̄u coyene j̄j̄ta icha naca ichi. Daichitha nama bapon Jesús bapana jopa abe exanae. <sup>16</sup> Daxota bewa aj̄nt̄uyap̄us̄u w̄caetsi Nacom pon bichocono naca antobe. Jopa bewa junuwi tsainchi xua wacueicueijeija Nacomtha. Bapoxonae Nacom naca weyataena

wanaca yabara j̄ntemainaenexa xua abe waexanae cuiru coyenein. Matautano bapon wanaca antobexae naca yawenaena poxonae po matabitha canantawenoneibatsi, poxonae naca j̄ntu coyene j̄j̄uta.

## 5

<sup>1</sup> Jiwi ba barompaya pia xantha tatsi jiwana taitapetatsi pomonae xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunuta jiwi yabara poxonae cueicueijeji Nacom peitabaratha xua jiwi nexa. Matautano barapo sacerdotepiwi yabara tsiw̄n dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiw̄n dubatsi po coyene xua jiwi petaexaneibiwa tsaibi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomtha abe peexanaexae. <sup>2</sup> Barapo sacerdotepiwi ichacuitha j̄ntu coyene faefaenouneiba, poxonae j̄ntu coyene j̄j̄uteibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae j̄ntu coyene j̄j̄uteibatsi, daxota bara itac̄patsi xua peyawenaewa ichamonae. Itac̄patsi xua peyawenaewa pomonaetha pomonae abe peexanaewi xua bequein jopa yaputaeyo xua abe exana, ir̄ru pomonae yatsicaewa nacui yaputane xua abe exana. <sup>3</sup> Barapo sacerdotepiwi ir̄ru abe exaneiba xua pej̄ntu coyene faefaenaexae poxonae j̄ntu coyene j̄j̄uteibatsi caurimonae pia pentacaponaein tatsi. Daxota bewa ir̄ru pia coutha nata exanae po coyene xua duwei penata tautsinexa Nacom nexa icha poxonae jiwi tacana ichichi poxonae abe peexanaexae. <sup>4</sup> Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiw̄n duta xua penaexanaenexa pepa sacerdotepin. Matautano bapontha Nacom cata barapo peainya cui yabara mataw̄n dutsiwa icha bayatha Nacom cana ichi pon pew̄n Aarón pon copiya pepa sacerdotepin naexana. <sup>5</sup> Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Apara jame Nacom cata barapo peainya cui yabara mataw̄n dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara mataw̄n dutsiwa xua penaexanaenexa pepa sacerdotepin, xua jeye:

“Xam apara taxantom.

Anoxuae xan jinya axaxaein.

Yabara catsiwan dutatsi barapo jinya

nenacuichiwanexa”, jei Nacom.

<sup>6</sup> Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepim, xua bara ataya

tsitecaeya tsane, icha Melquisedec matha

ichi pon caena bayatha popona.

Bapon pepa sacerdotepin naexana xua

ataya tsitecaeya pepoponaein”,

jei Nacom.

<sup>7</sup> Poxonae cataunxuae Cristo popona po cae pin nacuathe bichocono jume daunweya tsipaebeiba Nacomtha xuano jume daunweya w̄queibano beya poxonae bichocono wecoyei. Cristo w̄queiba Nacomtha, pon bequein itac̄patsi xua Cristo peyawenaewatsi xua jopa pet̄paewa. Mexeya poxoru bapon itapetsiya peexanaexae pocotsiwa Nacom ichichipa daxota bara Nacom jume tane pocotsiwa Cristo w̄ca. <sup>8</sup> Bequein Cristo Nacom Pexanto tatsi, ichitha nacuiduba xua Paxa jume jejei xua exana pocotsiwa Paxa itorobatsi xua poxonae atene exanatsi xua ichamonae exana. <sup>9</sup> Bapon pia coutha daxita naj̄ntu cui yabara w̄naeta poxonae atene xua penaexanaenexa pepa sacerdotepin. Daxota bapon Cristo exana xua jiwi capanenebiyatsi abe pia peexanae cuiru coyenein

weya xua ataya tsitecaeya tsane daxita pomonae pia pejume cowantsiwichixaetsi. <sup>10</sup> Nacom yabara tsiwun duta xua Cristo pepa sacerdotepin naexana, icha matha Melquisedec ichichi xua yabara tsiwun dutatsi xua pepa sacerdotepin naexana, pon caena bayatha popona.

*Meje yabara xua poxonae muxuwetatsi pomonae Nacom pejume cowantsiwi xua pebarapentsiyainwa po coyene xua pejume cowantsiwa Nacom*

<sup>11</sup> Waxainchi xeinatsi nawita xua po coyene wayabara natsipaebinexa Cristo xua xunxuae anoxuae paca tsipaebatsi. Daichitha bichocono ayapube xua paca yaputane exainchi tsipei painya coutha jopa pana nayabara copatsim xua bara painya neyabara yaputaewa tsane baxuan. <sup>12</sup> Caena bayatha bewa pana naexanaem pomonae jiwi painya necuidubi jiwi pam. Daichitha cataunxuae panantawenoname xua ichamonae equeicha caewa yabara paca cuiduba Nacom Pejume Diwesi pocotsiwan xua jiwi nantawenona copiya nacuiduba poxonae aena jume cowanta. Paxam pomonae equeicha caewa pajuntu coyene faefaename, xua painya nejume cowantsiwa. Barapo coyene icha be poxonae pexui ichi xua nantawenona mito, jopa peitacupaexaetsi xua pexaewa pewito. <sup>13</sup> Pexui poxi isainatsi ba nantawenona mito poxoru pewito jopa xaeyo. Barapocotsi juta coyeneya paichim. Paxam jopa paca itacupaeyo xua painya neyabara yaputaewa Cristo pia pecuidubiwa xua po coyene xanepanaya painya nejinompaewa. <sup>14</sup> Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi juta coyeneya ichi pomonae ba xaniwaicha jume cowanta pia juntu coyeneintha barapomonae jopa abe exanaeyo. Barapomonae nacuiduba xua yabara yaputane po coyene abe yawano po coyene wanae.

## 6

<sup>1</sup> Barabu nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowantatsi. Jame barabu nanta xeinatsi, po coyene pepa pena coyene icha pomonae pinyon ichi xua pocotsiwan nanta xaina pomonae beta jume cowanta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Matautano jopa nantawenonaetsi xua jume cowantsinchi Nacom. <sup>2</sup> Barapocotsiwanje jopa nantawenonaetsi xua equeicha caewa nayabara cueicueijeichi tsainchi tsipei bayatha payaputaneme. Matautano jopa equeicha nantawenonaetsi xua caewa nayabara cueicueijeichi tsainchi xua bewa bautisabinchi. Matautano jopa nantawenonaetsi xua equeicha caewa nayabara cueicueijeichi tsainchi xua poxonae Nacom pejume cowantsiwi pecobetha pemataboco jayabiwatsi xua pexeinaenexa pejuntu cui coyenein po pejuntu coyene Nacom pia Pejumope tana xua tatsi cata. Matautano jopa nantawenonaetsi xua equeicha caewa nayabara cueicueijeichi tsainchi xua equeicha jiwi asu peexanaewatsi petupae cuiru coyene weya. Barichi jopa nantawenonaetsi xua equeicha caewa nayabara cueicueijeichi tsainchi xua poxonae Nacom yabara paebina jiwi xua penatsicuentiwa xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae. <sup>3</sup> Jame barabu nayabara cueicueijeichi tsoponae tsainchi icha coyenein xua pena coyene icha Nacom bara naca cui yabara copatsina.

<sup>4</sup> Ichamonae penta xua Cristo pejume cowantsiwatsi. Daxota jopa neyapucupaeyo xua equeicha tacuidubiwa Nacom Pejume Diwesi barapomonaetha. Barapomonae Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Matautano barapomonae xaina po pejuntu coyenein Nacom pia Pejumope tana xua tatsi cata. <sup>5</sup> Matautano barapomonae yabara jume cui jujuta Nacom Pejume Diwesi xua daxota yaputane xua barapo diwesi bara xanepana. Matautano

barapomonae tane po peayapusu itorobi coyenewa Nacom pia Pejumope tñaxu tatsi cata jiwitha xua barapo jiwi barapo coyenewatha exana pexeinya petsita itubi coyenewan beya poxonae Cristo equeicha patopaena. <sup>6</sup> Icha daxita barapo coyenein barapomonae equeicha nacui barapenta xua jopa Nacom pejume cowantsixaetsi, bapoxonae nama jopa itacupaetsi xua equeicha caewa pejume cowantsiwa Nacom. Poxonae Nacom equeicha pentatsi baxua be barapomonae equeicha Jesús caewa bexotsi naetotha. Barapomonae exana xua jiwi Nacom Pexanto tatsi yabara jume cui caponatsi tsipei jopa Nacom jume cowantsichi. Baxua icha be poxonae ichamonae ichi poxonae matha Jesús naetotha bexotsi xua daxota daxita jiwi Jesús cui caponatsi. <sup>7</sup> Pabi ba po iratha ema mu jojoneca poxonae ema duneiba barapo iratha, barapo pabitha jiwi pexaewa uba. Nacom exana barapo iratha xua pexaewa xaniwaicha taxainwaetsina xua pomonae peubimonae taxainwaetatsi. <sup>8</sup> Ichitha icha icha pabi saya u pesoiwan xuwa, barapo pabi jopa wñnaeyo poxoru jiwi jopa yawenaetsi poxonae uba barapo pabitha. Daxota Nacom exana xua barapo pabi jiwi tautsina xua pesoiwan daxita tupa peexanaenexa. Icha Nacom cana ichi pabintha bara juta cana ichiya exana jiwitha. Icha jiwi Nacom jume cowanta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenae tsane barapo jiwi. Saya jame Nacom itoroba xua barapo jiwi petautsiwa tsainchi po isototha xua bapana jopa itacounayiyo.

*Meje yabara xua wawñnae ewatsiwa xua pocotsiwa Nacom yabara wanaca tsiwñnae muxu dutsiwa*

<sup>9</sup> Tamonae pam, paxam pomonae tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae. <sup>10</sup> Tsipei Nacom bara xainyeya exana. Nacom jopa paca yabara jñntemainae tsane pocotsiwan xua bayatha paexaname. Matautano jopa paca yabara jñntemainae tsane xua ichamonae painya neyawenaewa pomonae iru pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponame, awiya cataunxuae baxuan paexanaponame. <sup>11</sup> Bequein baxua paexaname daichitha paichichipan xua daxita paxam awiya payawenaponaename ichamonae. Ajñntuyapusuya pawñnae ewataponare pocotsiwa Nacom yabara paca tsiwñnae muxu duta xua beya payacuiya werapaeya othopaename. <sup>12</sup> Jopa paichichipaeinyo xua payabara ajñntucoyenefaetabim xua pawñnae ewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jñtiya paichiponaende, icha ichamonae ichi xua poxonae bichocono jume cowanta Nacom. Matautano barapomonae jopa bepijawa aitaconaeyo xua wñnae ewata pocotsiwa Nacom yabara tsiwñnae muxu duta.

<sup>13</sup> Poxonae Nacom yabara tsiwñnae muxu duta Abrahamtha, Nacom pia wñnthayabara tsiwñnae muxu duta Abrahamtha. Baxua Nacom pia wñnthayabara tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wñnthayabara tsipeiyo. <sup>14</sup> Nacom jeye Abrahamtha: “Bara xaniwaicha bichocono cayawenaeinchi. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom. <sup>15</sup> Abraham abu saya beitatemaya wñnae ewatapona pocotsiwa Nacom yabara tsiwñnae muxu duta, jopa aitaconaeyo. Bapoxonae pirapae Abraham catatsi pocotsiwa Nacom bayatha yabara tsiwñnae muxu duta bapontha. <sup>16</sup> Poxonae jiwi ba yabara natsiwñnae muxu duta xua pocotsiwa bepa pinae exaneibina, pewñnthayabara tsipeiyo, po wñn xua ichñn pewñn tatsi pon xua bichocono ainya cui beyacaincha xua barapomonae. Barapomonae baxua exana xua ichamonae peyaputaenexa xua bara xaniwaicha xainyeya peexaneibinexa pocotsiwa xua penayabara tsiwñnae muxu dubeibixae. Bapoxonae ichamonae jopa itacupaetsi



xua baxua yabara jume matsontsonoba barapomonaetha. <sup>17</sup> Nacom ichichipa xua tsita itapeinya xeina piamonaetha, pomonaetha pomonae pecatsixae tsane pia petsiwuna nae muxu dutsiwa xua jopa equeicha ichawa nanta xeinae tsane xua pocotsiwa exanaena. Nacom ichichipa xua barapomona nae peyaputaewa tsane xua bapon xaniwaicha exanaena pocotsiwa bayatha yabara tsiwuna nae muxu duta Abrahamtha. Daxota Nacom yabara tsiwuna nae muxu duta pia wuntha. <sup>18</sup> Ainya coyenewabe Nacom exana po coyenewabe xua jopa itacupaetsi xua ichawa yabara jume toxeinchiya exana. Meje baxue: Icha coyenewa Nacom yabara tsiwuna nae muxu duta; icha coyenewano xua Nacom pia wuntha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacie pia coyenein, po coyenein xua abe exanatsi naca cana exana. Matautano jume cowantsiya wuna nae ewatatsi xua Nacom wanaca yawenaewa tsane xua naca capanenebiya abe waexanae coyenewa weya. Barapocotsiwa bayatha naca yabara tsiwuna nae muxu duta. <sup>19</sup> Waxainchi wuna nae ewatatsi xua Nacom bexa naca capanenebiya tsane. Wajume cowantsixae baxua daxota naca juntu coyene ayapusu exana. Naca itacupa xua wayabara jume cowantsiwa. Wawuna nae ewatsixae baxua naca yawena xua beta jinompatsi Nacom nexa. Baraxua icha be poxona e jera ichi xua tuwutha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wuna nae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonae nanaexanatsi bapontha. Nacom itaboco beequiya, paparuwa peuma werena pia botha eca xua tututhiya xua pin botha ichaxota wapatsiwa tsane. <sup>20</sup> Jesús itaboco beicha naca tsiwuna nae patopiya Nacom pexainya beicha tatsi. Bapon copiya bewa bara bepatopiyaena xua wanaca matabonaenexa xua iru wanaca itacupaewa tsane xua wapatsiwa tsane bara beicha Nacomtha. Daxota poxona e baxua exana Jesús naexana pepa sacerdotepin icha matha Melquisedec ichi pon caena bayatha popona.

## 7

### *Meje yabara xua Jesús pepa sacerdotepin naexana, icha matha Melquisedec ichi*

<sup>1</sup> Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaebin Nacomtha jiji nexa, pon Nacom xua itaboco beequiya. Abraham caibe nawirena xua poxona e nawabchuta xua poxona e yotaba ainya nacuanpiwi pomona e jiji itorobiya pia pepa peewatsiwichi xuano xua poxona e Abraham juteba barapomona e. Bapoxona e Melquisedec matenta iya, Abraham matenta iyatsi. Melquisedec Abraham jeichichi: “Barabu Nacom beta cayawenaena”, jei Melquisedec. <sup>2</sup> Abraham nota pocotsiwan xeina pomona e jiji itorobiya pia pepa peewatsiwichi xua peamanayabixae poxona e juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomona e pijumetha yabara wun caunuta xua jei: “Bapon jiji itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem wun hebreomona e pijumetha yabara wun caunuta xua jei: “Juntema popona”, jei. Daxota barapo naxobe wunbe yabara wun caunutatsi xua jeye: “Pon jiji itorobiya pia pepa peewatsinchi xua beta peexanaein xuano xua juntema popona”, jei xua hebreo jumetha. <sup>3</sup> Nacom Pejume Diwesitha Melquisedec paxa tatsi pewun jopa yabara yopitichi. Matautano pena tatsi jopa yabara yopitichi. Barichi jopa yabara yopitichi pia pamo susato jiji tatsi. Matautano bapon jopa yabara paebichi ichaxota naexana. Matautano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiji nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

<sup>4</sup> Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonae jiwi itorobiya pia pepa peewatsiwichi xua poxonae Abraham juteba. <sup>5</sup> Moisés pia peitorobi coyenewatha jeye: “Sacerdotepiwi pomonae Leví pia pemomoxi susato jiwi tatsi, itacupatsi xua bara nota caewan pocotsiwa xua jiwi catsiba xua poxonae jiwi diez xuanbe caewan jiwana wetsaba pocotsiwan xua xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamonae tatsi. Matautano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi. <sup>6</sup> Ichitha Melquisedec jopa Leví pia pemomoxi susato jiwi tatsi. Bequein bapon jopa dapomonaeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiwuna nae muxu dutsiwan, po peyabara tsiwuna nae muxu dutsiwan bayatha Nacom yabara tsiwuna nae muxu duta. Bequein Abraham xeina po peitorobi coyenewa xua itacupatsi xua jeye ichamonaetha: “Barabu Nacom beta cayawenaena”, xua jei, ichitha Melquisedec baxua Abraham tsipaebatsi. <sup>7</sup> Jiwi ba yaputane xua ba bichocono ainya cui pon xua jeye: “Barabu Nacom beta cayawenaena”, pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi. <sup>8</sup> Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewerapaewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaein xua jopa petupaewa. <sup>9-10</sup> Metha jame be icha iche: Poxonae Abraham cata Melquisedec tha poxonae caewan jiwana wetsaba diez xuanbe jiwana, bapoxonae cataunxuae abu Leví jopa naexanaeyo. Matautano Leví pia pexui tatsi cataunxuae jopa naexanaeyo. Barichi cataunxuae pia pemomoxi susato jiwi tatsi cataunxuae jopa naexanaeyo. Bapon Leví pon matapainya pepa sacerdotepin canamata canaexana poxonae cotacaya ichamonae iru sacerdotemonae naexana. Bapoxonae sacerdotepiwi naexanumenapona. Bapon tsipaebeiba Nacomtha jiwi nexa. Poxonae Abraham catsiba Melquisedec tha xua poxonae caewan jiwana wetsaba diez xuanbe Nacom be tsitatsi xua apara be Leví iru cata xua iruru be bara Leví pia pemomoxi susato jiwi tatsi catsiba. Poxonae Abraham cata Melquisedec tha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwi tatsi nexa bequein barapomonae jopa cataunxuae naexanaeyo.

<sup>11</sup> Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwi tatsi. Barapo sacerdotepiwi jopa itacupaetsi xua jiwi cana exanatsi xua penajuntu coyene xanepana exanaewa Nacomtha xua penatsicuentsiwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiya jopa itacupaetsi xua jiwi yawenatsi. Daxota jiwi equeicha canamatawenona icha sacerdotepin. Barapo sacerdotepin jopa bewa exanae icha Aarón pia pemomoxi susato jiwi tatsi jiwana ichi. Jame barapo sacerdotepin bewa exanaena icha Melquisedec ichi. <sup>12</sup> Poxonae Nacom icha sacerdotepin cana exana be pocotsin icha Melquisedec ichi bapoxonae yawa muxuna bewa exanaena pena peitorobi coyenewa. <sup>13</sup> Barapo pena sacerdotepin pon Wanacanamataxeinaein, bapon baxua yabara paebatsi Nacom Pejume Diwesitha. Bapon apara Israel pemomoxi susato jiwi jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sac-

erdotepin. <sup>14</sup> Daxita jiwi yaputane xua barapon pon Wanacanamataxeinaein naexana Judá barompaya pia pemomoxi susato jiwi dena tatsi. Poxonae Moisés yabara paeba sacerdotepiwi Moisés jopa yabara paebiyo xua Judá pia pemomoxi susato jiwi jiwana tatsi naexanaena sacerdotepin.

<sup>15</sup> Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin.

<sup>16</sup> Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapusu itorobi coyenewatha xua pexeinaexae peajuntucoyenesuwa po peajuntucoyenesuwa ataya tsiteca xua jopa itacupaetsi xua peweraweracaewa. <sup>17</sup> Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdotepiwi yajiwim icha Melquisedec ichi xua sacerdotepin”,  
 jei Nacom Pejume Diwesitha,  
 xua Cristo yabara paebatsi.

<sup>18</sup> Nacom cana exana xua Moisés pia peitorobi coyenewa tatsi jiwi jopa canantawenon- aeyo tsipei barapo coyenewa jopa xeinaeyo peayapusuwa xua jiwi cana exanatsi xua jopa pexeinaewa penatsicuentisiwa xua abe peexanaexae Nacomtha. Matautano jopa itacupaetsi xua jiwi pecanaexanaewatsi xua pecapanenebiwatsi abe pia peexanae cuiru coyene weya. <sup>19</sup> Barapo Moisés pia peitorobi coyenewa tatsi bapana jopa itacupaetsi xua jiwi juntucoyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua wunaewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

<sup>20</sup> Nacom xainyeya yabara tsiwuna muxu duta pia pewantha xua Cristo naexanaena sacerdotepin xua ataya tsitecaeya. Jopa nama Nacom pia pewantha yabara tsiwuna muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi. <sup>21</sup> Ichitha poxonae Cristo pon jiwi Pecanamataxeinaein sacerdotepin naexana, bapoxonae ichun, Cristo yabara paebatsi Nacom Pejume Diwesitha, jeye:

“Nacom pia pewantha yabara tsiwuna muxu duta, ichawa jopa toxeincha yabara exanae tsane.

Poxonae Nacom yabara tsiwuna muxu duta,  
 bapon jeye Pexantotha: ‘Xam sacerdotepim xua ataya petsitecaenexa’, jei Nacom”,  
 jei ichun xua Nacom tapaebatsi

Nacom Pejume Diwesi.

<sup>22</sup> Poxoru Nacom tsiwuna muxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha. <sup>23</sup> Bayatha sacerdotepiwi pinmonae tsoponae. Ichitha barapo sacerdotepiwi naitapataya werapouneiba, yawa ichamonae naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanae coyenewan tsipei daxita werapouneiba. <sup>24</sup> Ichitha poxoru Jesús ataya asu pepoponaexae daxota ataya tsitecaeya exanaena pia peexanae coyenewa icha pepa sacerdotepin ichi. Jopa nantawenonaeyo xua ichun Jesús pecoutha tanacuitatsi pon xuya sacerdotepin naexana. <sup>25</sup> Daxota bapon ataya tsitecaeya itacupatsi xua jiwi ataya pecapanenebiwatsi pomonae xua pepatsiwa tsane Nacomtha pomonae xua Nacom peyaputaewi pejume

cowantsi jiwixae Jesús. Jesús baxua exana ataya tsitecaeya asu pepoponaexae xua pewucaenexa Nacomtha xua barapo jiwi peyawenaenexatsi.

<sup>26</sup> Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejuntu coyene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentsiyo poxoru abe jopa exanaeyo Nacomtha. Bapon Jesús seicaya exana ducuaenaebiya. Jopa exanaeyo icha be ichi pomonae abe peexana dubenanaebiyaewi. Bapon Jesús Paxa capoinchi po itaboco tajua beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi. <sup>27</sup> Pepa sacerdotepiwi ba bewa exaneibina po coyene xua duwei jutebeiba iboto matatsuntha xua tuxusi exaneiba Nacom nexa, daxita matababintha tsaibi. Baxuan nata exaneiba copiya abe pia peexanae coyenewan nexa. Bapoxonae cotacaya jiwi taexaneibatsi abe pia peexanae coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua tupa exanatsi saya bara cae cui coyenetha daxita carepaya jiwi nexa xua jiwi abe pia peexanae cuiru coyenewan tatsi nexa. <sup>28</sup> Moisés pia peitorobi coyenewa tatsi canacui coyene exanatsi xua bara saya jiwi naexana pepa sacerdotepiwi. Barapo pepa sacerdotepiwi abe exana xua saya pecui pawi. Barapomonae jopa pejuntu cui coyene xanepanae jiwi Nacomtha. Ichitha Nacom yabara tsiwuna muxu duta pia wuntha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejuntu coyene xanepanaeinxae Nacomtha. Baxua Nacom exana xua yabara tsiwuna muxu duta xua pepuya weya tatsi poxonae Moisés catatsi peitorobi coyenewa.

## 8

### *Meje yabara xua Jesús pon pejume yawenaein jiwi Nacomtha*

<sup>1</sup> Anoxuae xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejuntu coyene xanepanaein Nacomtha xuaunxuae yabara paca tsipaebatsi. Bapon eca pia peitupanae ecaethopaewatha Nacom pia pecoxa weya tatsi, peitabocotha.

<sup>2</sup> Anoxuae Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocotha. Barapo bo yatsicaewa Nacom pia pexainyei bo tatsi ichaxota popona xua itabocotha. Nacom pon jiwi Pecanamataxeinaein exana barapo bo. Jiwi jopa exanaeyo barapo bo.

<sup>3</sup> Nacom daxita carepaya pepa sacerdotepiwi yabara tsiwan dubatsi xua jiwi petaexanaenexa tsaibi tsainchi po coyene pocotsiwa xua jiwi amanaya pecatsiwa Nacomtha. Matautano barapo pepa sacerdotepiwi yabara tsiwan dubatsi xua jiwi petaexanaenexa tsaibi tsainchi po coyene xua duwei pejutebiwa pocotsi duwein xua jiwi amanaya pecatsiwa Nacomtha xua abe peexanaexae. Daxota Jesús irua bewa bara ichiya exanae xua Nacom taexanatsi ichi sacerdotepiwi ichi poxonae Nacom taexanatsi. <sup>4</sup> Icha metha barapo dapaetha Jesús poponaetsipa barapo irathe poxonae irua jinompa barapo sacerdotepiwi po sacerdote Aarón yaiwi jopa itacupaetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixae. <sup>5</sup> Ichitha barapo sacerdotepiwi tanacuita be pocotsiwa xua saya penajupae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajupae coyenewa ichitha xaniwaicha jopa najupaeyo xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi wuna jainteibina Nacomtha bapoxonae Nacom Moisés tsipaebatsi. Nacom jeje: “Yabara nanta xeinare xaniwaicha xua

daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocotontha seicaya jiwi newanae jainchina”, jei Nacom. <sup>6</sup> Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiwanae muxu duta xua bichocono wanae beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi janta coyene xanepana exanatsi Nacomtha. Ichitha barapo peru coyenewa jopa daichiyo.

<sup>7</sup> Bayatha peru petsiwnae yabara muxu dutsiwa Nacom Moisés yabara tsiwanae muxu dutatsi. Icha barapo coyenewa xeinaetsipa peayapuswa xua daxota jiwi beta janta coyene xanepana exanatsi Nacomtha, metha jopa nantawenonaetsipae icha pena petsiwnae muxu dutsiwa. <sup>8</sup> Ichitha Nacom tane xua barapo jiwi jopa pejanta coyene xanepanae jiwi bapontha poxonae barapo peru peyabara tsiwanae muxu dutsiwa xeina. Daxota ichan Nacom Pejume Diwesitha jeye:

“Nacom jeye: Maticabin othopaena, po maticabintha pena petsiwnae muxu dutsiwa exanaein Israel nacuapiwi pia pemomoxi susato jiwitha tatsi iru Judea nacuapiwi pia pemomoxi susato jiwitha tatsiru.

<sup>9</sup> Jopa bara jata coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae maticaponan Egipto nacua weya. Daichitha barapomonae jopa nacui yabara wanaetsiyo xua peexanaenexa pocotsiwa itoroban poxonae catan barapo peyabara tsiwanae muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ichan.

<sup>10</sup> Equeicha ichan jeye: “Nacom jeye: Barapo peyabara tsiwanae muxu dutsiwa Israel nacuamonaetha, poxonae barapo maticabin wetsina bara baxua exanaein. Janje: Jiwi pejanta coyenewatha ichaxota nanta xeina taitorobi coyenewa baxota dubin. Bapoxonae barapomonae neyaputaena yawa nejume cowantsiya jejei tsane. Tacoutha barapomonae pia Nacom tatsi naexanaein. Barapomonae tamona naexanaena.

<sup>11</sup> Dapon aibi pon bewa cuidubina ichantha xua xan yabara, xuano xua cuidubina pia jitontha xua xan yabara, matautano xua cuidubina peweicho xua xan yabara petana neyaputaewanexa tsane. Jopa bewa cuidubi tsane barapomonae tsipei daxita jiwi neyaputaena pomonae pecui pawu jiwi, irano pomona peainya cui jiwi.

<sup>12</sup> Xan barapomona cui yabara jantemanaein

abe pia peexanae cuiru coyenein tatsi, xua  
jopa pexeinaewa tsane xua tana netsita  
natsicuentsiwa xua abe peexanaewaxae.  
Bapana ataya equeicha jopa yabara nanta  
xeinaein tsane barapo abe peexanae  
cuiru coyenein, jei Nacom”, jei ichan  
Nacom Pejume Diwesitha xua saya  
Nacom tapaebatsi.

<sup>13</sup> Nacom yabara paeba pena peyabara tsiw<sub>nae</sub> muxu dutsiwa tsipei po peyabara tsiw<sub>nae</sub> muxu dutsiwa copiya Moisés yabara tsiw<sub>nae</sub> muxu dutatsi saya peru jume. Pocotsiwa ba peru coyenewa ba saya weraweraca. Daxota barapo peru peyabara tsiw<sub>nae</sub> muxu dutsiwa saya ir<sub>u</sub> weraweraca.

## 9

*Meje yabara xua Nacom pia bo tatsi po bo xua itabocotheicha uncu xuanu ir<sub>u</sub> po bo xua po irathe tsique uncu*

<sup>1</sup> Nacom copiya Moisés yabara tsiw<sub>nae</sub> muxu dutatsi. Barapo peyabara tsiw<sub>nae</sub> muxu dutsiwa peitorobi coyenein xeina xua pocotsi coyeneya israelmonae bewa exanaena poxonae nacaetuta xua w<sub>nae</sub> pejainchinexatsi Nacom. Matautano barapo peyabara tsiw<sub>nae</sub> muxu dutsiwa itoroba xua jiwi xeina po bo xua Nacom pia bo tatsi xua po irathe. <sup>2</sup> Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xeina. Po tutu copiya dena pew<sub>an</sub>: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncu penainto po penaintotha itanatanota penasiwa. Matautano barapo tututha uncu xua pexaethopaewa po pexaethopaewatha xua baxota jeba pan, po pan xua Nacom catatsi. <sup>3</sup> Paparuwa xua dutsica barapo paparuwa pe<sub>ma</sub> werena icha tutu xeina po tutu pew<sub>an</sub>: “Yatsicaewa Nacom pia tutu po tutu bichocono pepa peainya cui tutu xua jopa xeinaeyo peabe cuiru”, jei. <sup>4</sup> Barapo tututha uncu xua be pecaxaethopaewa xua <sub>u</sub> penainto xua oro w<sub>an</sub> nainto. Baraxota y<sub>abe</sub>biya tauteibathopa petuxueiwa po petuxueiwa tuxusi tuxuei benata poxonae tauta. Matautano barapo tututha uncu xua be caja po caja pew<sub>an</sub>: “Nacom pia peyabara tsiw<sub>nae</sub> muxu dutsi caja”, jei. Barapo caja pe<sub>ma</sub> weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pew<sub>an</sub> maná mataw<sub>an</sub> xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi pir<sub>u</sub>u<sub>u</sub>jei poxonae pexeinya petsita itatsi coyene exana pia peayapus<sub>u</sub> itorobi coyeneyatha. Matautano barapo caja juntututha bobena iboton po ibotontha mata tinaduba Moisés pia peitorobi coyenewa. <sup>5</sup> Barapo caja pemata xatatsiwa jumatha nacueyatabe ecabe ainya querubinbe mataw<sub>an</sub>be xua jumope canaxobiya exana oro naintotha, ponbe be matatsunpinbe. Barapo ainya querubinbe mataw<sub>an</sub>be yabara caunuta xua Nacom baxota eca. Barapo ainya querubinbe mataw<sub>an</sub>be naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana n<sub>u</sub>n<sub>u</sub>babareca po jana duwein jana. Barapo duwein sacerdotepin bexuba jiwi abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

<sup>6</sup> Daxita nacui w<sub>nae</sub>ta pocotsiwa xua barapo tubetha nexa. Bapoxonae sacerdotepiwi jojoneibelbiya daxita matabi po tututha xua copiya dena. Barapo sacerdotepiwi barapo tututha exaneiba pia penacuichiwa. <sup>7</sup> Ichitha nama po tutu dabeya saya meisa joniyeiba pon pepa sacerdotepin xua saya caetha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata

cajoniyaena duwein jana. Barapo jana n̄n̄ababa ichaxota querubinbe mataw̄nbe itabarayo deca xua bapon abe pia peexanae cuiru coyenewan tatsi nexa xuano xua ir̄u jiwi abe pia peexanae cuiru coyenewan tatsi nexa xua poxonae jiwi jopa nacui yabara yaputaeyo. <sup>8</sup> Peyabara exanaewa daxita baxuan Nacom pia Pejumope t̄nax̄u tatsi naca cuiduba xuaje: Poxonae cataunxuae sacerdotepiwi taexana dubenanaebiya Nacom po tututha xua copiya dena, jiwi jopa copatsichi xua pata po tutu dabeya ichaxota Nacom popona. <sup>9</sup> Daxita pocotsiwan barapo anserabocototha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwi Nacom w̄nae jainteibatsi poxonae sacerdotepin exaneiba pocotsiwa xua jiwi pecatsiwa Nacomtha xuano xua poxonae exaneibano xua duwei pejutebiwa xua tuxusi exana Nacom nexa. Bara bequein jiwi baxua exaneiba ichitha cataunxuae pia j̄nt̄u coyenein tatsi cana exanatsi xua awiyya yabara nanta xeina dubenanaebiya abe pia peexanae cuiru coyenein tatsi. Barapo coyene po coyene jiwi exana jopa beta j̄nt̄u coyene xanepana exanaetsi xua jopa penatsicuentiwa tsane Nacomtha xua abe peexanaexae. <sup>10</sup> Barapo peru peitorobi coyenewa xua Moisés pia peitorobi coyenewa tatsi jiwi jopa yawenaetsi xua penaj̄nt̄u coyene xanepana exanaewa Nacomtha. Saya apara yabara paeba xua jiwi bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jiwi itorobatsi xua po coyenein yabara xua jiwi beta penaper̄u xainwaetsiya nowaewa yabara pia w̄nae jainteibichi Nacom. Barapo coyenein xua saya jiwi bewa cana exanae pia pepontha beya xua anoxuae Nacom pena coyenewa equeicha exana.

<sup>11</sup> Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocotha bichocono w̄nae tsipei Nacom daxita matapaecha wetsiya exana. Barapo tutu bichocono w̄nae beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocotha tsipei barapo tutu jopa apara po cae pin nacuathe tsique nexiyo. <sup>12</sup> Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pew̄n chivo, xuano xua vaca jana jopa caponaeyo xua pen̄n jana, xua pebto jana. Saya jame Cristo Nacom tsita it̄tatsi xua bapon jiwi tsit̄patsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwi nexa. Daxota bapon Cristo bara ataya tsitecaeya naca capanepa. <sup>13</sup> Sacerdotepiwi ba nota vaca pebton pia pejanan, yawa chivo pia pejana xuano ipuna xua poxonae tautatsi vaca pesowatiyo peweinyo. Sacerdotepiwi mata wen̄n̄ababa jiwi daxita baxuantha pomonaetha pomona xua abe peexanae cuiru coyenein peexanaewixae. Bara bapoxonae barapo coyene jiwi itac̄patsi xua cana exanatsi xua jopa penataxobiwa pia pepontha bequein awiyya xeina penatsicuentiwa. <sup>14</sup> Bequein bara baxuan barapo jiwi tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomona bichocono yawenatsi. Cristo pejana bichocono peayapus̄u coyenewa xeina beyacaincha xua duwein pejana. Nacom pia Pejumope t̄nax̄u tatsi po jumope ataya tsitecaeya popona barapo pejumope t̄nax̄u tatsi Cristo yawenatsi poxonae saya Cristo nayabara cui copata xua bara pebexubinexatsi poxonae pejana pichapabarena pewan weya pet̄paewatha. Bapon Cristo jopa bapana exanaeyo peacoyenebewa. Cristo wanaca tsit̄paexae Nacom naca j̄nt̄u coyene xanepana exana. Daxota Nacom jopa tsita natsicuentichi abe waexanaexae. Waj̄nt̄u coyene equeicha jopa yabara wanaca tsipaebinexa abe waexanae coyene. Daxota jopa bewa ponae tsainchi ichaxota ataya atene tsaibi pomona jopa pejume cow̄ntsiwi. Anoxuae jame naca itac̄pa xua aj̄nt̄us̄uya taexana dubenanaebiyatsi Nacom pon xua ataya tsitecaeya as̄u pepoponaein.

<sup>15</sup> Daxota bapon Cristo naexana pon nacata paeba Nacomtha yawa pon naca tsi-paeba Nacom nexa. Bapon Cristo nacata catsica Nacom pia pena peyabara tsiw<sub>h</sub>nae muxu dutsiwa tatsi. Bapon naca cana exana xua daxitatsi caemonae naexanatsi Nacomtha. Poxonae naca tsit<sub>u</sub>pa Nacom yabara j<sub>u</sub>ntemaina abe peexanae cuiru coyene po peabe exanae cuiru coyenein xua jiwi caena bayatha exana poxonae cataunxuae exanapona po coyene bayatha Nacom Moisés yabara tsiw<sub>h</sub>nae muxu dutatsi xua peru peyabara tsiw<sub>h</sub>nae muxu dutsiwa. Daxita pomonae Nacom pewabixae barapomonae catsibinchi peaj<sub>u</sub>nt<sub>u</sub>yap<sub>u</sub>s<sub>u</sub>wa po peaj<sub>u</sub>nt<sub>u</sub>yap<sub>u</sub>s<sub>u</sub>wa xua ataya tsitecaeya tsane xua bayatha Nacom peyabara tsiw<sub>h</sub>nae muxu dutsixae barapomonaetha. <sup>16</sup> Poxonae pebin ba ichichipa cata pia pecopiniwa ichamonaetha xua poxonae t<sub>u</sub>paena, copiya matha yabara caununaya w<sub>u</sub>n tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara t<sub>u</sub>paba xua poxonae beya pew<sub>h</sub>naeya tsane xua pecopiniwa notsinexatsi pon xua t<sub>u</sub>pa. Baropxonae barapomonae bara itac<sub>u</sub>patsi xua pexeinaewa pocotsiwa xua bapon xeina pon t<sub>u</sub>pa. <sup>17</sup> Barapo papera, po paperatha bayatha pebin nacopiniwa yabara jume tinaduba cataunxuae jopa ainya cuiyiyo poxonae ab<sub>u</sub> cataunxuae bapon popona tsipei jopa copiniwa notichi barapomonae. Saya jame poxonae bapon yatsicaewa t<sub>u</sub>paba baropxonae jame ainya cui barapo papera, tsipei barapomonae itac<sub>u</sub>patsi xua pexeinaewa tsane pocotsiwa bapon xeina. <sup>18</sup> Barichi barapo copiya peyabara tsiw<sub>h</sub>nae muxu dutsiwa. Pew<sub>h</sub>naeya tsane xua poxonae jiwi xeinaena pocotsiwa bayatha Nacom Moisés yabara tsiw<sub>h</sub>nae muxu dutatsi sacerdotepin bewa matha duwein bexubina xua baropxonae barapo coyene jiwi pexeinaewa tsane. <sup>19</sup> Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pew<sub>u</sub>n hisopo naeyo. Bapon mene muxunaxuba vaca jana poyo peweinyo pebtiyo xuano xua muxunaxuba chivo jana. Baropxonae baxuan bapon Moisés n<sub>u</sub>n<sub>u</sub>baba Nacom Pejume Diwesitha. Mata<sub>u</sub>tano daxita jiwitha mata wen<sub>u</sub>n<sub>u</sub>baba. <sup>20</sup> Baropxonae Moisés daxita jiwitha jeye: “Barapo jana po janatha paca mata wen<sub>u</sub>n<sub>u</sub>babatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiw<sub>h</sub>nae muxu dutsiwa”, jei Moisés. <sup>21</sup> Barichino Moisés exana xua anseraboco mata wen<sub>u</sub>n<sub>u</sub>baba pejanatha. Mata<sub>u</sub>tano muxuna mata wen<sub>u</sub>n<sub>u</sub>baba xua xuan barapo anserabocototha tututha umena pocotsiwan sacerdotepiwi canacuiteiba poxonae jiwi nacaetuteiba xua Nacom w<sub>u</sub>nae pejainchinexatsi. <sup>22</sup> Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wen<sub>u</sub>n<sub>u</sub>babi xua daxita baxuan Nacom jopa petsita nataxobinexatsi. Nacom jopa yabara j<sub>u</sub>ntemainaeyo jiwi abe pia peexanae cuiru coyenein tatsi icha jopa pejana epa-epacaeyo xua barapo jiwi nexa.

*Meje yabara xua Cristo tsit<sub>u</sub>pa jiwi abe pia peexanae cuiru coyenewan tatsi*

<sup>23</sup> Sacerdotepiwi bewa jutebina duwei pemata wen<sub>u</sub>n<sub>u</sub>bababinexa pejanatha anseraboco. Baropxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocotheicha. Ichitha nama barapo yatsicaewa pepa coyenewatha peexanaenexa peitabocotheicha jame bewa pejana epa-epacae pejana pon pej<sub>u</sub>nt<sub>u</sub> coyene xanepanaein pon peainya cuin pia pejana tatsi xua Nacom tsita jiwi xanepanatsi xua jopa penatsicuentsiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi n<sub>u</sub>n<sub>u</sub>baba po cae pin nacuathe. <sup>24</sup> Poxonae Cristo joniya Nacom pin pia botha tatsi xua itabocotheicha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara



caunuta xua yatsicaewa peitabocothicha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheicha tatsi xua itabocothicha. Baxoteicha anoxuae Cristo naitata Nacomtha xua wanacata tsipaebinexa Nacom peitabaratha. <sup>25</sup> Pon pepa sacerdotepin bewa joniyaena bara saya caetotha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocototha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa tupa pecana exanaewatsi xua jiwi abe peexanae cuiru coyenein tatsi nexa. <sup>26</sup> Icha baxua tsipae bapoxonae bapon matowa tupa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe petupaenexa xua saya bara cae coyenewatha ataya petsitecaenexa tsane. Bapon Cristo naetotha tsitupa jiwi xua Nacom jiwi peyabara cui jantemainaenexatsi abe pia peexanae cuiru coyenein tatsi. <sup>27</sup> Daxita jiwi ba werapouneibina saya caetotha. Bapoxonae pirapae Nacom yabara paebina daxita jiwi xua penatsicuentisiwa xua abe peexanaexae. <sup>28</sup> Barichir, icha jiwi ichi Cristo saya caetotha tsitupa jiwi pinmonae, xua Nacom jiwi abe pia peexanae cuiru coyenein tatsi pecayabara jantemainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pewanae ewatsi jiwixaetsi xua bapon pepatopaewa po cae pin nacuathe tsique.

## 10

<sup>1</sup> Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua wanae po coyene xua bexa Nacom exanaena itabocothicha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xeina itabocothicha. Moisés pia peitorobi coyenewa tatsi jopa itacupaetsi xua jiwi pejuntu coyene xanepana exanaewatsi Nacomtha pomonae wanae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi juntu coyene xanepana exanatsi xua jopa pexeinaenexa xua penatsicuentisiwa xua abe peexanaexae Nacomtha. <sup>2</sup> Icha Moisés pia peitorobi coyene tatsi jiwi juntu coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein tatsi nexa. Icha jiwi caetotha juntu coyene xanepanaetsipa Nacomtha, bapoxonae jiwi jopa natsicuentisipae xua abe peexanaexae Nacomtha. <sup>3</sup> Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara jantanaina barapo abe pia peexanae cuiru coyenein tatsi. Jiwi yabara jantanaineiba baxuan daxita weitha poxonae duwein jutebeibatsi barapo jiwi nexa. <sup>4</sup> Vaca pebto pia pejana tatsi yawa chivo pia pejana tatsi jopa bapana jiwi juntu coyene wenotichi abe pia peexanae cuiru coyenein tatsi xua jopa penatsicuentisiwa nexa Nacomtha xua abe peexanaexae.

<sup>5</sup> Daxota poxonae Cristo patopa po cae pin nacuathe tsique, Cristo jeye Nacomtha: “Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.  
Jame pebaxuanexa yatsicaewa pepa jiton necana exaname xua naexanan,

tatsitupaenexa jiwi abe pia peexanae  
cuiru coyenein tatsi nexa.

<sup>6</sup> Xam jopa cajuntũ coyene weiweina exanaeyo  
poxonae duwein ompin tautatsi xuano xua  
pexaewa tauta petuxusi exanaenexano xua xam  
neyabara jantemainaenexa jiwi abe pia  
peexanae cuiru coyenein tatsi.

<sup>7</sup> Bapoxonae xan Cristo, janje:

‘Xam Tanacom.

Xan xote po nacuathe patopeicanje taexanaenexa  
xua pocotsiwa ichichipame be pocotsi  
coyeneya necui yabara tina jinya diwesitha’,  
jan”, jei Cristo.

<sup>8</sup> Copiya Cristo paeba xua jeye: “Xam jopa ichichipaem yawa jopa cajuntũ coyene  
weiweina exanaeyo po coyene xua poxonae jiwi bexuba duwein xuano poxonae  
exaneiba po coyene poxonae jiwi amanaya cacatsibeiba. Matautano jopa ichichipaem  
poxonae duwein ompin tautatsi xua jiwi abe pia peexanae cuiru coyenein tatsi nexa”,  
jei Cristo. Baxua Cristo paeba tsipei Moisés pia peitorobi coyenewatha itoroba xua  
jiwi bewa exanaena barapo coyenein Nacom nexa. <sup>9</sup> Equeicha bapoxonae Cristo  
cotacaya jeye: “Xan xote po cae pin nacuathe patopeicanje taexanaenexa pocotsiwa  
ichichipame”, jei. Poxonae Cristo baxua caunutsiya paeba copiducua cana exana po  
coyene peru coyene. Cristo anoxuae equeicha pecoutha pena coyene exana poxonae  
naetotha tsitupa jiwi abe pia peexanae cuiru coyenein tatsi. <sup>10</sup> Nacom naca jantũ coyene  
xanepana exana wanaca cana exanaenexa piamonae tatsi poxoru Jesucristo exana  
pocotsiwa Nacom peichichipaexae. Jesucristo pia pepon nacaenaeta Nacomtha xua  
naetotha petsitupaenexa daxita jiwi abe pia peexanae cuiru coyenein tatsi xua bara cae  
coyenewatha xua ataya petsitecaenexa tsane.

<sup>11</sup> Daxita sacerdotepiwi pomonae judiomonae daxita matabi exaneiba xua duwein  
pebexubiwa, bequein barapo coyenewa jopa itacupaetsi xua jiwi jantũ coyene weno-  
tatsi abe pia peexanae cuiru coyenein tatsi. <sup>12</sup> Nama Jesucristo bara cae coyenewatha  
exana poxonae naetotha tsitupa jiwi abe pia peexanae cuiru coyenein tatsi, xua bara  
ataya tsane. Poxonae Cristo baxua nacui weta Nacom pia pecoxatheicha tatsi equiya  
xua itabocotheicha. <sup>13</sup> Baxoteicha Cristo abũ ewata beya poxonae abũ tsane poxonae  
Nacom cana exanaena xua Cristo cana exanaeinchi xua pecanamataxeinaenexa pia  
peaitafaetabi jiwichi. <sup>14</sup> Cristo piamonae jantũ coyene xanepana exana xua ataya  
tsane poxonae naetotha tsitupa cae coyenewatha. Barapomonae pomonae xua Nacom  
tsitatsi xua jopa xeinaeyo penatsicuentiwa pomonae piamonaexae tatsi. <sup>15</sup> Nacom  
Pia Pejumo pe tãnaxũ tatsi baxua yabara irũ naca tsipaeba bayatha Nacom Pejume  
Diwesitha, jeye:

<sup>16</sup> “Matacabin othopaena po matacabintha xan  
tayabara tsiwanae muxu dutsiwa xua pena  
coyenewa exanaein barapomonaetha.  
Jiwi pia jantũ coyenewantha xua ichaxota  
nanta xeina taitorobi coyenewa baxota dubin”,  
jei Nacom pia Pejumo pe tãnaxũ tatsi.

<sup>17</sup> Bapoxonae equeicha Nacom pia Pejumo pe tãnaxũ tatsi jeye:  
“Bapana ataya equeicha jopa yabara  
jantanainaein tsane jiwi abe pia  
peexanae cuiru coyenein tatsi”, jei  
Nacom pia Pejumo pe tãnaxũ tatsi,

Nacom Pejume Diwesitha.

<sup>18</sup> Daxota poxonae Nacom yabara jantemaina jiwi abe pia peexanae cuiru coyenein tatsi, equeicha jopa nantawenonaeyo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsi-beibiwatsi.

*Meje yabara xua waxainchi bewa wajantꞑ coyeneyatha nanta xeinaetsi xua bara apara imoxoyo itiya jinompatsi Nacom*

<sup>19</sup> Tamonae pam, daxota anoxuae naca itacꞑpa xua jopa junuwiya patsi tsainchi itabocothicha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itacꞑpa tsipei Nacom yabara copata xua bara Jesucristo naca tsiwanaya patopa barapo tututha pejana pichapabarenaexae poxonae naetotha naca tsitꞑpa. <sup>20</sup> Anoxuae naca itacꞑpa xua wapatsiwa Nacomtheicha pena jantꞑ coyene waxeinaexae po pena jantꞑ coyene ataya ayapusꞑ xua poxonae Cristo wanaca tsitꞑpaexae. Baraxua be poxonae metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota joniyaeinchi wajinompae nexa Nacomtha. <sup>21</sup> Bapon Jesús, yatsicaewa wasac-erdotepin, pon canamataxeina Nacom pia bo tatsi xua itabocothicha. <sup>22</sup> Daxota bewa wajantꞑ coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajantꞑ coyene xanepanaexae bapontha. Matautano bewa wajantꞑ coyeneyatha nanta xeinaetsi xua bara apara imoxoyo itiya jinompatsi Nacom xanepanaya wajume cowantsiya jinompaexae. Matautano bewa wajantꞑ coyeneyatha nanta xeinaetsi xua bara apara imoxoyo itiya jinompatsi Nacom tsipei jopa jantꞑ coyene auratsi xua jopa watsita natsicuentisixae xua abe waexanaexae. Matautano bewa wajantꞑ coyeneyatha nanta xeinaetsi xua bara apara imoxoyo itiya jinompatsi Nacom tsipei poxonae ichamonae naca bautisaba meratha tsita itapeinya xeinatsi xua Nacom bayatha naca jantꞑ coyene xanepana exana. <sup>23</sup> Barabꞑ naajantꞑcoyenesꞑ exainchi xua jopa junuwiya wayabara paebiwa tsainchi wawꞑnae ewatsiwa. Baxua exanaponaeinchi tsipei bara yaputainchi xua Nacom bara exanaena pocotsiwa bayatha yabara naca tsiwꞑnae muxu duta xua jopa yabara ainya unthꞑtonsi. <sup>24</sup> Barabꞑ yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonae nantiya naantobe tsainchi, matautano xua xanepanaya beta nantiya nata exanaeinchi. <sup>25</sup> Jopa bewa bara jꞑta coyeneya ichiya exanaetsi be pocotsimonae waxainchi jiwantsi pomonae jopa patebiyo poxonae nacaetuteibatsi xua poxonae Nacom wawꞑnae jainchinexa. Ichitha jame bewa nantiya najantꞑ coyene tsacabichi xua jantema wajinompawatsi. Barapo coyene bewa exanaponaetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua matabi jopaena, po mataqueitha pon jiwi Pecanamataxeinaein patopaetsica.

<sup>26</sup> Tsipei icha ichamonae waxainchi jiwantsi icha barapomonae awiya abe exanapona xua pocotsiwa peichichipaexae xua abe exana xua poxonae bequein peyaputaewatha po coyene pexainyei jume, nama icha coyenewa ajibi, xua ichꞑn equeicha petsitꞑpaenexa barapo peabe coyenewa. <sup>27</sup> Saya jame meisa tanacopatatsi pomonae awiya abe exanapona xua matabi cunuwa po mataqueitha poxonae Nacom yabara paebina jiwi xua penatsicuentisawa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomonae pia peitaafaetabi jiwichi. <sup>28</sup> Po pebin jumefeba po coyene Moisés itoroba pia peitorobi coyenewatha, xua poxonae nacueyatabe pebinbe ichacuitha poxonae acoibi poyobe baponbe yabara paebabe: “Bapon pajume tan poxonae jumefeba”, jei, bapoxonae bapon bewa tꞑpaena. Tsipei pomonae bapon yabara paebatsi xua penatsicuentisawa xua abe peexanaexae, barapomonae tsita itapeinya

xeinatsi xua bara bapon xainyeya abe exana. Daxota bapon bewa tupaena tsipei barapomonaе jopa yabara nanta xeinaeyo xua bapon peyawenaewatsi. <sup>29</sup> Xuaje payabara nanta xeinare: Nacom bichocono atene exana pomonaetha pomonaе Pexanto tatsi itaweta. Matautano atene exana pomonaetha pomonaе abe yabara paeba xua pinae Jesús pejana jopa ainya cuiyo bequein Jesús tsitupa jiwi. Jesús petsitupaexae daxota Nacom yabara tsiwunaе muxu duta xua jiwi pejuntu coyene xanepana exanaenexatsi Nacom. Matautano barapomonaе jopa natsicuentisi tsane xua abe peexanaexae. Matautano Nacom atene exana pomonaetha pomonaе Nacom pia Pejumope tuxu tatsi tuxu jumeya baru paebatsi po pejumope jiwi yawenatsi pia peantobexaetsi. Barapomonaе nama bichocono atene exanaeinchi beyacaincha xua ichamonaе atene exanaeinchi pomonaе jopa exanaeyo pocotsiwa Moisés itoroba. <sup>30</sup> Waxainchi yauptainchi xua Nacom bayatha jeye: “Xan tacoya exanaein pentoma xua jiwi atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonaе xua penatsicuentisiwa xua abe peexanaexae”, jei. <sup>31</sup> Po pebin abe exana bichocono junuwa cana exanatsi poxonaе Nacom yabara paebina bapon tsipei barapo pebin Nacom tsitatsi xua bapon bara penatsicuentisiwa xua abe peexanaexae. Bapoxonaе Nacom, pon ataya asu pepoponaein, bichocono jopa juniya atene cana exanaе tsane bapontha.

<sup>32</sup> Bara ataya payabara jantanainare po dapaetha poxonaе bequein aena pajume cowantame Nacom, xua ichitha beta paexaname. Bapoxonaе awiya ichitha jantema parubenanaebiyame poxonaе bequein ichamonaе pacata abe exana. <sup>33</sup> Ichamonaе xua paxam jiwana pam barapomonaе tuxu jumeya biatainchi xuano jiwi itutha atene exaneibatsi. Iru ru ichamonaeru pomonaе paxam jiwana pam barapomonaе nacayabara nanta xeina xua barapara iru ru atene exaneibatsi poxonaе ichamonaе atene exaneibatsi. <sup>34</sup> Paxam painya antobexae pacayabara nanta xeiname pomonaе jiwi pecubi botha jebatsi xua painya neyawenaenexa. Bequein bara ichamonaе daunweya pacata nota xua xuan daxita paxeiname, daichitha awiya cataunxuae pajuntu coyene weiweiname. Bara payaputaneme xua paxeiname itabocothaеhicha pocotsiwa bichocono yatsicaewa wunaе beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocothaеhicha ataya tsitecaeya paxeinaename baxua. <sup>35</sup> Jopa pana nacui barapentsinde xua payabara jume cowanta dubenanaebiyame xua painya nepaca catsinexa pocotsiwa bayatha Nacom yabara paca tsiwunaе muxu duta. Tsipei wajume cowanta dubenanaebiyaxae tsane Nacom, baxua nexa Nacom pentoma naca catsibina xua bichocono nawita xua pia nacuatheicha. <sup>36</sup> Paxam panantawenoname xua ajuntu yapusuya parubenanaebiyama awiya xua jopa paaitaconaem bequein ichamonaе pacata abe exana xua painya neexanaenexa pocotsiwa Nacom ichichipa. Bapoxonaе Nacom paca catsibina pocotsiwa xua bayatha yabara paca tsiwunaе muxu duta. <sup>37</sup> Nacom Pejume Diwesitha jeye:

“Methaunxuae patopaetsica, pon bewa patopeicaena.

Jopa bayathiyo tsane.

<sup>38</sup> Pon bara netsita pejuntu coyene xanepanaein, bapon bara ataya poponaena tana nejume cowanta ducuaenaebiyaxae. Ichitha icha bapon equeicha caewa jopa nejume cowantsiyo jopa xanepanaya beyabara juntu coyene weiweinaeyo, pocotsiwa bapon peexanaexae”, jei Nacom.

<sup>39</sup> Ichitha nama waxainchi jopa be barapomonaetsi, pocotsimonaе equeicha caewa jopa jume cowantsiyo Nacom. Barapomonaе Nacom weraweraca exanaena. Nama

waxainchi pomonaetsi awiya jume cowanta dubenanaebiyatsi Nacom beya poxonaewajuntay coyenewa nacata capanepa exanaeinchi.

## 11

### *Meje yabara xua Nacom pejume cowantsiwatsi*

<sup>1</sup> Pon jume cowanta ducwanaebiya Nacom, bapon bara xaniwaicha yaputane xua xeinaena pocotsiwa wnae ewata. Matautano pejuntay coyene tsita najume itapeinya xeinatsi xua barapara xainyei po coyene xua barapon yabara jume cowanta bequein cataunxuae yatsicaewa jopa taeyo. <sup>2</sup> Wamo susato jiwi xanepanaya beta yabara paebatsi xua Nacom beta yabara paeba ayapusuya pejume cowantsiwaxaetsi.

<sup>3</sup> Waxainchi wayabara jume cowantsixae xua Nacom naca yawenapaeba daxota yaputainchi xua barapo cae pin nacue iru barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua barana jopa taetsi, pocotsiwan xua peinyaxae.

<sup>4</sup> Abel pon caena bayatha popona yabara jume cowanta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pejuntay coyene wnaein. Iruru Cain Abel pentapin tatsi, bapon iruru bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Cain exana. Nacom baxua beita cui jichatsi tsipei Abel peyabara jume cowantsixae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonaewabara yorobatsi Abel pia pejume cowantsiwa tatsi.

<sup>5</sup> Enoc pon caena bayatha popona yabara jume cowanta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothicha, xua bapon Enoc jopa petupaenexa bara po cae pin nacuathe. Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonaewapewanaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae. <sup>6</sup> Jopa itacupaetsi xua jiwi Nacom tsita xanepanatsi icha barapo jiwi jopa beta jume cowantsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowantsina xua Nacom bara xaniwaicha popona. Matautano jame bewa yabara jume cowantsina xua Nacom bara cata pocotsiwa bayatha yabara tsiwanae muxu duta pomonaetha pomonae pia pejeichiwichi xua pejume cowantsinexatsi. Barapomonae Nacom yaputainchi.

<sup>7</sup> Noe pon caena bayatha popona yabara jume cowanta xua Nacom yawenapaeba. Daxota Noe piamonae tsixana pin jera nae xua piamonae matabuxuyo pebaru nacapanepaenexa. Nacom Noe pewanaeya yabara muxuwetatsi xua pocotsiwa bexa exanaena pocotsiwa Noe barana bayatha jopa taeyo, xua pin awubo tsane xua Nacom itorobina. Noe bara jume cowantsiya exana pocotsiwa Nacom itoroba poxonaewapin jera nae exana xua piamonae matabuxuyo pebaru nacapanepaenexa. Noe pejume cowantsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonaewajopa yabara jume cowantsiyo xua Nacom itorobapaeba pin awubo. Nacom tsitatsi xua barapo jiwi atene tsane penatsicuentxiwaxae jopa pejume cowantsixaetsi. Jame Noe Nacom juntay tsita coyene xanepanatsi pejume cowantsixaetsi bapon. Daxota Nacom Noe piamonae matabuxuyo baru capanepatsi.

<sup>8</sup> Abraham pon caena bayatha popona yabara jume cowanta xua Nacom yawenapaeba. Daxota poxonaewabaxae, bapon bara exana pocotsiwa Nacom itoroba. Bapon Abraham pia nacua weya pona xua peponaenexa icha nacuatha, po nacua bayatha Nacom yabara tsiwanae muxu duta, xua bapon catapaebatsi. Bapon

Abraham pia ira weya pona xua icha nacua beya pona po nacua bequein jopa yapurae yo ichaxota pona. <sup>9</sup> Abraham peyabara jume cowantsixae Nacom, bapon popona po iratha xua bayatha Nacom yabara tsiwinae muxu duta. Bapon Abraham be pon penanapaincha poponaein xua icha nacua werena poponaexae xua poxonae icha nacuatha popona. Bapon Abraham poponeiba anserabocon bomuxuxitha icha Isaac ichi iru icha Jacob ichi poxonae poponeibabe anserabocon bomuxuxitha. Abraham, iru Isaac, iru Jacob barapoyobe Nacom tsiwinae yabara muxu duta barapo ira xua Nacom pecatsinexa. <sup>10</sup> Abraham nacui yabara winae ewata xua patopaena po tomaratha ichaxota xua pepu umenae bon xua Nacom pia nacuatheicha. Apra Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

<sup>11</sup> Barichi Sara Abraham piseuri tatsi yabara jume cowanta xua Nacom yawena-paeba. Bequein bapowa acue xua jopa peitacupaewatsi xua pexeinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntuyarusawa, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwinae muxu duta. <sup>12</sup> Bara barichi Abraham. Bapon bichocono amo tsecae xua bara imoxoyo petupaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota bapoxonae bapon pia pemomoxi jiwi tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Matautano barapomonae icha taetowa beno ichi xua bichocono beno cucujei xua mar mene itapatha. Jopa itacupaetsi xua barapo jiwi peununaewatsi icha taetowa beno ichi.

<sup>13</sup> Daxita pomona jume cowanta Nacom barapomona yajume cowantsiya werapa. Aba cataunxuae jopa catsibichi pocotsiwa bayatha Nacom yabara tsiwinae muxu duta xua pocotsiwa barapomona catsibapaebatsi. Daichitha barapomona yabara jume cowanta xua pocotsiwan bexa xeinaena xua Nacom bexa catsibina. Barapomona baxuan yabara jume cowantsiya tsita xanepanatsi. Barapomona nantiya nayabara nanta xeina, jeye: “Waxainchi pomona be wananapaincha jinompaewichi barapo pena nacuathe xua be icha nacua werena waponae wi, pomonaetsi xua awiya jeita dubenanaebiyatsi po nacua yatsicaewa pepa wanacua”, jei daxita barapomona. <sup>14</sup> Tsipei barapomona baxua paeba, naca yaputane exana xua awiya jeitapona po nacua yatsicaewa pia nacua tatsi. <sup>15</sup> Barapomona jopa apra yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarapaewa pia nacuatha ichaxota copiya bayatha jinompa. <sup>16</sup> Ichitha barapomona ichichipa po nacua xua bichocono winae beyacaincha xua icha nacuan. Baraxua xua po nacua ichichipa, apra Nacom pia nacua tatsi. Daxota Nacom jopa auriyo xua barapomona yabara paebatsi xua pinae Nacom barapomona pia Nacom tatsi. Daxota Nacom barapomona tsiwinaetatsi tomara.

<sup>17</sup> Nacom Abraham juntu coyene jujutatsi peyaputaenexa icha bara metha yatsicaya jume cowantatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxonae duwein bexuba Nacom nexa. Abraham pejume cowantsixae Nacom daxota pexanto capana atororo beya pon yatsicaewa compa tatsi pon pewan Isaac. Abraham muxu pexanto pebexubi icha be pocotsi coyeneya ichi xua poxonae duwein bexuba Nacom nexa. Bapon baxua exana bequein Nacom yabara tsiwinae muxu duta barapo Abraham pexanto tatsi, jeye: <sup>18</sup> “Barapo nexanto Isaacxae nantautsiname nemomoxi susato jiwi”, jei Nacom. <sup>19</sup> Abraham jume cowanta xua icha Isaac tupaetsipa Nacom itacupatsi xua equeicha Isaac caewa asu exanatsi poxonae bequein pexanto bexubichipa. Poxonae Abraham muxu pexanto pebexubi, apra bara be xua bayatha tupa, matautano apra be xua Abraham pexanto equeicha caewa asu taexainchi.

<sup>20</sup> Barichi Isaac yabara jume cowanta xua Nacom yawenapaeba. Daxota bapon Isaac pexantobe tsipaeba, jeye: “Barabꝰ Nacom paca yawenaena pia paca necaantobexaebe”, jei Isaac pexantobetha, Jacob irꝰ Esaú.

<sup>21</sup> Barichi Jacob yabara jume cowanta xua Nacom yawenapaeba. Daxota poxonae bapon juntucuru imoxoyo tꝰpaenaba barompaya tsipaebabe José pia pexantobetha tatsi xua pia pemomobexae tatsi. Bapon jeye: “Barabꝰ Nacom paca yawenaenabe pia paca necaantobexaebe”, jei Jacob José pia pexantobetha tatsi. Bapoxonae bapon Nacom wꝰnae jaintatsi poxonae naewatha nabꝰꝰꝰ babatanotsiya yꝰyꝰtanota tsipei bichocono amo tsecae.

<sup>22</sup> Irꝰ José yabara jume cowanta xua Nacom yawenapaeba. Daxota poxonae bara imoxoyo tꝰpaenaba yabara paeba israelmonae. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacuatha beya po nacua bayatha Nacom yabara tsiwꝰnae muxu duta xua Nacom catapaeba. Mataꝰtano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiwꝰnae muxu duta xua Nacom catapaeba.

<sup>23</sup> Moisés pena tatsi irꝰ paxa tatsi yabara jume cowanta xua Nacom yawenapaeba. Daxota Moisés matsiyatatsi botha acoibi po xometobe poxonae aena naexana. Moisés pena yabara nanta xeinatsi yawa paxa yabara nanta xeinatsi xua Moisés itꝰbꝰꝰ tsecae. Baponbe jopa yabara jume cuitaya junuwiyo xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin watixi bewa jutebinchi.

<sup>24</sup> Irꝰꝰ Moisés yabara jume cowanta xua Nacom yawenapaeba. Daxota poxonae bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés. <sup>25</sup> Saya jame bapon Moisés itapetatsi xua irꝰ yawa muxuna atene exanaeinchi Nacom piamonae tatsi xua poxonae barapomonae atene exanaeinchi xua ichamonae atene exanaena pomonae Egipto nacuamonaexae. Moisés ichichipa xua pecana exanaewa tsainchi icha piamonae tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xeina. Icha baxuan xeinaetsipa Moisés jꝰntꝰ coyene weiweina exanaetsipatsi barapo nacuatha xua saya caepatiyo nexa tsipae po coyene xua jiwi weiweina exanatsi xua abe peexanaponaewa. Moisés piamonae jopa benaitematsiyo daxota jopa benotsiyo Faraón pecopiniwa tatsi. <sup>26</sup> Ichamonae Moisés tsꝰꝰꝰ jumetha biatainchi xua ajꝰntꝰcoyenetane exanatsi icha Mesías ichichi pon Nacom itoroba. Poxonae Moisés nayabara jume tane baxua tsita coyene xanepanatsi, beyacaincha xua poxonae barapo copei pexeinaewa tsane Egipto nacuatha. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiwꝰnae muxu duta.

<sup>27</sup> Moisés yabara jume cowanta xua Nacom Moisés yawenapaebatsi. Daxota najꝰntꝰ coyene weta xua pewarapaewa tsane Egipto nacua weya. Moisés jopa junuwiyo bequein yaputane xua Faraón bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa barꝰ poinchi pon peinya peponaein xua jiwi jopa itacꝰpaetsi xua petaewa. <sup>28</sup> Moisés pejume cowantsixae Nacom, piamonae cui itoroba xua peexanaenexa penabanaewa xua Pascua wꝰn matabi nexa. Mataꝰtano bapon cui itoroba piamonae xua pejanantha pecapibinexa daxita bomꝰꝰꝰ pecoibotontha. Barapo Moisés piamonae tatsi pomonae Israel pia pemomoxi susato jiwixae tatsi baxuan exana xua daxota matatsunpin jopa tꝰpa exanaeyo piamonae. Barapo matatsunpin merawi patopaena xua pejutebiwa tsane matapin jiwi pomonae pia bontha jopa xeinaeinyo po jana xua Moisés cui itoroba xua jiwi bomꝰꝰꝰ pecoibotontha pecapibiwa tsane.

<sup>29</sup> Barapo Israel pia pemomoxi susato jiwi tatsi yabara jume cowanta xua Nacom yawenapaeba. Daxota Mar Rojo mene mentha icha muxunene beya panenebiya xua epatauta iya pona be poxonae xua ira tsewa iya peponaewa. Ichitha poxonae Egipto nacuamonae baraxoya iyiya daxita bunothopa.

<sup>30</sup> Israel pia pemomoxi susatopiwi tatsi yabara jume cowanta xua Nacom yawenapaeba. Daxota matawacaicha tocuecueniya enaponeiba pemaxuburu iya siete po matabibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya. <sup>31</sup> Bayatha yabuyo powa Jericó tomarapiwayo Rahab yabara jume cowanta Nacom pon Israel pia pemomoxi susato jiwi tatsi pia Nacom tatsi. Daxota bapowa jopa baru tupaeyo piamonae xua pia tomarapiwixae poxonae tomarapiwi werapa jopa pejume cowantsixae Nacom pon Israel pia pemomoxi susato jiwi tatsi pia Nacom tatsi. Bapowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwamonae namicha pata xua pecui amanayabiya taenexa Jericó tomaratha, barapoxonae barapowa Rahab matenta weyataeya waba, xua barapo israelmonae jiwamonae wabatsi pia botha tatsi.

<sup>32</sup> Jopa equeicha paebinyo xua equeicha pinmonae tayabara paebiwa pomonae pejume cowantsiwi Nacom. Jopa neyapu jupaeyo xua jopa taxeinaewa matabi xua tacueicueijeinexa Gedeón yabara, iruno Barac yabara, iruno Sansón yabara, iruno Jefe yabara, iruno David yabara, iruno xua Samuel yabara, iruno pomonae Nacom pia peitorobi jume petapaebiwi tatsi yabara. <sup>33</sup> Daxita barapomonae jume cowanta Nacom. Ichamonae barapomonae jiwana, amanayaba ainya nacuanpiwitha, pejume cowantsixae xua Nacom yawenaena. Ichamonae pejume cowantsixae Nacom daxota jiwitha beta xaniwaicha canamata itoroba. Ichamonae pejume cowantsixae Nacom barapomonae catsibatsi pocotsiwan xua bayatha Nacom yabara tsiwana muxu duta. Ichamonae pejume cowantsixae Nacom, Nacom exana xua coibo acaba neuthun, xua barapomonae jopa atene peexanaenexatsi barapo neuthun. <sup>34</sup> Matautano ichamonae pejume cowantsixae, daxota Nacom yawena barapomonae poxonae Nacom itaxutaba exana po isoto bichocono pin isoto xua barapomonae po isototha tautatsi. Barichi ichamonae pejume cowantsixae daxota Nacom capanenebiya tsaibi barapomonae poxonae muxu pejutebeibichi peopi sojeiwantha xua be cusi. Matautano pomonae faefaena, equeicha Nacom daunwei exana. Daxota barapomonae daunwei poxonae naba. Ichamonae Nacom peyawenaexae amanayaba pia peaitafaetabi jiwichi xua ainya soldadomonaein bicheitontha. <sup>35</sup> Barichi ichamonae yabuxi pejume cowantsixae equeicha caewa piamonae xeina, pomonae equeicha caewa taasatsi petupaewa weya.

Ichamonae itacupatsi xua panenebiya xua jopa werapae tsane xua icha poxonae Nacom itawetatsina. Nama barapomonae jopa bepaebiyo baxua daxota barapomonae werapa poxonae bichocono caitacueintatsi ichamonae. Barapomonae, pomonae pewerapaewi yaputane xua pejume cowantsixae Nacom, daxota Nacom equeicha asu exanaena xua barapomonae pepatsiwa tsane Nacom pia nacuatheicha. <sup>36</sup> Ichamonae pejume cowantsixae Nacom, bichocono ajuntacuicoyenetane tsipei bichocono cui capanebatsi ichamonae. Matautano ichamonaeru cuaintebatsi. Ichamonaeru penain matontha cubebatsi. Ichamonaeru jiwi pecubi bontha cuaranobatsi. <sup>37</sup> Ichamonae pejume cowantsixae Nacom, ibotontha tupa exanatsi poxonae cuinbabatsi. Matautano ichamonae werapa poxonae epa nantarabobiya thabebatsi seruchotha. Iruru ichamonae pejume cowantsixae jutebatsi peopi sojeiwantha xua cusin. Ichamonaeru pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonae acopeibiwi tsobenae, barainebatsino abe taexanebatsino. <sup>38</sup> Pomonae barapo cae pin nacuathepiwi Nacom pejume cowantsiwi yabara paebatsi, yabara jeichiche:



“Jopa be cui copatichi xua barapomonaē pejinompaewa tsane watomaratha”, yabara jeichichi. Ichitha barapomonaē Nacom tsita ainya cuichi beyacaincha barapomonaē pomonaē barapo cae pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonaē demxuwantha dubenanaebiya, muthanthano jinompa, xuano xua duwei pia muthantha jinompano.

<sup>39</sup> Bequein Nacom yabara paeba barapomonaē xua beta peexanaexae pejume cowantsixaetsi, daichitha cataunxuae ab<sub>u</sub> barapomonaē jopa catsibichi pocotsiwa Nacom bayatha yabara tsiw<sub>u</sub>nae muxu duta barapomonaē, matautano xua caeinthano.

<sup>40</sup> Barapomonaē cataunxuae ab<sub>u</sub> jopa catsibichi baxua tsipei Nacom naca yabara nanta xeina xua bexa tsane ir<sub>u</sub> naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonaē Nacom naca cayawa muxuna j<sub>u</sub>nt<sub>u</sub> coyene xanepana exanaena.

## 12

### *Meje yabara xua waxainchi bewa exanaponaetsi icha Jesús ichi poxonaē exanapona*

<sup>1</sup> Pomonaē xuaunxuae yabara pacata tinatsi barapomonaē bichocono pin bicheitomonaē, pomonaē pejume cowantsiwi po coyene xua Nacom yawenapaeba. Barapomonaē naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaē. Baxua naca cuiduba xua ir<sub>u</sub> bewa xanepanaya jume cowanta dubenanaebiyaeinchi bequein naca atene exana ichamonaē. Barab<sub>u</sub> waxainchi daxita nacui barapentinchi abe waexanae cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barab<sub>u</sub> waxainchi beitatemaya aj<sub>u</sub>nt<sub>u</sub>s<sub>u</sub>ya awiya exanapoinchi pocotsiwa Nacom naca cui itoroba. <sup>2</sup> Saya meisa Jesús j<sub>u</sub>nt<sub>u</sub>anainaeya jinompatsi wanaca yawenaenexa. Bapon copiya bichocono pejume cowantsixae Nacom daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonaē cataunxuae awiya wajinompaewa barapo cae pin nacuate. Jesús bara saya copata xua atene exanadutatsi naetotha ichamonaē poxonaē t<sub>u</sub>pa exanatsi. Bapon jopa auriyo bequein naetotha t<sub>u</sub>pa exanatsi jiwi peit<sub>u</sub>tha tatsi. Ichamonaē ba bichocono aura xua poxonaē pet<sub>u</sub>paē exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonaē nacana cui wetinchi xua atene exanatsi, xuano xua poxonaē t<sub>u</sub>pa exanatsi naetotha, bapoxonaē bichocono j<sub>u</sub>nt<sub>u</sub> coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pecoxa weya tatsi xua itabocotheicha ichaxota Nacom eca pia pexeinya peecaethopeibiwatha.

<sup>3</sup> Jesús pacayabara j<sub>u</sub>nt<sub>u</sub>anainaponde xua bayatha po coyene Jesús abeya exanatsi pomonaē abe peexanae jiwi. Jesús awiya beitatemaya saya popona poxonaē bequein bichocono atene exanatsi barapomonaē pomonaē abe peexanaewi. Daxota jopa paraichinde xua poxonaē jopa pana naj<sub>u</sub>nt<sub>u</sub> coyene tsacabim. Matautano jopa paaj<sub>u</sub>nt<sub>u</sub>coyenefaetabinde xua poxonaē daxota jopa beta painya taexanaewa Nacom.

<sup>4</sup> Painya j<sub>u</sub>nt<sub>u</sub> coyenewatha pajume torobabame abe peexanae cuiru coyenein xua painya neexanaeyainwa barapo coyenein. Bapoxonaē jopa panaitematsim xua painya nejume cowantsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua t<sub>u</sub>pa xua bichocono daunweya peexanaexae barapo coyene. <sup>5</sup> Paxam paj<sub>u</sub>nt<sub>u</sub>emainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi

tapaca cuidubinexatsi.

Poxonae atene paca exanatsi jopa  
ajuntꞫcoyenefaetabiya pajinompaeinde xua  
yabara tapana nejume cowꞫntsiwam.

<sup>6</sup> Tsipei muxuwetsiya cuiduban pomonaetha  
pomonaе antobein.

MataꞫtano atene exananno pomonaetha pomonaе  
tapexui tsicotan”, jei Nacom Pejume Diwesitha.

<sup>7</sup> Awiya jꞫntema pajinompare poxonae bequein Nacom paca atene exana xua paca  
necacuidubixae. Baxua Nacom pacata exana tsipei paca nacana exana pia pexui tatsi  
pam. Dapo pexuyo ajibi, po pexuyo jopa paxa muxuwetsiya cuidubichi xua poxonae  
icha bichocono antobetsi paxa. <sup>8</sup> Nacom pia pexui muxuwetsiya cuiduba. Icha Nacom  
jopa paca muxuwetsiya cuidubichipae, bapoxonae paxam jopa Nacom pia pexui tatsi  
pam tsipae. Saya be catsa pexui pam tsipae icha be pocotsi pexui ichi po pexui seicaya  
icha paxa barompa. <sup>9</sup> MataꞫtano caena bayatha poxonae cataunxuae pexuichi waxeiwi  
naca atene exana wanaca muxuwetsiya cuidubixae. Daichitha waxeiwi barꞫ cui itura  
jinatsi. Waxainchi bewa ichichipaetsi xua waexanaewatsi pocotsiwa naca cui itoroba  
pon Waxa Nacom, pon itabocotheicha popona. Barapocotsiwa bewa exanaeinchi beya-  
caincha pocotsiwa exanatsi xua poxonae waxeiwi naca cui itoroba poxonae jinompatsi  
barapo cae pin nacuathe. Baxua bewa exanaeinchi Waxa Nacom pon itabocotheicha  
popona wanaca catsinexa peajꞫntꞫyapusꞫ coyenewa. <sup>10</sup> Waxeiwi poxonae pexuichi  
barapo cae pin nacuathe saya caepatiyo naca muxuwetsiya cuiduba. Baxua nacata ex-  
ana icha be pocotsi coyeneya xua ichichipa xua tsita xanepanatsi. Ichitha nama Nacom  
naca muxuwetsiya cuiduba wanaca yawenaewa tsane. MataꞫtano baxua nacata exana  
xua wanaca cana exanaewa tsane xua bichocono wajꞫntꞫ coyene xanepanaewichi,  
icha Nacom ichi xua bichocono pejꞫntꞫ coyene xanepanaein. <sup>11</sup> Poxonae naca atene  
exana bara bapoxonae nanta xeinatsi xua jopa nacata xaexaenaecaeyo, tsipei bara  
xaniwaicha naca atene exana. Ichamonae yabara cui copaba xua bara nacuiduba  
xua poxonae bequein Nacom atene exana, pemuxuwetsiya cuidubixae. Barapomonaе  
jame jopa natsicuenti tsane xua abe peexanaexae bapontha. Barapomonaе xeinaena  
pejꞫntꞫ coyene xanepanaewa Nacomtha xuano jꞫntema dubenanaebiyaena.

*Meje yabara xua poxonae Nacom naca muxuweta xua jopa bewa Nacom itawetichi*

<sup>12</sup> Yaitama pajꞫntꞫ coyene faefaename, xua painya nejume cowꞫntsiwa daxota  
painya coutha pana najꞫntꞫ coyene tsacabare xua beta painya nejume cowꞫntsiwa  
tsane Nacom. MataꞫtano xua payabara ajꞫntꞫcoyenerewem tsaibi ichawan. Pana  
najꞫntꞫ coyene itorobare xua awiya ayapusꞫya painya neexanaponaewa tsane.  
<sup>13</sup> Painya xoba icha diwesi pajume cowꞫntame po diwesi xua jopa Nacom Pe-  
jume Diwesi tatsi. Ɜ meisa paexanare pocotsiwa Nacom Pejume Diwesitha yabara  
paeba xua beta painya nejume cowꞫntsiwa. Icha baxua paexanaetsipame irꞫ icha-  
monae barichipae. Bequein barapomonaе copiya jꞫntꞫ coyene faefaenaetsipa pejume  
cowꞫntsiwatha ichitha bapoxonae beta exanaponaetsipa xua pejume cowꞫntsiwa pia  
paca cui taexae.

<sup>14</sup> Nantiya daxita jiwi ajꞫntꞫyapusꞫya betiya pana nabaꞫ jꞫntemiya jinompare.  
Bichocono pana najꞫntꞫ coyene xanepana exande Nacomtha xua jopa painya nenat-  
sicuentinexa xua abe painya neexanaexae bapontha, xua painya netaenexa bapon.  
Tsipei pomonaе jopa xeinaeyo barapo coyene jopa itacꞫpaetsi xua Nacom petae-  
watsi tsainchi. <sup>15</sup> Dota pam xua ichamonae pomonaе paxam jiwana pam pia xoba  
jopa ichipaeyo po coyenewa Nacom yawena barapomonaetha pia peantobewaxae.  
MataꞫtano barapo ichamonae pomonaе painyamonae jiwanaxae pia xoba abe exana

ichamonae peitutha tatsi xua daxota iru ichamonae pebarichinexa xua abe peexanaewa. <sup>16</sup> Ichamonae pomonae paxam jiwana pam, pia xoba nota icha yabuxitha, powaxi jopa xapain barompaya pia seurixi. Matautano dota pam xua ichamonae paxam jiwana pam jopa tsita pecui pawu tsainchi po coyenewan xua Nacom piawan tatsi. Barapo coyene Esaú exana pon caena bayatha tupa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwuna muxu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaú jopa jume cowantsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo. <sup>17</sup> Paxam payaputaneme xua bapon Esaú pirapaeyo ichichipa xua equeicha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiywn tawuca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata pupara. Bequein bara bapon auranaya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

<sup>18</sup> Caena bayatha pia Nacom caquita ponaetsi Israel pia pemomoxi susato jiwi tatsi demxuwa itabaratha umena poxonae Nacom Moisés catatsi pia peitorobi coyenewa. Barapomonae jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxonae Israel pia pemomoxi susato jiwi tatsi umena barapo demxuwa itabaratha, baxoyo pin isoto uncueica barapo demxuwatha. Matautano bapoxonae bichocono quirei, yawano nobonno. Matautano pin joibo baxoyo uncueica. Ichitha jopa bara paichim, jopa pataem baxuan. <sup>19</sup> Paxam jopa pajume taem peobiwa jume po peobiwa pewwn trompeta nain matawwn, icha poxonae barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom cueicueijeji barapo Israel pia pemomoxi susato jiwitha tatsi barapo demxuwatha. Pomonae jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane. <sup>20</sup> Barapomonae baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom. <sup>21</sup> Barapomonae bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyen”, jei Moisés.

<sup>22</sup> Jame anoxuae painya nejume cowantsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewwn Jerusalén tomara. Barapo tomara eca ichaxota po demxuwa pewwn Sión. Barapo tomara Nacom pia tomara tatsi pon ataya tsitecaeya asya pepoponaen. Barapo tomara xua pepa Jerusalén tomara Nacom pia nacuatheicha tatsi eca. Matautano papatsiname baxoteicha ichaxota jinompa ayeimonae matatsunpiwi, xua weiweinaeya nanacaetutsina xua pia nanabarwuna jainchinexa Nacom. <sup>23</sup> Matautano pajume cowantame Jesús xua painya nepatsinexa ichaxota Nacom piamonae tatsi nacaetuta pomonae Nacom pia diborotha wwn dubena xua itabocotheicha. Barichi papatsiname Nacomtha, pon yabara paebina daxita jiwi xua penatsicuentisiwa xua abe peexanaexae. Matautano papatsiname ichaxota jiwi pia jumopein tanaxw tatsi jinompa pomonae xua beta exana xuano xua Nacom beta cana juntu coyene wetsiya xanepanaya exana. <sup>24</sup> Matauta papatsiname ichaxota Jesús popona pon jiwi peyabara jume yawenaen Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia

pena peyabara tsiw<sub>nae</sub> muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara j<sub>ntu</sub> coyene j<sub>ntemaina</sub> abe waexanae cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonae bapon bexotsi, jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona xua peyantomatsiwatsi.

<sup>25</sup> Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonae bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonae jopa Nacom capanenebiyaeyo xua atene abe pia peexanaexae. Waxainchi jopa naca itac<sub>paeyo</sub> xua panenebiyatsi xua atenetsi abe waexanae coyenewantha icha jopa Nacom jume naitaewatichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonae xua atene abe pia peexanae coyenewantha pomonae Moisés bar<sub>u</sub> popona. <sup>26</sup> Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Ab<sub>u</sub> equeicha bara caeto tsane ira jijitsin yawano itabocothoichano jijitsin”, jei Nacom. <sup>27</sup> Poxonae Nacom jei: “Ab<sub>u</sub> equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xeina pocotsiwan itac<sub>patsi</sub> xua pejjijiyatsiwatsi. Saya meisa jopa aichurucuae exanae tsainchi pocotsiwan xua jopa itac<sub>paetsi</sub> xua pejjijiyatsiwatsi xua pocotsiwan Nacom piamonaetha peyabara tsiw<sub>nae</sub> muxu dutsi coyenewa. <sup>28</sup> Nacom pia nacua, ichaxota Nacom itoroba, yawano xua waxainchi baxota itorobatsi, barapo nacua jopa itac<sub>paetsi</sub> xua jijiyatatsi xua aichurucuae peexanaenexatsi. Daxota bewa jeichichi Nacomtha: “Nacom, maisa paj<sub>ntu</sub> coyene weiweinan pebaxuaxae”, bewa jeichichi. Poxonae Nacom w<sub>nae</sub> jaintinchi waxainchi bewa yabara nanta xeinaetsi pia pej<sub>ntu</sub> coyene xanepanae coyenewa tatsi. Mata<sub>utano</sub> bewa bapon cunuwiya w<sub>nae</sub> jaintinchi pia peayapus<sub>wa</sub> pexeinaexae. <sup>29</sup> Wanacom weraweraca cana exana jiwi, pomonaetha pomonae jopa pejume cow<sub>ntsiwichi</sub>. Nacom baxua exanaena icha be poxonae nawa ichi xua poxonae daxita topowa poxonae taxua.

## 13

### *Meje yabara xua pocotsiwa bewa exanaetsi xua pocotsiwa Nacom tsita xanepanatsi*

<sup>1</sup> Jopa pana nacui barapentsinde xua caemonae nantiya painya nenaantobewam pomonae be painya eweicho jiwi painya nenatsicotae jiwi pam painya nejume cow<sub>ntsixae</sub> Jesucristo. <sup>2</sup> Jopa paj<sub>ntemaina</sub>inde xua beta painya netaexaneibiwa tsane pomonae pateiba painya bontha pomonae ir<sub>u</sub> pejume cow<sub>ntsiwi</sub> Nacom tsipei metha beya jemeicha barapomonae tsipae pomonae Nacom itoroba xua beta painya nepacata exanaenexa. Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou apara matatsunpiwi.

<sup>3</sup> Payabara nant<sub>u</sub> coyene xeinare pomonae jiwi pec<sub>ubi</sub> botha cuaranobebatsi painya neyawenaenexa barapomonae icha be poxonae paichim xua ir<sub>u</sub> jiwi pec<sub>ubi</sub> botha paca cuaranobar<sub>u</sub>. Payabara nant<sub>u</sub> coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam ir<sub>u</sub> jiwi pam, paca yabara itac<sub>patsi</sub> xua ichamonae paca necaperaxa jub<sub>iwa</sub>.

<sup>4</sup> Paxam bewa beta pananta xeinaem poxonae jitha paename xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxename. Tsipei Nacom yabara paebina jiwi xua penatsicuent<sub>siwa</sub> xua abe peexanaexae pomonaetha pomonae jopa xapain exanaeyo xua be poxonae yab<sub>xi</sub> jeita xua po coyene jiwi jopa yabara copatsiyo. Mata<sub>utano</sub> barichi

Nacom yabara paebina jiwi xua penatsicuentisiwa xua abe peexanaexae pomonaetha pomonae nasi cui weiweina exana poxonae bequein pia seurixi xeina.

<sup>5</sup> Jopa bichocono paichichipaeinde paratixi. Jame maisa pajuntũ coyene weiweinare painya nexenaexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponae tsainchi”, jei Nacom. <sup>6</sup> Daxota naca itacũpa xua jume cowantsiya jeichichi:

“Nacom, pon jiwi Pecanamataxeinaein,  
bapon pon xua tana neyawenaein.

Jopa junuwinyo poxonae jiton xua  
abe tana exanaewa”, jeichichi.

<sup>7</sup> Payabara cui jũntanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cowantsiya jinompa beya poxonae barapomonae yacuiya werapa. Paxam beta pajume cowantsiya jinompare icha barapomonae ichi xua beta jume cowantsiya jinompa.

<sup>8</sup> Jesucristo saya tsitecaeya pepu jũpa exanaponae. Baxua exana caena bayatha, anoxuaeno, xuano xua bara ataya tsitecaenano xua jiwi beta peyawenaewatsi. <sup>9</sup> Daxota jopa pacopatsinde xua ichamonae painya nepaca cuidubiwa icha pecuidubi diwesi po diwesi pia diwesi barompa, po diwesi jopa Cristo pia diwesi tatsi. Jame ainya cui xua naajũntũyapusu exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajũntũyapusu exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

<sup>10</sup> Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitũpa xua daxota Nacom jopa tsitatsi xua penatsicuentisiwa xeinatsi xua abe waexanaexae. Baxua apara xua poxonae Cristo tũpa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacũpaetsi xua pexeinaewa barapo coyene tsipei barapo sacerdotemonae cataunxuae jutebeiba duwei jiwi abe pia peexanae cuiru coyenein tatsi nexa. <sup>11</sup> Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara jũntemainenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya. <sup>12</sup> Cristo barichichi. Tomara cuariya beya tũpa exanadutatsi naetotha, xua daxita jiwi pejũntũ coyene xanepana exanaenexa tsainchi Nacom. Cristo pejana pichapabarenaexae poxonae tũpa, Nacom jopa tsitatsi xua jiwi penatsicuentisiwa xua abe peexanaexae. <sup>13</sup> Ichamonae Jesús aura exanatsi poxonae tomara cuariyatha tũpa exanadutatsi naetotha. Barabũ copatatsi xua ichamonae iru naca aura exana wajume cowantsixae Jesús xua daxota naca atene exana icha Jesús ichichi. <sup>14</sup> Barapo cae pin nacuathe jopa xeinaetsi tomara, po tomara ataya tsitecaeya ayapusu tsuncuae. Jame wũnaeya ewatatsi, po tomara xua bexa patopaetsica Nacom pia nacia wetsica tatsi. <sup>15</sup> Daxota waxainchi bewa wũnae jainteibichi Nacom tsipei Jesucristo naca tsitũpa. Poxonae Nacom wũnae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wũnae jaintatsi jeichichi: “Nacom maisa bichocono nejũntũ coyene xanepanaein”, jeichichi. <sup>16</sup> Jopa pajũntemainaeinde po coyene xua beta painya taexanaewa ichamonae. Painyawan panata jiwana wetsabare pocotsiwan xua paxename xua painya necat-sibinexa pomonae xua jopa xeinaeyo. Tsipei poxonae baxua paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

<sup>17</sup> Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabarũ cui itura jinare barapomona tsipei barapomona paca jũntũ coyene eeniya ewata. Barapomona yaputane xua bexa tsane Nacom barapomona yabara paebina xua penatsicuentiwa xua abe peexanaexae icha barapomona jopa beta paca jũntũ coyene eeniya ewatsiyo. Bara pacopare xua barapomona jũntũ coyene weiweina exanatsi poxonae paca jũntũ coyene eeniya ewata xua jopa pejũntũ coyene wecoyeinexa xua abe painya neexanaexae. Tsipei icha barapomona jũntũ coyene wecoyei baxua xapain jopa paca yawenaeyo.

<sup>18</sup> Nacomtha painta wũcare. Bara payaputan xua pata jũntũ coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan. <sup>19</sup> Paca wũcatsi xua painya inta wũcaenexam tsane Nacomtha xua Nacom bara inta pecopatsinexa xua methaunxuae tapaca siwa ponaewa tsainchi equeicha.

*Meje yabara xua najume wetsiya paeba pon tina*

<sup>20</sup> Nacom, barapon peyajũntũ coyene jinaein xua jũntema pepoponaewa. Barapon Nacom Jesús caewa asũ exanatsi petũpaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwi peewatsinchi icha be pocotsin oveja beta peewatsin ichi. Bapon Jesucristo pejana pichapabarenaexae poxonae tũpa, canacui wetsiya exana po coyene xua bayatha Nacom yabara tsiwũnae muxu duta po coyene xua ataya tsitecaeya tsane. <sup>21</sup> Barabũ barapon Nacom paca jũntũ coyene xanepana exanaena xua jopa painya nenatsicuentinexa xua abe painya neexanaexae. Matautano bũ bara paca catsina xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barabũ Jesucristo pia peayapusũwa naca cana exanaena xua exanaeinchi po coyene Nacom tsita xanepanatsi. ¡Barabũ jiwi Cristo ataya wũnae jaintinchi pexeinaexae peayapusũ coyenewan! Je, bara ichi tsane.

<sup>22</sup> Tamonaẽ pam, pomonaẽ pam irũ painya nejume cowũntsixae paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae. <sup>23</sup> Maisa ichichipan xua painya neyaputaewa tsane xua Timoteo bayatha copatatsi jiwi pecabi bo weya. Barapon be wayapin watsicotaein pejume cowũntsixaerũ Jesucristo. Ichaunxuae bapon taxantha patopaena bapon methaunxuae nebarũ iya tsane painya xainya beya xua equeicha tapaca siwa ponaewa tsainchi.

<sup>24</sup> Painta jacobare daxita pomonaẽ painya nepaca canamataxeinaewi. Irũno painta daxita jacobare pomonaẽ pejume cowũntsiwirũ Jesucristo. Italia nacuamonaepiwi barapomonaẽ paca jacobã, pomonaẽ irũ pejume cowũntsiwi.

<sup>25</sup> Barabũ Nacom daxita pam bichocono paca yawenaena pia painya nepaca caantobewaxae.

## Meje Po Carte Santiago Tatina, Pomonae Jesucristo Pejume Cowantsiwi Tatinatsi

*Meje yabara poxonae Santiago tamropata pitaba xua tatina pomonaetha pomonae  
pejume cowantsiwi pomonae xua tajū jinompa*

<sup>1</sup> Xan, Santiago ponxaein Nacom amanaya pia petanacuichin tatsin irū Jesucristo pon jiwi Pecanamataxeinaein amanaya pia petanacuichin tatsinno. Paca jacobatsi pomonae Israel pia saineiwi tatsi pam, pon caena bayatha tupa. Israel doce po pexantobe xeina, pomonae caena bayatha werapa.

Paxam barapo doce po bicheito matabūxūmonaebe pia sainei jiwi tatsi pam, pomonae pam xua anoxuae tajū nacayayatsiya pajinompame daxita nacuantha xua painya pepa nacua weya.

*Meje yabara xua po peyaputae coyene Nacom pia peyaputae coyenewa tatsi*

<sup>2</sup> Tamonae pam pomonae irū painya nejume cowantsi jiwi pam Cristo, bewa jūntū coyene weiweinaya pajinompaem poxonae bequein pacata ayapube tsaibi tsane ichauxi. <sup>3</sup> Poxonae pacata ayapube tsouneibi ichauxi ichitha beitatemaya awiya ayarusūya pajume cocowantaponame, bapoxonae payaputaneme xua paantūyarusūya amanayabame pocotsiwa xua paca atene exana. <sup>4</sup> Bara saya beitatemaya payabara cui copare barapo coyene xua ayarusūya jume cocowantapona paca necana exanaenexa beya poxonae painya jūntū coyene Nacom petsita xanepanaenexatsi. Bapoxonae painya jūntū coyeneintha jopa paxeinaem tsane pocotsiwa pacata seica. <sup>5</sup> Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Matautano Nacom jopa aenae-aeneya itawetsiyo poxonae cata. <sup>6</sup> Daichitha jame bewa jume cowantsiya pawūcaename. Matauta jopa būbūjeya pawūcaeinde Nacomtha. Tsipei pon būbūjeya wūca Nacomtha, bapon ichawa beya tamropata nanta xeinapenteiba icha be pocotsi coyene jūta ichi poxonae ba maratsaca joibo ichawa beya caya tsaibi icha muxunene beya. <sup>7</sup> Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wūcaeyo Nacom pon jiwi Pecanamataxeinaein. <sup>8</sup> Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacūpaetsi xua xanepanaya pepoponaewa.

<sup>9</sup> Pon xua Jesucristo pejume cowantsin, bapon bequein saya tsiwiyo copei xeina, bapon bewa jūntemiya jūntū coyene weiweinaeya poponaena tsipei bapon Nacom peitabaratha ainya cui penaexanaein. <sup>10-11</sup> Matautano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa jūntema poponaena pejume cowantsixae Nacom. Poxonae bapon tūpaena, bapana jopa cuenta tūpae po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto nacuita ducuaenaebiya bapoxonae cuenta tūpa copei poxonae nacuita ducuaenaebiya. Barapo coyene icha be pocotsi jūta coyeneya ichi xua pentono. Bara caeto matono weiweinaeya umena. Cotacaya xometo ecoina yawano atsa bichocono, naepanaewan tsaquiwa, pentononno othopeica. Weraweraca xua matono itūpana. Pon copei pexeinaein bapon tūpaena, saya weraweracaena icha pentono ichi xua weraweraca.

*Meje yabara poxonae jiwi pemuxujainyabiwatsi xua abe peexanaewa tsane*

<sup>12</sup> Nacom jujuta pomonaetha pomonae pejume cowantsiwichi pia yaputaetsi icha barapomonae xaniwaicha antobetsi. Pon xua acuiyapusya jume cowantsiya popona poxonae bara bequein Nacom juntu coyene jujuta, jame bapon juntu coyene weiweinaeya popona. Poxonae yapucaewa xua bapon juntu coyene jujutatsi bapoxonae Nacom yabara wnae muxu dutsina xua bexa bapon Nacom pia nacia beicha peajuntucoyenyapuswatha ponaena. Barapo peyabara tsiwnae muxu dutsiwa Nacom cata pomonaetha pomonae peantobewixaetsi. <sup>13</sup> Poxonae ichun matowa juntu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejuntu coyene jujutsiwa xua barapomonae abe peexanaewa tsane. <sup>14</sup> Apara jame nama pon juntu coyene jujutatsi abe peexanaenexa, bapon copiya pejuntu coyenetha nanta xeinaeya popona xua abe peexanaenexa. Barapoxonae poxonae xaniwaicha juntu coyene jujutatsi xua abe peexanaenexa bara bapon exana xua abe exana. <sup>15</sup> Pon xua abe exana bapon exana po peabe exanae cuiru coyene copiya yabara nanta xeina. Icha bapon awiya abe exana ducuaenaebiya matapainya tupa abe peexanae cuiru coyene peexanaexae bichocono.

<sup>16</sup> Tamonae pam paxam pomonae tapaca caantobewichi pam. Jopa painya coutha pananta xeinaeinde xua pajam: “Nacom nemuxujainyaba xua abe taexanaewa tsane”, jopa pajande. <sup>17</sup> Daxita xua wnae, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubena peitabocotha. Nacom jopa bapana ichawa beya pepaebiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo peoichan ichi xua pentha tsaibi yawa quirei tsaibi. Dapon aibi pon itacupatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana. <sup>18</sup> Poxoru saya Nacom pia coutha ichichipa daxota naca cata peantuyapuswa po peantuyapuswa ataya tsiteca. Baxua naca cata poxonae jume cowantsiya jume tainchi Nacom pia pexainyei jume diwesi tatsi. Poxonae Nacom baxua naca cana exana bara waxainchi piamonae jiwi tatsichi xua waxainchi ichamonae toxechiya jume cowantatsi. Xua copiya wajume cowantsixae, Nacom naca cana exana xua pomonaetsi pomonae wajuntu coyene xanepanae jiwichi Nacom nexa. Daxota Nacom tsita be peainya cui jiwichi beyacaincha ichamonae.

*Meje yabara pomonae xaniyeya pepa pejume cowantsiwi Nacom*

<sup>19</sup> Tamonae pam pomonae bichocono tapaca caantobe jiwichi pam pacayabara nanta xeinare barapo diwesi xua jeye: Daxita paxam bewa pewnaeya pana najuntu coyene wnaeteibim painya nenamnaewateibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxonae cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande. <sup>20</sup> Tsipei pon anaepana, Nacom jopa taexanaetsi pexainya coyene po coyene xua Nacom tsita xanepanatsi. <sup>21</sup> Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiru coyene bichocono nawita pocotsiwa ichamonaetha pata exaname. Matautano painya juntu coyeneintha ita ururaquiya pajume cowande Nacom pia pexainyei jume diwesi tatsi. Tsipei barapo pexainyei jume diwesi xeina peayapuswa xua paca cana exana xua pajuntu coyene panenebiyam abe painya neexanae cuiru coyenein weya.

<sup>22</sup> Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame. <sup>23</sup> Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi



jiton tsabocototha nayaitane. <sup>24</sup> Bara nayaitane. Poxonae bapon pona caena bapon yacuinaya naitabara itaxananaya. <sup>25</sup> Nacom Pejume Diwesi bichocono xanepana. Barapo peitorobi diwesi naca jũntũ coyene capanepa exana abe waexanae cuiru coyene weya. Ichitha pon jopa jũntemainaeyo xua pocotsiwa Nacom Pejume Diwesitha paeba, xvano xanepanaya exana ducuanabiya pocotsiwa barapo diwesi itoroba, bapon jũntũ coyene weiweina xua pocotsiwa peexanaexae.

<sup>26</sup> Icha pebin nanta xeina xua daxita jume cowũntsiya exana Nacom nexa, xua daichitha jopa naebato yatacutsiyo poxonae ichamonae catsawiya yabara paebatsi, bapon pia coutha namuxuitoroba. Mataũtano pocotsiwa jume cowũntsiya exanapona Nacom nexa saya pejumexaei. <sup>27</sup> Pomonae xainyeya pepa pejume cowũntsiwi Nacom, barapomonae jopa abe exanaeyo Nacom peitabaratha, pon Waxa. Pomonae xanepanaya exana bewa iche: Bewa yawenae pomonae peacoibi jiwi, yawa bewa yawenaeno powaxi pecuenta werapaewaxichi piseurixi. Mataũta jopa bewa exanae pocotsi coyene exana pomonae jopa pejume cowũntsiwi Nacom.

## 2

### *Meje yabara xua poxonae jiwi bewa daxita tsita najũpaetsi*

<sup>1</sup> Tamonae pam, pomonae irũ painya nejume cowũntsixae Jesucristo pon Wanacana-mataxeinaein. Bapon Jesucristo pon bichocono pejũntũ coyene xanepanaein. Jopa bewa paexanaem painya xantha painya nejume cowũntsixae xua ichũn bichocono peainya cuin wũnae penaexanaeinxae beyacaincha ichũn xua jopa wũnae penaexanaeinxae xua daxota bapon catsapin pacana exaname. <sup>2</sup> Ichacuitha metha be pocotsi coyeneya tsipae, xua meje: Metha poxonae paxam panacaetutsipame, bapoxonae irũrũ pebinbe patopaetsipabe. Metha baponbe joniyaetsipabe baxota. Ichũn nacobesi xataba aniyon pocotsiwan daedaena. Mataũtano paparuwa nama xatata xua mũ daedaena. Nama irũ ichũn acopeibi, nama dapon saya pia penama xatatsiwa taabetsi. <sup>3</sup> Metha pon copei pexeinaein pantenta weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem. <sup>4</sup> Icha metha baxua paexanaetsipame bapoxonae abeya pananta xeinaetsipame xua jiwi jopa najũpaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentiwa yabara xua abe peexanaexae.

<sup>5</sup> Tamonae pam pomonae irũ painya nejume cowũntsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibiwi xua barapomonae bichocono pejume cowũntsinexa. Mataũtano Nacom catsibina barapomonaetha pocotsiwa bayatha jũntana jeba pia peitorobi nacuatheicha pia peantobewixaetsi. <sup>6</sup> Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Mataũtano barapomonae ba pentacaponae wi peitabaratha paca capona xua abeya pia paca necayabara paebinexa. <sup>7</sup> Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowũnta dubenanaabiyaexaetsi, naca jei, “Cristo-barũmonae”, naca jei.

<sup>8</sup> Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuarabũ enaewi icha paichim xua painya coutha pana naantobem”, jei xua barapo diwesitha. Moya bara beta paexanaename. <sup>9</sup> Poxonae ichamonae ainya cui pacana exaname xua beyacaincha ichamonae, bapoxonae paxam apara abe paexaname. Mataũtano apara paxam pomonae abe painya neexanaewi, tsipei jopa

paexanaem pocotsiwa Nacom penajume caitorobi coyenewatha paeba. <sup>10</sup> Icha ichan jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom tane xua daxita tsita abetsi. <sup>11</sup> Nacom namchi: “Jopa panasi cui wainmein chinde poxonaе jitha painya neenaewatha”, jei Nacom. Yawa namchino: “Jopa bexubinde ichan”, jei Nacom. Ichitha icha bequein jopa panasi cui wainmein chim, daichitha pabexubame ichan baraxua be poxonaе daxita abe pacayabara exaname Nacom penajume caitorobi coyenewa. <sup>12</sup> Paxam bewa beta xanepanaya papaebim. Matautano bewa beta pajinompae. Tsipei bexa tsane Nacom paca yabara paebina painya nenatsicuentatsiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya. <sup>13</sup> Pomonaе jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jutiya ichane barapomonaetha. Ichitha pomonaе xua yabara nantanuweya nanta xeina xua ichamonae peyawenaenexa tsainchi, xuya Nacom bara jutiya ichane po matabitha jiwi yabara paebinchi xua penatsicuentatsiwa xua abe peexanaexae.

*Mejeyabara xua Nacom pejume cowantsiwichi pia pexeinya peexanae coyenewan tatsi*

<sup>14</sup> Tamonaе pam, iru pomonaе painya nejume cowantsixae Jesucristo. ¿Eta xua metha tsipae? Metha ichan jei: Xan Nacom Pejume Diwesi jume cowantan, jei, ichitha jopa betiya xanepanaya exanaeyo. ¿Bara metha bapon najantu coyene capanepaetsipa Nacom beya? Apra jume tsipae, jopa najantu coyene capanepaetsipae. <sup>15-16</sup> Ichacuitha metha tsipae, metha panantaatsipame pomonaе pejume cowantsiwi Jesucristo painya xantha. Barapomonaе metha taaibichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichan pon painyamonaе jiwana jiton bapomonaetha jeye: “Bara junteма panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonaе nantawenona xua pejinompae nexa. Baxua bapana ba ichamonae jopa yawenaetsi icha saya ba u xua paebatsi. <sup>17</sup> Barichi xua pon pejume cowantsin Nacom Pejume Diwesi. Icha bapon jopa yawenaeyo ichantha pontha pon nantawenona ichawa xua pia peponaewa nexa, bapoxonaе bapon pia pejume cowantsiwa Nacomtha be cayabara juntemaina.

<sup>18</sup> Ichacuitha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowanta jopa itacupaetsi xua netsita exana xua bapon xaniwaicha jume cowanta pocotsiwa Nacom itoroba poxonaе bequein jopa beta yawenaeyo ichamonae. Bapoxonaе xan tsita exanan bapontha xua xaniwaicha jume cowantan pocotsiwan Nacom itoroba poxonaе exanan pocotsiwa Nacom neitoroba xua poxonaе yawenan ichamonae”, jan tsane. <sup>19</sup> Xam jume cowantame xua bara compa pepa Nacom popona, xua ichan bapocotsin aibi. Baraxua bara beta nanta xeiname. Ichitha baxua iru caurimonaе jume cowanta yawa bichocono pijunuwi jijiyei. <sup>20</sup> Xam bapocotsim pocotsin ba jopa peyaputaеin, incane jume taema. Pon paeba xua pinaе jume cowanta pocotsiwa xua Nacom itoroba, xua daichitha jopa beta exanaeyo ichamonae nexa, bapon pia pejume cowantsiwa bara be cayabara juntemaina. <sup>21</sup> Nacom tsita juntu coyene xanepanatsi Abraham, pon wamo susatopin, pon caena bayatha tupa. Bapon Abraham Nacom jopa tsita natsicuentatsichi xua abe peexanaexae, ichitha yabara jume cowantsiya peexanaexae pocotsiwa Nacom itoroba. Bapon pexanto isoto beya capona, petautsinexa xua petuxusi exanaenexa

Nacomtha, po pexanto tatsi pewun Isaac. <sup>22</sup> Anoxuae payaputaneme xua Abraham jume cowuntsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowuntsi coyenewa. <sup>23</sup> Nacom exana xua caena bayatha Pejume Diwesitha jeye: “Abraham jume cowuntsiya exana pocotsiwa Nacom itoroba. Daxota Nacom tsita juntu coyene xanepanatsi jopa penatsicuentisixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

<sup>24</sup> Anoxuae bara payaputaneme pocotsiwa Nacom tsita juntu coyene xanepanatsi xua jopa tsita natsicuentisichi xua abe peexanaexae pon exana pocotsiwa Nacom itoroba, jopa meisa metha poxoru pejume cowuntsixae. <sup>25</sup> Bara cana ichiru Nacom petsiriwatha powa nasi cui matacaeta pebiwitha, pia paratixichi, powa pewun Rahab, powa caena bayatha popona. Nacom tsita juntu coyene xanepanatsi barapowatha xua poxonae peyawenaexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe burana etatsibe pia botha poxonae baponbe jeitompatsibe ichamonae. Bapoxonae pirapaeyo bapowa baponbe capanepatsibe icha namto iya xua tomara weya. <sup>26</sup> Daxota anoxuae paca tsipaebatsi, icha pepon ba jopa xeinaeyo pejumope, ba pepon tupa. Barichi icha pebin jume cowunta Nacom daichitha jopa exanaeyo pocotsiwa Nacom itoroba bapoxonae pia pejume cowuntsiwa bara be cayabara jantemaina.

### 3

#### *Meje yabara pocotsiwa xua peebatotha pepaebiwa*

<sup>1</sup> Tamonaе pam pomonaе iru painya nejume cowuntsixae Jesucristo. Paxan pajume tan xua pinmonae painyamonaе jiwana ichichipa xua penaexanaewa pomonaе jiwi pecuidubiwi Nacom Pejume Diwesi. Daichitha pinmonae jopa bewa naexanae pomonaе jiwi pecuidubiwi. Bayatha daxita paxam payaputaneme xua paxan pacueicueijan tsurubenanaebiyen Nacom Pejume Diwesi xua jiwi jopa bewa abe exanaena. Daxota poxonaе baxua pacueicueijan xua daichitha abe paexanan bapoxonaе Nacom bichocono pana peraxa jubina beyacaincha xua poxonaе bapon cana exanaena ichamonaetha. <sup>2</sup> Daxita waxainchi ichichipatsi nawita xua abe waexanaewa. Anoxuae payaputaema, icha ichun jopa abe exanaeyo xua poxonaе paeba bapon jame penthuthu yapu xanepanaein. Matautano bapon itacupatsi xua najuntu coyene itoroba daxita pia pepontha xua xanepanaya peexanaewa abe peexanaeyainwa. <sup>3</sup> Poxonaе waxainchi cawayu wano atatsi penainto xua wanaca cui jejeinexa baraxua apara xua wacafebabinexa daxita pepon ichaxota waponaewa. <sup>4</sup> Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponaewa xua xoyotha tsiwiyo tsecae xoyo ira werucueina. <sup>5</sup> Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatyio tsecae pepon nexa. Daichitha barapo ebatyiotha itacupatsi xua yabara eetaponaeya paeba pia peexanaewa poxonaе ichamonae aebatsi. Barichi unu itacupatsi xua petaxuiwa dacotsi iteretiyotha. <sup>6</sup> Icha nawa iteretiyio cana ichi unu, peebato bara ichiya exana daxita coyeneintha. Bequein waebato peyauyo tsecae xua wapepon jiwana xua pin xaintotsi, ichitha bara itacupatsi xua bichocono abe exanatsi naca cana exana. Waebato naca cana exana xua waexanaewa daxita abe waexanae cuiru coyenein xua poxonaе wacueicueijeixae waebatotha xua caurimonae pia pentacaponaein tatsi wanaca cui itorobixae. <sup>7</sup> Jiton ba itacupatsi xua ita coxone exana daxita duweimonae, pepupunaewi, jomon yawa menepipichiwanno. Daxita baxua i daxua jiton ba ita coxone exana. <sup>8</sup> Nama peebato jopa be baraichichi. Jopa



<sup>1</sup> ¿Eta werena pona barapo coyene xua pana najume matsontsonobame? ¿Yawano eta werena pona barapo coyene xua pana nabame? Apra barapo coyenebe naforoba painya juntũ coyeneintha ichaxota paichichipame xua abe painya nenanta xeinaewa. <sup>2</sup> Ichawa paichichipame ichitha jopa paxeinaem daxota ichũn anaya pabexubame. Ichawa payabara cui uwame, ichitha jopa paca itacũpaeyo xua paxename daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawũcaem. <sup>3</sup> Poxonae Nacomtha payabara wũcame pocotsiwa paichichipame, jopa Nacom paca catsiyo tsipei jopa xanepanaya pawũcaem, saya painya nata wũcaexae pocotsiwa xua abe painya neexanaewa tsane. <sup>4</sup> ¡Maisa paxam caurimonae pia pepuna jinompaewichi pam! Payaputaneme xua pomonae ichichipa naexana pomonae jopa pejume cowũntsiwi Nacom piamonae tatsi, barapomonae apra ba Nacom peaitafaetabiwichi. Daxota poxonae paichichipame xua panaexaname barapo cae pin nacuamonaepiwi piamonae tatsi, apra panaexaname Nacom pia peaitafaetabiwichi tatsi pam. <sup>5</sup> Daxota Nacom Pejume Diwesi jeye: “Nacom asiwiya antobe po jumope tũnaxũ naca cayawa exanaeya jinompa exana”, jei. <sup>6</sup> Ichitha Nacom pia peantũyapuwatha naca yawena xua jopa abe waexanaewa tsainchi. Nacom Pejume Diwesi jeye: “Nacom jopa yawenaeyo pomonaetha pomonae jiwi peabiwi. Ichitha pia peajuntũyapuwatha yawena pomonaetha pomonae ita ururanaya jinompa xua jopa atsaquiyo”, jei. <sup>7</sup> Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonae bapon naetsiricuaena painya xainya weya. <sup>8</sup> Nacomtha patsipaebare, bapoxonae Nacom paca yawenaena. Paxam pomonae abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najuntũ coyene xanepana exande. <sup>9</sup> Abe painya neexanaexae, pana najuntũ coyene acaurande, pawecoyande, yawa panantũ exabare. Poxonae pajuntũ coyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajuntũ coyene wecoyande xua painya neauraxae. <sup>10</sup> Nacom pon jiwi Pecanamataxeinaein pabarũ cui itura jinare xua jopa ainya cui pana nacana exanaem. Bapoxonae Nacom ainya cui paca cana exanaena.

*Meje yabara xua jopa bewa ichamonae yabara paebichi tsainchi xua penatsicuentsiwa xua abe peexanaexae*

<sup>11</sup> Pomonae painya nejume cowũntsi jiwi pam Jesucristo, jopa bewa ichamonae yabara paebichi tsainchi xua penatsicuentsiwa xua abe peexanaexae. Pon abe yabara paeba pontha pon Cristo pejume cowũntsiindũ, bapon muxuna abe yabara paeba Nacom pia peitorobi diwesi. Bapon jopa jume cowũntsiyo pocotsiwa xua barapo diwesi itoroba xua pinae jopa bewa abe yabara paebichi ichũn xua xeina penatsicuentsiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba. <sup>12</sup> Apra meisa bapon Nacom pon naca cata pia peitorobi coyenewa. Mataũtano bapon compa pon jiwi peyabara paebin xua penatsicuentsiwa xua abe peexanaexae. Meisa saya bapon itacũpatsi xua jiwi capanepatsi pia nacuatheicha, xua ichacuitha ba jiwi itawetatsi pia nacia weya xua abe peexanaexae. Nama paxam apra jopa paca itacũpaeyo xua payabara paebame xua ichamonae pia peexanae coyenewa tatsi. Mataũtano jopa paca itacũpaeyo xua jiwi pacapanepame Nacom pia nacia beicha tatsi, xuano xua jiwi ba ichacuitha paitawetame Nacom pia nacia weya tatsi abe peexanaexae.

*Meje yabara xua cataunxuae jopa nayaputaeyo pocotsiwa xua baya nexa tsane*

<sup>13</sup> Anoxuae pajume taema xuaje, xua paxam ba pajam: “Anoxuae, ichacuiha icha jopa anoxuae tsipae, baya tsane paponaein icha tomaratha. Ichacuiha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam. <sup>14</sup> Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi juta coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa. <sup>15</sup> Jame bewa pocotsiwa papaebim xua jeye: “Icha Nacom pon jiwi Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuiha xua ichawano”, xua bewa jei. <sup>16</sup> Ichitha nama paxam, jopa baxua papaebim pocotsiwa icha Nacom ichichipa. Saya paaebame poxoru paichichipame xua painya neexanaewa pocotsiwa painya coutha paichichipame. Icha poxonae paichimje xua poxonae paaebame bapoxonae bara aparabe peexanae cuiru coyene paexaname. <sup>17</sup> Pon xua yaputane xua beta peexanaewa, xua daichitha jopa baxua exanaeyo, aparabe bapon bara abe peexanae cuiru coyene exana.

## 5

### *Meje yabara xua pemuxuwetsi coyene pomonaetha pomonae copei pexeinaewi*

<sup>1</sup> Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaexae pocotsiwa xua jopa xaexaenaecaeyo, pocotsiwa xua paca atene exana. <sup>2</sup> Daxita xua xuan paxeiname baxuan daxita tsabana, yawa painya pexeinya pabuburɛn xua pemɛ itane wɛnaewan baxuan daxita ofon xane. <sup>3</sup> Painyawan xua pocotsiwa pewɛn oro nain yawa xuano pocotsiwa pewɛn plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya pantaropeicha xexeinaponame barapo copei. Barapo copei pajebame anoxuae. Ichitha po mataqueitha poxonae Nacom yabara paebina jiwi xua penatsicuentsiwa xua abe peexanaexae bapontha, barapo maticabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacaetubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuiha xua metha wɛnae, ichacuiha xua metha abe. <sup>4</sup> Jopa pantomatsim pomonaetha pomonae pacata nacuita poxonae pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai. <sup>5</sup> Barapo irathe bichocono copei paxeina dubenanaebiyame, matautano paexana dubenanaebiyame pocotsiwa xua paca jɛntɛ coyene weiweina exana. Bichocono copei paacabem po mataqueitha poxonae Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane. <sup>6</sup> Paxam pomonae copei pexeinae jiwi pam abe payabara paaebame pomonae pejɛntɛ coyene xeicae jiwi. Yawano pajutebame barapomonae, bequein jopa itacɛpaetsi xua pia coutha penayawenaewa.

### *Meje yabara poxonae Santiago jei: “Jopa paaitaconaeinde poxonae bequein ichamonae abe pacata exana”, jei*

<sup>7</sup> Tamonae pam pomonae irɛ Jesucristo painya nejume cowɛntsixa. Beitemaya pawɛnae eware pon jiwi Pecanamataxeinaein, pon Cristo. Jopa paaitaconaeinde poxonae pawɛnae ewatame xua poxonae bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxonae beitemaya ewata xua naweta xua naxainwaeta. Bapon jopa aitaconae poxonae beitemaya

ewata xua ema taatsanaeinchi pia pabi. <sup>8</sup> Paxam iru bara paichinde. Jopa paaitaconaeinde poxonae pawnae ewatame pon jiwi Pecanamataxeinaein. Pana najuntu coyene tsacabare xua juntema painya nejinompaewa tsane, tsipei pon jiwi Pecanamataxeinaein bara nama imoxoyo pewnaeyo tatsoponaetsi xua pepatopaewa.

<sup>9</sup> Tamonaе pam pomonaе iru Jesús painya nejume cowuntsixae. Jopa caemonaе nantiya aitaconaeya pana nayabara paebinde xua abe painya nenata exana dubenanaebiyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentisiwa xua abe peexanaexae. Nama imoxoyo tsonaе poxonaе Nacom itorobina xua jiwi peraxa jubebinchi pomonaе abe peexanaewi. <sup>10</sup> Tamonaе pam matha pataema po diwesi yabare: Pomonaе Nacom peitorobi jume pepaebiwi pomonaе caena bayatha jinompa, barapomonaе bichocono atene exanatsi ichamonaе. Bequein bara barapomonaе atene, daichitha awiya jopa aitaconaeyo poxonaе abe taexanatsi ichamonaе. Awiya barapomonaе pomonaе Nacom peitorobi jume pepaebi jiwi ba cueicueijeі tsaibi Nacom nexa, pon jiwi Pecanamataxeinaein. <sup>11</sup> Waxainchi ba yabara nanta xeinatsi barapomonaе, xua bichocono juntu coyene weiweina poxonaе beitemaya awiya jume cowuntsiya exana dubenanaebiya poxonaе bequein abe taexanatsi ichamonaе. Bayatha caena pajume taneme xua pinae pon pewun Job jopa aitaconaeyo Nacomtha poxonaе bequein Nacom yaperaxaeya jume cowanta ducunaebiyatsi. Matautano payaputaneme xua Job equeicha matapainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nantu coyene xinaeinchi xua jiwi peyawenaenexatsi.

<sup>12</sup> Jame xuaje ainya cui: Jopa Nacom pawun caunutsinde xua bapon painya nepaca taewa tsane xua xaniwaicha painya nepaebiwa poxonaе yabara pana natsiwana wnae paebame ichamonaetha pocotsiwa bexa painya exanaetsi. Poxonaе pajam: “Je”, pam, bara bara paichinde. Poxonaе pajam: “Bara”, pam, bara moya bara jopa paexanaeinde. Bapoxonaе jopa Nacomtha panatsicuentisim tsane abe painya neexanaexae. Barichi jopa itaboco pawun caunutsinde, yawa irano jopa pawun caunutsinde, matautano jopa icha wunno pawun caunutsinde.

<sup>13</sup> Icha ichun pon painyamonae jiwana jiton ajuntucoyenetane xua abe petaexanaexaetsi ichamonaе, barabu bewa bapon Nacomtha wucaena xua peyawenaewa tsainchi. Icha ichun juntu coyene weiweina, barabu bewa bapon peweіxi naxunaе xua Nacom wnae jainchiya peyabara naxunaewatsi. <sup>14</sup> Icha ichun atene, bewa pawabim penapatae jiwi, pomonaе pecanamataxeinaewi xua canamataxeinatsi pomonaе Nacom pejume cowuntsiwi. Bapoxonaе barapomonaе bewa tawucaena xua pon peatenein petawucaewatsi xua Nacom axaibi peexanaenexa. Bapoxonaе barapomonaе bewa juinya penasiwatha mata caxuebina Cristo pewuntha pon jiwi Pecanamataxeinaein. <sup>15</sup> Poxonaе barapomonaе Nacomtha wuca bewa yabara jume cowuntsiya wucaena xua bara Nacom pon jiwi Pecanamataxeinaein axaibi exana bapontha. Bapoxonaе pon atene jume tsane. Matautano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara juntemainaena. <sup>16</sup> Daxota paxam, caemonaе nantiya pana natsipaebeibare xua poxonaе abe nantiya pana nata exaneibame, pajam tsaibinde: “Pin uran, yaitama jopa xapain cata exanaetsi necayabara juntemainare”, pajam tsaibinde. Pon Nacom peitabaratha tatsi juntu coyene xanepanaya popona, poxonaе bapon Nacomtha wuca bichocono peayapuswa xeina xua daxota Nacom beta cana exana bapontha. <sup>17</sup> Nacom peitorobi jume pepaebin Elías, bapon bara jiton bara wanaca cui jupaein, pon caena bayatha popona. Poxonaе bapon Nacomtha matowa wuca xua jopa peruneicaewa tsane, bapoxonaе jopa duneicaeyo tres po weibe yawa equeicha bara caeto nama. Bapoxonaе barapo nacuatha pin jainbo nacula tsurucuae. <sup>18</sup> Bapoxonaе, poxonaе

equeicha Nacomtha waca, baroxonae equeicha duneica yawa pexuwiwan xanepanaya nawetsiya xuwa.

<sup>19</sup> Tamonae pam metha ichan pon paxam jiwana abe exanapona bequein yaputane xua bewa exanaena pocotsiwa pexainyeiwan. Icha ichan yawena bapontha xua equeicha caewa beta peexanaewa tsane bapon, pon yawena, bara beta exana. <sup>20</sup> Pon yawena bewa yaputaena xuaje: Po jiton xua cana exana ichamonae xua penacui barapentsiwa abe peexanae cuiru coyenein, xua equeicha pejume cowantsinexa Nacom, barapon jantx coyene capanepa exana barapomonae petxrae cuiru coyene weya. Mataatano bapon jantx coyene yawena xua Nacom peyabara jantemainae xua barapomonae abe pia peexanae cuiru coyenein tatsi xua bequein bichocono nawita.

Baja Santiago.



## Meje Po Carte Copiya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Pedron, Jesucristo pia peitorobi jiwi jiwana tatsin. Daxita barapomonae pam pacata tinatsi pomonae painya nacua nacayayatsiya pawu jinompame xua ichamonae painya nepaca yotabixae. Pomonae painya nejinompaewi pam Ponto nacuatha, iruru pomonae painya nejinompaewi pam Galacia nacuatha, iruru Capadocia nacuatha painya nejinompaemdru, iruru Asia nacuatha painya nejinompaewi pamdru, iruru Bitinia nacuatha painya nejinompaewi pamdru. <sup>2</sup> Caena bayatha poxonae aena, baroxonae Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumope tuxaru tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonae Jesucristo paca tsitupa naetotha jana pichapabarena painya nejume cowantsinexa Jesucristo pocotsiwa bapon paca itoroba. Baroxonae pajuntu coyene xanepaname Nacomtha. Barabu Nacom bichocono paca yawenaena pia paca necaan-tobewaxae. Matautano barabu barapon juntema jinompa paca exana.

*Meje yabara xua po coyeneya bewa beta jinompaetsi Jesucristo nexa*

<sup>3</sup> Nacom wunae jaintatsi pon Jesucristo Paxa tatsi. Jesucristo bapon pon Wanacana-mataxeinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua painta exaname poxonae Jesucristo equeicha asu exaname petupae cuiru coyene weya”, jeichichi. Jesucristo naca cana exana xua wunaeya jume cowantsiya ewatatsi xua Nacom naca catsina peajuntu yapusawa. <sup>4</sup> Bara Nacom paca catsibina pocotsiwa paca juntana jeba pia nacuatheicha pocotsiwa xua jopa itacupaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi. <sup>5</sup> Nacom paca yapu eena pia peayapusawatha painya neyabara jume cowantsixae bapon. Barapon Nacom paca capanepa xua jopa painya neatenenexa xua abe painya neexanaexae xua poxonae daxita barapo nacue weraweracaena.

<sup>6</sup> Daxota pajuntu coyene weiweiname, bara bequein saya cae dapaeyobetha paca ajuntu coyenerewe exana xua ichamonae abe painya nepacata exanaexae matowa. <sup>7</sup> Barapo painya nepaca caajuntu coyenerewe exanaewan piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewun oro nainto, jiwi ba piraichi isototha tauta peyaputaenexa icha bara metha pepa oro nainto. Po pejume cowantsiwa jiwi xeina bichocono daunwei bey-acaincha oro nainto bequein ichamonae juntu coyene jujuta xua abe peexanaenexa. Barapo oro nainto weraweraca. Barapoxonae poxonae Jesucristo patopaetsica xua awiya beta painya nejume cowanta dubenanaebiyaexae daxota Nacom wunae paca jainchina. Matautano paca cana exanaena xua peainya cui jiwi pam. Matautano paca cana exanaena xua jiwi paca baru cui itura jinaena painya nejume cowantsiwixae.

<sup>8</sup> Paxam paantobem Jesucristo bara bequein jopa bapon pataem. Matautano anoxuae pajume cowantame bequein jopa bapon anoxuae pataem. Paxam bichocono pajuntu coyene weiweiname. Bara bequein barapo pexeinya pejuntu coyene weiweinae coyenewa bayatha payabara paebame daichitha awiya pacata seica xua po jumetha beta payabara paebame barapo peajuntu coyenesawa. Daxota bichocono pajuntu coyene weiweiname tsipei pananta xeiname xua painya nexainaewa tsane pebaru cui itura

jinaewa Nacom pia nacuatheicha. <sup>9</sup> Painya nejume cowantsixae Jesucristo, Nacom paca juntu coyene capanepaena xua jopa painya neatenenexa xua abe painya neexanaexae.

<sup>10</sup> Caena bayatha pomonae Nacom pia peitorobi jume pepaebiwi yabara je-jeitaponeiba nawita barapo pecapanenebiyae diwesi, xuanu yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae. <sup>11</sup> Nacom pia Pejumope tñaxu tatsi, po jumope Cristo weya pona, barapo jumope cueicueije barapomonae pejuntu coyenewatha tatsi. Nacom pia Pejumope tñaxu tatsi cueicueije barapomonaetha, jeye: “Payabara tinare xua bexa tsane Cristo, pon Nacom itorobina, atene tsane. Matautano bapon Cristo xeinaena pexeinya peitupanae coicha”, jei. Barapomonae nayainyaba, jeye: “¿Eta bichi tsane jiwitha poxonae baxua exanaena? ¿Yawa eta poxonae metha baxua exanaena?” najei barapomonae. <sup>12</sup> Ichitha Nacom, barapomonae yabara yaputane exainchi xua po diwesi barapomonae xua Jesucristo yabara tsiwuna paebatsi apara jopa barapomonae nexa. Apara jame barapo diwesi paxam nexa. Po diwesi xua caena bayatha barapomonae yabara paeba barapo diwesi jupa po diwesi xua anoxuae ichamonae yabara paca tsipaeba. Barapo diwesi xua pecapanenebiyae diwesi barapomonae paca tsipaeba Nacom pia Pejumope tñaxu tatsi pia peayapusu itorobi coyenyatha tatsi po jumope itorobatsi itaboco wetsica. Barapomonae yabara paeba barapo pecapanenebiyae diwesi po diwesi matatsunpiwi bequein iru ichichipa yabara yaputane.

*Meje yabara xua Nacom naca itoroba xua bewa xeinaetsi pepa pejuntu coyene xanepanaewa*

<sup>13</sup> Daxota pana najuntu coyene wñaere Nacom nexa xua pana najuntu coyene itorobare xua barompaya painya nenanta xeinaewatha. Ajuntu yapusuya payabara jume cowantsiya eware pocotsiwa Nacom paca catsibina pia paca necaantobewaxae xua poxonae Jesucristo patopaetsica. <sup>14</sup> Paexande icha pexui ichi xua ba exana pocotsiwa coxiyn itoroba. Jopa paichichipaeinde xua abe paexaname po coyenewa icha be paichim copiya xua abe paexaname poxonae cataunxuae jopa payabara yaputaem Nacom. <sup>15</sup> Seicaya pajinompame pepa painya nejuntu coyene xanepanaewatha, tsipei Nacom pon paca waba bichocono pepa pejuntu coyene xanepanaein. <sup>16</sup> Baxua paexande poxoru Nacom Pejume Diwesitha jeye: “Paxam daxita bichocono pajuntu coyene xanepande, tsipei bichocono tajuntu coyene xanepanaein”, jei.

<sup>17</sup> Nacom Waxa, pon jiwi peyabara paebin xua penatsicuentisiwa xua abe peexanaexae, barapon Nacom jopa nanta xeinaeyo xua ichu bichocono peainya cuin beyacaincha ichu. Icha paxam barapo Nacomtha pajam: “Axa”, pajam, xua pia painya nepaca yawenaenexa bapoxonae pajunuware xua abe painya neexanaeyainwa Nacomtha. Matautano barapon Nacom bichocono paantobeinde daxita matababin poxonae pajinompame po irathe. <sup>18</sup> Jesucristo paca capanepa painya abeya nejinompaewa weya. Poxonae Jesucristo paca yantomata xua paca capanenebiya, jopa catsiyo po penainto pewan oro nainto. Matautano jopa catsiyo po penainto pewan plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jiwi ichi xua barapo abeya juntu coyenewatha jinompa. Baxua paca yawena aibi. <sup>19</sup> Saya meisa Cristo naca yantomata abe waexanae cuiru coyenein weya. Baxua apara xua poxonae Jesucristo naca tsitupa naetotha, icha caena bayatha oveja ichichi xua poxonae bexotsi xua tupa exanatsi xua Nacom peyabara junteinaenexa jiwi abe pia peexanae cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejuntu coyene xanepanaein. <sup>20</sup> Nacom itapeta xua Cristo itapetatsi petupaenexa tsane naetotha caena bayatha poxonae cataunxuae jopa forotsiyo po cae pin nacue. Nacom

paca tsita itata bapon Cristo barapo petabu ducuae matakabitha. <sup>21</sup> Cristo painya nepaca tsitupaexae naetotha xua abe painya neexanae cuiru coyenein daxota Nacom pajume cowantame. Nacom equeicha Cristo asu exanatsi petupae cuiru coyene weya. Matautano Nacom pia nacuatheicha cana exana bapontha xua xeina pepa peainya cui coyenewa. Daxota anoxuae pajume cowantame Nacom. Matautano pajume cowantsiya ewatame Nacomtha xua bexa Nacom paca catsina pocotsiwa xua bayatha yabara paca tsiwanae muxu duta.

<sup>22</sup> Anoxuae pajume cowantame Nacom pia pexainyei diwesi jume xua Nacom pia Pejumepe tuxaxu tatsi paca tsipaeba. Daxota paca itacupa xua pana najuntu coyene wuna exaname Nacomtha xua xaniwaicha painya neantobenexa ichamona pomona iru pejume cowantsiwi Nacom. Daxota bewa bichocono nantiya pana naantobem daxita painya nejuntu coyene daunweyatha. <sup>23</sup> Paxam icha juntu coyene paxename tsipei be pena jiwi pana naexaname, xua pajuntu coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jiwi pana naexaname painya nejume cowantsixae Nacom Pejume Diwesi, po jume diwesi jopa weraweracaeyo, xua ataya tsitecapona. <sup>24</sup> Nacom Pejume Diwesi jeye:

“Naepanaewa ba tsewa tsopona  
yawa pentono ba othopeica.  
Icha naepanaewa ichi jiwi ba barichi,  
ba werapa.

Matautano pocotsiwa jiwi exana xua bequein  
tsita ainya cuichi ichitha weraweracaena.

<sup>25</sup> Ichitha nama Nacom Pejume Diwesi ataya  
ayapusu tsopona”, jei Nacom Pejume Diwesitha.

Barapo diwesi apara pecapanenebiyae diwesi xua po diwesi paca tsipaebatsi.

## 2

<sup>1</sup> Daxota daxita pana nacui barapende daxita abe peexanae cuiru coyenein, yawano xua pemuxuitorobi coyenewan, yawano xua naerabiya peexanae coyenewan xua naemata wuna pepaebiwa, yawano xua peyabara uwi coyenewan xua ichun xeina, yawano xua abe peyabara paebiwa ichamonaetha xua ichun peyabara paebiwatsi.

<sup>2</sup> Pexui ba poxi anoxuaetha naexana ba jeita mito pia apaetsi xua pewichibinexa peapaexae mito. Icha pexui ichi, barapocotsi jata coyeneya paichinde. Saya u meisa Nacom Pejume Diwesi payorobare nawita xua painya nejume cowanta dubenanae-biyaenexa tsane, matautano xua painya nepaca capanenebiyaenexa tsane Nacom.

<sup>3</sup> Icha paita coxoneme Nacom, painya juntu coyenetha bara payaputaneme xua pon jiwi Pecanamataxeinaein bichocono bara pewunaein.

### *Meje yabara iboto, po iboto peainya cui iboto*

<sup>4</sup> Jesucristo pajume cocowantaponde, pon jiwi Pecanamataxeinaeinchi, pon xua ataya tsitecaeya ajuntuyapusuya pepoponaein. Barapon Jesucristo yabara caunutatsi be pocotsi iboto xua copiya boca xua poxonae bomuxu exana. Icha jiwi ichi xua barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi. <sup>5</sup> Poxonae jiton ibo bo exana xua Nacom pin pia bo nexa, itapeta po iboton wuna. Bara jatiya ichi Nacom itapeta jiwi, xua pomonae piamona tatsi cana exana pomonae pejume cowantsi jiwichixaetsi. Painya coutha pana najuntu coyene doure Nacomtha beta painya netanacuichinexa icha sacerdotemonae ichi xua najuntu coyene douda Nacomtha poxonae beta tanacuita. Poxonae baxua paexaname bara baxua Nacom tsita xanepanatsi xua Jesucristo painya nejume cowantsixae. <sup>6</sup> Nacom Pejume Diwesitha jeye:

“Pajume taema, itorobarecan Jesucristo  
 Sión tomaratha tana nejume  
 cowantsiwi taitorobarecan.  
 Bapon itapetan xua bichocono peainya  
 cuixae, icha iboto ichi, po iboto  
 babatanota bomuxu.  
 Pon Jesucristo jume cowantatsi bapon jopa  
 aura tsane xua bapon Jesucristo pejume  
 cowantsixaetsi”, jei Nacom Pejume Diwesitha.

<sup>7</sup> Painya nejume cowantsixae bapontha, daxota payaputaneme xua bapon bichocono  
 asiwiya paantobem. Ichitha pomonae jopa bapon jume cowantsichi barapomonae  
 canacui yabara jume wetatsi be pocotsi coyeneya bayatha Nacom Pejume Diwesi paeba,  
 xua Jesucristo yabara caunutatsi, jeye:

“Po iboto xua jiwi naitemata xua pomonae  
 ibo bon peacabiwi, barapo iboto  
 pecanamatawenonae ibotatsi naexana”,  
 jei Nacom Pejume Diwesi, xua Jesucristo  
 yabara caunutatsi.

<sup>8</sup> Nacom Pejume Diwesitha equeicha jeye:

“Barapo ibotiyotha jiton taxu aatabatsi.  
 Matautano barapo iboto, ichacuitha  
 jiton xuirapopa exainchi”,  
 jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba  
 barapo iboto Jesucristo yabara jutsiya canaütapaebatsi. Jiwi jopa beta exanaeyo poxoru  
 jopa jume cowantsiyo xua Nacom Pejume diwesitha Jesucristo yabara paebatsi. Caena  
 bayatha Nacom pewunaeya yabara cui yaputane xua barapomonae peexanaewa tsane  
 baxua.

<sup>9</sup> Paxam Nacom painya nepaca itapetsi jiwi pam. Paxam po sacerdotemonae pam xua  
 pata nacuitame Nacom pon jiwi itorobiya pia pepa Peewatsinchi. Matautano paxam  
 pomonae Nacom patsita juntu coyene xanepaname jopa painya tsita natsicuentsexae  
 bapon. Matautano Nacom pia pepa piamonae tatsi pam. Nacom baxuan pacata exana  
 pia painya yabara netacueicueijeinexa xua pia pexeinya petsita itabi coyenewan tatsi.  
 Barapon Nacom paca waba abe painya neexanae cuiru coyenein weya. Paca waba pia  
 painya yabara neyaputaenexa Nacom xua xeina pexeinya peitupanae coicha. <sup>10</sup> Copiya  
 paxam jopa Nacom piamonae tatsi pam, ichitha anoxuae nama Nacom piamonae tatsi  
 pam. Matautano copiyatha jiwi jopa paca yabara nantanuweya nanta xeinaeyo xua pia  
 paca necayawenaewa tsane. Ichitha anoxuae Nacom paca yabara nantanuweya nanta  
 xeina xua pia paca necayawenaewa tsane.

*Mejeyabara xua jiwi bewa beta jinompae xua Nacom petanacuita dubenanaebiyaenex-  
 atsi*

<sup>11</sup> Tamonae pam, pomonae tapaca caantobe jiwichi pam. Paxam pomonae be penana-  
 paincha jinompae wi pam xua icha nacia werena painya neponaewi. Daxota paca  
 itorobatsi xua jopa painya neexanaewa tsane pocotsiwa abe pocotsiwa xua painya juntu  
 coyenewatha ichichipa xua peexanaewa. Barapo abe peexanae cuiru coyenein paca  
 juntu coyene itoroba bichocono xua painya neexanaenexa po coyenein abe peexanae  
 cuiru coyenein. <sup>12</sup> Beta pajinompae Nacom nexa xua peitutha tatsi pomonae Nacom  
 jopa jume cowantsichi. Icha barapomonae abe paca yabara paebichipa be pomonae  
 abe painya neexanae jiwi pam tsipae bichocono daichitha barapomonae taena xua beta  
 painya neexanaewa. Bapoxonae barapomonae Nacom wuna jaintinchi wuna painya

neexanaexae xua po mataqueitha Nacom yabara paebina jiwi xua penatsicuentisiwa xua abe peexanaexae.

<sup>13</sup> Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonae pecanamataxeinaewi painya nacua. Matauta paexande pocotsiwa paca itoroba pon romanomonae itorobiya pepa peewatsinchi. Jame Nacom ichichipa xua waexanaewa baxua. <sup>14</sup> Paexande pocotsiwa paca itoroba pomonae nacuan peewatsiwi pomonae xua tanacuitatsi pon romanomonae itorobiya pepa peewatsinchi. Nacom itoroba barapomonaetha pomonae nacua peewatsiwi xua barapomonaetha cuainchina pomonaetha pomonae abe peexanaewi. Matautano Nacom itoroba barapomonaetha xua wunaetha jainchina pomonaetha pomonae beta peexanaewi. <sup>15</sup> Nacom ichichipa xua beta painya neexanaewa tsane pomonaetha pomonae xua jopa Nacom yabara yaputaetsi xua barapomonaetha pemoyanexa xua jopa abe painya nepaca yabara paebinexa.

<sup>16</sup> Pajinompare, icha be ichi pomonae jopa nantawenonaeyo xua ichamonae amanaya petanacuichiwatsi. Ichitha jopa abe paexanaeinde xua poxoru saya painya nejinompaexae. Beta pajinompare, icha be ichi pomonae Nacom amanaya tanacuita dubenanaebiyatsi. <sup>17</sup> Beta payabara nanta xeinare daxita jiwi. Matautano paantobeinde ichamonae pomonae iru pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabarũ cui itura jinareno pon romanomonae itorobiya pepa peewatsinchi.

*Meje yabara po coyene xua Cristo atene peexanaewatsi*

<sup>18</sup> Paxam pomonae amanaya painya netanacuichi jiwi pam ichamonae barapomonaetha pam paca tsipaebatsi. Bewa pajume barũ cui jejam tsaibim tsane pomonae xua paca itorobeiba pomonae painya nepaca canamataxeinaewi. Baxua paexande poxonae bequein ichamonae wunaetha peexaneibiwi, matautano xua poxonae ichamonae bequein abe peexaneibiwi poxonae paca itoroba. <sup>19</sup> Baxua Nacom tsita wunaetsi xua pabarũ cui itura jiname barapomonaetha pomonae painya nepaca canamataxeinaewi xua poxonae bequein paca cuainta barapomonaetha xua xaniwaicha painya neexanaexae painya nejume cowantsixae Nacom. <sup>20</sup> Icha abe paexaname xua daxota paca cuainta, baxua Nacom jopa tsita coyene xanepanaetsi xua bequein saya beitatemaya moya paumenae poxonae paca cuainta. Ichitha icha jame paca cuainta xua wunaetha painya neexanaexae xuano xua icha beitatemaya moya paumenae baxuan jame Nacom tsita coyene xanepanatsi. <sup>21</sup> Xua ichamonae atene painya nepaca caexanaexae daxota Nacom itapeta paca waba. Ichamonae Jesucristo atene exainchi waxainchi nexa. Jesucristo cana caunutsiya exanatsi xua waxainchi bewa exanaetsi icha bapon ichi xua pocotsiwa exana. <sup>22</sup> Bapon Jesucristo bapana jopa abe exanae. Matautano bapana jopa muxutorobi ichamonaetha. <sup>23</sup> Poxonae ichamonae Jesucristo biatainchi jopa xuya jume barabotsiyo Jesucristo. Poxonae Jesucristo bũtsi, jopa Jesucristo jeyo, “Aunxuae xuya paca cuaintinchi”, jopa jeyo. Ichitha Jesucristo jume cowanta Nacom xua pocotsiwa poxonae Nacom exanaena barapomonaetha pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiwi, xua penatsicuentisiwa xua abe peexanaexae. <sup>24</sup> Cristo pia pepontha yawa muxuna tũpa abe waexanae cuiru coyenein poxonae tũpa naetotha. Poxonae bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta jũntũ coyene xanepanaya jinompaeinchi Nacomtha. Daxota Cristo wan exanatsi xua equeicha jopa abe painya neexanaenexa tsane. <sup>25</sup> Ichacuitha oveja itaxanuncuatsi, pipato pepoponaexae jopa penantaũtsixae pon peenaen ovejan. Icha oveja ichi paxam bara pocotsi jũta coyeneya paichim. Copiya jopa xanepanaya painompaem, jopa painya nenantaũtsixae Jesucristo. Ichitha anoxuae xanepanaya pajinompare, tsipei anoxuae

Jesucristo panantaŭtame pon paca yawena. Bapon nepaca eenaen, icha be ichi pon oveja peenaen. Yawano bapon Cristo paca jũntũ coyene canamataxeina.

### 3

#### *Meje yabara xua po coyeneya bewa jinompa pomonae jitha peenaewi*

<sup>1</sup> Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuitha jopa jume cowantsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cowantsina Nacom painya nepaca cui taexae bara bequein Jesucristo jopa payabara paebim. <sup>2</sup> Barapo painya seuriwi paca taena xua Nacom paantobem. Yawano xua paca taena xua jũntũ coyene xanepanaya painompame. <sup>3</sup> Jopa metha meisa painya pepon pexeinyowa pana naexanaemtsipaem, xua daxota jiwi painya nepaca yabara paebebiwa, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana napepenaeinde po penaintotha pewũn oro nainto. Mataũtano jopa pana nama xatabinde po paparuwan bichocono ainya matoman xua bichocono pexeinyowaxi pana naexaname. <sup>4</sup> Icha pexeinyowaxi ichichipa pana naexaname moya maisa pana najũntũ coyene wũnae exande. Barapo pexeinyowa coyenewa bũpana xeina jiwi pejũntũ coyenewatha. Barapo pexeinyowa coyenewa jopa itacũpaetsi xua peweraweracaewa. Painya pexeinyowa coyenewa bewa payabara ita ururanaya pajinompaem, yawano jũntema pajinompareno. Baxuan jame bichocono tsita coyene xanepanatsi Nacom. <sup>5</sup> Barapo pexeinyowa coyenewa caena bayatha xeina po yabũxi xua bichocono pepa pejũntũ coyene xanepanaewaxi. Barapo yabũxi jume cowantsiya ewata Nacomtha, xua Nacom exanaena pocotsiwa yabara tsiwũnae muxu duta. Mataũtano barapo yabũxi exana pocotsiwa piseuriwi itorobatsi. <sup>6</sup> Petsiriwa powa pewũn Sara bara jũtiya ichiya exana. Barapowa exaneiba pocotsiwa piseuri itorobeibatsi pon pewũn Abraham. Barapowa piseuritha jeye: “Tanecanamataxeinaem”, jei bapowa. Paxam bara paichim tsane icha barapowa Sara ichi icha beta paexanaename, yawano xua jopa pajunuwim, bequein painya seurixi jopa xanepanaya paca itorobeibiyo.

<sup>7</sup> Barichi pam pebiwi pam, po pebiwi painya seuriwi painya nexeinea jiwi pam. Beta payabara cui yaputaema painya seuriwi. Yawano painya seuriwi pabarũ cui itura jinare tsipei yabũxi jopa acuicoyenesũyo icha jopa be pebiwi ichiyo. Pananta xeinare xua pebin piseuribe xeinare po peajũntũyapũsũwa jopa bapana weraweracae, po peajũntũyapũsũwa Nacom cata piamonaetha pomonae pia peantobewixaetsi. Baxua paexande painya seuriwitha xua wũnae painya neexanaewa xua Nacom bara beta painya nepaca jume taenexa poxonaewaxi.

#### *Meje yabara xua jiwi atene pomonae xua beta peexanaewixae*

<sup>8</sup> Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowantsixae Nacom, icha be ichi poxonaewaxi barompaya painya eweicho jiwi nantiya pana naantobem. Pomonae jiwi peyawenaewaxi pana naexande xua painya neantobexae barapo jiwi. Mataũtano jopa bichocono painya coutha pana nayabara nanta xeinaeinde. Jame maisa ichamonae itapeta bichocono payabara nanta xeinare. <sup>9</sup> Poxonaewaxi ichamonae abe pacata exana xuya jopa paexanaeinde. Yawano poxonaewaxi ichamonae paca biatane jopa xuya pabiataeinde. Seicaya nama paexande. Jame Nacomtha patawũcare barapomonae xua Nacom pecana exanaenexa xua barapomonae pejũntũ coyene weiweinaenexa. Daxota Nacom paca waba xua xuya pacata exana tsipei barapomonae beta pacana exaname. <sup>10</sup> Tsipei Nacom Pejume Diwesitha jeye:

“Pon xua antobe xua po coyene cataunxuae

pepoponaewa, xuano xua daxita matakabi  
 jũntũ coyene weiweina poneiba, bapon bewa  
 peebatotha jopa paebi tsane peabe jumeyo.  
 Mataũtano peopiratotha jopa bewa paebi tsane  
 xua ichamonaē naerabiya peyabara paebiwatsi.

<sup>11</sup> Bewa tajũ beya paponawem xua peabe  
 coyenewan weya.

Yawano saya bewa beta paexanaem.  
 Itapeta paexande pocotsiwa xua jiwi  
 jũntema jinompa exainchi.

Bara ajũntũyapũsũya paexanaponde baxua.

<sup>12</sup> Tsipei Nacom, pon jiwi Pecanamataxeinaein,  
 yawena pomonaetha pomonaē pejũntũ  
 coyene xanepanaewi.

Yawano Nacom jume tane xua pewũcaewatsi.  
 Ichitha Nacom jopa yawenaeyo pomonaē abe  
 peexanaewi”, jei Nacom Pejume Diwesitha.

<sup>13</sup> Dapon aibi pon itacũpatsi xua abe pacata exana icha saya paexaneibame pocotsiwa  
 xua wũnae. <sup>14</sup> Bequein icha ichamonaē pacata abe exanaena jũntũ coyene xanepanaya  
 painya nejinompaexae, daichitha Nacom paca cana exana xua pajũntũ coyene wei-  
 weinaya jinompame. Jopa ichamonaē pacunuwinde, yawano jopa pacuitaya jũntũ  
 deideijande. <sup>15</sup> Jame maisa Cristo bichocono payabara nanta xeinare painya jũntũ  
 coyenetha xua bapon bichocono ainya cui. Pajande: “Pon jiwi Necanamataxeinaem”,  
 pajande. Pana najũntũ coyene wũnaeteibare xua painya nejume noteibinexa pomonaē  
 paca yainyabiya jeye: “¿Eta pocotsiwa pajume cowũntsiya ewatame xua Jesucristo bexa  
 paca capanepaena?” paca jei. <sup>16</sup> Ichitha saya ita ururaquiya pajume noteibare, jopa  
 paaebeibinde. Yawano pajunuware Nacomtha xua abe painya nepaca exanaeyainwa  
 Nacom, abe painya neexanaexae. Pajinompare xua painya jũntũ coyenewa paca  
 tsipaeba xua wũnae bara paexaname. Bapoxonaē icha ichamonaē abe paca yabara  
 paeba, barapomonaē aura tsane xanepanaya painya nejume cowũntsiya jinompaexae  
 Cristo.

<sup>17</sup> Icha Nacom ichichipa xua ichamonaē atene paca exana, beta painya neexanaexae,  
 baxua jame wũnae, beyacaincha xua poxonaē atene paca exana poxoru abe paex-  
 aname. <sup>18</sup> Tsipei Cristo atene exanatsi poxonaē tsitũpa abe waexanaē cuiru coyenein  
 daxita xua poxonaē cae coyenetha tũpa. Cristo bapana jopa abe exanaē. Ichitha bapon  
 Cristo naca tsitũpa pomonaē abe waexanaē jiwichi. Baxua Cristo nacata exana, xua  
 wanaca exanaenexa xua wapatsiwa tsane Nacom beicha. Bapon Cristo bequein tũpa  
 pepon ichitha equeicha asũ exanatsi pia pejumoŕe tũnaxũ tatsi. <sup>19</sup> Bapoxonaē Jesucristo  
 pia pejumoŕe tũnaxũ tatsi pona ichaxota jiwi pia pejumoŕein tatsi be cũbathopeibatsi  
 pomonaē xua caena bayatha werapa. Barapon Jesucristo pia jumope tũnaxũ tatsi  
 yabara cueicueijeŕi barapo jumopeintha xua Nacom pia pecapanenebiyae diwesi tatsi.

<sup>20</sup> Caena bayatha barapomonaē jopa jume cowũntsiyo Nacom poxonaē po mataqueitha  
 Noé popona po irathe. Nacom beitatemaya ewateiba barapomonaē, ainya dũpaein  
 xua pejume cowũntsinexatsi poxonaē xua cataunxuae Noé cobe naemata xua pin jera  
 nae exana. Ichitha saya ocho poyobe jiwi panenebiya poxonaē bichocono awũbo xua  
 butuxuba po cae pin nacue. <sup>21</sup> Barapo awũbo caunuta xua be naca bautisaba. Poxonaē  
 naca bautisaba apara jopa wanaca perũ iquicaenexa tsane xua tsoreichi, apara jame  
 daxota naca bautisaba Nacom, wanaca capanepaexae abe waexanaē cuiru coyenein  
 weya. Yawano Nacom wũcatsi xua wanaca jũntũ coyene xanepana exanaewa tsane.  
 Bapoxonaē wajũntũ coyene naca tsipaeba xua bara beta exanatsi. Waxainchi naca  
 itacũpa xua wanaca bautisabiwa tsipei Jesucristo equeicha asũ exanatsi petũpae cuiru

coyene weya. <sup>22</sup> Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, iru pomonae itoroba itabocotha barapomonae exana pocotsiwa Jesucristo itoroba.

## 4

*Meje yabara xua jiwi bewa beta tanacuichi Nacom icha be po coyeneya Nacom cata jiwi barompaya pia peexanae coyenewan tatsi*

<sup>1</sup> Yaitama copiya Cristo atene exanatsi ichamonae, waxainchi daxota bewa nanta xeinaetsi xua iru naca atene exanaena ichamonae. Pon atene exanatsi ichamonae bapon abe pia peexanae cuiru coyenein wepu pona xua bichocono pejume cowantsixae Jesucristo. <sup>2</sup> Paxam jopa bewa paexanaem pocotsiwa xua paichichipame xua abe painya neexanaewa poxonae cataunxuae pajinompame. Ichitha cataunxuae paexanaponde pocotsiwa Nacom ichichipa poxonae cataunxuae pajinompame barapo cae pin nacuathe. <sup>3</sup> Caena bayatha paexaname pocotsiwa xua ichamonae exana pomonae jopa yaputaeyo Nacom. Barapomonae abe exaneiba xua nasi cui exana icha yabuxitha xua jopa piseuriwi. Yawano exaneiba xua pocotsiwa abe yabara nanta xeina pejuntu coyeneintha. Yawano nacupa exaneiba peatsaxae meran. Yawano pin penabanaewan exaneiba po penabanaewantha jiwi weiweinaya abe exana xua napenajuba yawa bichocono cupatsi. Yawano ibo nacomun wanae jainteibatsi. <sup>4</sup> Pomonae jopa yaputaeyo Nacom, barapomonae paca cui yabara nanta xeina, jeye: “¿Eta xua metha jopa naca baru exanaeyo xua waxainchi abe exanatsi?” najei barapomonae. Barapomonae paca cui capana yawa daxota abe paca yabara paeba. <sup>5</sup> Payabara nanta xeinare pomonae abe exana. Barapomonae bewa yabara caununaya jume notsina Nacomtha pocotsiwa xua abe exana. Nacom yabara paebina pomonaetha pomonae xua cataunxuae jinompa yawa pomonaetha pomonae bayatha werapa xua penatsicuentsiwa xua abe peexanaexae. <sup>6</sup> Daxota Nacom Pejume Diwesi bayatha cueicueijeji pomonaetha pomonae bequein bayatha werapa xua barapo pewerapae jiwi pejumope tunaxun pejinompaenexa tsane icha Nacom ichi xua popona. Bayatha Nacom yabara paeba barapomonae xua penatsicuentsiwa xua abe peexanaexae barapo cae pin nacuathe xua daxota pia pepon tatsi werapa icha daxita jiwi ichouneibi.

<sup>7</sup> Bara nama imoxoyo po dapaetha poxonae Nacom daxita weraweraca exanaena barapo cae pin nacue. Daxota painya coutha pana najuntu coyene itorobare xua xanepanaya paexaname Nacomtha beta painya wucaenexa tsane. <sup>8</sup> Pocotsiwa xua ainya cui xua jame bewa bichocono nantiya pana naantobeinde. Poxonae ichun paantobem, pajantemainame poxonae bequein xua bapon abe pacata exana. <sup>9</sup> Paxam nantiya pana nantenta weyataeya wabeibare painya boxitha xua painya nenaapateibinexa tsane, xua jopa pana naita aenae-aenande. <sup>10</sup> Daxita barompaya paxam Nacom paca cana exana xua painya nexainaewa barompaya painya neexanae coyenewan. Paxam nantiya pana nayawende barapo cui coyenetha, bapoxonae paxam pomonae beta painya neexanae jiwi pam tsane pocotsi coyenewatha xua Nacom paca cana exana. <sup>11</sup> Icha ichun cueicueijeji, bu bara cueicueijeji pocotsiwa Nacom cueicueijeji exana bapon. Icha pebin yawena xua ichun yawenatsi bu bara barapo pebin yawena ichantha po peyapusuwatha xua Nacom cata. Daxita pocotsiwan xua paexaname bara beta paexande xua jiwi wanae pejainchinexa Nacom xua beta painya neexanaexae xua Jesucristo peyabaraxae. Bu bara Jesucristo ataya xeinaena peainya cui coyenewa, yawano xeinaena xua peyapusu itorobi coyenewa. Je bara ichi tsane.

*Meje yabara po coyeneya xua bewa exanaetsi wajume cowantsixae Cristo xua poxonae bequein ichamonae atene naca exana*

<sup>12</sup> Tamonae pam painya tapaca caantobetsi jiwichi pam iru painya nejume cowantsixae Jesucristo. Jopa yabara pana nabenaecaeinde poxonae bichocono atene



paca cana exana ichamonae painya nejume cowantsixae Jesucristo. Jopa pananta xeinaeinde xua baxua pocotsiwa jopa bewa pacata exanae tsane. <sup>13</sup> Jame seicaya pajuntu coyene weiweinare xua painya nepaca itacupaewa xua ichamonae atene paca exana icha Cristo ichichi xua atene exanatsi. Yawano bexa pajuntu coyene weiweinaename poxonae Jesucristo yawa patopaetsica pia peainya cui coyenewa. <sup>14</sup> Icha ichamonae paca muxucona painya nejume cowantsixae Cristo saya pajuntu coyene weiweinare, tsipei Nacom pia Pejumope tanaxu tatsi, po jumope pexeinya peitupanae coicha yawa popona, barapo pejumope paca yawa popona. <sup>15</sup> Jopa bewa paexanaem tsane xua ichamonae pajutebame xua daxota ichamonae paca atene exana. Matautano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Matautano jopa bewa paexanaem tsane xua ichamonae pajuntu coyene anaepana exaname xua daxota ichamonae paca atene exana. Matautano jopa bewa paexanaem tsane xua ichan pajuntu coyene itorobame xua abe peexanaewa tsane xua daxota ichamonae atene paca exana. <sup>16</sup> Icha ichan atene exanatsi ichamonae, pejume cowantsixae Jesucristo jopa bewa bapon aura tsane. Ichitha jame bapon bewa wanae jainchina Nacom tsipei atene exanatsi pejume cowantsixae Jesucristo.

<sup>17</sup> Po matabitha aena Nacom tamropata pitaba xua Nacom yabara paebina daxita jiwi xua penatsicuentsiwa xua abe peexanaexae, apara barapo matabi bayatha patopa. Barapo matabitha Jesucristo piamonae tatsi umenaena Nacom peitabaratha xua Nacom peyabara paebinexa tsane xua penatsicuentsiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya exanaeyo pomonaetha pomonae jopa pejume cowantsiwi Nacom pia pecapanenebiyae diwesi tatsi. <sup>18</sup> Daunwei nawita pon capanepatsi abe pia peexanae cuiru coyenein weya pon wanae peexanaein. Ichitha nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein. <sup>19</sup> Poxonae ichamonae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume baru jejam tsane Nacom xua paexaname bara bequein paayapube taetham. Nacom paca necaforotsixae yawa peexanaexae xua pocotsiwa yabara paca tsiwanae muxu dubeiba xua exana paebeiba, daxota Nacom pia coya canamataxeina painya juntu coyene.

## 5

### *Meje yabara xua Pedro muxuweta pomonaetha pomonae pejume cowantsi jiwi*

<sup>1</sup> Ichichipan xua tamuxu wetsiwa penapatae jiwi pomonae paxam jiwana pam pomonae painya nejume cowantsi jiwi pam. Xan iru bichocono penapataein icha barapomonae ichi. Xan natan poxonae Cristo naetotha tparucua exanatsi. Xan iru yawa xeinaein po peainya cui coyenewa Cristo xeina poxonae patopaetsica. <sup>2</sup> Beta pa- eenare pomonaetha xua Nacom paca cana exana xua pamatacaponame, icha pon oveja peyapu eenaein ichi xua beta yapu eena ovejamonae. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono. <sup>3</sup> Jopa atsaquiya pamatacaponaeinde pomonae xua pamatacaponame. Jame saya maisa beta pamatacaponde xua painya necacui taenexa xua bara jata ichiya peexanaenexa. <sup>4</sup> Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweracaeyo.

<sup>5</sup> Barichi pomonae pewowi jiwi pam, bewa paexanaem pocotsiwa xua penapatae jiwi paca itoroba. Daxita paxam bewa nantiya pana naantobem, yawa bewa nantiya pana

nayabara ita ururanaya jinompaem. Baxua paexande tsipei Nacom Pejume Diwesitha jeye:

“Nacom aichaxaibi pomonae peabiwi ichamonaetha.

Ichitha Nacom yawena xua peantobexae pomonae

baru ita ururanaya jina ichamonaetha”, jei.

<sup>6</sup> Daxota papende po coyene xua paaebame ichamonaetha. Paexande pocotsiwa xua Nacom pecobetha paca ita cowai pia peayapusu itorobiwatha xua Nacom ainya cui paca necaexanaenexa tsane poxonaetha Jesucristo equeicha patopaetsica. <sup>7</sup> Bara pacopare xua Nacom bara daxita paca wepichina daxitan po coyenein xua juntu coyene natsepa paca cana exana tsipei Nacom paca yabara nanta xeina nawita xua painya nepaca cayawenaewa tsane.

<sup>8</sup> Painya coutha pana najuntu coyene itorobare xua beta pajinompare. Tsaca pajinompare poxoru caurimonae pia pentacaponaein tatsi ichichipa paca abe exana. Bapon pacata exana icha neuthu ichi xua ba piyain fiba poxonaetha jeita ducua-naeta pon ichichipa hexaena. <sup>9</sup> Dota pam panaitemare bapon xua beta painya nejume cowantsiwatha. Pananta xeinare xua daxita nacuanpiwi jiwana pomonae pejume cowantsiwi Jesucristo barapomonae atene exanatsi icha paca ichi. <sup>10</sup> Ichitha bexa tsane xua caeto poxonaetha paca atene exanaena ichamonaetha, bapoxonaetha Nacom paca juntu coyene xanepana exanaena. Yawano Nacom paca exanaena xua beta painya nejume cowantsiwa tsane. Yawano paca exanaenano xua bichocono painya neajuntucoyenesuwam tsane. Barapon Nacom painya nepaca antobexae paca waba pia paca catichi po peainya cui coyenewa xua ataya tsiteca xua Jesucristo xeina. <sup>11</sup> Bu bara Jesucristo ataya xeinaena peainya cui coyenewa, yawano xua peayapusu itorobi coyenewa. Je bara ichi tsane.

*Meje yabara poxonaetha Pedro najume wetsiya paeba*

<sup>12</sup> Pon pewun Silvano, pon be tayapin tatsicotaein iruru pejume cowantsixae Jesucristo, bapon cobe itoroban xua inta tina barapo peya cartiyo xua bapoxonaetha tapacata itorobinexatsi xua tapaca muxuwetsinexatsi. Barapo cartatha paca juntu coyene tsacaba exanatsi xua Nacom xaniwaicha painya nepaca cayawenaewa tsane painya nepaca caantobexae. Daxota baxua awiya pajume cowantsiya jinompare.

<sup>13</sup> Pomonae Babilonia tomaratha jinompa pomonae Nacom pejume cowantsiwichi, barapomonae paca jacobae. Barapomonae pomonae Babilonia tomarapiwi Nacom itapeta icha paca ichi xua paca itapeta. Iru Marcos paca jacobae be pon taxanto tatsicotaein tsipei yawenan xua pejume cowantsiwa Jesucristo. <sup>14</sup> Paxam nantiya pana najacobare painya nenaantobexae.

Paxam pomonae Cristo piamonae tatsi pam barapomonae pam bara Nacom juntema jinompa paca exana. Je bara ichi tsane.

Baja Pedro.

## Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwi jiwana tatsin. Pacata tinatsi barapo carte painya nexeinaexae xua pejume cowantsiwa Jesucristo xua bichocono wnae icha paxan paichin. Barapo pejume cowantsi coyenewa Nacom werena pichapa, pon bichocono pejuntũ coyene xanepanaewa pexeinaein. Yawano barapo pejume cowantsi coyenewa Jesucristo werena pichapa pon irũ bichocono pejuntũ coyene xanepanaewa pexeinaein. Bapon jiwi Pecapanenebiyaein abe pia peexanae cuiru coyenein weya. <sup>2</sup> Barabũ Nacom paca yawenaena pia paca necaantobexae. Yawano barabũ Nacom paca catsina jũntema pejinompae coyenewa. Barabũ barapo naxobe coyenewabe bichocono paxeinaponaename xua poxonae payabara yaputaeponaename Nacom xuanõ xua payabara yaputaeponaename Jesucristo pon Wanacanamataxeinaein.

*Meje yabara pocotsi coyenewano bewa exanaena Cristo piamonae tatsi*

<sup>3</sup> Nacom naca cata daxita pocotsiwa nantawenonatsi xua jũntema wajinompae-wanexa yawa xua xanepanaya wajinompae-nexa Nacom nexa. Daxita baxuan Nacom naca cata pia peayapusũ itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua irũ waxeinaenexa peainya cui coyenewa, xuanõ xua irũ waxeinaenexa Nacom pia pexeinya peexanae coyenewa. <sup>4</sup> Poxonae Nacom naca cata pia peainya cui coyenewa, yawano pia pexeinya peexanae coyenewa bapoxonae nama naca cata pia peyabara naca tsiwũnae muxu dutsiwan. Nacom pia peyabara naca tsiwũnae muxu dutsiwan bichocono ainya cui xua jiwi jopa itacũpaetsi xua pecomotsiwa. Barapo peyabara naca tsiwũnae muxu dutsiwan painya necacatsixae anoxuae paxeiname xua Nacom pia peajũntũyapusũwa xua jopa weraweracaeyo. Yawano barapo peyabara naca tsiwũnae muxu dutsiwan painya nexeinaexae paca itacũpa xua papanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana. <sup>5-7</sup> Bequein pajume cowantame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenajũntũ coyene itorobiwam. Poxonae painya coutha pana najũntũ coyene itorobame, bapoxonae panantawenoname xua muxuna paexaname xua jũntema pajinompame bequein ichamonae abe pacata exana. Poxonae jũntema pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonae pejume cowantsiwi Jesucristo. Poxonae paantobem pomonae pejume cowantsiwi Jesucristo, bapoxonae panantawenoname xua muxuna paexaname xua paantobem daxita jiwi.

<sup>8</sup> Icha paxeiname daxita barapo coyenewan yawa xua paexanaponaename daxita baxuan bapoxonae beta painya neexanae jiwi pam tsane Nacom nexa. Yawano beta payabara yaputaneme Jesucristo pon Wanacanamataxeinaein. <sup>9</sup> Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa

ichipaeyo xua peyabara yaputaewa barapo coyene. Daxota bapon juntemaina xua bayatha wejuntemaina exanatsi abe pia peexanae cuiru coyenewan tatsi xua Nacom wejuntemaina exana. <sup>10</sup> Tamonae pam paxam pomonae be tayapin jiwi tapaca canatsicotae jiwichi pam iruru painya nejume cowuntsixae Jesucristo. Daxota paca tsipaebatsi xua xaniwaicha pana naexande xua daxota patsita itatsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom. <sup>11</sup> Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusu tsoponae ichaxota Jesucristo jiwi itorobiya ewatatsi, pon Wanacanamataxeinaein, xua pon Pecapanenebiyaein jiwi.

<sup>12</sup> Bequein baxua bayatha payaputaneme, ichitha equeicha paca tsipaebatsi xua jopa painya juntemainaenexa. Anoxuae paxam ajuntuyapusuya pajume cowantame pexainyei jume Jesucristo yabara. <sup>13</sup> Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi. <sup>14</sup> Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaen. <sup>15</sup> Daxota xaniwaicha pacata tinatsi xua baxuan jopa yabara painya nejuntemainaewa tsane poxonae tupaen. Bapoxonae hexa tsane pana necui yabara jantanainaename pocotsiwan yabara paca tsiwuna muxu dutatsi.

### *Meje yabara xua pomonae tane Cristo pia peainya cui coyenewa tatsi*

<sup>16</sup> Poxonae paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejema diwesi po diwesi xua saya jiwi paeba. Bara pana natan Jesucristo pia pexeinya peitupanae coicha tatsi pon jiwi Pecanamataxeinaein. <sup>17</sup> Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitupanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana”, jei Nacom. <sup>18</sup> Paxan baxua pajume tan xua Nacom cueicueijei peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueijei itaboco wetsica.

<sup>19</sup> Daxita baxuan naca yawena po diwesi xua Nacom pia peitorobi jume pepaebiwi tina xua barapo diwesi pexainyei jume diwesi. Pajume naitaeware pocotsiwan xua barapomonae paeba, beya poxonae yatsicaewa payaputaename pocotsiwa barapomonae paeba. Barapo pejumein jume xanepana. Bichocono naca yawena icha pecoicha ichi xua pentha exana poxonae quirei xua ba naca yawena. Barapo pecoicha waxainchi jopa nantawenonaetsi poxonae jarawato ecoina xuano poxonae matacabi pentha tsina. Barichi poxonae Jesucristo patopaetsica jopa cana matawenonae tsainchi barapo diwesi tsipei bayatha patopeicaena Jesucristo. <sup>20</sup> Matha copiya bewa payaputaem xua meje: Nacom pia peitorobi jume diwesitha dapo jumein aibi pocotsiwa pia coya ichichipa paeba barapo Nacom pia peitorobi jume pepaebiwi. <sup>21</sup> Tsipei Nacom pia peitorobi jume pepaebiwi jopa cueicueijeiyo pocotsiwa ichichipa pia coutha paeba xua poxonae tina Nacom Pejume Diwesi. Ichitha barapomonae tatina pocotsiwa Nacom ichichipa, xua Nacom pia Pejumope tanaxu tatsi peitorobixae.

## 2

### *Meje yabara xua pomonae naerabiya pecuidubi jiwi*

<sup>1</sup> Caena bayatha israelmonae jiwana jinompa pomonae naerabiya peitorobi jume diwesi pepaebiwi. Barichi painya xantha patsina pomonae naerabiya pecuidubi jiwi. Barapomonae cuidubina po diwesi xua paca weraweraca exanaena. Barapomonae

nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomonaē itawetsinchi xua Jesucristo itawetsina, pon xua bayatha barapomonaē tsitupatsi. Nacom nainya weraweraca exanaena barapomonaē, abe peexanaexae. <sup>2</sup> Pin bicheitomonae exanaena xua abe exana pocotsiwa xua barapomonaē cuiduba pomonaē naerabiya pecuidubi jiwi. Barapomonaē pomonaē naerabiya pecuidubi jiwi naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi. <sup>3</sup> Barapomonaē paca muxuitorobina nawita, yawano paca itorobina xua painyamonaē amanaya paitorobiname pedoutsinexa paratixi barapomonaētha pomonaē naerabiya pecuidubi jiwi. Ichitha caena bayatha Nacom yabara paeba barapomonaē, jeye: “Barapomonaē bichocono abe peexanae jiwi, daxota bewa werapaena tsipei bichocono abe peexanaexae”, jei Nacom.

<sup>4</sup> Nacom bayatha jopa yabara j̄ntemainaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayiyo. Yawano Nacom napenta exana peita quirei nacuatha beya poxonaē barapo matatsunpiwi umenaena Nacom peitabaratha poxonaē po mataqueitha Nacom yabara paebina daxita jiwi xua penatsicuentsiwa xua abe peexanaexae. <sup>5</sup> Barichi Nacom jopa bayatha yabara j̄ntemainaeyo po peabe coyenewa jiwi exana pomonaē caena bayatha jinompa. Barapo matacabintha Nacom itoroba pin aw̄bo xua bunothopa peexanaenexa pomonaē abe peexanae jiwi. Meisa saya Noé ir̄no piamonaē tatsi xua siete poyobe tatsi daxita barapoyobe capanenebiyatsi barapo aw̄botha. Barapon Noé cuiduba jiwitha xua jiwi bewa j̄nt̄ coyene xanepanaya jinompaena Nacomtha. <sup>6</sup> Pomonaē Sodoma tomarapiwi ir̄no Gomorra tomarapiwino, barapomonaē abe peexanaewi. Barapo tomarabemonaē yawa tomarabe Nacom yabara paeba xua pinae abe exana daxota Nacom weraweraca exana isototha beya poxonaē daxita saya ̄ipunan naexana. Barapo coyenein Nacom tsita it̄ta xua bapon bexa j̄pa exanaena pomonaēintha pomonaē abe exana dubenanaebiya. <sup>7</sup> Ichitha meisa saya Nacom capanepa barapo pin isoto weya pon pew̄n Lot. Bapon Lot pej̄nt̄ coyene xanepanaein Nacomtha. Lot cuitaya ̄nth̄th̄ deideijeī pocotsiwa jiwi abe exana.

<sup>8</sup> Bapon Lot, pon pej̄nt̄ coyene xanepanaein Nacomtha, bar̄ popona pomonaē peaj̄nt̄coyenebe jiwi. Daxita matacabi bapon bichocono anth̄th̄tane xua pej̄nt̄ coyene xanepanaexae Nacomtha xua poxonaē bapon taiba yawano xua poxonaē jume taiba xua jiwi abe exaneiba. <sup>9</sup> Ichitha Nacom pon jiwi Pecanamataxeinaein yaputane xua peyawenaewa pomonaē peantobewixaetsi poxonaē barapomonaē bichocono j̄nt̄ coyene j̄j̄teibatsi caurimonaē pia pentacaponaein tatsi. Yawano Nacom yaputane xua atene peexanaewa pomonaētha pomonaē jopa pejume cow̄ntsiwichi. Nacom baxua exanaena beya ab̄ poxonaē barapomonaē umenaena Nacom peitabaratha poxonaē Nacom yabara paebina daxita jiwi xua penatsicuentsiwa xua abe peexanaexae. <sup>10</sup> Pomonaē xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonaē Nacom atene exanaena. Barapomonaē bichocono atsaca yawa ichamonaē aebatsino. Jopa junuwiyo xua abe peyabara paebiwa xua matatsunpiwi abe peyabara paewatsi. <sup>11</sup> Matatsunpiwi xeina peayapus̄wa yawano xeina peitorobi coyenewa xua beyacaincha pomonaē naerabiya pecuidubi jiwi. Ichitha barapo matatsunpiwi jopa abe yabara paebiyo xua barapomonaē pomonaē naerabiya pecuidubi jiwi poxonaē barapo matatsunpiwi cueicueijeī tsumenaē Nacom peitabara tatsi, pon jiwi Pecanamataxeinaein.

<sup>12</sup> Barapomonaē pomonaē abe peyabara paebi jiwi, barapomonaē exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonaē werapaena pia abewantha icha duwei icha xua werapa. <sup>13</sup> Barapomonaē xuya atene tsane abe peexanaexae ichamonaētha.

Barapomonaē jopa auriyo xua abe peexanaewa mataqueitha. Barapomonaē paca muxuitoroba abe peexanaexae bequein naxaiba poxonaē pin penabanaewan paexaneibame. Ichamonaē paca abe yabara paeba abe peexanaexae barapomonaē yawa aura paca necaexanaexae.

<sup>14</sup> Barapomonaē ichichipa nawita xua peyacaibiwa yabuxi daxita xua powaxi taiba. Jopa juniya abe eexanaponaeyo xua abe exana. Barapomonaē nantaŭta pia pepuna ponaewichi pomonaē pejuŋtŭ coyene faefaenaewi Nacomtha. Barapomonaē ichichi xeica nawita pocotsiwan xua tane daxita. Barapomonaē yacuiya naexana xua abe peexanaewa. Daxota barapomonaē Nacom bichocono atene cana exanaena. <sup>15</sup> Barapomonaē jopa Nacom yabara yaputaetsi pejume naitematsixae po coyene xua Nacom pejuŋtŭ coyene xanepana exanaewa barapomonaē. Barapomonaē barapo canaŭta juŋtsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi. <sup>16</sup> Balaam pon naerabiya peitorobi jume diwesi pepaebin, poxonaē ichichipa abe peexanaewa, cui matawentatsi xua abe exana. Po duwein pewŋn burra, bapon cui matawenta, Balaam cui matawentatsi. Burra cueicueijei icha jiton ichi, xua saya jiton cueicueijei. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentatsi poxonaē ichichipa abe peexanaponaewa.

<sup>17</sup> Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be fetō mene ichi xua weitha bichocono ameneibi xua ba jiwi jopa yawenaetsi. Yawano barapomonaē icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruneicaenexa. Nacom itaweta barapomonaē xua barapomonaē itawetatsi ichaxota ataya pejinompaenexa peita quirei nacuatha. <sup>18</sup> Barapomonaē bichocono atsaca poxonaē cueicueijei. Yawano barapomonaē pia jume, barapo jume jopa jiwi yawenaetsi. Yawano barapomonaē naemata jume wŋnaeya tsipaeba pomonaetha pomonaē aena pejume cowŋntsi jiwi Jesucristo xua barapomonaē irŭ abe peexanaenexa pocotsiwa bequein barapomonaē aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe. <sup>19</sup> Barapomonaē wŋnae tsimuxu duta ichamonaetha xua ichamonaē beta pejinompaenexa. Ichitha barapomonaē pia coutha exana be pomonaē xua caurimonaē pia pentacaponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara juŋtŭ coyene itorobatsi. <sup>20</sup> Barapo cae pin nacuathe ichamonaē jinompa pomonaē capanenebiyatsi abe pia peexanae cuiru coyenein weya xua po abe peexanae cuiru coyene po cae pin nacuathepiwi exana. Barapomonaē baxua exana poxonaē jume cowŋnta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonaē equeicha abe exana xuano xua icha awiya exana dubenanaebiya baxuan, bapoxonaē barapomonaē bichocono abe beyacaincha xua poxonaē copiya exana xua pewŋnaeya poxonaē jume cowŋnta Jesucristo. <sup>21</sup> Icha barapomonaē jume cowŋnta yawano icha penta Nacom peitorobi coyenewa, bapoxonaē barapomonaē bichocono abe exana Nacomtha. Ichitha icha barapomonaē copiyatha jopa jume taetsipae barapo peitorobi coyenewa, bapoxonaē barapomonaē saya be conotha abe exanaetsipa Nacomtha. Ichitha poxoru barapomonaē pejume taexae barapo peitorobi jume yawa pejume cowŋntsixae, daxota barapomonaē Nacom bichocono atene cana exana, beyacaincha xua poxonaē jopa jume taeyo barapo diwesi. <sup>22</sup> Barapomonaē equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonaē nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranae meratha ichitha equeicha caewa

nairainyaba xota tsorei”, jei tsica diwesiyo xua Nacom Pejume Diwesitha paeba.

### 3

#### *Meje yabara xua Jesucristo equeicha pia pepatopeicaewa tsica tsane*

<sup>1</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi. <sup>2</sup> Pananta xeinare pocotsiwa xua Nacom pia peitorobi jume pepaebiwi paeba poxona caena bayatha. Yawano jopa pajantemainaeinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaein xvano xua pon jiwi Pecapanenebiyaein pia peitorobi coyenewa tatsi.

<sup>3</sup> Copiya matha pananta xeinare xua meje: Pewnaeya poxona po matacabitha Nacom ira weraweraca exanaena, barapo matacabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonae exanaena pocotsiwa saya ichichipa xua abe exana. <sup>4</sup> Barapomonae yainyabiya jei tsane xua Cristo yabara: “Bapon bayatha paca tsiwanae muxu duta xua equeicha patopaetsica. ¿Eta xua metha awiya bapon pawnae ewatame bara jopa patopeicaeyoba? ¿Incane bapon? Bequein wamo susato jiwi jume cowanta xua pinae bapon patopaetsica ichitha jopa daichiyo beya nama poxona barapomonae werapa cataunxuae bapon jopa patopaeyo. Bara saya jujrapona wanacuatha xua bapon jopa patopeicaeyo xua poxona Nacom nacua forota beya anoxuae”, jei tsane barapomonae. <sup>5</sup> Ichitha barapomonae jopa ichipaeyo xua yabara jume jantanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxona mene buxupana weyotsina. Barapo ira Nacom mentha exana. <sup>6</sup> Yawano barapomonae jopa ichipaeyo xua jantanaina xua caena bayatha xua poxona Noé popona Nacom itoroba pin awubo xua equeicha ira mene buxupana boca yawa xua daxita pocotsiwa barapo iratha weraweraca. <sup>7</sup> Ichitha barapo itaboco xua anoxuae tainchi yawa ira xua ichaxota anoxuae jinompatzi Nacom dubena exana daxita baxuan poxona Nacom cueicueijeji pia peayapusu itorobi coyenewatha. Nacom baxuan duba beya abu poxona weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxona po mataqueitha Nacom yabara paebina daxita jiwi xua penatsicuentziwa xua abe peexanaexae.

<sup>8</sup> Tamonae pam pomonae tapaca caantobewichi pam, iru painya nejume cowantsi jiwixae Jesucristo. Jopa pajantemainaeinde po coyene xua daxita bara Nacom tsita najupatsi pon jiwi Pecanamataxeinaein. Caentacabi tsita najupatsi xua mil po weibe. Matautano mil po weibe Nacom tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi. <sup>9</sup> Nacom jopa apara bewayo exanaeyo pocotsiwa yabara naca tsiwanae muxu duta bequein ichamonae nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya nejume cowantsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanepanatsi.

<sup>10</sup> Ichitha po mataqueitha pon jiwi Pecanamataxeinaein patopaetsica barapo matacabitha jiwi jopa wnae ewatsi tsane. Bapon pon Wanacanamataxeinaein jemeicha patopeicaena icha be ichi pon pecaibin xua poxona namicha patopa. Peitaboco weraweracaena poxona pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

<sup>11</sup> Tsipei daxita baxuan tautinchi daxota bewa pajinompam be pomonae pejuñtu coyene xanepanaewi Nacomtha pomonae jopa Nacom tsita xeinaetsi penatsicuentsiwa xua abe peexanaexae. Beta pajinompam icha Nacom ichi xua beta popona. <sup>12</sup> Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matacabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha. <sup>13</sup> Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwunaexae muxu duta. Barapo pena ira yawa barapo pena itaboco daxita wunaexae exanaena pocotsiwa pexainyeiwanexa tsane.

<sup>14</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Paca tsipaebatsi baxua xua daxota poxonae cataunxuae paewatame baxuan, xua pocotsiwa Nacom exanaena bara beta paexande. Bapoxonae Nacom paca caxinaena xua juntepa pajinompame, matautano xua jopa paxeinaem peabe coyenewa painya juntu coyenewatha, yawano xua ichamonae jopa paca yabara paebi tsane xua abe painya neexanaewa. <sup>15</sup> Yawano payaputaneme xua caena bayatha Nacom pon Wanacanamateixinaein beitatemaya naca ewata xua wajume cowantsinexa xua pia wanaca capanenebiyaewa tsane. Yawano iru Pablo baxua yabara pacata tina. Bapon Pablo, pon waantobein, pon iru jume cowantaru Jesucristo. Pablo yaputane exainchi baxuan yabara xua Nacom yaputane exana. <sup>16</sup> Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwi iru pomonae pejuñtu coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonae pia coutha nanatsiexana xua abe exana xua peweraweracaewa tsane, xua Nacom exanaena.

<sup>17</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Painya neyaputaexae baxuan pewunaeya xua Nacom exanaena baxuan, daxota dota pam pomonae abe pacata necaexanae jiwi xua jopa paca necantacapanawa tsane. Jopa pacopatsinde xua barapomonae baxua pacata exana xua jopa painya nepentsiwa tsane Nacom. <sup>18</sup> Bichocono pana najuntu wunaexae exanaponde Wanacanamateixinaein pia peantobewathaxae. Jesucristo beta payabara yaputaeponde, pon Wanacacapanenebiyaein. ¡Barabu bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro



## **Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.**

### *Meje yabara po diwesi xua pon naca ajuntuyarusuya exana*

<sup>1</sup> Pacata yabara tinatsi pon pewun “Pejume”, baraichi, pon jiwi ajuntuyarusuya exainchi. Bapon asu caena bayatha poxona Nacom abu cataunxuae jopa exanaeyo wanacua. Poxona bapon naexana wanacuatha, bapoxona bexa poxona bapon cueicueiei diwesi bara bapoxona barapon pajume tan. Barapon bara yatsicaya patan. Yawa bapon bara pacobe jayabeiban. <sup>2</sup> Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yaputaewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae. <sup>3</sup> Paca tsipaebatsi xua bayatha patan yawa xua pajume tanno, caemonae painya naexanaenexa paxantha, peburuya wajume cowantsixae Jesucristo. Icha paxan paichin xua Nacomtha Waxatha caemonae panaexanan yawa Pexantotha pon Jesucristo, bara paichinderu. <sup>4</sup> Daxota bara po coyenein pacata tinatsi xua bichocono pata tajantu coyene weiweinaewa tsane.

### *Meje yabara xua Nacom pexainyei juntu coyene peyacuiya jinaein*

<sup>5</sup> Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuiya jinaein. Bapon jopa xeinaeyo peacuirube coyenewa rejuntu coyenewatha, tsipei bapon bichocono rejuntu coyene xeicaein. <sup>6</sup> Icha jeichichi: “Waxainchi Nacom yawa jinompatsi, be caemonae peburuya nacayawa jinompatsi Nacomtha”, jeichichi, daichitha caena poxona saya abe exanatsi, bapoxona saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi. <sup>7</sup> Ichitha icha cajinompatsipatsi Nacom Pejume Diwesi wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuya caemonae naexanatsi. Jesucristo jana pichapabarena poxona tupa, pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

<sup>8</sup> Icha jeichichi: “Jopa abe taexanaewa”, jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa. <sup>9</sup> Ichitha icha Nacomtha yabara tsipaebatsi xua abe waexanaewa, xua jeichichi: “Nacom auran yaitama abe exanan”, jeichichi, bapoxona Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon yabara baru jume cui cowantatsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein. <sup>10</sup> Icha jeichichi: “Jopa abe exanaetsi”, jeichichi, apara bara yabara jume cuiya exanatsi xua Nacom pon jiwi pemuxuitorobin, tsipei Nacom naca yabara jei: “Barapomonae abe peexanaewi”, naca yabara jei. Yawano Nacom Pejume Diwesi jopa xeinaetsi wajuntu coyeneintha.

## 2

*Meje yabara xua Cristo pon wanaca yabara jume yawenaein Nacomtha*

<sup>1</sup> Pomonae be tamonae tapaca canatsicotaewichi pam, iru painya nejume cowantsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantaatsi Jesucristo pon wanaca yabara jume yawenaen Nacomtha xua Paxathaxae. Bapon matauta juntu coyene xanepanaya peexanaein. <sup>2</sup> Barapon Jesucristo petupaexae naca yantomata daxota Nacom naca capanepa abe waexanae cuiru coyenein weya. Jopa meisa waxainchi nexa apara bara iru daxita barapo cae pin nacuanthapiwi tatsitupatsi abe pia peexanae cuiru coyenein tatsi.

<sup>3</sup> Icha jume cowantsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom. <sup>4</sup> Icha ichun jei: “Xan Nacom yaputan”, jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxuitorobin, yawa pejuntu coyenewatha jopa xeinaeyo pexainyei coyenewa. <sup>5</sup> Seicaya nama pon exana pocotsiwa xua Nacom itoroba pon waxainchi jiwantsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara peburuya caemonae nacayawa jinompatsi Nacomtha. <sup>6</sup> Pon xua jei: “Nacom yawa poponan, caemonae peburuya nacayawa poponan Nacom”, jei, bapon bewa yajuntu coyene wnaeya poponae, icha bayatha Jesucristo ichi xua bapon beta xanepanaya yajuntu coyeneya popona.

*Meje yabara xua Nacom pia pena peitorobi diwesi jume*

<sup>7</sup> Tamonae pam pomonae bichocono tapaca caantobewichi pam, iru painya nejume cowantsixae Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxeiname poxonae aena pajume cowantame. Barapo peru itorobi diwesi jume caena bayatha pajume taneme. <sup>8</sup> Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, iruru paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: “Nantiya pana naantobeinde”, jei. Icha be pocotsi coyeneya juta ichi poxonae jiwi jopa beta taeyo poxonae quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacupatsi xua xanepanaya pejinompaewa, icha be pocotsi coyeneya juta ichi poxonae jiwi beta jinompa mataqueitha.

<sup>9</sup> Icha ichun jei: “Xan Nacom yaputan”, jei, xua daichitha ita aenae-aeneya caseba nawita pontha xua iru jume cowantar Cristo, bapon apara cataunxuae jopa yaputaeyo Nacom. <sup>10</sup> Pon antobe pontha xua iru jume cowantar Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua iru ichamonae peexanaewa tsane. <sup>11</sup> Ichitha pon ita aenae-aenei pontha xua iru jume cowanta Cristo, bapon acuicoyenebeya popona be pocotsin jopa yaputaeyo Nacom. Bapon jopa xanepanaya poponae, icha be pocotsi coyene juta ichi poxonae pon peitata nacutsin catsawa pona poxoru jopa xapain taeyo.

<sup>12</sup> Pomonae pexui pam, pacata tinatsi tsipei Nacom paca juntu wejantemaina exana abe painya neexanae cuiru coyenewan xua Jesucristo painya nejume cowantsixae.

<sup>13</sup> Pomonae pinyon pam, pacata tinatsi tsipei payaputaneme Nacom, pon Waxa, pon ataya peponaein, pon copiya popona poxonae aena daxita forota. Pomonae pewowi jiwi pam, pacata tinatsi, tsipei caurimonae pia pentacaponaein tatsi paamanayabame poxonae paca juntu coyene jujuta xua abe painya neexanaewam tsane.

<sup>14</sup> Pomonae pexui pam, pacata tinatsi, tsipei payaputaneme Nacom, pon Waxa. Pomonae pinyon pam, pacata tinatsi tsipei payaputaneme Nacom, pon ataya popona, pon copiya popona poxonae aena daxita forota. Matautano pewowi jiwi pam, pacata tinatsi tsipei bichocono paajuntucoyenesum, yawano xanepanaya pajume cowantame

Nacom Pejume Diwesi, matautano tsipei pajuntu coyene amanayabame caurimonae pia pentacaponaein tatsi.

<sup>15</sup> Jopa bichocono paichichipaeinde pocotsiwa xua abe po cae pin nacuathe. Matautano jopa bichocono pacayabara nanta xeinaeya ichichipaeinde xuan pocotsiwan xeina pomonae jopa pejume cowuntsiwi pomonae jinompa po cae pin nacuathe. Icha ichun saya ichichipa bichocono xua xuan xeina pomonae jopa pejume cowuntsiwi bapon jopa apara antobeyo Nacom, pon Waxa. <sup>16</sup> Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonae jopa pejume cowuntsiwi pia coutha exana barapo penasi cui tatae coyene. Matautano Nacom jopa itorobiyo xua abeya peichichipae coyene xua peuwiya tae coyene. Matautano Nacom jopa itorobiyo po coyenein xua peaebi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonae jopa pejume cowuntsiwi pia coyene tatsi. <sup>17</sup> Barapo cae pin nacue weraweracaena, yawano muxuna weraweracaena xua xuan abe peexanae cuiru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

*Meje xua pexainyeiwa yabara, yawa xua penaerabiwa yabara*

<sup>18</sup> Pomonae pexui pam, bara nama imoxoyo tsane po matacabi Nacom daxita weraweraca exanaena barapo cae pin nacua. Bayatha pajume taneme xua jei: “Imoxoyo patopaena pon Cristo pia peaitafaetabinchi”, jei. Ichitha bayatha pata pinmonae, pomonae Cristo pia peaitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue. <sup>19</sup> Barapomonae pomonae Cristo pia peaitafaetabiwichi copiya naca baru nacaetuta poxonae nacaetuteibatsi, ichitha anoxuae bara weya naca wepu pona. Icha xaniwaicha barapomonae waxainchi jiwana tsipaetsi metha awiya cataunxuae naca baru nacaetuta dubenanaebiyaetsipa. Barapomonae waxainya weya pona, xua daxota jiw taena xua barapomonae bara jopa wamonae jiwiyoy xua jopa pejume cowuntsi jiwixae Cristo.

<sup>20</sup> Ichitha paxam Cristo paca cata Nacom pia Pejumope tñaxu tatsi pia painya nepaca baru jinompaenexa. Daxota paxam daxita yabara paca yaputane exana pexainyei coyenewa. <sup>21</sup> Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyo. <sup>22</sup> ¿Jintam pon pemuxuitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxuitorobin. Bapon Cristo pia peaitafaetabi jitontsi tsipei jume matawenta poxonae jiw paeba xua pinae Cristo Nacom Pexanto tatsi xuano xua Nacom Cristo Paxa tatsi. <sup>23</sup> Pomonae xua Nacom Pexanto tatsi jume itawetatsi xua pejume cowuntsiwa, barapomonae jopa nantaustiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantauta Nacom be Paxa tatsi.

<sup>24</sup> Daxota painya juntu coyeneintha pajume xeinare Nacom Pejume Diwesi xua bayatha pajume taneme poxonae aena pajume cowuntame. Icha painya juntu coyeneintha pajume xeiname xua pajume taneme bayatha, nexata baroxonae peburaya caemonae pana naexanaename Pexanto tatsitha yawa coxiyantha, xua Nacomtha. <sup>25</sup> Matautano Jesucristo yabara naca tsiwñnae muxu duta, naca jei: “Peajuntu yapusñwa paca catinchi po peajuntu yapusñwa xua ataya tsiteca”, naca jei.

<sup>26</sup> Yabara pacata tinatsi barapo coyenein pomonae xua painya nepaca muxujainyabiwa. <sup>27</sup> Ichitha paxam Nacom pia Pejumope tñaxu tatsi paxeiname, po pejumope tñaxu tatsi paca cata Jesucristo. Baroxonae jopa nantawenonaeyo xua ichamonaepaca cuiduba poxoru barapo Nacom pia Pejumope tñaxu tatsi paca cuiduba daxita coyenein. Po coyenein Nacom pia Pejumope tñaxu tatsi paca cuiduba baraxua pexainyeiwa, matautano jopa pemuxuitorobiwa. Bara paichinde caemonae peburaya

pana naexande Cristotha, icha Nacom pia Pejumoŋe t̄nax̄u tatsi ichi xua yabara paca cuiduba xua po coyene painya neexanaewa tsane.

<sup>28</sup> Pomonaē pexui pam, ant̄ub̄us̄uya caemonaē peb̄ur̄uya pana naexande Cristotha xua jopa wajunuwinexa xua poxonaē bapon patopaetsica barapo cae pin nacuathe. Yawa caemonaē pana naexande Cristotha xua jopa waaura tsane barapon peitabaratha xua abe waexanaexae poxonaē patopaetsica. <sup>29</sup> Bayatha payaputaneme xua Jesucristo pon j̄nt̄u coyene xanepanaya peexanaein. Barichi bewa payaputaename pomonaē j̄nt̄u coyene xanepanaya peexanaewi, barapomonaē barapara Nacom pia pexui tatsi.

### 3

#### *Meje yabara xua Nacom pia pexuimonaē tatsi*

<sup>1</sup> Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonaē jopa bayatha yaputaeyo Nacom. <sup>2</sup> Pomonaē tapaca caantobewichi pam xua ir̄u painya nejume cow̄antsixae Nacom, waxainchi bara Nacom pia pexuimonaetsi. Anoxuae cataunxuae jopa nayaputaetsi xua bexa tsane eta po coyeneya naca cana exanaena. Ichitha yaputainchi xua poxonaē Jesucristo patopaetsica, waxainchi naexanaeinchi icha barapon j̄ta coyeneya ichi. Tsipei bapon bara yatsicaewa taeinchi. <sup>3</sup> Pomonaē Jesucristo w̄nae ewatatsi xua pepatopae w̄nae, barapomonaē naj̄nt̄u coyene xanepana exana, xua jopa xeinaeyo peabe coyenewa, icha Jesucristo ichi xua bichocono pej̄nt̄u coyene xanepanaein xua jopa xeinaeyo peabe coyenewa.

<sup>4</sup> Daxita pomonaē abe peexanaewi, barapomonaē Nacom yabara paebina xua penat-sicuentsiwa abe peexanaexae bapontha. Tsipei poxonaē abe exana taacoibichi xua exana pocotsiwa Nacom pia peitorobi diwesi jume paeba. <sup>5</sup> Paxam payaputaneme xua Jesucristo patopeica barapo cae pin nacuathe, wanaca j̄nt̄u coyene j̄nt̄emaina exanaenexa abe waexanae cuiru coyenein. Matautano payaputaneme xua bapon jopa abe exanaeyo. <sup>6</sup> Daxita pomonaē peb̄ur̄uya caemonaē naexana Cristotha, barapomonaē jopa abe exana dubenanaebiyaeyo. Ichitha nama pomonaē abe exana dubenanaebiya, barapomonaē jopa Jesucristo yaputaetsi, matautano jopa pijimonaē tatsichi. <sup>7</sup> Pomonaē pexui pam, jopa pacopatsinde xua bara ichamonaē paca muxujainyabina. Pon ba xanepana exana bapon ba bichocono pej̄nt̄u coyene xanepanaein, icha Jesucristo ichi xua bichocono pej̄nt̄u coyene xanepanaya exanaein. <sup>8</sup> Ichitha pon ba xua abe exana ducuaenaebiya, apara bapon ba caurimonaē pia pentacaponaein tatsi pijimonaē jiwanaŋin tatsi. Tsipei caena bayatha, poxonaē aena Nacom daxita forota, caurimonaē pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonaē pia pentacaponaein tatsi pia coyenewan tatsi.

<sup>9</sup> Pomonaē Nacom pia pexui tatsi barapomonaē jiwana dapon ba aibi pon ba abe exana ducuaenaebiya, tsipei bapon yaj̄nt̄u cui coyeneya popona Nacom pia cui coyenewa tatsi. Bapon jopa itac̄upaetsi xua abe exana ducuaenaebiya tsipei Nacom pia pexui tatsi jiwanaŋin tatsi. <sup>10</sup> Daxota yaputainchi pomonaē Nacom pia pexui tatsi, matautano yaputainchi pomonaē caurimonaē pia pentacaponaein tatsi pia pexui tatsi. Yabara yaputainchi pomonaē jopa xanepanaya exanaeyo, barapomonaē jopa Nacom pia pexui tatsi. Matautano yabara yaputainchi pomonaē jopa antobeyo ichamonaē pomonaetha pomonaē ir̄u pejume cow̄antsiwi, barapomonaē jopa Nacom pia pexui tatsi.

*Meje yabara xua poxonaē jei: “Caemonaē peb̄ur̄uya bara nantiya naantobe tsainchi”, jei*

<sup>11</sup> Poxonaē aena pajume cow̄antame, xua beya anoxuae, pajume taneme Nacom Pejume Diwesi. Barapo diwesitha jeye: “Caemonaē peb̄ur̄uya bara nantiya naantobe

tsainchi”, jei barapo diwesitha. <sup>12</sup> Waxainchi jopa bewa naexanaetsi icha ichi pon pewan Caín, pon caena bayatha tupa. Bapon Caín caurimonae pia pentacaponaein tatsi pia jiton tatsi. Bapon peweicho bexuba. ¿Eta xua metha Caín peweicho bexuba? Caín peweicho uwiya bexuba, tsipei pocotsiwa Caín exana Nacom nexa, Nacom tsita abetsi. Ichitha nama pocotsiwa Caín peweicho tatsi exana Nacom nexa baxua jame Nacom tsita xanepanatsi.

<sup>13</sup> Tamonae pam, pomonae iru painya nejume cowantsixae Jesucristo. Painya xoba panantu exabame icha ichamonae paca ita aenae-aenei pomonae jinompa po cae pin nacuathe, pomonae jopa pejume cowantsiwi. <sup>14</sup> Waxainchi yaputainchi xua bewa werapaeinchi abe waexanaexae. Ichitha anoxuae peajantu yapusawa xeinatsi, po peajantu yapusawa ataya tsiteca waantobexae pomonaetha pomonae iru pejume cowantsixae. Pon xua jopa antobeyo piamonae jiwana pin tatsi, pon iru pejume cowantsin Nacom, bapon bequein popona ichitha jopa xeinae tsane peajantu yapusawa. <sup>15</sup> Pon ita aenae-aeneya caseba ichamonae pomonaetha pomonae iru pejume cowantsiwiru Nacom, bapon Nacom tsitatsi be pon jiwi pejutebin. Payaputaneme xua pon jiwi pejutebin bapana jopa xeinae peajantu yapusawa pejantu coyenewatha, po peajantu yapusawa ataya tsiteca. <sup>16</sup> Waxainchi yabara yaputainchi xua Nacom wanaca antobewa, tsipei Jesucristo naca tsitupa naetotha wanaca antobexae. Daxota bewa copatinchi xua bara ichamonae naca atene exanaena, xua bequein beya poxonae tupa naca exanaena ichamonae nexa pomonae iru pejume cowantsiwiru. <sup>17</sup> Pebin ba xeina nawita xuan pocotsiwa ba nantawenona xua jantema popona pe-naexanaewa tsane. Bapon cui tane pia jiton pon iru pejume cowantsindu Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwi nexa. <sup>18</sup> Tamonae pam, pomonae iru painya nejume cowantsixae Jesucristo. Jopa bewa saya ichamonaetha jeichi: “Paca antobetsi”, jopa bewa saya jeichi, poxonae jopa yawenaetsi barapomonae. Jame bewa xaniwaicha yawenaetsi barapomonae, bapoxonae jame yatsicaewa antobe tsainchi barapomonae.

### *Meje yabara xua wajume cowantsiya jinompaewa Nacomtha*

<sup>19-20</sup> Poxonae yawenatsi ichamonae bapoxonae yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajantu coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya cui, beyacaincha wajantu coyene poxonae abe naca yabara paeba, tsipei Nacom daxita yaputane. <sup>21</sup> Tamonae pam, paxam pomonae tapaca caantobe jiwichi pam, painya nejume cowantsixae Jesucristo. Bequein wajantu coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowantatsi xua waexanaewa pocotsiwa Nacom ichichipa. <sup>22</sup> Yawa Nacom naca cata pocotsiwa wucatsi wajume cowantsixaetsi pia peitorobi diwesi jumein tatsi, yawano poxoru waexanaexae pocotsiwa Nacom ichichipa. <sup>23</sup> Yawa Nacom pia peitorobi diwesi jume naca itorobiya jeye: “Taxanto Jesucristo pajume cowande, yawa nantiya pana naantobeinde”, naca jei. <sup>24</sup> Daxita pomonae ba exana pocotsiwa Nacom pia peitorobi diwesitha paeba, barapomonae Jesucristo yawa jinompa, barichi barapomonae Jesucristo baru jinompatsi. Waxainchi yaputainchi xua bapon naca yawena ducuaenaebiya, tsipei nanajumope cata waxantha wanaca cuidubinexa barapo coyene.

## 4

*Meje yabara xua Nacom pia Pejumo pe tuxax tatsi, iru pomonae Jesucristo abe peyabara paebiwichi*

<sup>1</sup> Tamonae pam, pomonae tapaca caantobe jiwichi pam, iru painya nejume cowantsixae Jesucristo. Jopa pajume cowantsinde xua daxita pomonae paca jei: “Paxan Nacom peitorobi jume pata paebiwi pan”, paca jei. Jame maisa pajure saya barapomonae painya neyaputaenexa barapomonae icha metha bara Nacom itoroba barapomonae. Tsipei barapo cae pin nacuathepiwi jiwi ayei pomonae penaerabiwi, pomonae jei: “Paxan Nacom peitorobi jume pata paebiwi pan”, jei. <sup>2</sup> Ichitha paca itacupa xua payaputaneme pomonae xeina Nacom pia Pejumope tɔnaxɔ tatsi. Icha barapomonae paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonae payaputaneme xua barapomonae apara Nacom pia Pejumope tɔnaxɔ tatsi yawa jinompa. <sup>3</sup> Icha ichamonae paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pewɔn Jesús”, paca jei, bapoxonae paxam payaputaneme xua barapomonae ba jopa yawa jinompaeyo Nacom pia Pejumope tɔnaxɔ tatsi. Barapomonae ba seicaya xeina icha pejumope tɔnaxɔ po jumope tɔnaxɔ Cristo ita aenae-aeneichi. Paxam bayatha pajume taneme xua barapo pejumope tɔnaxɔ bewa patopaetsica po cae pin nacuathe tsique. Bara xainyei bara bayatha barapo jumope tɔnaxɔ patopa po cae pin nacuathe tsique.

<sup>4</sup> Tamonae pam, paxam Nacom pijimonae tatsi pam. Paxam pacui coyene amanayabame barapo penaerabi jiwitha. Tsipei po pejumope tɔnaxɔ paca yawa popona xua Nacom pia Pejumope tɔnaxɔ tatsi, barapo pejumope tɔnaxɔ bichocono peayapusɔ itorobiya coyenewa pexeinaein, beyacaincha po pejumope tɔnaxɔ po cae pin nacuathepiwi jɔntɔ coyene itoroba dubenanaebiyatsi xua abe peexanaenexa. <sup>5</sup> Barapo jiwi apara barapo cae pin nacuathepiwi, daxota barapomonae yabara cueicueijejɛ pocotsiwan barapo cae pin nacuathe xeina. Ichamonae iru pomonae po cae pin nacuathepiwixae barapo coyene baxuan jume naitaewatsiya exana. <sup>6</sup> Ichitha waxainchi Nacom piamaetsi. Pomonae Nacom yaputainchi, barapomonae bara naca jume naitaewata. Ichitha nama pomonae jopa Nacom yaputaetsi, barapomonae jopa naca jume naitaewatsiyo. Daxota naca itacupa xua wayaputaewa pomonae cueicueijejɛ pexainyei jume. Mataɔtano naca itacupa xua wayaputaewa pomonae cueicueijejɛ pemuxutorobi jume.

*Meje yabara xua Nacom peyawa cui jinaein xua bichocono peantobe coyenewa*

<sup>7</sup> Tamonae pomonae tapaca caantobewichi pam, iru painya nejume cowantsixae Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonae xua antobe ichamonae apara barapomonae bara Nacom pia pexui tatsi naexana. Mataɔtano barapomonae bara Nacom yaputainchi. <sup>8</sup> Nacom ba peyacuiya jinaein peantobe coyenewa. Daxota pon jopa tsita xeinaeyo ichamonae peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa. <sup>9</sup> Poxonae Nacom Pexanto itoroba Nacom naca tsita itɔta pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peantɔyapusɔwa, po peantɔyapusɔwa ataya tsiteca. <sup>10</sup> Barapo yatsicaewa pepa peantobe coyenewa meje baxue: Poxonae ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicaewa pepa peantobe coyenewa. Poxoru Nacom itorobica Pexanto wanaca wejɔntemaina exanaenexa abe waexanae cuiru coyenein. Barapo coyene jame yatsicaewa pepa peantobe coyenewa.

<sup>11</sup> Tamonae, pomonae tapaca caantobe jiwichi pam, iru painya nejume cowantsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi. <sup>12</sup> Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonae Nacom naca yawa poponaena. Nacom beta xaniwaichiya cana exana pia peantobe coyene wajɔntɔ coyene berena. <sup>13</sup> Waxainchi

natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope t̃nax̃ cata waxantha. <sup>14</sup> Paxan patan Jesucristo poxonae Nacom Pexanto itorobica. Daxota pajan: “Bara xainyei xua Nacom Pexanto itorobica, xua barapon pecapanenebiyaenexa po cae pin nacuathepiwi xua abe pia peexanae cuiru coyenein weya tatsi”, pajan. <sup>15</sup> Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, ir̃ Nacom yawa popona bapon.

<sup>16</sup> Daxota waxainchi Nacom yaputainchi, yawa jume cow̃ntatsi xua xaniwaicha bara Nacom naca antobe. Nacom apara pon peyanth̃th̃ya jinaein xua pocotsiwa bichocono peantobe coyenewa. Pon xua bichocono antobe ichamona, bapon apara bara yawa popona Nacom, ir̃ Nacom yawa popona bapon. <sup>17</sup> Daxota waxainchi yabara nacuiduba dubenanaebiyatsi xua bichocono peantobe coyenewa. Poxona matacabi tsuxubi tsane po mataqueitha Nacom jiwi yabara paebina xua penatsicuentisiwa Nacomtha, barapo matacabitha jopa junuwi tsainchi. Jume cow̃ntinchi xua Nacom jopa wanaca yabara paebiwa tsane xua abe waexanaexae. Icha Jesucristo ichi xua jopa abe exana ducuanae-biyaeyo poxonae popona po cae pin nacuathe, waxainchi barapocotsi coyeneya ichichi poxonae jinompatsi po cae pin nacuathe. <sup>18</sup> Poxonae antobetsi ichamona barapo j̃nt̃ coyenewatha ba jopa cunuwichi barapomona. Tsipei barapo peantobe coyenewatha torotatsi pocotsiwa xua pejunuwiwa xua waj̃nt̃ coyene weya. Tsipei pon junuwa nayaputane xua atene tsaneba, penayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

<sup>19</sup> Waxainchi daxota Nacom antobetsi tsipei bapon copiya pew̃naeya naca antobe. <sup>20</sup> Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua ir̃ jume cow̃ntar̃ Nacom, apara barapo pebin pon jiwi pemuxuitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo. <sup>21</sup> Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua ir̃ jume cow̃ntar̃ Nacom”, naca jei barapo diwesitha.

## 5

### *Meje yabara poxonae xua waxainchi j̃nt̃ coyene amanayabatsi pomona jopa pejume cow̃ntsiwi*

<sup>1</sup> Pon ba bichocono tsita xeina pejume cow̃ntsiwa Jesús pon xua jei: “Jesús apara bara bapon pon Nacom itorobica, pon Mesías jeichichi”, jei, bapon jame Nacom Pexanto tatsi naexana. Daxita pomona antobe Nacom xua paxatha, barichi barapomona muxuna antobe Nacom pia pexui tatsi pomona ir̃r̃ pejume cow̃ntsixae. <sup>2</sup> Poxona waxainchi Nacom antobetsi xuano exainchi pocotsiwa Nacom pia peitorobi coyenewantha itoroba, bapoxona yaputainchi xua bara antobetsir̃ Nacom pia pexui tatsi. <sup>3</sup> Poxona Nacom antobetsi, bapoxona jume cow̃ntsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana. <sup>4</sup> Daxita pomona Nacom piamona tatsi, barapomona j̃nt̃ coyene amanayaba pontha pon jiwi j̃nt̃ coyene itorobatsi po cae pin nacuathepiwi xua abe peexanaewa tsane. Wajume cow̃ntsi coyenewa Nacomtha, barapo coyenewatha naca yawena xua waj̃nt̃ coyene amanayabiwa pontha pon jiwi j̃nt̃ coyene itorobeibatsi po cae pin nacuathepiwi xua abe peexanaewa tsane. <sup>5</sup> Saya pomona jame jume cow̃nta, xua pejeiwa: “Jesús apara Nacom Pexanto tatsi”, jei, jame barapomona j̃nt̃ coyene amanayaba bapontha pontha pon jiwi j̃nt̃ coyene itorobeibatsi po cae pin nacuathepiwi xua abe peexanaewa tsane.

### *Meje yabara xua po diwesi Nacom Pexanto tatsi yabara*

<sup>6</sup> Bapon Jesucristo patopeica po cae pin nacuathe tsique. Poxonae bapon bautisabatsi, yawa poxonae naetotha tupa exanatsi, xua poxonae jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxonae bautisabatsi, bara yawa iru naca yaputane exana xua poxonae naetotha tupa exanatsi, yawa xua poxonae jana pichapabarena. Nacom pia Pejumope tuxaxu tatsi yabara paeba daxita baxua. Barapo Nacom pia Pejumope tuxaxu tatsi bara xaniyeya pepaebin. <sup>7</sup> Nacom naca yaputane exana xua Jesucristo bara Nacom Pexanto tatsi poxonae cueicueijeji acoibi po jumejobe peitaboco wetsica. <sup>8</sup> Barapo jume apara poxonae Nacom naca tsipaeba wajuntu coyenewatha. Yawano barapo jume po jume xua cueicueijeji poxonae Jesús bautisabatsi. Yawano barapo jume po jume xua cueicueijeji poxonae bara nama imoxoyo tupaena Jesús. Barapo acoibi jumejobe peburaya cuita caunuta xua jei: “Bapon Jesús apara Nacom Pexanto tatsi”, jei. <sup>9</sup> Ba jume cowantatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowantichi po coyene xua Nacom Pexanto yabara paeba. <sup>10</sup> Pon ba Nacom Pexanto tatsi jume cowantatsi, bapon ba pia juntu coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowantichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowantsiyo po coyene Nacom Pexanto yabara paeba. <sup>11</sup> Barapo jume, po jume Nacom Pexanto yabara paeba, barapo jume wajuntu coyenewatha jume tainchi, naca jeye: “Nacom peajuntu yapusawa naca cata po peajuntu yapusawa ataya tsiteca, po peajuntu yapusawa Nacom Pexanto tatsi pia xainya werena tapichapatsi”, jei barapo jume. <sup>12</sup> Pon ba Nacom Pexanto tatsi yawa popoinchi, bapon xeina barapo peajuntu yapusawa. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajuntu yapusawa, po peajuntu yapusawa ataya tsiteca.

*Meje yabara poxonae Juan muxu tsipaeba, poxonae imoxoyo nacobe weta xua tina*

<sup>13</sup> Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxeiname peantu yapusawa, po peantu yapusawa xua ataya tsiteca.

<sup>14</sup> Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae wucatsi pocotsiwa Nacom ichichipa, bapoxonae Nacom bara naca jume tane pocotsiwa yabara xua wawucaexae. <sup>15</sup> Tsipei yaputainchi xua Nacom naca jume tane poxonae wucatsi, daxota yaputainchi xua bara xeinatsi pocotsiwa wucatsi Nacom.

<sup>16</sup> Icha taneme xua ichun abe exana pon iru jume cowanta, xua ichitha pocotsiwa bapon exana jopa tupa naexanaeyo, bapoxonae Nacomtha tawucare bapon. Bapoxonae Nacom cana exana xua bapon xeina peantu yapusawa. Ichitha icha jiton abe exana pocotsiwa xua tupa naexana jopa catsipaebichi xua Nacomtha tawucame bapon.

<sup>17</sup> Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jopa tupa naca cana exanaeyo.

<sup>18</sup> Yaputainchi pon yawa popona Nacom xua pia Paxaxae, bapon jopa exanae ducua-naebiyayo abe peexanae cuiru coyenein, tsipei Nacom Pexanto tatsi yawena xua bapon yawenatsi. Matautano caurimonae pia pentacaponaein tatsi jopa itacupaetsi xua bapon peitorobiwatsi xua abe peexanaewa tsane. <sup>19</sup> Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane. <sup>20</sup> Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Matautano yawa



jinompatsi Nacom Pexanto tatsi, pon pexainyein, pon Jesucristo. Barapo Nacom pexainyein pon naca cata peantayarusawa, po peantayarusawa xua ataya tsiteca.

<sup>21</sup> Tamonaē pam, jopa pajume cowantsinde ibo nacomān.

Baja Juan.

## Meje Po Carte Juan Epatotha Tatina, Pomonae Jesucristo Pejume Cowuntsiwi Tatinatsi. Barapo Carte Epatowa Carta.

### *Meje xua pexainyei diwesi yabara, yawano peantobe diwesi yabara*

<sup>1</sup> Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowuntsixaem. Nacom paca itapeta painya paca exanaenexa piamonae. Irũ tatinan pomonae paca barũ nacaetuta pomonae be painya pexui natsicotane. Xaniwaicha betiya paca antobetsi painya neyaputaexae pexainyeiwa. Mataũtano ichamonae paca antobe pomonae yaputane pexainyei jumein. <sup>2</sup> Xan bichocono paca antobetsi poxoru painya nejume cowuntsixae Nacom pia pexainyei diwesi tatsi. Barapo pexainyei diwesi wajũntũ coyenewantha cajinompeibatsi anoxuae, mataũtano xua ataya tsane. <sup>3</sup> Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa irũ Jesucristo Wanacanamataxeinaein pon Nacom Pexanto tatsi baponbe naca yawenabe. Baponbe naca yawenaena, mataũtano amanayiya baponbe naca yabara nantanuweya nanta xeinaena pia wanaca yawenaenexa. Mataũtano baponbe jũntema jinompa naca exanaena.

<sup>4</sup> Jũntũ coyene weiweinan tsipei painyamonaе jiwana cui tan, xua beta pejinompaewa. Barapo painyamonaе exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba. <sup>5</sup> Paxam, irũ painya nejume cowuntsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonae aena jume cowũntatsi. <sup>6</sup> Icha waxainchi Nacom antobetsi, barapoxonae bewa jume cowũntsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonae aena pajume cowũntame. Barapo peitorobi diwesi jume naca jeye: “Nantiya pana naantobeinde”, jei.

### *Meje yabara pomonae jiwi pemuxujainyabi jiwi*

<sup>7</sup> Po cae pin nacuathe jiwi ayei jinompa, pomonae jiwi pemuxujainyabi jiwi. Barapomonae jeye: “Nacom jopa itorobiyo Pexanto barapo cae pin nacuathe, pon pewũn Jesucristo xua pepa jiton naexana”, jei barapomonae. Pomonae xua bapocotsiwa paeba, bapomonae apara pomonae jiwi pemuxujainyabi jiwi yawa bapomonae Cristo abe peyabara paebiwichi. <sup>8</sup> Dota pam bũ caurimonae paca jũntũ coyene jũjũta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

<sup>9</sup> Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaũtsiyo Nacom xua be Paxa. Ichitha jame pon exana ducuaenaebiya pocotsiwa xua Jesucristo pia pecuidubi coyenewatha paeba, bapon jame nantaũta Nacom be Paxa, mataũtano nantaũta Jesucristo pon Nacom Pexanto tatsi. <sup>10</sup> Icha ichũn paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena. <sup>11</sup> Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara irũrũ abe exanarũ icha be bapon ichi pon ichũn pon pia botha petapatopaexaetsi.

*Meje yabara poxonaē xua Juan opi wetaba po carte*

<sup>12</sup> Ainya diwesiñ bequeiñ cataunxuae xeinan xua tapaca camuxu tsipaebiwa tsainchi, ichitha jopa beyabara tinaeinyo paperatha barapo diwesiñ. Daichitha ewatan xua tapaca cataewa tsainchi bexa, matautano xua tapaca catsipaebiwa tsainchi. Bapoxonaē wajantũ coyene weiweinaenexa tsainchi bichocono.

<sup>13</sup> Pomonaē irũ Nacom pejume cowantsiwi icha paxam paichim, pomonaē irũ Nacom itapeta, barapomonaē paca jacobā.

Baja Juan.

## **Meje Po Carte Juan Cotacaya Tatina, Pomonae Jesucristo Pejume Cowantsiwi Tatinatsi. Barapo Carte PetabꞰ Carucuae Carta.**

*Meje yabara poxonae Juan jꞰntꞰ weiweinaya tatina, Gayo tatinatsi*

<sup>1</sup> Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

<sup>2</sup> Pon tacaantobetsim, pon be tayapin tacanatsicotaeinchi irꞰ nejume cowantsixae Nacom. Nacomtha cata wꞰcatsi xua jꞰntema nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi. <sup>3</sup> Bichocono jꞰntꞰ coyene weiweinan poxonae ichamonae pomonae pejume cowantsiwi jiwana taxantha pata yawa netsipaeba. Barapomonae cayabara paeba xua pinae yajꞰntꞰ coyeneya popona ducuanabiyame Nacom pia pexainyei coyenewa tatsi. Bara xainyei bara barapo coyenewa exaname. <sup>4</sup> Dapocotsiwa aibi pocotsiwa jume tan pocotsiwa xua nejꞰntꞰ coyene weiweina exana beyacaincha xua poxonae jume tan xua tajiwimonae xaniwaicha beta jinompa Nacom peitabaratha tatsi pejume cowantsixae Jesucristo.

<sup>5</sup> Pon tacaantobetsim, pon be tayapin tacanatsicotaeinchi irꞰ nejume cowantsixae Jesucristo. Bichocono xanepanaya exaname xua Nacom nexa xua poxonae yawename pomonae Jesucristo pejume cowantsiwichi, mataꞰtano poxonae yawename pomonae icha nacuan werena pepatsiwi, pomonae bequein jopa neyaitae jiwi. <sup>6</sup> Barapomonae pomonae icha nacuan werena pepatsiwi pomonae Jesucristo pejume cowantsiwichi jeichichi: “Maisa bichocono pana antobe Gayo tsipei pana yawena”, jei barapomonae. CawꞰcatsi xua barapomonae equeicha neyawenaenexa xua pocotsiwa barapomonae nantawenona xua poxonae warapaena jinya neexanaenexa po coyenewa Nacom ichichipa bichocono. <sup>7</sup> Barapomonae ponarꞰcꞰpa xua Jesucristo petanacuichiwa tsainchi. Barapomonae jopa wꞰcaeyo pomonaetha pomonae jopa pejume cowantsiwi Nacom xua peyawenaenexatsi pocotsiwa penantawenonaewa. <sup>8</sup> Daxota bewa barapomonae yawenaetsi xua barapomonae barapara irꞰ barapomonae nanabarꞰ cueicuei-jeichi pexainyei jume diwesi.

*Meje yabara po diwesi xua Diótfefes abe exana xuano irꞰrꞰ Demetrio beta exana*

<sup>9</sup> Xan caena bayatha icha coyenewiyo tatinan Jesucristo pejume cowantsiwichi. Daichitha Diótfefes jopa jume cowantsiyo taitorobi coyenewa, tsipei barapomonae pomonae Jesucristo pejume cowantsiwichi pia xantha tatsi Diótfefes ichichipa naexana be pon pecanamataxeinaein. <sup>10</sup> Daxota icha ponaein nexainya beya, yabara catsipaebinchi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wꞰnae weyataeya wabeibiyo pomonaetha pomonae Jesucristo pejume cowantsiwichi. IrꞰrꞰ pomonae jiwi pententa weyataibiya wabeibiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

<sup>11</sup> Pon tacaantobetsim, pon be tayapin tacanatsicotaeinchi irꞰ nejume cowantsixae Jesucristo jopa acuicoyenebeya poponaeinde icha poxonae ichꞰn ichi xua acuicoyenebeya popona. Saya jame maisa beta exanaponde icha poxonae ichꞰn ichi xua beta exanapona. Pon ba beta exana pocotsiwa Nacom itoroba apara bara Nacom piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

<sup>12</sup> Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Iruru xan xanepanaya yabara paeban Demetrio. Matautano yaputaneme xua pocotsiwa paeban bara xainyei.

*Meje yabara xua Juan opi wetaba po carte*

<sup>13</sup> Xam Gayo ainya diwesi bequein cataunxuae xeinan xua tacamuxu tsipaebiwa tsainchi, daichitha jopa beyabara tinaeinyo paperatha barapo diwesi. <sup>14</sup> Bara nama methaunxuae catayopiyaeinchi nexata bapoxonae wanatsipaebiwa tsanebe.

<sup>15</sup> Bara Nacom junte ma popona caexanaena. Pomonae xote jinompa pomonae be jinya jiwimonae, barapomonae cajacoba. Inta jacobare daxita wajiwimonae.

Baja Juan.

## Meje Po Carte Judas Tatina Pomonaetha Pomonae Jesus Pia Pejume Cowantsiwichi

*Meje poxonae Judas tamropata pitaba xua tatina pomonaetha pomonae bayatha Nacom waba xua pia pejume cowantsinexatsi*

<sup>1</sup> Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonae pam, pomonae bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom. <sup>2</sup> Barabꝰ Nacom jopa juniya paca yabara nanta xeinae tsane xua nantanuweya paca yabara nanta xeineibina pia paca cayawenaenexa. Matautano barabꝰ Nacom bichocono juntea jinompa paca exanaena. Matautano barabꝰ Nacom paca catsibina pia peantobe coyenewa painya neyawa muxuna jinompaenexa.

*Meje yabara xua pomonae pemuxujainyabiya cuidubi jiwi*

<sup>3</sup> Paxam pomonae bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanae cuiru coyenein weya. Barapo coyenewatha Nacom necapaneparꝰ barapo coyene weya. Bequein ichichipan yabara pacata tinatsi baxua, daichitha anoxuae jopa neitacꝰpaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamonaetha paca atene exana painya nejume cowantsixae Jesús. Barapo pejume cowantsiwa Nacom caena bayatha caetha nacui coyene cata pijimonae, xua barapomonae xuya penacui coyene cacataponae ichamonaetha. <sup>4</sup> Bara barapocotsiwa paca tsipaebatsi, tsipei jiwi namichiya jinompa painya xantha pomonae pemuxujainyabiya cuidubi jiwi xua jopa pacui yaputaem pocotsiwa barapomonae exana. Caena bayatha barapomonae Nacom Pejume Diwesitha yabara tinatsi xua barapomonae pinae bewa atene tsane abe peexanaexae. Barapomonae peajunteꝰcoyenebe jiwi. Matautano barapomonae jiwi muxujainyabiya cuidubatsi xua pinae Nacom amanayiya capanepa jiwi pia peantobexae. Nacom peantobexae jiwi, daxota pinae Nacom copata xua jiwi bara abe peexanaenexa. Barapomonae yabara jume itaweta, poxonae po jumetha ba jiwi jeye: “Jesucristo, bapon yatsicaya compa pon Wanacaitorobin xuano Wanacanamataxeinaein”, jei.

<sup>5</sup> Bequein payaputaneme xua bayatha Nacom, pon jiwi Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonae tatsi Egipto nacua wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonae jiwamonae jutebatsi pomonae jopa pejume cowantsiwixatsi. <sup>6</sup> Matautano payaputaneme xua Nacom cana exana matatsunpiwitha. Barapo matatsunpiwi nacui barapenta pia peitorobi coyenewan bequein Nacom cata. Matautano barapomonae Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamaxꝰ cubiya jebinexatsi pequirei nacua beya, beya abꝰ poxonae po matabi tsane poxonae atene tsane poxonae Nacom yabara paebina daxita jiwi xua penatsicuentiwa xua abe peexanaexae. Barapo matatsunpiwi penaintontha maxꝰ cubebatsi, po penainton jopa weraweracaeyo. <sup>7</sup> Pacayabara nanta xeinare xua poxonae po tomarabetha Nacom cana

exana, po tomara pewun Sodoma yawa xua Gomorra, yawano xua poxonae ichaxota po tomarantha xua cuariyatha ena. Barapo tomaranpiwi abe exana xua poxonae cana siwainyameinta exana pebiwitha xua jopa be ichiyo xua pocotsi coyenewatha ba pebiwi cana exana yabuxitha. Nacom caunutsiya yabara paeba barapomonae xua barapomonae ataya tsitecaeya peraxa exainchi abe peexanaexae. Barapomonae naca tsita itapeinya xeina xua Nacom bara cana ichi tsane daxita jiwitha icha barapo tomarabepiwi cana ichichi.

<sup>8</sup> Ichitha pomonae anoxuae yabara paca tsipaebatsi, pomonae pemuxujainyabiya cuidubi jiwi, barapomonae abeya nanta xeina dubenanaebiya, xua poxonae baxua yabara amachinae tsurubenanaebiya. Daxota barapomonae pia pepon abeya taxoba exana dubenanaebiya. Barapomonae itaweta Nacom pia peitorobi coyenewa pon jiwi Pecanamataxeinaein. Matautano barapomonae abe yabara paeba Nacom pia matatsunpiwi. <sup>9</sup> Nacom pia matatsunpin, po matatsunpin matacapana icha matatsunpiwi, bapon pewun Miguel. Bapon Miguel najume matsontsonobabe caurimonae pia pentacaponaein tatsi. Yabara najume matsontsonobabe xua Moisés pia pepon xua jintam metha pinae xeinaena. Miguel jopa nanta xeinaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwi Pecanamataxeinaein atene cacana exanaena”, jopa jeyo, bara bequein itacupatsi xua pepaebiwa baxua. Saya jame Miguel jei: “Barabun Nacom caitawetsina”, jei Miguel. <sup>10</sup> Ichitha barapomonae pomonae pemuxujainyabiya cuidubi jiwi abe yabara paeba pocotsiwa barapomonae jopa yaputaeyo. Matautano barapomonae exana icha be pocotsi coyeneya ichichipa xua abe peexanaewa. Barapomonae baxua exana bequein jopa pexanepanaeyo taetha, icha duweimonae ichi xua poxonae exana be pocotsi coyeneya ichichipa. Daxota barapomonae pia coutha naajuntucoyenebe cana exana.

<sup>11</sup> ¡Jaibo, barapomonae tsobenae! Tsipei barapomonae Nacom jopa bejume cowantichi icha be ichi pon pewun Caín, pon caena bayatha peweicho bexuba, peweicho peuwixae. Matautano barapomonae catsibatsi paratixi xua ichamonae catsiba xua barapomonae abeya coyeneya pecuidubixae. Tsipei barapomonae bichocono pitaparatixichi icha be poxonae ichi pon pewun Balaam poxonae paratixi catsibatsi xua ichamonae catsiba xua Balaam abeya coyeneya pecuidubixae. Matautano barapomonae jiwi juntu coyene tsacabatsi xua jiwi naba peexanaenexa Nacomtha daxota barapomonae werapaena. Baxua exana icha be poxonae pon pewun Coré ichi poxonae jiwi juntu coyene tsacabatsi xua jiwi naba peexanaenexa Moiestha, xua bapoxonae Coré tupa xua bexotsi. <sup>12</sup> Poxonae paxam paexaname xua jiwi nacaetuta painya nenabanaenexa painya nenaantobexaem, barapomonae pomonae pemuxujainyabiya cuidubi jiwi paca caxinta pia peexanae coyeneintha. Barapomonae atsaquiya nabane, yawa atsaquiya apa. Saya jopa yabara nanta xeinaeyo ichamonae. Saya meisa barapomonae nayabara nanta xeina nawita. Poxonae barapo coyene exana, barapomonae abe paca cana exana. Po tsaquinaebowan ba xua jopa jiwi catichi mera, xua equeicha pin joibo tabun torota peira tsewi weya xua jopa peruneicaenexa tsane, barapo tsaquinaebowan ba jiwi jopa catichi mera, jiwi jopa yawenaetsi. Bara juta ichi barapomonae pomonae pemuxujainyabiya cuidubi jiwi. Bequein barapomonae pia coutha beta nayabara paeba, daichitha jiwi jopa yawenaetsi. Po naein ba xua jopa nacoichiyo pia matacabintha xua poxonae nacoiteiba barapo naein jiwi ba yatabaca jona tsipei jopa naein penacoichixae. Bara juta ichi barapomonae pomonae pemuxujainyabiya cuidubi jiwi, jiwi jopa beta xapain jinompa cana exanaetsi. Daxota jiwi itaweta barapomonae. <sup>13</sup> Ichamonae aura exanatsi poxonae barapomonae abeya cuiduba xua jopa jiwi peyawenaexaetsi. Barapomonae bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara juta ichi barapomonae saya jiwi aura exanatsi abe peexanaexae daxota jiwi cuenta

pona barapomonaē. Poxonaē opiteiton ba poton pia namton weya itaxanumeinyatsi saya pipato dubenanaēbiya ataya ichaxota pequireiwatha. Bara j̄uta ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom bebai tsane barapomonaē pia xainya weya ichaxota pequireiwatha xua bara ataya tsitecaeya tsane abe peexanaēxae.

<sup>14</sup> Barapomonaē pomonaē pemuxujainyabiya cuidubi jiwi yabara paebatsi, xua ich̄an yabara paeba pon pew̄an Enoc. Adán xeina seis poyobe pia pemomo susatopiwi xua napuna naexanapona beya poxonaē bapon naexana pon Enoc. Bapon Enoc pon caena bayatha Nacom pia nacua beicha caichatsi. Bapon Enoc yabara paeba barapomonaē pomonaē pemuxujainyabiya cuidubi jiwi, poxonaē cueicueijeji pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi bar̄a patopeica, bichocono pin bicheito matatsunpiwi. <sup>15</sup> Bapon bar̄a patopeica matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsicuentsiwa xua abe peexanaēxae. Matautano bapon yabara paebina xua pocotsiwa bapomonaē abe exana Nacomtha. Matautano bapon yabara paebina pocotsiwa barapomonaē Nacom abe peyabara paebiwatsi”, jei Enoc. <sup>16</sup> Barapomonaē pomonaē pemuxujainyabiya cuidubi jiwi ichawa beya daxita coyeneintha abeya yabara paeba. Xua daxita coyenein petsita aitacoyenebexaetsi daxota barapomonaē jopa j̄unt̄a coyene weiweinaya jinompaeyo. Matautano meisa yabara nanta xeina xua piawan meisa penata exanaewan. Barapomonaē peatsacae jiwi bichocono. Bara bequein barapomonaē beta paeba ichamonaētha, saya poxoru xua peyabara muxujainyabinexa xua ichamonaē peyabara muxujainyabinexatsi pocotsiwa xeina.

*Meje yabara xua Judas muxuweta pomonaētha pomonaē pejume cow̄antsiwi xua pejume cow̄antsiyainwa pemuxuitorobi diwesi*

<sup>17</sup> Equeicha paca tsipaebatsi pomonaē bichocono tapaca caantobewichi pam. Paxam bewa payabara j̄antanainaem pocotsiwa bayatha paeba pomonaē Jesucristo pon jiwi Pecanamataxeinaein pia peitorobi jiwi tatsi. <sup>18</sup> Barapomonaē paca jeye: “Pew̄naeya tsane poxonaē po dapaētha Nacom yabara paebina jiwi xua penatsicuentsiwa xua abe peexanaēxae copiya patsina pomonaē cui caponaena, pocotsiwa Nacom piawa tatsi baxua cui caponaeinchi. Matautano barapomonaē ichichipaeya exana dubenanaēbiyaena icha be pocotsi coyeneya ichichipa xua abe peexanaewa”, jei barapomonaē pomonaē Jesús pia peitorobi jiwi tatsi. <sup>19</sup> Pocotsimonaē baxua exana xua abe exana, bapocotsimonaē tsaba exana piamonaētha xua barapo bicheitobe nacasebabe. Barapomonaē pomonaē abe peexanaewi exana xua pocotsiwan ichichipa peexanaewa. Barapomonaē jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope t̄unax̄a tatsi.

<sup>20</sup> Ichitha nama paxam pomonaē bichocono tapaca caantobewichi pam. Bayatha painya nejume cow̄antsixaem Nacom, daxota awiya pana naj̄unt̄a coyene tsacabare. Awiya mataropeichiya painya nejume cocow̄antaponaenexa po pejume cow̄antsi coyeneya Nacom weya pona. Nacom pia Pejumope t̄unax̄a tatsi pia peayapus̄watha tatsi paw̄care Nacom. <sup>21</sup> Beta payaj̄unt̄a coyeneya jinompare Nacom pia peantobe coyenewa tatsi. Paw̄naē eware po matabitha poxonaē Jesucristo Wanacanamataxeinaein naca catsina peaj̄unt̄ayapus̄wa, po peaj̄unt̄ayapus̄wa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

<sup>22</sup> Ichamonaē pomonaē yabara ainya muxu pexeinaewi pemuxujainyabi diwesi barapomonaē payabara nantanuweya yawende painya neantobexae xua jopa pejume cow̄antsinexa barapo pemuxujainyabi diwesi. <sup>23</sup> Ichamonaē muxu pejume cow̄antsi barapo pemuxujainyabi diwesi. Nainya payawende barapomonaē painya neantobexae



xua Nacom pecapanenebiyaenexa bapo abe peexanae cuiru coyene weya pejume cowantsixae tsane Nacomtha. Panantanuweya yabara nanta xeinde ichamona, painya neyawenaenexa tsane painya neantobexae xua iru pejume cowantsinexa tsane Nacom. Ichitha dota pam xua abe painya neexanaeyainwa icha poxonae xua barapomonae ichi xua poxonae abe exana.

*Meje yabara xua Judas najume wetsiya wuna jainta Nacom*

<sup>24-25</sup> Anoxuae nama yabara paca tsipaebatsi Nacom pon pepa Nacom pon nacata compa. Bapon bichocono peyaputaein. Barapon Nacom Wanacacapanenebiyaein. Barapon pia peayarusu itorobiya coyenewatha paca yapu eenaena xua jopa abe painya neexanaewa tsane. Matauta Nacom paca cana exanaena xua juntu coyene xanepanaeya painya neumenaenexa tsane bapon peitabaratha tatsi. Matautano bapon paca cana exanaena xua bichocono painya nejuntu coyene weiweinaya neumenaenexa tsane bapon pia pexeinya peitupanae coicha itabaratha tatsi. Barapon Nacom waxainchi wuna jaintatsi Jesucristo pon Wanacanamataxeinaein petupaexae. Waxainchi jeichichi Nacomtha: “Barabu ataya tsitecaeya xeinaeya poponaename jinya pexeinya itupanae coicha yawa jinya neainya cui coyenewa. Matautano barabu ataya xeinaeya poponaename jinya neayarusu itorobi coyenewa, xuano xua jinya neayarusu exanae coyenewa. Daxita baxuan caena bayatha xeiname poxonae aena, xuano xua anoxuaeno xeiname yawano xua bexa tsane bara ataya xeinaename”, jeichichi Nacomtha. Je, bara ichi tsane.

Baja Judas.

## Meje Po Diboro Juan Tina Xua Yabara Tsiwanaya Tsita Itatatsi Pocotsiwa Exanaena Po Cae Pin Nacuathe

*Meje yabara po diwesi pocotsiwan xua Jesucristo Paxa tsita itatatsi xua pocotsiwan xuya Juan tsita itatatsi*

<sup>1</sup> Barapo diboroje xan Juan tinan. Pocotsiwan yabara tinan xua Nacom Jesucristo tsita itatatsi. Bara pocotsiwan Jesucristo xuya pijimonaetha tsiwanaeya tsita itata pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itatsinexa daxita baxuan xua imoxoyo bara exanaenaba. <sup>2</sup> Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba iruno xua Jesucristo paeba.

<sup>3</sup> Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Iruno pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

*Meje yabara xua Juan tatina pomonae pejume cowantsiwi, pomonae siete po matabuxumonaebe, pomonae nacaetuta xua Nacom wuna pejainchinexatsi*

<sup>4</sup> Xan, Juan, pacata tinatsi pomonae painya nejume cowantsiwi pam pomonae siete po matabuxumonaebe pam xua painya nenacaetutsi jiwi pam, xua wuna painya nejainchinexa Nacom. Paxam pomonae Asia nacuathe pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wucatsi Nacomtha xua painya nepaca juntu coyene weiweina exanaenexa tsane. Yawa pacata wucatsi xua Nacom paca yawenaena pia painya nepaca caantobexae. Yawa pacata wucatsi Nacom pia Pejumope tunaxu tatsi beya xua bapon baxuan pacata exanaena tsipei Nacom pia Pejumope tunaxu tatsi siete po pexeinya juntu coyenebe pexeinaein. Barapo Pejumope tunaxu Nacom peitabaratha tauncuatsi ichaxota Nacom eca pia pexeinya pecaethopaewatha. <sup>5</sup> Yawano pacata wucatsi Jesucristo xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupae coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitupa naetotha wanaca juntu coyene juntemainaenexa abe waexanae cuiru coyenewan. <sup>6</sup> Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeinya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

<sup>7</sup> ¡Matha pataema!

Cristo patopeicaena tsaguinaebowatha.

Daxita jiwi taena bapon

xua bapon taeinchi.

Iruru pomonae bapon cobe matatabarutatsi

naetotha bapon taeinchi.

Daxita nacuanpiwi, pomonae bapon jopa jume

cowantichi, daxita barapomonae juntu coyene

wecoyei tsane poxonae bapon taeinchi.

Je bara ichi tsane.

<sup>8</sup> Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaein, pon itoroba pia peayapusu itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

*Meje yabara poxonae Cristo pia peitapanae tsita itatsi coyenewatha tatsi Juan tsita itatsi*

<sup>9</sup> Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthatharewe exana xua poxonae jopa xapain pacata exanaeyo, anoxuae bara neichi. Jiwi anthatharewe neexana tsipei waxainchi Nacom piamonaetsi jiwanaetsi pomonae Nacom itorobiya ewata. Tsipei Jesucristo paca yawena daxota cataunxuae pajume cowanta dubenanaebiyame Nacom, iru xandu barichin. Jiwi pecabi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae. <sup>10</sup> Caentaqueitha, po mataqueitha peseicae mataqueitha bichocono Nacom pia Pejumope tuxa tatsi nejuntu coyene yuca exana. Tuxa werena jume tan pejume xua bichocono jume daunweya ajumetsaca be poxonae icha xua oba po peobiwa pewan trompeta. <sup>11</sup> Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wanae pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pergamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

<sup>12</sup> Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewan oro nain xua pentatutuntha itanacanoba. <sup>13</sup> Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cuta paparuwa po paparuwa bichocono pereca yawa juntacari jayatsinatsi yawa bichocono daedaena icha be oro nain ichi. <sup>14</sup> Pentanan tatsi bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto. <sup>15</sup> Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isototha nain boquiya. Pejume bichocono ajumetsa be poxonae xua ainya menein busin. <sup>16</sup> Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

<sup>17</sup> Poxonae bapon Jesucristo tan, imoxoyo iratha nabotaban bapon peitabaratha. Bara be tupaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane. <sup>18</sup> Xan ponxaein xua copiya bayatha tapoponaein. Bequein bayatha tapan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi taitorobeibinexa petupae coyene nacua beya. <sup>19</sup> Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename. <sup>20</sup> Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha

itanacanoba xua baxoyo pia xainya deca uncuana baxua yabara caunutatsi pomonae sietepo tomarabe matabaxu jiwu, pomonae Nacom pejume cowantsiwichi”, jei Jesucristo pon xua uncua.

## 2

### *Meje yabara xua po diwesi Juan tatina Efeso tomarapiwi*

<sup>1</sup> Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi sietepo opiteitobe tauncuatsi xuano xua uncua sietepo xoyobe pia xainya deca xua ichaxota pentatutuntha itanacanoba. <sup>2</sup> Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaibiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxitorobiwi. <sup>3</sup> Beta pana najuntu wunaetame. Matauta jopa paacoyenefaetabim, bequein ichamonae bichocono abe paca exana painya inta nacuichixaem. <sup>4</sup> Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. <sup>5</sup> Payabara nanta xeinare xua poxonae copiya pana nejume cowantame xua poxonae bichocono pana neantobem. Icha juntu coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Apra xua jan, daxita painya nenacaetutsi jiwu pam pana nenepentaponaename xua pata tana nejume cowantsiwam xua daxota jopa pana nejume cowantsim tsane jan. <sup>6</sup> Daichitha cae coyenewa ichichipan xua paexaname. Juntu coyene weiweinan tsipei pananta xeiname icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichocono abe peexanaewi. Xan iruru aichaxaibin xua pocotsiwa exana barapomonae. <sup>7</sup> Paxam pomonae painya nejume cowantsi jiwu pam. Icha pamuxu dubename, pajume naitaeware xua pocotsiwa Nacom pia Pejumope tñaxu tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajuntuyaruswa, po peajuntuyaruswa xua jopa weraweracaeyo, jei Nacom pia Pejumope tñaxu tatsi, jei Nacom Pexanto’, jande”, nejei Jesucristo pon xua uncua barapo sietepo xoyobe xua pentatutuntha itanacanoba xua baxoyo pia xainya deca tatsi.

### *Meje yabara po diwesi Juan tatina Esmirna tomarapiwi*

<sup>8</sup> Pon Jesucristo xua uncua equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: ‘Meje xua paeba pon xua daxita forota poxonae aena. Yawano bapon daxita wetsina xua bexa tsane. Bequein bapon bayatha tupa ichitha equeicha asu popona xua ataya tsitecaeya tsane. <sup>9</sup> Bapon jeye: Yaputan daxita xua pocotsiwan paexaname. Bara paca tainchi xua paanthutatanem poxonae xua ichamonae pacata abe exana. Bequein paca tainchi xua paacopeibim ichitha apra bara paxeinaename pocotsiwa bexa Nacom paca catsibina. Daxota paxam be copei pexeinae jiwu pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae u caurimonae pia pentacaponaein tatsi bapon piamonae tatsi. <sup>10</sup> Jopa pajunuwinde xua pocotsiwa ichamonae paca anthutane exanaena xua tsipei pacata

abe exanaena. Caurimonae pia pentacaponaein tatsi itorobina ichantha xua piraichi paca jiwana capanaena jiwí pecubi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanthathanem tsane diez po matabibe. Daichitha pana najantu coyene daunweya wunaere beya poxonae payacuiya werapaeya othopaename. Vapoxonae paxam paca catsibinchi xua be pentoma xua peantuyaruswa po peantuyaruswa xua jopa weraweracaeyo. <sup>11</sup> Paxam pomonae painya nejume cowantsi jiwí pam. Icha pamuxu dubename, moya pajume naitaeware xua pocotsiwa Nacom pia Pejumope tñaxa tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa ateneya werapae tsane, jei Nacom pia Pejumope tñaxa tatsi, jei Nacom Pexanto', jande", nejei Jesucristo pon xua uncu.

*Meje yabara xua po diwesi Juan tatina Pérgamo tomarapiwi*

<sup>12</sup> Pon Jesucristo xua uncu equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Pérgamo tomaramonae xua barapon petayorobinexa xua barapomonae peyorobinexatsi. Jande: 'Meje xua paeba pon pecoiboto tsina tapichapeinatsi cusi po wato nantiya baru ducuabe. <sup>13</sup> Bapon jeye: Bara yaputan xua daxita paexaname. Yawano yaputan xua painom-pame ichaxota caurimonae pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi. <sup>14</sup> Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonae xua painyamonae jiwana, pomonae barichi xua abe exana xua daxota jopa ichichipaeinyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacupatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabaxi. <sup>15</sup> Barichi pomonae painyamonae jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. <sup>16</sup> Daxota icha jantu coyene paxeinare. Icha jopa icha jantu coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina. <sup>17</sup> Paxam pomonae painya nejume cowantsi jiwí pam. Icha pamuxu dubename, moya pajume naitaeware xua pocotsiwa Nacom pia Pejumope tñaxa tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, barapomonae catsin po pexaewa pewan maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena wan xua ichamonae jopa wan taeyo. Saya meisa wan yaputaena pon xua catsin barapo iboto, jei Nacom pia Pejumope tñaxa tatsi, jei Nacom Pexanto', jande", nejei Jesús pon xua uncu.

*Meje yabara po diwesi Juan tatina Tiatira tomarapiwi*

<sup>18</sup> Jesucristo pon uncu equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: 'Meje xua

paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pewan bronze. <sup>19</sup> Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawenname ichamonae. Yawano yaputan xua saya beitatemaya juntea painompame poxonae bequein ichamonae pacata abe exana. Yawano yaputan xua anoxuae nawita paexanaponame beyacaincha xua poxonae copiya paexaname. <sup>20</sup> Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pewan Jezabel. Powa jei: Nacom nexa tapaewiwayon, jei. Daichitha tana nejume cowantsi jiwi muxitorobatsi. Barapowa Jezabel tamonae cuidubatsi xua bara nata siwa xeineibina yabuxi. Yawa bapowa cuidubano po coyene aichaxaibin xua tamonae jain itorobatsi xua tamonae xaena duwein, po duwein poxonae bexuba ibo nacom nexa. Barapo duwein jiwi cata ibo nacomtha poxonae wnae jainta pia ibo nacom. <sup>21</sup> Caena bayatha ewatan xua bapowa icha juntea coyene pexeinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba. <sup>22</sup> Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Iru ru pomonae xua bapowa abe nanabar ru exainchi barapomonae atene tsane exanaein xua icha barapomonae jopa nacui barapentsi tsane pocotsiwa bapowa cuiduba. <sup>23</sup> Yawano bapowa pia pexui tatsi tajutebin. Bapoxonae daxita pomonae Nacom pejume cowantsiwichi neyaputaena po coyene xua xan deta cou jiwi tanthath ru yaputaein daxita xua poxonae exaneiba yawa daxita poxonae xua nanta xeineiba. Bapoxonae daxita paxam barompaya paca catsibinchi be xua pentoma. Pomonae xua xanepanaya paexaname, xua wnae paca catsibinchi. Pomonae xua abe paexaname, xua peatenewa paca catsibinchi. <sup>24</sup> Paca tsipaebatsi daxita pam pomonae Tiatira tomarapiwi jiwana pam, xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabar ru nacuidubim pocotsiwa caurimonae pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube. <sup>25</sup> Daichitha awiya pana nejume cowanta dubenanaebiyama beya poxonae equeicha patopeicaein. <sup>26</sup> Awiya pajume cowanta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaenname. Pomonae baxua exanaena, barapomonae catsin taayapuru itorobi coyenewa xua peitorobeibinexa tsane po cae pin nacuathepiwi. <sup>27</sup> Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa peruruwixi, bara jata ichi tsane pomonae nejume cowanta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae. <sup>28</sup> Bapoxonae yawa paca catsibinchi po coyene xua tapaca bar ru poponaewatsi. Barapo coyene bichocono wnae tsane, icha jarawato ichi xua jiwi bichocono tsita wnaetsi poto mataquei pewanaeya ecoina. <sup>29</sup> Paxam pomonae painya nejume cowantsi jiwi pam. Icha pamuxu dubenname, moya pajume naitaeware xua pocotsiwa Nacom pia Pejumope tunax ru tatsi paca tsipaeba, jei Nacom Pexanto', jande", nejei Jesús, pon xua uncua.

### 3

#### *Meje yabara po diwesi Juan tatina Sardis tomarapiwi*

<sup>1</sup> Jesucristo, pon xua uncua siete xoyobe pia xainya deca xua ichaxota pentatuntuntha itanacanoba, equeicha nejei: “Barichinde tatinare pon Nacom Pejume Diwesi

pepaebin pomonaetha tana nejume cowantsiwi pomonae Sardis tomaramonae xua bapon petayorobinexa xua barapomonae petayorobinexa. Jande: ‘Meje xua paeba Jesucristo pon xua xeina siete po pexeinya juntu coyenebe, po coyenebe xua Nacom pia Pejumope tanaxu tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam. <sup>2</sup> Pana najuntu coyene tsacabare. Payawende pomonae tana nejume cowantsiwi xua pejuntu coyene wnae nexa, tsipei barapomonae be pewerapae wi pejuntu coyene natsepaexae. Paca tainchi xua pocotsiwa paexaname. Baxua jopa Nacom tsita wnaetsi. <sup>3</sup> Daxota pananta xeinare xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha juntu coyene paxeinare Nacomtha xua equeicha caewa painya nejume cowantsiwa tsane. Icha jopa baxua paexanaem tsane, bapoxonae nainya jemeicha patopaein paxamtha poxonae jopa payaputaem xua patopaein. Exanaein icha be pocotsin pon pecaibin ichi xua jemeicha patopa. <sup>4</sup> Daichitha paxeiname barapo tomaratha, Sardis tomaratha, pomonae tana nejume cowantsiwi. Barapomonae penthuthu xeicae jiwi. Jopa xeinaeyo po coyene xua peajuntucoyenebewa tsipei jopa abe exanaeyo. Barapomonae nebaru jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban. <sup>5</sup> Pomonae xua nejume cowanta dubenanaebiyaena xua beya yacui werapaeya othopaena barapomonae nama xatabina po paparuwan inyapana. Yawa pomonae wun dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa wun iquicaein tsane. Yawano wun yaputane exanaein Taxa Nacomtha yawano Nacom pia matatsunpiwi tatsi peitabarathano. <sup>6</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tanaxu tatsi paca tsipaeba, jei Nacom Pexanto’, jande”, nejei Jesus pon xua uncu.

### *Meje yabara po diwesi Juan tatina Filadelfia tomarapiwi*

<sup>7</sup> Equeicha Jesucristo pon xua uncu nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: ‘Nacom Pexanto tatsi, bapon bichocono pejuntu coyene xanepanaein Nacomtha xua jopa penatsicuentisiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonae David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonae itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonae bapon peboupa saranaxuba ichun jopa itacupaetsi xua peboupa xatataba. Yawa poxonae bapon peboupa xatataba ichun jopa itacupaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichun jopa itacupaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye: <sup>8</sup> Yaputan xua daxita paexaname. Xan copatan xua tajume diwesi pacaponame ichamonaetha. Ichun jopa itacupaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paajuntucoyenesum, daichitha awiya tajume diwesi pacueicueijam yawa jopa pana nepentsim xua painya tana nejume cowantsiwam. <sup>9</sup> Ichitha pomonae naerabiya jei: Paxan, judiomonae

pan, jei, barapomona, Satanás, caurimona pia pentacaponaein tatsi bapon piamona tatsi tsipei jopa benejume cowantsiyo. Xan exanaein xua barapomona patsina paxantha pentabocototha peumenaenexa tsane painya itabaratha wuna painya nepaca jainchinexa tsane. Bapoxona barapomona yaputaena xua xan tapaca caantobewichi pam. <sup>10</sup> Pajume cowantsiya exana dubenanaebiyama po coyene xua paca itorobatsi xua beitatemaya painompame xua jopa painya neaitaconaewa poxona bequein ichamona paca yabara abe exana. Daxota barapo matacabi, po mataqueitha poxona caurimona pia pentacaponaein tatsi daxita barapo cae pin nacuathe jiwi juntu coyene jujutinchi, poxona jiwi bichocono atene exanaeinchi bara paca capanenebiya exanaeinchi. Caurimona pia pentacaponaein tatsi juntu coyene jujutsina pomonaetha pomona Nacom pejume cowantsiwichi poxona bichocono atene exanaeinchi xua daxota Nacom jopa pejume cowantsiwa tsainchi. <sup>11</sup> Imoxoyo patopeicaein. Xaniwaicha beta paxeinare pocotsiwa xua tapana nejume cowantsiwam xua bexa Nacom paca catsina pocotsiwa paca juntana jeba pia nacuatheicha beta painya tana nejume cowanta dubenanaebiyaexaemxae. Jopa pacopatsinde xua ichan paca exanaena xua abe painya neexanaewa tsane xua daxota jopa painya nexenaewa tsane pocotsiwa paca juntana jeba pia nacuatheicha. <sup>12</sup> Pomona xua nejume cowanta dubenanaebiyaena barapomona bichocono juntu coyene ayapusa daunweya exanaein xua pepatsinexa tsane Nacom pia nacia beicha. Bapoxona bapana jopa pona tsane Nacom pia nacia weya. Bapoxona barapomonaetha catsin po wan Taxa Nacom pewan, xua jiwi peyaputaenexa xua barapomona apara Nacom piamona tatsi. Yawa catsin po wan pena Jerusalén tomara pewan, po tomara Nacom pia tomara tatsi ichaxota jinompa pomona peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawan, po wan pena wan. <sup>13</sup> Paxam pomona painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tanaxa tatsi paca tsipaeba, jei Nacom Pexanto', jande", nejei Jesús pon xua uncua.

### *Meje yabara po diwesi Juan tatina Laodicea tomarapiwi*

<sup>14</sup> Jesucristo, pon xua uncua siete xoyobe pia xainya deca xua ichaxota pentatuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi, pomona Laodicea tomarapiwi xua bapon petayorobinexa xua barapomona petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. <sup>15-16</sup> Yaputan daxita pocotsiwa paxam paexaname. Paxam paca tsipaebatsi xua be paichimje: Ichamona ba aichaxaibi xua apa poxona po mera mene tana xuano xua poxona aque aibi yawa poxona atou aibi. Bapoxona mene sutabina. Paxam be barapocotsi mera pana nacayabara tsicotaneme. Paxam conotha pana nejume cowantame. Jopa panepentsim xua pata tana nejume cowantsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowantame icha xua pebin ichi xua anaya mene sutabina tsipei mene tana. <sup>17</sup> Payabara paebame po coyene xua copei painya nexenaewi pam. Yawa payabara paebame po coyene xua painya coutha pana nayaweneibame xua jopa pacata acoibi tsaiyiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenae, paca yabara jeichi. Matautano jopa payaputaem xua paxam be pomona peacopeibiwi pana natsicotaneme. Yawano be pomona peitata nacutsi jiwi pana natsicotaneme. Yawano be pomona temasaina pana natsicotaneme. Apra xua jan: Paxam be barapomona pam tsipei jopa beta painya juntu coyenewatha pana nejume cowantsim. Yawa jopa beta painta naculichim, jan. <sup>18</sup> Daxota paca tsipaebatsi. Pana necomocare po penainwan pewan oro nain



po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexeinaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Matautano pana necomocare pewuwa tabotsinexa painya itamaiqueitha bapoxonae beta pataename. Apara xua jan: Pana newucare xua poxonae po coyene xua beta paca juntu coyene exanaeinchi xua jopa painya nexeinaewam tsane painya juntu coyeneintha, pocotsiwa xua abe, jan. <sup>19</sup> Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowunde yawano icha juntu coyene paxeinare. <sup>20</sup> Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana nabaru xanbe pia bothaxae. <sup>21</sup> Taxa jume cowanta ducuaenaebiyen xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowantsiwi. Pomonae nejume cowanta dubenanaebiyaena xua itoroban, xua beya yacui werapaeya othopaena, barapomonae copatsin xua peenaenexa ichaxota imoxoyo pexeinya taequeibithopeibiwa inta uncua. <sup>22</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tuxaxu tatsi paca tsipaeba, jei Nacom Pexanto', jande", nejei Jesús pon xua uncua.

## 4

### *Meje yabara po diwesi xua xuan Juan tsita naitatatsi peitabocotha*

<sup>1</sup> Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po peobiwa pewun trompeta. Bapon Jesús nejei: "Anetha tsinande taxainya betsina. Catsita itatsinchi xua pocotsiwa bexa tsane exanaena", nejei Jesús.

<sup>2</sup> Bapoxonae nama bichocono Nacom pia Pejumope tuxaxu tatsi nejuntu yuca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota. <sup>3</sup> Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewun jaspe, yawa be pocotsi iboto pewun cornalina. Yawano matawacaicha matatsun uncueicatsi coinwawa. Barapo coinwawa bichocono sajeya pentha exana icha iboto ichi pocotsi iboto pewun esmeralda. <sup>4</sup> Barapo pexeinya peecaethopeibiwa pia matawacaicha tatsi, tan icha peenaethopeibiwon veinticuatro po peenaethopeibiwon xoyobe. Barapo peenaethopeibiwon ena pitiri jiwi xua matauta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewun oro nain. <sup>5</sup> Barapo pexeinya peecaethopeibiwa weya be yamuxu busi xua jurujerei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tuxaxu tatsi xeina siete po pexeinya juntu coyenebe. <sup>6</sup> Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosibu muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asu. Barapo cuatro poyobe nantiyan itamaiquei dubena peitabara weyano yawa peuma werenano. <sup>7</sup> Barapo cuatro poyobe jiwana xua xuan asu, pon copiya be neuthu itabara, iru ichun be vaca pebto itabara, iru ichun be jiton itabara, iru ichun be cotsara itabara, pon pepupunaein. <sup>8</sup> Barapo cuatro poyobe daxita barompaya xeina seis po cuarafeinbe.

Matautano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueijei Nacomtha pon xua eca barapo pia peecaethopeibiwatha, jeye:

“¡Xam pon bichocono nejuntũ coyene xanepanaem, xua bapana jopa nexeinaewa abe peexanaewa!

¡Xam pon jiwi Necanamataxeinaem!

¡Xam Nacom, pon neayapusũ itorobi coyenewa xeiname!

¡Xam pon caena bayatha poponeibame xuano xua anoxuae poponeibame xuano xua bexa

ataya tsitecaeya poponaename!”

jei barapo cuatro poyobe poxonae cueicueijei Nacomtha.

<sup>9</sup> Pon xua pexeinya pia peecaethopeibiwatha eca, pon xua ataya popona, bapon wũnae jaintatsi, barapo cuatro poyobe wũnae jainta. Baxua exana tsipei bapon pexeinya juntũ coyene pexeinaein, matautano tsipei bapon ainya cui coyenewan peexanaein. Matautano bapon jeichichi: “Maisa pajuntũ coyene weiweinan pocotsiwan pata tana necatsixaemxae”, jeichichi bapon. <sup>10</sup> Poxonae barapo cuatro poyobe wũnae jainta, bapoxonaerũ pitiri jiwi xua veinticuatro poyobe xua barompaya pia peenaethopeibiwatha ena, barapomonaerũ pentabocototha umena xua wũnae pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonaerũ jeba pon ataya pepoponaein peitabaratha tatsi. Bapoxonaerũ jeye:

<sup>11</sup> “Pata Tanecanamataxeinaem, yawano xam pata Nacom.

Maisa wũnae xua paexana dubenanaebiyã

ichamonaetha pata yabara cueicueijeinexa

jinya pexeinya juntũ coyene yawa jinya

pexeinya ainya cui coyenewan, yawano

jinya neayapusũ itorobi coyenewa.

Baxuan paexanan tsipei xam daxita forotame.

Tsipei xam neichichipaexae daxota baxuan

forotame”, jei barapo pitiri jiwi.

## 5

### *Meje yabara po diwesi xua poxonaerũ Juan tane Nacom pia diboro*

<sup>1</sup> Bapoxonaerũ tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matũba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa.

<sup>2</sup> Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pejuntũ coyene xanepanaein pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon.

<sup>3</sup> Ichitha dapocotsin aibi pon itabocototha popona, irũ pon xua popona po irathe, irũrũ pon popona po ire peũma bereca. Tsipei dapon aibi pon bichocono pejuntũ coyene xanepanaein xua pontha pon Nacom copata xua peitacũpaewatsi xua pepataxubiwa tsane yawa xua peyorobiwa tsane barapo diboro.

<sup>4</sup> Bapoxonaerũ bichocono wecoyan tsipei dapon aibi pon xua bichocono pejuntũ coyene xeicaein xua pon itacũpatsi pepataxubiwa tsane yawa xua peyorobiwa tsane barapo diboro.

<sup>5</sup> Bapoxonaerũ caein barapo pitiri jiwi, nejei: “Jopa equeicha wecoyande. Tsipei pon uncuã pon wũn dutatsi: ‘León’, jei xua po wũn jei:

'neutha', jei bapontha Nacom copata xua exana baxua tsipei pia peayapusu itorobiwa canamataxeina. Apará bapon Judá piamonae jiwi jiwana tatsi, pon Judá caena bayatha tupa. Barichi bapon apará David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itacupatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asu poxonae tupa naetotha", jei pitirin.

<sup>6</sup> Bapoxonae tan Cordero xua oveja pebto penun, pon uncua Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya juntu coyenebe xua Nacom pia Pejumope tuxaxu tatsi xeina. Nacom najumope itoroba daxita iranthe. <sup>7</sup> Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha. <sup>8</sup> Poxonae Cordero pita barapo diboro, bapoxonae barapo veinticuatro pitiri jiwi, iru cuatro poyobe xua xuan asu daxita barapomonae pentabocototha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petanbabiwan pocotsiwan pewun arpa. Yawano barompaya xeina pocotsiwan pecaapaewan xua pocotsiwan pewun oro nain. Yawa barapo pecaapaewixitha wunba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomonae xua Nacom piamonae, pomonae pia peantobewichi tatsi. <sup>9</sup> Barapomonae pena wei naxuna, jeye:

"Xam maisa pon bichocono nejuntu coyene xanepanaein xua netsitsinaxubiwa barapo siete xoyobe xua catsataba barapo diboro.

Tsipei bayatha pana netsitupame poxonae painta pentoma exaname pata naexanaenexa tsane Nacom piamonae tatsi.

Yawano jiwana itapetame, pomonae tsicamonaexi xua daxita carepaya tsicamonaexitha xua necajume cowunsiwa tsane.

Matautano jiwana itapetame daxita i dapomonae, pomonae barompaya icha jume penatsipaebiwa.

Matautano daxita carepaya tomaranpiwi jiwana itapetame.

Matautano daxita carepaya nacuanpiwi jiwana itapetame.

<sup>10</sup> Pana necana exaname be pomonae jiwi itorobiya pia pepa peewatsiwichi tatsi pan.

Yawa pana exanamenno be pomonae sacerdotemonaepiwi pan xua Nacom pata tanacuichinexa.

Yawano pana exaname pata itorobiya ewatsinexa po cae pin nacuathepiwi", jei barapomonae poxonae naxuna.

<sup>11</sup> Bapoxonae necotan, yawan jume tan xua bichocono pinmonae juinya pomonae Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua

juinya matawacaicha umeinchi barapo cuatro poyobe xua xuan asu. Pomonae jume tan bichocono ayei jiwi casujei. <sup>12</sup> Bapoxonae barapomonae bichocono jume daunweya paeba, jeye:

“¡Cordero, po Cordero bayatha jiwi tsibexotsi  
abe pia peexanae coyenewan tatsi,  
maisa barapo Cordero Nacom tsita  
juntu coyene xanepanatsi!

Daxota Nacom copata xua bapon xeina

pia peayapusu itorobi coyenewa.

Matautano Nacom copata xua bapon xeina

daxita pocotsiwan xua Nacom xeina.

Yawano xeina pia peyaputae coyenewan.

Yawano xeina pia peayapusuwa xua

daunweya peexanaewa.

Matautano jiwi bewa baru cui

itura jinaena barapon pon Cordero.

Matautano jiwi bewa wuna jainchina

barapon pon Cordero.

Matautano jiwi bewa beta exanae juntu

coyene weiweina peexanaenexatsi bapon xua

petsitupaexae jiwi abe pia peexanae cuiru

coyenein tatsi”, jei barapo matatsunpiwi.

<sup>13</sup> Yawano equeicha jume tan daxita pomonae caena bayatha Nacom forota: pomonae peitabocotha forotatsi, irano pomonae po cae pin nacuathe forotatsi, irano pomonae po ire peuma wetsina forotatsi. Yawano jume tan xua pocotsiwan pin mene mar mentha jinompa. Daxita baxuan carepaya Nacom forota. Jume tan xua jeye:

“Xam Nacom, pon ecame jinya pexeinya

neecaethopeibiwatha irano xam Corderom,

barabu ataya juntu coyene weiweina

paca exanaenabe xua jiwi juntu coyene

weiweina paca exanaenabe xua

pocotsiwa painya neexanaexaebe.

Barabu daxita jiwi paca baru cui

itura jineibinabe.

Yawano barabu daxita jiwi wuna

paca jainteibinabe.

Yawano barabu paxeineibinamebe peayapusuwa

xua daunweya painya neexaneibiwabe.

Daxita barapo coyenein ataya tsitecaeya

paxeineibinamebe”, jei daxita

barapomonae, pomonae Nacom forota.

<sup>14</sup> Barapo cuatro poyobe xua xuan asu, jeye: “¡Bara bara, bara baxua exanaena!” jei. Pitiri jiwi, pomonae veinticuatro poyobe, pentabocotha umena, xua Nacom wuna pejainchinexatsi, pon ataya tsitecaeya popona.

## 6

### *Meje yabara po diwesi xua siete xoyobe xua xuan pecatsababawan*

<sup>1</sup> Bapoxonae tan poxonae Cordero tsitsinaxuba caewa xua catsataba. Bapoxonae caein jiwana pomonae cuatro poyobe xua xuan asu jume tan xua daunweya paeba xua be yamuxu busi, nejei: “¡Anetha, taema!” jei. <sup>2</sup> Bapoxonae tan cawayu pemaian. Pon

cawayutha equeica, bapon bicheibi caequeica. Bapon pexeinya tepa catatsi penamata xatatsinexa. Bapon cawayutha ponataba xua beta penabinexa. Bapon amanayaba pia peaitafaetabiwichi.

<sup>3</sup> Poxonae Cordero equeicha tsitsinaxuba icha pecatsatabiwa, bapoxonae barapo cuatro poyobe jiwana xua xuan asu jume tan, nejei: “¡Anetha, taema!” jei. <sup>4</sup> Equeicha patopa ichun cawayu petsobian. Pon tsijuma equeica, bapon catatsi peayapusu itorobi coyenewa xua jiwu pejuntu coyene wepuxana exanaenexatsi po coyene xua junte ma pejinompaewa. Yawano peexanaenexa xua pebiwi penajutebinexa. Matautano bapon pin dejona catatsi.

<sup>5</sup> Poxonae Cordero equeicha tsitsinaxuba icha pecatsatabiwa, bapoxonae equeicha barapo cuatro poyobe jiwana xua xuan asu jume tan, nejei: “¡Anetha, taema!” jei. Equeicha cawayu tan petsaebian. Pon tsijuma equeica, bapon comaequeica pocotsiwa pepesabiwa. <sup>6</sup> Bapoxonae barapo cuatro poyobe pia xantha jume tan xua nejei: “Saya cae kilo trigo xu cae denario nantomatsina, pocotsi paratixi xua nantomata caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

<sup>7</sup> Barapoxonae barapo cuatro poyobe xua opi ducuanaya jume tan yawa nejei: “¡Anetha, taema!” jei. <sup>8</sup> Bapoxonae cawayu ichun tan pon na daena. Pon tsijuma equeica wun dutatsi: “Pon Petupaen”, jei. Barapo cawayu peputha tapoinchi ichun cawayu. Pon tsijuma equeica wun dutatsi: “Petupaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinexabe poxonae cuatro poyobe necotabe pomonae po cae pin nacuathe jinompe, yawano xua pejutebinexabe poxonae jiwu naba, yawano pejutebinexabe poxonae jiwu piyain poxoru pexaewa aibi tsane, yawano pejutebinexabe poxonae jiwu atene, yawano pejutebinexabe unupiwi xua xuan bichocono anaepana.

<sup>9</sup> Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae. <sup>10</sup> Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwu, Nacom ponxaem bichocono nejuntu coyene xeicaem. Xam ponxaem pocotsiwan yabara tsiwuna muxu dubame baxuan xaniwaicha exaname. ¿Eta poxonae exanaename xua poxonae jiwu yabara paebiname xua penatsicuentisiwa xua abe peexanaexae, xuano xua pana yantomatsiname xua nejutebinexa pomonae jinompa po cae pin nacuathe copiya pata tana nejutebixae?” jei barapomonae. <sup>11</sup> Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Abu cataunxuae paeware beya poxonae yacui opi ducuiya weraweracaena xua cataunxuae jutebaponaeinchi pomonae iru Cristo pejume cowantsiwi. Barapomonae jutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

<sup>12</sup> Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsobia tsanaya icha pejana ichi. <sup>13</sup> Opitei xua peitabocotha dubena othopeica po irathe tsique, icha be joibo ichi xua jubaba higuera nae xua pethei othothopeica. <sup>14</sup> Peitaboco aichurucuae icha be poxonae ichun ichi xua poxonae mata quiyontaba papera. Matautano demxuwana, petunaetonno equeicha ichawa bepoinya poxonae ira jijiyata. <sup>15</sup> Bapoxonae daxita

pomonae jiwí itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Irú pomonae pentacaponawé irú pomonae copei pexeinaewi, irú pomonae soldadomonae pia pentacaponawé xua pomonae jiwí peamanayabeibi jiwí daxita barapomonae nantsiyaba. Daxitarú pomonae pebusi cui tatayebeibiwichi irú pomonae xua saya penata exanaewi piawan nantsiyabarú. Ichamonae barapomonae jiwana ibo muthantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuwán itapatororon tsica. <sup>16</sup> Barapomonae demxuwán beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuyainwa xua pata neperaxa jubíya exanaeyainwa xua abe pata exanaexae. <sup>17</sup> Tsipei barapo matacabi patopa po mataqueitha daxita jiwí peraxa jubebínchi. Dapon aibi pon panepa barapo mataqueitha”, jei pomonae nantsiyaba.

## 7

*Meje yabara po diwesi xua Nacom itapa tina Israel pia pexui tatsi pia pemomoxi susato jiwánapiwi tatsi xua peyaitaenexa*

<sup>1</sup> Bapoxonae cuatro poyobe tan matatsunpiwi xua iratha umena. Ichán uncua ichaxota pocotsiwa xometo weecoina, ichán uncua ichaxota pocotsiwa xometo bejopiya, ichánbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. <sup>2</sup> Barichi ichán tan ichán matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusú itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peayapusú itorobi coyenewa xeina xua itacupatsi xua abe exanaena pin mene mar mentha yawa iratha. <sup>3</sup> Barapo matatsunpin jeye: “Jopa abe paexanaeinde iratha yawa pin mene mar mentha, paeware abú beya poxonae jiwí paitapa tinaein Nacom pia pejume cowhntsiwichi, pon pata Nacom”, jei barapo matatsunpin.

<sup>4</sup> Jume tan barapomonae yabara, xua ichán jeye: “Ciento cuarenta y cuatro po jiwimonaebe paitapa tinan xua Israel pia pemomoxi susatomonae jiwana tatsi”, jei. <sup>5</sup> Barapo Israel pon icha wán Jacob. Bapon xeina doce po pexantobe tatsi pomonae caena bayatha werapa. Israel pia pexanton tatsi pia pemomoxi susato jiwí tatsi xeina. Pon Judá, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon Rubén, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon Gad, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. <sup>6</sup> Pon Aser, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon Neftalí, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon Manasés, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. <sup>7</sup> Pon Simeón, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon Leví, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon Isacar, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. <sup>8</sup> Pon Zabulón, barapon pia pemomoxi susato jiwánapiwi tatsi Nacom itapa tina saya doce mil pomonae matabuxhmonaebe. Pon José, barapon pia pemomoxi susato jiwánapiwi tatsi Nacom itapa tina saya doce mil pomonae

matabuꝑꝑmonaebē. Pon Benjamín, barapon pia pemomoxi susato jiwaniꝑiwi tatsi Nacom itapa tina saya doce mil pomonae matabuꝑꝑmonaebē.

*Meje yabara po diwesi xua pomonae juma xatabatsi pemaĩnya paparuwan*

<sup>9</sup> Bapoxonae equeicha tan ichamonae pomonae bichocono jiwi ayei. Daxita nacuan-ꝑiwi jiwaniꝑmonae, yawano daxita carepaya tsicamonaeꝑiwi jiwaniꝑmonae, yawano daxita carepaya icha jumexitha peꝑaeꝑiwi jiwaniꝑmonae, yawano daxita carepaya tomaran jiwaniꝑmonae. Daxita barapomonae umena ichaxota imoxoyo Nacom pia peꝑeĩnya peecaethoꝑeꝑiwi, yawa xua Cordero peitabaratha tatsi. Barapomonae bichocono pin bicheito xua ichamonae jopa itacuꝑaetsi peununaewa. Daxita barapomonae juma xatabatsi pemaĩnya paparuwan. Yawano barapomonae pecobetha cajijinca xua be coichaxu axu. <sup>10</sup> Daxita barapomonae jume daunweya jeje:

“¡Wanacom pon xua eca pia peꝑeĩnya  
peecaethoꝑeꝑiwatha yawano Cordero pon uncua,  
naca capanepa xua jopa waatenewa tsane  
xua abe waexanaexae!” jeĩ barapomonae.

<sup>11</sup> Barapo matatsunꝑiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poꝑobe xua xuan asu matawacaicha yatoxoroto umeinchi. Yawano cuatro poꝑobe xua xuan asu matawacaicha yatoxoroto umena xua Nacom pia peꝑeĩnya peecaethoꝑeꝑiwi matawacaicha yatoxoyoroto umeinchi. Bapoxonae barapo matatsunꝑiwi irabe taeumendeca barapo peꝑeĩnya peecaethoꝑeꝑiwi peitabaratha. Yawano Nacom wuꝑnae jaintatsi. <sup>12</sup> Barapo matatsunꝑiwi jeje:

“¡Barabu Nacom juꝑntu coyene weiweina  
exaneibatsi pocotsiwa xua beta waexanaewa!

¡Bara ichi tsane!

¡Barabu daxita jiwi wuꝑnae jainteibina Nacom!

¡Matautano barabu Nacom xeineibina

pia peꝑaputae coyenewa!

¡Matautano barabu jiwi jeĩ tsaibi:

‘Nacom maisa ꝑajuꝑntu coyene weiweinan  
xua amanaya pata tana neyawenaemxae’,

jeĩ tsaibi jiwi!

¡Barabu daxita jiwi cayabara

baru cui itura jineibina!

¡Matautano barabu xeineibiname jinya neayapusu

itorobi coyenewa, xuano xua xeinaename jinya

neayapusuwa xua daunweya neexanae coyene!

¡Baxuan barabu ataya xeinaename!

¡Je bara ichi tsane!” jeĩ barapo matatsunꝑiwi.

<sup>13</sup> Barapo pitiri jiwi jiwana caein neyainyaba, nejei: “¿Jintam barare pomonae pemaĩnya paparuwa nama xataba? ¿Eta werena pona?” nejei pitirin. <sup>14</sup> Jume notan, janje: “¡Pon pentacoponaem, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajuntemaina, tsipei barapomonae jume cowantatsi xua pon tsitupa barapomonae, pon ‘Cordero’ baraichichi. Barapomonae juꝑntu coyene wuꝑnae exanatsi Nacom. Yawa pemaĩnya paparuwa jume xatabatsi”, nejei pitirin.

<sup>15</sup> Equeicha nejei pitirin:

“Daxota barapomonae umena ichaxota imoxoyo  
Nacom pia peꝑeĩnya peecaethoꝑeꝑiwi.

Barapomonaē tanacuita dubenanaēbiya Nacom  
mataqueitha, yawa merawithano Nacom pia  
pin botha tatsi xua pia nacuatheicha tatsi.

Pon xua eca pia pexeinya  
pecaethopeibiwatha bapon eenequeibina  
barapomonaē, tsipei baru popona.

<sup>16</sup> Bapoxonaē barapomonaē jopa piyainyo,  
yawa jopa pia meratsino,  
yawa jopa tsaquiwichi xometotha  
xua bichocono jainchi.

<sup>17</sup> Barapo coyene jopa abe exanaeyo  
barapomonaētha, tsipei Cordero Nacom  
Pexanto tatsi, pon uncua ichaxota  
imoxoyo Nacom pia pexeinya  
pecaethopeibiwatha, bapon yawena  
xua barapomonaē yawenatsi.

Barapon Cordero barapomonaē beta yapu  
eenaēinchi, icha be poxonaē  
pon ovejan peewatsin ichi  
poxonaē pia ovejan matacapona beta  
ichaxota penaton mene, po meran  
mene xeica, xua peasuwa tsane.

Bapoxonaē barapomonaē Nacom itacuere  
mene tsewa exanaena xua pewecoyeixaē”,  
nejei pitirin.

## 8

### *Meje yabara po diwesi xua siete po pecatsatabiwa xua tabu ducua*

<sup>1</sup> Poxonaē Cordero tsitsinaxuba siete po cuiyobetha xua barapo diboro catsataba,  
bapoxonaē peitaboco moya ducua saya be ainya dapaeyobe. <sup>2</sup> Bapoxonaē tan si-  
ete poyobe matatsunpiwi, pomonaē xua umena Nacom peitabaratha tatsi. Barapo  
matatsunpiwi daxita barompaya catsibatsi siete xoyobe xua pocotsiwan pecaobiwan,  
po pecaobiwan pewan trompeta. <sup>3</sup> Bapoxonaē pirapaeyo patopa ichan matatsun-  
pin. Barapo matatsunpin capatopa xua be coroto xua pocotsiwa oro nain coroto.  
Barapo oro nain corototha boca petuxuei tsapato xua petautsinexa Nacom nexa.  
Barapoxonaē barapo matatsunpin yatabotsiya tautabota xua ichaxota pocotsiwa be  
pexaethopaewa, bichocono tuxuei tsurucuae. Barapo matatsunpin uncua ichaxota  
pocotsiwa be pexaethopaewa ichaxota tauteiba petuxueiwan, po petuxueiwan xua  
tuxusi exaneiba Nacom nexa. Bapoxonaē barapo matatsunpin catatsi nawita xua  
petuxueiwan. Pomonaē Nacom peantobewixaetsi poxonaē tsipaēbeiba Nacom, barapo  
jumein yawa muxuna jujuinya Nacom beicha barapo petuxueiwa xua poxonaē tauta.  
Baraxua xua be pexaethopaewa ichaxota xua tauteiba petuxueiwan, baxua Nacom pia  
pexeinya pecaethopaewa itabaratha tatsi uncua. <sup>4</sup> Barapo petuxuei tuxusi mureiwa  
matatsunpin pia maxu wetajujuinyatsi Nacom peitabara beya yawa athabe muxuna  
jujuinya pejume, po jume xua jiwi poxonaē tsipaēba Nacom. <sup>5</sup> Bapoxonaē barapo  
matatsunpin barapo oro nain coroto pita, yawa barapo corototha bichocono wanca  
exana iso itere, po itereton xua taxua barapo petuxusi exanathopeibiwatha. Bapox-  
onaē daxita baxua po irathe xuba, bapoxonaē yamuxu busi, yawa jerajerei, yawa ira  
jjiyatano po cae pin nacuathe tsique.

### *Meje yabara po diwesi xua trompeta xua pecaobiwan*



<sup>6</sup> Barapo siete poyobe matatsunpiwi daxita barompaya nacui wanaeta pia trompetan xua peobinexa.

<sup>7</sup> Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

<sup>8</sup> Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo. <sup>9</sup> Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

<sup>10</sup> Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira baxupana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira baxupana mentha. Icha ira baxupana menthabe jopa daichiyo. <sup>11</sup> Barapo pin opiteito wan dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

<sup>12</sup> Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

<sup>13</sup> Bapoxonae pirapaeyo tan matatsunpin pon be cuiyausi xua juinya pupuna ducua-naebiya itabocotha. Bapon jume daunweya jeje: “¡Pai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

## 9

<sup>1</sup> Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin mathu deca xua ira bereca. <sup>2</sup> Bapoxonae bapon coibo saranaxuba. Barapo mathu coiboto tsina be pin tsuxu jujuina, po tsuxu icha pabi coicha tsuxu ichi poxonae pin pabi. Barapo tsuxu po irathe naquitaba exana yawa xometo naquitaba exanano. <sup>3</sup> Barapo tsuxu weya pupuna sure, xua daxita iranthe pupuna. Barapo sure catatsi, pocotsi coyene icha puto ichi xua poxonae naca cawata. <sup>4</sup> Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa

tsane jiwitha pomonae Nacom jopa itapa tinaeyo. <sup>5</sup> Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa bichocono atene icha be poxonae ichi xua poxonae ichan cawatatsi puto.

<sup>6</sup> Barapo mataqueitha, po mataqueitha jiwi bichocono atene tsane, cuinaya bewera-pabenaena ichitha jopa cuinaya werapabenaes tsane.

<sup>7</sup> Sure be cawayumonaein nacui wunaeta xua penabinexa. Barapo suremonaein mataina pocotsiwan be tepan be pocotsiwan penainton xuan pewan oro nain. Matauta peitabaran be jiwi itabaran. <sup>8</sup> Pentanan bichocono antanapiyiya be yabuxi, pewanon awanoyei be neuthu wanon. <sup>9</sup> Pia pepon tsebocon dubena be penain xuan baxota penayaewatsinexa, po penain pewan hierro nain matawan. Pecuarafein busin be cawayu busin poxonae cawayu cacuinaejjinca ainya naein xua cawayu pecaponae naexi xua penabiwa tsane. <sup>10</sup> Pebosoton be puton bosoton xua e dubena. Pia pebosotontha itacupatsi xua abe peexanaewa jiwitha xua beya poxonae cinco po xometobe. <sup>11</sup> Barapo suremonaein xeina pia pentacaponaein, po pentacaponaein peewatsin barapo pia pin mathu, po mathu ira bemathu taerucuaeca. Barapo matatsunpin pon suremonaein pia pentacaponaein tatsi hebreo jume wantha “Abadón”, jei. Seicaya griego jume wantha “Apolión”, jei. Barapo jume wantha jeye: “Pon Pecaewitaxubin daxita”, jei.

<sup>12</sup> Baxua weta xua copiya abe peexanaewan, ichitha awiya seica ainya peabe coyenewabe.

<sup>13</sup> Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijeji cuatro po pentetobe weya. Barapo cuatro po pentetobe umena pemaxuburutha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncuca. <sup>14</sup> Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonae maxu cubebatsi maxu isacapende xua pomonae umena ichaxota po mene pin mene, po mene pewan Eufrates”, jei. <sup>15</sup> Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui wunaetatsi xua po horathe nexa, yawa xua po matabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi. <sup>16</sup> Jume tan xua pia soldadomonaes yabara paeba xua pomonae bichocono ayei xainto bicheiton, jeye: “Bapon doscientos millones xeina po soldadomonaes cawayutha pona”, jei.

<sup>17</sup> Xua xuan tan cawayumonaein iche: Pomonae cawayutha eneica pentacaritha caji-jinca penain bocoton, petsobiwanno, yawa pesujeiwanno, yawa pedaedaenaewanno. Barapo cawayumonaein peitabaran be neuthu itabaran. Barapo cawayumonaein pecoiboton tsina iso itereton tajujuinatsi xua tsuxu tsobia, yawano icha tsuxuno xua coicha sujei. Yawano icha coicha po tsuxu coicha daena. <sup>18</sup> Pin bicheitomonae werapa tsipei barapo cawayumonaein pecoiboton tsina tajujuinatsi iso itere, petsuxuno xua sujei, yawa icha tsuxu po coicha bichocono coicha daena. Dos po bicheito cuntiyobe jopa daichiyo. <sup>19</sup> Barapo cawayumonaein pecoiboton tajujuinatsi pia peayapuswan tatsi yawano pebosoton tsinano. Barapo cawayumonaein bosoton be jomon matanaein. Barapo jomo matanaeintha jiwi abe exainchi.

<sup>20</sup> Ichitha ichamonae pomonae jopa werapaeyo barapo pewerapaewantha, barapomonae jopa pentsiyo abe pia peexanaes coyenewan. Matautano jopa barapentsiyo xua antobeya wanae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronce nainto nacom. Yawano wanae jainta ibo nacom. Yawano wanae jainta nae nacom. Barapo nacomunmonae

jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa. <sup>21</sup> Matautano jopa barapentsiyo xua ichamonae pejutebiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

## 10

### *Meje yabara po diwesi xua matatsunpin capona tsica dibiriyo*

<sup>1</sup> Xan ponxaein Juan, bapoxonae equeicha tan icha matatsunpin pon bichocono peayapusun xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsobia. <sup>2</sup> Tsica dibiriyo pecobetha capona xua itataduta. Po sito xua pecoxa weya pin mar mentha uncu, yawa po sito petsocona werena iratha uncu. <sup>3</sup> Bapoxonae bapon jume daunweya wawai be poxonae neuthu jume daunweya fiba. Poxonae bapon wawai, bapoxonae jume tan xua be jurujurei yamuxu siete po jumeyobe xua paeba. <sup>4</sup> Poxonae baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawun xeinare yawa jopa tinaeinde xua barapo siete jumeyobe xua be jurujurei yamuxu”, nejei.

<sup>5</sup> Bapoxonae barapo matatsunpin pon xua po sito pecoxa weya uncu pin mar mentha yawa xua po sito petsocona weya uncu iratha, bapon namaxu yoicha peitaboco beicha po maxu xua pecoxa weya. <sup>6</sup> Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncu. Bara xaniwaicha paeban bapon peitabaratha tatsi. Yabara tsiwuna muxu dutan: ‘Equeicha daxua aibi xua peewatsiwa’, jan”, je matatsunpin. <sup>7</sup> Equeicha barapo matatsunpin jeye: “Poxonae matabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jatsina xua daxita wetsina. Nacom wetsina xuan pocotsiwan caena bayatha Nacom yabara tsiwuna muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwuna muxu duta, baxuan jiwi jopa yaputaeyo poxoru jopa Nacom yatsicaewa tsita itatsiyo jiwitha”, je barapo matatsunpin.

<sup>8</sup> Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncu pin mar mentha, yawa uncu iratha po sito petsocona weya”, nejei. <sup>9</sup> Bapoxonae matatsunpin beya ponan yawa wucan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

<sup>10</sup> Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya. <sup>11</sup> Bapoxonae netsipaeba, nejei: “Xam bewa equeicha yabara tsiwuna muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, je xua pon netsipaeba.

# 11

*Meje yabara po diwesi xua dos ponbe, ponbe yatsicaewa Nacom pia petapaebinchibe xua petaexaebe pocotsiwa Nacom exana*

<sup>1</sup> Bapoxonae necata naeto pocotsiwa xua peepa canaabiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaabile. Yawano epa canaabile xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wanae jaintatsi, pomonae yatsicaewa Nacom peantobewichi. <sup>2</sup> Ichitha jopa pana epa canaabile, po pana pesato beya boca ichaxota Nacom pia pepa pin pia bo tatsi uncua. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. <sup>3</sup> Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwanae muxu dutsiya paebinabe jiwitha xua beya un mil doscientos sesenta po matabinbitha tsane. Baponbe jume xatatsinbe pocotsi paparuwa xua axan, xua jiwi nama xatabeiba poxoru wecoyei”, nejei matatsunpin xua Nacom tapaebatsi.

<sup>4</sup> Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewan Zacarías yabara tina olivo naebe, yawa yabara tina ainyawabe pocotsiwa petabayabeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabayabeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi. <sup>5</sup> Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peaitafaetabiwichi jiwitha. Barichi werapaena pomonae ichichipa xua baponbe abe peexanaewatsibe. <sup>6</sup> Baraponbe xeinabe pia peitorobi coyenewa xua itacupatsibe peitaboco acatsiwa tsanebe xua jopa ema peruneicaewa tsane. Baxua itacupatsibe xua exanabe poxonae baponbe po matabitha cataunxuae Nacom tapaebi ducunaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itacupatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

<sup>7</sup> Poxonae baponbe nacui wetsinabe xua tapaeba ducunaebiyabe xua Nacom tapaeba ducunaebiyatsibe, bapoxonae juinaena po matha pin matha tsina pon ayei pon bichocono abe peexanaein. Baraponbe be xua batsibe natsicotainchi yawa amanayabinchibe xua tupa peexanaenexatsibe. <sup>8</sup> Petupaeinbe saya pesatotha bocaenabe tomara namtotha, po pepa tomaratha ichaxota matha naetotha tupa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa iru Egipto nacuamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana. <sup>9</sup> Daxita pomonae tomarapiwi jiwana, iruno tsicamonaeyo jiwana, iruno pomonae barompaya icha jumexitha pecueicueijeji jiwi jiwana, iruno daxita pomonae nacuanpiwi jiwana, daxita barapo jiwimonae taeumenaena barapo petupaeinbe. Baponbe petupaeinbe bocaenabe acoibi po matabibe yawa xua equeicha bara caetono. Daxita barapomonae

pomonae taeumena, jopa copatsi tsane xua ichamonae bara petupaeinbe pemathuthu xubiwa tsainchibe. <sup>10</sup> Pomonae xua jinompaena po irathe jantemiya jinompaena xua petupaexaebe baponbe. Daxota daxita barapomonae jantu coyene weiweinaena, yawano daxota barapomonae nantiya nacatsibina pocotsiwan amanaya penacatsibiwana. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

<sup>11</sup> Ichitha poxonae yapu caewinaba acoibi po matababibe yawa xua equeicha bara caeto bocaenabe, bapoxonae equeicha Nacom asu exanaenabe. Bapoxonae asiya uncuaenabe. Daxita pomonae xua poxonae baponbe taeinchibe, bichocono junuwina.

<sup>12</sup> Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinaebowatha yawa pu taeumenaeinchibe pia peaitafaetabi jiwichi. <sup>13</sup> Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wanae jainchinchinchi, po Nacom itaboco beequiya.

<sup>14</sup> Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

*Meje yabara po diwesi poxonae xua matatsunpin xua pon siete poyobetha oba pia trompeta*

<sup>15</sup> Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi barapo cae pin nacuathe, anoxuae barapo peitorobi coyenewa Nacom pon Wanacanamataxeinaein piawa irano Mesías pon Nacom pia peitorobarecaein, bapon piawa tatsi. Baponbe daxita jiwi itorobiya ewatsinchi barapo cae pin nacuathe xua ataya tsane”, jei pomonae xua itabocotha jume daunweya wawai.

<sup>16</sup> Bapoxonae tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopeibiwatha, Nacom peitabaratha tatsi. Barapo pitiri jiwi pentabocototha irabe taeumendeca xua Nacom wanae pejainchinexatsi. <sup>17</sup> Barapo pitiri jiwi jeye Nacomtha:

“Xam pata Nacom, ponxaem jiwi Necanamataxeinaem pajantu coyene weiweinan xua pocotsiwa painta neexanaexae. Xam barapo pata Nacom, pon neayapusu itorobi coyenewantha neexanaein. Xam pon anoxuae ataya poponeibiname yawa xua caena bayatha ataya poponeibameno, yawano xua bexa tsane ataya poponeibinameno. Tsipei anoxuae po mataqueithe nama tamropata pitabame jinya neayapusu itorobi coyenewa xua tsita itatame xua poxonae daxita carepaya nacuanpiwi itorobiname.

<sup>18</sup> Daxita nacuanpiwi cacaseba, ichitha

anoxuae matabi patopa, po mataqueitha  
 bichocono anaya atene exanaename  
 barapomona abe peexanaexae.  
 Yawano barapo mataqueitha daxita jiji  
 yabara paebinae xua  
 penatsicuentiwa pomona xua wuna  
 peexanaewi iru pomona xua abe peexanaewi.  
 Daxita barapomona bayatha werapa.  
 Barapo mataqueitha iru pomona xua cata  
 nacuita, pomona jinya neitorobi jume pepaebiw,  
 iru pomona xua pejuantu coyene xanepanaewi,  
 barapomona matabu xumonaebe catsibinae  
 pocotsiwan xua bayatha juntana jebame  
 xua nematomatsiwan.  
 Barichi catsibinae pomonaetha pomona jopa  
 judiomona naexanaeyo pomona bequein bara  
 ichamona saya pecui pawimona, matautano  
 bequein bara ichamona peainya cui jiwimona.  
 Ichitha xam saya bara catsita najupa.  
 Matautano barapo mataqueitha daxita omeicha  
 atene exanaename pomona abe peexanaewi  
 barapo cae pin nacuathe”,  
 jei barapo pitiri jiji.

<sup>19</sup> Bapoxona Nacom pin pia bo tatsi nacoibo saranaxuba xua itabocotha. Barapo Nacom pin pia botha jiji tane pocotsiwa xua ichawa yanta xatatababota xua be caja. Barapo cajatha boca Nacom petinae diwesi, pocotsiwa xua Nacom yabara tsiwuna muxu duta pomonaetha pomona pia petanacuichiwichi pocotsiwa bexa Nacom taexanaena xua barapomona taexanaeinchi. Bapoxona yamuxu busi xua be jurujerei yawa jerajerei. Matautano ira jijiyata, yawano nawita othopeica xua dederawa, pocotsiwan benata poxona po eman ichaxota bichocono aque.

## 12

*Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya*

<sup>1</sup> Bapoxona itabocotha naitata xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wuna, icha be xometo ichi poxonae pentha. Bapowa nataxu yutuuncua jomocoichatotha. Barapowa mataina tepa, po tepatha doce xoyobe xeina opitei. <sup>2</sup> Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo. <sup>3</sup> Bapoxona itabocotha equeicha naitata ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan. <sup>4</sup> Pebosototha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabuyo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxona naexanaena. <sup>5</sup> Barapo petsiriwa tanaexanatsi pexuyo pebin wuto. Barapo pexuyo, po pexuyo poxonae wichaba itorobiya ewata pomona jinompa po cae pin irathe xua daxita carepaya nacuantha. Bapon daunweya beta ewata barapomona icha pon oveja peewatsin ichi xua poxonae daunweya beta ewata ovejan. Bapon exana baxua naewa xua be naebarapato. Poxona barapo pexuyo naexana, pitatsi yawa capoinchi Nacom

pia pexeinya peecaethopaewatha beicha. <sup>6</sup> Bapoxonae barapo petsiriwa naetsiriwa ira xuepana susato tsurucuae nacua beya. Baxotiya Nacom tsiw<sub>u</sub>naeta xua pia ira nexa yawa xua bapowa pexaewa peapatsinexatsi mil doscientos sesenta matabibetha.

<sup>7</sup> Bapoxonae itabocotha matatsunpiwi naba. Matatsunpin pon pew<sub>u</sub>n Miguel, bapon matabona pia matatsunpiwi. Ir<sub>u</sub>ru pon be Joyoinya, bapon pia matatsunpiwi matabona. Daxita barapo bicheito nantiya naba. <sup>8</sup> Ichitha pon be Joyoinya ir<sub>u</sub> pia matatsunpiwi tatsi jopa cui j<sub>u</sub>paetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui j<sub>u</sub>paetsi xua peitabocotha pejinompaewa tsipei amanayabapentatsi. <sup>9</sup> Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha w<sub>u</sub>n pew<sub>u</sub>n Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

<sup>10</sup> Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapus<sub>u</sub> itorobi coyenewatha xua pon be Joyoinya jopa wanacanamataxeinaenexa. Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique.

Yawano anoxuae Nacom Mesías catatsi pia peayapus<sub>u</sub> itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha, pomonae jume cow<sub>u</sub>nta Nacom, abeya muxujainyabeibatsi merawitha yawa mataqueithano xua Nacom peit<sub>u</sub>tha tatsi.

<sup>11</sup> Wajiwimonaetha pomonae ir<sub>u</sub> xua pejume cow<sub>u</sub>ntsiwi Nacom, barapomonae amanayaba bapontha pejume cow<sub>u</sub>ntsixae xua Mesías tsit<sub>u</sub>pa barapomonae.

Bapon pon Cordero, xua pon oveja pebto pen<sub>u</sub>n. Yawano amanayaba bapomonae tsipei Mesías yabara paeba dubenanaebiyatsi pocotsiwa bapon barapomonae taexainchi.

Barapomonae amanayaba, tsipei najei: ‘Bequein bapon pon be Joyoinya ichichipa naca juteba ichitha jopa junuwichi xua werapaeinchi. Awiya jume cow<sub>u</sub>nta dubenanaebiyaeinchi Nacom’, najei.

<sup>12</sup> ¡Paj<sub>u</sub>nt<sub>u</sub> coyene weiweinare pomonae itabocotha painya nejinompaexae!  
¡Daichitha tsobenae pomonae jinompa po cae pin nacuathe deque, yawano xua xuan pin mar mentha jinompa, tsipei Satanás bara bereca bichocono anaepanaya patopareca!

Bapon Satanás yaputane xua jopa bayatha tsaibi tsane poxonae abe exaneibina po cae pin nacuathe deque”, jei.

<sup>13</sup> Poxonae barapon pon be Joyoinya, pon Satanás itawetsicatsi po cae pin irathe tsique, bapoxonae yabayo barainatsi, powa xua bayatha pexuyo exana pebin wato. <sup>14</sup> Ichitha Nacom, barapowa pecuarafe catatsi, ainya cuarafebe xua cuiyausi piawan. Daxota Nacom cata xua bapowa tajū beya pepupunaenexa ichaxota po ira beya xua Nacom bayatha tsiwunaeta, xua pepupunaenexa pon be Joyoinya weya. Barapowa pupuna barapo ira xuepana susato tsurucuae nacua beya. Nacom apata bapowatha pexaewa tres po weibetha yawa xua seis po xometobetha. <sup>15</sup> Bapon pon be Joyoinya pecoiboto tsina mene sutaba xua peawubonexa xua bapowa pemonoxubinexa tsainchi awubotha. <sup>16</sup> Ichitha ira bapowa yaweinchi. Barapo ira, naira yetaxuba yawa mene apaxoreca, po mene bayatha sutaba bapon pon be Joyoinya. <sup>17</sup> Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua batsi pomonae jume cowanta Nacom penajume caitorobi diwesi xuano xua paeba dubenanaebiya Jesús pejume diwesi. <sup>18</sup> Bapoxonae bapon pon be Joyoinya, pon be jomowabi, pin mar mene itapa taetabotha uncuca xua pewabinexa ichamonae xua peyawenaenexatsi.

## 13

*Meje yabara po diwesi pon ayei, pon be Corei, iruno xua ichun pon ayei, pon be Metsametsawa*

<sup>1</sup> Bapoxonae ichun tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewunxi, po wunxi xua Nacom abe yabara paebatsi. <sup>2</sup> Barapon pon be Corei be neuthu xua yaquiquibia. Petaxu be tson taxu. Pecoiboto be neuthu coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa. <sup>3</sup> Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi. <sup>4</sup> Barapon pon be Joyoinya wuna jaintatsi, jiwi wuna jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wuna jaintatsi, jiwi wuna jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

<sup>5</sup> Yawano barapon, pon be Corei copatatsi xua Nacom abe peyabara paebinexatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. <sup>6</sup> Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi. <sup>7</sup> Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsicamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijeiwi peitorobiwatsi. Matautano catatsi xua daxita carepaya nacuanpiwi peitorobiwatsi. <sup>8</sup> Barapon, pon be Corei wuna jaintatsi xua daxita carepaya po cae pin irathe nacuanpiwi wuna jainta. Barapomonae jopa



wan dubenaeyo diborotha, po diboro pon Cordero xeina pecobetha, pon Mesías pon naetotha tupa. Barapo diborotha Nacom wan duba pejume cowantsiwichi caena bayatha poxona Nacom aena forota nacua. Pomonae wan dubena barapo diborotha jopa weweracaeyo.

<sup>9</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsipaeba xua meje:

<sup>10</sup> “Pomonae xua ichan waetabatsi xua atene peexanaenexatsi barapomonae xuya bara teicaeinchi ichamonae atene peexanaenexatsi tsane.

Pon xua cusitha namawainta xua ichan bexubatsi, bapon xuya cusitha bexubinchi”, paca jei

Nacom pia Pejumope tñaxu tatsi.

Daxota pomonae pejume cowantsiwi Nacom bewa saya juntu coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowanta dubenanaebiyaena Nacomtha.

<sup>11</sup> Baroxonae tan ichan pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penun. Daichitha poxonae cueicueije, be poxonae cueicueije pon be Joyoinya. <sup>12</sup> Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wnae pejainchinexatsi pon be Corei, pon pia coutha nantasipa awanxaeibi exana. <sup>13</sup> Yawano pon be Metsametsawa exana nawita xua pexeinya petsita itatsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa. <sup>14</sup> Barapon pon be Metsametsawa petsita itatsi coyenewa exana pon be Corei peitabaratha tatsi. Barapo petsita itatsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo.

<sup>15</sup> Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueije tsane yawa jutebina daxita pomonae jopa wnae jainchichi. <sup>16</sup> Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacuitha itapa tinaeinchi, xua pomonae jopa ainya cuiyiyo, iru pomonae xua peainya cui jiwi, iru pomonae xua copei pexeinae jiwi, iru pomonae peacopeibi jiwino, yawano pomonae pia coutha penata exanae jiwi, iruno pomonae xua pebusi tatayebebiwichi. <sup>17</sup> Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewun tatsi, ichacuitha barapo pecatinaewa saya número xua pewun tatsi pia número tatsi.

<sup>18</sup> Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewun. Barapon pon be Corei pia número tatsi baxue: seiscientos sesenta y seis.

## 14

*Meje yabara po diwesi xua pomonae naxuna 144, 000 po bicheitomonae matabuxube*

<sup>1</sup> Baroxonae tan Cordero xua oveja pebto penun xua uncua demxuwatha, po demxuwa pewun Sión. Barapo Cordero baru uncua ciento cuarenta y cuatro mil po bicheitomonae matabuxube. Barapo ciento cuarenta y cuatro mil po bicheitomonae matabuxube daxita carepaya itapa tinatsi barapo Cordero pia wan tatsi, yawano xua

Paxa tatsi pia w<sub>h</sub>n tatsino. <sup>2</sup> Bapoxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae taj<sub>h</sub> wemene othopeica. Yawano be poxonae xua yam<sub>h</sub>x<sub>h</sub> nameta, yawa be poxonae ainya busin xua pinmonae tanbaba. <sup>3</sup> Barapomonae pomonae tanbaba pexeinya wei nax<sub>h</sub>na Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan as<sub>h</sub>, yawano xua pitiri jiwi pia peitabaratha tatsi. Ichamonae jopa itac<sub>h</sub>paetsi barapo wei xua peyaputaewa xua po wei nax<sub>h</sub>na barapomonae. Saya jame barapomonae, pomonae ciento cuarenta y cuatro mil po bicheitomonae matab<sub>h</sub>x<sub>h</sub>be yaputane barapo wei xua pomonae po irathepiwi jiwana-monae, pomonae bayatha Cordero capanenebiya abe pia peexanaewan weya poxonae tsit<sub>h</sub>pa barapomonae. <sup>4</sup> Barapomonae jopa nataxobiyo xua penasi cui exanaewa xua yab<sub>h</sub>x<sub>h</sub>itha pejeinya enaexae. Yawano barapomonae exaneiba daxita xua pocotsi-wan Cordero itoroba xua poxonae barapomonae napuna poneiba ichaxota Cordero poneiba. Barapomonae capanenebiyatsi, Nacom capanenebiya xua daxita carepaya jiwi jiwana-monae tatsi xua bapomonae pecana exanaenexatsi pomonae bichocono pepa pej<sub>h</sub>nt<sub>h</sub> coyene xanepanaewi Nacomtha ir<sub>h</sub>no Cordero tha pomonae xua copiya, pomonae xua Nacom pejume cow<sub>h</sub>ntsiwichi. <sup>5</sup> Barapomonae jopa penaerabiwi tsipei barapomonae bichocono pepa pej<sub>h</sub>nt<sub>h</sub> coyene xanepanae jiwi, Nacom peitabaratha tatsi. Barapomonae jopa xeinaeyo xua penatsicuentsiwa Nacom peitabaratha tatsi xua abe peexanaexae.

*Meje yabara po diwesi xua cueicueijeji acoibi poyobe matatsunpiwi*

<sup>6</sup> Bapoxonae tan ich<sub>h</sub>n matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, ir<sub>h</sub>no pomonae tsicamonaexipiwi nexa, ir<sub>h</sub>no pomonae barompaya icha jumein pecueicueijejiwi nexa, ir<sub>h</sub>na daxita tomaranpiwi nexano. <sup>7</sup> Barapon jume daunweya paeba, jeye: “Pacunuwiya jinompare Nacom xua beta painya nejume cow<sub>h</sub>ntsiwa. Yawano Nacom w<sub>h</sub>nae pajainde. Tsipei anoxuae nama barapo matacabi patopa po mataqueitha Nacom yabara paebina jiwi xua penatsicuentsiwa xua abe peexanaexae. W<sub>h</sub>nae pajainde pon exana itaboco, xuano xua exana pin mar mene, yawa exana ira b<sub>h</sub>x<sub>h</sub>pana mene”, jei barapon pon jume daunweya paeba.

<sup>8</sup> Ich<sub>h</sub>n matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yab<sub>h</sub>x<sub>h</sub>itha, xua ir<sub>h</sub> pebiwitha!” jei matatsunpin.

<sup>9</sup> Bapoxonae ich<sub>h</sub>n matatsunpin patopa, bapon jume daunweya jeye: “Icha ich<sub>h</sub>n w<sub>h</sub>nae jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi. <sup>10</sup> Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui w<sub>h</sub>naetsixaetsi. Jopa juniya exanae tsane poxoru bichocono Nacom yabara anaepana. Barapon bichocono atene tsane poxonae Nacom tautsina barapon isototha, yawa xua po ts<sub>h</sub>x<sub>h</sub>, ts<sub>h</sub>x<sub>h</sub> daena, po ts<sub>h</sub>x<sub>h</sub> pew<sub>h</sub>n azufre mataw<sub>h</sub>n. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. <sup>11</sup> Po isototha Nacom tautsina bapon, barapo iso ts<sub>h</sub>x<sub>h</sub> athabe jujuneibiyaena ataya. Barapo petautsiwa jopa itac<sub>h</sub>paetsi xua pewetsiwa mataqueithano, yawa merawithano. Barapo isototha tautinchi pomonae pon be Corei w<sub>h</sub>nae jaintatsi xuano xua barapo ibo Corei nacom w<sub>h</sub>nae jaintatsi, yawano xua barapomonae itapa tinatsi barapo Corei pia w<sub>h</sub>ntha tatsi”, jei matatsunpin.

<sup>12</sup> Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

<sup>13</sup> Bapoxonae jume tan pejume xua peitaboco wenebaraichica. Nejei: “Baxua tinare: ‘Ba bara janta coyene weiweina pomonae jume cowantsiya werapaena Jesustha, pon jiwi Pecanamataxeinaein’, jei”, nejei.

Nacom pia Pejumope tana tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuatheicha. Po coyene xua barapomonae janta coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo janta coyene barapomonae yawa ponaena Nacom pia nacua beicha tatsi”, jei Nacom pia Pejumope tana tatsi.

*Meje yabara po diwesi xua matatsunpiwi cusin caucuboba po cae pin irathe tsique*

<sup>14</sup> Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi. <sup>15</sup> Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “¡Barapo cusi caucubobare yawa jore pocotsiwa xua naweta tsipei barapo matacabi patopa, po mataqueitha naweta po cae pin irathe deque!” jei matatsunpin. <sup>16</sup> Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

<sup>17</sup> Bapoxonae equeicha icha matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi. <sup>18</sup> Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “¡Barapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin. <sup>19</sup> Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara jata ichi Nacom jiwitha, xua poxonae bichocono atene exanaena jiwitha xua abe peexanaexae jiwi. <sup>20</sup> Barapo uva cuei tomara juma beya cuba. Barapo pecacubi fetu wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taju ayei tsonae tsane.

## 15

*Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa*

<sup>1</sup> Bapoxonae equeicha tan peitabocotha icha pin petsita itatsi coyenewa xua nebe-naeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabetha bapoxonae Nacom nacui weta xua poxonae anaya bichocono atene exana jiwi abe peexanaexae.

<sup>2</sup> Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosib<sub>u</sub> muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa w<sub>u</sub>nae jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pew<sub>u</sub>ntha. Barapomonae imoxoyo caquita umena barapo pin mar mene. Yawano barapomonae caumena arpa mataw<sub>u</sub>n xua pocotsiwa pecatanbabiwan xua Nacom catsiba. <sup>3</sup> Barapomonae nax<sub>u</sub>na Moisés pia wei tatsi, pon Nacom pia penacuichiwa tatsi taexainchi. Yawano barapomonae nax<sub>u</sub>na Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein,

daxita xam exaname bichocono peainya cui

coyenewa yawano bichocono w<sub>u</sub>nae.

Xam pon, daxita neayapus<sub>u</sub>

itorobiya coyenewan xeiname.

Jinya coyenewan bara pexainyeiwan

poxoru beta exaname.

Xam itorobiya neewatsin daxita

carepaya nacuanpiwi.

<sup>4</sup> Xam pon jiwi Necanamataxeinaein.

Daxita jiwi junuwiya cabar<sub>u</sub> cui itura jinaena.

Yawano daxita jiwi w<sub>u</sub>nae cajainchina tsipei

saya meisa xam nej<sub>u</sub>nt<sub>u</sub> coylene xeicaem.

Daxita carepaya nacuanpiwi patsina xua w<sub>u</sub>nae

necajainchinexa tsipei barapomonae bayatha tane

pocotsiwa xua betiya xanepanaya exaname”,

jei barapomonae.

<sup>5</sup> Bapoxonae equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyo botha ichaxota Nacom popona, barapo tutu nacoibo saranaxuba. <sup>6</sup> Barapo tutu weya matatsunpiwi pona pomonae xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya j<sub>u</sub>ntacari jayabeinatsi. <sup>7</sup> Bapoxonae tan caein, xua jiwana barapo cuatro poyobe xua xuan as<sub>u</sub>. Bapon barapo siete poyobe matatsunpiwi catsibatsi coroton xua w<sub>u</sub>nba po coyenewan peabe cui coyenewan pocotsiwan Nacom exanaena, pon ataya popona. <sup>8</sup> Bapoxonae barapo tututha, bichocono pets<sub>u</sub>x<sub>u</sub> w<sub>u</sub>nca. Barapo ts<sub>u</sub>x<sub>u</sub> Nacom pia xainya weya tatsi tapichapatsi pon peainya cuin yawa xua peayapus<sub>u</sub> itorobi coyenewa pexeinaein. Dapon aibi pon pecopatsiwatsi xua pejoniyaewa barapo tututha poxonae cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

## 16

*Meje yabara po diwesi xua barapo corototha xeina siete po coyenewabe po coyenewa xua peabe cui coyenewan*

<sup>1</sup> Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentsexae xua abe peexanaexae Nacomtha”, jei.

<sup>2</sup> Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewan tatsi, xuano xua wɛnae jainta ibo Corei nacom, bapomonae barapoxonae nainya xeina xua peaperubewan xua bichocono aperutane.

<sup>3</sup> Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petɔpaein boca. Barapo pin mar mentha daxita werapa xua xuan baxota jinompa.

<sup>4</sup> Bapoxonae equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira bɛxɛpana meneintha, bapoxonae barapo menein be pejanan tsanaya. <sup>5</sup> Bapoxonae jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara  
 paebame poxonae atene exaname jiwi xua  
 penatsicuentsexae xua barapomonae  
 bichocono abe peexanaewi.  
 Bapana jopa abe exanaem.  
 Xam nejuntu coyene xeicaem,  
 yawa xua pon anoxuae nepoponaem,  
 yawa xua pon caena bayatha nepoponaemno.

<sup>6</sup> Tsipei barapomonae jinyamonae jutebatsi,  
 yawano tsipei jutebatsi pomonae  
 neitorobi jume pepaebiwi.  
 Daxota barapomonae xuya werapa exaname,  
 peyantomatsiwa exaname abe peexanaexae copiya”,  
 jei barapo matatsunpin Nacomtha.

<sup>7</sup> Equeicha ichan jume tan pon cueicueijei pon uncuca ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusɛ itorobi coyenewan nexeiinaem. Tsipei xam yabara paebame xua jiwi penatsicuentsiwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

<sup>8</sup> Bapoxonae equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa. <sup>9</sup> Bichocono daxita carepaya jiwi taxuatsi. Ichitha barapomonae icha juntu coyene jopa xeinaeyo matautano Nacom jopa wɛnae jainchichi, yawa barapomonae Nacom abe yabara paebatsi yaitama Nacom xeina peayapusɛwa xua itoroba barapo coyenewan po coyenewan xua peabe cui coyenewa.

<sup>10</sup> Bapoxonae equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonae jopa xapain piamonae matacaponae yo be pon xua pona poxonae quireitha. Daxota piamonae tatsi juntu coyene deideijei. Barapomonae peparaxaewa nawano sine. <sup>11</sup> Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonae exanapona xua Nacom abe yabara paebatsi po Nacom itabocotha eca. Daxota barapomonae Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperutanewan.

<sup>12</sup> Bapoxonae equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufrates. Barapo Eufrates mene namto

naexaniya xua pepatsinexa pomonae pocotsiwa werenepiwi pomonae jiwi itorobiya pia pepa peewatsiwichi.

<sup>13</sup> Nexata bapoxonae tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonae barompaya pia coiboton tsina tajujuinatsi acoibi poyobe cauri xua xuan be pocotsiwan cuei. <sup>14</sup> Barapo caurimonae exana pexeinya petsita itutsi coyenewan. Barapo caurimonae ponarucupa xua penacaetuta exanaenexa daxita pomonae jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusu itorobi coyenewan pexeinaein.

<sup>15</sup> Nacom jeye: “Taema, jemeicha patopaein icha be pon pecaibin ichi poxonae jemeicha patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itutha xua bapon petaewatsi daxita pia pepon”, jei Nacom.

<sup>16</sup> Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewun Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

<sup>17</sup> Bapoxonae equeicha ichun matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba. <sup>18</sup> Bapoxonae bichocono jerajerei itabocotha, yawa pejumein, yawa bichocono jurujerei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae. <sup>19</sup> Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. <sup>20</sup> Daxita petunaeton yawano daxita demxuwan aichurubena xua ira pejjijiyatsixae. <sup>21</sup> Barichino itaboco weothopeica xua jiwi matatsun othopeicatsi pocotsiwan dederawa xua xuan benata ichaxota po eman bichocono aque. Barapo pedederawiwun bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawiwun pocotsiwa bichocono abe barapomonae nexa.

## 17

*Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara*

<sup>1</sup> Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: “Anetha catsita itutinchu xua yabayo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara. <sup>2</sup> Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabarun exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

<sup>3</sup> Poxonae cataunxae Nacom pia Pejumo pe tunaxu tatsi netsita ituta baxua, bapoxonae matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon tsobia.



<sup>13</sup> Barapo diez poyobe pomonae piamonae itorobiya pepa peewatsiwi peburaya nanta xeinarucupa. Matautano barapo diez poyobe pomonae piamonae itorobiya pepa peewatsiwi pia peayapusya exanaewan pon be Corei catatsi, yawano peayapusu itorobi coyenewa catatsi. <sup>14</sup> Daxita barapomonae pomonae diez poyobe, pomonae piamonae itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

<sup>15</sup> Equeicha barapo matatsunpin nejei: “Xua xam po menein taneme mar menein xua ichaxota yabuyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijejiwi, yawano yabara caunutatsi daxita nacuanpiwi. <sup>16</sup> Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepon tautinchi isototha. <sup>17</sup> Nacom itoroba xua barapomonae pia pejuntu coyenetha peexanaewa tsane xua pocotsiwan Nacom ichichipa. Daxota barapomonae pomonae jiwi itorobiya pia pepa peewatsiwichi pomonae diez poyobe, peburaya nanta xeinarucupa xua barapomonae pia peayapusu itorobi coyenewanxae tatsi pon be Corei catsinchi. Baxuan catsina beya abu poxonae wetsina pocotsiwa Nacom bayatha paeba. <sup>18</sup> Petsiriwa powa taneme xua powa nasi cui matacaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi”, nejei matatsunpin.

## 18

*Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano*

<sup>1</sup> Bapoxonae equeicha tan ichan matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusu itorobi coyenewan. Bapoxonae bapon exana xua ira bichocono pentha tsurucuae xua pia pepon weya cueicha pona. <sup>2</sup> Yawano bapon jume daunweya wawai, jeye:

¡Bayatha Babilonia tomarapiwi  
wetapentatsi yawa tomara abe  
exanatsi, po tomara pepa tomara!  
¡Yawano anoxuae caurimonae baxota jinompa!

<sup>3</sup> Tsipei daxita carepaya nacuanthapiwi  
bichocono abe exana, po abe peexanae  
coyenewa pocotsiwa xua barapo  
Babilonia tomarapiwi exana.  
Yawano pomonae jiwi itorobiya pia pepa



peewatsiwichi barapomonaе cuiduba piamonaе  
 xua abe peexanaewa tsane icha barapo  
 Babilonia tomarapiwi ichi xua abe exana.  
 Yawano pomonaе pecaenaetsiwi piawan, bapomonaе  
 xuya copei pexeinaewi naexana, tsipei barapo  
 tomarapiwi copei ayei ichichipa xua beta  
 pejinompaewa tsane”, jei matatsunpin.

<sup>4</sup> Bapoxonaе equeicha ichawa jume tan xua wawai itabocotha, jeye:  
 “Pomonaе tamonaepiwi pam, barapo tomara weya  
 paponarucupare, xua jopa abe painya  
 neexanaenexaru icha barapo tomarapiwi  
 ichi xua bichocono abe peexanaewi.  
 Bapoxonaе Nacom jopa paca atene exanaе tsane  
 icha bayatha ichichi xua atene exainchi  
 barapo Babilonia tomarapiwi.

<sup>5</sup> Tsipei barapo abe peexanaе coyenewan  
 xua barapo tomarapiwi exana bichocono  
 ayei xua daxota Nacom pon itabocotha  
 peecaein tane baxuan.

Daxota Nacom yabara nanta xeina  
 xua atene exana barapomonaetha.

<sup>6</sup> Barabu ichamonaе jupa exanaena  
 barapomonaetha, icha be pocotsi coyeneya  
 xua bapomonaе abe taexana ichamonaetha.  
 Barabu barapomonaе pentoma catsibinchi  
 xua po pentoma equeicha mataropataba  
 xua peatenewa.

Barabu barapomonaе bichocono atene tsane,  
 icha be pocotsi coyeneya xua poxonaе  
 barapomonaе atene taexana ichamonaetha.

<sup>7</sup> Pocotsiwa xua bapomonaе exana xua atsaca  
 naexana xua penasi cui matacaetsi jiwi naexana,  
 barabu barapomonaе bichocono atene tsane,  
 yawa wecoyei tsane.

Tsipei bapomonaе pia coutha natsipaeba, jeye:  
 ‘Waxainchi xote enatsi.

Waxainchi jopa dapomonaetsi pomonaetsi pomonaе  
 waseuri jiwi wanaca cuenta werapaewi.

Matautano waxainchi pomonaе jiwi  
 itorobiya pia pepa peewatsi jiwichi, jopa  
 bichocono atene tsainchi’, jei bapomonaе.

<sup>8</sup> Daxota saya caentaqueitha tsane jopaena po  
 coyene xua abe peexanaewa tsainchi bapomonaе,  
 xua bichocono peperaxa jubuwa tsainchi,  
 matautano xua pejainpaewa tsane bichocono,  
 yawano xua petautsiwa tsainchi xua werapaena.  
 Tsipei Nacom pon pepa Pecanamataxeinaein jiwi  
 peayapusu itorobi coyenewa xeina, yawano  
 bapon pia coutha yabara paebina po coyene xua  
 tsitatsi xua bapomonaе natsiaenaе cuenta  
 abe peexanaexae”, jei matatsunpin.

<sup>9</sup> Pomonae jiwi itorobiya pia pepa peewatsiwichi xua po cae pin irathe, pomonae xua bayatha irur̃abe exana poxonae barapo Babilonia tomarapiwi abe exana, barapomonae bichocono wecoyei tsane poxonae xua taena iso tsux̃x̃x̃ xua poxonae barapo Babilonia tomarapiwi tautsinchi. <sup>10</sup> Barapomonae taj̃w̃ wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonae pomonae jiwi itorobiya pia pepa peewatsiwichi najei tsane:

“¡Pai jaibo Babilonia tomarapiwi pam tsobenae!

¡Babilonia tomara tsocuaem!

Bequein pepa tomara tsocuaem, ichitha saya bara cae horatha barapo tomaram omeicha Nacom cawetaxubina”, najei tsane barapomonae.

<sup>11</sup> Daxita pomonae caenaeta piawan barapomonae bichocono wecoyei tsane xua barapo Babilonia tomara siwa wecoyeichi tsainchi tsipei barapomonae jopa xeinae tsane xua comocaeinchi xua pia pecaenaetsiwan. <sup>12-13</sup> Barapomonae xua pocotsiwan caenaeta dubenanaebiya baxue: xua pocotsiwan pew̃n oro nain mataw̃n, yawano xua pocotsiwan penainwan xua plata nain mataw̃n, yawano xua ira b̃x̃x̃pana iboton xua bichocono ainya matoman, yawano xua pocotsiwan be warowaxu pocotsiwan perla mataw̃n, yawano papab̃r̃u pocotsiwan bichocono ainya matoman pocotsiwan seda mataw̃n, yawano po paparuwan m̃ s̃jei, yawa xua xuan m̃ tsobia; yawano napaewan, po naein xua bichocono tuxuei; yawano xua ichawan weya forobano xua pocotsiwan marfil mataw̃n, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronze nain mataw̃n, yawano xua ichawan weya foroba xua penainton, po penainton hierro nain mataw̃n, yawano xua ichawan weya foroba xua iboton, po iboton mármol ibo mataw̃n; yawano capana po petuxueiwan canela tseboco mataw̃n, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxonae taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaein, cawayumonaein, yawa caronaemonaein, xua cawayu pecaponae naexi, yawano jiwino capoinchi pecaenaetsinexatsi xua pomonae jiwi pebusi cui tatayebeibiwichi peexanaenexa tsainchi. <sup>14</sup> Barapomonae jei tsane xua barapo Babilonia tomarapiwi yabara jei tsainchi:

“¡Anoxuae jopa paxeinaem pethei, po pethei ainya matoman po pethei paichichipame bichocono!

¡Anoxuae nama pacata aichurubena xua copei xeina painya nenaexanaewam xua bara ataya tsane!” jei tsane.

<sup>15</sup> Pomonae xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonae taj̃w̃ wewewatumendena xua abe peexanaeyainwatsi xua Nacom exanaena. Barapomonae bichocono wecoyei tsane. <sup>16</sup> Barapomonae jei tsane:

“¡Pai jaibo pepa Babilonia tomara tsobenae!

Xam Babilonia tomaram bichocono pexeinya tomaram, icha yab̃yo ichi xua pexeinyawayo poxonae paparuwa nama xatata po paparuwa bichocono s̃jei yawa bichocono tsobia.

Yawano bapowa napepena xua pocotsiwa pew̃n oro nain yawa xua be ibotixi xua pocotsiwan ainya matoman yawano po warowa xu xua

inyapana xua pewan perla.

<sup>17</sup> ¡Saya bara cae horatha daxita aichurubena  
xua xuan barapo tomara xeina!”  
jei tsane barapomona.

Pomona jera pecanamataxeinaewi, yawano pomona xua napon xua warapa icha tomaratha nexa, iru pomona petanacuichiwi barapo jera naeintha, iruno pomona nacuita jeratha, daxita barapomona tajw wenecotumendena. <sup>18</sup> Poxona barapomona tane xua iso tsuxu xua barapo Babilonia tomara tautatsi, barapomona jume daunweya wawai, jeye: “Icha pepa tomara aibi po tomara wuna pocotsi tomara icha Babilonia tomara ichi”, jei. <sup>19</sup> Barapomona pia cui xeina xua tsorobotha nantatsaeba poxoru bichocono wecoyei. Wawaya jeye:

“¡Pai pepa Babilonia tomara tsocuae!  
¡Anoxuae jopa peraichiwa xua pocotsiwan bayatha  
jera wanbatsi xua copei xeina naexainchi  
xua poxonae naca comoca barapo tomarapiwi!  
¡Daxita baxuan caayawachurucuae  
exainchi tomara!” jei barapomona.

<sup>20</sup> Ichitha paxam pomona itabocotha  
painya nejinompaewi pam iru pomona  
tamona pam, iru pomona Jesús pia  
peitorobiwi tatsi pam, iru pomona Nacom  
peitorobi jume pepaebiwi pam.

Daxita barapomona pam, pajuntw coyene  
weiweinare xua pacata peichurucuaexae  
barapo Babilonia tomara.

Nacom xuya abe exana barapo Babilonia  
tomara tsipei bayatha barapo tomarapiwi  
pacata abe exana.

<sup>21</sup> Bapoxona matatsunpin pon bichocono pia peayapusw itorobiwa xeina, bapon pita iboto, po iboto bichocono pin iboto xua be pocotsi ibototha jiwi cuba trigo xu. Bapoxona barapo matatsunpin xuba barapo iboto pin mar mentha. Bapon jeye: “Icha barapo iboto ichin xua xuban barapo pin mar mentha, Nacom barichi wetaxuba barapo Babilonia tomara xua equeicha jiwi jopa petaewa tsane.

<sup>22</sup> Yawano bapana equeicha jiwi jopa jume  
tae tsane xua petanbabiwan busin xuan  
pewan arpa matawan, yawano xuan po  
peobiwa jumein pewan flauta matawan,  
yawano icha peobiwan jumein xuan  
pewan trompeta matawan.

Matautano jopa tae tsane pomona xua  
barompaya piawan penata exanae jiwi.  
Matautano jopa busi tae tsane barapo  
pin tomaratha xua busi  
xu yacatoyeraba trigo xu xua pin ibototha.

<sup>23</sup> Matautano jopa yonoyonei tsane pecoichan.  
Matautano jopa jume tae tsane xua pin  
penabanaewa exana xua poxona  
pebin pecotsiwa pita.

Pomona pecaenaetsiwi barapo pin tomaratha

bichocono copei pexeinaewi xua daxota  
 daxita nacuanpiwi yabara cui yaputane  
 xua barapomonaē peainya cui jiwi.  
 Barapomonaē pomonaē Babilonia tomarapiwi  
 itacupatsi xua daxita nacuanpiwi  
 muxuitorobatsi mara peexanaewi pia  
 coyeneyatha xua daxota iru abe  
 peexanaenexa tsane, icha barapo Babilonia  
 tomarapiwi ichi xua abe exana”,  
 jei matatsunpin.

<sup>24</sup> Nacom weraweraca exanaena barapo tomara. Barapo tomarapiwi Nacom tsitatsi xua barapomonaē penatsicuentisiwa xeina xua ichamonaē pejutebixaetsi, pomonaē Nacom pia peitorobi jume pepaebiwi, iru pomonaē Nacom pejume cowantsiwichi tatsi yawano daxita pomonaē bayatha jutebatsi po cae pin nacuanthepiwi xua ichamonaē juteba icha tomarantha.

## 19

<sup>1</sup> Bapoxonaē peitabocotha jume tan xua juinya pinmonaē jeye:

“¡Barabu Nacom wunaē jainatsi, Nacom naca  
 capanepa abe waexanaē coyenewan weya!  
 ¡Maisa Nacom pexeinya juntu coyene pexeinaein!  
 ¡Maisa Nacom bepa juniya xeinaē  
 peayapusu itorobi coyenewa!

<sup>2</sup> Nacom wunaē jaintatsi tsipei bapon Wanacom.  
 Poxonaē yabara paeba jiwi xua  
 penatsicuentisiwa xua abe peexanaexae,  
 bara beta xaniwaicha exana.  
 Yawano bapon bichocono atene exana  
 barapowa powa xua penatsicuentisiwa  
 xeina xua abe peexanaexae.  
 Bapowa penasi cui matacaetsiwa xua  
 weiweina pebiwitha pia paratixichi.  
 Barapowa yabara caunutatsi Babilonia tomara  
 po tomaramonaē xua penatsicuentisiwa xeina xua  
 abe peexanaexae icha bapowa ichi.  
 Bapowa bayatha cuiduba barapo cae pin  
 nacuapiwi xua iru abe exana icha  
 xua barapowa ichi.

Tsipei bapowa Nacom pijimonaē tatsi  
 jutebatsi daxota xuya Nacom pijimonaē  
 yantomata xua poxonaē bapowa bexotsi powa  
 peyabara caunutsixaetsi Babilonia  
 tomarapiwi”, jei xua juinya pinmonaē.

<sup>3</sup> Barapo pin ayei jiwi jeye:

“¡Barabu Nacom wunaē jaintatsi!  
 ¡Iso tsuxu xua bapomonaē tautatsi barabu  
 barana jopa athabe jujuinaē tsane xua pepu  
 ataya tsane!” jei barapomonaē xua juinya pinmonaē.

<sup>4</sup> Bapoxonaē veinticuatro poyobe pomonaē pitiri jiwi, iruru cuatro poyobe xua xuan asu daxita barapomonaē irabe taeumenareca xua Nacom wunaē pejainchinexa tsainchi, jeye: “¡Je bara ichi tsane! ¡Barabu Nacom wunaē jaintatsi!” jei daxita barapo

matabuxumonaebe. <sup>5</sup> Vapoxonae Nacom pia pexeinya peecaethopeibiwatha, jume tan pejume, xua jeye:

“¡Daxita pam, pomonae Nacom pata exaname,  
Nacom pon pata Nacom, wunaej pajainde!  
¡Iruu pomonae paexaname pocotsiwa Nacom  
paca itoroba, Nacom wunaej pajainde!  
¡Iruu pomonae peacopeibi jiwi iruu  
pomonae copei pexeinaej jiwi, daxita  
paxam Nacom wunaej pajainde!”  
jei pejume xua paeba.

*Meje yabara po diwesi xua poxonae jiwi tsinacaetuta pexaewa penabanaenexa poxonae Cristo, pon Cordero, pecotsiwa nacueyaba*

<sup>6</sup> Yawano jume tan peitabocotha xua pejumein be pin bicheitomonaej be poxonae xua ainya pin mar menein busin, yawano be xua xuan yamuxu jurujurei. Barapo jumein jeye:

“¡Barabu Nacom wunaej jaintatsi  
pon jiwi Pecanamataxeinaej!  
Bapon nama anoxuae tamropata pitaba  
xua daxita carepaya nacuanthapiwi  
itorobiya ewatsinchi.  
Bapon xeina daxita coyenewan xua pia  
peayapusu itorobi coyenewan.

<sup>7</sup> ¡Juntu coyene weiweinatsi yawano  
jacobatsi, jeichichi: ‘Maisa pexeinya  
juntu coyene pexeinaej’, jeichichi!  
Baxua bewa exanaetsi tsipei patopa matababi  
poxonae po matababitha jiwi tsinacaetuta  
pexaewa penabanaenexa poxonae pon  
Cordero, piowa nacueyaba.  
Barapon pon Cordero, pecotsiwa tatsi nacui  
xainwaeta, poxonae po matababitha jiwi  
pin penabanaewa tsinacaetuta xua  
penabanaewa tsane.

<sup>8</sup> Barapowa copatatsi xua penama xatatsinexa  
paparuwa, po paparuwa bichocono  
pexeinya paparuwa.  
Barapo paparuwa bichocono inyapana yawa  
xua bichocono mu daedaena.  
Barapo pexeinya paparuwa caunuta xua po  
coyenein Nacom pia peantobewichi tatsi exana  
xua po coyenein Nacom tsita xanepanatsi.  
Barapo yabuyo yabara caunutatsi Nacom  
pijimonae tatsi, pomonae Nacom pejume  
cowantsixaetsi”, jei barapo pin bicheitomonaej.

<sup>9</sup> Vapoxonae matatsunpin nejei: “Tinare xuaje: ‘Bichocono juntu coyene weiweina pomonae Nacom waba poxonae pin penabanaewa tsinacaetuta xua penabanaewa tsane poxonae pon Cordero, nacueyaba pecotsiwa’, jande poxonae xua tiname”, nejei barapo matatsunpin. Equeicha nejei: “Daxita po jumein xua catsipaebatsi barapo jumein xaniwaicha Nacom paeba”, nejei barapo matatsunpin.

<sup>10</sup> Bapoxonae barapo matatsunpin petaxutha irabe taeuncuarecan xua w<sub>h</sub>nae tajainchinexa. Ichitha bapon nejei: “¡Bara! Jopa baxua neexanaeinde. Aparaxan ir<sub>u</sub> ponxaein Nacom piawa taexanaein, icha xam ichim xuano xua icha jinya jiwimonae ichi pomonae Nacom pejume cow<sub>h</sub>antsiwichi, xuano xua jume cow<sub>h</sub>anta dubenanaebiya pocotsiwan xuan Jesús paeba. Jame Nacom bapon w<sub>h</sub>nae jainde”, nejei matatsunpin.

Baxuan xuan pocotsiwan Jesús paeba xua xuan pexainyeyiwan, baxuantha yawenatsi nawita pomonae Nacom peitorobi jume pepaebiwi.

*Mejeyabara po diwesi xua pebin equeica cawayutha, pon mainyan*

<sup>11</sup> Bapoxonae peitabocotha tan xua naitaboco yausaranaxuba. Baxota naituta cawayu, pon mainyan. Pon xua cawayutha equeica, w<sub>h</sub>n dutatsi, jeichichi: “Pon xua pejume cow<sub>h</sub>anta ducuanabiyaein, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentisiwa xua abe peexanaexae. Matautano bapon xainyeya betiya exana poxonae naba ichamonaetha. <sup>12</sup> Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pew<sub>h</sub>n po w<sub>h</sub>n xua saya meisa bapon w<sub>h</sub>n yaputane. <sup>13</sup> Yawano nama xatata paparuwa, po paparuwa pejanan dubena be poxonae xua jautuxuba pejanatha. Bapontha Nacom w<sub>h</sub>n duta: “Nacom Pejume”, jei. <sup>14</sup> Bapon puna poinchi soldadomonae itabocopi soldadomonae, pomonae Nacom pia soldadomonae tatsi. Barapo soldadomonae pexeinya paparuwan nama xataba xua xuan m<sub>h</sub> inyapana, yawa xua axuiruibi. Yawano barapomonae eneica cawayumonaeintha xua xuantha mainyawantha. <sup>15</sup> Barapon pon mata capana pia soldadomonae pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonae po irathe jinompe. Yawano bapon ajumeyapus<sub>h</sub>ya itorobi ewatsina jiwi. Yawano bapon daunweya yabara paebina jiwi xua penatsicuentisiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonae jopa pejume cow<sub>h</sub>antsiwichi, tsipei bichocono Nacom caseba barapomonae. Barapon Nacom pia peayapus<sub>h</sub> itorobi coyenewan xeina xua jiwi peperaxa exanaewatsi. <sup>16</sup> Bapon naw<sub>h</sub>n tinaduta pia pejumainaewatha, yawa naw<sub>h</sub>n duta peth<sub>h</sub>totha xua po w<sub>h</sub>n jeye: “Pon Corderoxae jiwi itorobiya pia pepa Peewatsinchi tatsi, pia peayapus<sub>h</sub> itorobi coyenewa xeina beyacaincha xua ichamonaexaina pomonae jiwi itorobiya pia pepa peewatsiwichi xua ir<sub>u</sub> xeina pia peayapus<sub>h</sub> itorobi coyenewa. Matautano bapon pon jiwi pia pepa Pecanamataxeinaeinchi pia peayapus<sub>h</sub> itorobi coyenewa xeina beyacaincha xua ichamonaexaina pomonae jiwi pia pepa pecanamataxeinaewichi”, jei barapo w<sub>h</sub>n.

<sup>17</sup> Bapoxonae matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa. <sup>18</sup> Barapo penabanaewan paxaema, xua pomonae jiwi itorobiya pia pepa peewatsiwichi pewi, yawano soldadomonae pia pentacaponae tatsi barapomonae pewi, yawa pomonae peamanayabeibi jiwi barapomonae pewi, yawa cawayu pewi, yawa pomonae xua eneica pewi. Daxita xua ir<sub>u</sub> ichamonaeno barapomonae pewi. Ir<sub>u</sub> pomonae penata exanaewi pia coutha barapomonae pewi, ichacuitha xua ir<sub>u</sub> pomonae amanaya petanacuichi jiwi barapomonae pewi. Ir<sub>u</sub>no pomonae jiwi pebusi cui tatayebeibiwichi barapomonae pewi, ir<sub>u</sub>no pomonae copei pexeinaewi barapomonae pewi”, jei matatsunpin.

<sup>19</sup> Bapoxonae tan pon ayei pon be Corei, yawano tan pomonae jiwi itorobiya pia pepa peewatsiwichi xua bar<sub>u</sub> pona pia soldadomonaein. Daxita barapomonae nacaetuta xua nantiya penabinexa tsane pontha pon pia soldadomonae matacapona xuano yawa pia soldadomonaeintha tatsi petanabinexa tsainchi. <sup>20</sup> Barapon pon ayei, pon be Corei, bapon max<sub>h</sub> cubiya waetabatsi ir<sub>u</sub> max<sub>h</sub> cubiya waetabatsi pon naerabiya jeye: “Xan

Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itabiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wuna pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusu tsuncuae po peitare pewan azufre matawan. <sup>21</sup> Iruru daxita ichamonaeru jutebatsi cusitha, po watotha xua pecoibototha tapichapeinatsi pon xua matakapona pia soldadomona. Daxita pepupunaewi bichocono tonsana pewi xaexaetsi pomona xua jutebatsi.

## 20

### *Meje yabara po diwesi xua Cristo itorobiya ewatsina jiwi mil po weibetha*

<sup>1</sup> Bapoxonae tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewan cadena xua bichocono pin nainto. <sup>2</sup> Barapo matatsunpin waetaba, pon be Joyoinya waetabatsi, pon po jomo xua poxonae copiya jiwi muxu jainyabatsi. Bapon apara caurimonae pia pentacaponaein tatsi. Bapon icha wan Satanás. Barapon Satanás maxu cubiya waetabatsi cadenatha xua mil po weibe nexa. <sup>3</sup> Yawano barapon Satanás xorecatsi barapo pin muthu deca. Bichocono yauxatatabobotatsi muthutha. Yaucateitabobotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae abu yapu caewina mil po weibe. Bapoxonae isanaxubinchi xua saya bara caeto tsane.

<sup>4</sup> Bapoxonae tan xua pexeinya peenaethopeibiwan. Baxota ena pomona xua bayatha catsibatsi peitorobi coyenewan xua jiwi peyabara paebiwa tsainchi daxita xua penatsicuentsiwa xua abe peexanaexae. Bapomona pomona xua bayatha wisi ucubobebatsi xua ichamona namawainta, apara xua barapomona peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwi. Barapomona bayatha jopa wuna jainchiyo pon be Corei. Matautano jopa wuna jainchiyo barapo ibo Corei nacom. Matautano barapomona jopa copatsiyo xua peitapa tinaewatsi tsainchi pon be Corei pia wantha tatsi ichacuitha xua pecobe juma tinaewatsi. Barapomona tan xua equeicha asu exainchi. Barapomona iru Cristo, nabaru caemona xua barapomonaebe barapo cae pin nacuepiwi itorobiya ewatatsi xua cien po weibetha tsane. <sup>5</sup> Ichitha nama ichamona pomona xua caena bayatha werapa cataunxuae jopa asu exanaetsi. Barapomona asu exanaeinchi beya abu poxonae yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya. <sup>6</sup> ¡Maisa bichocono juntu coyene weiweina pomona equeicha Nacom asu exana petupae coyene weya po peasu coyenewa xua copiya! Barapomona Nacom piamona tatsi. Barapomona jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomona exanaeinchi Nacom pia sacerdotemonaepiwi tatsi xua iru Cristo pia sacerdotepiwi tatsi. Matautano barapomona nabaru caemona xua barapomona barapo cae pin nacuepiwi itorobiya ewatatsi mil po weibetha tsane.

### *Meje yabara poxonae caurimonae pia pentacaponaein tatsi xotsi*

<sup>7</sup> Poxonae yapu caewina mil po weibe bapoxonae barapo Satanás isanaxubinchi xua peponaewa tsane muthu weya. <sup>8</sup> Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacumonaepiwi,

irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetsiwa tsane pia soldadomonaetatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa p̄r̄n ichi xuan taetabotha bobena xuan ac̄c̄ xua mar mentha bobena.

<sup>9</sup> Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cow̄ntatsi. Ichitha bapoxonae Nacom pin isoto itoroba deca peitaboco wereca, daxita barapo soldadomonaein taxuatsi omeicha. <sup>10</sup> Barapon Satanás, pon be Joyoinya, pon caurimonae pia pentacaponaein tatsi, pon xua barapo soldadomonaein muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pew̄n azufre mataw̄n. Barapo pucuatha caena bayatha xotsi pon be Corei ir̄ pon xua naerabiya jeye: “Xan Nacom peitorobi jume tapaebin”, jei. Barapomonae baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

*Meje yabara po diwesi xua Nacom yabara paeba jiwi xua penatsicuentsiwa poxonae eca pia pexeinya ecaethopeibiwatha, po pexeinya ecaethopeibiwa xua pemainyawa*

<sup>11</sup> Bapoxonae tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubena, equeicha jopa nait̄tsiyo. <sup>12</sup> Bapon Nacom peitabaratha tatsi umena pomonae xua caena bayatha werapa xua pomonae peacopeibi jiwi irano pomonae copei pexeinae jiwi. Bapoxonae diboron patapenta, yawano pataxuba po diborotha ba nacapanenebiya tsaibi pomonae Nacom pia peantobewichi poxonae w̄n tinadubatsi barapo diborotha. Pomonae xua caena bayatha werapa daxita itawetatsi. Barapomonae yabara cui j̄piya exanatsi be po coyeneya bayatha abe exana xua barapo diborotha pecui yabara tinaexaetsi xua poxonae barapomonae abe exana. Daxota barapomonae atene tsane. <sup>13</sup> Barichi pomonae ir̄ pin mar mentha notatsi, barapomonae Nacomtha pata. Ir̄ pomonae iratha bobena ira wejjuina xua Nacomtha pepatsinexa. Daxita barapomonae Nacom peitabaratha tatsi umena xua baxota peyabara paebinxatsi xua Nacom yabara paebina xua penatsicuentsiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana. <sup>14</sup> Nacom cana exana po coyenewa xua jiwi t̄pa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonae pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo pet̄pae coyenewa apara xua jiwi caewa werapaena po jiwi jopa pejume cow̄ntsiwi. <sup>15</sup> Ir̄r̄ pomonae xua jopa w̄n dubenaeyo barapo diborotha po diborotha ba jiwi nacapanenebiya tsaibi poxonae w̄n dubeibatsi, barapomonae ir̄ barapo isoto pucuatha bebaichi, Nacom bebai.

## 21

*Meje yabara po diwesi xua pena itaboco yawa xua pena ira*

<sup>1</sup> Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa nait̄tsiyo. Yawano pin mar mene aichurucuae. <sup>2</sup> Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yab̄yo ichi xua poxonae nacui xaxainchiya weta xua poxonae pecotsiwa per̄ nacoyobina. <sup>3</sup> Jume tan pejume xua peitaboco wetsica



jume daunweya jeye: “Taema anoxuae Nacom popona pebiwitha. Nacom baru poponaena, bara barapomona Nacom pijimona tatsi tsane. Nacom ataya tsitecaeya baru poponaena barapomona penacana exanaexae xua piamona tatsi pia Nacom tatsi. <sup>4</sup>Barapomona Nacom itacuere mene canotsina xua pewecoyeixa, xua barapomona equeicha jopa peatenewa tsane. Equeicha jiwi jopa werapae tsane barapo petupae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

<sup>5</sup> Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamona itacupatsi xua tana neyabara jume cowantsiwa xua bara exanaein pocotsiwa xua taneme”, nejei Nacom.

<sup>6</sup> Bapoxona equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxona aena daxita tamropata pitaban. Matautano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxona jiwi yawenan. Pon xua bejuntu coyene jichatsi xua ajuntucoyenyapusu peexanaewatsi bara bapon amanaya catsin peajuntucoyenyapusuwa, po peajuntucoyenyapusuwa xua ataya tsiteca. <sup>7</sup> Pon xua juntu coyene amanayaba caurimona poxona caurimona bequein abe exana bapontha, bapon xeinaena pocotsiwa be pentoma pocotsiwa xua bayatha juntu jeban bapon. Barapon pia Nacom tatsin tsane yawa barapon apara bara taxanto tsane. <sup>8</sup> Ichitha pomona pijunuwi jopa nejume cowantsiyo xua ichamona abe peexanaewa tsane barapomonaetha iruru pomona jopa benejume cowantsiyo, iruru pomona peajuntucoyenebewi, iruru pomona jiwi pejutebiwi, iruru pomona xua penasi cui exanaewi xua peweiveinaewa, iruru pomona mara pexeinaewi iruru pomona wuna pejainchiwi ibo nacom, iruru pomona naerabiya pepaebiwi, daxita barapomona bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewun azufre matawun. Barapo petupae coyenewa apara xua poxona equeicha jiwi caewa werapaena pomona pejume cowantsiwi”, jei Nacom pon eca pia pexeinya peecaethopaewatha.

### *Meje yabara po diwesi xua pena Jerusalén tomara*

<sup>9</sup> Bapoxona matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wunba peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itutsinchi Cordero pecotsiwa tatsi xua bara yatsicaya piowa tatsi”, jei matatsunpin. <sup>10</sup> Tananetsita itutsiwatha xua poxona Nacom pia Pejumope tuxu tatsi netsita ituta bapoxona matatsunpin necapona pin demxuwa beya po demxuwa xua bichocono tuxa. Yawano baxotiya matatsunpin netsita ituta Nacom pia pepa pexeinya tomara tatsi ichaxota jinompa pomona peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. <sup>11</sup> Barapo tomara bichocono wuna xua pentha exanuncua Nacom pia pexeinya itupanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itupana po iboto ira buxupana iboto. Bara pocotsi itupanae iboto jaspe matawun, po iboto xua epa nasaba. <sup>12</sup> Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amuxubugtiyu xuanu xua bichocono tuxa. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wun dudubenapoinya Israel pia pemomoxi susato bicheiton tatsi. <sup>13</sup> Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena

ainya acoibibe po coibotobe nantiya ducuabe. <sup>14</sup> Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wɔn dubena pewɔnxi xua doce poyobe pomonae Cordero pia peitorobi jiwi tatsi.

<sup>15</sup> Barapo matatsunpin, po matatsunpin netsipaeba, bapon capatopa pocotsiwa xua pecacanaɔbiwa xua be naewa xua oro nainto peepa canaɔbinexa tomara yawa pecoiboton yawa curara. <sup>16</sup> Tomara nantiya namɔxɔbɔrɔ jɔrabe xua apiya dena. Barapo matatsunpin epa canɔbarena barapo tomara dos mil doscientos po kilómetrobe xeina xua apiya dena yawa xua taɔcha xua asiyeicha daxita baxuan nantiya naepa jɔra. <sup>17</sup> Baroxonae epa canaɔba curara mɔxɔbɔrɔ sesenta y cinco po metrobe xeina xua pemɔxɔbɔrɔ xua aitiyɔ. Baxuan matatsunpin exana be jiwi pia pecanaɔbiya coyenewa tatsi.

<sup>18</sup> Curara iboton ɔ xuan pexeinya iboton, xua ira bɔxɔpana iboton xuan jaspe matawɔn. Tomara acaba ɔ xuan pocotsiwan oro matawɔn be xuan peepa nasabiwan. <sup>19</sup> Po iboton ira weumeina xua doce po ibotonbe, daxita mata pepena xua mata wɔnae exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawɔn. Po iboto ichaxota ba “dos”, jei, barapo iboto mata pepena xua zafiro ibo matawɔn. Po iboto ichaxota ba “tres”, jei, barapo iboto mata pepena ágata ibo matawɔn. Po iboto ichaxota ba “cuatro”, jei, barapo iboto mata pepena esmeralda ibo matawɔn. <sup>20</sup> Po iboto ichaxota ba “cinco”, jei, barapo iboto mata pepena ónice ibo matawɔn. Po iboto ichaxota ba “seis”, jei, barapo iboto mata pepena cornalina ibo matawɔn. Po iboto ichaxota ba “siete”, jei, barapo iboto mata pepena crisólito ibo matawɔn. Po iboto ichaxota ba “ocho”, jei, barapo iboto mata pepena berilo ibo matawɔn. Po iboto ichaxota ba “nueve”, jei, barapo iboto mata pepena topacio ibo matawɔn. Po iboto ichaxota ba “diez”, jei, barapo iboto mata pepena crisoprasa ibo matawɔn. Po iboto ichaxota ba “once”, jei, barapo iboto mata pepena jacinto ibo matawɔn. Po iboto ichaxota ba “doce”, jei, barapo iboto mata pepena amatista ibo matawɔn. <sup>21</sup> Barapo doce po boupanbe exana ɔ xuan be perla matawɔn xua daxita barompaya peboupan tsiniya. Barapo pepa namto xua tomaratha exana ɔ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

<sup>22</sup> Barapo tomaratha jopa taeinyo Nacom pin pia bo tatsi tsipei bara Nacom baxota peponaexae po Nacom daxita pia peayapusɔ itorobi coyenewan xeina. Irɔrɔ xua baxota peponaexae Cordero daxota jopa nantawenonaeyo Nacom pin pia bo tatsi. <sup>23</sup> Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano irɔrɔ xeina Cordero barapo coicha. <sup>24</sup> Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wɔnae pejainchiwatsi po coyene xua tsita exanatsi xua bayatha jiwi tsita exana barapomonaetha. <sup>25</sup> Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae. <sup>26</sup> Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewɔnaewan xua be copei. Mataɔtano Nacom catatsi po coyene xua Nacom wɔnae pejainchiwatsi. <sup>27</sup> Ichitha xua xuan peabe coyenein bapana jopa patsi tsane barapo tomaratha. Mataɔtano jopa patsi tsane baxota pomonae abe peexanaewi irɔrɔ pomonae pemuxuitorobiwi. Saya meisa patsina baxota pomonae wɔn dubena po diborotha ba jiwi nacapanenebiya tsaibi poxonae wɔn dubeibatsi baxota, xua po diboro xeina Cordero.

## 22

<sup>1</sup> Nexata matatsunpin netsita itata mene, po mene xua mene itarana, po mene xua jiwi axumerasɔ exanatsi, xua icha Nacom ichi xua jiwi ajɔntɔcoyeneyapusɔ exanatsi.

Barapo mene bichocono mene itarana icha bosibũ ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona. <sup>2</sup> Barapo mene, mene ducuaaponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajũntũcoyenyapũ exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua jũntema pejinompaewa xua jopa peatenewa. <sup>3</sup> Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi irũ baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom wũnae jainchinchĩ. <sup>4</sup> Bapoxonae jiwi Nacom itabara taeya cueicueijeĩ tsainchi. Barapomonae peitapatha cainompaena Nacom pewũn tatsi. <sup>5</sup> Barapo tomaratha ataya tsitecaeya jopa quirei tsounae tsaibi tsane. Pomonae baxota jinompa jopa nantawenonae tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Irũ pomonae baxota jinompa jiwi itorobiya ewatsinchĩ xua ataya tsitecaeya tsane.

*Meje yabara po diwesi xua Jesucristo poxonae patopeicaena xua imoxoyo bara nama*

<sup>6</sup> Bapoxonae equeicha matatsunpin nejei: “Barapo jumein pexainyei jumein. Daxota ichamonae itacũpatsi xua tana neyabara jume cowũntsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tũnaxũ tatsi xua jiwi peyawenaewa tsainchi xua poxonae jiwi cueicueijeĩ Nacom nexa. Yawano Nacom itoroba pia matatsunpin xua petsita itũtsinexa pomonae pia penacajume caitorobi diwesi tatsi petacueicueijeichiwichi xua barapo matatsunpin barapomonae yabara petsipaebinxatsi po coyene Nacom imoxoyo exanaenaba”, nejei.

<sup>7</sup> Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! ¡jũntũ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jeĩ barapo matatsunpin xua Jesús tapaebatsi.

<sup>8</sup> Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita itũta, bapoxonae bapon petaxutha irabe taeuncuarecan xua wũnae tajainchinexa bapon. <sup>9</sup> Ichitha bapon nejei: “¡Bara! Jopa baxua neexanaeinde. Apra xan ponxaein taexanaein Nacom piawa tatsi, icha xam ichim yawa icha pomonae jinya jiwimonae ichi, pomonae Nacom peitorobi jume pepaebiwi, irũno pomonae xua jume cowũnta dubenanaebiya daxita po coyenein xua po diborothe tinan. Jame Nacom bapon wũnae jainde”, nejei matatsunpin.

<sup>10</sup> Yawano nejei: “Jopa moya yawũn xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. <sup>11</sup> Poxonae cataunxuae Nacom jopa wetsiyo, pon xua abe peexanaein, bũ moya bara abe exana ducuaenaebiya. Irũ pon xua nanthũ coyene xeina peacuirucoyenebewan, bũ moya bara baxuan nanta xeina ducuaenaebiyaena. Ichitha pon wũnae exana Nacom nexa, bũ moya exana ducuaenaebiya. Pon xua Nacom petsita naexanaewatsi xua penthũthũ xeicaein penaexanaewa, bũ moya bara Nacom jume cowũnta ducuaenaebiyatsi”, nejei.

<sup>12</sup> Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. <sup>13</sup> Xan ponxaein apra ataya tsitecaeya tapoponaein xua poxonae aena daxita

tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

<sup>14</sup> Juntũ coyene weiweinaena pomonae najuntũ coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itacũpaeinchi xua joniyaena tomara coiboto iya tsipei pia paparuwan inyapana yawa juntũ coyene wũnae. Yawa barapomonae itacũpaeinchi xua tomaratha iya xaena po pethei pexaewa, po pethei jiwi ajuntũcoyenesũ exainchi. <sup>15</sup> Ichitha nama aisowatha xua tomara jumatha umenaena pomonae peajuntũcuiroyenebewi irũrũ pomonae mara pexeinaewi. Yawano pesatotha umena pomonae penata siwa xeinaewi yabũxitha, irũno pomonae jiwi pejutewiwinno, irũno pomonae ibo nacom wũnae pejainchiwi. Daxitano pomonae becui jichatsi xua naerabiya pepaebiwi xua naerabiya exanano, barapomonae pesatotha umenaena.

<sup>16</sup> Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwana pin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wũnae xua poto baya ecoina poxonae icha matacabi patopa, xan barichin. Patopan tacapatopaenexa jiwitha po coyene xua bichocono wũnae po coyene xua Nacom tsiexana, xua jiwi tsiexanatsi”, nejei Jesús.

<sup>17</sup> Nacom pia Pejumope tũnaxũ tatsi, irũ Cordero pia pecotsiwa tatsi, pomonae Nacom pia pejume cowantsiwichixaetsi, jeye Jesustha: “Anetha”, jei Nacom pia Pejumope tũnaxũ tatsi irũ Cordero pia pecotsiwa tatsi. Pomonae xua irũrũ jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bũ apa po mera jiwi ajuntũyapususũ exainchi xua saya amanaya nexa”, jan.

<sup>18</sup> Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichũn mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe.

<sup>19</sup> Icha ichũn jiwana jume wexuba xua po diborothe paeba, xuya Nacom pia diborothe wũn xubina, po diborothe jiwi nacapanenebiya tsaibi poxonae wũn dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa irũ barapo tomarano barapo diborothe yabara tina.

<sup>20</sup> Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxam Tanecanamataxeinaem, jan.

<sup>21</sup> Jesucristo, pon jiwi Pecanamataxeinaein, barabũ paca yawenaena pia painya nepaca caantobexae daxita paxam. Je bara ichi tsane.

Baja Juan.